

SCF
1818
c.2

Plures scripsit Calvinus libros, utilitate & doctrina præstantes: hic tamen
reliquis omnibus palmam præripit, idcirco ob insignem præstantiam primus
& ultimus liber Calvini dicatur. De quo Paulus Hurius ita cecinit:
præter Apostolicas post Christi tempora chartas;
huic peperere libro secula nulla paræm.

Inr Gersgalebatn Salmasius soll gnsagt habn, wdan nr Inr Calvin
institutiones gnschribn sät, sät in ihm solbign grössern wüßn
muelowbn, als wdan nrdj dinstn im Jastlwinfn schribt
Hugonis Grotii Gsamm gatroagn sät. Vid Jac. Hot. Helvet.
Kirch gnschribt Tom. 3. p. 718.

INSTITVTIO CHRI-

stianæ religionis, in libros quatuor nunc primum digesta, certisque distincta capitibus, ad aptissimam methodum: aucta etiam tam magna accessione vt propemodum opus nouum haberi possit.

IOHANNE CALVINO AVTHORE.



Oliua Roberti Stephani.

GENEVÆ.

M. D. LIX.

PRAECIPVA CAPITA EORVM QVAE IN HOC INSTITUTIONIS Christianae opere continentur.

de Abnegatione nostri.	lib. 3. cap. 7	de Legibus.	lib. 4. cap. 20
de Adelapfu.	lib. 1. cap. 1	de Libero arbitrio.	lib. 1. cap. 15, & lib. 2. cap. 2 & 5
de Angelis.	lib. 1. cap. 14	de Libertate Christiana.	lib. 3. cap. 19
de Ascensu Christi in caelum.	lib. 2. cap. 16	de Matrimonio.	lib. 4. cap. 19
de Baptismo.	lib. 4. cap. 15	de Mediatore Christo.	lib. 2. cap. 12
de Charitate proximi.	lib. 2. cap. 8	Ex mercede malè colligi operum iustitiam.	1. 3. c. 18
de Calibatu Sacerdotum.	lib. 4. cap. 12	de Meritis operum.	lib. 3. cap. 15
de Coena Christi.	lib. 4. cap. 17	de Missa Papali.	lib. 4. cap. 18
de Conciliis, & eorum autoritate.	lib. 4. cap. 9	de Monachatu.	lib. 2. cap. 13
de Cōfessione Papali, & satisfactione.	lib. 3. cap. 4	de Morte Christi.	lib. 2. cap. 16
de Confirmatione Papali.	lib. 4. cap. 19	Mundum à Deo conditum, ab eodem foueri ac gubernari.	lib. 1. cap. 16
de Conscientia.	lib. 3. cap. 19	de Mundi gubernatione.	lib. 1. cap. 16
Christus ad quid missus.	lib. 2. cap. 15	de Oratione.	lib. 3. cap. 20
de Christi diuinitate.	lib. 2. cap. 14	de Ordinibus Ecclesiasticis Papae.	lib. 4. cap. 19
Quomodo Christi persona vna sit in duabus naturis.	lib. 2. cap. 14	de Ordine & ministeriis Ecclesiae.	lib. 4. cap. 3
de Descensu Christi ad inferos.	lib. 3. cap. 16	de Padobaptismo.	lib. 4. cap. 16
Quomodo Christus mediator.	lib. 2. cap. 12	de Pastorum electione & officio.	lib. 4. cap. 3
Christum nobis meritum esse vitam aeternam.	lib. 2. cap. 17	de Peccato in Spiritum sanctum.	lib. 3. cap. 3
Christus Propheta, Rex & Sacerdos.	lib. 2. cap. 15	de Peccato originali.	lib. 2. cap. 1
de Crucis tolerantia.	lib. 3. cap. 8	de Pœnitentia vera.	lib. 3. cap. 3
de Dei nobilitate.	lib. 1. cap. 1, & sequentibus.	de Pœnitentia papali.	lib. 4. cap. 19
Cognosce Deū naturaliter ab omnibus.	lib. 1. cap. 3	de Politica administratione.	lib. 4. cap. 20
Cognitio Dei quorsum tendat.	lib. 1. cap. 2	de Prædestinatione Dei.	lib. 3. cap. 11
Dei cognitionem suffocari vel incitia vel malitia hominum.	lib. 1. cap. 4	Promissionum Legis & Euangelii conciliatio.	lib. 3. cap. 17.
de vnica Dei essentia, & tribus personis.	lib. 1. cap. 13	de Prouidentia Dei.	lib. 1. cap. 16
Impiorū operibus quomodo vtatur Deus.	lib. 1. cap. 18	de Purgatorio.	lib. 3. cap. 5
de Diabolis.	lib. 1. cap. 14	Redemptor Christus.	lib. 2. cap. 16
de Ecclesia.	lib. 4. cap. 1	de Regeneratione.	lib. 3. cap. 3
Ecclesiae verae & falsae comparatio.	lib. 4. cap. 2	de Romanae sedis primatu & Romani papatus exordio.	lib. 4. cap. 6. 7
de Ecclesiae iurisdictione & disciplina.	lib. 4. ca. 11. 12	Reprobos sua culpa accersere sibi interitū ad quem sunt praedestinati.	lib. 3. cap. 14
de Ecclesiae potestate quoad leges ferendas.	lib. 4. c. 10	de Resurrectione Christi.	lib. 2. cap. 16
de Ecclesiae potestate quoad fidei dogmata.	lib. 4. c. 8	de Resurrectione vltima.	lib. 3. cap. 15
de veteris Ecclesiae statu.	lib. 4. cap. 4	de Sacramentis.	lib. 4. cap. 14
de Electione aeterna.	lib. 3. cap. 21	de falso nominatis Sacramentis	lib. 14. cap. 19
Vocatione sanciri aeternā Dei electionē.	lib. 3. cap. 14	de Sanctorum intercessionē.	lib. 3. cap. 20
de Fide.	lib. 3. cap. 2	de Satisfactione Papali.	lib. 3. cap. 4
de Haereticis & schismaticis.	lib. 4. cap. 1	de Scandalo.	lib. 3. cap. 19
de Hominis creatione.	lib. 1. cap. 15	Scripturae sacrae auctoritas.	lib. 1. cap. 6
de Idolis.	lib. 1. cap. 11 & 12	Scripturae doctrinam necessariam nobis esse.	lib. 1. c. 9
de Ieiunio.	lib. 4. cap. 12	de Spiritu sancto, & illius officiis.	lib. 3. cap. 1
de Iesu nomine.	lib. 2. cap. 15	de Spiritus arcana operatione.	lib. 3. cap. 1
de Imagine Dei.	lib. 1. cap. 11	Testamenti veteris & noui similitudo.	lib. 2. cap. 10
Imaginem Deo affingere, nefas esse.	lib. 4. cap. 19	de Traditionibus humanis.	lib. 4. cap. 10
de Impositione manuum.	lib. 3. cap. 5	de Trinitate.	lib. 1. cap. 13
de Indulgentiis.	lib. 4. cap. 20	de Vita hominis Christiani.	lib. 3. cap. 6
de Iudiciis forensibus.	lib. 2. cap. 8	de Vitae futurae meditatione.	lib. 3. cap. 9
de Iuramento.	lib. 3. cap. 11	Vita praesenti quomodo vtendum.	lib. 3. cap. 10
de Iustificatione fidei.	lib. 3. cap. 14	Vocatione sanciri aeternā Dei electionē.	lib. 3. cap. 14
de Iustificationis initio & progressu.	lib. 3. cap. 13	de Vocatione sua diligenter cuique inspicienda.	lib. 3. cap. 7
In iustificatione quae obseruanda.	lib. 2. cap. 7	de Votis.	lib. 4. cap. 13
de Lege.	lib. 2. cap. 7	de Vnctione vltima Papali.	lib. 4. cap. 19
de Lege, ipsius fine, officio & vsu.	lib. 1. cap. 8		
Legis moralis explicatio.			

Haec omnia perspicue ac solide in hisce Institutionibus tractantur: & quicquid aduersarii contra obiciunt, ita confutatur, vt cuius pio lectori ita satisfiat, nequid eū posthac morentur sophistarum fuci.

Iohannes Calvinus Lectori.

IN prima huius nostri operis editione quia cum quem pro immensa sua bonitate Dominus successum dedit, minime expectabam, leuiter, maiori ex parte (vt in minutis operibus fieri solet) defunctus eram: verum quum intelligerem, eo piorum ferè omnium fauore exceptum esse quem nunquã voto expetere, nedum sperare ausus fuisssem: vt mihi plus multo deferri ex animo sentiebam quàm essem promeritus, ita magnæ ingratitudinis fore putaui nisi adeò propèsis in me studiis, ac meam industriam sponte inuitantibus, respondere saltem pro mea tenuitate conarer. Neque id secunda tantum editione tentauit: sed quoties deinde excusum fuit opus, nonnulla accessione locupletatum fuit. Et si autem laboris tunc impeni me nò pœnitebat: nunquam tamen mihi satisfeci, donec in hunc ordinem qui nunc proponitur digestum fuit. Nunc me dedisse cōfido quod vestro omnium iudicio probetur. Certè quanto studio ad operam hanc Ecclesiæ Dei præstandā incubuerim, luculētum testimonium proferre licet, quòd proxima hyeme dū existimabā à febre quartana mortē mihi denūtiari, quo magis vrgebat morbus, eo minus mihi peperci, donec librum superstite relinquerem, qui tam benignæ piorum inuitationi gratiam aliquam repēderet. Maluisssem equidem citius, verum sat citò si fat bene. Opportunè autem prodisse tunc putabo vbi sensero vberiorē adhuc quàm antehac fructum aliquem Ecclesiæ dei attulisse, hoc mihi vnicum votum. Et sanè mecum malè ageretur nisi vnus Dei approbatione contentus, vel stulta & peruersa imperitorū hominū, vel iniqua & maligna improborū iudicia contemnerem. Nam quanuis Deus & propagandi regni sui, & adiuuandæ publicæ utilitatis studio animum meum penitus addixerit: mihi quoque probè conscius sim, ipsum & angelos testes habeam, nihil ex quo officiū doctoris in Ecclesia suscepī, mihi fuisse propositum quàm Ecclesiæ prodesse, sinceram pietatis doctrinam asserendo: neminem tamen esse puto qui pluribus impetatur, mordeatur & laceretur calumniis. Quū iam sub prelo esset epistola, certò rescui, Augustæ, vbi cōuentus ordinum Imperii agebatur, sparsum fuisse de mea ad Papatum defectione rumorem, & cupidius quàm par erat in aulis Principū exceptum. Hæc est scilicet eorum gratitudo quos certè non latent plurima constantiæ meæ experimenta, quæ vt calumniā adeò fœdam respuunt, ita ab ea me apud omnes æquos & humanos iudices tueri debuerāt. Fallitur autē cum tota sua caterua Diabolus, si me putidis mendaciis obruendo, hac indignitate fractiorem vel magis lentum fore putat: quia Deum pro immensa sua bonitate daturum mihi confido vt in cursu sanctæ suæ vocationis æquali tolerantia perseuerem. Cuius rei nouum in hac editione documentum piis lectoribus exhibeo. Porro hoc mihi in isto labore propositum fuit, sacræ Theologiæ candidatos ad diuini verbi lectionem ita præparare & instruere, vt & facilem ad eam aditum habere, & inoffenso in ea gradu pergere queāt. siquidem religionis summam omnibus partibus sic mihi complexus esse videor, & eo quoque ordine digessisse, vt si quis eam rectè tenuerit, ei nò

fit difficile statuere & quid potissimum quærere in Scriptura, & quem in scopum quicquid in ea continetur referre debeat. Itaque, hac veluti strata via, si quas posthac Scripturæ enarrationes edidero, quia non necesse habebō de dogmatibus longas disputationes instituere, & in locos communes euagari: eas compendio semper astringam. Ea ratione, magna molestia & fastidio pius lector subleuabitur: modò præsentis operis cognitione, quasi necessario instrumento, præmunitus accedat. Sed quia huius instituti ratio in tot meis commētariis quasi in speculis clarè apparet, re ipsa malo declarare quale sit, quàm verbis prædicare. Vale amice Lector, & si quem ex meis laboribus fructum percipis, me precibus tuis apud Deum patrem nostrum adiuua.

Geneuæ. Calend. Augusti. ANNO M. D. LIX.

Quos animus fuerat tenui excusare libello,
Discendi studio magnum fecere volumen.

Augustinus Epist. 7

Ego ex eorum numero me esse profiteor qui scribunt
proficiendo, & scribendo proficiunt.

INSTITVTIONIS CHRIS- tianæ religionis Liber primus.

DE COGNITIONE DEI CREATORIS.

Dei notitiam & nostri res esse coniunctas, & quomodo inter se cohercam.

G A P. 2.



TO T A ferè sapientiæ nostræ summa, quæ vera demû ac solida sapientia censeri debeat, duabus partibus cõstat. Dei cognitio ne & nostri. Caterû quû multis inter se vinculis cõnexæ sint, vtra tamen alterâ præcedat, & ex se pariat, nõ facile est discernere. Nam primò, se nemo aspicere potest quin ad Dei in quo viuit & mouetur, intuitû sensus suos protinus conuertat: quia minimè obscurum est, dotes quibus pollemus, nequaquã à nobis esse. imò ne id quidẽ ipsum quod sumus, aliud esse quàm in vno Deo subsistentiã. Deinde ab his bonis quæ guttatim è cælo ad nos stillât, tanquã à riuulis ad fontẽ deducimur. Iam verò ex nostra tenuitate melius apparet illa, quæ in Deo residet bonorû infinitas. Præsertim miserabilis hæc ruina, in quã nos deiecit primi hominis defectio, sursum oculos cogit attollere, nõ modo vt inde ieiuni & famelici petamus quod nobis deest, sed metu expergefacti, humilitatẽ discamus. Nã vt in homine reperitur quidam miseriarû omnium mûdus, ac ex quo spoliati sumus diuino ornatu, pudenda nuditas immensam probrorû cõgeriem detegit: propriæ infelicitatis conscientia vnũquẽque pungi necesse est, vt in aliquam saltem Dei notitiam veniat. Ita ex ignoratiã, vanitatis, inopiæ, infirmitatis, prauitatis denique & corruptionis propriæ sensu recognoscimus, non alibi quàm in Domino sitam esse verã sapientiæ lucem, solidam virtutẽ, bonorum omnium perfectam affluentiam, iustitiæ puritatẽ. atque adeò malis nostris ad consideranda Dei bona excitamur: nec antè ad illũ feriò aspirare possumus, quàm coeperimus nobis ipsis displicere. Quis enim hominũ non libèter in se requiescat? quis etiam non requiescit quãdiu sibi est incognitus, hoc est, suis dotibus est cõtentus, & inscius suæ miserix vel immemor? Proinde vnusquisque sui agnitione non tantũ instigatur ad quærendum Deum, sed etiam ad reperiendum quasi manu ducitur.

Rursum, hominem in puram sui notitiam nunquã peruenire constat nisi prius Dei faciem sit contẽplatus, atque ex illius intuitu ad seipsum inspiciendũ descẽdat. Nam (quæ ingenita est omnibus nobis superbia) iusti semper nobis videmur & integri, & sapiẽtes, & sancti: nisi manifestis argumentis, iniustitiæ, fœditatis, stultitiæ, & impuritatis nostræ cõuincamur. Non autẽ conuincimur si in nos duntaxat ipsos respicimus, & non in Dominum quoque: qui vnica est regula ad quam exigendũ est istud iudiciũ. Quia enim ad hypocrisis naturam propensi sumus omnes, ideo inanis quædam iustitiæ species pro iustitia ipsa nobis abundè satisfacit. Et quia nihil inter nos vel circum apparet quod non sit plurius obsecrante inquinatum: quod paulo minus fœdum est, pro purissimo arridet quãdiu mentem nostrã intra humanæ pollutionis fines cõtinemus. Non secus atque oculus, cui nihil aliàs obuersatur nisi nigri coloris, candidissimũ esse iudicat quod tamen sub obscura est albedine, vel nõnulla etiam fuscẽdine aspersum. Quin ex corporeo sensu propius adhuc discernere licet quantũ in æstimãdis animæ virtutibus hallucinemur. Nam si vel terrã despiciamus medio die, vel intuemur quæ aspectui nostro circumcirca patèt, validissima perspicacissimãque acie videmur nobis præditi: at vbi in solẽ suspicimus, atque ætatis oculis contẽplamur, vis illa quæ egregiè in terra valebat, tãto fulgore protin' perstringitur & cõfunditur, vt fateri cogamur, illud nostrũ in considerandis terrenis acumen, vbi ad solem vètum est, merã esse hebetudinẽ. Ita & in reputandis spiritualibus nostris bonis contingit. quantisper enim extra terrã non respicimus, propria iustitia, sapientia, virtute pulchrè contenti, nobis suauissimè blandimur, & tantũ non semidei videmur. at si semel

INSTITVTIONIS LIB. I.

coeperimus cogitationē in Deum erigere, & expendere qualis sit, & quā exacta iustitiæ, sapientię, virtutis eius perfectio, ad cuius amūssim cōformari nos oportet: quod antea in nobis falso iustitiæ prætextu arridebat, pro sūma iniquitate mox sordescet: quod mirificè imponebat sapientiæ titulo, pro extrema stultitia ferebit: quod virtutis faciem præ se ferebat, miserrima impotētia esse argueretur: adeò diuinæ puritati male respondet quod videtur in nobis vel absolutissimum.

3 Hinc horror ille & stupor, quo passim Scriptura recitat perculsos atque afflictos fuisse sanctos quoties Dei præsentia sentiebāt. Quū enim eos videamus, qui absente ipso securi firmique consistebant, ipso gloriā suā manifestante, sic quate fieri ac cōsternari vt mortis horrore concidant, imò absorbeantur, & penè nulli sint: colligendū inde est, hominē humilitatis suæ agnitione nunquam satis tangi & affici, nisi postquam se ad Dei maiestare cōparauit. Eius autem cōsternationis exempla crebra habemus tum in Iudiciis, tum in Prophetis: adeò vt vox illa in Dei populo vsitata foret, Moriemur, quia Dominus apparuit nobis. Ideo & historia Iob ad prosternēdos suā stultitiā, impotētiā, pollutionis conscientia homines, potissimū semper argumentū à diuinā sapiētiā, virtutis, puritatis descriptione ducit. Neque frustra. videmus enim vt Abrahā melius se terrā & puluerem agnoscat, ex quo propius ad conspiciendā Domini gloriam accessit: vt Elias reiecta facie, eius accessum expectare non sustineat: tantū est in aspectu formidinis. Et quid faciat homo putredo ac vermis, quū ipsos quoque Cherubim velare, ipso pauore, faciē suam oporteat: Hoc scilicet est quod dicit propheta Iesaias, Erubescet sol, & confundetur luna quū Dominus exercituum regnauerit: hoc est, Vbi claritatē suā extulerit, ac propius admouerit, lucidissimū quodque præ illa tenebris obscurabitur. Vt cunque tamen Dei nostrique notitia mutuo inter se nexu sint colligata, ordo rectē docendi postulat vt de illa priore disseramus loco, tum ad hanc tractandam postea descendamus.

Quid sit Deum cognoscere, & in quem finem tendat eius cognitio.

CAP. II.

NAM verò Dei notitiā intelligo, qua non modo cōcipimus aliquē esse Deum, sed etiam tenemus quod de eo scire nostra refert, quod vtile est in eius gloriā, quod denique expedit. Neque enim Deū, propriē loquēdo, cognosci dicemus vbi nulla est religio nec pietas. Atque hic nōdum attingo eam notitiā speciē qua homines in se perditī ac maledictī Deum redēptorem in Christo mediatorē apprehendunt: sed tantū de prima illa & simplici loquor, ad quam nos deduceret genuinus naturæ ordo si integer stetisset Adam. Nā etsi nemo iam in hac humani generis ruina Deum vel patrem, vel salutis authorē, vel vllō modo propitium sentiet donec ad eum nobis pacificandū medius occurrat Christus: aliud tamen est sentire Deum fictorem nostrū sua nos potētia fulcire, prouidētia regere, bonitate fouere, omnique benedictionū genere prosequi: aliud verò, gratiam reconciliationis in Christo nobis propositā amplecti. Quia ergo Dominus primū simpliciter creator tam in mundi opificio, quā in generali Scripturæ doctrina, deinde in Christi facie redēptor apparet: hinc duplex emergit eius cognitio: quarum nunc prior tractanda est, altera deinde suo ordine sequetur. Quāquā autem Deum apprehendere mens nostra non potest quin illi cultū aliquem tribuat: non tamen simpliciter tenere sufficiet illū esse vnum quē ab omnibus oporteat coli & adorari: nisi etiam persuasi simus fontem omnium bonorū esse: nequid alibi quā in ipso quaeramus. Hoc ita accipio, non solum quod mundū hunc, vt semel cōdidit, sic immensa potentia sustineat, sapientia moderetur, bonitate cōseruet, humanū genus præsertim iustitia iudiciōque regat, misericordia toleret, præsidio tueatur: sed quia nusquā vel sapientiæ ac lucis, vel iustitiæ, vel potētiæ, vel rectitudinis, vel sinceræ veritatis gutta reperietur quæ nō ab ipso fluat, & cuius ipse nō sit causa: vt hæc scilicet omnia ab ipso expectare & petere discamus, eique eum gratiarum actione accepta referre. Nam hic virtutū Dei sensus nobis idoneus est pietatis magister, ex qua religio nascitur. Pietatē voco coniūctam cum amore Dei reuerentiā quam beneficiorū eius notitia conciliat. Donec enim sentiāt homines, Deo se omnia debere, paterna se eius cura foueri, eum sibi omnium bonorū esse authorē, vt nihil extra ipsum quaerendum sit, nunquā ei se voluntaria obseruantia subiicient. imò nisi solidam in eo felicitatem sibi constituent, nunquam se illi verē & ex animo totos addicent.

Itaque frigidis tantū speculationibus ludunt quibus in hac quaestione insistere propositum est, quid sit Deus: quū inter sit nostra potius, qualis sit, & quid eius naturæ conueniat scire. Quorsum enim attinet, Deum aliquē cum Epicuro fateri, qui abiecta mundi cura se otio tātum oblectet: Quid denique iuuat Deum cognoscere quocū nihil sit nobis negotii? Quin potius huc valere debet eius notitia, primū vt ad timorē ac reuerentiā nos instituat:

deinde ut ea duce ac magistra omne bonum ab illo petere, & illi acceptum ferre discamus. Quomodo enim mentem tuam subire queat Dei cogitatio, quin simul exemplo cogites, quum fumentum illius sis, eiusdem imperio esse ipso creationis iure addictum & mancipatum? vitam illi deberi? quicquid instituis, quicquid agis, ad illum referri oportere? Id si est, iam profecto sequitur vitam tuam prave corrumpi nisi ad obsequium eius componitur: quando nobis viuendi lex esse debet eius voluntas. Rursum nec ad liquidum perspicere ipsum potes, nisi ut bonorum omnium fontem esse & originem agnoscas: unde & desiderium illi adherendi, & fiducia in ipsum nasceretur si non sua mentem hominis prauitas à recta inuestigatione abduceret. Nam initio pia mens Deum non quemlibet sibi somniat, sed unicum & verum dumtaxat intuetur. neque illi quodcunque visum fuerit, affingit, sed talem habere contenta est qualis se manifestat ipse, summaque diligentia semper cauet ne audaci temeritate ultra voluntatem eius egressa, perperam vagetur. Ita cognitum quia cuncta moderari intelligit, tutorem sibi esse confidit ac protectorem, ideoque in eius fidem totam se confert. quia bonorum omnium intelligit esse auctorem, siquid premit, siquid deest, mox se recipit in eius praesidium, opem ab eo expectans. quia bonum & misericordem esse persuasa est, in eum certa fiducia recubitat, nec dubitat malis suis omnibus semper in eius clementia paratum fore remedium. quia dominum ac patrem agnoscit, eum quoque dignum statuit esse cuius imperium in omnibus intueri, maiestatem suspicere, gloriam promouendam curare, mandatis obsequi debeat. quia iustum esse iudicem videt, suamque seueritate armatum ad vindicanda scelera, eius tribunal semper in conspectu sibi proponit, ac ipsius metu se retrahit ac cohibet ab ira eius prouocanda. Neque tamen iudicii eius sensu ita terretur ut subducere se velit, etiam si quod pateat effugium: quin illum non minus amplectitur malorum ultorem, quam erga pios beneficium, quando ad eius gloriam non minus pertinere intelligit, impiis & sceleratis apud eum repositam esse poenam, quam iustis vitam aeternae mercedem. Praeterea non sola vindictae formidine se cohercet à peccando, sed quia Deum loco patris amat & reueretur, loco domini obseruat & colit, etiam si nulli essent inferi, solam tamen eius offensionem horret. En quid sit pura germanaque religio, nempe fides cum serio Dei timore coniuncta: ut timor & voluntariam reuerentiam in se contineat, & secum trahat legitimum cultum qualis in Lege praescribitur. Atque hoc diligentius notandum est, quod omnes promiscue venerantur Deum, paucissimi reuerentur, dum ubique magna est in ceremoniis ostentatio, rara autem cordibus sinceritas.

Hoc quidem recte iudicantibus semper constabit, insculptum mentibus humanis esse diuinitatis sensum, qui deleri nunquam potest. Imò & naturaliter ingentem esse omnibus hanc persuasionem, esse aliquem Deum, & penitus infixam esse quasi in ipsis medullis, locuples testis est impiorum contumacia, qui furiose luctando, se tamen extricare à Dei metu nequeunt. Locose licet eludant Diagoras & similes, quicquid omnibus seculis de religione creditum fuit: subsannet Dionysius caeleste iudicium: Sardonius hic risus est, quia intus eos mordet conscientiae vermis cauteriis omnibus acrior. Non dico quod Cicero, vetustate obsolescere errores, religionem in dies magis crescere & meliorem fieri. Nam mundus (ut paulo post dicendum erit) omnem Dei notitiam, quantum in se est, excutere conatur, & eius cultum modis omnibus corrumpere. Hoc tantum dico, quum stupida quam impii ad Deum spernendum cupidè accersunt, durities in eorum animis tabescat, vigere tamen, ac subinde emergere quem maxime extinctum cuperent, deitatis sensum. Unde colligimus non esse doctrinam quae in scholis primum discenda sit, sed cuius sibi quisque ab utero magister est, & cuius neminem obliuisci, natura ipsa patitur, quanuis huc multi nervos omnes intendant. Porro si ea conditione nati sunt omnes ac viuunt ut Deum cognoscant: Dei autem notitia nisi hucusque processerit, fluxa est ac euanida: eos omnes à creationis suae lege degenerare palam est qui non ad hunc scopum vniuersas suae vitae cogitationes actionesque destinant. Quod nec Philosophos ipsos latuit. Nō enim aliud est quod voluit Plato, dum sapius docuit, summum animae bonum Dei esse similitudinem, ubi percepta eius cognitione, in ipsum tota transformatur. Proinde scitissimè quoque ille apud Plutarchum Gryllus ratiocinatur, dum homines affirmat, si ab eorum vita semel absit religio non modò brutis pecudibus nihil excellere, sed multis partibus longè esse inferiores, ut qui tot malorum formis obnoxii, tumultuariam & irrequietam vitam perpetuò trahant. Vnum ergo esse Dei cultum, qui superiores ipsos reddat, per quem solum ad immortalitatem aspiratur.



QUENDAM inesse humanæ menti, & quidē naturali instinctu, diuinitatis sensum, extra controuersia ponimus: siquidē, nequis ad ignorantia prætextū confugeret, quandā sui numinis intelligentiam vniuersis Deus ipse indidit, cuius memoriam assiduē renouans, nouas subinde guttas instillat: vt quum ad vnum omnes intelligant Deum esse, & suum esse opificem, suo ipsorum testimonio damnentur quod non & illum coluerint, & eius voluntati vitam suam consecrarent. Sanē sicubi Dei ignorantia quærat, nusquam magis extare posse eius exemplum verisimile est, quàm inter obtusiores populos, & ab humanitatis cultu remotiores. Atqui nulla est etiam, vt Ethnicus ille ait, tam barbara natio, nulla gens tam efferata, cui non insideat hæc persuasio, Deum esse. Et qui in alijs vitæ partibus minimum videntur à beluis differre, quoddam tamen perpetuò religionis semen retinent. adeò penitus omnium animos occupauit, adeò tenaciter omnium visceribus inhæret communis ista præsumptio. Nulla ergo quū ab initio mundi regio, nulla vrbs, nulla denique domus fuerit quæ religione carere posset: in eo tacita quædam confessio est, inscriptum omnium cordibus diuinitatis sensum. Quin & idololatria, huius conceptionis amplū est documentū. Quàm enim nō libenter se deiciat homo, vt alias præ se creaturas suspiciat, scimus. Proinde quū lignum potius & lapidem colere malit, quàm vt nullum putetur habere Deum: constat vehementissimam istam esse de numine impressionem, quæ adeò ex hominis mente obliterari nequeat, vt facilius sit naturæ affectū frangi: quemadmodū certè frangitur, dum homo ex illa naturali inflatione ad infima quæque spōte se demittit, quo Deum reuereatur.

Quare vanissimum est quod à quibusdam dicitur: paucorum vafritia & calliditate excogitatam esse religionem, vt hac arte simplicē populum in officio continerent: quum tamen ipsi, qui alijs authores erant Dei colendi, nihil minus crederent quàm aliquem esse Deum. Fateor quidem plurima in religione cōmentos esse astutos homines, quibus reuerentiam plebeculæ iniicerent, & terrorē incuterent, quo haberent obsequentiores eius animos. sed id nusquam obtinuissent nisi iam prius constāti illa de Deo persuasionē imbuta fuissent hominum mentes, ex quo velut semine emergit ad religionem propensio. Ac ne illos quidem ipsos qui religionis titulo callide rudioribus imponebant, Dei notitiā prorsus vacasse credibile est. Tamen enim extiterunt olim nonnulli, & hodie non pauci emergunt qui Deum esse negent: velint tamen nolint, quod nescire cupiūt, subinde sentiscūt. Nemo in audaciorem aut effrānatiorem numinis contemptum prorupisse legitur quàm C. Caligula: nemo tamē miseriùs trepidauit, quum aliquod iræ diuinæ indicium se proferebat: ita Deū quem studebat ex professo contemnere, inuitus exhorrescebat. Hoc passim eius quoque similibus euenire videas. vt enim quisque est audacissimus Dei contemptor, ita vel ad folii cadentis strepitum maxime perturbatur. vnde id, nisi ex diuinæ maiestatis ultione: quæ illorū conscientias eo vehementius percellit, quo magis eam refugere conantur. Omnes quidem latebras respectant, quibus se abdant à Domini præsentia, & eam rursum ex animo suo deleant: sed velint nolint, irretiti semper tenentur. Vt cunque interdum videatur euanescere ad momentum aliquod, subinde tamen recurrit, & nouo impetu irruit. vt si qua illis remissio est à conscientia anxietate, nō multū ab similibus sit à somno ebriosorum aut phreneticorum, qui ne dormientes quidem placide conquiescunt: quia diris & horrificis insomniis continenter vexantur. Ergo impii quoque ipsi exemplo sunt, vt gere semper in omnium hominum animis aliquam Dei notionem.

Eandem notitiam partim inscitia, partim malitia vel suffocari vel corrumpi.

CAP. IIII.



SICVT autem omnibus inditum esse diuinitus religionis semen experientia testatur: ita vix centesimus quisque reperitur qui conceptum in suo corde foueat, nullus autem in quo maturescat: tantū abest vt fructus appareat suo tēpore. Porro siue alii euascent in suis superstitionibus, siue alii data opera malitiose à Deo desciscant, omnes tamen degenerant à vera eius notitia. Ita fit vt nulla in mundo recta maneat pietas. Quod autem errore aliquos in superstitionē labi dixi, non ita accipio quasi sua eos simplicitas à crimine liberet: quia cæcitas qua laborant, semper ferè & superba vanitate, & contumacia implicita est. Vanitas & quidem superbiæ coniuncta, in eo deprehenditur quod neque miseri homines in Deo quæredō supra seipsos, vt par erat, conscendunt, sed pro carnalis sui stuporis modo ipsum metiuntur: & neglecta solida inuestigatione ad vanas speculationes curiose trāsuolant. Itaque non apprehēdunt qualē se offert, sed qualem pro sua temeritate fabricati sunt, imaginantur. Quo gurgite aperto, quaquaersum pedem moueāt, in exitium præcipites semper ruere necesse est. Quidquid

enim postea in cultum aut obsequium Dei moliantur, impensum illi ferre nequeunt: quia non ipsum, sed cordis sui figmentum potius & somnium, pro ipso colunt. Hanc prauitatem diserte notat Paulus, infatuatos esse dicēs, quā sapiētes esse appeterent. Prius dixerat euan-

Rom. 1. 22

2 Quod autem Dauid impios & vesanos dicit sentire in cordibus suis, nō esse Deum, primo ad eos restringitur qui suffocata naturæ luce, consulto seipsos obstupefaciunt, ut paulo post iterum videbimus. Quemadmodum multos videmus, postquam audacia peccandi & consuetudine obduruerint, furiose repellere omnem Dei memoriam, quæ tamē illis sponte à naturæ sensu intus suggeritur. Iam quo magis detestabilem eorum furorem reddat, eos inducit præcisē negantes Deū esse, quāuis essentiam illi suam non adimāt, sed quia spoliantes eum suo iudicio & prouidentia, otiosum cælo includunt. Nam quousque nihil minus Deo conueniat quàm abiectam mundi gubernationē fortunæ permittere, cæcutire ad hominum scelera, ut impunē lasciuiant: quisquis extincto cælestis iudicii metu securē sibi indulget, Deum esse negat. Atque hæc iusta Dei vindicta est, pinguedinem obducere cordibus, ut impii postquam oculos suos clauserunt, videndo non videant. Et Dauid alibi optimus suæ sententiæ est interpres, ubi dicit timorē Dei non esse præ oculis impiorū: item sibi in maleficiis superbē plaudere, quia Deū non aspicere, sibi persuadeāt. Quanquā ergo cogitur aliquem Deū agnoscere, eius tamen gloriā exinaniūt, potentiam illi detrahēdo. sicut enim (teste Paulo) Deus seipsum abnegare nequit, quia sui perpetuo similis manet: ita isti mortuū & inane idolū fingendo, Deū negare verē dicuntur. Adhuc notandū est, quātuis l-

Psal. 13. 2

Quomodo Abbi
Deum nō esse
primi versus ps

scoti

Psal. 36. 2

Psal. 10. c. 11

1. Tim. 1. 6. 7

3 Sic inane illud patrociniū quod superstitioni suæ prætexere multi solent, euertitur. putant enim studium quaecunque religionis, quanlibet præposterum, satis esse: sed non animaduertunt, veram religionem ad Dei nutum, ceu ad perpetuam regulam, debere conformari: Deum verò ipsum semper sui similem manere: non spectrū esse aut phantasma, quod pro vniuscuiusque libidine transformetur. Et sanē videre est quā mendacibus fucis Deo illudat superstitio, dum gratificari tentat. Nam ea ferē sola, quæ sibi curæ non esse testatus est, arripiēs, quæ præscribit, ac sibi placere docet, aut contemptim habet, aut etiam non dissimulanter reiicit. Sua ergo deliria colunt & adorant quicumque cultus Deo commentitios erigunt: quia nequaquam ita cum Deo nugari auderent nisi Deum prius nugarum suarum ineptiis consentaneum finxissent. Quare Apostolus, vagam illam & erraticam de numine opinionem, Dei esse ignorantiam pronuntiat. Quum Deum, inquit, nesciretis, seruiebatis iis qui natura dii non erant. Et alibi sine Deo fuisse tradit Ephesios quo tempore à recta vnius Dei cognitione aberrabāt. Nec multum interest, hac saltem in parte, Deūne vnum, an plures concipias: quia semper à vero Deo discedis, & deficis: quo relicto, nihil tibi restat nisi execrabile idolum. Superest ergo ut cum Lactantio constituamus, nullam esse legitimam religionem nisi cum veritate coniunctam.

Deus non transff
pro vniuscuiusque

scoti

Galat. 4. 8. 9
1. Pet. 1. 2Nulla est legum
nisi cū veritate

4 Accedit & secundum peccatum, quod neque Dei rationem vnquam habent nisi inuiti: nec ad ipsum appropinquant donec renitentes pertrahantur, nec tum quoque voluntario imbuuntur timore, qui ex diuinæ maiestatis reuerētia fluat, sed tantū seruili & coactō, quæ illis Dei iudicium extorquet: quod quia effugere nequeunt, exhorrent, sic tamen ut etiam abominentur. Siquidem conuenienter in impietatem, atque in hanc solam, competit illud Statii, Timorem primum, fecisse in orbe deos. Qui animum à Dei iustitia alienum gerunt, tribunal, quod ad vindicandæ eius transgressiones stare sciunt, euersum magnopere cupiunt. Quo affectu, aduersus Dominum belligerantur, qui sine iudicio esse non potest: sed dum eius potentiam sibi inuitabilem imminere intelligūt, quia nec amoliri, nec effugere valent, reformidant. Itaque ne vbique videantur eum contemnere cuius maiestas eos vrget, qualicumque religionis specie defunguntur: interim tamen non desinunt omni vitiorum genere se polluere, & flagitia flagitiis copulare, donec sanctam Domini Legē omni ex parte violarint, & vniuersam eius iustitiam dissiparint: vel certē non ita retinentur simulato illo Dei timore, quin suauiter in peccatis suis acquiescant, & sibi blandiantur, & carnis suæ intēperantiæ indulgere malint, quàm Spiritus sancti fræno eam cohibere. Sed quādo

uictate nascitur
eo & stillatur pectus
ium

inanis ea est & mēdax religionis vmbra, vix etiam digna quæ vmbra nominetur: hinc rursus facile elicitur quantum ab hac confusa Dei notitia differat quæ solis fidelium pectoribus instillatur pietas, ex qua demum religio nascitur. Et tamen hoc per flexuosos circuitus consequi volunt hypocritæ, vt Deo quem fugiunt, propinqui appareant. Vbi enim perpetuus obedientiæ tenor in tota vita esse debuerat, in cunctis ferè operibus secure illi rebellantes, pauculis tantum sacrificiis placare eum student: vbi sanctimonia vitæ & cordis integritate illi seruiendum erat, friuolas nugas comminiscuntur, & nihili obseruationunculas quibus eum sibi concilient. Imò maiore licentia in sæcibus suis torpent, quia confidunt expiationum ludicris se posse erga illum defungi: deinde vbi in illum defixa esse fiducia debuerat, in se vel creaturis subsidunt, eo posthabito. Tandem se tanta errorum congerie implicant, vt scintillas illas quæ micabant ad cernendam Dei gloriam suffocet, ac demum extinguat malitiæ caligo. Manet tamen semen illud quod reuelli à radice nullo modo potest, aliquam esse diuinitatem: sed ipsum adeò corruptum, vt non nisi pessimos ex se fructus producat. Imò inde certius elicitur quod nunc contendo, naturaliter insculptum esse Deitatis sensum humanis cordibus, quia reprobis quoque ipsis eius confessionem extorquet necessitas. Rebus tranquillis facete illudunt Deo, imò ad extenuandam eius potētiā dicaces sunt ac garruli. desperatio siqua eos vrget, ad eundem quærēdum extimulat, dictatque cōcisas preces, ex quibus pateat non prorsus ignaros fuisse Dei, sed quod citius emergere debuerat, fuisse peruicacia suppressum.

Dei notitiā in mundi fabrica & continua eius gubernatione lucere.

CAP. V.



D H A E C quia vltimus beatæ vitæ finis in Dei cognitione positus est: necui præclusus esset ad fœlicitatem aditus, non solum hominū mentibus indidit illud quod diximus religionis semē, sed ita se patefecit in toto mundi opificio, ac se quotidie palam offert, vt aperire oculos nequeāt quin aspicere eum cogantur. Essentia quidem eius incomprehensibilis est, vt sensus omnes humanos procul effugiāt eius numē: verū singulis operibus suis certas gloriæ suæ notas insculpsit, & quidem adeò claras & insignes vt sublata sit quālibet rudibus & stupidis ignorantia excusatio. Ideò optimo iure Propheta exclamat, luce quasi vestimento ipsum esse amictum: ac si diceret, cœpisse tunc demū visibili ornatu insignem prodire ex quo in mundi creatione sua insignia protulit, quibus nūc quoties oculos huc vel illuc circumferimus, decorus apparet. Ibidem etiam scitē idem Propheta cælos vt expansi sunt, regio illius tentorio comparat, cœnacula dicit cōtignasse in aquis, nubes eius esse vehicula, & equitare super alas ventorum, ventos & fulgetra celeres esse eius nuntios. Et quoniam plenius sursum refulget potentiæ & sapientiæ eius gloria, passim vocatur cælum eius palatium. Ac primū, quaquā versum oculos coniicias, nulla est mundi particula in qua non scintillæ saltem aliquæ gloriæ ipsius emicare cernantur. Amplissimam verò hanc & pulcherrimam machinam, quā late patet, vno intuitu lustrare nequeas quin vi immensa fulgoris totus vndique obruaris. Quare eleganter author Epistolæ ad Hebræos secula nūcupat, inuisibilium rerum spectacula: quod nobis vice speculi sit tam concinna mūdi positio, in quo inuisibile alioqui Deum cōtemplari liceat. Qua ratione Propheta cælestibus creaturis idioma attribuit, nullis nationibus incognitum: quod euidentior illic extat diuinitatis testificatio quā vt præterire gentis vllius vel obrussimæ considerationē debeat. Quod clarius enarrans Apostolus, patefactum esse hominibus dicit quod de Deo cognosci operæpretiū erat: quia inuisibilia eius, ad æternam vsque eius virtutem & diuinitatem, à creatione mundi intellecta, omnes ad vnum conspiciunt.

Psal. 104. 2.

um palatium
tur

Heb. 11. 3.
um inuisibilem

Psal. 19. 1.

Rom. 1. 19.

- 2 Mirificam eius sapientiam quæ testetur, innumera sunt tum in cælo, tum in terris documenta: non illa modo reconditoria, quibus propius obseruandis astrologia, medicina, & tota physica sciētia destinata est: sed quæ rudissimi cuiusque idiotæ aspectui se ingerūt, vt aperiri oculi nequeant quin eorum cogantur esse testes. Equidē qui liberales illas artes vel imbiberunt, vel etiam degustarunt, earum subsidio adiuti, longe altius prouehūt ad introspectiendā diuinæ sapientiæ arcana: nemo tamē earū inscitia impeditur quominus artificii satis superque peruideat in Dei operibus, vnde in opificis admirationē prorumpat. Nempe ad disquirendos astrorū motus, distribuendas sedes, metiendā interualla, proprietates notādas, arte ac exactiore industria opus est: quibus perspectis, vt Dei prouidentia explicatius se profert, ita in eius gloriam cōspiciendam, animum par est aliquanto sublimius assurgere. Sed quum ne plebei quidem & rudissimi qui solo oculorum adminiculo instructi sunt, ignorare queant diuinæ artis excellentiam, vltro se in ista innumerabili, & tamen adeò distincta & disposita cælestis militiæ varietate exerentem: constat neminem

esse cui non abunde sapientiam suā Dominus patefaciat. Similiter in humani corporis structura connexionem, symmetriam, pulchritudinem, vsum, ea quam Galenus adhibet, solertia penficulare, eximii est acuminis. Sed omniū tamen cōfessione, præ se fert corpus humanū tam ingeniosam compositionē, vt ob eā meritò admirabilis opifex iudicetur.

Libris de v
su partium,

3 Ac proinde quidam ex philosophis olim hominē non immerito vocarunt *μικροκοσμος*, quia rarum sit potentia, bonitatis & sapientia Dei specimen, satisque miraculorum in se contineat occupandis nostris mentibus, modo ne attendere pigeat. Qua ratione Paulus, vbi admonuit, Deum palpando à cæcis quoque posse deprehendi, mox procul quærendum non esse adiungit, quia scilicet intus singuli cælestem gratiam qua vegetantur, indubiè sentiunt. Si verò vt Deum apprehendamus, extra nos egredi opus non est, quam veniam merebitur eius socordia, qui vt Deum inueniat, in se descendere grauabitur? Eadem etiam ratio est cur Dauid, vbi breuiter celebravit admirabile Dei nomen & decus quæ vbique refulgent, statim exclamet, Quid est homo cuius memor es? Item, Ex ore infantium & lactentium stabilisti robur. siquidem non tātum in genere humano clarū operum Dei speculum extare pronūtiat, sed infantibus dum à matrū vberibus pendent, satis disertas esse linguas ad prædicandā eius gloriam, vt minime opus sit aliis rhetoribus. Vnde etiam eorum ora in aciem producere non dubitat tanquā valide instructa ad refellendā eorum amentiam qui Dei nomen pro diabolica sua superbia extinguere cuperēt. Vnde & illud emergit quod ex Arato citat Paulus, nos esse Dei progeniem: quia tanta præstātia nos exornans, se patrē nobis esse testatus est. Sicuti etiam ex cōmuni sensu & quasi dictante experientia profani Poetæ cum vocarunt hominum patrē. Neque verò se quisquā vltro & libetè Deo addicet in obsequium, nisi qui gustato paterno eius amore vicissim ad eum amandum & colendum illectus fuerit.

Act. 17. f. 22

Psal. 8. a. 5.

Act. 17. g. 28.

4 Hic autem detegitur foeda hominum ingratitude, qui dum in se continent officinam innumeris Dei operibus nobilem, & simul tabernam inæstimabili opum copia refertam, cum erūpere deberent in laudes, tanto maiore fastu contra inflantur ac turgent. Quàm miris modis in ipsis operetur Deus, sentiunt: quantā etiam donorū varietatem ex eius liberalitate possideāt, vfu ipso docētur. Hæc diuinitatis signa esse, coguntur scire velint nolint: intus tamen supprimūt. Non opus quidē est extra seipso egredi, modò ne sibi arrogādo quod è cælis datū est, defodiant in terra quod eorū mentibus ad Deū clarè videndum præluceat. Imò prodigiosos hodie multos spiritus terra sustinet, qui totum diuinitatis semen in natura humana sparsum cōferre non dubitant ad obruendum Dei nomen. Quàm detestabilis est, obsecro, hæc vāsania, vt homo in corpore suo & anima centies Deum reperiens, hoc ipso excellentia prætextu Deum esse neget? Non dicent se fortuito à brutis animantibus distinctos: tantum obdueto naturæ velo, quæ illis rerum omnium est artifex, Deum subducunt. Vident tam exquisitum artificium in singulis suis membris ab ore & oculis vsque ad infimos vnguiculos. Hic quoque naturam substituunt in locum Dei. Sed in primis tam agiles animæ motus, tam præclaræ facultates, tam raræ dotes diuinitatē præ se ferunt, quæ se non patitur facilè celari: nisi Epicuræi tanquā Cyclopes, ex hac altitudine bellum Deo proteruius inferrent. Itāne verò ad regendum quinque pedum vermiculū toti cælestis sapientia thesauri concurrūt: vniuersitas mundi hac prærogatiua carebit? Primò statuere aliquid organicū in anima quod singulis partibus respōdeat, adeò nihil ad obscurandā Dei gloriam facit, vt potius eam illustret. Respondeat Epicurus, quis atomorū concursus cibum & potū coquens, partē in excrementa, partem in sanguinem digerat, ac efficiat vt singulis mēbris tanta sit industria ad præstandum officium ac si totidem animæ communi consilio corpus vnum regerent?

5 Sed mihi nunc cum illa porcorum hara negotium non est: eos magis compello qui præposteris argutiis dediti, frigidum illud Aristotelis dictū libenter obliquo flexu traherent tam ad immortalitatē animæ abolendā, quàm ad eripiendum Deo ius suum. Nam quia organicae sunt animæ facultates, hoc prætextu alligant eam corpori, vt sine eo non subsistat: naturæ verò elogiis, quantū in se est, Dei nomen supprimunt. Atqui longe abest quin potētia animæ in functionibus quæ corpori seruiunt inclusæ sint. Quid hoc ad corpus vt cælum metiaris, numerū stellarum colligas, teneas cuiusque magnitudinem, scias quo spatio inter se distēt, qua celeritate vel tarditate conficiāt suos cursus, quot gradibus huc vel illuc deflectant? Fateor quidem esse aliquem Astrologiæ vsum: sed tantum ostendo, in hac tam alta disquisitione rerum cælestium non esse organicam symmetriam, sed suas animæ esse partes à corpore separatas. Exemplum vnum proposui, ex quo reliqua sumere, lectoribus promptū erit. Multiplex fanè animæ agilitas qua cælū & terram perlu-

Contra negātes
vitā animæ
Deo eripiuntur.

Actiones quasdam
a corpore separatas

Act. 17.

strat: præterita futuris coniungit: retinet memoriter quæ pridē audiuit: Imò quidlibet sibi figurat: solertia etiam quæ res incredibiles excogitat, & quæ tot mirabiliū artium mater est, certa sunt diuinitatis insignia in homine. Quid quod dormiēdo nō tantū se circūagit & versat, sed multa vtilia concipit, de multis ratiocinatur, futura etiā diuinat? Quid hic dicendū est, nisi deleri non posse quæ in homine impressa sunt immortalitatis signa? Nūc quæ ratio feret vt sit homo diuinus, & creatorem non agnoscat? Nos scilicet, iudicio quod nobis inditū est discernemus inter iustum & iniustū, nullus autē erit in cælo iudex: Nobis etiā in somno manebit aliquid residuū intelligētix, nullus Deus excubias ager in mundo regendo? Tot artium rerūque vtilium inuētores cēsebimur vt fraudetur Deus sua laude: quum tamē experientia satis doceat disparibus modis aliunde distribui quod habemus. # Quod autem de arcana inspiratione quæ vegetat totū mundum quidam blaterāt, non modo dilutum, sed omnino profanum est. Placet illis celebre dictum Virgilii,

A Encid. 6

Principio cælum ac terras, campósque liquentes
Lucentēque globum Lunæ, Titaniāque astra
Spiritus intus alit: totāque infusa per artus
Mens agitat molem, & magno se corpore miscet.
Inde hominum, pecudūque genus, vitæque volantū,
Et quæ marmoreo fert monstra sub æquore pontus,
Igneus est ollis vigor, & cælestis origo, &c. Nempe vt mūdus qui in spectaculum gloriæ Dei conditus est, suus ipse sit creator. Sic enim idem alibi communem Græcis & Latinis sententiam sequutus,

Georg. 4

Esse apibus partem diuinæ mentis, & haustus
Ætherios, dixere Deum. nanque ire per omnes
Terrasque tractūsque maris, cælūque profundū.
Hinc pecudes, armenta, viros, genus omne ferarum,
Quenque sibi tenues nascentem arcessere vitas:
Scilicet huc reddi deinde, ac resoluta referri
Omnia: nec morti esse locum, sed viua volare
Syderis in numerum, atque alto succedere cælo. En quid ad gignendā fouendāque in cordibus hominum pietatem valeat ieiuna illa speculatio de vniuersa mēte quæ mundum animat ac vegetat. Quod etiam ex sacrilegis impuri canis Lucretii vocibus melius liquet quæ à principio illo deductæ sunt. Hoc verò est, vt procul faceffat verus Deus quem timeamus & colamus, vmbatile numen facere. Fateor quidem piè hoc posse dici, modò à pio animo proficiscatur, naturam esse Deum: sed quia dura est & impropria loquutio, quū potius Natura sit ordo à Deo præscriptus, in rebus tanti pōderis, & quibus debetur singularis religio, inuoluere confuse Deū cum inferiore operū suorum cursu, noxium est.

5 Meminerimus ergo, quoties quisque naturam suam considerat, vnum esse Deum qui sic gubernat omnes naturas vt velit nos in se respicere, fidem nostram ad se dirigere, coli & inuocari à nobis: quia nihil magis præposterum quàm frui tam præclaris dotibus quæ in nobis diuinitatem spirant, & authorem negligere qui precario nobis eas largitur. Iam potentia quàm præclaris speciminibus nos in considerationē sui rapit: nisi fortè latere nos potest, cuius sit virtutis, infinitam hanc cæli ac terræ molem suo verbo sustētare: solo nutu, nunc fragore tonitruum cælum concutere, fulminibus quidlibet exurere, fulgetris aërem accendere: nunc variis tempestatum formis conturbare, eundem ipsum statim, vbi libuit, vno momento serenare: mare, quod assiduam terræ vastationem minari sua altitudine videtur, quasi in aere suspensum, coercere: & nunc horrendum in modum tumultuoso ventorū impetu concitare, nunc sedatis vndis, pacatū reddere. Huc pertinet quæ passim occurrunt potentiæ Dei elogia ex naturæ testimoniis, præsertim verò in libro Iob & apud Iesaiam: quæ nūc cōsulto prætereo, quia cōmodiorem alibi locum reperiēt vbi ex Scripturis de mūdi creatione disseram. Tantū nunc attingere volui, exteris & domesticis communē hanc esse viam quærendi Dei, si lineamenta sequantur quæ sursum ac deorsum viuat eius effigiem adumbrant. Iam ipsa potentia nos ad cogitandam eius æternitatem deducit: quia æternum esse, & à seipso principium habere necesse est vnde omnia trahunt originem. Porro si causa quæritur qua & ad creāda hæc semel omnia inductus sit, & nunc ad conseruanda moueatur: solam illi suam bonitatē cōperiemus pro causa esse. Quinetiam hæc si vna sit, plus satis tamen sufficere debet ad nos in amorē eius alliciendos: quando nulla est creatura, vt Propheta monet, in quam non effusa sit eius misericordia.

Psal. 145. b. 9

In secundo quoque genere operū eius, quæ scilicet præter ordinariū naturæ cursum

natura indit
omnibus equaliter
ntur

dei causa creati
omnium rerum

in genus operum 6
sententia habet
in eius argumenta

eueniunt, nihilo obscuriora se proferunt virtutum eius argumenta. Nam in administranda hominum societate ita prouidentiam suam temperat, ut quum sit erga omnes innumeris modis benignus ac beneficus: apertis tamen ac quotidianis indiciiis, suam piis clementiam, improbis ac sceleratis seueritatem declaret. Non enim dubia sunt quas de flagitiis sumit ultiones: quemadmodum non obscure tutorem, ac etiam vindicem se innocentiae esse demonstrat, dum bonorum vitam sua benedictione prosperat, necessitati opitulatur, dolores lenit ac solatur, calamitates subleuat, saluti per omnia consulit. Neque verò perpetuam iustitiae eius regulam obscurare debet, quòd improbos & fontes ad tempus impunitos sapiusculè exultare sinit, probos autè & immerètes multis rebus aduersis iactari, impiorum etià malitia & iniquitate premi sustinet. Quin potius longè diuersa cogitatio subire mentem debet: quando in flagitiū vnum manifesto irae indicio animaduertit, omnia ipsum odisse: quando multa inulta praetermittit, aliud fore iudicium quo punienda differuntur. Similiter misericordiae suae considerandae quantam materiam nobis suppeditat, dum sapius miseros peccatores indefessa tamen benignitate prosequitur, donec eorum prauitatem, benefaciendo fregerit, plusquam paterna indulgentia ad se reuocando?

*mirabilia dei pro
argumentum*

Nota

De misericordia

7 In hunc finem Propheta commemorans in rebus desperatis repete & mirabiliter ac praeter spem Deum miseris ac ferè perditis succurrere, siue per deserta vagantes à feris protegat, & tandem reducat in viam, siue egentibus ac famelicis victum suppeditet, siue captiuos ex tetrìs foueis & ferreis custodiis emittat, siue naufragos in portum adducat incolumes, siue à morbis sanet semimortuos, siue aestu & siccitate exurat terras, siue occulta irrigatione gratiae fecundet, siue attollat contemptissimos è vulgo, siue procures deiiciat ex alto dignitatis gradu: propositis eiusmodi exemplis colligit, qui censentur esse fortuiti casus, totidem esse prouidentiae caelestis testimonia, praesertim verò paternae clementiae: atque hinc piis dari materiam laetitiae, impiis verò & reprobis ora obstrui. Sed quia maior pars erroribus suis imbuta, in tam illustri theatro caecutit, exclamat rara & singularis esse sapientiae, prudenter expendere haec Dei opera, quorum aspectu nihil proficiunt qui alioqui videntur esse acutissimi. Et certè quantumvis spendeat Dei gloria, vix centesimus quisque verus est eius spectator. Nihilo magis aut potentia, aut sapientia in tenebris latent. quarum altera praeclare emergit dum impiorum ferocia, omnium opinione insuperabilis momento vno retunditur, arrogantia domatur, diruuntur validissima praesidia, tela & arma comminuuntur, vires infringuntur, machinationes euertuntur, & sua ipsarum mole còcidunt: quae supra caelos se efferebat audacia, in centrum usque terrae prosternitur: rursus eriguntur humiles è puluere, & inopes è stercore suscitantur: oppressi & afflicti, ab extremis angustis eruuntur: deplorati, in spem bonam restituuntur: inermes de armatis, pauci de plurimis, imbecilles de validis victoriam referunt. Sapientia verò ipsa manifestè excellit dum optima vnamquaque rem opportunitate dispensat: quamlibet mundi perspicaciam còfundit, deprehendit astutos in astutia sua: nihil denique non optima ratione attemperat.

Psal. 107.

*Qui sententur for
casus prouident
clementia dei im
moriam.*

Potentia Dei

Psal. 113. b. 7

Sapientia Dei

1. Cor. 3. d. 19.

8 Videmus non longa nec laboriosa demonstratione opus esse ad eruenda quae illustrandae asserendaeque diuinæ maiestati seruiunt, testimonia: siquidem ex paucis quae delibauimus, quocumque incideris, adeò prompta & obuia esse constat, ut oculis designari, ac digitis notari facile queant. Atque hinc rursus obseruandum est, inuitari nos ad Dei notitiam, non quae inani speculatione contenta in cerebro tantum volitet, sed quae solida futura sit & fructuosa si rite percipiatur à nobis, radicemque agat in corde. A suis enim virtutibus manifestatur Dominus: quarum vim quia sentimus intra nos, & beneficiis fruimur, viuimus multo hac cognitione nos affici necesse est quam si Deum imaginaremur cuius nullus ad nos sensus perueniret. Vnde intelligimus hanc esse rectissimam Dei querendi viam & aptissimum ordinem: non ut audaci curiositate penetrare tētemus ad excutiendam eius essentiam, quae adoranda potius est, quam scrupulosius disquirenda: sed ut illum in suis operibus còtemplemur quibus se propinquum nobis familiarēque reddit, ac quodammodo còmunicat. Quò respiciebat Apostolus quum diceret non longe queritandū esse, quippe qui praesentissima sua virtute habitat in vnoquoque nostrum. Proinde David, inenarrabilem eius magnitudinem antè confessus, postquam ad operum còmemorationē descendit, eam ipsam se enarraturum profitetur. Quare & nos in eam Dei inuestigationē incumbere decet, quae sic suspensum admiratione ingenium teneat ut efficaci sensu penitus simul afficiat. Et quemadmodum docet alicubi Augustinus, quia illum non possumus capere, velut sub eius magnitudine deficientes, ad opera respicere conuenit, ut eius reficiamur bonitate.

*Ad qualem dei cerni
inuitamur.*

*Non curiose queri
dei notitia sed ex*

AA. 17. f. 17.

Psal. 145.

August. in

psal. 144.

9 Deinde eiusmodi notitia nō modo ad Dei cultū excitare nos debet, sed ad spem quoque

futura vitæ expergefaceret, & erigere. Quum enim animaduertamus quæ Dominus tñ clementiæ, tum seueritatis suæ specimina edit, inchoata dūtaxat & semiplena esse: haud dubie ad maiora sic ipsum præcludere reputemus oportet, quorum manifestatio plenāque exhibitio in aliam vitam differtur. econuerso, pios ab impiis quum videamus afflictionibus grauari, iniuriis cōcuti, calumniis opprimi, cōtumeliis probrisque lacerari: scelestos contrā florere, prosperari, quietē cum dignitate obtinere, idque impune: protinus colligendum est, alteram fore vitam, in qua, & sua iniquitati vindicta, & merces iustitiæ reposita sit. Adhæc quum obseruemus, Domini ferulis sapius fideles castigari, certo certius cōstituere licet, multo minus impios eius flagella olim euasuros. Scitum enim est illud Augustini, Si nūc omne peccatū manifesta plecteretur pœna, nihil vltimo iudicio referuari putaretur. Rursus, si nullū peccatum nunc apertē Deus puniret, nulla esse diuina prouidētia credere-
 tur. Fatendum est igitur, in singulis Dei operibus, præsertim autem ipsorum vniuersitate, non secus atque in tabulis depictas esse Dei virtutes, quibus in eius agnitionem, & ab ipsa in veram plenāque fœlicitatem inuitatur atque illicitur vniuersum hominum genus. Porro lucidissimæ quum illic appareant: quorsum tamen potissimum spectent, quid valeant, quem in finem à nobis sint reputandæ, tum demū assequimur dum in nos ipsos descēdimus, ac cōsideramus quibus modis suam in nobis vitam, sapientiam, virtutem Dominus exerat: suam iustitiam, bonitatem, clementiam erga nos exerceat. Nam etsi iustē conqueritur Dauid, incredulos desipere, quia in humani generis gubernatione profunda Dei consilia non expendunt: est tamen hoc verissimum quod idem alibi dicit, admirabilem Dei sapientiam hac in parte excedere capillos capitis nostri. Sed quia hoc argumentum posthac suo ordine plenius tractandum erit, nunc omitto.

- 10 Atqui quantacunque claritate & se & immortale suum regnū Dominus in operum suorum speculo repræsentet: qui tamē est noster stupor, ad tā perspicuas testificationes semper hebescimus, vt sine profectu effluant. Nam quantum ad mundi fabricam & pulcherrimā positionem attinet, quotusquisque est nostrum, qui dum oculos vel in cælum attollit, vel per regiones terræ varias circumfert, mentē ad Creatoris memoriā referat, ac non magis, præterito authore in operum aspectu desideat? Quantū verò attinet ad ea quæ præter naturalis decursus ordinē quotidie eueniunt, quotusquisque non magis reputat, cæca potius fortunæ temeritate rotari & volutari homines quàm Dei prouidētia gubernari? Quòd si quando istarum rerū ductu ac directione, ad Dei considerationē adigimur (quod omnibus euenire necessariū est) tamē vbi temerē diuinitatis alicuius sensum cōcepimus, extēplo ad carnis nostræ deliria vel praua cōmenta delabimur, ac puram Dei veritatē nostra corrumpimus vanitate. In eo quidem dissimiles, quòd quisque sibi priuatim aliquid peculiaris erroris accersit: in hoc tamen simillimi, quòd ad vnum omnes, ab vno vero Deo ad prodigiosa nugamenta deficimus. Quo morbo non plebeia modò & obtusa ingenia, sed præclarissima, & singulari alioqui acumine prædita, implicātur. Quàm prolixè suam in hac parte stoliditatem ac insulsiatē prodidit tota Philosophorum natio? Nam vt alii parcamus, qui multo absurdus ineptiunt: Plato inter omnes religiosissimus, & maxime sobrius, ipse quoque in rotundo suo globo euanescit. Et quid alius non eueniret, quum ita primores, quorū erat reliquis præluere, hallucinētur & impingant? Similiter, vbi rerum humanarum gubernatio prouidentia manifestius arguit quàm vt abnegari queat, nihilo tamen inde plus proficitur, quàm si temeraria fortunæ voluntate crederētur ōnia sursum deorsum versari: tāta est nostra in vanitatē & errorē propensio. De excellentissimis semper loquor, nō vulgarib⁹ illis, quorū in profanāda Dei veritate processit in immēsum insania

- 11 Hinc immēsa illa errorū colluies, qua totus orbis refertus ac coopertus fuit. suū enim cuique ingenium instar labyrinthi est, vt mirum nō sit singulas Gentes in varia cōmenta diductas esse. neque id modò, sed singulis propē hominibus proprios fuisse deos. nam vt ad inscitiam & tenebras accedit temeritas & lasciuiā, vix vnus vnquam repertus est qui non sibi idolum vel spectrū Dei loco fabricaret. Certē nō secus atque ex vasta amplāque scaturigine aquæ ebulliunt, immensa deorum turba ab hominum mente profluxit, dum quisque nimis licentiosè vagando, perperam hoc vel illud de ipso Deo comminiscitur. Neque tamē hīc superstitionum quibus implicitus fuit mundus, catalogū texere necesse est: quia nec vllus esset finis: & vt verbū nullum fiat, satis ex tot corruptelis apparet quàm horribilis sit humanæ mentis cæcitas. Rude & indoctum vulgus omitto. Sed inter Philosophos qui ratione & doctrina penetrare in cælum conati sunt, quàm pudēda est varietas: vt quisque altiore ingenio præditus fuit, artēque & sciētia limatus, ita speciosos colores suæ sententiæ inducere visus est: quos tamen omnes si propius inspicias, euanidos esse fucos re

Lib. 1. de Ciuitate Dei, capite 8.

operibus suis manifestat tamquam in his videntur

nota

Psal. 91. b. 7
Psal. 40. c. 13

temeritati & conuersionem suam parat

nota

peries. Argutè sibi visi sunt dicere Stoici, posse elici ex cunctis naturæ partibus varia Dei nomina, neque tamen propterea lacerari vnum Deum. Quasi verò non iam plus satis ad vanitatem proclives simus, nisi multiplex deorum copia nobis obiecta, longius & violentius nos in errorem abstraheret. Mystica etiam Aegyptiorum theologia ostendit, sedulò in hoc omnes incubuisse ne absque ratione desipere videretur. Ac primo fortè intuitu aliquid tanquam probabile simplices & incautos deciperet: sed nihil vnquam excogitavit ullus mortalium, quo non turpiter corrupta fuerit religio. Atque hæc tam confusa varietas Epicureis, & crassis aliis pietatis contèptoribus audaciam addidit vt omnem Dei sensum abiicerent. Nam quum prudētissimos quosque certare viderent contrariis opinionibus, ex eorū dissidiis, & friuola etiam, vel absurda cuiusque doctrina colligere non dubitarunt, frustra & stultè tormenta sibi accersere homines vbi deum qui nullus est inuestigant: idque se impune facere duxerunt, quia præstaret breui compendio prorsus Deum negare, quàm fingere incertos deos, & deinde lites mouere quæ nullū haberent exitum. Ac nimis quidem inscitè ratiocinantur illi, vel potius tegendæ suæ impietati nebulam inducunt ex hominum inscitia, ex qua Deo quidquam decedere minime æquum est. Sed quū fateantur omnes nullam esse rem de qua tantopere docti simul & indocti dissentiant, hinc colligitur, plusquàm hebetes ac cæcas in cælestibus mysteriis esse hominum mentes quæ in Dei inuestigatione sic errant. Laudatur ab aliis Simonidis respōsum, qui rogatus ab Hierone tyranno quid esset Deus, diem sibi ad cogitandum dari petiit. Quum idem quæreretur postridie tyrannus, biduum postulauit: ac sapius duplicato numero dierum, tandem respondit, Quanto diutius confidero, tanto res mihi videtur obscurior. Prudenter sanè ille sentētiā de re sibi obscura suspēderit: hinc tamen apparet, si naturaliter tantum edocti sint homines, nihil certum, vel solidum, vel distinctum tenere: sed confusis tantum principiis esse affixos, vt Deum incognitum adorent.

*Ex hominū inscitia
quā deo decedere*

- 12 Iam tenendum quoque est, quicumque puram religionem adulterant (vt omnibus accidere necesse est opinioni suæ deditis) discessionem facere ab vno Deo. Aliud quidem sibi in animo esse iactabunt: sed quid intendant, vel quid sibi persuadeant, non multū ad rem facit: quando Spiritus sanctus pronūtiat omnes esse apostatas, qui pro mentis suæ caligine dæmonia supponūt in Dei locum. Hac ratione Paulus sine Deo fuisse pronūtiat Ephesios donec ex Euangelio didicissent quid esset verum Deum colere. Neque hoc ad gentem vnam duntaxat restringere oportet, quum generaliter alibi asserat euauisse cunctos mortales in suis cogitationibus, postquam in mundi fabrica illis patefacta erat Creatoris maiestas. Ideoque Scriptura vt vero & vnico Deo locum faciat, quidquid diuinitatis olim celebratū fuit inter Gentes, falsitatis & mendacii damnat: nec vllum numen relinquit nisi in monte Sion vbi peculiaris vigeat Dei cognitio. Certe inter Gentiles Christi ætate proximè ad veram pietatem accedere visi sunt Samaritæ. audimus tamen ex ore Christi eos nescisse quid colerent. vnde sequitur, vano errore fuisse delusos. Denique etiam si non omnes laborauerint crassis vitiis, aut in apertas idololatrias prolapsi sint: nulla tamen pura & probata fuit religio quæ tantum in communi sensu fundata esset. Quanuis enim pauci quidam non insanierint cum vulgo, manet tamen fixa Pauli doctrina, Non apprehendi sapientiam Dei à principibus mundi huius. Quòd si excellentissimi quique in tenebris errarunt, quid de fæcibus ipsis dicendum erit? Quare nihil mirum si cultus omnes hominū arbitrio excogitatos tanquam degeneres repudiet Spiritus sanctus: quia in cælestibus mysteriis opinio humanitus concepta, etsi non semper magnam errorum congeriem pariat, erroris tamē est mater. Atque vt nihil deterius accedat, hoc tamen vitium non leue est, fortuito adorare Deum incognitum: cuius tamen rei fiunt Christi ore quicumque ex Lege edocti non sunt quem Deum colere oporteat. Et certe non longius progressi sunt qui optimi fuerunt legislatores, quàm vt in publico consensu fundata esset religio. Quinetiam apud Xenophōtem laudat Socrates Apollinis responsū, quo præcepit vt quisque ritu patrio & pro vrbis suæ cōsuetudine deos coleret. Vnde autem hoc ius mortalibus vt sua auctoritate definiant quod mundum longe superat: vel quis ita maiorum placitis, vel populi scitis acquiescere poterit, vt Deum absque dubitatione recipiat humanitus sibi traditū? Potius iudicio quisque suo stabit, quàm se alieno arbitrio subiiciet. Quum ergo nimis infirmum ac fragile sit pietatis vinculum, vel vrbis cōsuetudinem, vel antiquitatis consensum in colendo Deo sequi, restat vt de se testetur cælo ipse Deus.

Ephes. 2. c. 7.

Rom. 1. c. 26.

*Habac. 2. d. 18
10*

Iohan. 4. c. 22

1. Cor. 1. b. 8

*In cælestibus in
opinio humani
erroris*

Iohan. 4. c. 24

- 13 Ergo frustra nobis in mūdi opificio collucet tot accensæ lampades ad illustrandam authoris gloriam: quæ sic nos vndique irradiant, vt tamen in rectam viam per se nequaquam possint perducere. Et scintillas certe quasdam excitant: sed quæ antè præfocantur

*Creatura non posset
ad plenam Dei cogni-
tione*

Heb. u. a. 3

Rom. i. c. 19

A. 17. f. 27


A. 14. c. 16.

quàm pleniorẽ effundant fulgorem. Quamobrem Apostolus, eò ipso loco, ubi secula, simulachra vocat rerum inuisibilium: subiungit, per fidem intelligi esse verbo Dei aptata: ita significans, inuisibilem diuinitatem representari quidem talibus spectaculis: sed ad illam perspicendam non esse nobis oculos nisi interiore Dei reuelatione per fidem illuminentur. Neque Paulus, ubi tradit patefieri quod cognoscendum est de Deo ex mundi creatione, talem manifestationem designat quæ hominum perspicacia comprehendatur: quin potius eam ostendit non ultra procedere nisi ut reddantur inexcusabiles. Idem quoque, tametsi alicubi negat Deum procul vestigandum, utpote qui intra nos habitat: alio tamen loco docet quorsum valeat eiusmodi propinquitas. In præteritis, inquit, generationibus permisit Dominus Gentes ingredi viis suis, non tamen seipsum sine testimonio reliquit, benefaciens è cælo, dans pluuias, & tempora fructifera, implens cibo & lætitia corda hominum. Vt cunque ergo non destituatur testimonio Dominus, dum plurima & varia benignitate homines in sui cognitionem suauiter allicit: vias tamẽ suas, hoc est exitiales errores, propterea sequi non desinunt.

14

Quamquam autem naturali facultate deficiamus quominus ad puram vsque & liquidam Dei cognitionem conscendere liceat: quia tamen hebetudinis vitium intra nos est, præcisã est omnis tergiuersatio. Neque enim ignorantiam sic prætexere licet quin semper & ignauia & ingratitude vel conscientia ipsa nos cõuincat. Digna scilicet quæ admittatur defensio, si homo ad audiendam veritatem aures sibi defuisse obtẽdat, ad quam enarrandam suppetunt mutis creaturis plusquam canoræ voces: si oculis se non posse videre causetur quod sine oculis creaturæ demonstrant: si mentis imbecillitatem excuset, ubi omnes sine ratione creaturæ erudiunt. Quare omni prorsus excusatione meritò excludimur, quòd vagi & palantes aberramus: quum omnia rectã viam demonstrent. Sed enim, ut cunque hominum vitio imputandum sit, quòd semen notitiæ Dei, ex mirabili naturæ artificio mentibus suis inspersum, mox corrumpunt, ne ad frugem bonam ac sinceram perueniat: verissimum tamen est, nuda ista & simplici testificatione, quæ Dei gloriæ à creaturis magnifice redditur, nequaquam nos sufficienter erudiri. Simul enim ac modicum diuinitatis gulum ex mundi speculatione delibauimus: vero Deo prætermisso, eius loco somnia & spectra cerebri nostri erigimus: ac iustitiæ, sapientiæ, bonitatis, potentiæ laudem ab ipso fonte huc & illuc traducimus. Quotidiana porrò eius facta ita aut obscuramus aut inuertimus præuè æstimando, ut & suam illis gloriam, & auctori debitam laudem præripimus.

Ut ad Deum creatorem quis perueniat, opus esse Scriptura duce & magistra. CAP. VI.



RGO quamquam hominum ingratitude satis superque omni patrociniò spoliatur fulgor ille qui in cælo & in terra omnium oculis ingeritur: sicuti Deus ut genus humanum inuoluat eodem reatu, cunctis sine exceptione numen suum delineatum in creaturis proponit: aliud tamẽ & melius adminiculum accedere necesse est quod nos probè ad ipsum mundi creatorem dirigat. Itaque non frustra verbi sui lumen addidit, quo innotesceret in salutem. atque hac prærogatiua dignatus est quos voluit propius, & magis familiariter ad se colligere. Nam quia vaga & instabili agitatione circumferri videbat omnium animos, postquam Iudæos sibi elegit in gregem peculiarem, cancellos illis circundedit, ne aliorum more euanescerent. nec frustra eodem remedio nos in pura sui notitia continet: quia mox alioqui distulerent etiam qui videtur præ aliis firmi stare. nempe sicuti senes, vel lippi, & quicunque oculis caligant, si vel pulcherrimum volumen illis obiciat, quanuis agnoscant esse aliquid scriptum, vix tamen duas voces cõtexere poterunt: specillis autem interpositis adiuti, distinctè legere incipient: ita Scriptura confusam alioqui Dei notitiã in mentibus nostris colligens, discussa caligine liquidò nobis verum Deum ostendit. Hoc igitur singulare donum est, ubi ad erudiendam Ecclesiam non mutis duntaxat magistris Deus utitur, sed os quoque sacrosanctum reserat: neque tantum promulgat colendum esse aliquem Deum, sed eum se esse simul pronuntiat qui colendus sit: nec electos docet modò in Deum respicere, sed se quoque exhibet in quem respiciant. Hunc ordinem ab initio erga Ecclesiam suam tenuit, ut præter communia illa documenta verbum quoque adhiberet: quæ rectior est & certior ad ipsum dignoscendum nota. Nec dubium est quin Adam, Noe, Abraham, & reliqui patres hoc adminiculo penetrauerint ad familiarem notitiã, quæ illos ab incredulis quodam modo discreuit. Nondum loquor de propria fidei doctrina qua fuerunt illuminati in spem aternæ vitæ. nam ut trãsirent à morte in vitam, Deum non modò creatorem agnoscere necesse fuit, sed redemptorem quoque: ut certe utrunque adepti sunt ex

verbo. Ordine enim præcessit illa notitiæ species qua tenere datum fuit quisnam sit Deus ille à quo mūdus est conditus, & gubernatur. Deinde adiuncta fuit altera interior, quæ sola mortuas animas viuificat, qua Deus non tantum mundi conditor, & omnium quæ fiunt vnicus author & arbiter cognoscitur, sed etiam redēptor in Mediatoris persona. Cæterum quia nondum ad mundi lapsum & naturæ corruptionem ventum est, de remedio etiam tractare supersedeo. Meminerint ergo lectores, me nondum de fœdere illo differere, quo sibi Deus adoptauit Abrahæ filios: & de illa doctrinæ parte qua propriè segregati semper fuerunt fideles à profanis gentibus: quia in Christo fundata fuit: sed tantum quomodo ex Scriptura discere conueniat, Deum qui mūdi creator est, certis notis ab omni commentitia deorum turba discerni. Opportunè deinde series ipsa ad Redemptionē nos deducet. Quanquam autem multa ex Nouo testamēto testimonia adhibebimus, alia etiam ex Lege & Prophetis, vbi expressa sit Christi mentio: in hunc tamen finem tendēt omnia, Deum mundi opificem nobis pateferi in Scriptura, & quid de eo sentiendum sit exponi, ne per ambages incertum aliquod numen quæramus.

2 Siue autem per oracula & visiones Patribus innotuit Deus, siue hominum opera & ministerio suggessit quod deinde per manus posteris traderet: indubiū tamen est insculptam fuisse eorum cordibus firmam doctrinæ certitudinem, vt persuasi essent, atque intelligerēt à Deo profectum esse quod didicerant. Semper enim Deus indubiā fecit verbo suo fidem, quæ omni opinione superior esset. Tandem vt cōtinuo progressu doctrinæ veritas seculis omnibus superstes maneret in mundo, eadem oracula quæ deposuerat apud Patres, quasi publicis tabulis cōsignata esse voluit. Hoc consilio Lex promulgata fuit, cui postea interpretes additi sunt Prophetæ. Et si enim multiplex fuit Legis vsus, vt melius videbitur suo loco: præsertim verò Mōsi & omnibus Prophetis propositum fuit, modū reconciliationis inter Deum & homines docere (vnde etiam Paulus Christum vocat finem Legis) iterum tamen repeto, præter doctrinam fidei & pœnitentiæ propriam, quæ Christum Mediatorem proponit, Scripturam vnicum & verum Deum quatenus mundum creauit & gubernat, certis notis & insignibus ornare, ne misceatur cum falsa deorum turba. Ergo quauis hominem serio oculos intendere conueniat ad considerāda Dei opera, quando in hoc splendido theatro locatus est vt eorum esset spectator: aures tamen præcipuè arrigere conuenit ad verbum, vt melius proficiat. Ac proinde mirū non est, magis ac magis in stupore suo obdurescere qui in tenebris nati sunt: quia paucissimi vt se intra metas contineāt, verbo Dei se præbent dociles, sed potius exultant in sua vanitate. Sic autem habendum est, vt nobis affulgeat vera religio, exordium à cælesti doctrina fieri debere, nec quenquam posse vel minimum gustum rectæ sanæque doctrinæ percipere, nisi qui Scripturæ fuerit discipulus. vnde etiā emergit veræ intelligentiæ principium, vbi reuerenter amplectimur quod de se illic testari Deus voluit. Neque enim perfecta solum, vel numeris suis cōpleta fides, sed omnis recta Dei cognitio ab obedientia nascitur. Et sanè hac in parte singulari prouidentia consuluit mortalibus Deus in omnes ætates.

Rom. 10. 2-4

3 Nam si reputamus quàm lubricus sit humanæ mentis lapsus in Dei obliuionem, quanta in omne genus erroris procliuitas, quanta ad confingendas identidē nouas & factitias religiones libido: perspicere licebit quàm necessaria fuerit talis cælestis doctrinæ consignatio, ne vel obliuione deperiret, vel errore euanesceret, vel audacia hominum corrumpere. Quum itaque palām sit, Deū erga eos omnes quos vnquā erudire cum fructu voluit, subsidium verbi adhibuisse, quòd effigiē suam in pulcherrima mundi forma impressam, parum esse efficacem prouideret: hac recta via contendere expedit; si ad syncerā Dei contemplationem seriò aspiramus. Ad verbum, inquam, est veniendum, vbi probe, & ad viuum, nobis à suis operibus describitur Deus, dum opera ipsa non ex iudicii nostri prauitate, sed æternæ veritatis regula æstimentur. Ab eo si deflectimus, vt nuper dixi, quamlibet strenua enitamur celeritate, quia tamen extra viam cursus erit, nunquam ad metam pertingere continget. Sic enim cogitandum est: fulgorem diuini vultus, quem & Apostolus inaccessible vocat, esse nobis instar inexplicabilis labyrinthi, nisi verbi linea in ipsum dirigamur. vt satius sit in hac via claudicare quàm extra eam celerrime currere. Itaque sapius David superstitiones è mundo tollendas docens, quo pura vigeat religio, Deum regnantem inducit: regnandi nomine non potestatem significans qua præditus est, & quam in vniuersa naturæ gubernatione exercet: sed doctrinam qua sibi legitimū principatum asserit: quia nunquam euelli queunt ex hominum cordibus errores donec plantata fuerit vera Dei cognitio.

1. Tim. 6. d. 16

Psalmis 93.
96. 97. 99, &
similibus.

4 Proinde idem Propheta, vbi commemorauit gloriam Dei à cælis enarrari, opera ma-

Psalm. 19. a. 1

nuum enuntiari à firmamento, ab ordinata dierum noctiumque serie maiestaté eius prædicari, deinde ad verbi mentionem descendit: Lex, inquit, Domini immaculata, cōuertens animas: testimonium Domini fidele, sapiētiā præstans paruulis: iustitiæ Domini rectæ, lætificantes corda: præceptū Domini lucidum, illuminans oculos. Etsi enim alios quoque Legis vsus comprehendit, significat tamen in genere, quum frustra Deus omnes populos ad se inuitet cæli terræque intuitu, hanc esse peculiare filiorum Dei scholam. Eodem spectat Psalmus 29, vbi Propheta concionatus de terribili Dei voce, quæ in tonitru, ventis, imbribus, turbinibus & procellis terram concutit, tremefacit montes, cedros confringit: in fine tandem subicit, cani eius laudes in Sanctuario, quia ad omnes Dei voces quæ in aere resonant, surdi sunt increduli. Sicut alium Psalmū, vbi descripsit terribiles fluctus maris, ita claudit, Testimonia tua verificata sunt: decor tēpli tui, sanctitas in lōgitudinē dierum. Hinc & illud emanat quod Samaritanæ mulieri dicebat Christus, gentem eius & reliquos omnes populos adorare quod nescirēt: solos Iudæos Deo vero cultū exhibere. Nam quum humana mens pro sua imbecillitate peruenire ad Deum nullo modo queat nisi sacro eius verbo adiuta & subleuata, omnes tunc mortales, exceptis Iudæis, quia Deum sine verbo quærebant, necesse fuit in vanitate atque errore versari.

Psalm. 93. b. 5

Iohan. 4. c. 22

Quo testimonio Scripturam oporteat sanciri, nempe Spiritus: ut certa esset eius auctoritas: ac que impium esse commentum. fidem eius pendere ab Ecclesiæ iudicio.

CAP. VII.



ERVM antequam lōgius progrediar, quædam inferere operæ pretium est de Scripturæ auctoritate, quæ non modò animos præparēt ad eius reuerētiā, sed omnem dubitationem eximant. Porro vbi sermonem Dei esse qui proponitur, in confesso est, nemo est tam deploratæ audaciæ, nisi forte & sensu communi; & humanitate quoque ipsa destitutus, qui fidem loquēti derogare ausit. Sed quoniam non quotidiana è calis redduntur oracula, & Scripturæ solæ extant quibus visum est Domino suam perpetuæ memoriæ veritatem consecrare: non alio iure plenam apud fideles auctoritatem obtinent, quàm vbi statuunt è cælo fluxisse, ac si viux ipsæ Dei voces illic exaudirentur. Res sanè dignissima quæ & tractetur fusius, & accuratius expendatur. Sed dabunt veniam lectores, si magis respiciam quid ferat operis instituti ratio, quàm huius rei amplitudo requirat. Inualuit autē apud plerosque perniciosissimus error, Scripturæ tantum inesse momenti quantum illi Ecclesiæ suffragiis conceditur: ac si verò æterna inuiolabilisque Dei veritas, hominū arbitrio niteretur. sic enim magno cum ludibrio Spiritus sancti quærūt, Ecquis nobis fidem faciat, hæc à Deo prodiisse? Ecquis salua & intacta ad nostram vsque ætatē peruenisse, certiores reddat? Ecquis persuadeat, librū hunc reuerenter excipiendum, alterum numero expungendum: nisi certam istorum omnium regulā Ecclesiā præscriberet? Pendet igitur, inquiunt, ab Ecclesiæ determinatione & quæ Scripturæ reuerentia debeat, & qui libri in eius catalogo censendi sint. Ita sacrilegi homines, dum sub Ecclesiæ prætextu volunt effrānatam tyrannidem inuocere, nihili curāt quibus se & alios absurditatibus illaqueent, modò hoc vnum extorqueāt apud simplices, Ecclesiam nihil non posse. Atqui si ita est, quid miseris conscientis fiet, solidam vitæ æternæ securitatem quærentibus, si quæcunque extant de ea promissiones, solo hominum iudicio fultæ, consistent? An accepto tali responso fluctuari & trepidare desinent? Rursum quibus impiorum sannis subiicitur fides nostra, quantam apud omnes in suspicionē vocatur, si credatur, hominum beneficio, non secus ac precariam habere auctoritatem?

2 Sed eiusmodi rabulæ, vel vno Apostoli verbo pulchrè refelluntur. Ecclesiam ille testatur, Prophetarum & Apostolorum fundamento sustineri. Si fundamentū est Ecclesiæ Prophetica & Apostolica doctrina: suam huic certitudinē antè constare oportet, quàm illa extare incipiat. Neque est quod cauillentur, etiam si inde primum exordium ducat Ecclesia, manere tamen dubium quæ Prophetis & Apostolis sint adscribenda, nisi iudicium ipsius intercedat. Nam si Christiana Ecclesia Prophetarū scriptis, & Apostolorum prædicatione initio fundata fuit, vbi cūque reperietur ea doctrina, Ecclesiam certe præcessit eius approbatio: sine qua nunquam Ecclesia ipsa extitisset. Vanissimum est igitur commentum, Scripturæ iudicanda potestatem esse penes Ecclesiam: vt ab huius nutu illius certitudo pendere intelligatur. Quare dum illam recipit, ac suffragio suo obsignat, non ex dubia aut alioqui controuersa authenticam reddit: sed quia veritatem esse agnoscit Dei sui, pro pietatis officio, nihil cunctando veneratur. Quòd autem rogant, Vnde persuadebimur à Deo fluxisse, nisi ad Ecclesiæ decretū confugiamus? perinde est ac si quis roget, Vnde discemus lucē discernere à tenebris, albū à nigro, suaue ab amaro? Nō enim obscuriorē veritatis suæ sensum vltro Scriptura præ se fert, quàm coloris sui res albæ ac nigræ: saporis, suaues & amaræ.

Ephes. 2. d. 20

3 Scio equidem vulgo citari Augustini sententiam, vbi se Euangelio crediturum negat nisi Ecclesiæ ipsum moueret autoritas. Sed quàm perperâ & calumniose citetur in eum sensum, ex contextu facile est deprehendere. Negotiū illi erat cum Manichæis, qui absque controuersia credi sibi volebant, quum veritatem se habere pollicerentur, non ostenderent. Quia verò vt Manichæo suo fidem astruerent, obtendebant Euāgelium, rogat quidnam facturi sint si in hominem incidant qui ne Euāgelio quidem credat: quo genere persuasionis cum sint in suam sententiam adducturi. Postea subiicit, Ego vero non crederem Euangelio, &c. significans se, quum alienus esset à fide, non aliter potuisse adduci vt Euangelium amplecteretur pro certa Dei veritate, quàm Ecclesiæ autoritate victum. Et quid mirum, si quis nondum Christo cognito, hominum respectum habeat: Non ergo illic docet Augustinus fundatam esse piorum fidem in Ecclesiæ autoritate: nec Euangelii certitudinem inde pendere intelligit: verum simpliciter nullam fore Euangelii certitudinem infidelibus, vt inde Christo lucrifiant, nisi Ecclesiæ consensus eos impellat. Atque id paulo antè non obscurè confirmat, ita loquendo, Quum ego laudauero quod credo, & quod credis irrisero, quid putas nobis esse iudicandum, quidve faciendum, nisi vt eos relinquamus qui nos inuitant certa cognoscere, & postea imperant vt incerta credamus: & eos sequamur qui nos inuitant prius credere quod nondum valemus intueri, vt ipsa fide valentiores facti, quod credimus intelligere mereamur: nō iam hominibus, sed ipso Deo intrinsecus mentem nostram firmante atque illuminante: Hæc certè sunt Augustini verba: ex quibus cuius colligere promptū est, non hāc sancto viro fuisse mentē, vt fidē quam Scripturis habemus, à nutu arbitriōve Ecclesiæ suspenderet: sed tantum vt indicaret quod nos quoque verum fatemur, eos qui nōdum Spiritu Dei sunt illuminati, Ecclesiæ reuerentia ad docilitatem induci, vt Christi fidem ex Euangelio discere sustineant: atque ita hoc modo Ecclesiæ autoritatem isagogen esse qua ad fidem Euangelii præparamur. Nam, vt videmus, piorum certitudinem longe alio fundamento vult esse suffultam. Alioqui non nego quin sæpe Manichæos Ecclesiæ vniuersæ consensu vrgeat, dum Scripturam, quam illi repudiabant, vult approbare. Vnde illa aduersus Faustum exprobratio: quod se Evangelicæ veritati non subdat, tam fundatæ, tam stabilitæ, tantæ gloria diffamatæ, & à tempore Apostolorum per certas successiones commendatæ. Sed nusquam eò spectat, vt pendere doceat quam Scripturis autoritatem deferimus, ab hominum definitione aut decreto: tantum, quod in causa plurimum valebat, vniuersale Ecclesiæ iudicium profert, in quo aduersariis erat superior. Siquis pleniorē huius approbationem desiderat, libellum eius legat De vtilitate credendi: vbi reperiet, non aliam credendi facilitatē ab ipso commendari nisi quæ nobis aditū modo præbeat, sitque opportunū inquirendi exordium, vt ipse loquitur: nō tamen in opinione acquiescendū esse, sed certa & solida veritate nitendū.

Locus est eō
tra epistolam
fundamenta-
lem, cap. 5.

Eiusdem libri
cap. 4.

Lib. 3.

4 Tenendum quod nuper dixi, non antè stabiliri doctrinæ fidem, quàm nobis indubiè persuasum sit, authorem eius esse Deum. Itaque summa Scripturæ probatio passim à Dei loquentis persona sumitur. Non iactant Prophetæ & Apostoli vel acumē suum, vel quæcunque fidem loquentibus conciliant, neque insistant rationibus: sed sacrum Dei nomen proferunt, quo ad obsequium cogatur totus mundus. Nunc videndum quomodo non opinione tantum probabili, sed liquida veritate pateat, non temerè, nec fallaciter obtendi Dei nomen. Iam si conscientis optimè consultum volumus, ne instabili dubitatione perpetuo circumferantur, aut vacillent, ne etiam hæsitent ad minimos quosque scrupulos, altius quàm ab humanis vel rationibus, vel iudiciis, vel cōiecturis petenda est hæc persuasio, nempe ab arcano & testimonio Spiritus. Verum quidem est, si argumētis agere libeat, multa posse in medium proferri quæ faciliè euincant, si quis est in calo Deus, Legē, & Prophetias, & Euangelium ab eo manasse. Imò quāuis docti homines & summo iudicio præditi contrā insurgant, & omnes ingenii vires conferant atque ostendent in hac disceptatione: nisi tamen ad perditam impudentiam obduruerint, extorquebitur illis hæc confessio, manifesta signa loquentis Dei conspici in Scriptura, ex quibus pateat cælestem esse eius doctrinam. ac paulo post videbimus, omnes Scripturæ sacre libros quibusque aliis scriptis longissimè præcellere. Imò si puros oculos, & integros sensus illuc afferimus, statim occurret Dei maiestas, quæ subacta reclamandi audacia, nos sibi parere cogat. Præpostere tamen faciunt qui disputando contendunt solidam Scripturæ fidem adstruere. Equidem tametsi nec summa dexteritate, nec facundia polleo: si tamen mihi certamen esset cum vasserimis quibusque Dei contemptoribus, qui in labefactanda Scriptura solertes & faceti videri appetunt, non difficile mihi fore confido obstreperas eorum voces compescere. ac si utilis in refellendis eorum cauillis esset labor, non magno negotio quas in angulis iactantias mus-

sitāt discuterem. Verūm si quis sacrū Dei verbum asserat ab hominū maledictis, non pre-
 rinus tamen quam requirit pietas certitudinē cordibus infiget. Quia opinione tantū ita
 re videtur religio profanis hominibus, nequid stultē aut leuiter credāt, ratione probari si-
 bi cupiunt ac postulant Mosen & Prophetas diuinitus loquutos esse. Atqui testimoniū Spi-
 ritus omni ratione præstātius esse respondeo. Nam sicuti Deus solus de se idoneus est testis
 in suo sermone: ita etiā non antē fidem reperiet sermo in hominū cordibus quā interio-
 re Spiritus testimonio obsignetur. Idē ergo Spiritus qui per os Prophetarū loquutus est, in
 corda nostra penetret necesse est, vt persuadeat fideliter protulisse quod diuinitus erat mā-
 datū. Atque hæc cōnexio aptissimē ab Iesaiā ponitur in his verbis, Spiritus meus qui in te
 est, & verba quæ posui in ore tuo & seminis tui, in perpetuū non deficiēt. Bonos quosdā ma-
 le habet quod dū impunē obmurmurant impii cōtra Dei verbum, non ad manum suppe-
 tat clara probatio. Quasi verò nō ideo vocetur Spiritus & sigillū, & arra ad confirmādā
 piorum fidem, quia donec mentes illuminet, semper inter multas hæitationes fluētuant.

Iesa. 51. c. 16

Maneat ergo hoc fixū, quos Spiritus sanctus intus docuit, solidē acquiescere in Scrip-
 tura, & hanc quidem esse *αὐτὴν τὴν*, neque demonstrationi & rationibus subiici eam fas esse:
 quam tamen meretur apud nos certitudinem, Spiritus testimonio consequi. Etsi enim re-
 uerentiā suā sibi vltro maiestate conciliat, tunc tamen demum serio nos afficit quum per
 Spiritum obsignata est cordibus nostris. Illius ergo virtute illuminati, iam nō aut nostro,
 aut aliorum iudicio credimus, à Deo esse Scripturam: sed supra humanū iudicium, certo
 certius constituimus (non secus ac si ipsius Dei numen illic intueremur) hominum mini-
 sterio, ab ipsissimo Dei ore ad nos fluxisse. Non argumenta, non verisimilitudines quæ ri-
 mus quibus iudicium nostrum incumbat: sed vt rei extra æstimandi aleam positæ, iudi-
 cium ingeniumque nostrum subiicimus. Non id quidem qualiter solent quidā interdum
 rem incognitā arripere, quæ mox perspecta displicet: sed quia inexpugnabilem nos veri-
 tatem tenere, probe nobis consci sumus. Neque qualiter superstitionibus solēt miseri ho-
 mines captiuam mentem addicere: sed quia non dubiam vim numinis illic sentimus vi-
 gere ac spirare, quæ ad parendum, scientes quidem ac volentes, viuidius tamen & efficaci-
 us quā pro humana aut vpluntate, aut scientia trahimur & accēdimur. Itaque optimo
 iure per Iesaiam clamat Deus Prophetas cum toto populo sibi esse testes quia vaticiniis e-
 docti, indubiē tenebant absque fallacia vel ambiguitate loquutum esse Deum. Talis ergo
 est persuasio quæ rationes non requirat: talis notitia, cui optima ratio constet, nēpe in qua
 securius constantiusque mens quiescit quā in vllis rationibus: talis denique sensus, qui
 nisi ex cælesti reuelatione nasci nequeat. Non aliud loquor quā quod apud se experitur
 fidelium vnusquisque, nisi quod longe infra iustam rei explicationē verba subsidunt. Plu-
 ribus nunc supersedeo, quoniā hac de re alibi tractandi locus iterum se offeret: tantū nunc
 sciamus, veram demum esse fidē quam Spiritus Dei cordibus nostris obsignat. Imò vna
 hac ratione cōtētus erit modestus ac docilis lector: promittit Iesaias omnes renouatæ Ec-
 clesiæ filios, Dei fore discipulos. Singulari priuilegio illic Deus solos electos dignatur,
 quos à toto humano genere discernit. Etenim quodnā veræ doctrinæ initium est nisi prō-
 pta alacritas ad audiendā vocem Dei: Atqui Deus audiri postulat per os Mosis, sicuti scri-
 ptum est, Ne dicas in corde tuo, Quis ascēdet in cælum; aut quis descendet in abyssum? ec-
 ce sermo est in ore tuo. Si hunc intelligentiæ thesaurum filius suis reconditum esse Deus
 voluit, nihil mirum vel absurdum si in hominum vulgo cernitur tanta inscitia & stupidi-
 tas. Vulgus nomino præcipuos etiam quosque, donec in Ecclesiæ corpus insiti fuerint. Ad
 de quod Iesaias non extraneis modo, sed Iudæis etiam qui domestici censerī volebāt, Pro-
 pheticam doctrinam incredibilem fore admonēs, simul causam addit, Quia non reuela-
 bitur omnibus brachium Dei. Quoties ergo nos conturbat credentium paucitas, ex oppo-
 sito veniat in mentem, non alios comprehendere Dei mysteria nisi quibus datum est.

Iesa. 43. b. 10

Iesa. 54. c. 13

Deut. 30. c. 10

Iesa. 53. a. 1

*Probationes, quatenus fert humana ratio, satis firmas suppetere ad stabiliendam scri-
 pturæ fidem.*

CAP. VIII.



HÆC nisi certitudo adsit quolibet humano iudicio & superior & validior, fru-
 stra Scripturæ autoritas vel argumentis muniatur, vel Ecclesiæ consensu sta-
 bilietur, vel aliis præfidiis confirmabitur. siquidem nisi hoc iactō fundamen-
 to, suspensa semper manet. Sicuti contrā, vbi semel communi sorte exemptā
 religiose ac pro dignitate amplexi sumus, quæ ad eius certitudinē animis no-
 stris inferendam & infigendam non adeò valebant, tunc aptissima sunt adminicula. Mi-
 rum enim quantū confirmationis ex eo accedat, dum intentiore studio reputamus quā
 ordinata & disposita illic appareat diuinæ sapientiæ dispensatio, quā cælestis vbique &

nihil terrenum redolens doctrina, quàm pulchra partium omnium inter se consensio, & eiusmodi reliqua quæ ad conciliandam scriptis maiestatem conueniunt. Tum verò solidius adhuc confirmantur corda nostra dum cogitamus rerum magis dignitate quàm verborum gratia, in eius admirationem nos rapi. Nam & hoc non sine eximia Dei prouidentia factum est, vt sublimia regni cælestis mysteria sub contemptibili verborum humilitate bona ex parte traderentur: ne si splendidior eloquentia illustrata foret, cauillarètur impii, solam eius vim hinc regnare. Nunc quum inculta illa, & tantum non rudis simplicitas maiorem sui reuerentiam excitet quàm vlla rhetorum facundia, quid iudicare licet nisi potètiorem Scripturæ sacræ vim veritatis constare, quàm vt verborum arte indigeat? Non ergo absque ratione Apostolus Dei virtute, non humana sapientia, fundatam esse fidem Corinthiorum arguit, quòd sua inter eos prædicatio, non persuasoriis humanæ sapientiæ verbis, sed ostensione Spiritus & potentiæ commendabilis fuisset. siquidem ab omni dubitatione vindicatur veritas, vbi non alienis suffulta præfidiis, sola ipsa sibi ad se sustinenda sufficit. Hæc autè virtus quàm propria sit Scripturæ, inde liquet, quòd ex humanis scriptis quamlibet artificiosè expolitis, nullum omnino perinde ad nos afficiendos valet. Lege Demosthenem, aut Ciceronem: lege Platonem, Aristotelem, aut alios quosvis ex illa cohorte: mirum in modum, fateor, te allicient, oblectabunt, mouebunt, rapiunt: verum inde si ad sacram istam lectionem te conferas, velis nolis ita viuide te afficiet, ita cor tuum penetrabit, ita medullis insidebit, vt præ istius sensus efficacia, vis illa Rhetorum ac Philosophorum propè euanescat. vt promptum sit perspicere, diuinum quiddam spirare sacras Scripturas, quæ omnes humanæ industriæ dotes ac gratias tanto interuallo superent.

1. Cor. 1. 2. 4

2 Fateor quidem Prophetis nonnullis elegans & nitidum, imò etiam splendidum esse dicendi genus: vt profanis scriptoribus non cedat eorum facundia. ac talibus exemplis voluit ostendere Spiritus sanctus non sibi defuisse eloquentiam dum rudi & crasso stylo alibi usus est. Cæterum siue Dauidem, Iesaiam & similes legas, quibus suavis & iucunda fuit oratio, siue Amos hominem pecuarium, Ieremiam & Zachariam, quorum asperior sermo rusticitatem sapit, vbique conspicua erit illa quam dixi Spiritus maiestas. Nec me latet, vt Satan in multis est Dei æmulus, quo se fallaci similitudine melius insinuet in animos simpliciū, ita impios errores quibus miseros homines fallebat, astutè sparsisse inculto sermone & ferè barbaro, & sæpe obsoletis loquendi formis usum esse, vt sub hac larua tegeret suas imposturas. sed quàm inanis & putida sit affectatio, vident omnes mediocri sensu præditi. Quantum verò ad sacram Scripturam attinet, quanuis multa arrodere conetur proterui homines, constat tamen sententiis refertam esse quæ humanitus concipi non poterint. Inspiciantur singuli Prophetæ: nemo reperietur qui non longè excesserit humanum modum: vt palato prorsus carere censendi sint quibus insipida est eorum doctrina.

3 Tractarunt alii hoc argumentum copiosè: quo fit vt pauca tantum delibare in præsens sufficiat quæ ad summam totius causæ maximè faciunt. Præter ea quæ iam attigi, non parum habet ponderis ipsa Scripturæ antiquitas. Nam vtcunque Græci scriptores de Aegyptiaca theologia multa fabulentur, nullum tamen cuiusquam religionis monumentum extat quod non sit Moysis seculo longè inferius. Neque Moses nouum Deum comminiscitur: sed quod de æterno Deo longa tēporum serie à patribus quasi per manus traditum acceperant Israelitæ, proponit. Quid enim aliud agit, quàm vt ad fœdus ipsos reuocet cū Abrahamo initum? Quòd si rem inauditam attulisset, nullus erat accessus: sed oportuit liberationem à seruitute, in qua detinebantur, rem omnibus notam ac tritam esse: vt audita eius mentio protinus omnium animos erigeret. Quinetiam de quadringentorum annorum numero probabile est fuisse edoctos. Nunc reputandum est, si à tam alto exordio Moses (qui tamen ipse tanto interuallo temporum superat alios omnes scriptores) repetit doctrinæ suæ traditionem, quantum vetustate Scriptura sacra inter alias omnes emineat.

4 Nisi fortè Aegyptiis credere libeat vetustatem suam extēdentibus ad sex annorum millia ante creatum mūdum. Sed quum profanis etiam quibusque semper ludibrio fuerit eorum garrulitas, non est cur in eius refutatione laborem. Citat autem Iosephus contra Appionem testimonia memoratu digna ex antiquissimis scriptoribus, vnde colligere licet, gentium omnium consensu doctrinam in Lege proditam ab vltimis seculis fuisse celebrem, quāuis neque lecta neque verè cognita fuerit. Iam nequa hæreret apud malignos suspicio, nequa etiam improbis cauillandi esset ansa, vtrique periculo optimis remediis Deus occurrit. Dum refert Moses quid trecētis ferè antè annis cælesti afflatu pronūtiasset Iacob de posteris suis, quomodo tribū suam nobilitat? Imò eam notat æterna infamia in persona Levi. Simeon, inquit, & Levi vasa iniquitatis: in consilium eorum non veniat ani

ma mea, nec in arcanum eorum lingua mea. Certè potuit dedecus illud silere, non tantùm vt patri suo parceret, sed ne seipsum cum tota familia aspergeret eiusdè ignominia parte. Quomodo suspectus esse poterit qui primum familiae ex qua oriundus erat, authorem Spiritus sancti oraculo detestabilem fuisse vltro prædicans, neque priuatim sibi consulit, neque recusat subire inuidiã apud gentiles suos, quibus haud dubiè hoc molestũ erat? Quum etiam impium Aharonis germani fratris & Mariæ sororis murmur cõmemorat, dicemũs ne ex carnis suæ sensu loqui, an parere Spiritus sancti imperio? Adhæc quum summa eius esset autoritas, cur saltem ius summi Sacerdotii non relinquit filiis suis, sed in vltimum locum eos ablegat? Pauca tantùm ex multis delibos: sed in ipsa Lege passim occurrent multa argumenta quæ vendicent plenam fidem, vt absque controuersia Moses quasi Dei Angelus cælo prodeat.

Nume. 12. a. 1

Exod. 14. d. 18

Exod. 34. d. 29

Exod. 19. c. 16

Exo. 40. d. 34

Num. 16. d. 14

Num. 20. b. 10

Nume. 11. b. 9

Iam verò tot ac tam insignia quæ refert miracula, totidè sunt Legis ab ipso latae proditaque doctrinae sanctiones. Nam quòd nube abreptus fuit in montem: quòd illic vsque ad diem quadagesimum humano contubernio exemptus fuit: quòd in ipsa Legis promulgatione facies eius tanquam solaribus radiis fulgebat: quòd vndique micabant fulgetra: tonitrua & fragores toto aere exaudiebãtur: tuba etiam nullo humano ore inflata clangebat: quòd tabernaculi ingressus nube opposita excipiebatur à conspectu populi: quòd horrendo Core, Dathan & Abirom, totiũsque impiæ factionis exitio tam mirificè vindicata fuit eius autoritas: quòd lapis virga percussus flumè protinus eiecit: quòd manè cælo ad eius precationem depluit: nõnne hinc Deus ipsum cælitus commẽdabat tanquam indubium Prophetam? Siquis obiiciat, me sumere pro confessis quæ cõtrouersia non careant, huius cauilli facilis est solutio. Nam quum hæc omnia pro concione publicauerit Moses, quis fingendi locus fuit apud ipsos rerum gestarũ oculatos testes? Scilicet prodiiisset in medium, ac populum infidelitatis, contumaciæ, ingratitude aliorũque scelerum coarguens, suam doctrinam sub ipsorum conspectu iactasset sancitam fuisse iis miraculis quæ ipsi nunquam vidissent.

Nam & hoc notatu dignum, quoties narrat de miraculis, simul odiosè coniungi quæ totum populum stimulare ad reclamandum poterant si vel minima fuisset occasio. vnde apparet non aliter vt subscriberent fuisse adductos, nisi quia plus satis conuicti erant sua experientia. Cæterum quoniam res, erat illustrior quàm vt profanis scriptoribus liberum esset negare edita fuisse à Mose miracula, calumniam illis suggessit pater mendacii, ea magicis artibus adscribens: Sed qua coniectura magum fuisse insimulant qui tantopere ab hac superstitione abhorret, vt lapidibus obruere iubeat qui tantùm consuluerit magos & ariolos? Certè nemo impostor præstigiis ludit qui non obstupescere vulgi animos studeat captandæ famæ causa. Quid autem Moses? se & fratrem Aharonè nihil esse clamans, sed tantum exequi quæ Deus præscripsit, satis abstergit omnem sinistram notam. Iam si res ipsæ considerentur, quænam incantatio facere potuit vt manè cælo quotidie pluens, ad populum alendum sufficeret: si quis plus iusta mensura repositum haberet, ex ipsa putredine disceret incredulitatem suam diuinitus puniri? Adde quòd multis seriis probationibus sic examinari passus est Deus seruũ suum, vt nunc obstrepèdo nihil proficiant improbi. Quoties enim superbè & petulanter nũc surrexit totus populus, nunc quidam inter se conspirando, sanctum Dei seruũ euertere conati sunt, eorum furorem præstigiis cludere quĩ potuit? Et euentus palàm docet, hoc modo sancitã in omnia secula fuisse eius doctrinã.

Exod. 7. b. 11

Leuit. 20. a. 6

Exod. 16. b. 7

Gen. 49. b. 10

2. Sam. 11. d. 15

1. Sam. 16. c. 13

Adhæc quòd tribui Iuda in persona Patriarchæ Iacob assignat principatum, quis neget spiritu Prophetico factum esse: præsertim si rem ipsam, vt euentu comprobata fuit, cogitationi nostræ subiicimus? Finge Mosen primum esse vaticinii authorem: ex quo tamen scriptum hoc memoriæ prodidit, prætereunt anni quadringenti quibus nulla est in tribu Iuda sceptri mentio. Post Saulem inauguratum videtur regia potestas in tribu Benjamin residere. Quum à Samuele vngitur Dauid, quænam eius trãfferendæ ratio apparet? Quis regem sperasset ex plebeia hominis pecuarii domo exiturum? Et quum illic septem essent fratres, quis minimo natu honorem destinasset? Qua deinde ratione ad spem regni peruenit? Quis humana arte vel industria vel prudentia gubernatam fuisse vnctionem dicat, ac non potius vaticinii cælestis complemẽtum esse? Similiter quæ de Gentibus in fœdus Dei cooptandis, obscurè licet, prædicat, quũ post duo ferè annorũ millia euenerint, an non diuino afflatu ipsum locutum esse palàm faciunt? Omitto alias prædictiones, quæ diuinam reuelationem ita planè spirant vt sanis hominibus constet Deum esse qui loquitur. Breuiter, vnum canticum illustre speculum est in quo Deus euidenter apparet.

Deut. 31

In reliquis autem Prophetis multo etiamnum clarius id cernitur. Pauca tantùm exem

pla deligam, quia in omnibus colligendis nimius esset labor. Quum Iesaiæ tempore pacatum esset regnum Iuda, imò quum in Chaldaeis aliquid præsidii sibi repositum putaret, de exeidio vrbis populique exilio concionabatur Iesaias. Vt demus nondum satis clarum specimen fuisse diuini instinctus, multo antè prædicere quæ tunc videbantur fabulosa, tandem vera apparuerunt: quæ tamen simul de redemptione vaticinia edit, vnde nisi à Deo profecta fuisse dicemus? Cyrum nominat, per quem subigendi erant Chaldaei, & populus in libertatè asserendus. Elapsi sunt anni plus centum ex quo ita vaticinatus est Propheta, priusquam nasceretur Cyrus. nam hic centesimo demum anno aut circiter post illius mortem natus est. Nemo diuinare tunc poterat fore aliquem Cyrum cui cum Babylonis bellum futurum esset: qui tam potenti monarchia sub manum suam redacta, finem Israeli-tici populi exilio imposeret. Nuda hæc narratio, sine vlllo verborum ornatu, nonne indubia esse Dei oracula, non hominis coniecturas, quæ Iesaias loquitur, planè demonstrat: Rursus quum Ieremias prius aliquanto quàm populus abduceretur, annis septuaginta finiret tēpus captiuitatis, reditumque & libertatē indiceret, nonne à Spiritu Dei gubernari eius linguam oportuit: Cuius impudentiæ erit negare talibus documentis sancitam fuisse Prophetarum autoritatem, adeoque impletum esse quod ipsi iactant ad vindicandam sermonibus suis fidem? Piora ecce venerunt, noua annuntio: antequam oriantur, nota vobis faciam. Omitto quòd Ieremias & Ezechiel, quum tam procul essent disiti, tamen eodem tempore prophetantes, in dictis omnibus perinde consentiebant ac si mutuo alter alteri dictasset verba. Quid Daniel: annon vsque ad annum ferè sexcentimum de rebus futuris prophetias ita cōtexit ac si historiam de rebus gestis & passim notis scriberet? Hæc si probè meditata habeant pii homines, ad compescendos impiorum hominum latratus abundè instructi erunt. clarior enim est ista demonstratio quàm vt vllis cauillis sit obnoxia.

Iesa. 45. a. 1

Ierc. 25. c. 11, 12

Iesa. 41. b. 9

9 Scio quid in angulis obstrepant quidam nebulones, vt in oppugnanda Dei veritate acumen ingenii sui ostendent. Quæruni enim, quis nos certiores fecerit à Mose & Prophetis hæc fuisse scripta quæ sub eorum nominibus leguntur. Quinetiam quæstionem mouere audent fueritne vnquam aliquis Moses. At si quis in dubium reuocet fueritne vnquam vel Plato aliquis, vel Aristoteles, vel Cicero, quis non colaphis aut flagellis castigandam talem insaniam dicat: Fuit Lex Moysi cælesti magis prouidentia, quàm hominum studio mirabiliter conseruata. Et quanquam negligentia Sacerdotum ad breue tempus sepultra iacuit, ex quo pius res Iosias eam inuenit, per continuas ætatum successiones inter manus hominum versata est. Neque verò quasi rem ignotam aut nouam protulit Iosias, sed quæ semper vulgata fuerat, & cuius tunc celebris erat memoria. Dicatum erat templo volumen prototypon: dicatum regiis archiuis descriptum inde exemplar. tantum hoc acciderat quòd Sacerdotes Legem ipsam ex solenni more publicare desierant, & populus etiam ipse vsitatam lectionem neglexerat. Quid quòd nullum ferè seculum præteriiit quo non confirmata renouatæque fuerit eius sanctio? an iis incognitus erat Moses qui Dauidem tractabant? Verum, vt de omnibus simul loquar, certo certius est ipsorum scripta non aliter peruenisse ad posteros quàm de manu in manum, vt ita loquar, perpetua annorum serie à patribus tradita, qui partim loquentes audierant, partim recenti memoria discebant ab auditoribus, fuisse ita locutos.

10 Imò quod ex Machabæorum historia obiiciunt ad eleuandam Scripturæ fidem, tale est vt nihil ad eam stabiliendam excogitari possit aptius. Primum tamen quem obtendunt colorem diluamus: deinde in eos retorquebimus quam in nos machinam erigunt. Quum Antiochus, inquiunt, libros omnes iusserit concremari, vnde prodierunt quæ nunc habemus exemplaria? Ego autem vicissim interrogo in qua officina tam cito fabricari potuerint. Constat enim post sedatam sæuitiam mox extitisse, & à piis omnibus qui in corum doctrina educati familiariter eos nouerant, sine controuersia fuisse agnitos. Quinetiam quum omnes impii, quasi facta coniuratione, Iudæis tam proteruè insultauerint, nemo vnquam illis obiicere ausus est falsam librorum suppositionem. Nam qualiscunque, eorum opinione, sit religio Iudaica, Mosen tamen ipsius esse authorem fatetur. Quid ergo aliud quàm proteruiam suam plusquam caninam produnt isti blaterones, dum supposititios libros esse mentiuntur, quorum sacra vetustas historiarum omnium consensu approbatur: Sed ne refellendis tam putidis calumniis frustra plus operæ impendam, potius hinc reputemus quātam Dominus conseruandi verbi sui curam habuerit, quando ipsum ex truculentia sæuissimi tyranni, quasi ex præsentis incendio præter spem omnium eripuit: quòd pios Sacerdotes aliosque tanta constantia instruxit, vt non dubitauerint thesaurum hunc vitæ suæ dispendio, si opus foret, redemptum, ad posteros transmittere: quòd acerrimam tot præsi-

1. Mac. 2. g. 59

dum ac satellitum conquisitionem frustratus est. Quis insigne ac mirificū Dei opus non agnoscat, quod sacra illa monumenta quæ prorsus interiisse sibi impii persuaserant, mox quasi postliminio redierunt, & quidem maiore cum dignatione? Sequuta est enim Græca interpretatio quæ per totum orbē ea vulgaret. Neque in eo tantum apparuit miraculum quod fœderis sui tabulas Deus à sanguinariis Antiochi edictis vindicauit, sed quod inter tam multiplices gentis Iudaicæ clades, quibus subinde attrita & vastata, mox propè ad interuersionem redacta fuit, saluæ tamen superstitesque manserunt. Lingua Hebræa non ignobilis modò, sed propè incognita iacebat: & certè, nisi religioni consultum voluisset Deus, in totum periisset. Quantum enim ex quo reuersi sunt ab exilio Iudæi, à linguæ patriæ genuino vsu descuerint, ex eius sæculi Prophetis apparet: quod ideo notatu vtile est, quia ex hac comparatione clarius elicitur Legis & Prophetarum antiquitas. Et per quos salutis doctrinam in Lege & Prophetis comprehensam nobis Deus seruauit, vt Christus suo tempore patefieret? Per infestissimos Christi ipsius hostes Iudæos: quos meritò Ecclesiæ Christianæ librarios Augustinus ideo appellat quia nobis subministrarunt lectionē cuius ipsi vsu non habent.

11 Porro si ad Nouum testamentum venit, quàm solidis fulturis nititur eius veritas: Historiam humili abiectioneque sermone tres Euangelistæ recitant. fastidio est multis super his ista simplicitas: nempe quoniam ad præcipua doctrinæ capita non attendūt, ex quibus colligere facile esset eos supra humanum captum de cælestibus mysteriis differere. Certè quicumque ingenui pudoris gutta præditi erunt, lecto primo capite Lucæ pudefient. Iam Christi conciones, quarum summa à tribus illis Euangelistis perstringitur, omni cōtemptu eorum scripta facillè eximunt. Iohannes autem è sublimi tonans, quos non cogit in obsequium fidei, eorum peruicaciam quolibet fulmine validius prosternit. Prodeant in medium omnes isti nasuti censores, quibus summa voluptas est Scripturæ reuerentiam ex suis & aliorum cordibus excutere. legant Ioannis Euangelium: velint nolint, illic reperiet mille sententias quæ saltem eorum fœcordiam expergefiant: imò quæ eorum conscientias ad cohibendos eorum risus horribile inurant cauterium. Eadē Pauli & Petri ratio est, in quorum scriptis quanuis maior pars cæcutiat, ipsa tamen cælestis maiestas deuinet. Etos sibi omnes & quasi constrictos tenet. Vnum verò hoc eorum doctrinam supra mundum satis superque attollit, quod Matthæus ad mēsam suam quæstum antea affixus, Petrus & Iohannes in nauiculis suis versati, omnes crassi idiotæ nihil didicerant in hominū schola quod aliis traderent. Paulus verò non tantum ex professo hoste, sed etiam fauo & sanguinario, conuersus in nouū hominem, subita & insperata mutatione ostendit cælesti imperio se compulsum doctrinam quam oppugnauerat asserere. Negent canes isti Spiritum sanctum super Apostolos delapsum esse, vel saltem historiæ fidem abrogent: res tamen palam clamat à Spiritu fuisse edoctos, qui antè in ipsa plebe contemptibiles, repente de cælestibus mysteriis tam magnificè differere cœperunt.

12 Adde quod aliæ quoque sunt optimæ rationes cur pondere suo nō careat Ecclesiæ consensus. Neque enim pro minimo ducendum est, ex quo Scriptura publicata fuit, tot seculorum voluntates constanter in eius obedientiā consensisse: & vtcunque miris modis eam vel opprimere, vel euertere, vel inducere prorsus & ex hominum memoria obliterare Satan cum toto mundo conatus sit, semper tamen instar palmæ superiorum euasisse, & inexpugnabilem perstitisse. Siquidem nemo ferè excellentiore ingenio, vel sophista, vel rhetor olim fuit, qui vim suam aduersus ipsam non intenderet: nihil tamen profecerunt omnes. In eius excidium vniuersa terræ potentia se armavit: & in fumum abierunt omnes eius conatus. Quomodo tam validè vndeque impetita restitisset, nonnisi humano freta præsidio: Quin magis hoc ipso à Deo esse conuincitur, quod reluctantis humanis omnibus studiis, sua tamen virtute vsque emerferit. Adde etiā huc, quod non vna ciuitas, non gens vna in eam recipiendam & amplexandam conspirauit: sed quàm longè latèque patet terrarum orbis, variarum gentium, quibus alioqui nihil inter se commune erat, sancta conspiratione suam auctoritatem adepta est. Porro quum plurimum nos mouere debeat talis conuenientia tam diuersorum animorum, & rebus omnibus alioqui inter se dissidentium, quando eam nonnisi cælesti numine conciliatam apparet: non parum tamen grauitatis illi accrescit, dum intuemur in eorum pietatem qui sic conueniunt, non omnium quidem, sed quibus, ceu luminibus, fulgere Ecclesiam suam Dominus voluit.

13 Iam quanta securitate nos ei doctrinæ nomen dare par est, quam tot sæcutorū virorum sanguine sancitam ac testificatam videmus: Illi pro semel suscepta non dubitarunt mortem animosè & intrepidè, atque adeo magna alacritate oppetere: nos cum tali arrhabone

ad nos trāsmiffam, quī nō certa & incōcuffa perfuafione fufciperemus? Non ergo eft mediocris Scripturæ approbatio, tot testium fanguine fuiſſe obſignatam: præſertim dum reputamus, eos mortem ad reddendum fidei testimonium oppetiſſe, non fanatica intemperie, qualiter interdum erratici ſpiritus ſolent: ſed firmo cōſtantique, ſobrio tamen Dei zelo. Aliæ ſunt nec paucæ nec inualidæ rationes, quibus ſua Scripturæ dignitas ac maietas non modò aſſeratur piis pectoribus, ſed aduerſus calumniatorum technas egregiè vindicetur: ſed quæ non ſatis per ſe valeant ad firmam illi fidem comparandam, donec eius reuerentiam cæleſtis Pater, ſuo illic numine patefacto, omni controuerſia eximit. Quare tum verè demum ad ſaluificam Dei cognitionem Scriptura ſatiſſaciet, ubi interiori Spiritus ſancti perfuafione fundata fuerit eius certitudo. Quæ verò ad eam cōfirmandam humana extant testimonia, ſic inania non erunt, ſi præcipuum illud & ſummum, velut ſecundaria noſtræ imbecillitatis adminicula, ſubſequantur. Sed ineptè faciunt qui probari volunt infidelibus, Scripturam eſſe verbum Dei: quod niſi fide, cognofci nequit. Meritò itaque Auguſtinus, qui pietatem & pacem mentis debere præcedere admonet, vt de tantis rebus aliquid homo intelligat.

De vtilitate
credendi.

Omnia pietatis principia euertere fanaticos, qui poſthabita Scriptura, ad reuelationem tranſuolant.

C A P. I X.

PORRO qui repudiata Scriptura, neſcio quam ad Deum penetrandi viam imaginantur, non tam errore teneri quàm rabie exagitari putandi ſunt. Emerſerunt enim nuper vertiginofī quidam, qui Spiritus magiſterium faſtuoſiſſimè obtendentes, lectionem ipſi omnem reſpuunt, & eorum irrident ſimplicitatem qui emortuam & occidentem, vt ipſi vocant, literam adhuc conſecrantur. Sed velim ab ipſis ſcire quiſnā ſit iſte ſpiritus cuius aſſatu eò ſublimitatis euehantur, vt Scripturæ doctrinam ceu puerilem & humilem deſpicere auſint. Nam ſi Chriſti Spiritum eſſe reſpondent, perquam ridicula eſt eiufmodi ſecuritas: ſiquidem Apoſtolos Chriſti, aliòſque in prima Eccleſia fideles non alio ſpiritu illuminatos fuiſſe, vt opinor, concedent. Atqui nullus eorum verbi Dei cōtempſum inde didicit, ſed vnusquiſque potius maiore reuerentia imbutus fuit: quemadmodum eorum ſcripta luculentiffimè teſtantur.

Et ſanè ſic per os Ieſaiæ prædictū fuerat. Neque enim ubi dicit, Spiritus meus qui in te eſt, & verba quæ poſui in ore tuo non diſcedent ab ore tuo, neque ab ore ſeminiſ tui in perpetuum, veterem populum externæ doctrinæ aſtringit ac ſi elemētarius eſſet: quin potius veram hanc & plenam ſub Chriſti regno ſœlicitatem nouæ Eccleſiæ fore docet, vt non minus voce Dei quàm Spiritu regatur. vnde colligimus, nefando ſacrilegio diuelli ab iſtis nebulonibus quæ inuiolabili nexu Propheta coniunxit. Huc adde quòd Paulus in tertium vſque cælum raptus, non deſtitit tamen proficere in doctrina Legis & Prophetarū: ſicuti & Timotheum ſingularis præſtantiæ doctorem hortatur vt lectioni attēdat. Ac memoratu dignum eſt elogium illud quo Scripturam ornat, vtilem eſſe ad docendum, monēdum, arguendum, quo perfecti reddantur ſerui Dei. Quàm diabolici furoris eſt caducum vel temporalem Scripturæ vſum fingere, quæ ad vltimā vſque metam filios Dei deducit? Deinde & hoc mihi reſpōderi ab ipſis velim, an alium hauſerint ſpiritū ab eo quem diſcipulis ſuis Dominus promittebat. Tametſi extrema infania vexātur, non tamen eos tanta vertigine puto raptari vt id iactare auſint. Qualem autem fore promittendo denuntiabat: nepe qui non à ſeipſo loqueretur, ſed ſuggereret eorū animis & inſtillaret quæ ipſe per verbū tradidiffet. Non ergo promiſſi nobis Spiritus officium eſt, nouas & inauditas reuelationes cōfin gere, aut nouum doctrinæ genus procudere, quo à recepta Euangelii doctrina abducamur: ſed illam ipſam quæ per Euāgelium cōmendatur, doctrinam mentibus noſtris obſignare.

Ieſa. 59. d. 21

1. Tim. 4. d. 13

1. Tim. 3. d. 16

Iohan. 16. b. 13

1. Pet. 1. d. 19

2 Vnde facilè intelligimus, Scripturæ & lectioni & auſcultationi eſſe ſtudioſè incumbendum, ſiquem à Spiritu Dei vſum ac fruētum percipere libet (ſicuti etiam laudat Petrus eorum ſtudium qui attenti ſunt ad Propheticam doctrinam, quæ tamen videri poterat loco ceſſiſſe poſt exortam Euangelii lucem) contrā vero, ſiquis ſpiritus, præterita verbi Dei ſapientia, aliam doctrinam nobis ingerit, eum meritò vanitatis ac mendacii ſuſpectum eſſe debere. Quid enim? quum ſe Satan in angelū lucis trāſfiguret, quam authoritatem habebit apud nos Spiritus niſi certiffima nota diſcernatur? Et ſanè perſpicuè nobis designatus eſt voce Domini: niſi quia ſpōte in ſuum exitium errare affectant miſeri iſti, dum Spiritum à ſeipſis potius quàm ab ipſo quærant. At verò indignum eſſe cauſantur, Spiritum Dei, cui ſubiicienda ſunt omnia, Scripturæ ſubiacere. Quafi verò ſit hoc ignominioſum Spiritui ſancto, ſibi eſſe vbique parem & conformem, ſibi per omnia conſtare, nuſquā variare. Equidem ſi ad humanā, vel angelicam, vel alienam quamvis regulam exigeretur,

b. iii.

cenfendus tum eſſet, in ordinem, adde etiam ſi placet, in ſeruitutem redigi. ſed dum ſibi ipſi comparatur, dum in ſeipſo conſideratur, quis ideo dicet irrogari ei iniuriam? Atqui ita ad examen reuocatur: fateor: ſed quo ſuam apud nos maiestatem ſanciri voluit. Nobis abunde eſſe debet, ſimul atque ſe nobis inſinuat. Verum ne ſub titulo ſuo Satanæ ſpiritus obrepat, in ſua imagine quâ Scripturis impreſſit, vult à nobis recognoſci. Scripturarum author eſt: varius diſſimiliſque eſſe non poteſt. Qualẽ igitur ſe illic ſemel prodidit, talis perpetuò maneat oportet. Hoc contumeliouſum illi non eſt: niſi fortè honorificum ducamus à ſeipſo deſciſcere & degenerare.

3
1. Cor. 3. b. 6 Quod verò literæ occidenti nos incubare cauillantur, in eo pœnas luunt contemptæ Scripturæ. Satis enim conſtat Paulum illic aduerſus pseudoapostoſos contēdere, qui quidem Legem citra Chriſtum commendantes, à Noui teſtamēti beneficio populum auocabāt, quo paciſcitur Dominus ſe Legem ſuam in fidelium viſcera inſculpturum, & cordibus inſcripturū. Emortua eſt igitur litera, & ſuos lectores necat lex Domini, vbi & à Chriſti gratia diuellitur, & intacto corde, auribus tantum inſonat. Verum ſi per Spiritum efficaciter cordibus imprimitur, ſi Chriſtum exhibet: verbum eſt vitæ, conuertens animas, ſapientiam præſtans paruulis, &c. Quinetiam eodem loco prædicationem ſuam Apoſtolus miniſterium Spiritus vocat: nimirum ſignificans, ita ſuæ quam in Scripturis expreſſit, veritati inhærere Spiritum ſanctum, vt vim tum demum ſuam proferat atque exerat vbi ſua conſtat verbo reuerentia ac dignitas. Nec his repugnat quod nuper dictum eſt, verbum ipſum non valde certum nobis eſſe niſi Spiritus teſtimonio cōfirmetur. Mutuo enim quodam nexu Dominus verbi Spirituſque ſui certitudinem inter ſe copulauit: vt ſolida verbi religio animis noſtris inſidat, vbi aſſulget Spiritus qui nos illic Dei faciem contēplari faciat: vt viciffim nullo hallucinationis timore Spiritum amplexemur, vbi illum in ſua imagine, hoc eſt in verbo, recognoſcimus. Ita eſt ſanè. Non verbum hominibus ſubitæ oſtentationis cauſa in medium protulit Deus, quod Spiritus ſui aduentu extemplo aboleret, ſed eundem Spiritum cuius virtute verbū adminiſtrauerat, ſubmiſit, qui ſuum opus efficaci verbi confirmatione abſolueret. In hunc modum Chriſtus diſcipulis duobus ſenſum aperiebat: non vt abiectis Scripturis, per ſe ſaperent: ſed vt Scripturas intelligerent.

1. Theſ. 5. c. 19. 20. Similiter Paulus, dum hortatur Theſſalonicenſes ne Spiritum extinguant, non ſublimiter eos arripit ad inanes ſine verbo ſpeculationes: ſed continuò ſubiicit, non ſpernedas prophetias. Quo proculdubio innuitur, Spiritus lucem præfocari ſimul atque in cōtemptum veniunt prophetiæ. Quid ad hæc tumidi iſti *ὀφθαλμοί*, qui hanc vnā reputant eximiam illuminationem, vbi ſecurè omiſſo ac valere iuſſo Dei verbo, quicquid ſtertendo conceperint, non minus confidēt quàm temere arripiunt: Filios certe Dei longe alia decet ſobrietatis: qui vt omni veritatis luce, ſine Dei Spiritu, orbatos ſe vident, ita non ignorant, verbum eſſe organum quo Spiritus ſui illuminationem fidelibus Dominus diſpēſat. Alium enim Spiritum nesciunt quàm qui in Apoſtolis habitauit & loquutus eſt: cuius oraculis aſſiduè ad verbi audientiam reuocantur.

Scripturam, ut omnem ſuperſtitionem corrigat, verum Deum excluſiue opponere diis omnibus Gentium.

C A P. X.

SED enim quoniam Dei notitiam, quæ in mundi machina vniuerſiſque creaturis non obſcurè alioqui proponitur, familiarius tamen etiamnum & clarius verbo docuimus explicari: iam operæpretium eſt expendere ecquid ſe talem Dominus in Scriptura nobis repræſentet qualem in operibus ſuis delinēari, prius viſum eſt. Lōga certe materia: ſiquis in ea diligentius tractāda immorari velit. At ego velut indicē propoſuiſſe contentus ero, quo monitæ piæ mentes, quid potiſſimum in Scripturis de Deo inueſtigandum ſit norint, & ad certum eius inqueſitionis ſcopum dirigantur. Nondum attingo peculiare fœdus quo genus Abrahæ à reliquis Gentibus diſtinxit. Nam gratuita adoptione recipiens in filios qui hoſtes erant, Redemptor iam tunc apparuit: nos autem adhuc in ea notitia verſamur quæ in mundi creatione ſubſiſtit, neque aſcēdit ad Chriſtum Mediatorem. Eſi autem paulo poſt quorſdam ex Nouo teſtamento locos citare operæpretium erit (ſicuti etiam inde & potentia Dei creatoris, & prouidentia in primæ naturæ cōſeruatione probatur) lectores tamē monitos volo quid nūc agere mihi propoſitum ſit, ne fines ſibi præſcriptos tranſiliant. denique tenere in præſentia ſufficiat quomodo Deus cæli & terræ opifex mundum à ſe conditū gubernet. Paſſim verò celebratur & paterna eius bonitas, & voluntas ad beneficiā procliuis: & exempla traduntur ſeueritatis, quæ iuſtum ſclerum ultorem eſſe oſtendunt, præſertim vbi tolerantiæ ſua contra obſtinatos nihil proficit.

2 Certis quidem locis dilucidæ magis descriptiones nobis proponuntur, quibus *εικονίζεις* visenda exhibetur germana eius facies. Nam quum eam describeret Moses, videtur sanè voluisse breuiter comprehendere quicquid de ipso intelligi ab hominibus fas esset. Ichouah, inquit, Ichouah, Deus misericors & clemens, patiens, & multæ miserationis, ac verax, qui custodis misericordiamini milia, qui aufers iniquitatem & scelera, apud quem innocens non erit innocens, qui reddis iniquitatem patrum filiis ac nepotibus. Vbi animaduertamus eius æternitatem *ἡ αἰωνιότης*, magnifico illo nomine bis repetito, prædicari: deinde commemorari eius virtutes, quibus nobis describitur non quis sit apud se, sed qualis erga nos: ut ista eius agnitio viuio magis sensu, quàm vacua & meteorica speculatione constet. Virtutes porro easdem hic enumerari audimus quas notauimus in cælo & terra relucere: clementiam, bonitatem, misericordiam, iustitiam, iudicium, veritatem. Nam virtus & potentia sub titulo Elohim continetur. Iisdem etiam epithetis illum insigniunt Prophetæ, quum ad plenum volunt sanctum eius nomen illustrare. Ne multa congerere cogamur, in præsentia nobis Psalmus vnus sufficiat: in quo tam exactè summa omnium eius virtutum recensetur, ut nihil ommissum videri queat. Et nihil tamen illic ponitur quod non liceat in creaturis contemplari. Adeò talem sentimus, experientia magistra, Deum, qualem se verbo declarat. Apud Ieremiam, vbi pronuntiat qualis agnosci à nobis velit, descriptionem proponit non ita plenam, sed eodem planè recidentem. Qui gloriatur, inquit, in hoc gloriatur, quod me nouerit Dominum qui facio misericordiam, iudicium, & iustitiam in terra. Tria certe hæc apprimè nobis cognita sunt necessaria: Misericordia, qua sola consistit nostra omnium salus: Iudicium, quod in flagitiosos quotidie exercetur, & grauius etiam eos manet in æternum exitium: Iustitia, qua conseruantur fideles, & benignissime fouentur. Quibus comprehensis, te abundè habere vaticinium testatur quo possis in Deo gloriari. Neque tamè ita omittuntur aut veritas eius, aut potetia, aut sanctitas, aut bonitas. Quomodo enim constaret, quæ hic requiritur iustitiæ, misericordiæ, iudicii eius scientia, nisi veritate eius inflexibili niteretur? Et quomodo crederetur terram iudicio & iustitia moderari, nisi intellecta eius virtute? Vnde autè, nisi ex bonitate, misericordia: Si denique vitæ omnes eius sunt misericordia, iudicium, iustitia, in illis quoque & sanctitas conspicua est. Porro non in alium scopum destinatur, quæ in Scripturis nobis proponitur Dei notitia, quàm quæ in creaturis impressa nitet: nempe ad Dei amorem primùm, deinde ad fiduciã nos inuitat: quo scilicet & perfectæ vitæ innocentia, & nō simulata obedientia colere illum discamus: tum ab eius bonitate toti dependere.

Exod. 34. a. 6

Psal. 145

Iere. 6. 2. 14

3 Sed hinc summam generalis doctrinæ colligere propositum est. ac primò quidem obseruent lectores, Scripturã ut ad verum Deum nos dirigat, disertè excludere ac reicere deos omnes Gætium, quia sæculis ferè omnibus passim adulterata fuit religio. Verum quid est, vnus Dei nomen vbique fuisse notum ac celebre. Nam qui ingentem deorum turbam colebant, quoties ex genuino naturæ sensu loquuti sunt, ac si vnico Deo contenti essent, simpliciter vsi sunt Dei nomine. atque hoc prudenter notauit Iustinus martyr, qui in hunc finem librum composuit De monarchia Dei, vbi ex plurimis testimoniis ostendit vnitatem Dei fuisse omnium cordibus insculptam. Idem etiam Tertullianus ex cõmuni sermone probat. Sed quia omnes ad vnum vanitate sua vel tracti vel prolapsi sunt ad falsa commenta, atque ita euauerunt eorum sensus, quicquid naturaliter senserunt de vnico Deo non vltà valuit nisi ut essent inexcusabiles. Nam & sapientissimi quique eorum vagum mentis suæ errorem palam aperiunt, vbi Deum quempiam sibi adesse cupiunt: & ita votis inuocant incertos deos. Adde quod multiplicem Dei naturam imaginãdo, licet minus absurdè quàm rude vulgus de Ioue, Mercurio, Venere, Minerua & aliis sentirent, non fuerunt ipsi quoque immunes à Satanæ fallaciis. ac iam alibi diximus, quæcũque effugia argutè excogitarunt Philosophi, crimen defectionis non diluere quin ab omnibus corrupta fuerit Dei veritas. Hac ratione Habacuc, vbi idola omnia damnauit, Deum in tẽplo suo quærere iubet, ne alium admitterent fideles quàm qui se verbo suo patefecerat.

Habac. 2. d. 20

Deo tribuere visibilem formam nefas esse, ac generaliter desinere à vero Deo quicumque idola sibi erigunt.

CAP. XI.

VERVM ut Scriptura rudi crassoque hominum ingenio consulens, populariter loqui solet, vbi verum Deum à falsis discernere vult, idolis præcipuè eum opponit. non quod probet quæ subtilius & elegantius à Philosophis traduntur, sed quo melius detegat mundi stultitiam, imò amentiam in quærendo Deo, quandiu suis quisque speculationibus adhæret. Exclusiua igitur definitio quæ passim occurrit, in nihilum redigit quicquid diuinitatis propria opinione sibi fa-

b. lili.

bricāt homines: quia Deus ipse solus est de se idoncus testis. Interca quum hic brutus stupor totum orbem occupauerit, vt visibiles Dei figuras appeterent, atque ita ex ligno, lapide, auro, argento, aliāve mortua & corruptibili materia formarēt deos, tenendum nobis est hoc pincipium, impio mendacio corrumpi Dei gloriam quoties ei forma vlla affingitur. Itaque Deus in Lege postquam sibi vni asseruit deitatis gloriam, vbi docere vult quem cultum probet, vel repudiet, mox adiūgit, Non facies tibi sculptile, neque similitudinem vllam: quibus verbis licentiam nostram coercet, ne ipsum vlla visibili effigie repræsentare tentemus. ac formas omnes breuiter enumerat, quibus iam olim cœperat eius veritatem in mendacium conuertere superstitio. Scimus enim Solem adoratum fuisse à Persis. quotquot etiam astra in cælo cernebant stultæ Gentes, totidem sibi finxerunt deos. Iam nullum propè animal fuit quod AEgyptiis non esset Dei figura. Græci verò supra alios sapere visi sunt, quòd sub humana forma Deū colerēt. Atqui imagines Deus inter se non cōparat, quasi altera magis, altera minus cōueniat: sed absque exceptione repudiat simulachra omnia, picturas, aliāque signa quibus eum sibi propinquū fore putarūt superstitiosi.

Exod. 20. c. 4

Maxim⁹ Ty
rius Plat. nic.
Serm. 38

Deut. 4. c. 15

Iesa. 40. d. 18,
& 41. b. 7, 8, 29
& 45. b. 9, &
46. b. 5

A. 17. g. 29

Lib. 6. de Ci-
uit. Dei, ca. 10

2 Id colligere promptū est ex rationibus quas prohibitioni adiungit. Primum apud Mo- sen, Memento quòd Iehouah loquutus tibi sit in valle Horeb: vocem audisti, corpus non vidisti. obserua ergo teipsum, ne fortè deceptus, facias tibi vllam similitudinem, &c. Videmus vt apertè vocem suam opponat Deus omnibus figuris: vt sciamus à Deo desciscere quicūque visibiles eius formas appetunt. Ex Prophetis sufficit vnus Iesaias qui in hac demōstratione plurimus est, vt doceat indecora & absurda fictione fœdari Dei maiestatem, dum incorporeus materia corporea, inuisibilis visibili simulachro, spiritus re inanimata, immēsus exigui ligni, lapidis, vel auri frusto assimilatur. In eundem quoque modum ratiocinatur Paulus, Genus quum simus Dei, non existimādum auro, & argento, aut lapidi arte sculpto, aut inuēto hominis Diuinum esse simile. Vnde cōstat, quicquid statuarum erigitur vel imaginum pingitur ad Deum figurandum, simpliciter ei displicere ceu quædam maiestatis suæ dedecora. Et quid mirum si hæc è cælo Spiritus sanctus oracula detonet, quum ad talem cōfessionem è terra edendam miseros quoque & cæcos idololatrias cogat? Nota est illa Senecæ querimonia, quæ apud Augustinum legitur: Sacros (inquit) immortales, inuiolabilēsque deos in materia vilissima, atque ignobili dedicant, illisque hominum & ferarū habitus induunt: quidam verò mixto sexu, & diuersis corporibus: ac numina vocant quæ si accepto spiritu occurrerent, monstra haberentur. vnde rursus palam apparet, friuolo cauillo elabi imaginū patronos, qui obtendunt Iudæis fuisse vetitas quòd ad superstitionem procliues essent. Quasi verò ad gentem vnā pertineat quod Deus ex æterna sua essentia, & cōtinuo naturæ ordine adducit. Neque verò Iudæos Paulus alloquebatur, sed Athenienses, quum errorem in Deo figurando refelleret.

3 Exhibuit quidem interdum Deus certis signis numinis sui præsentia, vt diceretur spectari facie ad faciem: sed omnia quæ vnquam edidit signa, aptè quadrabant ad rationē dōcēdi, & simul apertè monebant homines de incōprehensibili eius essentia. Nubes enim & fumus & flāma, quāquam symbola erant cælestis gloriæ, quasi inicōto fræno cohibebāt omnium mentes ne penetrare altius tentarent. Quare ne Moses quidem (cui tamē præ aliis familiarissime se patefecit) precibus adeptus est vt faciem illam cerneret. quin responsum accepit, non esse hominem tātī fulgoris capacem. Apparuit Spiritus sanctus sub specie columbæ: sed dum protinus euauit, quis non videt, vnus momēti symbolo admonitos esse fideles Spiritum inuisibilem credendum esse? vt eius virtute & gratia contenti, nullam sibi externā figuram accerserent. Nam quòd sub forma hominis Deus interdum apparuit, præludiū fuit futuræ in Christo reuelationis. Itaque hoc prætextu minime licuit Iudæis abuti vt sibi deitatis symbolum erigerent sub humana figura. Propitiatorium quoque, vnde præsentiam virtutis suæ sub Lege exeruit Deus, sic cōpositum erat vt innueret optimū diuinitatis aspectum hunc esse, dum animi supra se admiratione efferuntur. Cherubim siquidem alis extentis illud operiebant: velum obtegebat: locus ipse procul reconditus satis per se occultebat. Proinde insanire eos minime obscurum est qui simulachra Dei & Sanctorum exemplo illorum Cherubim defendere conantur. Quid enim obsecro volebant immagunculæ illæ, nisi imagines repræsentandis Dei mysteriis non esse idoneas: quando in hoc formatae erant, vt alis velātes propitiatorium, non oculos modo humanos, sed omnes

Deut. 4. b. 11

Exod. 33. c. 13

Matth. 3. d. 16

Exod. 25. b. 17
18, 21.

Iesa. 6. a. 2.

sensus prohiberent à Dei intuitu: atque ita temeritatē corrigerent. Huc accedit quòd Prophetæ Seraphim sibi in visione ostensos velata facie nobis pingunt: quo significāt tantum esse diuinæ gloriæ fulgorem vt Angeli quoque ipsi à recto intuitu arceantur, & tenues eius scintillæ, quæ in Angelis emicant, ab oculis nostris sint subductæ. Quāquam Cherubim

de quibus nunc agitur, ad veterem Legis pædagogiam pertinuisse agnoscunt quicunque rectè iudicant. Ita in exemplum eos trahere quod nostræ ætati seruiat, absurdum est. Præterit enim seculum illud puerile, ut ita loquar, cui eiusmodi rudimēta destinata erant. Ac sanè pudendum est, profanos scriptores magis dextros esse Legis Dei interpretes quàm Papistas. Iudæis per ludibrium exprobrat Iuuenalis, quòd puras nubes & cæli numen adorēt. Peruersè quidem & impiè: verius tamen loquitur, Dei effigiem apud illos extare negans, quàm Papistæ, qui visibilem aliquam Dei effigiem fuisse garriunt. Quòd autem populus ille feruida celeritate subinde ad idola sibi quærēda prorupit, non aliter quàm aquæ ex magna scaturigine violēto impetu ebulliunt: hinc potius discamus quanta sit ingēni nostri ad idololatriam propensio, ne vitii cōmunis culpam regerendo in Iudæos, sub vanis peccandi illecebris mortiferum somnum dormiamus.

- 4 Eodem tendit illud, Simulachra Gētium argentum & aurū, opera manuum hominū: Psal. 115. b. 4. quia & ex materia colligit Propheta, non esse deos quorum effigies aurea est vel argentea: & 135. c. 15. & pro confesso sumit, quidquid proprio sensu concipimus de Deo, insipidum esse figmentum. Aurum potius & argentum nominat, quàm lutum vel lapidem, ne vel splendor vel pretium idolis reuerentiam conciliet. Concludit tamen in genere, nihil minus esse probabile quàm ex mortua qualibet materia constari deos. Interea non minus in altero insistit, nimis vesana temeritate efferri mortales, qui euavidum spiritum in singula momēta precario trahentes, Dei honorem conferre audent idolis. Fateri cogetur homo se animal esse ephemerum, & pro Deo tamen haberi volet metallum cui deitatis originem dedit. Vnde enim idolis principium, nisi ex hominum arbitrio? Iustissima est profani illius poetæ sub-

Horat. 1. Ser. Saty. 8.

fannatio, Olim truncus eram ficulnus, inutile lignum, Quum faber, incertus scamnum facerētne, &c. Maluit esse Deum. scilicet terrenus homuncio qui singulis ferè momentis vitam exhalat, suo artificio Dei nomen & honorē ad mortuum truncū transferet. Sed quia Epicureus ille faceret ludendo, nullam religionē curauit, omissis eius & similibus dīcteriis, pūgat nos, imò transfodiat obiurgatio Propheta, Nimum esse vecordes qui ex eodem ligno se calefaciunt, furnum accendunt coquendo pani, assant carnem vel elixant, deūque fabricant corā quo supplices ad precandū se prosternunt. Itaque alibi non tātum ex Lege reos peragit, sed exprobrat quòd ex fundamentis terræ non didicerint: quando scilicet nihil minus consentaneum, quàm velle Deum qui immensus est ac incomprehensibilis, redigere ad quinque pedum mensuram. Et tamen portentum hoc quod palām naturæ ordini repugnat, consuetudo ostendit esse hominibus naturale. Tenendū porrò est, hac loquendi forma passim notari superstitiones, quòd opera sint manuum hominum, quæ Dei autoritate carent: ut hoc fixū sit, detestabiles esse omnes cultus quos à seipsis homines excogitant. Furorem exaggerat Propheta in Psalmo, quòd auxiliū implorent à rebus mortuis, sensūque carentibus qui intelligentia ideo præditi sunt ut sciant sola Dei virtute omnia moueri. Sed quia tam populos omnes quàm priuatim vnūquēque rapit naturæ corruptela ad tantā dementiam, dira imprecatione tādē fulminat Spiritus, Similes illis fiant qui faciūt ea, & quicunque illis fidunt. Notandum autem, non minus similitudinem vetari quàm sculptile: quo inepta Græcorum cautio refutatur. Belle enim defunctos se putant si Deum non sculptant, dum in picturis licentiosius quàm villæ aliæ gentes lasciuiunt. Atqui Dominus non à statuatio modo sibi erigi effigiem, sed à quolibet artifice effingi prohibet: quia perperam & cum maiestatis suæ contumelia sic assimilatur.

Iesa. 44. b. 12
Iesa. 40. c. 21
Iesa. 2. b. 8, & 31. c. 7, & 57. c. 10.

Osee. 14. b. 4,
mich. 5. d. 13.

Psal. 115. d. 8.

- 5 Scio quidem illud vulgo esse plusquam tritum, Libros idiotarum esse imagines. Dixit hoc Gregorius: at longè aliter pronuntiat Spiritus Dei, in cuius schola si edoctus fuisset hac in parte, nunquā ita loquutus foret. Nam quum Ieremias lignum esse doctrinam vanitatis pronūtiat: quum Habacuc docet constabile esse doctorem mendacii: certè hinc generalis colligenda est doctrina, futile esse, adeoque mendax, quicquid de Deo ex imaginibus homines didicerint. Siquis excipiat, eos à Prophetis reprehendi qui simulachris ad impiam superstitionem abutebantur: fateor id quidem: sed addo, quod omnibus conspicuum est, in totum damnari ab illis quod Papistæ pro certo axiomate sumunt, imagines esse pro libris. Opponunt enim vero Deo simulachra, tanquam res contrarias, & quæ nunquam simul conuenire possint. Hæc, inquam, comparatio, in locis illis quos nuper citavi, statuitur: quum vnus sit verus Deus quem colebant Iudæi, perperā & falsò confingi visibiles figuras quæ Deum repræsentent: ac miserè deludi omnes qui Dei cognitionem inde petunt. Denique nisi ita res haberet, fallacem esse & adulterinam quæcunque ex simulachris petitur Dei cognitio, non ita generaliter damnarēt eam Propheta. Saltem

Ierem. 10. a. 3.
Habac. 2. b. 18

hoc habeo: quum vanitatē & mendaciū esse docemus, quòd simulachris Deū effingere homines tentāt, nihil aliud quàm de verbo ad verbū nos referre quod Prophetæ tradiderunt.

6 Legantur præterea quæ de hac re Lactantius & Eusebius scripserunt, qui pro certo assumere non dubitāt, mortales fuisse omnes quorum simulachra visuntur. Nec aliter Augustinus, qui securē pronuntiat nefas esse non modò adorare simulachra, sed Deo collocare. Neque tamen aliud dicit quàm quod multis antè annis in Concilio Elibertino decretum fuerat: cuius hoc est tricesimum sextum caput, Placuit in templis non haberi picturas: ne quod colitur vel adoratur, in parietibus pigatur. Sed in primis memorabile quod ex Varone alibi citat idem Augustinus, suāque subscriptione confirmat, Qui primi deorum simulachra induxerunt, eos & metū dempsisse, & errorem addidisse. Hoc si solus Varro diceret, parum fortasse haberet authoritatis: pudorem tamen nobis meritò incutere deberet, quòd homo Ethnicus, quasi in tenebris palpans, ad hanc lucem peruenierit, ideo indignas esse Dei maiestate corporeas imagines, quia metum eius diminuāt hominibus, erroremque augeant. Res certe ipsa testatur verè hoc non minus quàm prudenter fuisse dictum: sed Augustinus à Varrone mutuatus, tanquam ex suo sensu profert. Ac primū quidem admonet, primos de Deo errores, quibus homines sunt impliciti, non cœpisse à simulachris, sed noua materia superaddita, creuisse. Deinde ideo imminui aut etiam tolli Dei timorē interpretatur, quia facilè possit eius numen in simulachrorum stultitia ineptoque & absurdo figmento contemni. quod secundum vtinam non tam verum esse experiremur. Quisquis ergo ritè doceri cupiet, aliunde quàm ex simulachris discat quod de Deo sciendum est.

Lib. 4. de Ciuit. Dei. cap. 9. & 31.

7 Quare siquid frontis habent Papistæ, ne posthac effugio isto vtantur, libros esse idiotarum imagines: quod tam apertè pluribus Scripturæ testimoniis refellitur. Tamen si vt hoc illis concedam, ne sic quidem multum profecerint pro idolis suis tuendis. Cuiusmodi portenta pro Deo obrudant notū est. Quas verò sanctis picturas vel statuas dicant, quid sunt nisi perditissimi luxus & obscœnitatis exemplaria: ad quæ si quis formare se vellet, fustuario dignus sit. Equidem lupanaria pudicius & modestius cultas meretrices ostēdunt quàm templa eas quas volunt censerī virginū imagines. Martyribus nihilo decentiorem fingūt habitum. Componant ergo sua idola vel ad modicum saltem pudorem, vt paulo verecundius mentiantur alicuius sanctitatis libros esse. Sed tum quoque respondebimus, non hanc esse in sacris locis docendi fidelis populi rationem: quē longè alia doctrina quàm istis natiui illic institui vult Deus. In verbi sui prædicatione & sacris mysteriis communem illic omnibus doctrinam proponi iussit: in quam parum sedulò intentū sibi animum esse produnt qui oculis ad idola contemplanda circumaguntur. Quos ergo vocant Papistæ idiotas, quorum ruditas solis imaginibus doceri sustineat: Hos scilicet, quos pro suis discipulis agnoscit Dominus: quos cælestis suæ philosophiæ reuelatione dignatur: quos salutariis regni sui mysteriis vult erudiri. Fateor quidem, vt res habent, hodie esse non paucos qui talibus libris carere nequeāt. Sed vnde quæso, isthæc stupiditas, nisi quòd ea doctrina fraudantur quæ sola erat ad eos formandos idonea: Neque enim alia de causa, qui præerant Ecclesiis, resignarunt idolis docendi vices, nisi quia ipsi muti erant. Christum vera Evangelii prædicatione depingi, & quodammodo ob oculos nostros crucifigi testatur Paulus. Quorsum igitur attinebat tot passim in templis cruces erigi, ligneas, lapideas, argenteas & aureas, si probè & fideliter illud inculcaretur, Christum esse mortuum vt in cruce maledictionem nostram sustineret, peccata nostra expiaret corporis sui sacrificio, sanguinéque ablueret, nos denique reconciliaret Deo Patri: Ex quo vno plus discere poterant quàm ex mille crucibus ligneis aut lapideis. nam in aureas & argenteas auari mentes & oculos tenacius forte defigunt, quàm in vlla Dei verba.

Galat. 3. a. 1.

8 Porro de idolorum origine, publico ferè consensu receptum est quod in libro Sapientiæ habetur: primos scilicet extitisse eorum authores, qui hunc honorem detulerunt mortuis, vt ipsorum memoriam superstitiose colerent. Et sanè fateor peruersum hunc morem fuisse vetustissimum: nec facem fuisse nego qua accēsus hominum ad idololatriam furor magis exarsit: non tamen concedo hunc fuisse primum mali fontem. Idola enim iam fuisse prius in vsu quàm ista in consecratis mortuorum imaginibus ambitio inualuisset, (cuius apud profanos scriptores crebra fit mentio) constat ex Mose. Quum Rachelem narrat furatam esse patris sui idola, non secus ac de communi vitio loquitur. Vnde colligere licet, hominis ingenium perpetuam, vt ita loquar, esse idolorum fabricam. A diluuiio quædam erat mundi palingenesia: atqui non multi anni fluunt quin sibi homines pro libidine deos fingant. Ac credibile est, superstitute adhuc sancto Patriarcha, idololatriæ deditos fuisse nepotes, vt oculis suis non sine acerbissimo dolore cerneret idolis fœdari terrā, cuius cor.

Sapien. 14. b. 15.

Gene. 31. c. 19.

ruptelas nuper Deus tā horribili iudicio purgauerat. Nam Thare & Nachor iam antenatum Abraham falsorum deorum cultores erant, sicuti testatur Iosue. Quum tam citò descenderit progenies Sem, quid de posteris Cham iudicabimus qui in patre suo pridem fuerant maledicti: Ita est sanē. Mens hominis, ut superbia & temeritate est referta, Deum pro capto suo imaginari audet: ut hebetudine laborat, imò crassissima ignorātia est obruta, pro Deo vanitatem & inane spectrum cōcipit. Ad hæc mala accedit noua improbitas, quòd homo qualem intus concepit Deum, exprimere opere tentat. Mens igitur idolum gignit: manus parit. Hanc esse idololatriæ originem, quòd homines Deum sibi adesse non credunt nisi carnaliter exhibeat se præsentem, prodit Israelitarum exemplum. Nescimus, dicebāt, quid isti Mosi contigerit: fac nobis deos qui nos præcedant. Deum quidem esse nouerant, cuius experti virtutem erant in tot miraculis: sed propinquū sibi esse non confidebant nisi oculis cernerent corporeum vultus eius symbolum, quod sibi testimonium esset gubernantis Dei. A præeunte ergo imagine volebāt cognoscere Deum itineris sibi esse ducem. Id quotidiana experientia docet, inquietam semper esse carnem, donec sibi simile figmentum nata est in quo se pro Dei imagine inaniter soletur. Omnibus ferè à condito mundo seculis, huic cæcæ cupiditati ut obsequerentur homines, erexerunt signa in quibus Deum sibi præ oculis carnalibus obuersari credebant.

Iosue. 24. 2. 3

9 ¶ Tale figmentum sequitur protinus adoratio: quum enim Deum se homines in simulachris intueri arbitrarentur, & ipsum quoque illic coluerunt. Tandem toti & animis & oculis illic affixi, magis obrutescere cœperunt: & quasi aliquid diuinitatis inesset, obstupescere & admirari. Iam constat, homines ad simulachrorum cultum non antè prorumpere, quàm crassiore aliqua opinione sint imbuti: non quidem ut deos existiment, sed quia vim aliquam diuinitatis illic inhabitare imaginantur. Itaque siue Deum siue creaturam tibi in simulachro repræsentantes, ubi ad venerationem prosterneis, iam superstitione aliqua fascinat es. Hac ratione, Dominus non statuas modò erigi ad se effigiandum fabricatas, sed titulos etiam quos libet & lapides consecrari vetuit qui in adorationem prostarent. Eadem quoque ratione in præcepto Legis altera pars de adoratione subiicitur. Nam simulatque efficta est Deo visibilis forma, huic quoque alligatur illius virtus. Ita stupidi sunt homines ut Deū affigāt vbicunque affingunt. ac proinde fieri non potest quin adorēt. Neque interest idolumne simpliciter colāt, an Deum in idolo: hæc semper idololatria est, quum idolo, qualicunque colore, exhibētur diuini honores. Et quia superstitiose coli non vult Deus, illi eripitur quicquid confertur in idola. Huc animum aduertant qui ad defensionem execrabilis idololatriæ, qua multis antehac seculis vera religio submersa subuersaque fuit, miseros prætextus aucupātur. Non reputātur, inquiunt, pro diis imagines. Nec tam prorsus incogitantes erant Iudæi ut non meminissent Deum fuisse cuius manu educati essent ex Aegypto antequam fabricaret vitulum. Quin Aaroni dicenti, illos esse deos à quibus liberati essent è terra Aegypti, intrepidè annuebant, non dubia significatione, velle se retinere illum Deum liberatorem, modò præeuntem in vitulo conspicerent. Nec ita stupidi fuisse Ethnici credendi sunt ut non intelligerent Deum alium esse quàm ligna & lapides. Mutabant enim pro arbitrio simulachra, deos semper eosdē animo retinebāt: & multa erant vni deo simulachra, nec pro multitudine complures tamen deos sibi fingebant: præterea noua quotidie consecrabant, nec putabant tamen se novos facere deos. Legātur excusationes quas ab idololatriis sui seculi fuisse prætextas refert Augustinus: nempe quum arguerētur, respondebant vulgares, se non visibile illud colere, sed numen quod illic inuisibiliter habitabat. Qui verò purgatoris, ut ipse loquitur, religionis erant, nec simulachrum nec dæmonium se colere aiebant: sed per effigiē corpoream intueri eius rei signum quam colere deberent. Quid ergo? Omnes idololatræ, siue ex Iudæis, siue ex Gentibus, non aliter quàm dictum est fuerunt animati. spiritali intelligentia non contenti, certiorē ac propiorem ex simulachris impressum iri sibi putabāt. Postquam semel placuit præpostera ista Dei assimulatio, nullus finis factus, donec nouis subinde præstigiis delusi, in imaginibus Deum vim suam exerere opinarentur. Nihilominus & Deum æternum Iudæi, vnum verūque cæli ac terræ Dominum, sub talibus simulachris persuaserant se colere: & Gentes, suos licet falsos deos, quos tamen in cælo habitare fingerent.

In Psalmum 113.

10 Hoc qui antehac factum, & nostra etiam memoria fieri negant, impudentet mentiuntur. Cur enim coram illis prosternūtur? Cur sese ad illa, precaturi, tanquam ad Dei aures, cōuertunt? Siquidem verum est quod ait Augustinus, Neminem orare vel adorare sic intuentē simulachrum, qui non sic afficiatur ut ab eo exaudiri se putet, vel sibi præstari quod desiderat, speret. Cur inter eiusdem Dei simulachra tātum discrimen ut altero præterito,

In Psalmum 113.

aut vulgariter honorato, alterum omni solenni honore prosequantur? Cur in visendis simulachris, quorum similia domi suæ habent, votiuis peregrinationibus se fatigant? Cur pro illis hodie, tanquam pro aris & focis, ad cædes vsque & strages digladiantur, ut facilius latrari sint vnicum Deum sibi eripi quàm sua idola? Et tamen nondum crassos vulgi errores (qui penè infiniti sunt, & omnium ferè corda occupant) enumero: tantum indico quod ipsi profitentur quum se maximè ab idololatria purgare volunt. Non vocamus, inquit, nostros deos. Neque illi aut Iudæi, aut Gentiles olim vocabantur: & tamen Prophetæ passim illis fornicationes cum ligno & lapide exprobrare non desinebant: tantum ob ea quæ quotidie ab iis fiunt qui Christiani haberi volunt, nempe quod Deum in ligno & lapide carnaliter venerabantur.

11 Quamquam non ignoro, nec dissimulandum est, distinctione ipsos elabi magis arguta, cuius paulo post iterum plenior fiet mentio. Cultum enim quem simulachris suis impendunt, *εἰδωλοδουλείαν* esse obtendunt, *εἰδωλολατρείαν* esse negant. Sic enim loquuntur, dum cultum quem appellant dulciæ, sine Dei iniuria statuis & picturis posse communicari docent. Ergo innoxios se arbitrantur si tantummodo serui sint idolorum, non etiam cultores. Quasi verò non aliquanto leuius sit colere quàm seruire. Et tamen dum in Græca voce latebras caprant, secum ipsi pugnant admodum pueriliter. Nam quum *λατρεύειν* nihil aliud Græcis significet quàm colere: perinde valet quod dicunt, ac si imagines suas fateantur se colere, sed absque cultu. Nec est quod obiiciant, aucupia me in verbis tendere: sed ipsi dum tenebras conantur offundere simplicium oculis, inscitiam suam produnt. Quamlibet tamen sint diferti, nunquam sua eloquentia consequentur ut rem vnā & eandem nobis duas esse probent. In re, inquam, ostendant discrimen, ut habeantur veteribus idololatriis dissimiles. Sicuti enim reatum non effugiet adulter aut homicida, si aliud ascititium sceleri suo nomen imposuerit: ita istos subtili nominis commento absolui absurdum est, si causa nihil ab idololatriis differunt, quos damnare ipsi etiam coguntur. Atqui tantum abest ut ab illorum causa suam seiungant, ut potius fons totius mali sit præpostera æmulatio, qua cum illis certarunt, dum symbola quibus Deum sibi figurent, & suo ingenio sibi comminiscuntur, & suis manibus confingunt.

12 Neque tamen ea superstitione teneor ut nullas prorsus imagines ferendas censeam. Sed quia sculptura & pictura Dei dona sunt, purum & legitimum vtriusque usum requiro: ne quæ Dominus in suam gloriam & bonum nostrum nobis contulit, ea non tantum polluantur præpostero abusu, sed in nostram quoque perniciem conuertantur. Deum effingi visibili specie nefas esse putamus, quia id vetuit ipse, & fieri sine aliqua gloriæ eius deformatione non potest. Ac ne in hac opinione nos solos esse putet, omnes sanos scriptores id semper improbasse reperient qui in eorum monumētis versati fuerint. Si ne figurare quidem Deo corpoream effigiem fas est, multo minus ipsam pro Deo, vel Deum in ipsa colere licebit. Restat igitur ut ea sola pingantur ac sculpantur quorum sint capaces oculi: Dei maiestas, quæ oculorum sensu longe superior est, ne indecoris spectris corrumpatur. In eo genere partim sunt historiæ ac res gestæ, partim imagines ac formæ corporū, sine vlla rerum gestarum notatione. Priores, usum in docendo vel admonendo aliquem habent: secundæ, quid præter oblectationem afferre possint non video. Et tamen constat tales fuisse omnes propemodum imagines quæ hæcenus in templis prostituerunt. Vnde iudicare licet, non iudicio aut delectu, sed stulta & inconsiderata cupiditate illic fuisse excitatas. Omitto quæ perperam & indecenter magna ex parte sint effictæ, quàm licentiose hîc pictores & statuarii lasciuierint, quam rem paulo antè attigi: tantum dico, etiamsi nihil vitii inesset, nihil tamen habere ad docendum momenti.

13 Verum illo quoque discrimine omisso, an vllas omnino imagines, siue quæ res gestas, siue quæ hominum corpora figurent, habere in templis Christianis expediat, obiter expendamus. Principio, siquid nos mouet veteris Ecclesiæ authoritas, meminerimus quingentis circiter annis, quibus magis adhuc florebat religio, & syncerior doctrina vigeat, Christiana templa fuisse communiter ab imaginibus vacua. Ergo tunc primum in ornamentum templorum ascitæ sunt quum ministerii synceritas non nihil degenerasset. Non disputabo ecquid rationis habuerint qui primi fuerunt eius rei authores: verum si ætatem, cum ætate conferas, videbis illos multum declinasse ab eorum integritate qui imaginibus caruerant. Quid? an passuros fuisse putamus sanctos illos patres Ecclesiam tandiu ea re carere quam utilem ac salutarem esse iudicarent? At certè quia videbant in ea aut nihil aut minimum utilitatis, plurimum autem subesse periculi, repudiarunt magis consilio & ratione, quàm ignorance aut negligentia prætermiserunt. Quod etiam Augustinus clavis ver-

bis testatur, Quum his sedibus locantur, inquit, honorabili sublimitate, vt à precantibus atque immolantibus attendatur, ipsa similitudine animatorum membrorum atque sensuum, quanuis sensu & anima careant, afficiunt infirmos animos, vt viuere ac spirare videantur, &c. Et alibi, Hoc enim facit & quodammodo extorquet illa figura membrorum, vt animus in corpore viuēs magis arbitretur sentire corpus, quod suo simillimū videt, &c. Paulo pōst, Plus valent simulachra ad curuandam infœlicem animā, quòd os, oculos, aures, pedes habēt: quàm ad corrigēdam, quòd non loquuntur, neque vidēt, neque audiunt, neque ambulant. Hęc sanè videtur causa esse cur Iohānes non tantum à simulachrorum cultu sed ab ipsis quoque simulachris cauere nos voluerit. Et nos horribili infania, quæ ad totius ferè pietatis interitū orbem antehac occupauit, plus nimio sumus experti, simulatque in templis collocatur imagines, quasi signum idololatriæ erigi: quia sibi temperare non potest hominum stultitia, quin protinus ad superstitiosos cultus delabatur. Quòd si nec tantum periculi immineret, quum tamen expendo in quem vsum destinata sint templa, nescio quomodo indignum mihi videtur eorū sanctitate, vt alias recipiant imagines quàm viuas illas & iconicas, quas verbo suo Dominus consecrauit: Baptismum intelligo & Cœnam Domini, cum aliis ceremoniis quibus oculos nostros & studiosius detineri, & viuidiùs affici cōuenit quàm vt alias hominum ingenio fabrefactas requirāt. En incomparabile imaginum bonum, quod nulla pensatione resarciri potest, si Papistis creditur.

In Psal. 115

I. Iohan. 5. d. 21

14 Iam satis multa, opinor, de hac re dicta forent, nisi manum quodammodo mihi iniiceret Synodus Nicena, nō illa celeberrima quam coegit Cōstantinus Magnus, sed quæ Irenes Imperatricis iussu & auspiciis ante annos octingentos habitā est. Deceuit enim non habendas modò in templis esse imagines, sed etiam adorandas. Quicquid enim dixerim, magnum ex aduerso præiudiciū afferet Synodi autoritas. Et si, vt verū fatear, non tam hoc me mouet, quàm vt appareat lectoribus, quorsum euaserit eorū furor qui imaginum magis fuerunt cupidi quàm Christianos decebat. Sed hoc primū expediamus. Qui hodie simulachrorum vsum tuentur, Nicenæ illius Synodi patrocinium allegant. Extat autē refutatorius liber sub Caroli Magni nomine, quem ex dictione colligere licet eodem fuisse tempore compositum. Illic Episcoporum sententiæ qui concilio interfuerunt recitatur, & argumēta quibus pugnarunt. Dixit Iohānes legatus Orientalium, Creauit Deus hominem ad imaginem suam: atque inde collegit habendas igitur esse imagines. Idem commendari nobis putauit imagines hac sentētia, Ostende mihi faciem tuam, quia speciosa est. Alius, vt probaret collocādas esse in altaribus, hoc testimonium citauit, Nemo accēdit lucernam, & ponit eam sub modio. Alius, vt earum aspectum nobis vtilem monstraret, adduxit versum ex Psalmo, Signatū est super nos lumen vultus tui, Domine. Alius similitudinem hanc arripuit, Sicut Patriarchæ vñ sunt Gētium sacrificiis, ita Christianis habendas esse sanctorum imagines pro idolis Gentium. Eodem torserūt illud, Domine, dilexi decorem domus tuæ. Sed in primis ingeniosa est ista interpretatio, Vt audiuius, ita & vidimus. Deum igitur non solo verbi auditu cognosci, sed etiam imaginū aspectu. Simile Theodori episcopi acumen. Mirabilis, inquit, Deus in sanctis suis: Atqui alibi habetur, Sanctis qui sunt in terra: Ergo ad imagines hoc referri debet. Denique tam putidæ sunt insulitates, vt eas referre mē quoque pigeat.

15 Vbi de adoratione disputant, illic adoratio & Pharaonis, & virgæ Ioseph, & tituli quem crexit Iacob, in medium adducitur. Quanquam in hoc postremo non tantum deprauant Scripturæ sensum, sed arripiunt quod nusquam legitur. Tum illa, Adorate scabellum pedum eius. Item, Adorate in monte sancto eius. Item, Vultum tuum deprecabūtur omnes diuites plebis: firmæ admodū & appositæ illis vidētur probationes. Siquis per ludibrium attribuere imaginum patronis ridiculam personam vellet, possētne maiores & crassiores colligere ineptias? Ac nequa amplius restaret dubitatio, Theodosius Mirensis episcopus adorandas esse imagines Archidiaconi sui somniis tam seriò confirmat ac si oraculum cæleste in promptu haberet. Eant nunc simulachrorum fautores, & Synodi decreto nos vrgent. Quasi verò non omnē sibi fidem abrogent venerandi illi patres, scripturas vel tam pueriliter tractando, vel tam impiè scēdēque lacerando.

16 Venio nunc ad impietatum portenta, quæ euomere ausos esse mirum est: non fuisse autem illis reclamatum cum summa omnium detestatione, bis mirum. Atque hanc flagitiosam amentiam traduci expedit, vt saltem fucus antiquitatis quem Papistæ obtendunt, simulachrorū cultui detrahatur. Theodosius Amori episcopus anathema crepat aduersus omnes qui imagines nolunt adorari. Alius omnes Græciæ & Orientis calamitates huic sceleris imputat, quòd non fuerint adoratæ. Quibus ergo pœnis digni Prophetæ, Apostoli,

Martyres, quorū tempore nullæ extiterunt? Addunt postea, si imagini imperiali cum suffitu & thymiamate obuiam proceditur: multo magis hunc honorem Sanctorū simulachris deberi. Constantius autem Constantiæ Cypri episcopus se imagines reuerenter amplecti proficitur, cultūque honoris qui viuificæ Trinitati debetur, illis se exhibiturum confirmat: quisquis idem facere recusauerit, eum anathematizat, & cum Manichæis & Marcionitis amandat. Ac ne putes priuatam esse vnius hominis sententiam, assentiuntur reliqui. Imò Iohannes legatus Orientalium, calore vltra prouectus, præstare admonet lupanaria omnia in urbē admitti, quàm imaginū cultū abnegare. Tandem omnium consensu statuitur, hæreticis omnibus deteriores esse Samaritanos: at ipsis Samaritanis εἰσπορεύου. Cæterum ne suo solenni Plaudite fabula careat, additur clausula, Gaudeant & exultent qui Christi habentes imaginem sacrificium illi offerunt. Vbi nunc latriæ & duliæ distinctio, qua Dei & hominum oculos solent perstringere? Nam concilium sine exceptione tātundem simulachris ac Deo viuo largitur.

Deum ab idolis discerni, ut solus in solidum colatur.

CAP. XII.

DIXIMVS autem initio, Dei noticiam non esse positam in frigida speculatio-
ne, sed secū trahere eius cultum. ac obiter attigimus quomodo ritè colatur: quod aliis locis fusius explicandum erit. nunc tantū breuiter repeto, quoti-
es asserit Scriptura vnicū esse Deū, non pugnare de nudo nomine, sed hoc etiam præcipere, ne aliò transferatur quidquid in diuinitatem competit. vn-
de etiam patet quid à superstitione differat pura religio. Εἰσέλθου certè Græcis tātundem va-
let ac rectus cultus: quia semper cæci ipsi in tenebris palpando, senserunt tenendam esse
certam regulam, ne præposterè colatur Deus. Religionis nomen etsi verè scitèque Cicero
à relegendo deducit, coacta est tamen, & longe petita quam assignat ratio, quòd probi cul-
tores sepius relegerent, ac diligenter retractarent quid verū esset. Potius existimo vagæ licen-
tiæ opponi hoc nomen: quia maior pars mundi quicquid obuium est temere arripit: imò
etiam huc & illuc transuolat: pietas autem, vt in firmo gradu consistat, sese intra fines suos
relegit. sicuti inde mihi dicta videtur superstitio, quòd modo & præscripta ratione nō con-
tēta, superuacuam rerum inanum congeriem accumulet. Cæterum vt voces omittamus,
ætatum omniū consensu receptū semper fuit, vitari peruertique religionem falsis errori-
bus. vnde colligimus, vbi zelo inconsiderato quiduis nobis permittimus, friuolū esse quem
superstitiosi obtendunt prætextum. Quauis tamen in omniū ore personet hæc confessio,
turpis interim se prodit inscitia, quòd neque adhærent vni Deo, neque delectū adhibent in
eius cultu, sicuti antehac docuimus. Atqui Deus, vt sibi ius suū vendicet, clamat se esse æmu-
lum, ac seuerum fore ultorem si cum vllō deo fictitio misceatur. deinde legitimum cultū
definit, vt genus humanum sub obsequio contineat. Vtrunque complectitur Lege sua, vbi
primò sibi addicit fideles, vt illis sit vnus legislator: deinde regulam præscribit qua ritè ex
suo arbitrio colatur. De Lege quidē, quia multiplex est eius vsus ac finis, suo loco differā:
nunc partem hanc duntaxat attingo, frænum illic impositum esse hominibus, ne ad vitio-
sos cultus declinent. Quod autē priore loco posui, tenendum est, nisi in vno Deo resideat
quicquid proprium est diuinitatis, honore suo ipsum spoliari, violarique eius cultū. At-
que hīc intentiore cura animaduertere conuenit quibus astutiis ludat superstitio. Neque
enim ad alienos deos sic desciscit vt videatur summum Deum deferere, vel in aliorum or-
dinem redigere: sed dum supremum locum illi concedit, turbam minorum deorum cir-
cundat, inter quos propria eius officia partitur. ita (licet dissimulanter & callidè) diuini-
tatis gloria, ne apud vnum tota maneat, disseccatur. Sic veteres olim, tam ex Iudæis quàm
Gentibus, deorum patri & arbitro ingentem illam turbam subdiderunt, quibus commu-
nis esset, pro ordinis ratione, cæli & terræ cū summo Deo administratio. Sic aliquot retrò
seculis, Sancti qui hac vita exceßerāt, in Dei societate euecti sunt, vt pro illo & colerentur
& inuocarentur & celebrarentur. Tali abominatione ne offuscari quidē putamus Dei ma-
iestatem, quū magna ex parte supprimatur & extinguatur: nisi quòd frigidam retinemus
de suprema eius potentia opinionē. interea inuolucris decepti, diducimur in varios deos.

2 Quinetiam in hunc finem inuenta est latriæ & duliæ, quam appellant, distinctio, quò
impune viderētur Angelis & mortuis transcribi diuini honores. Quem enim Sanctis cul-
tum deferunt Papistæ, nihil reipsa differre à Dei cultu palàm est. promiscuè enim & Deū
& illos adorant: nisi quòd dum vrgentur, exceptione hac euadunt, Deo se illibatum ser-
uare quod suum est, quia latriam illi relinquunt. Atqui de re non de voce quum sit qua-
stio, quis illis permittat tam securè in re omnium maxima ludere: Verūm (vt hoc quoque
omittamus) non aliud tandem consequentur sua distinctio, quàm cultum ab ipsis vni

Deo præstari, aliis autem seruitium. λατρεία enim apud Græcos valet quantum apud Latinos cultus: δουλεία verò proprie seruitutem sonat. & tamen in Scripturis interdum confunditur hoc discrimen. Porro vt demus esse perpetuum, nempe inquirendū est quid vtrunque valeat. δουλεία quidē seruitus est, λατρεία cultus. Iam quin maius quiddā sit seruire quàm colere, nemo dubitat. Nam ei seruire durum esset sæpenumero quem colere non recusares. ita iniqua esset distributio, Sāctis assignare quod maius est, Deo quod minus est relinquere. At cōplures ex veteribus hac distinctione vsi sunt. Quid tum, si omnes eam perspiciunt non modò impropriam esse, sed penitus friuolam?

3 Omissis argutiis rem expendamus. Paulus quum Galatis reducit in memoriā quales fuerint priusquam essent illuminati in Dei notitia, dicit eos duliam exhibuisse iis qui natura non erāt dii. Vtunque latriam non nominet, an ideo excusabilis est eorum superstitione: Ipse quidem nihilominus peruersam illam superstitionem damnat, cui nomē duliæ imponit, quàm si exprimeret latriæ nomē. Et quum Christus Satanæ insultū repellit hoc clypeo, scriptum esse, Dominū Deum tuum adorabis, non veniebat nominatim in quæstionē latria. Satan enim nonnisi προσκυῶναι exigebat. Similiter quum reprehēditur Iohannes ab Angelo quòd in genua coram eo procidisset, non debemus intelligere Iohannem tam fuisse amentem vt debitū soli Deo honorem vellet ad Angelum transferre. Sed quia fieri aliter nequit quin diuinum aliquid sapiat cultus qui cum religione coniunctus est, προσκυῶν ille Angelum non potuit quin ex Dei gloria detraheret. Legimus quidem sæpe, adoratos fuisse homines: sed ille fuit ciuilis honor, vt ita dicam: religio autē aliam habet rationem, quæ simulatque coniuncta est cum cultu, diuini honoris profanationē secum trahit. Idem & in Cornelio videre licet. neque enim tam male profecerat in pietate, quin summum cultum vni Deo tribueret. Quòd ergo se coram Petro prosternit, non facit certè hoc animo vt cū adoret loco Dei. seuerè tamē Petrus ne hoc faciat prohibet. Cur, nisi quia nunquam tam articulatē homines inter Dei & creaturarū cultum discernunt, quin promiscuè transferāt ad creaturam quod erat Dei proprium? Proinde si volumus vnum Deū habere, meminerimus ne tantulū quidem ex eius gloria delibandum quin retineat quod sibi propriū est. Itaque Zacharias, vbi de Ecclesiæ reparatione concionatur, disertè exprimit non modò vnum fore Deum, sed vnum quoque fore eius nomen: nequid scilicet cū idolis cōmune habeat. Qualem verò cultū exigat Deus, alibi suo ordine videbitur. Nam Lege sua voluit præscribere hominibus quid fas sit ac rectum, & ideo ad certam normam eos astringere, ne quisque sibi permetteret cultum quemlibet cōminisci. Sed quia nō exedit multa miscendo onerare lectores, partem illam nondum attingo. hoc tenere sufficiat, quæcūque pietatis officia aliò trāsseruntur quàm ad vnicū Deum, sacrilegiō non carere. Ac primū quidem superstitio diuinos honores vel Soli & aliis stellis, vel idolis affinxit: deinde sequuta est ambitio, quæ mortales Dei spoliis ornādo, quicquid sacrum erat profanare ausa est. & quanquam stabat principium illud, colere summum numen, Geniis tamen, diisque minoribus, aut heroibus mortuis promiscuè sacrificia offerre vsu receptum fuit. Adeò in hoc vitium procliuis est lapsus, vt quod sibi vni seuerè vendicat Deus, communicetur cum magna turba.

vnicam Dei essentiam ab ipsa creatione tradi in Scripturis, quæ tres in se personas continet.

C A P. XIII.



Q VOD de immensa & spirituali Dei essentia traditur in Scripturis, non modò ad euertenda vulgi deliria, sed etiam ad refutandas profanæ Philosophiæ argutias valere debet. Scitè sibi vnus ex Veteribus dicere visus est, Deum esse quicquid videmus, & quicquid non videmus. Atqui hoc modo in singulas mundi partes diuinitatem transfusam esse finxit. Et si autem Deus, vt nos in sobrietate cōtineat, parcè de sua essentia differit, duobus tamē illis quæ dixi epithetis tam crassas imaginationes tollit quàm reprimit humanæ mentis audaciam. Nam certè eius immensitas terrere nos debet, ne eum sensu nostro metiri tentemus: Spiritualis verò natura quicquam de eo terrenū aut carnale speculari vetat. Eodem pertinet quòd sæpius domicilium sibi in cælo assignat. Et si enim, vt est incomprehensibilis, terram quoque ipsam implet: quia tamen mentes nostras pro sua tarditate subsidere in terra videt, merito, vt pigritiem & inertiam excutiat, supra mūdum nos attollit. Atque hinc concidit Manichæorum error, qui duo principia statuendo, diabolū ferè Deo parem fecerunt. Certè hoc fuit & Dei vnitatē abrumperet, & restringere immensitatem. Nam quòd abuti testimoniis quibusdam ausi sunt, turpis inscitia fuit: sicuti ipse error, execrabilis insanix. Anthropomorphitæ etiam, qui Deum corporeum ex eo sunt imaginati quòd os, aures, oculos, manus, &

pedes Scriptura illi saepe ascribit, facile refutantur. Quis enim vel parum ingeniosus non intelligit Deum ita nobiscum, ceu nutrices solent cum infantibus, quodam modo balbutire? Proinde tales loquendi formæ non tam ad liquidū exprimunt qualis sit Deus, quàm eius notitiam tenuitati nostræ accommodant. quod ut fiat, longe infra eius altitudinem descendere necesse est.

2 Sed alia quoque speciali nota qua propius possit dignosci, se designat. nam ita se prædicat vnicum esse, ut distinctè in tribus personis considerandum proponat, quas nisi tenemus, nudum & inane duntaxat Dei nomen sine vero Deo in cerebro nostro volitat. Porro nequis triplicem Deum somniet, aut putet tribus personis lacerari simplicem Dei essentiam, quærenda hic nobis erit brevis & facilis definitio quæ nos ab omni errore expediat. Caterum quia vocem personæ odiosè exagitant nonnulli quasi humanitus inuentam, quæ æquitatem id faciant prius videndū. Filium Dei Apostolus characterem hypostaseos Patris nominās, haud dubiè aliquā Patri substantiam assignat in qua differat à Filio. Nam pro Essentia accipere (sicuti fecerunt quidam interpretes, ac si Christus, velut sigillo impressa cera, Patris in se substantiam repræsentaret) non durum modò, sed absurdum quoque esset. Nam quum simplex & indiuidua sit essentia Dei, qui totam in se continet, neque portione aut defluxu, sed integra perfectione, impropriè imò ineptè dicitur eius character. Sed quia Pater, quāuis sua proprietate distinctus, se totum in Filio expressit, optima ratione dicitur suā hypostasim reddidisse in eo cōspiciuam. Cui aptè cōuenit quod mox additur, esse splendorem gloriæ. Certè ex Apostoli verbis colligimus propriam esse in Patre hypostasim quæ in Filio refulgeat. Vnde etiā rursus facile elicitur Filii hypostasis, quæ eum à Patre distinguat. Eadem in Spiritu sancto ratio: quia & Deum esse statim probabimus, & tamè alium à Patre cēseri necesse est. Hæc porro distinctio non est essentiæ, quam nefas est facere multiplicem. Ergo si fidem obtinet Apostoli testimonium, sequitur tres in Deo esse hypostases. Idem quum expresserint Latini personæ voce, nimii fastidii atque etiam peruiacix est de re clara rixari. Si verbum de verbo trāsferre libeat, substantia dicitur. Multi eodem sensu substantiam dixerunt. Nec verò solis Latinis in vsu fuit Personæ nomen, sed Græci similiter fortè testandi consensus causa, docuerunt tria *πρόσωπα* in Deo esse. Qui tamen siue Græci siue Latini verbo inter se differunt: probè consentiunt in rei summa.

3 Nunc ut de persona oblatrent hæretici, vel quidam nimis morosi obstrepant se non admittere hominum arbitrio cōfictum nomen, quum nobis excutere non possint tres dici, quorum quisque in solidū sit Deus, nec tamè plures esse deos, quænam est ista improbitas improbare verba quæ non aliud explicant quàm quod Scripturis testatum cōsignatūque est: Satiùs foret, inquiunt, nō modò sensa nostra, sed verba etiam intra Scripturæ fines continere, quàm exoticas voces spargere, quæ dissensionum ac iurgiorum seminaria futura sint. sic enim languetur circa verborum pugnas: sic veritas altereando amittitur: sic charitas odiosè rixando dissoluitur. Si verbum exoticum appellant quod totidem syllabis compositum in Scriptura ostendi non possit, iniquam sanè legem nobis imponūt, quæ damnatur omnis interpretatio quæ Scripturæ contextu non cōfarcinatur. Sin exoticum illud est quod curiosè excogitatum supersticiosè defenditur, quod ad cōtentionem magis quàm ad ædificationem valet, quod vel importunè vel nullo fructu vsurpatur, quod sua asperitate pias aures offendit, quod à verbi Dei simplicitate abstrahit: eorum sobrietatem toto animo amplector. non enim minori religione de Deo nobis loquendum quàm cogitandum sentio: quando & quicquid de eo à nobis cogitamus stultum est, & quicquid loquimur, insulsum. Est autem modus aliquis seruandus: petenda certa ex Scripturis & cogitandi & loquendi regula, ad quam & mētis cogitationes omnes & oris verba exigātur. Sed quid vetat quo minus quæ captui nostro perplexa in Scripturis impeditæque sunt, ea verbis planioribus explicemus quæ tamen religiosè & fideliter ipsius Scripturæ veritati seruiant, & parçè modestèque, nec citra occasionem vsurpentur? Cuius rei non desunt satis multa exempla. Quid autem, vbi Ecclesiam summa necessitate vrgeri ad vsurpandas Trinitatis & Personarum voces comprobatū fuerit, siquis verborum nouitatē tum reprehēdat, nōne meritò iudicetur lucem veritatis indignè ferre: ut qui tantum hoc reprehendat, veritatem planam ac dilucidam reddi.

4 Huiusmodi autem verborum nouitas (si ita appellanda est) tum potissimum vsu venit dū aduersus calumniatores asserenda est veritas, qui tergiversando ipsam eludunt. Quod hodie plus satis experimur, quibus plurimū est negotii in expugnandis puræ sanæque doctrinæ hostibus: adeò obliquo & volubili flexu lubrici isti angues effugiunt nisi fortiter premantur, & deprehenfi vrgeantur. Sic veteres variis prauorū dogmatum certaminibus

exagitati, quid sentirent coacti sunt exquisita perspicuitate edifferere, ne obliqua subterfugia impiis relinquerent, quibus verborum inuolucra errorum erant latebræ. Arrius fatebatur Christum Deum, & Filium Dei, quia evidentibus oraculis reluctari non poterat, & quasi probè defunctus consensum aliquem cum aliis simulabat. At interim nō desinebat iactare Christum creatum esse & initium habuisse, vt reliquas creaturas. Quo flexilem hominis vafriem è latebris extraherent veteres, vltra progressi sunt, Christum pronuntiantes æternum Patris Filium, Patrique consubstantialē. Hic efferbuit impietas, dum nomen *ὁμοούσιον* pessimè odisse & execrari Arriani coeperunt. Quòd si principio confessi essent sincerè & ex animo Deum, non inficiati essent Patri esse cōsubstantialē. Quis probos illos viros insectari audeat quasi rixatores & contentiosos, quòd ob voculam vnā tanto disceptandi feruore incaluerint, & Ecclesiæ quietem turbauerint? At vocola illa distinguebat inter puræ fidei Christianos & sacrilegos Arrianos. Surrexit postea Sabellius, qui Patris, Filii, & Spiritus sancti nomina fere pro nihilo ducebat, non distinctionis alicuius causa posita esse disputās, sed diuersa esse Dei attributa, cuiusmodi plurima habētur. Si in certamen ventum esset, fatebatur se credere Patrem Deum, Filium Deum, Spiritum Deum. sed postea elabi promptum erat, nihil se aliud dixisse quàm si Deum fortem, & iustum, & sapientem vocasset. Itaque recinebat aliam cantilenam, Patrem esse Filium, & Spiritum sanctum esse Patrem, nullo ordine, nulla distinctione. Probi doctores, quibus tum pietas cordi erat, vt hominis improbitatem frangerent, reclamabant verè agnoscēdas esse in Deo vno tres proprietates. Atque vt se cōtra tortuosas versutias aperta simpliciūque veritate munerēt, affirmarunt verè in vno Deo subsistere, seu (quod idem erat) in Dei vnitāte subsistere personarum Trinitatem.

7 Si ergo temere non sunt inuenta nomina, cauendū est ne ea repudiando superbæ temeritatis arguamur. Vtinam quidē sepulta essent, constaret modò hæc inter omnes fides, Patrem, & Filium, & Spiritum esse vnum Deum: nec tamen aut Filium esse Patrē, aut Spiritum Filium, sed proprietate quadam esse distinctos. Neque verò tam præcisa sum austeritate vt ob nudas vocolas digladiari sustineam. Animaduerto enim veteres, multa alioqui religione de iis rebus loquentes, nec inter se, nec singulos etiam secum vbique consentire. Quas enim Hilarius formulas à Conciliis vsurpatas excusat? Quòd licentiæ interdū proflit Augustinus? Quàm abssimiles sunt Græci Latinis? Sed huius variationis exemplū vnū sufficiat. Nomen *ὁμοούσιον* quum reddere Latini vellent, dixerunt Consubstantialē, vnā esse Patris & Filii substantiam indicantes, atque ita Substātiā vsurpantes pro Essentia. Vnde & Hieronymus ad Damasum, sacrilegium esse dicit, tres in Deo substātiās prædicare. Atqui plus centies apud Hilarium reperies, tres esse in Deo substantias. In vocabulo autem Hypostaseos quàm perplexus est Hieronymus? Venenum enim subesse suspicatur, quum nominantur tres in Deo hypostaseis. Et si quis pio sensu hac voce vtatur, impropiam tamen loquutionem esse non dissimulat. si tamen syncerè ita loquutus sit: ac non potius quos odebat Episcopus Orientis sciens ac volens grauare studuerit iniusta calumnia. Certè hoc parum ingenuè asserit, in omnibus profanis scholis *ὁμοούσιον* nihil aliud esse quàm hypostasin, quod ex communi tritōque vsu passim refellitur. Modestior & humanior Augustinus, qui et si nomen Hypostaseos in hoc sensu Latinis auribus nouum esse dicit: adeò tamen Græcis suam loquendi consuetudinem non eripit, vt Latinos etiam qui phrasin Græcam imitati fuerant, placidè toleret. Et quod etiam à Socrate de ipsa scribitur libro sexto Historiæ tripartitæ, eò tendit quasi ab imperitis hominibus sit perperam ad hanc rem accommodata. Quin idem Hilarius magno crimini ducit hæreticis, quòd eorū improbitate cogatur subicere periculo humani eloqui quæ mentium religione contineri oportuerat, nō dissimulans quin id sit agere illicita, ineffabilia loqui, incōcessa præsumere. Paulo post multis adhuc excusat quòd audet proferre noua nomina. nam vbi posuit naturæ nomina, Patrem, Filium, & Spiritū: subnectit, extra significantiam sermonis esse, extra sensus intentionem, extra intelligentiæ conceptionem, quicquid vltra quæritur. Ac alibi fœlices Galliæ Episcopus prædicat, qui aliam nec excudissent, nec recepissent, nec omnino nouissent confessionem, quàm veterem illam & simplicissimā quæ ab ætate Apostolorum apud omnes Ecclesias recepta fuërat. Nec abssimilis est Augustini excusatio, necessitate extortā fuisse hanc vocem propter humani eloqui in re tanta inopiam, non vt exprimeretur quod est, sed ne taceretur quomodo tres sint, Pater, Filius, & Spiritus. Atque hæc sanctorum virorum modestia monere nos debet ne tam seuerè velut censorio stylo protinus notemus eos qui in verba à nobis concepta iurare nolint: modò ne aut fastu, aut proteruia, aut malitioso astu id faciant: sed expendant ipsi vicissim quanta necessitate adacti sic loquamur, vt paulè

Lib. 5. de Trinit. cap. 8 & 9

Lib. 4. de Trinit.

De concilio.

tim utili loquendi formæ tandem assuefiant. Cauere etiam discant, ne, vbi occurrendū est ex vna parte Arrianis, ex altera Sabellianis, dum vtrisque tergiuerfandi ansam præcidi sto machantur, nonnullam suspicionē iniiciant vel Arrii se esse discipulos, vel Sabellii. Dicit Arrius Christum esse Deum: sed musitat factum esse & initium habuisse. Dicit vnū cum Patre: sed clām in suorum aures insusurrat, vnitum esse vt ceteros fideles, quanquam singulari prærogatiua. Dic cōsubstantialē, detraxeris versipelli laruam, & tamē nihil addis Scripturis. Dicit Sabellius, Patrem, Filium, & Spiritū nihil in Deo distinctum sonare. Dic tres esse, vociferabitur te nominare tres deos. Dic in vna Dei essentia personarum Trinitatem: dixeris vno verbo quod Scripturæ loquuntur, & inanem loquacitatem compresseris. Porro si quos tam anxia constringit superstitio vt hæc nomina non ferant: nemo tamen iam, vel si rumpatur, inficiari poterit, quum vnum audimus, intelligendam esse substantiæ vnitatem: quum tres audimus in vna essentia, personas notari in hac Trinitate. Quo non fraudulēter cōfesso, verba nihil moramur. Sed expertus pridem sum, & quidē sæpius, quicunque de verbis pertinacius litigant, fouere occultum virus: vt magis expediat eos vltro prouocare quàm in eorum gratiam obscurius loqui.

6 Cæterum omiſſa de vocibus disputatione, iam de re ipsa dicere aggrediar. Personam igitur voco subsistentiam in Dei essentia, quæ ad alios relata, proprietate incommunicabili distinguitur. Subsistentiæ nomine aliud quiddam intelligi volumus quàm essentiam. Si enim sermo simpliciter esset Deus, interea non haberet aliquid proprium, perperā dixisset Iohannes fuisse semper apud Deum. Vbi continuo post addit, Deum quoque fuisse ipsum Sermonē, ad vnicam essentiam nos reuocat. Sed quia apud Deum esse non potuit quin resideret in Patre, hinc emergit illa subsistentia, quæ etsi indiuiduo nexu cum essentia cōiuncta est, nec potest separari, specialem tamen habet notam qua ab ipsa differat. Iam ex tribus subsistentiis vnāquāque dico ad alias relata proprietate distingui. Relatio hīc disertē exprimitur: quia vbi simplex fit Dei mentio & indefinita, nō minus ad Filium & Spiritum pertinet nomen hoc quàm ad Patrem. Simul autem atque Pater cum Filio confertur, sua quēque proprietas ab altero discernit. Tertiō quicquid singulis proprium est, incommunicabile esse assero, quia in Filium cōpetere vel transferri non potest quicquid ad notam discretionis tribuitur Patri. Neque verò mihi displicet Tertulliani definitio, modò dextrè sumatur: esse quandam in Deo dispositionem vel œconomiam quæ de essentia vnitatem nihil mutet.

7 Priusquā tamē longius progrediar, probāda erit & Filii & Spiritus sancti deitas. deinde vt inter se differant videbimus. Certè quum Dei verbū nobis proponitur in Scriptura, absurdissimum fuerit imaginari fluxam duntaxat & euanidam vocē, quæ in aerem emissa prodeat extra ipsum Deum: cuiusmodi & oracula Patribus edita, & prophetiæ omnes fuerūt: quū perpetua magis Sapientia indicetur apud Deum residens, vnde & oracula & prophetiæ omnes prodierunt. Non enim minus (teste Petro) loquuti sunt Spiritu Christi veteres Prophetæ quàm Apostoli: & quicunque postea cælestem doctrinam administrarunt. Quia verò nondum manifestatus erat Christus, necesse est Sermonem intelligere ante secula ex Patre genitum. Quòd si Sermonis fuit ille Spiritus, cuius organa fuerunt Prophetæ, indubiè colligimus verum fuisse Deum. Atque hoc in mundi creatione satis clarè docet Moses, Sermonem illum intermedium statuens. Cur enim disertè narrat Deum singulis operibus creandis dixisse, Fiat hoc vel illud, nisi vt imperuestigabilis Dei gloria in imagine sua relucent? Nasutis & garrulis hoc eludere promptum esset, vocem accipi pro iussu & imperio. sed meliores interpretes Apostoli, qui tradunt per Filium secula esse condita, & portare omnia potenti suo verbo. Hīc enim videmus verbum pro nutu vel mandato Filii accipi, qui ipse æternus & essentialis est Patri Sermo. Nec verò sanis & modestis obscurū est quod dicit Solomon, vbi Sapientiam inducit à Deo ante secula genitā, & rerum creationi & cunctis Dei operibus præidentem. Nam temporarium quendam Dei nutum fingere, stultum ac friuolum esset: quum tūc exerere voluerit Deus fixum æternūque suum consiliū, atque etiam aliquid occultius. Quò etiam spectat dictū illud Christi, Pater meus & ego vsque ad hunc diem operamur. Se enim à primo mundi exordio assiduum in opere cum Patre fuisse affirmās, apertius explicat quod breuius attigerat Moses. Sic ergo Deum fuisse loquutū colligimus vt Sermoni in agendo suæ essent partes, atque ita vtriusque cōmunis esset operatio. Multo autem omnium clarissimè Iohānes, quum Sermonem illum qui ab initio Deus apud Deum erat, rerū omnium causam simul cum Deo Patre statuit. Nam & solidā permanentēque Verbo attribuit essentiam, & aliquid peculiare assignat, & dilucidè ostendit quomodo Deus loquendo mundi fuerit creator. Ergo vt omnes diui-

Ioh. i. 2. 1

Lib. contra
Praxeam.

1. Pet. i. b. ii

Heb. i. 2. 2

Eccli. 24. b. 14

Iohan. 5. c. 17

Iohan. i. a. 3

ritus profectæ reuelationes verbi Dei titulo rite insigniuntur, ita verbum illud substantiale summo gradu locare conuenit, oraculorū omnium scaturiginem, quod nulli varietati obnoxium, perpetuò vnum idemque manet apud Deum, & Deus ipse est.

8 Hic obstrepunt nonnulli canes, qui quum suam illi diuinitatem palàm eripere non auint, æternitatem clam suffuratur. Dicunt enim, tum demū Sermonem esse cœpisse quum Deus in mūdi creatione sacrum suum os aperuit. Sed nimis incōsideratè substantiæ Dei nouationem quandam affingunt. Nam vt quæ externum opus respiciunt Dei nomina attribui ei cœperunt ab existentia operis ipsius (quale est quòd cæli & terræ creator vocatur) ita nullum nomen agnoscit pietas vel admittit quod Deo aliquid nouum in seipso accidisse significet. Nam siquid fuisset aduentitium, cōcideret illud Iacobi, manare defursum omne donum perfectum, & descendere à Patre luminum, apud quem non est transmutatio, vel conuersionis obumbratio. Nihil ergo minus ferendum quàm principium fingere illius Sermonis qui & Deus semper fuit, & postea mundi opifex. Sed argutè scilicet ratiocinantur, Moſen, narrando Deum tunc primū loquutum esse, simul innuere nullum in ipso fuisse Sermonem. quo nihil magis est nugatorium. Neque enim quia manifestari aliquid certo tempore incipit, colligendū propterea erat, nunquā prius fuisse. Ego verò longè secus concludo. quum in ipso momento quo dixit Deus, Fiat lux, Sermonis virtus emerſerit & extiterit, ipsum multo antè fuisse. Quā dudum autē siquis inquireret, nullū exordium reperiet. Neque enim certum temporis spatium terminat quum dicit ipſe, Pater illustra Filium gloria quam apud te initio possedi, antequam iacerentur mundi fundamēta. Neque hoc præterit Iohannes: quia antequam ad mundi creationem descendat, principio Sermonem apud Deum fuisse dicit. Constituimus ergo rursum, Sermonē extra temporis initium à Deo conceptum, apud ipsum perpetuò reſediſſe: vnde & æternitas, & vera eſſentia, & diuinitas eius comprobatur.

Iac. 1. e. 17.

Gen. 1. a. 3

Iohan. 17. a. 5

9 Eſt autem Mediatoris personam nondum attingo, sed differo vsque in eum locum vbi de redemptione agetur: quia tamen sine controuersia inter omnes cōſtare debet, Christum esse illum Sermonem carne indutum, huc optimè conuenient quæcunque deitatem Christo aſſerūt testimonia. Quum dicitur Psalmo 45, Solium tuum Deus in ſeculum & vsque, tergiuerſantur Iudæi, nomen Elohim competere etiam in Angelos & ſummas potestates. Atqui nuſquā extat ſimilis in Scriptura locus, qui thronū æternum creaturæ erigat. neque enim ſimpliciter Deus vocatur, sed æternus quoque Dominator. Deinde nemini deſertur hic titulus, niſi cum adiectione, qualiter Moſes fore dicitur Pharaoni in Deum. Alii in genitiuo caſu legunt, quod nimis inſipidum eſt. Fateor quidem ſæpe diuinum vocari quod ſingulari præſtantia eximium eſt: ſed ex contextu ſatis liquet durum illud eſſe & coactum, imò nequaquam quadrare. Verū ſi non cedat eorum peruiſacia, certè non obſcurè à Ieſaia idem Chriſtus inducitur & Deus, & ſumma potentia ornatus, quod vnius Dei propriū eſt. Hoc eſt, inquit, nomen quo vocabunt eum, Deus fortis, Pater futuri ſeculi, &c. Oblatrāt hīc quoque Iudæi, & ſic lectionem inuertunt, Hoc eſt nomen quo vocabit eum Deus fortis, Pater futuri, &c. vt hoc duntaxat Filio reliquū faciāt, Principem vocari pacis. Sed quorū ſum tot epitheta in Deum Patrē hoc loco congeſta forent: quum Prophetæ conſilium ſit Chriſtum in ſignibus notis quæ fidem in eo noſtram ædificēt, ornare: Quare dubium non eſt quin eadem ratione Deus fortis nunc vocetur, qua paulo antè Immanuel. Nihil autem dilucidius Ieremiæ loco quæri poteſt, hoc fore nomē quo vocabitur germen Dauidis, Ichouah iuſtitia noſtra. Nam quum doceāt ipſi Iudæi vltro alia Dei nomina nihil quàm epitheta eſſe, hoc ſolum quod ineffabile dicunt, eſſe ſubſtantium ad exprimendam eius eſſentiam: colligimus Filium vnicū eſſe Deum & æternū, qui alibi pronuntiat ſe gloriam ſuam non daturum alteri. Latebras quidem hīc captāt, quia & altari à ſe extructo nomen iſtud impoſuerit Moſes, & Ezechiel ciuitati nouæ Ieruſalem. Sed quis non videt altare extrui in monimentum quòd Deus ſit exaltatio Moſis: nec Hieroſolymam inſigniri Dei nomine niſi ad teſtandam Dei præſentiam: Sic enim Prophetæ loquitur, Nomen ciuitatis ex illa die, Ichouah ibi. Moſes verò in hūc modum, A Edificauit altare, & vocauit eius nomē, Ichouah exaltatio mea. Sed maius ſcilicet certamen reſtat ex alio Ieremiæ loco, vbi hoc i-
pſum elogium ad Ieruſalem reſertur his verbis, Hoc eſt nomen quo vocabunt eā, Ichouah iuſtitia noſtra. Atqui tantum abeſt quin hoc teſtimonium officiat veritati quam defendimus, vt magis ſuffragetur. Quum enim antea Chriſtum eſſe verum Ichouah teſtatus eſſet, vnde fluit iuſtitia, nunc pronuntiat, Eccleſiam Dei hoc verè ita ſenſuram, vt nomine ipſo gloriari queat. Itaque priore loco ſons & cauſa iuſtitiae ponitur: deinde additur effectus.

Exod. 7. a. 1

Ieſa. 9. b. 6

Ierem. 23. a. 6

Ieſa. 42. b. 3

Ezec. 48. e. 36

Exod. 17. d. 15

Iere. 33. e. 16

10 Quòd ſi non ſatiſſaciunt hæc Iudæis, tam frequēter Ichouam ſtatui in Angeli perſona,

- Iudic. 6 & 7 non video quibus cauillis eludant. Angelus apparuisse sanctis Patribus dicitur. Idem sibi nomē æterni Dei vendicat. Si excipiat quispiā, personæ quā sustinet respectu hoc dici, minimè ita soluitur nodus. Neque enim seruus, sacrificium offerri sibi permittēs, suum Deo honorem eriperet. Atqui Angelus panem se manducaturum negans, iubet offerri sacrificium Iehouæ. Deinde verò se illum Iehouam esse re ipsa probat. Itaque Manuah & eius vxor ex hoc signo non Angelum modò, sed Deum se vidisse colligunt. Vnde vox illa, Moriēmur quia Deū vidimus. Dum verò respondet vxor, Si voluisset nos occidere Iehouah, nō suscepisset è manu nostra sacrificium: certè Deum fatetur qui Angelus antè dictus est.
- Ibidem, d. 22, & 23 Adde quòd ipsa Angeli respōsio dubitationē tollit, Cur de nomine meo interrogas quod est mirabile? Quo magis detestabilis fuit Seruēti impietas, dum asseruit Deum nūquam patefactum fuisse Abrahæ & aliis Patribus, sed eius loco adoratum fuisse Angelum. Rectè autem & prudenter orthodoxi Ecclesiæ Doctores Sermonē Dei esse interpretati sunt principem illum Angelum, qui iam tunc præludio quodam fungi cœpit Mediatoris officio. Etsi enim nondum erat carne vestitus, descendit tamen quasi intermedius, vt familiarius ad fideles accederet. Propior igitur communicatio dedit ei Angeli nomen: interea quod suum erat, retinuit, vt Deus esset ineffabilis gloriæ. Idem sibi vult Oseas, qui postquam recensuit luctam Iacob cum Angelo, Iehouah, inquit, Deus exercituum, Iehouah, memoriale nomen eius. Iterū oggannit Seruētus, Deum gestasse personā Angeli. Quasi verò non confirmet Propheta quod à Mose dictū fuerat, Vt quid interrogas de nomine meo? Et confessio sancti Patriarchæ satis declarat non fuisse creatum Angelum, sed in quo plena deitas resideret, quū dicit, Vidi Deum facie ad faciem. Hinc etiam illud Pauli, Christū fuisse populi ducem in deserto. quia etsi nondum aduenerat humiliationis tempus, figuram tamen proposuit æternus ille Sermo eius officii cui destinatus erat. Iam si absque cōtentione expenditur caput Zachariæ secūdum, Angelus qui alterū Angelū mittit, idem mox pronuntiatur Deus exercituū, & ei summa potentia adscribitur. Innumera testimonia omitto in quibus tutò acquiescit fides nostra, quanuis Iudæos non admodum moueant. Nam quū dicitur apud Iesaiam, Ecce Deus noster iste: hic est Iehouah: expectabimus eum, & seruabit nos: oculatis patet monstrari Deum qui in salutem populi denuo exurgit. Et emphatica demonstrationes bis positæ non aliò finunt hoc trahi quàm ad Christum. Apertiore etiam num & solidior locus Malachiæ, vbi vêturum Dominatorem, qui tunc expetebatur, ad templum suum promittit. Certè non nisi vni summo Deo sacrum fuit templum, quod tamen Propheta Christo vendicat. Vnde sequitur, eundem esse Deum qui semper adoratus fuit apud Iudæos.
- II Nouum autem testamentū innumeris testimoniis scatet. Ideo danda est opera vt breuiter potius seligamus pauca quàm omnia congeramus. Quanuis autē de eo loquuti sint Apostoli, ex quo iam extiterat Mediator in carne: quicquid tamen adducā, probandæ eius æternæ deitati aptè cōueniet. In primis istud est singulari animaduersione dignum, quòd Apostoli, quæ de æterno Deo prædicta erāt, in Christo vel iam exhibita, vel olim repræsentanda docent. Nam vbi Iesaias Dominum exercituum Iudæis & Israelitis in petram scandali & lapidem offensionis fore vaticinatur, id Paulus asserit in Christo esse impletū. Dominum ergo illum exercituū Christum esse declarat. Similiter alibi, Oportet, inquit, nos omnes semel sisti ad tribunal Christi. Scriptum est enim, Mihi flectetur omne genu, & omnis lingua iurabit mihi. Id quum apud Iesaiam de se Deus prædicet, Christus re ipsa in se exhibeat, consequitur illum ipsum Deum esse cuius gloria traduci aliò non potest. Quod etiam ad Ephesios ex Psalmis citat, in Deum vnice competere liquet, Ascendens in altum duxit captiuitatem. tum ascensionē eiusmodi adumbratā fuisse intelligēs quū insigni aduersus exterarum gentes victoria, potentiā suam exeruit Deus, in Christo plenius exhibitam significat. Sic Iohannes gloriam Filii fuisse testatur, quæ Iesaiæ per visionem reuelata fuit: quum tamen Propheta ipse Dei maiestatem sibi visam scribat. Illa verò quæ Apostolus ad Hebræos in Filium confert, non obscurum est esse clarissima Dei elogia: Tu in principio Domine fundasti cælum & terram, &c. Item, Adorate eum omnes Angeli eius. Neque tamen illis abutitur, quum ad Christum trahit. siquidem quæcunque in Psalmis illis canuntur, solus ipse impleuit. Ille enim fuit qui exurgens misertus est Sion: ille qui omnium gentium & insularum regnum sibi asseruit. Et cur dubitasset Iohannes Dei maiestatem ad Christum referre, qui præfatus fuerat, verbum semper fuisse Deum: Quid formidasset Paulus Christum in Dei tribunali collocare, tam aperto præconio eius diuinitatem antè prosequutus, vbi dixerat esse Deum in secula benedictū? Atque vt appareat quàm sibi bene in hac parte consentiat, alibi etiam Deum in carne manifestatū esse scri-
- Ibidem, c. 18
- Oseas 12. b. 5
- Gen. 32. g. 29. 30
1. Cor. 10. a. 4
- Iesa. 25. c. 9
- Malach. 3. a. 1
- Iesa. 8. c. 14
- Rom. 9. g. 23
- Rom. 14. b. 10
- Iesa. 45. d. 23
- Ephes. 4. b. 8
- psal. 67. c. 19
- Iohan. 1. b. 14
- iesai. 6. a. 1
- Hebr. 1. c. 10, & b. 6
- Iohan. 1. a. 1, & b. 14
1. Cor. 5. b. 10
- Rom. 9. a. 5
1. Tim. 3. d. 16

bit. Si Deus est in secula laudandus, ille est igitur cui soli omnem gloriam & honorem de-
 beri, alio loco idem affirmat. Neque verò id dissimulat: quin palam clamat, Quum in for-
 ma Dei esset, non fuisse ducturum rapinæ loco si æqualem Deo se præbuisset: sed vltro se-
 ipsum exinaniuisse. Ac ne factitium quempiam Deum esse impii obstreperent, vltro pro-
 greditur Iohannes: Ipse, inquit, est verus Deus, & vita æterna. Quanquam satis superque
 nobis esse debet, Deum nominari: præsertim ab eo teste qui disertè nobis non plures esse
 deos asseuerat, sed vnum. Ille autem Paulus est, qui sic loquitur, Vtunque multi nomi-
 nentur dii, siue in cælo, siue in terra: nobis tamen vnus est Deus, ex quo omnia. Ex eodem
 ore quum audiamus Deum in carne manifestatum, Deum suo sanguine acquisiuisse sibi
 Ecclesiam: quid secundum Deum imaginamur, quem ille nequaquam agnoscit? Et
 minimè dubium est quin idem piis omnibus fuerit sensus. Thomas certè similiter Domi-
 num & Deum suum aperte prædicando, vnicum illum esse Deum profitetur quem sem-
 per adorauerat.

- 12 Iam si ab operibus eius diuinitatem censemus quæ illi in Scripturis ascribuntur, euide-
 tius inde adhuc elucescet. Quum enim se ab initio vnà cum Patre hætenus operari diceret,
 Iudæi ad alia eius dicta stupidissimi, senserunt tamen eum sibi diuinam potentiam vsur-
 pare. Ac propterea (vt Iohannes refert) magis eum quærebant interficere, quòd non sabba-
 thum modò soluebat, sed & Patrem suum dicebat Deum, æqualem se faciens Deo. Qua-
 lis ergo erit stupor noster, nisi hinc eius diuinitatem planè astrui sentiamus? Et sanè pro-
 uidentia & virtute mundum administrare, nutùque propriæ virtutis omnia moderari,
 (quod illi dat Apostolus) non est nisi Creatoris. Neque solam gubernandi orbis prouinciam
 cum Patre participat: sed alia quoque singula officia, quæ creaturis cõmunicari nequeant.
 Clamat Dominus per Prophetã, Ego sum, ego sum qui deleo iniquitates tuas propter me.
 Secundum hanc sententiam quum iniuriam irrogari Deo Iudæi existimarent, eo quòd pec-
 cata Christus remittebat, hanc potestatem sibi competere non tantum verbis asseruit, sed mi-
 raculo etiam comprobauit. Ergo peccatorum remissionis non ministerium, sed potestatem
 penes ipsum esse conspiciamus, quàm à se ad alium transiturem Dominus negat. Quid ta-
 citas cordium cogitationes percontari & penetrare, an non solius Dei est? At eam quoque
 habuit Christus: vnde colligitur eius diuinitas.

- 13 In miraculis autem quàm perspicuè luculentèque apparet: Quibus etsi paria & similia
 tum Prophetas tum Apostolos edidisse fateor: in hoc tamen plurimùm est discriminis, quèd
 hi dona Dei suo ministerio dispensarunt: ille suam ipsius virtutem exeruit. Vñus est quidem
 interdum precatione, quòd gloriam ad Patrem referret: sed videmus vt plurimùm propriam
 eius virtutem nobis ostensam. Et quomodo non esset verus author miraculorum, qui dis-
 pensationem aliis sua autoritate committit? Narrat enim Euangelista illum dedisse A-
 postolis potestatem mortuos suscitandi, leprosos curandi, eiiciendi dæmones, &c. Illi au-
 tem sic ministerio eiusmodi defuncti sunt vt satis ostenderent virtutem non aliunde esse
 quàm à Christo. In nomine Iesu Christi (inquit Petrus) surge & ambula. Non mirum ergo
 si miracula sua obiecerit Christus, ad reuincendam Iudæorum incredulitatem: vtpote quæ
 virtute eius edita, amplissimùm diuinitatis testimonium reddebant. Præterea si extra Deum
 nulla est salus, nulla iustitia, nulla vita, Christus autem in se hæc omnia cõtinet, Deus cer-
 tè ostenditur. Neque mihi quispiam obiiciat, diffusam à Deo in ipsum vitam aut salutem.
 non enim salutem accepisse, sed ipse salus esse dicitur. Et, si nemo bonus nisi solus Deus, quo-
 modo esset purus homo, non dicto bonus ac iustus, sed ipsa bonitas & iustitia? Quid, quòd à
 primo creationis exordio, teste Euangelista, in ipso vita erat: & ipse vita iam tum existens,
 erat lux hominum? Proinde talibus documentis freti fidem in ipso nostram & spem re-
 ponere audemus: quum sciamus tamen sacrilegam esse impicitatem sicuius fiducia in crea-
 turis hæreat. Creditis in Deum? inquit, & in me credite. Atque ita Paulus duos Iesaiæ locos
 interpretatur, Quicumque sperat in eo non pudebit. Item, Erit ex radice Isai qui cõsurgit
 ad regèdos populos: in ipso Gentes sperabunt. Et quid de ea re plura Scripturæ testimonia
 persequamur, quum toties occurrat hæc sententia, Qui credit in me habet vitam æternam?
 Iam quæ ex fide pèdet inuocatio, illi etiam competit, quæ tum diuinæ maiestatis propria
 est siquid aliud proprium habet. Dicit enim Propheta, Quicumque inuocauerit nomè Ie-
 houa, saluus erit. Alter verò, Turris fortissima nomen Ichoua: ad ipsam confugiet iustus, &
 seruabitur. Atqui in salutem inuocatur nomen Christi. sequitur ergo ipsum esse Ichoua.
 Porro inuocationis exemplum habemus in Stephano, quum dicit, Domine Iesu, suscipe
 spiritum meum. deinde in vniuersa Ecclesia, quemadmodum Ananias testatur eodem
 libro, Domine, inquit, scis quanta hic intulerit mala sanctis omnibus qui inuocant no-

mentuum. Ac quo apertius intelligatur totam diuinitatis plenitudinē in Christo corporaliter habitare, fatetur Apostolus nullam inter Corinthios aliam doctrinam præ se tulisse quā eius cognitionem, nec aliud quā ipsam prædicasse. Quale istud quæso & quantum est Filii duntaxat nomen annuntiari nobis quos Deus iubet in sui solius cognitione gloriari? Quis meram creaturā ipsum iactare ausit, cuius notitia vnica est nostra gloria: Huc accedit quod salutationes Pauli epistolis præfixæ eadē à Filio præcatur beneficia quæ à Patre: quo docemur nō modò illius intercessione ad nos peruenire quæ largitur cælestis Pater, sed potentiæ cōmunionē Filium ipsum esse authorē. Quæ practica notitia certior haud dubiè solidiorque est qualibet otiosa speculatione. Illic enim pius animus Deū præsentissimū conspicit & penè attrectat, vbi se viuificari, illuminari, seruari, iustificari, ac sanctificari sentit.

14 Quare iisdem etiam è fontibus præcipuè ad deitatem Spiritus asserendam petenda est probatio. Est quidem minimè obscurum illud testimonium Mosis in creationis historia, Spiritum Dei expansum fuisse super abyssos, vel materiam informem, quia ostendit non modo pulchritudinem mundi quæ nunc cernitur, vigere saluam Spiritus virtute: sed antequam accederet hic ornatus, iam tunc in fouenda illa cōfusa mole Spiritum fuisse operatū. Nullis etiam cauillis obnoxium est quod dicitur apud Iesaiam, Et nūc Iehouah misit me & Spiritus eius: quia summū in mittēdis Prophetis imperium cum Spiritu sancto communicat: ex quo relucet diuina eius maiestas. sed optima, vt dixi, confirmatio nobis erit ex familiari vſu. Longe enim à creaturis alienum est quod illi Scripturæ tribuunt: & nos ipsi certa pietatis experientia discimus. Ille enim est qui vbique diffusus omnia sustinet, vegetat & viuificat in cælo & in terra. Iam hoc ipso creaturarū numero eximitur, quod nullis circumscribitur finibus. sed suum in omnia vigorem transfundendo, essentiam, vitam, & motionem illis inspirare, id verò planè diuinū est. Deinde si regeneratio in vitam incorruptibilem quauis præsentī vegetatione superior est & multo excellentior, quid de eo censendum est cuius ex virtute procedit: Ipsum autem non mutuatio, sed proprio vigore regenerationis esse authorem Scriptura multis locis docet: neque eius modò, sed futuræ quoque immortalitatis. Denique in ipsum omnia, vt in Filiū, conferuntur quæ maximè propria sunt diuinitatis officia. Siquidem etiam profunda Dei scrutatur, cui nullus est inter creaturas consiliarius. sapientiam & loquendi facultatem largitur: quum tamen Dominus Mosis pronūtiat, id facere suum esse solius. sic per ipsum in Dei participationem venimus, vt eius virtutem sentiamus erga nos quodammodo viuificā. iustificatio nostra, eius opus est. ab ipso est potentia, sanctificatio, veritas, gratia, & quicquid boni cogitari potest: quoniam vnus est Spiritus à quo profluit omne donorum genus. Nam digna in primis notatu est sententia illa Pauli, Quāuis diuersa sint dona, & multiplex variāque distributio, eundem tamen esse Spiritum: quia ipsum nō modò principium vel originē statuit, sed etiam authorem. quod etiam clarius exprimitur paulo pōst his verbis, Omnia distribuit vnus & idē Spiritus prout vult. Nisi enim esset aliquid in Deo subsistēs, minimè ei daretur arbitrium & voluntas. Clarissimè ergo Paulus Spiritum insignit diuina potentia, & in Deo hypostaticè residere demonstrat.

15 Nec verò quum de ipso Scriptura loquitur, à Dei appellatione abstinet. Paulus enim nos esse templum Dei ex eo colligit quia Spiritus eius habitat in nobis. Quod non est leuiter prætereundum. siquidem quum toties promittat Deus se electurum nos sibi in templū, non aliter impletur ea promissio quā eius Spiritu in nobis habitante. Certè vt præclarè dicit Augustinus, Si ex lignis & lapidibus templum Spiritui facere iuberemur, quia cultus hic soli Deo debetur, clarum esset diuinitatis eius argumentum. nunc ergo quanto clarius istud est, quod non templum illi facere, sed nos ipsi esse debemus: Et Apostolus ipse nunc templum nos Dei esse, nūc Spiritus sancti eodem significatu scribit. Petrus verò Ananiam reprehendens quod Spiritui sancto mentitus esset, nō hominibus mentitum esse dicebat, sed Deo. Atque vbi Iesaias Dominum exercituum loquentē inducit, Paulus Spiritum sanctum esse docet qui loquitur. Imò quū passim dicant Prophetæ, verba quæ proferunt, esse Dei exercituum, Christus & Apostoli ad Spiritum sanctum referunt. vnde sequitur, verum esse Iehouah, qui præcipuus est Prophetiarum author. Rursus vbi Deus se ad iram populi contumacia prouocatum conqueritur, pro eo Iesaias Spiritum eius sanctum contristatum scribit. Postremò si blasphemia in Spiritū neque in hoc seculo neque in futuro remittitur, quum veniam obtineat qui in Filium blasphemauit, palàm hinc asseritur diuina eius maiestas, quam lædere vel imminuere, crimen inextinguibile est. Sciens ac volens supersedeo à multis testimoniis quibus vſi sunt veteres. Plausibile illis visum est cita-

re ex Dauide, Verbo Domini cæli firmati sunt, & Spiritu oris eius omnis virtus eorum, vt probarent non minus Spiritus sancti opus esse mûdum quàm Filii. Sed quum in Psalmis ysitatu sit bis idẽ repetere, & quũ apud Iesaiã Spiritus oris idẽ valeat atque sermo, infirma illa ratio fuit. Itaque tantũ parcẽ attingere volui quibus iolidẽ inniteretur piæ mentes.

Psal. 33. b. 6

- 16 Quia autem Christi aduentu clarius se patefecit Deus, ita etiam in tribus personis familiarius innotuit. Sed ex multis testimoniis vnũ hoc nobis sufficiat. Nam Paulus hæc tria sic connectit, Deum, fidem, & Baptismum vt ab vno ad aliud ratiocinetur: nempe quia vna est fides, vt inde vnum esse Deum demonstret: quia vnus est Baptismus, inde quoque vnam esse fidem ostendat. Ergo si in vnus Dei fidem ac religionẽ iniciamur per Baptismũ, nobis necesse est verum censere Deum in cuius nomen baptizamur. Nec verò dubium est quin hac solenni nuncupatione perfectam fidei lucem iam esse exhibitam testari voluerit Christus quum diceret, Baptizate eos in nomẽ Patris, & Filii, & Spiritus sancti. siquidem hoc perinde valet atque baptizari in vnus Dei nomen qui solida claritate apparuit in Patre, Filio, & Spiritu. vnde planẽ cõstat in Dei essentia residere tres personas in quibus Deus vnus cognoscitur. Et sanẽ quum fides non circumspicere huc & illuc debeat, neque per varia discurre, sed in vnum Deum spectare, in eum conferri, in eo hære: ex eo facilẽ cõstituitur quòd si varia sint fidei genera, plures etiam esse deos oporteat. Iam quia sacramentum est fidei Baptismus, Dei vnitatẽ nobis confirmat ex eo quòd vnus est. Hinc etiam conficitur, vt non nisi in vnum Deum baptizari liceat: quia eius amplectimur fidem in cuius nomen baptizamur. Quid ergo sibi vult Christus, quum in nomine Patris & Filii & Spiritus sancti baptizari præcepit, nisi vna fide in Patrem, & Filium, & Spiritum credendum esse: id verò quid aliud est, quã clarẽ testari Patrem, Filium & Spiritum vnum esse Deum? Itaque quũ fixum illud maneat Deum vnũ esse non plures, Verbum & Spiritum nõ aliud esse quàm ipsam Dei essentiã constituimus. Et verò stolidissimẽ ineptiebant Arriani, qui Filii diuinitatẽ confitentes, Dei substãtiam illi adimebant. Nec ab similibus Macedonianos rabies vexabat, qui per Spiritum dona gratiæ duntaxat in homines effusa intelligi volebant. Nam vt sapientia, intelligentia, prudentia, fortitudo, timor Domini, ab ipso profisciscuntur: ita vnus ipse est sapientiæ, prudentiæ, fortitudinis, pietatis Spiritus. Nec secundum gratiarum distributionem ipse diuiditur: sed vtcunque illæ variẽ diuidantur, idem tamen & vnus manet, inquit Apostolus.

Iesa. 11. a. 4

Ephes. 4. a. 5

Matt. 28. d. 19

1. Cor. 11. b. n

- 17 Rursum & quædam Patris à Verbo, Verbi à Spiritu distinctio Scripturis demonstratur. In qua tamen excutienda, quanta religione ac sobrietate versandum sit, ipsa mysterii magnitudo nos admonet. Ac mihi sanẽ vehementer istud Gregorii Nazianzeni arridet, & φράσω τὸ ἐν νοῦναι, & πῶς περὶ τοῦ Θεοῦ λέγομαι: ἵ φθάνω τὰ πρὶν ἀδιελθῆναι, & εἰς τὸ ἐν αἰσφύρομαι: Non possum vnum cogitare quin trium fulgore mox circumfundar: ne tria possum discernere quin subito ad vnum referar. Proinde & nos eam personarum Trinitatem ne imaginari in animum inducamus quæ cogitationem seorsum distractam detineat, ac non ad illam mox vnitatem reducat. Veram certẽ distinctionem insinuant Patris, Filii, & Spiritus vocabula, nequis nuda epitheta esse putet quibus à suis operibus variẽ designetur Deus, sed distinctionem, non diuisionem. Proprietatem Filio à Patre esse distinctam ostendunt loci quos iam citauimus: quia Sermo non fuisset apud Deum nisi alius esset à Patre: neque gloriam suam habuisset apud Patrem nisi ab eo distinctus. Similiter Patrem à se distinguit, quum alium esse dicit qui testimonium sibi perhibet. Atque huc tendit quod alibi dicitur Patrem per Verbum omnia creasse: quod non poterat nisi ab ipso quodammodo distinctus. Præterea non descendit Pater in terram, sed is qui à Patre exiit: nõ mortuus est, nec resurrexit, sed qui ab eo missus fuerat. Neque ab assumpta carne exordium habuit hæc distinctio, sed antea quoque vnigenitum in sinu Patris fuisse manifestum est. Quis enim asserere sustineat, tum deum sinum Patris ingressum Filium quum è cælo descendit ad suscipiendam humanitatem? Erat ergo antè in sinu Patris, & suam apud Patrem gloriam obtinebat. Spiritus sancti à Patre distinctionẽ Christus innuit, quum dicit eum à Patre procedere: à seipso autẽ quoties alium vocat: vt quũ alium consolatorẽ ab se mittendũ denuntiat, & alibi sæpius.

In Serm. de sacro Baptis.

Iohan. 5. e. 32, & 8. b. 16, & alibi.

Iohan. 1. c. 18

Iohan. 14. b. 6, & 15. d. 26

Iohã. 14. b. 16

latio: at Spiritui virtus & efficacia assignatur actionis. Porro quanquam Patris æternitas, Filii quoque & Spiritus æternitas est, quando nunquam Deus sine sapiëntia virtutēque sua esse potuit, in æternitate autem non est quærédum prius aut posterius: non est tamen inanis aut superuacua ordinis obseruatio, dū primus recensetur Pater, deinde ex eo Filius, postea ex utroque Spiritus. Nam & mens vniuscuiusque eò sponte inclinatur ut primò Deum consideret, deinde emergentem ex eo sapientiam, tum postremò virtutem qua consilii sui decreta exequitur. Qua ratione, à Patre dūtaxat existere dicitur Filius: à Patre simul & Filio Spiritus. multis id quidē locis, sed nusquam clarius quàm cap. 8. ad Romanos, vbi scilicet idem Spiritus, nunc Christi, nunc eius qui suscitauit Christum à mortuis, promiscuè vocatur: neque iniuria. Nam & Petrus Spiritum Christi fuisse testatur, quo vaticinati sunt Prophetæ: quum toties Scriptura doceat Spiritum fuisse Dei Patris.

2. Pet. 1. d. 21

19 Porro simplicissimā Dei vnitatē adeò non impedit ista distinctio, ut Filium inde probare liceat vnum esse cum Patre Deum, quia vno simul cum eo Spiritu constet: Spiritum autē non aliud esse à Patre & Filio diuersum, quia Patris & Filii sit Spiritus. Siquidē in vnaquaque hypostasi tota intelligitur natura, cum hoc, quòd subest sua vnicuique proprietas. Pater totus in Filio est, totus in Patre Filius, quemadmodū ipse quoque asserit, Ego in Patre, & Pater in me: nec vlla essentiæ differentia seiungi alterū ab altero scriptores Ecclesiastici concedunt. His appellationibus quæ distinctionem denotant (inquit Augustinus) hoc significatur quòd ad se inuicem referuntur, non ipsa substantia qua vnum sunt. Quo sensu conciliandæ sunt inter se veterum sententiæ, quæ pugnare alioqui nonnihil viderētur. Nunc enim Patrem Filii principium esse tradunt: nunc Filium à seipso & diuinitatem & essentiam habere asseuerant, adeoque vnum esse cum Patre principium. Eius diuersitatis causam bene ac perspicuè explicat Augustinus alibi, quū ita loquitur, Christus ad se Deus dicitur, ad Patrem Filius dicitur. Rursusque, Pater ad se Deus dicitur, ad Filium dicitur Pater. Quòd dicitur ad Filium Pater, non est Filius: quòd dicitur Filius ad Patrem, non est Pater: quòd dicitur ad se Pater, & Filius ad se, est idem Deus. Ergo quum de Filio sine Patris respectu simpliciter loquimur, bene & propriè ipsum à se esse asserimus: & ideo vnicū vocamus principium: quum verò relationē quæ illi cum Patre est notamus, Patrem Filii principium meritò facimus. In huius rei explicatione quintus liber Augustini de Trinitate totus versatur. Longè verò tutius est in ea quam tradit relatione subsistere, quàm subtilius penetrando ad sublime mysterium, per multas euanidas speculationes euagari.

Iohā. 14. b. 10

Augustinus
Homil. de
temp. 38. de
Trinit. & col.
ad Pascentiū
Epist. 174
Cyril. lib. 7.
de Trinit. I.
dem lib. 3.
Dialog.
Aug. in Psal-
mum 109, &
Tract. in Io-
han. 39
Aug. in Psal-
mum 68

20 Ergo quibus cordi erit sobrietas, & qui fidei mēsurā contenti erunt, breuiter quod vtile est cognitu accipiant: nempe quum profiteamur nos credere in vnū Deum, sub Dei nomine intelligi vnicam & simplicem essentiam, in qua comprehendimus tres personas vel hypostaseis: ideoque quoties Dei nomen indefinitè ponitur, non minus Filium & Spiritū, quàm Patrem designari. vbi autem adiūgitur Filius Patri, tunc in medium venit ratio: atque ita distinguimus inter personas. Quia verò proprietates in personis ordinem secum ferunt, ut in Patre sit principium & origo: quoties mentio fit Patris & Filii simul, vel Spiritus, nomen Dei peculiariter Patri tribuitur. hoc modo retinetur vnitās essentiæ, & habetur ratio ordinis, quæ tamē ex Filii & Spiritus deitate nihil minuit. Et certè quum antè visum fuerit Apostolos asserere Filium Dei illū esse quem Moses & Prophetæ testati sunt esse Ichouah, semper ad vnitatem essentiæ venire necesse est. Proinde nobis sacrilegium detestabile est, Filium vocari alium Deum à Patre: quia simplex Dei nomē relationem non admittit, nec potest Deus ad seipsum dici hoc vel illud esse. Iam quòd nomen Ichouæ indefinitè sumptum in Christum cōpetat, ex Pauli etiam verbis patet, Propterea ter rogavi Dominum: quia vbi retulit Christi respōsum, Sufficit tibi gratia mea, subiicit paulo post, Ut inhabitet in me virtus Christi. Certum enim est nomē Domini pro Ichouah illic esse positum: atque ita restringere ad personam Mediatoris, friuolum esset ac puerile: quando absoluta est oratio quæ Filium cum Patre non cōparat. Et scimus ex recepta Græcorū consuetudine Apostolos passim nomē κυρίῳ substituere in locum Ichouah. Et ne procul quærédum sit exemplum, non alio sensu orauit Dominū Paulus, quàm quo citatur locus Ioelis à Petro, Quisquis inuocauerit nomen Domini, saluus erit. Vbi nomē hoc peculiariter Filio ascribitur, aliam esse rationem constabit suo loco. nunc tenere satis est, quum absolute Paulus Deum rogasset, statim subiicere nomen Christi. Ita & totus Deus à Christo ipso Spiritus nuncupatur. Nihil enim obstat quominus tota spiritalis sit Dei essentia, in qua Pater, Filius & Spiritus comprehendatur. Quod ipsum ex Scriptura planū sit. nam ut illic Deum audimus nominari Spiritum, ita & Spiritum sanctum, quatenus est hypostasis totius essentiæ, audimus dici & Dei esse, & à Deo.

1. Cor. 12. c. 9

A. 2. c. 16
ioel. 2 g. 28

21 Quoniam autē Satan, vt fidem nostram ab ipsis radicibus cōuelleret, partim de diuina Filii & Spiritus essentia, partim de personali distinctione ingētes pugnas semper mouit; atque vt omnibus propē seculis impios spiritus excitauit qui doctores orthodoxos hac in parte vexarent, ita & hodie ex veteribus fauillis nouum ignem accēdere conatur: hīc peruersis quorūdam deliriis occurrere operæpretium est. Hactenus dociles manu ducere, non autem cum præfractis & contentiosis manum conferere maximē propositū fuit: nunc autem veritas quæ placidē ostēsa fuit, ab omnibus improborū calumniis asserenda. Etsi præcipuum studium in hoc incumbet, vt habeant qui faciles apertāsque Dei verbo aures dederint, in quo certo pede consistant. Equidem hic, siquando aliās in reconditis Scripturæ mysteriis, sobriē multāque cū moderatione philosophandū: adhibita etiā multa cautione, ne aut cogitatio aut lingua vltrā procedat quā verbi Dei fines se protendunt. Quomodo enim immensam Dei essentiam ad suum modulum mens humana definiat, quæ nondum statuere certō potuit quale sit Solis corpus, quod tamen oculis quotidie cōspicitur? Imō verō, quomodo proprio ductu ad Dei vsque substantiam excutiendam penetret, quæ suam ipsius minimē assequitur? Quare Deo libēter permittamus sui cognitionē. Ipse enim demum vnus, vt inquit Hilarius, idoneus sibi testis est, qui nisi per se cognitus nō est. Lib. 1. de Tri. Permittemus autem si & talem concipiemus ipsum qualem se nobis patefacit: nec de ipso aliunde sciscitabimur quā ex eius verbo. Extant in hoc argumentū homiliæ Chrysostomi quinque aduersus Anomæos, quibus tamen cohiberi Sophistarū audacia non potuit quin fræna garrulitati laxarēt. Nihil enim modestius hīc se gesserūt quā vbique solēt. Cuius temeritatis infelicissimo succēssu admoneri nos decet, vt docilitate magis quā acumine in istā quæstionem incūbere curæ sit: nec in animū inducamus aut Deum vsquā inuestigare nisi in sacro eius verbo, aut de ipso quicquam cogitare nisi præeunte eius verbo, aut loqui nisi ex eodem verbo sumptum. Quod si quæ subest in vna diuinitate Patris, Filii, & Spiritus distinctio (vt est cognitu difficilis) ingeniis quibusdā plus faceffit negotii & molestiæ quā expediat, meminerint labyrinthum ingredi hominis mentes dum suæ curiositati indulgēt: atque ita regi se sustineant cælestibus oraculis, vtcunque mysterii altitudinem non capiant.

22 Texere catalogum errorum quibus olim tentata fuit fidei synceritas in hoc doctrinæ capite, nimis longum esset, plenumque inutili tædio: ac hæreticorum plerique crassis deliriis totam Dei gloriam ita aggressi sunt obruere, vt satis esse duxerint concutere ac turbare imperitos. Statim verō à paucis hominibus ebullierunt plures sectæ, quæ partim lacearent Dei essentiam, partim distinctionem quæ inter Personas est confunderent. Porro si tenemus quod antè ex Scriptura satis ostēsum est, simplicem & indiuiduam esse essentiam vnus Dei, quæ ad Patrem, & Filium, & Spiritum pertineat: rursus Patrem proprietate aliqua differre à Filio, & Filium à Spiritu: nō Arrio tātū & Sabellio, sed aliis vetustis errorum authoribus clausa erit ianua. Sed quia nostro tēpore exorti sunt phrenetici quidam, vt Seruetus & similes, qui nouis præstigiis omnia inuoluerunt, paucis eorū fallacias discutere operæpretium est. Serueto nomen Trinitatis ita fuit exosum, imō detestabile, vt Trinitarios omnes quos vocabat, diceret esse atheos. Omitto insulas voces quas ad cōuitandum excogitauit. Hæc quidem speculationum eius fuit summa, tripartitū induci Deum vbi in eius essentia residere dicūtur tres Personæ, Triadēque hanc esse imaginariam, quia cum Dei vnitatem pugnet. Interea Personas voluit esse externas quasdam ideas, quæ verè non subsistant in essentia Dei, sed Deum nobis hac vel illa specie figurent: ac initio quidem nihil in Deo fuisse distinctū, quia olim idem erat Verbum quod Spiritus: sed ex quo emerfit Christus Deus de Deo, Spiritū etiam alium ex ipso Deum fluxisse. Etsi autem allegoriis interdum fucat suas nānias, vt quum dicit Sermonem æternū Dei fuisse Spiritum Christi apud Deum, & relucētiam ideæ: item, Spiritum fuisse deitatis vmbra: postea tamen vtriusque deitatem in nihilum redigit, asserens secūdm dispensationis modum tam in Filio quā in Spiritu partem esse Dei, sicuti idem Spiritus substantialiter in nobis atque etiam in lignis & lapidibus, Dei portio est. Quid de Mediatoris Persona blateret, suo loco videbimus. Prodigiosum verō hoc commentum, Personam nihil aliud esse quā visibilem gloriæ Dei speciem, non longa refutatione indiget. Nam quum Iohānes Iohan. 1. 2. 5 nondum creato mundo λόγος fuisse Deum pronūtiat, longè ab idea discernit. Si verō tunc quoque & ab vltima æternitate λόγος ille qui Deus erat, fuit apud Patrē, & propria sua gloria apud Patrem insignis fuit, non potuit certè externus esse aut figuratiuus splendor: sed necessario sequitur fuisse hypostasim, quæ in Deo ipso intus resideret. Quāquam autē non fit Spiritus mentio nisi in historia creationis mundi, non tamen illic inducitur vt vmbra,

Iohan. 17. 2. 5

7.2.2.

sed essentialis Dei virtus, quā narrat Moyses informem quoque illam massam fuisse in eo suffultam. Aeternum igitur Spiritum semper in Deo fuisse tunc apparuit, dum fouendo sustinuit cōfusam cæli & terræ materiam, donec accederet pulchritudo & series. Certè nōdū potuit effigies vel repræsentatio Dei esse, uti somniat Seruetus. Alibi verò suam impietate apertius detegere cogitur, quòd Deus æterna sua ratione Filium sibi visibilem decernens, hoc modo visibilem se exhibuit. nam si hoc verum sit, non alia relinquitur Christo diuinitas, nisi quatenus æterno Dei decreto Filius est ordinatus. Adde quòd spectra illa quæ in locum hypostaseon supponit, sic transformat, ut noua accidètia Deo affingere non dubitet. Illud verò omnium maxime execrandū, quòd tam Filium Dei quàm Spiritum promiscuè creaturis omnibus permiscet. Partes enim & partitiones palàm asserit esse in essentia Dei, quarum vnaquæque portio Deus est: præsertim verò spiritus fidelium cōter-nos dicit & consubstantiales Deo: quanuis alibi subltatiale deitatem non tantum hominis animæ, sed aliis rebus creatis assignet.

- 23 Ex hac lacuna prodiit aliud non dissimile monstrum. Nebulones enim quidam, ut Serueticæ impietatis inuidiam ac dedecus effugerent, tres quidem personas esse confessi sunt, sed ratione addita, quòd Pater qui verè & propriè vnicus est Deus, Filium & Spiritum formando, suam in eos deitatem transfudit. Nec verò abstinent ab horrendo loquendi genere, Patrem hac nota distingui à Filio & Spiritu, quia sit solus essentiator. Colorem hunc primò obtinent, passim Christum vocari Dei Filium: vnde colligunt non alium propriè Deum esse nisi Patrem. Atqui non obseruant, quanuis Dei nomen Filio quoque sit commune, tamè *καὶ ἐξ ἑω* Patri interdum adscribi, quia fons est ac principium deitatis: idque ut notetur simplex essentiæ vnitas. Excipiunt, si verè est Dei Filius, absurdū esse censeri personæ Filium. Ego vtrunque verum esse respondeo, Dei nempe esse Filium, quia Sermo est à Patre ante secula genitus (nondum enim de Mediatoris persona nobis sermo est) & tamen explicandi causa habendam esse rationem personæ, ut nomen Dei non simpliciter sumatur, sed pro Patre. nam si non alium censemus Deum quàm Patrem, non obscure dei-citur Filius ab hoc gradu. Ergo quoties deitatis sit mentio, minimè admitti debet anrithesis inter Filium & Patrem, quasi huic tantum cōueniat nomen veri Dei. Nam sanè Deus qui Iesaiæ apparuit, verus & vnicus fuit: Deus: quem tamen Iohannes affirmat fuisse Christū. Qui etiam per os Iesaiæ testatus est se fore in lapidē offendiculi Iudæis, vnicus erat Deus: quem Paulus Christum fuisse pronuntiat. Quum per Iesaiam clamat, Viuo ego: mihi fletur omne genu, vnicus Deus est. atqui idem Paulus Christum interpretatur. Huc accedunt quæ recitat Apostolus testimonia, Tu Deus fundasti cælum & terram. Item, Adorent eum omnes Angeli Dei, quæ nonnisi in vnicum Deum cōpetunt: quum tamen propria Christi elogia esse contendat. Nec valet cauillum illud, transferri ad Christum quod Dei proprium est, quia sit relucencia gloriæ ipsius. Nam quum vbique ponatur nomen Iehouæ, sequitur deitatis respectu ex se ipso esse. Nam si est Iehouah, negari non potest quin idē sit ille Deus qui per Iesaiā alibi clamat, Ego ego sum, & præter me non est Deus. Expendere etiam conuenit illud Ieremiæ, Dii qui non fecerunt cælum & terram, pereant de terra quæ sub cælo est: quando ex opposito fateri necesse erit Filium Dei eum esse cuius deitas sæpius apud Iesaiam probatur ex mundi creatione. Quomodo autem creator qui omnibus esse dat, nō erit ex seipso, sed essentiam aliunde mutuabitur? Nam quisquis essentiatū à Patre Filium esse dicit, à se ipso negat esse. Reclamat autem Spiritus sanctus, illum Iehouah nominans. Iam si demus totam essentiā esse in solo Patre, vel fiet partibilis, vel eripietur Filio: atque ita spoliatus sua essentia, titularis solum erit Deus. Essentia Dei, si creditur istis nugatoribus, soli Patri conuenit, quatenus ipse solus est, & est Filii essentiator. Ita diuinitas Filii quiddam erit abstractum à Dei essentia, vel deriuatio partis à toto. Iam concedant ex suo principio necesse est, Spiritum esse solius Patris: quia si deriuatio est à prima essentia, quæ nonnisi Patri propria est, iure non censebitur Spiritus Filii. quod tamen refellitur Pauli testimonio, vbi communem Christo & Patri facit. Adhæc si expungitur è Trinitate Patris Persona, in quo à Filio & Spiritu differet nisi quia solus est ipse Deus? Fatètur Christum esse Deum, & tamen à Patre differre. Vicissim notam aliquam discretionis esse oportet, ne Pater sit Filius. Qui in essentia eam ponunt, manifestè in nihilum redigunt veram Christi deitatem: quæ sine essentia esse non potest, & quidem tota. Non differet certè Pater à Filio nisi proprium aliquid habeat in se quod Filio commune nō sit. Quid iam reperient in quo eum distinguant? Si in essentia est discretio, respondeant annon cum Filio eam cōmunicauerit. Hoc verò non potuit esse ex parte: quia dimidium fabricare Deū nefas esset. Adde quòd hoc modo fœdè lacerarent Dei essentiam. Restat ut tota & in solidū

Iesa. 6.2.1
iohan. 12. f. 41
Iesa. 8. c. 14
rom. 9. g. 33
Iesa. 45. d. 23
rom. 14. b. 11
Heb. 1. c. 10, &
b. 6
psal. 102. d. 16
psal. 97. b. 7

Iesa. 44. a. 6.
Ierem. 10. b. 11

Patris & Filii sit communis. Quod si verum est, iam sanè quoad ipsam nulla erit alterius ab altero discretio. Si excipiant, Patrem essentiano manere nihilominus vnicum Deum, penes quem sit essentia: Christus ergo figuratiuus erit Deus, ac specie tantum vel nomine, non re ipsa: quia Deo nihil magis proprium quam esse, iuxta illud, Qui est, misit me ad vos. Exod. 5. d. 14

- 24 Falsum quidè esse quod sumunt, quoties absolute fit Dei mentio in Scriptura, non nisi Patre intelligi, ex multis locis refellere promptum est: & in illis ipsis quos pro se citant, turpiter produnt suam incogitantiam, quia illic Filii nomen apponitur: unde apparet relatiue accipi Dei nomē, ideoque restringi ad Patris personam. ac eorum obiectio vno verbo diluitur, Nisi solus Pater, inquit, verus esset Deus, sius ipse pater esset. Neque enim absurdum est, propter gradum & ordinem Deum peculiariter vocari qui non solum genuit ex se suam sapientiam, sed Deus etiam est Mediatoris, sicuti plenius suo loco disseram. Nam ex quo manifestatus est in carne Christus, Filius Dei vocatur, non tantum quatenus ante secula genitus ex Patre fuit æternus Sermo, sed quia Mediatoris suscepit personam & munus, ut Deo nos coniungeret. Et quoniam Filium à Dei honore tam audacter excludunt, scire velim, quum pronuntiat nullum esse bonum præter unum Deum, an se bonitate priuet. Nō loquor de humana eius natura, ne fortè excipiant, quicquid in ea boni fuit, ex gratuito dono fluxisse: quæro an Sermo æternus Dei bonus sit necne. Si negent, satis conuicta tenetur eorum impietas: fatendo se ipsos iugulant. Quod autem primo intuitu videtur Christus à se remouere nomen boni, sententiam nostram magis confirmat: nempe quum singulare sit vnus Dei elogium, quatenus ex vulgari more salutatus fuerat bonus, falsum honorem repudiens, bonitatem qua pollet diuinam esse admonet. Quæro etiam, vbi affirmat Paulus solum Deum esse immortalem, sapientem & veracem, an his verbis in ordinem mortalium, stultorum & fallacium redigatur Christus. Non erit igitur immortalis, qui ab initio vita fuit ut Angelis immortalitatem conferret? nō erit sapiens, qui æterna est Dei sapientia? nō erit verax ipsa veritas? Quæro præterea Christumne adorandum censeat. Si enim hoc iure sibi vendicat, ut flatatur coram ipso omne genu, sequitur illum esse Deum, qui in Lege vetuit quenquam alium præter se adorari. De solo Patre si accipi voluit quod apud Iesaiam dicitur, Ego sum, ac nemo præter me, hoc testimoniū in ipsos retorqueo, quando videmus Christo attribui quicquid Dei est. Nec locus est eorum cauillo, Christum in carne fuisse exaltatum in qua exinanitus fuerat, & carnis respectu omne imperium illi datum esse in cælo & in terra: quia etsi extēditur Regis & Iudicis maiestas ad totam Mediatoris personam, nisi tamen Deus manifestatus esset in carne, non potuit in tantam altitudinem extolli quin Deus secum ipse pugnaret. Atque hanc controuersiam optimè Paulus tollit, æqualem Deo fuisse docens, antequam se exinaniret sub forma serui. Porro æqualitas ista quomodo staret nisi fuisset Deus ille cuius nomē est Ia & Iehouah, qui equitat super Cherubim, qui Rex est totius terræ, & Rex seculorum: Iam utcumque obstrepāt, non potest eripi Christo quod alibi dicit Iesaias, Hic, hic est Deus noster, expectauimus eum: quando his verbis aduentum Dei Redemptoris describit qui nō modo ab exilio Babylonico populum reduceret, sed Ecclesiam plenè restitueret omnibus numeris. Altero etiam cauillo nihil proficiunt, Christum fuisse Deum in Patre suo. Nam etsi fatemur ratione ordinis & gradus principium diuinitatis esse in Patre, detestabile tamen esse dicimus commentum illud, solius Patris essentiam esse propriam, quasi Filii deificator esset: quia hoc modo vel multiplex esset essentia, vel titulo & imaginatione tenus Christum appellat Deum. Si concedant Filium esse Deum, sed secundum à Patre: iam in ipso genita & formata erit essentia, quæ est in Patre ingenita & informis. Scio multis nasutis ludibrio esse quod ex verbis Moysi personarum distinctionem elicimus, vbi Deum sic loquentem inducit, Faciamus hominem ad imaginem nostram. vident tamen pii lectores quam frigide atque inepte hoc velut colloquium induceret Moses, nisi subessent in vno Deo plures personæ. Iam quos alloquitur Pater, certum est fuisse increatos: nihil verò increatum, excepto ipso Deo, & quidem vno. Nunc ergo nisi concedant Patris, Filii & Spiritus communem fuisse creandi potestatem, & commune iubendi imperium, sequetur Deum non intus secum ita loquentem esse, sed direxisse ad alios extraneos opifices sermonem. Denique locus vnus duo simul eorum obiecta facile expedit. Nam quod pronuntiat Christus ipse, Deum esse Spiritum, ad Patrem solum restringi cōsentaneum non esset, ac si Sermo ipse non esset spiritualis naturæ. Quod si Filio similiter ut Patri conuenit nomen Spiritus, sub indefinito Dei nomine Filium comprehendere colligo. Subiicit tamē continuo post, non alios probari cultores Patri nisi qui cum in spiritu & veritate adorant. unde alterum cōsequitur, quia sub capite fungitur Christus officio doctoris, Dei nomen Patri adscribere, non ut aboleat suam ipsius deitatem, sed ut gradatim nos ad eam attollat. Ioh. 4. d. 14

25 Sed in eo scilicet hallucinantur quòd indiuidua seminant, quorum singula partem obtineant essentiae. Atqui ex Scripturis docemus vnum essentialiter Deum esse, idèque essentiam tam Filii quàm Spiritus esse ingenitam. sed quatenus Pater ordine primus est, atque ex se genuit suam Sapientiam, meritò, vt nuper dictum est, censetur principium & fons totius diuinitatis. Ita Deus indefinitè est ingenitus: & Pater etiam personae respectu ingenuus. Stultè etiam putant se ex nostra sententia colligere quaternitatem statui, quia falsò & calumniosè cerebri sui commentum nobis adscribunt, quasi deriuatiuè fingamus predire ex vna essentia tres personas: quum ex scriptis nostris liqueat non abstrahere nos personas ab essentia, sed quanuis in ipsa resideant, distinctionem interponere. Si separata essent ab essentia personae, probabilis fortè esset eorum ratio: sed hoc modo trinitas esset deorum, non personarum quas in se continet vnus Deus. Ita soluitur futilis eorum quaestio, còcurratne essentia ad confluendam Trinitatem: quasi tres deos ex illa descendere imaginemur. Quòd excipiunt, Trinitatem igitur fore sine Deo, ex eadem insulitate nascitur: quia etsi ad distinctionem non concurrat vt pars vel membrum, non tamen personae sine ipsa, vel extra ipsam: quia & Pater, nisi Deus esset, non poterat esse Pater: & Filius non aliter Filius nisi quia Deus. Deitatem ergo absolūtè ex se ipsa esse dicimus. vnde & Filium, quatenus Deus est, fatemur ex seipso esse, sublato personae respectu: quatenus verò Filius est, dicimus esse ex Patre. ita essentia eius principio caret: personae verò principium est ipse Deus. Et quidè orthodoxi scriptores, quicunque olim de Trinitate loquuti sunt, ad personas tantum retulerunt hoc nomen: quàdo non modò absurdus esset error, in ipsa distinctione còplecti essentiam, sed nimis crassa impietas. Nam qui volunt tria concurrere, Essentiam, Filium, & Spiritum, eos Filii & Spiritus essentiam exinanire palàm est. alioqui partes inter se commistae concideret: quod est in omni distinctione vitiosum. Denique si Pater & Deus synonyma essent, sic deificator esset Pater, nihil in Filio residuum esset pràter vmbra: nec aliud esset Trinitas quàm coniunctio Dei vnus cum duabus rebus creatis.

26 Quòd obiciunt, Christum, si propriè sit Deus, Filium Dei perperam vocari, iam responsum est, quia sit vnus personae ad alteram comparatio, nomen Dei non sumi indefinitè, sed restringi ad Patrem, quatenus deitatis est principium, non essentiando, vt fanatici nugantur, sed ratione ordinis. Hoc sensu accipitur sermo ille Christi ad Patrem, Haec est vita aeterna vt credant te vnum verum Deum, & quem misisti Iesum Christum. Nam in Mediatoris persona loquens, medium gradum tenet inter Deum & homines. neque tamen ideo imminuitur eius maiestas. Nam etsi seipsum exinaniuit, gloriam tamen suam, quae abscondita fuit coram mundo, non perdidit apud Patrem. Sic Apostolus ad Hebraeos cap. 2, quanquam fatetur exiguo tempore fuisse imminutum infra Angelos, non tamen dubitat simul asserere, aeternum esse Deum qui fundauit terram. Tenendū igitur est, quoties Christus in persona Mediatoris Patrem compellat, sub hoc Dei nomine diuinitatem còplecti, quae ipsius quoque est. Sic quum Apostolis diceret, Expedit me ascendere ad Patrem, quia Pater maior est, non secundam diuinitatem tantum sibi tribuit vt sit quoad aeternam essentiam Patre inferior: sed quia caelesti gloria potius, fideles colligit in eius participationem. In superiore gradu Patrem locat, quatenus differt còspicua splendoris perfectio, quae in caelo apparet, ab ea gloriae mensura quae còspecta fuit in ipso carne vestito. Eadem ratione alibi Paulus Christum dicit redditurum Deo & Patri regnum, vt sit Deus omnia in omnibus. Nihil absurdius quàm auferre perpetuitatem Christi deitati. Quòd si nunquam desinet esse Dei Filius, sed idem manebit semper qui fuit ab initio: sequitur, sub Patris nomine vnicam Dei essentiam, quae vtriusque communis est, comprehendere. Et centè ideo ad nos descendit Christus vt ad Patrem attollendo, simul etiam ad seipsum attolleret, quatenus vnum est cum Patre. Nomen ergo Dei exclusiue ad Patrem restringere vt Filio auferatur, neque fas neque rectum est. Nam & hac de causa verum esse Deum asserit Iohannes, ne quis secundo deitatis gradu subsidere putet infra Patrem. ac miror quid sibi velint isti nouorum deorum fabri, dum Christum verum Deum confessi, mox eum excludunt à Patris deitate: quasi possit esse verus Deus nisi qui vnus est, aut transfusa diuinitas non sit nouum aliquod figmentum.

27 Quòd multos locos accumulans ex Irenaeo vbi Patrem Christi asserit esse vnicum & aeternum Deum Israel, vel pudèda inscitia est, vel summa improbitas. Animaduertere enim debuerant sancto viro negotium & certamen fuisse cum phreneticis, qui Patrem Christi negabāt illum esse Deum qui per Moysen & Prophetas olim loquutus fuerat, sed nescio quod spectrū è labe mundi productū. Itaque in hoc totus est, vt palàm faciat non aliū predicari in Scriptura Deū quàm Christi Patrem, & perperā alium excogitari, ac proinde nihil mi-

rum si toties concludat non alium fuisse Deum Israelis quàm qui celebratur à Christo & Apostolis. Sic etiam nunc, vbi diuerso errori resistendum est, verè dicemus, Deum qui olim apparuit Patribus, non alium fuisse quàm Christū. Porro si quis excipiat fuisse Patrē, in promptu erit responsio, dum pro Filii diuinitate pugnamus, nos Patrem minimè excludere. Ad hoc Irenæi consilium si attendant lectores, cessabit omnis contentio. Quinetiā ex sexto capite lib. 3. tota lis facillè dirimitur, vbi in hoc vnum insistit pius vir, qui absolutè & indefinitè vocatur in Scriptura Deus, illum esse verè vnicum Deum: Christum verò absolutè Deum vocari. Meminerimus hunc fuisse disceptationis statum, sicuti ex toto progressu patet, ac præsertim libri secundi cap. 46 non vocari Patrem ænigmaticè & parabolice qui verè non fit Deus. Adde quòd alibi cōiunctim tam Filiū quàm Patrem prædicatū fuisse Deum contēdit à Prophetis & Apostolis. Postea verò definit quomodo Christus, qui Dominus est omnium & Rex, & Deus, & Iudex, ab eo qui est Deus omnium acceperit potestatem: nempe subiectionis respectu, quia humiliatus est vsque ad mortē crucis. Interea paulo post affirmat, Filium esse opificem cæli & terræ, qui Legem tulit per Mosis manū, & Patribus apparuit. Iam si quis blateret, Irenæo solum Patrem esse Deum Israel, regerā quod idem scriptor apertè tradit, Christū vnum & eundem existere: sicuti etiam ad eum refert vaticinium Habacuc, Deus ab Austro veniet. Eodem pertinet quod legitur cap. 9. lib. 4. Ipse igitur Christus cum Patre viuorū est Deus. Et eiusdē libri cap. 12 interpretatur Abraham credidisse Deo, quia factor cæli & terræ, & solus Deus sit Christus.

Lib. 3. cap. 9

Cap. 12. eiusdem libri.

Cap. 16. eiusdem libri.

Cap. 18 & 23 eiusdem lib.

28 Tertullianū nihilo verius patronum sibi asciscunt. quia etsi asper interdū & spinosus est in suo loquendi genere, summā tamen doctrinæ quam tuemur, non ambiguè tradit: nēpe quum vnus sit Deus, dispensatione tamen vel œconomia esse eius Sermonem: vnicum esse Deum substantiæ vnitate, & nihilominus vnitatē dispensationis mysterio in Trinitatem disponi: tres esse non statu, sed gradu: nec substantia, sed forma: nec potestate, sed serie. Dicit quidem se defendere secundum à Patre Filium, sed non alium intelligit nisi distinctione. Visibilem alicubi Filium dicit: sed postquam in vtranque partem ratiocinatus est, definit inuisibilem esse quatenus est Sermo. Denique Patrem sua persona determinari affirmans, alienissimum se probat ab eo cōmento quod refellimus. Et quanquam non alium Deum agnoscit quàm Patrem, seipsum tamen proximo contextu explicans, se non exclusiue loqui ostendit Filii respectu, quia negat alium esse à Patre Deū: ideoque non violari monarchiam personæ distinctione. Atque ex perpetuo eius consilio verborum sensum colligere promptum est. Contendit enim aduersus Praxeam, quanuis in tres personas distinctus sit Deus, non tamē fieri plures deos, neque discerpi vnitatem. Et quia secundum Praxeam cōmentū Christus nō poterat Deus esse quin idem esset Pater, ideo tantopere de distinctione laborat. Quòd verò Sermonē & Spiritum vocat portionem totius, etsi dura est locutio, excusabilis tamen est, quando ad substantiam non refertur, sed dispositionem tantum & œconomiam notat quæ solis personis conuenit, Tertulliano ipso teste. Inde etiam pendet illud, Quot personæ tibi videntur peruersissime Praxeæ, nisi quot sunt voces? Sic etiam paulo post, Vt credant Patrem & Filium in suis quenque nominibus & personis. His arbitror satis refelli posse eorum impudentiam qui ex Tertulliani autoritate fucum tentant facere simplicibus.

29 Et certè quisquis diligenter veterum scripta inter se conferet, non aliud reperiet apud Irenæum quàm quod ab aliis qui deinde sequuti sunt, proditum fuit. Iustinus vnus est ex vetustissimis: nobis autem per omnia suffragatur. Obiectent tam ab illo quàm à reliquis Patrem Christi vocari vnum Deum. Idem Hilarius quoque docet, imò asperius loquitur, æternitatem esse in Patre. An vt Filio auferat Dei essentiam? Atqui in eius fidei quam sequimur defensione totus est. Nec tamen eos pudet mutila nescio quæ dicta excerpere, ex quibus persuadeant Hilarium esse erroris sui patronum. Ignatium quòd obtendunt, si velint quicquam habere momenti, probent Apostolos legem tulisse de quadragesima & similibus corruptelis. nihil naniis illis quæ sub Ignatii nomine editæ sunt, putidius. Quo minus tolerabilis est eorum impudentia, qui talibus laruis ad fallēdum se instrunt. Porro hinc veterum consensus clarè perspicitur, quòd neque in concilio Niceno Arrius ex cuiusquam probati scriptoris autoritate fucum facere ausus est: & nemo ex Græcis vel Latinis excusat à prioribus se dissentire. Augustinus, cui nebulones isti infestissimi sunt, quàm sedulò excusserit omnium scripta, & quàm reuerenter amplexus sit, dicere nihil attinet. Certè in minimis quibusque scrupulis ostendere solet cur ab illis discedere cogatur. In hoc etiam argumento siquid ambiguum vel obscurum legerit apud alios, nō dissimulat. Quam tamen isti oppugnat doctrinam pro confesso sumit ab vltima antiquitate sine

controuerſia fuiſſe receptam. Neque tamen quid antè docuiſſent alii, ipſum latuiſſe, vel ex vno verbo conſtat, vbi dicit in Patre eſſe vnitatem, lib. de doctrina Chriſtiana primo. an garrient ſui tunc fuiſſe oblitum: Atqui alibi ab hac calumnia ſe purgat, vbi Patrem vocat principium totius deitatis, quia à nullo eſt: prudèter ſcilicet expendens ſpecialiter Patri adſcribi Dei nomen, quòd niſi ab ipſo fiat initium, concipi nequeat ſimplex Dei vnitās. His etiam demū, vt ſpero, agnoſcet pius lèctor omnes calumnias diſcuſſas, quibus Satan hætenus puram doctrinæ fidem peruertere vel obtenebrare molitus eſt. Denique totam huius doctrinæ ſummam fideliter eſſe explicatam confido, ſi quidem modum curioſitati imponant lèctores, nec moleſtas & perplexas diſputationes cupidius quàm par ſit ſibi accerſant. Nam quos oblectat ſpeculandi intèperies, minimè placādos ſuſcipio. Certè nihil aſtutè præterii quod mihi aduerſum eſſe putarè: ſed dum Eccleſiæ ædificationi ſtudeo, multa non attingere conſultius viſum eſt, quæ & parū prodeſſent, & lèctores grauaret ſuperuacua moleſtia. Quid enim diſputare attinet an ſemper generet Pater: quādo ſtultè fingitur continuus æctus generādi, ex quo liquet ab æterno tres in Deo perſonas ſubſtituiſſe.

In ipſa etiam mundi & rerum omnium creatione Scripturam certis

notis diſcernere verum Deum à fictitiis.

CAP. XIII.

Ieſa. 40. c. vii



VANQVAM falſorum deorum cultoribus ſocordiam meritò exprobrat Ieſaias, quòd ex terræ fundamentis & cælorum ambitu non didicerint quiſnam eſſet verus Deus: quæ tamen eſt ingenii noſtri tarditas & hebetudo, nec eſſe fuit, ne ad Gentium ſigmenta deſluerent fideles, expreſſius illis depingi verū Deum. Nam quū euanida ſit quæ apud Philoſophos maximè tolerabilis habetur deſcriptio, Deum mentem eſſe mundi: ipſum familiarius à nobis cognosci operæpretium eſt, ne ſemper in ambiguo vacillemus. Itaque hiftoriam creationis extare voluit, cui innixa Eccleſiæ fides non alium Deum quæreret niſi qui propoſitus eſt à Moſe opifex mundi & conditor. Illic primò notatū eſt tempus, vt cōtinua annorum ſerie fideles ad primam humani generis & rerum omnium originem peruenirent. quæ apprimè utilis eſt cognitio, nō tantum vt prodigioſis fabulis, quæ in AEgypto & aliis terræ plagis olim graſſatæ ſunt, obuiam eatur, ſed etiam vt cognito mundi exordio, clarius eluceat Dei æternitas, nōſque in ſui admirationem magis rapiat. Neque verò mouere nos debet profana illa ſubſannatio, mirum eſſe cur non citius venerit Deo in mentem, cælum & terram condere, ſed otioſus immēſum ſpatium præterfluere ſiuerit, quod ante plurima ætatū millia efficere poſſet: quum ad ſex annorum millia nondum peruenerit mundi ad vltimū finem vergentis diuturnitas. Nam cur tandiu diſtulerit Deus neque fas eſt nobis inquirere, neque expedit: quia ſi eoſque penetrare cōtendat mens humana, centies in itinere deficiet: neque etiam cognitu vtile eſſet quod Deus ipſe, vt fidei noſtræ modetiā probaret, cōſultò voluit celatū eſſe. Ac ſcitè pius ille ſenex, quum proteruus quiſpiam ex eo per ludibriū quæreret quid ante creatum mundum egiffet Deus: reſpondit fabricaſſe inferos curioſis. Hæc nō minus grauis quàm ſeuera admonitio compescat laſciuiam, quæ multos titillat, adeoque impellit ad prauas & noxias ſpeculationes. Denique meminerimus, Deum illum inuiſibilem & cuius incomprehenſibilis eſt ſapientia, virtus & iuſtitia, Moſis hiftoriam ſpeculi loco nobis proponere, in quo viua eius effigies relucet. Sicuti enim nihil diſtinctè cernūt oculi vel ſenio obruſi, vel alio vitio hebetes, niſi ſpecillis adiuuentur: ita, quæ noſtra eſt imbecillitas, niſi nos dirigat Scriptura in Deo quærendo, ſtatim euaneſcimus. Qui verò proteruiæ ſuæ indulgent, quia nunc fruſtra monentur, ſerò horribili interitu ſentient quanto ſatius fuerit arcana Dei conſilia reuerenter ſuſpicere, quàm blaſphemias euomere quibus cælum obſcurèt. Et rectè Auguſtinus iniuriam Deo fieri conqueritur vbi ſuperior eius volūtate flagitatur rerum cauſa. Idem alibi prudèter admonet, nō minus perperam de immenſis temporū quàm locorū ſpatiis quæſtionē moueri. Certe quantūuis latè pateat cælorum circuitus, eſt tamen aliqua eius dimenſio. Nunc ſiquis cum Deo expoſtulet, quòd centuplo ſuperet vacuitas, annon piis omnibus deteſtabilis erit petulantia: Eodem furoris proſiliunt qui exagitant Dei otium, quòd eorum arbitrio mundū ante innumera ſæcula non cōdiderit. Vt ſuæ cupiditati morem gerāt, extra mundum egredi aſſectant. quaſi verò in tam ampla cæli & terræ circūferentia, non ſatis multa occurrāt quæ inæſtimabili ſuo fulgore abſorbēāt ſenſus omnes noſtros: quaſi intra ſex annorum millia non ſatis multa documēta ediderit Deus, in quorum aſſidua meditatione mentes noſtræ ſe exerceant. Ergo libenter maneamus incluſi his cæcellis, quibus nos circunſcribere Deus voluit, & quaſi mentes noſtras contrahere, ne vagandi licentia diſfluere.

Lib. de Gene.
contra Ma-
nich.

Lib. ii. de Ci-
uitate Dei.

3. Eiufdem rationis eſt quòd narrat Moſes, non momento ſed ſex diebus abſolutū fuiſſe

Dei opus. Nam & hac circumstantia ab omnibus figmentis colligimur ad vnicum Deum qui in sex dies opus suum digessit, ne molestum nobis esset in eius consideratione occupari toto vitæ cursu. Quauis enim oculi nostri, in quancunque partem se vertât, coguntur in operum Dei intuitu versari: videmus tamen quàm fluxa sit attentio, & quàm citò præteruolent siquæ nos tangant piæ cogitationes. Hic etiâ obstreperit humana ratio, quasi à Dei potentia alieni fuerint tales progressus, donec subacta ad fidei obsequium quietem illam colere discit, ad quam nos inuitat septimi diei sanctificatio. In ipso autem ordine rerum diligenter considerandus est paternus Dei amor erga humanum genus, quod non antè creauit Adam quàm mundum omni bonorum copia locupletasset. Nam si eum in terra adhuc sterili & vacua locasset, si vitam dedisset ante lucem, visus fuisset eius vtilitati parum cõsulere. Nunc vbi Solis & astrorum motus disposuit ad vsus humanos, terrâ, aquas, aerem animalibus repleuit, frugum omnium abundantiam protulit quæ alimentis sufficeret: curam prouidi & seduli patrifamilias suscipiēs, mirificam erga nos suam bonitatem ostendit. Quæ breuiter tantum delibo si quisque attentius apud se expendat, constabit Moſen certum vnus Dei creatoris testem ac præconem fuisse. Omitto quæ iam exposui, non de nuda tantum Dei essentia illic fieri sermonem, sed æternam quoque eius sapientiam & Spiritû nobis proponi. ne alium Deum somniemus quàm qui in illa expressa imagine vult agnosci.

3 Sed antequam de hominis natura plenius differere incipiam, aliquid de Angelis inferere oportet: quia etsi Moſes vulgi ruditati se accommodans, non alia Dei opera commemorat in historia creationis nisi quæ oculis nostris occurrunt: vbi tamen postea Angelos Dei ministros inducit, colligere faciliè licet eorû esse conditorem, cui suam operam & officia impendunt. Quauis ergo Moſes populariter loquens, non statim à primis rudimentis Angelos recensuerit inter Dei creaturas: nihil tamen vetat quominus disertè & explicatè de illis tradamus quæ alibi passim docet Scriptura. quia si Deum ex operibus suis agnoscere cupimus, minimè omittendum est tam præclarû & nobile specimen. Adde quod refutandis multis erroribus valde necessaria est hæc pars doctrinæ. Multorum mentes ita perstrinxit Angelicæ naturæ præstantia, vt putarent illis iniuriam fieri si vnus Dei imperio subiecti quasi in ordinem cogerentur. hinc illis afficta diuinitas. Emerſit etiam Manichæus cum sua secta, qui sibi duo principia fabricauit, Deum & diabolum. ac Deo quidem tribuebat bonarum rerum originem: malas autem naturas ad diabolum authorem referebat. Hoc delirium si mentes nostras teneret implicitas, non cõstaret Deo sua in mundi creatione gloria. Nam quum nihil magis Dei proprium sit quàm æternitas, & αὐτάρκεια: id est, à seipſo existentia, vt ita loquar: qui diabolo hoc tribuunt, nonne quodammodo eum diuinitatis ornant titulo? Iam vbi omnipotentia Dei, si diabolo tale cõceditur imperium, vt illo inuito ac repugnante, quicquid voluerit exequatur? Quod autem vnicum habent fundamentum Manichæi, nefas esse ascribi bono Deo vlli rei malæ creationem, id orthodoxam fidem minimè lædit, quæ non admittit aliquam esse in mûdi vniuersitate malam naturam: quandoquidem nec prauitas & malitia tum hominis, tum diaboli, aut quæ inde nascuntur peccata, ex natura sunt, sed ex naturæ corruptione: nec quicquam omnino ab initio extitit in quo nõ & sapientiæ & iustitiæ suæ specimen ediderit Deus. His ergo peruersis commentis vt obuiam catur, altius animos attollere necesse est quàm oculi nostri penetrèt. Quo cõsilio verisimile est, vbi in symbolo Niceno vocatur Deus omniû conditor, res inuisibiles fuisse expressas. Modum tamen quem præscribit pietatis regula, tenere curæ erit, ne altius quàm expedit speculando, lectores à fidei simplicitate abducti vagentur. Et certè quum vtiliter semper nos doceat Spiritus: in quibus verò parum est momenti ad ædificationem, vel subtriceat prorsus vel leuiter tantum & cursim attingat, nostri quoque officii est, libenter ignorare quæ non conducunt.

4 Angelos sanè, quum Dei sint ministri ad iussa eius exequenda ordinati, esse quoque illius creaturas, extra controuersiam esse debet. De tempore vel ordine quo creati fuerint, contentiorem mouere nonne peruiacitiæ magis quàm diligentia est? Terram esse perfectam, & cælos perfectos, cum omni exercitu eorum, narrat Moſes: quid attinet anxie percontari quoto die præter astra & planetas alii quoque magis reconditi cælestes exercitus esse cœperint? Ne longior sim, meminerimus hîc, vt in tota religionis doctrina, tenendam esse vnâ modestiæ & sobrietatis regulam, ne de rebus obscuris aliud vel loquamur, vel sentiamus, vel scire etiam appetamus quàm quod Dei verbo fuerit nobis traditum. Alterum, vt in lectiõne Scripturæ, iis continenter quærendis ac meditandis immoremur quæ ad ædificationem pertinent: non curiositati aut rerum inutilium studio indulgeamus. Et

Genes. 2. 2. 1

quia Dominus nō in friuolis quæstionibus, sed in solida pietate, timore nominis sui, vera fiducia, sanctitatis officiis erudire nos voluit, in ea scientia acquiescamus. Quamobrem, si ritè sapere volumus, relinquenda sunt nobis illa ματαιώματα, quæ & ab otiosis hominibus de Angelorum natura, ordinibus, multitudine absque Dei verbo traduntur. Scio hæc cupidius à multis arripi, & maiori voluptati esse quàm quæ in vsu quotidiano sunt posita. Verùm, nisi Christi discipulos esse nos piget, eam quam ipse methodum præscripsit, sequi ne pigeat. Ita fiet vt eius magisterio contenti, à superuacuis speculationibus, à quibus nos reuocat, non tantum abstinemus, sed etiam abhorreamus. Dionysium illum, quicumque fuerit, nemò negauerit multa subtiliter & argutè in cælesti Hierarchia disputasse: verum si quis propius excutiat, deprehendet maxima ex parte meram esse garrulitatem. Theologo autem non garriendo aures oblectare, sed vera, certa, vtilia docendo, conscientias confirmare propositum est. Si librum illum legas, putes hominem de cælo delapsum referre non quæ didicit, sed quæ oculis vidit. Atqui Paulus, qui extra tertium cælum raptus fuerat, non modò nihil tale prodidit, sed testatus quoque est nefas esse homini loqui quæ viderat arcana. Illa ergo nugatoria sapientia valere iussa, ex simplici Scripturæ doctrina cōsideremus quod de Angelis suis scire nos Dominus voluit.

1. Cor. 11. a. 2

5 Angelos esse cælestes Spiritus quorum ministerio & obsequio vitur Deus ad exequenda omnia quæ decreuit, passim in Scriptura legitur: vnde & hoc illis nomē attributum est quòd illos veluti internuntios adhibet Deus ad se hominibus manifestandum. Aliæ etiam quibus insigniuntur appellationes, ex simili ratione sumptæ sunt. Exercitus vocatur, quia vt satellites principem suum circundant, eius maiestatem exornant & conspicuam reddunt, & instar militum ad signum ducis sui semper intenti sunt, & ita parati sunt ac expediti ad capeffenda illius iussa, vt simul ac annuerit, operi se accingant, vel potius sint in opere. Talem imaginem throni Dei, ad declarandam eius magnificentiam, cum alii Prophetæ describunt, tum præcipuè Daniel: vbi mille millia, & decies mille myriadas astitisse dicit, quum Deus tribunal conscendisset. Quoniam verò vim ac fortitudinem manus suæ Dominus per ipsos mirabiliter exerit ac declarat, inde Virtutes nominantur. Quia verò imperium suum in mundo per eos exercet ac administrat, ideò dicuntur nunc Principatus, nunc Potestates, nunc Dominationes. Postremò, quia in illis quodammodo residet gloria Dei, Throni quoque hac ratione appellantur. Quanquam de hoc postremo nihil velim asserere: quia diuersa interpretatio vel æquè, vel magis etiam cōgruit. Verum hoc nomine omisso, prioribus illis sæpe vitur Spiritus sanctus ad commédandam Angelici ministerii dignitatem. Neque enim æquum est, sine honore præteriri ea instrumenta quibus numinis sui præsentiam specialiter Deus exhibet. Quinetiam ob id non semel Dii nuncupantur, quòd in suo ministerio, velut in speculo, diuinitatem aliqua ex parte nobis representant. Tametsi enim mihi nō displicet quod veteres scriptores, vbi Scriptura Angelum Dei Abrahamæ, Iacob, Mosi & aliis apparuisse commemorat, Christum fuisse Angelum illum interpretantur: sapius tamen vbi de Angelis omnibus fit mentio, hoc nomē illis tribuitur. Neque id mirum videri debet. nam si principibus ac præfectis id honoris datur, quòd Dei, qui summus est Rex & Iudex, vices gerunt in sua functione: longè maior causa est cur deferatur Angelis, in quibus diuinæ gloriæ claritas multo abundantius elucet.

Dan 7. c. 10

Colos. 1. b. 10

Ephes. 1. d. 21

Gen. 18. a. 1, &
31. a. 1, & f. 18.
Ios. 5. d. 14
Iudic. 6. c. 14
& 13. d. 12

Psal. 81. b. 6

6 Quod autem ad consolationem nostram fideique cōfirmationem facere maximè poterat, in eo docendo plurimum insistit Scriptura: nempe Angelos diuinæ erga nos beneficiæ dispensatores esse & ministros. Ideoque commemorat, pro salute nostra ipsos excubare, suscipere defensionem nostri, vias nostras dirigere, solitudinem gerere nequid aduersi nobis accidat. Vniuersales sunt sententiæ quæ in primis ad Christum, Ecclesiæ caput, deinde ad omnes fideles pertinent. Angelis suis mandauit de te, vt custodiant te in omnibus viis tuis. In manibus portabunt te, ne fortè offendas ad lapidem pedes tuos. Item, Manet Angelus Domini per circuitum eorum qui timent eum, & eruit eos. Quibus ostendit Deus, sese eorum quos custodiendos suscepit, tutelam Angelis suis delegare. Secundum hanc rationem Angelus Domini consolatur Agar fugitiuam, & dominæ suæ reconciliari iubet. Pollicetur Abraham seruo suo Angelum fore ducē itineris ipsius. Iacob in benedictione Ephraim & Manasse precatur vt Angelus Domini, per quem liberatus fuerat ab omni malo, prosperari eos faciat. Sic Angelus protegendis Israelitici populi castris præfectus fuit: & quoties voluit Israellem Deus redimere è manu hostium, Angelorum ministerio vindices excitauit. Sic denique (ne plura commemorare necesse sit) Angeli Christo ministrarunt, & ei adfuerunt in omnibus angustiis. Eius resurrectionē mulieribus, discipulis gloriosum aduentū nuntiarunt. Itaque quo istud protectionis nostræ munus impleat,

Psal. 91. c. 11.

Psal. 34. b. 8.

Genes. 16. c. 9.

Ibidē. 24. a. 7.

Ibidē. 48. c. 16.

Exo. 14. d. 19.

& 23. d. 20.

Iudic. 2. a. 1,

& 6. b. 11, &

13. a. 10.

Matth. 4. b. 11

Luc. 12. c. 43

Mat. 28. b. 5. 7

Luc. 24. a. 5,

a. 1. b. 10.

contra Diabolū omnesque hostes nostros depugnāt, & vindictam Dei aduersus eos qui nobis infesti sunt exequūtur. Quemadmodū legimus Angelum Dei, vt Ierusalem obsidione liberaret, centum octoginta quinque millia in castris regis Assyri vna nocte confecisse.

2. Reg. 19. g. 35
iefa. 37. g. 36

7 Cæterum an singulis fidelibus singuli Angeli sint attributi ad eorū defensionem, pro certo asserere nō ausim. Certè quum Daniel Angelum Persarum & Græcorum Angelum inducit, significat certos Angelos regnis ac prouinciis quasi præfides destinari. Christus etiam quum dicit Angelos puerorum semper videre faciem Patris, certos esse Angelos, quibus commēdata sit eorum salus, innuit. Sed ex eo nescio an colligi debeat, vnicuique præesse suum Angelum. Hoc quidem pro certo habēdum, non tantum vni Angelo vnūque nostrum esse curæ: sed omnes vno consensu vigilare pro salute nostra. Nam de omnibus Angelis simul dicitur, quod plus gaudeant super vno peccatore ad resipiscentiam cōuerso, quā super nonaginta nouē iustis qui in iustitia perstiterint. De pluribus etiam Angelis dicitur, quod Lazari animam in sinū Abraham detulerint. Nec verò frustra ministro suo monstrat Elisæus tot currus igneos qui peculiariter illi destinati erant. Vnus est locus qui videtur ad id confirmandum aliis paulo clarior. Nam quum Petrus è carcere eductus pulsasset fores domus in qua congregati erant fratres, quum suspicari non possent eum esse, dicebant Angelum ipsius. Videtur hoc illis in mentem venisse ex cōmuni conceptione, quod singulis fidelibus præfides assignati sint sui Angeli. Quanquā hīc quoque responderi potest, nihil obstare quominus vnūquemlibet ex Angelis intelligamus, cui Dominus tunc Petri curam mandasset, neque tamen propterea cset perpetuus eius custos: quemadmodum vulgò imaginantur duos Angelos, bonum & malum, tanquā diuersos genios, singulis esse attributos. Neque tamen operæpretiū est anxie inuestigare quod scire nostra nō multū refert. Nam sicui hoc non satisfaciet, omnes celestis militiæ ordines pro salute sua excubias agere, nō video quid proficere ex eo possit si intelligat Angelū vnu peculiariter custodē sibi datū. Qui verò ad vnū Angelū restringunt quam de vnoquoque nostrū curam Deus gerit, magnā sibi & omnibus Ecclesiæ membris iniuriam faciunt: ac si de nihilo promissæ essent illæ auxiliares copię, quibus vndique cincti & muniti animosius certemus.

Daniel. 10. c.
13. d. 20, & 12.
a. 1
Matt. 18. b. 13

Lut. 15. b. 7

Luc. 16. c. 23

2. Reg. 16. d. 17

Act. 12. c. 15

8 De multitudine verò & ordinibus qui definire audēt, viderint quale habeāt fundamentum. Michael, fateor, princeps magnus vocatur apud Daniele, & Archangelus apud Iudam. Et Archangelum fore docet Paulus, qui tuba citabit homines ad iudicium. Sed quis inde poterit honorum gradus inter Angelos statuere, distinguere singulos suis insignibus, locum & stationem cuique assignare? Nam & duo nomina quæ in Scripturis extant, Michael & Gabriel, & tertiū si addere velis ex historia Tobię, ex significato videri possunt pro infirmitatis nostræ captu, Angelis indita. et si id in medio malo relinquere. Quantū ad numerum, audimus ex ore Christi multas legiones, à Daniele multas myriadas: plenos currus vidit Elisæi minister: & ingentem multitudinem declarat, quod dicuntur castrametari in circuitu timentium Deum. Forma spiritus carere certum est: & tamen Scriptura pro ingenii nostri modulo Angelos sub Cherubim & Seraphim non frustra nobis alatos pingit, ne dubitemus incredibili celeritate semper ad auxilium nobis ferendum præsentem fore simulac res tulerit: ac si fulgur è cælo emissum, qua solet pernicitate, ad nos volaret. Quicquid præterea de vtroque quæri potest, credamus ex eo esse genere mysteriorum quorū plena reuelatio in vltimum diem differtur. Proinde à nimia vel in quærendo curiositate, vel in loquendo audacia cauendum meminerimus.

Daniel. 12. a. 1
Iudæ b. 9

1. The. 4. d. 16

Matt. 26. c. 55
daniel 7. c. 10
Psal. 34. b. 8

9 Hoc tamen, quod nonnulli inquieti homines in dubium vocant, pro certo est habendum, Angelos spiritus esse ministratorios, quorū obsequio vitur Deus ad suorū protectionem, & per quos tum sua beneficia inter homines dispensat, tum reliqua etiā opera exequitur. Fuit illa quidem olim Sadducæorū opinio, per Angelos nihil designari quā vel motus quos Deus hominibus aspirat, vel ea quæ edit virtutis suæ specimina. Sed huic deliramento tot reclamatione Scripturæ testimonia vt mirum sit tam crassam ignorance in illo populo ferri potuisse. Vt enim omittā quos superius locos citaui, vbi referuntur millia & legiones Angelorū, vbi gaudium illis tribuitur, vbi narrantur fideles manibus sustinere eorū animas deferre in quietem, videre faciem Patris, & similia: sunt alii, ex quibus clarissimè cūritur revera esse spiritus naturæ subsistentis. Nā quod Stephanus & Paulus dicunt, Legē esse latam in manu Angelorū: & Christus, electos fore post resurrectionē Angelis similes: diem iudicii ne Angelis quidem esse cognitum: se tunc venturū cum sanctis Angelis: vt maximè torqueatur, necesse erit ita intelligi. Similiter quū Paulus Timotheū corā Christo & electis ipsius Angelis attestatur vt præcepta sua custodiat, non qualitates aut inspirationes sine substantia, sed veros spiritus denotat. Nec aliter subsistit quod in epi-

Act. 7. g. 55
gal. 3. c. 19
Matt. 22. c. 30;
& 24. c. 37
Ibidē 25. c. 31
luc. 9. d. 26
1. Tim. 5. d.

Hebr. 1. b. 4,

& 2. d. 16

Ibidē 12. f. 22

Malac. 3. a. 1.

Cap. 1. b. 16,
& c. 20

Apo. 19. b. 10

2. Reg. 6. d. 17

Gen. 28. c. 12

stola ad Hebræos legitur, Christū excellentiorē Angelis effectum, illis non esse subiectū orbem terrarū, Christum non ipsorum, sed hominū naturam assumpsisse: nisi beatos esse Spiritus intelligamus, in quos cadant istæ cōparationes. Et ipse author epistolæ seipsum declarat, ubi in regno Dei, fidelium animas & sanctos Angelos simul collocat. Præterea quod iā citauimus, Angelos puerorū semper videre faciē Dei, eorū præsidio nos defendi, eos lætari de salute nostra, mirari multiplicē Dei gratiā in Ecclesia, subesse Christo capiti. Eodē pertinet quod sanctis Patribus toties apparuerūt sub forma hominū, loquuti sunt, excepti etiā fuerunt hospitio. Et Christus ipse ob primatū quē obtinet in persona Mediatoris, Angelus vocatur. Hoc obiter attingere libuit, ad simplices præmuniēdos aduersus illas stultas & absurdas cogitationes quæ ante multa secula à Satana excitatæ, subinde repullulāt.

- 10 Restat vt superstitioni occurramus, quæ obrepere plerunque solet vbi dicitur Angelos nobis omnium bonorū ministros esse ac præbitores. Eō enim protinus delabitur hominis ratio, vt nihil nō honoris deferendū illis putet. Ita fit vt quæ solius Dei & Christi sunt, ad ipsos trāsferātur. Ita videmus Christi gloriā superioribus aliquot seculis fuisse multis modis obscuratā, quū immodicis elogiis Angeli præter Deiverbū cumularētur. Neque vllū ferē antiquius est vitiū ex iis quæ hodie impugnamus. Siquidē Paulo etiam fuisse magnū certamen cum nōnullis apparet, qui sic Angelos euehebāt vt Christum propemodū in ordinem redigerent. Hinc tanta solitudine vrget in Epistola ad Colossenses, Christum non modò Angelis omnibus esse anteferendū, sed ipsis quoque bonorū omnium esse authorēs ne eo derelicto, ad illos cōuertamur qui nec sibi sufficere possunt, sed ex eodem, quo nos, fonte hauriūt. Certē quum in eis fulgor diuini numinis refulgeat, nihil est magis procliue quàm in eorum adorationem stupore quodam nos prosterni, & omnia deinde illis tribuere quæ non nisi Deo debentur. Quod etiam Iohannes in Apocalypsi fatetur sibi accidisse: sed simul addit fuisse sibi responsum, Vide ne feceris: conseruus tuus sum, Deum adora.

- 11 Atqui hoc periculum bene cauebimus si expēdamus cur per eos Deus potius quàm per se sine ipsorum opera potentiam suam declarare, fidelium salutem curare, suæque beneficentiæ dona ipsis communicare soleat. Nō facit hoc certē necessitate, quasi carere illis nequeat: nam quoties libet, ipsis præteritis, opus suum vel solo nutu peragit: tantum abest vt ad leuandam difficultatē sint illi subsidio. Hoc ergo ad solatium nostræ imbecillitatis facit, nequid omnino quod animis nostris vel in bonā spem erigendis, vel in securitate confirmandis valeat, desideremus. Illud quidē vnum satis superque esse deberet, quod Dominus asserit se nostrum esse protectorem. Sed dum tot periculis, tot noxis, tot hostium generibus nos videmus circumsideri: quæ nostra est mollities ac fragilitas, fieri interdum poterit vt trepitatione impleamur, vel desperatione concidamus, nisi pro modulo nostro gratiæ suæ præsentiam apprehēdere nos Dominus faciat. Hac ratione non modò nos sibi curæ fore promittit, sed se innumeros habere satellites quibus procurandam salutē nostram mādauerit. horum præsidio ac tutela quandiu septi sumus, quicquid periculi immincat, nos extra omnem mali aleam esse positos. Perperam id quidem fieri à nobis fateor, quod post illam simplicem promissionem de vnus Dei protectione, adhuc circūspectamus vnde veniat nobis auxiliū. Sed quia Dominus, pro immensa sua clementia & facilitate, vult huic nostro vitio subuenire, non est cur tantū eius beneficium negligamus. Eius rei exemplum in puero Elisæi habemus, qui quum montē obsidione cingi videret ab exercitu Syrorum, nec vllum effugium patere, pauore consternabatur quasi actum de se ac domino suo esset. Hic Elisæus Deum precatus est vt illius aperiret oculos: ille protinus montem equis ac curribus igneis refertum conspicit, multitudinem scilicet Angelorum, à quibus custodiendus erat cum Propheta. Hac visione confirmatus se recepit, & hostes potuit intrepido animo despicere, quorum aspectu fuerat propè exanimatus.

- 12 Proinde quicquid de Angelorum ministerio dicitur, ad hunc finem dirigamus, vt expugnata omni diffidentia, spes in Deo nostra fortius stabiliatur. Siquidem hæc præsidia ideo nobis à Domino sunt cōparata ne hostium multitudine terreamur, quasi aduersus opem eius præualeret, sed ad illā Elisæi sententiā confugiamus, plures esse pro nobis quàm cōtra nos. Quàm igitur præ posterū est, ab Angelis nos abduci à Deo, qui in hoc sunt cōstituti vt præsentiorē eius opem nobis testentur? Abducunt autē, si nō rectā ad ipsum manu ducūt, vt solum auxiliatorem spectemus, inuocemus ac prædicemus: si non vt eius manus à nobis considerantur, quæ nullum ad opus nisi ipso dirigente se moueant: si non in vno Mediatore Christo nos retinent, vt ab eo prorsus pendeamus, in eo recumbamus, ad eum feramur, & ipso acquiescamus. Quod enim in visione Iacob describitur, hære ac penitus infixū esse animis nostris debet, Angelos in terrā ad homines descendere, & ab hominibus in cælum ascendere per scalam, cui insidet Dominus exercituum. Quo indicatur sola Chri

sti intercessione fieri vt Angelorum ministeria ad nos perueniāt, sicut ipse affirmat, Post-
 hac videbitis cælos apertos & Angelos descendentes ad Filium hominis, Ioh. 1.8.51. Itaque Gen. 24. a.7
 seruus Abrahamæ, Angeli custodiæ commendatus, nō propterea ipsum inuocat vt sibi ad sit,
 sed ea commendatione fretus preces fundit coram Domino, petitque vt misericordiam
 suam erga Abrahamū exerat. Quemadmodum enim nō ideo potentix bonitatisque suæ
 ministros facit eos Deus vt suam cum illis gloriam partiat: ita nō opem suam ideo in
 ipso ministerio nobis promittit, vt nostram inter ipsos & eum fiduciam diuidamus. Va Vide Plat. in
Epinomide
& Cratylo.
 leat ergo Platonica illa philosophia de quæredo per Angelos ad Deū aditu, & ipsis in hūc
 finem colendis, quo Deum faciliore nobis reddant: quam superstitiosi curiosique homi-
 nes conati sunt in religionē nostrā ab initio inuehere, & ad hunc vsque diem perseuerant.

13 Quæ de Diabolis Scriptura tradit, eò ferè tendunt omnia vt solliciti simus ad præcauen-
 das eorum insidias & molitiones: tum iis armis nos instruamus quæ ad propulsandos po-
 tentissimos hostes satis firma sint ac valida. Nam quum deus ac princeps huius seculi vo-
 catur Satan, quum fortis armatus, spiritus cui potestas est aeris, leo rugiēs dicitur: nō aliò
 respiciunt istæ descriptiones nisi vt cautiores simus & vigilantiores, tū ad pugnam capef-
 fendā paratiores. Quod etiam expressis verbis interdum notatur. Nam Petrus postquam 1. Pet. 5. b. 8
 Diabolum dixit circuire instar leonis rugientis, quærentem quos deuoret: mox adhorta-
 tionem subiungit, vt fide fortiter resistamus. Et Paulus, vbi monuit luctam nō cum carne Ephes. 6. b. 12
 & sanguine nobis esse, sed cum principibus aeris, potestatibus tenebrarum, & nequitis spi-
 ritualibus, continuò arma induere iubet quæ ad tantum tamque periculosum certamen
 sustinendum paria sint. Quare nos quoque ad hunc finem omnia conferamus, vt hostem,
 & hostem audacia promptissimum, viribus robustissimum, artibus callidissimū, diligen-
 tia & celeritate infatigabilem, machinis omnibus refertissimum, pugnandi scientia expe-
 ditissimū nobis assidue imminere præmoniti: nō socordia vel ignauia opprimi nos sin-
 amus, sed ex aduerso erectis excitatisque animis, pedē figamus ad resistendū. & quia hæc mi-
 litia nō nisi morte finitur, ad perseuerantiā nos hortemur. Præcipuè verò imbecillitatis &
 ruditatis nostræ nobis conscii, Dei opem inuocemus, nec quicquā tentemus nisi ipso fre-
 ti: quando ipsius est solius & consilium & robur & animos & arma subministrare.

14 Quo autem ad id agendum magis excitemur ac vrgeamur, non vnum aut alterum aut
 paucos hostes, sed magnas esse copias denūtiat Scriptura, quæ nobiscum bellum gerunt.
 Nam & Maria Magdalena dicitur liberata fuisse à septē dæmoniis quibus occupabatur: Marc. 16. b. 9
 & illud esse ordinarium testatur Christus, quòd si eiecto semel dæmonio locum iterum pa-
 refacias, septem spiritus nequiores secum assumit, ac redit in possessionem vacuam. Imò Matt. 12. d. 42
 legio tota dicitur hominem vnū obsidisse. His ergo docemur, cum infinita hostium mul-
 titudine bellandum nobis esse: ne paucitate contempta, simus ad prælium remissiores, vel
 intermissionem aliquam dari nobis interdum putantes, desidix indulgeamus. Quòd au-
 tem singulari numero sæpe vnus Satan vel Diabolus proponitur, in eo denotatur princi-
 patus ille iniquitatis, qui aduersatur regno iustitiæ. Quemadmodū enim Ecclesia & fan-
 ctorum societas Christum habet caput: ita impiorū factio, & ipsa impietas cum suo prin-
 cipe nobis depingitur, qui summum imperium illic obtineat. Qua ratione dictum est il-
 lud, Ite maledicti in ignem æternum, qui præparatus est Diabolo & angelis eius. Matt. 25. d. 41

15 Hoc quoque ad perpetuum cum Diabolo certamē accendere nos decet, quòd aduersa-
 rius Dei & noster vbique dicitur. Nam si cordi nobis est Dei gloria vt par est, totis viribus
 aduersus eum enitendum est qui illius extinctionem molitur. Si ad regnū Christi asseren-
 dum animati sumus vt oportet, necesse est nobis irreconciliabile cum eo bellum esse qui
 in illius ruinam conspirat. Rursus si qua salutis nostræ cura nos tangit, nec pax nec in-
 ducix cum eo nobis esse debent qui in eius perniciem assidue insidias tendit. Talis autem
 describitur Genescos cap. 3, vbi hominem ab obediētia quam Deo debebat abducit, vt si-
 mul & Deum iusto honore spoliēt, & hominē ipsum in ruinam præcipitet. Talis etiam in
 Euangelistis, vbi inimicus vocatur, & spargere zizania ad corrupēdum vitæ æternæ se- Matt. 13. d. 28
 men dicitur. In summa, quod de ipso testatur Christus, ab initio fuisse homicidam & mē- Ioh. 8. f. 44
 dacem, in omnibus eius factis experimur. Mendaciis enim veritatē Dei oppugnat: lucem
 tenebris obscurat: hominum mentes implicat erroribus: odia suscitāt: contentiones ac pu-
 gnas accendit: omnia in eum finem vt Dei regnum euertat, homines in æternū interitum
 secum demergat. Vnde constat, ipsum natura prauum, malignū ac malitiosum esse. Nam
 in eo ingenio quod ad gloriā Dei & hominū salutem impetendā factum est, summā pra-
 uitatē esse oportet. Hoc etiam significat Iohannes in epistola sua, quū scribit eum ab initio
 peccare. Siquidē intelligit, ipsum omnis malitiæ & iniquitatis authorē, ducem, architectū.
 d. ii.

- 16 Atqui quum à Deo conditus sit Diabolus, hanc malitiam quã eius naturæ tribuimus, non ex creatione, sed ex deprauatione esse meminerimus. Quicquid enim damnable habet, defectione & lapsu sibi accersuit. Quod ideo nos admonet Scriptura, ne talem credentes à Deo prodiiisse, Deo ipsi adscribamus quod est ab eo alienissimum. Hac ratione denūtiat Christus Satanam ex propriis loqui, quum mendacium loquitur: & rationem ponit, quia nō stetit in veritate. Certè quum in veritate persistitisse negat, innuit aliquando in ea fuisse: & quum patrem facit mendacii, hoc illi adimit ne Deo vitium imputet, cuius ipse sibi causa fuit. Quanquam autē hæc breuiter sunt & minus clarè dicta, ad id tamen abunde sufficiunt vt Dei maiestas ab omni calumnia vindicetur. Et quid nostra refert, vel plura, vel in alium finem de Diabolis scire? Fremunt nonnulli quòd non ordine & distinctè lapsum illum, eiúsque causam, modū, tempus, speciem pluribus locis Scriptura exponat. Sed quia hæc nihil ad nos, melius fuit, si non subterfieri in totum, at certè leuiter attingi: Quia nec Spiritu sancto dignum fuit, inanibus historiis sine fructu curiositatem pascere: & videmus hoc fuisse Domino propositum, nihil in sacris suis oraculis tradere quod non ad ædificationem disceremus. Ergo ne superuacuis ipsi immoremur, contenti simus hoc breuiter habere de Diabolorum natura, fuisse prima creatione Angelos Dei: sed degenerando se perdidisse, & aliis factos esse instrumēta perditionis. Hoc quia vtile cognitu erat, clarè apud Petrū & Iudam docetur. Angelis, inquiunt, qui peccauerant nec seruauit suam originem, sed reliquerant suum domicilium, non peperit Deus. Et Paulus electos Angelos nominans, haud dubiè reprobos tacitè opponit.
- 17 Quātum verò ad discordiam & pugnam attinet quam Satanæ cum Deo esse dicimus, sic accipere oportet, vt fixum interim illud maneat, illum, nisi volente & annuente Deo, nihil facere posse. Legimus enim in historia Iob, illum se sistere coram Deo ad excipiēda mādāta, nec pergere audere ad facinus aliquod obeundum nisi impetrata facultate. Sic & quum decipiendus est Achab, recipit se fore spiritum mēdacii in ore omnium Prophetarum: & à Domino amādatus, id præstat. Hac ratione & spiritus Domini malus dicitur qui torquebat Saul, quòd eo veluti flagello puniebantur impii regis peccata. Et alibi scribitur, plagas Aegyptiis fuisse à Deo inflictas per angelos malos. Secundum hæc particula exempla Paulus generaliter testatur excæcationē incredulorum opus esse Dei, quū antea vocasset operationem Satanæ. Constat ergo sub Dei potestate esse Satanam, & sic ipsius nutu regi vt obsequium reddere ei cogatur. Porro quum dicimus Satanam Deo resistere, & illius opera cū huius operibus dissidere, hanc repugnātiā & hoc certamen à Dei permissione pendere simul asserimus. De voluntate iam non loquor, nec etiā de conatu, sed de effectu tantūm. Quando enim improbus est natura Diabolus, minimè ad obedientiam diuinæ voluntatis propensus est, sed totus ad contumaciam & rebellionē fertur. Hoc igitur à seipso suāque nequitia habet, vt cupiditate & proposito, Deo aduersetur. Hac improbitate extimulatur ad conatum earum rerum quas maximè aduersarias esse Deo putat. Sed quia Deus illum potentia suā frāno vinētum constrictūque tenet, ea modò exequitur quæ sibi diuinitus concessa fuerint: atque ita creatori suo, velit nolit, obsequitur: quia cogitur ministerium præbere quocunque ille impulerit.
- 18 Iam verò quia Deus immundos spiritus, prout libitum est, huc illuc inflectit, hoc regimen ita temperat, vt fideles pugnando exerceant, adorianentur infidiis, incursionibus sollicitent, pugnando vrgeant, fatigent etiam sæpe, conturbent, pauefaciant, ac interdum vulnerent, sed nunquam vincant nec opprimant: impios autem subactos trahant, in eorū animis & corporibus imperium exercent, ad omnia flagitia velut mancipiis abutantur. Quantum ad fideles attinet, quia ab eiusmodi hostibus inquietantur: ideo has exhortationes audiunt, Nolite locū dare Diabolo. Diabolus hostis vester vt leo rugiens circuit, quærens quē deuoret: cui resistite fortes fide. & similes. Ab hoc genere certaminis se non fuisse immunem fatetur Paulus, quum scribit ad remedium domādæ superbix sibi datum Satanæ angelum, à quo humiliaretur. Omnibus ergo filiis Dei commune est id exercitium. Quia autem promissio illa de cōterendo Satanæ capite, ad Christum & omnia eius membra communiter pertinet, ideo nego vinci vnquam vel opprimi ab eo fideles posse. Cōsternantur quidē sæpe, sed nō exanimantur quin se recolligant: concidunt violentia iētuum, sed postea eriguntur: vulnerantur, sed non lethaliter. denique sic laborant toto vitæ curriculo, vt in fine victoriam obtineant. quod tamen ad singulos actus non restringo. Scimus enim iusta Dei vindicta, Satanæ permissum fuisse ad tempus Dauidē vt eius impulsu populum numeraret: nec frustra spem veniæ relinquit Paulus, etiam si qui diaboli laqueis irretiti fuerint. Ideo alibi idem Paulus promissionem superius citatam inchoari in hac vi-

Iohan. 8. f. 44

1. Pet. 1. c. 4

Iudæ 2. c. 6

1. Tim. 5. d. 21

Iob 1. b. 6,

& 2. a. 1

1. Reg. 12. c. 10

1. Sam. 16. c.

14, & 18. c. 10

Psal. 78. c. 49

2. Theff. 1. c.

9. 11

Ephef. 4. f. 27

1. Pet. 5. c. 8

1. Cor. 12. b. 7

Gen. 3. c. 15

1. Sam. 14. a. 1

ta, vbi luctandum est, ostendit: post luctam adimpleri, quum dicit, Deus autem pacis breui Satanam conteret sub pedibus vestris. In capite quidem nostro semper ad plenum extitit hæc victoria: quia nihil in eo habuit princeps mundi: in nobis autem, qui membra eius sumus, ex parte nunc apparet: perficietur autem, quum carne nostra exuti, secundum quam infirmitati obnoxii adhuc sumus, Spiritus sancti virtute pleni erimus. In hunc modum, vbi suscitatur erigiturque regnum Christi, Satana cum sua potestate cecidit. quemadmodum ait Dominus ipse, Videbam Satanam qua sifulgur de caelo cadentem. Hoc enim responso confirmat quod de predicationis suae potentia retulerat Apostoli. Item, Quum princeps occupat atrium suum, in pace sunt omnia quae possidet. quum autem superuenit fortior, eiicitur, &c. Et in hunc finem Christus moriendo, vicit Satanam, qui habebat mortis imperium: & triumphum de omnibus eius copiis egit, ne Ecclesiae noceant. alioqui centies eam pessundaret singulis momentis. Nam (quae nostra est imbecillitas, & quae illius sunt furiosae vires) quomodo vel tantillum contra multiplices & assiduos eius impetus staremus, nisi freti ducis nostri victoria? Non ergo in animas fidelium permittit Deus regnum Satanam, sed impios duntaxat & incredulos illi gubernandos tradit, quos in suo grege censeri non dignatur. Nam dicitur hunc mundum sine controuersia occupare donec a Christo exturbetur. Item, excicare omnes qui non credunt Euangelio. Item, peragere opus suum in filiis contumacibus. & merito: sunt enim impii omnes vasa irae. Ideo cui potius quam diuinæ ultionis ministro subiicerentur: Denique ex patre diabolo esse dicuntur: quia ut in eo filii Dei agnoscerentur fideles quod imaginem eius gerunt: ita illi ex Satanam imagine, in quam degenerarunt, eius filii proprie censentur.

Rom. 16. c. 16

Luc. 10. c. 18

Luc. 11. c. 21

2. Cor. 4. a. 4

Ephes. 2. a. 2

Iohan. 8. f. 44

1. Iohan. 3. b. 8

19 Quemadmodum autem superius refutauimus nugatoriam illam de sanctis Angelis philosophiam, quae docet nihil esse quam inspirationes vel monitiones bonas, quas in mentibus hominum Deus excitat: sic & hoc loco refellendi sunt qui diabolos nihil quam malos affectus aut perturbationes esse nugantur, quae nobis ingeruntur a carne nostra. Id autem breuiter facere licebit, quia extant non pauca in hanc rem & satis aperta Scripturae testimonia. Primum quum immundi spiritus vocantur & Angeli apostatae, qui ab origine sua degenerarunt, ipsa nomina satis exprimunt, non motiones aut affectiones mentium, sed magis reuera quod dicuntur, mentes vel spiritus sensu & intelligentia praeditos. Similiter vbi filii Dei cum diaboli filiis tam a Christo quam ab Iohanne conferuntur, nonne inepta esset comparatio si nomen diaboli nihil quam malas inspirationes designaret? Et Iohannes aliquid etiamnum apertius addit, diabolum ab initio peccare. Similiter quum Michael archangelum inducit Iudas pugnantem cum diabolo: certe angelo bono opponit malum & defectorem. Cui respondet id quod legitur in historia Iob, comparuisse Satanam cum sanctis angelis coram Deo. Clarissimi autem omnium sunt illi loci qui mentionem poenae faciunt, quam sentire incipiunt a Dei iudicio, & praecipue sensuri sunt in resurrectione. Fili David, cur venisti ante tempus ad torquendum nos? Item, Ite maledicti in ignem aeternum, qui praeparatus est diabolo & angelis eius. Item, Si propriis angelis non pepercit: sed catenis detectos proiecit in caliginem ad aeternam damnationem seruandos, &c. Quam ineptae locutiones foret, destinatos aeterno iudicio diabolos, ignem illis esse praeparatum, iam torqueri ipsos & cruciari a Christi gloria, si nulli essent omnino diaboli: Sed quoniam hæc res disputatione non eget apud eos qui verbo Domini fidem habent, apud istos vero inanes speculatores, quibus nihil placet nisi nouum, Scripturae testimoniis parum proficitur: videor mihi fecisse quod volui, ut scilicet instructae sint pia mentes aduersus eiusmodi deliria, quibus inquieti homines se & alios simpliciores turbant. Fuit autem operae pretium hoc quoque attingere, nequi illo errore impliciti, dum putant nullum se habere hostem, fiant ad resistendum segniores & incautiores.

Iohan. 7. f. 44

Iohan. 3. b. 10

1. Iohan. 3. b. 8

Iudas b. 9.

Iob. 1. b. 6, &

1. a. 1

Matth. 8. d. 29

Ibidem 25. d. 41

1. Pet. 2. a. 4

20 Interea ne pigeat in hoc pulcherrimo theatro piam oblectationem capere ex manifestis & obuiis Dei operibus. Est enim hoc (ut alibi diximus) etsi non praecipuum, naturae tamen ordine primum fidei documentum, quaquauersum oculos circumferamus, omnia quae occurrunt, meminisse Dei esse opera: & simul quem in finem a Deo condita sint, pia cogitatione reputare. Ergo ut vera fide apprehendamus quod de Deo scire refert, historiam creationis mundi operae pretium est in primis tenere, qualiter a Mose breuiter exposita, & a sanctis deinde viris, Basilio praesertim & Ambrosio, copiosius illustrata est. Ex ea discemus, Deum verbi ac Spiritus sui potentia ex nihilo creasse caelum & terram: hinc omne genus animalia resque inanimatas produxisse, mirabili serie distinxisse innumeram rerum varietatem, suam unicuique generi naturam indidisse, assignasse officia, loca attribuisse & stationes: & quum omnia sint corruptioni obnoxia, prouidisse tamen ut singulae species ad diem extremum saluae conseruetur. Proinde alias fouere arcanis modis, & nouum

subinde vigorem illis quasi instillare: aliis vim propagandi contulisse, ne suo interitu prorsus intereant. Itaque cælum & terram quàm fieri potuit absolutissima rerum omnium copia, varietate, pulchritudine, non secus atque amplam ac splendidam domum, exquisitissima simul & copiosissima supellectile instructam ac refertam, mirabiliter exornasse. Demum hominem formando, eumque tam specioso decore, totque ac tantis dotibus insigniendo, præclarissimum in eo suorum operum specimen edidisse. Verùm quoniam mundi creationem enarrare mihi non est propositum, satis sit hæc paucula iterum in transitu attingisse. Melius enim est, ut iam monui lectores ex Mose & aliis qui mundi historiam fideliter ac diligenter memoriæ commendarunt, pleniorē huius loci intelligentiam petere.

- 21 Quorsum verò tendere, & quem in scopum referri debeat operum Dei consideratio, pluribus disputare nihil attinet: quum & alibi magna ex parte expedita hæc quæstio, & quantum præsentis instituti interest, paucis verbis absolui queat. Sanè si pro dignitate explicare libeat quàm inæstimabilis Dei sapiëntia, potentia, iustitia, bonitas in mundi compositione reluceat, nullus orationis splendor, nullus ornatus tantæ rei magnitudini par erit. Nec dubium quin velit nos Dominus in hac sancta meditatione continenter occupari: ut dum illas immensas sapiëntiæ, iustitiæ, bonitatis, potentiæ suæ diuitias in omnibus creaturis, velut in speculis contemplamur, non tantum eas fugiēte oculo percurramus, & euanido (ut sic loquar) intuitu: sed in ea cogitatione diu immoremur: eam seriò ac fideliter animis reuoluamus, memoriâque identidem repetamus. Verùm quia nunc in didactico versamur genere, ab iis superfedere nos conuenit quæ longas declamationes requirunt. Ergo ut compendio studeam, tunc sciant lectores se vera fide apprehendisse quid sit Deum cæli & terræ esse creatorem, si illam primùm vniuersalem regulam sequantur, ut quas in suis creaturis Deus exhibet conspicuas virtutes, non ingrata vel incogitabilia vel obliuione transeant: deinde sic ad se applicare discant quò penitus afficiantur in suis cordibus. Prioris exemplum est, dum reputamus quanti fuerit artificis, hanc stellarum multitudinem quæ in cælo est, tam disposita serie ordinare & aptare ut nihil excogitari possit aspectu speciosius: alias ita inferere & affigere suis stationibus ut moueri nequeant: aliis liberiores cursum concedere, sed ita ut errando non ultra spatium vagentur: omnium motum ita temperare, ut dies & noctes, menses, annos & anni tēpora metiatur: & hanc quoque, quam quotidie cernimus, inæqualitatē dierum ad tale temperamentū redigere ut nihil confusionis habeat. Sic quoque dū potentiâ obseruamus, in sustinēda tanta mole, in tam celeri cælestis machinæ uoluntate gubernanda, & similibus. Hæc enim paucula exēpla satis declarant quid sit Dei virtutes in mūdi creatione recognoscere. Alioqui si totā rem, ut dixi, oratione persequi libeat, nullus erit modus. quādo tot sunt diuinæ potētiae miracula, tot insignia bonitatis, tot sapiëntiæ documenta, quot sunt in mūdo rerū species, imò quot sunt res vel magnæ vel exiguæ.

- 22 Restat altera pars quæ ad fidem propius accedit: ut dum animaduertimus in bonum ac salutem nostram Deum omnia destinasse, simul in nobis ipsis, & tantis quæ in nos contulit bonis, sentimus ipsius potētiam & gratiam: inde nos ad ipsius fiduciam, inuocationē, laudem, amorem excitemus. Porro omnia se hominis causa condere, ipso creandi ordine demonstrauit ipse Dominus, ut paulo antè admonui. Non enim abs re est quòd mundi fabricam in sex dies distribuit: quum nihilo difficilius esset, vno momēto totum opus simul omnibus numeris complere, quàm eiusmodi progressionē sensim ad complemētum peruenire. Verùm in eo suam erga nos prouidentiam paternamque sollicitudinem commendare voluit, quòd antequam hominem fingeret, quicquid vtile illi ac salutare prouidebat fore, id totum præparauit. Quātā nunc ingratitudinis foret, dubitare an huic optimo Patri curæ simus, quem videmus de nobis, priusquam nasceremur, fuisse sollicitum? Quàm impium esset diffidentia trepidare, ne aliquando nos in necessitate destituat eius benignitas, quam videmus nondum natis cum summa bonorum omnium affluentia fuisse expositam? Adhæc audimus ex Mose, nobis eius liberalitate subiectum quicquid omninorū est in toto orbe. Certum est, non ideo fecisse quo nos luderet inani titulo donationis. Ergo nihil vnquam nobis defuturum est quoad salutis nostræ referet. Denique ut semel finitā, quoties Deum nominamus cæli & terræ creatorem, simul in mētem nobis veniat, eorum omnium quæ condidit, dispensationem in manu ac potestate ipsius esse, nos verò esse ipsius filios, quos alendos & educandos in suam fidem custodiāmque receperit: ut bonorū omnium summam ab eo vno expectemus, ac certò speremus illum nunquam passurum nos rebus ad salutem necessariis indigere, ne aliunde spes nostra pendeat: ut quicquid desideramus, ad eum vota nostra respiciāt: cuiuscūque rei fructum percipimus, eius esse beneficium agnoscamus, & cum gratiarū actione profiteamur: ut tanta bonitatis ac beneficentiæ suauitate illecti, ipsum toto pectore amare & colere studeamus.

Qualis homo sit creatus: vbi de animæ facultatibus, de imagine Dei, libero arbitrio, & prima naturæ integritate differitur.

CAP. XV.

NAM de hominis creatione dicendum: non modò quia inter omnia Dei opera nobilissimum ac maximè spectabile est iustitiæ eius, & sapientiæ, & bonitatis specimè: sed quia, vt initio diximus, nò potest liquidò & solidè cognosci Deus à nobis nisi accedat mutua nostri cognitio. Etsi autem ea duplex est: nempe vt sciamus quales nos prima origine simus conditi, & qualis nostra conditio esse cœperit post Adæ lapsum (nec verò multū prodesset creationem nostram tenere, nisi in hac tristi ruina agnosceremus qualis sit naturæ nostræ corruptela & deformitas) nūc tamen integræ naturæ descriptione cōtenti erimus. Et sanè antequam ad miseram istam hominis conditionem, cui nunc addictus est, descendimus, operæpretium est tenere qualis ab initio cōditus fuerit. Cauendū est enim ne præcisè tantū naturalia hominis mala demonstlando, ea videamur ad naturæ authorem referre: quandoquidem in hoc prætextu se habere satis defensionis putat impietas si obtendere queat, quicquid habet vitii, à Deo quodāmodo profectum esse: nec dubitat, si redarguitur, cum Deo ipso litigare, culpamque in eum transcribere cuius meritò rea agitur. Et qui religiosius loqui de numine videri volunt, libèter tamen excusationem prauitatis suæ captant à natura, non cogitantes se Deum quoque (licet obscurius) fugillare: cuius in cōtumeliam recideret siquid vitii inesse naturæ probaretur. Quum ergo videamus carnē inhiare subterfugiis omnibus, quibus vtcūque deriuari aliò à se malorum suorum culpam existimat, huic malitiæ diligenter obuiandū est. Itaque sic tractanda est humani generis calamitas vt præcidatur omnis tergiuersatio, & iustitia Dei ab omni insimulatione vindicetur. Postea suo loco videbimus quàm longè absint homines ab ea puritate qua donatus fuerat Adam. Ac primò tenendū est, quum ex terra & luto sumptus fuit, iniectū fuisse superbiæ frænum: quia nihil magis absurdum est quàm sua excellētia gloriari qui non solum habitant tugurium luteum, sed qui sunt ipsi ex parte terra & cinis. Quòd autem Deus vas testaceum non modò animare dignatus est, sed etiam domicilium esse voluit immortalis spiritus, iure in tanta fîctoris sui liberalitate gloriari potuit Adam.

- 2 Porro hominem constare anima & corpore, extra controuersiam esse debet. atque animæ nomine essentiam immortalem, creatam tamen intelligo, quæ nobilior eius pars est. Interdum spiritus vocatur. etsi enim dum simul iunguntur hæc nomina, significatione inter se differunt: vbi tamen seorsum ponitur spiritus, tantundem valet atque anima. sicuti quum Solomo de morte loquens, dicit tunc spiritum ad Deum redire qui dedit illum. Et Eccles. 12. c. 7 Christus spiritum suum Patri commendans, Stephanus etiam Christo, non aliud intelligunt, quàm vbi soluta est à carnis ergastulo anima, Deum esse perpetuum eius custodem. Luc. 23. f. 46 Qui verò animam imaginantur ideo spiritum dici quia flatus sit, aut vis diuinitus infusa corporibus, quæ tamen essentia careat: eos nimis crassè desipere & res ipsa, & tota Scriptura ostēdit. AQ. 7. g. 59 Verum quidem est, dum terræ plus iusto affixi sunt homines, hebetari, imò, quia à patre luminum alienati sunt, tenebris esse obcæcatos, vt se à morte fore superstitēs non cogitent. interim tamen non ita in tenebris extincta lux est, quin immortalitatis suæ sensu tangantur. Certe conscientia, quæ inter bonum & malum discernens, Dei iudicio respondet, indubium est immortalis spiritus signum. Quomodo enim ad Dei tribunal penetraret motus sine essētia, & terrorem sibi ex reatu incuteret? Neque enim spiritualis pœnæ metu afficitur corpus, sed in solam animam cadit. vnde sequitur, essentia præditam esse. Iam ipsa Dei cognitio satis coarguit, animas quæ mundum transcendunt, esse immortales, quia ad vitæ fontem non perueniret vigor euavidus. Denique quum tot præclaræ dotes quibus humana mens pollet, diuinum aliquid insculptum ei esse clamitent, totidem sunt immortalis essentiæ testimonia. Nam qui brutis animalibus inest sensus, extra corpus non egreditur: vel saltem non longius se extendit quàm ad res sibi obiectas. Mentis verò humanæ agilitas cælū & terram, naturæque arcana perlustrās, & vbi secula omnia intellectu & memoria complexa est, singula digerēs sua serie, futuræque ex præteritis colligens, clarè demonstrat latere in homine aliquid à corpore separatū. Deum inuisibilem & Angelos intelligentia cōcipimus, quod minimè in corpus competit. Recta, iusta, & honesta, quæ sensus corporeos latent, apprehendimus. Ergo huius intelligentiæ sedem spiritum esse oportet. Imò somnus ipse, qui hominē obstupefaciens, vita etiam exuere videtur, non obscurus est immortalitatis testis: quando non modò earū rerum quæ nūquam factæ sunt cogitationes suggerit, sed etiam in futurū tempus præsagia. Breuiter hæc attingo quæ profani quoque scriptores splendidiore verborū ornatu magnificè extollūt: sed apud pros

lectores satis valebit simplex admonitio. Iam nisi anima essentialia quiddā esset à corpore separatum, non doceret Scriptura nos habitare domos luteas, & morte migrare ex tabernaculo carnis: exuere quod corruptibile est, ut tādē ultimo die reportemus mercedem, prout se quisque gesserit in corpore. Nam hi certē loci, & similes qui passim occurrūt, non solum manifestē distinguunt animā à corpore, sed hominis nomē ad eam trāsferendo, præcipuam esse partem indicant. Iam quū hortatur fideles Paulus ut se mūdēt ab omni quinquamento carnis & spiritus, duas partes in quibus resident sordes peccati cōstituit. Petrus quoque Christū vocans animarum pastorem & episcopum, perperam loquutus esset nisi essent animæ erga quas fungeretur hoc officio. Neque staret quod dicit de æterna animarū salute: & quod iubet animas purificare, & prauas cupiditates militare aduersus animā: quod item author Epistolæ ad Hebræos pastores dicit excubias agere, ut rationem reddant pro animabus nostris: nisi propriam essentiā animæ haberent. Eodē spectat quod Paulus testem inuocat Deum in animā suam: quia rea coram Deo non fieret nisi pœnæ esset obnoxia. Quod etiam clarius exprimitur Christi verbis, dū timere eum iubet qui postquam occiderit corpus, animā potest mittere in gehennam ignis. Iam dum author Epistolæ ad Hebræos patres carnis nostræ à Deo distinguens, qui vnus est pater spirituum, nō potuit clarius animarum essentiā asserere. Adhæc, nisi animæ corporum ergastulis solutæ manerent superstitēs, absurdē induceret Christus Lazari animā gaudio fruētem in sinu Abrahæ: & rursus diuitis animā horrendis tormentis addictā. Hoc idem Paulus confirmat, nos à Deo peregrinari docens quandiu in carne habitamus: eius verò præsentia extra carnem frui. Ne longior sim in re parum obscura, hoc tātū ex Luca addam, inter Sadducæorum errores referri quod spiritus & Angelos esse non crederent.

Huius etiam rei probatio inde firma colligitur, quod dicitur homo creatus ad imaginē Dei. Quāuis enim in homine externo refulgeat Dei gloria, propriam tamen imaginis sedē in anima esse dubium non est. Non inficior quidē, externam speciem, quatenus nos distinguit à brutis animalibus ac separat, simul Deo propius adiungere: nec vehemētius cōtendam, si quis censerī velit sub imagine Dei, quod quum prona spectent animalia cætera terram, os homini sublime datum est, cælū: que videre iussus, & erectos ad sydera tollere vultus. modò fixum illud maneat, imaginē Dei, quæ in his externis notis conspicitur vel emicat, spirituale esse. Osiander enim (quem scripta eius testantur in futilibus commentis peruersē fuisse ingeniosum) imaginē Dei promiscuē tam ad corpus quā ad animā extendens, cælum terræ miscet. Dicit Patrem, Filium, & Spiritum sanctū in homine locare suam imaginem, quia vtcunque stetit Adam integer, Christus tamen futurus fuerit homo. Ita secūdum eos corpus quod destinatum erat Christo, exemplar ac typus fuit corporeæ illius figuræ quæ tunc formata fuit. Sed vbi reperiet Christum Spiritus esse imaginem? Fateor certē in Mediatoris persona lucere totius diuinitatis gloriam: sed quomodo Sermo æternus vocabitur Spiritus imago, quem ordine præcedit? Denique euertitur inter Filium & Spiritū distinctio, si hic illum nominet suam imaginē. Adhæc scire ex eo velim quomodo Christus in carne quam induit Spiritum sanctū referat, & quibus notis vel lineamentis exprimat eius similitudinē. Et quum Filii quoque personæ sermo ille, Faciamus hominem, &c. cōmunis sit, eum sui ipsius imaginē sequitur esse: quod ab omni ratione abhorret. Adde quod non nisi ad Christi hominis typū vel exemplar formatus fuit homo, si recipitur Osiandri figmentum. atque ita idea ex qua sumptus est Adam, fuit Christus, quatenus vestiendus carne erat: quum Scriptura lōgē alio sensu doceat eum in imagine Dei creatum esse. Plus coloris habet eorum argutia, qui exponunt, Adam creatū fuisse in imagine Dei, quia Christo, qui vnica Dei imago est, fuerit conformis. sed in ea quoque nihil est solidum. Disputatio etiam non parua est de imagine, & similitudine, dum interpretes differētiam quæ nulla est, inter duas istas voces quærunt: nisi quod similitudo vice expositionis addita est. Primò scimus Hebræis tritas esse repetitiones quibus rem vnā bis explicant. deinde in re ipsa nulla est ambiguitas quin Dei imago nominetur homo, quia Deo similis est. Vnde ridiculos esse apparet qui subtilius philosophantur in nominibus illis, siue Zelem, hoc est imaginē, statuunt in substantia animæ, & Demuth, hoc est similitudinem, in qualitatibus, siue aliud diuersum afferant. quia vbi Deus hominē creare decreuit in imagine sua, quod erat obscurius, exegeticē repetit hac particula, Ad similitudinem. quasi diceret se hominē facturū, in quo seipsum velut in imagine repræsenteret, propter insculptas similitudinis notas. Itaque Moses paulo post idem recitās, imaginem Dei bis ponit, omīssa similitudinis mētionē. Friuolum autem est quod obiicit Osiander, non dici partem hominis, vel animā cum suis dotibus, imaginem Dei: sed totū Adam, cui no-

mē à terra vnde sumptus est, impositū fuit. friuolū inquam sani omnes lectores hoc iudicabūt. Nam dum mortalis vocatur totus homo, non ideo morti subiicitur anima: nec rursum vbi dicitur animal rationale, ideo in corpus ratio vel intelligētia competit. Quauis ergo anima non sit homo, absurdū tamen non est, eum animæ respectu vocari Dei imaginem: etsi principium quod nuper posui retineo, patere Dei effigiem ad totam præstantiam, qua eminet hominis natura inter omnes animātium species. Proinde hac voce notatur integritas qua præditus fuit Adam quum recta intelligentia polleret, affectus haberet compositos ad rationem, sensus omnes recto ordine temperatos, verēque eximiis dotibus opificis sui excellentiam referret. Ac quauis primaria sedes Diuinæ imaginis fuerit in mēte & corde, vel in anima eiusque potētis: nulla tamen pars fuit etiam vsque ad corpus, in qua non scintillæ aliquæ micarēt. Certū est in singulis etiam mūdi partibus fulgere lineamēta quædam gloriæ Dei: vnde colligere licet, vbi in homine locatur eius imago, tacitam subesse antithesin quæ hominem supra alias omnes creaturas extollat, & quasi separet à vulgo. Neque verò negandū est, Angelos ad Dei similitudinem creatos esse, quando summa nostra perfectio, teste Christo, erit similes illis fieri. Sed non frustra peculiari hoc elogio, Dei erga nos gratiam commendat Moses: præsertim quum visibiles tantum creaturas homini comparat.

Matth. 22.c.

30

4 Nondum tamen data esse videtur plena imaginis definitio nisi clarius pateat quibus facultatibus præcellat homo, & quibus speculum censerī debeat gloriæ Dei. Id verò non aliunde melius quàm ex reparatione corruptæ naturæ cognosci potest. Quin Adam, vbi excidit è gradu suo, hac defectione à Deo alienatus sit, minimè dubium est. Quare etsi demus non prorsus exinanitam ac deletam in eo fuisse Dei imaginem, sic tamen corrupta fuit, vt quicquid superest, horrenda sit deformitas. Ideoque recuperandæ salutis nobis initium est in ea instauratione quam consequimur per Christum, qui etiam hac de causa vocatur secundus Adam: quia nos in veram & solidam integritatem restituit. Quauis enim viuificantem spiritum quo donantur à Christo fideles, opponens Paulus animæ viuenti in qua creatus fuit Adam, vberiore gratiæ mensuram in regeneratione commendat: non tamē alterum illud caput tollit, hunc regenerationis esse finem, vt nos Christus ad imaginem Dei reformet. Itaque alibi nouum hominem renouari docet secundum imaginem eius qui creauit illum. Cui responderet illud, Induite nouum hominem, qui secundum Deum creatus est. Iam videndum est quid maximè sub hac renouatione comprehendat Paulus. Priore loco agnitionem ponit, altero autem synceram iustitiam, & sanctitatem. vnde colligimus imaginem Dei initio in luce mentis, in cordis rectitudine, partiūque omnium sanitate conspicuam fuisse Dei imaginem. Quanquam enim fateor synecdochicas esse loquendi formas, non potest tamē principium hoc cōuelli, quod in renouatione imaginis Dei præcipuum est, in ipsa etiam creatione tenuisse summum gradum. Eodem pertinet quod alibi tradit, nos reuelata facie gloriæ Christi specularētes, in eandem imaginem transformari. Videmus nūc vt Christus perfectissima sit Dei imago, ad quam formati sic instauramur, vt vera pietate, iustitia, puritate, intelligentia imaginem Dei gestemus. Quo posito, Osian-drica illa de figura corporis imaginatio per se facillè euanescit. Quod autem vir solus imago & gloria Dei vocatur apud Paulū, & mulier excluditur ab hoc honoris gradu, ad ordinem politicum restringi ex contextu patet. At sub imagine cuius fit mentio, comprehendī quicquid ad spiritualem & æternam vitam spectat, iam satis probatum esse arbitror. Hoc idem aliis verbis confirmat Iohannes, asserens, vitam quæ in æterno Dei Sermonē ab initio erat, fuisse lucem hominum. Nam quum propositum sit, singularem Dei gratiā qua homo reliquis animantibus præcellit laudare, vt eum segreget ex communi numero, quia non vulgarem adeptus est vitam, sed coniunctam cum luce intelligentiæ: simul ostendit quomodo ad imaginem Dei sit conditus. Ergo quum Dei imago sit integra naturæ humanæ præstantia, quæ refulsit in Adam ante defectionem, postea sic vitiata & propè deleta, vt nihil ex ruina nisi confusum, mutilum, labèque infectum supersit: nunc aliqua ex parte conspicitur in electis, quatenus spiritu regeniti sunt: plenum verò fulgorem obtinebit in cælo. Vt verò sciamus quibus partibus constet, de animæ facultatibus disserere operæpretium est. Nam illa Augustini speculatio minimè firma est, animam Trinitatis esse speculū, quia in ea resident intellectus, voluntas, & memoria. Neque etiam probabilis eorum opinio, qui Dei similitudinem in dominatu ei tradito locant: ac si Deum hac nota solum refferet, quia constitutus sit omnium rerum herus ac possessor, quum penes ipsum non extra propriè quærenda sit: imò interius sit animæ bonum.

1. Cor. 15. f. 45

Colos. 3. b. 10

Eph. 4. c. 24

2. Cor. 3. d. 18

1. Cor. 11. b. 7

Iohan. 1. a. 4

Lib. de Trin.
10, & lib. De
ciuitate Dei
11.

5 Cæterum antequam longius progrediar, Manichæorum delirio occurrere necesse est,

Genes. 1. b. 7

quod rursus hac ætate inuicere tentauit Seruetus. Quòd dicitur inspirasse Deus in faciem hominis spiraculum vitæ, putarunt animam traducem esse substantiæ Dei: quasi aliqua immensæ diuinitatis portio in hominem fluxisset. Atqui hic diabolicus error quàm crassas & fœdas absurditates secum trahat, breuiter ostendere facile est. Nam si ex Dei essentia per traducem sit anima hominis, sequetur, Dei naturam non solum mutationi esse obnoxiam & passionibus, sed ignorantia quoque, prauis cupiditatibus, infirmitati & omne genus vitiis. Nihil homine inconstantius, quia eius animam exagitant & variè distrahunt contrarii motus: subinde per inscitiam hallucinatur: minimis quibusque tétationibus victus succumbit: animam ipsam scimus sordium omnium lacunam ac receptaculum esse. quæ omnia Dei naturæ ascribere conueniet, si recipimus animam esse ex Dei essentia, vel arcanum diuinitatis influxum. Quis ad hoc portentum non exhorreat? Verè quidem ex

Act. 17. f. 28

Arato Paulus nos dicit esse Dei progeniem: sed qualitate, non substantia, quatenus scilicet diuinis nos dotibus ornauit. Interea Creatoris essentiam lacerare, vt partem quisque possideat, nimia amentia est. Animas ergo, quanuis illis insculpta sit imago Dei, creatas esse nõ minus quàm Angelos, certò statuendum est. Creatio autem non transfusio est, sed essentiæ ex nihilo exordium. Nec verò si à Deo spiritus datus est, & ex carne migrando ad eum redit, protinus dicendum est, ex eius substantia decerptum esse. Atque hac quoque in parte Osiander, dum suis illusionibus effertur, impio errore se implicuit, imaginem Dei in homine non agnoscens sine essentiali iustitia, quasi nos inæstimabili Spiritus sui virtute conformes sibi reddere nequeat Deus quin substantialiter Christus in nos se trāsfundat. Quocūque colore has præstigias fucare conentur nonnulli, oculos sanis lectoribus nunquam ita perstringent quin videant respicere Manichæorum errorem. Atque vbi de imaginis instauratione differit Paulus, ex eius verbis elicere promptum est, non substantiæ influxu, sed Spiritus gratia & virtute hominem fuisse Deo conformem. Dicit enim Christi gloriam speculari, in eandem imaginem nos transformari tanquam à Domini Spiritu: qui certe ita in nobis operatur vt Deo consubstantiales nos reddat.

1. Cor. 3. d. 18

6 Animæ definitionem à philosophis petere stultum esset, quorum nemo fere, excepto Platone, substantiam immortalem solidè asseruit. Eam quidem alii quoque Socratici attingunt: sed ita vt nemo apertè doceat de quo ipse persuasus non fuit. Inde autem Platoni rectior sententia, quòd imaginem Dei in anima considerat. Alii eius potentias ac facultates ita præsentī vitæ affigunt, vt extra corpus nihil reliquum faciant. Porro ex Scriptura antè docuimus esse substantiam incorpoream: nunc addendum est, quanuis propriè loco non comprehendatur, corpori tamen inditam illic quasi in domicilio habitare: non tantum vt omnes eius partes animet, & organa reddat apta & vtilia suis actionibus, sed etiam vt primatum in regenda hominis vita teneat: nec solum quo ad officia terrenæ vitæ, sed vt ad Deum colendū simul excitet. Hoc postremum tametsi in corruptione liquidò non cernitur, eius tamen reliquiæ in ipsis vitiis impressæ manent. Vnde enim tanta famæ cura hominibus, nisi ex pudore? vnde autem pudor, nisi ex honesti respectu? cuius principium & causa est, quòd se ad colendam iustitiam natos esse intelligūt: in quo inclusum est religionis semen. Sicut autem absque controuersia ad cælestis vitæ meditationem conditus fuit homo, ita eius notitiam animæ fuisse insculptam certum est. Et sanè præcipuo intelligentiæ vsu careret homo si sua eum lateret fœlicitas: cuius perfectio est cum Deo coniunctum esse. vnde & præcipua animæ actio est vt illuc aspiret. ac proinde quo quisque magis ad Deum accedere studet, eo se probat ratione esse præditum. Qui plures volunt esse animas in homine, hoc est sensitiuam & rationalem, etsi videntur aliquid afferre probabile, quia tamen in eorum rationibus nihil est firmum, repudiandi nobis sunt, nisi in rebus friuolis & inutilibus nos torquere libeat. Magnam repugnantiam esse dicunt inter organicos motus & rationalem animæ partem. Quasi non ipsa quoque ratio secum dissideat, & eius consilia alia cum aliis non secus ac hostiles exercitus configant. Sed quum hæc perturbatio sit ex naturæ deprauatione, perperam inde colligitur, duas esse animas, quia facultates qua decet symmetria inter se non consentiant. Cæterum de ipsis facultatibus subtilius disserere philosophis permitto. nobis ad ædificandam pietatem simplex definitio sufficiet. Vera quidem esse, nec iucunda modò cognitu, sed etiam vtilia esse fateor, dextræque ab illis collecta quæ docent: nec verò ab eorum studio prohibeo qui discendi cupidi sunt. Admitto igitur primo loco esse quinque sensus, quos tamen Platoni organa magis vocari placet, quibus in sensum communem, ceu in receptaculum quoddam, obiecta omnia instillantur: sequi phantasiā, quæ à sensu communi apprehensa diiudicat: postea rationem, penes quam vniuersale est iudicium: postremò mentem, quæ defixo quietoque intuitu contempletur

In Theæteto.

quæ ratio discurrendo volutare solet. Item menti, rationi, phantasiæ, tribus animæ facultatibus cognitiuis tres etiam appetitiuas respondere: Voluntatem, cuius partes sint, quæ mens & ratio proponunt, appetere: Vim irascendi, quæ à ratione & phantasia porrecta arripiat: Vim concupiscendi, quæ à phantasia sensûque obiecta apprehendat. Hæc vt vera sint, aut saltem probabilia: quoniam tamē vereor ne magis nos sua obscuritate inuoluât quàm iuuent, omittenda censeo. Sicuti libet alio modo animæ potentias distribuere, vt altera vocetur appetitiua: quæ tametsi rationis expers, rationi tamen obtemperat, si aliunde dirigatur: altera dicatur intellectiua, quæ sit per seipsam rationis particeps: non valde reclamo. Nec istud refellere velim, tria esse agendi principia, sensum, intellectum, appetitum. Sed nos diuisionem potius eligamus infra omnium captum positam, quæ certe à philosophis peti non potest. Nam illi dum simplicissimè loqui volunt, animam diuidunt in appetitum & intellectum. sed vtrunque faciunt duplicem. Hunc interdum contemplatiuum esse dicunt, qui sola cognitione contentus, nullum actionis motum habeat: quam rem ingenii nomine designari putat Cicero. interdum practicum, qui boni malive apprehensione voluntatem variè moueat. Sub quo genere bene iustæque viuendi scientia continetur. Illum quoque (appetitum dico) in voluntatem, & concupiscentiam partiuntur, ac *βούλησις* quidem esse quoties rationi appetitus, quem *ὀρεσις* appellant, obtemperat: *πάθος* autem fieri vbi excusso rationis iugo, ad intemperiem excurrit. Ita semper in homine rationem imaginantur qua se rectè moderari queat.

Arist. lib. ii
Ethi. cap. vlt.
Item lib. 6.
cap. 2.

Themist. in
lib. 3. de Ani-
ma. cap. 49
De duplici
intellectu.

De Fin. lib. 5

7 Ab hac docendi ratione paulum discedere cogimur: quia philosophi, quibus incognita erat naturæ corruptio quæ ex defectu pœna prouenit, duos hominis status valde diuersos perperâ confundunt. Sic ergo habeamus, subelle duas humanæ animæ partes, quæ quidem præsentis instituto conueniant, intellectum & voluntatem. Sit autem officium intellectus, inter obiecta discernere, prout vnumquodque probandum aut improbandum visum fuerit: voluntatis autem, eligere & sequi quod bonum intellectus dictauerit: aspernari ac fugere quod ille improbarit. Nihil hîc nos remorentur illæ Aristotelis minutia, nullam esse menti per se motionem, sed electionem esse quæ moueat: quam eandem nuncupat intellectum appetitiuum. ne superfluis quæstionibus intricemur, satis sit nobis intellectum esse quasi animæ ducem & gubernatorem: voluntatem in illius nutum semper respicere, & iudicium in suis desideriis expectare. Qua ratione verè tradidit ipse idem Aristoteles, simile quiddam esse in appetitu fugam & persequutionem, quale est in mente affirmatio aut negatio. Porro quàm certa nunc sit ad dirigendam voluntatem intellectus gubernatio, alibi videbitur. hîc duntaxat volumus, nullam reperiri posse in anima potentiam, quæ non ritè ad alterutrum istorum membrorum referatur. Atque hoc modo sensum sub intellectu comprehendimus: quem alii sic distinguunt, quod sensum ad voluptatem propendere dicant, pro qua intellectus bonum sequatur. inde fieri vt appetitio sensus, concupiscentia fiat & libido: affectio intellectus, voluntas. Rursum pro appetitus nomine, quod illi malunt, voluntatis nomen, quod vsitatus est, vsurpo.

Ita Plato in
Phædro

Lib. Eth. 6.
cap. 2

8 Ergo animam hominis Deus mente instruxit, qua bonum à malo, iustum ab iniusto discerneret: ac quid sequendum vel fugiendum sit, præeunte rationis luce videret. vnde partem hæc directricem *τὸ νοῦς* dixerunt philosophi. Huic adiunxit voluntatem, penes quam est electio. His præclaris dotibus excelluit prima hominis conditio, vt ratio, intelligentia, prudentia, iudicium non modò ad terrenæ vitæ gubernationem suppeterent, sed quibus transcenderent vsque ad Deum & æternam felicitatem. Deinde vt accederet electio, quæ appetitus dirigeret, motusque omnes organicos temperaret: atque ita voluntas rationis moderationi esset prorsus consentanea. In hac integritate libero arbitrio pollebat homo, quo si vellet, adipisci posset æternam vitam. Hîc enim intempestiuè quæstio ingeritur de occulta prædestinatione Dei: quia non agitur quid accidere potuerit necne, sed qualis fuerit hominis natura. Potuit igitur Adam stare si vellet, quando non nisi propria voluntate cecidit. sed quia in vtranque partem flexibilis erat eius voluntas, nec data erat ad perseverandum constantia, ideo tam facillè prolapsus est. Libera tamē fuit electio boni & mali: neque id modò, sed in mente & voluntate summa rectitudo, & omnes organicæ partes ritè in obsequium compositæ, donec seipsum perdendo, bona sua corruptit. Hinc tanta philosophis obiecta caligo, quod in ruina ædificium, & in dissipatione aptas iuncturas quærebant. Principium illud tenebant, non fore hominem rationale animal nisi inesset libera boni & mali electio. veniebat etiam illis in mentem, alioqui tolli discrimen inter virtutes & vitia nisi proprio consilio vitam homo institueret. Probè quidem hætenus, si nulla fuisset in homine mutatio, quæ dum ipsos latebat, nihil mirum si cælum terræ misceant. Qui verò Chri-

sti se discipulos esse professi, in homine perduto & in spirituale exitium demerso liberū arbitrium adhuc quærunt, inter philosophorum placita & cælestem doctrinam partiendo, planè desipiunt, vt nec cælum nec terram attingant. Sed hæc suo loco melius. Nunc duntaxat illud tenendum est, longè alium prima creatione fuisse hominē quàm totā eius posteritatē, quæ originem à corrupto trahens, hæreditariam labem ab eo cōtraxit. Nam ad rectitudinem formatae erant singulae animæ partes, & constabat mentis sanitas, & volūtas ad bonum eligendum libera. Siquis obiiciat, quasi in lubrico fuisse positam, quia imbecilla esset facultas: satis ad tollendam excusationem valuit ille gradus. neque enim æquum fuit hac lege Deum constringi, vt hominem faceret vel qui non posset vel nollet omnino peccare. Præstantior quidem fuisset talis natura. sed præcisè ex postulare cum Deo, quasi hoc debuerit conferre homini, plusquam iniquum est: quando in eius arbitrio fuit quantumcunque vellet dare. Cur autem perseverantiæ virtute eum non sustinuerit, in eius cōsilio latet: nostrum verò est ad sobrietatem sapere. Acceperat quidem posse, si vellet, sed non habuit velle quo posset: quia hoc velle sequuta esset perseverantia. Excusabilis tamen non est, qui tantum accepit vt sibi sponte accerferet interitum: nulla verò imposita fuit Deo necessitas quin mediam illi voluntatem daret, atque etiam caducam, vt ex illius lapsu gloriæ suæ materiam eliceret.

Deum sua virtute mundum à se conditum fouere actueri, & singulas eius partes sua prouidentia regere.

C A P. XVI.

PORRO Deum facere momentaneū creatorē, qui semel duntaxat opus suum absoluerit, frigidū esset ac ieiunum. atque in hoc præcipuè nos à profanis hominibus differre conuenit, vt non minus in perpetuo mundi statu quàm prima eius origine præsentia diuinæ virtutis nobis illuceat. Et si enim impiorū quoque animi solo terræ cælique aspectu ad creatorē surgere coguntur, suum tamen peculiarem modum habet fides, quo solidam creationis laudem Deo assignet. Quò pertinet illud Apostoli quod antè citauimus, nonnisi fide nos intelligere cōcinnatum esse seculum verbo Dei: quia nisi ad prouidentiam eius vsque transimus, nondū ritè capimus quid hoc valeat, Deum esse creatorem: vtcunque & mente comprehendere & lingua fateri videamur. Carnis sensus, vbi Dei virtutem semel in ipsa creatione sibi proposuit, illic subsistit: & quum longissimè procedit, nihil aliud quàm in edēdo tali opificio, authoris sapientiam, & potentiam, & bonitatem (quæ sponte sese proferunt, & nolentibus etiam ingerunt) expendit & considerat: in eo autem cōseruando & moderando generalem quandā actionem, vnde vis motionis dependeat. Denique ad res omnes sustinēdas sufficere putat vigorem diuinitus ab initio inditum. At verò fides altius penetrare debet, nempe vt quem omnium creatorē esse didicit, statim quoque perpetuum moderatorē & cōseruatorē esse colligat: neque id vnīuersali quadā motione tam orbis machinā quàm singulas eius partes agitādo: sed singulari quadā prouidentia vnūquodque eorū quæ cōdidit ad minimū vsque passerē, sustinendo, fouendo, curādo. Sic Dauid breuiter præfatus mundū fuisse à Deo cōditū, statim ad cōtinuum prouidentia tenorē descendit, Verbo Iehouæ cæli firmati sunt, & spiritu oris eius omnis virtus eorum. Mox addit, Iehoua respexit super filios hominū. & quæ in eandem sententiā attexit. Quanquam enim non tam scitè ratiocinantur omnes, quia tamen credibile non esset curari à Deo res humanas nisi esset mūdi opifex: nec quisquam seriò credit fabricatum esse mundum à Deo, quin sibi persuadeat operum suorum curam habere: non abs re Dauid optima serie ab vno ad alterū nos deducit. In genere quidem arcana Dei inspiratione vegetari omnes mundi partes & philosophi docent, & humanæ mentes concipiunt. Interea eousque nō pertingūt quò euehitur Dauid, secūmque pios omnes attollit, dicens, Omnia ad te respiciunt, vt des illis escam tempore suo. te dante, colligunt: te manum aperiente, satiantur bonis. simulatque faciem auerteris, consternantur: vbi reduxeris spiritum, intereunt, & in terram reuertuntur. Si rursus emittis spiritum, creantur, & renouas faciem terræ. Imò quanuis Pauli sententiæ subscribant, in Deo nos esse, & moueri, & viuere: longè tamē absunt à serio eius quam cōmendat gratiæ sensu: quia specialem Dei curam, ex qua demum cognoscitur paternus eius fauor, minimè gustant.

2 Quo melius pateat hoc discrimen, sciendū est, prouidentiam Dei, qualis traditur in Scriptura, fortunæ & casibus fortuitis opponi. Iam quū vulgò persuasum fuerit omnib⁹ seculis, & eadē opinio cunctos ferè mortales hodie quoque occupet, fortuitò cōtingere omnia: quod de prouidentia tenendū erat, non modò hac praua opinione obnubilari, sed ferè sepe liri certū est. Siquis in latrones incidat, vel feras bestias, si vëto repëtè exorto naufragium faciat in mari, si domus vel arboris ruina obruatur: si alius per deserta oberrans inuenias

August. lib.
11. super Gen.
cap. 7. 8. 9

De correp.
& grat. ad Va
lent. cap. 11

Psal. 33. a. 6

Ibidem c. 13

Psal. 103. d. 17.
28. 29. 30

Act. 17. f. 28

penuriæ suæ remediū, vndis iactatus ad portū perueniat, mirabiliter à distāia tātūm vni
us digiti euadat à morte: hos omnes tā prosperos quàm aduersos occurfus fortunæ carnis
ratio adscribet. Quisquis verò edoctus est Christi ore, capillos omnes capitis sui esse nume
ratos, causam longius quæret, ac statuet quoslibet euentus occulto Dei consilio governa
ri. Ac de rebus quidē inanimatis sic habendū est, quāuis naturaliter singulis indita sit sua
proprietas, vim tamen suam non exerere nisi quatenus præsentī Dei manu dirigūtur. Sūt
igitur nihil aliud quàm instrumēta quibus Deus assidue instillat quantum vult efficacīæ,
& pro suo arbitrio ad hanc vel illam actionem flectit ac cōuertit. Nullius creaturæ mira
bilior vel illustrior vis est quàm solis. Præterquā enim quòd totum orbem illuminat suo
fulgore, quantum istud est quòd animalia omnia suo calore fouet ac vegetat: terræ foccū
ditatem suis radiis inspirat: seminibus in eius gremio tepefactis, herbescentem inde viri
ditatem elicit, quam nouis alimentis suffultam auget ac confirmat, donec in culmos as
surgat: quòd perpetuo vapore pascit, donec in florē, & ex flore in frugem adolescat: quòd
tunc etiam excoquendo ad maturitatem producit: quòd arbores similiter & vites ab eo te
pefactæ gemmant primū ac frondescunt, deinde florem emittunt, & ex flore fructum ge
nerant: At Dominus, vt solidam horum omnium laudem sibi vindicaret, antē & lucē ex
tare voluit, & terram omni herbarum & fructuum genere refertam esse quàm solem crea
ret. Non ergo solem faciet pius homo vel principalē vel necessariam eorum causam quæ
ante solis creationem extiterunt, sed instrumentū duntaxat quo vtitur Deus, quia ita vult:
quum possit, eo præterito, per seipsum nihilo difficilius agere. Deinde quū legimus biduo
solem substituisse in vno gradu ad preces Iosue, in gratiam regis Ezechīæ vmbra eius re
trocessisse per decem gradus, paucis illis miraculis testatus est Deus, non sic quotidie cæco
naturæ instinctu solem oriri & occidere quin ipse ad renouandam paterni erga nos sui fa
uoris memoriam cursum eius gubernet. Nihil magis naturale est quàm ver hyemi, veri æ
statem, æstati autumnum vicissim succedere. Atqui in hac serie tanta perspicitur ac tam
inæqualis diuersitas, vt facillē appareat singulos annos, menses & dies noua & speciali Dei
prouidentia temperari.

Matt. 10. c. 30

Gen. 1. a. 3,
& b. 12Iosue 10. c. 13
2. Reg. 20. c. 11

Et sanē omnipotentiam sibi vindicat ac deferri à nobis vult Deus, non qualem sophi
stæ fingunt inanem, otiosam & ferē sopitam: sed vigilem, efficacē, operosam, & quæ in cō
tinuo actū versetur. neque etiam quæ generale tantū sit principium confusi motus, ac si
fluuium per alueos semel præfixos fluere iuberet: sed ad singulos & particulares motus in
tenta sit. Ideo enim censetur omnipotens, non quòd possit quidem facere, cesset tamen in
terim & desideat, vel quem præfixit naturæ ordinem generali instinctu cōtinuet: sed quia
sua prouidentia cælum & terram gubernans, sic omnia moderatur vt nihil nisi eius cōsi
lio accadat. Nam quum in Psalmo dicitur facere quæcunque vult, certa & deliberata no
tatur voluntas. Insuper enim esset philosophico more interpretari Prophetæ verba, Deū
esse primū agens, quia principium & causa est omnis motus: quū potius hoc solatio in re
bus aduersis se leniant fideles, nihil se perpeti nisi Dei ordinatione & mandato: quia sunt
sub eius manu. Quòd si Dei gubernatio sic extenditur ad omnia eius opera, puerile cauil
lum est, eam includere in naturæ influxu. Nec verò magis Deū sua gloria fraudant quàm
seipso vtilissima doctrina, qui Dei prouidentiam coarctant tam angustis finibus, ac si libe
ro cursu secundum perpetuam naturæ legem ferri omnia sineret: quia nihil homine mi
serius, si ad quoslibet cæli, aeris, terræ, aquarū motus expositus foret. Adde quòd hoc mo
do nimis indignè extenuatur singularis erga vnumquemque Dei bonitas. Exclamat Da
uid infantes adhuc pendentes à matrum vberibus satis facundos esse ad celebrandam Dei
gloriam: quia scilicet statim ab vtero egressi, cælesti cura paratā sibi alimoniam inueniūt.
Est quidem hoc verum in genere, modò ne oculos & sensus nostros fugiat quod palam ex
perientia demonstrat, aliis matribus plenas esse mammæ & vberes, aliis ferē aridas, prout
liberalius hunc Deus alere vult, parcius verò alium. Qui verò Dei omnipotentīæ iustam
laudem tribuunt, duplicem inde percipiunt fructū, quòd satis ampla benefaciendi facul
tas penes ipsum sit, in cuius possessione sunt cælum & terra, & cuius nutū respiciunt omnes
creaturæ vt se in obsequium addicant. deinde quòd securē in eius protectione quiescere
licet, cuius arbitrio omnes subiacent quæ alicūde timeri possunt noxæ, cuius imperio nō
secus ac fræno coercetur Satan cū omnibus suis furiis totòque apparatu, à cuius nutu pen
det quicquid salutis nostræ aduersatur: nec aliter corrigi vel sedari possunt immodici & su
perstitiosi metus, quos subinde ex periculorum obiectu concipimus. Superstitiosè nos esse
timidos dico, si quoties minatur nobis creaturæ, vel terrorem aliquem ingerunt, perinde
expauescimus ac siquam ex se vim nocendi haberent ac potestatem, vel temere laderent

Psalm. 115. a. 3

Psalm. 8. a. 3

Jerem. 10. a. 2

ac fortuitò, vel aduersus earum noxas non satis esset in Deo auxilii. Exempli gratia, vetat Propheta ne à stellis & signis cæli metuant filii Dei, quemadmodum increduli solent. Nō quemlibet certè timorem damnat. Sed quum mundi gubernationem à Deo ad astra transferāt infideles, suam vel fœlicitatem vel miseriam ab astrorum decretis & præsagiis, non autem à Dei voluntate pendere fingunt, ita fit vt timor eorum ab vno illo quem respicere debebāt ad stellas & cometas abstrahatur. Ab hac igitur infidelitate qui cauere vult, memoria semper teneat, non erraticam vel potentiam, vel actionem, vel motionem esse in creaturis: sed arcano Dei consilio sic regi, vt nihil contingat nisi ab ipso sciente & volente decretum.

Gen. 1. b. 8

4 Principiò igitur teneant lectores prouidentiam vocari, non qua Deus è cælo otiosus speculetur quæ in mundo fiunt, sed qua veluti clauum tenens, euentus omnes moderatur. Ita non minus ad manus quàm ad oculos pertinet. Nec enim quū filio suo dicebat Abraham, Deus providebit, tātū volebat præsium futuri euentus asserere: sed curam rei incognitæ in eius voluntatem reicere qui rebus perplexis & confusis exitum dare solet. Vnde sequitur, prouidentiam in actu locari. nimis enim inscitè nugantur multi de nuda præscentia. Non tam crassus est eorum error qui gubernationem Deo attribuunt, sed cōfusam & promiscuam, vt dixi: nempe quæ orbis machinam cum singulis partibus generali motu voluat atque impellat: cuiusque verò creaturæ actionem peculiariter non dirigat. Neque tamen hic etiam error tolerabilis est. hac enim prouidentia quam vniuersalem appellāt, nihil impediri tradunt, vel creaturas omnes, quominus contingenter moueantur, vel hominem, quo minus libero voluntatis suæ arbitrio huc atque illuc se conuertat. atque ita inter Deum & hominem partiuntur: vt ille motionem huic sua virtute inspiret qua agere possit pro naturæ sibi inditæ ratione: hic autem actiones suas voluntario consilio moderetur. Breuiter Dei potentia sed non destinatione mundum, res hominum, ipsosque homines gubernari volunt. Taceo Epicureos (qua peste refertus semper fuit mundus) qui Deum otiosum inertemque somniant: aliosque nihilo saniores, qui olim commenti sunt Deum ita dominari supra mediam aeris regionem, vt inferiora fortunæ relinqueret. siquidem aduersus tam euidentem insaniam satis clamant mutæ ipsæ creaturæ. Nunc enim sententiam illam quæ vulgò ferè obtinuit refutare propositum est, quæ cæcā modò nescio quam & ambiguam motionem quum Deo concedat, quod præcipuum est illi adimit, vt incomprehensibili sapientia quæque dirigat ac disponat ad suum finem: atque ita verbo tantum non re Deum facit mundi rectorem, quia moderationem eripit. Quid enim quæso est moderari, nisi ita præesse vt destinato ordine ea regas quibus præes? Neque tamē quod de vniuersali prouidentia dicitur in totum repudio: modò vicissim hoc mihi concedant, mundum à Deo regi, non tantum quia positum à se naturæ ordinē tuetur, sed quia peculiarē vniuscuiusque ex suis operibus curam gerit. Verum quidem est singulas rerum species arcano naturæ instinctu moueri, ac si æterno Dei mandato parerent, & quod semel statuit Deus, sponte fluere. Atque huc referri potest quod dicit Christus, se & Patrem ab initio vsque semper fuisse in opere: & quod Paulus docet, in ipso nos viuere, moueri, & esse. quod etiam author epistolæ ad Hebræos Christi diuinitatem probare volens, dicit potenti eius nutu sustineri omnia. Sed perperam hoc prætextu tegunt & obscurant quidam specialem prouidentiam, quæ adeò certis clarisque Scripturæ testimoniis asseritur, vt mirum sit potuisse de ea quempiam dubitare. Et certè qui velum illud quod dixi obtendunt, coguntur ipsi quoque correctionis vice addere, multa fieri peculiari Dei cura: sed hoc perperam ad actus tantum particulares restringunt. Quare nobis probandum est, Deum sic attendere ad singulos euentus regendos, & sic omnes illos prouenire à definito eius consilio, vt nihil fortuitò contingat.

Gen. 1. 7. 8
Hebr. 1. a. 3

5 Si demus, principium motus penes Deum esse, sponte verò vel casu omnia ferri quò impellit naturæ inclinatio, mutæ dierum & noctium vices, hyemis etiā & æstatis, erunt Dei opus, quatenus suas quibusque partes attribuens, certam legem præfixit: nempe si æquabili tenore eundem semper modum seruarent, dies qui noctibus succedunt, menses mensibus & anni annis. Quod autem nunc immodici calores cum siccitate cōiuncti quicquid est frugum exurunt, nunc pluiæ intempestiuæ segetes corrumpunt, quod ex grādinibus & procellis subita calamitas accidit: non erit hoc Dei opus: nisi fortè quia ex astrorum occurso, & aliis naturalibus causis vel nebula, vel serenitas, vel frigus vel calor originem trahunt. Atqui hoc modo nec paterno Dei fauori, nec iudiciis locus relinquitur. Si Deum humano generi satis beneficum esse dicant, quia cælo & terræ vim ordinariam instillet qua alimēta suppeditent, nimis dilutum est ac profanum figmentum: ac si fecunditas anni vnus

non esset singularis Dei benedictio: penuria autem & fames non esset maledictio & vindicta. Sed quia rationes omnes colligere nimis longum esset, sufficiat ipsius Dei auctoritas. In Lege & in Prophetis sapius pronuntiat, quoties rore & pluuiam terram irrigat, se gratiam suam testari, cælum obdurefcere instar ferri suo imperio, vredine & aliis vitis consumi segetes, grandinibus & procellis quoties agri feriuntur, certæ & specialis suæ vindictæ esse signum. Hæc si recipimus, certum est non cadere pluuiæ guttā nisi certo Dei mandato.

Laudat quidem Dauid generalē Dei prouidentiam, quod eicam ministraret pullis coruorum inuocantibus eum: sed quum animalibus Deus ipse famem minatur, nonne satis declarat nunc tenui nunc ampliore demenso, prout visum est, se alere cuncta animantia? Puerile est, vt iam dixi, hoc ad particulares actus restringere, quum sine exceptione loquatur Christus, nullum ex passerulis nullius pretii cadere in terram sine Patris voluntate. Certè si auium volatus certo Dei consilio regitur, fateri necesse est cū Propheta, sic eum habitare in sublimi, vt se humiliet ad videndum quæcunque accidunt in cælo & in terra.

Psal. 146. b. 9

Mat. 10. c. 19

Psal. 12. a. 5

6 Sed quia scimus humani præcipuè generis causā mūdum esse conditum, in eius etiam gubernatione hic nobis spectandus est finis. Exclamat Propheta Ieremias, Scio Domine, quia non est hominis via eius, neque viri vt dirigat gressus suos. Solomō autē, A Domino sunt gressus viri, & quomodo disponet homo viam suā? Dicant nunc, hominem à Deo moueri secundum naturæ suæ inclinationem, ipsum autem conuertere motum quod visum fuerit. At si id verè diceretur, penes hominē foret viarum suarum arbitrium. Negabunt fortè, quia nihil sine Dei potentia valeat. At quum Prophetam & Solomonem constet non potentiam modò, sed electionem quoque ac destinationē Deo attribuere, nequaquam se expediunt. Atque hanc hominū temeritatem eleganter alibi carpit Solomō, qui scopū sibi præstituunt sine Dei respectu, ac si manu eius non ducerentur. Hominis, inquit, est dispositio cordis, & Domini est præparatio linguæ. Ridicula sanè infantia, quod facere sine Deo instituunt miseri homines, qui ne profari quidem possunt nisi quod ille voluerit. Porro quo magis exprimeret Scriptura, nihil penitus in mūdo geri nisi ex eius destinatione, quæ maximè fortuita videntur, illi subiaccere ostendit. Quid enim magis ad casum referas quàm dum prætereuntem viatorem defrauctus ex arbore ramus interficit? At longè aliter Dominus, qui se fatetur eum tradidisse in manū occisoris. Sortes similiter quis non fortunæ cæcitati permittat? Verū Dominus non patitur, qui sibi vendicat earum iudicium. Non sua potentia fieri docet vt & in sinum coniciantur lapilli & extrahantur: sed quod vnum casui dari poterat, à seipso esse testatur. Eodem pertinet illud Solomonis, Pauper & fœnerator occurrunt sibi: oculos amborum Deus illuminat. Quauis enim permixti sint pauperibus diuites in mūdo, dum singulis diuinitus assignatur sua conditio, admonet, Deum, qui omnibus illucet, minimè cæcutire, atque ita pauperes ad tolerātiā hortatur: quia onus sibi à Deo impositum excutere conantur quicunque sua sorte contenti non sunt. Sic & alter Propheta profanos homines obiurgat, qui industriæ hominum vel fortunæ ascribūt quod alii iacent in fordibus, alii ad honores emergūt. Neque ab Oriente, neque ab Occasu, neque à deserto sunt exaltationes: quia Deus iudex est, hic humiliat & hic eleuat. Quia nō potest Deus exuere iudicis munus: hinc ratiocinatur, arcano eius consilio alios excellere, alios manere contemptibiles.

Ier. 10. d. 23

Prou. 10. d. 24

Prou. 16. a. 3

Exod. 17. c. 13

Prou. 16. d. 33

Psal. 75. 7

7 Quinetiam particulares euentus testimonia esse dico in genere singularis Dei prouidentia. Excitauit Deus in deserto ventū australem, qui populo adueheret copiam auium. Quum Ionam voluit in mare proiici, ventum turbini excitādo emisit. Dicet qui non putat Deum mundi gubernacula tenere, hoc fuisse præter cōmunem vsum. Atqui inde colligo nullū vnquam ventū oriri, vel surgere, nisi speciali Dei iussu. Nec verò aliter verum esset illud, vêtos facere suos nuntios, & ministros suos ignem flammeum, nubes facere vehicula sua, & equitare super alas vëti: nisi & nubes & ventos circūageret suo arbitrio, singularēque virtutis suæ præsentiam in illis ostēderet. Sic etiam alibi docemur, quoties ventorū flatu mare ebullit, impetus illos testari singularem Dei præsentiam. Præcipit, & excitat spiritum procellæ, & in sublime attollit fluctus maris. deinde stare facit procellam in silentio, vt cessent fluctus nauigantium. sicut alibi denuntiat, ventis vrëtibz se flagellasse populum. Sic quum naturaliter vis generandi indita sit hominibus, Deus tamen speciali gratiæ vult ferri acceptū quod alios relinquit in orbitate, alios sobole dignatur. nā donum eius, fructus vëtris. Ideo dicebat Iacob vxori, An ego pro Deo sum, vt tibi dem liberos? Vt semel finiam, nihil magis ordinariū in natura quàm nos pane ali. Atqui pronūtiat Spiritus non modò terræ prouentū Dei esse donum speciale, sed non viuere solo pane homines: quia non ipsa saturitas eos vegetat, sed arcana Dei benedictio. sicut è cōuerso minatur

Exod. 19. c. 13

Ionæ 1. 6. 4

Psal. 104. a. 4

Psal. 107. 6.

25. 29

Gen. 30. a. 1

Deut. 8. a. 2

Iesa. 3. 2. v. se fraturum panis fulturam. Nec verò aliter seria posset concipi oratio de quotidiano pane, nisi Deus cibū paterna manu nobis suggereret. Ideo Propheta, vt fidelibus persuadeat, Deum in ipsis pascendis optimi patriſſimas partes implere, admonet, escam dare omni carni. Denique vbi ab vna parte audimus, Oculi Domini super iustos, & aures eius ad preces eorum: ab altera autem, Oculi Domini super impios, vt perdat e terra memoriam eorum, sciamus creaturas omnes sursum & deorsum præsto ad obsequium adesse, vt eas in quencunque vult vsum accommodet. Vnde colligitur, non tantum generalem eius prouidentiam vigere in creaturis, vt naturæ ordinem continuet: sed in certum & proprium finem aptari, admirabili eius consilio.

8 Qui huic doctrinæ inuidiam facere volunt, calumniantur esse dogma Stoicorum, de fato: quod & Augustino exprobratum aliquando fuit. Nos etsi de verbis inuiti litigamus, Facti tamen vocabulum non recipimus: tum quia est ex eorum genere, quorum profanas nouitates refugere nos Paulus docet: tum quia eius odio conantur grauare Dei veritatē. Dogma verò ipsum falsò nobis ac malitiose obieciatur. Non enim cum Stoicis necessitatem comminiscimur ex perpetuo causarū nexu & implicita quadam serie, quæ in natura continetur: sed Deum constitutum arbitrum ac moderatorem omnium, qui pro sua sapientia, ab vltima æternitate decreuit quod facturus esset: & nunc sua potentia, quod decreuit exequitur. Vnde eius prouidentia non calum modo ac terram, & creaturas inanimatas, sed hominum etiam consilia & voluntates gubernari sic asserimus, vt ad destinatum ab ea scopum rectā ferantur. Quid ergo? inquires. nihilne fortuitò, nihil contingenter accidit? Respondeo, verè à Basilio magno dictum esse, Fortunam & Casum, Ethnicorum esse voces, quarum significatione piorum mentes occupari non debeāt. Nam si successus omnis, Dei benedictio est, calamitas & aduersitas, eius maledictio: fortunæ iam in rebus humanis aut casui nullus relinquitur locus. Et mouere nos quoque illud Augustini debet: In libris contra Academicos, inquit, non mihi placet toties me appellasse Fortunam. quanuis non aliquam deam voluerim hoc nomine intelligi, sed fortuitum rerum euentum in externis vel bonis vel malis. Vnde & illa verba sunt quæ nulla religio dicere prohibet, Fortè, Forſan, Forſitan, Fortasse, Fortuitò. quod tamen totum ad diuinam reuocandum est prouidentia. Neque hoc tacui, dicens, Etenim fortasse quæ vulgo Fortuna nuncupatur, occulto quoque ordine regitur: nihilque aliud in rebus casum vocamus, nisi cuius ratio & causa secreta est. Dixi quidem hoc: verum pœnitet me sic nominasse illic Fortunam: quum videam homines habere in pessima consuetudine, vt vbi dici debet, Hoc Deus voluit, dicant, Hoc voluit Fortuna. Denique passim docet, siquid Fortunæ relinquitur, temere versari mundum. Et quanquam alicubi definit, partim libero hominis arbitrio, partim Dei prouidentia omnia geri, huic tamen subesse homines & ab ea regi, satis paulo post ostendit, principium illud sumens, nihil esse absurdius quàm fieri quicquam nisi ordinante Deo: quia temere accideret. Qua ratione & contingentiam quæ ab hominum arbitrio pendet excludit: mox verò clarius causam esse querendam negans voluntatis Dei. Quoties autem permissionis ab ipso mentio fit, quomodo hoc intelligi debeat ex vno loco optimè patebit, vbi Dei voluntatem, summam esse probat & primam omnium causam: quia nihil nisi ex iussu eius vel permissione accidit. Certè non fingit Deum in otiosa specula cessantem, dum aliquid vult permittere, vbi actualis (vt ita loquar) voluntas intercedit, quæ alioqui non posset censerī causa.

9 Quoniam tamen longè infra prouidentia Dei altitudinem subsidit mentis nostræ tarditas, adhibenda est quæ eam subleuet distinctio. Dicā igitur, vtcunque ordinentur omnia Dei consilio & certa dispensatione, nobis tamen esse fortuita. non quòd Fortunam reputemus mūdo ac hominibus dominari, temerèque omnia sursum deorsum volutare: (abesse enim à Christiano pectore decet hanc vecordiam.) sed quoniam eorum quæ eueniunt, ordo, ratio, finis, necessitas, vt plurimum in Dei consilio latet, & humana opinione non apprehenditur: quasi fortuita sunt quæ certum est ex Dei voluntate prouenire. Non enim aliam imaginem præ se ferunt, aut in natura sua consideratæ, aut secundum notitiam nostram iudiciūque æstimatæ. Fingamus, exempli gratia, mercatorem, qui syluam ingressus cum comitatu fidorum hominum, imprudenter à sociis aberret, ipso errore feratur in spoliariū, incidat in latrones, iuguletur. Mors eius non tantum Dei oculo præuifa, sed decreto stabilita fuerat. Non enim dicitur præuidisse quantum cuiusque vita protenderetur, sed terminos cōstituisse ac fixisse qui præteriri non poterunt. Quantum tamen mentis nostræ captus apprehendit, omnia illic fortuita apparent. Quid hīc sentiet Christianus: nempe quicquid in morte eiusmodi intercessit, fortuitum natura, vt est, reputabit: prouidentia

tamen Dei præfuisse non dubitabit ad fortunam in suum finem dirigendam. Eadem est ratio futurorum contingentia. Futura omnia vt incerta nobis sunt, ita in suspensio habemus, ac si vtramuis in partem propensa forent. Manet tamen nihilominus cordibus nostris infixum, nihil euenturum quod non Dominus iam prouiderit. Hoc sensu apud Ecclesiasten sæpe repetitur nomen euentus: quia primo intuitu non penetrant homines ad primam causam, quæ procul abscondita est. Et tamen nunquam ita deletum fuit ex hominum cordibus quod de occulta Dei prouidentia proditum est in Scripturis, quin semper micaret in tenebris aliqua scintilla. Sic Philisthinorum augures, quanuis ambigui vacillēt, Deo tamē partim aduersum casum tribuunt, partim fortunæ. Si arca, inquit, transferit per viam illam, sciemus Deum esse qui nos percussit: sin verò per alteram, casus fuit super nos. Stultè quidem, vbi eos fallit diuinitas, ad fortunam confugiunt: interea videmus eos constringi, ne audeant quod infelicitè illis acciderat fortuitum putare. Cæterum quomodo prouidentia suæ frano euentus quoslibet in quancūque vult partem flectat Deus, insigni exemplo liquebit. Ecce eodem articulo temporis quo deprehensus fuerat Dauid in deserto Mahon, irruptionem faciunt Philisthini in terram: cogitur Saul discedere. Si Deus, salutem suam consulere volens, impedimentum hoc Sauli obiecit, certè quāuis repentè præter hominum opinionem arma ceperint Philisthini, non tamen dicemus casu fuisse factū: sed quæ nobis videtur contingentia, secretum Dei impulsū fuisse agnoscat fides. Non semper quidem apparet similis ratio: sed indubiè sic habendum est, quæcunque cernuntur in mundo conuersiones, ex secreta manus Dei agitatione prodire. Interea quod statuit Deus, sic necesse est euenire vt tamen neque præcisè neque suapte natura necessariū sit. Exemplū in Christi oslibus familiare occurrit. Quum induerit corpus nostro simile, fragilia fuisse eius ossa nemo sanus negabit: quæ tamen frangi fuit impossibile. Vnde iterum videmus non temere in scholis inuentas fuisse distinctiones de necessitate secundum quid, & absoluta: item consequentis & consequentiæ: quādo ossa Filii sui Deus, quæ à fractura exemerat, fragilitati subiecit, atque ita restrinxit ad consilii sui necessitatē quod naturaliter cōtingere potuit.

1. Sam. 6. b. 9

1. Samu. 23. d.
26. 27

Quorsum & in quem scopum referenda sit hæc doctrina, vt nobis constet eius utilitas.

C O A P. X V I I.

P O R R O (vt propensa sunt ad vanas argutias hominū ingenia) fieri vix potest quin se perplexis nodis impediant quicūque non tenent probū rectūque huius doctrinæ vsum. Itaque in quem finem omnia diuinitus ordinari Scriptura doceat, breuiter hīc attingere expediet. Ac primò quidem notandum est, tam in futurum quàm in præteritū tempus considerandā esse prouidentiam Dei: deinde sic moderatricem esse rerum omnium, vt nunc mediis interpositis operetur, nunc sine mediis, nunc contra omnia media. Postremò huc tendere, vt totum humanum genus sibi esse curæ Deus ostendat: præcipuè verò in regēda Ecclesia (quam propiore intuitu dignatur) se excubias agere. Iam & hoc addendum est, quanuis aut paternus Dei fauor & beneficentia, aut iudicii seueritas sæpe in toto prouidentia cursu reluceat: interdum tamē eorū quæ accidunt occultas esse causas, vt obrepat cogitatio, cæco fortunæ impetu volui & rotari res humanas: vel ad obloquendum nos caro sollicitet, ac si Deus homines quasi pilas iactando, ludum exerceret. Verum quidem est, si quietis & sedatis mentibus ad discendum parati essemus, exitu tandem patefieri, Deo constare optimam consilii sui rationem: vel vt suos erudiat ad tolerantiam, vel vt corrigat prauos eorum affectus, & lasciuiam domet, vel vt ad sui abnegationē subigat, vel expergeficiat torporem: rursus vt prosternat superbos, vt impiorum astutiam discutiat, vt dissipet eorum machinationes. Vt cūque tamen nos lateant ac fugiant causæ, apud eum esse absconditas certò habendum est: ac proinde cū Dauide exclamandum, Magna fecisti Deus mirabilia tua, & cogitationes tuas super nos non licet ordinare. si loqui tento, præualent supra narrationē. Et si enim semper in ærumnis nostris occurrere debent peccata, vt poena ipsa nos ad poenitentiam sollicitet: videmus tamen vt Christus arcano Patris consilio plus iuris asserat, quàm vt quenque prout meritis est castiget. Nā de cæco nato ait, Neque hic peccauit, neque parentes: sed vt manifestetur gloria Dei in ipso. Hic enim obstrepit sensus, dum ipsos natales præuenit calamitas, ac si Deus parum clemēter immeritos sic affligeret. Atqui in hoc spectaculo fulgere gloriam Patris sui testatur Christus, modò puri sint nobis oculi. Sed tenenda modestia est, ne ad causam reddendam Deum trahamus: sed ita reueamur occulta eius iudicia, vt nobis eius voluntas, iustissima sit rerum omnium causa. Quum cælum occupant densæ nubes, exoriturque violenta tempestas, quia & tristis caligo oculis obicitur,

Psal. 40. b. 6

Iohan. 9. a. 3

& tonitru aures percellit, & sensus omnes terrore obstupefiunt, videntur nobis omnia cōfundi & misceri: eadem interim semper manet in cælo quies & serenitas. Ita statuendū est, dum res in mundo turbulentæ iudicium nobis eripiunt, Deum ex pura iustitiæ & sapientiæ suæ luce hos ipsos motus optimè cōposito ordine temperare ac digerere in rectum finē. Et certè prodigiosus in hac parte est multorum furor, qui maiore licētia Dei opera vocare audent ad suum calculū, & arcana eius consilia excutere, tum etiam de incognitis præcipitem ferre sententiam, quàm de mortalium hominum factis. Quid enim magis præposterum, quàm erga æquales nostros hac vtī modestia, vt iudiciū suspendere malimus quā notam temeritatis incurrere: obscuris autem Dei iudiciis, quæ reuerenter suspicere decebat, proteruè insultare?

2 Ergo Dei prouidentiam rite & vtiliter nemo expendet nisi qui sibi cum fictore suo mūdi que opifice negotium esse reputans, ad metum & reuerentiam, qua decet humilitate, se submiserit. Hinc fit vt tam multi hodie canes doctrinam hanc virulētis suis morsibus, vel saltem latratu impetant: quia non plus Deo licere volunt quàm ipsis dicat propria ratio. Nos etiam quanta possunt proteruia exagitant, quòd non cōtenti Legis præceptis, quibus comprehensa est Dei voluntas, arcanis etiam eius consiliis mundum regi dicamus. Quasi verò cerebri nostri figmentum sit quod docemus: ac non vbique idem disertè pronuntiet Spiritus, & innumeris loquendi formis repetat. Sed quia eos retinet aliquis pudor ne suas blasphemias audeant in cælum euomere: quo liberius insaniāt, se nobiscum litigare fingunt. Verūm nisi admittant, incomprehensibili Dei consilio quicquid in mundo accidit gubernari, respondeant quorsum dicat Scriptura, eius iudicia profundā esse abyssum. Nam quum clamet Moyses voluntatem Dei non procul in nubibus, vel in abyssis quærendam esse, quia familiariter in Lege exposita sit, sequitur profundæ abyssio cōferri aliam voluntatem absconditam: de qua etiam Paulus, O profunditatem diuitiarum & sapientiæ & cognitionis Dei! quàm inscrutabilia sunt iudicia eius, & imperuestigabiles viæ eius! Quis enim cognouit mentem Domini? aut cōsiliarius eius fuit? Ac verum quidem est, in Lege & Euangelio comprehendī mysteria quæ longè emineant supra sensus nostri modum: sed quoniam Deus ad capiēda hæc mysteria, quæ verbo patefacere dignatus est, suorum mentes intelligentiā Spiritu illuminat: nulla iam illic abyssus, sed via, in qua tutò ambulādum est, & lucerna pedibus regendis, & lux vitæ, & certæ conspicuæque veritatis schola. At mundi gubernandi admirabilis ratio meritò abyssus vocatur: quia dum nos latet, reuerenter adoranda est. Pulchrè utrūque paucis verbis expressit Moyses. Occulta, inquit, Deo nostro: quæ autē hic scripta sunt, ad vos & filios vestros pertinent. Videmus enim vt non tantum ad Legem meditandam studium adicere, sed arcanam Dei prouidentiam reuerenter suspicere iubeat. Huius quoque altitudinis elogiū ponitur in libro Iob, quòd mentes nostras humiliet. Postquam enim orbis machinam sursum & deorsum lustrando, magnificè descripsit author de operibus Dei, subiicit tandē, En istæ sunt extremitates viarū eius, & quantum quod auditur in eo? Qua ratione distinguit alio loco inter sapientiā quæ penes Deū residet, & sapiēdi modum quem hominibus præscripsit. Nam vbi de naturæ arcanis conationatus est, sapientiam dicit soli Deo esse cognitam, fugere autē oculos omnium viuentium. Sed paulo post subiicit, vulgatam esse vt inuestigetur: quia dictum sit homini, Ecce timor Dei est sapientia. Huc spectat Augustini dictum, Quia non omnia nouimus quæ de nobis optimo ordine Deus agit, in sola bona voluntate nos secundum Legem agere, in aliis verò secundum Legem agi: quia eius prouidentia Lex sit incommutabilis. Ergo quum sibi ius mundi regendi vendicet Deus nobis incognitum, hæc sit sobrietatis ac modestiæ lex, acquiescere summo eius imperio, vt eius voluntas nobis sit vnica iustitiæ regula, & iustissima causa rerum omnium. Non illa quidem absoluta volūtas de qua garriunt sophistæ, impio profanoque dissidio separantes eius iustitiam à potentia: sed illa moderatrix rerū omnium prouidentia, à qua nihil nisi rectū manat, quanuis nobis absconditæ sint rationes.

3 Ad hanc modestiam quicumque erunt compositi, neque in præteritum tempus de rebus aduersis contra Deum fiement, neque scelerum culpam in ipsum regerent: sicut Homericus Agamemnō, *εἴ γε δ' οὐκ ἀπὸς εἰμὶ, ἀλλὰ ζεὺς καὶ μοῖρα*. neque rursus, vt Plautinus ille adolescēs, quasi fatis abrepti, desperatione se proicient in exitium. Instabilis est fors rerum, pro libidine fata agunt homines: referam me ad scopulum, vt rem istic cum atate perduam. Neque alterius exemplo, Dei nomen suis flagitiis obtendēt. Sic enim Lyconides in altera comœdia, Deus impulsor fuit: credo deos voluisse. Nam ni vellent, non fieret, scio. Quin potius ex Scriptura, quid Deo placeat inquirent ac discent, vt Spiritu duce illuc nitantur. simul Deum quocunque vocat sequi parati, re ipsa ostēdent nihil huius doctrinæ cognitio-

Psa. 36. a. 7

Rom. 11. d. 33

Deut. 29. d. 29

Iob 26. d. 14

Iob 28

Lib. 3. quæst. cap. 27

ne esse vtilius. Stultè cum suis ineptiis tumultuantur profani homines, vt penè cælum ter-
 ræ, vt dicitur, permisceant. Si mortis nostræ punctū signauit Dominus, effugere non licet:
 frustra igitur in cautionibus adhibendis laboratur. Quòd ergo alius cōmittere se viæ non
 audet, quam periculosam audit, ne à latronibus trucidetur: alius medicos accersit, ac phar-
 macis se fatigat, vt vitæ opituletur: alius à crassioribus cibis abstinet, ne lædat imbecillā
 valetudinem: alius ruinosas ædes inhabitare formidat: omnes denique vias excogitant, &
 magna animi intentione excudunt, quibus id quod concupiscunt assequantur: aut hæc o-
 mnia inania sunt remedia, quæ captantur ad corrigendam Dei voluntatem: aut non cer-
 to eius decreto terminantur vita & mors, sanitas & morbus, pax & bellum, & alia quæ ho-
 mines prout vel appetunt, vel oderunt, ita sua industria vel obtinere vel refugere student.
 Quinetiam orationes fidelium peruersas, nedum superuacuas fore colligunt, quibus peti-
 tur vt Dominus prospiciat iis quæ iam ab æterno decreuit. In summa, omnia quæ in po-
 sterum capiuntur consilia, tollunt, perinde ac Dei prouidentia aduersa, quæ, illis non ad-
 uocatis, quid fieri vellet decreuit. Deinde quicquid iam accidit, ita prouidentia Dei im-
 putant, vt conniueant ad hominē, quem idipsum designasse constet. Occidit sicarius pro-
 bum ciuem: exequutus est, inquit, consiliū Dei. Furatus est aliquis, aut scortatus: quia fe-
 cit quod prouisum erat à Domino & ordinatū, minister est eius prouidentia. Parentis mor-
 tem, neglectis remediis, securus filius expectauit: non potuit Deo obistere, qui sic ab æter-
 no præstituerat. Ita flagitia omnia, virtutes vocant, quia Dei ordinationi obsequantur.

4 Atqui quod ad futura pertinet, humanas deliberationes facile cū Dei prouidentia cō-
 ciliat Solomo. Sicut enim eorum stoliditatē ridet qui sine Domino quiduis audacter sus-
 cipiunt, ac si eius manu non regerentur: ita alibi sic loquitur, Cor hominis cogitat viam
 suam, & Dominus dirigit gressus eius: significans, æternis Dei decretis nos minimè impe-
 diri quominus sub eius volūate & prospiciamus nobis, & omnia nostra dispensemus. Ne-
 que id manifesta caret ratione. Nanque is qui vitam nostram suis terminis limitauit, eius
 simul curam apud nos deposuit: eius cōseruandæ rationibus subsidiisque instruxit: peri-
 culorum quoque præcios fecit: ne incautos opprimerent, cautiones ac remedia suggessit.
 Nunc perspicuum est quid sit nostri officii: nempe, si vitam nobis nostram tutandam cō-
 misit Dominus, vt eā tueamur: si subsidia offert, vt iis vtamur: si pericula præmōstrat, ne
 temere irruamus: si remedia suppeditat, ne negligamus. Atqui periculum nullum oberit,
 nisi fatale: quod ineluctabile est remediis omnibus. Quid autem si ideo fatalia nō sunt dis-
 crimina, quia iis propulsandis ac superādīs remedia tibi Dominus assignauit: Vide quo-
 modo tuæ ratioeinationi cum ordine diuinæ dispensationis conueniat. Tu cauendū non
 esse periculum colligis, quia fatale quum non sit, simus etiam eitra cautionem euasuri: Do-
 minus autem ideo vt caueas iniungit, quia fatale tibi esse nolit. Non expendunt insani isti
 quod est sub oculis, cōsultandi cauēdiq̃ue artes inspiratas hominibus esse à Domino, qui-
 bus prouidentia eius subseruiant, in vitæ propria cōseruatione. Quemadmodum cōtrā
 neglectu & socordia, quæ illis iniunxit mala, sibi accersunt. Quī fit enim vt vir prouidus,
 dum sibi consulit, imminentibus etiam malis se explicet, stultus incōsulta temeritate pe-
 reat, nisi quòd & stultitia & prudentia diuinæ sunt dispensationis instrumenta in vtranque
 partem: Ideo nos celare futura omnia voluit Deus, vt tāquam dubiis occurramus, neque
 definamus parata remedia opponere, donec aut superata fuerint, aut omnem curam su-
 perauerint. Ideo antè admonui, prouidentiam Dei non semper nudam occurrere, sed prout
 adhibitis mediis eam Deus quodammodo vestit.

Pro. 16. b. 9

5 Idem præteriti temporis euentus perperam & inconsideratè ad nudam Dei prouiden-
 tiam trahunt. Nam quia ex ea pendent quæcunque contingunt, Ergo, inquit, nec fur-
 ta, nec adulteria, nec homicidia perpetrantur, quin Dei voluntas intercedat. Cur ergo,
 inquit, fur punietur, cui eum expilauit quem Dominus paupertate voluit castigare?
 Cur punietur homicida, qui eum interfecit cui vitam Dominus finierat? Si Dei volun-
 tati seruiunt huiusmodi omnes, cur punientur? Sedenim eos Dei voluntati seruire ne-
 go. Non enim qui malo animo fertur, præbere ministerium Deo iubenti dicemus, quum
 malignæ cupiditati tantū obsequatur. Paret ille Deo, qui de eius voluntate edoctus, eò
 contendit quò ab ea vocatur. Vnde autem edocemur, nisi ex eius verbo? Proinde in rebus
 agendis ea est nobis perspicenda Dei voluntas quam verbo suo declarat. Id requirit vnū
 Deus à nobis, quod præcipit. Siquid aduersus præcepum designamus, non obedientia est,
 sed contumacia & transgressio. At, nisi vellet, non faceremus. Fateor. Sed an facimus mala
 in hunc finem, vt ei obsequium præstemus? At nobis ea nequaquam mandat: quin potius
 irruimus, non quid ille velit cogitantes, sed libidinis nostræ intemperie sic furētes, vt con-

tra ipsum destinato consilio nitamur. Atque hac ratione, malè agendo, iustæ eius ordinationi seruiamus: quia pro immensa suæ sapientiæ magnitudine, ad bene agendum malis instrumentis vti bene probèque nouit. Ac vide quàm insulsa sit eorum argumentatio: impunita esse auctoribus suis scelera volunt, quia nonnisi Dei dispensatione patrantur. Ego plus concedo: fures & homicidas, & alios maleficos, diuinæ esse prouidentiae instrumenta, quibus Dominus ipse ad exequenda quæ apud se constituit iudicia vtitur. Atqui eorum malis vllam inde excusationem deberi nego. Quid enim? An vel eadem secum iniquitate Deum implicabunt, vel suam prauitatem illius iustitiae operient? Neutrum possunt. Quo minus se purgent, propria conscientia redarguuntur. quo minus Deum insimulet, totum in se malum deprehendunt: penes ipsum, nonnisi legitimum malitiæ suæ vsum. Sed enim per ipsos operatur. Et vnde, quæso, foetor in cadauere, quod calore solis tum putrefactum, tum reformatum fuerit? Radiis solis excitari omnes vident. nemo tamè illos foetere ideo dicit. Ita quàm in homine malo subsideat mali materia & culpa, quid est quòd inquinamentum aliquod còtrahere putetur Deus, si ad suum arbitriū vtatur eius ministerio? Facessat igitur canina hæc procacitas, quæ allatrare quidèminus Dei iustitiā potest, sed nō attingere.

6 Verum has calumnias vel potius phreneticorum deliria facilè discutiet pia sanctæque prouidentiae meditatio, quam nobis dicat pietatis regula, vt optimus & suauissimus inde fructus nobis proueniat. Ergo Christianum pectus, quum certo certius persuasum sit, omnia Dei dispensatione euenire, nihil fortuito contingere: ad illum, velut præcipuam rerum causam, oculos semper referet: causas tamen inferiores suo loco intuebitur. Deinde singularem Dei prouidentiam ad se conseruandum excubare non dubitabit, quæ nihil euenire passura sit, quàm quod bono ac saluti sibi vertat. Quoniam autem cum hominibus primum, deinde cum reliquis creaturis illi negotium est, vtrobique sibi pollicebitur Dei prouidentiam regnare. Quantum ad homines attinet, siue boni sint, siue mali, eorum consilia, volūtates, conatus, facultates sub eius manu esse agnoscet, vt flectere quò libuerit, ac quoties libuerit constringere, in eius arbitrio situm sit. Singularem Dei prouidentiam in salutem fidelium excubare plurimæ sunt & luculentissimæ promissiones quæ testentur: *Ista super Dominum curam tuam, & ipse te enutriet, nec perimet vnquam fluctuari iustū. Quoniam illi curæ sumus. Qui habitat in adiutorio Altissimi, in protectione Dei cæli commorabitur. Qui tangit vos, tangit pupillam oculi mei. Ero clypeus tuus, murus athenis: aduersantibus tibi aduersabor. Etiam si mater obliuiscatur filiorum, non tamen obliuiscar tui. Quinetiam hic potissimus est scopus in historiis Biblicis, vt doceant tanta scđulitate vias sanctorum custodiri à Domino, vt ne ad lapidem quidem impingant. Ergo vt iure paulo antè à nobis explosa fuit eorum opinio qui vniuersalem Dei prouidentiam comminiscuntur, quæ non speciatim ad curam vniuscuiusque creaturæ se demittat: in primis tamen specialem hanc curam erga nos recognoscere operæpretiū est. Vnde Christus, vbi asseruit ne vilissimum quidem passerulum in terram decidere sine Patris voluntate, huc statim applicat, vt quo pluris sumus passeribus, eo propiore cura reputemus Deū nobis prospicere. ac eorsusque ipsam extēdit, vt confidamus capillos capitis nostri numeratos esse. Quid nobis aliud optemus, si nec vnus è capite pilus defluere potest nisi ex eius voluntate? Non de genere humano tantum loquor: sed quia Deus Ecclesiā sibi in domicilium elegit, non dubium est quin paternā in ea regenda curā singularibus documentis ostendat.*

7 His tum promissis, tum exemplis confirmatus Dei seruus, adiunget testimonia quæ doceant sub eius potestate esse omnes homines, siue eorum conciliandi sunt animi, siue corrigenda malitia, nequid noceat. Dominus enim est qui dat nobis gratiam, nō apud eos modo qui nobis bene volunt, sed etiam in oculis Aegyptiorum: hostium verò nostrorum improbitatem frangere variis modis nouit. Interdum enim mentem illis adimit, nequid sani sobriūve capere queant: qualiter Satanam dimittit, qui mendacio impleat os omniū Prophetarum, ad decipiendum Achab: Rechabeam iuuenili consilio dementat, vt regno per suam stultitiam spoliatur. Nonnunquā vbi mentē illis concedit, ita absterret & exanimat, ne id quod conceperunt velint aut machinentur. Interdū etiam, vbi conari permisit quod libido & rabies suadebat, impetus eorū opportunè abruptit, nec finit ad finē vsque procedere quod instituunt. Sic consilium Achitophel, quod exitiale Dauidi futurum erat, ante tempus dissipauit. Sic & creaturas omnes in suorum bonū ac salutem moderari, ei curæ est: ac diabolū etiam ipsum, quem conspiciamus, nihil ausum fuisse tentare aduersum Iob, sine permissu eius ac mādato. Hanc notitiam necessariò sequitur tum animi gratitudo in prospero rerum successu, tum in aduersitate patiētia, tum etiam in posterum incredibilis securitas. Quicquid ergo prosperè atque ex animi sententia eueniet, id totum acceptum

Psal. 55. d. 23

1. Pet. 5. b. 9

Psal. 91. a. 1

Zach. 2. c. 8

Iesa. 26. a. 1

Iesa. 29. d. 15

Mat. 10. c. 29

Ibidem c. 30

Exod. 3. g. 21

1. Reg. 22. d. 22

Ibidem 12. b. 10, & d. 15

2. Sam. 17. b. 7, & c. 14.

Iob. 1. c. 12

Deo referet, siue per hominum ministerium senserit eius beneficentiam, siue ab inanimatis creaturis adiutus fuerit. Sic enim reputabit cum animo suo, Certè Dominus est qui ad me istorum animos inclinauit, qui mihi adglutinauit, vt suæ erga me benignitatis instrumenta forent. In frugū abundantia cogitabit, Dominū esse qui cælū exaudit, vt cælū exaudiat terram, ipsa quoque exaudiat suos fœtus: in aliis non dubitabit benedictionem Domini solam esse qua omnia prosperetur: nec tot causis admonitus, ingratus esse sustinebit.

8 Si aduersi quid contigerit, ex emplō mentem hīc quoque extollet in Deum, cuius manus ad patientiam placidāque animi moderationem nobis imprimendam valet plurimum. Si Ioseph in recognoscenda fratrum perfidia immoratus esset, nūquam fraternum potuisset in eos animum recipere. Sed quoniam mentem ad Dominum reflexit, oblitus iniuriæ, ad mansuetudinem ac clementiam inclinatus est, vt fratres etiam vltro soletur, ac dicat, Non vos estis qui me vendidistis in Aegyptū, sed Dei voluntate præmissus sum ante vos, vt vitam vobis conferuem. Vos quidem cogitastis de me malum, sed Dominus conuertit illud in bonum. Si Iob ad Chaldæos se conuertisset, à quibus vexabatur, statim accensus esset ad vindictā: sed quia opus Domini simul recognoscit, semet pulcherrima illa sententia consolatur, Dominus dedit, Dominus abstulit: sit nomen Domini benedictū. Sic Dauid conuitiis & lapidibus à Semei impetitus, si in hominem defixisset oculos, ad retaliandam iniuriam suos animasset: verū quia non sine Domini motu illum agere intelligit, illos potius mitigat. Sinite eum, inquit, quia Dominus ei præcepit vt maledicat. Hoc eodem fræno alibi doloris intemperiem cohibet, Tacui & obmutui, inquit, quia tu fecisti Ichouah. Si nullum efficacius est iræ atque impatientiæ remedium, non parum certè profecit qui Dei prouidentiam didicit in hac parte meditari, vt possit eò mentem semper reuocare, Dominus voluit, ideo ferendum est: non modò quia reluctari non licet, sed quia nihil vult nisi quod & iustū sit & expediat. Summa huc redit, vt iniuste ab hominibus læsi, omīssa eorum improbitate (quæ nihil quàm dolorem nostrum exasperaret, animosque acueret ad vindictam) meminerimus ad Deum conscendere, ac pro certo statuere discamus, iusta eius dispensatione fuisse & permissum & immissum quicquid hostis sceleratè in nos admisit. Paulus, vt à retaliandis iniuriis nos compescat, prudenter admonet, nobis non esse luctam cum carne & sanguine, sed cum hoste spirituali Diabolo, vt nos ad certandum paremus. Sed hæc ad sedandos omnes iracundiæ impetus vtilissima admonitio est, tã Diabolum quàm improbos omnes Deum armare ad conflictum, & sedere quasi agonothetã vt patiētiam nostrã exerceat. Quod si absque hominum opera eueniāt quæ nos premūt clades & miseriæ, in memoriam redeat Legis doctrina, Quicquid prosperi est, ex fonte benedictionis Dei fluere: aduersa omnia esse eius maledictiones: ac terreat nos illa horribilis denuntiatio, Si temere inceditis contra me, ego quoque temere incedam contra vos. Quibus verbis coarguitur torpor noster, vbi pro communi carnis sensu fortuitum esse ducentes quicquid in vtranque partem accidit, neque beneficiis Dei animamur ad eius cultum, neque flagellis ad resipiscentiam stimulamur. Hæc eadem ratio est cur acerbè expostularent Ieremias & Amos cum Iudæis, quia tam bona quàm mala fieri putarēt Deo non iubete. Eodem refertur illa Isaia concio, Ego Deus creans lucem, & formans tenebras: faciens pacem, & creans malum. ego Deus facio hæc omnia.

Gen. 45. c. 3

Iob 1. d. 11

2. Sam. 16. b. 10

Psal. 38. b. 10

Ephes. 6. b. 11

Deut. 18

Leuit. 26. d. 23

Thren. 3. c. 38

Amos 3. b. 6

Iesa. 45. a. 7

9 Neque tamen interim ad causas inferiores vir pius cōniebit. Neque enim quia ministros diuinæ bonitatis arbitrabitur eos à quibus beneficio affectus fuerit, ideo nullos præteribit: ac si nullam gratiam sua humanitate promeriti essent: sed illis obstrictum se ex animo sentiet, & libenter fatebitur obligationem, & gratiam pro facultate & re nata referre studebit. Denique Deum in acceptis bonis reueretur & prædicabit, vt præcipuum auctorem: sed homines vt eius ministros honorabit: atque, vt res est, intelliget se Dei voluntate iis esse deuinctum per quorum manū beneficus esse voluerit. Siquid iacturæ vel ob negligentiam vel ob imprudentiam fecerit, Domino quidem volente factum id apud se statuet, verū sibi quoque imputabit. Siquis morbo absumptus sit, quem, quum ex officio curare debuisset, negligenter tractauit: tamen si nō ignorabit ad terminum peruenisse quem præterire non poterat, peccatum tamen suum inde non eleuabit: sed quia non est defunctus erga eum fideliter suo munere, perinde accipiet ac si negligentia suæ culpa periisset. Multo minus, vbi in designando vel homicidio vel furto fraus & concepta animo malitia intercefferit, eam excusabit sub prætextu diuinæ prouidentia: sed in eodem facinore, Dei iustitiam, hominis nequitiam, vt se vtraque manifestè prodit, distinctè contemplabitur. In futuris verò potissimum, inferiorum huiusmodi causarum rationem habebit. Nam inter Domini benedictiones reponet si nō destituetur subsidiis humanis, quibus ad

incolumitatem suam vtatur. itaque nec in capiendis consiliis cessabit, nec torpebit in ope eorum imploranda, quibus suppetere cōspiciet vnde iuuetur: sed à Domino sibi in manum offerri reputans quæcunque commodare sibi aliquid possunt creaturæ, ipsas, tanquam legitima diuinæ prouidentiae instrumenta, ad vsum applicabit. Ac, quum incertus sit quem sint exitum habitura quæ negotia aggreditur (nisi quod in omnibus Dominum suo bono prospecturum nouit) ad id studio aspirabit quod sibi expedire ducet, quantum intelligentia mentēque assequi potest. Neque tamen in capiendis consiliis proprio sensu feretur: sed Dei sapientiae se commendabit ac permittet, vt eius ductu in rectū scopum dirigatur. Cæterum non externis subsidiis ita eius fiducia subnitetur, vt si adsint, in iis securē acquiescat: si desint, perinde ac destitutus trepidet. Mentem enim in sola Dei prouidentia semper habebit defixam, neque à firmo eius intuitu, præsentium rerum cōsideratione, abduci patietur. Sic Ioab tametsi prælii euentum in arbitrio manūque Dei esse agnoscit, non tamen inertiae se dedit: sed quod suæ vocationis est sedulō exequitur: Domino autem permittit euentum moderari, Stabimus fortes, inquit, pro gente nostra, & vrbibus Dei nostri: Dominus autem faciat quod bonum est in oculis suis. Eadem cognitio temeritate & praua confidentia exutos ad continuam Dei inuocationem nos impellet: tum etiam animos nostros bona spe fulciet, vt quæ nos circumstant pericula, securē & fortiter despiciere non dubitemus.

1. Sam. 10. c. 12

10 Hac verò parte se prodit inæstimabilis piæ mentis fœlicitas. Innumera sunt quæ vitam humanā obsidēt mala, quæ totidē ostentāt mortes. Vt extra non exeamus: quū mille morborum receptaculū sit corpus, imò intus inclusas teneat ac foueat morborum causas, seipsum homo ferre non potest quin multas exitiorum suorum formas secum ferat, ac vitam quodammodo cum morte implicitam trahat. Quid enim aliud dicas, vbi nec frigitur, nec sudatur sine periculo? Iam, quocunque te vertas, quæ circa te sunt omnia, non modò ambigux sunt fidei, sed apertè terè minantur, ac præsentem mortem videntur intentare. Conscende nauem, pede vno à morte distas. Equo inside, in lapsu pedis vnus vita tua periclitatur. Incede per vias vrbs, quot sunt in tectis tegulæ, tot discriminibus es obnoxius. Si feramentum in tua aut amici manu sit, exerta est noxa. Quotquot animalia ferocia vides, in tuam perniciem armata sunt. Quod si vel horto bene munito includere restudeas, vbi nihil quàm amœnitas appareat, illic serpens interdum delitescet. Domus assidue incendio subiecta, interdiu tibi paupertatem, noctu etiam oppressiōnem minatur. Ager grandini, pruinæ, siccitati, aliisque tempestatibus expositus quum sit, sterilitatem, atque ex ea famem tibi denuntiat. Omitto veneficia, insidias, latrocinia, vim apertam, quorum pars nos do mi obsident, pars peregrè consequuntur. Inter has angustias annon oportet miserrimum esse hominem, vtpote qui in vita seminiuus anxium & languidum spiritum agrè trahat, non secus ac si imminuentem perpetuò ceruicibus gladium haberet? Dices ista rarò euenire, aut certè non semper, neque omnibus, nūquam verò simul omnia. Fateor. sed quum aliorum exemplis admoneamur, euenire etiam nobis posse: nec nostrā magis, quàm eorum vitam excipi debere: fieri non potest vt non timeamus ac formidemus tanquam nobis euentura. Tali ergo trepidatione quid calamitosius fingas? Adde quod Dei contumelia non caret, si dicatur hominem, ex creaturis nobilissimam, prostituisse ad cæcos & temerarios quoslibet Fortunæ ictus. Sed hîc de miseria hominis tantum loqui propositū est, quam sensurus sit si sub imperium Fortunæ redigatur.

11 At vbi lux illa diuinæ prouidentiae semel homini pio affulsit: iam non extrema modò, qua antè premebatur, anxietate & formidine, sed omni cura releuatur ac soluitur. Vt enim meritò Fortunam horret, ita securē Deo sese audet permittere. Hoc, inquam, solatium est, vt intelligat patrem cælestem sic omnia sua potentia continere, sic imperio nūque suo regere, sic sapientia moderari: vt nihil, nisi ex eius destinatione, cadat. in eius porrò fidem se receptum, Angelorum curæ demandatum, neque aquæ, neque ignis, neque ferri noxa posse attingi, nisi quoad locū illis dare Deo moderatori libuerit. Sic enim canit Psalmus, Quoniam ipse liberabit te de laqueo venatoris, & à peste noxia. Sub ala sua proteget te, atque in pennis eius fiduciam habebis. pro scuto erit veritas eius. Non timebis à pauore nocturno, nec à sagitta volāte per diem, à peste perambulante in caligine, à noxa grassante in meridie, &c. Vnde & illa emergit in sanctis gloriandi fiducia, Dominus mihi adiutor, non timebo quid faciat mihi caro. Dominus protector meus, quid trepidabo? Si consistant aduersum me castra, si ambulauero in medio vmbra mortis, non desinam bene sperare. Vnde id quæso habent, quod illis nunquam excutitur sua securitas, nisi quia vbi temere mundus volutari in speciem videtur, Dominum vbiq; operari sciunt, cuius opus confidunt sibi fore salutare? Iam si vel à diabolo, vel à sceleratis hominibus impetitur eorum salus,

Psal. 91. a. 3

Psal. 118. a. 6
& 127. a. 3. & 56
a. 5, & alibi.

- hic verò, nisi prouidentia recordatione ac meditatione confirmetur, protinus concidere necesse sit. Verum ubi in memoriam reuocant, diabolus totamque improborum cohortem sic omnibus partibus manu Dei, tãquam frãno, cohiberi, vt nec concipere vllum aduersus nos maleficium, nec conceptum moliri, nec ad perpetrandum, si maximè moliantur, digitum mouere queant, nisi quantum ille permiserit, imò nisi quantum mandarit: nec compedibus tantum eius teneri ligatos, sed etiam ad obsequia præstanda frãno cogi: habent vnde se prolixè consolentur. Nam vt Domini est, eorum furorem armare, & conuertere destinareque quò libuerit: ita & modum finemque statuere, ne pro sua libidine licentiosè exultet. Qua persuasione suffultus Paulus, profectiorem suam, quam vno in loco dixerat à Satana impeditam fuisse, alibi in Dei permissione statuit. Si tantum dixisset ob-
1. Thef. 2. d. 18
1. Cor. 16. b. 7
 staculum fuisse à Satana, nimium potestatis visus fuisset ei dare, ac si ipsa quoque Dei consilia euertere esset in eius manu: nunc verò ubi Deum arbitrum statuit, à cuius permissione pendeant omnia itinera, simul ostendit nihil nisi eius nutu consequi Satanam posse, quicquid machinetur. Eadem ratione Dauid, quia propter varias conuersiones quibus assidue voluitur & quasi rotatur hominum vita, in hoc asylum se recipit, Tempora sua esse in manu Dei. Poterat aut vitæ cursum, aut tempus in singulari numero ponere: sed temporum nomine exprimere voluit, quantumuis instabilis sit hominum conditio, quæcunque subinde accidunt vices diuinitus gubernari. Qua ratione Rasin & Rex Israel, quum viribus in exitium Iuda copulatis, viderentur faces ad perdendam & absumentam terram accensæ, vocantur à Propheta titiones fumigantes, qui nihil quàm modicum fumum exhalare queant. Sic Pharaon, quum & opibus, & robore, & multitudine copiarum omnibus formidolosus esset, ipse belluæ marinæ, copiarum eius piscibus comparantur. Ducem ergo & exercitum denuntiat Deus se hamo suo capturum, & tracturum quò volet. Denique, ne hic diutius immorer, facilè, si animaduertas, perspicies, extremum esse omnium miseriarum, prouidentia ignorationem: summam beatitudinem in eiusdem cognitione esse sitam.
- 12 De prouidentia Dei, quantum ad solidam fidelium & eruditionem & consolationem conducit, (nam explendæ vanorum hominum curiositati neque satis quicquam esse potest, neque optandum est vt satisfiat) satis dictum foret, nisi obstarent pauci quidam loci, qui innuere videntur, contrà quàm suprà expositum est, non firmum ac stabile constare Deo consilium, sed pro rerum inferiorum dispositione mutabile. Primum aliquoties Dei poenitentia commemoratur, vt, quòd illum poenituerit hominis creati: Saulis in regnum euecti: quòd eum poenitebit mali quod infligere populo suo statuerat, simulac conuersionem eius aliquam senserit. Deinde nonnullæ decretorum eius abrogationes referuntur. Per Ionam edixerat Niniuitis, quadraginta diebus elapsis perituram Niniuen, atqui mox eorum poenitentia ad clementiorem sententiam inflexus est. Ezechia mortem per os Iesaiæ pronuntiarat: ad quam differendam lachrymis eius & precibus commotus est. Hinc argumentantur multi, Deum non æterno decreto res hominum constitui: sed prout sunt cuiusque merita, vel prout æquum ac iustum censet, singulos in annos, dies & horas, hoc vel illud decernere. De poenitentia sic habendum, non magis illam in Deum cadere, quàm vel ignorantiam, vel errorem, vel impotentiam. Si enim nemo sciens ac volens se in poenitentia necessitatem coniecit, Deo poenitentiam non tribuimus quin aut ignorare dicamus quid futurum sit, aut effugere non posse, aut præcipitanter & inconsideratè ruere in sententiam cuius statim poeniteat. Id autem tantum abest à sensu Spiritus sancti, vt in ipsa poenitentia mentione, neget Deum poenitudine duci, quia homo non sit què poenitere queat.
1. Sam. 15. f. 19
 Ac notandum est in eodem capite sic vtrunque cõiungi vt comparatio speciem repugnantia optimè conciliet. Mutatio figuratè traditur, quòd Deum poeniteat Saulis in Regem creati. Paulo post additur, Non mentietur fortitudo Israel, nec poenitudine flectetur: quia homo non est, vt eum poeniteat. Quibus verbis palam absque figura immutabilitas asseritur. Itaque Dei ordinationem in rebus humanis administrandis & perpetuam & omni poenitentia superiorem esse certum est. Ac ne dubia esset eius constantia, testimonium illi reddere sui quoque aduersarii coacti sunt. Balaam enim, vel inuitum, in hac vocem prorumpere oportuit, non esse Deum instar hominis vt mentietur, nec quasi hominis filium vt mutetur: ac fieri non posse vt non faciat quicquid dixerit, vt non impleat quicquid loquutus sit.
- 13 Quid ergo sibi vult poenitentia nomen? Nempe quod alia omnes loquendi formulæ quæ Deum humanitus nobis describunt. Quia enim ad eius altitudinem non pertingit nostra infirmitas, quæ nobis traditur eius descriptio, ad captum nostrum submittenda est, vt à nobis intelligatur. Hæc est porro submittendi ratio, vt se talè nobis figuret, non qualis in se est, sed qualis à nobis sentitur. Extra omnem perturbationis affectum quum sit, irasci se pec

catoribus testatur. Quemadmodum ergo quum audimus Deum iratum, imaginari non debemus aliquam in ipso motionem, sed reputare potius locutionē hanc à sensu nostro sumptam, quia faciem excādescētis iratīque prae se ferat Deus quoties iudicium exercet: ita nec aliud debemus concipere sub pœnitentiæ vocabulo, quàm factorum mutationem: quia soleant homines, facta sua mutādo, testari sibi displicere. Quoniam ergo mutatio quælibet inter homines, correctio eius est quod displicet: correctio autem ex pœnitentia prouenit: ideo per pœnitentiæ nomen significatur quod Deus in suis operibus mutat: interim nec consilium illi nec voluntas inuertitur, nec affectus commutatur: sed quod ab æterno prouiderat, probauerat, decreuerat, perpetuo tenore prosequitur, utcunque appareat subita hominum oculis varietas.

14

Ionæ 3. c. 10
Iesai. 35. a. 5

Nec sacra historia, dum Niniuitis remissum narrat quod iam promulgatum fuerat excidium, & Ezechiae vitam, denuntiata morte, prorogata: abrogata fuisse Dei decreta ostēdit. Qui sic sentiunt, in denuntiationibus hallucinantur: quæ tamen si simpliciter affirmāt, tacitam in se nihilominus conditionem continere ex fine ipso intelligitur. Cur enim ad Niniuitas Ionam Dominus mittebat, qui ruinam vrbis prædiceret? Cur per Iesaiam mortem indicabat Ezechiae? Poterat enim & illos & hunc perdere, sine cladis nuntio. Aliud ergo spectauit quàm ut mortis suæ præscii venientem illam eminus cernerent. Nimirum non perditos voluit: sed, ne perderentur, emendatos. Quod ergo Ninuiem post quadraginta dies ruituram Ionas vaticinatur, ideo fit ne ruat. Quod Ezechiae spes vitæ longioris præciditur, ideo fit ut longiorem vitam impetret. Quis iam non videt, Dominum eiusmodi comminationibus voluisse ad resipiscentiam expergefacerere quos terreat, ut effugerent quod peccatis suis meriti erant iudicium? Id si conuenit, natura rerum eò nos ducit ut in simplici denuntiatione conditionem tacitam subaudiamus. Quod etiam confirmatur similibus exemplis, Abimelech regem corripiens Dominus, quod Abrahæ suam vxorem sustulisset, his verbis utitur, Ecce tu morieris propter mulierem quam accepisti. est enim viro iuncta. Postquam autem ille excusauit, in hunc modum loquitur, Restitue vxorem viro: est enim Propheta, & orabit pro te ut viuas. Sin minus, scito quod moriendo morieris tu, & omnia quæ habes. Vides ut primo edicto vehementius animum eius concutiat, quod satisfactio reddat intentum: altero autem voluntatem liquidè suam explicet? Quando similis est aliorum locorum ratio, ne ex illis inferas quicquam fuisse prioris Domini consilio derogatum, quia quod promulgauerat, irritum fecerit. Viam enim potius æternæ suæ ordinationi sternit Dominus, quum pœnam denuntiando, ad resipiscentiam monet eos quibus vult parcere, quàm voluntate quicquam variet, ac ne sermone quidem: nisi quod syllabatum non exprimit quod intelligere tamen promptum est. Siquidem illud Iesaiæ manere verum oportet, Dominus exercituum deliberauit, & quis poterit dissoluere? manus eius extenta, & quis auertet eam?

Gen. 10. a. 3

Iesai. 14. f. 17

Deum ita impiorum opera vri, & animos flectere ad exequenda sua iudicia, ut purus ipse ab omni labe maneat. CAP. XVIII.



X aliis locis ubi Deus Satanam ipsum et omnes reprobos suo arbitrio flectere vel trahere dicitur, difficilior emergit quæstio. Quomodo enim per illos agens, ullam ex eorum vitio labem contrahat, imò in opere communi ab omni culpa sit immunis, ministros autem suos iuste damnet, vix capit sensus carnis. hinc reperta distinctio inter agere et permittere: quia hic nodus multis inexplicabilis visus est, sub Dei manu et imperio Satanā & impios omnes ita esse, ut eorum malitiam in quæcunque visum est finem dirigat: & sceleribus utatur ad exequenda sua iudicia. Ac excusabilis fortè esset eorum modestia quos terret absurditatis species, nisi quod perperā mendaci patrocinio asserere tētant Dei iusticiam ab omni sinistra nota. Aburdū videtur, volente ac iubente Deo excæcari hominem, qui mox cæcitatis suæ pœnas daturus est. Tergiuersando itaque effugiunt, Dei tantum permisso, non etiam voluntate hoc fieri. ipse verò palam se facere pronuntians, effugium illud repudiat. Quod autem nihil efficiant homines nisi arcano Dei nutu, nec quicquā deliberādo agitēt nisi quod ipse iam apud se decreuerit, & arcana sua directione constituat, innumeris & clavis testimoniis probatur. Quod antè citauimus ex psalmo, Deum quæcūque vult facere, ad omnes actiones hominū pertinere certum est. Si Deus bellorum & pacis certus est arbiter, ut illic dicitur, idque sine vlla exceptione, eo inscio aut quiescente homines cæco motu temere ferri quis dicere audebit? Sed in specialibus exemplis plus luciserit. Ex primo capite Iob scimus Satanam se coram Deo sistere ad excipienda iussa, non minus quàm Angelos, qui sponte obediunt: diuerso quidem id modo & fine: sed tamen nequid aggredi possit, nisi volente Deo. Et si au-

da permissio deinde subici videtur, ut sanctū virum affligat: quia tamen vera est illa sententia, Dominus dedit, Dominus abstulit: sicut Deo placuit, ita factum est: colligimus, eius probationis cuius Satan & scelesti latrones ministri fuerunt, Deum fuisse authorem. Molitur Satan sanctum virum desperatione adigere in furorem: Sabæi crudeliter & impiè in aliena bona prædando inuolant. Agnoscit Iob diuinitus se exutum esse omnibus fortunis, & se pauperem factum, quia sic placuerit Deo. Ergo quicquid agitent homines, vel Satan ipse, Deus tamen clauum tenet, ut ad exequenda sua iudicia conuertat eorum conatus. Vult Deus perfidum regem Achab decipi: operam suam offert diabolus ad eam rem: mittitur cum certo mandato, ut sit spiritus mendax in ore omnium Prophetarum. Si Dei iudicium est exæcatio & amentia Achab, nudæ permissionis figmentum euanesceat: quia ridiculum esset, iudicem tantum permittere non etiam decernere quid fieri velit, & mādare executionem ministris. Iudæis propositum est Christum extinguere: Pilatus & milites rabiosæ eorum libidini morem gerunt. fatentur tamen in solenni precatōe discipuli nihil fecisse omnes impios nisi quod manus & consilium dei decreuerant. sicuti iam antè cōcionatus fuerat Petrus, definito consilio & præscientia Dei traditum fuisse ut interficeretur. ac si diceret, Deum (quem nihil ab initio latuit) scientem & volentem statuuisse quod Iudæi executi sunt. sicuti alibi repetit, Deus qui prænūtiavit per omnes suos Prophetas passurū esse Christum, ita impleuit. Absalon incesto coitu, patris torū polluens, detestabile scelus perpetrat: Deus tamen hoc opus suum esse pronuntiat. verba enim sunt, Tu fecisti occulte: ego verò palam faciam, & coram sole hoc. Quicquid sæuitiæ exercēt Chaldæi in Iudæa, opus Dei esse pronuntiat Ieremias. Qua ratione Nabucadnezer vocatur Dei seruus. Clamat passim Deus, suo sibilo, tubæ suæ clāgore, imperio & iussu excitari impios ad bellum: Assyrium vocat virgam furoris sui, & securim quam manu sua mouet. Cladem vrbs sanctæ & Templi ruinam vocat opus suum. Dauid non obstrepens Deo, sed iustum iudicem agnoscens, ex illius tamen iussu prouenire maledicta Semei fatetur. Dominus inquit, iussit eum maledicere. Sæpius in sacra historia occurrit, quicquid accadat, proficisci à Domino, sicuti decem tribuum defectionem, interitum filiorum Heli, & eiusdē generis permulta. Qui mediocriter exercitati sunt in Scripturis, vident me ex multis pauca tantū proferre testimonia, ut breuitati consulā, ex quibus tamen satis superque liquet nugari eos & ineptire qui in locū prouidentia Dei nudam permissionē substituunt, ac si in specula sedens expectaret fortuitos euentus: atque ita eius iudicia penderent ab hominum arbitrio.

- 2 Quantum ad arcanos motus spectat, quod de corde Regis prædicat Solomo, flecti huc vel illuc: prout Deo visum est, ad totum certè humanum genus extenditur, tantundemque valet ac si dixisset, quicquid animis concipimus, arcana Dei inspiratione ad suum finem dirigi. Et certè nisi intus operaretur in mentibus hominum, non rectè dictum esset, auferre labium à veracibus, & à senibus prudentiam: auferre cor principibus terræ, ut errent per deuia. Atque huc pertinet quod sæpe legitur, homines esse pauidos, prout eius terrore occurrant eorum corda. Sic Dauid è castris Saulis, nemine sciente, egressus est: quia sopor Dei irruerat super omnes. Sed nihil clarius potest desiderari quàm vbi toties pronuntiat se exæcare hominum mentes, ac vertigine percutere, spiritu soporis inebriare, incutere amentiam, obdurare corda. Hæc etiam ad permissionem multi reiciunt, ac si deferendo reprobos, à Satana exæcari sineret. Sed quum disertè exprimat Spiritus, iusto Dei iudicio infligi cæcitatem & amentiam, nimis friuola est illa solutio. Dicitur indurasse cor Pharaonis, item aggrauasse, & roborasse. Eludunt insulso cauillo quidam has loquendi formas: quia dum alibi dicitur Pharaon ipse aggrauasse cor suum, indurationis causa ponitur eius voluntas. Quasi verò non optimè conueniant hæc duo inter se, licet diuersis modis, hominē, vbi agitur à Deo, simul tamen agere. Ego autem, quod obiiciunt in eos retorqueo: quia si indurare nudam permissionem sonat, ipse contumaciæ motus non erit propriè in Pharaone. Porro quàm dilutum esset ac insipidum ita interpretari, ac si tantum Pharaon se obdurari passus esset. Adde quòd ansam talibus cauillis præcidit Scriptura. Tenebo, inquit Deus, cor illius. Sic & de incolis terræ Chanaan dicit Moyses progressos fuisse in pugnam, quia roborasset Deus eorum corda. Quod idem ab alio Propheta repetitur, Vertit cor eorum ut odio haberent populum suum. Similiter apud Iesaiam cōtra gentem fallacē missurum se Assyrios pronuntiat, ac præcepta daturum, ut auferant spolia, & diripiant prædam. non quia impios & præfractos homines docere velit ad sponte parendum, sed quia flexurus sit ad exequenda sua iudicia, perinde ac si iussa eius animis insculpta gestarent. vnde apparet certa destinatione Dei fuisse impulsos. Fateor quidem interposita Satanæ opera sæpe Deū agere in reprobis: sed ut eius impulsu Satan ipse suas partes agat, & proficiat quatenus da-

Iob 1.d.22

1.Reg.22.c.20

Act.4.f.28

Ibidem 2.d.23

Ibidem 3.c.18

2.Sam.16.d.12

Ibid.12.c.12

1er.50.d.25

Iesa.10.a.5

Iesa.5.f.26,&c

Iesa.19.d.25

2.Sam.10.b.10

1.Reg.11.f.31.

1.Sam.2.g.34.

Cōm. b. !

Dei volunt. - hominum

arbitrio

Proue. 21.a.1.

Ezech.7.g.26

Leuit.26.f.36

1.Sam.26.

Rom.7.c.21

Exod.8.d.15

Ibid.4.c.11

Iosue 11.d.10

Psal.105.c.25.

Iesa.10.b.9

1. Sam. 16. c. 14 tum est. Spiritus malus turbat Saulem: sed dicitur esse à Deo: ut sciamus furorem Saulis à
 2. Cor. 4. a. 4 iusta Dei vindicta prodire. Dicitur etiam idem Satan excacare infidelium mentes: sed unde hoc, nisi quod à Deo ipso manat efficacia erroris, ut mendaciis credant qui renuunt parere veritati: Secundum priorem rationem dicitur, Si Propheta quispiam loquutus fuerit mendaciter, ego Deus illum decepi. Secundum alteram verò dicitur ipse dare homines in reprobum sensum, & proicere in fœdas cupiditates: quia iustæ suæ vindictæ præcipuus est author, Satan verò tantum minister. Sed quia, ubi secundo libro disputabimus de libero vel seruo hominis arbitrio, iterum hæc res tractanda erit, breuiter mihi nunc dixisse videor quantum locus postulabat. Summa hæc sit, quum Dei voluntas dicitur rerum omnium esse causa, prouidentiam eius statui moderatricem in cunctis hominum consiliis & operibus, ut non tantum vim suam exerat in electis, qui Spiritu sancto reguntur, sed etiam reprobos in obsequium cogat.
- 3 Quâdo autem hætenus recitavi solum quæ aperte & non ambiguè in Scriptura traduntur, viderint qui cælestibus oraculis sinistras ignominie notas inurere non dubitant, quod nam vsurpent censuræ genus. Nam si ex inscitie simulatione laudem modestiæ appetunt, quid superbius fingi potest, quàm Dei authoritati verbulum vnum opponere? Nihil secus videtur, vel, Hoc attingi non placet. Sin aperte maledicunt, quidnam proficient cælum sputis impetendo? Nouum quidem huius petulantiae exemplum non est: quia fuerunt omnibus seculis impii & profani homines, qui aduersus hanc doctrinæ partem ore rabido latrarent. Sed quod olim pronuntiauit Spiritus per os Dauidis, re ipsa sentient verum esse, ut vincat Deus quum iudicatur. Oblique perstringit Dauid hominum amentiam in hac tam effræni licentia, quod ex suo cœno non solum aduersus Deum litigant, sed potestatem sibi arrogant eius damnandi. Interea breuiter admonet, quas in cælum euomunt blasphemias, ad Deum non pertinere, quin iustitiam suam, discussis calumniarum nebulis illustret: fides etiam nostra (quia in sacro Dei verbo fundata, superior est toto mundo) nebulas istas ex sua altitudine despiciat. Nam quod primò obiciunt, si nihil eueniat nisi volente Deo, duas in eo contrarias esse volutates, quia occulto consilio decernat quæ Lege sua palam vetuit: facile diluitur. Antequam tamen respondeam, monitos iterum volo lectores, cauillum hoc non in me sed in Spiritum sanctum torqueri, qui certè hæc sancto viro Iob confessionem dictauit, Sicut Deo placuit ita factum est. quum spoliatus esset à latronibus, in illorum iniuria & maleficio iustum Dei flagellum agnoscit. Quid alibi Scriptura? Non obtemperarunt patri suo filii Eli, quia voluit Deus occidere eos. Clamat etiam alius Propheta, Deum, qui in cælo residet, quæcunque vult facere. Et iam satis aperte ostendi, Deum vocari eorum omnium authorem quæ isti censores volunt otioso tantum eius permissu contingere. Testatur se creare lucem & tenebras, formare bonum & malum: nihil mali accidere quod ipse non fecerit. Dicant obsecro, volensne an nolens iudicia sua exercent. Atqui sicuti docet Moses, eum qui fortuito securis lapsu occiditur, diuinitus traditum esse in manum percussoris: ita tota Ecclesia dicit apud Lucam, Herodem & Pilatum conspirasse, ut facerent quæ Dei manus & consilium decreuerat. Et sanè, nisi Deo volente crucifixus esset Christus, unde nobis redemptio? Neque tamen ideo vel secum pugnat, vel mutatur Dei voluntas, vel quod vult se nolle simulat: sed quum vna & simplex in ipso sit, nobis multiplex apparet: quia pro mentis nostræ imbecillitate, quomodo idem diuerso modo nolit fieri & velit non capimus. Paulus ubi Gentium vocationem dixit mysterium esse absconditum, paulo post adiungit, in ea manifestatam fuisse *πομπικὴν* sapietiam Dei. An quia propter hebetudinem sensus nostri multiplex apparet Dei sapientia (vel multiformis, ut reddidit vetus interpres) ideo somnianda nobis est in ipso Deo aliqua varietas, quasi vel consilium mutet, vel à seipso dissideat? Imò ubi non capimus quomodo fieri velit Deus quod facere vetat, veniat nobis in memoriam nostra imbecillitas, & simul reputemus, lucem quam inhabitat, non frustra vocari inaccessam, quia caligine obducta est. Ergo huic Augustini sententiæ pii omnes & modesti facile acquiescent, Interdu mbona voluntate hominem velle aliquid quod Deus non vult. velut si bonus filius patrem vult viuere, quem Deus vult mori. Rursus fieri posse ut idem velit homo voluntate mala, quod Deus vult bona: velut si malus filius velit mori patrem, velit hoc etiam Deus. nempe ille vult quod non vult Deus, iste verò vult quod vult & Deus. Et tamen bonæ voluntati Dei pietas illius potius consonat, quamuis aliud volentis, quàm huius idem volentis impietas: tantum interest quid velle homini, quid Deo congruat, & ad quem finem referatur cuiusque voluntas, ut vel approbetur, vel improbetur. Nam Deus quæ bene vult, per malas voluntates malorum hominum implet. Paulo verò antè dixerat, sua defectione Angelos apostatas, omnesque reprobos, quan-

tum ad ipsos pertinet, fecisse quod Deus nolebat : quantum verò ad omnipotentiam Dei, nullo modo hoc potuisse: quia dum contra Dei voluntatem faciunt, de ipsis facta est eius voluntas. vnde exclamat, Magna opera Dei, exquisita in omnes voluntates eius: vt miro & ineffabili modo non fiat præter eius voluntatē quod etiam contra eius fit voluntatem: quia non fieret si non sineret: nec vtique nolens finit, sed volens: nec sineret bonus fieri male, nisi omnipotens etiam de malo facere posset bene.

Psa. iii. 2, 3

4 Hoc etiam modo soluitur, imò sponte liquescit altera obiectio, Si non modò impiorū opera vtitur Deus, sed etiam consilia & affectus gubernat, scelerum omnium esse auctorem: ac proinde immeritò damnari homines si exequuntur quod decreuit Deus, quia eius voluntati obtemperent. Perperam enim miscetur cum præcepto voluntas, quam longissimè ab illo differre innumeris exemplis constat. Nam etsi dum stuprauit Abiālom patris uxores, voluit Deus hoc probro vlciisci Dauidis adulterium: non ideo tamē præcepit scelerato filio incestum committere, nisi fortè Dauidis respectu, sicut loquitur de cōiugiis Semei. Nam illum Dei iussu maledicere dum fatetur, minimè commendat obsequium, ac si Dei imperio pareret proteruus ille canis: sed eius linguam flagellum Dei esse agnoscens, castigari patienter sustinet. Hoc quidē tenendum est, dum per impios peragit Deus quod occulto suo iudicio decreuit, non esse excusabiles, quasi obediāt eius præcepto, quod data opera pro sua libidine violant. Iam quomodo ex Deo sit, & occulta eius prouidentia regatur quod peruerse faciunt homines, illustre documentum est electio regis Iarobeam, in qua seuerè damnatur populi temeritas & amentia, quòd ordinē à Deo sancitum peruerterit, ac perfidē descuerit à familia Dauidis. & tamen scimus voluisse vngi: vnde & in verbis Osæ quādā apparet repugnantia species, quòd vbi conquestus est Deus regnum illud se nesciente & nolente fuisse erectum, alibi prædicat se dedisse regem Iarobeam in furore suo. Quomodo hæc conuenient, Iarobeam non ex Deo regnasle, & ab eodem fuisse præfectum regem? Nempe quia nec desciscere à familia Dauidis potuit populus quin iugum sibi diuinitus impositum excuteret: neque tamē libertas ipsi Deo erepta fuit quominus Solomonis ingratitudinē ita puniret. Videmus ergo vt Deus, perfidiam nolendo, defectionem tamen alio fine iuste velit. vnde & Iarobeam præter spem sacra vñctione impellitur ad regnum. Hac ratione dicit Sacra historia fuisse à Deo suscitatum hostem, qui Solomonis filium exueret regni parte. Diligenter vtrunque expendant lectores, quia placuerat Deo sub manu vnus Regis gubernari populum: vbi in duas partes scinditur, fieri cōtra illius voluntatem: & tamen ab eiusdem voluntate initium fuisse diuortii. Nam certè quòd Iarobeam nihil tale cogitantem Propheta & voce & vñctionis tessera ad spem regni sollicitat, non fit hoc vel nescio vel inuito Deo, qui ita fieri mandauit: & tamen iure damnatur populi rebellio, quòd velut inuito Deo à Dauidis posteris descuerit. Hac ratione etiam subiicitur postea, quòd Rehabeam superbè despexit populi preces, hoc à Deo factū esse, vt stabiliret verbum quod pronuntiauerat per manum Ahiā serui sui. Ecce vt nolente Deo laceretur sacra vnitas, & tamen vt eodem volente alienētur à filio Solomonis decem tribus. Accedat simile quoque aliud exemplum, vbi consentiente populo, imò manus suas præbente, iugulātur filii regis Achab, & exterminatur tota progenies. Verè quidē refert Iehu nihil in terrā cecidisse ex Dei sermonibus, sed ipsum fecisse quicquid loquutus fuerat per manum serui sui Eliā. Et tamen non abs re ciues Samariæ perstringit quòd operā suā cōmodassent, Iustine estis, inquit? Si ego coniuraui contra dominum meum, quis hos omnes occidit? Iā antè liquidò, nisi fallor, explicui quomodo in eodem opere tam se prodat hominis crimen, quàm refulgeat Dei iustitia: & modestis ingeniis semper hæc Augustini responsio sufficiet, Quū Pater tradiderit Filium, & Christus corpus suum, & Iudas Dominum, cur in hac traditione Deus est iustus, & homo reus, nisi quia in re vna quā fecerunt, causa non vna est ob quam fecerunt? Siquos autem magis impediatur quod nunc dicimus, nullum esse Dei cum homine consensum, vbi hic iusto illius impulsu agit quod sibi non licet: succurrat quod alibi admonet idem Augustinus, Quis non ad ista iudicia contremiscat, vbi agit Deus etiam in cordibus malorum quicquid vult, reddens eis tamen secundum eorum merita? Et certè in Iudæ perfidia nihilo magis fas erit culpam sceleris Deo adscribere, quia Filium suum & tradi voluit ipse, & tradidit in mortem: quàm redemptionis laudem ad Iudam transferre. Itaque verè alibi idem scriptor admonet, in hoc examine Deum non inquirere quid potuerint homines, vel quid fecerint, sed quid voluerint, vt in rationem veniat consilium & voluntas. Quibus hoc asperum videtur, quàm tolerabilis sit sua morositas paulisper cogitent, dum rem claris Scripturæ testimoniis testata, quia excedat eorum captum, respuant, ac vitio vertunt in mediū proferri quæ Deus

2. Sam. 16. d. 21

Ibidem c. 10

1. Reg. 12. c. 10

Osæ 8. a. 4

Osæ 13. c. 11

1. Reg. 11. d. 13

1. Reg. 12. d. 15

2. Reg. 10. b. 7

Epist. 48 ad Vincetium.

De gratia & lib. arbit. ad Valent. cap. 10

nisi sciuiſſet vtilia eſſe cognitu, nunquam per Prophetas ſuos & Apoſtolos doceri iuſſiſſet. Nam ſapere noſtrum nihil aliud eſſe debet quàm manſueta docilitate amplecti, & quidem ſine exceptione, quicquid in ſacris Scripturis traditum eſt. Qui verò proteruius inſultāt, quum ſatis conſtet eos contra Deum blaterare, longiori refutatione digni non ſunt.

INSTITVTIONIS CHRI

ſtianæ religionis Lib. II.

DE COGNITIONE DEI REDEM-

ptoris in Chriſto, quæ Patribus ſub Lege primùm, deinde & nobis in Euan-
gelio patefacta eſt.

Adæ lapſu & defectione totum humanum genus maledictioni fuiſſe addiſtum, &
à prima origine degeneraſſe. vbi de peccato originali. C A P. I.



Gen. 1. d. 17

NON ſine cauſa, prouerbio veteri tantopere homini cōmen-
data ſemper fuit cognitio ſui ipſius. Nā ſi turpe ignorare du-
citur quacūque ad humanæ vitæ rationem pertinet: multo
verò foedior ignorātia noſtri eſt, qua ſit vt in capiendo de re
qualibet neceſſaria cōſilio miſerè hallucinemur, atque adeo
cæcutiamus. Verùm quo vtilior eſt præceptio, eo diligētius
videndum eſt nobis ne ipſa præpoſterè vtamur: quod philo-
ſophis quibuſdam videmus accidiſſe. Illi enim dum homi-
nem hortātur vt ſeipſum nouerit, ſinem ſimul proponūt, ne
dignitatē excellentiāque ſuam neſciat. neque aliud ipſum
in ſe contemplari volunt, quàm vnde inani fiducia intume-
ſcat & ſuperbia inſletur. Noſtri autem cognitio primùm in eo ſita eſt, vt reputantes quid
nobis in creatione datū ſit, & quàm benignè ſuam erga nos gratiam continuet Deus, ſcia-
mus quanta ſit naturæ noſtræ excellētia, ſi quidem integra maneret: ſimul tamen cogite-
mus, nihil nobis ineſſe proprium, ſed precariò nos tenere quicquid in nos Deus contulit,
vt ſemper ab ipſo pendeamus. Deinde vt nobis occurrat miſera poſt Adæ lapſum noſtra
conditio, cuius ſenſus, proſtrata omni gloria & fiducia, nos pudore obrutos verè humiliet.
Nam ſicuti Deus ad imaginem ſuam initiò nos finxit, vt mentes noſtras tum ad virtutis
ſtudium, tum ad æternæ vitæ meditationem erigeret: ita, ne ſocordia noſtra obruatur tāta
generis noſtri nobilitas quæ nos à brutis animalibus diſcernit, cognoscere operæ pretium
eſt, ideo nos ratione & intelligentia præditos eſſe, vt ſanctā & honeſtā vitā colendo ad propo-
ſitum beatæ immortalitatis ſcopum tendamus. Cæterùm in mētem venire nequit prima
illa dignitas, quin mox ex altera parte ſe offerat triſte foeditatis & ignominia noſtræ ſpe-
ctaculum, ex quo in primi hominis perſona ab origine noſtra excidimus. Vnde & noſtri
odium ac diſplicentia verāque humilitas oritur, & nouum accenditur quærendi Dei ſtu-
dium, in quo quiſque ea bona recuperet quorum prorfus inanes & vacui deprehēdimur.

2 Hoc ſanè quærendum in excutiēdis nobis eſſe præſcribit Dei veritas. nempe talem exi-
git notitiā, quæ nos & ab omni propriæ facultatis confidentia procul auocet, & omni
gloriandi materia deſtitutos, ad ſubmiſſionem adducat. Quam regulam tenere conuenit
ſi ad rectam & ſapiendi & agendi metam pertingere libet. Neque me latet quanto plau-
ſibilior ſit illa ſententia quæ ad reputanda noſtra bona potius nos inuitat, quàm ad in-
ſpiciendam, quæ nos pudore obruere debet, miſeram noſtram inopiam vnā cum igno-
minia. Siquidem nihil eſt quod magis appetat humanum ingenium quàm blanditiis de-
mulceri. atque ideo, vbi dotes ſuas magni fieri audit, in hanc partem nimia credulitate
propendet. Quo minus mirum eſt, hīc adeò pernicioſe fuiſſe à maxima hominum parte

aberratum. Nam quum sit ingenitus vniuersis mortalibus plusquam cæcus sui amor, libentissimè sibi persuadent nihil inesse sibi quod meritò debeat esse odiosum. Ita sine alieno patrocinio vanissima hæc opinio fidem passim obtinet, hominem sibi abunde sufficere ad bene beatèque viuendū. Quòd si qui modestius sentire volunt, vtcunque aliquid Deo concedant, ne sibi arrogare omnia videantur: sic tamen partiuntur vt potissima & gloriæ & fiduciæ materia semper apud se resideat. Iam si accedit oratio, quæ sponte prurientem in hominis medullis superbiæ suis illecebris titillet, nihil est quod magis arrideat. Proinde vt vnusquisque humanæ naturæ præstantiam benignissimè suo præconio extulit, ita magno seculorū propè omnium applausu fuit exceptus. Sedenim quæcunque talis est humanæ excellentiæ cōmendatio, quæ hominem in se acquiescere doceat, nihil aliud quàm suauitate illa sua delicias facit: & sic quidem illudit, vt qui assentiuntur, eos pessimo exitio perdat. Quorsum enim pertinet, vana omni fiducia fretos deliberare, instituere, tentare, moliri quæ putamus ad rem pertinere: & defici quidem ac destitui tum sana intelligentia, tum vera virtute inter primos conatus: pergere tamen securè, donec in exitiū corruamus? Atqui non aliter succedere iis potest qui se aliquid posse propria virtute confidūt. Talibus ergo magistris, qui reputandis tantum bonis nostris nos detinent, si quis auscultet, non in sui cognitionem proficiet, sed in pessimam ignorationem abripietur.

3 Ergo quum in hoc consentiat Dei veritas cum publico omnium mortalium sensu, secundam sapientiæ partem in nostri cognitione repositam esse: in ipsa tamen cognoscendi ratione magnum est dissidium. Tunc enim homo, iudicio carnis, probè sibi exploratus videtur, quum & intelligentia & integritate sua confisus, audaciam sumit, ac sese incitat ad virtutis officia: & indicto vitiis bello, ad id quod pulchrum & honestum est toto studio incumbere conatur. Qui autem se ad amussim diuini iudicii inspicit & examinat, nihil reperit quod animum ad bonam fiduciam erigat: ac quo penitius se excussit, eo magis deiicitur: donec omni fiducia prorsus abdicatus, nihil sibi ad vitam rectè instituendā relinquit. Neque tamen vult nos obliuisci Deus primæ nobilitatis, quam Adæ patri nostro cōtulerat, nempe quæ nos ad iustitiæ bonitatisque studium meritò expergefacerere debeat. Non enim possumus aut primam nostram originem, aut quorsum conditi sumus cogitare, quin ad meditandam immortalitatem, expetendūque Dei regnum pūgamur. Sed tantum abest vt animos nobis faciat ista recognitio, vt potius submissis illis, ad humilitatem prosternat. Quæ enim illa est origo? Nempe à qua excidimus. Quis ille creationis nostræ finis? A quo penitus auersi sumus, vt miseræ nostræ sortis pertæsi ingemiscamus: ingemiscendo, ad perditam illam dignitatem suspiremus. Nos autem, quum dicimus nihil in se oportere hominem intueri quod ipsum animosum reddat, intelligimus nihil esse penes ipsum cuius fiducia debeat superbire. Quare si libet, quam homo sui notitiam habere debet, ita partiamur, vt primo loco, quem in finem creatus sit, & donis non contemnendis præditus, reputet: qua cogitatione ad diuini cultus vitæque futuræ meditationē excitetur: deinde suas facultates, vel certè facultatum inopiam expendat: qua perspecta, nō secus atque in nihilū redactus, in extrema cōfusione iaceat. Huc tendit prior consideratio, vt quale sit officium suum agnoscat: altera, quid ad ipsum præstandum valeat. De vtraque, prout series docendi poscet, à nobis differetur.

4 Quia verò non leue delictum, sed detestabile fuisse scelus oportet, quod tam seuerè vltus est Deus, species ipsa peccati in lapsu Adæ cōsideranda nobis est, quæ horribilem Dei vindictam accēdit in totum humanum genus. Puerile est quod de gulæ intemperie vulgò receptum fuit. Quasi verò summa & caput virtutum omnium in abstinentia vnus tantum fructus fuerit, quum vndique affluerent quæcūque expetibiles erant deliciæ, atque in beata illa terræ fecunditate non tantum copia ad lautitias suppeteret, sed etiam varietas. Altius igitur spectandum, quia prohibitio ab arbore scientiæ boni & mali, obediētiae examen fuit, vt parendo Adam se Dei imperio libenter subesse probaret. Nomen verò ipsum ostendit præcepti non alium fuisse finem, quàm vt sua sorte contentus, se improba cupiditate altius non efferret. Promissio autem, qua vitam æternam sperare iussus est quandiu ederet de arbore vitæ: rursum horrenda mortis denuntiatio, simulac gustaret de arbore scientiæ boni & mali, ad fidem eius probandam & exercendam spectabat. Hinc elicere nō difficile est quibus modis in se prouocauerit Adam iram Dei. Non malè quidem Augustinus, dum superbiam dicit malorum omnium fuisse initium: quia nisi hominem altius quàm licebat & quàm fas erat extulisset ambitio, manere poterat in suo gradu: plenior tamen definitio ex tentationis specie, quam describit Moses, sumenda est. Nam dum serpentis captione abducitur per infidelitatem mulier à verbo Dei, iam initium ruinæ apparet

Rom. 5. d. 19

fuisse inobedientiam. Quod etiam confirmat Paulus, vnius hominis inobedientia omnes fuisse perditos docens. Simul tamen notandum, descivisse primum hominem ab imperio Dei, quod non tantum Satanæ illecebris captus fuerit, sed contempta veritate, deflexerit ad mendacium. Et certè contempto Dei verbo, excutitur omnis eius reuerentia: quia nec aliter consistit eius maiestas inter nos, nec integer manet eius cultus, nisi dum ab eius pendemus ore. Proinde infidelitas radix defectionis fuit. Hinc autè emerfit ambitio, & superbia, quibus annexa fuit ingratitude, quod Adam plus appetendo quàm concessum erat, tantam Dei liberalitatem qua ditatus erat, indigne spreuit. Hæc verò prodigiosa fuit impietas, terræ filio parum videri quod ad similitudinem Dei factus esset, nisi accedat æqualitas. Si fœdum & execrabile scelus est apostasia, qua se homo conditoris sui imperio subducit, imò petulanter excutit eius iugum, frustra extenuatur peccatum Adæ. Quanquam non simplex apostasia fuit, sed cum fœdis in Deū probris coniuncta, dum Satanæ calumniis subscribunt quibus Deum & mendacii & inuidiæ & malignitatis insimulat. Denique infidelitas ambitioni ianuam aperuit: ambitio verò contumaciæ fuit mater, ut homines, abiecto Dei metu, sese proiicerent quò ferebat libido. Itaque rectè Bernardus ianuam salutis aperiri nobis docet, quum hodie Euangelium auribus recipimus: sicuti illis fenestris, dum Satanæ patuerunt, mors admissa fuit. Nunquam enim repugnare Dei imperio ausus fuisset Adam nisi eius verbo incredulus. Optimum scilicet hoc erat frænum ad omnes affectus ritè temperandos, nihil melius esse quàm Dei mandatis parendo, colere iustitiam: deinde ultimā fœlicis vitæ metam esse ab ipso diligi. Diaboli ergo blasphemias abreptus, quantum in se erat exinaniuit totam Dei gloriam.

5

Rom. 8. d. 22

Sicut spiritualis Adæ vita erat, manere opifici suo coniunctum & deuinctum: ita alienatio ab eo fuit animæ interitus. Nec mirum si genus suum pessundedit sua defectione qui totum naturæ ordinem peruertit in cælo & in terra. Ingemiscunt omnes creaturæ, inquit Paulus, corruptioni obnoxia, non volentes. Si causa quaeritur, non dubium est quin partem sustineant eius pœnæ quam promeritus est homo, in cuius vsum cõditæ fuerant. Quum ergo sursum & deorsum ex eius culpa fluxerit maledictio, qua grassatur per omnes mûdi plagas, nihil à ratione alienû si propagata fuerit ad totā eius sobolem. Postquā ergo in eo oblitterata fuit cælestis imago, non solus sustinuit hanc pœnam, ut in locum sapientiæ, virtutis, sanctitatis, veritatis, iustitiæ (quibus ornamentis vestitus fuerat) teterrimæ cederent pestes, cæcitas, impotentia, impuritas, vanitas, iniustitia: sed iisdem quoque miseriis implicuit suam progeniem, ac immerfit. Hæc est hæreditaria corruptio, quam peccatum originale veteres nuncuparunt, Peccati voce intelligentes naturæ antea bonæ puræque deprauationem. Qua de re multa fuit illis concertatio, quum à communi sensu nihil magis sit remotum quàm ob vnius culpam fieri omnes reos, & ita peccatum fieri commune. Quæ videtur fuisse ratio vetustissimis Ecclesiæ doctõribus cur obscure tātum perstringerent hoc caput: saltem minus dilucidè quàm par erat explicarent. Neque tamen hæc timiditas efficere potuit quin surgeret Pelagius, cuius profanum commentum fuit, Adam suo tantum damno peccasse, nihil nocuisse posteris. hac scilicet astutia Satan morbum tegendo, incurabilè reddere tentauit. Cæterum quum euinceretur manifesto Scripturæ testimonio, peccatum à primo homine transiisse in totam posteritatē: cauillabatur transiisse per imitationem, non propaginem. Ergo boni viri in hoc elaborarunt (ac præ aliis Augustinus) ut ostenderent nos non ascita nequitia corrumpi, sed ingentem vitiositatem ab utero matris afferre. Quod inficiari summæ impudentiæ fuit. Sed Pelagianorum & Cælestianorum temeritatem non mirabitur qui ex illius sancti viri monumentis perspexerit quàm fuerint in aliis omnibus perditæ frontis bestia. Certè non ambiguum est quod cõfitetur David, se in iniquitatibus genitum, & in peccato conceptum à matre. Non arguit illic patris aut matris delicta: sed, quo Dei erga se bonitatem melius commendat, propriæ peruersitatis confessionem ab ipsa genitura repetit. Quum id Davidi peculiare non fuisse constet, sequitur communem humani generis sortem sub eius exemplo notari. Omnes ergo qui ab impuro semine descendimus, peccati contagione nascimur infecti: imò, antequam lucem hanc vitæ aspiciamus, sumus in Dei conspectu fœdati & inquinati. Quis enim daret mundum de immundo? Ne vnus quidem, ut est in libro Iob.

Psalm. 51. b. 7

Iob 14. a. 4

6

Audimus ita in filios transmitti parentum immunditiem, ut omnes citra vllam exceptionem, sua origine sint inquinati. Huius autem pollutionis non reperietur exordium, nisi ad primum omnium parentem, tanquam ad fontem, ascendimus. Ita certè habendum est, fuisse Adamum humanæ naturæ non progenitorem modò, sed quasi radicem, atque ideo in illius corruptione meritò vitiatum fuisse hominum genus. Quod ex illius & Chri-

¶ In comparatione planum facit Apostolus. Quemadmodū (inquit) per vnum hominē peccatū intrauit in vniuersum mundum, & per peccatū mors: quæ in omnes homines peruagata, quando omnes peccauerūt: ita per gratiam Christi iustitia & vita nobis restituta est. Quid hīc garrient Pelagiani? peccatum Adæ imitatione propagatum? Ergo ex Christi iustitia nihil aliud proficimus, nisi quod exemplū nobis est ad imitationem propositum? Quis tantum sacrilegium ferat? Quod si extra controuersiam est, Christi iustitiam communicatione nostram esse, & ex ea vitam: simul conficitur, vtrunque ita in Adam fuisse perditam, vt in Christo recuperetur: peccatum verò & mortem ita per Adam obrepisse, vt per Christum aboleantur. Non sunt obscura verba, iustificari multos per Christi obedientiam, quemadmodum per Adæ inobedientiam peccatores fuerant constituti. Ideoque inter eos duos hāc esse relationem, quod hic nos suo exitio inuolutos secum perdidit: ille nos sua gratia in salutem restituit. In tam perspicua luce veritatis nihil longiori vel magis laboriosa probatione opus esse arbitror. Sic & in priore ad Corinthios, quum in resurrectionis fiducia vult pios confirmare, ostendit recuperari in Christo vitam, quæ in Adam perditā fuerat. Qui nos omnes in Adam mortuos esse pronūtiat, iam simul aperte quoque testatur, peccati labe esse implicitos. Neque enim ad eos perueniret damnatio qui nulla iniquitatis culpa attingerentur. Sed clarius intelligi quid velit, quā ex alterius membri relatione, non potest, vbi spem vitæ restitutam in Christo docet. Satis autem scitur, illud nō aliter fieri quā vbi mirifica illa communicatione iustitiæ suæ vim in nos Christus transfundit. quemadmodum alibi scribitur, Spiritum nobis vitam esse propter iustitiam. Ergo neque aliter interpretari licet quod dicitur, nos in Adam mortuos esse, quā quod ipse peccando, non sibi tantum cladem ac ruinam asciuit, sed naturam quoque nostram in simile præcipitauit exitium. Neque id suo vnus vitio, quod nihil ad nos pertineat: sed quoniam vniuersum suum semen ea in quam lapsus erat vitiositate infecit. Nec verò aliter staret illud Pauli, natura omnes esse iræ filios, nisi iam in ipso vtero maledicti essent. Naturam verò illic notari, non qualis à Deo condita est, sed vt in Adā vitiata fuit, facile colligitur: quia minimè consentaneum esset, Deum fieri mortis authorem. Sic ergo se corruptit Adam, vt ab eo transierit in totam sobolem contagio. Satis etiam clarè pronuntiat cælestis ipse iudex Christus omnes prauos & vitiosos nasci, vbi docet, quicquid genitum est ex carne, carnem esse, ideoque omnibus clausam esse vitæ ianuam, donec regeneriti fuerint.

Rom. 5. b. 11

Cap. 15 c. 22

Rom. 8. b. 10

Ephes. 2. a. 3

Iohan. 3. a. 6

7 Neque ad eius rei intelligentiam necessaria est anxia disputatio, quæ veteres non parū torfit: an filii animæ ex traduce paternæ animæ oriatur, quod in ea potissimum lues resideret. Eo nos esse contentos oportet, Dominum, quas voluit humanæ naturæ collatas dotes, apud Adamū deposuisse. Ideo illum, quū acceptas perdidit, non tantum sibi perdidisse, sed nobis omnibus. Quis de animæ traduce sit sollicitus, vbi audiat Adamū nobis non minus quā sibi ornamenta illa quæ perdidit, accepisse: non vni homini data illa fuisse, sed vniuersæ hominis naturæ attributa? Nihil ergo absurdi, si spoliato eo, natura nuda inopique destituitur: si illo per peccatum inquinato, in naturam contagio serpit. Proinde à radice putrefacta rami putridi prodierunt, qui suam putredinem transmiserunt ad alios ex se nascentes surculos. Sic enim vitiati sunt filii in parēte, vt nepotibus essent tabifici: hoc est, ita corruptionis exordium in Adam fuit, vt perpetuo defluxu, à prioribus in posteros transfundatur. Neque enim in substantia carnis aut animæ causam habet contagio: sed quia à Deo ita fuit ordinatū, vt quæ primo homini dona contulerat, ille tam sibi quā suis haberet simul ac perderet. Quod autē cauillantur Pelagiani, verisimile non esse à parētibus piis corruptionem ducere liberos, quum magis eorum puritate sanctificari debeāt, facile refutatur. Non enim ex eorum regeneratione spiritu ali descendunt, sed generatione carnali. Proinde, vt ait Augustinus, siue reus infidelis, siue absolutus fidelis, non absolutos vterque generat, sed reos: quia ex vitiosa natura generat. Porro quod eorum sanctitati quodammodo communicant, specialis est populi Dei benedictio, quæ non facit quominus prima illa & vniuersalis gentis humanæ maledictio præcedat. Ex natura enim, reatus: sanctificatio autem ex supernaturali gratia.

Lib. contra Pelag. & Cælest.

8 Atque ne hæc de re incerta & incognita dicta fuerint, peccatum originale definiamus. Neque verò singulas, quæ à scriptoribus positæ sunt, definitiones excutere mihi propositū est: sed vnā proferam duntaxat, quæ veritati mihi videtur optimè cōsentanea. Videtur ergo peccatum originale hæreditaria naturæ nostræ præuitas & corruptio, in omnes animæ partes diffusa: quæ primū facit reos iræ Dei, tum etiam opera in nobis profert quæ Scriptura vocat opera carnis. Atque id est propriè quod à Paulo sapius peccatum nominatur. Quæ verò inde emērgunt opera, qualia sunt adulteria, scortationes, furta, odia, cæ-

Galat. 5. c. 19.

Cū alibi se-
pe, tū verò
de peccatorū
merito. & rem.
cap. 8.
Rom. 5. b. 12

des, comestiones, fructus peccati secundum hanc rationem vocat: quanquam & peccata, cum in Scripturis passim, tum etiam ab ipso nuncupantur. Hæc itaque duo distinctè obseruanda: nempe, quòd sic omnibus naturæ nostræ partibus vitiiati peruersique, iam ob talem duntaxat corruptionem damnati meritò conuictique coram Deo tenemur, cui nihil est acceptum nisi iustitia, innocentia, puritas. Neque ista est alieni delicti obligatio. quod enim dicitur, nos per Adæ peccatū obnoxios esse factos Dei iudicio: non ita est accipiendū, ac si infantes ipsi & immerentes culpam delicti eius sustineremus: sed quia per eius transgressionem maledictione induti sumus omnes, dicitur ille nos obstrinxisse. Ab illo tamen non sola in nos pœna grassata est, sed instillata ab ipso lues in nobis residet, cui iure pœna debetur. Quare Augustinus, vtcunque alienum peccatum sæpe vocet (quo clarius ostendat propagine in nos deriuari) simul tamen & proprium vnicuique asserit. Et Apostolus ipse disertissimè testatur, ideo mortem in omnes peruagatam, quòd omnes peccarint, id est, inuoluti sint originali peccato, & eius maculis inquinati. Atque ideo infantes quoque ipsi, dum suam secum damnationem à matris vtero afferunt, non alieno, sed suo ipsorum vitio sunt obstricti. Nam tametsi suæ iniquitatis fructus nondum protulerint, habent tamen in se inclusum semen: imò tota eorum natura, quoddam est peccati semen: ideo non odiosa & abominabilis Deo esse non potest. Vnde sequitur, propriè coram Deo censeri peccatum: quia non esset reatus absque culpa. Alterum deinde accedit, quòd hæc peruersitas nunquam in nobis cessat, sed nouos assiduè fructus parit: ea scilicet, quæ antè descripsimus, opera carnis: non secus atque incensa fornax flammam & scintillas efflat, aut scaturigo aquam sine fine egerit. Quare qui peccatum originale definierunt carentiam iustitiæ originalis, quam inesse nobis oportebat, quanquam id totum complectuntur quod in re est, non tamen satis significanter vim atque energiam ipsius expresserunt. Non enim natura nostra boni tantum inops & vacua est: sed malorum omnium adeo fertilis & ferax, vt otiosa esse non possit. Qui dixerunt esse concupiscentiam, non nimis alieno verbo vsi sunt, si modò adderetur (quod minimè conceditur à plerisque) quicquid in homine est, ab intellectu ad voluntatem, ab anima ad carnem vsque, hac concupiscentia inquinatum refertumque esse. aut, vt breuius absoluator, totum hominem non aliud ex seipso esse quàm concupiscentiam.

9 Quamobrem dixi cunctas animæ partes à peccato fuisse possessas, ex quo à fonte iustitiæ descendiit Adam. Neque enim appetitus tantum inferior cum illexit, sed arcem ipsam mentis occupauit nefanda impietas, & ad cor intimum penetrauit superbia: vt frigidum sit ac stultum, corruptelam, quæ inde manauit, ad sensuales tantum, vt vocant, motus restringere: aut fomitem vocare qui solam partem quæ illis sensualitas est ad peccatum alliciat, excitet ac trahat. In quo crassam inscitiam detexit Petrus Lombardus, qui sedem quærens & vestigans dicit in carne esse, teste Paulo, non quidem propriè, sed quia in carne magis apparet. Quasi verò tantum partem animæ designet Paulus, ac non totam naturam quæ supernaturali gratiæ opponitur. Et Paulus omnem dubitationem tollit, corruptionem docens non in vna tantum parte subsidere, sed nihil à mortifera eius tabe purum esse, aut syncerum. Nam de vitiosa natura disputans, non tantum inordinatos qui apparent appetituum motus damnat, sed præcipuè contendit mentem cæcitati, & cor prauitati additum esse. atque tertium illud ad Romanos caput nihil aliud est quàm originalis peccati descriptio. Id ex renouatione clarius patet. Nam spiritus, qui veteri homini & carni opponitur, non modò gratiam notat qua corrigitur inferior pars animæ vel sensualis, sed plenam omnium partium reformationem complectitur. Atque ideo Paulus non tantum crassos appetitus in nihilum redigi, sed nos spiritu mentis renouari iubet. sicut etiam alibi transformari nos iubet in nouitate mentis. vnde sequitur, partem illam, in qua maximè refulget animæ præstantia & nobilitas, non modò vulneratam esse, sed ita corruptam, vt non modò sanari, sed nouam propè naturam induere opus habeat. Quatenus & mentem & cor occupet peccatum, mox videbimus. Hic tantum breuiter attingere volui, totum hominem quasi diluuiò à capite ad pedes sic fuisse obrutum, vt nulla pars à peccato sit immunis: ac proinde quicquid ab eo procedit in peccatum imputari. sicut dicit Paulus omnes affectus carnis, vel cogitationes, esse inimicitias aduersus Deum, & ideo mortem.

Ephes. 4. c. 23
Rom. 11. a. 2

Rom. 8. b. 7

10 Eant nunc qui Deum suis vitiis inscribere audent, quia dicimus naturaliter vitiosos esse homines. Opus Dei perperam in sua pollutione scrutantur, quod in illa integra adhuc & incorrupta Adæ natura requirere debuerant. A carnis ergo nostræ culpa, non à Deo nostra perditio est. quādo non alia ratione perimus, nisi quia degenerauimus à prima nostra conditione. Neque hic obstrepat quispiam, potuisse Deum nostræ saluti melius prospicere si Adæ lapsui occurrisset. Nam obiectio ista cum ob nimis audacem curiositatem piis mēti-

bus, abominanda est tum ad prædestinationis arcanum attinet, quod suo loco postea tractabitur. Quare ruinam nostram naturæ depravationi imputandâ meminerimus, ne in Deū ipsum naturæ authorem stringamus accusationem. Hæreere quidem exitiale illud vulnus in natura verum est: sed multum refert accesseritne aliunde, an ab origine infederit. Cōstat autem per peccatum inflictum fuisse. Non est igitur cur conqueramur nisi de nobis ipsis, quod diligenter annotauit Scriptura. Dicit enim Ecclesiastes, Hoc scio, quòd fecerit Deus hominē rectū: ipsi autem quæsierunt sibi adinventiones multas. Homini tātum suū exitiū adscribendum apparet, quum Dei benignitate rectitudinem adeptus, sua ipse dementia in vanitatem delapsus sit. Eccles. 7. d. 35

- II Dicimus ergo naturali hominem vitiositate corruptum, sed quæ à natura nō fluxerit. Anatura fluxisse negamus, vt significemus aduentitiam magis esse qualitatem quæ homini acciderit, quàm substantialem proprietatem quæ ab initio indita fuerit. Vocamus tamen naturalem, nequis ab vnoquoque praua consuetudine comparari putet, quum hæreditario iure vniuersos comprehēfos teneat. Neque id sine authore facimus. Eadem enim causa nos omnes esse natura filios iræ docet Apostolus. Quomodo creaturæ omnium nobilissimæ infensus esset Deus, cui placent infima quæque opera sua? Sed operis sui corruptioni magis infensus est quàm operi suo. Ergo si ob vitiatam humanam naturam non in scitè dicitur homo naturaliter esse Deo abominabilis, non etiam ineptè dicitur naturaliter prauus & vitiosus: quemadmodum non veretur Augustinus, ratione corruptæ naturæ, naturalia dicere peccata quæ in carne nostra necessariò regnant, vbi abest Dei gratia. Ita euanesceat stultum Manichæorum nugamentum, qui quum substantialem in homine malitiam imaginarentur, alterum illi conditorem affingere ausi sunt, ne iusto Deo viderentur mali causam & principium assignare.

Hominem arbitrii libertate nunc esse spoliatum, & miseræ seruituti addictum.

C A P. I I.

ROSTQVAM visum est peccati dominatum, ex quo primū hominē sibi obligatū tenuit, non solum in toto genere grassari, sed in solidū etiam occupare singulas animas, nunc propius excutiendum restat, ex quo in hac seruitutem redacti sumus, an omni spoliati sim⁹ libertate: & si qua particula adhuc viget, quousque vis eius procedat. Sed quo facilius nobis huius quæstionis veritas eluceat, scopum obiter præfigam, quò tota summa destinanda sit. Hæc autem optima cauēdi erroris erit ratio, si pericula considerentur quæ vtrinque imminet. Nam vbi omni rectitudine abdicatur homo, statim ex eo desidie occasionem arripit: & quia nihil ad iustitiæ studium valere per se dicitur, illud totum, quasi iam nihil ad se pertineat, sūsque deque habet. Rursum vel minutulum illi quippiam arrogari nō potest quin & Deo præripiatur suus honor, & ipse temeraria confidentia labefactetur. Ad hos ergo scopulos ne impingamus, tenendus hic cursus erit, vt homo nihil boni penes se reliquū sibi esse edoctus, & miserrima vndique necessitate circūseptus, doceatur tamen ad bonum quo vacuus est, ad libertatem, qua priuatus est, aspirare: & acrius ab ignauia excitetur quàm si summa virtute fingeretur instructus. Hoc secundum quàm necessarium sit, nemo non videt. De priore video à pluribus dubitari quàm conueniebat. Nam hoc extra controuersiam posito, nihil homini de suo adimendum esse, quantopere intersit ipsum falsa gloriatione deiici, palàm constare debet. Nam si ne tum quidem hoc homini concessum fuit vt in se gloriaretur, quum Dei beneficētia summis ornamentis esset insignitus, quantum nunc humiliari conuenit, vbi ob suam ingratitudinem ab eximia gloria in extremam ignominiam deturbatus est? Pro eo, inquam, tempore quo in summum honoris fastigium euectus erat, Scriptura nihil aliud ei tribuit quàm quòd creatus esset ad imaginem Dei: quo scilicet insinuat, non propriis bonis sed Dei participatione fuisse beatum. Quid ergo nunc superest nisi vt Deum, (cuius beneficentiæ gratus esse nō potuit, quum diuitiis gratiæ eius afflueret) omni gloria nudus ac destitutus agnoscat: & quem bonorum suorum recognitione non glorificauit, nunc salutem propriæ paupertatis confessione glorificet? Nihilo etiam minus è re nostra est, omnem sapientiæ virtutisque laudem nobis derogari, quàm ad Dei gloriam attinet: vt cum sacrilegio ruinam nostram coniungant qui aliquid vltra verum nobis largiuntur. Quid enim aliud fit, quum Marte nostro docemur contendere, nisi quòd baculo arundineo in sublime euehimur, quo mox confraeto decidamus? Quanquam nimis etiamnum commendantur vires nostræ, dum baculo arūdineo comparantur. Fumus enim est quicquid de illis vani homines commenti sunt & garriunt. Quare non abs re toties ab Augustino præclara ista sententia repetitur, præcipitari magis à suis defensoribus liberum ar-

Hæc duo præcipitia notat Augustinus Epist. 47. & in Iohan. cap. 12.

bitrium, quàm stabiliri. Hæc præfari necesse fuit propter nonnullos, qui, dum audiunt humanam virtutem funditus everti, vt Dei virtus in homine a dificetur, totam hanc disputationem pessimè oderunt quasi periculofam, nedum superuacuum: quam tamen & in religione necessariam, & nobis vtilissimam esse apparet.

2 Nunc consideremus, quum paulo antè dixerimus in mente & corde sitas esse animæ facultates, quid pars vtraque polleat. Philosophi sanè magno consensu rationem in mente confidere fingunt, quæ instar lampadis consiliis omnibus præluceat, & instar reginæ volutatem moderetur. Ita enim luce diuina perfusam esse, vt optimè consulere: eo vigore præstare, vt optimè imperare queat. Sensum cōtrā torpere & lippitudine teneri, vt semper humi serpat, & in crassioribus obiectis volutetur, nec vnquam se attollat ad veram perspicaciam. Appetitū, si rationi parere sustineat, nec sensui subigendum se permitat, ad studium virtutum ferri, rectam viam tenere, & in volutatem formari: quod si in seruitutem sensus se addicat, ab eo corrumpi & deprauari, vt in libidinem degeneret. Atque omnino quum ex eorum opinione illæ quas suprà dixi animæ facultates infideant, intellectus, sensus, & appetitus, seu volutās: (quæ appellatio iam vulgatiore vsu recepta est) intellectum ratione præditum asserunt optima ad bene beatæque viuendum moderatrice, ipse modò se in sua præstātia sustineat, ac vim sibi naturaliter inditam exerat. Inferiorē autem eius motionē, quæ sensus dicitur, quæ ad errorē & hallucinationē abstrahitur, talem esse vt rationis ferula domari & paulatim profligari queat. Volutatem porrò inter rationē & sensum mediam locant, sui scilicet iuris & libertatis compotem, siue rationi obtemperare, siue sensui rapiendam se prostituere libeat.

3 Non inficiantur quidem interdum, ipsa nimirum experientia conuicti, quāta cum difficultate rationi apud se regnum homo stabiliat: dum nunc titillatur voluptatum illecebris, nunc falsa bonorum imagine deluditur, nunc impotēter percutitur immoderatis affectibus, & tanquam funibus, vel neruis (vt ait Plato) in diuersum abripitur. Quæ etiam ratione Cicero dicit illos à natura datos igniculos, prauis opinionibus malisque moribus mox extingui. Vbi verò semel occuparunt in animis hominum eiusmodi morbi, impotētius grassari fatentur quàm vt facillè coercere eos liceat: nec dubitant ferocibus equis comparare, qui exturbata ratione, ceu auriga excusso, intemperanter ac sine modo lasciuiant. Hoc tamen extra controuersiam ponunt, virtutes & vitia in nostra esse potestate. nam si nostræ (inquiunt) electionis est hoc aut illud agere: ergo & nō agere. Rursum si non agere: ergo & agere. Libera autē electione agere videmur quæ agimus, & ab iis abstinere, quibus abstinemus: ergo siquid boni agimus vbi libeat, possumus illud omittē: siquid mali perperamus, possumus id quoque fugere. Quinetiam eò licentiæ quidam eorum proruperunt, vt iactarint deorum quidem esse munus, quod viuimus: nostrum verò, quod bene sanctæque viuimus. vnde & illud Ciceronis in persona Cottæ, quia sibi quisque virtutē acquirit, neminem ex sapientibus vnquam de ea gratias Deo egisse. Propter virtutem enim laudamur, inquit, & in virtute gloriamur. quod non fieret si donū esset Dei, non à nobis. Ac paulo post, iudicium hoc omnium mortalium est, fortunam à Deo petendam, à seipso sumendam esse sapientiam. Hæc ergo philosophorum omnium sententiæ summa est, humani intellectus rationem rectæ gubernationi sufficere: voluntatem illi subiacentem, à sensu quidem ad mala sollicitari: sed, vt liberam electionem habet, impediri nequaquam posse quin rationem ducem per omnia sequatur.

4 Inter scriptores Ecclesiasticos tamen nemo extitit qui non agnosceret & sanitatem rationis in homine grauitex peccato vulneratam, & voluntatem prauis cupiditatibus valde implicitam esse: multi tamen eorum longè plus æquo philosophis acceperunt. Ex quibus veteres mihi videntur hoc consilio vires humanas sic extulisse, ne si impotentiam disfertē essent confessi, primū philosophorum ipsorum cachinnos, quibuscum tunc certamen habebant, excuterent: deinde carni suapte sponte nimis ab bonum torpenti nouā desidiæ occasionem præberent. Ergo nequid communi hominum iudicio absurdum traderent, Scripturæ doctrinam cum philosophiæ dogmatibus dimidia ex parte cōciliare studium illis fuit: præcipuè tamen secundum illud spectasse, ne desidiæ locum facerēt, ex eorum verbis apparet. Habet Chrysostomus alicubi, Quoniam bona & mala in nostra Deus potestate posuit, electionis liberum donauit arbitrium: & inuitos non retinet, sed volentes amplectitur. Item, Sæpe qui malus est, si voluerit, in bonum mutatur: & qui bonus, per ignauiam excidit, & fit malus. quia liberi arbitrii esse nostrā naturam fecit Dominus: nec imponit necessitatem, sed congruis remediis appositis totum iacere in ægrotantis sententia finit. Item, Sicut nisi gratia Dei adiuti, nihil vnquā possumus rectè agere: ita nisi quod no-

Lib. 1. de leg.
Lib. 3. Tusc.
Quæst.

Vide apud Arist.
lib. 3. Ethic. cap. 5.

Seneca.
3. de Nat.
deorum.

Homil. de
prodit. Iudæ.

Homil. 18. in
Genesin.

Homil. 52.

strum est attulerimus, non poterimus supernum acquirere fauorem. Dixerat autē prius, Ut non totum diuini sit auxilii, simul nos aliquid afferre oportet. Adeoque verbum hoc illi passim familiare est, Afferamus quod est nostrum, reliqua Deus supplebit. Cui cōsentaneum quod ait Hieronymus, Nostrum esse incipere, Dei autem perficere: nostrū offerre quod possumus, illius implere quod non possumus. Vides certē iis sententiis homini plus quā par erat ad virtutis studium illos esse largitos: quia putabant se nō aliter torporem nobis ingentū posse expergefacerē, quā si solo ipso nos peccare arguerent. id autē quanta dexteritate ab illis factū sit, postea videbimus. Certē, quas retulimus sentētiās, esse falsissimas, paulo pōst cōstabit. Porro tamen Grāci prae aliis, atque inter eos singulariter Chrysostomus, in extollenda humanae voluntatis facultate modū excesserūt, veteres tamen omnes, excepto Augustino, sic in hac re aut variant, aut vacillant, aut perplexē loquuntur, ut certi ferē nihil ex eorum scriptis referre liceat. Itaque enumerandis singulorum sententiis exactius non insistemus: sed carptim ex vnoquoque tantum delibabimus quantum argumenti explicatio exigere visa fuerit. Qui postea sequuti sunt (dum pro se quisque in humanae naturae defensione argutiae laudem captat) sensim alii post alios in deterius cōtinuō delapsi sunt: donec eō ventum est ut vulgō putaretur homo, sensuali tantum parte corruptus, habere prorsus incolumem rationem, voluntatem etiam maiori ex parte. Interea voluit illud in ore omnium, naturalia dona in homine corrupta esse, supernaturalia verō ablata. Sed quorsum tenderet vix centesimus quisque leuiter gustauit. Ego certē si dilucidē tradere velim qualis sit naturae corruptela, his verbis facillē sim contentus. Sed magnopere interest attentē expendi quid homo & in cunctis naturae suae partibus vitiatus, & donis supernaturalibus exutus valeat. Nimis ergo philosophicē hac de re loquuti sunt qui se Christi iactabant esse discipulos. Nā quasi adhuc integer staret homo, semper apud Latinos liberi arbitrii nomen extitit. Grācos verō non puduit multo arrogantius vsurpare vocabulum. siquidem αὐτὸνομον dixerunt, ac si potestas sui ipsius penes hominē fuisset. Quoniam ergo ad vulgus etiam ipsum omnes hoc principio imbuti sunt, prae dictum esse libero arbitrio hominem, nonnulli autem eorum qui eximii volunt videri, quousque id extendatur nesciunt: nos vim vocis prius excutiamus, tū ex Scripturae simplicitate exequamur quid suapte natura homo ad bonum aut malum polleat. Liberū arbitrium quid esset, quum in omnium scriptis identidem occurrat, pauci definierūt. Videtur tamen Origenes id de quo passim inter eos conueniebat, posuisse, quum dixit, Facultatem esse rationis ad bonum malūve discernendum: volūtatis ad vtrumuis eligendum. Nec ab eo variat Augustinus, quum docet facultatem esse rationis & voluntatis, qua bonum eligitur gratia assistente: malum, ea desistente. Obscurius Bernardus, dum vult argutē loqui, qui ait esse consensum, ob voluntatis inamissibilem libertatē, & rationis indeclinabile iudicium. Nec satis popularis Anselmi definitio, qui tradit esse potestatem seruandī rectitudinē propter seipsam. Itaque Petrus Lombardus & Scholastici Augustini definitionem magis amplexi sunt, quia & apertior erat, & gratiam Dei non excludebat: sine qua voluntatem sibi per se non sufficere videbant. Sua tamen & ipsi afferunt, siue quae meliora esse, siue quae facere putabant ad maiorem explicationem. Principiō consentiunt, nomen arbitrii magis ad rationem referendum, cuius est discernere inter bona & mala: epithetum liberi, ad voluntatem propriē pertinere, quae ad vtrumque flecti possit. Quare quum libertas propriē voluntati cōueniat, Thomas optimē quadrare dicit si liberum arbitrium dicatur vis electiua, quae mixta quidem ex intelligentia & appetitu, magis tamen ad appetitum inclinet. Iam habemus in quibus sitam esse doceant vim liberi arbitrii, in ratione scilicet & volūtate. nūc quantum vtrique parti tribuant, breuiter videndum superest.

Communiter solent res medias, quae scilicet nihil ad regnum Dei pertinent, sub libero hominis consilio ponere: veram autem iustitiam ad specialem Dei gratiam & spiritualement regenerationem referre. Quod dum vult ostendere author operis De vocatione Gentium, triplicem voluntatem numerat: primam sensitiuam, alteram animalem, tertiam spiritua-

lem: quarum priores duas homini liberas esse tradit, vltimam opus esse Spiritus sancti in homine. Quod an verum sit, suo loco tractabitur. nunc enim recensere breuiter aliorū sententias, non refellere propositum est. Hinc fit ut quum de libero arbitrio agunt scriptores, non quid ad ciuiles seu externas actiones, sed quid ad diuinā Legis obedientiam valeat, in primis requirant. Quam posteriorem quaestionem sic praecipuam esse fateor, ut illam arbitrer non prorsus negligendam. Cuius sententiae spero me optimam rationem redditurum. Obtinuit autem in scholis distinctio, quae triplicem libertatem numerat: à necessitate primam, secundam à peccato, tertiam à miseria. quarum prima sic homini naturaliter inhæ-

Dialog. 3. cō-
tra Pelag.

Lib. 3. medi
ap. 1.

Lib. 2. sent.
distinct. 24

Part. 1. quaest.
83. art. 3

Lib. 1. cap. 2

Responsum quodammodo
distinctionis
perindeque vult.

reat ut nequeat vlllo modo eripi, duæ alteræ per peccatum sint amissæ. Hæc distinctionem ego libenter recipio, nisi quod illic necessitas cum coactione perperam confunditur: inter quas quantum sit discriminis, & quàm necessario considerandum, alibi apparebit.

6 Hoc si recipitur, extra controuersiam erit, non suppetere ad bona opera liberum arbitrium homini, nisi gratia adiuuetur, & gratia quidem speciali, qua electi soli per regenerationem donantur. Nam phreneticos nihil moror, qui gratiam pariter & promiscuè expostam esse garriunt. Sed nondum istud liquet sitne in totum priuatus bene agendi facultate, an habeat adhuc nonnullam, sed pusillam & infirmam: quæ per se quidem nihil possit, opitulante verò gratia, suas ipsa quoque partes agat. Id dum vult expedire Magister sententiarum, duplicem gratiam necessariam esse nobis docet, quo reddamur ad bonum opus idonei. Alteram vocat Operantem, qua fit ut efficaciter velimus bonum: Cooperantem alteram, quæ bonam voluntatē sequitur adiuuādo. In qua partitione hoc mihi displicet, quòd dum gratiæ Dei tribuit efficacem boni appetitum, innuit hominem iam suapte natura, bonum quodammodo, licet ineffaciter, appetere. sicut Bernardus bonam quidem voluntatem opus Dei esse asserens, homini tamen hoc concedit, ut motu proprio bonam eiusmodi voluntatem appetat. Sed istud ab Augustini mente procul abest, à quo tamen sumpsisse partitionem videri vult Lombardus. In secūdo membro ambiguitas me offendit, quæ peruersam genuit interpretationē. Ideo enim putarunt nos secundæ Dei gratiæ cooperari, quòd nostri iuris sit primam gratiam vel respuendo irritam facere, vel obediēter sequendo confirmare. Quod author operis De vocatione Gentium sic exprimit, Liberum esse iis qui rationis iudicio vtuntur, à gratia discedere: ut non discessisse sit præmium, & ut quod non potest nisi Spiritu cooperante fieri, eorū meritis deputetur quorū id potuit voluntate nō fieri. Hæc duo notare obiter libuit, ut videas iam lector quantum à sanioribus Scholasticis dissentiam. Longiore enim intervallo à recentioribus Sophistis differo, quanto scilicet à vetustate longius abscefferunt. Vt cūque, ex hac tamen partitione intelligimus qua ratione liberum dederint arbitrium homini. Pronuntiat enim tandem Lombardus, non liberi arbitrii ideo nos esse quòd ad bonum & malum vel agēdum vel cogitandum peræque poleamus: sed duntaxat quòd coactione soluti sumus. Quæ libertas non impeditur, etiam si prauī simus, & serui peccati, & nihil quàm peccare possimus.

7 Liberi ergo arbitrii hoc modo dicitur homo, non quia liberam habeat boni æquè ac mali electionem: sed quia malè voluntate agit, non coactione. Optimè id quidem: sed quorsum attinebat rem tantulam adeò superbo titulo insignire? Egregia verò libertas, si homo quidem non cogitur ad seruiendum peccato: sic tamen est ἐξ ἀνάγκης, ut vincia teneatur peccati compedibus eius voluntas. Equidem λογισματίας abominor, quibus frustra Ecclesia fatigatur: sed religiosè cenſeo cauendas eas voces quæ absurdum aliquid sonant: præsertim vbi perniciosè erratur. Quotus autem, quæso, quisque est, qui dum assignari homini liberū arbitrium audit, non statim concipit illum esse & mentis suæ & voluntatis dominum, qui flectere se in vtramvis partem à seipso possit? Atqui (dicet quispiam) sublatū erit huiusmodi periculum, si de significatione diligenter plebs admonetur. Imò verò quum in falsitatem vltro humanum ingenium propendeat, citius errorem ex verbulo vno hauriet quàm veritatē ex proluxa oratione. Cuius rei certius habemus in hoc ipso vocabulo, quàm optandum sit, experimentum. Illa enim veterum interpretatione prætermiſſa, tota ferè posteritas in verbi etymo dum hæret, in exitialem confidentiam euecta est.

8 Quòd si nos Patrum autoritas mouet: illi quidem assiduè in ore habēt vocabulum, sed simul declarant quanti faciant illius vsum. In primis Augustinus, qui non dubitat seruum appellare. Alicubi succenset aduersus eos qui liberū negant arbitrium: sed præcipientem rationem declarat, quum ait, Tantum ne audeat quisquā sic negare volūtatis arbitrium, ut velit excusare peccatum. At certè alibi fatetur sine Spiritu non esse liberam hominis voluntatem, quum cupiditatibus vincientibus ac vincentibus subdita sit. Item, victa vitio in quod cecidit voluntate, cœpisse carere libertate naturam. Item, hominem libero arbitrio malè vsum, & se & arbitrium suum perdidisse. Item, liberum arbitrium captiuatum, nequid possit ad iustitiam. Item, liberum non fore, quod non Dei gratia liberauerit. Item, iustitiam Dei non impleri, quum Lex iubet, & homo quasi suis viribus facit: sed quum Spiritus adiuuat: & hominis non libera, sed à Deo liberata voluntas obsequitur. Atque horum omnium rationē breuiter reddit, quum alibi scribit, hominē magnas liberi arbitrii vires, quū cōderetur, accepisse: sed peccando amisse. Itaque alibi, postquam ostendit liberū arbitrium constitui per gratiam, acriter in eos inuehitur, qui sibi illud arrogant sine gratia. Ut quid ergo, inquit, miseri homines aut de libero arbitrio audent superbire, antequam li-

Lib. 2. dist. 26.

De libero arbitrio.

Lib. 2. cap. 4.

Lib. 2. sent. distinct. 25.

Lib. 1. contra Iulianum.
Homil. 53. in Johan.
Ad Anast. epist. 44.
De perf. iust.
Ench. ad Laurent. cap. 30.
Lib. 3. ad Bonifac. cap. 8.
Lib. 3. cap. 7.
Lib. 1. ad Bonifaciu cap. 3.
Lib. 3. cap. 7.
Lib. de verb. Apost. ser. 3.
Lib. de spiritu & litera, cap. 30.

berentur: aut de suis viribus, si iam liberati sunt? Nec attendunt in ipso nomine liberi arbitrii utique libertatē sonare. Vbi autem Spiritus Domini, ibi libertas. Si ergo serui sunt peccati, quid se iactant de libero arbitrio? A quo enim quis deunctus est, huic & seruus additus est. Si autem liberati sunt, quid se iactant velut de opere proprio? An ita liberi sunt, ut nec serui eius esse velint qui dicit, Sine me nihil potestis facere? Quid, quod alio etiā loco videtur iocose eludere vsum eius vocis, quum dicit, liberum quidē esse arbitrium, sed non liberatum: liberum iustitiæ, seruum peccati. Quam sententiam alibi quoque repetit & explicat, vbi docet liberum à iustitia non esse hominem, nisi arbitrio voluntatis: à peccato autem non fieri liberum nisi gratia Saluatoris. Qui libertatem hominis nihil aliud esse sibi testatur quàm emāipationem, vel manumissionē à iustitia, illius inane nomen videtur bellè irridere. Itaque si quis vocis huius vsum nō praua intelligentia permittat, per me quidem non vexabitur ob eam rem: sed quia sine ingenti periculo non posse retineri censeo, magno contrā Ecclesiæ bono futurum si aboleatur: neque ipse vsurpare velim, & alios, si me consulant, abstinere optarim.

2. cor. 3. d. 17

Iohan. 15. a. 5

De corrept. & grat. cap. 13

9 Magnum mihi præiudicium attulisse forsan videar, qui scriptores omnes Ecclesiasticos, excepto Augustino, ita ambiguè aut variè in hac re loquutos esse confessus sum, ut certum quippiam ex eorum scriptis haberi nequeat. Hoc enim perinde nonnulli interpretantur quasi à suffragii iure depellere ideo ipsos voluerim quia mihi sint omnes aduersarii. Ego verò nihil aliud spectavi quàm quod volui simpliciter ac bona fide cōsultum piis ingeniis: quæ si eorum sententiam hac in parte expectent, semper incerta fluctuabunt: ad cō nunc hominē liberi arbitrii viribus spoliatum, ad solam gratiam confugere docent: nunc propriis ipsum armis aut instruunt, aut videntur instruere. Difficile tamen factum non est, ut appareat eos in huiusmodi loquendi ambiguitate, humana virtute nihil aut quàm minimo æstimata, totam Spiritui sancto bonorum omnium laudem detulisse: si quasdā eorum sententias huc inferam quibus id clarè docetur. Quid enim sibi vult illud Cypriani, toties ab Augustino celebratum, De nullo gloriandum: quia nihil nostrū est, nisi ut homo prorsus apud se exinanitus, à Deo totus pendere discat. Quid illud Augustini & Eucherii, dum lignum vitæ Christum esse exponunt, ad quem qui manum porrexerit, viuet: lignum scientiæ boni & mali, voluntatis arbitrium, de quo, qui relicta gratia Dei gustauerit, morietur: Quid illud Chrysostomi, Quod omnis homo nō modò naturaliter peccator, sed totus peccatū est: Si nihil boni nostrū est, si homo à vertice ad calcem totus est peccatum, si ne tentare quidem licet quantum valeat arbitrii facultas: qui iam inter Deum & hominem laudem boni operis partiri liceat? Possem eiusmodi formæ permulta ex aliis referre: sed nequis cauilletur, me seligere sola ea quæ causæ meæ seruiunt, quæ autē aduersantur, callidè præterire, ab hac recitatione abstinco. Audeo tamē hoc affirmare, ut cūque nimii interdum sint in libero arbitrio extollendo, hunc tamen illis propositū fuisse scopum, ut hominē à virtutis suæ fiducia penitus auersum, in Deo vno fortitudinē suā repositā habere doceant. Nunc ad simplicē veritatis explicationē in cōsideranda hominis natura venio.

Lib. de prædest. sanct. Item ad Bonif. cum lib. 4. & alibi Lib. in Genesin. Homil. in aduentu.

10 Quod tamē initio huius capituli præfatus sum, cogor rursus hīc repetere, Ut quisque maximè suæ calamitatis, inopiæ, nuditatis, ignominie conscientia deiectus est & consternatus, ita optimè in sui cognitione profecisse. Non enim periculum est ne sibi nimium adimat homo, dummodo recuperandum in Deo discat quod sibi deest. At sibi ne tantillum quidem sumere ultra ius suum potest, quin & inani confidentia se perdat, & diuinum honorem ad se traducēs, immanis sacrilegii reus fiat. Et sanè quoties hæc libido mentem nostram incessit ut aliquid nostrū habere expetamus, quod in nobis scilicet potius quàm in Deo resideat, cogitationē hanc nō ab alio consiliario, sciamus nobis suggeri quàm qui primos parentes induxit ut diis esse similes vellent, scientes bonum & malum. Si verbum diabolicū est, quod hominem in seipso erigit, illi ne locum demus: nisi ab hoste consilium capere libet. Dulce quidē est, tātum habere propriæ virtutis ut in teipso acquiescas: sed, ne ad inanem istam fiduciam illectemur, deterreant nos tot graues sententiæ, quibus si uerè prosterminur: quales sunt, Maledictum esse qui confidit in homine, & ponit carnem brachium suum. Item, Non delectari Deum robore equitibias viri illi non placere: sed affici erga timentes se, suspicientes bonitatem suam. Item, Ipsum esse qui dat lasso vires, & virtute defecto robur auget: qui facit ut fatigentur & laborent adolescentes, iuuenes impingant: qui autē in ipso vno sperant, roborentur. Quæ omnes cōspectant, ut ne quantulacunque fortitudinis nostræ opinione nitamur, si Deū volumus habere propitium, qui superbis resistit, humilibus autem dat gratiam. Tum in memoriam rursus veniant istæ promissiones, Effundam aquam super sitientem, & flumina super aridam. Item, Omnes sitient

Iere. 17. a. 5

Psalm. 147. b. 10

Iesai. 40. g. 29

Iac. 4. b. 6

Iesai. 44. a. 3

Idem 55. a. 1

Iesa. 60. d. 19
tes venite ad aquas. Quæ testantur, ad percipiendas Dei benedictiones nullos admitti nisi suæ paupertatis sensu tabescentes. Nec prætereundæ eiusmodi, qualis ista est Iesaiæ, Non erit amplius tibi sol ad lucendum per diem, neque luna ad lucendum per noctem: sed erit tibi Dominus in lucem sempiternam. Solis certè aut lunæ splendorem non aufert Dominus seruis suis: sed quia vult in ipsis solus gloriosus apparere: ab iis etiam quæ habentur eorum opinione excellentissima, fiduciam eorum procul auocat.

11
Homil. de
perf. Euang.
Epist. 56. ad
Diosco.
Homilia in
Iohan. 49
Lib. de natura
& gratia,
cap. 51
In psal. 45
Semper sanè mihi vehementer illud Chrysostomi placuit, Fundamentum nostræ philosophiæ esse humilitatem. magis etiamnum illud Augustini, Quemadmodum, inquit, rhetor ille rogatus quid primum esset in eloquentiæ præceptis: respondit pronuntiatione: quid secundum, pronuntiationem: quid tertium, pronuntiationem. ita si me interroges de religionis Christianæ præceptis, primò, secundò, & tertio & semper respondere liberet humilitatem. Porro humilitatem non intelligit, vbi homo aliquatæ virtutis sibi còscius à superbia fastuque abstinet: sed vbi talem se verè sentit qui nullum habeat nisi in humilitate refugium, quemadmodum alibi declarat. Nemo, inquit, se palpet: de suo Satanas est: id vnde beatus est, à Deo tantum habet. Quid enim de tuo habes nisi peccatum? Tolle tibi peccatum, quod tuum est: nam iustitia Dei est. Item, Quid tantum de naturæ possibilitate præsumitur: vulnerata, sauciata, vexata, perdita est. Vera còfessione, non falsa defensione opus habet. Item, Quando quisque cognoscit quòd in seipso nihil est, & adiutorium de se nullum habet: arma in ipso confRACTA sunt, bella sedata sunt. Necessè autem est vt conterantur omnia impietatis arma, confringantur, comburantur: remaneas inermis, nullum habeas in te adiutorium. Quanto magis in te infirmus es, tanto magis te suscipit Dominus. Sic in Psalmum septuagesimū, iustitiæ nostræ reminisci nos vetat, quo Dei iustitiam agnoscamus: ac Deum ostendit sic nobis gratiam suam commédare, vt nos nihil esse sciamus. Stare tantum Dei misericordia, quum à nobis ipsis non nisi mali simus. Ne hîc ergo de iure nostro cum Deo contendamus, ac si salutem nostram decederet quod illi tribuitur. Si quidem vt nostra humilitas, eius est altitudo: ita confessio nostræ humilitatis, miseratione eius in remedium paratam habet. Neque verò exigo vt homo non conuictus, vltro cedat: & si quas facultates habet, ab iis animum auertat, quo in veram humilitatē subigatur: sed vt seposito φιλαυτίας & φιλονεικίας morbo (quo excaecatus, & quo altius de se sentit) in veraci Scripturæ speculo seipsum probè recognoscat.

12
Iohan. 1. a. 5
Ac illa quidem vulgaris sententia quam sumpserunt ex Augustino, mihi placet, naturalia dona fuisse corrupta in homine per peccatum, supernaturalibus autem exinanitum fuisse. Nam hoc posteriore membro intelligunt tam fidei lucem quàm iustitiam, quæ ad cælestem vitam æternamque foelicitatem adipiscendam sufficerent. Ergo se abdicās à regno Dei, simul priuatus est spiritualibus donis, quibus in spem salutis æternæ instructus fuerat. vnde sequitur, ita exulare à regno Dei, vt quæcūque ad beatam animæ vitam spectant, in eo extincta sint, donec per regenerationis gratiam ipsa recuperet. In his sunt, fides, amor Dei, charitas erga proximos, sanctitatis & iustitiæ studium. Hæc omnia quum nobis restituat Christus, aduentitia censentur, & præter naturam: ideoque fuisse abolita colligimus. Rursum sanitas mentis & cordis reëctitudo simul fuerunt ablata. atque hæc est naturalium donorum corruptio. Nam etsi aliquid intelligentiæ & iudicii residuum manet vnà cum voluntate, neque tamen mentem integram & sanam dicemus, quæ & debilis est, & multis tenebris immersa. & prauitas voluntatis plus satis nota est. Quum ergo ratio qua discernit homo inter bonum & malum, qua intelligit & iudicat, naturale donum sit, non potuit in totum deleri: sed partim debilitata, partim vitiata fuit, vt deformes ruinæ appareant. Hoc sensu dicit Iohannes lucem adhuc in tenebris lucere, sed à tenebris nō comprehendi: quibus verbis vtrunque clarè exprimitur, in peruersa & degenerare hominis natura micare adhuc scintillas, quæ ostendant rationale esse animal, & à brutis differre, quia intelligentia præditum sit: & tamen hanc lucem multa ignorantia densitate suffocari, vt efficaciter emergere nequeat. Sic voluntas, quia inseparabilis est ab hominis natura, non perit: sed prauis cupiditatibus deuincta fuit, vt nihil rectum appetere queat. Hæc quidem plena est definitio, sed quæ pluribus explicanda est. Ergo, vt secundum primam illam distinctionem, qua hominis animam in intellectum & voluntatem partiti sumus, orationis ordo procedat: vim intellectus priore loco excutiamus. Perpetuæ cæcitatē ita eum dāmnare, vt nihil intelligentiæ vllò in genere rerum reliquum facias, nō modò verbo Dei, sed sensus etiam communis experimento repugnat. Videmus enim insitum esse humano ingenio desiderium nescio quod indagandæ veritatis, ad quam minimè aspiraret nisi aliquo eius odore antè percepto. Est ergo iam hæc nonnulla humani intellectus perspicitæ,

quòd veritatis amore naturaliter rapitur: cuius neglectus in brutis animalibus arguit crassum absque ratione sensum. Quanquam hæc qualiscunque appetentia, antequam cursus sui stadium ingrediatur, deficit: quia mox concidit in vanitatē. Siquidem mens hominis, præ hebetudine, rectam veri inuestigandi viam tenere nequit: sed per varios errores vagatur, & tanquam in tenebris palando subinde impingit, donec tandem palata evanescat. ita veritatem quærendo, quam sit ad ipsam quærendā & inueniendam inepta prodit. Altera deinde vanitate grauitur laborat: quòd in quarum rerum veram notitiam incumbere expediat, sæpius non discernit. Itaque in disquirendis superuacuis ac nihili rebus ridicula curiositate se torquet: ad res maximè cognitu necessarias aut non aduertit, aut contemptim & rarò desleat: studium certè suum vix vnquam seriò applicat. De qua prauitate quum passim conquerantur profani scriptores, omnes ferè se ea implicuisse comperiuntur. Quare Solomo, in toto suo Ecclesiaste, vbi ea studia est persequutus in quibus sibi videntur homines valde sapere, inania tamen esse & friuola pronuntiat.

13 Neque tamen ita conatus eius semper in irritū cedunt, quin aliquid assequatur, præsertim vbi seipsam ad inferiora ista intēdit. Quinetiam non ita stupida est quin exiguū quiddam & de superioribus delibet, vtcunque negligentius illis percōtandis vacet: non id quidem æqua facultate. Nam quū supra vitæ præsentis spatiū euehitur, tum præcipuè demū cōuincitur suæ imbecillitatis. Quare, vt melius perspiciamus quousque pro gradibus suæ facultatis in vnaquaque re procedat, distinctionē nobis proponere operæ pretiū est. Sit ergo hæc distinctio, esse aliam quidē rerum terrenarū intelligētiam, aliam verò cælestium. Res terrenas voco, quæ ad Deum regnūque eius, ad verā iustitiam, ad futuræ vitæ beatitudinem non pertingūt: sed cum vita præsentī rationē relationēque habēt, & quodammodo intra eius fines continentur. Res cælestes, puram Dei notitiam, veræ iustitiæ rationē, ac regni cælestis mysteria. In priore genere sunt, politia, æconomia, artes omnes mechanicæ, disciplinæque liberales. In secundo, Dei ac diuinæ voluntatis cognitio, & vitæ secundum eam formandæ regula. De priori autem sic fatendum, Quoniam homo animal est natura sociale, naturali quoque instinctu, ad fouendam conseruandamque eam societatem propendit: ideoque ciuilibus cuiusdam & honestatis & ordinis vniuersales impressiones inesse omnium hominū animis conspiciamus. Hinc fit vt nemo reperiatur qui non intelligat, oportere quosuis hominum cœtus legibus contineri, quique non earum legū principia mente complectatur. Hinc ille perpetuus tam Gentium omnium, quàm singulorum mortalium in leges consensus, quia insita sunt vniuersis, absque magistro aut legislatore, ipsarum semina. Neque moror dissensiones & pugnas, quæ mox emergunt, dum alii cupiunt ius & fas omne inuersum, soluta regum repagula, libidinem solam pro iure grassari, vt fures & latrones: alii (quod vitium plusquam vulgare est) iniquum esse putant quod pro æquo ab aliis sancitur: contrā, laudabile contendunt quod ab aliis vetatur. Siquidē illi non ideo leges oderunt quòd ignorent bonas & sanctas esse: sed præcipiti cupiditate furescentes, cum manifesta ratione pugnant: & quod mentis intelligentia probant, pro sua libidine abominantur. Posterius certamen tale est vt primam illam conceptionem æquitatis non dirimat. Siquidem de legum capitibus dum inter se disceptant homines, in quandam æquitatis summam consentiunt. In quo debilitas certè humanæ mētis arguitur, quæ, etiam dum viam sequi videtur, claudicat & vacillat. Manet tamē illud, inspersum esse vniuersis semen aliquod ordinis politici. Atque hoc amplū argumentum est, in huius vitæ constitutione, nullum destitui luce rationis hominem.

14 Sequuntur artes tum liberales, tum manuariæ, quibus discēdis, quia inest omnibus nobis quædam aptitudo, in eis etiam apparet vis humani acuminis. Quanquam autem non sunt omnes omnibus discendis idonei, satis tamen communis energiæ certum specimen est, quòd nemo propè reperitur cuius in arte aliqua perspicientia non se exerat. Neque sola suppetit ad discendum energia & facilitas, sed ad excogitandū in vnaquaque arte nouum aliquid, vel amplificandum & expoliendum quod alio præeunte didiceris. Quod vt Platonem perperam impulit vt traderet comprehensionem eiusmodi nihil esse quàm recollectionem: ita nos optima ratione cogit fateri, esse ingenitum humano ingenio eius principium. Hæc ergo documenta apertè testantur vniuersalem rationis & intelligentiæ cōprehensionem esse hominibus naturaliter inditam. Sic tamen vniuersale est bonum, vt in eo pro se quisque peculiarem Dei gratiam agnoscere debeat. Ad quam gratitudinem nos abundè expergeficit ipse naturæ conditor, dum moriones creat, in quibus repræsentat quibus excellat dotibus hominis anima, nisi eius lumine perfusa: quod sic naturale inest omnibus, vt prorsus gratuitum sit erga singulos beneficentiæ eius munus. Ipsarum porro

artium inuentio aut methodica traditio, aut interior & præstantior cognitio (quæ propria est paucorum) non est quidem solidum argumentum communis perspicaciæ: quia tamen promiscuè contingit piis & impiis, iure inter naturales dotes numeratur.

- 15 Quoties ergo in profanos scriptores incidimus illa, quæ admirabilis in iis affulget veritatis luce admoneamur, mentem hominis, quantumlibet ab integritate sua collapsam & peruersam, eximiiis tamen etiamnum Dei donis vestitam esse & exornatam. Si vnicum veritatis fontem, Dei Spiritum esse reputamus, veritatem ipsam neque respuemus, neque contemnemus, vbicunque apparebit: nisi velimus in Spiritum Dei contumeliosi esse. non enim dona Spiritus, sine ipsius contemptu & opprobrio, vilipenduntur. Quid autem? Veritatem affulxisse antiquis iureconsultis negabimus, qui tanta æquitate civilem ordinem & disciplinam prodiderunt? Philosophos cæcutisse dicemus cum in exquisita ista naturæ contemplatione, tum artificiosa descriptione? Dicemus mentem illis defuisse, qui arte differendi constituta, nos cum ratione loqui docuerunt? Dicemus eos insanisse, qui medicinam excudendo, suam industriam nobis impenderunt? Quid mathemata omnia? putabimur sine amentium deliria? Imò ne sine ingenti quidem admiratione, veterum scripta legere de his rebus poterimus: admirabimur autem, quia præclara, ut sunt, cogemur agnoscere. Porro laudabilene aliquid aut præclarum censebimus, quod non recognoscamus à Deo provenire? Pudeat nos tantæ ingratitude, in quam non inciderunt Ethnici poetæ, qui & philosophiam, & leges, & bonas omnes artes, deorum inuenta esse cõfessi sunt. Ergo quum homines istos, quos Scriptura *φύσικους* vocat, usque eò fuisse pateat in rerum inferiorum inuestigatione acutos & perspicaces, talibus exemplis discamus quot naturæ humanæ bona Dominus reliquerit, postquam vero bono spoliata est.

Exod. 31. a. 2,
& 35. d. 30

- 16 Neque tamen interim obliuiscamur hæc præstâtissima diuini Spiritus esse bona, quæ in publicum generis humani bonum, quibus vult dispensat. Si enim Beseleel & Oliab intelligentiam & scientiam quæ ad fabricâ tabernaculi requirebatur, oportuit à Spiritu Dei instillari: non mirum est, si earum rerum quæ sunt in vita humana præstantissimæ, cognitio per Spiritum Dei communicari nobis dicatur. Neque est cur roget quispiâ, Quidnam cum Spiritu commercii impiis, qui sunt à Deo prorsus alieni? Nam quod dicitur Spiritus Dei in solis fidelibus habitare, id intelligendum de Spiritu sanctificationis, per quem Deo ipsi in templa consecramur. Neque tamen ideo minus replet, mouet, vegetat omnia eiusdem Spiritus virtute, idque secundum vniuscuiusque generis proprietatē, quam ei creationis lege attribuit. Quod si nos Dominus impiorum opera & ministerio, in physicis, dialecticis, mathematicis & reliquis id genus voluit adiutos, ea utamur: ne si Dei dona ultro in ipsis oblata negligamus, demus iustas ignauitæ nostræ pœnas. At verò, ne quis hominem valde beatum putet quum sub elementis huius mundi tanta veritatis comprehendendæ energia illi conceditur: simul addendum est, totam istam & intelligendi vim, & intelligentiam quæ inde consequitur, rem esse fluxam & euanidam coram Deo, ubi non subest solidum veritatis fundamentum. Verissimè enim Augustinus (cui subscribere, ut diximus, coacti sunt Magister sententiarum & scholastici) ut gratuita homini dona post lapsum detracta esse, ita naturalia hæc quæ restabant, corrupta fuisse docet. non quod per se inquinari possint, quatenus à Deo proficiuntur: sed quia polluto homini pura esse desierunt, nequam inde laudem consequatur.

Lib. 1. Dist. 35

- 7 Hæc summa sit, in vniuerso genere humano perspicere naturæ nostræ propriam esse rationem, que nos à brutis animalibus discernat, sicut ipsa sensu differunt à rebus inanimatis. Nam quod nascuntur moriones quidam, vel stupidi, defectus ille generalem Dei gratiam non obscurat: quin potius tali spectaculo monemur, quod nobis relictum est, Dei indulgentiæ meritò debere ascribi: quia nisi nobis pepercisset, totius naturæ interitum secum traxisset defectio. Quod autem alii præstant acumine, alii iudicio superant, aliis mens agilior est ad hanc vel illam artem discendam, in hac varietate gratiam suam nobis commendat Deus, ne sibi quisquam velut proprium arroget quod ex mera illius libertate fluit. Vnde enim alius alio præstantior, nisi ut in natura communi emineat specialis Dei gratia, quæ multos præteriens, nemini se obstrictam esse clamat: Adde quod singulares motus pro cuiusque vocatione Deus instillat. cuius rei multa occurrunt exempla in libro Iudicum, ubi dicitur Spiritus Domini induisse quos ad regendum populum vocabat. Denique in eximiiis quibusque factis specialis est instinctus. Qua ratione Saul sequuti sunt fortes, quorum tetigerat Deus corda. Et quum prædicitur inauguratio in regnum, ita loquitur Samuel, Transibit super te Spiritus Domini, & eris vir alius. Atque hoc ad totum gubernationis cursum extenditur: sicuti postea narratur de Dauide, quod transierit super eum Spiritus Domini à

Iudic. 6. g. 34

1. Sam. 10. b. 6

1. Sam. 16. c. 13

die illa in posterum. Sed idem alibi traditur quoad particulares motus. Imò apud Homerum ingenio pollere dicuntur homines non modò prout cuique distribuit Iuppiter, sed *Odyss.* *ἰοὺν ἡμῶν ἀπὸ δ' ἰσθμῶν*. Et certè experientia ostendit, dum attoniti sæpe hærent qui maximè ingeniosi erant ac solertes, in manu & arbitrio Dei esse mentes hominum, vt eas singulis momentis regat: qua ratione dicitur auferre sensum prudētibus, vt errent per inuia. Cæterùm *Psal. 107.* in hac diuersitate conspiciamus tamen aliquas imaginis Dei superstites notas, quæ totum *d. 40* humanum genus ab aliis creaturis distinguant.

18 Nunc exponendum est quid cernat humana ratio, vbi ad regnum Dei venit & spiritualementem illam perspicientiam: quæ tribus potissimum rebus constat, Deum nosse, paternum erga nos eius fauorem, in quo salus nostra consistit: & formandæ secundum legis regulam, vitæ rationem. Cum in primis duobus, tum verò in secundo propriè, qui sunt hominum ingeniosissimi, talpis sunt cæciores. Equidem non inficior, sparsim quædam apud philosophos de Deo legi scitè & appositè dicta: sed quæ vertiginosam quandā imaginationem semper resipiant. Præbuit quidem illis Dominus, vt suprà dictum est, exiguum diuinitatis suæ gustum, ne ignorantiam impietati obtenderet: & eos interdū ad dicenda nonnulla impulit, quorum confessione ipsi conuincerentur: sed ita viderunt quæ videbant, vt tali intuitu minimè ad veritatem dirigerentur, nedum pertingeret. qualiter nocturni fulgetri coruscationem, qui in medio agro est viator, longè latèque ad momentum videt: sed adeò euanido aspectu, vt antè noctis caligine resorbeatur, quàm pedè mouere queat: tantum abest vt in viam tali subsidio deducatur. Præterea illæ veritatis guttulæ, quibus libros tanquam fortuitò aspergunt, quot & quàm portentosis mēdaciis sunt inquinatæ: Denique illam diuinæ erga nos beneuolentiæ certitudinem (sine qua hominis ingenium immensa confusione repleri necesse est) ne olfecerūt quidem vnquam. Ad hanc ergo veritatem nec appropinquat, nec contendit, nec collimat humana ratio, vt intelligat quis sit verus Deus, qualisve erga nos esse velit.

19 Sed quia falsa perspicaciæ nostræ opinione ebrii, ægerrimè nobis persuaderi sinimus, illam in rebus diuinis cæcam prorsus esse & stupidam: satius, opinor, fuerit Scripturæ testimoniis, quàm rationibus id comprobare. Hoc pulcherrimè docet Iohannes, eo quem nuper citauimus loco, quum scribit in Deo ab initio fuisse vitam, & eam vitam quæ esset lux hominum: lucem hanc in lenebris lucere, & à tenebris non comprehendì. Indicat quidem hominis animam fulgore diuinæ lucis irradiari, vt nunquam planè vel exigua saltem eius flamma, vel saltem scintilla destituatur: sed ea tamen illuminatione Deum non comprehendere. Cur id: quia eius acumen, quantum ad Dei notitiam, mera est caligo. Quū enim Spiritus homines appellat tenebras, eos semel spoliat omni spiritualis intelligentiæ facultate. Quare fideles, qui Christum amplectuntur, non ex sanguinibus, neque ex voluntate carnis aut viri, sed ex Deo natos asserit. Quasi diceret, non esse tam sublimis sapientiæ capacem carnem, vt Deum, & quod Dei est, suscipiat, nisi Dei Spiritu illuminetur. Quem admodum testatus est Christus, hanc specialem esse Patris reuelationem, quòd à Petro *Iohan. 1. a. 4* agnosceretur. *Ibidem. b. 13* *Matt. 16. c. 17*

20 Si persuasum nobis foret (quod extra controuersiam esse debet) naturæ nostræ deesse quicquid cælestis Pater electis suis per Spiritum regenerationis confert, hinc nulla esset hæsitandi materia. Sic enim loquitur populus fidelis apud Prophetam, Quoniam apud te est *Psal. 34. b. 10* fons vitæ, & in lumine tuo videbimus lumē. Idem testatur Apostolus, quum ait neminem *1. Cor. 12. a. 3* posse dicere Dominum Iesum, nisi in Spiritu sancto. Et Iohannes Baptista, stuporem discipulorum videns, exclamat, neminem posse accipere quicquam, nisi datum illi fuerit de *Iohan. 3. d. 17* super. Donum autem ab eo intelligi de speciali illuminatione, non communi naturæ dote, inde constat, quòd tot verbis, quibus Christum commendauerat discipulis suis, nihil se profecisse conqueritur. Video, inquit, verba nihil esse ad mētes hominum de rebus diuinis imbuendas, nisi Dominus per Spiritum suum intelligentiam dederit. Quinimo Moses, dum populo exprobrat suam obliuionē, simul tamen notat, non aliter ipsum posse in mysteriis Dei sapere, nisi ipsius beneficio. Viderunt, inquit, oculi tui signa illa portentaque *Deut. 29. a. 2* gentia: & non dedit tibi Dominus cor ad intelligendum, nec aures ad audiendum, nec oculos ad videndum. Quid plus exprimeret, si nos vocaret stipites in operibus Dei considerandis: Vnde Dominus per Prophetam, singularis gratiæ loco, pollicetur se daturum Israelitis *Ier. 24. c. 7* cor, vt ab illis cognoscatur: nimirum innuens, tantum hominis mentem spiritualiter sapere, quantum abs se illustrata fuerit. Hoc quoque sua voce dilucidè confirmauit Christus, *Iohan. 6. c. 44* quum diceret neminem venire ad se posse, nisi cui datum à Patre suo foret. Quid? annon ipse est viua Patris imago, in qua totus gloriæ eius splendor nobis exprimitur? Ergo non

- potuit melius ostendere qualis sit nostra ad cognoscendum Deum facultas, dum ad cernendam eius imaginem, ubi ita palam exhibetur, oculos nobis esse negat. Quid? Annon ideo in terras descendit ut Patris voluntatem hominibus patefaceret? Annon sua quoque legatione fideliter defunctus est? Ita est sanè. sed nihil efficitur eius prædicatione, nisi interior magister Spiritus viam ad animos patefaciat. Ergo non veniunt ad eum, nisi qui à Patre audierunt & edocti sunt. Quæ ista discendi & audiendi ratio? Nempe ubi aures ad audiendum, & mentes ad intelligendum, Spiritus mira & singulari virtute format. Ac ne illud nouum videatur, Iesaiæ vaticinium citat, ubi dum Ecclesiæ instaurationem promittit, eos Dei discipulos fore docet qui in salutem colligentur. Si aliquid peculiare de electis suis illic prædicit Deus, constat non de eo doctrinæ genere ipsum loqui quod impiis etiâ & profanis commune est. Restat igitur ut intelligamus, nemini patere in regnum Dei ingressum nisi cui nouam mentem Spiritus sanctus sua illuminatione fecerit. Omnium verò clarissimè Paulus, qui disputationem hanc ex professo ingressus, postquam stultitiæ ac vanitatis damnauit vniuersam hominum sapientiam, adeoque prorsus exinaniuit, ita cõcludit demum, Animalem hominem non posse percipere quæ sunt Spiritus Dei: stultitiam esse illi, nec posse intelligere, quia spiritualiter diiudicantur. Quem vocat animale: nempe qui naturæ lumine nititur. Ille, inquam, nihil in spiritualibus mysteriis Dei comprehendit. Quid ita? quia per ignauiam negligit? Imò, etiam si enitatur, nihil potest: quia scilicet spiritualiter diiudicantur. Quid istud significat? quia humanæ perspicaciæ penitus abscondita, per solam Spiritus reuelationem patefiunt: adeò ut pro stultitia ducantur, ubi Spiritus Dei nõ illucet. Antè autem supra oculorum, aurium, mentium capacitatem extulerat quæ præparauit Deus diligentibus se. quin sapientiam humanam, quasi velum quoddam esse testatus fuerat, quo mens à cernendo Deo impeditur. Quid volumus? pronuntiat Apostolus, infatigatam à Deo sapientiam huius mundi: & nos scilicet acumen illi tribuemus, quo ad Deum & cælestis regni adyta penetrare possit: Facessat à nobis tanta vecordia.
- 21 Itaque quod hîc detrahit hominibus, alibi soli Deo tribuit in precatione. Deus, inquit, & Iphes. i. c. 17 Pater gloriæ det vobis Spiritum sapientiæ & reuelationis. Iam audis, omnem sapientiam & reuelationem esse Dei donum. Quid tum præterea? Illuminatos oculos mentis vestræ. Certè si noua reuelatione indigent, à seipsis cæcutiunt. sequitur deinde, Ut sciatis quæ sit spes vocationis vestræ, &c. Ergo tantæ intelligentiæ non esse capaces hominum mentes ut vocationem suam nouerint, fatetur. Neque hîc garriat Pelagianus quispiam, huic vel stupiditati, vel ruditati Deum succurrere, dum verbi sui doctrina eò dirigit hominis intellectum, quò, sine duce, peruenire non poterat. Habebat enim Dauid Legem, in qua quicquid sapientiæ desiderari potest, comprehensum erat: neque tamen eo contentus, oculos sibi retegere postulat, ut Legis ipsius mysteria consideret. Qua certè locutione innuit, solem exoriri terris, ubi hominibus, Dei verbum elucet: verum eos non multum inde consequi, donec oculos vel deriderit vel aperuerit ille ipse qui ideo pater luminum vocatur, quia ubicumque Spiritu suo non resplendet, omnia tenebris occupantur. Sic & Apostoli ab optimo quidem magistro rite & Iohā. 14. d. 26 abundè edocti fuerant: nisi tamen indigerent Spiritu veritatis qui eorum mentes hac ipsa doctrina, quam antè audierant, erudiret, non illum expectare iuberentur. Si quod petimus à Deo, deesse nobis confitemur, & ipse in eo quod promittit, nostram arguit inopiam: nemo iam fateri dubitet, se tantum ad intelligenda Dei mysteria valere, quantum eius gratia fuerit illuminatus. Qui sibi plus intelligentiæ tribuit, eo cæcior est, quòd cæcitatem suam non agnoscit.
- 22 Restat tertium illud membrum, de cognoscenda vitæ probè instituendæ regula, quam verè operum iustitiæ notitiam nuncupamus: ubi videtur mens humana esse aliquanto Rom. 1. b. 14 quàm in superioribus acutior. Siquidem testatur Apostolus, Gentes quæ Legem non habent, dum Legis opera faciunt, sibi pro Lege esse, ac ostendere opus Legis scriptum in cordibus suis, testimonium illis reddente conscientia, & cogitationibus inter se accusantibus, aut excusantibus coram iudicio Dei. Si Gentes naturaliter Legis iustitiam habent mentibus suis insculptam, certè non dicemus eas in vitæ ratione prorsus cæcutire. Et nihil est vulgatius, quàm lege naturali (de qua istic Apostolus loquitur) hominem sufficienter ad rectam vitæ normam institui. Nos verò expendamus, quorsum indita hominibus hæc Legis notitia fuerit: tum protinus apparebit quousque illos ad rationis veritatisque scopum deducat. Id quoque ex Pauli verbis liquet, si quis dispositionem obseruet. Dixerat paulo antè, eos qui in Lege peccauerunt, per Legem iudicari: qui sine Lege peccauerunt, sine Lege perire. Hoc quia poterat absurdum videri, ut sine vlllo iudicio præcedente Gentes pereant, continuò subiicit, suam illis conscientiam esse vice Legis: ideòque ad iustam earum da-

mnatione sufficere. Finis ergo legis naturalis est, ut reddatur homo inexcusabilis. Nec male hoc modo definietur, Quod sit conscientiae agnitio, inter iustum & iniustum sufficienter discernentis: ad tollendum hominibus ignorantiae praetextum, dum suo ipsorum testimonio redarguuntur. Ea est hominis erga seipsum indulgentia, ut in malis perpetrandis libenter mentem à peccati sensu, quoad licet, semper auertat. Qua ratione videtur impulsus fuisse Plato, ut existimaret non peccari nisi ignorantia. Id quidem ab eo conuenienter dictum foret, si humana hypocrisis tantum in tegendis vitiis proficeret, ut mens non sibi male conscia esset coram Deo. Sed quum subterfugiens peccator impressum sibi boni & mali iudicium, illuc identidem retrahatur, nec coniuere ita permittatur quin cogatur, velit nolit, aliquando aperire oculos: falso dicitur, ipsum ignorantia sola peccare.

In Pre

23 Verius Themistius, qui intellectum in definitione vniuersali, seu rei essentia, rarissime falli docet: hallucinationem esse, quum ultra progreditur: nempe quum ad hypothesin descendit. Homicidium esse malum, si in genere quaeratur, nemo erit qui non affirmet: qui autem conspirat in mortem inimici, tanquam de re bona deliberat. Adulterium in genere damnabit adulter: in suo priuatim sibi blandietur. Haec est ignorantia, dum homo, ubi ad hypothesin ventum est, eius regulae obliuiscitur quam in thesi nuper constituerat. De qua re elegantissime differit Augustinus in expositione primi versus Psalmi 57. Quanquam ne istud quidem est perpetuum. sic enim interdum flagitii turpitudine conscientiam urget, ut non sibi imponens sub falsa boni imagine, sed sciens & volens in malum ruat. Ex quo affectu prodeunt istae voces, video meliora, proboque: Deteriora sequor. Quare mihi scitissime Aristoteles inter incontinentiam & intemperantiam videtur distinxisse. Vbi incontinentia regnat, dicit per affectum perturbatum seu *πάθος* particularem notitiam menti eripi, ne malum obseruet in suo facinore, quod generaliter in similibus cernit: ubi deferbuit perturbatio, poenitentiam extemplo succedere. Intemperantiam autem non extinguere aut frangi peccati sensu, sed contra obstinate in suscepta mali electione persistere.

Paraphrasis
de animarum
cap. 46.Medea apud
Ovidium.
Lib. Eth. 7.
cap. 3.

24 Porro quum iudicium vniuersale audis in boni & mali discrimine, ne sanum ubique & integrum esse putes. Nam si in hunc tantum finem, iusti & iniusti delectu imbuta sunt corda hominum ne ignorantiae excusationem praetexant, minimè necessarium est veritatem in singulis cernere: sed satis superque est, eatenus intelligere, ne tergiuersari queant quin teste conscientia conuicti iam nunc ad Dei tribunal horrere incipiant. Et si rationem nostram volumus ad Dei Legem exigere, quae perfectae est iustitiae exemplar, comperiemus quam multis partibus caecutiatur. Certè quae in prima tabula praecipua sunt, minimè assequitur: qualia sunt, de fiducia in Deum, de virtutis & iustitiae laude illi tribuenda, de nominis eius inuocatione, de vero sabbathismo. Quae vnquam anima, naturali sensu freta, subodorata est in his & similibus positum esse legitimum Dei cultum? Nam quum volunt profani homines Deum colere, etiam si centies reuocentur ab inanibus suis nugis, semper tamen illuc relabuntur. Negant quidem placere Deo sacrificia, nisi accedat mentis synceritas. quo testantur aliquid se concipere de spirituali Dei cultu, quem tamen falsis commentis statim peruertunt. Nam quicquid de eo Lex praescribit, verum esse nunquam illis persuaderi poterit. Dicamne praestare vlla perspicacia mentem, quae nec per se sapere, nec monitionibus auscultare valet? In secundae tabulae praecipuis aliquanto plus habet intelligentiae: quo scilicet ad ciuilem inter homines societatis conseruationem propius accedunt. Quanquam & hic deliquium interdum pati deprehenditur. excellentissimo enim cuique ingenio absurdissimum est, iniquam ac nimis imperiosam dominationem ferre, siqua modo ratione depellere queat. Nec aliud est iudicium humanae rationis, quam seruilis esse abiectionis animi patienter eam ferre: rursus honesti ingenuique pectoris, excutere. Nec verò iniuriarum ultio pro vitio ducitur apud Philosophos. Atqui Dominus nimia ista ingenuitate damnata, illam apud homines infamem patientiam suis praescribit. Omnino autem in vniuersa Legis obseruatione perspicientiam nostram fugit concupiscentiae animaduersio. Non enim adduci se sustinet animalis homo ut cupiditatum suarum morbos recognoscat. Antè suffocatur naturae lumen quam ad primum huius abyssi ingressum accedat. Nā dum Philosophi pro vitiis notant immoderatos animi motus, illos extantes & se crassioribus signis exercentes intelligunt: quae autem placide titillant animum praua desideria, nihili reputant.

25 Quare, ut supra merito reprehensus est Plato quod omnia peccata ignorantiae imputaret, ita & eorum est repudianda opinio qui consultam malitiam & prauitatem in omnibus peccatis intercedere tradunt. Nimum enim experimur quoties labamur cum bona nostra intentione. Tot obruitur hallucinationum formis nostra ratio, tot erroribus est obno-

xia, in tot impedimenta impingit, tot angustiis irretitur, vt plurimum à certa directione absit. Quàm verò nihili sit coram Domino in cunctis vitæ partibus, Paulus ostendit, dum 2. Cor. 3. b. 5 negat nos idoneos qui cogitemus ex nobis quippiam, tanquam ex nobis. Non de voluntate loquitur aut affectu: sed hoc quoque adimit nobis, ne putemus in mentem venire nobis posse quomodo ritè quippiam agendum sit. Itane deprauata est omnis industria, perspicacitas, intelligentia, cura, vt rectum nihil coram Domino excogitare aut meditari queat: Nobis nimirum qui rationis acumine (quam pretiosissimam dotem reputamus) agrè patimur spoliari, durum id nimis videtur: Spiritui autem sancto æquissimo, qui nouit omnes cogitationes sapientum vanas esse, & qui clarè pronuntiat, omne signum humani cordis tantummodo malum. Si quicquid ingenium nostrum concipit, agitat, instituit, molitur, semper malum est, quò in mentem nobis veniat instituire quod Deo placeat, cui sola sanctitas & iustitia accepta est: Ita videre est, mentis nostræ rationem, quoquo se vertat, esse vanitati misère obnoxiam. Huius imbecillitatis sibi consciuserat Dauid, quum petebat sibi dari intellectum ad mandata Domini rectè discenda. Innuit enim, suum ingenium nequaquam sufficere, qui nouum obtingere sibi cupit. Neque id semel facit: sed in vno Psalmo decies fere repetit eandem precationem. Qua repetitione subindicat quanta ad petendum necessitate vrgeatur. Et quod ille sibi vni petit, Paulus communiter Ecclesiis precari solet. Non cessamus, inquit, orare pro vobis & postulare vt impleamini agnitione Dei in omni prudètia & intelligentia spirituali, vt ambuletis dignè Deo, &c. Quoties autem eam rem Dei beneficium facit, meminerimus eum simul testari, non esse in hominis facultate positam. Adeò autem hunc rationis defectum ad intelligenda quæ Dei sunt agnouit Augustinus, vt non minus necessariam mētibus illuminationis gratiam putet, quàm oculis solis lucem. Nec eo contentus, correctionem subiicit, quòd oculos ipsi aperimus ad cernendam lucem: mentis autem oculi, nisi à Domino aperiuntur, clausi manent. Neque vno tantum die illuminari mentes nostras docet Scriptura, vt deinde per se videant: quia ad cōtinuos progressus & incrementa pertinet quod nuper adduxi ex Paulo. Et hoc disertè exprimit Dauid, his verbis, In toto corde meo exquisiui te, ne errare me facias à mandatis tuis. Nam quum regenitus esset, ad cōque non vulgariter profecisset in vera pietate, fatetur tamen assidua directione se opus habere in singula momenta, ne à scientia qua præditus est declinet. Itaque alibi rectum spiritum, quem sua culpa perdidit, innouari petit: quia eiusdem Dei est, quod initio dederat, ablatum nobis ad tempus restituere,

26 Examinanda nunc voluntas, in qua præcipuè arbitrii libertas vertitur, quandoquidem magis huius esse electionem, quàm intellectus, antè visum est. Principiò, nequid ad humanæ voluntatis rectitudinem pertinere videatur quod à Philosophis traditum, publico cōsensu receptum est, omnia naturali instinctu bonum appetere: obseruemus, liberi arbitrii vim non considerandam in eiusmodi appetitu qui magis ab essentiæ inclinatione quàm mentis deliberatione profisciscitur. Nam & scholastici fatentur nullam esse liberi arbitrii actionem nisi dum se ratio vertit ad opposita. quo intelligunt, oportere appetitus obiectū tale esse quod electioni subiaceat: & deliberationem præire, quæ electioni viam sternat. Et sanè si respicias quale sit istud naturale boni in homine desiderium, inuenies illi cū belluis esse commune. Siquidem & illæ bene sibi esse cupiunt: & vbi species boni, quæ sensum moueat, apparet, cōsequuntur. Homo verò, nec id quod verè sibi bonum sit, pro naturæ suæ immortalis excellentia, ratione deligit, vt id studio persequatur: nec rationem adhibet in consilium, nec mentem intendit: sed sine ratione, sine consilio, naturæ inclinationem, instar pecudis, sequitur. Nihil ergo hoc ad arbitrii libertatem, an homo sensu naturæ ad bonum appetendum feratur: sed hoc requiritur, vt bonum recta ratione diiudicet, cognitum eligat, electum persequatur. Ac necui scrupulus inhæreat, aduertendus est duplex parallogismus. Nam & appetitus hinc non proprius voluntatis modus, sed naturalis inclinatio: & bonum, non virtutis aut iustitiæ appellatur, sed conditionis: vt scilicet homo bene habeat. Denique vt maximè appetat homo assequi quod bonum est, non tamen sequitur. sicuti nemo est cui non grata sit aterna beatitudo, ad quam tamen nemo nisi Spiritus impulsu aspirat. Quando igitur nihil ad probandam arbitrii libertatem facit naturale hominibus bene habèdi desiderium, non magis scilicet quàm in metallis & lapidibus, ad essentiæ suæ perfectionem inclinans affectio: in aliis consideremus, sitne penitus ita omni ex parte vitata corruptaque voluntas, vt nihil nisi malum generet: an particulam aliquam illæsam retineat, vnde nascantur bona desideria.

27 Qui primæ Dei gratiæ tribuunt vt efficaciter velimus, è conuerso innuere videntur, inesse facultatem animæ vtrò ad bonum aspirandi, sed imbecilliorē quàm quæ in soli-

dum affectum emergere, aut conatum excitare possit. Nec dubium quin hanc opinionem, ab Origene & veterum quibusdam sumptam, Scholastici communiter amplexi sint: quando solent hominem in puris, ut loquuntur, naturalibus reputare qualem describit Apostolus his verbis, Non quod volo bonum, hoc facio: sed quod nolo malum, hoc ago. Velle adiacet mihi, perficere autem non inuenio. Sed perperam hoc modo inuertitur tota, quam illic exequitur Paulus, disputatio. Tractat enim de lucta Christiana (quam breuius attingit ad Galatas) quam fideles in cōsistū carnis & spiritus in se perpetuò sentiunt. Porro Spiritus non à natura est, sed à regeneratione. Loqui autem Apostolum de regeneratis inde constat, quòd ubi dixerat in se bonum nullum habitare, subnectit expositionem, quòd intelligat de carne sua. Ideoque negat se esse qui malum faciat, sed peccatum in se inhabitans. Quid sibi vult ista correctio, In me, hoc est in carne mea? Nempe ac si in hunc modum loqueretur, Non habitat in me bonum à me ipso: nam in carne mea nihil boni reperire est. Hinc sequitur illa species excusationis, Non facio malum ipse, sed quod habitat in me peccatum. quæ solis regeneratis competit, qui præcipua animæ parte ad bonum tendunt. Iam verò quæ subiicitur conclusio totum hoc liquidò declarat. Condelector, inquit, Legi secundum interiorem hominem: video autem aliam legem in membris meis, repugnantem legi mentis meæ. Quis in se tale dissidium habeat, nisi qui Spiritu Dei regeneratus, reliquias carnis suæ circumfert? Proinde Augustinus, quum sermonem illum de hominis natura aliquando haberi putasset, interpretationem suam, tanquam falsam & male congruentem, retractauit. Et verò si illud recipimus, homines sine gratia habere quamlibet pusillos, aliquos tamen ad bonum motus, quid respondebimus Apostolo, neganti vel ad cogitandum aliquid nos esse idoneos: Quid Domino per Moysen pronuntianti, omne figmentum humani cordis tantummodo malum esse? Quum ergo falsa loci vnius sententia impegerint, non est quòd eorum sententiam moremur. Potius valeat hoc Christi, Qui facit peccatum, seruū esse peccati. Peccatores sumus omnes natura: itaque sub peccati iugo detinemur. Quòd si totus homo peccati imperio subiaceret, ipsam certè voluntatem, quæ præcipua est eius sedes, arctissimis vinculis constringi necesse est. Nec verò aliter constaret illud Pauli, Deum esse qui velle in nobis operatur, si qua voluntas præcederet Spiritus gratiā. Facebat igitur quicquid de præparatione multi nugati sunt: quia etsi interdum petunt fideles cor sibi formari ad Legis Dei obsequium (sicuti David pluribus locis) notandum tamen est hoc quoque precandi desiderium à Deo esse: quod ex eius verbis colligere licet. nam quum optet in se cor mundum creari, certè creationis initium sibi non arrogat. Ideo apud nos potius valeat illud Augustini, Præueniet te Deus in omnibus: præueni & tu aliquādo eius irā. Quomodo? Confitere ista omnia à Deo te habere: quicquid boni habes esse ab ipso: à te, quicquid est mali. Et paulo post, Nostrum nihil nisi peccatum.

Rom. 7. e. 15, & d. 19

Gal. 5. c. 17.

Rom. 7. d. 11

Lib. ad Boni. 1. cap. 10, & in retract.

1. Cor. 3. b. 5

Gen. 8. d. 21

Iohan. 8. d. 34

Phil. 2. b. 13

Psal. 51. c. 12

De verbis Apost. post. serm. 10

Ex corrupta hominis natura nihil nisi damnable prodire.

CAP. III.



SED melius homo vtraque animæ parte cognosci non potest, quàm si cum suis elogiis in medium prodeat, quibus à Scriptura insignitur. Si totus depingitur his Christi verbis, Quod natum est ex carne, caro est (ut euincere promptum est) valde miserum esse animal conuincitur. Affectus enim carnis, teste Apostolo, mors est: quandoquidem inimicitia est aduersus Deum, eoque Legi Dei nec subditur, nec subdi potest. Itane est peruersa caro, ut toto suo affectu simultatem aduersus Deum exerceat? ut cum Legis diuinæ iustitia consentire nequeat? ut nihil denique parere queat, nisi mortis materiam? Nunc fac in hominis natura nihil esse nisi carnem: & inde quippiam, si potes, boni elice. At Carnis vocabulum ad sensualem pertinet tantum, non ad superiorem animæ partem. Id verò ex verbis & Christi & Apostoli abunde refellitur. Argumentum est Domini, oportere hominem renasci: quia caro est. Non secundum corpus renasci præcipit. Animo autem non renascitur, si corrigatur aliqua eius portio: sed ubi tota renouatur. Idque confirmat utroque loco posita antithesis. sic enim carni comparatur Spiritus, ut nihil relinquatur medium. Ergo quicquid non est spirituale in homine, secundum eam rationem dicitur carneum. Nihil autem habemus Spiritus, nisi per regenerationem. Est igitur caro quicquid habemus à natura. Verum de ea re si qua aliàs posset esse dubitatio, ea nobis à Paulo tollitur: ubi descripto veteri homine, quem dixerat corruptum esse concupiscentiis erroris, iubet nos renouari spiritu mentis nostræ. Vides eum non ponere illicitas ac prauas cupiditates in parte sensitiua modò, sed in ipsa etiam mente: atque ideo eius exigere renouationem. Et sanè eam humanæ naturæ imaginem paulo antè depinxerat, quæ nulla in parte nos non corruptos ac peruersos esse ostenderet. Nam quòd Gentes

Iohan. 3. a. 6
Rom. 8. b. 6

Iohan. 3. a. 6

Ephes. 4. c. 19

- omnes scribit ambulare in vanitate mentis suæ, obtenebratas esse intelligentia, alienatas à vita Dei, propter ignorantiam quæ in ipsis est, & cæcitatem cordis sui: minimè est dubium quin competat in eos omnes quos Dominus ad rectitudinem suæ tum sapientiæ, tum iustitiæ nondum reformauit. Quod etiam clarius fit ex comparatione mox adiuncta: ubi fideles admonet quòd non ita didicerint Christum. Siquidè ex istis verbis colligimus, Christi gratiam vnicum esse remedium quo ab illa cæcitare & malis inde consequentibus liberemur. Nam & ita de regno Christi vaticinatus erat Iesaias, quum Dominum Ecclesiæ suæ fore in lucem sempiternam promitteret: quum interim tenebræ obtegerent terram, & caligo populos. Quum in sola Ecclesia exorituram Dei lucem testetur: extra Ecclesiam certè non nisi tenebras & cæcitatem relinquit. Non recensebo sigillatim quæ in hominis vanitatem passim, in Psalmis præsertim & Prophetis, habentur. Magnum est quod scribit David, Si cum vanitate appendatur, ipsa fore vaniorem. Graui telo confoditur eius ingenium, quum omnes quæ inde prodeunt cogitationes, vt stultæ, friuolæ, insanæ, perversæ, irridentur.
- 2 Nihilo leuior est cordis condemnatio, quum fraudulentum dicitur præ omni re & peruersum. Sed, quia breuitati studeo, contentus ero vno tantum loco: qui tamen lucidissimè speculi instar futurus sit, in quo totam naturam nostram imaginem intueamur. Apostolus enim, dum humani generis arrogantiam vult deicere, his testimoniis agit, Quòd non est iustus quisquam, non est intelligens, aut requirens Deum. Omnes declinauerunt, simul inutilis facti sunt: non est qui faciat bonum, ne vnus quidem. Sepulchrum patens est guttur eorum, linguis suis dolose agunt, venenum aspidum sub labiis eorum. Quorum os maledictione plenum, & amaritudine: quorum veloces pedes ad effundendum sanguinem: in viis quorum contritio & infelicitas: quibus præ oculis non est timor Dei. His fulminibus non in certos homines, sed in vniuersam filiorum Adam nationem inuchitur. Neque in vnus aut alterius seculi deprauatos mores declamat: sed accusat perpetuam naturam corruptionem. Siquidem propositum illi est eo loco non simpliciter homines obiurgare, quo resipiscant: sed docere potius ineluctabili calamitate omnes oppressos, è qua emergere non possint nisi misericordia Dei eruantur. Id quia probari non poterat nisi de clade & exitio naturæ constitisset: protulit hæc testimonia, quibus plusquam perditam esse naturam nostram conuincitur. Maneat ergo hoc, non prauæ duntaxat consuetudinis vitio tales esse homines quales hinc describuntur, sed naturæ quoque prauitate: quando non aliter stare potest Apostoli argumentatio, Nullam esse homini salutem nisi à Domini misericordia: quia in se perditus est & deploratus. Non hic laborabo in approbanda testimoniorum applicatione, necui videantur intempestiue vsurpata. Perinde agam ac si à Paulo primum hæc dicta foret, non è Prophetis desumpta. Initiò adimit homini iustitiam, id est integritatem & puritatem: deinde intelligentiam. Intelligentiæ autem defectum arguit apostasia à Deo: quem requirere, primus est sapientiæ gradus. illud autè necesse est iis euenire qui à Deo defecerunt. Subnequit, omnes declinasse, & quasi putridos esse redditos: nullum esse qui faciat bonum: tum flagitia, quibus singula sua membra contaminant qui in nequitiam semel soluti sunt, adiungit. Postremò timore Dei vacuos testatur, ad cuius regulam gressus nostri dirigi debuerant. Si istæ sunt hæreditariæ humani generis dotes, frustra in natura nostra aliquid boni requiritur. Equidè fateor non omnia hæc in vnoquoque homine flagitia emergere: inficiari tamen non licet quin hydra ista in singulorum pectoribus lateat. Na vt corpus, dum iam morbi causam & materiam inclusam in se fouet, etiamsi nondum ferueat dolor, non dicitur sanum: ita nec anima, dum talibus vitiorum morbis scatet, sana censebitur. quanquā non per omnia quadrat similitudo. In corpore enim quolibet morbo vigor vitæ superest: anima vero isto exitiali gurgite imersa, non ex vitiis modò laborat, sed omni bono prorsus vacua est.
- 3 Eadem ferè quæ prius soluta est quæstio, ex integro nobis surgit. Omnibus enim seculis extiterunt aliqui, qui natura duce ad virtutem tota vita intenti essent. Neque moror si multi lapsus in eorum moribus notari possint: ipso tamen honestatis studio documentum ediderunt non nihil fuisse in natura sua puritatis. Quid pretii habeant coram Deo huiusmodi virtutes, tametsi plenius edifferemus ubi ageretur de operum meritis, dicendum tamen est hoc quoque loco, quatenus ad præsentis argumenti explicationem necesse est. Exemplum igitur ista monere nos videtur ne hominis naturam in totum vitiosam putemus: quòd eius instinctu quidam non modò eximiis facinoribus excelluerunt, sed perpetuo tenore vitæ honestissimè se gesserunt. Sed hic succurrere nobis debet, inter illam naturam corruptionem esse nonnullum gratiæ Dei locum, non quæ illam purget, sed intus cohibeat. Nam si singulorum animos laxis habenis Dominus in libidines quassibet exultare permitteret, nemo haud dubiè esset qui non re ipsa fidem faceret verissimè in se competere omnia ma-

in quibus vniuersam naturam damnat Paulus. Quid enim? Tene eorum numero eximas quorum pedes ad sanguinem effundendum veloces, manus rapinis & homicidiis foedatæ, P^{sal.} 14. a. 17
guttura sepulchris patentibus similia, linguæ fraudulentæ, venenata labia, opera inutilia, iniqua, putrida, lethalia: quorum animus sine Deo, quorum intima prauitates, quorum oculi ad insidias, animi ad insultandū elati, omnes denique partes ad infinita flagitia concinnatæ? Si omnibus eiusmodi portētis obnoxia est vnaquæque anima (quemadmodum audacter pronuntiat Apostolus) videmus certè quid futurum sit si Dominus humanam libidinem pro sua inclinatione vagari sinat. nulla est rabiosa bellua quæ tam præcipitater feratur: nullum est quamlibet rapidū ac violentum flumen, cuius adeo impetuosa sit exundatio. In electis suis morbos istos curat Dominus, eo què mox exponemus modo: in aliis, iniecto freno duntaxat coercet, tantū ne ebulliant, quatenus expedire prouidet ad conseruandam rerum vniuersitatem. Hinc alii pudore, alii legum metu retinentur ne in multa foeditatis genera prorumpant, vtcunque suam magna ex parte impuritatem non diffimulent. alii, quia honestam viuendi rationem conducere ducant, ad eam vtcunque aspirant. alii supra vulgare sortem emergunt, quo sua maiestate alios cōtineant in officio. Ita sua prouidentia Deus naturæ peruersitatē refrænāt, ne in actū erūpat: sed nō purgat intus.

Rom. 3. b. 17

4 Nondum tamen solutus est scrupulus. Aut enim Camillum parem Catilinæ faciamus, cōuenit: aut in Camillo habebimus exemplum, naturam, si studio excolatur, bonitate nō prorsus vacare. Ego verò fateor, quæ in Camillo fuerunt speciosæ dotes, & Dei fuisse dona, & iure commendabiles videri, si in se æstimentur. sed quomodo naturalis probitatis erunt in ipso documenta? Annon ad animum redeundum erit, & hæc ducenda ratiocinatio? Si homo animalis tali morum integritate præstitit, non deesse vtique naturæ ad virtutis studium facultatem. Quid autē si animus prauus fuerit & cōtortus. qui aliud potius quiduis quàm rectitudinem sectatus sit? Et talem fuisse nō dubium est, si animale illum hominem concedis. Quam mihi in hac parte prædicabis humanæ naturæ ad bonum potentiam, si in summa integritatis specie semper ad corruptionem ferri deprehenditur? Ergo vt hominem à virtute non commendaueris, cuius vitia sub virtutis imagine imponūt: ita humanæ voluntati recti expetendi facultatem non tribuas, quantisper ipsa in sua peruersitate defixa est. Quāquam hæc certissima est & facillima huius quæstionis solutio: non esse istas communes naturæ dotes, sed speciales Dei gratias, quas variè & ad certū modum profanis alioqui hominibus dispensat. Qua ratione, non formidamus in vulgari sermone hunc bene natum, illum prauæ naturæ dicere. Nec tamen vtrunque definimus includere sub vniuersali humanæ prauitatis conditione: sed indicamus quid specialis gratiæ in alterum Dominus contulerit, quo alterū non sit dignatus. Saulem præficere regno volens, quasi nouum hominem formauit. atque hæc ratio est cur Plato, ad Homericam fabulam alludēs, Regum filios creari dicat aliqua singulari nota insignes: quia Deus humano generi consulere volens, sæpe quos ad imperium destināt, heroica natura instruit. atque ex hac officina prodiit quicquid magnorum ducum celebrant historiæ. Idem & de priuatis hominibus censendum est. Sed quia vt præstantissimus quisque fuit, eum semper impulit sua ambitio (qua labe foedantur omnes virtutes, vt coram Deo gratiam omnem amittāt) pro nihilo ducendum est quicquid laude dignum apparet in hominibus profanis. Adde quòd præcipua pars rectitudinis deficit vbi nullum est illustrandæ Dei gloriæ studium, quo vacui sunt omnes quos Spiritu suo nō regenuit. Nec verò frustra dicitur apud Iesaiā, super Christū requiescere spiritum timoris Dei: quo docemur quicumque à Christo alieni sunt, eosdem carere timore Dei. qui sapientiæ initium est. Quantū ad virtutes quæ inani specie nos decipiunt, in foro quidem politico & in communi hominum fama habebunt laudem: apud cæleste verò tribunal nullius erunt pretii ad iustitiam promerendam.

Hæc disputat Augustinus lib. 4. contra Iulianum.

1. Sam. 10. b. 6

Iesa. 11. a. 3

Psal. 111. b. 10

5 Qua igitur peccati seruitute vinctā detinetur voluntas, ad bonum commouere se non potest, nedum applicare. eiusmodi enim motus, cōuersionis ad Deum principium est, quæ Dei gratiæ tota in Scripturis tribuitur. Quemadmodum precatur à Domino Ieremias vt se conuertat, si conuersum velit. Vnde Propheta eodem capite, spiritualement populi fidelis redemptionem describens, dicit redemptum de manu fortioris. nempe significans quàm arctis compedibus alligatus est peccator, quandiu à Domino desertus, sub iugo diaboli agit. Manet nihilominus voluntas, quæ propensissima affectione ad peccandum & propendeat & festinet. siquidem non volūtate priuatus est homo, quum in hanc necessitatē se addixit, sed voluntatis sanitate. Neque verò ineptè Bernardus, qui velle nobis omnibus inesse docet: sed velle bonū, profectus: velle malū, defectus. Ideo simpliciter velle, hominis: malè velle, corruptæ naturæ: bene velle, gratiæ. Porro quòd libertate abdicatam voluntatem

Iere. 31. c. 18

dico necessitate in malum vel trahi vel duci: mirum est sicui videatur aspera locutio, quæ nec absonum habet quippiam, nec à sanctorum vsu aliena est. Offēdit autem eos qui inter necessitatem & coactionem distinguere nesciūt. At si quis eos interroget, Annon Deus necessariò bonus sit: annò diabolus necessariò malus: quid respondeant? Sic enim cōnexa est Dei bonitas cum diuinitate, vt non magis necessarium sit ipsum esse Deum, quàm bonū. Diabolus autem per lapsum sic à boni communione alienatus est, vt nihil quàm malè agere possit. Quòd si quis sacrilegus obgāniat, Deo parum laudis ex sua bonitate deberi, ad quam seruandam cogatur: cui non erit prompta responsio, Im mēsa eius bonitate fieri ne malè agere possit, nō violenta impulsione? Ergo si liberā Dei voluntatē in bene agendo nō impedit, quòd necesse est illū bene agere: si Diabolus, qui non nisi malè agere potest, voluntate tamen peccat: quis hominem ideo minus voluntariè peccare dicet, quòd sit peccandi necessitati obnoxius? Hanc necessitatem quum vbique prædicet Augustinus, dum etiam inuidiosè Cælestii cauillo vrgeretur, ne tum quidem asserere dubitauit, in hæc verba, Per libertatem factum est vt esset homo cum peccato: sed iam pœnalis vitiositas subsequuta ex libertate fecit necessitatem. Ac quoties incidit eius rei mentio, non dubitat in hunc modū loqui de necessaria peccati seruitute. Hæc igitur distinctionis summa obseruetur, hominem, vt vitiatum est ex lapsu, volentem quidem peccare, non inuitum nec coactum: affectione animi propensissima, non violenta coactione: propriæ libidinis motu, non extraria coactione: qua tamen est naturæ prauitate, non posse nisi ad malum moueri & agi. Quod si verum est, peccandi certè necessitati subiaceret, non obscurè exprimitur. Augustino subscribens Bernardus ita scribit, Solus homo inter animalia liber: & tamen interueniēte peccato, patitur quandam vim & ipse: sed à voluntate, non à natura, vt ne sic quidem ingenta libertate priuetur. Quod enim voluntarium, etiam liberum. Et paulo pōst, Ita nescio quo prauo & miro modo ipsa sibi voluntas peccato quidem in deterius mutata, necessitatem facit, vt nec necessitas (quum voluntaria sit) excusare valeat voluntatem, nec voluntas (quum sit illecta) excludere necessitatem. Est enim necessitas hæc quedam modo voluntaria. Postea dicit nos premi iugo, non alio tamen quàm voluntariæ cuiusdam seruitutis: ideo pro seruitute esse miserabiles, pro voluntate inexcusabiles: quia voluntas, quum libera esset, seruam se peccati fecit. Tandem concludit, Ita anima miro quodā & malo modo sub hac voluntaria quadam ac malè libera necessitate & ancilla tenetur & libera: ancilla, propter necessitatē: libera, propter voluntatem: & quod magis mirum magisque miserum est, ideo rea, quòd libera: eoque ancilla, quo rea: ac per hoc, eo ancilla, quo libera. Hinc certè agnoscunt lectores nihil me nouum asserre, quod olim ex piorū omnium consensu prodidit Augustinus, & mille ferè annis postea in claustris monachorū retentū fuit. Lōbardus autem quum necessitatē à coactione distinguere nesciret, pernicioso errori materiā dedit.

6 Ex opposito reputare operæ pretium est quale sit diuinæ gratiæ remedium, quo naturæ vitiositas corrigitur ac sanatur. Nam quū Dominus in ope ferenda, quod nobis deest largiatur, vbi constiterit quale sit in nobis illius opus, quæ sit è cōuerso nostra penuria, statim elucescet. Quum dicit Apostolus Philippensibus, se confidere quòd qui cœpit in ipsis opus bonum, perfecturus sit vsque in diem Iesu Christi: non dubium quin per boni operis principium, ipsam conuersionis originem, quæ est in voluntate, designet. Bonum itaque opus inchoat in nobis Deus, iustitiæ & amorē & desiderium & studium in cordibus nostris excitando: vel (vt magis propriè loquamur) corda nostra flectendo, formando, dirigendo in iustitiam: perficit autem, ad perseuerantiam nos confirmando. Nequis à Domino bonum inchoari tergiueretur, quòd voluntas, per se infirma, adiuuetur: alibi declarat Spiritus quid valeat voluntas sibi relicta. Dabo, inquit, vobis cor nouum: spiritum nouum ponam in medio vestri: & auferam cor lapideū de carne vestra, & dabo vobis cor carneum: & Spiritum meum ponam in medio vestri, & faciam vt in præceptis meis ambuletis. Quis volūtatis humanæ infirmitatem dicet subsidio roborari, quo ad boni electionem efficaciter aspires, quum trāsformari renouarique totam oporteat? Siqua est in lapide mollities, quæ adminiculotenerior facta flexum quemlibet recipiat: neque ductile esse cor hominis negabo in recti obedientiam, modò gratia Dei quod in eo imperfectum est suppleatur. Verum si hac similitudine ostendere voluit nihil vnquam boni expressum iri à corde nostro, nisi penitus aliud fiat: ne inter ipsum & nos partiamur quod sibi vni vendicat. Si ergo lapis in carnem transformatur, quādo nos Deus ad recti studium conuertit: aboleretur quicquid est propriæ nostræ voluntatis: quod in eius locum succedit, totum à Deo est. Voluntatem dico aboleri, non quatenus est voluntas: quia in hominis conuersione integrū manet quod primæ est naturæ: creari etiam nouam dico, non vt voluntas esse incipiat, sed

Lib. de perf.
iustiti.

De nat. &
grat. & alibi

Serm. super
Cantica 81.

Philipp. 1. a. 6

Ezech. 36. f. 26

ut vertatur ex mala in bonam. Hoc in solidum à Deo fieri affirmo, quia ne ad cogitan-
 dum quidem idonei sumus, eodem Apostolo teste. Itaque alibi tradit non modò Deum o-
 pitulari infirmæ voluntati, vel prauam corrigere, sed operari in nobis velle. Vnde facile
 colligitur quod dixi, quicquid boni est in voluntate, esse vnius gratiæ opus. Quo sensu a-
 libi dicit Deum esse qui omnia operatur in omnibus. Neque enim illic de vniuersali gu-
 bernaione differit, sed bonorum omnium quibus pollent fideles, laudem asserit vni Deo.
 Omnia autem dicendo, certè ab initio ad finem vsque Deum spiritualis vitæ authorem
 facit: quod idem aliis verbis prius docuerat, fideles ex Deo esse dicens in Christo: vbi aper-
 tè nouam creationem qua aboletur quod communis naturæ est, commendat. Subaudienda
 enim est inter Adam & Christum antithesis, quam alibi clarius explicat, vbi docet nos
 esse Dei facturâ, creatos in Christo ad bona opera quæ præparauit ut in illis ambulemus.
 Hac enim ratione probare vult gratuitam esse nostram salutem: quia initium omnis bô-
 ni sit à secunda creatione quam in Christo consequimur. Atqui si qua esset vel minima ex
 nobis facultas, aliqua etiam esset meriti portio. Verùm ut nos prorsus exinaniat, nihil pro-
 meritos esse ratiocinatur, quia in Christo conditi sumus ad bona opera quæ præpara-
 uit Deus: quibus verbis iterum significat omnes bonorum operum partes à primo motu,
 Dei esse proprias. Hac ratione Propheta postquam in Psalmo dixit nos Dei esse figmentû,
 nequa fiat partitio, mox adiungit, Non fecimus nos ipsi. de regeneratione eum loqui, quæ
 principium est spiritualis vitæ, ex contextu patet, vbi cōtinuo post sequitur nos esse popu-
 lum eius, & gregem pascuorum eius. Videmus autem ut non contentus simpliciter salutis
 nostræ laudem Deo dedisse, disertè ab omni societate nos excludat: quasi diceret ne tantil-
 lum quidem restare homini in quo gloriatur, quia totum à Deo est.

2. Cor. 3. b. 3

Philip. 2. b. 13

1. Cor. 12. a. 6

Ephes. 1. a. 2

Ephes. 2. b. 10

Psal. 100. a. 3

7 Sed erunt fortè qui concedent voluntatem à bono suo pte ingenio auersam, sola Domi-
 ni virtute conuerti: sic tamen ut præparata, suas deinde in agendo partes habeat: quemad-
 modum docet Augustinus, omne bonum opus gratiam præcedere, & id comitâre, non du-
 cente: pedisse qua, non præuia voluntate. quod non male à sancto viro dictum præposterè
 huc detorquet Petrus Lombardus. Ego autem tam in Prophetæ verbis quæ citaui, quàm
 in aliis locis clarè duo signari contèdo: quòd & prauam nostram voluntatè corrigat Do-
 minus, vel potius aboleat, & à seipso bonam submittat. Quatenus à gratia præuenitur, in eo
 ut pedisse quam appelles tibi permitto: sed quia reformata, opus est Domini, hoc perpe-
 ram homini tribuitur, quòd gratiæ præuenienti, pedisse qua voluntate obsequatur. Ideo
 non rectè à Chrysostomo scriptum est, Nec gratiam sine voluntate, nec voluntatem sine
 gratia quicquam posse operari. quasi verò non ipsam quoque voluntatem operetur gra-
 tia, sicuti ex Paulo nuper vidimus. Neque verò Augustini consilium fuit, dum pedisse quâ
 gratiæ vocat humanam voluntatem, secūdas qualdam à gratia partes illi assignare in bo-
 no opere: sed quia hoc illi tantum propositū erat refellere pessimum Pelagii dogma, quod
 primam salutis causam in hominis merito ponebat: quod satis erat præsentī causæ, con-
 tendit, gratiam omni merito esse priorem: altera interim quæstione omiſsa, de perpetuo
 gratiæ effectu, quam tamen alibi egregiè tractat. Aliquoties enim dum dicit, Dominū præ-
 uenire nolentem ut velit: volentem subsequi ne frustra velit: ipsum boni operis in solidum
 facit authorem. Quanquam clariores de hac re sunt eius sententiæ quàm ut longam argu-
 mentationē desiderent. Laborant, inquit, homines inuenire in nostra voluntate quod no-
 strum sit, & non ex Deo: & quomodo inueniri possit ignoro. Libro autem contra Pelagium
 & Cælestiū primo, vbi dictū illud Christi interpretatur, Omnis qui audierit à Patre meo,
 venit ad me: Arbitrium, inquit, sic adiuuatur ut non solum quid faciendum sit sciat: sed
 quod sciuerit, etiam faciat. Atque ita quum Deus docet, non per Legis literam, sed per Spi-
 ritus gratiam, ita docet ut quod quisque didicerit, non tantum cognoscendo videat, sed et-
 iam volendo appetat, agendoque perficiat.

Ad Bonif. 2.
p. 106.Lib. 2. de re-
mil. peccatorū
cap. 18.
Ioh. 6. e. 49

8 Et quoniam in præcipuo cardine iam versamur: agedum, summam rei paucis ac a-
 pertissimis tantum Scripturæ testimoniis probatam tradamus lectoribus: tum deinde (ne
 quis nos detortæ perperam Scripturæ insimulet) ostendamus neque huius sancti viri (Au-
 gustinum dico) testimonio destitui quam ex Scriptura desumptam asserimus veritatem.
 Nam neque expedire censeo, ut quæ in sententiæ nostræ confirmationem adduci ex Scri-
 pturis possunt, ordine singula recenscantur: modò ex selectissimis, quæ proferretur, via ster-
 natur ad reliqua omnia, quæ sparsim leguntur, intelligenda. neque rursus intempesti-
 uè factum iri si palam fecero mihi cum eo viro non male conuenire cui plurimum autho-
 ritatis meritò defert piorum consensus. Certè boni exordium non aliunde quàm à solo
 Deo esse facili & certa ratione liquet. neque enim voluntas reperietur ad bonum propen-

sa nisi in electis. Atqui electionis causa extra homines quaerenda est: unde conficitur, rectam voluntatem non esse homini à seipso, sed ex eodem beneplacito, quo ante mundi creationem electi sumus, fluere. Accedit altera non absimilis ratio. nam quum bene volendi & agendi principium sit ex fide, videndum est unde sit ipsa fides. Quum verò gratuitū esse Dei donum clamet tota Scriptura, sequitur ex mera gratia esse vbi velle bonu incipimus, qui ad malum toto animo sumus naturaliter propensi. Ergo Dominus, vbi in populi sui conuersione duo hæc ponit, vt cor illi lapideum auferat, det carneum, apertè testatur oportere aboleri quod ex nobis est, quo ad iustitiam cōuertamur: quicquid autem in eius locū subit, à seipso esse. Neque id vno loco pronuntiat. dicit enim apud Ieremiam, Dabo eis cor vnum, & viam vnā, vt timeant me vniuersis diebus. Paulo post, Timorem nominis mei dabo in cor eorum, vt non recedant à me. Rursum apud Ezechielem, Dabo eis cor vnum, & Spiritum nouum dabo in visceribus eorum. Cor lapideum auferam de carne eorum, & dabo eis cor carneum. Non posset euidentius sibi vēdicare, nobis adimere, quicquid est in voluntate nostra boni & recti, quā dum conuersionē nostram, creationem noui Spiritus & noui cordis esse testatur. sequitur enim semper, & ex voluntate nostra nihil prodire boni donec reformata fuerit: & post reformationē, quatenus bona est, à Deo esse, non à nobis.

9 Sic & preces sanctorum compositæ leguntur. Inclinet cor nostrum ad se Dominus,

1. Reg. 8. g. 58
Psal. 119. 36

dicebat Salomo, vt seruemus mandata sua. Peruicaciam cordis nostri ostēdit quod in Legis diuinæ rebellionem naturaliter exultet, nisi flectatur. Idem & in Psalmo habetur, Inclina cor meum ad testimonia tua. Semper enim notāda est antithesis inter peruersum cordis motum quo fertur ad contumaciam, & correctionem hanc qua in obsequium cogitur. Dauid autem quum se directrice gratia ad tempus orbatū fuisse sentiens, Deum rogat vt cor mundū in se creet, Spiritum rectū innouet in suis visceribus, annon omnes cordis sui partes impuritate refertas agnoscit, & spiritum obliqua prauitate contortum? munditiem autem quam flagitat, Dei creaturam vocādo, an nō totam illi acceptam refert? Siquis excipiat, precationem ipsam signum esse pii sanctique affectus, prōpta est solutio, quāuis iam aliqua ex parte resipuisset Dauid, conferre tamen priorem statū cum illa tristi ruina quā expertus erat. Personā ergo hominis à Deo alienati suscipiens, meritō sibi dari petit quacunque electis suis in regeneratione confert Deus. Itaque mortuo similis, optat se iterum creari, vt ex mācipio Satanæ fiat Spiritus sancti organū. Mira sanè & portentosa superbix nostræ libido. Nihil seuerius Dominus exigit quā vt religiosissimè suum sabbathum obseruamus, quiescendo scilicet ab operibus nostris: à nobis verò nihil magis ægrè impetratur, quā vt operibus nostris valere iussis, Dei operibus iustum locū cedamus. Nisi obstaret vecordia, satis luculentum testimonium reddidit gratiis suis Christus, ne malignè superimerentur. Ego sum, inquit, vitis, vos palmites: Pater meus agricola est. Sicut palmes non potest fructum ferre à seipso, nisi manserit in vite: sic nec vos, nisi in me manseritis: quia sine me nihil potestis facere. Si non aliter per nos fructificamus, quā reuulsus à terra palmes, & humore priuatus, germinat: non est amplius quaerendum quæ sit naturæ nostræ ad bonum aptitudo. Nec ambigua est ista conclusio, Sine me nihil potestis facere. Nō dicit nos esse infirmiores quā qui nobis sufficiamus: sed nos ad nihilū redigendo, omnē vel exiguæ facultatū opinionem excludit. Si in Christo insiti fructificamus instar vitis, quæ tū à terræ humore, tū à rore cælesti, tū à solis fomēto vegetationis ducit energiā: nihil in bono opere restare nobis video, si Deo illibatū seruamus quod suum est. Nequicquā obtenditur friuola argutia, succum iam inclusum esse in palmite, & vim proferendi fructus: ideoque non omnia sumere à terra vel à prima radice, quia aliquid suum conferat. Neque enim aliud vult Christus, quā nos aridum & nihili esse lignum vbi sumus ab eo separati: quia seorsū nulla sit in nobis bene agēdi facultas, sicut alibi quoque, inquit, Omnis arbor quam non plantauerit Pater meus, eradicabitur. Quare Apostolus totam illi summā

Iohan. 15. a. 1

transcribit in loco iam citato, Deus est, inquit, qui in vobis operatur & velle & perficere. Prior pars operis boni, est volūtas: altera, validus in exequendo conatus: vtriusque author est Deus. Ergo Domino surripimus siquid nobis arrogamus aut in voluntate, aut in effectu. Si diceretur Deus opē ferre infirmæ voluntati, nobis non nihil relinqueretur: sed quū dicitur efficere voluntatem, iam extra nos, quicquid in ea bonum est locatur. Porro quoniam carnis nostræ pondere bona etiamnum voluntas obruitur, ne emergat: subiunxit, eluctandis eius pugnx difficultatibus, conatus constantiam ad effectum vsque administrari. Siquidem nec aliter constare posset quod alibi docet, vnicum esse Deum qui efficit omnia in omnibus, vbi totum spiritualis vitæ cursum comprehendendi antè docuimus. Quare

Matth. 15. b. 13

Philip. 2. b. 13

2. Cor. 11. a. 6

Psal. 86. b. 11

tione Dauid postquam vias Dei sibi patefieri precatus est, vt ambulet in eius veritate, mox

adiungit, Vnias cor meum ad timendum nomé tuum. Quibus verbis significat, etiam qui probè affecti sunt, tot esse distractionibus obnoxios vt facillè euanescent vel effluant nisi ad constantiam firmétur. Qua ratione alibi, postquam gressus suos dirigi ad seruandum Dei sermoné precatus est, robur quoque ad bellandū sibi dari postulat: Ne dominetur, inquit, Psal. 119. 73 mihi vlla iniquitas. Hunc itaque in modum & inchoat & perficit Dominus bonum opus in nobis: vt illius sit, quòd recti amorem concipit voluntas, quòd in eius studium inclinatur, quòd ad eius sectandi conatum incitatur & mouetur: deinde quòd electio, studium, conatus non fatiscunt, sed ad effectum vsque procedunt: postremò, quòd homo in illis constanter pergit, & in finem vsque perseverat.

11 Ac voluntatem mouet, non qualiter multis seculis traditum est & creditum, vt nostræ postea sit electionis, motioni aut obtemperare aut refragari: sed illam efficaciter afficiendo. Illud ergo toties à Chrysostomo repetitum repudiari necesse est, Quem trahit, volentem trahit: quo insinuat Dominum porrecta tantum manu expectare an suo auxilio iuuari nobis adlubescat. Talem fuisse hominis adhuc stantis conditionem concedimus vt potuerit ad alterutram partem inclinare: sed quum suo exemplo docuerit quàm miserum sit liberum arbitrium nisi Deus in nobis & velit & possit: quid fiet nobis si ad eum modulū suam gratiam nobis impertitur? Imò nos ipsi eam obscuramus & extenuamus nostra ingratitude. Non enim docet Apostolus, offerri nobis bonæ voluntatis gratiam si acceptemus: sed ipsum velle in nobis efficere: quod non aliud est nisi Dominum suo Spiritu cor nostrum dirigere, flectere, moderari: & in eo, tanquam in possessione sua, regnare. Nec verò per Ezechielem promittit se daturum electis Spiritum nouum hoc tantum fine vt in præceptis suis ambulare possint, sed vt re ipsa ambulent. Neque secus accipi sententia Christi potest, Ezech. 11. c. 19 & 36. f. 27. Omnis qui audiuit à Patre meo venit ad me, quàm vt efficacem à seipsa Dei gratiam doceat: quemadmodū & Augustinus cōtendit. Iohan. 6. c. 45 Qua gratia non quoslibet promiscuè dignatur Dominus, quemadmodum vulgò iactatur illud (nisi fallor) Occamicum, eam nemini denegari facienti quod in se est. Docendi quidem sunt homines, expositam esse Dei benignitatem omnibus, sine exceptione, qui eam quærunt: sed quum ii demum quærere incipiant quibus cælestis gratia aspirauit, nec hæc saltem portiuncula de eius laude decerpenda erat. Hæc est sanè electorum prærogatiua, vt per Spiritum Dei regenerati, ipsius ductu agantur ac gubernentur. Quare meritò Augustinus tam eos deridet qui aliquas volendi partes sibi arrogat, quàm reprehendit alios qui putant promiscuè dari omnibus quod speciale est, gratiæ electionis testimonium: Cōmunis (inquit) omnibus est natura, non gratia: vitreum acumen appellas quod mera vanitate splēdet vbi ad omnes generaliter extenditur, quod Deus quibus vult confert. Alibi autē, Quomodo venisti? credēdo: Time ne dum tibi arrogas quòd inuenta sit à te via iusta, pereas de via iusta. Veni, inquis, libero arbitrio: volūtate propria veni. Quid turgescis: vis nosse quòd & hoc præstitū est tibi? Ipsum audi vocantē, Nemo venit ad me, nisi Pater meus traxerit eum. Et citra cōtro- Iohan. 6. c. 45 uersiam elicitur ex Iohannis verbis, sic efficaciter gubernārī diuinitus piorum corda, vt inflexibili affectu sequātur. Qui ex Deo genitus est (inquit) nō potest peccare: quia semē Dei in ipso manet. Nam medium quem sophistæ imaginantur motū, cui obsequi vel quē repellere liberū sit, apertè excludi videmus vbi asseritur efficax ad perseverandū constātia.

12 De perseverantia nihilo magis dubium futurum erat quin habenda esset pro gratuito Dei dono, nisi inualuisset pessimus error, pro hominum merito hanc dispensari, prout se vnusquisque non ingratum primæ gratiæ præbuerit. Sed enim quoniam inde natus est quòd putabant in manu nostra esse respuere vel accipere oblatam Dei gratiā, hac opinione explosa, ille quoque sponte sua corruit. Quanquam hīc bifariam erratur. nam præterquam quòd nostram erga primam gratiā gratitudinē legitimūque vsum posterioribus remunerari docent, addunt etiam, non iam solam gratiā in nobis operari, sed esse tantum nobis cooperatricem. De priore sic habēdum est, Dominum, dum in dies locupletat, & no- Marth. 23. b. uis suæ gratiæ dotibus cumulat seruos suos, quia opus quod in illis cœpit, gratum acceptūque habet, in illis inuenire quod maioribus gratiis prosequatur. Atque huc pertinet sententiæ illæ, Habenti dabitur. Item, Euge serue bone: quia in paucis fuisti fidelis, super multa te constituam. Sed hīc duo sunt cauenda, ne aut remunerari dicatur posterioribus Luc. 19. c. 17, & d. 26 gratiis legitimus vsum primæ gratiæ, ac si homo sua ipsius industria redderet gratiam Dei efficacem: aut sic remuneratio censeatur vt desinat haberi gratuita Dei gratia. Fateor ergo expectandam esse fidelibus hanc Dei benedictionem, quo melius vsum fuerint superioribus gratiis, vt eo maioribus posthac adaugeantur: sed illum quoque vsum à Domino esse dico, & hanc remunerationem à gratuita eius beneuolentia prouenire. ac sinistrè non minus

quàm infelicitè tritam illam distinctionem vsurpant, operantis gratiæ & cooperantis. Hac quidem vsus est Augustinus, sed commoda definitione leniens, Deum cooperando perficere quod operando incipit: ac eandem esse gratiam, sed sortiri nomen pro diuerso modo effectus. Vnde sequitur, eum non partiri inter Deum & nos ac si ex proprio vtriusque motu esset mutua concurrètia: sed gratiæ multiplicationem notare. Quò pertinet quod alibi dicit, multa Dei dona præcedere bonâ hominis voluntatē, inter quæ est & ipsa. Vnde sequitur, nihil reliquum facere quod ipsa sibi arroget. Quod & Paulus nominatim expressit. Nā

Philip. 1. b. 13

quū dixisset, Deum esse qui efficit in nobis & velle & perficere, cōtinuò subdidit, vtrūque facere pro bona voluntate: hac diſtione gratuitā esse benignitatē indicans. Ad id autē quod dicere solent, postquā primæ gratiæ locū dedimus, iam conatus nostros subsequēti gratiæ cooperari, respondeo: Si intelligāt nos, ex quo si mel Domini virtute in iustitiæ obsequiū edomiti sumus, vltro pergere, & propensos esse ad sequendam gratiæ actionem, nihil reclamō. Est enim certissimū, vbi gratia Dei regnat, talem esse obsequendi promptitudinē. Vnde id tamē nisi quòd Spiritus Dei vbique sibi consentiens, quam principiò generauit obedientiæ affectionē, ad perseuerandi constantiam fouet & cōfirmat: At si hominem à seipso sumere volunt vnde gratiæ Dei collaboret, pestilentissimè hallucinantur.

12

1. Cor. 15. b. 10

Atque huc falsò per inscitiam torquetur illud Apostoli, Plus omnibus iis laboraui: non ego, sed gratia Dei mecum. Sic enim accipiunt, quia paulò arrogantius dictum videri poterat quòd se præferret omnibus, id quidem corrigere, laudem ad Dei gratiam referendo: sed ita vt se gratiæ cooperarium vocet. Ad hanc festucam mirum est tot non malos alioqui homines impegisse. Non enim gratiam Domini secum laborasse scribit Apostolus, vt se confortem laboris faciat: quin potius totam laboris laudem vni gratiæ transcribit, ista correctione, Non ego, ait, sum is qui laboraui, sed gratia Dei quæ mihi aderat. Fefellit autem eos locutionis ambiguitas: sed magis praepostera versio, in quavis Græci articuli prætermissa fuit. Nam si ad verbum reddas, nō dicit gratiam sibi fuisse cooperatricē: sed gratiam quæ sibi aderat, omnium fuisse efficiatricē. Atque id non obscurè, licet breuiter, docet Augustinus, quū ita loquitur, Præcedit voluntas bona hominis multa Dei dona, sed non omnia. Quæ autē præcedit ipsa, in eis & ipsa est. Sequitur deinde ratio: quia scriptū sit, Misericordia eius præuenit me. Et, Misericordia eius subsequetur me: nolentē præuenit, vt velit: volentē subsequitur, ne frustra velit. Cui cōsentit Bernardus, Ecclesiam ita loquentē inducēs, Trahe quodammodo inuitā, vt facias voluntariā: trahe torpentē vt reddas currentem.

Psal. 59. c. 11

Psal. 23. b. 6

Serm. 2 in Cā.

13

Cap. 2

Audiamus nunc Augustinum suis verbis loquentem, ne ætatis nostræ Pelagiani, hoc est Sorbonici sophistæ totam vetustatem nobis aduersam pro suo more criminantur. in quo scilicet patrem suum Pelagium imitantur, à quo in eandem olim arenam ipse Augustinus protractus est. Libro de correptione & gratia ad Valentinum fusius exequitur, quòd breuiter, eius tamen verbis referam, Gratiam persistendi in bono, Adæ fuisse datam si vellet: nobis dari vt velimus, ac voluntate concupiscentiam superemus. Habuisse ergo illum posse si vellet: sed non velle vt posset: nobis & velle dari & posse. Primam fuisse libertatem, posse non peccare: nostram multo maiorem, nō posse peccare. Ac ne de futura post immortalitatem perfectione loqui putetur (sicuti perperā Lombardus eò trahit) scrupulum hunc paulo post eximit. Tantūm quippe, inquit, Spiritu sancto accenditur voluntas sanctorum: vt ideo possint quia sic volūt: ideo velint, quia deus operatur vt sic velint. Nam si in tanta infirmitate, in qua tamen ad reprimendam elationem perfici virtutem decet, ipsis relinquatur voluntas sua, vt adiutorio Dei possint, si velint, nec Deus operetur in illis vt velint: inter tot tentationes infirmitate voluntas ipsa succumberet, ideoque perseuerare non possent. Subuentum est ergo infirmitati voluntatis humanæ, vt gratia diuina indeclinabiliter & inseparabiliter ageretur, ideoque quantumuis infirma non deficeret. Tractat deinde copiosius quomodo corda nostra Dei afficientis necessariò sequantur motum: ac dicit quidem Dominum homines suis voluntatibus trahere, sed quas ipse operatus est. Habemus nunc Augustini ore testatum quòd in primis obtinere volumus, non offerri tantūm à Domino gratiam, quæ libera cuiusque electione aut recipiatur aut respuatur: sed ipsam esse, quæ in corde & electionem & voluntatem formet: vt quicquid deinde sequitur boni operis, fructus sit ipsius ac effectus: nec aliam habeat sibi obsequentem voluntatem nisi quam fecit. Sunt enim eius quoque verba ex alio loco, Omne bonum in nobis opus non nisi gratiam facere.

2. Cor. 12. c. 9

Cap. 14

Epist. 105 14

Quod autem alibi dicit, non tolli gratia voluntatem, sed ex mala mutari in bonam: & quum bona fuerit, adiuuari: significat tantūm, hominem nō ita trahi vt sine motu cordis, quasi extraneo impulsu feratur: sed intus sic affici vt ex corde obsequatur. Specialiter gra-

tuitōque electis dari, in hunc modum ad Bonifacium scribit, Scimus non omnibus homi- Epist. 106
nibus dari Dei gratiam: & quibus datur, neque secundum merita operum dari, neque secu-
dum merita voluntatis, sed gratuita gratia: quibus non datur, scimus iusto Dei iudicio
non dari. Ac in eadem epistola fortiter eam opinionem impugnat, quæ hominum me-
ritis subsequenter gratiam reddi putat: quia primam gratiam non respuendo, se dignos
præstiterint. Vult enim Pelagium fateri, nobis gratiam necessariam esse ad singulas actio-
nes, neque operibus retribui, quo sit verè gratia. Sed breuiore summa comprehendere res non
potest quàm ex octauo capite libri ad Valentinum, de correptione & gratia: vbi primùm do-
cet, Quòd humana voluntas non libertate gratiam, sed gratia consequatur libertatem:
Quòd per eandem gratiam impresso delectationis affectu, ad perpetuitatem conformetur:
Quòd insuperabili fortitudine roboretur: Quòd illa gubernante, nunquam excidat: dese-
rente, protinus corruat. Quòd gratuita Domini misericordia, & ad bonum conueratur: &
conuersa, in ipso perseueret. Quòd voluntatis humanæ directio in bonum, & post directio-
nem constantia, ex sola Dei voluntate pendeat, non vllō suo merito. Ita homini tale relin-
quitur liberū arbitrium (si appellare ita libet) quale alibi scribit, quòd nec ad Deum con- Epist. 46
uertere, nec in Deo persistere, nisi per gratiam, possit: à gratia valeat quicquid valet.

Quomodo operetur Deus in cordibus hominum. C A P. IIII.



HOMINE peccati iugo ita captiuum teneri, ne ad bonum aut voto
aspirare, aut studio cōtendere suapte natura queat, sufficiēter, nisi fallor, pro-
batum est. Præterea distinctio inter coactionem & necessitatem posita fuit, vn-
de liqueret eum, dum necessariò peccat, nihilo tamē minus voluntariè pecca-
re. Sed quoniam, dum in seruitutem diabolo addicitur, illius arbitrio videtur
magis agi quàm suo, quale sit actionis vtriusque genus, expediendum restat: tum soluenda
quæstio, an aliquid in malis operibus Deo sit tribuendum, in quibus nonnullam eius a-
ctionē intercedere Scriptura insinuat. Alicubi Augustinus humanā volūtatē equo com-
parat sessoris nutum expectanti: Deum ac Diabolū, sessoribus. Si Deus illi infidet, inquit,
perinde ac moderatus & peritus sessor, compositè illam regit: tarditatem incitat, nimiam
celeritatem compescit: petulantiam luxuriāque coercet, peruicaciam retūdit, in rectam
viam deducit. quòd si eam Diabolus occupauit, instar stolidi ac petulātis sessoris per inuia
rapit, impellit in foueas, per præcipitia deuoluit, ad contumaciam ferociāque instigat.
Qua similitudine, quando melior non occurrit, in præsentia contenti erimus. Imperio igitur
Diaboli quòd animalis hominis volūtas dicitur subiaceret vt inde agitetur, non signi-
ficat ipsam reluctātem ac resistentem ad obsequia adigere (quemadmodum inuita manci-
pia obire iussa nostra dominii iure cogimus) sed Satanæ præstigiis fascinatā, illi se ad om-
nem ductum obsequentem necessariò præbere. Nam quos Spiritus sui regimine non di-
gnatur Dominus, eos ad Satanæ actionem iusto iudicio ablegat. Quare Apostolus deum
huius seculi excecasse mentes infidelibus exitio destinatis ait, ne cernant lumen Euange-
lii. Et alio loco, ipsum operari in filiis contumacibus. Excecatio impiorum, & quæcunque 2. Co. 4. a. 4
Ephes. 2. a. 1
inde sequuntur flagitia, opera Satanæ nuncupantur: quorum tamen causa extra humanam
voluntatem quærenda non est, ex qua radix mali surgit: in qua fundamentum regni Sata-
næ (hoc est, peccatum) residet.

2 Longe est alia ratio diuinæ in talibus actionis. Quæ vt certius nobis pateat, exemplo sit
calamitas à Chaldæis sancto Iob illata. Chaldæi, interēptis eius pastoribus, gregē hostili-
ter deprædantur. Iam eorum improbum facinus palam extat. neque in eo opere cessat Sa-
tan, à quo totum id prouenire narrat historia. Ipse autem Iob Domini opus in eo recognos-
cit, quē dicit sibi abstulisse quæ crepta erant per Chaldæos. Quomodo idem opus ad Deū,
ad Satanam, ad hominem authorem referamus, quin vel Satanam excusemus Dei confor-
tio, vel Deum mali authorem prædicemus? Facile, si finem agendi primū inspiciamus,
deinde modū. Domini consilium est serui sui patientiam calamitate exercere: Satan mo-
litur eum ad desperationem adigere: Chaldæi ex re aliena præter ius & fas lucrum quæ-
rere affectant. Tanta in consiliis diuersitas opus iam valde distinguit. In modo non minū
est discriminis. Satanæ affligēdum seruum suum Dominus permittit: Chaldæos, quos ad
id exequendum ministros delegit, illi permittit ac tradit impellendos: Satan alioqui pra-
uos Chaldæorum animos venenatis suis aculeis ad perpetrandū id flagitium instigat: illi
ad iniustitiam furiosè ruunt, omniāque mēbra scelere obstringunt ac contaminant. Pro-
priè ergo agere dicitur Satan in reprobis: in quibus regnum suum, hoc est nequitia, exer-
cet. Dicitur & Deus suo modo agere, quòd Satan ipse (instrumētum quum sit ira eius) pro
eius nutu ac imperio huc atque illuc se inflectit ad exequēda eius iusta iudicia. Omitto hic

vniuersalem Dei motionem, unde creaturæ omnes vt sustinētur, ita efficaciam quiduis agendi ducunt. De illa speciali actione tantum loquor quæ in vnoquoque facinore apparet. Idem ergo facinus Deo, Satanæ, homini assignari, videmus non esse absurdum: sed varietas in fine & modo facit vt illic inculcata Dei iustitia reluceat, Satanæ hominisque nequitia cum suo opprobrio se prodant.

3 Veteres religiosius interdum simplicem quoque veritatis confessionem in hac parte reformidant, quod verentur ne impietati fenestrâ de operibus Dei irreuerenter obloquendi aperiant. Quam sobrietatem vt exosculor, ita minimè periculosum iudico si simpliciter teneamus quod Scriptura tradit. Ne Augustinus quidem illa superstitione interdum solutus est: quemadmodum vbi dicit indurationem & excacationem non ad operationem Dei sed ad præscientiâ spectare. At istas argutias non recipiunt tot Scripturæ locutiones, quæ plus aliquid Dei quàm præscientiam interuenire clarè ostendunt. Et Augustinus ipse libro contra Iulianum, longa oratione contendit, non permissionis tantum aut patientiæ diuinæ esse peccata, sed etiam potētia, vt sic priora peccata puniantur. Similiter quod de permissione afferunt, dilutius est quàm vt subsistat. Sæpiissime excacare dicitur Deus & indurare reprobos, eorum corda vertere, inclinare, impellere, vt alibi fusius docui. Id quale sit, nequaquam explicatur, si confugitur ad præscientiam aut permissionem. Nos ergo duplici ratione respondemus id fieri. Siquidem quum sublato eius lumine, nihil quàm caligo & cæcitas supersit: quum ablato eius Spiritu, corda nostra in lapides obdurescant: quum cessante eius directione, in obliquitatem cōtorqueantur: rite excacare, indurare, inclinare dicitur quibus facultatem videndi, parendi, rectè exequendi adimit. Secunda ratio, quæ multo propius accedit ad verborum proprietatem, quod ad exequenda sua iudicia per ministrum iræ suæ Satanam, & cōsilia eorum destinat quod visum est, & voluntates excitat, & conatus firmat. Sic vbi recitat Moses Schon regem trāsitum non dedisse populo, quia indurauerat Deus Spiritum eius, & cor obfirmauerat, finem consilii mox subiungit, Vt daret eum in manus nostras, inquit. Ergo quia perditum Deus volebat, obstinatioc, ordi diuina fuit ad ruinam præparatio.

4 Secundum priorem rationem istud videtur dictum, Aufert labium à veracibus, & rationem tollit à senioribus. Aufert cor ab iis qui præfunt populo terræ, errare eos facit per inuium. Item, Quare cecidisti nos Domine, indurasti cor nostrum, ne timeamus te: Quandoquidem indicant potius quales Deus homines faciat deferendo, quàm qualiter opus in ipsis suum peragat. At sunt alia testimonia quæ vltra procedunt: qualia sunt de Pharaonis induratione, Indurabo cor Pharaonis, ne vos audiat, ac dimittat populum. Postea dicit se aggrauasse cor illius, & roborasse. An indurauit non emolliendo? Id quidem verum est: sed plus aliquid fecit, quod obstinatione pectus eius obfirmandum Satanæ mandauit. vnde prius dixerat, Tenebo cor illius. Egreditur populus ex Aegypto: prodeunt obuiam infestis regionis incolæ. vnde excitati? Moses certè populo assererat Dominum fuisse qui corda eorum roborasset. Propheta verò eandem historiam recitans, dicit ipsam vertisse corda eorum vt odio haberent populum suum. Iam dicere non possis destitutos Domini consilio impigisse. Nam si roborantur & vertuntur, destinatio inflectuntur ad id ipsum. Adhæc, quoties in populi transgressiones vindicare illi placuit, quomodo opus suum in reprobis adimpleuit: vt videas efficaciam agendi penes ipsum fuisse, illos ministerium duntaxat præbuisse. Quare nunc sibilo suo euocaturum se illos minabatur: nunc instar sagenæ sibi fore ad irretiendos: nunc mallei instar, ad feriendos Israelitas. Sed præcipuè tum declarauit quàm non sit otiosus in illis, dum Sennacherib securim vocat, quæ ad secandum manu sua & destinata fuit & impacta. Non male alicubi Augustinus ita definit, quod ipsi peccant, eorum esse: quod peccando hoc vel illud agant, ex virtute Dei esse, tenebras prout visum est diuidentis.

5 Porrò Satanæ ministerium intercedere ad reprobos instigandos, quoties huc atque illuc Dominus providentia sua eos destinat, vel ex vno loco satis constiterit. Dicitur enim sapius in Samuele, quod Saulem aut raptauerit aut dimiserit spiritus Domini malus, & spiritus malus à Domino. Ad Spiritum sanctum id referre nefas est. Spiritus ergo impurus, Dei spiritus vocatur, quia ad eius nutum potentiâque respondet, instrumentum magis ipsius in agendo, quàm à seipso author. Simul addendum est quod à Paulo traditur, diuinitus efficaciam erroris ac seductionis immitti, vt credant mendacio qui veritati non paruerunt. Longo tamen discrimine semper distat in eodem opere id quod agit Dominus, ab eo quod Satan & impii moluntur. Ille mala instrumenta, quæ sub manu habet & versare quolibet potest, seruire iustitiæ suæ facit. Hi, prout mali sunt, nequitiam ingenii prauitate

Lib. de Præ-
dest. & gratia

Deut. 2. f. 30

Ezech. 7. g. 16
Psal. 07. d. 40
Iob. 12. d. 20
Iesa. 63. d. 17.

Exod. 4. e. 21,
& 7. a. 3

Exod. 10. a. 1

Exod. 3. f. 19

Deut. 2. f. 30

Psal. 105. c. 25

Iesa. 5. f. 16, &
7. c. 18

Ezech. 12. d. 13
& 17. f. 20

Iere. 50. d. 23

Iesa. 10. d. 15

Aug. de præ-
dest. sanct.

1. Sam. 16. c. 14

& 18. c. 10, &
29. b. 9.

2. Thes. 2. c. 10

conceptam effectu pariunt. Reliqua quæ ad vindicandam à calumnia Dei maiestatem, tum præcidendam impiis tergiuersationem pertinent, in capite De prouidentia iam exposita sunt. Hic enim breuiter propositum modò fuit, quomodo in reprobo homine regnet Satã, quomodo in vtroque agat Dominus, indicare.

6 In actionibus autem quæ nec iustæ per se, nec vitiosæ sunt, & ad corpoream magis quam spiritualementem vitam spectant, quam libertatem obtineat homo, etsi suprà attigimus, nòdum tamen explicatum est. Nonnulli in talibus liberam ei electionem concesserunt: magis, ut arbitror, quòd de re non magni momenti disceptare nolebant, quàm quòd asserere pro certo vellent illud ipsum quod concedunt. Ego, etsi eos qui nullas esse sibi ad iustitiã vires tenet quod in primis ad salutem cognitu necessarium est tenere fateor, non tamen puto hæc quoque partem negligendam, ut nouerimus specialis esse gratiæ Domini, quoties in mentem venit eligere quod è re nostra est: quoties eò voluntas inclinatur: rursum quoties & mens & animus refugit quod alioqui erat nociturum. Atque huc se protendit diuinæ prouidentia vis, non modò ut rerum euentus succedant quemadmodum expedire prospexerit: sed ut voluntates quoque hominum eodem tendant. Equidem si sensu nostro reputamus rerum externarum administrationem, nihil dubitabimus eatenus sub humano arbitrio sitas esse: verum si aures tot testimoniis præbemus, quæ Dominum in his quoque regere animos hominum clamant, arbitrium ipsum speciali Dei motioni subiicere nos cogent. Quis Aegyptiorum voluntates Israelitis conciliauit ut pretiosissima quæque vasa illis commodatò darent? Nunquam eò animum ipsi suapte sponte induxissent. Ergo eorum animi Domino magis suberant quàm à seipsis regebantur. Nec sanè Iacob nisi persuasus esset Deum, prout visum est, hominibus inducere diuersos affectus, dixisset de filio Ioseph (quem profanum esse quempiam Aegyptiũ putabat) Det vobis Deus inuenite misericordiam coram hoc viro. Sicuti & tota Ecclesia in Psalmo fatetur, quum eius misereri voluit Deus, mäsuefacta ad clementiam ab ipso fuisse crudelium Gentium corda. Rursum quum exarsit in iram Saul ut se ad bellum accingeret, causa exprimitur, quòd cum impulerit spiritus Dei. Quis animum Absolomi auertit ab amplexando consilio Achitophel, quod esse vice oraculi solebat? Quis flexit Rehabeam, ut iuuenili consilio persuaderetur? Quis Gentes magnæ prius audaciæ perterritus ad Israelis aduentum? Id quidem diuinitus fieri confessa est meretrix Rahab. Quis rursus metu & formidine deiecit Israelis corda, nisi qui in Lege minatus est se daturum illis cor pauidum?

Exod. ii. a. 3

Gen. 43. c. 14

Psal. 106. f. 46

1. Sam. ii. b. 6

2. Sã. 17. c. 14

1. Reg. 12. b. 10

Iosue 2. b. 9

Leuit. 26. f. 36

deut. 28. g. 63

7 Excipiet quispiam, esse hæc singulæ exempla, ad quorum regulam exigere nequaquam vniuersa debeant. Ego verò dico, sufficienter iis probari quod contendo, Deum, quoties viã facere vult suæ prouidentia, etiam in rebus externis hominum volũtates flectere & versare, nec ita esse liberam ipsorum electionem quin eius libertati Dei arbitrium dominetur. Velis nolis, animum tuum à motione Dei potius quàm ab electionis tuæ libertate pendere, hæc quotidiana experientia reputare coget, quòd te in rebus minime perplexis iudiciũ & mens sæpe deficit: in rebus factu non arduis, animus flaccescit: rursum in rebus obscurissimis, expeditum statim offertur consilium: in magnis & periculosis, animus omni difficultate superior suppetit. Atque ita interpretor quod ait Solomo, Ut auris audiat, ut oculus videat, Dominus facit vtrumque. Nò enim mihi de creatione loqui videtur, sed peculiari functionis gratia. Quum verò scribit, Dominum cor Regis, quasi riuos aquarum, in manu sua tenere, & inclinare quocunque voluerit: sub vna profecto specie totum genus comprehendit. Sicuius enim voluntas omni subiectione soluta est, id iuris regiæ voluntati maxime competit, quæ in alias quodammodo regnum exercet. quòd si illa Dei manu flectitur, neque nostra eximetur ea conditione. Hac de re insignis extat Augustini sententia, Scriptura, si diligenter inspiciatur, ostendit non solum bonas hominum voluntates, quas ipse facit ex malis, & à se factas in actus bonos & vitam dirigit æternam: verum illas quæ conseruant seculi creaturam, ita esse in Dei potestate, ut eas quò voluerit, quando voluerit faciat inclinari vel ad præstanda beneficia, vel ad pœnas infligendas, occultissimo quidem iudicio, sed iustissimo.

Prou. 10. b. 11

Prou. 21. a. 1

De gratia &
Lib. arbit. ad
Valent. cap.
20.

8 Hic meminerint lectores, ab euentu rerum non esse æstimandam humani arbitrii facultatem, quod imperiti quidam præposterè facere solent. Ex eo enim pulchrè & ingeniosè sibi videntur humanam voluntatem conuincere seruitutis, quòd ne summis quidem monarchis omnia ex sententia fluant. Atqui facultas ista, de qua loquimur, intra hominem consideranda est, non ab extraneo successu metienda. Siquidem in liberi arbitrii disputatione non hoc quæritur, an homini quæcunque animo deliberarit, perficere & exequi per externa impedimenta liceat: sed an in re qualibet liberam habeat & iudicii electionem, &

voluntatis affectionem, quæ utraque si hominibus suppetat, non minus liberi arbitrii, Attilius Regulus erit, angustis dolii aculeati inclusus, quam Augustus Cæsar, magnam orbis terrarum partem nutu suo gubernans.

Obiectionum refutatio quæ pro defensione liberi arbitrii afferri solent.

C A P. V.



De humani arbitrii seruitute satis dictum videri posset, nisi qui falsa libertatis opinione præcipitare ipsum conantur, suas ex aduerso quasdam rationes obtenderent ad sententiam nostram oppugnandam. Congerunt primò absurda nonnulla, quibus eam in odium trahant, tanquam à sensu quoque communi abhorrentem: postea Scripturæ testimoniis cum ea congregiuntur. Vtrasque machinas ordine retundemus. Si peccatum, aiunt, necessitatis est, iam definit esse peccatum: si voluntarium est, ergo vitari potest. Hæc Pelagii quoque arma erant ad impetendum Augustinum: cuius tamen nomine illos nolumus prægrauari, donec de re ipsa satisfactum à nobis fuerit. Nego igitur peccatum ideo minus debere imputari, quòd necessarium est: nego rursus, consequi quod inferunt, euitabile esse, quia voluntarium sit. Si quis enim disceptare cum Deo velit, & hoc prætextu iudicium subterfugere, quoniam aliter nò potuerit: habet paratam responsionem quam alibi attulimus, non ex creatione esse, sed naturæ corruptela: quòd homines peccato mancipati nihil velle possunt nisi malum. Vnde enim ista quam improbi libenter prætexerent impotentia, nisi quòd Adam ultro se diaboli tyrannidi addixit: Hinc ergo vitiositas, cuius vinculis tenemur constricti, quòd primus homo defecit à suo opifice. Huius defectionis si merito rei tenentur vniuersi homines, ne se necessitate excusatos putent, in qua ipsa luculèntissimam habent damnationis suæ causam. Atque hoc suprà clarè explicui: & in diabolo ipso exemplum proposui, vnde pateret non minus voluntariè peccare qui necessario peccat: sicuti rursus in electis Angelis quum voluntas indeclinabilis sit à bono, non definit tamen voluntas esse: quod idè Bernardus quoque scitè docet, nos ideo miseresse, quòd voluntaria est necessitas: quæ tamen nos sibi addictos ita constringit, vt serui simus peccati, sicuti antè retulimus. Secundum ratiocinationis membrum vitiosum est: quia à voluntario perperam transilit ad liberum: nos autè suprà euicimus, voluntariè fieri quod liberæ tamen electioni non subiaceat.

2 Subiiciunt, nisi ex libera arbitrii electione tum virtutes tum vitia procedunt, non esse consentaneum vt homini vel poena infligatur, vel præmium rependatur. Hoc argumentum, etsi Aristotelicum est, fateor tamen à Chrysostomo & Hieronymo alicubi vsurpatum. Pelagianis tamen fuisse familiare nec ipse Hieronymus dissimulat, ac ipsorum etiam verba refert: Quòd si gratia Dei in nobis agit, illa ergo, non nos qui nò laboramus, coronabitur. De poenis respondeo illas iure nobis irrogari, à quibus peccati culpa emanat. Quid enim refert, liberone iudicio an seruili, modò voluntaria cupiditate peccetur: præsertim quum inde peccator arguatur homo, quia est sub seruitute peccati: Quantum ad iustitiæ præmia, magna verò absurditas, si fateamur illa ex Dei benignitate potius quàm propriis meritis dependere. Quoties hoc apud Augustinum recurrit, Nò merita nostra Deum coronare, sed sua dona: præmia autem vocari, non quæ meritis nostris debeantur, sed quæ gratis iam collatis retribuuntur? Acute sanè hoc animaduertunt, nullum iam superesse locum meritis si non ex liberi arbitrii fonte prodeunt: sed quòd istud tantopere dissentaneum ducunt, longè aberrant. Neque enim dubitat Augustinus passim pro necessario docere, quod ita nefas cõfiteri putant: quemadmodum vbi dicit, Merita quorumlibet hominum quæ sunt: Quando ille non cum mercede debita, sed cum gratuita gratia venit, omnes peccatores solus à peccatis liber ac liberator inuenit. Item, Si reddetur tibi quod debetur, puniendus es. Quid ergo fit: non tibi reddidit Deus debitam poenam, sed donat indebitam gratiam. Si vis esse alienus à gratia, iacta merita tua. Item, Nihil es per te: peccata sunt tua: merita autem, Dei. Supplicium tibi debetur: & quum præmium venerit, sua dona coronabit, non merita tua. Eodem sensu alibi non gratiam ex merito, sed meritum ex gratia esse docet. Ac paulo post concludit Deum suis donis merita omnia præcedere, vt inde eliciat sua merita, & prorsus gratis dare, quia nihil inuenit vnde saluet. Sed quid longiorem catalogum texere necesse est, quum subinde tales sententiæ in eius scriptis recurrant? Atqui melius etiamnum hoc errore liberabit eos Apostolus, si audiant quo ex principio sanctorum gloriam deducat. Quos elegit, eos vocauit: quos vocauit, eos iustificauit: quos iustificauit, eos glorificauit. Cur ergo, teste Apostolo, coronantur fideles: Quia Domini misericordia, non sua industria & electi sunt & vocati & iustificati. Faceat ergo inanis hic timor, nulla fore amplius merita si liberum nò stabit arbitrium. Stultissimum enim est ab eo absterri ac refugere quòd nos

Ser. 81. in Canticis.

In Epist. ad Thimotheum, Dial. 1.

In Psalmum 31.

In Psalmum 70.

Epist. 52.

De verbis Apostoli. Serm. 15.

Rom. 8. f. 29.

1. Tim. 4. b. 8.

Scriptura vocat. Si omnia accepisti, ait, quid gloriaris, quasi non acceperis? Vides ob id ipsum libero arbitrio adimere cum omnia, ne quem meritis locum relinquat. Sed tamē, ut inexhausta & multiplex est Dei beneficentia ac liberalitas, quas gratias in nos confert, quia nostras facit, perinde ac nostras virtutes remuneratur.

3 Addunt quod ex Chrysostomo sumptum videri potest, Quod si hæc non sit voluntatis nostræ facultas, bonum aut malum eligere, aut omnes eiusdem naturæ participes malos esse oporteret, aut omnes bonos. Nec longè abest ab eo quicumque est scriptor ille operis De vocatione Gentium, qui sub Ambrosii nomine circūfertur, dum ratiocinatur, neminem vnquam à fide fuisse recessurum nisi mutabilitatis conditionem Dei gratia nobis relinqueret, in quo mirum est tantos viros sibi excidisse. Quomodo enim Chrysostomo in mētem non venit electionem Dei esse quæ inter homines sic discernat? Nos quidē concedere minimè formidamus, quod Paulus magna cōtentione asserit, omnes simul prauos esse & malitiæ deditos: sed cum illo subiicimus, Dei misericordia fieri ne omnes in prauitate permaneant. Ergo quum pari morbo laboremus naturaliter omnes, soli illi cōualefcunt quibus medicam manum ad mouere Domino placuit. Alii, quos iusto iudicio prætermittit, in sua putredine tabescunt, donec absumentur. Nec aliunde est quod alii ad finē perseuerāt, alii in cōpto cursu prolabuntur. Siquidem & ipsa perseuerantia donū Dei est, quod non omnibus promiscuē largitur, sed quibus visum est impertit. Si causa differētiæ requiritur, cur alii constanter perseuerent, alii instabilitate deficient, non alia nobis constat, nisi quod illos sua virtute roboratos sustinet Dominus, ne pereant: his, quo sint instantiæ documenta, non eandem virtutem administrat.

4 Instant præterea, frustra exhortationes suscipi, superuacuum esse admonitionū vsum, ridiculas esse obiurgationes, nisi sit penes peccatorem parēre. Similia olim quum obiecerentur Augustino, libellum De correptione & gratia scribere coactus fuit. Vbi etsi copiose illa diluit, ad hanc tamen summam aduersarios reuocat, O homo, in præceptione cognosce quid debeas agere: in correptione cognosce tuo te vitio non habere: in oratione cognosce vnde accipias quod vis habere. Eiusdem fere argumenti est liber De Spiritu & litera, vbi Deum Legis suæ præcepta nō humanis viribus metiri docet, verū vbi iussit quod relictum est, gratis dare implendi facultatem suis electis. Nec verò hæc res longæ disceptationis est. Primū non soli sumus in hac causa, sed Christus & omnes Apostoli. Viderint isti quomodo superiores euadent in certamine, quod cū talibus antagonistis suscipiunt. Christus, qui testatur nos sine se nihil posse, an ideo minus reprehendit & castigat eos qui extra se ipsum malè agebant? an ideo minus exhortatur ut quisque bonis operibus incumbat? Paulus quā seuerè in Corinthios inuehitur ob charitatis neglectum? Iisdem tamen demum charitatem à Domino dari flagitat. Testatur in Epistola ad Romanos, non esse volentis, neque currentis, sed misereris Dei: non desinit tamen postea & admonere & hortari & corripere: Cur non ergo Dominum interpellant, ne ita ludat operam, ab hominibus ea exigendo quæ solus ipse dare potest: ea castigando quæ gratiæ eius defectu admittuntur? Paulum cur non admonent ut parcat iis quorum in manu non est velle aut currere, nisi præeunte Dei misericordia, quæ nunc ipsos destituit? Quasi verò nō optima doctrinæ suæ ratio Domino constet, quæ in promptu se offert religiosius quærētibus. Doctrina certè & exhortatio & obiurgatio quantum per se efficiant ad animum immutandū, indicat Paulus dum scribit, neque qui plantat esse aliquid, neque qui rigat: sed Dominum, qui incrementum dat, solum efficaciter agere. Sic Moſen, seuerè videmus Legis præcepta sancire, & Prophetas acriter instare, & minari transgressoribus: quum tamen fateantur tunc sapere demum homines, vbi cor illis datur ad intelligendum: proprium Dei opus esse, corda circuncidere, & pro lapideis dare carnea: Legem suam inscribere visceribus: denique animas innouando, facere ut efficax sit doctrina.

5 Quorsum ergo exhortationes? nempe si ab impiis obstinato corde spernuntur, in testimonium illis futura sunt, vbi ad Domini tribunal ventum fuerit: quinetiam iam nunc illorum conscientiam verberant ac feriunt: quia, vtcunque irrideat proteruiſſimus quisque, improbare tamen non potest. Sed quid faciat miser homuncio, inquires, quando cordis mollities, quæ ad obedientiam necessaria erat, illi denegatur? Imò quid tergiuersatur, quum duritiem nulli nisi sibi ipsi imputare queat? Itaque impii libèter eas eludere parati, si liceat, velint nolint, earum virtute prosternuntur. Præcipua autē vtilitas erga fideles cōsideranda est: in quibus ut omnia per Spiritū suum agit Dominus, ita verbi sui instrumentum non prætermittit: & illud ipsum non sine efficacia vsurpat. Stet ergo quod verum est, totam piorum virtutem in Dei gratia sitam esse, secundum illud Prophetæ dictum, Dabo

illis cor nouū vt in illis ambulent. Atqui excipies, Cur iam admonentur officii sui, ac non potius sinuntur Spiritus directionē cur hortationibus sollicitantur, quando festinare magis nequeunt quā fert Spiritus incitatio: cur castigātur si quando à via deflexerunt, quādo necessaria carnis infirmitate lapsi sunt: O homo, quis es qui legem imponas Deo: Si ad recipiendā hanc ipsam gratiā, qua fit vt hortationi pareatur, per hortationē vult nos præparari, quid habes quod in ea œconomia mordeas vel sugilles? Si nihil exhortationes reprehensionēque apud pios aliud proficerēt nisi vt peccati redarguerēt, essent eo ipso reputāda non prorsus inutiles. Nunc, quū agēte intus Spiritu, ad inflammandū boni desiderium, ad discutiendum torporem, ad eximendam iniquitatis voluptatem & venenatam dulcedinem, contrā autem, ad odium tædiūque generandū plurimum valeant: quis audeat superfluas cauillari? Siquis clariorem desiderat responsionem, sic habeat, Bisariam Deus in electis suis operatur: intus, per Spiritum: extrā, per verbum. Spiritu, mentes illuminando, corda in iustitiæ amorem cultūque formando, nouam eos creaturam facit. Verbo, ad eandem renouationem expetendam, quærendam, assequendam excitat. Vtroque manus suæ efficaciam pro dispensationis suæ modo exerit. Verbum idem dum reprobis destinat, etsi non in eorum correctionem, in alium tamen vsum valere facit: quo & in præsens conscientię testimonio vrgeantur, & in iudicii diem magis reddātur inexcusabiles. Sic Christus, quanuis pronuntiet neminem ad se venire nisi quem Pater traxerit, & electos venire postquam à Patre audierint, & didicerint: non tamen ipse doctoris munus negligit, sed voce sua sedulò inuitat quos intus à Spiritu sancto doceri necesse est vt aliquid proficiant. Apud reprobos admonet Paulus nō otiosam esse doctrinā, quia illis odor est mortis in mortem, suavis tamen odor Deo.

- 6 In congerendis Scripturæ testimoniis valde sunt laboriosi: idque sedulò faciūt, vt quoniam pondere nequeunt, numero saltem nos adobruant. Sed quemadmodum in præliis, vbi ad manus ventum est, imbellis multitudo, quantumlibet pompæ & ostentationis habeat, paucis ictibus protinus funditur ac fugatur: ita nobis facillimum erit illos cum sua turba dissicere. Quia enim in paucissimos scopos coeūt loci omnes quibus aduersum nos abutuntur, vbi in suas classes distributi fuerint, compluribus vna respōsione satisfiet: singulis dissoluendis incumbere necesse non erit. Præcipuum robur locant in præceptis: quæ putant facultatibus nostris sic attemperata esse, vt quicquid ab illis exigi probatum sit, his præstari posse necessariò consequatur. Ergo singula percurrunt, & ex illis viriū nostrarū modum metiūtur. Aut enim (inquiūt) illudit nobis Deus quum sanctitatem, pietatem, obedientiam, castitatem, dilectionem, mansuetudinem imperat: quum immunditiā, idololatriam, impudicitiam, iram, rapinam, superbiam & similia interdicat: aut ea tātum requirit quæ sunt in nostra potestate. Porro omnia ferè quæ accumulāt præcepta, in tres species distinguere licet. Alia primam ad Deum conuersionē exigunt: alia simpliciter de Legis obseruatione loquuntur: alia perseuerare in recepta Dei gratia iubent. De omnibus in genere disseramus, tum descendemus ad formas ipsas. Hominum facultates ad diuinæ Legis præcepta extendere, vulgare id quidem iamdiu esse cœpit, & nōnullam speciem habet: sed à rudissima Legis ignorantia prodiit. Nam qui pro ingenti piaculo ducunt si dicatur Legis obseruationē esse impossibilē, validissimo scilicet argumento insistunt, frustra aliās datam esse Legē. Perinde enim loquūtur ac si nusquā Paulus de Lege loquutus esset. Quid enim, quæso, ista sibi volunt, Legē propter transgressiones positam esse, Per Legem esse cognitionem peccati, Legem peccatum efficere, Subingressam esse vt abundaret delictum. an ad nostras vires limitandam fuisse, ne frustra daretur: Quin potius longè supra nos positā, quò impotentiam nostram cōuinceret. Certè ex eiusdem definitione finis Legis ac cōplementum est charitas. Atqui dum ea Thessalonicensium animos replexi optat, satis fateatur sine profectu in auribus nostris sonare Legem, nisi totam eius summam cordibus nostris Deus inspiret.

- 7 Equidem si Scriptura nihil aliud doceret quā Legem esse vitæ regulam, ad quam studia nostra cōponere debeamus, ego quoque citra moram pedibus in eorum sententiam descenderem. sed quum multiplicem Legis vsum diligenter ac perspicuè nobis explicet, ex illa potius interpretatione, quid Lex in homine valeat considerare conuenit. Quantum præsentis causæ refert, simulac quid agendum sit nobis præscripsit, obediendi virtutem à Dei bonitate esse docet: ideòque ad preces inuitat quibus eā nobis dari postulemus. Si solum extaret imperium, nulla promissio, tentandæ essent vires an ad respondendum imperio sufficerent: sed quum simul promissiones connectantur quæ in diuinæ gratiæ auxilio non modò subsidium, sed totam virtutem nobis esse sitam clamāt, illæ satis superque

Ioh. 6. c. 44.
& 45

2. Cor. 2. d. 16

Rom. 3. c. 20
Ibidem 7. b. 7
Galat. 3. c. 19
Rom. 5. d. 20
1. Timot. 1. a. 5
1. Thess. 3. d. 12

restantur nos prorsus ineptos, nedum impares obseruandæ Legi esse. Quare ne amplius ista virium nostrarum cum Legis præceptis proportio vrgeatur, ac si Dominus quâ in Legge daturus erat iustitiæ regulâ, ad modulû nostræ imbecillitatis exegisset. Magis ex promissionibus reputandum quàm simus ipsi à nobis imparati, qui omni in parte tantopere eius gratia indigemus. Sed cui (aiunt) verisimile fiet, Dominum truncis ac lapidibus Legem destinasse? Neque id quispiam persuadere molitur. Non enim aut impii faxes sunt aut stipites, dum aduersari Deo suas libidines per Legem edocti, suo ipsorum testimonio rei fiunt: aut pii, dum suæ impotentiae admoniti, ad gratiam confugiunt. Quò pertinent istæ solennes Augustini sententiæ, iubet Deus quæ non possumus, vt nouerimus quid ab ipso petere debeamus. Magna est præceptorû utilitas, si libero arbitrio tantum detur, vt gratia Dei amplius honoretur. Fides impetrat quod Lex imperat: imò ideo Lex imperat, vt impetret fides quod imperatû erat per Legem: imò fidem ipsam exigit à nobis Deus, & nō inuenit quod exigit, nisi dederit quod inueniat. Itē, Det Deus quod iubet, & iubeat quod velit.

In Ench. ad
Laurent. de
gratia & lib.
arbit. cap. 16
Homil. 19. in
Iohan.
Epist. 24

8 Id, recensendis tribus præceptorum formis quas superius attigimus, clarius cernetur. Iubet sapius Dominus tum in Legge, tum in Prophetis, vt ad se conuertamur. At succinit ex aduerso Propheta, Conuerte me Domine, & conuertar: postquam enim conuertisti me, egi poenitentiam, &c. Iubet vt præputia cordis nostri circuncidamus. At per Moysen denuntiat, istam circuncisionem manu sua fieri. Cordis nouitatem passim requirit: sed alibi à se dari testatur. Quod autē promittit Deus, vt Augustinus ait, nō facimus ipsi per arbitrium vel naturam: sed facit ipse per gratiam. Atque hæc obseruatio est quam idem ipse inter regulas Ticonii quinto loco enumerat, vt bene distinguamus inter Legem & promissiones, vel inter mandata & gratiam. Eant nunc qui ex præceptis colligūt ecquid homo valeat ad obedientiam, vt Dei gratiam perimant, per quam præcepta ipsa adimplentur. Secūdi generis præcepta simplicia sunt, quibus Deum colere, eius volūtatī seruire & adhærere, eius placita obseruare, eius doctrinam sequi iubemur. Sed innumeri sunt loci qui testificentur illius esse donū, quicquid iustitiæ, sanctitatis, pietatis, puritatis haberi potest. Ex tertio genere erat illa quæ à Luca refertur Pauli & Barnabæ exhortatio ad fideles, vt in gratia Dei permanerēt. Sed vnde illa constantiæ virtus petēda sit, alio loco idem Paulus tradit. Quod superest (inquit) fratres, sitis fortes per Dominum. Alibi vetat ne cōtristemus Spiritū Dei, quo obsignati sumus in diem redemptionis nostræ. Sed quod illic exigit, quia præstari ab hominibus non poterat, Thessalonicensibus à Domino imprecatur, nempe vt dignos habeat eos vocatione sua sancta, & impleat bonum omne propositum bonitatis suæ, opusque fidei in illis. Eodē modo in secūda ad Corinthios epistola, de eleemosynis tractans, bonā & piā eorum voluntatem sapius commendat: paulo post tamen gratias agit Deo, qui posuit in corde Titi vt exhortationem susciperet. Si ne oris quidem officium ad alios hortandos præstare Titus potuit nisi quatenus suggessit Deus, quomodo alii ad agendum voluntarii fuissent, nisi Deo ipso corda eorum dirigente?

Ioel 2. c. 12
Iere. 31. c. 18.
Deut. 10. d. 16
Ibidē. 30. b. 6
Ezech. 36. f. 16
Iere. 31. c. 18
Lib. de doct.
Christ. 3

Act. 13. f. 43
Ephes. 6. b. 10
Ibidē 4. g. 30
2. Thess. 1. d. 11
2. Cor. 8. b. 11.
c. 16

9 Cauillantur hæc omnia testimonia astutiores: quia nihil impediatur quominus ipsi conferamus nostras vires, & infirmis conatibus Deus suppetias ferat. Afferunt etiam locos ex Prophetis, vbi conuersionis nostræ effectus inter Deum & nos videtur dimidiari. Conuertimini ad me, & ego cōuertar ad vos. Quales nobis suppetias Dominus ferat, suprâ demonstratū est, neque hic opus est repetere. Vnum hoc duntaxat mihi concedi volo, frustra implendæ Legis facultatem in nobis requiri, quia eius obedientiam nobis Dominus imperet: quando constat omnibus Dei præceptis adimplendis & necessariā esse gratiam Legislatoris, & nobis promissam. quia inde patet, saltē plus à nobis exigi quàm simus soluendo. Nec verò vllis cauillis dilui potest illud Ieremiæ, irritū fuisse pactum Dei percussum cum veteri populo, quia literale tantum erat: non aliter autem sanciri quàm vbi accedit Spiritus, qui ad obediendum corda format. Neque eorum errori astipulatur sententia illa, Cōuertimini ad me, & conuertar ad vos. Siquidem illic Dei conuersio notatur, non qua cor nostrum ad resipiscentiam renouat, sed qua se beneuolum ac propitium, rerum prosperitate testatur: quemadmodum rebus aduersis offensionem interdum indicat. Quoniam igitur multis miserationum & calamitatū formis vexatus populus, auersum à se Deum querebatur: respondet non defuturam illis suam benignitatē si ad vitæ rectitudinem, & ad seipsum, qui est iustitiæ exemplar, redeant. Perperam ergo detorquetur locus, dum eò trahitur vt opus conuersionis videatur inter Deum & homines partiri. Hæc eo breuius perstrinximus, quòd huic argumento proprius in Legis tractatione locus erit.

Zach. 1. a. 3

Iere. 31. f. 31

Secundus argumentorum ordo superiori finitimus est. Allegant promissiones quibus Dominus cū voluntate nostra paciscitur: quales sunt, Quærite bonitatē & non malitiā, &

Amos 5. d. 14

Iere. 4. a. 1

Deut. 28. a. 1

Leuit. 26. a. 3

viuetis. Si volueritis & audieritis, bona terræ comedetis: quòd si nolueritis, gladius deuorabit vos: quia os Domini loquutū est. Itē, Si abstuleris abominationes tuas à facie mea, nō expellēris: si audieris vocem Iehouæ Dei tui, et facias & custodias omnia mandata eius, faciet te Dominus excelsiorem cunctis Gentibus terræ. Et reliquæ similes. Importunè & per ludibrium, quæ Dominus in promissionibus offert beneficia, voluntati nostræ delegari putant. nisi nostrum sit illa vel stabilire, vel irrita facere. Et sanè rem istam facundis querimoniis amplificare promptum est: nos crudeliter à Domino illudi, quum benignitatem suam à voluntate nostra pendere denuntiat, si voluntas ipsa nostri iuris non est. Egregiam verò fore hanc liberalitatem Dei, si beneficia sua ita nobis exponat, ne fruendi vlla sit facultas. miram promissionum certitudinem, quæ vt nūquam impleantur, à re impossibili dependeant. De promissionibus eiusmodi quæ conditionem habent appositam, alibi dicemus: vt palàm futurum sit, in earum impossibili complemento nihil esse absurdi. Quantum ad hunc locum attinet, nego Deum inhumaniter illudere nobis, dum nos ad beneficia sua demerenda inuitat, quos nouit esse prorsus impotentes. Siquidem quum fidelibus iuxta & impiis offerantur promissiones, suum apud vtrosque vsum habent. Quemadmodum præceptis impiorum conscientias pungit Deus, ne suauiter nimium in peccatis delicientur, nulla iudiciorum suorum memoria. ita in promissionibus quodammodo eos attestatur quàm indigni sint sua benignitate. Quis enim æquissimū & conuenientissimum esse neget, Dominum iis benefacere à quibus colitur: maiestatis autem suæ contemptores pro sua seueritate vlcisci? Rite ergo & ordine agit Deus, dum impiis peccati cōpedibus deuinctis, hanc legem in promissionibus dicit, tum demū sua beneficia percepturos si à prauitate discesserint: vel ob hoc solum, vt intelligant se ab iis meritò excludi quæ veris Dei cultoribus debentur. Rursum, quia modis omnibus ad implorandam suam gratiam fideles exstimulare studet, nequaquā erit absonū, si quod illum multo cum fructu agere præceptis erga eos ostendimus, id quoque promissionibus tentet. De voluntate Dei præceptis edocti, miserix nostræ admonemur, qui sic ab illa toto pectore dissidemus: simul intelligamur ad inuocandum eius Spiritum, per quem in rectam viam dirigamur. sed quia præceptis ignauia nostra non satis acuitur, subduntur promissiones, quæ dulcedine quadam ad eorum amorem nos alliciant. Quo autem maiore tenemur iustitiæ desiderio, eo finis ad quærdam Dei gratiam feruentiores. En quomodo illis obtestationibus, Si volueritis, Si audieritis, neque volendi audiendive liberam facultatem nobis Dominus tribuat, neque tamen ob impotentiam nos ludibrio habeat.

- 11 Habet & tertia classis multam cum illis affinitatem. Locos enim producunt quibus ingrato populo Deus exprobrat, per eum duntaxat stetisse quominus ab indulgentia sua omnne genus bonorū receperit. Cuius generis sunt isti, Amalec & Chanaanæus ante vos sunt, quorum gladio corruetis: eo quòd nolueritis acquiescere Domino. Quia vocaui vos, & nō respōdistis, faciam huic domui sicut feci Silo. Item, Hæc gens non audiuit vocem Domini Dei sui, nec recepit disciplinam: ideo proiecta est à Domino. Item, Quia indurastis cor vestrum, & nolulistis obedire Domino, hæc omnia mala euenerunt vobis. Tales exprobrationes, inquit, quomodo aduersus eos congruerent quibus extemplo respondere liceat, Nobis verò prosperitas cordi erat, aduersa timebamus: quòd autem illius adipiscendæ, horum vitandorū causa, Domino non paruimus, nec vocem eius auscultauimus, eo factum est quia peccati dominationi obnox iis liberū non fuit. Frustra igitur mala nobis exprobrantur, quæ effugere nō fuit nostræ potestatis. Sed omisso necessitatis obtentu, in quo infirmum est ac futile patrociniū, rogo possintne culpam deprecari. Nam si culpæ alicuius tenentur cōiuncti: non abs re Dominus exprobrat, eorum peruersitate factum esse quominus suæ clementiæ fructum sentirent. Respondeāt ergo, possintne inficiari causam cōtumaciæ, prauam suam voluntatem fuisse. Si mali fontem intra se reperiunt, quid vestigandis extraneis cau sis inhiāt, ne sibi ipsi fuisse exitii authores videātur? Quòd si verum est suo non alieno vitio & diuinis beneficiis priuari peccatores, & vltionibus castigari, magna ratio est cur istas exprobrationes ex ore Dei audiant: vt si obstinatè in vitiis pergant, discāt in calamitatibus suā potius nequitia accusare & detestari, quàm Deum iniquæ scuitiæ insimulare: si docilitatem non exuerunt, peccatorum tædio capti (quorum merito miseros se ac perditos vident) in viam redeant, ac id ipsum seria confessione agnoscāt quod Dominus obiurgando commemorat. In quem vsum illas, quæ citantur, Prophetarum obiurgationes apud pios profecisse, ex solenni Danielis oratione cōstat, quæ habetur capite 9. Prioris autem vsus exemplum intuemur in Iudæis, quibus suarum miseriarum causam enarrare Ieremias iubetur: quum tamen non aliter casurum esset quàm Dominus prædixerat.

Nu. 14. g. 43

Iere. 7. c. 13

Ibidē 7. f. 28

Ibidē 32. c. 32

Loquēris ad eos omnia verba hæc, & non audient te: vocabis eos, & non respondebunt tibi. Quorsum igitur caneatur surdis? vt nolentes ac inuiti intelligerent verum esse quod audiebant: nefarium esse sacrilegium si malorum suorum culpam, quæ in ipsis residebat, Deo transcriberent. Paucis his solutionibus expedire te facillimè possis ab immensa testimoniorum congerie, quam ad erigendum liberi arbitrii simulachrum hostes gratiæ Dei struere solent tam ex præceptis quàm ex obtestationibus aduersus Legis transgressores. Proboscè de Iudæis in Psalmo refertur, Generatio praua quæ non direxit cor suum. alio etiam Psalmo hortatur Propheta suæ ætatis homines, ne obdurent corda sua: nempe quia omnis contumaciæ culpa in hominum prauitate hæret. sed stultè inde colligitur, cor in vtrâque partè esse flexibile, cuius præparatio à Deo est. Dicit Propheta, Inclinaui cor meū ad obseruanda præcepta tua: nepe quia libenter & hilari animi propensione Deo se addixerat: neque tamè se inclinationis authorè esse iactat, quā in eodè Psalmo fatetur Dei esse donū. Itaque tenēda Pauli admonitio, dum fideles iubet operari salutem suam cum timore & tremore, quia Deus est qui operatur & velle & perficere. Agendi quidè partes illis assignat, ne indulgeant carnis torpori: sed metum & sollicitudinem præcipiens, sic eos humiliat, vt meminerint hoc ipsum quod agere iubentur, proprium esse Dei opus. quo disertè exprimit, passiue (vt ita loquar) agere fideles, quatenus è cælo suggeritur facultas, vt nihil sibi prorsus arrogent. Proinde dum nos hortatur Petrus vt subministremus in fide virtutem, non concedit nobis secūdas partes quasi separatim quicquam agamus, sed tantum carnis pigratiem expergefacerit, qua plerunque suffocatur ipsa fides. Eodem spectat illud Pauli, Spiritū ne extinguatis, quia subinde obrepit fidelibus ignauia: nisi corrigatur. Siquis tamen inde inferat, in eorum esse arbitrio fouere oblatā lucem, facillè refutabitur eius inscitia, quia hæc ipsa sedulitas quā requirit Paulus, non nisi à Deo est. Nam & sæpe iubemur ab omni inquinamento nos purgare, quū Spiritus sibi vni consecrandi munus vendicer. Denique per cōcessionem ad nos transferri quod in Deum competit, ex verbis Iohannis palām est, Quisquis ex Deo est, seruat seipsum. Vocē hanc arripiunt liberi arbitrii præcones, quasi partim Dei virtute, partim nostra seruemur. quasi verò hanc ipsam custodiā, cuius Apostolus meminit, nō habeamus è cælo. Vnde & Patrem rogat Christus vt nos à malo seruet. & scimus pios, dum aduersus Satanam militant, non aliis quàm Dei armis victoriam consequi. Itaque Petrus vbi animas purificare iussit in obedientia veritatis, mox correctionis vice addidit, per Spiritum. Denique quàm nihili sint omnes humanæ vires in certamine spirituali, breuiter ostēdit Iohannes, quū tradit non posse peccare qui ex Deo geniti sunt, quia semē Dei in illis manet. ac rationē alibi reddit, quòd fides nostra sit victoria quæ vincit mundū.

12 Citatur tamen de Lege Moſis testimonium, quod solutioni nostræ valde aduersari videtur. Nam ille populum, post Legem promulgatam, hunc in modum contestatur, Mandatum hoc quod præcipio tibi hodie, non est occultū, neque procul positum, neque in cælo situm, sed iuxta te est in ore tuo & in corde tuo, vt facias illud. Hæc certè si de nudis præceptis dicta intelligantur, fateor ad causam præsentem habere non parum momenti. Nam etsi eludere leuis operæ fuerit, quòd hîc non de obseruationis sed cognitionis facilitate & procliuitate agatur, nonnullum tamen scrupulum sic quoque forsan relinqueret. Verum omnem nobis dubitationem eximit Apostolus, non ambiguus interpres, qui de Euāgelii doctrina Moſen hîc loquutum esse affirmat. Quòd si quis refractarius contendat, violētè à Paulo detorta fuisse vt ad Euangelium trahi possent: quanquam impietate non carebit eius audacia, est tamè quo præter Apostoli authoritatē redarguatur. Nam si de solis præceptis loquebatur Moſes, vanissima confidentia populū inflabat. Quid enim aliud quàm se præcipitassent, si Legis obseruationem aggressi forent suis viribus tanquam sibi non difficile? Vbi ergo Legis obseruādæ ista tam obuia facilitas, quando nullus nisi per exitiale præcipitum patet accessus? Proinde nihil certius est quàm Moſen his verbis misericordiæ fœdus cōprehendisse, quod vnâ cum Legis exactione promulgauerat. Nam & paucis antè versibus docuerat, circuncidi manu Dei oportere corda nostra, vt ipsum diligamus. Ergo hanc, de qua mox loquitur, facilitatem non in hominis virtute, sed in ope ac præsidio Spiritus sancti posuit, qui opus suum potenter in nostra infirmitate peragit. Quanquā nec de præceptis simpliciter intelligendus est locus, sed magis de promissionibus Euangelicis, quæ adeò comparandæ iustitiæ facultatem in nobis non stabiliūt vt eam prorsus euertant. Id reputans Paulus, non sub dura illa ardua & impossibili conditione salutem in Euangelio proponi, qua nobiscum Lex agit (nempe vt ipsam ii demum assequantur qui mandata omnia impleuerint) sed facili, expedita, & expositi accessus hoc testimonio confirmat. Nihil ergo hoc testimonium ad vendicandam humano arbitrio libertatem.

Iere. 7. f. 17

Psal. 78. a. 8

Psal. 95. b. 8

Psal. 119. 112

Philip. 2. b. 12

1. Pet. 1. b. 5

1. Theſ. 5. c. 19

1. Cor. 7. a. 1

1. Ioh. 5. d. 18

Iohā. 17. c. 15

1. Pet. 1. d. 12

1. Ioh. 3. b. 9

Ibidem 5. a. 4

Deut. 30. c. 11

Rom. 10. b. 8

Deut. 30. b. 8

13 Obiectari solent & alii quidam loci quibus ostēditur Deum interdum, reducto gratiæ suæ subsidio, explorare homines, & expectare quorsum conuertāt sua studia: qualiter est apud Oseam, Vadam ad locum meum, donec ponāt in corde suo, & quærāt faciem meam. Ridiculum (aiunt) erat, si consideraret Dominus an Israel faciem suam quæraturus esset, nisi flexibiles fuissent animi, qui vtrouis suopte ingenio inclinare possent. Quasi verò istud non sit in Prophetis vñtissimum Deo, speciem aspernantis ac proiicientis populum præ se ferre, donec vitam in melius emendarit. Sed quid tandem ex talibus minis aduersarii elicient: Si volunt, populum à Deo derelictum conuersionem à seipso posse meditari, tota Scriptura reclamante id facient: si necessariam Dei gratiam ad conuersionem fatētur, quid nobiscum litigant: At necessariam ita concedūt vt suam homini velint seruata facultatem. Vnde id probant: certē non ex loco illo, neque similibus. aliud est enim secedere ab homine, & respicere quid sibi permissus relictusque agat: aliud, vires ei⁹ aliquātulas pro modo imbecillitatis adiuuare. Quid ergo, dicet quispiam, insinuāt istæ formulæ? Respondeo, perinde valere ac si ita loqueretur Deus, Quandoquidem monendo, hortando, increpando nihil apud cōtumacem hunc populum proficitur, subducam me paulisper, & eum afflicti tacitus sinam. Videbo an aliquando eum post longas calamitates capiat mei recordatio, vt quærat faciem meam. Abscedere autem Dominum procul, signat prophetiam submouere. Speculari ecquid facturi sint homines, significat tacitum & quasi se dissimulantem afflictionibus variis eos ad tempus exercere. Vtrunque facit quo nos magis humiliet. citius enim contunderemur rerum aduersarum flagellis quàm corrigeremur, nisi Spiritu suo nos ad eam docilitatem componeret. Porrò vbi Dominus infracta nostra peruicacia offensus & tanquam fatigatus, nos paulisper omittit (submoto scilicet verbo suo, in quo præsentiam quandam sui exhibere solet) & experimentum capit quid se absente facturi simus: inde falsò colligitur, aliquas esse liberi arbitrii vires quas cōtempletur & exploret: quando non in alium id finem facit quàm vt ad recognoscendam nostram *deuian* nos adigat.

14 Pugnant etiam ex perpetua loquendi ratione quæ tum in Scripturis, tum in hominum sermonibus obseruatur. siquidem bona opera nuncupantur nostra, & quod sanctum placitumque Domino est, nō minus facere quàm peccata perpetrare dicimur. Quòd si peccata iure nobis imputātur, veluti à nobis profecta: certē & in iustitiis aliquid nobis assignandum eadem ratione erit. Neque enim consentaneum esset rationi vt ea diceremur facere quibus agendis proprio motu inhabiles, instar lapidum à Deo moueremur. Vt ergo Dei gratiæ primas demus, nostram tamen operam vel secundarias tenere partes illæ loquutiones indicant. Si vnum illud vrgeretur, bona opera nostra nuncupari, ego vicissim obiicerem, panem nuncupari nostrum quem nobis dari à Deo poscimus. Quid ex possessionis titulo percipient, quàm Dei benignitate ac gratuito munere nostrum fieri quod minimè aliàs nobis debetur? Ergo aut eandem in oratione Dominica rideant absurditatem: aut ne pro ridiculo habeāt quòd nostra vocātur bona opera in quibus nihil habemus propriū nisi ex Dei largitate. Atqui istud aliquanto est validius, quòd nos ipsos Deū colere, seruare iustitiam, obedire Legi, bonis operibus studere Scriptura sæpe affirmat. Hæc quā sint propria mentis & volūtatis officia, quomodo conueniret ad Spiritum hæc referri, & simul nobis tribui, nisi quædam esset studii nostri cum diuina virtute cōmunicatio? His tricis nullo labore nos exoluemus, si rite modum reputemus quo in sanctis agit Spiritus Domini. Extranæa est illa similitudo qua nos inuidiosè grauāt. quis enim ita desipit vt hominis motionem à iactu lapidis nihil differre autumat? Neque verò quicquam simile cōsequitur ex nostra doctrina. In naturales hominis facultates referimus, approbare, respuere: velle, nolle: eniti, resistere: nempe approbare vanitatē, respuere solidum bonum: velle malum, nolle bonum: eniti ad nequitiam, resistere iustitiæ. Quid hīc agit Dominus? Si eiusmodi prauitate vti vult tanquam iræ suæ instrumento, dirigit ac destinat quò libuerit, vt per vitiosam manum bonum suum opus exequatur. Scelestum igitur hominem, qui Dei potentiæ sic seruit, dum libidini tantum suæ obsequi studet, an cum saxo conferemus, quod alieno impetu vibratū, nec motu, nec sensu, nec voluntate propria fertur? Videmus quātum sit discriminis. Quid verò in bonis, de quibus præcipua est quæstio? Vbi regnum in illis suum erigit: voluntatem, ne vagis libidinibus sursum deorsum raptetur, pro naturæ inclinatione, per Spiritum suum cohibet: quo in sanctitatem ac iustitiam propendat, ad iustitiæ suæ regulam flectit, componit, format, dirigit: ne titubet aut concidat, Spiritus sui virtute stabilit ac confirmat. Qua ratione Augustinus, Dices mihi, inquit, ergo agimur, non agimus. Imò agis, & ageris: & tunc bene agis, si à bono agaris. Spiritus Dei qui te agit, agentibus ad-

iutor est, nomen adiutoris præscribit, quòd & tu aliquid agas. Priore membro admonet actionem hominis non tolli Spiritus sancti motu, quia à natura est voluntas, quæ regitur vt ad bonum aspires. Quod autè mox adiungit, ex nomine auxilii posse colligi nos etiam aliquid agere, non conuenit ita accipere, quasi seorsum aliquid nobis tribuat: sed ne foueat in nobis ignauiam, sic Dei actionem cum nostra conciliat vt velle sit à natura, bene autem velle à gratia. Ideo paulo antè dixerat, Nisi Deus nos adiuuet, nò modò vincere, sed neque pugnare poterimus.

15 Hinc apparet, gratiam Dei (vt hoc nomen sumitur vbi de regeneratione est sermo) esse Spiritus regulam ad dirigendam ac moderandam hominis voluntatem. Moderari non potest quin corrigat, quin reformet, quin renouet (vnde dicimus principium regenerationis esse, vt quod nostrum est aboleatur) simul quin moueat, agat, impellat, ferat, teneat. Vnde verè dicimus illius in solidum esse omnes quæ inde emanant actiones. Interim non negamus verissimum esse quod Augustinus docet, nò destrui gratia voluntatè, sed magis reparari: quia vtrunque optimè constat: vt instaurari dicatur hominis volùtas, dū correctà vitiositate & peruersitate ad verà iustitiæ regulà dirigitur: & simul noua in homine voluntas dicatur creari, quia sic vitiata corruptaque est, vt nouū penitus ingeniū induere necesse habeat. Nihil iam obstat quominus rite agere dicamur quod agit Spiritus Dei in nobis, etiam si nihil à seipsa cōferat nostra volùtas quod ab eius gratia separetur. Ideoque memoria tenendū quod alibi ex Augustino citauimus, frustra quosdā satagere vt in hominis volùtate quicquā boni propriū reperiāt. quicquid enim mixturæ ex liberi arbitrii virtute afferre student homines ad Dei gratiā, nihil aliud quàm eius corruptio est: perinde ac si quis lutosā & amara aqua vinum dilueret. Et si autè quicquid in voluntate boni est, ex mero Spiritus instinctu prouenit, quia tamen nobis naturaliter ingeniū est velle, non abs re ea agere dicimur quorum laudè sibi iure Deus vendicat. primū, quia nostrum est eius benignitate quicquid operatur in nobis, modò nò à nobis esse intelligamus: deinde quia nostra est mens, nostra voluntas, nostrum studium, quæ ab eo in bonum diriguntur.

16 Quæ præterea hinc inde testimonia corradunt, mediocribus etiam ingeniis non multū faceffent negotii, quæ superiores modò solutiones probè imbiberint. Citant ex Genesi sententiam illam, Sub te erit appetitus eius, & tu dominaberis illi: quam de peccato interpretantur, ac si Cain promitteret Dominus, non fore in animo eius vim superiorem peccati, si in eo perdomando laborare vellet. Nos autem magis congruere dicimus ordini orationis, vt de Abele accipiatur hoc dictum. illic enim iniquitatem inuidiæ, quam in fratrem Cain conceperat, arguere propositum est Deo. id facit duplici ratione: quòd frustra meditabatur scelus quo fratrem præcelleret apud Deum, apud quem nullus est honor nisi iustitiæ: deinde quòd nimium ingratus esset iam accepto Dei beneficio, qui ne subiectū quidem suo imperio fratrem ferre posset. Verū ne hanc interpretationē ideo videamur amplexari quòd altera nobis contraria sit, demus sanè de peccato loquutū fuisse Deum. Si ita est, aut promittit hoc Dominus quod denuntiat, aut iubet. Si iubet, nullam inde probationem facultatis humanæ sequi iam demonstrauimus: si promittit, vbi promissionis complementum, quando peccato, cui dominari ipsum oportebat, Cain succubuit? Promissioni inclusam dicent tacitam conditionem, ac si diceretur victoriam reportaturum fuisse si certaret: sed quis recipiat istas ambages? Nam si ad peccatum refertur ista dominatio, nemo ambigat imperatiuam esse orationem, in qua non definitur quid possimus, sed quid vel supra potestatem debeamus. Quanquam & res ipsa & ratio Grammaticæ postulant, cōparationem fieri Cain & Abelis: quia primogenitus frater minori posthabitus non fuisset nisi proprio scelere deterior.

17 Vtuntur & testimonio Apostoli, quia dicit non esse volentis, nec currentis, sed miseren- Rom. 9. d. 16
tis Dei. ex quo eliciunt, aliquid esse in voluntate & conatu, quod per se licet imbecillum, misericordia Dei adiutum, prospero successu non careat. Atqui si sobriè pensitarent quæ illic causa tractetur à Paulo, ista sententia non adèò inconsideratè abuterentur. Scio eos posse Orige. lib. 7.
in episto. ad
Romanos.
Hierony. dial.
1. in Pelag.
Origenem & Hieronymum citare suæ expositionis suffragatores: possem & illis vicissim Augustinum opponere: sed quid illi opinati sint nostra nihil refert, si constat quid voluerit Paulus. Illic docet, iis demum paratam esse salutē quos sua misericordia Dominus dignetur: ruinam & interitum manere quoscunque non elegerit. Reprobos sortem sub Pharaonis exemplo demonstrauerat: gratuitæ quoque electionis certitudinem Moysi testimonio confirmarat, Miserebor cuius miserebor. Concludit, non esse volentis aut currētis, sed misereboris Dei. Quòd si in hunc modum intelligatur, non sufficere voluntatem aut conatum quia tantæ moli sint impares: parum conuenienter à Paulo dictum foret. Proinde apa

- ge istas argutiolas, Non est volentis neque currentis: ergo est aliqua voluntas, est aliquis cursus. Simplicior enim est mens Pauli, Non est voluntas, non est cursus quæ nobis viam ad salutem comparant: sola est hîc Domini misericordia. Non enim aliter hîc loquitur quàm ad Titum, vbi scribit apparuisse Dei bonitatem & humanitatem, non ex operibus iustitiæ quæ fecimus nos, sed pro immensa eius misericordia. Ne illi quidem ipsi qui argutantur Paulum innuisse aliquam esse voluntatem & aliquem cursum, quia negauerit esse volentis aut currentis, mihi ad eandem formam ratiocinari concederent, aliqua nos bona opera fecisse, quia negat Paulus, ex operibus quæ fecerimus, Dei bonitatem nos assequutos. Quòd si vitium in hac argumentatione perspiciunt, aperiant oculos, & suam non carere simili fallacia cernent. Firma est etiam ratio illa qua nititur Augustinus, Si ideo dictum foret non esse volentis neque currentis quia non sufficiat voluntas nec cursus: posse in contrariâ partem retorqueri, non esse Dei misericordiæ, quia neque sola illa ageret. Quum hoc secundum sit absurdum, meritò concludit Augustinus, ideo esse hoc dictum quia nulla sit hominis voluntas bona nisi præparetur à Domino: non quin velle debeamus & currere: sed quia vtrûque Deus efficit in nobis. Non minus inscitè torquetur à quibusdam illud Pauli, Dei cooperarii sumus, quod ad solos ministros restringi minimè dubium est: cooperarios autè vocari non qui ex se quicquam afferant, sed quoniam eorû opera vititur Deus postquam idoneos reddidit instruxitque necessariis dotibus.
- 18 Ecclesiasticum producant, quem dubiæ authoritatis scriptorem esse nō ignoratur. At enim vti à nobis non repudietur (quod facere tamen iure nostro nobis licet) quid ille testatur pro libero arbitrio? Dicit, hominem statim atque creatus fuit, relictum esse in manu consilii sui: data illi esse præcepta, quæ si seruaret, ab illis vicissim seruaretur: ante hominē positam esse vitam & mortem, bonum & malum: quodcunque voluerit, ei datum iri. Esto acceperit homo à sua creatione facultatem adipiscendæ vitæ aut mortis: quid si ex aduerso respondeamus perdidisse? Certè animus non est contradicere Solomoni qui asserit hominē rectum ab initio creatum esse, ipsum sibi ascivisse multas adinventiones: verum quia homo degenerando, & sui & bonorum omnium naufragium fecit, quicquid primæ creationi tribuitur, non protinus sequitur in vitiatam ac degenerem naturam competere. Ergo non illis modò, sed ipsi quoque Ecclesiastico (quicūque tandem sit) respondeo. Si hominem vis instituire ut apud seipsum acquirendæ salutis facultatem quarat, tanti non est nobis tua authoritas ut vel minimi præiudicii aduersus indubitatum Dei verbum vicem obtineat: sin malignitatem carnis duntaxat coercere studes, quæ sua mala in Deum transferendo, vanam defensionem captare solet: ideòque respondes rectitudinem homini inditam fuisse quo ipsum exitii sibi causam esse appareat, libenter assentio: modò mihi rursus tecum hoc conveniat, iis ornamentis quibus eum Dominus initio induerat, nunc sua culpa esse spoliatum: atque ita pariter fateamur medico nunc opus esse, non patrono.
- 19 Nihil tamen frequentius in ore habent quàm parabolam Christi de viatore, quem semivivum latrones in via proiecerunt. Sub viatoris huius typo, calamitatem repræsentari generis humani, scio vulgatissimum esse omnibus penè scriptoribus. Inde argumentum sumunt nostri aduersarii, nō ita peccati ac diaboli latrocinio mutilatum esse hominem quin superstites retineat bonorum priorum reliquias: quandoquidem dicitur relictus esse semivivus. Vbi enim est illud vitæ dimidium nisi rectæ & rationis & voluntatis portio aliqua maneret: Primum, si nolim locum dare ipsorum allegoriæ, quid obsecro facturi sunt: nam præter germanum orationis Domini sensum, à patribus excogitatum fuisse nihil dubium est. Allegoriæ vltra procedere non debent quàm præeuntem habent Scripturæ regulam: tantum abest ut fundandis vllis dogmatis per se sufficiant. Neque desunt rationes quibus possim, si lubeat, totum hoc commentum conuellere: neque enim dimidiam homini vitā relinquit Dei verbum, sed penitus interiisse docet quantum ad beatæ vitæ rationem. Non semivivos dicit sanatos Paulus, dum loquitur de nostra redēptione: sed quum mortui essemus, suscitatos. non semivivos inelamat ad recipiendam Christi illuminationem, sed dormientes & sepultos: nec secus Dominus ipse, dum horam venisse ait qua mortui ad vocem suam resurgant. Qua fronte leuem allusionem tot claris sententiis opponerent? Valeat tamē allegoria hæc pro certo testimonio: quid tamen à nobis extorquebunt? Semivivus est homo: habet igitur aliquid saluum: nempe habet mentem intelligentiæ capacem, etiam si ad cælestem spiritualēque sapientiam non penetret: habet nonnullum honestatis iudicium: habet aliquem diuinitatis sensum, vtrunque veram Dei rationem non assequatur. Sed quò ista recidunt: certè non efficiunt ut nobis illud Augustini, communibus etiam scholarum suffragiis approbatum, adimatur, Adempta esse homini post lapsum gratuita bona vnde sa-

Tit. 3. a. 4

Epist. 107. ad Vitalem.

1. Cor. 3. b. 9

Ecclesi. 15. c. 14

Ecclesi. 7. d. 30

Luc. 10. e. 30

Ephes. 2. a. 5

Ibidē, 5. c. 14

Iohan. 5. e. 25

Ius dependet: naturalia verò corrupta pollutaque esse. Stet ergo nobis indubia ista veritas, quæ nullis machinamentis quate fieri potest, Mentem hominis sic alienatam prorsus à Dei iustitia, vt nihil non impium, contortum, fœdum, impurum, flagitiosum concipiat, concupiscat, moliatur: cor peccati veneno ita penitus delibutum, vt nihil quàm corruptum fœtorem efflare queat. Quòd si quippiam interdum boni in speciem ostendant, mentem tamen semper hypocrisis & fallaci obliquitate inuolutam, animum interiori peruersitate illigatum manere.

Homini perduto quærendam in Christo redemptionem esse.

C A P. VI.



VVM in Adæ persona perierit totum humanū genus, nobis adeò nihil pròdesset illa quam memorauimus originis præstantia & nobilitas, vt magis cedat in maiorem ignominiam, donec in Filii sui vnigeniti persona Redemptor appareat Deus, qui homines peccato fœdatos & corruptos pro suo opere non agnoscit. Ergo postquam excidimus à vita in mortem, inutilis esset tota illa

Dei creatoris, de qua disseruimus, cognitio nisi succederet etiam fides, Deum in Christo Patrem nobis proponens. Erat quidē hic genuinus ordo vt mundi fabrica nobis schola esset ad pietatem discendam: vnde ad æternam vitam & perfectam fœlicitatem fieret transitus. sed post defectionem quocunque vertamus oculos, sursum & deorsum occurrit Dei maledictio, quæ dum innoxias creaturas culpa nostra occupat & inuoluit, desperatione animas nostras obruat necesse est. Et si enim multis adhuc modis paternum erga nos fauorem extare vult Deus, ex mundi tamen conspectu patrem colligere non licet, vbi nos intus vrget conscientia, ostenditque iustam in peccato abdicationis causam esse, ne pro filiis nos censeat Deus vel reputet. Accedit & socordia & ingratitude: quia nec mentes nostræ, vt sunt exæcata, quid verum sit cernunt: & vt prauis sunt omnes sensus nostri, Deum malignè sua gloria fraudamus. Itaque veniendum ad illud Pauli, Quoniam in sapientia Dei nō cognouit mundus per sapientiam Deum, placuit Deo per stultitiam prædicationis saluos facere credentes. Sapientiam Dei appellat magnificum hoc theatrum cæli & terræ, innumeris miraculis refertum, ex cuius intuitu sapienter Deum cognoscere decebat: sed quia tam malè illic profecimus, reuocat nos ad fidem Christi, quæ ob stultitiæ speciem incredulis fastidio est. Quanquam ergo humano ingenio non respondet prædicationis crucis, humiliter tamen eam amplecti oportet, si ad Deum opificem nostrum & fectorem, à quo sumus alienati, redire cupimus, vt nobis iterum pater esse incipiat. Certè post lapsum primi hominis nulla ad salutem valuit Dei cognitio absque Mediatore: quia non de sua tantum ætate loquitur Christus, sed omnia secula comprehendit, quum dicit hanc esse vitam æternam, cognoscere Patrem verum vnum Deum, & quem ille misit Iesum Christum. Quo fœdior est eorum socordia, qui cælum profanis & incredulis quibuslibet patefaciunt, absque eius gratia quem Scriptura passim docet vnicam esse ianuam qua in salutē ingredimur. Quòd si quis ad Euangelii promulgationem illud Christi dictum restringere velit, in pròptu refutatio est, quia omnibus & seculis & Gentibus communis fuit ratio illa, non posse absque reconciliatione placere Deo, qui alienati sunt ab eo, & maledicti pronuntiantur ac filii iræ. Huc adde quod respondit Christus mulieri Samaritanæ, Vos adoratis quod nescitis: nos autem adoramus quod scimus: quia salus ex Iudæis est. Quibus verbis & quasilibet Gētiū religiones falsitatis damnat, & rationem assignat, quia soli electo populo fuerit promissus redemptor sub Lege. vnde sequitur, nullum vnquam Deo cultum placuisse nisi qui in Christū respiceret. Vnde etiam affirmat Paulus Gentes omnes absque Deo fuisse, & spe vitæ orbatas. Iam quum doceat Iohannes, vitā ab initio fuisse in Christo, & ab ea excidisse totum mundum, ad fontem illum redire necesse est. atque ideo Christus, quatenus est propitiator, se vitam esse asserit. Et sanè non ad alios quàm Dei filios pertinet cælorum hereditas. Filiorum autem loco & ordine censerī minimè cōsentaneum est qui non insiti sunt in corpus vnigeniti Filii. Et clarè testatur Iohannes, qui credunt in eius nomen, filios Dei fieri. Sed quia de fide in Christum ex professo disserere mihi nondum propositum est, in transcurso attigisse satis fuerit.

Ac proinde veteri populo nunquam se Deus ostendit propitiū, nec spem gratiæ vnquā fecit absque Mediatore. Omitto sacrificia Legis, quibus palam & apertè edocti fuerunt fideles, non alibi quàm in expiatione quæ à solo Christo peracta est, quærendā salutem esse. Hoc tantum dico, beatum & fœlicem Ecclesiæ statū semper in Christi persona fuisse fundatū. Nam etsi Deus totam Abraham sobolem in fœdere suo cōplexus est, prudenter tamen

Galat. 3. c. 16

h. i.

Gentes: quando scimus non omnes qui secundū carnem ex eo geniti sunt, reputatos fuisse in semine. Nam vt de Ismaele & aliis taceam, quī factū est vt ex duobus filiis Isaac, nempe Esau & Iacob fratribus geminis, quum adhuc in vtero matris cōiuncti essent, vno electo alter repudiaretur? Imò quī factum est vt primogenito reiecto, minor natu solus gradum tenuerit? Vnde etiam contigit vt maior pars abdicaretur: Patet igitur in vno præcipuè capite censerī Abrahæ semen: nec salutem promissam constare donec ad Christum ventum fuerit, cuius officium est quæ dissipata erant colligere. Prima itaque electi populi adoptio à gratia Mediatoris pendeat. Quod etsi non adeò claris verbis exprimitur apud Moysen, vulgò tamen piis omnibus fuisse notum satis apparet. Nam antequā Rex in populo creatus esset, iam Hanna Samuelis mater de piorum fœlicitate differens, in suo cantico sic loquitur, Dabit robur Regi suo Deus, & exaltabit cornu Messia sui. Quibus verbis intelligit Deum Ecclesiæ suæ benedicturum. Cui etiam respōdet oraculum quod paulo pōst subiicitur, Ambulabit Sacerdos quem constituam coram Christo meo. Nec verò dubium est quin cælestis Pater in Dauide eiūsq; posteris cōspici voluerit viuā Christi imaginē. Ideo pios ad Dei timorē hortari volens, iubet osculari Filium: cui scilicet hæc Euāgelii sentētia respondet, Qui nō honorat Filium, non honorat Patrem. Itaque licet decem tribuum defec̃tione collapsum fuerit regnū, fœdus tamē quod pepigerat Deus in Dauide & eius successoribus, stare oportuit, sicut & per Prophetas loquutus est, Nō scindam prorsus regnum propter Dauid seruum meum & propter Ierusalem quam elegi: sed filio tuo restabit tribus vna. vbi secundò & tertio idem repetitur. Disertè etiam adscribitur, Affligam semen Dauidis: sed non cunctis diebus. Aliquo postea temporis interuallo dictum est, Propter Dauid seruum suum dedit lucernā Deus in Ierusalem, vt suscitaret ei filium, & saluam tueretur Ierusalem. Iam quum res ad interitum vergerent, rursus dictum fuit, Noluī Deus dispergere Iehudah propter Dauid seruum suum, quia loquutus erat vt daret ei lucernam & filiis eius in perpetuum. Huc redit summa, præteritis omnibus aliis, Dauidem vnum fuisse electum, in quo beneplacitū Dei resideret: sicuti dicitur alibi, Repulit tabernaculum Silo, & tabernaculū Ioseph, & tribum Ephraim non elegit: sed elegit tribum Iehudah, mōtem Sion quem dilexit: Elegit seruum suum Dauid, vt pasceret Iacob populum suum, hæreditatem suam Israel. Denique sic Ecclesiam suam seruare voluit Deus, vt eius incolumitas & salus à capite illo penderet. Ideoque exclamat Dauid, Iehouah fortitudo populi sui, robur salutem Christi sui. Et mox precationem addit, Serua populū tuum, & benedic hæreditati tuæ: significans Ecclesiæ statum indiuiduo nexu cum Christi imperio coniunctū esse. Eodē sensu alibi, Serua Iehouah, Rex exaudiat nos quo die inuocabimus. Quibus verbis apertè docet, fideles non alia fiducia confugisse ad Dei opē, nisi quia delitescēbant sub Regis præsidio, quod ex alio Psalmo colligitur, Serua Iehouah, benedictus qui venit in nomine Iehouæ: vbi satis constat reuocari ad Christū fideles, vt se Dei manu saluos fore sperent. Eodem respicit alia precatio, vbi tota Ecclesia Dei misericordiam implorat, Sit manus tua super virum dexteræ tuæ, super filium hominis quem conseruasti (vel aptasti) tibi. Nam etsi populi totius dissipationem deplorat author Psalmi, tamen instaurationem flagitat in solo capite. Vbi autem populo in exiliū abducto, vastata terra, & rebus in speciem perditis, Ecclesiæ cladem luget Ieremias, præcipuè regni interitu spem fidelibus præcisam esse queritur. Christus, inquit, spiritus oris nostri captus est in peccatis nostris, cui diximus, In vmbra tua viuemus inter Gētes. Hinc iam satis liquet, quia non potest Deus propitius humano generi esse absque Mediatore, sanctis Patribus sub Lege Christum semper fuisse obiectum, ad quem fidem suam dirigerent.

3

Habac. 3. c. 13

Porrò vbi rebus afflictis solatium promittitur, maximè vbi describitur Ecclesiæ liberatio, fiducia & spei vexillū in Christo ipso præfigitur, Egressus est Deus in salutē populi sui cū Messia suo, inquit Habacuc. Et quoties de instauratione Ecclesiæ mentio fit apud Prophetas, populū reuocāt ad promissionē Dauidi factā de regni perpetuitate. Nec mirū, quia nulla fuisset alioqui fœderis stabilitas. Quo pertinet insigne illud responsum Iesaiæ. Quū enim videret ab incredulo rege Achaz repudiari quod de soluenda obsidione Hierosolymæ & præsentī salute testatus fuerat, quasi ex abrupto transit ad Messiam, Ecce virgo cōcipiet ac pariet filium, obliquè significans quanuis Rex & populus sua prauitate reuerent oblatam sibi promissionem, ac si data opera incumberēt ad labefactandam Dei fidem, nō fore tamen irritum fœdus quin suo tēpore veniret Redemptor. Denique Prophetis omnibus curæ fuit, vt Deum placabilem ostenderent, semper in medium proferre illud Dauidis regnum vnde pēdebat & redemptio & æterna salus. Sic Iesaias, Statuam vobiscum fœdus, misericordias Dauidis fideles. ecce testem dedi cum populis. Nēpe quia in rebus per-

1. Sam. 2. b. 10

Psal. 1. c. 11

Iohan. 5. d. 23

1. Reg. 11. b. 12.

f. 34

Ibidem g. 39

1. Reg. 15. a. 4

1. Reg. 11. f. 34

Psal. 78. f. 60.

g. 67

Psal. 118. c. 8

Psal. 120. b. 10

Psal. 118. d.

25. 16

Psal. 80. d. 18

Thre. 4. d. 10

Iesa. 7. c. 14

Iesa. 55. a. 3

ditis non aliter sperare poterant fideles, nisi teste illo interposito, Deum sibi fore exorabilē. *Ierem. 23. a. 6*
 Eodē modo Ieremias vt desperatos erigat, Ecce (inquit) dies veniunt quibus suscitabo Da- *Ezec. 34. f. 23*
 uidi germen iustum, & tunc seruabitur Iuda, & Israel tutò habitabit. Ezechiel autē, Susci- *Ezech. 37. g. 25. 26*
 tabo super oues meas pastorem vnum, nempe Dauidem seruum meum. Ego Ichoua illis in
 Deum ero, & seruus meus Dauid in pastorem: & percutiam cum iis fœdus pacis. Item ali- *Osee 1. d. 11*
 bi, postquam de incredibili renouatione differuit, Seruus (inquit) meus Dauid erit Rex eo- *Osee 3. b. 5*
 rum, & erit pastor vnus super omnes, & fœdus pacis æternum percutiam cum ipsis. Pauca *Mich. 2. d. 13*
 ex multis delibo, quia tantum lectores volo admonitos, spem omnium piorum non alibi *Amos 9. c. 11*
 vnquam fuisse repositam quam in Christo. Succinūt etiam alii omnes Prophetæ, sicuti apud *Zach. 9. b. 9*
 Oseam dicitur, Congregabuntur filii Iuda & filii Israel pariter, & ponent sibi caput v- *Psal. 118. c. 8*
 num. quod postea clarius explicat, Reuertetur filii Israel, & inquirent Ichouam Deū suum
 & Dauidē Regem suum. Michæas etiam, de populi reditu verba faciens, disertè exprimit,
 Transibit Rex ante ipsos, & Ichoua in capite eorum. Sic Amos populi renouationem pro-
 mittere volens, Suscitabo (inquit) in die illa tabernaculum Dauid quod collapsum est, &
 sepiam interruptiones, & subuersiones erigam. nempe quia vnicū illud erat salutis vexil-
 lum, iterū in sublime emergere regiam gloriam in familia Dauidis, quod in Christo im-
 pletū est. Itaque Zacharias, sicuti eius seculum Christi manifestationi propius erat, apertius
 exclamat, Latere filia Sion, iubila filia Ierusalem, ecce Rex tuus venit tibi iustus & serua-
 tus. Quod loco Psalmi antè citato respondet, Ichoua robur salutem Christi sui, serua Ieho-
 ua. vbi salus à capite ad totum corpus extenditur.

4 His vaticiniis ita imbui voluit Deus Iudæos, vt liberationis petēdæ causa, rectā oculos
 ad Christū conuerterēt. Nec verò quauis turpiter degenerassent, potuit tamē aboleri me-
 moria generalis illius principii, Deum per manū Christi, sicuti Dauidi pollicitus fuerat,
 fore Ecclesiæ liberatorem: atque demū hoc modo firmum fore gratuitū fœdus quo Deus
 electos suos adoptauerat. Hinc factum est vt in ore puerorum personaret canticum illud *Matth. 21. a. 9*
 quū Christus Hierosolymam paulo ante mortem ingressus est, Hosanna filio Dauid. Vul-
 go enim notum ac celebre fuisse apparet atque ex communi vsu petitū quod canebant v-
 nicum sibi restare misericordiæ Dei pignus in aduētū redemptoris. Hac ratione Christus ip-
 se discipulos, vt distinctè & perfectè credant Deo, iubet in se credere, Creditis in Deum, & *Iohan. 14. a. 1*
 in me credite, inquit. Et si enim propriè loquendo, à Christo fides ad Patrem conscendit, si-
 gnificat tamen eam, etiam si Deo innititur, paulatim euanescere nisi intercedat ipse me-
 dius qui eam in solida firmitate retineat: alioqui altior quoque est Dei maiestas quam vt
 ad eam penetrent mortales qui tanquā vermiculi super terram reptāt. Quare illud vulga-
 re dictum sic admitto, Deum esse fidei obiectum, vt tamen correctione opus habeat: quia
 non frustravocatur Christus inuisibilis Dei imago: sed hoc elogio monemur, nisi occurrat *Colos. 1. b. 15*
 nobis Deus in Christo, non posse in salutem nobis innotescere. Et si autem apud Iudæos fal-
 sis commentis obtenebrauerant Scribæ quod de Redemptore Prophetæ tradiderant, sum-
 psit tamen pro confesso Christus, quasi publico consensu receptum, non aliud rebus perdi-
 tis esse remedium, nec modum alium liberandæ Ecclesiæ, quam Mediatore exhibito. Non
 fuit quidē vulgò cognitum vt decebat, quod docet Paulus, Christum esse finē Legis: quam *Rom. 10. a. 4*
 tamen verum sit ac certum, ex Lege ipsa & Prophetis liquidò patet. De fide nondum disse-
 ro, quia alibi opportunior erit locus: hoc modò fixum lectoribus maneat, Primus ad pieta-
 tem gradus sit agnoscere Deum esse nobis patrem, vt nos tueatur, gubernet ac foueat, donec
 colligat in æternam hæreditatem regni sui: hinc palàm fieri quod nuper diximus, saluifi-
 cam Dei cognitionem absque Christo non constare: ideoque ab exordio mūdi ipsum fuisse
 propositum omnibus electis in quem respicerent, & in quo acquiesceret eorum fiducia.
 Hoc sensu scribit Irenæus Patrē, qui immensus est, in Filio esse finitum, quia se ad modu-
 lum nostrum accommodauit, ne mentes nostras immensitate suæ gloriæ absorbeat. Quod
 fanatici non reputantes, vtilem sententiam ad impium phantasma detorquent, ac si por-
 tio tantum diuinitatis à tota perfectione defluens in Christo esset: quum nihil aliud velit
 quam Deum in Christo solo comprehendere. Omnino verum semper fuit illud Iohannis, *1. Iohan. 2. d. 21*
 Qui non habet Filiū, neque Patrē habet. Nā etsi olim gloriati sunt multi summū numen,
 cælique & terræ opificem se colere: quia tamen nullus illis erat Mediator, fieri non pō-
 ruit vt Dei misericordiam verè gustarent, atque ita persuasi essent sibi patrē esse. Quia er-
 go caput non tenebant, hoc est Christum, euanida fuit apud eos Dei cognitio: vnde etiam
 factum est vt in crassas fœdāsque superstitiones demū prolapsi, ignorantiam suam prode-
 rent. sicuti hodie Turcæ, quauis plenis buccis prædicent cæli & terræ creatorem suum es-
 se Deum, substituunt tamen in locum veri Dei idolum, dum à Christo abhorrent.

Legem fuisse datam, non quæ populum veterem in se retine-
ret, sed quæ foueret spem salutis in Christo usque ad eius
aduentum.

C A P. VII.



X cōtinua illa, quam retulimus, serie colligere licet Legem nō ideo post mor-
tem Abrahamæ quadringentis circiter annis fuisse superadditam, vt electum
populum à Christo abduceret: imò vt suspensos teneret animos, usque ad e-
ius aduentum, accenderet etiam eius desiderium, & in expectatione cōfirma-
ret ne longiore mora deficeret. Legis nomine nō solùm decem præcepta, quæ

Act. 7. f. 44
Heb. 8. b. 5
Exo. 25. d. 40

piè iustæque viuendi regulam præscribūt, intelligo, sed formā religionis per manum Mo-
sis à Deo traditā. Neque enim datus est Moses legislator qui benedictionē generi Abrahamæ
promissam aboleret: imò videmus vt passim reuocet in memoriam Iudæis gratuitum il-
lud fœdus cum patribus eorum percussum, cuius hæredes erant: ac si ad illud renouādum
missus foret. Id clarissimè ex ceremoniis patefactum fuit. Quid enim magis inane aut fri-
uolum quàm homines, vt se Deo reconcilient, fœtidum nidorem ex adipe pecudum offer-
re: vt sordes suas eluant, ad aquæ vel sanguinis asperisionem confugere: Denique totus le-
galis cultus (si per se reputetur, nec contineat vmbras & figuras quibus respondeat veritas)
res erit prorsus lusoria. Quare non abs re & in concione Stephani, & in epistola ad Hebræos
tam diligenter expenditur locus ille vbi Deus Mosen iubet quæcunque ad tabernaculum
pertinent formare secundum exemplar quod ostensum illi fuerat in monte. Nisi enim
spirituale aliquid fuisset propositum quod tenderent, non secus in illis operam lussent Iu-
dæi atque Gentes in suis nugis. Profani homines, qui nunquam seriò in pietatis studium
incubuerant, non absque fastidio audire sustinent tam multiplices ritus: neque solùm mi-
rantur cur Deus veterem populum fatigauerit tanta ceremoniarum congerie, sed despi-
ciunt illas ac rident tanquam pueriles lusus. Nempe quia ad finem non attendunt, à quo
si legales figuræ separentur, vanitatis damnari necesse est. Atqui ostendit typus ille, Deum
non ideo mandasse sacrificia vt cultores suos occuparet in terrenis exercitiis, sed potius vt
altius erigeret eorum mentes. Quod etiam ex eius natura liquidò constare potest: quia, vt
spiritualis est, non alio quàm spirituali cultu oblectatur. Testantur hoc tot Prophetarum
sententiæ, quibus Iudæos fœcordiæ arguunt, quod putent vilius esse apud Deum mo-
menti quæuis sacrificia. An quia Legi quicquam derogare consilium sit? Minimè: sed (vt
erant veri illius interpretes) hoc modo ad scopum oculos dirigi voluerunt, à quo vul-
gus errabat. Iam ex gratia Iudæis oblata certò colligitur legem Christo non fuisse va-
cuam. hunc enim adoptionis finem illis proposuit Moses, vt essent Deo in regnum sa-
cerdotale: quod assequi non poterant nisi maior & præstantior quàm ex sanguine pecu-
dum reconciliatio intercederet. Quid enim minus consentaneum, quàm Adæ filios, qui
hæreditaria labe nascuntur omnes peccati mancipia, in regiam dignitatem attolli, & hoc
modo fieri gloriæ Dei consortes, nisi aliunde illis proueniret tam præclarum bonum: Ius
quoque sacerdotii quomodo apud eos vigere potuit qui vitiorum sordibus abominabi-
les Deo erant, nisi consecrati essent in sancto capite? Quare eleganter Petrus illud Mosis
dictum conuertit, plenitudinem gratiæ, cuius gustum sub Lege perceperāt Iudæi, in Chri-
sto exhibitā esse docens, Vos estis genus electum, inquit, regale sacerdotium. Huc enim ten-
dit vocum inuersio, plus adeptos esse quibus apparuit Christus per Euangelium, quàm il-
lorum patres: quia omnes præditi sint sacerdotali honore & regio, vt Mediatore suo freti,
liberè in Dei conspectum prodire audeant.

Exod. 19. a. 6

1. Pet. 2. b. 9

Galat. 3. d. 14

Iesa. 53

Dan. 9

Psal. 110. b. 4

2 Atque hîc obiter notandum est, regnum quod tandem erectū fuit in familia Davidis,
esse Legis partē, & cōtineri sub Mosis ministerio. vnde sequitur, tam in toto genere Leuiti-
co quàm in posteris Davidis Christum oculis veteris populi quasi in duplici speculo fuisse
obicctum. Quia, vt nuper dixi, non aliter corā Deo esse poterāt vel reges vel sacerdotes, qui
& serui erant peccati ac mortis, & sua corruptione polluti. Hinc verissimum esse patet illud
Pauli, Iudæos quasi sub pædagogi custodia fuisse retentos, donec veniret semē in cuius gra-
tiam data erat promissio. Nam quia nondum familiariter innotuerat Christus, similes fue-
runt pueris, quorum imbecillitas nondum plenam rerum cælestium scientiam ferre pote-
rat. Quomodo autem ceremoniis ad Christum fuerint manu ducti, antè dictū est, & ex plu-
ribus Prophetarum testimoniis melius intelligere licet. Nam etsi nouis quotidie sacrificiis
ad Deum placandum accedere ipsos oportuit, vnico tamen sacrificio scelera omnia expia-
tum iri promittit Iesaias. cui concinit Daniel. Sacerdotes ex tribu Leui designati sanctua-
rium ingrediebantur: at de vnico sacerdote semel dictum fuit, iurciurando diuinitus ele-
ctum esse qui sacerdos esset in perpetuum secundum ordinem Melchisedech. Erat tunc visi-

bilis olei vnctio, aliā fore Daniel ex visione pronūtiat. Ac ne pluribus insistā, satis prolixē & dilucidē author epistolæ ad Hebræos à quarto cap. ad vndecimū vsque demonstrat nihil & inanes esse ceremonias donec ad Christū ventū fuerit. Quod verò ad decē præcepta spectat, tenenda similiter est Pauli admonitio, Christum esse finem Legis in salutem omni credenti: & altera, Christum esse spiritum qui literam per se mortiferam viuificat. Nam priore quidem significat frustra doceri iustitiam præceptis, donec eam Christus & gratuita imputatione & spiritu regenerationis conferat. Quare merito Christum vocat complementum Legis, vel finem: quia nihil prodesset quid exigat Deus à nobis scire, nisi sub iugo & onere intolerabili laborantibus & oppressis Christus succurreret. Alibi Legem propter transgressiones positam esse docet: nempe vt homines damnationis suæ conuictos humiliaret. Porro quia hæc ad Christum quærendum vera & vnica est præparatio, quacunque diuersis verbis tradit, probè inter se consentiunt. Sed quia disceptatio illi fuit cum peruersis doctōribus, qui Legis operibus iustitiam nos mereri fingebāt, vt eorum errorem refutaret, coactus est interdum nudam Legem præcisè accipere: quæ tamen gratuita adoptionis fœdere aliqui vestita est.

Rom. 10. 4.

2. Cor. 3. 1. 6.

Galat. 3. c. 19

Deut. 30. d. 19

3 Quomodo autem à lege morali edocti magis inexcusabiles reddamur, vt nos ad veniā expetendam reatus sollicitet, breuiter cognoscere operæpretium est. Si verum est perfectiōnem iustitiæ in Lege nos edoceri: istud etiam consequitur, absolutam eius obseruationem perfectam esse coram Deo iustitiam: qua scilicet homo iustus apud cæleste tribunal censeatur ac reputetur. Quare Moses, Lege promulgata, non dubitat contestari cælum & terram quòd proposuisset Israeli vitam & mortem, bonum & malum. Nec refragari licet quin iustam Legis obedientiam maneat æternæ salutis remuneratio, quemadmodum à Domino promissa est. Rursum tamen operæpretium est recognoscere ecquid eam obediētiā præstemus, cuius merito concipienda sit illius remunerationis fiducia. Quantulum enim est, videre in Legis obseruantia positum vitæ æternæ præmium, nisi præterea constet an ea via peruenire ad vitam æternam nobis liceat: Hac verò in parte, Legis imbecillitas se profert. nam quia in nullo nostrum illa Legis obseruantia deprehenditur, à vitæ promissionibus exclusi, in solam maledictionem recidimus. Dico non quid fiat modò, sed quid necessariū sit. quum enim longè supra humanam facultatem sit Legis doctrina, potest quidem homo eminus spectare appositæ promissiones, non tamen fructum ex iis aliquem colligere. Hoc ergo vnum restat vt ab earum bono suam miseriam melius æstimet, dum cogitat præcisa spe salutis, mortem sibi certò imminere. Ex aduerso instant horrificæ sanctiones, quæ non paucos nostrum, sed omnes ad vnum irretitos constringunt. instant inquam, ac inexorabili asperitate nos persequuntur, vt præsentissimam in Lege mortem cernamus.

4 Itaque si Legem duntaxat intuemur, nihil aliud possumus quàm animum despondere, confundi, ac desperare, quum ex ea damnemur omnes, ac maledicamur: à beatitudine quā suis cultoribus proponit, procul arceamur. Ergone, inquires, ita nos ludificatur Dominus? Quantulum enim à ludibrio abest, spem felicitatis ostentare, ad eam inuitare & hortari, illam testari nobis expositam, quum interim præclusus sit & inaccessus ingressus? Respōdeo, Etiam si promissiones Legis, quatenus conditionales sunt, à perfecta Legis obedientia dependeant, quam nullibi reperire est: non tamen frustra datas esse. Vbi enim didicimus irritas nobis fore & inefficaces nisi gratuita sua bonitate, citra intuitum operū, nos Deus amplectetur, atque adeò illam bonitatem, nobis per Euāgelium exhibitam, fide simus amplexati: ne ipsis quidem deest sua efficacia, etiam cum annexa conditione. Sic enim tū omnia nobis gratuito confert vt hoc quoque ad cumulum suæ beneficentiæ adiungat quòd semiplenam nostram obedientiam non respuens, & quod deest complemento, remittens, perinde atque à nobis impleta conditione, legalium promissionum fructum percipere nos facit. Sed hanc quæstionem, quia in tractanda fidei iustificatione plenius disputanda erit, nō vltà in præsens prosequemur.

5 Quòd autem impossibilem Legis obseruationem diximus, id est paucis verbis explicandum simul & confirmandum. solet enim vulgo absurdissima sentētia videri: vt Hieronymus non dubitarit anathema illi denuntiare. Quid visum sit Hieronymo, nihil moror: nos quid verum sit inquiramus. Non texam hīc longas ambages de variis possibilitatis generibus. Impossibile appello quod nec fuit vnquam, & ne in posterum sit, Dei ordinatione ac decreto impeditur. Si ab vltima memoria repetamus, neminem sanctorum extitisse dico qui corpore mortis circumdatus, ad eum dilectionis scopum pertigerit vt ex toto corde, ex tota mente, ex tota anima, ex tota potentia Deum amaret: neminem rursum qui non concupiscentia laborarit. Quis reclamet? Video quidem quales nobis sanctos imaginetur stul-

ta superstitio, quorum scilicet puritati vix cælestes Angeli respondeant: sed repugnante tū Scriptura, tum experiētiæ ratione. Dico item, neminem posthac futurum, qui ad verā perfectionis metam peruenturus sit nisi corporis mole solutus. In hanc rem primū suppetūt aperta Scripturæ testimonia, Non est homo iustus super terram qui non peccet, dicebat Solomo. David autem, Non iustificabitur in conspectu tuo omnis viuens. Iob plurimis locis idem affirmat. Clarissimè omnium Paulus, quòd caro concupiscit aduersus spiritum, & spiritus aduersus carnem. Nec alia ratione probat, omnes qui sub Lege sunt, maledictioni subiectos, nisi quia scriptum sit, maledictos omnes qui non permanerint in omnibus eius mandatis: innuens scilicet, imò pro confesso assumens, neminem permanere posse. Quicquid autem Scripturis prædictū est, id pro perpetuo, adeoque pro necessario haberi decet. Eiusmodi argutia vexabāt Augustinum Pelagiani, iniuriam fieri Deo si plus iubeat quàm per eius gratiam præstare queant fideles. Ille, vt effugeret calumniam, fatebatur posse quidē Dominum, si vellet, hominem mortalem in Angelicam puritatē eucere: sed neque fecisse vnquam, nec facturum, quòd aliter in Scripturis asseruisset. Id neque ego inficio: sed addo tamen, importunè de potentia Dei disputari contra eius veritatem. ideo cauillis non esse obnoxiam sententiam, si quis dicat fieri non posse quod non futurum Scriptura pronuntiant. Verū si de verbo disputatur, Dominus rogantibus discipulis quis possit saluus esse, respondet, apud homines id quidem impossibile, apud Deum verò omnia possibilis. Validissima etiam ratione id contendit Augustinus, nunquam in hac carne reddere nos quem debemus legitimū Deo amorem. Amor, inquit, notitiam ita sequitur, vt Deum amare nemo perfectè possit qui non cognitam prius ad plenum habuerit eius bonitatē. Nos dum in mundo peregrinamur, cernimus per speculū & in ænigmate: sequitur ergo imperfectum esse nostrum amorem. Sit ergo extra controuersiam, impossibile esse in hac carne Legis implementum, si naturæ nostræ impotentiam intuemur, quemadmodum & ex Paulo alibi adhuc ostendetur.

6 Sed quo tota res melius patefiat, officium vsūque Legis quam moralem vocant, succincto ordine colligamus. Porro tribus istis partibus, quantum intelligo, continetur: Prima est, vt dum iustitiam Dei ostendit, id est, quæ sola Deo accepta est, suæ vnumquenque iniustitiæ admoneat, certiores faciat, conuincat denique ac condemnet. Sic enim opus est, cæcum & ebrium amore sui hominem, ad notitiam simul & confessionem suæ tum imbecillitatis tum impuritatis adigi: quando nisi vanitas eius euidenter redarguatur, insana viriū suarum confidentia inflatus est, nec adduci vnquam potest vt de earū tenuitate sentiat, quantisper eas arbitrii sui modo metitur. At qui simulac eas cōparare ad Legis difficultatem cœpit, habet illic quod ferociam minuat. Vt cunque enim angētem de iis opinionem præsumperit, mox tamen eas sub tanto pondere anhelare sentit: deinde titubare ac labascere, tandem concidere etiam ac deficere. Sic Legis magisterio eruditus, exiit illam, quæ prius cæcutiebat, arrogantiam. Similiter altero, quo ipsum laborare dictum est, superbix morbo sanāduus est. Quandiu iudicio suo stare permittitur, hypocrisin comminiscitur pro iustitia: qua contentus, factitiis nescio quibus iustitiis aduersus Dei gratiam erigitur. Postquam verò ad Legis trutinam examinare vitam suam cogitur, ommissa commentitiæ illius iustitiæ præsumptione, immenso spatio se abesse à sanctitate cernit: rursus infinitis vitiis se abundare, quibus purus antea videbatur. Tam profundis enim ac sinuosis recessibus absconduntur concupiscentiæ mala, vt hominis aspectum faciliè fallant. Nec sine causa dicit Apostolus, se concupiscentiam ignorasse nisi Lex diceret, Non concupisces: quia nisi per illam retegatur ex latebris suis, occultius miserum hominem perdit quàm id exitiale eius telum sentiat.

7 Ita Lex instar est speculi cuiusdam, in quo nostram impotentiam, tum ex hac iniquitatem, postremò ex vtraque maledictionem contemplamur: quemadmodū oris nostri maculas speculum nobis repræsentat. Quem enim ad sequēdam iustitiam destituit facultas, hic in luto peccatorum hareat defixus necesse est. Peccatum cōtinuò maledictio sequitur. Ideo quo maioris transgressionis deprehensos conuictosque Lex tenet, eo grauioris simul iudicii reos agit. Huc pertinet Apostoli dictum, quòd per Legem est cognitio peccati. Primum enim eius officium illic tantum notat, cuius experimentū est in peccatoribus nondum regeneratis. Huic coniuncta sunt ista, Legem esse subingressam vt abundaret peccatum, ac proinde esse administrationē mortis, quæ iram operetur, & occidat. Eo enim magis haud dubiè crescit iniquitas, quo liquidior peccati intelligentia conscientia feritur: quòd ad præuicationem tunc aduersus Legislatorem contumacia accedit. Restat igitur vt iram Dei in peccatoris exitium armet: quia nihil per se potest quàm accusare, dānare,

& perdere. Et quemadmodum scribit Augustinus, si desit Spiritus gratiæ, in hoc tantum adest ut reos faciat & occidat. Id autem quod dicitur, nec ignominia afficitur Lex, nec eius quidem excellentiæ quicquam derogatur. Sanè si voluntas nostra tota in eius obedientiam formata compositaque foret, planè iam ad salutem sufficeret sola ipsius cognitio: at quum natura nostra carnalis & corrupta cum spiritali Dei Lege hostiliter pugnet, nec eius disciplina quicquam emendetur, superest ut Lex quæ in salutem (si auditores idoneos nacta fuisset) data erat, in peccati & mortis occasionem cedat. Quandoquidè enim omnes eius transgressores esse cōvincimur, quo iustitiam Dei clarius referat, eo nostram ex aduerso iniquitatem magis detegit: quo vitæ salutisque præmium iustitiæ repositum certius confirmat, eo certiorum iniquorum interitum reddit. Tantum ergo abest quin Legi contumeliosa sint ista elogia, ut ad illustriorem diuinæ beneficentiæ commendationem plurimum valeant. Nam inde profectò patet, nostra nequitia & prauitate nos impediri quominus vitæ beatitudine per Legem in propatulo posita fruamur. Vnde suauior redditur, quæ sine Legis subsidio nobis succurrit Dei gratia: & amabilior, quæ illam nobis confert, misericordia, qua discimus, identidem benefaciendo, & noua dona cumulando nunquam ipsum fatigari.

De corrept.
& gratia.

Vide Ambr.
cap. 1. de lac.
& vita beata,
cap. 6.

8 Quod autem omnium nostrum iniquitas & damnatio, Legis testimonio consignatur, non ideo fit (si tamen rite in ea proficimus) ut concidamus desperatione, ac desponsis animis in præcipitium corruamus. In hunc certè modum illinc exanimantur reprobi: sed ob animi obstinationem. Apud filios Dei alium esse eruditionis finem cōuenit. Nos quidem iudicio Legis damnatos esse testatur Apostolus, quo omne os obstruatur, & obnoxius reddatur omnis mundus Deo. Idem tamen alibi docet, Deum omnes sub incredulitate conclusisse, non ut perdat, aut omnes perire sinat, sed ut omnium misereatur. Nèpe ut omnia suæ virtutis stolidi opinione, sola Dei manu stare se & consistere intelligant, ut nudi & vacui ad eius misericordiam confugiant, in hanc se toti reclinent, in hanc penitus se abdant, hanc unam pro iustitia & meritis arripiant, quæ omnibus in Christo exposita est quicumque eam vera fide & expetunt & expectant. Deus enim in Legis præceptis non nisi perfectæ iustitiæ, qua nos omnes destituti sumus, remunerator: contra autem seuerus scelerum iudex apparet. In Christo autem facies eius gratiæ ac lenitatis plena, erga miseros etiam ac indignos peccatores relucet.

Rom. 3. c. 19

Rom. 11. d. 32

9 De profectu ad implorandam auxilii gratiam sæpe Augustinus: ut quum scribit Hilario, iubet Lex ut facere iussa conati, & in nostra infirmitate sub Lege fatigati, adiutorium gratiæ poscere nouerimus. Item Asellio, Vtilitas Legis est ut hominem de sua infirmitate conuincat, & gratiæ medicinam, quæ in Christo est, implorare compellat. Item ad Innocentium Romanum, iubet Lex: gratia vires agendi subministrat. Item Valentino, iubet Deus quæ non possumus, ut nouerimus quid ab illo petere debeamus. Item, Data est Lex ut vos reos faceret: rei facti, timeretis: timentes, indulgentiam peteretis: de viribus vestris non præsumeretis. Item, Ad hoc data est Lex, ut de magno paruulum faceret: ut te ad iustitiam vires de tuo non habere monstraret, ac si inops, indignus, ac egenus ad gratiam cōfugeres. Postea sermonem ad Deum dirigit, Ita fac Domine, ita fac misericors Domine: impera quod non possit impleri: imò impera quod non nisi per gratiam tuam possit impleri: ut quum homines id implere per suas vires nequiuert, omne os obstruatur, & nemo sibi magnus videatur. Sint omnes paruuli, & reus fiat omnis mūdus coram Deo. Sed ego ineptus sum qui tot testimonia congero, quum proprium opus scripserit sanctus ille vir, cui titulum fecit De spiritu & litera. Secundum profectū non tam significatè describit, vel quod dependere ex illo priore nouerat, vel quod non ita probè tenebat, vel quod verba non habebat quibus rectum alioqui sensum ita distinctè & perspicuè explicaret. Neque tamen in reprobis quoque ipsis primum hoc Legis officium cessat. Quanquā enim cum filius Dei non hucusque pergunt ut post carnis deiectionem interiore homine renouentur ac reforescant, sed primò terrore attoniti in desperatione iacent: pertinet tamē ad manifestandā diuini iudicii æquitatem, eiusmodi fluctibus eorum conscientias exagitari. Siquidē libenter semper cupiunt aduersus Dei iudicium tergiversari: nunc illo nondū patefacto, Legis tamen & conscientiæ testimonio sic consternati, in seipsis produnt quid meriti sint.

Epist. 89.

Epist. 200.

Epist. 95.

Lib. de ci. r.

1. pt. & grat.

In Psal. 70

In Psal. 118.

Concione 47

10 Secundum Legis officium est ut qui nulla iusti rectique cura, nisi coacti, tanguntur, dum audiunt diras in ea sanctiones, coerceantur saltem poenarū formidine. Coercentur autem, non quod interior eorum animus permoueatur aut afficiatur: sed quia, tanquam iniecto freno, manus ab exteriori opere continent, & suam prauitatem intus cohibet, quam alioqui petulanter effusuri erant. Ex eo nec meliores quidem sunt, nec apud Deum iustiores.

Nam tametsi vel terrore vel pudore impediti exercere non audent quod animo concepe-

runt, nec suæ libidinis furias palam efflare, cor tamen non habent cōpositum ad timorem & obedientiam Dei: imò quo magis sese retinent, eo fortius intus accenduntur, feruent, bulliunt, parati quidvis facere, & quouis prorumpere nisi hic terror Legis obstaret. Nec id solum, sed Legem quoque ipsam pessimè oderunt, & Deum Legislatorem execrantur, ut eum, si possent, maximè velint tollere, quem nec recta iubentem, nec suæ maiestatis contemptores vlciscentem ferre possunt. Aliis quidem obscurius, aliis clarius, omnibus tamen nondum regeneratis hic sensus inest, ut non voluntaria submissione, sed inuiti ac resistentes, tantum timoris violentia ad Legis studium trahantur. Sed tamen hæc coacta expressâque iustitia, necessaria est publicæ hominum communitati, cuius hîc tranquillitati consulitur, dum cauetur ne omnia permisceantur tumultu: quod fieret si omnia omnibus licerent. Quinetiâ filiis Dei non est inutile hac pædagogia exerceri, quantisper ante vocationē, Spiritu sanctificationis destituti, insipientia carnis lasciuiunt. Dū enim diuinæ vlationis terrore vel ab externa petulantia retrahuntur, utcumque nondum animo domiti parum in præsentia promoueant, aliqua tamen ex parte ferendo iustitiæ iugo assuefiunt: ne quum vocati fuerint, sint ad disciplinā ceu ad rem incognitā, rudes prorsus ac nouitii. Hoc officium videtur Apostolus propriè attigisse, quum tradit Legem non esse iusto positā, sed iniustis & immorigeris, impiis & peccatoribus, sceleratis & profanis, parricidis, homicidis, fornicariis, pæderastis, plagiariis, mendacibus ac periuris: & siquid aliud sanæ doctrinæ aduersatur. Indicat enim esse exultantibus, & sine modo alioquin vagaturis carnis libidinibus, retinaculum.

1. Tim. 1. b. 9

Galat. 3. d. 14

II Ad utrunque verò accommodari potest quod alibi dicit, Legem fuisse Iudæis pædagogum ad Christum. siquidem duo sunt hominum genera quos ad Christū sua pædagogia manuducit. Alii (de quibus primo loco diximus) quia propriæ aut virtutis, aut iustitiæ fiducia nimis pleni sunt, recipiendæ Christi gratiæ non sunt idonei, nisi prius sint exinaniti. Ergo eos miseriæ suæ agnitione Lex ad humilitatē subigit, quo ita præparētur ad expetendū quod sibi antea deesse non putabāt. Alii opus habēt fræno quo retineātur, ne ita laxēt fræna carnis suæ lasciuiæ ut ab omni iustitiæ studio prorsus excidant. Vbi enim nondum regit Spiritus Dei, illic sic bulliunt interdū libidines, ut periculum sit ne animam sibi obnoxiam in obliuionē contemptūque Dei demergant: & fieret nisi Dominus hoc remedio obuiam iret. Itaque quos ad regni sui hæreditatem destinauit, si non statim regenerat, ad tempus suæ visitationis conseruat per Legis opera sub timore, non illo quidem casto & puro qualis in eius filiis esse debet, utili tamen ad hoc ut ad veram pietatem pro suo captu erudiantur. Huius rei tot habemus documēta, ut minimè opus sit exemplo. Quicumque enim aliquādiu in ignorance Dei versati sunt, hoc sibi accidisse fatebuntur ut Legis fræno retinerentur in qualicumque Dei metu & obseruantia, donec Spiritu regenerati, ex animo ipsum amare inciperent.

12

Tertius vsus, qui & præcipuus est, & in proprium Legis finem propius spectat, erga fideles locum habet, quorum in cordibus iam viget ac regnat Dei Spiritus. Nam tametsi digito Dei Legem scriptam & insculptam habent in cordibus, hoc est, sic affecti sunt & animati per Spiritus directionem ut obtemperare Deo cupiāt: bifariam tamen adhuc in Lege proficiunt. Est enim illis optimum organum quo melius in dies ac certius discant qualis sit Domini voluntas, ad quam aspirant: atque in eius intelligentia confirmentur. Ut si quis seruus iam ita sit toto animi studio comparatus ut domino suo se approbet, necesse tamen habet mores domini explorare accuratius & obseruare, ad quos se componat & accommodet. Nec se quispiam nostrum ab hac necessitate eximat. nemo enim eò sapientiæ adhuc penetrauit ut non possit ex quotidiana Legis eruditione nouos facere progressus in puriorem diuinæ voluntatis notitiam. Deinde quia non sola doctrina, sed exhortatione quoque indigemus, hanc quoque vtilitatē ex Lege capiet seruus Dei, ut frequenti eius meditatione excitetur ad obsequiū, in eo roboretur, à delinquēdi lubrico retrahatur. In hunc enim modum sanctos sibi instare oportet, qui secundū Spiritum quātalibet alacritate ad Dei iustitiā contendant, carnis tamē ignauia semper onerātur quominus legitima promptitudine pergant. Huic carni Lex flagrū est, quo instar inertis tardique asini, ad opus vrgatur. imò spirituali homini, quia nondum carnis mole expeditus est, assiduus aculeus erit qui desidere illum non permittat. Nimirum in hunc vsum respiciebat Dauid, quum insignibus illis encomiis Legem celebraret, Lex Domini immaculata, cōuertens animas: iustitiæ Domini rectæ, lætificantes corda: præceptum Domini lucidum, illuminans oculos, &c. Item, Lucerna pedibus meis verbū tuum, & lumen semitis meis. ac innumera quæ toto illo Psalmo prosequitur. Neque verò repugnant ista Paulinis sententiis quibus osten-

Psal. 19. c. 8

Psal. 119. 105

ditur, nō quem regeneratis vsum Lex præstet, sed quid homini per se cōferre queat. Hīc autem canit Propheta quanta cum vtilitate Legis suæ lectione erudiat Dominus eos quibus intus obsequendi promptitudinē aspirat: nec sola præcepta arripit, sed rebus annexā gratiæ promissionē, quæ sola facit vt quod amarū est dulcescat. Quid enim Lege minus amabile, si flagitando tantū & minando metu sollicitet animas, & terrore angat? Præsertim verò ostendit Dauid, se in Lege Mediatorem apprehendisse, sine quo nulla est oblectatio vel suauitas.

13 Quod discernere dum imperiti quidam nesciunt, totū Mosen animosē explodūt, duāsque Legis tabulas valere iubent: quia scilicet Christianis alienum esse arbitrantur adhærere doctrinæ quæ mortis administrationē continet. Faceſſat longē ex animis nostris profana istæ opinio. pulchrē enim docuit Moſes, Legē, quæ apud peccatores nihil quàm mortem generare potest, in sanctis meliorem præſtatiōrēque habere debere vsum. Sic enim moriturus populo edixit, Ponite corda vstra in omnia verba quæ ego testificor vobis hodie, vt mandetis ea filiis vestris, doceatisque custodire, facere & implere vniuersa quæ scripta sunt in volumine Legis huius, quia nō incassum præcepta sunt vobis, sed vt singuli in eis viuerent. Quod si absolutum in ea iustitiæ exemplar eminere nemo inficietur, aut nullam esse nobis rectē iustēque viuendi regulam oportet, aut ab ea nefas est discedere. Siquidem non plures, sed vna est perpetua & inflexibilis viuendi regula. Quamobrem quod iusti hominis vitam in Legis meditatione continuam facit Dauid, id ne ad seculum vnū referamus, quia singulis ad finem mundi ætatibus cōuenientissimum est: nec absterreamur ideo, aut refugiamus ab eius institutione quod exactiorem multo sanctitatem præscribat quàm præstaturi sumus dum circumferemus carcerem corporis nostri. Non enim iam rigidi exactoris vicem erga nos fungitur, cui nō satisfiat nisi soluto penso: sed in hac ad quā nos adhortatur perfectiōne, metam demonstrat ad quam nobis tota vita contendere non minus vtile est quàm officio nostro consentaneum. In qua contentione si non deficimus, bene est. Stadium nanque est tota hæc vita, cuius decurso spatio, dabit Dominus vt metā illam, ad quam nunc eminus nituntur nostra studia, teneamus.

Deut. 32. g. 46

Psal. 111. a

14 Nunc ergo quoniam vim exhortationis erga fideles habet Lex, non quæ eorum cōscientias maledictione liget, sed quæ pigritiam, subinde instādo excutiat, & imperfectiōnē vellicet: multi dum volunt significare hanc ab illius maledictione liberationem, dicūt abrogatam esse Legem fidelibus (de morali adhuc loquor) non quod amplius illis non iubeat quod rectum est, sed duntaxat ne sit illis quod antea erat, hoc est, ne eorum cōscientias perterrendo & confundēdo, damnet ac perdat. Et sanē talem Legis abrogationem non obscure docet Paulus. A Domino quoque fuisse prædicatam ex eo apparet quod opinionem illam de Lege à se dissipanda non refutasset nisi inualuisset inter Iudæos. Quum autem non potuerit temerē, sine vllō prætextu, emergere: credibile est, ab eius doctrinæ falsa interpretatione fuisse natam: qualiter cuncti ferē errores occasionem à veritate sumere consueverunt. Nos verò, ne ad eūdem impingamus lapidem, accuratē distinguamus quid in Lege sit abrogatum, quid firmum adhuc maneat. Quum testatur Dominus se non venisse ad Legem abolendam, sed ad implendam: nec præteriturū, donec cælum ac terra trāseant, apicē ex Lege quin omnia fiant: nihil de obseruantia Legis per suum aduentum detractum iri satis confirmat. Et meritò: quando in hunc finem potius venit vt eius transgressionibus maderetur. Manet igitur per Christum inuiolabilis Legis doctrina, quæ nos docendo, admonendo, obiurgando, corrigendo, ad omne opus bonum formet ac comparet.

Matth. 5. b. 17

15 Quæ verò de maledictione dicuntur à Paulo, non ad institutionem ipsam pertinere, sed solūm constringendæ cōscientiæ vigorem, constat. Non enim solūm docet Lex, sed imperiosē exigit quod mādāt. Si non exhibeatur, imò si qua in parte ab officio cessetur, maledictionis fulmen stringit. Hac ratione dicit Apostolus, omnes qui sunt ex operibus Legis, esse execrationi obnoxios, quia scriptum sit, Execrabilis omnis qui non complet omnia. Eos autem sub operibus Legis dicit qui in remissione peccatorum iustitiam non statuunt, per quam à Legis rigore soluiuntur. Solui ergo nos à Legis vinculis oportere docet, nisi volumus sub illis miserē perire. Sed quibus vinculis? illius austeræ & infestæ exactiōnis quæ ex summo iure nihil remittit, nec transgressionem vllam impunitam finit. Ab hac, inquam, maledictione vt nos redimeret Christus, factus est pro nobis maledictio. Scriptū est enim, Maledictus omnis qui pendet in ligno. Capite quidem sequenti tradit, Christum Legi fuisse subiectum vt eos qui sub Lege erant redimeret: sed eodem sensu. subdit enim continuo, Quo ius filiorum, adoptione reciperemus. Quid istuc est? ne perpetua seruitute prememur, quæ cōscientias nostras anxietate mortis compressas teneret. Interim manet illud

Galat. 3. b. 10.

Deut. 27. d. 26

Galat. 3. b. 13.

& 4. a. 4

Deut. 21. d. 23

semper inconcussum, ex Legis autoritate nihil decessisse quin eadem semper veneratione obedientiâque ipsam suscipi à nobis conueniat.

16 Alia ceremoniarum ratio, quæ non effectû, sed vsu solo fuerunt abrogatæ. Quod autem illis finem aduentu suo Christus imposuit, adeò nihil earum sanctitati derogat vt eam magis commendat ac illustret. Nam sicuti veteri populo inane præbuissem spectaculum nisi mortis & resurrectionis Christi virtus illic monstrata esset: ita nisi cessassent, discernere hodie non liceret quorsum fuissent institutæ. Ideo Paulus, vt earum obseruationem nõ superuacuum modò, sed noxiam quoque esse probet, vmbas fuisse docet, quarum nobis extat in Christo corpus. Videmus ergo vt in earum abolitione melius refulgeat veritas, quàm si adhuc procul & quasi obtento velo Christum qui palàm apparuit figurarent. Ideo & Christi morte velum templi in duas partes scissum cecidit: quia iam viua & expressa cælestium bonorum imago in lucem prodierat, quæ obscuris tantùm lineamentis inchoata fuerat, sicuti loquitur author epistolæ ad Hebræos. Huc pertinet dictum Christi, Legem & Prophetas fuisse vsque ad Iohannem: ex eo regnũ Dei cœpisse euangelizari. non quòd prædicatione quæ spem salutis & vitæ aternæ continet, priuati fuerint sancti Patres: sed quia procul & sub vmbra culis intuiti sunt duntaxat quod hodie in plena luce cõspicimus. Cur autem Ecclesiam Dei ab illis rudimentis altius transcendere oportuerit, explicat Iohannes Baptista, Quòd Lex per Moysen data sit, gratia autem & veritas per Iesum facta. Quia etsi verè expiatio in veteribus sacrificiis promissa fuit, & arca fœderis certum fuit paterni Dei fauoris pignus: hoc totum vmbatile fuisset, nisi in Christi gratia fundatum, vbi reperitur solida aternâque stabilitas. Hoc quidem fixum maneat, quanuis seruari desierint ritus legales, ipso tamen fine melius cognosci quanta fuerit eorum vtilitas ante Christi aduētum, qui vsum tollendo, vim & effectum sua morte obsignauit.

17 Paulo plus difficultatis habet quæ notatur à Paulo ratio, Et vos quum essetis mortui per delicta & præputium carnis vestræ, conuiuificauit cum illo, donans vobis omnia delicta, delens quod aduersus nos erat chirographum in decretis, quod erat nobis contrarium: & ipsum tulit è medio, affigens cruci, &c. Videtur enim Legis abolitionem aliquantum vltra dilatare, vt nihil iam nobis sit cum illius decretis. Errant enim qui simpliciter de Lege moralis accipiunt, cuius tamen inexorabilem magis seueritatem, quàm doctrinam abolitam interpretantur. Alii acutius pensculantes Pauli verba, perspiciunt in Legem ceremonialem propriè competere: & ostendunt, id non semel apud Paulum sonare vocabulum Decreti: nam ad Ephesios quoque ita loquitur, Ipse est pax nostra, qui fecit vtraque vnum, Legem mandatorum in decretis sitam euacuans, vt duos conderet in seipso, in vnum novum hominem. De ceremoniis illic agi, minime ambiguum: quia interstitium vocat, quo Iudæi à Gentibus diffidebant. Quare priores illos ab his iure reprehendi fateor: sed ab his quoque nondum bene explicari mens Apostoli mihi videtur. Nam illos duos locos simul per omnia comparari, nullo modo placet. Ephesios quum de sua in societatem Israelis cooptione certiores facere vellet, impedimentum quo arcebantur olim, sublatum docet: illud erat in ceremoniis. Ritus enim ablutionum & sacrificiorum quibus Iudæi Domino consecrabantur, eos à Gentibus segregabant. At in epistola ad Colossenses sublimius mysterium attingi quis non videat? Certamen est quidem illic de Mosaicis obseruationibus, ad quas pseudoapostoli Christianum populum adigere studebant: sed quemadmodum in Epistola ad Galatas cõtrouersiam illam altius ducit, & quodammodo ad fontem suum reuocat: ita & hoc loco. Nam si in ritibus nihil aliud consideras quàm defungendi necessitatem, quorsum attinebat vocari chirographum contrarium nobis: præterea in eo totâ propè redemptionis nostræ summam ponere, vt induceretur? Quare res ipsa clamat, hîc aliquid interius reputandum esse. Ego autem confido me germanam intelligentiam assequutum; si tamen mihi verum esse cõceditur quod alicubi verissimè ab Augustino scriptum est, imò quod ex claris Apostoli verbis hausit, in ceremoniis Iudaicis confessionem magis delictorum extitisse quàm expiationem. Quid enim sacrificiis aliud agebant quàm se mortis conscios fatebantur, qui in suum locum catharmata substituebant? Quid purificationibus, nisi quòd se immundos testabantur? Ita renouabatur subinde ab illis & piaculi & impuritatis suæ chirographum: solutio in illa testificatione non erat. Qua ratione scribit Apostolus, morte demum Christi intercedente, redemptionem præuaricationum esse peractam, quæ manebant sub veteri Testamento. Merito ergo chirographa vocat Apostolus, suis cultoribus aduersa: quando per illa suam damnationem ac immunditiam palàm consignabant. Nec obest, quòd illi quoque eiusdem nobiscum gratiæ participes fuerunt. Id enim sunt assequuti in Christo, non in ceremoniis quas illic à Chri-

Ita discernit Apostolus: quoniam Christi gloriam, tum usurpatæ, obscurabant. Habemus ceremonias, si per se considerentur, eleganter & appositè vocari chirographa, hominum salutis contraria: quia velut solennia instrumenta erant, quæ ipsorum obligationem testarentur. Illis quum vellent rursus Christianam Ecclesiam astringere pseudoapostoli, non sine causa Paulus altius repetita earum significatione, Colossenses admonuit, quò relaberentur, si subiugari se in eum modum ab ipsis passi essent. Simul enim illis excutebatur Christi beneficium: quatenus, peracta semel æterna expiatione, quotidianas illas observationes aboleuit: quæ ad peccata cõsignanda tantum validæ, ad eadẽ delenda nihil poterat.

Legis moralis explicatio.

C A P. VIII.



HIC decem Legis præcepta, cum breui eorum explicatione, inferere non alienum fore arbitror: quia & inde melius patebit quod attigi, quem semel Deus præscripsit cultum adhuc vigere: deinde accedet secundi capitis confirmatio, nõ solum didicisse ex ea Iudæos quanam esset vera pietatis ratio, sed horrore iudicii, quum se observationi viderent impares, fuisse subactos vt vel inuiti ad Mediatorem traherentur. Porro inter explicandam eorum summam quæ in vera Dei notitia requiruntur, docuimus non posse ipsum pro sua magnitudine à nobis concipi quin statim occurrat eius maiestas quæ nos ad eius cultum adstringat. In cognitione nostri hoc præcipuum posuimus, vt propriæ virtutis opinione vacui, & propriæ iustitiæ fiducia exuti: contrariè, egestatis conscientia fracti & confusi, solidam humilitatem discamus, ac nostri deiectionem. Vtrunque in Lege sua Dominus exequitur, vbi primum vindicata sibi legitima imperandi potestate, ad numinis sui reuerentiam nos vocat, atque in quo sita ea sit & constituta præscribit: deinde, promulgata iustitiæ suæ regula (cuius reëtitudini ingenium nostrum, vt prauum est & contortum, perpetuò aduersatur: & infra cuius perfectionem facultas nostra, vt imbecilla est & ad bonum enervata, procul iacet) tum impotentiam nos, tum iniustitiæ arguit. Porro hæc ipsa quæ ex duabus tabulis discenda sunt, quodammodo nobis dicat lex illa interior, quam omnium cordibus inscriptam & quasi impressam superius dictum est. Non enim finit nos perpetuum somnum sine sensu dormire nostra conscientia, quin intus testis sit ac monitrix eorum quæ Deo debemus, quin boni & mali discrimen nobis obiciat, atque ita nos accuset dum ab officio discedimus. Verum, qua errorum caligine obuolutus est homo, per legem illam naturalem vix tenuiter degustat quis Deo acceptus sit cultus: certè à recta eius ratione longissimo interuallo distat. Ad hoc arrogantia & ambitione sic turgidus, sui que amore excaecatus est, vt se prospicere nondum queat, & velut in se descendere, quo submittere se ac deiicere discat, suamque miseriam fateri. Proinde (quod tum hebetudini tum contumaciæ nostræ necessarium erat) Dominus Legem scriptam nobis posuit: quæ & certius testificaretur quod in lege naturali nimis obscurum erat, & mentem memoriæque nostram, excusso torpore, viuidius feriret.

2 Nunc promptum est intelligere quid ex Lege discendum sit, nempe Deum, sicut Creator est noster, ita iure locum patris & domini erga nos obtinere: hac ratione gloriam, reuerentiam, amorem, timorem illi à nobis deberi. Quinetiam nos non esse nostri iuris, vt quocunque animi libido incitarit, sequamur, sed ab eius nutu suspensos, in eo solo debere consistere, quod ei placuerit. Deinde iustitiam ac reëtitudinem illi cordi esse, iniquitatem verò abominationi: ideoque, nisi velimus impia ingratitude à cõditore nostro deficere, iustitiam tota vita nobis esse necessario colendam. Nam si tum illi demum exhibemus quam decet reuerentiam dum voluntatem eius nostræ præferimus: sequitur non alium esse legitimum eius cultum, quam iustitiæ, sanctitatis, puritatis observationem. Nec prætere excusationem licet, quòd facultas desit, & velut exhausti debitores, soluendo nõ sumus. Non enim conuenit vt Dei gloriam metiamur ex nostra facultate. qualescunque enim sumus, manet ille sui similis semper, amicus iustitiæ, iniquitati infensus. Quicquid à nobis exigit, (quia nõ potest nisi rectum exigere) ex naturæ obligatione obsequendi necessitas nos manet: quòd autem non possumus, id vitii nostri est. A propria enim cupiditate, in qua peccatum regnat, si vinciti tenemur, ne soluti simus in nostri Patris obsequium, non est cur necessitatem pro defensione causemus, cuius malum & intra nos est & nobis imputandum.

3 Vbi hucusque per Legis doctrinam profecerimus, tum ad nos, eadem docente, descendere oportet, vnde tandem duo referamus: Primum, iustitiam Legis cum vita nostra comparando, longè abesse quin Dei voluntati respondeamus: ideoque indignos esse qui locum nostrum retineamus inter eius creaturas, nedum inter filios censeamur. Deinde vires nostras reputando, adimplendæ Legi non impares modò eas esse, sed prorsus nullas. Hinc ne-

cessario sequitur tum propriae virtutis diffidentia, tum animi anxietas & trepidatio. Neque enim iniquitatis pondus sustinere potest conscientia, quin mox Dei iudiciū obuerfetur. Sentiri verò Dei iudiciū non potest quin mortis horrorem incuti at. Similiter impotentiae documentis coacta, facere nequit quin protinus in virium suarum desperationem concidat. Vtraque affectio humilitatem ac deiectionem generat. ita fit demum ut homo aeternae mortis (quam iniustitiae suae merito sibi imminere videt) sensu perterritus, ad unam Dei misericordiam, tanquam ad unicum salutis portum, sese conuertat: ut suae non esse facultatis sentiens exoluere quod Legi debet, in seipso desperatundus, ad opem aliunde poscendam & expectandam respiret.

- 4 Sedenim non contentus Dominus iustitiae suae reuerentiam conciliasse: quò etiam eius amore, simul & iniquitatis odio, corda nostra imbueret, promissiones ac minas subiunxit. Quia enim magis caligat mentis nostrae oculus quàm ut sola boni pulchritudine afficiatur, clementissimus Pater pro sua indulgentia nos ad ipsum amandum & expetendum illectare pramiorum dulcedine voluit. Denuntiat ergo, reposita virtutibus apud se pramia: nec operam frustra sumpturum qui praeceptis suis fuerit obsequutus. Edicit ex aduerso, non tantum esse execrabilem sibi iniustitiam, sed nec impune euasuram: quòd ipse contempra suae maiestatis ultor sit futurus. Ac quo modis omnibus cohortetur, tam vitae praesentis benedictiones, quàm aeternam beatitudinem pollicetur eorum obedientiae qui mandata sua seruauerint: transgressoribus non minus praesentes calamitates, quàm aeternae mortis supplicium minatur. Illa enim promissio, Qui fecerit haec, viuet in illis: item comminatio illi respondens, Anima quae peccauerit, ipsa morietur: ad futuram proculdubio & nunquam finiendam vel immortalitatem vel mortem spectant. Quanquam vbiunque commemoratur beneuolentia aut ira Dei, sub illa aeternitas vitae, sub hac aeternum exitium continetur. Praesentium autem benedictionum ac maledictionum longus in Lege catalogus recensetur. Atque in sanctionibus quidem summa Dei puritas, quae iniquitatem ferre non potest: in promissionibus verò, praeter summum erga iustitiam amorem (quem pramio fraudare non sustinet) mira quoque eius benignitas approbatur. Nam quum eius maiestati cum nostris omnibus simus obserati, iure optimo quicquid requirit à nobis, tanquam debitum reposcit. debiti autem solutio remuneratione digna non est. Iure igitur suo decedit quum pramium proponit nostris obsequiis, quae non vltro ceu indebita exhibentur. Quid autem ipsae nobis per se afferant partim dictum est, partim clarius iterum suo loco apparebit. satis in praesentia est si tenemus ac reputamus esse in Legis promissionibus non vulgarem iustitiae commendationem: quo certius constet, quantopere Deo placeat eius observatio: sanctiones in maiorem iniustitiae execrationem esse positas, ne vitiorum blanditiis delibutus peccator, iudiciū Legislatoris sibi paratum obliuiscatur.

- Leuit. 18. a. 5
Ezech. 18. a. 4
& c. 20
- Leuit. 26. a. 4
Leuit. 28. a. 1
- Deut. 12. d. 28
- Deut. 4. b. 9
- Porro quòd Dominus, perfectae iustitiae regulam traditurus, omnes eius partes ad voluntatem suam reuocauit, in eo indicatur nihil esse illi acceptius obedientia. Quod eo diligentius obseruandum est quo procliuior est humanae mentis lasciuia ad varios identidem excogitandos cultus quibus illum demereatur. Omnibus enim seculis haec irreligiosa religionis affectatio (quia humano ingenio naturaliter insita est) se prodidit, ac etiamnum prodit: quòd homines comparandae iustitiae rationem praeter Dei verbum semper comminisci gestiunt. Vnde in bonis quae communiter censentur operibus angustiores locum tenent Legis praecepta, innumera illa humanorum turba totum ferè spatium occupante. At verò quid aliud Moses quàm eiusmodi libidinem cohibere studuit, quum post Legis promulgationem sic populum compellaret? Obserua & audi omnia quae praecipio tibi, ut bene sit tibi & filiis tuis post te in sempiternum, quum feceris quod bonum est & placitum coram Deo tuo. Quod praecipio tibi, hoc tantum facito: non addas, nec minuas. Atque antea, quum testatus esset, hanc esse eius sapientiam & intelligentiam coram reliquis nationibus, quòd iudicia, iustitias & ceremonias accepisset à Domino, subiecerat, Custodi igitur te ipsum & animam tuam sollicitè, ne obliuiscaris verborum quae viderunt oculi tui, & ne aliquando excidat e corde tuo. Quia scilicet prouidebat Deus, non quieturos Israelitas quin recepta Lege, nouas praeterea iustitias parturirent, nisi seuerè retinerentur: hinc iustitiae perfectionem esse comprehensam pronuntiat: quod validissimum retinaculum esse debebat. nec tamen ab illa tantopere vetita audacia destiterunt. Quid nos? eodem certe dicto constringimur. non enim dubium quin perpetuò valeat illud quo absolutam iustitiae doctrinam Legi suae Dominus vendicauit: illa tamen non contenti, bonis operibus aliis super alia confingendis & cudendis prodigiosè laboramus. Huic sanando vitio remedium optimum erit si constanter infederit haec cogitatio, Legem nobis esse diuinitus traditam, quae

nos perfectam iustitiam edoceret: illic non aliam iustitiam doceri nisi quæ ad præscriptū diuinæ voluntatis exigatur: frustra igitur nouas operum formas ad denegandum Deum tentari, cuius legitimus cultus sola constat obediētia. Quin potius quod extra Dei Legem euagetur bonorum operum studium, esse diuinæ veræque iustitiæ non tolerandam profanationem. Verissime quoque Augustinus, qui nūc matrē custodemque virtutū omnium, nunc originem appellat, obediētiā quæ Deo præstatur.

Lib. 4. de ci.
Lei cap. 12. de
bono coniu-
gali. Contra
aquerarios
Legis & Pro-
phetarum.

6 Verum vbi Lex Domini explicata nobis fuerit, tum aptius demum & maiore cum fructu quod de ipsius officio vñque antè d. sserui confirmabitur. Antè verò quàm ad excutienda singula capita ingredimur, quæ ad vniuersalem eius notitiam faciunt, modò præcipere operæpretium est. Initio constitutum sit, non ad externam honestatem modò, sed ad internam spiritalēque iustitiam, hominis vitam in Lege informari. Quod quum inficiari nemo queat, paucissimi tamen rite animaduertunt. Id fit quia in Legislatorem nō respiciunt: à cuius ingenio natura quoque Legis æstimanda est. Siquis rex edicto s. ortari, occidere, furari prohibeat: sanctione, fateor, non tenebitur. si quis scortandi, occidendi, iurandi cupiditatem animo conceperit tantum, nihil eorum perpetrarit. Nempe, quia mortalis Legislatoris prouidentia non nisi ad externam ciuilitatem protenditur, non violantur eius interdicta nisi patratīs flagitiis. Deus autem (cuius oculus nihil fugit, & qui externam speciem non tam moratur quàm cordis puritatem) sub scortationis, homicidii, furti interdicto, libidinem, iram, odium, alieni appetentiam, dolum, & quicquid tale est, vetat. Nam quum sit spiritalis Legislator, animæ non minus quàm corpori loquitur. Homicidium autem animæ, ira est ac odium: furtum, mala cupiditas & auaritia: scortatio, libido. Leges etiam humanæ (dicet quispiam) consilia & voluntates spectant, non fortuitos euentus. Fateor: sed quæ extra emerferūt. Quo animo vnumquodque facinus editum fuerit, expendunt: sed arcanas cogitationes non scrutantur. Proinde illis satisfactum fuerit vbi quis manum duntaxat continuerit à transgressionē: contrā autem, quia animis nostris lata est Lex cælestis, eorum coercitio ad iustam eius obseruationem in primis necessaria est. At vulgus hominum, etiam dum Legis contemptum fortiter dissimulat, oculos, pedes, manus, & omnes corporis partes in aliquam Legis obseruationem componit: cor ab omni obediētia alienissimum interim retinet, ac se defunctum putat si probè homines celaue rit quod gerit in conspectu Dei. Audiunt, non occides, non mœchaberis, nō furaberis: gladium ad eadem non exerunt: corpora sua meretricibus non commiscunt: manus alienis bonis non iniiciunt. Hæc omnia bene habent: sed cædes totis animis spirant, feruent in libidinem, omnium bona oculis retortis aspiciunt, & cupiditate deuorant. Iam verò deest quod præcipuum erat Legis. Vnde quæso tam crassus stupor, nisi quod omisso Legislatore, iustitiam suo magis ingenio accommodant? His fortiter re clamat Paulus, affirmans Legem esse spiritualem: quo significat, non modò animæ, mentis, voluntatis obsequium exigere, sed requirere Angelicam puritatem, quæ omnibus carnis sordibus absterfa, nihil quàm spiritum sapiat.

Rom. 7. c. 14

7 Hunc quum esse Legis sensum dicimus, non nouam ex nobis interpretationem ingerimus, sed Christum sequimur optimum Legis interpretem. Quum enim Pharisei peruersa opinione populum imbuissent, Legem perficere qui externo opere nihil aduersus Legem perpetraret: hunc periculosissimū errorem arguit: & impudicum mulieris aspectum, scortationem esse pronuntiat: homicidas testatur quicumque fratrem oderint. facit enim reos iudicio, qui vel iram animo conceperint: reos consilio, qui murmurando aut fremendo aliquam offensi animi significationem dederint: reos gehennæ ignis, qui conuiciis & maledicentia in apertam iram profilierint. Hæc qui non viderunt, finxerunt Christum alterum Moysen, Legis Euangelicæ latorem, quæ defectum Mosaicæ illius suppleuerit. Vnde illud vulgatum axioma de perfectione Legis Euangelicæ, quæ Legem veterem longo interuallo superet, quod multis modis est perniciosissimum. Nam ex ipso Mose, vbi postea præceptorum summam colligemus, patebit quàm indignam contumeliā diuinæ Legi iniurat. Patrum certè sanctimoniam non procul ab hypocrisi abfuisse insinuat, nōsque ab vna illa & perpetua iustitiæ regula deducit. Facillima autem est erroris confutatio: quod putarunt Christum Legi adicere, vbi suæ tantum integritati restituit, dum Phariseorum mendaciis obscuratam & fermento inquinatam asserit & repurgat.

Matth. 5. c. 27,
& d. 24, & 8. 43

8 Hæc nobis secunda sit obseruatio, plus inesse semper in præceptis ac interdictis quàm verbis exprimatur. quod tamen sic temperandum est, ne sit nobis instar Lesbicæ regulæ, qua freti, Scripturam licentiosè contorquentes, quodlibet è quolibet faciamus. Faciunt enim quidam hac immoderata excurrēdi libertate, vt apud alios vilescat Legis autori-

tas, aliis spes intelligentiæ concidat. Igitur si fieri potest, ineunda est via aliqua quæ nos ad Dei voluntatem recto ac solido gressu deducat. Quærendum, inquam, quatenus excedere verborum fines debeat interpretatio: ut appareat, non attexam esse Legi diuinæ ex humanis glossis appêdicem, sed purum germanumque Legislatoris sensum fideliter redditum. Sanè adeò in omnibus ferè præceptis manifestæ sunt synecdochæ, ut deridiculo iure sit futurus qui Legis sensum ad verborum angustias restringere velit. Ultra verba itaque progredi sobriam Legis interpretationem palàm est: sed quousque, obscurum mai. et, nisi modus aliquis finiatur. Hunc ergo modum optimum fore censeo, si ad præcepti rationem dirigatur: nempe ut in vnoquoque præcepto expendatur cur datum nobis fuerit. Exempli gratia, Omne præceptum aut imperatiuum est, aut prohibitorium. Vtriusque generis veritas statim occurrit si rationem, ceu finem, intuemur. ut præcepti quinti finis est, honorem esse iis reddendum quibus eum attribuit Deus. Hæc igitur præcepti summa, rectum esse, Deoque placere ut eos honoremus quibus aliquid excellentiæ largitus est: contemptum & contumaciam aduersus eos, abominationi esse. Primi præcepti ratio est, ut Deus solus colatur. Summa igitur præcepti erit, veram pietatem, hoc est numinis sui cultum Deo cordi esse: impietatem abominari. Sic in singulis præceptis inspicendum quæ de re agatur: deinde quærendus finis, donec reperiamus quid propriè illic testetur sibi placere Legislator, vel displicere. Demum ab eo ipso ad contrarium ducenda ratiocinatio, in hunc modum, Si placet hoc Deo, contrarium displicet: si hoc displicet, cōtrarium placet. si hoc præcipit, contrarium vetat: si hoc vetat, contrarium præcipit.

- 9 Quod nunc subobscurè attingitur, inter exponenda præcepta clarissimum ipsa exercitatione fiet. Quare sufficit attigisse, nisi quòd postremum membrum (quod vel alioqui non intelligeretur, vel intellectum, forsan absonum initio videri posset) sua probatione breuiter confirmandum erit. Probatione illud nō eget, dum bonum iubetur, vetari quod cum eo pugnat malum. nemo est enim qui non concedat. Imperari quoque contraria officia, dum mala vetantur, non ægerrimè recipiet commune iudicium. Virtutes quidem commendari, dum aduersa vitia damnantur, vulgare est. Sed nos plus aliquid postulamus quàm vulgo significant istæ formulæ. Contrariam enim vitio virtutem, ferè interpretantur vitii ipsius abstinentioniam: nos eam vltra procedere dicimus, ad officia scilicet factaque contraria. Itaque in hoc præcepto, Non occides, sensus hominum communis nihil aliud considerabit quàm ab omni maleficio ac malefaciendi libidine abstinendum esse. Ego præterea contineri dico, ut proximi vitam quibus possumus subsidiis adiuuemus. Ac ne sine ratione loquar, ita confirmo, Deus vetat iniuria fratrem lædi aut violari, quia vitam eius charam nobis esse vult ac pretiosam: simul ergo postulat quæ ad illius conseruationem cōferri possunt officia charitatis. Atque ita videre est ut semper nobis finis præcepti referet quicquid illic facere aut iubemur aut vetamur.

- 10 Cur autem Deus ita, velut dimidiis præceptis, per synecdochas significarit magis quid vellet quàm exprefferit, quum aliæ quoque rationes reddi soleant, hæc mihi in primis placet. quia peccatorum fœditatem (nisi vbi palpabilis est) diluere, & speciosis prætextibus inducere semper caro molitur, quod erat in vnoquoque transgressionis genere deterrimum & scelestissimum, exemplaris loco proposuit, cuius ad auditum sensus quoque exhorresceret, quo maiorem peccati cuiuslibet detestationem animis nostris imprimeret. Hoc nobis imponit sæpius in æstimandis vitiis: quòd si tectiora sunt, eleuamus. Has præstigias Dominus discutit quum nos assuefacit vniuersam vitiorum multitudinem ad hæc capita referre quæ optimè quantum sit in vnoquoque genere abominationis repræsentant. Exempli gratia, Ira & odium non vsque adeo execranda putantur mala quum suis nominibus appellantur: at quum interdiciuntur nobis sub homicidii nomine, melius intelligimus quanta sint in abominatione apud Deum, cuius voce in tam horrendi flagitii ordinem reiciuntur: atque ipsi, iudicio eius permoti, delictorum, quæ prius leuia videbantur, grauitatem assuefcimus melius reputare.

- 11 Tertio loco considerandum quid sibi velit diuinæ Legis in duas tabulas partitio: quarum non abs re nec temere solennem mentionem aliquoties factam esse omnes sani iudicabunt. Et in promptu causa est quæ ambiguos nos de hac re manere non sinit. In duas enim partes, quibus tota continetur iustitia, Legem suam sic diuisit Deus, ut priorem religionis officiis, quæ peculiariter ad numinis sui cultum pertinet, alteram officiis charitatis quæ in homines respiciunt, assignauerit. Primum sanè iustitiæ fundamētum, est Dei cultus: quo euerso, reliqua omnia iustitiæ membra, velut diuulsi collapsique ædificii partes, lacera & dissipata sunt. Qualis enim iustitiæ esse dices quòd homines non vexas furtis ac rapinis, si

per sceleratum sacrilegium interim Dei maiestatem sua gloria spoliatur: quòd fornicatione corpus tuum non conspurcas, si blasphemias tuis profanas nomen Dei sacrosanctum: quòd hominem non trucidas, si memoriam Dei interimere & extinguere contendis: Frustra igitur sine religione venditur iustitia: ac nihilo maiore specie quàm si truncum abscisso capite corpus ad decorem obtédatur. Neque modò est præcipua ipsius pars, sed anima quoque, qua tota ipsa spirat & vegetatur. neque enim citra Dei timorè inter se homines æquitatem ac dilectionem seruant. Principium ergo & fundamentum iustitiæ vocamus Dei cultum: quòd eo sublato, quicquid inter se æquitatis, continentia, temperantia homines exercent, inane est ac friuolum coram Deo. Dicimus fontem & spiritum: quia ex eo discunt homines temperanter ac sine maleficio inter se viuere, si Deum venerantur, tanquam recti & iniqui iudicè. Proinde priore tabula ad pietatem & propria religionis officia, quibus maiestas sua colenda est, nos instituit: altera præscribit quomodo propter nominis sui timorem nos in hominum societate gerere debeamus. Qua ratione Dominus noster (vt Evangelistæ referunt) Legem totam summam in duo capita collegit, vt Deum ex toto corde, ex tota anima, ex totis viribus diligamus: vt proximum amemus sicut nosmetipsos. Vides vt è duabus partibus quibus tota Lex concludit, alteram in Deum dirigat, alteram hominibus destinet.

Matt. 22. 37
Luc. 10. c. 27

12 Verum, quanquàm vniuersa Lex duobus capitibus contenta est: Deus tamen noster, quo omnem excusationis prætextum tolleret, voluit fusius & explicatius decem præceptis enarrare tum quæcunque ad honorem, timorem, amorem sui spectant, tum quæ ad charitatem pertinent, quam propter seipsum nobis erga homines mandat. Nec in diuisionem præceptorum noscendam malè studium intenditur: modò eius generis rem esse memineris in qua liberum cuique iudicium esse debeat, ob quam non sit contentiosè cum dissentiente pugnandum. Nobis quidem hic locus necessariò attingendus est, ne quam posaturi sumus diuisionem, ceu nouam & nuper excogitatam lectores aut rideant aut mirentur. Legem esse decem verbis distinctam, quia Dei ipsius autoritate sæpius comprobatur, extra controuersiam est. Quare non de numero, sed secandi ratione ambigitur. Qui sic partiuntur vt tria præcepta dent primæ tabulæ, reliqua septem in secundam reiiciant, præceptum de imaginibus numero expungunt, vel certè sub primo occultant: quum mādati loco haud dubiè à Domino distinctè positum sit. decimum verò, de non concupiscendis proximi rebus, ineptè in duo conserpuit. Accedit quòd talem partiendi rationem puriore seculo incognitam fuisse, mox intelligitur. Alii quatuor capita nobiscum in prima tabula numerant: sed primi vice, promissionem statuunt, sine præcepto. Ego autem, quia nisi euidenti ratione conuincar, decem verba apud Moysen pro decem præceptis accipio, & totidem pulcherrimo ordine disposita videre mihi videor: permissa illis sua opinione, sequar quod magis mihi probatur, nempe vt quod illi præceptum primum faciunt, locum præfationis in tota Legem teneat, sequantur deinde præcepta primæ quatuor, secundæ tabulæ sex, eo quo recensentur ordine. Hanc diuisionem Origenes sine cōtrouersia, perinde atque passim suo seculo receptam, tradidit. Suffragatur & Augustinus ad Bonifacium, qui in enumeratione hunc ordinem seruat, Vt vni Deo religionis obsequio seruiatur, vt idolum nō colatur, vt nomen Domini non in vanum accipiat: quum antè seorsum de umbratili Sabbathi præcepto loquutus foret. Alibi quidem prima illa diuisio illi arridet, sed ob nimium leuè causam, quòd in numero ternario (si tribus præceptis cōficiatur prima tabula) magis eluceat mysterium Trinitatis. Quanquam nec illic dissimulat in cæteris nostram sibi magis placere. Nobiscum præter illos est author operis imperfecti in Matthæum. Iosephus, non dubium quin ex cōmuni ætatis suæ consensu, quina præcepta singulis tabulis assignat. Quod cum rationi aduersatur in eo quòd religionis & charitatis distinctionem confundit: tum refutatur Domini autoritate, qui apud Matthæum in catalogo secundæ tabulæ, mandatū de parentibus honorandis reponit. Nunc Deum ipsum audiamus loquentem suis verbis.

Orig. in Exo.
lib. 3.

Lib. 1. quæst.
Vet. test.

Matt. 19. c. 19

PRÆCEPTVM PRIMVM.

Ego sum IEHOVAH, Deus tuus, qui eduxi te de terra Aegypti, de domo seruitutis: Non habebis deos alienos coram facie mea.

13 Partemne mandati primi facias priorem sententiam, an separatim legas, mihi in medio est, modò ne vice procerum cuiusdam esse in totam Legem mihi neges. Primum in legibus ferendis curandū est ne contemtu mox abrogentur. Prouidet ergo in primis Deus ne Legis quam laturus est, maiestas aliquādo in contemptum veniat: ad quam sanciendam triplici argumento vitur. Potestatem ac ius imperii sibi vendicat, quo electum populum constringat parendi necessitate. Promissionem gratiæ proponit, cuius suauitate eundem al-

liciat ad sanctitatis studium. Beneficium commemorat, quo Iudæos redarguat ingrati-
tudinis, nisi benignitati suæ respondeant. Sub nomine Iehouah imperium & legitima domi-
natio designatur. quòd si ab ipso sunt omnia, & in ipso consistunt, æquum est vt in ipsa
referantur: quemadmodum ait Paulus. Abunde itaque hoc solo verbo sub diuinæ maiestatis iugum redigimur, quia portentosum fuerit ab eius ditione velle nos submouere extra quem esse non possumus.

Rom. II. d. 36

14 Postquam se eum esse ostendit qui ius habeat præcipiendi, cui obedientia debeat: ne
sola necessitate videatur trahere, dulcedine quoque illectat, Deum se Ecclesiæ pronũtian-
do. Subest enim locutioni relatio mutua, quæ in promissione continetur, Ero illis in Deũ,
ipsi erunt mihi in populum. Vnde Abraham, Isaac & Iacob immortalitatem ex eo Christus
confirmat quòd Dominus se eorum Deum testatus sit. Quare perinde est ac si ita loqueretur,
Ego vos mihi delegi in populum, cui non modò in præsentī vita benefacerem, sed vi-
tæ quoque futuræ beatitudinem largirer. Quorsum autem istud spectet, variis locis in Le-
ge annotatur. nam quum hac misericordia nos dignatur Dominus vt populo suo in cõ-
fortio accenseat, eligit nos, inquit Moses, vt simus sibi in populum peculiarem, in populũ
sanctũ, ac custodiamus præcepta sua. Vnde illa cohortatio, Sancti estote, quia sanctus sum.
Porro ex his duobus illa quæ est apud Prophetam obtestatio ducitur, Filius honorat patrẽ,
& seruus dominum. Si ego Dominus, vbi timor: si ego Pater, vbi amor?

Iere. 31. f. 33

Matth. 21. d. 32

Deut. 7. a. 6,

& 14. a. 2, &

26. d. 18

Leuit. 19. a. 2

Malach. 1. b. 6

15 Sequitur cõmemoratio beneficii, quæ eo validior esse debet ad nos commouendos, quo
magis detestabile, etiam inter homines, ingrati-
tudinis flagitium. Recentis quidem benefi-
cii tum Israelẽm admonebat, sed quod ob mirificam magnitudinem in æternum memo-
rabile, ad posteritatem quoque valeret. Adhæc conuenientissimum est præsentī causæ. in-
nuit enim Dominus, eos è misera seruitute ideo liberatos vt se libertatis authorẽ obedi-
entia & obsequendi promptitudine colant. Solet etiam (quo nos in vero sui vnus cultu reti-
neat) certis epithetis sese insignire, quibus sacrum suum numen ab omnibus idolis ac diis
commentitiis discernit. Nam (vt antea dixi) quæ nostra est ad vanitatẽ propensio cum te-
meritate cõiuncta, simulac nominatur Deus, mens nostra sibi cauere nequit quin ad ina-
ne aliquod commentum delabatur. Huic igitur malo remedium dum asserre vult Deus,
ipse suam diuinitatem certis titulis ornat, atque ita nos quibusdam veluti cancellis circũ-
scribit, ne huc aut illuc euagemur, & temere nobis fingamus nouum aliquẽ Deum, si de-
relictõ Deo viuo, idolum erigamus. Hac ratione Prophetæ, quoties eum propriẽ designare
volunt, illum vestiunt & quasi includunt iis notis sub quibus se populo Israelitico mani-
festauerat. Neque enim, quum Deus Abraham, vel Deus Israelis vocatur, quum in templo
Hierosolymitano collocatur inter Cherubim, istæ & similes loquendi formulæ ipsum vni
loco alligant, aut populo: sed in hoc duntaxat sunt positæ vt cogitationes piorum in illo
Deo sistant, qui suo fœdere, quod cum Israele pepigit, sese ita repræsentauit vt ab eiusmo-
di idea deflectere nullo modo liceat. Fixum tamen illud maneat, redemptionis fieri men-
tionem, quo alacrius Iudæi se Deo addicant qui sibi iure eos vendicat. Nos autẽ (ne ad nos
pertinere nihil id putemus) reputare conuenit, Aegyptiacam Israelis seruitutem typũ esse
spiritualis captiuitatis in qua omnes vincti detinemur, donec brachii sui virtute liberatos
in regnum libertatis nos cælestis vindex traducat. Quemadmodum ergo, quum dissipatis
olim Israelitas ad cultum nominis sui recolligere vellet, eos ab intolerabili, qua preme-
bantur, Pharaonis dominatione eripuit: ita quibus hodie se in Deum esse profitetur, eos
omnes iã ab exitiali Diaboli potestate asserit, quæ illa corporali adumbrata fuit. Quã ob-
rem nemo est cuius animus inflammari non debeat ad auscultandã Legem, quam à sum-
mo Rege profectam audit: à quo vt suam originem ducunt omnia, ita æquum est vt finem
suum vicissim in ipsum destinent ac dirigãt. Nemo, inquã, est qui non rapi debeat ad am-
plexandũ Legislatorem, ad cuius obseruanda mādāta peculiariter se delectũ esse docetur:
à cuius benignitate, cum bonorum omnium affluentiam, tum immortalis vitæ gloriam
expectat: cuius mirabili virtute ac misericordia è faucibus mortis se liberatum nouit.

Exod. 3. b. 6

Amos 1. a. 2

Habac. 2. d. 28

Psal. 80. a. 2,

& 99. a. 1

Iesa. 37. c. 16

16 Fundata & stabilita Legis suæ autoritate, præceptũ primum edit, Ne habeamus deos
alienos coram facie suā. Finis præcepti est quòd Dominus in populo suo solus vult emi-
nere, & iure suo potiri in solidum. Id vt fiat, impietatem ac superstitionem quamlibet, qua
diuinitatis suæ gloria vel minuitur vel obscuratur, à nobis abesse iubet. atque eadẽ ratio-
ne, vero pietatis studio coli se à nobis atque adorari præcipit. Et verborum simplicitas id
fere sonat. siquidem habere Deum non possumus quin simul complectamur quæ sunt ei
propria. Quòd ergo vetat habere alienos deos, eo significat ne quod sibi proprium est, aliò
trãfferamus. Et si autem quæ Deo debemus innumera sunt, ad quatuor tamẽ capita non

ineptè referentur. Adorationem, cui accedit tanquam appendix, spirituale conscientia obsequium: Fiduciam, Inuocationem, Gratiarum actionem. Adorationem voco veneratione ac cultum quem illi reddit quilibet nostrum, ubi se eius magnitudini submisit. Quare non immerito eius partem facio, quod nostras conscientias eius Legi subiicimus. Fiducia est, ex virtutum eius recognitione, acquiescendi in eo securitas: quum in eo sapientiam, iustitiam, potentiam, veritatem, bonitatem omnem reponentes, sola eius communicatione nos beatos existimamus. Inuocatio, sit mentis nostrae, quoties vrget vlla necessitas, in eius fide atque opem receptus, tanquam ad vnicum praesidium. Gratiarum actio, est gratitudo, qua laus bonorum omnium illi tribuitur. Horum vt nihil patitur Dominus aliò deriuari, ita omnia sibi in solidum exhiberi mandat. Neque enim satis fuerit ab alieno abstinere Deo, nisi in hoc ipso te contineas. quod nefarii quidam contemptores solent, quibus summum commodum est religiones omnes ludibrio habere. Atqui praecedat oportet vera religio, qua in Deum viuentem animi referantur: cuius cognitione imbuti, ad suscipiendam, timendam, colendam ipsius maiestatem, ad amplexandam bonorum eius communicationem, ad opem ubique requirendam, ad recognoscendam laudisque confessione celebrandam operum magnificentiam, in omnibus vitae actionibus, tanquam ad vnicum scopum, aspirent. tum caueatur praua superstitio, qua animi à vero Deo deflexi, huc atque illuc, ceu in varios deducuntur deos. Proinde si vno Deo sumus contenti, memoria repetamus quod antè dictum est, procul abigendos esse fictitios omnes deos, nec lacerandum esse cultum quem vnus ille sibi vendicat. Quia ne tantillum quidem ex eius gloria delibare fas est, quin apud ipsum quaecunque ei propria sunt resideant. Particula quae sequitur, Coram facie mea, indignitatem auget: quod Deus ad zelotypiam prouocatur quoties signum nostrum substituimus in eius locum: quemadmodum si impudica mulier, producto palam ante oculos mariti adultero, eius animam magis vreret. Quum ergo praesenti sua virtute & gratia testatum faceret Deus se populum quem elegerat respicere, quo magis à scelere defectionis deterreat, non posse novos deos ascisci admonet, quin testis sit ac spectator sacri legii. Huic enim audacia plurimum impietatis accrescit, quod in suis transfugiis Dei oculos ludificari se posse iudicat. Ex aduerso reclamat Dominus, quicquid struimus, quicquid molimur, quicquid fabricamus, in conspectum suum venire. Pura sit ergo conscientia vel ab occultissimis apostasie cogitationibus, si religionem nostram approbare Domino libet. Siquidem integram & incorruptam diuinitatis suae gloriam non externa modo confessione requirit, sed in oculis suis, qui abditissimas cordium latebras intuentur.

P R A E C E P T V M S E C V N D V M.

- 17 Non facies tibi sculptile, neque similitudinem vllam eorum quae in caelo sunt sursum, vel in terra deorsum, vel in aquis quae sub terra sunt. Non adorabis, neque coles.

Quemadmodum proximo mandato Deum se vnum esse pronuntiauit, praeter quem nulli alii dii cogitandi aut habendi sint: ita qualis sit, & quo cultus genere honorandus, apertius etiam nunc edicit: ne quid sibi carnale affingere audeamus. Finis ergo praeccepti est, quod superstitiosis ritibus legitimum sui cultum non vult profanari. Quare in summa, nos à carnalibus obseruationunculis, quas stolidam mens nostra, ubi Deum pro sua crassitie concepit, comminisci solet, in totum reuocat & abstrahit: ac proinde ad legitimum sui cultum, hoc est spirituale & à se institutum, format. Quod autem est in hac transgressione crassissimum vitiū notat: idololatriam externam. Ad quae quidem sunt mandati partes. prior licetiam nostram coercet, ne Deum, qui incòprehensibilis est, sub sensus nostros subiicere, aut vlla specie repraesentare audeamus. Secunda vetat ne e imagines vllas adoremus, religionis causa. Porro formas omnes breuiter enumerat, quibus solebat à profanis & superstitiosis gentibus figurari. Per ea quae in caelo sunt, solē, lunā, aliasque stellas & fortasse aues intelligit. quemadmodum Deuteronomii quarto exprimens suam mentem, tam aues quam astra nominat. Quod non annotassem, nisi quosdam viderem ad Angelos imperitè referre. Itaque reliqua membra, quia per se nota sunt, praetermitto. ac iam lib. i. satis apertè docuimus, quascūque excogitat homo visibiles Dei formas, pugnare ex diametro cum eius natura. ideoque, simulac in medium prodeunt idola, corrumpi veram religionem & adulterari.

Deut. 4. c. 15.

- 18 Quae additur sanctio non parum ad excutiendam socordiam valere debet. Minatur Se Iehouam esse, Deum nostrum, Deum, amulatorem, qui visitet iniquitatem patrum in filios, in tertiam & quartam generationem, in iis qui oderunt nomen suum: faciat autem misericordiam in millia iis qui diligunt se, ac praecpta sua seruant.

vel, fortem.
nam hoc Dei
nomen à for-
titudine du-
ctum est.

Hoc verò perinde est ac si diceret se solum esse in quo hærere debeamus. Eò ut nos inducat, potentiam suam prædicat, quæ se impune contemni vel eleuari non patiatur. Ponitur hîc quidem nomen E L, quod Deum significat: sed quia à fortitudine ducitur, quo sensum melius exprimerem, hoc quoque reddere non dubitavi, vel còtextui inferere. Deinde æmulatorem se vocat, qui consortem ferre nequeat. Tertio, vindicem se futurum asserit suæ maiestatis ac gloriæ, si qui eam ad creaturas aut sculptilia trãsserant: neque id breui aut simplici vindicta, sed quæ in filios, nepotes & pronepos se protédât, qui scilicet paternæ impietatis imitatores erunt. Quemadmodum perpetuam quoque in longam posteritatem iis misericordiam ac benignitatem suam exhibet qui se diligunt, ac Legem suam custodiunt. Personam mariti erga nos induere, vîtatissimum est Deo. siquidem coniunctio qua nos sibi deuincit dum in Ecclesiæ sinum recipit, sacri cuiusdam coniugii instar habet, quod mutua fide stare oportet. Ipse ut omnibus fidelis ac veracis mariti officiis defungitur, ita vicissim à nobis stipulatur amoré ac castitaté còiu-galem: hoc est, ne animas nostras satanæ, libidini, fœdîsque carnis cupiditatibus stuprâdas prostituamus. Vnde quû Iudæorû apostasiam corripit, eos projecta pudicitia adulteriis inquinatos còqueritur. Ergo ut maritus, quo sanctior est ac castior, eo grauius accenditur si vxoris animû ad riuale inclinare videt: ita Dominus, qui nos sibi in veritate desposauit, ardentissimâ zelotypiam suam esse testatur, quoties, neglecta sancti sui coniugii puritate, scelestis libidinibus còspurcamur, tum verò præteritum, dum numinis sui cultû, quem maximè illibatû esse decuerat, aliò deriuamus, vel inficimus aliqua superstitione. Quandoquidè hoc modo non tâtum violamus datam in còiugio fidem, sed ipsum nuptialem thorû inductis adulteris, polluimus.

- 19 In comminatione videndum est quid sibi velit, quum se visitaturum edicit iniquitatem patrum in filios, ad tertiam & quartam generationem. Nam præterquam quod à diuinæ iustitiæ æquitate alienum est pœnam alieni delicti ab infonte expetere, Deus ipse quoque hoc se non commissurum affirmat, ut filius portet iniquitatem patris. Atqui sententia tamen hæc non semel repetitur, de pœnis auctorum scelerum in futuras generationes prorogandis. sic enim sæpius alloquitur eum Moses, Ichouah, lehouah, qui reddis iniquitatem patrum filiis in tertiam & quartam generationem. Ieremias similiter, Qui facis misericordiam in millibus, qui reddis iniquitatem patrum in sinum filiorum post eos. Nonnulli, dum in soluêdo hoc nodo ægrè desudant, de pœnis duntaxat temporariis putant intelligendum: quas si filii sustinent pro parentum delictis, non est absurdum: quando sæpe in salutem infliguntur. Quod verum quidem est. nam Ezechia denûtiabat Iesaias, filios eius regno spoliandos, & in exilium deportandos, ob peccatum ab eo perpetratum. Domus Pharaonis & Abimelech ob læsum Abrahamum affliguntur, &c. sed quum id ad quæstionis huius solutioné affertur, effugium est magis quàm vera interpretatio. Grauiorem enim vltionem edicit hîc & similibus locis quàm ut intra vitæ præsentis terminos limitetur. Sic igitur accipiendum est quòd iusta Domini maledictio non modò in caput impii, sed in totam quoque familiam incûbat. Vbi incubuit, quid expectari potest, nisi ut pater, Spiritu Dei destitutus, flagitiosissimè viuât: filius ob patris nequitiam similiter à Domino derelictus, eandem exitii sequatur viam? Nepos demum & pronepos, hominum detestabilium execrabile semen, præcipientes post eos ruant?

- 20 Primùm inspiciamus an talis vindicta diuinam iustitiam dedecet. Si vniuersa hominum natura est damnabilis: quos Dominus gratiæ suæ communicatione non dignatur, iis paratum scimus esse interitum. nihilominus propria iniquitate, non iniquo Dei odio intereunt. nec vlla relinquitur expostulatio, cur non aliorum exemplo Dei gratia in saluté adiuuètur. Quum ergo hæc impiis & flagitiosis irrogatur ob scelera punitio, ut Dei gratia in multas generationes domus eorum priuètur: quis ob iustissimam hanc vindictam Deo criminationé intendat? At Dominus contrà pronuntiat, pœnam peccati paterni in filium non transituram. Obserua quid illic agatur. Israelitæ, quum diu & assiduè multis calamitatibus vexarentur, prouerbum iactare cœperant, patres suos comedisse vnam acerbâ, vnde dentes filiorû obstupescerent: quo significabant, admissa fuisse à parentibus peccata, quorû pœnas ipsi, iusti alioqui & immerètes, penderent: implacabili magis Dei iracundia quàm moderata seueritate. Iis denuntiat Propheta, non ita esse: quia ob propria flagitia plectântur: neque Dei iustitiæ còuenire ut filius iustus ob scelesti patris nequitia suppliciû luat. quod neque in præsentî sanctione habetur. Nâ si visitatio, de qua nûc sermo est, adimpletur quû ab impiorû familia gratiâ, lumen suæ veritatis, reliqua salutis adiuuêta aufert Dominus: eo ipso quòd excæcati & derelicti ab ipso filii parentum vestigiis insunt, maledictiones ob paterna scelera sustinèt. Quòd vero & téporariis miseriis subiiciuntur, & æterno demum exitio, ita iusto Dei iudicio, non ob aliena peccata, sed ob iniquitatem propriâ puniuntur.

- 21 Altera ex parte offertur promissio de propaganda in mille generationes Dei misericordia: quæ etiam frequenter in Scripturis occurrit, & in solenni Ecclesiæ fœdere inferitur, Ero Deus tuus, & seminis tui post te. Quod respiciens Solomon, scribit filios iustorum post mortem eorum beatos fore: non tantum sanctæ educationis ratione (quæ & ipsa certè momentum non minimum habet) sed ob istam in fœdere promissam benedictionem, quod Dei gratia in familiis piorum æterna resideat. Eximia hinc fidelibus consolatio, ingens impiis terror. nam si post mortem quoque memoria tum iustitiæ tum iniquitatis tantum apud Deum valet, ut maledictio huius & illius benedictio in posteritatem redundet, multo magis in ipsis authorum capitibus residebit. Cæterum nihil obstat quod impiorum soboles interdum ad bonam frugem se recipit, fidelium soboles degenerat: quia non perpetuam hinc regulam figere voluit legislator, quæ suæ electioni derogaret. Nam ad consolationem iusti ac terrorem peccatoris sufficit non esse vanam ipsam aut inefficacem sanctionem, tamen si non semper locum habeat. Quemadmodum enim quæ paucis sceleratis infliguntur temporales pœnæ, testimonia sunt diuinæ aduersus peccata iræ, & futuri olim in omnes peccatores iudicii, tamen si multi impune vsque ad vitæ finem euadant: ita quum exemplum vnum edit Dominus istius benedictionis, ut filium in patris gratiam misericordia & benignitate sua prosequatur, documentum præbet constantis & perpetuæ in suos cultores gratiæ: quum patris iniquitatē semel in filio persequitur, docet quale reprobos omnes iudicium ob scelera propria maneat. quam certitudinem potissimum hinc spectauit. Obiter etiam misericordiæ suæ amplitudinem nobis commendat, quam in mille generationes extendit, quum quatuor duntaxat generationes assignarit vindictæ.

P R A E C E P T U M T E R T I U M.

- 22 Non usurpabis nomen Iehouæ Dei tui in vanum.

Finis præcepti est, Quod nominis sui maiestatem vult nobis esse sacrosanctam. Summa igitur erit, ne ipsam contemptim & irreuerenter habendo profanemus. Cui interdicto cohæret ex ordine præceptum, ut eam religiosa veneratione prosequi nobis studio & curæ sit. Itaque sic animis & linguis comparatos esse nos decet, ut nihil de ipso Deo eiusque mysteriis aut cogitemus aut loquamur nisi reuerenter & multa cum sobrietate: ut in æstimandis eius operibus nihil nisi erga ipsum honorificum sapiamus. Hæc, inquam, tria obseruare non oscitanter conuenit, Ut quicquid mens de ipso concipit, quicquid lingua profatur, ipsius excellentiam respiciat, & sacrae nominis eius sublimitati respondeat: denique ad extollendam eius magnificentiam aptum sit. Sancto eius verbo & adorandis mysteriis ne temerè præposterèque abutamur vel ad ambitionem, vel ad auaritiā, vel ad ludicra nostræ sed prout impressam gerunt nominis eius dignitatem, suum inter nos honorē ac pretium semper habeant. Postremò, eius operibus ne obloquamur aut detrectemus, quemadmodum illi contumeliosè solent obstrepere miseri homines: sed quicquid ab ipso memoramus factum, cum sapientiæ, iustitiæ, bonitatis elogiis prædicemus. Id est nomen Dei sanctificare. vbi secus sit, vano prauoque abusu polluitur: quia rapitur extra legitimum usum, cui soli consecratum erat: atque ut nihil aliud, sua tamen dignitate exutum, contempibile paulatim redditur. Quod si in hac temeraria usurpandi importunè diuini nominis facilitate tantum est malum: multo plus in eo, si in nefarios vsus conferatur, ut qui ipsum necromantiæ superstitionibus, diris deuotionibus, illicitis exorcismis, aliisque impiis incantationibus seruire faciunt. Iuramentum autem in mandato potissimum assumitur, in quo peruersus diuini nominis abusus maximè est detestabilis: quo inde melius absterreamur ab omni in vniuersū eius profanatione. Hic autē de cultu Dei præcipi & reuerētia nominis eius, non autem de æquitate quæ inter homines colēda est, inde patet quod deinde in secunda tabula periurium & falsum testimonium damnabit, quo læditur humana societas. superuacua autem esset repetitio si hoc præceptū tractaret de officio charitatis. Iam ipsa quoque distinctio hoc postulat, quia non frustra Deus, ut dictum est, duas Legi suæ tabulas attribuit. Vnde colligitur hoc ius suum sibi vëdicare, ac tueri nominis sui sanctitatem, non autem docere quid homines hominibus debeant.

- 23 Primo loco habendum est quid sit iuramentum. Est autem Dei attestatio ad veritatem sermonis nostri confirmandam. Quæ enim manifesta in Deum probra continent execrationes, indignæ sunt quæ inter iuramenta censeantur. Eiusmodi attestationem, vbi ritè peragitur, speciem esse cultus diuini ostenditur multis locis Scripturæ. ut quum Iesaias de Assyriis & Aegyptiis in fœderis societatem cum Israele vocādis vaticinatur, Loquentur, inquit, lingua Chanaan, & in nomine Domini iurabunt. hoc est, Iurando per nomen Domini, confessionē religionis edent. Item quū de propagādo eius regno loquitur, Quicūque benedicet tibi, in Deo fideiū benedicet: & qui iurabit in terra, iurabit in Deo vero, Ieremias

Gen. 17. a. 7
Prouc. 10. a. 7

Iesa. 19. c. 18

Iesa. 65. e. 16
Iere. 12. d. 16

ti, inquit, docuerint iurare populum in nomine meo, sicut docuerunt iurare per Baal, ædificabuntur in medio domus meæ. Et meritò nomen Domini in testimonium inuocando, nostram in ipsum religionem dicimur testari. Sic enim ipsum, æternam esse & immutabilem veritatem confitemur: quem appellamus non modò tanquam præ aliis idoneum veritatis testem, sed etiam ceu eius assertorẽ vnicum, qui abscondita in lucem proferre queat: deinde vt cordium cognitorem. Vbi enim desunt hominum testimonia, ad Deum testem refugimus: ac præsertim vbi asserendum est quod in conscientia latet. Qua ratione amarè succenset iis Dominus qui per alienos deos deierant: atque id iurisiurandi genus, argumentum manifestæ defectionis interpretatur. Filii tui dereliquerunt me, & iurant in iis qui nõ sunt dñi. Et sceleris huius grauitatem, poenarum comminatione declarat, Disperdã eos qui iurant per nomen Domini, & iurant per Melchon.

Iere. 5. b. 7.

Sopho. 1. b. 5

24

Leuit. 19. c. 12

Iosue. 7. c. 19.

Iohan. 9. e. 24

1. Reg. 14. 19. f

39.

1. Sam. 3. b. 9.

2. Cor. 1. d. 23.

25

Exod. 23. c. 13.

Deut. 6. c. 13

& 10. d. 20.

Hebr. 6. d. 13.

26

Matth. 5. f. 34.

Exod. 22. b. 11

Iohã. 10. f. 30.

Ibidem, d. 18.

Iohan. 7. c. 16.

Iam vbi intelligimus, sacramentis nostris Dominum inesse velle nominis sui cultum, eo maior adhibenda diligentia, ne pro cultu vel contumeliam vel contemptum & vilitatem contineat. Contumelia est non leuis si per ipsum peieratur: vnde & profanatio appellatur in Lege. Quid enim restat Domino, vbi sua veritate fuerit spoliatus: iam Deus esse deinet. Sed enim spoliatur certè, dum falsi suffragator & approbator constituitur. Quare Iosuah, dum Achan ad confessionem veri adigere vult, Fili mi, ait, da gloriam Domino Israel: innuens scilicet, Dominum grauissimè inhonorari si per eum peieratur. Neque mirum: non enim stat per nos quin mēdacium sacro eius nomini quodammodo inuratur. Quam loquutionem vsitatam inter Iudæos fuisse, quoties ad sacramentum dicendum quispiam vocaretur, constat ex simili obtestatione qua vtuntur in Euangelio Iohannis Pharisei. Ad hanc cautionē nos instituūt formulæ quæ in Scripturis vsurpantur, Viuit Dominus: Hæc faciat mihi Dominus & hæc addat: Testis sit Deus in animā meā: quæ insinuāt Deū aduocare nos nõ posse orationis nostræ testē quin periurii vltorē nobis imprecemur si fallimus.

Vile & vulgare redditur Dei nomen, quum veris quidem, sed superuacuis iuramentis adhibetur: siquidem accipitur hīc quoque in vanum. Quare non satis fuerit à periurio abstinere, ni simul meminerimus, iusiurandum non libidinis aut voluptatis, sed necessitatis causa permissum & institutum: ideoque extra licitum illius vsum egredi qui rebus non necessariis accommodat. Porrò non alia præredi necessitas potest quàm vbi vel religioni vel charitati est seruiendum. Qua in re nimis licetiosè hodie delinquitur, eoque intolerabilius quòd assuetudine ipsa pro delicto imputari desit: quod certè apud Dei tribunal nõ paruo æstimatur. Passim enim promiscuè temeratur Dei nomē in nugacibus colloquiis: nec male fieri putatur, quia in tantæ improbitatis possessionē longa & impunita audacia ventum est. Manet tamen ratum Domini mandatum: manet firma sanctio: & effectum olim suum obtinebit, qua peculiaris quædã vindicta in eos edicitur qui frustra nomen ipsius vsurpant. Peccatur & alia in parte, quòd in Dei locum sanctos eius seruos in iuramentis substitutus, manifesta impietate: quia sic diuinitatis gloriam ad eos traducimus. Neque enim abs re est, quòd speciali mādato præcepit Dominus iurare per nomen suum: speciali interdicto prohibuit ne per alienos deos iurantes audiamur. Et Apostolus idem liquidè testatur, quum scribit homines in iuramentis superiorem seipsis appellare: Deum, quia sua gloria maiorem non habebat, per seipsum iurasse.

Hac iurisiurandi moderatione Anabaptistæ nõ cōtenti, omnia sine exceptione execratur: quoniam Christi generale sit interdictum, Ego dico vobis, ne iuretis omnino: sit autem sermo vester, est, est: non, non: quod vltà est, à malo est. Sed hoc modo inconsideratè in Christum impingunt: dum illum faciunt Patri aduersarium, & qui ad decreta eius abroganda in terram descenderit. Siquidem Deus æternus in Lege non modo iuramentum, ceu rem legitimam, permittit: (quod ipsum abūdè foret) sed in necessitate imperat. Christus autem se asserit vnum esse cum Patre, se non aliud asserre quàm quod Pater mādauerit, doctrinā suam non esse à seipso, & c. Quid ergo? Deumne sibi contrarium facient, qui quod semel in moribus præcipiendo approbarit, postea prohibeat ac damnet? Sed quia in verbis Christi nonnihil est difficultatis, ea paulisper expendamus. Hīc autem nunquam verum assequemur nisi oculos intendamus in Christi scopum, & ad id quod illic agit animum aduertamus. Illi non est institutum, Legem aut laxare, aut restringere, sed ad veram ac germanam intelligētiam reducere, quæ falsis Scribarum & Phariseorum commentis valde deprauata fuerat. Id si tenemus, non putabimus Christum damnasse in totū iuramenta: sed ea tantū quæ Legis regulam transgrediuntur. Ex ipsis constat, populum nihil tunc cauere solitum præter periuria, quū non iis solis, sed manibus quoque ac superuacuis iuramētis Lex interdicat. Dominus ergo, certissimus Legis interpres, nõ modò peierare, sed etiam iurare, malū

esse admonet. Quomodo iurare? nempe in vanum. Quæ autem in Lege commendantur iuramenta, salua & libera relinquit. Videntur sibi validius pugnare quum mordicus arripit hanc particulam Omnino: quæ tamen non ad iurandi verbum refertur, sed subiectas sacramentorum formulas. Nam & ista erat erroris portio, quòd dum per cælum & terram dē-ierabant, Dei nomen se non putabant attingere. Ergo post præcipuum præuaricationis caput, omnia etiam subterfugia Dominus illis præcidit: ne se opinentur euasisse si suppresso Dei nomine cælum & terram appellarint. Nam hîc quoquē obiter notandum, quāuis non exprimatur nomen Dei, homines tamen obliquis formis per ipsum iurare: quemadmodum si per lumen vitale, per panem quo vescuntur, per baptismum suum, aut alia diuinæ erga se liberalitatis pignora quælibet iurent. Neque verò Christus eo loco per cælum & terram & Ierosolymam iurare vetans, superstitionem corrigit, vt falsò quidam putant: sed eorum potius sophisticam argutiam refellit qui pro nihilo ducebant indirecta iuramenta futiliter iactare, quasi sacro Dei nomini parcerent, quod tamen insculptum est singulis eius beneficiis. Alia est ratio vbi vel mortalis quispiam, vel mortuus, vel Angelus in locum Dei substituitur: sicuti apud profanas gentes excogitauit adulatio putidam illam formam, per vitam aut genium Regis: quia tunc falsa apotheosis vnus Dei gloriam obscurat & minuit. Verum vbi nihil aliud est propositum quàm ex sacro Dei nomine petere dictorum confirmationē, quanuis id obliquē fiat, in friuolis omnibus iuramentis læditur eius maiestas. Licentiam hanc vano prætextu spoliât Christus, omnino iurare prohibens. Eodem & Iacobus tendit, illa Christi verba quæ citauimus vsurpans: quia semper in mundo grassata est illa temeritas, quæ tamen profanatio est nominis Dei. Nam si ad substantiam referas particulam Omnino, ac si nulla exceptione illicitum esset quoduis iusiurandum, quorsum explicatio quæ mox additur, Neque per cælum, neque per terram, &c. Quibus satis patet, cautilis occurri vnde leuari suum vitium Iudæi putabant.

Iacob .5. c. 12.

27 Itaque sanis iudiciis ambiguum iam esse nequit, Dominum illic iuramenta modò ea improbasse quæ per Legem vetita essent. Nam & ipse, qui perfectionis, quam docebat, exemplar invita exhibuit, non abhorruit à iuramentis quoties res requirebat: & discipuli, quos magistro suo per omnia paruissse non dubitamus, idem exemplum secuti sunt. Quis audeat dicere iuraturum fuisse Paulum, si iusiurandum prorsus interdictum fuisset? Atqui vbi res ita tulit, sine vllò scrupulo iurat, etiam addita interdum imprecatione. Nondum tamen finita est quæstio: quando nonnulli sola ab hoc interdicto publica iuramenta eximi arbitrantur: qualia sunt quæ deferente exigentēque magistratu præstamus: qualia etiam in sanciendo fœderibus vsurpare principes solent: vel populus, quum in nomen principis iurat: vel miles, quum sacramento militiæ adigitur: & quæ sunt huiusmodi. In hunc quoque ordinem (& iure) referunt quæ extant apud Paulum, ad asserendam Euāgelii dignitatem: quando Apostoli in sua functione priuati homines non sunt, sed publici Dei ministri. Et sanè non inficior illa esse tutissima, quòd solidioribus Scripturæ testimoniis defenduntur. Iubetur magistratus in re dubia adigere testem ad iuramentum, ille vicissim iuramento respondere. & Apostolus ait humanas controuersias hoc remedio expediri. In hoc præcepto habet vterque solidam officii sui approbationem. Quinetiam apud veteres ethnicos obseruare licet, publicum & solenne iusiurandum in magna religione habitum fuisse: vulgaria, quæ promiscuè faciebant, aut pro nihilo, aut non ita magno fuisse reputata, perinde ac Dei numen in his non intercedere putarent. Verum priuata iuramenta, quæ sobriè, sanctè, reuerenter necessariis rebus adhibentur, dammare nimis periculosum fuerit: quæ ipsa & ratione & exemplis fulciuntur. Nam si priuatis in re graui & seria Deum inter se iudicem appellare licet, multo magis testem. In simulabit te frater tuus perfidiæ: purgare te studebis, ex charitatis officio: ille nulla ratione satisfieri sibi patietur. Si in discrimē fama tua ob illius obstinatum malignitatem veniat, sine offensa ad Dei iudicium prouocabis, vt tuam innocentiam tempore manifestet. Minus est testem aduocare, si verba expenduntur. Non video igitur cur hîc illicitam asseramus attestationem. Neque desunt plurima exempla. Si Abraham & Isaac sacramentum cum Abimelech publico nomine prætextitur: at certè Iacob & Laban priuati erant, qui mutuo iuramento fœdus inter se sanciunt. Priuatus erat Booz, qui promissum coniugium Ruth eodem modo confirmauit. Priuatus erat Abdias, vir iustus & timens Dei, qui iuramento asseuerat quod Eliæ vult persuadere. Nullam itaque meliorem regulam habeo, nisi vt iuramenta sic moderemur ne temeraria sint, ne promiscua, ne libidinosa, ne friuola: sed iustæ necessitati seruiant, vbi scilicet vel Domini gloria vindicanda, vel promouenda fratris edificatio. quò Legis mandatum spectat.

Heb. 6. d. 16

Gene. 21. c. 24.
26. g. 32.
Gene. 31. g. 53.
Ruth 3. c. 13

1. Reg. 18. b. 10

Recordare vt diem sabbathi sanctifices. Sex diebus operaberis, & facies omnia opera tua: septimo autem die sabbathum Iehouæ Dei tui est. Non facies vllum opus in eo, &c.

28 Finis præcepti est vt propriis affectibus & operibus emortui, regnū Dei meditemur, atque ad eam meditationē institutis ab ipso rationibus exerceamur. Verūm, quoniam habet peculiarem & diuisam à reliquis considerationem, paulo diuersam interpretationis seriem requirit. Vmbratile veteres nuncupare solent, quòd externam diei obseruationem contineat quæ in Christi aduentu cum reliquis figuris abolita fuerit, quod verè quidem ab illis dicitur: sed dimidia tantū ex parte rem attingunt. Quare altius repetenda est expositio: & dispiciendæ tres causæ, quibus constare hoc mandatum obseruasse mihi videor. Voluit enim cælestis legislator sub diei septimi quiete populo Israel spiritualem requiem figurare, quæ à propriis operibus ferri debent fideles, vt Deum in se operari sinant. Deinde statum diem esse voluit, quo ad Legem audiendam & ceremonias peragendas conuenirēt, vel saltem quem operum suorum meditationi peculiariter darent: vt hac recordatione ad pietatem exercerētur. Tertiò, seruis, & iis qui sub aliorum degerent imperio, quietis diem indulgendum censuit, quo aliquam haberent à labore remissionem.

29 Illam tamen spiritualis quietis adumbrationem primum in sabbatho locum tenuisse, multifariam docemur. Nullius ferè siquidem præcepti obedientiam seuerius Dominus exegit. Quum subuersam omnem religionē vult apud Prophetas significare, polluta, violata, non custodita, non sanctificata sua sabbatha cōqueritur: quasi, omisso hoc obsequio, nihil amplius restaret in quo posset honorari. Eius obseruantiam eximiiis encomiis profecquitur: vnde & fideles, inter alia oracula, sabbathi reuelationem mirificè aestimabant. Sic enim loquuntur Leuitæ apud Nehemiah, in solenni congregatione, Ostēdisti patribus nostris sabbathum tuum sanctum, mandata & ceremonias & Legē dedisti eis per manum Mo sis. Vides vt singulari dignatione habeatur inter præcepta omnia Legis. Quæ omnia pertinent ad cōmendandam mysterii dignitatem, quod à Mose & Ezechiele pulcherrimè exprimitur. Sic habes in Exodo, Videte vt sabbathum meum custodiat, quia signum est inter me & vos, in generationibus vestris: vt sciatis quòd ego sum Dominus qui sanctifico vos. Custodite sabbathum. sanctum est enim vobis. Custodiant filii Israel sabbathū, & celebrēt illud in generationibus suis. pactum est sempiternum inter me & filios Israel, signūque perpetuum. Fusius etiānum Ezechiel: cuius tamen summa huc redit, esse in signum quo Israel cognosceret, Deum esse suum sanctificatorem. Si sanctificatio nostra propriæ voluntatis mortificatione constat, iam se profert aptissima signi externi cum re ipsa interiori analogia. Quiescendū omnino est, vt Deus in nobis operetur: cedendum voluntate nostra, resignandum cor, abdicandæ cunctæ carnis cupiditates. Denique feriandum est ab omnibus proprii ingenii muniis, vt Deum habētes in nobis operantem, in ipso ac quiescamus, quæ admodum Apostolus quoque docet.

30 Perpetuam istam cessationem Iudæis representabat vnus diei ex septenis obseruatio: quæ vt maiori religione coleretur, eam exemplo suo Dominus cōmendauit. Non enim ad excitandum hominis studium mediocriter valet vt se ad Creatoris imitationem tendere nouerit. Siquis arcanam aliquam in septenario numero significationem requirat, quādo hic in Scriptura perfectionis est numerus, non sine causa delectus est ad notandam perpetuitatem. Cui & illud suffragatur, quòd Moses in die quo narrat requieuisse Dominum ab operibus suis, finem describendæ dierū ac noctium successionis facit. Potest & altera probabilis afferri numeri notatio: quòd scilicet designarit Dominus nunquam absolutum fore sabbathum donec vêtum ad vltimum diem fuerit. Nostram enim in illo beatam quietē hīc inchoamus, in ea nouos quotidie progressus facimus: sed quia assidua est adhuc cū carne militia, non prius consummabitur quā implebitur illud Iesaiæ de continuanda neomenia cum neomenia, sabbatho cum sabbatho, nempe quū erit Deus omnia in omnibus. Videri ergo possit Dominus per diem septimum populo suo delineasse futurā sui sabbathi in vltimo die perfectionem: quo continenti sabbathi meditatione ad hanc perfectionem tota vita aspiraret.

31 Siquis hanc numeri obseruationē ceu nimis argutam fastidiat, nihil impedit quominus simplicius accipiat: Dominū certū diem ordinasse, quo ad meditandā spiritualis quietis assiduitatem populus sub Legis pædagogia exerceretur. Septimum assignasse, vel quia sufficere prouidebat, vel vt propo sita exempli sui similitudine, melius populū

Num. 13. d. 22

Ezech. 20. b.
22. & 23. b. 8, &
23. f. 38.

Iere 17. c. 21.
22, & d. 27.

Nehe. 9. c. 14

Iesaiæ 56. a. 2.

Exodi 31. c.

23, & 35. a. 2.

Exod. 31. c. 13.

Ezech. 20. b.
22.

Heb. 3. c. 13, &
4. c. 9.

Iesa. 66. g. 23.

1. Cor. 15. d. 28.

extimularet: vel certè admoneret non aliò spectare sabbathum nisi vt suo Creatori conformis redderetur. Parum enim interest: modò mysteriũ, quod præcipuè delineatur, maneat, de perpetua nostrorum operum quiete. Ad quod contẽplandum identidem reuocabant Iudæos Prophetæ: ne carnali cessatione defunctos se putarent. Præter allegatos iam locos sic habes apud Iesaiã, Si auerteris à sabbatho pedẽ tuum vt non facias voluntatem tuã in die sancto meo, & vocaueris sabbathũ delicatũ & sanctũ Domini gloriosi: & glorificaueris eũ dum non facis vias tuas, & non inuenitur voluntas tua vt loquaris sermonẽ: tunc delectaberis super Domino, &c. Cæterũ non dubium quin Domini Christi aduẽtu, quod ceremoniale hĩc erat, abolitum fuerit. Ipse enim veritas est, cuius præsentia figuræ omnes euanescent: corpus cuius aspectũ, vmbre relinquũtur. Ipse, inquam, verum sabbathi completẽtum. Per baptismum illi conspuli, in cõsortium mortis eius insiti sumus, vt resurrectionis participes, in nouitate vitæ ambulemus. Ideo sabbathũ vmbra fuisse rei futuræ alibi scribit Apostolus: corpus extare in Christo, hoc est, solidam veritatis substantiam, quam illo loco bene explicauit. Ea non vno die contenta est, sed toto vitæ nostræ cursu, donec penitus nobismetipsis mortui, Dei vita impleamur. A Christianis ergo abesse debet superstitio sa dierum obseruatio.

Iesa. 58. d. 13

Rom. 6. a. 4
Colof. 2. c. 16,
& 17.

Deut. 5. b. 14

Exod. 23. c. 12

1. Cor. 14. g.
40.Coloff. 2. c. 16
Gal. 4. b. 10. 12
Rom. 14. a. 5

1. Cor. 16. a. 22

32 Enimucrò quoniam duæ posteriores causæ veteribus vmbis annumerari nõ debent, sed seculis omnibus peræquè conueniunt: abrogato sabbatho, inter nos tamen etiam nũ locum istud habet, vt statis diebus ad audiendum verbum, ad mystici panis fractionem, ad publicas orationes conueniamus: deinde vt seruis & operariis sua detur à labore remissio. Vtranque in sabbathi præceptione curæ fuisse Domino, proculdubio est. Prior abunde testimonii, vel in solo Iudæorum vsu, habet. Secundã signauit Moses in Deuteronomio, his verbis, Vt requiescat seruus tuus & ancilla tua, sicut & tu: memeto quòd & ipse seruieris in Aegypto. Item in Exodo, Vt requiescat bos & asinus tuus: & respiret filius ancillæ tuæ. Vtrunque quis neget nobis perinde ac Iudæis conuenire: Conuentus Ecclesiastici nobis Dei verbo præcipiuntur: & eorum necessitas, ipsa vitæ experientia, nota satis est. Nisi statim sint, & suos habeant constitutos dies, quomodo haberi possunt? Omnia decenter & ordine gerenda inter nos sunt ex Apostoli sententia. Tantum verò abest quin decorum & ordo, nisi ista politia & moderatione conseruari possit, vt præsentissima impendeat Ecclesiæ perturbatio & ruina si dissoluatur. Quòd si eadem nobis necessitas incumbit, cuius in subsidium Iudæis Dominus sabbathum constituerat: nemo causetur nihil aliud ad nos pertinere. Voluit enim prouidentissimus & indulgētissimus Pater noster, nostræ, non minus quàm Iudæorũ necessitati prospicere. Cur non quotidie, inquires, potius cõuenimus, vt ita tollatur die rũ discretio: vtinam illud quidem daretur: & sanè digna erat spiritualis sapientia, cui quotidie decideretur particula aliqua temporis. Sed si à multorum infirmitate obtineri nõ potest vt quotidiani conuentus agantur: & charitatis ratio plus ab illis exigere non permittit: cur non pareamus rationi quam nobis videmus Dei voluntate impositam?

33 Paulo hic cogor esse longior, quòd hodie ob diem Dominicum tumultuantur nonnulli inquieti spiritus: Plebem Christianam quiritantur in Iudaismo foueri, quia retinet aliquam dierum obseruationem. Ego autem respõdeo, citra Iudaismum dies istos à nobis obseruari: quia longo interuallo differimus in hac parte à Iudæis. Non enim vt ceremoniã arctissima religione celebramus, qua putemus mysterium spirituale figurari: sed suscipimus vt remedium retinendo in Ecclesia ordini necessarium. Atqui Paulus docet, non esse in eius obseruatione iudicandos Christianos: quia sit vmbra rei futuræ. Ideo timet ne inter Galatas frustra laborarit, quòd adhuc dies obseruarent. Et ad Romanos asserit superstitiosum esse si quis iudicat inter diem & diem. At quis præter istos duntaxat furiosos, non videat de qua obseruatione intelligat Apostolus? Non enim in finem istum politicum & Ecclesiasticum ordinem respiciebant: sed quum, tanquam rerum spiritualium vmbas retinerent, tantundem obscurabant Christi gloriam & Euangelii lucem. A manuariis operibus non ideo feriabantur quòd essent à sacris studiis & meditationibus auocameta: sed religione quadam, quòd feriando, mysteria olim commẽdata recolere se somniabāt. In hac inquam præposteram dierum discretionem inuehitur Apostolus: non in legitimum delectum, qui societatis Christianæ paci seruiat. Siquidẽ in Ecclesiis ab eo institutis sabbathũ in hunc vsu retinebatur. Illum enim diem præscribit Corinthiis, quo symbola ad subleuandos Hierosolymitanos fratres colligantur. Si timetur superstitio: pluserat periculi in Iudaicis feriis, quàm in Dominicis (quos nũc habet Christiani) diebus. Nã quod ad euertere superstitutionẽ expediebat, sublatus est Iudæis religiosus dies: quòd decoro, ordini, paci, in Ecclesia retinẽdis necessarium erat, alter in eum vsu destinatus est.

34 Quamquam non sine delectu Dominicum quem vocamus diem veteres in locum sabbathi subrogarūt. Nam quum verā illius quietis, quam vetus sabbathum adumbrabat, in resurrectione Domini finis sit ac complementū, ipso die, qui vmbri finem attulit, admonentur Christiani ne vmbatili ceremoniæ inhæreāt. Neque sic tamen septenariū numerum moror, vt eius seruituti Ecclesiam astringam. neque enim Ecclesias damnauero, quæ alios cōuentibus suis solennes dies habeant, modò à superstitione absint. Quod erit si ad solam obseruationem disciplinæ & ordinis bene compositi referantur. Summa sit: vt sub figura Iudæis tradebatur veritas, ita nobis sine vmbri commendatur: primum, vt perpetuū tota vita sabbathismum meditemur à nostris operibus, quò Dominus in nobis per suum Spiritū operetur: deinde vt pia operum Dei recognitione priuatim se quisque, quoties vacat, diligēter exerceat: tum etiam, vt omnes simul legitimū Ecclesiæ ordinem, ad verbum audiendum, ad sacramentorum administrationem, ad publicas orationes cōstitutum, obseruemus. tertio ne nobis subditos inhumaniter premamus. Ita euanescent nugæ pseudo-prophetarū qui Iudaica opinione populum superioribus seculis imbuerunt, nihil aliud afferentes nisi abrogatum esse quod ceremoniale erat in hoc mandato (id vocant sua lingua diei septimæ taxationē) remanere autem quod morale est, nempe vnius diei obseruationē in hebdomade. Atqui id nihil aliud est quàm in Iudæorū cōtumeliā diem mutare, diei sanctitatē animo eandem retinere: siquidem manet nobis etiam nū par mysterii in diebus significatio quæ apud Iudæos locum habebat. Et sanè videmus quid tali doctrina profecerint. qui enim eorum cōstitutionibus hærent, crassa carnalique sabbathismi superstitione Iudæos ter superant: vt nihilo minus hodie ipsis conueniant obiurgationes quæ apud Iesaiam leguntur, quàm iis quos sua ætate Propheta increpabat. Cæterum generalis doctrina præcipuè tenēda est: ne religio inter nos vel concidat vel languescat, diligēter colendos esse sacros cœtus, & externis subsidiis quæ ad fouendū Dei cultum valeāt operā dandā esse.

De hac libertate vide Socrate hist. tri lib. 9. cap. 38

Iesa. 1. c. 13, & 58. d. 13

PRÆCEPTVM QVINTVM.

Honora patrem tuum & matrem vt sis longæuus super terram quam Iehoua Deus tuus daturus est tibi.

35 Finis est, Quoniam Domino Deo suæ dispositionis conseruatio cordi est, ordinatos ab ipso eminentiæ gradus oportere nobis esse inuiolabiles. Summa igitur erit vt quos nobis præfecit Dominus, eos suspiciamus, eosque & honore & obedientia & gratitudine prosequamur. Vnde sequitur interdictū, nequid eorum dignitati, vel cōtemptu, vel cōtumacia, vel ingratitude derogemus. Sic enim latè patet vocabulū honoris in Scriptura. vt quum dicit Apostolus, Presbyteros qui bene præsunt, duplici honore dignos esse, non modò reuerentiam iis deberi intelligit, sed quam ministeriū eorum remunerationē meretur. Quoniam autem hoc de subiectione præceptum. cum humani ingenii prauitate valde pugnat (quod, vt est celsitudinis appetentia turgidum, ægrè se subiici sustinet) quæ naturā maximè amabilis est ac minimè inuidiosa superioritas, in exēplar proposita est: quia facilius animos nostros emollire & inflectere ad submissionis consuetudinē poterat. Ad omnē ergo legitimam subiectionem ab ea quæ facillima est toleratu, nos paulatim assuefacit Dominus: quādo est omnium eadem ratio. Siquidē quibus attribuit eminentiā, quatenus ad eam tuendam necesse est, suum cum illis nomen cōmunicat. In vnum ipsum ita conueniunt Patris, Dei ac Domini tituli, vt quoties vnum aliquē ex iis audimus, maiestatis illius sensu animum nostrum feriri oporteat. Quos ergo istorum facit participes, eos quadam fulgoris sui scintilla illustrat, vt sint pro suo quisque loco spectabiles. Ita qui nobis est pater, in eo diuinum aliquid reputare par est: quia diuinum titulum non sine causa gerit. Qui princeps est, qui dominus, habet nonnullam honoris cum Deo communionem.

1. Tim. 5. c. 17.

36 Quapropter ambiguū esse non debet quin hīc vniuersalē regulam Dominus statuatur: nempe prout quenque nouimus esse nobis eius ordinatione præfectū, vt ipsum reuerentia, obedientia, gratitudine, & quibus possumus officiis prosequamur. Nec interest dignine an indigni sint quibus honor iste deferatur. nam qualescūque sint tandem, non tamē sine Dei prouidentia hunc locum assecuti sunt, cuius ratione ipse Legislator eos honorari voluit. Nominatim tamē de parentū reuerentia præcepit, qui nos in hanc vitam sustulerūt: ad quam natura ipsa quodāmodo instituere nos debet. Mōstra enim sunt, non homines, qui patriam potestatem contumelia vel peruicacia infringunt. Ideo cunctos parentibus immorigeros trucidari iubet Dominus, vt beneficio lucis indignos, qui non recognoscunt quorū opera in eam peruenerint. Atque ex variis quidem Legis appendicibus apparet verum esse quod annotauimus, tres esse honoris de quo hīc loquitur partes, reuerentiam, obedientiam,

gratitudinē. Primam Dominus sancit dum interfici præcipit qui maledixerit patri aut matri. quandoquidem illic contemptum ac contumeliam vindicat. Secundam, dum aduersus immorigeros & rebelles pœnam mortis edicit. Ad tertiã pertinet quod dicit Christus Matth. 15, ex præcepto Dei esse vt beneficiamus parētibus. Et quoties mādati mentionem facit Paulus, obedientiam in eo requiri interpretatur.

Exod. 21. c. 17
Leuit. 20. b. 9
Prouer. 10. c. 20.
Deut. 21. d. 18
Matth. 15. a. 4
Ephē. 6. a. 1.
Coloss. 3. d. 20

37 Subnectitur promissio, commendationis vice, quæ magis admoneat quàm grata Deo sit quæ hîc nobis imperatur submissio. Istum enim aculeum excitando torpori nostro ad-mouet Paulus, quum dicit mandatum hoc esse primum cum promissione. Siquidem quæ in prima tabula præcessit, non specialis & propria vnius mādati fuit, sed ad Legem vniuersã extēdebatur. Porro sic accipienda hæc est, Peculiariter Israelitis loquebatur Dominus de terra quã illis promiserat in hæreditatē. Si ergo diuinæ benignitatis arrhabo erat terræ possessio, non miremur si Dominus testari voluerit suã gratiã, vitæ longitudinē largiendo: per quã fiebat vt diuturnus caperetur sui beneficii fructus. Sensus ergo est, Honora patrem & matrē, quò per lōgum vitæ spatiū frui tibi diu liceat ea terræ possessione quæ tibi futura est in gratiæ meæ testimoniū. Cæterū, quia tota terra fidelibus benedicta est, præsentē vitã inter Dei benedictiones meritò reponimus. Quare ad nos similiter spectat istæc promissio, quatenus scilicet diuinæ beneuolentiæ documentum nobis est præsentis vitæ duratio. Non enim ea aut nobis promittitur, aut promissa fuit Iudæis, quasi beatitudinē in se contineret; sed quia symbolū piis esse solet diuinæ indulgentiæ. Quare si cōtingat ante maturam ætatē obsequentem parentibus filium è vita abripi (quod non rarò cernitur) nihilo minus in suæ promissionis complemento constanter Dominus perseuerat, quàm si eum cētum terræ iu-geribus muneretur cui vnum modò pollicitus erat. Totum in hoc situm est vt expendamus lōgam vitam eatenus promitti quatenus Dei benedictio est: benedictionem verò esse quatenus diuinæ gratiæ est documentum: quam ipse per mortem infinito vberius & solidius seruis suis testificatur & re ipsa demonstrat.

38 Adhæc, dum præsentis vitæ benedictionem Dominus pollicetur filiis qui parētes qua decet obseruatione coluerint: simul innuit, omnibus immorigeris ac inobsequētibus cer-tissimam imminere maledictionem, cui ne desit executio, eos per Legem suam mortis iudicio obnoxios pronūtiat, ac supplicium de ipsis sumi mandat. Si iudicium effugiunt, ipse vltionem expetit quouis modo. Videmus enim quantus numerus ex hoc hominum ge-nere vel in præliis vel in rixis cadat: alii insolitis modis affliguntur. omnes propè commi-nationem hanc non esse vanam argumēto sunt. Quòd si qui euadunt ad vltimam senectutem: quia in hac vita, Dei benedictione priuati, nihil aliud quàm miserè languent, & maio-ribus in posterum pœnis referuantur, multum abest quin benedictionis piis filiis promissæ fiant particeps. Sed istud etiam obiter annotandum, quòd illis obedire nō nisi in Domi-no iubemur: neque id obscurum est ex iacto prius fundamento. præfident enim eo loco in quem euexit eos Dominus, cōmunicata cum ipsis honoris sui portione. Quæ ergo submis-sio illis exhibetur, ad suspiciendum summum illum Patrem gradus esse debet. Quare si in Legis transgressionē nos instigant, meritò tum non parentes nobis habendi sunt, sed extra-nei, qui nos à veri Patris obediētia subducere conātur. Sic de principibus, dominis, & vni-uerfo superiorum genere habēdum. Indignum enim & absōnū est vt ad deprimentā Dei celitudinē eorum eminētia polleat, quæ vt ab illa pendet, ita in illam deducere nos debet.

Ephē. 6. a. 1

P R A E C E P T V M S E X T V M.

Non occides.

39 Finis præcepti est: Quoniam hominum genus vnitæ quadam Dominus deuinxit, in-columitatem omnium vnicuique debere esse cōmendatam. In summa ergo, violētia om-nis & iniuria, ac omnino quæuis noxa, qua proximi corpus lædatur, nobis interdicitur. Ac proinde iubemur, siquid in opera nostra ad tuēdam proximorū vitam subsidii est, fide-liter impendere, quæ ad eorum tranquillitatē faciunt, procurare: depellendis noxis excuba-re: si quo in discrimine sunt, præbere manum auxiliare. Si Deum Legislatore sic loqui re-cordaris, simul cogita velle per hanc regulam animæ tuæ moderari. Ridiculū enim foret vt is qui cordis cogitationes speculatur, isque præcipuè immoratur, ad veram iustitiã ni-hil quàm corpus erudiret. Ergo & homicidium cordis hac Lege prohibetur, & præcipitur interior affectus cōseruandæ fratris vitæ. Manus quidem homicidiū parit, sed animus cō-cipit, dum ira & odio inficitur. Vide an irasci aduersus fratrem possis quin noxæ libidine ardeas. Si non irasci, ergo nec odisse: quando odium nihil aliud est quàm ira inueterata. Dissimules licet, & vanis ambagibus extricare te coneris: vbi vel ira vel odium est, illic

1. Joh. 3. c. 15.
Math. 5. c. 22.

est maleficus affectus. Si tergiuersari pergis, iam ore Spiritus pronuntiatum est, homicidā esse qui fratrem in corde suo oderit: ore Domini Christi pronuntiatum est reum esse iudicio qui fratri suo irascitur: reum esse cōcilio qui dixerit racha: reum esse gehennæ ignis qui dixerit fatue.

40

Duplicem autem æquitatem Scriptura notat, qua nititur hoc præceptum: quia & imago Dei est homo, & caro nostra. Quare, nisi imaginem Dei violare libeat, sacrosanctum habere illum: nisi omnem exuere humanitatē, vt carnem propriā fouere debemus. Quæ à redemptione & Christi gratia ducenda est exhortatio, alibi tractabitur. Duo illa naturaliter in homine considerari Dominus voluit, quæ nos ad cōseruationem eius inducerent: vt & suam imaginem in ipso impressam reuereamur, & carnē nostram amplexemur. Non ergo euasit homicidii crimen qui à sanguinis effusione sibi temperarit. Siquid opere perperas, si conatu machinaris, si voto & consilio concipis quod alterius saluti sit aduersum, homicidii reus teneris. Nisi rursū illā pro facultate & opportunitate tueri studes, ea quoque immanitate Legem præuaricaris. Quòd si tantopere de corporis incolumitate laboratur: hinc colligamus, quantū studii & operæ saluti animæ debeatur quæ in immensum coram Domino præcellit.

P R A E C E P T V M S E P T I M V M.

Non mœchaberis.

41

Finis eius, Quia pudicitiam & puritatem Deus amat, faceßere à nobis omnem immunditiam oportere. Summa igitur erit, vt nequa spurcitia, aut libidinosa intemperie carnis inquinemur. Cui respondet affirmatiuum præceptū, vt castè & continenter omnes vitæ nostræ partes moderemur. Scortationem autem nominatim vetat, ad quam tendit omnis libido: vt illius fœditate (quæ crassior est & palpabilior, quatenus scilicet corpori etiam maculam inurit) in libidinis cuiusuis abominationem nos adducat. Quoniam hac lege cōditus est homo vt solitariā vitam non agat, sed adiuncto sibi subsidio utatur: deinde ex peccati maledictione in hanc necessitatem magis addictus est: quantum satis erat, Dominus opitulatus est nobis in hac parte dum coniugium instituit, cuius societatem sua autoritate inita, sua quoque benedictione sanctificauit. Vnde constat & aliam quamlibet, extra cōiugium, societatem, coram ipso maledictam esse: & illam ipsam cōiugalem in necessitatis remedium esse ordinatam, ne in effrænem libidinem prorruamus. Ne ergo nobis blandiamur, dum audimus non posse virum cum muliere, sine Dei maledictione, extra coniugium copulari.

42

Iam quum per naturæ conditionem & accensa post lapsum libidine, mulieris consortio bis obnoxii simus, nisi quos singulari gratia Deus inde exemit: videant singuli quid sibi datum sit. Virginitas, fateor, virtus est non contemnenda: sed quoniam aliis negata est, aliis nonnisi ad tempus concessa, qui ab incontinentia vexantur, & superiores in certamine esse nequeunt, ad matrimonii subsidium se conferant, vt ita in suæ vocationis gradu castitatem colant. Nam qui non capiunt hoc verbum, si non proposito concessioque remedio intemperantiæ suæ succurrant, cum Deo pugnat, ac resistunt eius ordinationi. Neque mihi quispiam obstrepat (quod multi hodie faciunt) Dei se auxilio adiutum, omnia posse. Dei enim auxilium non nisi iis adest qui in viis suis ambulant: hoc est, in sua vocatione, à qua se omnes subducunt, qui præteritis Dei subsidiis, necessitates suas superare eluctarique inani temeritate contendunt. Continētiam singulare esse Dei donum, atque ex eorum genere quæ non promiscuè, nec in vniuersum corpori Ecclesiæ, sed paucis membris conferantur, Dominus affirmat. Primū enim certum hominum genus facit, quod se castrauerit propter regnum cælorum, hoc est, vt solutius ac liberius vacare regni cælestis negotiis liceat. At ne talem castrationem esse in hominis sitam potestate quis putet, paulo antè ostendebat non omnes esse capaces, sed quibus peculiariter è cælo datum sit. vnde concludit, Qui potest capere capiat. Afferit etiam num apertius Paulus, dum scribit vnumquēque habere proprium donum à Deo: vnum sic, alterum autem sic.

Psal. 91. a. 1, &
d. 14.

Matt. 19. b. 12.

1. Cor. 7. b. 7

43

Quando aperta denuntiatione admonemur, non esse cuiuslibet seruare castitatem in cælibatu, etiam si studio & conatu ad id maximè aspiret: peculiarem esse gratiā quam Dominus nonnisi certis hominibus cōfert, quo ipsos habeat ad opus suum expeditiores: nōne Deo & naturæ ab eo institutæ repugnauimus, si non vitæ nostræ genus ad facultatis nostræ modum accomodamus? Hic scortationē Dominus prohibet: puritatem ergo & pudicitiam à nobis requirit. Eius seruadæ vna est ratio, vt suo quisque modulo se metiatur. Nemo temerè matrimonium contemnat, veluti rem sibi aut inutilem aut superuacuum: nemo cælibatum aliter exspectat quàm si vxore carere possit. Neque in eo etiam carnis tran-

quillitati vel commoditati consulat, sed tantum ut vinculo hoc solutus ad omnia pietatis officia promptior sit ac paratior. Et quoniam multis hoc beneficium non nisi ad tempus confertur, tandiu quisque à coniugio abstineat quandiu erit ad seruandum cælibatū idoneus. Si ad domandam libidinem vires deficient, intelligat iam sibi coniugii necessitatē à Domino impositam. Hoc demonstrat Apostolus quum præcipit ut ad fugiendam scortationem unusquisque uxorem suam habeat, & unaquæque mulier virum. Item, Ut qui non potest se continere, matrimonium in Domino contrahat. Primum significat maiorem hominum partem incontinentiæ vitio esse obnoxiam: deinde ex iis qui obnoxii sunt neminem excipit quem non iubeat ad vnicum illud remedium cōfugere quo impudiciæ obuiam itur. Ergo qui sunt incontinentes, si hac ratione mederi negligunt suæ infirmitati, eo ipso peccant quod huic Apostoli mandato non obtemperant. Neque sibi blandiatur qui mulierē non attingit, ac si impudiciæ argui non posset: quum interim animus libidine intus ardeat. pudicitiam enim definit Paulus, coniunctam cum castitate corporis, animi puritatem. Cælebs mulier, inquit, cogitat quæ Domini sunt: quomodo sancta sit corpore & spiritu. Itaque dum superius illud præceptum ratione confirmat: non tantum dicit melius esse uxorem ducere quam scorti societate se polluere, sed dicit melius esse nubere quam vri.

1. Corin. 7. a. 2, & b. 9

1. Cori. 7. f. 34

- 44 Porro, si coniuges recognoscunt suam societatem esse à Domino benedictam, eo admonentur non esse intemperata & dissoluta libidine conspurcandā. Non enim si incontinentiæ turpitudinem velat matrimonii honestas, ideo eius irritamentum protinus esse debet. Quare non omnia sibi licere coniuges existiment: sed suam quisque uxorem sobriè habeat, & vicissim vxor virum: sic agentes nequid omnino indignum honestate ac temperantia matrimonii admittant. Sic enim ad modum & modestiam reuocari decet coniugium in Domino contractum, non in extremam quanque lasciuiam exundare. Hanc petulantiam Ambrosius graui quidem, sed non indigna sententia notauit, quum vxoris adulterum vocauit qui in vsu coniugali nullam verecundiæ vel honestatis curam habet. Postremò reputemus quis hic legislator scortationem damnet. nempe is, qui quum nos totos possidere debeat, iure suo, animæ, spiritus, & corporis integritatem requirit. Ergo dum scortari prohibet, simul vetat & lasciuo corporis ornatu, & obscœnis gesticulationibus, & impuris sermonibus alienæ pudiciæ insidiari. Non enim ratione caret Archelai sententia ad adolescentem molliter & delicatè vltra modum vestitū, non referre qua parte cinædus esset: siquidē Deum respicimus, qui omnem contaminationem abominatur, quacunque in parte vel animæ vel corporis nostri appareat. Ac ne dubium sit, memineris hinc pudicitiam à Deo commendari. Si pudicitiam requirit à nobis Dominus, quicquid illi aduersum est damnat. Proinde si ad obedientiam adspiras, nec animus praua cupidine intus ardeat, nec oculi in corruptos affectus lasciuiāt, nec corpus ad lenociniū excolatur, nec lingua spurcis sermonibus mentem ad similes cogitationes illicitat, nec gula sua intemperie inflammet. Sunt enim omnia eiusmodi vitia veluti maculæ quædam quibus castitatis puritas conspurcatur.

Ambr. lib. de philosoph. quem citat Augustinus libro contra Iulianum. 2.

P R A E C E P T V M O C T A V V M.

Non furtum facies.

- 45 Finis, Quoniam abominationi est Deo iniustitia, ut reddatur unicuique quod suum est. Summa igitur erit, nos vetari rebus alienis inhiare, ac proinde iuberi suis unicuique conseruandis bonis fidelem operam impendere. Sic enim cogitandum est, unicuique euenisse quod possidet, non fortuita sorte, sed ex distributione summi rerum omnium domini: non posse igitur præuerti malis artibus facultates cuiuspiam quin fraus diuinæ dispensationi fiat. Plurima autem sunt furtorum genera. Vnum est in violentia: quum vi quacunque & prædatoria licentia aliena diripiuntur. Alterum in malitiosa impostura: vbi fraudulenter intercipiuntur. Aliud in rectiori calliditate: vbi per speciem iuris excutiuntur. Aliud in blanditiis: vbi sub donationis prætextu emunguntur. Sed ne in generibus recensendis nimium insitamus, artes omnes, quibus proximorum possessiones & pecuniæ ad nos deriuantur, vbi à synceritate dilectionis, ad fallendū aut quouis modo nocēdi cupiditatem obliquant, pro furtis nouerimus esse habēdas. In strensi certamine obtineant licet, à Deo tamen non secus aestimantur. Nempe videt longas captiones, quibus simpliciorum homo vafer animum incipit irretire, donec in suas tandem nassas attrahat: videt illecebras quibus tanquā hamis imprudentem astutior inescat. quæ omnia latent humanū iudicium, nec in cognitionē veniūt. Neque hæc iniuria in pecunia modò, aut in mercibus, aut agris locū habet: sed in iure cuiusque. suo enim bono proximos fraudamus, si denegamus officia quibus erga eos obligamur. Si procurator aut villicus otiosus vorat domini substantiā, nec ad rei famili-

avis curam intentus est: si commissas sibi facultates vel iniuria dissipat, vel luxuriose profundit: si seruus heri ludibrio habet, si eius arcana divulgat, si villo modo tum vitam, tum bona eius prodat: si Dominus rursus familiam immaniter vexat: furti apud Deum tenetur. Alienum enim & retinet & prauertit qui non exequitur quod ex suae vocationis munere aliis debet.

- 46 Rite ergo sic parebimus mandato, si nostra forte contenti, nullum nisi honestum & legitimum lucrum facere studeamus: si non appetamus cum iniuria ditescere, nec fortunis diuere proximum moliamur, quo res nobis accrescat: si non crudeles opes, & ex aliorum sanguine expressas cumulare contendamus: si non intemperanter vndeunque per fas & nefas corradamus, quo vel expleatur nostra auaritia, vel prodigientiae satisfiat. Verum conuerso sit nobis perpetuus hic scopus, omnes quoad licet consilio atque ope fideliter in retinendis suis iuuare. quod si cum perfidis ac fallacibus negotium fuerit, ex nostro potius aliquid cedere parati simus, quam ut contendamus cum illis. Neque id modo: sed quos rerum difficultate viderimus premi, eorum necessitatibus communicemus, ac nostra copia subleuemus eorum inopiam. Postremo respiciat unusquisque quatenus ex officio aliis sit obligatus, ac quod debet, bona fide persoluat. Hac ratione populus omnes sibi praefectos in honore habeat, eorum dominationem a quo animo ferat, legibus & iussis pareat, nihil detrectet quod propitio Deo ferre possit. Rursus illi plebis suae curam sustineant, publicam pacem conferuent, bonis sint praesidio, malos coerceant: sic omnia administrent quasi supremo iudici Deo functionis suae rationem reddituri. Ecclesiarum ministri fideliter verbi ministerio incumbant, nec salutis doctrinam adulterent: sed puram & sinceram populo Dei tradant. Nec doctrina solum, sed vitae exemplum instituant: praesint denique, ut boni pastores ouibus. Populus vicissim eos pronuntiis & Apostolis Dei suscipiat, eum eis honorem reddat quo summus Magister eos dignatus est: quae eorum vitae necessaria sunt praebear. Parentes liberos, ut sibi a Deo commissos, alendos, regendos, docendos suscipiant: nec saeuitia eorum animos exasperent, & a se auertant: sed lenitate ac indulgentia quae suam personam deceat, eos foueant & amplectantur. Quo modo & suam illis obseruantiam a liberis deberi ante dictum est. Iuniores senilem aetatem reuereantur, ut eam aetatem honorabilem esse Dominus voluit. Senes quoque iuuentutis imbecillitatem sua prudentia, & (quo magis quam illi polent) rerum usu moderentur, non asperis clamoribusque insectationibus eos incessentes. sed temperantes comitate ac facilitate seueritatem. Serui se ad obsequium sedulos & morigeros dominis praestent: neque id ad oculum, sed ex animo, tanquam Deo ipsi seruientes. Heri quoque non morosos se & intractabiles erga seruos gerant, non asperitate nimia diuexent, non contumeliose accipiant: sed potius agnoscant sibi fratres esse, suosque sub caelesti Domino conseruos, quos mutuo amare & humaniter tractare debeant. Ad hunc, inquam, modum quisque reputet quid in suo ordine ac loco proximis debeat, & quod debet soluat. Ad haec, referenda semper mens ad Legislatorem: ut animis, perinde ac manibus, regulam hanc nouerimus constitui: quo aliorum commodis atque utilitatibus & tuendis & promouendis studeant.

P R A E C E P T U M N O N V M.

Non eris aduersus proximum tuum testis mendax.

- 47 Finis eius: Quoniam mendacium Deus (qui veritas est) execratur, veritatem sine furo esse inter nos colendam. Summa igitur erit, ne vel calumniis falsisque criminationibus violemus alicuius nomen, vel mendacio in suis fortunis grauemus: denique ne maledicentiae & procacitatis libidine quempiam laedamus. Cui interdicto coharet imperium, ut unicuique fidelem operam, quoad licet, in asserenda veritate commodemus, ad tuendam & nominis & rerum suarum integritatem. Sensum mandati sui videtur exponere voluisse Dominus Exodi. 23, his verbis, Non suscipies vocem mendacii: nec iunges manum tuam, ut pro impio dicas falsum testimonium. Item, Mendacium fugies. Alio etiam loco, non ea modo parte a mendacio nos reuocat, ne simus criminatores ac susurriones in populo: sed ne quis decipiat fratrem suum. vtrunque enim distinctis mandatis cauet. Sanè dubium non est quin, ut praecedentibus mandatis cohibuit saeuitiam, impudicitiam, auaritiam, ita hanc falsitatem coerceat: cuius duo sunt membra, quae prius notauimus. Aut enim malignitate & obrectandi prauitate delinquimus in famam proximorum: aut metiendo, interdum etiam obloquendo, detrahimus eorum commodis. Nihil autem interest, solenne & iudicarium testimonium hic nominari putes, an vulgare, quod in priuatis sermonibus fertur. Semper enim eo recurrendum est, ex singulis vitiorum generibus speciem vnam paradigmatis loco proponi, ad quam ceterae referantur: eam autem potissimum diligi, in qua vitii turpitudine maxime emineat. Quanquam generalius extendere conuenit ad calumnias & sinistras obrectationes, quibus iniquè grauantur proximi: quia forensis testimonii falsitas nunquam periurio

caret. Periuriis autem, quatenus Dei nomē profanant ac violant, in mandato tertio satis est obuiatū. Proinde legitima præcepti obseruatio est, vt lingua in asserēda veritate, proximorum tum bonæ famæ, tum vtilitatibus seruiat. AEquitas plusquam manifesta est. Nā si quibilibet thesauris pretiosius est nomen bonum, nihilo minore noxa, nominis integritate quā fortunis spoliatur homo. In diripienda autem eius substantia, non minus interdum falso testimonio, quā manuum rapacitate proficitur.

- 48 Et tamen mirum est quā supina securitate passim in hac re peccetur, vt rarissimi reperiuntur qui non hoc morbo notabiliter laborent: adeo venenata quadam dulcedine oblectamur in alienis malis tum inquirēdis, tum detegendis. Nec putemus idoneam esse excusationem si sæpenumero non mentimur. Nam qui prohibet mēdacio fratris nomen detui pari, vult etiam illibatum conseruari, quantum per veritatem licet. Siquidē vtcunque illi aduersus mendacium tantum caueat: eo ipso tamen innuit, sibi esse commēdatum. Atqui id nobis sufficere debet ad famam proximo saluam custodiendam, Deo eam curæ esse. Quare damnatur proculdubio in vniuersum maledicentia. Porro maledicētiā intelligimus, non obiurgationem, quæ fit castigādī studio: non accusationem aut iudiciariam denuntiationē, qua remediū malo quæritur: non publicā reprehensionem, quæ ad incutiēdum cæteris peccatoribus terrorem tendit: non manifestationem apud eos quorum salutis interest præmonitos fuisse, ne ignorantia periclitentur: sed odiosam criminationem quæ ex malignitate & obrectandi petulantia nascitur. Quin huc quoque extenditur mandatum istud, ne scurrilem vrbānitatem affectemus, & amaris lædoriis intinctam, quibus aliorum vitia, sub imagine lusus, mordaciter perstringantur, qualiter solent nonnulli qui facetiarū laudem, cum aliorum rubore ac etiam gemitu captant: quando ex eiusmodi procacitate non leuiter interdum fratres sugillantur. Nunc si ad Legislatorē conuertamus oculos, quē cōuenit non minus auribus atque animo, quā linguæ, pro suo iure dominari: succurret certē & audiendarum obrectationum auiditatem, & importunam ad sinistra iudicia propensionem, nihilominus interdici. Ridiculum enim est si quis putet Deum odisse maledicentiæ in lingua morbum: malignitatis in animo, non improbare. Quare si verus est timor atque amor Dei in nobis, demus operam quoad licet & expedit, & quantum fert charitas, ne maledictis & amaris salibus vel linguam vel aures præbeamus: ne obliquis suspitionibus temerē mētem permittamus: sed æqui erga omnium dicta & facta interpretes, tum iudicio, tum auribus, tum lingua saluum illis suum honorem candidē seruemus.

P R A E C E P T U M D E C I M V M.

Non concupisces domum proximi tui, &c.

- 49 Finis est, Quoniam totam animam dilectionis affectu possideri vult Deus, omnem aduersam charitati cupiditatem ex animis excutiendam. Summa igitur erit, nequa cogitatio nobis irrepāt, quæ noxia & in alterius detrimentum vergente concupiscentia, animos nostros commoueat. Cui respondet ex aduerso præceptum, vt quicquid concipimus, deliberamus, volumus, meditamur, id cum proximorum bono & commoditate sit coniunctum. Sed hīc magna & perplexa, vt videtur, difficultas nobis occurrit. Si enim verē superius à nobis dictum est, sub scortationis & furti vocabulis, scortandi libidinem, & nocendi, fallendique consilium cohiberi: superuacuum fuisse videri queat, vt nobis postea seorsum alienorum bonorum concupiscentia interdiceretur. Sed nobis facilē nodum istū expedit distinctio inter consilium & cōcupiscentiam. Cōsilium enim, qualiter de eo in superioribus præceptis loquuti sumus, est deliberata voluntatis consensio, vbi animum libido subiugauit. Cupiditas citra talem & deliberationē & assensionem esse potest, quum animus vanis peruersisque obiectis pungitur modò, & titillatur. Quemadmodum ergo voluntatibus, studiis, operibus, charitatis regulam præesse hæcenus Dominus iussit: ita ad eandem nunc dirigi animi conceptiones iubet, ne sint vllæ prauæ & cōtortæ, quæ animū aliorum extimulent. Quemadmodum animum inflecti atque induci in iram, odium, scortationem, rapinam, mendacium, vetuit, ita nunc prohibet instigare.

- 50 Neque verò sine causa tantam rectitudinem exigit. Nam quis æquum esse neget, omnes animæ potētias charitate occupari? Siqua autem à charitatis scopo abhorret, quis morbosam esse inficietur? Iam verò vnde fit vt animum tuum subeant cupiditates fratri tuo damnosæ, nisi quòd neglecto illo, tibi vni studes? Si enim charitate totus esset imbutus animus, nulla eius particula talibus imaginationibus pateret. Vacuum ergo eatenus charitate esse oportet, quatenus concupiscentiam recipit. Obiiciet quispiam non tamen consensaneum esse vt phantasiæ, quæ temerē volutantur in mente, & tandē euanescent, pro concu

piscentiis, quarum sedes in corde est, damnentur. Respondeo, hîc quæstionem esse de eius generis phantasiis quæ dum mentibus obuersantur, simul animum cupiditate mordent ac feriunt. quandoquidem nunquam in mentem venit optare aliquid quin cor excitatum saliat. Mirabilem ergo dilectionis ardorem Deus mandat, quem ne minimis quidem concupiscentiæ tricis vult impediri. Animum mirificè compositum requirit, quem ne leuibus quidem aculeis commoueri contra dilectionis legem patitur. Ad hanc intelligentiam mihi primùm viam aperuit Augustinus, ne graui suffragio destitui eam putes. Etsi autem qualibet praua cupiditate interdiceret cõsiliū Domini fuit, ea tamen obiecta in exemplum proposuit quæ falsa delectationis imagine nos ut plurimū capiūt: nequid cupiditati prorsus relinqueret, vbi ab iis rebus retrahit in quas potissimū insanit & exultat. En secunda Legis tabula, in qua satis admonemur quid hominibus debeamus propter Deum, à cuius consideratione pendet tota charitatis ratio. Quare frustra inculcaueris quæcunque in hac tabula docentur officia, nisi doctrina tua Dei timore & reuerentia, tanquam fundamento, subnitatur. Qui duo præcepta quærunt in concupiscentiæ prohibitione, peruersa sectione quod vnum erat lacerare, prudens lector me tacete iudicabit. Nec obstat quod secundo repetitur verbum Non concupisces: quia vbi domum posuit, partes eius enumerat, ab vxore incipiens, vnde clarè patet, vno contextu, quod rectè Hebrei faciunt, legendum esse, ac Deum in summa præcipere, vt quod possidet quisque, maneat saluum & intactum non modò ab iniuria aut libidine fraudandi, sed à minima etiam cupiditate quæ animos sollicitet.

51 Quorsum verò spectet Lex vniuersa, non erit nunc difficile iudicium, nempe in iustitiæ complementum: vt hominis vitam ad diuinæ puritatis exemplar formet. Ita enim suum ingenium Deus illic delineauit, vt siquis factis quicquid illic præcipitur repræsentet, imaginem Dei quodammodo sit in vita expressurus. Quamobrem Moses, quum summā illius reducere Israelitis in memoriam vellet, Et nunc Israel (aiebat) quid petit abs te Dominus Deus tuus, nisi vt timeas Dominū, & ambules in viis eius: diligas eum, ac seruias ei in toto corde, & in tota anima, custodiāsque mandata eius? Nec cessabat eadem occinere illis quoties indicandus erat Legis scopus. Huc ita respicit Legis doctrina, vt hominem vitæ sanctitate cum Deo suo coniungat, & (quemadmodum alibi Moses loquitur) coherere faciat. Porro eius sanctitatis perfectio in duobus iam recitatis capitibus sita est, Vt diligamus Dominum Deum ex toto corde, tota anima, totis viribus, & Proximum, sicut nos ipsos. Ac primum quidem est vt Dei dilectione anima nostra omni ex parte impleatur. Ex ea protinus vtrò fluat proximi dilectio. Quod ostendit Apostolus, dum scribit finem præcepti esse charitatem ex conscientia pura, & fide non simulata. Vides, tanquam in capite collocari conscientiam, & fidem non simulatam: hoc est, vno verbo, veram pietatem: inde charitatem deduci. Fallitur ergo siquis autumat rudimenta quædam & primordia iustitiæ duntaxat in Lege tradi, quibus homines ad tyrocinium inchoentur, non etiam dirigantur ad rectam bonorum operum metam. quando vltra illam Moysi & hanc Pauli sententiam, ad supremam perfectionem nihil desiderare queas. Quò enim quæso, procedere volet, qui ista institutione contentus non erit, qua homo ad timorē Dei, ad spiritualem cultū, ad mandatorum obediētiam, ad sequendam viam Domini reſtitutionem, denique ad puritatem conscientie, sinceram fidem & dilectionem eruditur: Vnde cõfirmatur illa Legis interpretatio, quæ omnia pietatis & dilectionis officia in eius præceptis vestigat & reperit. Qui enim arida ieiunāque tantum elementa sectantur, ac si dimidia ex parte voluntatem Dei edoceret, finem illius, teste Apostolo, nequaquam tenent.

52 Enimuero quia in commemoranda Legis summa interdum Christus & Apostoli priorem tabulam prætermittunt, ea in re plurimi hallucinantur, dum eorum verba ad vtrāque tabulam trahere volunt. Vocat Christus apud Matthæum præcipua Legis, misericordiam, iudicium & fidem. Sub fidei vocabulo mihi non est ambiguum quin veritatem erga homines designet. Atqui, vt sententia in totam Legem protèdatur, quidā pro religione erga Deum accipiunt: frustra certe. nam Christus de his operibus disserit quibus homo se iustum approbare debet. Hanc rationem si obseruamus, desinemus etiam mirari cur alibi roganti adulescenti quæ sint mandata quorum obseruatione ad vitam ingredimur, hæc sola respondeat. Non occides, Non mœchaberis, Non furaberis, Non falsum testimonium dices. Honora patrem & matrem, Dilige proximum tuum sicut teipsum. Si quidem prioris tabulæ obedientia aut in cordis affectu, aut in ceremoniis ferè erat. Cordis affectus non apparebat, ceremoniis hypocritæ assidue incumbabant: at opera charitatis talia sunt vt solidam iustitiam per ea testemur. Hoc verò ita passim occurrit in Prophetis, vt lectori medocritei exercitato familiare esse debeat. Nam ferè quoties hortantur ad poenitentiam, omiſsa pri-

Deut. 10. c. 12

Deut. 6. c. 5,
& 11. b. 13

1. Tim. 1. a. 5

Matt. 23. c. 14

Matt. 19. d. 18

ore tabula, fidem, iudicium, misericordiam & æquitatē vrgent. Neque hoc modo prætercunt Dei timorem, sed eius seriam probationem à signis exigunt. Hoc quidem notum est, vbi de Legis obseruatione differūt, plærunque insistere in secunda tabula: quia illic maxime perspicitur iustitiæ & integritatis studium. Neque opus est recensere locos: quia per se quisque faciliè animaduertet quod dico.

53 Ergone, inquires, plurius est ad iustitiæ summā, cum hominibus innocēter viuere, quā pietate Deum honorare? Minimè. sed quia non temere quis charitatem per omnia custodit, nisi Deum seriò timeat, inde quoque pietatis approbatio sumitur. Huc accedit, quòd Dominus quū probè nouerit nihil beneficētiæ à nobis peruenire ad seipsum posse (quod & per Prophetam testatur) non sibi officia nostra deponit, sed erga proximum bonis operibus nos exercet. Itaque non sine causa Apostolus totam sanctorum perfectionem in charitate reponit. Nec ipsam alibi absurdè vocat Legis complementum: addens, Legem perfecisse qui diligit proximum. Item, Totam Legem vno verbo comprehendì, Dilige proximum sicut teipsum. Non enim aliud docet quā Christus ipse, dum ait, Quæcūque vultis vt faciāt vobis homines, eadem facite illis. hoc est enim Lex & Prophetæ. Certum est, in Lege & Prophetis primum locum tenere fidem & quicquid ad legitimū Dei cultum pertinet, inferiore loco subsidere dilectionem: sed intelligit Dominus, in Lege nobis tantum præscribi iuris & æquitatis inter homines obseruantia, qua ad testandum pium eius timorem, si quis in nobis est, exerceamur.

Psal. 16. a. 2.
Ephē. 3. d. 19.
Rom. 13. b. 8.
Galat. 5. c. 14.

Matth. 7. b. 12

54 Hic ergo hæreamus, tum optimè ad Dei voluntatem Legisque præscriptum compositam fore vitam nostram, quū fratribus omni ex parte fructuosissima fuerit. In tota verò Lege syllaba vna non legitur, quæ regulam homini de iis statuatur quæ carnis suæ cōmodo facturus aut omisurus sit. Et sanè, quando ita nati sunt homines vt in amorem sui plus iusto toti proni ferantur, & quantumuis à veritate excidant, eum semper retineant: nulla fuit opus Lege quæ amorem illum sponte sua immodicum, magis inflāmaret. Quo planè perspicuum est, non nostri ipsorum amorem, sed Dei & proximi, obseruationē mandatorum esse: optimèque ac sanctissimè eum viuere qui quā minimū fieri potest, sibi viuit ac studet: neminè verò eo peius nec iniquius viuere, qui sibi dūtaxat viuit ac studet, suāque dūtaxat cogitat ac quærit. Quinetiam quo magis exprimeret Dominus quanta propensione nos in proximorū dilectionē agi oporteret, ad nostri amorem (quia nullum habebat vehementiorē aut validiorem affectū) tanquam ad regulam exegit. Ac diligenter quidem pensanda est vis locutionis. non enim (quod stolidè somniarūt sophistæ quidam) priores partes *ἡ φιλαυτία* concedit, & secundas charitati assignat: sed potius quem naturaliter amoris affectum trahimus ad nos ipsos, eum ad alios transfert. Vnde Apostolus asserit, charitatem non quærere quæ sua sunt. Nec pili æstimanda est eorum ratio, Regulatum semper esse inferius sua regula. Siquidem non regulam statuit in amore nostri Dominus, cui charitas erga alios subesset: sed vbi naturali prauitate solebat amoris affectus in nobis residere, ostendit aliò iam oportere diffundi: vt non minori alacritate, ardore, sollicitudine parati simus ad benefaciendum proximo quā nobis ipsis.

Vide Augustinū de Contr. Christi. lib. 1. cap. 23. & sequentibus.

1. Cor. 13. b. 5.

55 Iam sub proximi vocabulo quū Christus in parabola Samaritani demonstrarit alienissimum quenque contineri, non est quod dilectionis præceptum ad nostras necessitudines limitemus. Non nego, vt quisque est nobis cōiunctissimus, ita officiis nostris esse familiarius adiuvandū. Ita enim fert humanitatis ratio, vt eo plura homines inter se officia cōmunicēt, quo arctioribus inter se aut cognationis, aut familiaritatis, aut viciniae vinculis cōnectuntur. Atque id nulla Dei offensione, cuius prouidentia huc quodāmodo adigimur. Sed dico, vniuersum hominū genus, nulla exceptione, vno charitatis affectu esse amplexandum: nullū hīc esse discrimē barbari aut Græci, digni vel indigni, amici vel inimici: quoniam in Deo, non in seipsis cōsiderandi sunt: à quo intuitu dum defleamus, non mirum est si multis erroribus implicamur. Quare si verā diligendi lineā tenere libet, non in hominē primū cōuertendi sunt oculi, cuius aspectus odium sapius quā amorē exprimeret: sed in Deū, qui amorē, quem sibi deferimus, ad vniuersos homines diffūdi iubet. vt sit hoc perpetuum fundamentū, Qualiscūque sit homo, diligendū tamē esse, quia diligitur Deus.

Luc. 10. g. 36.

56 Quapropter pestilentissimæ vel ignorantiae vel malitiæ fuit, quòd Scholastici ex præceptis de non appetenda vindicta, de diligendis inimicis, quæ & omnibus olim Iudæis tradita fuerunt, & tum omnibus in commune Christianis tradebantur, consilia fecerunt, quibus parēre vel non parēre liberum esset. Eorum autem necessariam obedientiam ad monachos relegarunt: qui vel hoc vno simplicibus Christianis essent iustiores, quòd vltro se seruandis consiliis obstringerent. Et rationem assignant cur ea non recipiant pro legibus:

quod onerosa nimium & graua videantur, Christianis praesertim, qui sunt sub Lege gratiae. Itane Legem Dei aeternam de diligendo proximo refigere audent? Aut tale in aliqua Legis pagina discriminē extat: ac non magis passim illic occurrunt mandata quae inimicorum dilectionem à nobis seuerissimè exigat: Quale enim est istud, quod esuriētem iubemur inimicum pascere: eius boues & asinos errantes in viam dirigere, aut oneri succumbentes subleuare? Belluisne in eius gratiā benefacimus, nulla in ipsum beneuolētia? Quid? annon aeternum est verbū Domini, Mihi vindictā, & ego rependā? Quod alibi quoque explicatius habetur, Non quaras ultionē, nec memor eris iniuriarū ciuium tuorum. Aut haec obliuerent ex Lege, aut Dominum Legislatorem fuisse agnoscant, non consiliarium fuisse mentiantur.

Et quid haec, quæso, sibi volunt, quæ ausi sunt insulso glossemate illudere? Diligite inimicos vestros: benefacite iis qui oderūt vos: orate pro persequētibus vos: benedicite iis qui vos execrantur: ut sitis filii Patris vestri qui est in cælis. Quis non hīc cum Chrysostomo ratiocinetur, ex tam necessaria causa probè constare non esse exhortationes, sed præceptiones? Quid nobis amplius restat, vbi expungimur è numero filiorum Dei? At secūdum eos filii Patris cælestis erunt soli monachi, soli Deum Patrem audebunt inuocare. Quid interim Ecclesia? Eodem iure relegabitur ad Gētiles & publicanos. Dicit enim Christus, Si amicis vestris estis beneuoli, quam inde gratiam expectatis? annon Gentes & publicani idem faciunt? Bene verò nobiscum agetur si Christianorum titulus nobis relinquatur, cælestis regni adimatur hæreditas. Nec minus firmum est Augustini argumētum, Quum scortari, inquit ille, Dominus vetat, non inimici minus quàm amici uxorem attingere prohibet: quum furtū interdicit, nihil omnino furari permittit, siue ab amico, siue ab inimico. Hæc autem duo, Non furari, & Non scortari, ad dilectionis regulam reuocat Paulus: imò docet sub hoc mandato cōtineri, Diliges proximum tuum sicut teipsum. Ergo aut falsum Legis interpretem fuisse Paulum oportet, aut necessariò hinc conficitur, diligendos quoque esse inimicos ex præcepto, quemadmodum amicos. Verè itaque se filios Satanæ esse produnt qui cōmune iugum filiorum Dei excutiant adeò licentiosè. Dubites autem maiorine stupiditate an impudētia istud dogma euulgarint. Nemo enim veterum est qui non tāquam de re certa pronūtiat hæc esse mera præcepta. Ne Gregorii quidem ætate dubitatum de eo fuisse, ex secura eius asseueratione liquet. nam citra controuersiam pro præceptis habet. Et quàm stolidè ratiocinantur? Onus, inquit, esset nimis graue Christianis. Quasi verò grauius quicquā excogitari possit quàm diligere Deum ex toto corde, ex tota anima, ex totis viribus. Præ ista Lege nihil non facile haberi debeat, siue diligēdus inimicus, siue omnis vindictæ cupiditas ex animis deponēda. Omnia certe nostræ imbecillitati ardua sūt & difficilia, vel ad minimum vsque Legis apicē. Dominus est in quo virtutē facimus. det ille quod iubet, & iubeat quod velit. Sub Lege gratiæ esse Christianos, nō est effrænate sine lege vagari, sed Christo insitos esse, cuius gratia à Legis maledictione liberi sint, & cuius spiritu Legē habeāt in cordibus inscriptā. Hanc gratiā, Legē improprie vocauit Paulus, alludēs ad Legē Dei, cui per contentionē eā opponebat: isti in nomine Legis de nihilo philosophātur.

58 Eiusdem est rationis quod peccatū veniale nuncuparunt, cum occultā impietate, quæ primæ tabulæ aduersatur, tum directam vltimi mandati præuaricationem. Sic enim definiunt, esse cupiditatem sine deliberato assensu, quæ non diu cordi infideat. Ego autem ne subire quidem posse dico, nisi ob defectum eorum quæ in Lege requiruntur. Vetamus alienos habere deos. Quum mens diffidētiæ machinis perculsa, aliò circumspēctat, quum subita cupidine aliò transferendæ suæ beatitudinis incessitur: vnde isti quālibet euanidi motus, nisi quia est aliquid in anima vacuum ad recipiendas eiusmodi tentationes? Ac ne longius argumentum protrahatur, præceptum est de diligendo Deo ex toto corde, ex tota mente, ex tota anima. nisi ergo omnes animæ potentiae in Dei amorē intenduntur, iam discessum est à Legis obedientia: quia Deo non bene stabilitum in conscientia nostra thronum arguunt qui illic insurgunt aduersus regnū eius hostes, eiusque edicta interpellāt. Mandatum verò vltimum proprie huc pertinere demonstratum est. Pupugit nos animi aliquod desiderium: iam concupiscentiæ rei tenemur, ac simul constituimur Legis transgressores: quia Dominus non tantum deliberare & machinari quod sit in iacturā alterius vetat, sed concupiscentia etiam stimulari & æstuarē. Legis verò transgressioni maledictio Dei semper incumbit. Non est igitur quod vel leuissimas cupiditates iudicio mortis eximamus. In æstimandis peccatis, inquit Augustinus, non afferamus stateras dolosas, vbi appendamus quod volumus, & quomodo volumus, pro arbitrio nostro, dicentes, hoc graue, hoc leue est: sed afferamus stateram diuinam de Scripturis sanctis, tanquam de thesauris Dominicis: & in illa quid sit grauius appēdamus: imo non appendamus, sed à Domino appensa recognoſcamus. Quid autem Scriptura? certe dum Paulus stipendium peccati mortem vocat,

1. 2. 3. c. 21.
1. 2. 3. a. 4.

1. 2. 3. c. 25.
1. 2. 3. d. 18.

57
1. 2. 3. g. 44.

libro de cō-
punctione
cordis.

Matth. 5. g. 46

Lib. de Do-
ctrina Chri.

Rom. 13. c. 9

Libro. 2. de
Baptis. con-
tra Donatist.
cap. 6.

sibi putidā hanc distinctionē incognitam fuisse ostendit. Quum plus iusto proclives ad hypocrisin simus, fomentū hoc addi minimē oportuit quod torpidas coniciētias mulceret.

59 Vtinam reputarent quid sibi velit illud Christi dictum, Qui transgressus fuerit vnum ex mandatis istis minimis, & docuerit sic homines, nullus habebitur in regno cælorum. An ex eo numero non sunt, dum Legis transgressionem ita extenuare audent acsi digna morte non esset? Atqui oportuerat considerare, nō simpliciter quid præcipiatur, sed quisnam sit ille qui præcipit, quia in qualicunque mandata ab eo Legis transgressiuncula eius auctoritati derogatur. An illis parum est Dei maiestatem vlla in re violari? Deinde si suam in Lege voluntatem exposuit Deus, quicquid Legi contrarium est, illi displicet. An iram Dei sic exarmatam fingent vt non mortis vindicta protinus consequatur? Neque ipse obscure pronuntiauit (si vocem eius exaudire in animum potius inducerent, quam claram veritatem insipidis suis argutationibus obturbare) Anima (inquit) quæ peccauerit, ipsa morietur. Item quod nuper citavi, Stipendium peccati, mors. Isti autem quod peccatū esse fatentur, quia negare nequeunt, mortale tamen non esse contendunt. Sed enim quia plus satis hætenus infantiæ indulserunt, discant saltem aliquando resipiscere. Quod si delirare perseverant, illis valere iussis, habeant filii Dei, omne peccatum mortale esse: quia est aduersus Dei voluntatem rebellio, quæ eius iram necessariò prouocat: quia est Legis præuaricatio, in quam editū est sine exceptione Dei iudicium: Sanctorum delicta venialia esse, non ex suapte natura, sed quia ex Dei misericordia veniam consequuntur.

Matth. 5. c. 19

Ezec. 18. c. 10

Rom. 6. d. 23

Christum, quanuis sub Lege Iudæis cognitus fuerit, tamē Euangelio demum exhibitum fuisse.

CAP. I X.



V I A non frustra Deus iam olim per expiationes & sacrificia voluit se Patrem testari, nec frustra populum electum sibi cōsecrauit: iam tunc haud dubiè in eadem imagine cognitus est in qua nunc pleno fulgore nobis apparet. Ideo Malachias, postquam Iudæos ad Legem Moysi iussit attendere, & in eius studio perseverare (quia post eius mortem futura erat aliqua muneris Prophetici interruptio) mox denuntiat exoriturum esse solem iustitiæ. Quibus verbis admonet, Legem in hoc valere vt pios in expectatione vêturi Christi contineat: eius tamen aduentu longè plus lucis sperandum esse. Hac ratione Petrus Prophetas dicit fuisse sciscitatos & sedulò inquisisse de salute quæ nunc per Euangelium patefacta est: & fuisse illis reuelatum quod non sibi vel suo seculo, sed nobis ministrarent ea quæ per Euangelium annūtiantur. Non quod inutilis fuerit veteri populo eorum doctrina, vel ipsis etiam nihil profuerit: sed quia thesauro potiti non sunt, quem nobis trāsmisit Deus per eorum manum. Nam hodie nobis ante oculos familiariter proponitur gratia de qua testificati sunt: & quū eā modicè delibauerint, vberior nobis offertur eius fructio. Ideo Christus, qui se testimonium à Mose habere asserit, gratiæ tamen mensurā qua Iudæos superamus extollit. Nam discipulos alloquens, Beati (inquit) oculi qui vident quæ videtis: & beatæ aures quæ audiūt quæ vos auditis. Multi enim Reges & Prophetæ hoc optarunt, nec adepti sunt. Hæc nō parua est reuelationis Euāgelicæ commendatio, quod sanctis Patribus, qui rara pietate excellerunt, nos Deus prætulit. Cui sententiæ minimè repugnat alter locus, vbi dicitur Abraham vidisse diem Christi, & gaudio exultasse. Quia etli obscurior fuit intuitus rei procul remotæ: nihil tamen ad bene sperandi certitudinem defuit: vnde lætitia illa quæ sanctum Patriarcham ad mortem vsque comitata est. Neque vox illa Iohānis Baptistæ, Deum nemo vidit: vnquam, vnigenitus qui est in sinu Patris, enarrauit nobis, pios qui antè mortui fuerant, excludit à societate intelligentiæ & lucis quæ refulget in Christi persona: sed illorum sortem cum nostra comparans, mysteria quæ sub vmbreis obscure tantum speculati sunt, docet nobis manifesta esse: quemadmodū probè explicat author epistolæ ad Hebræos, multifariam & multis modis loquutum fuisse olim per Prophetas, nūc verò per dilectum Filium. Quanuis ergo vnigenitus ille, qui nobis hodie est splendor gloriæ & character substantiæ Dei Patris, olim Iudæis innotuerit, sicuti alibi citauimus ex Paulo, fuisse antiquæ liberationis ducem, verum tamen est quod alibi tradit idem Paulus, Deum qui iussit è tenebris lumen splendere, nunc illuxisse cordibus nostris, ad illustrandam notitiam gloriæ Dei in facie Iesu Christi. quia vbi apparuit in hac sua imagine, quodammodo se fecit visibilem, præut obscura & vmbrailis antè fuerat eius species. Quo turpior & magis detestabilis est eorum ingratitude ac prauitas, qui hîc in meridie cæcutiunt. Et ideo mentes eorum à Satana obtenebratas esse dicit Paulus, ne cernant gloriam Christi, nullo velo interposito, in Euangelio refulgentem.

Malach. 4. a. 1

1. Pet. 1. b. 12

Iohā. 5. g. 46

Matt. 13. b. 16

Luc. 10. d. 23

Iohan. 8. g. 56

Iohan. 1. c. 18

Heb. 1. a. 1

2. Cor. 4. b. 6

2 Porro Euangeliū accipio pro clara mysterii Christi manifestatione. Fateor certè, qualz.

2. Tim. 4. b. 6

Matth. 4 & 9

Marc. 1. a. 1

2. Tim. 1. c. 10

2. Cor. 1. d. 10

Iohan. 1. f. 51

1. Tim. 4. b. 8

1. Tim. 1. a. 1

2. Cor. 7. a. 1

tenus Euangelium vocatur à Paulo doctrina fidei, eius partes cenferi quæcunque passim in Lege occurrunt promissiones de gratuita peccatorum remissione, quibus sibi Deus reconciliat homines. Fidem enim terroribus illic opponit, quibus angitur & vexatur conscientia, si ex operibus petenda sit salus. Vnde sequitur, vocè Euangelii largè sumendo, sub ea comprehendendi quæ olim testimonia Deus misericordiae suæ paternique fauoris Patribus dedit. verum per excellentiâ aptari dico ad promulgationem exhibitæ in Christo gratiæ. Idque non modo communi usu receptum est, sed à Christi & Apostolorum autoritate pendet. Vnde proprium hoc illi tribuitur, ipsum prædicasse Euangelium regni. Et Marcus præfatur hoc modo, Initium Euangelii Iesu Christi. Nec verò opus est locos colligere quibus probetur res satis superque nota. Suo igitur aduentu Christus vitam & immortalitatem illustrauit per Euangelium. Quibus verbis non intelligit Paulus demersos fuisse Patres in tenebris mortis, donec carnem indueret Filius Dei: sed hanc prærogatiuam honoris Euangelio vendicans, nouum & insolitum legationis genus fuisse docet, quia Deus quæ pollicitus fuerat præstitit: ut in Filii persona extaret promissionum veritas. Nam etsi semper experti sunt fideles verum esse illud Pauli, In Christo omnes promissiones esse etiam & amen: quia eorum cordibus fuerunt obsignatæ: quia tamen omnes nostræ salutis numeros in carne sua impleuit, viua ipsa rerum exhibitio iure nouum & singulare præconium obtinuit. Ex quo illud Christi, Posthac videbitis cælos apertos, & Angelos Dei ascendentes ac descendentes super Filium hominis. Etsi enim alludere videtur ad scalam in visione ostensam Patriarchæ Iacob, præstantiam tamen aduentus sui commendat hac nota, quod ianuam cælorum nobis aperuerit ut familiaris pateat ingressus.

3 Cauendum tamen est à diabolica imaginatione Seruati, qui dum magnitudinem gratiæ Christi extollere vult, vel saltem se velle fingit, promissiones in totum abolet, quasi finem simul cum Lege acceperint. Obtendit, fide Euangelii nobis afferri promissionum omnium complementum. Quasi verò nulla sit inter nos & Christum distinctio. Admonui quidem nuper, Christum nihil reliquum fecisse ex tota salutis nostræ summa: sed ex eo perperam infertur, beneficiis ab ipso partis nos iam potiri: ac si falsum illud Pauli esset, salutem nostram in spe esse absconditam. Fateor quidem nos, in Christum credendo, simul transire à morte in vitam. sed tenendum interea est illud Iohannis, quanuis sciamus nos esse filios Dei, sed nondum apparuisse, donec similes ei erimus: dum scilicet eum videbimus qualis est. Quanuis ergo præsentem spiritualium bonorum plenitudinem nobis in Euangelio Christus offerat, fruitio tamen sub custodia spei semper latet, donec corruptibili carne exuti, transfiguremur in eius qui nos præcedit gloriam. Interea in promissiones recumbere nos iubet Spiritus sanctus, cuius autoritas compescere apud nos debet latratus omnes impuri illius canis. Nam teste Paulo, pietas tam futuræ quam præsentis vitæ promissionem habet: qua ratione iactat se Apostolum Christi secundum promissionem vitæ quæ in ipso est. Et alibi nos easdem habere promissiones admonet, quibus olim donati fuerunt sancti. Denique hanc felicitatis summam statuit, quod obsignati simus Spiritu promissionis sancto. Nec verò aliter Christo fruimur, nisi quatenus eum amplectimur promissionibus suis vestitum. Quo fit ut habitet ipse quidem in cordibus nostris, & tamen ab ipso peregrinemur: quia per fidem ambulamus, & non per aspectum. Nec malè inter se conueniunt hæc duo, nos possidere in Christo quicquid ad cælestis vitæ perfectionem spectat, & tamen fidè esse visionem bonorum quæ non videntur. Tantum in natura promissionum vel qualitate notandum est discrimen: quia Euangelium digito monstrat quod Lex sub typis adumbravit.

4 Hinc etiam conuincitur eorum error, qui Legem nunquam aliter Euangelio cōferunt, quam operum merita gratiæ imputationi iustitiæ. Est quidem hæc antithesis minimè repudianda: quia sæpe Paulus sub Legis nomine regulam iustè viuendi intelligit, quæ Deus à nobis exigit quod suum est, nullam vitæ spem faciens nisi omni ex parte obsequimur, ac vicissim maledictione addita si vel minimè defletemus: nempe ubi disputat gratis nos placere Deo & per veniam iustos cēseri, quia nusquam inuenitur Legis obseruatio, cui merces promissa est. Aptè igitur Paulus iustitiam Legis & Euangelii facit inter se contrarias. Sed non ita successit Euangelium toti Legi, ut diuersam rationem salutis afferret: quin potius ut sanciret ratumque esse probaret quicquid illa promiserat, & corpus vmbri adiungeret. Neque enim Christus, ubi dicit Legem & Prophetas fuisse usque ad Iohannem, Patres maledictioni addicit, quam effugere non possunt serui Legis: sed rudimentis tantum imbutos fuisse significat, ut longè subsisterent infra Euangelicæ doctrinæ altitudinem. Proinde Paulus, Euangelium appellans Dei potentiam in salutem omni credenti, mox addit habere testimonium à lege & Prophetis. In fine verò eiusdem epistolæ quāquam

Rom. 1. b. 16

præconium Iesu Christi reuelationem esse tradit mysterii temporibus æternis taciti, sententiam hanc addita explicatione mitigat, manifestatū esse docens per Scripturas Propheticas. Vnde colligimus, vbi de tota Lege agitur, Euangelium respectu dilucidæ manifestationis tantummodo ab ea differre: cæterum propter inæstimabilem gratiæ affluentiam, quæ nobis fuit in Christo exposita, non abs re eius aduentu dicitur erectum fuisse in terris cæleste Dei regnum.

Iam inter Legem & Euangelium interpositus fuit Iohannes, qui medium obtinuit munus, & vtrique affine. Etsi enim Christum vocans agnum Dei & victimam expiandis peccatis, summam Euāgelii protulit: quia tamen incomparabilē illam virtutem & gloriam quæ demum enituit in resurrectione, nō explicuit: Christus Apostolis parē esse negat. Hoc enim significat eius verba, quanuis inter filios mulierum excellat Iohannes, qui tamē minimus est in regno cælorum, maiorem illo esse. Quia nō hominum personas illic commēdat: sed postquam Iohannem prætulit omnibus Prophetis, Euāgelii prædicationē in summum gradum attollit, quam alibi vidimus notari per regnum cælorum. Quod autem se vocem tantum esse Iohannes ipse respondet, quasi Prophetis esset inferior, non facit hoc simulatæ humilitatis causa, sed docere vult sibi non mādātā esse propriam legationem, sed officio apparitoris se defūgi: sicuti à Malachia prædictum erat, Ecce mitto Eliam Prophetam antequam veniat dies Iehouæ magnus & terribilis. Nec verò aliud toto ministerii sui cursu egit quam vt Christo pararet discipulos. Sicuti etiam hoc sibi diuinitus iniunctū esse ex Iesaiā probat. Hoc sensu dictus est à Christo lucerna ardens & lucens: quia nondum illuxerat plenus dies. Nec tamē hoc obstat quominus numeretur inter Euāgelii præcones, sicuti eodē vsus est Baptismo, qui postea traditus fuit Apostolis. Sed quod exorsus est, non nisi Christo in cælestē gloriam recepto liberiore progressu per Apostolos completum est.

Matth. ii. b. 11

Iohan. i. c. 23

Malach. 4. a. 5

Iohan. 5. f. 35

De similitudine Veteris & Noui testamenti.

C A P. X.



De superioribus liquere iam potest, quoscunque ab initio mundi homines Deus in populi sui sortem cooptauit, eadem lege atque doctrinæ eiusdem quæ inter nos viget vinculo fuisse ei fœderatos. sed quia non parum interest caput hoc stabiliri, vice appendicis annectam, quum Patres eiusdem nobiscum hæreditatis fuerint cōsortes, & eiusdem mediatoris gratia cōmunem salutē sperauerint, quatenus in societate hac diuersa fuerit eorum conditio. Quanquam autem quæ ex Lege ac Prophetis ad eius probationem collegimus testimonia, palām faciunt non aliam vnquam fuisse in Dei populo religionis pietatisque regulam: quia tamen apud scriptores multa sæpe de discrimine Veteris ac Noui testamenti disputantur, quæ scrupulum parum acuto lectori iniicere possint, huic rei melius atque exactius discutiendæ peculiarem locum iure destinabimus. Quinetiam quod vtilissimum alioqui futurum erat, necessarium nobis fecerunt prodigiosus nebulo Seruetus & furiosi nōnulli ex Anabaptistarum secta, qui non aliter de Israelitico populo sentiunt quam de aliquo porcorum grege, vtpote quem nugantur à Domino in hac terra saginatum, citra spem vllam cælestis immortalitatis. Hunc ergo pestiferum errorem vt arceamus à piis animis, simul etiam vt difficultates omnes eximamus, quæ, audita diuersitatis mentione inter Vetus ac Nouum testamentum, suboriri protinus solent, obiter inspiciamus quid simile, quidve diuersum habeant, quod olim cum Israelitis fœdus ante Christi aduentum Dominus pepigit, & quod nunc eo manifestato, percussit nobiscum.

2. Ac vno quidem verbo expediri vtrunque potest. Patrum omnium fœdus ad eō substantia & re ipsa nihil à nostro differt, vt vnum prorsus atque idem sit: administratio tamen variat. Sed quia ex tanta breuitate nemo certam intelligentiam assequeretur, longiorem explicationem, siquid prodesse volumus, persequi necesse est. Cæterum in similitudine vel potius vnitāte ostendenda, singulas particulas, quæ iam expeditæ sunt, ex integro retractare superuacuum fuerit: miscere verò quæ adhuc alibi dicenda erunt, intempestiuum. In tribus autem maximè capitibus hīc insistendum est, Primū vt teneamus, non carnalem opulentiā ac fœlicitatem, metam fuisse Iudæis propositam ad quam demum aspirarent, sed in spem immortalitatis fuisse cooptatos: atque huius adoptionis fidem illis fuisse tum oraculis, tum Lege, tum Prophetis certo factam. Deinde, fœdus quo conciliati Domino fuerunt, nullis eorum meritis, sed sola Dei vocantis misericordia fuisse suffultum. Tertiū, & habuisse ipsos & cognouisse mediatorem Christum, per quē & Deo coniungeretur, & promissionum eius compotes forent. Ex quibus secundum, quia nōdum fortē satis innotuit, suo loco fusē demonstrabitur. Plurimis enim ac luculentis Prophetarum testimoniis confirmabimus, à mera fuisse bonitate ac indulgentia quicquid vnquam Dominus populo

suo benefecit ac promisit. Tertium quoque suas habuit sparsim non obscuras demonstrationes. Ac ne primum quidem intactum reliquimus.

3 In hoc ergo explicando (quia ad causam præsentem maximè pertinet, & de ipso plus controuersia nobis faciunt) intètiorem ponemus operā. sic tamè vt siquid aliorum explanationi adhuc deest, obiter sufficiatur, vel opportuno deinde loco addatur. Sanè de omnibus dubitationem eximit Apostolus, quum ait Deum Patrem Euangeliū, quod de Filio suo secundum tempus destinatum promulgauit, longè antè per Prophetas in Scripturis sanctis promississe. Item, fidei iustitiam quæ per Euangelium ipsum docetur, testimonium habere à Lege & Prophetis. Euangelium siquidem hominum corda non in præsentis vitæ latitia detinet, sed ad spem immortalitatis euehit: non terrenis deliciis affigit, sed spem in cælo repositam annuntians, illuc quodam modo transportat. Sic enim alibi definit, Po-
 Rom. 1. a. 2 steaquam Euangelio credidistis, obsignati estis Spiritu promissionis sancto, qui est arrhabo
 Rom. 3. c. 21 hæreditatis nostræ, in redemptionem acquisitæ possessionis. Item, Audiuimus fidem vestrā
 Ephes. 1. c. 13 in Christo Iesu & charitatem erga sanctos: propter spem vobis repositam in cælis, de qua
 Colos. 1. a. 4 audistis per sermonem veracem Euangelii. Item, Vocauit nos per Euangelium, in partici-
 2. Thes. 2. d. 14 pationem gloriæ Domini nostri Iesu Christi. Vnde & verbum salutis & potentia Dei ad sal-
 uandos fideles, & regnum cælorum nuncupatur. Quòd si spiritualis est Euangelii doctrina,
 & ad vitæ incorruptibilis possessionē aditum aperit, ne putemus eos quibus promissum ac
 denuntiatum fuit, præterita neglectæque animæ cura, in captādīs corporis voluptatibus
 instar pecudum obstupuisse. Nec cauilletur hīc quispiā, promissiones quæ in Lege & Pro-
 phetis de euangelio sunt consignatæ, nouo populo esse destinatas. Nam paulo pōst quā il-
 lud posuit de Euangelio in Lege promisso, subiicit, quæcunque Lex cōtinet, ad eos sine du-
 bio propriè dirigi qui sub Lege sunt. In alio quidem argumento fateor. sed non ad eò erat
 Rom. 3. c. 19 obliuiosus, vt quum diceret ad Iudæos verè pertinere quæcunque Lex docet, non cogita-
 ret quid paucis antè versibus affirmasset de Euangelio in Lege promisso. Clarissimè ergo
 demonstrat Apostolus ad futuram vitam præcipuè spectasse testamentum Vetus, quū sub
 eo dicit Euangelii promissiones contineri.

4 Eadem ratione sequitur & gratuita Dei misericordia constituisse, & Christi intercessio-
 ne fuisse confirmatum. Nam & Euangelica prædicatio nihil aliud quàm paterna Dei in-
 dulgentia iustificari præter suum meritum peccatores pronuntiat: & tota eius summa in
 Christo terminatur. Quis igitur expertes Christi Iudæos facere ausit, quibuscum audimus
 fuisse percussum Euangelii fœdus, cuius vnicum fundamentum Christus est: Quis alienos
 reddere à gratuita salutis beneficio, quibus administratam fuisse audimus iustitiæ fidei
 Io. 8. g. 56 doctrinam? Ac ne diu de reliquida disceptemus, habemus insignem Domini sententiam:
 Abraham exultauit vt videret diem meum: vidit, & gauisus est. Et quod de Abraham tes-
 tatur illic Christus, ostendit Apostolus in fidei populo fuisse vniuersale, quum dicit Chri-
 Heb. 13. b. 8 stum manere heri, hodie, & in secula. Neque enim de Christi æterna diuinitate simpliciter
 illic loquitur: sed de eius virtute, quæ perpetuò fidelibus fuit patefacta. Quare & beata Vir-
 go & Zacharias in suis canticis reuelatam in Christo salutē exhibitionem esse dicunt pro-
 Luc. 1. c. 54, & missionum, quas Abraham & Patriarchis olim fecerat Dominus. Si Christum suum exhi-
 bendo, iurisiurandi sui veteris fidē soluit Dominus, dici non potest quin eius finis in Chri-
 sto & vita æterna semper fuerit.

5 Quin Apostolus nō fœderis tantum gratia pares nobis facit Israelitas, sed etiam sacra-
 mentorum significatione. Nam poenarum exemplis quibus castigatos olim fuisse illos
 1. Cor. 10. a. 1, & c. 11 Scriptura recitat, detertere Corinthios volens, ne in similia flagitia incurrerent, à præfa-
 tionem ista orditur, Non esse cur vllam prærogatiuam nobis vendicemus, quæ nos à Dei
 vindicta eripiat quam illi subierunt. quando non iisdem modò beneficiis prosequutus sit
 illos Dominus, sed iisdem quoque symbolis illustrem inter eos gratiam suam reddiderit.
 acsi diceret, Si confiditis vos extra periculum esse, quia & Baptismus quo insigniti estis, &
 Cœna quam quotidie suscipitis, eximias habent promissiones: interim contēpta Dei bo-
 nitate, licentiosè lasciuitis: scitote nec Iudæos talibus symbolis caruisse, aduersus quos ta-
 men iudicia sua Dominus seuerissimè exercuit. Baptizati sunt in transitu maris & nūbe,
 qua protegebantur ab ardore solis. Transitum illum Baptismum carnalem fuisse aiunt,
 qui spirituali nostro secundum quandam proportionē respondeat. Verum si id recipitur,
 non procederet Apostoli argumentum, qui hīc vult ademptum Christianis ne Baptismi
 prærogatiua Iudæos præcellere se putent. Nec obnoxium est huic cauillo quod pròtinus
 sequitur, Illos eandem nobiscum spirituales escam manducasse, ac eundem bibisse spi-
 rituales potum, quem Christum interpretatur.

6 Obiiciunt quidem ad frangendam hanc Pauli sententiam, quod ait Christus, Patres vestri manducauerunt manna in deserto, & mortui sunt: Qui manducat carnem meam, non morietur in æternum, quæ duo inter se nullo negotio conciliantur. Dominus, quia sermonem habebat ad auditores qui tantum ventris alimento quærebant saturari, verum animæ cibum non curabant, ac eorum captum orationem aliquantum attemperat, præfertim verò comparisonem mannae & corporis sui pro eorum sensu statuit. Postulabant ut acquirere sibi authoritatis gratia suam virtutem miraculo aliquo approbaret quale ediderat Moyses in deserto quum manna è cælo impetrauerat. In manna autem nihil apprehendebant nisi carnalis inedia, qua populus tunc afflictabatur, remedium: ad mysterium illud sublimius, quod Paulus respicit, non penetrabant. Christus ergo, ut demonstret quanto præstantius à se beneficium expectare debeant quam quod à Moysè collatum patribus suis prædicarent, hanc comparisonem format, Si magnum fuit opinione vestra, & memorabile miraculum, quod Dominus per Moysen populo suo, ne in deserto fame periret, cælestem cibum subministravit, quo sustentaretur ad modicum tempus: hinc colligite quanto excellentior sit cibus qui immortalitatem largitur. Videmus cur quod in manna præcipuum erat, prætermiserit Dominus, ut firmam tantum eius utilitatem notaret. Nempe quoniam Iudæi, velut exprobrandi studio, Moysen illi obiecerant, qui populi necessitati mannae remedio opitulatus esset: respondet, se longe superioris gratiæ esse administrum, præ qua vilescere merito debeat carnalis populi educatio, quam solam tanti aestimabant. Paulus quia nouerat Dominum, quum manna è cælo deplueret, non in ventris duntaxat pastum effudisse, sed spiritualis quoque mysterii loco dispensasse ad figurandam quæ in Christo habetur spirituales viuificationem, partem istam, quæ consideratione dignissima erat, non negligit. Quare certò clarèque conficitur, non eadem modò quibus nos dignatur nunc Dominus, vitæ æternæ ac cælestis promissiones communicatas fuisse Iudæis, sed etiam sacramentis verè spiritualibus obsignatas. Qua de re copiosè Augustinus aduersus Faustum Manichæum disputat.

Iohan. 6. c. 31

7 Quod si testimonia ex Lege & Prophetis sibi recitari malint lectores, ex quibus perspiciant spirituale foedus fuisse Patribus etiam commune sicuti ex Christo & Apostolis audimus: huic quoque voto obsequar, eoque libentius quod ita certius cōuincuntur aduersarii, nequid postea tergiversari queant. Atque ab ea quidem demonstratione incipiam, quam tametsi Anabaptistarum supercilio futilem & penè ridiculam fore scio, apud dociles tamen & sanos plurimum valebit: ac pro confesso sumo, eam verbo Dei inesse vitæ efficaciam, ut quoscunque Deus participatione eius dignatur, eorum animas viuificet. Valuit enim semper illud Petri, semen esse incorruptibile quod in æternum manet, sicuti etiam ex verbis Iesaiæ colligit. Iam quum hoc sacro vinculo Deus olim sibi deuinxerit Iudæos, non dubium est quin eos segregauerit in spem æternæ vitæ. Nam quum verbū fuisse ample xos dico, quod illos Deo propius adiungeret, cōmunicandi ratione intelligo, non illam generalem quæ per cælum & terram omnesque mundi creaturas diffunditur (quæ licet vniuersa viuificet pro suæ vnumquodque naturæ modo, nō tamen à corruptionis necessitate eruit) sed istā specialem qua piorū animæ & illuminantur in Dei notitiā, & illi quodāmodo copulantur. Huiusmodi verbi illuminatione quū adhaferint Deo Adā, Abel, Noe, Abraham, & reliqui patres, dico minimè dubiū esse quin illis in regnū Dei immortale fuerit ingressus. Erat enim solida Dei participatio, quæ extra vitæ æternæ bonum esse nō potest.

1. Pet. 1. d. 23

Iesa. 40. b. 6

8 Si tamen illud nonnihil implicitum videtur: age, ad ipsam fœderis formulam transeamus: quæ non placidis modo ingeniis satisfaciatur, sed eorum inscitiam abundè coarguet qui contradicere nituntur. Sic enim semper pepigit cum seruis suis Dominus, Ero vobis in Deum, & vos eritis mihi in populum: quibus verbis & vitam, & salutem, & omnem summam beatitudinis comprehendere Prophetæ quoque exponere soliti sunt. Non enim Dauid sine causa sapius pronuntiat, beatum populum cuius Dominus est Deus: beatam gentem quam in hæreditatem sibi elegit: nec terrenæ quidem fœlicitatis gratia, sed quoniā à morte eripit, perpetuò conseruat, æternæque misericordia prosequitur quos in populū assumpsit. Quemadmodum est apud alios Prophetas, Tu Deus noster, non moriemur. Dominus, Rex noster, Legislatores noster: ipse saluabit nos. Beatus es Israel, quia in Domino Deo saluaris. Sed ne in re superuacua multum laboremus, passim in Prophetis recurrit hæc admonitio, nihil ad bonorum omnium affluentiam, adeoque salutis certitudinem deesse, modò nobis Dominus sit in Deum: & merito. Si enim facies eius, simul atque illuxit, præsentissimū est salutis pignus, cuius se homini in Deum manifestet, cui non salutis quoque thesauros aperiat: Hac enim conditione Deus noster est ut in medio nostri habitet: quemadmodum per

Leuit. 26. b. 11

Psal. 144. d. 15

Psal. 33. c. 12

Habac. 1. c. 12

Iesa. 33. d. 21

Deut. 33. d. 29

Leuit. 26. b. 11

Exod. 6. a. 7 Moſem teſtabatur. Obtineri autem talis eius præſentia non poteſt, ut non ſimul vitæ poſſideatur. Atque ut nihil ultra exprimeretur, ſatis claram habebant vitæ ſpiritualis promiſſionem in his verbis, Sum Deus veſter. Nō enim ſolis utique corporibus Deum ſe fore denuntiabat, ſed animis præcipuè. animæ autem, niſi per iuſtitiam Deo coniunctæ, ab ipſo alienæ in morte manent. Adſit rurſum illa coniunctio: perpetuam ſalutem ſecum ducet.

9 Accedit eo, quòd non modo ſe illis Deum eſſe teſtabatur, ſed ſe quoque ſemper fore promittebat: quòd ſpes eorum præſentibus bonis non contenta, in æternitatem protenderetur. Id porro valuiſſe apud eos temporis futuri notationem oſtendunt multæ voces, ubi ſe non in præſentibus tantum malis, ſed in poſterum conſolantur fideles: quòd ſibi Deus nunquā defuturus eſſet. Iam verò (quæ pars erat ſecunda promiſſionis) ipſos de Dei benediſtione
Genef. 17. a. 7 extra terrenæ vitæ limites erga ſe proroganda, clarius etiamnum cōfirmabat, Ero Deus ſeminis veſtri poſt vos. Nam ſi ſuam erga mortuos benevolentiam declaraturus erat, beneficiendo poſteris: erga ipſos multò minus defuturus erat eius fauor. Neque enim inſtar hominum eſt Deus, qui ſuum ideo amorem ad amicorum filios transferunt, quia morte interrumpitur eorum facultas, quo minus iis quibus bene volebant impendant ſua officia. at Deus, cuius beneficentia morte non impeditur, ſuæ proſectō miſericordiæ fructum mortuis non tollit, quam eorum cauſa transfundit in mille generationes. Præclaro igitur documento magnitudinem atque affluentiam ſuæ bonitatis, quam poſt mortem ſenſuri eſſent, volebat illis Dominus commendare, quum talem deſcribebat quæ in totam familiam exuberaret. Huius verò promiſſionis veritatem tum obſignauit Dominus, & quaſi cōplementum protulit, quum Deum ſe Abraham, Iſaac & Iacob longè poſt eorum mortem appellaret. Quid enim: annon ridicula erat appellatio, ſi perierant: Perinde enim fuiſſet ac ſi ita foret loquutus, Ego ſum Deus eorum qui non ſunt. Proinde vno iſto argumento Sadducæos à Chriſto conſtrictos fuiſſe Euangeliftæ referunt, ut ne inſiciari quidem poſſent reſurrectionem mortuorum à Moſe eſſe teſtatam. nempe qui ex ipſo Moſe didicerāt, omnes ſanctos eſſe in manu illius. Vnde inferre promptum erat, ne morte quidem extingui quos in tutelam, cuſtodiam, proteſtationemque ſuam recepiffet qui mortis & vitæ eſt arbiter.
Exod. 10. a. 6
Exod. 3. b. 6
Matt. 22. c. 13
Luc. 20. c. 32
Deut. 33. a. 3

10 Iam (qui præcipuus eſt cardo in hac cōtrouerſia) diſpiciamus annon ipſi quoque fideles ſic inſtituti fuerint à Domino, ut meliorem alibi vitam ſibi eſſe ſentirent, ac neglecta terrena, illam meditarentur. Primùm, quæ diuinitus iniuncta illis fuit viuendi conditio, aſſiduum erat exercitium, quo admonerentur ſe omnium eſſe miſerrimos ſi in hac modò vita ſœlices eſſent. Adam, vel ſola recordatione perditæ ſœlicitatis inſœliciſſimus, anxiiſ laboribus egeſtatem ſuam ægre ſuſtentat. ac ne in ſolis manuum laboribus Dei malediſtione prematur, vnde ſolatiū illi reſtabat, extremum luctum percipit. Ex duobus filiis alter illi nefando fratris parricidio eripitur: cum habet ſuperſtitem cuius aſpectum meritò deſteſtetur ac horreat. Abel in ipſo ætatis flore crudeliter trucidatus, exemplum eſt humanæ calamitatis. Noe bonam ætatis partem (dum totus orbis ſecurè deliciatur) cum magna fatigatione in arca extruenda deterit. Quòd mortem effugit, id fit maioribus eius moleſtiis quàm ſi centum mortes obeundæ eſſent. Nam præterquam quòd arca illi eſt quaſi ſepulchrum decem menſium, inſuauius nihil eſſe poteſt quàm in animalium ſtercoribus penè immerſum tandiu detineri. Poſtquam tantas difficultates eluctatus eſt, in nouam mœroris materiā incidit: ludibrio ſe haberi à proprio filio videt: & ei quem magno Dei beneficio ſaluū ex diluuiō receperat, ſuo ipſius ore maledicere cogitur.
Gen. 3. c. 17
Gen. 4. b. 8
Gen. 6. d. 12
Gen. 9. d. 24

11 Abraham quidem vnus inſtar decem myriadum nobis eſſe debet, ſi ſpectatur eius fides, quæ nobis in optimam credendi regulam proponitur: in cuius etiam genere, ut Filii Dei ſimus, cenſeri nos oportet. Quid vero abſurdius quàm patrem omnium fideiū eſſe Abraham, & ne poſtremum quidem angulum inter illos tenere? Atqui ex numero, imò ex gradu apprimè honorifico deiici non poteſt, quin aboleatur tota Eccleſia. Iam quod ad vitæ experimenta attinet: ubi primùm vocatur Dei imperio, à patria, parentibus, amicis auellitur: in quibus præcipuam vitæ dulcedinem eſſe putant: ac ſi illum deſtinato conſilio omnibus vitæ obletamentis ſpoliare Dominus vellet. Simul ac terrā ingreſſus eſt in qua iubetur habitare, fame inde exigitur. Eò ad opem quærendam refugit, ubi, quo ſe incolumem ſeruet, neceſſe habet vxorem proſtituere. quod incertum an multis mortibus fuerit acerbius. Vbi in terram habitaculi ſui reuerſus eſt, inde rurſum fame expellitur. Qualis eſt ſœlicitas, eam terram incolere ubi toties eſuriendum, imò verò inedia pereundum, niſi auſugias: Simul eodem neceſſitatis redigitur apud Abimelech, ut caput redimere iactura vxoris opus habeat. Dum huc atque illuc multos annos incertus vagatur, aſſiduus ſeruorum rixis compellitur nepotem, quem filii loco habebat, à ſe dimittere. Quæ diſceſſio ſine dubio non aliter
Gen. 12. c. 12

ab eo accepta fuit, quàm si membri vnus sectionem passus foret. Paulo pòst captiuum ab hostibus abripi audit. Quocūque pergat, vicinos reperit immanis barbariæ, qui ne ex effosis quidem magno labore puteis aquam bibere sināt. Neque enim vsum redimeret à rege Gerar, nisi antè fuisset prohibitus. Iam vbi ad effectam senectutem vêtum est, quod habet ea ætas insuauissimum & acerbissimum, orbitate mulctatum se videt, donec præter spem Ismaelem gignit: cuius tamen natiuitatem magno redimit, dum Saræ probris fatigatur, perinde ac si ancillæ contumaciam fouêdo, domesticæ perturbationis ipse causa esset. Nascitur demum Isaac, sed ea mercede vt exturbetur primogenitus Ismael, ac pro derelicto penè hostiliter proiciatur. Vbi solus relictus est Isaac, in quo acquiescat defessa boni viri senectus, paulo pòst mactare ipsū iubetur. Quid calamitosius excogitet humana mens quàm patrem fieri filii carnificem? Si morbo absumptus foret, quis nō putasset miserrimum esse senem, cui in ludibrium datus esset filius, ob quē orbitatis dolor ei geminaretur? Si ab extraneo aliquo interfectus, indignitate multū esset aucta calamitas. Istud verò omnia calamitatis exempla superat, patris manu trucidari. Sic denique toto vitæ curriculo iactatus ac vexatus fuit, vt si quis velut in tabula exemplar calamitosæ vitæ depingere velit, nihil reperiat magis appositū. Neque obiciat quispiam eum non fuisse prorsus infelicem, quod à tot tantisque tempestatibus prosperè tandem emerferit. Non enim beatam vitam ducere illum dicemus, qui per infinitas difficultates ad longum spatium laboriosè eluctetur: sed qui, sine malorum sensu, præsentibus bonis placidè fruatur.

- 12 Isaac, qui minoribus malis affligatur, vix tamen minimū suauitatis gustū percipit. Eas ipse quoque vexationes experitur quæ beatū esse hominem in terra non sinant. Illū fames Gen. 26. g. 35
fugat è terra Chanaan: vxor è sinu illi eripitur: vicini illū subinde exagitāt, ac modis omnibus premunt, vt de aqua etiā cogatur decertare: domi suæ à nuribus multū molestiarum sustinet: filiorum dissidio angitur: nec mederi tanto malo potest, nisi per exiliū eius cui benedixerat. At verò Iacob nihil quàm extremæ infelicitatis in signe est exemplar. Pueritiā domi inquietissimè trāsgit inter fratris primogeniti minas ac terrores, quibus deinū cedere cogitur. Profugo à parentibus ac natali solo præterquam quod acerbū est exulare, apud Laban auunculū nihilo mitius ac humanius accipitur. Parum est durissimā atque austerissimā septem annis seruire seruitutē, nisi dolo malo in vxore eludatur. Alterius vxoris gratia in nouam seruitutem ingrediendum est, vbi totum diē solis æstu torreatur, noctu perui-gil vrgeatur gelu ac frigore, quemadmodum ipse conqueritur. Tantā vitæ asperitatē dum annos viginti sustinet, quotidie nouis soceri iniuriis affligitur. Nec domi suæ quietus est, quā videt vxorū odiis, iurgiis, æmulationibus distractā ac penè dissipatā. Vbi in patriā iubetur se recipere, abitū captare illi necesse est ignominiosæ fugæ similē: nec tamē soceri iniquitatē ita potest effugere quin eius probris ac cōtumeliis in medio itinere vexetur. Excipit mox eū multo sæuior difficultas. Nam dum ad fratrem accedit, tot mortes habet in cōspectu, quot ab homine crudeli & inimico parari queāt. Diris ergo terroribus supramodū discruciat ac discerpitur quandiu aduentū eius expectat: vbi in conspectū eius prodit, tātāquā semimortuus ad pedes procumbit, donec placatiore sentit quàm sperare ausus fuerat. Ad hæc Rachele, vnice dilecta coniuge, primo terræ ingressu priuatur. Postea quē ab ea filiū sustulerat, eoque præ aliis amabat, à fera laceratū audit: cuius ex morte quātum mœrorem ceperit, declarat ipse, quod post diurnas lachrymas solatiis omnibus viā obstinatē claudit, nihil sibi reliquum faciens nisi vt descendat ad filium lugens in sepulchrum. Interim raptus & defloratio filiæ, in iis vindicandis filiorum audacia, quæ illum non foetere modo fecerat apud omnes regionis incolas, sed præsentissimum internecionis periculū illi creauerat, quantæ anxietatis, luctus, tædii causæ erant: Sequitur horrendum illud flagitium Ruben primogeniti, quo nihil grauius accidere poterat. Nam quum inter summa infortunia reponatur vxoris pollutio, quid dicendum sit vbi à proprio filio perpetratum est id scelus? Aliquanto pòst incestu contaminatur familia, vt constantissimum alioqui & infractum calamitatibus animum tot dedecora labefactare debeant. Sub extremū vitæ, dum suæ ac suorum inedia succurrere quærit, noui infortunii nūtio percellitur, qui intelligit filium alterum in vinculis detineri, quem vt recipiat, Benjamin vniciū suum desiderium, permittere aliis cogitur. Quis putet in tanta malorum congerie momentum illi datum quo saltem securè respiraret? Itaque ipse optimus de se testis affeuerat Pharaoni, dies suos breues ac malos fuisse super terram. Qui per cōtinuas misérias vitam se transegisse pronuntiat, negat profecto eam prosperitatē se sensisse quæ illi à Domino promissa fuerat. Ergo aut malignus ingratusque Dei gratiæ æstimator erat Iacob, aut verè se miserū fuisse super terrā profitebatur. Si vera fuit affirmatio, sequitur non habuisse ipsum spem in rebus terrenis defixam.

- 13 Si sancti isti Patres (quod utique indubitatum est) beatam vitam expectarunt è manu Dei, aliam quàm terrestris vitæ beatitudinē & cogitarunt & viderūt. Quod etiam pulcherrimè ostendit Apostolus, Fide (inquit) demoratus est Abraham in terra promissionis, tanquam aliena, in casulis habitando, cum Isaac & Iacob consortibus eiusdem hæreditatis. Expectabant enim bene fundatam ciuitatem, cuius opifex ac cōditor Deus. In fide defuncti sunt omnes isti, non acceptis promissionibus: sed procul eas inspicientes, ac credentes, contentēsque quòd hospites & inquilini forent super terram. Quo significant se patriam inquirere. et si desiderio eius quam reliquerant tacti fuissent, erat facultas reuertendi: sed meliorem appetebant, nempe cælestem. Vnde Deus non erubescit vocari eorū Deus: quādo parauit illis ciuitatem. Stipitibus enim obrusiores fuissent, tam pertinaciter promissiones consecrando, quarum nulla spes in terris apparebat, nisi complementum earum alibi expectassent. Id verò in primis non sine ratione vrget, quòd peregrinationem, hanc vitam nuncuparūt: qualiter & Moses refert. Si enim peregrini & inquilini sunt in terra Chanaā, vbi promissio Domini qua illius cōstituti erant hæredes: Manifestè ergo indicat longius spectare quod de possessione illis Dominus promiserat. Quare pedē in terra Chanaan non acquisierunt nisi in sepulchrum. quo testabantur se sperare fructum promissionis non nisi post mortē percepturos. Atque hæc causa est cur tanti æstimauerit Iacob illic sepeliri, vt iureiurando adegerit filium Ioseph ad eam pollicitationem: cur Ioseph post aliquot secula transferri ossa sua, iam pridem in cinerem collapsa voluerit.
- 14 Denique apertè cōstat, in omnibus vitæ studiis propositam futuræ vitæ beatitudinem habuisse. Quorsum enim primogeniturā tantopere affectasset, tantòque periculo ambiisset Iacob, quæ exilium & tantum non abdicationem illi conflatura erat, boni vero nihil prorsus allatura: nisi ad altiore benedictionem respexisset? Atque eum sibi sensum fuisse declarauit ea voce quam inter vltimos spiritus edidit, Salutare tuum expectabo Domine. Quam salutem expectasset, quum intelligeret se animam expirare: nisi in morte initium nouæ vitæ cerneret? Et quid de sanctis ac filiis Dei disceptamus, quū eiusmodi intelligentiæ gustu ne is quidem caruerit qui veritatē oppugnare alioqui nitebatur? Quid enim sibi volebat Balaam, quum diceret, Moriatur anima mea morte iustorum, & fiant nouissima mea similia eorū: nisi quòd sentiebat id quod postea Dauid prodidit, Pretiosam esse mortem sanctorum in conspectu Domini: mortem verò impiorum pessimam: Si vltima linea & meta in morte forent, nullū in ea notari posset discrimen iusti & impii. sorte, quæ post mortem vtrosque diuersam manet, inter se distinguuntur.
- 15 Nondum vltra Moysen progressi sumus: quem isti nihil aliud officii habuisse dicunt quàm vt carnalem populum agri vbertate rerūque omnium copia ad colēdum Deum induceret: & tamen (nisi quis sponte semet offerentem lucem refugiat) perspicua iam extat spiritualis fœderis declaratio. Quòd si ad Prophetas descendamus, illic plenissimo fulgore & vita aterna & regnum Christi se profert. Ac primū Dauid, qui vt tempore aliis fuit superior, ita pro ordine diuinæ dispensationis cælestia mysteria obscurius quàm illi adumbravit, quanta tamen perspicuitate ac certitudine ad eum scopū omnia sua dirigit: Terrestrem habitationem qualiter æstimarit testatur hæc sententia, Aduena hīc sum & peregrinus, quemadmodū omnes Patres mei. Vanitas omnis homo viuens: velut vmbra quisque obambulat. Et nunc quæ expectatio mea Domine: spes mea ad te ipsa. Sanè qui nihil esse in terra solidum aut stabile confessus, spei tamen in Deum firmitatem retinet, alibi repositam sibi fœlicitatem contempletur. Ad eam contemplationem fideles reuocare solet, quoties vult eos verè consolari. Nam alibi, postquā de breuitate fluxæque & euanida imagine humanæ vitæ loquutus est, subiicit, Misericordia autem Domini vsque in æternū, super timentes eum. Cui simile est quod habetur etiā Psalmo centesimo secundo, Initiò Domine tu fundasti terram, & opera manuum tuarum sunt cæli. Ipsi peribunt, tu autem permanes: velut vestis veterascent, & sicut indumentum mutabis eos. Tu autem idem ipse persistas, & anni tui non deficient. Filii seruorum tuorum habitabūt, & posterī eorum coram te stabiliētur. Si ob cæli ac terræ interitū non desinunt pii stabiliiri coram Domino: sequitur eorum salutē cum Dei aternitate esse coniunctam. Atqui omnino nō potest stare spes ista, nisi in promissionē recumbat quæ apud Iesaiā exponitur, Cæli (inquit Dominus) sicut fumus liqueſcent: terra sicut vestimentum atteretur, & habitatores eius sicut hæc interibunt: salus autē mea in æternum erit, & iustitia mea non deficiet. Vbi iustitiæ ac salutis tribuitur perpetuitas, non quatenus penes Deū residet, sed quatenus ab hominibus sentiūtur.
- 16 Neque verò aliter accipere liceat quæ de fidelium prospero successu passim canit, nisi vt in cælestis gloriæ manifestationē cōferantur. Qualia sunt, Custodit Dominus animas

sanctorum suorum: de manu peccatoris liberabit eos. Lux orta est iusto, & rectis corde latitia. Item, Iustitia pii manet in seculum seculi, cornu eius exaltabitur in gloria: desiderium peccatorum peribit. Item, Veruntamen iusti confitebuntur nomini tuo: habitabunt recti cum vultu tuo. Item, In memoria æterna erit iustus. Item, Redimet Dominus animas servorum suorum. Siquidem servos suos Dominus impiorum libidini non vexandos modò, sed lacerandos perdendosque sæpe permittit. in tenebris & squallore languere patitur bonos, dum impii penè inter stellas refulgent: nec illos ita vultus sui serenitate exhilarat ut diuturna lætitia fruantur. Quamobrem ne ipse quidem dissimulat, si in præsentem rerum statum oculos defigant fideles, grauissima tentatione perculsum iri, ac si nulla esset innocentia apud Deum gratia nec merces. Adeo impietas ut plurimum prosperatur ac floret, dum piorum natio ignominia, paupertate, contemptu, omnique crucis genere premitur. Parù, inquit, abfuit quin lapsus pes meus, quin effusi fuerint gressus mei, dum vixit me fortuna stultorum, dum improborum prosperitatem video. Tandem post narrationem concludit, Instituebam cogitationem si possem hæc cognoscere: sed tormētum est spiritui meo, donec ingrediar in sanctuarium Domini, & intelligam nouissimum eorum.

17 Ergo vel ista Davidis confessione discamus, non ignorasse sanctos Patres sub veteri Testamento quàm rarò vel nunquam in hoc mundo repræsentet Deus quæ servis suis pollicetur, atque ideo animos ad Dei sacrarium sustulisse, in quo reconditum habebant quod in præsentis vitæ umbra non apparet. Hoc erat vltimum Dei iudicium, quod quum oculis minimè cernerent, fide contenti erant intelligere. Qua fiducia freti, quicquid eueniret in mundo, venturum tamen aliquando tempus non dubitabant quo Dei promissiones implerentur. Qualiter istæ voces testantur, Ego in iustitia contemplanor faciem tuam, satiabbor specie tua. Item, Ego sicut oliua viridis in domo Domini. Item, Iustus ut palma florebit, sicut cedrus Libani frondescet. Plantati in domo Domini, in atriis Dei nostri florebut. Adhuc fructificabunt: in senecta pingues ac virides erunt. Quum paulo antè dixisset, Quàm profundæ sunt cogitationes tuæ Iehoua, dum florent impii, germinant quasi herba, ut pereant in perpetuum. Vbi species ista & decor fidelium, nisi ubi mundi huius facies regni Dei manifestatione inuersa fuerit? In illam æternitatem quum oculos conuerterent, contempta præsentium calamitatum momentanea asperitate, securè in has voces erumpabant, Non dabis in æternum ut moriatur iustus. Tu verò præcipitabis scelestos in puteum interitus. Vbi in hoc mundo puteus æterni exitii qui sceleratos absorbeat, in quorum foelicitate hoc quoque alibi numeratur quòd diem extremum in puncto sine multo languore claudunt? Vbi tanta sanctorum stabilitas, quos ipse David non modò concuti, sed opprimi & conteri prorsus vbique conqueritur? Nempe ob oculos sibi statuebat, non quid ferat instabilis & plusquam æstuarium mundi vicissitudo: sed quid facturus sit Dominus quum ad æternam cæli ac terræ constitutionem olim sedebit. Quemadmodum alio loco eleganter describit, Nituntur stulti opulentia sua, ob diuitias multas superbiunt: & tamen nemo, quantalibet excellentia polleat, redimere fratrem suum à morte possit, nemo pretium redemptionis Deo soluere. Quum autem videant & sapiētes mori, peruersos pariter & stultos interire, & alienis relinquere diuitias suas, cogitant domos sibi permanfuras in sempiternum, habitationes in secula: & nomina sua in terra celebrant. At homo in honore non permanebit: similis erit pecudibus quæ intereunt. Hæc meditatio eorum, summa stultitia est: quæ tamē posterius cupide æmulantur. Instar gregis apud inferos collocabuntur, mors præsidebit illis. Exorta luce recti dominabuntur illis: forma ipsorum peribit: infernus, ipsorum domiciliū. Primum illa stultorum irrisio, quòd in lubricis & volubilibus mundi bonis acquiescant, ostēdit longè aliam sapiētibus querendam esse foelicitatē. Sed illic resurrectionis mysteriū cui dentius referat, ubi illis perditis & extinctis piorum regnum erigit. Quem enim, quæso, dicemus esse illum lucis exortum, nisi nouæ vitæ reuelationem, quæ finem præsentis sequitur?

18 Inde illa nascebatur cogitatio, quam in miseriarum solatium ac tolerantia remedium fideles vsurpabant, Momentum in indignatione Domini, vita in eius misericordia. Quomodo afflictiones momēto terminabant qui per totam fere vitam affligebantur? ubi tantam videbant diuinæ benignitatis durationem, cuius vix minimum gustum delibabant? Si in terra hæssissent, nihil tale reperire poterant: sed quia cælum intuebantur, agnoscebant punctum esse temporis quo exercentur per crucem sancti à Domino: miserationes seculi esse, quibus colliguntur. rursus impiorum, qui per somnium beati ad diem vnum essent, æternum ac nunquam finiendum exitium præuidebant. Vnde illæ voces, Memoria iusti in benedictione erit: nomen autem impiorum putrescet. Pretiosa mors sanctorum in conspectu Domini: mors peccatorum pessima. Item apud Samuelem, Dominus pedes sancto-

Psal. 112. b. 7. 9

Psal. 140. c. 14

Psal. 112. b. 6

Psal. 34. d. 23

Psal. 73. c. 17

Psal. 17. d. 15

Psal. 52. b. 10

Psal. 92. d. 13

Psal. 55. d. 23.

24

Iob 21. b. 13

Psal. 49. b. 7

Psal. 30. b. 6

Prou. 10. b. 7

Psal. 116. d. 15.

& 34. d. 22

1. Sam. 2. b. 9

rum seruabit, & impii in tenebris conticescent, quæ significant, illos probè cognouisse, ut-
cunque variè circumferrentur sancti, vltimum tamen eorum exitum, vitam ac salutem:
impii fœlicitatem amœnam esse viam qua in mortis voraginem paulatim labuntur.
Ideo istorum mortem vocabant exitiũ incircũcisorum, vt quibus resurrectionis spes præ-
cisa esset. Quare nullam hac excogitare potuit Dauid grauiorem imprecationem, Deleã-
tur de libro vitæ, & cum iustis non scribantur.

Ezec. 28. c. 10
& 31. g. 18. &
alibi.

Psal. 69. d. 29

19

Iob 19. d. 25

Præ aliis verò insignis illa sententia Iob, Scio quia redemptor meus viuit, & in nouissi-
mo die de terra resurrecturus sum: & in carne mea videbo Deum saluatorẽ meum. Repo-
sita est hæc spes mea in sinu meo. Qui volunt venditare suum acumen, cauillatur non esse
hæc intelligenda de vltima resurrectione, sed de primo quoque die quo sibi mitiorem fore
Deum Iob expectabat: quod vt illis ex parte demus, extorquebimus tamen, velint nolint,
ad eam spei amplitudinem nõ potuisse peruenire Iob si cogitatione in terra resedisset. Ne-
cesse ergo est fateamur, oculos in futuram immortalitatem sustulisse, qui sibi vel in sepul-
chro iacenti redemptorem affore conspexerit. Siquidem de præsentis tantum vita cogitan-
tibus mors extrema est desperatio, quæ nec ipsa spem eius abscindere poterat. Etiam si me
occiderit, dicebat, in ipso nihilominus sperabo. Nec mihi obstrepat hîc nugator quispiam
paucorum fuisse istas voces, vnde minimè probetur talem fuisse inter Iudæos doctrinam.
Responsum enim à me statim accipiet, paucos istos nõ prodidisse talibus sententiis arcanã
aliquam sapientiam, ad quam seorsum ac priuatim excellentia tantum ingenia admitte-
rẽtur: sed, vt erant constituti à Spiritu sancto plebis doctores, quæ cõmuniter ediscenda es-
sent Dei mysteria, & popularis religionis principia esse deberent, palàm promulgasse. Quũ
ergo audiamus publica Spiritus sancti oracula, quibus de spiritali vita tam clarè ac dilu-
cidè in Iudæorum Ecclesia disseruit, intolerabilis pertinaciæ fuerit eos ad carnale tãtum-
modo fœdus ablegare, vbi solius terræ ac terrestris opulentia fiat mentio.

Iob. 13. c. 15

20

Si ad posteriores Prophetas descendam, illic verò liceat, quasi in campo nostro, liberè
spatiari. Nam si in Dauide, Iob, Samuele fuit nõ difficilis victoria: illic multo est facilior.
Hanc enim œconomiam & hunc ordinem in dispensando misericordiæ suæ fœdere tenuit
Dominus, vt quo propius temporis progressu ad plenam exhibitionẽ accedebatur, ita ma-
ioribus in dies reuelationis incrementis illustraret. Proinde initio, quũ prima salutis pro-
missio Adæ data fuit, quasi tenues scintillæ emicarũt: postea facta accessione, maior lucis
amplitudo cœpit exeri, quæ magis ac magis deinde emerfit, latiũsque fulgorem suum pro-
tulit: donec tandẽ nubibus omnibus discussis, sol iustitiæ Christus vniuersum terrarũ orbẽ
ad plenum illuminauit. Non est ergo metuendum ne si ad causam nostrã comprobandam
Prophetarum petamus suffragia, illa nos deficiant: sed quia ingentem materiæ syluam fo-
re video, in qua diutius multo immorari necesse sit quàm ferat instituti ratio (esset enim o-
pus longi voluminis) simulque vel parum perspicaci lectori viam monstrauisse ex superio-
ribus arbitror, qua inoffenso cursu pergere queat, à prolixitate non ad eò in præsens neces-
saria abstinebo: præmonitis tamen lectoribus, vt viam sibi ea clauis expedire meminerint,
quam prius in manum illis dedimus: Nempe quoties fidelis populi beatitudinẽ Prophetæ
commemorant (cuius vix minima vestigia in præsentis vita cernuntur) ad hæc distinctio-
nem confugiant: Dei bonitatem quo melius Prophetæ commendarent, temporariis bene-
ficiis, velut lineamentis quibusdam, populo adumbrasse: sed talem eius pinxisse effigiem
quæ mentes extra terram, elementa mundi huius, & perituum seculum raperet, atque ad
cogitandam futuræ ac spiritalis vitæ fœlicitatem necessariò excitaret.

21

Ezech. 37. a. 4.

Exemplo vno cõtenti erimus. Quum Israelitæ Babylonẽ deportati, suam dissipationem
morti simillimã esse cerneret: dimoueri ab ea opinione vix poterat quin fabulosũ putaret
esse quod de sua restitutione vaticinabatur Ezechiel: quod perinde id æstimabant ac si de-
nuntiasset suscitatum in vitam iri putrida cadauera. Dominus vt ostenderet nec ea ipsa dif-
ficultate se impediri quominus beneficio suo locum faceret, Prophetæ campum aridis os-
sibus plenum per visionem ostendit: quibus, sola verbi sui virtute, spiritum vigorẽque v-
no momento reddidit. Seruiebat quidem ad præsentem incredulitatem corrigendam vi-
sio: sed interim Iudæos commonefaciebat quantum ultra populi reductionem virtus Do-
mini protenderetur, quæ arida & dispersa ossa solo nutu, ad eò facilè vegetaret. Quare sen-
tentiam illam cum altera Iesaiæ rite comparabis: Viuent mortui, cadauer meum, resur-
gent. Expergiscimini & exultate qui habitatis in puluere, quia ros viridis campi, ros tuus:
& terram gigantum detrahes in ruinam. Vade popule mi, intra in tabernacula tua: claude
ostia tua super te, abscondere pauxillum, donec pertranseat indignatio. Ecce enim Domi-
nus egredietur de loco suo, vt visitet iniquitatem habitatoris terræ contra eum: & reuela-

Iesa. 26. d. 19

bit terra sanguinem suum, nec operiet diutius interfectos suos.

22. Quanquam si quis ad eiusmodi canonem omnia redigere tentet, absurdè fecerit: sunt enim aliquot loci qui nullo integumeto, futuram, quæ in regno Dei fideles manet, immortalitatem demonstrant. quales nonnullos recitauimus, & quales sunt cum alii plerique, tum præcipuè duo isti. alter apud Iesaiam, Sicut cæli noui & terra noua, quæ facio stare coram me: sic stabit semen vestrum. Et erit mensis ex mense, sabbatum ex sabbato: veniet omnis caro ut adoret coram facie mea, dicit Dominus. Et egredientur, & videbunt cadauera virorum qui præuaricati sunt in me, quod vermisorum non morietur, & ignis non extinguetur. alter verò Danielis, In tempore illo consurget Michael princeps magnus, qui stat pro filiis populi sui: & veniet tempus angustiarum quale non fuit ex quo gentes esse cœperunt. Et tunc saluabitur populus tuus omnis qui inuentus fuerit scriptus in libro. Et ex iis qui dormiunt in terræ puluere, euigilabunt, alii in vitam æternam, alii in opprobrium sempiternum.

Iesa. 66. g. 22

Dan. 12. a. 1

23. Iam in duobus reliquis probandis, Patres scilicet Christum in fœderis sui pignus habuisse, atque in ipso omnem benedictionis fiduciam reposuisse: quia minus controuersiarum & plus claritatis habent, non laborabo. Constituamus ergo securè quod nec ullis diaboli machinis reuelli queat: vetus Testamentum seu fœdus, quod cum Israelitico populo percussit Dominus, non rebus terrenis fuisse limitatum, sed spiritualis æternæque vitæ promissionem continuisse: cuius expectationem omnium animis impressam oportuit qui in fœdus verè consentiebant. Hanc verò insanam ac perniciosam opinionem procul summo-ueamus, aut Dominum nihil aliud proposuisse Iudæis, aut illos nihil quæsiuisse præter ventris saturitatem, carnis delicias, florentes opes, externam potentiam, liberorum fœcunditatem, & quicquid animalis homo in pretio habet. Non enim aliud cælorum regnum hodie promittit suis Christus Dominus, quàm ubi recumbant cum Abraham, Isaac, & Iacob. ac Iudæos seculi sui Petrus hæredes esse Euangelicæ gratiæ asserbat, quod filii essent Prophetarum, comprehensi in fœdere quod Dominus olim cum sua gente pepigisset. Ac ne id solis verbis testatum esset, Dominus factò quoque approbavit. Eo enim quo resurrexit momento multos sanctorum resurrectionis suæ cōsortio dignatus est, ac visendos in ciuitate præbuit: certo arrhabone sic dato, quicquid fecit ac passus est in æternæ salutis acquisitionem, ad veteris Testamenti fideles non secus quàm ad nos pertinere. Nempe & eodem fidei Spiritu, quo in vitam regeneramur, teste Petro, præditi fuerunt. Quum Spiritum illum, qui est veluti quædā immortalitatis in nobis scintilla (vnde & arrhabo hæreditatis nostræ alibi vocatur) in illis similiter audimus habitasse, quomodo illis vitæ hæreditatem adimere audeamus? Quo magis mirum est eo stuporis olim recidisse Sadducæos, ut tū resurrectionem, tum animarum substantiam negarent: quorum vtrunque tam illustribus Scripturæ testimoniis consignatum habebant. Nec minus prodigiosa hodie foret totius nationis stoliditas in expectando terrestri Christi regno, nisi hanc repudiati Euangelii pœnam duros Scripturæ multò antè prædixissent. sic enim iusto Dei iudicio conueniebat mentes cæcitate percutere, quæ oblatum cæli lumen respuendo, tenebras vltro sibi accersuissent. Moses ergo legunt, & assiduè reuoluunt: sed opposito velamine impediuntur ne cernant lucem in eius vultu refulgentem. atque ita manebit illis obtectus ac inuolutus, donec ad Christum conuertatur, à quo illum nunc quantum possunt, abducere ac distrahere student.

Matth. 8. b. 11

Act. 3. d. 25

Matt. 27. f. 52

Act. 15. b. 8

2. Cor. 3. d. 14

De differentia vnius Testamenti ab altero.

CAP. XI.



VID ergo: (inquies) nullumne discrimen veteris & noui Testamenti relinquatur? & quid fiet tot Scripturæ locis, ubi tanquam res diuersissimæ inter se conferuntur? Ego verò libenter recipio quæ in Scriptura commemorantur differentias: sed ita ut nihil constitutæ iam vnitati derogent: quemadmodum videre erit ubi eas ordine tractauerimus. Sunt autem illæ (quântum animaduertere mihi licuit, & meminisse possum) numero quatuor præcipuæ. Quibus si quintam adiungere libeat, minimè reclamo. Eas omnes sic esse dico, & ostensurum me profiteor, ut ad modum administrationis potius quàm ad substantiam pertineant. Hac ratione nihil impediunt quominus eadem maneat veteris ac noui Testamenti promissiones, atque idè ipsarum promissionum fundamentum, Christus. Porro prima est, Quod tamen si olim quoque Dominus populi sui mentes in cælestem hæreditatem volebat collimare, arrectosque esse animos: quo tamen in spe illius melius alerentur, contemplandam sub beneficiis terrenis ac quodammodo degustandam exhibebat: nunc clarius liquidiusque reuelata per Euangelium futuræ vitæ gratia, rectè ad eius meditationem, omisso inferiori, quem apud Israelitas adhibebat, exercitationis modo, mentes nostras dirigit. Hoc cōsiliū Dei qui non

animaduertunt, non putant veterem populi malius consecuisse quam ad illa quæ corpori promittebantur bona. Audiunt toties terrâ Chanaan nominari, velut insigne adeoque vnicum Legis diuinæ cultoribus præmium. Audiunt nihil seuerius Deum i. m. eiusdem Legis transgressoribus interminari quam ab eius terræ possessione expellendos, ac dispergendos in alienas regiones. Vident in hanc ferè summâ recidere quæcunque vel benedictiones vel maledictiones à Mose denuntiantur. Ex iis minimè dubitanter constituunt Iudæos non sua causa, sed aliena fuisse à cæteris populis segregatos: nempe vt imaginè haberet Christiana Ecclesia, in cuius externa specie spiritualium rerum documēta cerneret. Sed quum aliquoties Scriptura demonstret, huc terrena quibus cos proficuebatur beneficia Deum ipsum destinasse, vt ad spem cælestiū ita ipsos manu duceret: eiusmodi dispensationem non considerare, nimis imperitiæ, ne dicam hebetudinis, fuit. Cum hoc hominum genere status controuersia nobis est, quod illi possessionem terræ Chanaan Israelitis pro summa atque vltima beatitudine habitâ, nobis post reuelatum Christum cælestē hereditatem figurare docent. Nos contrā cōtendimus, in terrena qua fruebantur possessione, velut in speculo, futurâ, quam sibi in cælis præparatâ crederent, hereditatem esse intuitos.

2

Galat. 4. a. 1

Id melius elucebit ex similitudine quam posuit Paulus ad Galatas. Comparat Iudæorū gentem heredi paruulo, qui ad se regendum nondum idoneus, tutoris aut pædagogici, cuius custodia commissus est, ductum sequitur. Quod autem eam ad ceremonias similitudinem potissimum refert, nihil obstat quominus huc quoque aptissime applicetur. Eadē ergo illis hereditas quæ nobis destinata fuit: sed cuius adeunda & tractanda nōdum per ætatē capaces forent. Eadem inter illos Ecclesia: sed cuius ætas adhuc puerilis erat. Sub hac ergo pædagogia illos continuit Dominus, vt spirituales promissiones non ita nudas & apertas illis daret, sed terrenis quodammodo adumbratas. Abrahâ ergo, Isaac & Iacob, eorūque posteritatem quum in spem immortalitatis cooptaret, terram Chanaan in hereditatem illis promisit: non in qua spes suas terminarent, sed cuius aspectu in spem veræ illius, quæ nondum apparebat, hereditatis se exercerent ac confirmarent. Ac ne hallucinari possent, dabatur superior promissio quæ terram illam non supremū esse Dei beneficium testaretur. Sic Abraham in accepta terræ promissione torpere non finitur: sed maiori promissione erigitur illius mens in Dominū. Audit enim, Abrahâ, ego protector tuus, & merces tua magna valde. Hic videmus Abrahamo proponi finem suæ mercedis in Domino, ne illam quærat fluxam ac lubricam in elementis huius mundi: sed immarcescibile esse reputet. Subiungit deinde terræ promissionem, nō alia conditione quam vt sit diuinæ beneuolentiæ symbolum, ac cælestis hereditatis typus, quem sanctis fuisse sensum, eorū voces declarant. Sic Dauid à benedictionibus temporariis ad summâ illam atque vltimam assurgit. Languet (inquit) tui desiderio cor meum & caro mea. Deus portio mea in sempiternum. Item, Dominus pars hereditatis meæ & calicis mei: tu es qui conseruas hereditatē meam mihi. Itē, Clamaui ad te Domine, dixi, Tu es spes mea, portio mea in terra viuorum. Qui sic loqui audent, se profectō mundum & quicquid est bonorum præsentium spe sua transcendere profitentur. Hanc tamen futuri seculi beatitudinē Prophetæ sapius sub typo quem à Domino acceperant, describunt: qualiter intelligendæ sunt istæ sententiæ, Quod pii hereditate possidebunt terram: scelerati autem ex ea disperdentur. Quod Ierusalem omne genus diuitiis abundabit, & Sion rerum omnium copia diffluet. Quæ omnia videmus non in terram peregrinationis nostræ, aut in terrestrem Ierusalem propriè competere, sed in veram patriam fidelium ac cælestem illam ciuitatē, in qua Dominus benedictionem & vitam mandauit in perpetuum.

Psal. 73. d. 26,

& 84. a. 3

Psal. 16. a. 5

Psal. 141. b. 6

Job 18. d. 17

Apud Iesaiā
multis locis.

Psal. 133. 3

3

Hæc ratio est cur maioris quam nunc deceat, æstimasse mortalem vitam cuiusque benedictiones sancti legantur sub Veteri testamento. Tamen enim probè nouerant non esse in ea tanquam in cursus sui meta consistendum: quia tamen recognoscebant, quæ illic ad eos pro teneritudinis ipsorum modulo exercendos, gratiæ suæ lineamenta Dominus imprefferat, maiori eius suauitate afficiebantur quam si ipsam per se considerassent. Quæadmodum autem Dominus, beneuolentiam suā erga fideles præsentibus bonis testādo, spirituales felicitatem eiusmodi typis ac symbolis tunc adumbrabat, ita ecōuerso dabat in pœnis corporeis, in reprobos iudicii sui documenta. Itaque vt Dei beneficia in rebus terrenis magis conspicua erant, ita pœnæ. Hanc inter pœnas & præmia analogiam ac conuenientiam (vt sic loquar) dum imperiti non expendunt, mirantur tantam in Deo varietatem, vt qui ad quælibet hominis delicta sauis horredis que supplicii vindicanda olim subitus, nunc velut posito pristinæ iracundiæ affectu, & mitius & rarius multo puniat: & parum abest quin ob id diuersos Veteris & Noui testamēti deos imaginentur, quod etiā Ma-

nichæis accidit. Verùm talibus scrupulis facilè expediemur si animũ referemus ad istam quam notaui Dei dispensationem, quòd tu in futura ac æternæ felicitatis gratiam terrestribus beneficiis, tum spiritualis mortis grauitatem corporeis pœnis significare & figurare pro eo tempore voluit quo Testamētum suum quodammodo adhuc inuolutum Israeli-tico populo tradebat.

4 Alterum Veteris & Noui testamenti discrimen statuitur in figuris, quòd illud absente veritate, imaginem tantum & pro corpore vmbra ostentabat: hoc præsentem veritatem & corpus solidum exhibet. Atque huius fere fit mentio vbicunque Veteri testamento nouum opponitur: fusior tamen est eius tractatio in epistola ad Hebræos quàm alibi vsquam. Illic disputat Apostolus aduersus eos qui Legis Mosaicæ obseruationes aboleri posse non putabant nisi vt secum traherent religionis totius ruinam. Quo hunc errorem refutet, assumit quod de Christi sacerdotio prædictum apud Prophetam fuerat. nam quum æternum illi deferatur sacerdotium, certum est aboleri sacerdotium illud vbi alii aliis successores quotidie substituebantur. Præualere autem noui istius sacerdotis institutionem probat, quòd iuramento stabilitur. Subiungit postea, in ea sacerdotii translatione verti etiam Testamēti mutationem. Atque id necessarium fuisse ratione cōfirmat, quoniam ea erat Legis imbecillitas quæ nihil adducere ad perfectionē posset. Tum deinde prosequitur quæ illa fuerit imbecillitas, nepe quòd externas carnis iustitias habuerit quæ cultores suos non possēt secundū conscientiam perfectos reddere, quòd pecudum victimis, nec peccata delere, nec veram sanctitatem conciliare poterat. Concludit ergo, vmbra fuisse in ipsa futurorum bonorum, non viuam rerum effigiem: ideoque non aliud habuisse officii nisi vt introductio esset in spem meliorem quæ in Euangelio exhibetur. Hic videndum est qua parte fœdus Legale cum fœdere Euangelico, Christi ministerium cum Mosaiico conferatur. Nam si ad promissionum substantiam pertineret comparatio, magnum extaret inter duo Testamenta dissidium: sed quum status quæstionis aliò nos ducat, eò tendendum est vt verū reperiāmus. Fœdus ergo quod æternum & nunquam interituum semel sanciuit, in medio statuamus. Illius complementum, vnde tādē habet vt statum ratumque sit, Christus est. Talis confirmatio dum expectatur, ceremonias Dominus per Moſen præscribit, quæ sunt velut solennia confirmationis symbola. Id in contentionem veniebat, cederēne oporteret Christo quæ in Lege ordinatæ erant ceremoniæ. Hæ verò tametsi fœderis duntaxat accidentia erant, vel certè accessiones ac annexa, & (vt vulgus loquitur) accessoria: quia tamen instrumenta erant illius administrandi, fœderis nomen habent. qualiter & aliis Sacramētis dari solet. Proinde, in summa, Vetus testamentum hoc loco appellatur solennis confirmandi fœderis ratio, ceremoniis & sacrificiis cōprehensa. In ea quoniā nihil solidum subest, nisi vltius transeat, oportuisse antiquari & abrogari cōtendit Apostolus, vt Christo posterioris Testamenti sponsori ac mediatori locus daretur, per quem æterna sanctificatio electis semel acquisita est: & transgressionē oblitteratæ, quæ sub Lege manebant. Quòd si malis, ita accipe: vetus fuisse Domini Testamentum, quod vmbatili & inefficaci ceremoniarum obseruatione inuolutum tradebatur. ideoque temporarium fuisse, quia veluti in suspensio erat, donec firma & substantiali confirmatione subniteretur. Tum verò demum nouum æternumque factum fuisse, postquam Christi sanguine consecratum stabilitumque fuit. Vnde calicem, quem discipulis in Cœna porrigit Christus, Noui testamenti calicem vocat in suo sanguine: vt significet, tum verè Dei Testamento suam constare veritatē, per quam nouum fit & æternum dum sanguine suo obſignatur.

Psal. no. b. 4

Heb. 7. b. ii. c. 19, & 9. c. 9, & 10. a. i

Matt. 16. c. 28

Galat. 3. d. 24, & 4. a. i

Matth. 11. b. 13

Coloss. 1. b. 9

5 Hinc liquet quo sensu dixerit Apostolus, Legis pædagogia deductos fuisse Iudæos ad Christum antequam ipse in carne exhiberetur. Illos quoque filios & hæredes Dei fuisse fatetur: sed qui propter pueritiam sub pædagogi custodia habendi essent. Cōueniebat enim, sole iustitiæ nondum exorto, nec tantum esse reuelationis fulgorem, nec tantā intelligendi perspicaciam. Sic ergo verbi sui lucem illis Dominus dispēsauit, vt eam eminus adhuc & obscurè cernerent. Ideo hanc intelligentiæ tenuitatem pueritiæ vocabulo Paulus notat, quā elementis huius mundi & externis obseruatūculis, tanquā regulis puerilis disciplinæ, voluit Dominus exerceri, donec effulgeret Christus: per quē fidelis populi cognitionē adulescere oportebat. Hanc distinctionem signauit Christus ipse, quum diceret, Legem & Prophetas fuisse vsque ad Iohannem: ex eo euangelizari regnum Dei. Quid Lex & Prophetæ sui temporis hominibus prodiderūt: nempe gustum præbebant eius sapientiæ quæ olim ad liquidum manifestanda erat, & procul emicantem præmonstrabant. Vbi autem digito potest ostendi Christus, reſeratum est regnum Dei. In ipso enim expositi sunt thesauri omnes sapientiæ & intelligentiæ, quibus propè ad ipsa cæli adyta penetratur.

6 Nec obstat quòd nemo ferè in Christiana Ecclesia reperiri queat qui fidei præstantia sit cum Abraham cõponendus: quòd ea vi Spiritus excelluerint Prophetæ, quæ hodièque orbem vniuersum illuminant. Non enim quid in paucos gratiæ cõtulerit Dominus, hîc quæritur: sed quam in populo docèdo ordinariam dispensationem sequutus sit: qualis apud illos ipsos Prophetas, qui peculiari supra alios cognitione præditi fuerunt, habetur. Nam & obscura, ceu de rebus longinquis, & typis inclusa est eorum prædicatio. Ad hæc, vt cunque mirifica in illis notitia emereret, quum tamè ad cõmunem populi pædagogiam submittere se necesse habuerint, in puerorum grege ipsi quoque censentur. Postremò nunquam tanta vllis tunc contigit perspicientia, quæ non seculi obscuritatem aliqua ex parte resiperet. Vnde illud Christi, Multi Reges & Prophetæ desiderarunt videre quæ vos videtis, & non viderunt: & audire quæ vos auditis, nec audierunt. Itaque vestri oculi beati, quia videt: & aures, quia audiunt. Et sanè hac prærogatiua Christi præsentia pollere æquum fuit, vt ab ea dilucidior emergeret cælestium mysteriorum reuelatio. Quò etiam pertinet quod antè citauimus ex priore Petri epistola, fuisse illis patefactum, nostro maximè seculo vtilem esse eorum operam.

Matt. 13. b. 17

Luc. 10. c. 24

1. Pet. 1. b. 12

7 Venio ad tertium discrimen, quod ex Ieremia sumitur, cuius sunt verba, Ecce dies venient, dicit Dominus, & feriam domui Israel & domui Iuda fœdus nouum: non secudum pactum quod pepigi cum Patribus vestris, in die qua apprehendi manum eorum vt educerem eos è terra Aegypti, pactum quod irritum fecerunt, quauis dominarer eis: sed hoc erit pactum quod feriam cum domo Israel, Ponam Legem meam in visceribus eorum, cordibus eorum inscribam eam, & propitiabor iniquitati eorum. Et nõ docebit vnusquisque proximum suum, vir fratrem suum. Omnes enim cognoscent me à minimo vsque ad maximum. Ex quibus occasionem accepit Apostolus comparationis huius inter Legem & Euangelium statuendæ, vt illam vocaret literalem, hoc, spirituale doctrinam: illam diceret fuisse deformatam in tabulis lapideis, hoc fuisse cordibus inscriptum: illam esse prædicationem mortis, hoc vitæ: illam damnationis, hoc iustitiæ: illam euacuari, hoc permanere. Quum Apostolo propositum fuerit mentem Prophetæ enarrare, verba vnus expendere satis fuerit, vt assequamur vtriusque sensum. Quanquam est aliquid inter eos dissimile. Odiosius enim loquitur de Lege Apostolus quàm Prophetæ. neque id simplici Legis respectu: sed quòd erant nebulones quidam Legis κατέχοντες, qui peruerso ceremoniarum studio, Euangelii claritatem obscurabant: de Legis natura secundum eorum errorem ac stultam affectionem disputat. Ergo id peculiare in Paulo obseruare operæ pretium erit. Vterque verò quia Vetus ac Nouum testamentum per contentionem inter se cõponit, nihil in Lege considerat nisi quod proprium eius est. Exempli gratia: Lex, misericordiæ promissiones passim continet: sed quia sunt aliunde ascitæ, non veniunt in Legis rationem quum de pura eius natura sermo habetur. Hoc illi tantum tribuunt vt præcipiat quæ recta sunt, scelera prohibeat, præmiu edicat cultoribus iustitiæ, poenā transgressoribus minetur: cordis interim prauitatem, quæ cunctis hominibus naturalis inest, non immutet aut emendet.

Ierem. 31. f. 31

1. Cor. 3. b. 6

8 Nunc membratim Apostoli collationem explicemus. Vetus testamentum literale est: quia sine Spiritus efficacia promulgatum: Nouum, spirituale: quod Dominus hominum cordibus spiritualiter insculpsit. Ideo secunda antithesis est veluti primæ declaratio. Vetus mortiferum est: quia nihil potest quàm maledictione inuoluere vniuersum hominum genus: Nouum est vitæ organum: quia à maledictione liberatos in gratiam cum Deo restituit. illud damnationis ministeriu est: quia reos peragit iniustitiæ omnes filios Adam. hoc, iustitiæ: quia Dei misericordiam reuelat, per quam iustificamur. Postrema antithesis ad Legis ceremonias referenda. Quia illud rerum absentium imaginem habebat, interire ac euanescere tempore oportuit. Euangelium, quia ipsum corpus exhibet, firmam perpetuamque retinet stabilitatem. Vocat quidem Ieremias & leges morales, infirmu ac fragile fœdus: sed alia ratione, quòd scilicet ingrati populi subita defectione mox abruptum fuerit. sed quia eiusmodi violatio est à culpa populi, in Testamentum propriè non confertur. Ceremoniæ verò, quoniam sua ipsarum infirmitate Christi aduentu fuerunt dissolutæ, causam infirmitatis intra se habebant. Porro differentia illa Literæ & Spiritus non sic accipienda est acsi nullo cum fructu Legem suam Iudæis Dominus tulisset, nullo eorum ad se cõuerso: sed per comparationem posita est, ad commendandam gratiæ affluentiam, qua Euangelii prædicationem idem legislator, quasi nouam personam induens, honorauit. Nam si eorum multitudinem recensemus quos ex populis omnibus per euangelii prædicationem Spiritu suo regeneratos in Ecclesiæ suæ communionem collegit, paucissimos ac penè nullos dicemus qui olim in Israele cordis affectu atque ex animo fœdus Domini

amplexi sint : qui tamen multi fuerunt, si suo pte numero sine comparatione censcantur.

9 Ex tertio discrimine quartum emergit. Vetus enim testamentū Scriptura vocat seruitutis, quod timorē in animis generet: nouū autē, libertatis, quod in fiduciam ac securitatē eodē erigat. Sic Paulus ad Romanos octauo, Non accepistis, inquit, spiritum seruitutis iterum ad timorem: sed Spiritum adoptionis, per quem clamamus, Abba, Pater. Huc pertinet quod habetur ad Hebræos, non accessisse nunc fideles ad corporeum montem, & incensum ignem, ac turbinem, & caliginem, & procellam, vbi nihil audiatur, aut videatur, nisi quod terrore mentes percellat: adeo vt ipse quoque Moyses expauescat, vbi vox terribilis insonat, quam audire omnes deprecantur: sed accessisse ad montem Sion, & ciuitatem Dei viuētis, Ierusalem cælestem, &c. Quod autem in sententia quam ex epist. ad Rom. adduximus, breuiter tangit Paulus, fusius explanat ad Galatas, quum ad allegoriā trahit duos Abrahæ filios, in hunc modum, Quod Agar serua typus sit montis Sinai, vbi Legem accepit populus Israel: Sara libera, figura sit cælestis Ierusalem, à qua fluuit Euangelium. Quod quemadmodum semen Agar seruum nascitur, quod ad hæreditatem nūquam perueniat, Saræ liberum, cui hæreditas debeat: ita per Legem addicamur in seruitutē, per solum Euangelium in libertatem regeneremur. Huc autem summa redit, Vetus testamentum pauorem ac trepidationem incussisse conscientias: noui beneficio fieri vt in latitiam soluantur. Illud iugo seruitutis conscientias astrictas tenuisse, huius liberalitate in libertatem manumitti. Quod si ex populo Israelitico sancti Patres obiciuntur, quos quum eodē fidei Spiritu nobiscum præditos fuisse constet, sequitur eiusdem & libertatis & latitiæ fuisse participes: respondemus, neutrum à Lege fuisse: sed quum se per Legem & seruili cōditione premi, & conscientia inquietudine fatigari sentirent, ad Euangelii subsidiū confugisse: ideoque peculiarem noui Testamenti fructum fuisse, quod præter cōmunem Veteris testamenti legem illis malis exempti fuerunt. Deinde negabimus ita libertatis & securitatis spiritu fuisse donatos, vt non experti sint aliqua ex parte & timorē à Lege & seruitutem. Vt cum que enim illa quā per Euangelii gratiā assequuti erant, prærogatiua fruerentur, erant tamē iisdem obseruationum vinculis & oneribus cum vulgo obnoxii. Quū ergo ad eas ceremonias sollicitē obseruādas adigerentur, quæ prædagogiæ seruituti similis symbola erāt, & chi rographa quibus se peccati reos faterentur, ab obligatione non soluerent: iure præ nobis sub seruitutis ac timoris Testamēto fuisse dicuntur, dum respicitur cōmunis illa dispensatio, qua tunc cum Israelitico populo Dominus agebat.

10 Tres quas posteriores retulimus cōparationes sunt Legis & Euāgelii. quarū in illis Lex, Veteris testamēti, Euangelium, noui nomine signatur. Prima latius extenditur: comprehendit enim sub se & quæ ante Legem editæ sunt promissiones. Quod autem ipsas sub veteris Testamēti nomine cēsendas Augustinus negauit, optimē in eo sensit. nec aliud voluit quā quod docemus: siquidē ad illas Ieremiæ & Pauli sententias respiciebat, vbi Vetus testamentum à verbo gratiæ & misericordiæ discernitur. Istud quoque scitissimē eodē loco subiungit, pertinere ab initio mundi ad Nouum testamētum filios promissionis, regeneratos à Deo, qui fide per dilectionem operante obedierunt mandatis. Idque in spe non carnaliū, terrenorum, temporalium, sed spiritualium, cælestium, æternorum bonorum, præcipuē credentes in Mediatorem: per quem non dubitarunt & Spiritum sibi administrari, vt benefacerent, & ignosci, quoties peccarent. Id enim ipsum est quod asserere in animo fuit, Eiusdem nobiscum benedictionis in æternam salutem cōsortes fuisse omnes sanctos, quos ab exordio mundi peculiariter à Deo selectos Scriptura commemorat. Inter nostram ergo & illius partitionem hoc interest, quod nostra (secundum illam Christi sententiā, Lex & Prophetæ vsque ad Iohannem, ex eo regnum Dei euangelizatur) inter Euangelii claritatem, & obscuriorem quæ præcesserat verbi dispensationem distinguit. altera simpliciter Legis debilitatem secernit ab Euangelii firmitudine. Atque hīc quoque de sanctis Patribus annotandum est, ita sub veteri Testamento vixisse, vt non illic resisterint, sed aspirarint semper ad nouum, adeoque certam eius communionem amplexi sint. Qui enim præsentibus vmbri contenti, mentem ad Christum non extenderunt, eos cæcitatē ac maledictionis damnat Apostolus. Vt enim reliqua taceamus, quænam maior cæcitas fingi possit, quā à pecude mactata peccati expiationem sperare: quā in externa aquæ irrigatione, animæ purgationem quærere: quā frigidis Deum ceremoniis, perinde atque illis valde oblectetur, velle placare? Ad istas enim omnes absurditates delabuntur qui sine Christi respectu in Legis obseruationibus hærent.

11 Quintum, quod adiungere licet, discrimen, in eo iacet, quod ad Christi vsque aduentū gentem vnā segregauerat Dominus, in qua fœdus gratiæ suæ contineret. Quando distri-

Genes. 32. b. 8
ibid. 40. c. 14

buebat Altissimus gentes, quando diuidebat filios Adam, inquit Moses, in possessionem illi cessit populus suus: Iacob funiculus hæreditatis eius. Alibi sic populū alloquitur, En Domini Dei tui est cælum & terra, & omnia quæ in ea sunt. Patribus tamen tuis tantummodo adhæsit, amauit eos ut eligeret semen eorum post eos: nempe vos ipsos, è cunctis gentibus. Populū ergo illum, veluti solus ad se ex hominibus pertineret, nominis sui cognitione dignatus est solum: fœdus suum quasi in eius sinu deposuit: præsentiam sui numinis illi manifestauit: omnibus prærogatiuis eū honorauit. Sed (ut reliqua omittamus beneficia) quod vnum hîc agitur, illum verbi sui communione sibi deuinxit, ut eius appellaretur & haberetur Deus. Interea gentes alias, quasi nihil secum haberent rei aut commercii, in vanitate ambulare sinebat: nec ut earum exitio mederetur, quod vnicum erat remedium afferbat, verbi scilicet sui prædicationem. Itaque Israel tunc filius Domino delicatus: alii extranei. ille cognitus, & in fidē tutelamque susceptus: alii tenebris suis relictī. ille à Deo sanctificatus: alii profani. ille Dei præsentia honoratus: alii omni propinquitate exclusi. At ubi venit plenitudo temporis, instaurandis omnibus destinata, exhibitusque est ille Dei & hominum conciliator: diruta maceria quæ tandiu misericordiam Dei intra Israelis fines conclusam tenuerat, annuntiata pax est iis qui procul erant, non secus atque iis qui prope coniuncti, ut Deo simul reconciliati, in vnum populū coalescerent. Quare nulla iam Græci aut Iudæi, circumcisionis vel præputii ratio: sed omnia in omnibus Christus, cui data sunt gentes in hæreditatem, & termini terræ in peculium: ut sine discrimine dominetur à mari vsque ad mare, & à fluminibus vsque ad vltimos orbis fines.

Act. 14. c. 16

Galat. 4. a. 4
Ephes. 2. c. 14
Galat. 6. d. 15
Psal. 2. c. 8
Psal. 71. b. 8,
& alibi.

12

Gentium igitur vocatio, insignis est tessera, qua supra Vetus testamentum Noui excellentia illustratur. Plurimis quidem & clarissimis Prophetarum oraculis testata antè fuerat: sed ita ut in regnum Messiae eius complementum reiceretur. Ac ne Christus quidem statim à primo suæ prædicationis exordio ad eam progressus fecit: sed eo vsque distulit donec absolutis omnibus redemptionis nostræ numeris, ac finito humiliationis suæ tempore, acciperet à Patre nomen quod est supra omne nomē, coram quo omne genu flecteretur. Vnde mulieri Chananææ, hac opportunitate nōdum expleta, negat se missum nisi ad oues perditas domus Israel: nec Apostolos in prima missione patitur eosdem limites superare. In viam Gentium, inquit, ne abieritis, & in ciuitates Samaritanorum ne ingrediamini: sed ite potius ad oues perditas domus Israel. Vtunque autem tot testimoniis prodita foret, ubi tamen Apostolis auspicanda fuit, sic noua & insolens illis visa est ut tanquam prodigiū aliquod exhorrerent. Trepidè sane nec sine recusatione tandem aggressi sunt. Nec mirum: videbatur enim rationi minimè cōsentaneum, ut Dominus, qui tot seculis Israelē à reliquis gentibus selegerat, quasi repente mutato cōsilio delectum illum tolleretur. Vaticiniis quidem id prædictum erat: sed non poterant vaticiniis adeo attenti esse, ut rei nouitate, quæ se oculis ingerebat, nihil mouerentur. Neque satis ad eos permouendos valebant quæ iam olim futuræ Gentium vocationis specimina Deus ediderat. Siquidem præterquam quod paucissimos vocauerat, illos ipsos inferebat quodammodo in familiam Abrahamæ, ut populo suo accederent: ista verò publica vocatione non modò Iudæis æquabatur Gentes, sed velut in demortuorum locum subire eas apparebat. Adde quod nunquam æquati fuerant Iudæis extranei, quosunque Deus antè in corpus Ecclesiæ ascuerat. Itaque non abs re Paulus mysteriū hoc tantopere prædicat absconditum à seculis & generationibus, & quod etiā Angelis mirabile esse dicit.

Philip. 2. b. 9

Matt. 15. c. 14

Matth. 10. a. 5

Colos. 1. d. 26

13

His quatuor aut quinque membris totam Veteris & Noui testamenti differentiā, quantum ad simplicem docendi rationem sufficit, puto bene ac fideliter explicatam. Verum quia nonnulli hanc in gubernanda Ecclesia varietatem, diuersum in docendo modū, tantam rituum ac ceremoniarum conuersionem pro magna absurditate iactant: iis quoque respondendum est, antequam ad alia transeamus. Fieri autem id breuiter potest, quia non tam firmæ sunt obiectiones ut accurata refutatione opus habeant. Non est, inquiunt, cōsentaneum, ut Deus, qui perpetuò sibi constat, tantam mutationem passus sit, ut quod semel iusserat & commédauerat, postea improbaret. Respondeo, non propterea mutabilem iudicari Deum debere quod diuersis seculis diuersas formas accommodauerit, prout cuique expedire nouerat. Si alia hyme officia, alia æstate familiæ suæ agricola præscribit, nō propterea illum inconstantia arguimus, aut deuiare putabimus à recta agriculturæ regula, quæ cū perpetuo naturæ ordine coniuncta est. Similiter si quis pater familias aliter suos liberos in pueritia, aliter in adolescentia, aliter in iuuentute erudiat, regat, tractet: non propterea dicemus ipsum leuem esse, aut à sua sententia discedere. Quid ergo inconstantia locum Deo inurimus, quod temporum diuersitatem aptis & cōgruentibus notis distinxit?

Posterior similitudo penitus satisfacere nobis debet. Iudæos pueris similes facit Paulus, Christianos adolescentibus. Quid in hoc Dei regimine est inordinati, quod illos in rudimentis detinuit quæ pro ætatis modulo ipsis cōgruebant: nos firmiore & quasi viriliore disciplina instituit? Ergo in eo elucet Dei constantia quod eandem omnibus seculis doctrinam tradidit: quem ab initio præcepit nominis sui cultum, in eo requirendo perseverat. Quod externam formam & modum mutauit, in eo non se ostendit mutationi obnoxium: sed hominum captui, qui varius ac mutabilis est, eatenus se attemperauit.

14 Atqui vnde (inquiunt) ista diuersitas nisi quia talem esse Deus voluit? nōne tam bene ab initio quàm post Christi aduentum perspicuis verbis citra vllas figuras reuelare potuit vitam æternam, paucis & clavis sacramentis suos erudire, Spiritum sanctum largiri, gratiam suam per orbē vniuersum diffundere? Hoc verò perinde est ac si cum Deo litigarent quod mundum tam serò creauerit, quum posset ab initio: quod alternas vices inter hyemē & æstatē, inter diem & noctem esse voluerit. Nos verò (quod sentire omnes pii debent) quicquid à Deo factum est, sapienter & iuste factum ne dubitemus: etiam si causam sæpe nesciamus cur ita fieri oportuerit. Hoc enim esset nimium nobis arrogare, non cōcedere Deo vt consilii sui rationes habeat quæ nos lateant. At mirum est (inquiunt) quod nunc pecudum victimas, & totum illum sacerdotii Leuitici apparatus respuat & abominetur, quibus olim oblectabatur. Quasi verò Deum externa ista & caduca oblectent, aut vllō modo afficiant. Iam dictum est, nihil horum fecisse sua causa, sed omnia pro hominū salute dispensasse. Si medicus iuuenem optima ratione à morbo curet, in eodem postea iam sene alio curationis genere vtatur: num ideo dicemus ipsum medendi rationem repudiare quæ antea placuerat? Imò quum in illa constanter persistet, rationem ætatis habet. Sic Christum aliis signis & absentem figurari, & venturum prænuntiari oportuit: aliis nunc exhibitum repræsentari decet. Quod ad vocationem Dei latius per omnes populos in aduētū Christi sparsam quàm antè fuerat, & gratias Spiritus largius effusas, quis, obsecro, æquū esse neget vt in manu & arbitrio Dei sit libera gratiarū suarum dispensatio, vt quas velit nationes illuminet: quibus velit locis verbi sui prædicationē excitet: qualem & quantū velit doctrinæ suæ profectum & successum largiatur: nominis sui notitiam, quibus velit seculis, auferat è mundo, propter ipsius ingratitude: quando iterū velit, propter suam misericordiam restituat? Videmus ergo nimis indignas esse calumnias, quibus impii homines hac parte simpliciū animos exagitant, vt vel Dei iustitiam vel Scripturæ fidem in dubium vocent.

Christum, vt Mediatoris officium præstaret, oportuisse fieri hominem.

CAP. XII.



Magnopere nostra interfuit, verum esse & Deum & hominem qui Mediator noster futurus esset. De necessitate si quæritur, non simplex quidem (vt vulgò loquuntur) vel absoluta fuit: sed manauit ex cælesti decreto, vnde pendebat hominum salus. Cæterum quod nobis optimum erat statuit clementissimus Pater. Quum enim iniquitates nostræ quasi interiecta inter nos & ipsum nube nos à regno cælōrum prorsus alienassent, nemo, nisi qui ad eum pertingeret, pacis restituendæ interpres esse poterat. Quis autem pertigisset? quispiāne ex filiis Adam? Atqui omnes cum parente suo ad conspectū Dei horrebāt. Angelorum aliquis? Sedenim illi quoque opus habebant capite, per cuius nexū solidè & indistractè Deo suo cohererent. Quid igitur? deplorata certè res erat nisi maiestas ipsa Dei ad nos descenderet: quando ascendere nostrum non erat. Ita Filium Dei fieri nobis Immanuel oportuit, id est nobiscum Deum: & hac quidem lege, vt mutua cōiunctione eius diuinitas & hominū natura inter se coalescerēt, alioqui nec satis propinqua vicinitas, nec affinitas satis firma, vnde nobis spes fieret Deum nobiscum habitare. Tantum erat inter nostras sordes & summam Dei munditiem dissidium. Quauis ab omni labe integer stetisset homo, humilior tamen erat eius conditio quàm vt sine Mediatore ad Deum penetraret. Quid ergo exitiali ruina in mortem & inferos demersus, fœdatus tot maculis, corruptione sua fœtidus, denique obrutus omni maledictione? Non ergo abs re Paulus Christum proponere Mediatorem volens, disertè commemorat esse hominem, Vnus, inquit, Mediator Dei & hominum, homo Iesus Christus. Poterat Deum dicere: poterat saltem & nomen hominis sicut Dei omittere: sed quia Spiritus per os eius loquens, infirmitatē nostram nouerat, vt tempestiuè occurreret, aptissimo remedio vsus est, Filium Dei tāquam vnum ex nobis familiariter in medio statuens. Nequis igitur se torqueat vbinā ille quærendus Mediator, aut qua via ad ipsum perueniendum, hominem nominans, propinquum, imò contiguum nobis esse admonet, quādoquidem caro nostra est. Idem certè designat quod alibi pluribus verbis explicatur, non

1. Tim. 2. 5.

Hebr. 4. d. 15 esse nobis Pontificem qui non possit compati infirmitatibus nostris, quando sit more nostro, sola peccati exceptione, per omnia tentatus.

- 2 Id etiam clarius fiet si reputemus quàm non vulgare fuerit quod Mediatori præstandum erat, nempe sic in Dei gratiam nos restituere, ut faceret ex filiis hominum illius filios: ex hæredibus gehennæ, regni cælestis hæredes. Quis hoc poterat, nisi Filius Dei fieret idem filius hominis, & sic nostrum acciperet ut transferret ad nos suum? & quod suum erat natura, nostrum faceret gratia? Hac ergo arrha freti nos esse filios Dei confidimus, quia naturalis Dei Filius sibi corpus de corpore nostro, carnem ex carne nostra, ossa ex ossibus aptauit, ut idem nobiscum esset. quod nobis proprium erat, suscipere grauatus non est, ut vicissim ad nos pertineret quod proprium ipse habebat: atque ita in commune ipse nobiscum & filius Dei esset & filius hominis. Hinc sancta illa fraternitas, quam ore suo commendat, ubi dicit,

Iohã. 10. d. 17 Ascendo ad Patrem meum & Patrem vestrum, Deum meum & Deum vestrum. Hac ratione certa nobis est regni cælestis hæreditas, quia vnicus Dei Filius, cuius in solidum propria erat, nos sibi fratres adoptauit. quia si fratres, ergo & hæreditatis consortes. Adhæc apprime

Rom. 8. c. 17 utile fuit hac etiam de causa verum esse Deum & hominem qui redemptor noster futurus esset. Eius erat mortem absorbere: quis hoc poterat nisi vita? Eius erat peccatum vincere: quis hoc poterat nisi ipsa iustitia? Eius erat mundi & aeris potestates profligare: quis hoc poterat nisi virtus & mundo & aere superior? Porro penes quæ vita est, aut iustitia, aut cæli imperium & potestas, nisi penes solum Deum? Sese ergo clementissimus Deus in persona vnigeniti Redemptorem nostrum fecit, dum nos redemptos voluit.

- 3 Alterum hoc nostræ cū Deo reconciliationis caput erat, ut homo, qui sua se inobedientia perdiderat, remedii loco obedientiam opponeret, iudicio Dei satisfaceret, pœnas peccati persolueret. Prodiit ergo verus homo Dominus noster, Adæ personam induit, nomē assumpsit, ut eius vices subiret Patri obediendo, ut carnem nostram in satisfactionis pretium iusto Dei iudicio sisteret: ac in eadē carne pœnam quam meriti eramus persolueret. Quū denique mortē nec solus Deus sentire, nec solus homo superare posset, humanam naturam cū diuina sociauit, ut alterius imbecillitatē morti subiiceret, ad expianda peccata: alterius virtute luctam cum morte suscipiens, nobis victoriā acquireret. Qui ergo Christum sua aut diuinitate, aut humanitate spoliant, eius quidem vel imminuunt maiestatem & gloriam, vel bonitatem obscurant. Sed non minus altera ex parte hominibus sunt iniurii, quorum fidem ita labefaciunt & euertunt: quæ nisi hoc fundamento nixa stare non potest. Adde quod sperandus fuit redemptor ille Abraham Davidisq; filius, quem in Lege & Prophetis Deus promiserat. vnde alterum fructum colligunt piæ mentes, quod ipsa originis specie ad Dauidem & Abraham perductæ, certius agnoscunt hunc esse Christum qui tot oraculis celebratus fuit. Sed illud quod nuper exposui, præcipuè tenendum est, communem naturam pignus esse nostræ cum Filio Dei societatis: carne nostra vestitum debellasse mortem cum peccato, ut nostra esset victoria & triumphus noster: carnem quam à nobis accepit, obtulisse in sacrificium, ut facta expiatione reatum nostrum deleret, & placaret iustam Patris iram.

- 4 His ut par est considerandis qui sedulo attentus erit, vagas speculationes facile negliget quæ leues spiritus & nouitatis cupidos ad se rapiunt: cuius generis est, Christum, etiam si ad redimendum humanum genus non fuisset opus remedio, futurum tamē fuisse hominem.

Fateor equidem, in primo creationis ordine & integro naturæ statu præfectum Angelis & hominibus fuisse caput. qua ratione dicitur à Paulo primogenitus omnis creaturæ. sed quum tota Scriptura clamet vestitum fuisse carne, ut fieret redemptor, aliam causam vel alium finem imaginari nimiam temeritatis est. Quorsum ab initio promissus fuerit Christus satis notum est: ut scilicet instauraret collapsum mundum, & perditis hominibus succurreret. Itaque sub Lege proposita fuit eius imago in sacrificiis, ut sperarent fideles Deum sibi propitium fore, postquam expiatis peccatis reconciliatus foret. Certè quum seculis omnibus, etiam Lege nondum promulgata, nunquam sine sanguine promissus fuerit Mediator, colligimus, aeterno Dei consilio purgandis hominum sordibus fuisse destinatum: quia piaculi signum est sanguinem fundi. Sic de eo concionati sunt Prophetæ, ut reconciliatorem Dei & hominum fore promitteret. Sufficiet pro omnibus vnum illud in primis

Iesa. 53. b. 45 celebre Iesaiæ testimonium, ubi prædicit percutiendum esse Dei manu propter scelera populi, ut castigatio pacis esset super eum: & Sacerdotem fore, qui se in victimam offerret: ex plagis eius fore aliis sanitatem: & quia omnes errarunt & instar ouium fuerunt dispersi, placuisse Deo illum affligere, ut omnium iniquitates ferret. Vbi ad opem miseris peccatoribus ferendam Christum diuinitus propriè addici audimus, quisquis has metas transilit, stultæ curiositati nimis indulget. Iam ubi prodiit ipse, hanc aduentus sui causam esse asseruit, ut

placato Deo nos à morte in vitā colligeret. Idem testati sunt de eo Apostoli. Sic Iohānes, antequā doceat Sermonem factum esse carnē, defectionē hominis narrat. Sed ipse ante omnes audiendus est de officio suo disserēs, Sic Deus dilexit mundū, inquit, vt Filiū suū vnigenitū daret: vt quisquis credit in eum nō pereat, sed habeat vitā æternam. Item, Venit hora vt mortui audiant vocē Filii Dei, & qui audierint viuant. Ego sum resurrectio & vita, qui credit in me, quanuis sit mortuus, viuet. Itē, Filius hominis venit ad seruādum quod perierat. Item, Sanis non opus est medico. Nullus esset finis si omnia referre vellem. Vno quidē consensu ad hunc fontem nos reuocant Apostoli: & certē nisi ad recōciliandum Deum venisset, concideret honor sacerdotii, quando ad deprecandū medius statuitur inter Deum & homines Sacerdos. non esset iustitia nostra, quia pro nobis victima factus est, vt nobis peccata Deus non imputer. Denique omnibus elogiis, quibus cū ornat Scriptura, spoliabitur. Cōcideret etiā illud Pauli, Quod impossibile erat Legi, Deū misisse Filiū suū, vt in similitudine carnis peccati pro nobis satisfaceret. Nec stabit quod alibi docet, in hoc speculo apparuisse Dei bonitatē, & immēsum amorē erga homines, dum Christus datus est redemptor. Denique nō aliū finem vbique assignat Scriptura cur carnē nostrā suscipere voluerit Dei Filius & hoc etiam mandatū à patre acceperit, nisi vt victima fieret ad Patrem nobis placandū. Ita scriptū est, atque ita oportuit Christum pati, & prædicari in nomine eius pœnitentiā. Propterea diligit me pater, quia animam meam pono pro ouibus: hoc mandatum dedit mihi, Sicut exaltauit Moses serpentem in deserto, ita oportet exaltari Filium hominis. Alibi, Pater serua me ex hac hora: sed propterea veni in hanc horam. Pater glorifica Filium. Vbi clare finem assumptæ carnis assignat, vt victima & piaculum fiat abolendis peccatis. Eadem ratione pronuntiat Zacharias, secundum promissionem datam patribus venisse: vt illuminet qui in vmbra mortis sedebāt. Hæc omnia meminerimus de Filio Dei prædicari, in quo alibi Paulus omnes scientiæ & sapientiæ thesauros absconditos esse testatur, & præter quem nihil se scire gloriatur.

Siquis excipiat, horū nihil obitare quominus idem Christus, qui damnatos redemit, restari etiam potuerit suum erga saluos & incolumes amorem, eorum carnem induendo: breuis responsio est, quum pronuntiet Spiritus, æterno Dei decreto coniuncta simul hæc duo fuisse, vt fieret nobis redemptor Christus, & eiusdem naturæ particeps, fas non esse longius inquirere. Nam quem titillat plus aliquid sciendi cupiditas, immutabili Dei ordinatione non contentus, ostendit etiam ne hoc quidem Christo, qui nobis in pretium redemptionis datus est, se contentum esse. Nec verò Paulus solū recitat quorsum missus fuerit, sed ad sublime prædestinationis mysterium conscendens, omnem humani ingenii lasciuia & pruritum opportunè compescit. Elegit nos in Christo Pater ante mundi creationē vt adoptaret in filios secundum propositum voluntatis suæ, & acceptos habuit in Filio dilecto, in quo habemus redemptionē per sanguinem eius. Hic certē non præsupponitur Adæ lapsus quasi tempore superior: sed quid ante secula statuerit Deus ostēditur, quum mederi vellet humani generis miseriæ. Si rursus obiiciat aduersarius, consilium hoc Dei pependisse ex hominis ruina quam præuidebat: mihi satis supérque est, impia audacia ad fingēdum nouum Christum prorumpere, quicumque sibi de Christo plus inquirere permittunt vel scire appetunt, quā Deus arcano suo decreto prædestinauit. Ac meritò Paulus, vbi de proprio Christi officio ita disseruit, precatur Ephesiis spiritum intelligentiæ, vt comprehendant quæ sit longitudo, sublimitas, latitudo & profunditas: nempe charitas Christi quæ omnem scientiam supereminet: ac si data opera cancellos mentibus nostris circumdaret, ne à gratia reconciliationis tantillum declinent quoties fit Christi mentio. Quare quum fidelis hic sermo sit, teste Paulo, Christum venisse vt peccatores saluos faceret: in eo libenter acquiesco. Et quum alibi doceat idem Apostolus gratiam quæ nunc per Euangelium manifestata est, datam nobis fuisse in Christo ante tempora secularia: ad finem vsque constanter in ea manendum statuo. Huic modestiæ iniquè obstrepit Osiander, qui hanc quæstionem à paucis antè leuiter motā, rursus hoc tempore infeliciter agitauit. Confidentia eos insinulat qui Filium Dei negant apparituum in carne fuisse, si non cecidisset Adam: quia nullo Scripturæ testimonio commentum hoc repudietur. Quasi verò peruersæ curiositati frenum non iniiciat Paulus, vbi de redēptione per Christū parta loquutus, mox iubet stultas quæstiones fugere. Eousque erupit quorundam vāsaniam, dum præposterè acuti videri appetunt, vt quærent an naturam asini assumere potuerit Dei filius. Hoc portentū, quod pii omnes tanquā detestabile meritò exhorrent, hoc prætextu excuset Osiander quod nusquam disertè in scriptura refellitur. Quasi verò dum nihil pretiosum aut dignum cognitu Paulus ducit præter Christum crucifixum, asinum salutis authorem admittat. Ergo qui

Ephes. i. d. 22

alibi Christum prædicat æterno Patris consilio in caput fuisse ordinatum ut omnia colligeret, nihilo magis alium agnosceret cui nullæ redimendi partes iniunctæ sint.

6

Quod autem iactat principium prorsus friuolum est. Hominem vult creatum esse ad imaginem Dei, quia formatus fuerit ad exemplar futuri Christi, ut illum referret quæ iam Pater carne vestire decreuerat. Unde colligit, si nūquam excidisset Adam à prima sua & integra origine, Christum tamen futurum fuisse hominem. Quàm istud & nugatorium sit & contortum, per se intelligunt omnes sano iudicio præditi. Interea primum se vidisse putat quid esset imago Dei, quod scilicet nō solum in dotibus eximiis, quibus ornatus fuerat, re- lucebat Dei gloria, sed essentialiter in eo habitabat Deus. Ego verò ut concedam imaginē Dei Adam gestasse quatenus Deo coniunctus erat (quæ vera est ac summa dignitatis perfectio) Dei tamen similitudinem non alibi quærendam esse contendo quàm in illis præstantiæ notis quibus Adam Deus insigniuerat præ aliis animantibus. Ac Christum quidem iam tunc fuisse imaginem Dei vno cōsensu fatentur omnes: & proinde quicquid excellentiæ insculptum ipsi Adæ fuit, inde manasse quod per vnigenitum filium ad opificis sui gloriam accederet. Ad imaginem ergo Dei conditus est homo, in quo suam gloriam creator ipse conspici quasi in speculo voluit. In hunc gradum honoris euectus fuit vnigeniti filii beneficio, sed addo filium ipsum tam Angelis quàm hominibus commune fuisse caput: ita ut quæ in hominem collata fuerat dignitas, ad Angelos quoque pertineret. Neque enim dum audimus vocari filios Dei, consentaneum esset negare inditum illis fuisse aliquid quo patrem referrent. Quod si tam in Angelis quàm in hominibus repræsentari suam gloriam & in vtraque natura conspicuam esse voluit, inscitè nugatur Osiander, Angelos fuisse tunc posthabitos hominibus, quia non gestarent Christi figuram. Neque enim præsentī Dei intuitu assidue frueretur, nisi ei essent similes: nec aliter docet Paulus renouari homines ad imaginem Dei, quàm si Angelis socientur, ut simul inter se cohæreant sub vno capite. Denique, si Christo creditur, hæc vltima erit nostra fœlicitas, vbi in celos erimus recepti, conformes esse Angelis. Quod si inferre Osiandro licet, primum imaginis Dei exemplar fuisse in Christo homine, eodem iure contendet quispiam Christum oportuisse fieri Angelicæ naturæ consortem, quia ad illos quoque pertineat imago Dei.

7

Non est igitur cur metuat Osiander Deum posse mendacem deprehendi nisi in eius mente prius fuisset de Filio incarnando decretum fixum & immutabile: quia si nō collapsa fuisset Adæ integritas, similis fuisset Deo cum Angelis: neque tamē propterea necesse fuisset Filium Dei fieri vel hominem vel Angelum. Frustra etiam absurdum illud metuit, nisi immutabili Dei consilio ante creatum hominem Christus fuisset nasciturus, non ut redemptor, sed ut primus homo, ne à sua prærogatiua excideret: quando iam non nisi per accidens natus esset, ut scilicet instauret perditū genus humanū: ut inde inferat, creatū igitur fuisse ad imaginē Adæ. Cur enim horrebit quod tam apertè docet Scriptura, similē nobis fuisse factū per omnia, excepto peccato: vnde & Lucas filium Adæ in genealogia censere non dubitat. Scire etiā velim cur à Paulo Christus vocetur secundus Adā, nisi quia destinata ei fuit humana conditio, ut ex ruina erigeret Adæ posteros. Nam si creationem ordine illa præcessit, dicendus fuit primus Adam. Securè affirmat Osiander, quia iam Christus homo præcognitus erat in mente Dei, homines ad hoc exemplar fuisse formatos. Paulus autem secundum Adam nominans, inter primam hominis originem & restitutionem quam per Christum consequimur, mediam statuit defectionem, ex qua naturæ in pristinum ordinem reformandæ necessitas. vnde sequitur, eandem Filio Dei nascēdi fuisse causam, ut homo fieret. Interea malè & insulsè ratiocinatur Osiander, Adam, quandiu integer steterisset, futurum imaginē fuisse sui ipsius, nō Christi. Respōdeo ex opposito, quia etsi nunquā induisset carnē Dei Filius, fulgebat nihilominus & in corpore & in anima eius imago Dei: in cuius radiis semper apparuit, Christū esse verè caput, & primatū tenere in omnibus. Atque ita soluitur futilis argutia, quā ventilat Osiander, carituros fuisse Angelos hoc capite nisi Deo propositū fuisset Filiū suum carne vestire, etiam citra Adæ culpā. Nimis enim inconsideratè arripit quod nemo sanus cōcedet, Christo non cōpetere primatū in Angelos, ut fruatur eo principe, nisi quatenus est homo. Atqui facilè elicitur ex Pauli verbis, quatenus æternus est Dei sermo, primogenitū esse omnis creaturæ, non quod creatus sit, vel numerari inter creaturas debeat: sed quia integer mundi status, qualis ab initio fuit summa pulchritudine insignis, non aliud principium habuit: deinde quatenus homo factus est, primogenitum esse ex mortuis. Vtrunque enim vno & breui contextu cōsiderandum proponit Apostolus, per Filium creata fuisse omnia, ut Angelis dominetur: & hominē esse factū ut redemptor esse inciperet. Eiusdē inscitia est quod homines dicit carituros fuisse Christo rege, nisi homo fuisset. Quasi verò non potuerit constare regnū Dei, si æternus Dei Filius, licet non indutus humana car

Gen. i. d. 17

Psal. 82. a. 6

Colos. 3. b. 10

Heb. 4. d. 15

Luc. 3. g. 38

1. Cor. 15. f. 47

Colos. 1. b. 15

Colos. 1. c. 18

1. Ioh. 1. c. 16

ne, Angelis & hominibus in societatem celestis gloriæ suæ & vitæ collectis, primatum ipse tenuisset. Sed in hoc falso principio semper hallucinatur, vel sibi præstigias facit, Ecclesiam fuisse ἀνάπαυον futurā, nisi apparuisset in carne Christus. Quasi verò sicuti eo capite fruebantur Angeli, non etiam diuina sua virtute præesse hominibus potuerit, & arcana virtute Spiritus sui vegetare ipsos & fouere, instar corporis sui, donec in cælum collecti eadem cum Angelis vita fruerentur. Quas hæcenus refutaui nãtias, pro firmissimis oraculis ducit Osiander, nempe vt suarum speculationum dulcedine inebriatus, ridiculos pãanas de nihilo efflare solet. Vnum verò postea dicit longè firmitus se afferre, prophetiam Adæ scilicet, qui vxore sua conspecta dixit, Hoc nunc os ex ossibus meis, & caro de carne mea. Vnde autem prophetiam esse euincit? nempe quia eundem sermonem Christus apud Matthæum Deo tribuit. Quasi verò quicquid per homines loquutus est Deus, vaticinium aliquod contineat. Vaticinia in singulis Legis præceptis quærat Osiander, quæ à Deo authore profecta esse constat. Adde quòd rudis & terrenus fuisset Christus in literali sensu subsistēs. Quia non de mystica vnione qua Ecclesiam dignatus est differit, sed tantum de fide coniugali: ob hanc causam Deum pronuntiasse docet, virum & vxorem fore carnem vnā, ne insolubile illud vinculum quisquam diuortio violare tentet. Hæc simplicitas si Osiandro sordet, Christum reprehendat, quia discipulos ad mysterium non traduxerit, Patris dictum subtilius interpretando. Nec verò eius delirio suffragatur Paulus, qui vbi dixit nos esse carnem de carne Christi, mox adiūgit, magnum hoc esse mysterium. Neque enim quo sensu hoc protulerit Adam referre voluit, sed sub figura & similitudine coniugii sacram coniunctionem proponere, quæ nos vnum cum Christo facit. & hoc verba sonant: quia se de Christo & Ecclesia hoc dicere admonens, correctionis loco à lege coniugii discernit spirituales Christi & Ecclesiæ coniunctionem. Quare facillè euanescit hæc futilitas. Nec verò mihi necesse arbitror similes quisquiliis discutere: quia ex breuissima hac refutatione deprehendetur omnium vanitas. Hæc quidem sobrietas filius Dei solidè pascendis abundè sufficiet, quum venit plenitudo temporum, missum fuisse Filium Dei factum ex muliere, factum sub Lege, vt eos qui sub Lege erant redimeret.

Gen. 2. d. 23

Ephes. 5. g. 30

Galat. 4. a. 4

Christum veram humanæ carnis substantiam induisse.

CAP. XIII.



DE Christi diuinitate, quæ alibi claris & firmis testimoniis probata est, nunc iterum differere superuacuum, nisi fallor, esset. Videndum igitur restat quomodo carne nostra indutus Mediatoris partes impleuerit. Ac humanæ quidem naturæ veritas olim tam à Manichæis quàm à Marcionitis impugnata est: quorum hi quidem spectrum pro Christi corpore sibi fingeant, illi autem celesti carne præditum somniabant. Sed vtrisque Scripturæ testimonia & multa & valida resistunt. Non enim vel in celesti semine, vel in hominis larua benedictio promittitur, sed in semine Abraham & Iacob. neque homini aereo promittitur thronus æternus, sed Davidis filio, & fructui ventris eius. vnde & in carne exhibitus, filius vocatur Davidis & Abraham: non ideo tantum quòd ex Virginis vtero natus sit, in aere autem creatus: sed quia (Paulo interprete) secundum carnem factus sit ex Davidis semine: sicut alibi docet idem Apostolus eum descendisse ex Iudæis. Quamobrem Dominus ipse non contentus hominis nomine, filium quoque hominis subinde se appellat, clarius exprimere volens se hominem esse ex hominis semine verè progenitum. Quum Spiritus sanctus toties per tot organa, tantæque diligentia & simplicitate rem per se non abstrusam enarrauerit, quis cogitasset tanta vlllos mortales impudentia fore qui officias adhuc spargere audeant? Et tamen alia etiamnum testimonia ad manum se offerunt, si congerere plura libeat. quale est illud Pauli, Deum misisse Filium suum factum ex muliere: & innumera, quibus fami, siti, frigori, aliisque naturæ nostræ infirmitatibus obnoxium fuisse constat. At ex multis diligenda sunt ea potissimè quæ animis in vera fiducia ædificandis conducere queant: vt quum dicitur Angelis nequaquam tantum honoris detulisse, vt eorum naturam assumeret: sed nostram assumpsisse, vt in carne & sanguine per mortem destrueret eum qui potiebatur mortis imperio. Item, eius communicationis beneficio nos fratres eius censeri: Item, debuisse fratribus similem fieri, vt misericors esset ac fidelis intercessor: nos Pontificem non habere qui non possit compati infirmitatibus nostris: & similia. Eodè pertinet quod paulo antè attigimus, oportuisse in carne nostra expiari peccata mundi, quod à Paulo clarè asseritur. Ac certè ideo ad nos pertinet quicquid Christo cõtulit Pater, quia caput est ex quo totum corpus per iuncturas connexum simul coalescit. Imò non aliter conueniet quòd dicitur, Spiritum ei datum esse absque mensura, vt de plenitudine eius hauriamus omnes:

Gen. 17. a. 2.
12. d. 18. 26. a. 4
Psal. 45. b. 7
Matth. 1. a. 1Rom. 1. a. 3
Ibidem. 9. a. 5

Galat. 4. a. 4

Heb. 2. d. 16

Ibidem. 1. c. 11,
& d. 17
Ibidem. 4. d. 15

Rom. 8. a. 3

Iphes. 4. d. 16

Iohan. 1. b. 16

- quādo nihil absurdius quā Deum in sua essentia aduētio dono locupletari. Hac etiam ratione dicit alibi Christus ipse, Ego propter eos sanctifico meipsum.
- Iohā. 17. c. 19** 2 Quos verò in erroris sui confirmationem locos proferunt, nimis ineptè contorquent: nec quicquam friuolis argutiis proficiunt, vbi diluere conantur quæ iam ex parte nostra adduxi. Marcion phantasma pro corpore Christum induisse imaginatur: quia dicatur alicubi in similitudinem hominis factus, & figura compertus vt homo. Sed ita minimè expendit quid illic agat Paulus. non enim quale sibi corpus sumpserit Christus vult docere: sed quum iure diuinitatem suam exerere posset, nihil præ se tulisse nisi quod erat abiecti contemptique hominis. Nam, vt eius exemplo nos hortetur ad submissionem, ostēdit, quum Deus esset, potuisse mundo gloriam suam conspicuam statim proponere: cessisse tamen iure suo, & sponte seipsum exinanisse: quia scilicet imaginem serui induit, & ea humilitate cōtentus, carnis velamine suam diuinitatem abscondi passus est. Hic certè non docet quid fuerit Christus, sed qualiter se gesserit. Quinetiam ex toto contextu facilè colligitur, in vera hominis natura exinanitum fuisse Christum. Quid enim hoc sibi vult, figura repertum fuisse tanquam hominem, nisi quia ad tempus non resplenduit diuina gloria, sed tantum in vili & abiecta conditione apparuit humana species? Nec verò aliter constaret illud Petri, mortuum fuisse carne, viuificatum spiritu, nisi infirmus fuisset Filius Dei in hominis natura. Quod Paulus clarius explicat, passum fuisse asserēs pro carnis infirmitate. Atque huc pertinet exaltatio, quia disertè nouam gloriam adeptus fuisse dicitur Christus, postquam seipsum exinaniuit. quod aptè non quadraret nisi in hominem carne & anima præditum. Manichæus aereum fabricatur corpus, quia vocetur Christus secundus Adam de cælo cælestis. At neque illic essentiam corporis cælestem inducit Apostolus, sed vim spiritualem, quæ à Christo diffusa nos viuificat. Porro eam, vt vidimus, Petrus & Paulus ab eius carne separant. Quin potius ex eo loco egregiè stabilitur quæ inter orthodoxos de Christi carne viget doctrina. Nisi enim vnā haberet nobiscum corporis naturā Christus, inanis esset ratiocinatio quam tanta vehemētia Paulus prosequitur, Si Christus resurrexit, nos quoque resurrecturos: si non resurgimus, neque Christum resurrexisse. Quibuscunque cauillis elabi conentur siue Manichæi veteres, siue recētes eorum discipuli, non se expediunt. Putidum est effugium, quod nugantur Christum dici Filium hominis quatenus ab hominibus promissus est. siquidem palam est, Hebraico more vocari filium hominis verum hominem. Christus verò haud dubiè phrasin linguæ suæ retinuit. Quid etiam per filios Adam intelligi conueniat, extra cōtrouersiam esse debet. Ac (ne lōgius abeamus) locus Psalmi octauī, quem ad Christum Apostoli accommodant, abunde sufficiet, Quid est homo, quod memor es eius, aut filius hominis, quod visitas eum? Hac figura exprimitur vera Christi humanitas: quia etsi non fuerit ex patre mortali immediatè genitus, origo tamen eius ex Adam fluxit. Nec verò aliter staret quod iam citauimus, Christum participem factum carnis & sanguinis, vt pueros sibi aggregarēt ad obsequium Dei. quibus verbis aperte Christus eiusdem nobiscum naturæ socius & consors statuitur. Quo etiam sensu dicit ex vno esse authorem sanctitatis, & eos qui sanctificantur. Nam id referri ad naturæ societatem ex contextu euincitur: quia mox subiicit, Ideo non erubescit eos vocare fratres. Si enim prius dixisset fideles ex Deo esse, in tanta dignitate quænam esset erubescentiæ ratio? Sed quia pro immensa gratia ad sordidos & ignobiles se aggregat Christus, ideo dicitur nō erubescere. Frustra autem obiectant, impios hoc modo fore Christi fratres: quia scimus Filios Dei non ex carne & sanguine, sed ex Spiritu nasci per fidem. Proinde fraternam coniunctionem non facit sola caro. Tamen autem Apostolus hunc honorem assignat solis fidelibus, quod ex vno sint cum Christo, non tamen sequitur quominus ex eodem fonte nascantur increduli. quemadmodum vbi dicimus Christum factum esse hominem vt nos faceret Dei filios, non extenditur hæc loquutio ad quoslibet: quia fides media interponitur, quæ nos in Christi corpus spiritualiter inserit. De primogeniti etiam nomine rixam inscitè mouent. Causantur Christum debuisse ex Adam nasci statim ab initio, vt primogenitus esset inter fratres. Primogenitura enim non ad ætatem, sed ad gradum honoris & virtutis eminentiam refertur. Nihilō etiam plus coloris habet quod garriunt Christum hominem assumpsisse, non Angelos, quia in gratiam receperit humanum genus. Nam vt amplificet honorem quo nos Christus dignatus est, Angelos nobis comparat, qui posthabiti fuerunt hac in parte. Ac, si probè expenditur Mosis testimonium, vbi semen mulieris dicit contritum caput serpentis, litem prorsus decideret. Neque enim de vno duntaxat Christo illic sermo habetur, sed de toto humano genere. Quoniam acquirenda nobis erat à Christo victoria, generaliter pronūtiat Deus posteros mulieris superiores fore Diabolo. Vnde sequi-
- Philip. 2. a. 7**
- 1. Pet. 3. d. 18**
- 2. Cor. 13. b. 4**
- 1. Cor. 15. f. 47**
- 2. Cor. c. 16**
- Heb. 1. d. 14**
- Ibidē. 2. c. 11**
- Rom. 8. f. 19**
- Heb. 2. d. 16**
- Gen. 3. c. 15**

sur, Christum ex humano genere esse progenitum: quia consilium Dei est, Eum quam alloquitur, bona spe erigere, ne merore succumbat.

3 Testimonia ubi Christus semen Abraham & fructus ventris Davidis vocatur, non minus stultè quam improbè allegoriis inuoluunt. Nam si allegoricè positum esset nomen feminis, Paulus certè hoc non tacuisset, ubi clarè & sine figura affirmat non esse plures Abraham filios redemptores, sed vnum Christum. Eiusdem est farina, quod obtinent non aliter vocari Davidis filium nisi quia promissus fuerat, & suo demum tempore fuit exhibitus. Postquam enim Filium Dei nominavit Paulus, continuo post subiiciens, Secundum carnem, naturam certè designat. Sic & nono cap. Deum benedictum prædicans, seorsum ponit, secundum carnem ex Iudæis descendere. Iam nisi verè genitus esset ex semine Davidis, quid valebit ista locutio, fructum esse ventris eius? Quid promissio ista? Ex lumbis tuis descendet qui manebit in solio tuo. Porro in Christi genealogia, qualis refertur à Matthæo, sophisticè ludunt. etsi enim non recenset Mariæ parentes, sed Iosephi: quia tamè de re tunc vulgò còperta verba facit, satis habet ostendere Iosephum ex Davidis semine ortum esse, quum satis còstaret Mariam ex eadem esse familia. Magis etiam urget Lucas, salutem à Christo allatam toti generi humano communem esse docens: quia Christus author salutis ex Adam communi omnium patre sit progenitus. Fateor equidem ex genealogia non aliter colligi Christum esse filium Davidis, nisi quatenus ex Virgine progenitus est: sed nimis superbè noui Marcionitæ fucandi erroris sui causa, nempe ut Christum de nihilo corpus sumpsisse euincant, mulieres contendunt esse *αἰσχροί*: atque ita euertunt naturæ elementa. Quoniam autem theologica non est hæc disputatio, & rationum quas adducunt ea est futilitas quæ nullo negotio refelli queat, quæ philosophiæ sunt & artis medicæ non attingam: ac diluere satis erit quæ ex Scriptura obiciunt, nempe Aaron & Ioïadah duxisse uxores ex tribu Iehudah, atque ita confusam tunc fuisse tribuum discretionem, si inesset mulieri generatiuum semen. Atqui satis notum est, quantum ad politicum ordinem spectat, censeri progeniem ex virili semine: neque tamen præstantiam sexus obstare quominus in generando coeat semen mulieris. Hæc quoque solutio ad omnes genealogias extenditur. Sæpe ubi catalogum hominum recenset Scriptura, solos viros nominat: an ideo dicendum est mulieres nihil esse? Imò pueris ipsi notum est eas sub viris comprehendere. Hac ratione dicuntur foemina parere suis maritis, quia familiæ nomen penes masculos semper residet. Iam sicuti virilis sexus præstantiæ hoc conceditur ut ex patrum conditione nobiles censeantur filii vel ignobiles: ita etiam in seruitute partus ventrem sequitur, secundum iurisconsultos. Vnde colligere licebit ex materno semine foetum procreari. & communi gentium usu pridem receptum fuit matres vocari genitrices: cui & Lex Dei consentit, quæ perperam alioqui coniugium auunculi cum nepte sua vetaret: quia nulla esset consanguinitas. Viro etiam fas esset sororem vterinam in coniugium accipere, modò ex altero patre esset genita. Sicuti autem fateor vim passiuam adscribi mulieribus, ita respondeo de illis promiscuè idem prædicari quod de viris. Neque enim Christus ipse dicitur factus per mulierem, sed ex muliere. Ac quidam ex eorum caterua, excusso pudore, nimis proteruè quærunt an dicere velimus ex semine menstruali Virginis procreatum esse Christum. quia vicissim excipiam, annon coaluerit in matris sanguine, quod fateri cogentur. Aptè ergo ex Matthæi verbis conficitur, quia ex Maria genitus est Christus, procreatum esse ex eius semine, sicuti quum dicitur Booz genitus ex Rahab, similis notatur generatio. Nec verò Matthæus hinc Virginem quasi canalè describit, per quem fluxerit Christus: sed hunc mirificum generandi morem à vulgari discernit, quod per eam ex semine Davidis genitus fuerit Christus. Eadem enim ratione qua Isaac ex Abraham, Solomo ex Dauide, Ioseph ex Iacob, similiter Christus ex matre genitus esse dicitur. Sermonis enim seriem ita Euangelista contextit: & probare volens Christum originem ducere à Dauide, hoc vno còtentus est, ex Maria esse genitum. Vnde sequitur, pro còfesso sumpsisse, Mariam fuisse consanguineam Ioseph.

4 Absurda quibus nos grauare volunt, puerilibus calumniis sunt referta. Turpe & probrosum Christo esse ducunt si ex hominibus originem traxerit: quia non potuerit à communi lege eximi, quæ totam Adæ sobolem absque exceptione sub peccato includit. Atqui hunc nodum facile soluit antithesis quæ apud Paulum legitur, Sicuti per vnum hominem peccatum, & per peccatum mors: ita per iustitiam vnius hominis abundauit gratia. Cui & altera respondet, Prior Adam è terra terrenus & animalis, secundus è cælo cælestis. Itaque alibi idem Apostolus Christum in similitudine carnis peccati missum fuisse docens, ut Legi satisfaceret, eum discretè à communi sorte separat, ut sit absque vitio & corruptela verus homo. Pueriliter autem nugantur, si ab omni macula immunis est Christus, ac per arcanam

Spiritus operationem genitus fuit ex semine Mariæ. non esse igitur impurum semen mulieris, sed viri duntaxat. Neque enim immunem ab omni labe facimus Christum, quia tantum ex matre sit genitus absque viri concubitu, sed quia sanctificatus est à Spiritu, ut pura esset generatio & integra, qualis futura erat ante Adæ lapsum. Ac omnino fixum hoc nobis manet, quoties de Christi puritate nos admonet Scriptura, notari veram hominis naturam: quia superuacuum esset dicere purum esse Deum. Sanctificatio etiam de qua loquitur Iohannis 17, in natura diuina locum non haberet. Nec verò duplex fingitur Adæ semen, quanuis nulla ad Christum contagio peruenerit: quia hominis generatio per se immunda aut vitiosa non est, sed accidentaliter ex lapsu. Proinde nihil mirum si Christus, per quem restituenda erat integritas, à vulgari corruptione exemptus fuerit. Quod etiam pro absurdo nobis obtrudunt, si Sermo Dei carnem induit, fuisse igitur angusto terreni corporis ergastulo inclusum, mera est procacitas. quia etsi in vnam personam coaluit immensa Verbi essentia cum natura hominis, nullam tamen inclusionem fingimus. Mirabiliter enim è cælo descendit Filius Dei, ut cælum tamen non relinqueret: mirabiliter in vtero Virginis gestari, in terris versari, & in cruce pèdere voluit, ut semper mundum impleret, sicut ab initio.

Quomodo duarum naturarum Mediatoris efficiant personam.

CAP. XIIII.

Iohan. 1. b. 14



PORRO quod dicitur Verbum carnem esse factum, non sic intelligendum est quasi vel in carnem versum, vel carni confusè permixtum fuerit: sed quia è Virginis vtero templum sibi delegit in quo habitaret, & qui Filius erat Dei, filius hominis factus est: non confusione substantiæ, sed vnitæ personæ. Siquidem ita cõiunctam vnitamque humanitati diuinitatem asserimus, ut sua utrique naturæ solida proprietas maneat, & tamen ex duabus illis vnus Christus cõstituat. Siquid in rebus humanis tanto mysterio simile potest reperiri, hominis similitudo appositissima videtur, quem ex duabus substantiis conspiciamus constare: quarum neutra tamen sic alteri permixta est, ut non retineat naturæ suæ proprietatem. Neque enim aut anima corpus, aut corpus anima est. Quare & de anima seorsum dicitur quod in corpus nullo modo cadere potest: & de corpore rursus, quod nulla ratione animæ conueniat: de toto homine, quod nec de anima seorsum, nec de corpore, nisi ineptè, accipi possit. Postremò animi propria transferuntur ad corpus, & propria corporis ad animam. qui tamen iis constat, vnus homo est, non plures. Huiusmodi verò loquendi formulæ & vnam esse in homine personam ex duabus connexis compositam significant, & duas subesse diuersas naturas quæ hanc cõstituant. Ita & de Christo Scripturæ loquuntur. attribuunt illi interdum quæ ad humanitatem singulariter referri oporteat: interdum quæ diuinitati peculiariter cõpetant: nõ nunquã quæ vtrâque naturam cõplectantur, neutri seorsum satis cõueniant. Atque istam quidem duplicis naturæ coniunctionem, quæ in Christo subest, tanta religione exprimunt, ut eas quandoque inter se communicent. qui tropus veteribus ἰστοριῶν καὶ νομῶν dictus est.

2

Ioh. 8. g. 58

Hæc parum firma essent nisi plurimæ & passim obuiæ Scripturæ phrasæ probarent nihil eorum fuisse humanitus excogitatum. Quod de se ipse dicebat Christus, Antequam Abraham fieret, ego sum, longè ab humanitate alienum erat. Nec me latet quo cauillo deprauent locum hunc erronei spiritus, nempe superiorem fuisse omnibus sæculis, quia iam tunc præcognitus fuit Redemptor tam in Patris consilio, quàm in mentibus piorum. Sed quã apertè diem manifestationis ab æterna essentia distinguat, & ex professo ab antiquitate imperium sibi conciliet, quo excellat supra Abraham, sibi haud dubiè vendicat quod diuinitatis est proprium. Quod primogenitum Paulus asserit vniuersæ creaturæ, qui ante omnia extiterit, & per quem omnia consistant: quod etiam se prædicat gloriosum fuisse apud Patrem ante mundum cõditum, sc̃que vnà cum Patre operari, nihilo magis homini cõpetit. Hæc igitur & similia peculiariter diuinitati attribui certum est. Quod autè seruus Patris vocatur, quod creuisse narratur ætate & sapientia apud Deum & homines, quod gloriam suam non quærere, nescire diem vltimū, à seipso nõ loqui, nõ facere voluntatē suam, visus & palpatus fuisse dicitur, solius humanitatis id totum est. Siquidem quatenus Deus est, nec augeri vlla re potest, & omnia propter se operatur, nec quicquam eum latet: agit omnia pro suæ voluntatis arbitrio, & est inuisibilis ac impalpabilis. Neque tamen hæc humanæ tantum suæ naturæ seorsum adscribit, sed in seipsum recipit quasi Mediatoris personæ conueniant. Cõmunicatio autem idiomatum siue proprietatum est quod dicit Paulus Deum suo sanguine acquisiuisse sibi Ecclesiam, & Dominum gloriæ crucifixum. Item quod dicit Iohannes, palpatum fuisse Sermonem vitæ. Deus certè nec sanguinem habet, nec patitur, nec manibus tangi potest. sed quoniam is qui verus erat Deus & homo Christus sanguinē suum pro nobis crucifixus fudit, quæ in humana eius natura peracta sunt,

Coloss. 1. b. 15

Iohan. 17. a. 5

Iohan. 5. c. 17

Iesa. 42. a. 1,

& aliis locis.

Luc. 2. g. 52

Iohan. 8. f. 50

Marc. 13. d. 32

Ioh. 14. b. 10,

& 6. d. 38

Luc. 24. f. 39

Act. 20. f. 28

1. Cor. 2. b. 6

1. Iohan. 1. a. 1

ad diuinitatem improprie, licet non sine ratione, transferuntur. Simile est exemplum, vbi Iohannes docet Deum posuisse animam suam pro nobis. Ergo & illic humanitatis proprietas cum altera natura communicatur. Rursum quum diceret Christus adhuc in terris agens, neminem in cælum ascendisse nisi Filium hominis qui in cælo erat, certè tunc secundum hominem & in carne quam induerat non erat in cælo, sed quia ipse idem erat Deus & homo, propter duplicis naturæ vnionem alteri dabat quod erat alterius.

1. Ioh. 3. e. 16

Iohan. 3. b. 13

3 Sed omnium clarissimè veram Christi substantiam enarrant loci qui vtrunque simul naturam comprehendunt, quales in Euangelio Iohannis extant quamplurimi. siquidem nec deitatis singulare, nec humanitatis fuit, sed vtriusque simul quod illic legitur, potestatem accepisse à Patre remittendi peccata, suscitandi quos velit, iustitiam, sanctitatem, salutem largiendi: præfectum esse iudicem viuus & mortuis, vt honoretur quemadmodum & Pater. Denique quod lux mûdi, pastor bonus, vnicum hostium, vitis vera nuncupatur. Huiusmodi enim prærogatiuis Dei Filius, quum in carne manifestatus est, præditus fuit: quas etsi ipse vnà cum Patre ante mundum conditum obtinebat, non tamen eodem modo vel respectu: & quæ homini qui nihil quàm homo esset, dari non poterat. In eundem quoque sensum accipere conuenit quod apud Paulum habetur, Christum peracto iudicio redditurum esse regnum Deo & Patri. Regnum sanè Filii Dei quod initium nullum habuit, neque finem habiturum est: sed quo modo sub carnis humilitate delituit, & seipsum exinanivit accepta serui forma, depositaque maiestatis specie, Patri se obedientem præstitit, ac eiusmodi subiectione defunctus. tandem gloria & honore coronatus est, atque euectus in summum imperium, vt coram ipso flectatur omne genu: ita tunc & nomen ipsum & coronam gloriæ, & quicquid à Patre accepit Patri subiiciet, vt sit Deus omnia in omnibus. Quorsum enim data ei potestas est, ac imperium, nisi vt per eius manum Pater nos gubernet? Quo etiã sensu dicitur ad Patris dexteram sedere. Hoc verò temporale est, donec præsentis diuinitatis aspectu fruamur. Atque hic excusari non potest veterum error, qui dum ad Mediatoris personam non attendunt, totius ferè doctrinæ quæ in Euangelio Iohannis legitur, genuinum obscurant sensum, seque implicant multis laqueis. Sit igitur nobis hæc rectæ intelligentiæ clauis, neque de natura diuina, neque de humana simpliciter dici quæ ad Mediatoris officium spectant. Regnabit ergo Christus donec prodierit mûdi iudex, quatenus pro infirmitatis nostræ modulo Patri nos coniungit. Vbi autem consortes cælestis gloriæ Deum videbimus qualis est, tunc perfunctus Mediatoris officio, desinet Patris legatus esse, & ea gloria contentus erit qua potiebatur ante mundum conditum. Nec alio respectu peculiariter in Christi personam competit Domini nomen, nisi quatenus medium gradum statuit inter Deum & nos. Quò pertinet illud Pauli, Vnus Deus ex quo omnia, & vnus Dominus per quem omnia: nepe cui temporale imperium à Patre mandatum est, donec facie ad faciem conspicua sit diuina eius maiestas. cui adeo nihil decedet, imperium Patri reddendo, vt longè clarior emineat. Nam & tunc desinet caput Christi esse Deus, quia Christi ipsius deitas ex se ipsa fulgebit, quum adhuc velo quodam sit obiecta.

Iohann. 1. d. 19

Ibidem 5. d. 21

22. 23

Ibidem 9. a. 5

Ibidem 10. b.

9. 11

Ibidem 15. a. 1

1. Cor. 15. c. 24

Philip. 2. b. 8

Heb. 2. a. 6

Phil. 2. b. 10

1. Cor. 15. d. 28

1. Cor. 8. b. 6

4 Atque hæc obseruatio ad soluendos quamplurimos nodos non paruo vsui futura est, si eam scitè accommodent lectores. Mirum enim quantum rudes, imò quosdam etiam non prorsus indoctos torqueant eiusmodi formulæ, quas vident Christo attribui, neque diuinitati eius, neque humanitati satis aptas. quia non considerant eius personæ in qua Deus & homo manifestatus est, & Mediatoris officio congruere. Ac omnino videre est, quàm pulchrè inter se hæreant singula, si modò sobrium habeant interpretem, qui tanta mysteria qua decet religione examinet. Verum nihil est quod furiosi & phrenetici spiritus non perturbent. Arripiunt attributa humanitatis, ad tollendam diuinitatem: diuinitatis rursum, ad tollendam humanitatem. quæ verò de vtraque natura sic coniunctè dicta sunt vt neutri conueniant, ad tollendam vtrunque. Id verò quid aliud est, quàm contendere Christum non esse hominem, quia Deus est: non esse Deum, quia homo est: nec hominem nec Deum esse, quia & homo simul & Deus est? Christum ergo, vt Deus est & homo, vnitis, licet non confusis, naturis constans, Dominum nostrum verumque Dei Filium esse constituimus, etiam secundum humanitatem: etsi non ratione humanitatis. Procul enim abigendus est à nobis Nestorii error, qui dum naturam distrahere potius quàm distinguere volebat, duplicem Christum ita comminiscebatur. quādo Scripturam videmus clara voce reclamare, vbi & Filii Dei nomē inditur ei qui de virgine nascitur, & virgo ipsa, mater Domini nostri appellatur. Cauendum & ab Eutychniana insania, ne dum volumus personæ vnitatem demonstrare, vtrunque naturam destruamus. Tot enim iam citauimus testimonia, vbi ab humanitate distinguitur diuinitas, & tot alia passim extant, vt

Aug. in Enchir. ad Laur cap. 36

Luc. 1. c. 32

Ibidem d. 43

vel contentiosissimis possint os obstruere. Et paulo post nonnulla subiiciam quæ figmentum illud melius discutiant. Nobis in præsentia satis erit locus unus. neque enim templum Christus vocasset corpus suum, nisi distinctè in eo habitaret diuinitas. Quare ut meritò in Ephefina synodo damnatus fuerat Nestorius, ita & postea in Constantinopolitana ac Chalcedonenfi Eutyches: quando non magis confundere duas in Christo naturas licet quàm distrahere.

5 Verum nostro quoque seculo emerfit non minus exitiale monstrum Michael Seruetus, qui figmentum ex Dei essentia, spiritu, carne & tribus elementis increatis conflatum pro Filio Dei supposuit. Ac primò quidem negat Christum alia ratione Dei Filium esse nisi quatenus in utero Virginis genitus est ex Spiritu sancto. Huc autem tendit vafrities, ut euerfa duplicis naturæ distinctione, Christus aliquid sit ex Deo & homine permixtum, neque tamen Deus & homo censeatur. Toto enim progressu huc incumbit, antequam patefactus fuerit Christus in carne, umbratiles tantum fuisse in Deo figuras: quarum tunc demum extitit veritas aut effectus quum verè incepit esse Filius Dei Sermo ille qui ad hunc honorem destinatus fuerat. Et nos quidem fatemur Mediatorem, qui ex Virgine natus est, propriè esse Dei Filium. Nec verò speculum esset inæstimabilis Dei gratiæ homo Christus nisi in eum collata esset hæc dignitas ut sit ac vocetur vnigenitus Dei Filius. Fixa tamen interim manet Ecclesiæ definitio, censeari Dei Filium, quia Sermo ante secula ex Patre genitus, vnione hypostatica naturam humanam suscepit. Porro vnio hypostatica veteribus dicta est, quæ personam vnā constituit ex naturis duabus. quæ loquutio ad refellendum Nestorii delirium inuēta fuit: quia Filium Dei fingeat ita habitasse in carne, ut non idem ille esset homo. Duplicem nos facere Dei Filium calumniatur Seruetus, quum dicimus æternum Sermonem, antequam carne vestitus esset, iam fuisse Dei Filium: ac si aliud diceremus quàm manifestatum fuisse in carne. Neque enim si Deus fuit antequam homo fieret, ideo nouus esse Deus incepit. Nihilò absurdius est, in carne apparuisse Dei Filium, qui tamen ab æterna genitura semper hoc habuit ut Filius esset. Quod subindicant Angeli verba ad Mariam, Quod nascetur ex te sanctum, vocabitur Filius Dei, ac si diceret Filii nomen, quod obscurius fuerat sub Lege, celebre fore & passim notum. Cui respondet illud Pauli, quia nunc per Christum sumus filii Dei, liberè & cum fiducia clamare Abba, Pater. Annon olim quoque sancti Patres habiti fuerunt inter Dei filios: Imò hoc iure freti Deum inuocarunt Patrem. Sed quia ex quo in mundum productus est vnigenitus Dei Filius, clarius innotuit cælestis paternitas, hoc quasi priuilegium assignat Paulus Christi regno. Hoc tamen constanter tenendum est, nunquam vel Angelis vel hominibus Deum fuisse patrē nisi vnigeniti Filii respectu: præsertim homines, quos propria iniquitas Deo exosos reddit, gratuita adoptione esse filios: quia ille est natura. Nec est quòd obstrepat Seruetus, pendere hoc à filiatione quam Deus apud se decreuerat: quia hinc nō agitur de figuris, qualiter expiatio in sanguine pecudū ostensa fuit: sed quum re ipsa filii Dei esse nō potuerint nisi in capite fundata esset eorum adoptio, detrachere capiti quod membris commune fuit, ratione caret. Ultra progredior: quum Angelos vocet Scriptura Dei filios, quorum tanta dignitas à futura redemptione non pēdebat: Christum tamen ordine præire necesse est qui Patrem illis conciliat. Breuiter iterum repetam, & idem addam de genere humano. Quum à primæ origine conditi hac lege fuerint tam Angeli quàm homines ut Deus communis vtriusque esset Pater, si verum est illud Pauli, semper Christum fuisse caput, & primogenitum omnis creaturæ, ut primatum in omnibus teneret: rite mihi colligere videor, filium quoque Dei fuisse ante mundi creationem.

6 Quòd si principium habuit eius filiatio (ut ita loquar) ex quo in carne patefactus est, sequetur Filium humanæ quoque naturæ respectu fuisse. Volunt Seruetus & similes phrenetici Christum, qui in carne apparuit, esse Dei Filium: quia extra carnem non potuit censeari hoc nomine. Respondeant nunc mihi an secundum vtranque naturam & vtriusque respectu sit Filius. Sic quidem garriunt: sed lōgè aliter docet Paulus. Fatemur quidem Christum in carne humana filium dici, non ut fideles, adoptione duntaxat & gratia, sed verum & naturalem, ideòque vnicum: ut hac nota discernatur ab omnibus aliis. Nos enim qui in nouam vitam sumus regeneriti, Deus filiorum nomine dignatur: nomen veri & vnigeniti vni Christo defert. Quomodo autem vnicus in tanto fratrum numero, nisi quòd natura possidet quod nos dono accepimus? Atque hunc honorem extendimus ad totā Mediatoris personam, ut verè & propriè sit Filius Dei, qui & natus est ex Virgine, & se victimam Patri in cruce obtulit: sed deitatis tamen respectu, sicuti Paulus docet, dum se ait segregatum in Euangelium Dei, quod antè promiserat de Filio suo, qui genitus est ex semine David secundū

Iohan. 2. c. 19

Rom. 8. c. 15

Psal. 82. a. 6

Coloss. 1. b. 15

Rom. 1. a. 1. 3

carne, declaratus Filius Dei in virtute. Cur secundum carnem distinctè nominans filiū Dauidis, seorsum diceret declaratum esse Dei Filiū, nisi vellet innuere aliud de hoc pendere quàm à carne ipsa? Nā quo sensu alibi dicit passū fuisse ex infirmitate carnis, resurrexisse ex virtute Spiritus, ita nūc discrimen statuit vtriusque naturæ. Certè cōcedant necesse est, sicuti à matre accepit cuius causa filius Dauidis vocatur, ita à Patre habere cuius causa sit Filius Dei, idque ab humana natura aliud esse ac diuersū. Duplici nomine eū insignit Scriptura, passim vocans nunc Dei, nunc hominis filiū. De secūdo lis moueri non potest quin ex cōmuni linguæ Hebraicæ vsu hominis dicatur filius, quia est ex progenie Adæ. Ex opposito contendo deitatis æternæque essentiæ ratione vocari Dei filiū: quia non minus consentaneū est ad diuinā naturam referri quòd vocatur Dei filius, quàm ad humanā, quòd vocatur filius hominis. Denique eo quem citavi loco, non aliter intelligit Paulus eum qui secundum carnem genitus est ex semine Dauidis, declaratum esse in virtute Filium Dei, quàm alibi docet, Christum qui ex Iudæis descēdit secundum carnem, esse Deum benedictū in secula. Quòd si vtroque loco geminæ naturæ distinctio notatur, quo iure negabunt Filium Dei esse naturæ diuinæ respectu, qui secundum carnem filius etiam est hominis?

2. Cor. 13. b. 4

Rom. 9. a. 5

7 Tumultuose quidem illi erroris sui patrocinium vrgent, quòd dicitur Deus proprio Filio non pepercisse, quòd illum ipsum, qui è Virgine nasceretur, Filiū Altissimi vocari Angelus præcepit. Verum (ne tam futili obiectione superbiant) expendāt paulisper nobiscum quàm validè ratiocinentur. Si enim ritè concluditur, à conceptione cœpisse Dei filiū, quia qui conceptus est, filius vocatur: sequetur, esse cœpisse Verbum à sua manifestatione in carne, quia Iohannes tradit se de Verbo vitæ annuntiare, quod manus suæ contrectauerunt. Similiter quod apud Prophetam legitur, Tu Bethlehem terra Iuda, paruula es in millibus Iuda: ex te mihi nascetur dux qui regat populum meum Israel: & egressus eius ab initio, à diebus æternitatis: quomodo cogentur interpretari, si talem argumentandi modum sequi volent? Nos enim minimè Nestorio suffragari testatus sum, qui duplicem Christum commentus est, quando ex doctrina nostra iure fraternæ coniunctionis nos secum Dei filios Christus fecit: quia in carne quam à nobis sumpsit, ipse vnigenitus est Dei filius. Ac prudēter admonet Augustinus, miræ & singularis Dei gratiæ illustre esse speculum, quòd honorem adeptus est, quatenus est homo, quem mereri non poterat. Hac igitur præstantia etiam secundum carnem ab vtero ornatus fuit Christus, vt Filius Dei esset. Neque tamen in personæ vnitatis fingenda est permixtio quæ deitati quod proprium est tollat. Nec verò magis absurdum est, æternum Dei Sermonem, & Christum, vnitis in vnā personam duabus naturis, vocari diuersis modis Dei Filium, quàm secundum varios respectus nunc Filium Dei, nunc filium hominis dici. Nihilo etiam magis nos grauat alia Serueti calumnia, antequam apparuit in carne Christus, nusquam vocari Dei Filium nisi sub figura: quia etsi obscurior fuit tunc eius descriptio, quum tamen iam clarè probatum sit, non aliter æternum fuisse Deum, nisi quia Sermo fuit ab æterno Patre genitus, neque aliter nomen hoc competere in Mediatoris personam quā suscepit, nisi quia Deus est in carne manifestatus: neque Deum Patrem ita fuisse vocatum ab initio, nisi mutua iam tunc fuisset ad filium relatio, per quē omnis cognatio vel paternitas censeretur in cælo & in terra: hinc colligere promptum est, sub Lege quoque & Prophetis fuisse Dei Filium, antequam celebre esset hoc nomen in Ecclesia. Quòd si de sola voce certetur, Solomo de immensa Dei altitudine disserens, tam filium eius, quàm ipsum incomprehensibilem affirmat: Dic nomē eius, si potes, inquit, aut filii eius. Nec me latet apud contentiosos non fore satis ponderis in hoc testimonio: neque etiam eo valde nitor, nisi quòd malignè eos cauillari ostendit qui Filium Dei negant esse Christum, nisi quatenus homo factus est. Adde quòd vno ore & consensu vetustissimi quique scriptores hoc idem tam apertè testati sunt, vt non minus ridicula quàm detestabilis sit eorum impudentia qui Irenæum & Tertullianum obicere nobis audent, quorum vterque inuisibilem fatetur fuisse Dei Filium, qui postea visibilis apparuit.

Rom. 8. f. 31

Luc. 1. d. 31

1. Iohan. 1. a. 1

Mich. 5. a. 1

Ephes. 3. c. 19

Prou. 30. a. 4

8 Etsi autē horrenda portenta cumulauit Seruetus, quibus fortè alii non subscriberent: quicunque tamen Filium Dei non agnoscunt nisi in carne, si propius inspes, ab illis id cōcedi animaduertes, non alia ratione nisi quia cōceptus est in vtero Virginis ex Spiritu sancto: qualiter olim nugati sunt Manichæi, hominem ex traduce Dei animam habere: quia legebant Deum inspirasse Adæ vitæ spiraculum. Nam ita mordicus arripiunt Filii nomen, vt nullum inter naturas discrimen relinquant: sed confusè blaterent Christum hominem esse Dei Filium, quia secundum humanam naturam ex Deo genitus est. Sic æterna Sapientiæ genitura, quā prædicat Solomo, aboletur, & nulla habetur deitatis ratio in Mediatore: vel in hominis locum spectrum supponitur. Crassiores Serueti præstigias, quibus

Gen. 1. a. 7

Eccl. 24. b. 14

se & quosdam fascinauit (vt hoc exemplo admoniti pii lectores se in sobrietate & modestia contineant) refellere vtile quidem esset: tamen superuacuum fore duco, quia id peculiari libro à me factū est. Huc summa redit, Filium Dei ab initio fuisse ideam, & iam tunc præordinatum fuisse hominem qui esset essentialis Dei imago. Nec alium Dei Sermonem agnoscit nisi in externo splendore. Hanc fuisse genituram interpretatur, quod Filii generandi ab initio genita fuit in Deo voluntas, quæ etiam actu se extendit in ipsam creaturam. Spiritum interea miscet cum ipso Sermone, quia Deus inuisibile verbum & Spiritum dispensauerit in carnem & animam. Denique figuratio Christi locum genituræ apud eum obtinet: sed qui tunc per speciem umbratilis fuit Filius, eum tandem esse genitum dicit per Sermonem, cui feminis partes attribuit. Vnde sequetur, porcos & canes non minus esse Dei filios, quia ex originali semine verbi Dei creati sunt. Etsi autem ex tribus increatis elementis Christum constat, vt sit genitus ex essentia Dei: sic tamen primogenitum esse fingit inter creaturas, vt eadem sit essentialis diuinitas lapidibus secundum suum gradum. Ne verò Christum videatur sua deitate exuere, asserit carnem eius Deo esse *ὁμοούσιον*, & Sermonem fuisse hominem factum, carnis in Deum conuersione. Ita dum Christū apprehendere non potest Filium Dei, nisi eius caro ex Dei essentia prodierit, & in deitatem fuerit conuersa, æternam Sermonis hypostasim redigit in nihilum, & filium Dauidis, qui promissus fuit redemptor, nobis eripit. Sæpius quidem hoc repetit, genitum fuisse Filium à Deo, scientia & prædestinatione: tandem verò hominem factum ex materia illa quæ initio apud Deū fulgebat in tribus elementis, quæ deinde apparuit in prima luce mundi, in nube & columna ignis. Porro quàm turpiter secum ipse subinde pugnet nimis prolixū esset referre. Ex hoc compendio colligent sani lectores, versutis ambagibus impuri canis spem salutis prorsus fuisse extinctam. Nam si caro esset ipsa diuinitas, desineret esse eius templum. Iam nec redemptor nobis esse potest nisi qui ex Abraham Dauidisque semine progenitus, verè secundū carnem homo factus sit. Ac perperam in verbis Iohannis insistit, Sermonem fuisse factum carnem: quia sicut Nestorii errori occurrunt, ita impium hoc commentum, cuius author fuit Eutyches, minimè adiuuant, quum Euangelistæ non aliud fuerit propositū quàm personæ vnitatem asserere in duabus naturis.

Vt sciamus quorsum missus fuerit Christus à Patre, & quid nobis attulerit, tria potissimum spectanda in eo esse, munus propheticum, regnum & sacerdotium.

C A P. X V.

Ench. ad Lau-
rent. cap. 5.



RE C T E Augustinus, quanuis hæretici Christi nomen prædicent, cōmune tamen illis cum piis fundamentū esse negat, sed manere Ecclesiæ proprium. quia si diligenter considerentur quæ ad Christum pertinet, nomine tenus inuenitur Christus apud eos: re ipsa non est. Sic hodie Papistæ, quanuis in ore ipsorū resonet Filius Dei, mundi redemptor: quia tamen inani nominis obtentu contenti, sua virtute & dignitate cum nudant, verè in eos competit illud Pauli, caput non tenere. Ergo vt in Christo reperiat fides solidā salutis materiam, atque ita in ipso acquiescat, statuendum hoc principium est, tribus partibus constare quod ei iniunctū à Patre munus fuit. Nam & Propheta datus est, & Rex & Sacerdos. quanquam nomina hæc tenere parū prodesset, nisi accederet finis & vsus cognitio. Nam & in Papatu quoque pronuntiatur, sed frigide nec magno cum fructu, vbi nescitur quid in se vnumquodque elogium contineat. Diximus antè, quanuis Deus Prophetas continua serie alios aliis submittēs populum nunquam destituerit utili doctrina, & quæ ad salutem sufficeret: piorū tamen mentes hac persuasionem semper fuisse imbutas, aduentu Messias demum plenam intelligentiæ lucem sperandam esse. adeoque eius rei opinio peruenerat vsque ad Samaritanos, quibus tamen nūquam innotuerat vera religio. quod patet ex voce illa mulieris, Messias quū venerit, docebit nos omnia. Neque verò hoc Iudæi temere præsumpserant animis: sed, vt errant certis oraculis edocti, ita credebant. Illustis inter alias est Iesaiæ sententia, Ecce posui eum testem populis, ducem & magistrum populis dedi eum: nepe quo modo iam alibi vocauerat angelum vel interpretem magni cōsili. Hac ratione Apostolus perfectionem doctrinæ Euangelicæ commendans, vbi dixit, variè olim & sub figuris multiplicibus Deum loquutum esse Patribus per Prophetas, adiungit, nouissimè nobis loquutum esse per dilectum Filium. Quia autem commune Prophetis officium fuit tenere suspensam Ecclesiam, & simul fulcire vsque ad Mediatoris aduentum, ideo conquestos in dissipatione fideles legimus, priuari se ordinario illo bono, Signa nostra non videmus: non est inter nos Propheta: nō est cognoscens amplius. At verò quū iam non longè abesset Christus, præfixū fuit Danieli tempus ad obsignandam visionem & prophetam, non solum vt vaticinio de quo

Coloss. 1. d. 19

Iohan. 4. d. 25

Iesa. 55. b. 4

Iesa. 9. b. 6

Hebr. 1. a. 1

Psal. 74. b. 9

Dan. 9. f. 14

illic agitur, certa constaret autoritas: sed ut fideles æquo animo carerent ad tempus Prophetis, quia instaret omnium reuelationum plenitudo & clausula.

2. Porro notandum est ad hæc tria munera Christi pertinere elogium. scimus enim sub Legge sacro oleo tam Prophetas quàm sacerdotes ac reges fuisse unctos. Vnde & celebre Messia nomen promisso Mediatori fuit impositum. Et si autem fateor peculiari regni intuitu & ratione dictum fuisse Messiam (ut etiam alibi ostendi) prophetica tamè & sacerdotalis unctio gradum suum obtinent, neque sunt à nobis negligendæ. Prioris expressa fit mentio apud Iesaiam, his verbis, Spiritus Domini Iehouæ super me. ideo vixit me Iehoua ut prædicarem mansuetis, medelam afferrem contritis corde, promulgarem captiuis liberationem, publicarem annum beneplaciti, &c. Videmus unctum Spiritu fuisse ut præco & testis esset gratiæ Patris: neque id communi more: quia à reliquis doctoribus, quorum simile erat officium, discernitur. Atque hinc rursus notandum est, non sibi modò unctionem accepisse, ut fungeretur docendi partibus: sed toti suo corpori, ut in continua Euangelii prædicatione virtus Spiritus respondeat. Interea manet illud fixum, hac quam attulit perfectione doctrinæ finem impositum fuisse omnibus prophetiis: ut authoritati eius derogent qui Euangelio non contenti extraneum aliquid assuunt. Nam extra omnium ordinem singulari priuilegio eum euexit vox illa quæ detonauit ex cælo, Hic est Filius meus dilectus: ipsum audite. Ab ipso deinde capite ad membra diffusa est hæc unctio: sicut à Ioele prædictum fuerat, Prophetabunt filii vestri, & filia vestra visiones videbunt, &c. Quod autè dicit Paulus, datum esse nobis in sapientiam: & alibi, in eo absconditos esse thesauros omnes scientiæ & intelligentiæ, paulo diuersum sensum habet: nempe extra ipsum nihil esse utile cognitum, & quicumque fide percipiunt qualis sit, totam bonorum cælestium immensitatem complexos esse. Qua ratione alibi scribit, Nihil scire pretiosum duxi præter Iesum Christum, & hunc crucifixum. Quod verissimum est, quia ultra Euangelii simplicitatem progredi fas non est. Atque huc tendit prophetica dignitas in Christo, ut sciamus in summa doctrinæ quam tradidit, inclusos esse omnes perfectæ sapientiæ numeros.

3. Venio ad regnum, de quo frustra verba fierent nisi prius admoniti essent lectores spiritualè esse eius naturam: quia inde ad quid valeat & quid nobis conferat, totaque eius vis & æternitas colligitur. Aeternitas porro, quam apud Daniele Angelus Christi personæ tribuit, meritò Angelus item apud Lucam salutis populi accommodat. Sed hæc quoque duplex, aut duobus modis statuenda est: altera enim ad totum Ecclesiæ corpus pertinet, altera propria est cuiusque membri. Ad priorem referendum est quod in Psalmo dicitur, Semel iuravi per sanctitatem meam Dauidi, non mentiar: semen eius in æternum manebit: solum eius sicut sol in conspectu meo: sicut luna stabilietur in æternum, & testis in cælo fidelis. Neque enim dubium est quin illic promittat Deus se per manum Filii sui æternum fore Ecclesiæ præsidem ac defensorem. Neque enim alibi quàm in Christo reperietur vaticinii huius veritas. quandoquidem statim post mortem Solomonis cecidit maiori ex parte regni dignitas, & cum ignominia familiæ Dauidicæ ad priuatū hominē translata est: postea sensim diminuta fuit, vsquedū prorsus tristi & pudendo interitu deficeret. Eundè habet sensum illa Iesaiæ exclamatio, Generationem eius quis enarrabit? Nam Christum ita à morte superstitem fore pronuntiat ut eum coniungat cum suis membris. Ergo quoties audimus armari Christum æterna potestate, meminerimus hoc præsidio fulciri Ecclesiæ perpetuitatem: ut inter turbulentas agitationes, quibus assidue vexatur, inter graues & formidabiles motus qui innumeras clades minantur, salua tamen maneat. Sic ubi Dauid hostium audaciam ridet qui iugum Dei & Christi eius abrumperè conantur, dicique reges & populos frustra tumultuari, quia ad frangendos eorum impetus satis fortis est qui in cælis habitat: de perpetua Ecclesiæ conseruatione pios certiores reddens, ad bene sperandum animat quoties illam opprimi contigerit. Sic alibi quum dicit in persona Dei, Sede à dextris meis, donec ponam inimicos tuos scabellum pedum tuorum: admonet, ut cunque ad oppugnandam Ecclesiam multi & validi hostes conspirent, non tamen suppetere illis vires quibus aduersus decretum illud immutabile Dei præualeant, quo Filium suum constituit æternum Regem. Vnde sequitur fieri non posse ut Diabolus cum toto mundi apparatu Ecclesiam vnquam deleat, quæ in æterno Christi solio fundata est. Iam quod ad specialè cuiusque usum spectat, eadem illa æternitas in spem beatæ immortalitatis erigere nos debet. Quicquid enim terrenum est atque ex mundo, temporale, imò etiam caducum esse cernimus. ergo Christus ut spem in cælos nostram attollat, regnum suum pronuntiat non esse ex mundo. Denique ubi quisque nostrum spirituale Christi regnū esse audit, hac voce excitatus penetret ad spem melioris vitæ: & quod nunc protegitur Christi manu, plenum

huius gratiæ fructum in futuro seculo expectet.

4 Quòd diximus vim & vtilitatem regni Christi non posse aliter à nobis percipi quàm dum spirituale esse cognoscimus, vel hinc satis liquet, quòd dum toto vitæ cursu militā- dum sub cruce nobis est, aspera & misera est nostra conditio. Quid igitur nobis prodes- set, collectos esse sub regis cælestis imperium, nisi extra terrenæ vitæ statum constaret ei- us fructus: Idcòque sciendum est quicquid nobis fœlicitatis in Christo promittitur, non subsistere in externis commodis, vt lætam & tranquillam vitam agamus, floreamus opi- bus, securi simus ab omni noxa, & deliciis affluamus quas expetere solet caro: sed cælestis vitæ esse proprium. Sicut autem in mundo prosper & optabilis populi status partim bono- rum omnium copia & domestica pace, partim validis præfidiis cōtinetur, quibus tutus sit contra externam violentiam: ita & Christus suos omnibus ad æternam animarum salutē necessariis locupletat, & virtute munit qua stent inexpugnabiles cōtra quoslibet hostium spiritualium impetus. Vnde colligimus ipsum nobis magis regnare quàm sibi, idque in- tus & extra: vt scilicet donis Spiritus, quibus naturaliter vacui sumus, quatenus expedire no- uit Deus, referti, ex iis primitiis sentiamus verè nos Deo coniunctos esse ad perfectam bea- titudinem. Deinde vt eiusdem Spiritus virtute freti, non dubitemus contra Diabolū, mun- dum, & quoduis noxæ genus nos semper fore victores. Huc tendit responsum Christi ad

Luc. 17. c. 21

Rom. 14. c. 17

5 Ideo regia eius vnctio non ex oleo vel aromaticeis vnguentis confecta nobis proponitur sed Christus Dei vocatur, quia super eum requieuit Spiritus sapientiæ, intelligentiæ, consi- lii, fortitudinis & timoris Dei. Hoc oleum est lætitiæ, quo Psalmus prædicat eum fuisse vn- ctum præ confortibus suis: quia nisi in ipso talis esset præstantia, inopes essemus omnes ac famelici. Neque enim priuatim (vt dictum est) ipse sibi ditatus est: sed vt ieunos & aridos sua abundantia perfunderet. Nam sicuti dicitur Pater non dedisse Filio Spiritum ad men- suram: ita exprimitur ratio, vt de plenitudine eius acciperemus omnes & gratiam pro gra- tia. Ex quo fonte manat largitio cuius meminit Paulus, qua variè distribuitur gratia fide- libus, secundum mensuram donationis Christi. His satis superque confirmatur quod di- xi, Christi regnum in Spiritu, non terrenis deliciis vel pompis esse situm: ac proinde, vt si- mus eius participes, mūdo renuntiandum esse. Huius sacre vnctionis visibile symbolum in Christi baptismo ostensum fuit, dum super eum requieuit Spiritus in specie columbæ. Spiritum verò eiusque dona vnctionis voce designari, neque nouum est, neque absurdū videri debet: quia non aliunde vegetamur: maximè verò quod ad cælestem vitam spectat, nulla est in nobis vigoris gutta, nisi quam nobis Spiritus sanctus instillat, qui sedē in Chri- sto delegit, vt inde largē ad nos scaturirent cælestes diuitiæ quarum ad eò sumus egeni. Quod autem & regis sui fortitudine inuicti stāt fideles & spirituales eius diuitiæ in eos exu- berant: non immeritò dicuntur Christiani. Cæterum huic, de qua loquuti sumus, æternita- ti nihil, derogat Pauli sentētia, Tunc regnum tradet Deo & Patri. Item, Subiicietur Filius ipse, vt sit Deus omnia in omnibus. quia nihil aliud vult, quàm in illa perfectā gloria nō ta- lem fore regni administrationem qualis nunc est. Dedit enim Pater omnem potestātē Fi- lio vt per eius manum nos gubernet, foueat, sustēret, sub eius tutela nos protegat, nobisque auxilietur. Ita quantisper à Deo peregrinamur, Christus intercedit medius, qui nos paula- tim ad solidā cum Deo coniunctionē perducatur. Et certè quòd sedet ad Patris dexteram, tā- tundem valet ac si vocetur Patris legatus, penes quem tota sit imperii potestas: quia Deus mediātē (vt ita loquar) vult in eius persona Ecclesiam regere ac tueri. Sicuti etiam inter-

Iesa. 11. a. 2

Psal. 45. b. 8

Iohan. 3. d. 34

Iohan. 1. b. 16

Ephes. 4. b. 7

Iohan. 1. c. 32

Luc. 3. c. 22

1. Cor. 15. c. 24

Ibidem. d. 28

pretatur Paulus primo ad Ephesios, locatum fuisse ad dexteram Patris, vt sit Ecclesiæ caput, quæ est corpus eius. Nec aliò tendit quod alibi docet, datum illi fuisse nomen quod est super omne nomen: vt in nomine Iesu omne genu flectatur, & omnis lingua confiteatur quòd sit in gloriam Dei Patris. Nam iis etiam verbis in Christi regno ordinem commendat præsentì nostræ infirmitati necessarium. Ita rectè colligit Paulus, Deum per se tunc fore vnicum Ecclesiæ caput, quia impletæ erunt Christi partes in Ecclesiæ defensione. Eadem ratione passim scriptura Dominum vocat, quia hac lege eum nobis præfecit Pater vt suam dõnationem per eum exerceat. Licet enim multa dominia celebrentur in mundo, vnus nobis Deus Pater, ex quo omnia & nos in ipso: & vnus Dominus Christus, per quem omnia, & nos per ipsum, inquit Paulus. Vnde rite colligitur, eundem esse ipsum Deum, qui per os Iesaiæ asseruit se regem esse ac legislatorem Ecclesiæ. Nam etsi vbique beneficium & donum Patris vocat quicquid habet potestatis: non aliud tamen significat quàm se diuinitus regnare: quia ideo Mediatoris induit personam vt è sinu Patris & incomprehensibili gloria descendens, ad nos appropinquaret. Quo iustius est nos omnes vno consensu ad parendum accingi, summæque alacritate obsequia nostra dirigere ad eius nutum. Nam sicuti regis & pastoris officia coniungit erga pios qui se morigeros vltro subiiciunt: ita ex opposito audimus sceptrũ ferreum gestare, quo frangat ac conterat præfractos omnes, quasi vasa figuli. Audimus etiam iudicem fore Gentium, vt terram operiat cadaueribus, & altitudinem sibi aduersam prosternat. Cuius rei quædam hodie cernuntur exempla: plenum verò documētum extabit vltimo iudicio. quod etiam propriè cenferi potest extremus regni eius actus.

Philip. 2. b. 9

1. Cor. 8. b. 9

Iesa. 33. d. 23

Psal. 2. c. 9

Psal. 110. b. 6

- 6 Iam de sacerdotio breuiter sic habendum, finem & vsum eius esse vt sit mediator purus omni macula, qui sanctitate sua Deum nobis conciliet. Sed quia aditum occupat iusta maledictio, & Deus pro iudicis officio nobis infensus est: vt nobis fauorem comparet sacerdos ad placandam iram ipsius Dei, piaculum interuenire necesse est. Quare vt hoc munus impleret Christus, cum sacrificio in medium prodire oportuit. nam & sub Lege sacerdotii fas non erat sanctuarium ingredi absque sanguine: vt scirent fideles, quanuis sacerdos interpositus esset deprecator, non posse tamen Deum propitiari, nisi expiatis peccatis. Quare de re prolixè Apostolus disputat in epistola ad Hebræos à septimo capite ferè ad finem vsque decimi. Summa tamè huc redit, nonnisi in Christum competere sacerdotii honorem, quia sacrificio mortis suæ reatũ nostrum deleuit, & satisfecit pro peccatis. Quãti verò momenti res sit, ex solenni illo Dei iureiurando, quod absque poenitentia prolatum est, monemur, Tu es sacerdos in æternum secundum ordinem Melchisedech. Sancire enim haud dubiè voluit caput illud, in quo præcipuum salutis nostræ cardinem vèrti sciebat. Neque enim, vt dictum est, nobis aut precibus nostris ad Deum pater accessus: nisi purgatis iniquitamentis nos sacerdos sanctificet, gratiãque nobis obtineat, à qua nos scelerum nostrorum & vitiorum arcet immundities. Ita videmus à morte Christi incipiendum esse, vt ad nos perueniat sacerdotii eius efficacia & vtilitas. Hinc sequitur æternum esse deprecatorẽ, cuius patrociniũ fauorem consequimur. Vnde rursus oritur non modo precandi fiducia, sed etiam tranquillitas piis conscientijs: dum in paternam Dei indulgentiam tutò recumbunt, certòque persuasæ sunt ei placere quicquid per Mediatorem consecratum est. Quum verò sub Lege victimas ex pecudibus offerri sibi Deus iusserit, diuersa & noua in Christo fuit ratio, vt idem esset hostia qui sacerdos. quia nec alia pro peccatis idonea satisfactio reperiri poterat nec quisquam tanto honore dignus qui Deo vnigenitum Filium offerret. Iã sacerdotis personam sustinet Christus, non modò vt æterna reconciliationis lege patrem nobis fauentem ac propitium reddat, sed etiam vt nos asciscat in societate tanti honoris. Nam qui in nobis polluti sumus, in ipso tamen sacerdotes, offerimus nos & nostra omnia Deo, cælestẽque sanctuarium liberè ingredimur, vt grata sint ac boni odoris in conspectu Dei quæ à nobis proueniunt sacrificia precum & laudis. Atque hucusque se extendit illud Christi dictum, Propter eos sanctifico meipsum: quia sanctitate eius perfusi quatenus nos secum Patri dicauit (qui alioqui foretemus coram eo) tanquam puri & mundi, imò etiam sacri, placemus. Huc pertinet vnctio sanctuarii, cuius mentio fit apud Daniele. Notanda enim est antithesis inter hanc vnctionem & illam vmbrailem quæ tunc in vsu fuerat: ac si diceret Angelus, discussis vmbis in Christi persona clarum fore sacerdotium. Quo magis detestabile est eorum commentum qui non contenti Christi sacerdotio, seipsos ad eum mactandum ingerere ausi sunt, quod tentatur quotidie in Papatu, vbi missa censetur immolatio Christi.

Psal. 110. b. 4

Apoc. 1. b. 6

Iohan. 17. c. 19

Dan. 9. f. 24

Quomodo redemptoris partes impleuerit Christus, vt nobis salutem acquireret: vbi de morte & resurrectione eius agitur, & in calum ascensu.

CAP. XVI.



V AE haecenus de Christo diximus, ad vnum hunc scopum referenda sunt vt in nobis damnati, mortui & perdit, iustitiam in ipso, liberatione, vitam & salutem queramus: quemadmodum docemur insigni illa Petri sententia, non esse aliud nomen sub caelo datum hominibus in quo oporteat saluos fieri. Neque verò temere, vel fortuito casu, vel hominum arbitrio impositum

Act. 4. b. 12

Matth. 1. d. 21

Luc. 1. c. 31

Bern. in Cāt.

Serm. 15

illi fuit nomē Iesu, sed è caelis ab Angelo supremi decreti pracone allatum, ratione etiam addita: quia ad seruandum à peccatis populum missus esset. In quibus verbis notandum est quod alibi attigimus, redemptoris munus ei fuisse iniunctum vt nobis esset saluator. Interea tamen mutila esset redemptio, nisi per continuos progressus ad vltimam vsque salutis metam nos perduceret. Itaque simulac vel minimum ab eo deflectimus, sensim euanescebat salus, quae solida in eo residet: vt se vltro priuent omni gratia quicumque in eo non acquiescunt. Et memoratu digna est illa Bernardi admonitio, nō modò lucem sed cibum quoque esse nomen Iesu: oleum etiam esse, sine quo aridus est omnis animae cibus: salem esse, sine cuius conditura insipidum est quicquid proponitur: denique esse mel in ore, in aure melos, in corde iubilum, & simul medicinam: & quicquid disputatur insulsum esse, nisi vbi sonat hoc nomen. Sed hīc diligenter expendere cōuenit quomodo nobis ab ipso parta sit salus: vt non modò ipsum eius authorem persuasi simus, sed quae ad stabilem fidei nostrae futuram sufficiunt amplexi, repudiemus quae cunque possent huc vel illuc nos abstrahere. Quum enim nemo possit in seipsum descendere ac seriò reputare qualis sit, quin Deū sibi iratum infestūque sentiens, necesse habeat eius placandi modum ac rationem anxie expetere, quod satisfactionem exigit, nō vulgaris requiritur certitudo: quia peccatoribus, donec à reatu soluti fuerint, semper incumbit ira Dei & maledictio, qui, vt est iustus iudex, non finit impune legem suam violari, quin ad vindictam armatus sit.

2

Verū, antequam longius progredimur, in transcurso videndum est quomodo conueniat, Deum, qui nos misericordia sua praeuenit, fuisse inimicum, donec per Christum nobis recōciliatus est. Nam quomodo in Filio vnigenito singulare amoris sui pignus nobis dedisset, nisi iam ante fuisset gratuito fauore cōplexus? Quoniam ergo hīc emergit aliqua repugnantiae species, hunc nodum expediam. In hunc ferè modum Spiritus in Scripturis loquitur, Deum fuisse hominibus inimicum, donec in gratiam, Christi morte sunt restituti: fuisse maledictos, donec illius sacrificio expiata est eorum iniquitas: fuisse à Deo separatos, donec per ipsius corpus fuerunt in coniunctionem recepti. Huius generis locutiones ad sensum nostrum sunt accommodatae, vt melius intelligamus quā miserā sit & calamitosa extra Christum nostra conditio. Nisi enim claris verbis diceretur, iram ac vindictam Dei mortemque aeternam nobis incubuisse, minus agnosceremus quā miseri essemus sine Dei misericordia, & beneficium liberationis, minoris aestimaremus. Exempli gratia: audiat aliquis, Si te quo tempore adhuc peccator eras, odisset Deus, & te abiecisset, vt eras meritis, horribile exitium te manebat: sed quia sponte ac gratuita sua indulgentia te in gratia retinuit, nec alienari à se passus est, eo periculo sic te liberauit: afficietur quidem & sentiet aliqua ex parte quantum debeat misericordiae Dei. Verū audiat rursum quod Scriptura docet, se alienatum fuisse à Deo per peccatum, haeredem irae, mortis aeternae maledictioni obnoxium, exclusum ab omni spe salutis, extraneum ab omni benedictione Dei, Satanæ mancipium, sub peccati iugo captiuum, horribili denique exitio destinatum & iam implicitum: hīc Christum deprecatorem intercessisse, poenam in se recepisse ac luisse quae ex iusto Dei iudicio peccatoribus omnibus imminerebat: mala, quae Deo exosos illos reddebant, sanguine suo expiasse: hoc piaculo satisfactum ac rite litatum Deo Patri esse: hoc intercessore iram eius fuisse placatam: hoc fundamento pacem Dei cum hominibus esse subnixam: hoc vinculo benevolentiam illius erga ipsos contineri: his nonne eo magis permouebitur quo melius ad viuum representatur quanta è calamitate ereptus fuerit: In summa, quoniam non potest animus noster vitam in Dei misericordia vel satis cupidè apprehendere vel qua decet gratitudine excipere, nisi formidine irae Dei & aeternae mortis horrore antè perculsus & consternatus: sic instituimur sacra doctrina, vt sine Christo Deum nobis quodammodo infestū cernamus, & eius manum in exitium nostrum armatā, benevolentiam eius paternamque charitatem non nisi in Christo amplexemur.

3

Atque hoc tametsi pro captus nostri infirmitate dicitur, non tamē falsū. Deus enim, qui summa iustitia est, iniquitatem, quam in omnibus nobis conspiciat, amare non potest. Ha-

Rom. 5. b. 10

Gal. 3. b. 10. 13

Col. 1. c. 21. 22

benus ergo omnes in nobis quod Dei odio dignum sit. Proinde secundū corruptæ nostræ naturæ, & deinde accedentis prauæ vitæ respectum, in offensione Dei reuera sumus omnes in eius conspectu rei, & ad gehennæ damnationē nati. Verū quia Dominus quod suum est in nobis perdere nō vult, adhuc aliquid inuenit quod pro sua benignitate amet. Vt cūque enim peccatores vitio nostro simus, manemus tamen eius creatura: vtcunque mortē nobis asserimus, ipse tamen nos ad vitam condiderat. Sic mera & gratuita nostri dilectione excitatur ad nos in gratiam recipiendos. Atqui si perpetuum & irreconciliabile dissidium est inter iustitiam & iniquitatem: quādiu peccatores manemus, suscipere nos totos non potest. Itaque vt sublata omnis simultatis materia, nos sibi prius reconciliet, proposita in morte Christi expiatione, quicquid in nobis mali est abolet, vt iusti in eius cōspectu & sancti appareamus, qui antea immundi eramus ac impuri. Proinde sua dilectione præuenit ac antevertit Deus Pater nostram in Christo reconciliationem. In id quia prius diligat, postea nos sibi reconciliat. Sed quia in nobis, donec sua morte succurrit Christus, manet iniquitas quæ Dei indignationem meretur, & est coram eo maledicta ac damnata: nō antē plenam habemus firmamque cum Deo coniunctionem quā vbi Christus nos coniungit. Adeoque si Deum nobis pacatum ac propitium volumus polliceri, in Christū solum oculos mentēsque defigere conuenit: vt reuera per ipsum solum consequamur ne imputentur nobis peccata, quorum imputatio iram Dei secum trahit.

- 4 Atque hac ratione dicit Paulus, eam dilectionem, qua nos ante mundi creationem cōplexus est Deus, in Christo constituisse ac fuisse fundatam. Hæc perspicua sunt & Scripturæ consentanea, locosque illos optimè inter se conciliant, vbi dicitur, Deum suam erga nos dilectionem in eo declarasse quod vnigenitum Filium in mortem dederit: & tamen fuisse inimicum, antequam morte Christi in gratiam reductus esset. Verū quo firmiora sint apud eos qui veteris Ecclesiæ testimonium requirunt, citabo locum Augustini vbi id ipsum docetur. Incomprehensibilis (inquit) ac immutabilis est Dei dilectio. Non enim ex quo ei reconciliati sumus per sanguinē Filii eius, cœpit nos diligere, sed ante mundi constitutionem dilexit nos, vt cum eius Vnigenito etiam nos filii eius essemus, antequam omnino aliquid essemus. Quod ergo recōciliati sumus per mortem Christi, non sic accipiat quasi ideo nos reconciliauerit ei Filius, vt iam amare inciperet quos oderat: sed iam nos diligēti reconciliati sumus, cū quo propter peccatū inimicitias habebamus. Quod utrū verum dicam, attestetur Apostolus. Commendat (inquit) dilectionē suam erga nos, quoniā quū adhuc peccatores essemus, Christus pro nobis mortuus est. Habebat itaque ille erga nos charitatē, etiam quū inimicitias aduersus eum exercētes operaremur iniquitatem. Proinde mirro & diuino modo & quādo nos oderat, diligebat. Oderat enim nos, quales ipse nō fecerat: & quia iniquitas nostra opus eius non omni ex parte consumpserat, nouerat simul in vnoquoque nostrū & odisse quod feceramus, & amare quod fecerat. Hæc sunt Augustini verba.
- 5 Iam vbi queritur quomodo abolitis peccatis dissidiū Christus inter nos & Deum sustulerit, & iustitiam acquisierit quæ eum nobis fauētem ac beniuolum redderet: generaliter responderi potest, toto obedientiæ suæ cursu hoc nobis præstitisse. Quod Pauli testimonio probatur, Quemadmodū vnus transgressione peccatores multi sunt constituti: sic vnus obedientia iusti cōstituimur. Et sanè alibi causam veniæ quæ nos eximit à maledictione Legis, extendit ad totam Christi vitam, Vbi venit plenitudo temporis, misit Deus Filium suum factum ex muliere, subiectum Legi, vt eos qui sub Lege erant redimeret. Ita in ipso quoque Baptismo asseruit impleri iustitiæ partem quod obedienter Patris mandatū perageret. Denique ex quo induit personam serui, cœpit ad nos redimendos pretium liberationis soluere. Scriptura tamen, quo certius definiat modum salutis, hoc morti Christi quasi peculiare ac propriū adscribit. Pronuntiat ipse animā se dare in redemptionem pro multis. Paulus docet mortuum esse propter peccata nostra. Clamabat Iohānes Baptista, ipsum venisse ad tollēdum peccata mundi, quia agnus Dei esset. Alibi Paulus nos iustificari gratis tradit per redemptionē quæ est in Christo: quia propositus est reconciliator in suo sanguine. Item, nos iustificatos esse in sanguine ipsius & recōciliatos per mortē. Rursum, Qui peccatum non nouerat, pro nobis factus est peccatum, vt essemus iustitia Dei in illo. Non omnia persequar, quia inmensus esset catalogus, & multa deinde suo ordine citanda erūt. Quamobrem in symbolo fidei quod Apostolicum vocant, optimo ordine statim à natalibus Christi fit transitus ad mortem & resurrectionem, vbi perfectæ salutis summa consistit. Neque tamen excluditur reliqua pars obedientiæ qua defunctus est in vita: sicuti Paulus ab initio ad finem vsque totam comprehendit, quod seipsum exinanierit, forma serui accepta, & Patri fuerit obediens vsque ad mortem: nempe mortem crucis. Et sanè in ipsa

1. Iohā. 4. d. 19

Ephes. 1. a. 4

Iohan. 3. b. 16

Rom. 5. b. 10

Tract. in Euāg. Ioh. no.

Rom. 5. b. 8

Rom. 5. d. 19

Galat. 4. a. 4

Matth. 3. d. 15

Matt. 20. d. 28

Rom. 4. d. 25

Iohan. 1. d. 29

Rom. 3. c. 15

Ro. 5. b. 9. 10

2. Cor. 5. d. 21

Philip. 1. a. 7

quoque primum gradum occupat voluntaria subiectio: quia ad iustitiam nihil profuisset sacrificium nisi sponte oblatum. Itaque ubi testatus est Dominus se animam pro ouibus ponere, disertè addit, Nemo tollit eam à meipso. Quo sensu Iesaias dicit obmutuisse instar agni corā tonsore. Et historia Evangelica refert obuiam prodiisse militibus: & coram Pilato, omissa defensione, stetit ad subeundum iudicium. Non id quidem absque certamine: quia & infirmitates nostras susceperat: & hoc modo probari oportuit quod Patri suo præstabat obsequium. Et hoc nō vulgare fuit amoris erga nos incomparabilis specimen, luctari cum horribili formidine, & inter diros illos cruciatus abiicere sui curam, ut nobis consuleret. Illud quidem tenendum est, non potuisse rite Deo aliter litari quàm dum proprio se affectu abdicans Christus illius se arbitrio subiecit, totumque addixit. Quā ad rem appositè testimonium illud Psalmi citat Apostolus, In libro Legis scriptū est de me ut faciam voluntatem tuam Deus. Volo, & Lex tua in medio cordis mei. Tunc dixi, Ecce venio. Cæterum quia nonnisi in sacrificio & ablutione, quibus expiantur peccata, quietem reperiunt trepidæ cōscientiæ: illuc meritò dirigimur, & in morte Christi statuitur nobis vitæ materia. Porro quia nos maledictio ex reatu manebat ad cæleste Dei tribunal, primo loco refertur damnatio coram præside Iudææ Pontio Pilato: ut sciamus, poenā, cui eramus obstricti, fuisse iusto inflictam. Horribile Dei iudicium effugere non poteramus: ut inde nos eriperet Christus, corā homine mortali, imò etiam scelesto & profano damnari sustinuit. Neque enim solum ad astruendam historiæ fidem exprimitur nomen præfecti, sed ut discamus quod docet Iesaias, castigationē pacis nostræ fuisse super eum, eiusque liuore nos fuisse sanatos. Neque enim tollendæ damnationis nostræ causa satis erat quamlibet obire mortem: sed, quo redemptioni nostræ satisfaceret, genus mortis deligendum fuit, in quo & damnationem ad se traducens, & piaculum in se recipiens, utroque nos liberaret. Si à latronibus iugulatus fuisset, vel tumultuariè casus per seditionem vulgi, in eiusmodi morte nulla satisfactionis species extitisset. Verum ubi reus ad tribunal sistitur, testimoniis arguitur & premitur, ipse iudicis ore morti addicitur: his documentis intelligimus ipsum personam fontis & malefici sustinere. Atque hîc duo notanda sunt quæ & Prophetarum vaticiniis prædicta erant, & eximiam fidei cōsolationem & cōfirmationem afferunt. Quum enim Christum audimus à iudicis solio ad mortem dimissum, inter latrones esse suspensum: habemus complementum eius prophetiæ quæ ab Euangelista citatur, Inter iniquos reputatus est. Cur istud? nempe ut peccatoris, non iusti aut infantis vices obiret: quia non innocentia, sed peccati causa mortē oppetebat. Contrā, ubi audimus eodem quo damnatus fuit ore absolutum (nam eius innocentia non semel testimonium palam reddere coactus est Pilatus) in mentem veniat quod est apud alterum Prophetam, Quæ non rapuerat exoluisse. Atque ita & peccatoris sceleratiquæ personam in Christo repræsentatam intuebi mur, & relucente innocentia, conspicuū simul fiet alieno potius quàm proprio scelere grauatum. Passus ergo est sub Pontio Pilato, solenni præsidis sententia in scelestorum numerum ita relatus: neque sic tamen quin iustus ab ipso simul pronuntietur, dū affirmat nullā se in eo inuenire causam. Hæc nostra absolutio est quod in caput Filii Dei trāslatus est reatus, qui nos tenebat poenæ obnoxios. Nā hæc cōpensatio in primis tenenda est, ne trepidem⁹, atque anxii simus tota vita: ac si nobis instaret iusta Dei ultio, quā in se trāstulit Dei Filius.

6 Iā & ipsa mortis species insigni mysterio nō caret. Maledicta crux erat, nō humana tantum opinione, sed diuinæ Legis decreto. In eā ergo dū tollitur Christus, maledictioni se obnoxiiū facit. Atque ita factū oportuit, ut omni execratione, quæ propter iniquitates nostras nos manebat, vel potius nobis incūbebat, eximeremur, dum in eū traducitur. Quod etiā in Lege adumbratū fuit. Siquidem *מזבח* (quo vocabulo peccatū ipsum propriè designatur) vocabatur oblata pro peccatis victimæ & expiatrix. Qua nominis translatione innuere Spiritus voluit, instar *καθαρμωδίων* ipsas esse: quæ debitā sceleribus execrationē susciperent ac sustinerent. Quod autem in Mosaicis sacrificiis figuratè repræsentatū fuit, id in Christo figurarū archetypo exhibetur. Quare, ut iusta expiatione defungeretur, animam suam *δωκεν* impedit, hoc est satisfactoriam peccati hostiam (ut inquit Propheta) in quam reiecta quodammodo macula & poena, nobis desinat imputari. Apertius id ipsum testatur Apostolus, quum docet, eum qui peccatum non nouerat, peccatum pro nobis à Patre factum, quo iustitia Dei efficeremur in illo. Nam Filius Dei, omni vitio purissimus, iniquitatum tamen nostrarum probrum ac ignominiam induit, ac sua vicissim puritate nos operuit. Eodem videtur respexisse, quū tradit de peccato, damnatū fuisse peccatū in eius carne. Siquidem peccati vim aboleuit Pater, quum in Christi carnem translata fuit eius maledictio. Indicatur itaque hac voce, Christum Patri fuisse in morte pro victimā satisfactoria immolatum,

ut peracta per eius sacrificium litatione, iram Dei iam horrere desinamus. Nunc liquidū est quid sibi velit illud Prophetæ, positas fuisse in eo nostras omnium iniquitates: nepe quod Iesa. 53. b. 6
sordes earum abstersurus, iisdem per translatitiam imputationem obiectus fuit. Eius rei symbolum fuit crux, cui affixus est, teste Apostolo. Christus, inquit, redemit nos ab execra Galat. 3. b. 15
tione Legis, dum pro nobis factus est execratio. Scriptum est enim, Execrabilis omnis qui Deut. 27. d. 16
pendet in ligno. ut in gentes benedictio Abrahæ in Christo perueniret. Eodem respexit Petrus, ubi docet peccata nostra portasse in ligno: quia ex ipso maledictionis symbolo clarius 1. Pet. 2. d. 24
intelligimus, onus quo eramus oppressi, fuisse illi impositum. Neque tamen eam subiisse maledict. onem intelligendus est qua obrutus ipse fuerit: quin subeundo potius, vim eius uniuersam depressit, infregit, dissipauit. Proinde fides in Christi damnatione absolutionē, benedictionem in maledictione apprehendit. Quare non abs re Paulus triumphum, quem sibi in cruce peperit Christus, magnificè prædicat, ac si crux, quæ plena erat dedecoris, conuersa esset in currum triumphalem. Dicit enim affixum fuisse cruci chirographum quod Coloss. 2. d. 19
erat contrarium nobis, & expoliatos principatus, ac palam traductos. Nec mirum, quia per Spiritum æternū (teste altero Apostolo) seipsum obtulit Christus. unde illa naturæ rerum Heb. 9. d. 17
conuersio. Sed hæc ut firmam radicem agant in cordibus nostris, & penitus infideant, semper nobis in mentem veniant sacrificium & ablutio. Neque enim certò cōfidere possemus Christum esse ἀπολύτρωσις καὶ ἀντίλυτρον καὶ ἱλαστήριον, nisi victima fuisset. Ideoque toties fit sanguinis mentio, ubi modum redemptionis ostendit Scriptura. Quanquam non modò ad litationem valuit effusus Christi sanguis, sed lauacri etiam vice fuit, ad sordes nostras purgandas.

7 Sequitur in symbolo, mortuum fuisse & sepultum. ubi rursum videre est quomodo in vicem nostram ubique se supposuerit ad soluendum nostræ redemptionis pretium. Mors iugo suo nos obligatos tenebat, in illius se potestatem loco nostro tradidit, quo nos inde eximeret. Hoc intelligit Apostolus, quum scribit eum mortem gustasse pro omnibus. Heb. 2. c. 9
Moriendo enim effecit ne moriamur, vel (quod idem est) morte sua vitam nobis redemit. Hoc autem à nobis diuersum habuit, quod mortis se velut deglutendum permisit, non ut eius gurgitibus absorberetur, sed magis ut eam absorberet, à qua mox eramus absorbendi: quod subigendum ei se permisit, non ut eius potestate opprimeretur, sed magis ut eam prosterneret, quæ nobis imminabat ac iam depressis insultabat. Denique ut per mortem destrueret eum qui habebat mortis imperiū, id est Diabolū: & liberaret eos qui timore mor- Ibidem, d. 15
tis per totam vitam obnoxii erant seruituti. Hunc primum fructum mors eius nobis protulit. Alterum verò, quod participatione sui membra nostra terrena mortificat, ne suas in posterum actiones exerceant: veteremque nostrum hominem enecat, ne posthac vigeat ac fructificet. Quò etiam sepultura eius pertinet: nempe cuius consortes, peccato & ipsi sepe- liamur. Non enim dum nos in similitudinem mortis Christi insitos esse Apostolus docet, Galat. 2. d. 19.
& cum eo sepultòs in peccati mortem, per eius crucem nobis crucifixum esse mundum, & 9 d. 14
nos mundo: nos illi commortuos esse, ad exprimendum mortis eius exemplum duntaxat Coloss. 3. a. 3
nos adhortatur: sed hanc illi inesse efficaciam declarat quæ in Christianis omnibus apparere debeat, nisi velint mortem ipsam inutilem reddere & infructuosam. Proinde duplex in morte sepulturæque Christi beneficium nobis fruendum proponitur, liberatio à morte cui mancipati eramus, & carnis nostræ mortificatio.

8 Nec verò descensum ad inferos omittere conuenit, in quo ad redemptionis effectū non parum est momenti. Quanquam enim ex veterum scriptis, particulam quæ legitur in symbolo apparet non adeo fuisse olim in Ecclesiis vsitatam: in tractanda tamen doctrinæ summa locum ei dari necesse est: utpote quæ rei maximæ vtile ac minimè spernendum mysterium continet. Sunt quidem & ex veteribus nonnulli qui eam non prætermittant. Vnde conicere licet, post aliquantum temporis insertam, non protinus, sed sensim Ecclesiis insueuisse. Id certè extra controuersiam est, ex communi piorum omnium sensu fuisse desumptam: quando nemo est Patrum qui non in suis scriptis descensum Christi ad inferos commemoret, tamen si interpretatione diuersa. Verum aut à quibus, aut quo primùm tempore inserta fuerit, parum ad rem attinet. Potius hoc in Symbolo animaduertendum ut plena & numeris omnibus absoluta fidei summa nobis cōstet, in quam nihil ingeratur nisi ex purissimo Dei verbo petitum. Si quos porrò impedit morositas ne in symbolum admittant, mox tamè planum fiet tanti interesse ad redēptionis nostræ summam ut ea præterita multum ex mortis Christi fructu depereat. Sunt etiam rursum qui opinentur, nō aliquid nouum hīc dici, sed aliis verbis repertum quod prius de sepultura dictum fuerat: quādoquidem inferni vocabulum sæpius in Scripturis pro sepulchro ponatur. Quod de verbi significatione obtendunt, verum esse concedo, nō rarò pro sepulchro accipi infernum:

sed eorum opinioni rationes duæ repugnant, quibus ego faciliè adducor vt ab illis dissentiam. Quantæ enim oscitantia fuisset, rem minimè difficilè verbis expeditis & clavis demonstratam, obscuriore deinde verborum cõplexu indicare magis quàm declarare? Nam quoties locutiones duæ rem eandem exprimètes simul connectuntur, posteriorè esse prioris exegesis conuenit. At verò qualis erit ista exegesis si quis ita loquatur, Quòd Christus sepultus esse dicitur, significat ad inferos descendisse: Deinde non est verisimile, irrepere potuisse superfluam eiusmodi battologiam in compendium hoc, vbi summatim, quàm fieri potest paucissimis verbis præcipua fidei capita notantur. Nec dubito quin mihi faciliè assentiantur quicunque rem ipsam paulo diligentius expenderint.

9

Psal. 10. b. 16
Zach. 9. c. 11

Alii secus interpretantur, quòd Christus descendèrit ad animas Patrum qui sub Legge mortui erant, vt nuntium peractæ redemptionis perferret, ac erueret eas ex carcere, vbi inclusæ tenebantur: & huc perperam trahunt testimonia ex Psalmo, quòd portas æreas & vèstes ferreos fregerit. Item ex Zacharia, quòd redemerit vinctos è puteo in quo nò erat aqua. Verù quum Psalmus, eorù liberationes prædicet qui in lōginquis regionibus capti in vincula coniciuntur: Zacharias autem profūdo & arido puteo vel abyssu comparet cladem Babylonicam in qua demersus erat populus: & simul doceat, totius Ecclesiæ salutem esse exitum à profundis inferis: nescio quid factum sit vt posteritas locū putaret esse subterraneū, cui affinxit nomen limbi. sed hæc fabula tametsi magnos authores habet, & hodie quoque à multis seriò pro veritate defenditur, nihil tamen quàm fabula est. Nam concludere in carcere mortuorū animas puerile est: Christi autem animā illuc descendere vt eas manumitteret, quid opus fuit? Libèter equidem fateor, Christum ipsis illuxisse virtute sui Spiritus: vt gratiam, quam spe gustauerant duntaxat, mundo fuisse tunc exhibitam agnoscerent. Et probabili ratione huc aptari potest Petri locus, vbi dicit Christum venisse, ac prædicasse spiritibus qui in specula erant. (carcerem vertunt communiter) nam & contextus eò nos ducit, fideles qui ante id tempus defuncti fuerant, cõsortes fuisse eiusdem nobiscum gratiæ: quia vim mortis inde amplificat quòd ad mortuos vsque penetrauerit, dum piæ animæ eius visitationis, quam sollicitè expectauerant præsentis aspectu sunt potitæ: cõtrà, reprobis clarius patuit se excludi ab omni salute. Quòd autem Petrus non tam distinctè loquitur, nò ita accipiendū est quasi nullo discrimine pios simul & impios permisceat: sed tantum docere vult communem vtriusque fuisse mortis Christi sensum.

10

Iesa. 53. b. 5

Act. 2. d. 24

Verum de Christi descensu ad inferos seposita ratione symboli, certior expositio quærèda est: & nobis ex Dei verbo constat non modo sancta & pia, sed plena quoque eximie consolationis. Nihil actum erat si corporea tantum morte defunctus fuisset Christus: sed operæ simul pretium erat vt diuinæ vltionis seueritatem sentiret: quo & iræ ipsius intercederet, & satisfaceret iusto iudicio. Vnde etiam cum oportuit cum inferorum copiis æternæque mortis horrore, quasi consertis manibus, luctari. Correctionem pacis nostræ illi imposita fuisse ex Propheta nuper retulimus, fuisse propter scelera nostra à Patre percussus, attritum propter nostras infirmitates. Quibus significat, in locum sceleratorum sponsorem, vadem, adeoque instar rei submissum, qui dependeret ac persolueret omnes, quæ ab illis expetendæ erant, pœnas: vno hoc duntaxat excepto, quòd doloribus mortis non poterat detineri. Ergo si ad inferos descendisse dicitur, nihil mirum est, quum eam mortem pertulerit quæ sceleratis ab irato Deo infligitur. Ac nimis friuola, adeoque ridicula est eorum exceptio, qui dicunt hoc modo peruerti ordinem: quia absurdum est sepulturæ subiici quod præcessit. vbi enim quæ in hominū conspectu passus est Christus exposita fuerunt, opportunè subiicitur inuisibile illud & incõprehensibile iudiciū quod coram Deo sustinuit: vt sciamus nò modò corpus Christi in pretiū redemptionis fuisse traditū: sed aliud maius & excelletius pretiū fuisse quòd diros in anima cruciatus damnati ac perditī hominis pertulerit.

11

Act. 2. d. 24

Heb. 5. c. 7

Hoc sensu dicit Petrus Christum resurrexisse solutis mortis doloribus, à quibus impossibile erat ipsum teneri. vel superari. Non simpliciter nominat mortem: sed Filium Dei implicitum fuisse doloribus exprimit, quos parit maledictio & ira Dei: quæ origo mortis est. Quantulum enim fuisset, securè & quasi per lusum prodire ad subeundam mortem? Hoc verò immensæ misericordiæ verum fuit specimen, mortem quam tantopere horrebat, nò refugere. Nec dubium est quin idem docere velit Apostolus in Epist. ad Hebræos, vbi scribit, Christum à suo metu fuisse exauditum (reuerentiam alii vertunt vel pietatem, sed quàm parum aptè, res ipsa euincit, & ipsa etiam loquēdi forma.) Christus ergo cum lachrymis & clamore valido orans, à metu suo exauditur: non vt à morte sit immunis, sed ne absorbeatur vt peccator: quia illic personam nostram gerebat. Et certè nulla fingi potest magis formidabilis abyssus, quàm sentire te à Deo derelictum & alienatum: & quum inuocaueris

non exaudiri: perinde ac si in tuam perniciem ipse conspirasset. Eò Christum videmus fuisse deiectum ut coactus fuerit, urgente angustia, exclamare, Deus meus, Deus meus, ut quid me dereliquisti: Quod enim nonnulli volūt, ex aliorum potius opinione quàm ex suo sensu sic loquutum fuisse, nequaquam probabile est: quum ex intimi animi angore deductam fuisse vocem constet. Neque tamen innuimus Deum fuisse vnquam illi vel aduersarium vel iratū. Quomodo enim dilecto Filio, in quo animus eius acquieuit, irasceretur? aut quomodo Christus Patrem aliis sua intercessione placaret, quem inensum haberet ipse sibi? Sed hoc nos dicimus, diuinæ seueritatis grauitatem eum sustinuisse: quoniam manu Dei percussus & afflictus, omnia irati & punientis Dei signa expertus est. Proinde Hilarius eo de sensu hoc nos esse consequutos ratiocinatur, ut mors perempta sit. Nec aliis locis à nostra sententia ablutit: ut quum ait, Crux, mors, inferi, nostra vita sunt. Item alibi, Filius Dei in infernis est: sed homo refertur ad cælum. Et quid priuati hominis testimonium cito, quum idem Apostolus asserat, hunc victoriæ fructum commemorans, quòd liberati fuerint qui metu mortis per totam vitam obnoxii erant seruituti? Vincere ergo metum oportuit qui naturaliter cunctos mortales assidue angit ac vrget: quod fieri non potuit nisi pugnando. Porro fuisse non vulgarem aut leui de causa conceptum mœrorem, mox clarius patebit. Ita cum diaboli potestate, cum mortis horrore, cum inferorum doloribus manum conferendo, factum est ut & referret de illis victoriam, & triumphum ageret, ne iam in morte ea formidemus quæ Princeps noster deglutiuit.

Psal. 22. a. 2
Matt. 27. c. 46

Vide Cy. l. al
ter. de re. fide
ad Regin.

Lib. 4. de
Trin.
Lib. 2
Lib. 3

13 Hic nebulones quidam, licet indocti, malitia tamē magis quàm inscitia impulsī, clamitant me atrocem facere Christo iniuriam: quia minimè consentaneum fuerit eum de animæ salute timere. Deinde calumniam durius exagitant, me desperationem adscribere Filio Dei, quæ fidei contraria sit. Primum de metu pauoreque Christi, quem tam apertè prædicant Euangelistæ, cōtrouersia ab his improbè mouetur. Nam antequam instaret tempus mortis, turbatus est spiritu, & affectus mœrore: in ipso vero congressu cœpit expauescere vehementius. Simulationem si fuisse dicant, nimis putidum est effugium. Confidenter ergo (ut verè docet Ambrosius) profiteri Christi tristitiam cōuenit, nisi nos crucis pudeat. Et sane nisi pœnæ fuisset particeps anima, corporibus tantum fuisset redemptor. Luctari autem oportuit ut erigeret qui prostrati iacebant: adeoque nihil inde cœlesti eius gloriæ decedit, ut hac in parte refulgeat bonitas nunquam satis laudata, quòd infirmitates nostras in se suscipere grauatus non est. Vnde etiam solatium illud anxietatum & dolorum, quod nobis proponit Apostolus, Mediatorem hunc expertum esse nostras infirmitates, ut ad succurrendum miseris propensior sit. Obtendūt, quod vitiosum per se est indignè Christo tribui. Quasi verò supra Spiritum Dei sapiant, qui hæc duo simul conciliat, Christum fuisse tentatum per omnia sicut nos, & tamen absque peccato. Non est igitur cur nos terreat infirmitas Christi, cui ut se subiiceret, non violentia aut necessitate coactus, sed mero amore nostri, misericordiæque inductus est. Quicquid autem spōte passus est pro nobis, nihil ex eius minuit virtute. In vno autem falluntur isti obrectatores, quòd infirmitatem in Christo omni vitio labèque puram & vacuam non agnoscunt: quia se intra obedientiæ fines continuit. Nam quia moderatio in naturæ nostræ deprauatione conspici non potest, ubi omnes affectus turbido impetu modum excedunt, hac vlna perperam metiūtur Filiū Dei. At quū integer esset, in cunctis eius affectibus viguit moderatio, quæ excessum cohiberet. Vnde nobis in dolore, metu & formidine similis esse potuit, ut tamē hac nota differret. Conuicti ad aliud tandem cauillum transiliunt, quanuis mortem timuerit Christus, maledictionem & iram Dei, à qua se tutum esse nouerat, non timuisse. Sed expendant pii lectores quàm honorificum hoc sit Christo, molliorem ac magis meticulosum fuisse quàm plerosque gregarios homines. Contumaciter ad mortē properant latrones alique malefici: eam multi alto animo despiciunt: alii placidè eam obeunt. Eius horrore Filium Dei fuisse perculsum & propè attonitū, cuius fuisset constantiæ vel magnitudinis: Quod enim prodigiosum censerī vulgo posset, de eo refertur, præ vehementia cruciatus guttas sanguinis ex eius facie fluxisse. Neque verò spectaculum hoc præbuit aliorū oculis, quum in arcano recessu gemitus suos ad Patrem dirigeret. Et dubitationem eximit, quòd Angelos, qui insolita consolatione eum erigerent, è cælo descendere necesse fuit. Quàm pudenda, ut dixi, fuisset hæc molities, cuiusque torqueri ob cōmunis mortis formidinem, ut sanguineo sudore diffunderet, neque posset recreari nisi Angelorū conspectu? Quid? illa precatio ter repetita, Pater, si fieri potest, transeat à me calix iste, annon ex incredibili amaritudine animi profecta, ostendit asperius & magis arduum fuisse Christo certamen quàm cum morte communi? Vnde apparet nugatores istos, cum quibus disputo, audacter garrere de rebus incognitis: quia nun-

Heb. 4. d. 15

Matt. 26. d. 29

quam seriò reputarunt quid sit aut valeat nos redemptos esse à Dei iudicio . Atqui hæc nostra sapientia est, probè sentire quanti còstitit Dei Filio nostra salus. Si nunc roget quispiam an tunc descenderit Christus ad inferos quum mortem deprecatus est : respòdeo hoc fuisse exordiũ, vnde colligi potest quàm diros & horribiles cruciatus perpeffus fuerit, quũ se ad tribunal Dei reum stare cognosceret nostra causa. Quanquam autem sese ad momentum occultauit diuina vis spiritus, vt locum infirmitati carnis cederet : sciendum tamen est talem fuisse tentationem ex doloris & metus sensu quæ cum fide non pugnaret. Et hoc modo impletum est quod habetur in concione Petri, non potuisse eum teneri à doloribus mortis : quia se quasi derelictum à Deo sentiens, ne tantillum quidem deflexit à bonitatis eius fiducia . Quod docet celebris illa inuocatio, in qua præ doloris vehementia clamauit, Deus meus, Deus meus, vt quid dereliquisti me? Nā et si supra modũ angitur, non tamè desinit vocare Deum suum, à quo se derelictum exclamat. Porro hinc refellitur tam Apollinarius error , quàm eorum qui monothelitæ dicti sunt . Ille Christo fingeat spiritũ æternum fuisse animæ vice , vt tantum esset dimidius homo . Quasi verò expiare peccata nostra potuerit nisi Patri obediendo. Vbi autè affectus aut voluntas obedientiæ nisi in anima: quam ideo turbatam fuisse scimus vt nostræ, trepidatione discussa, pacem & quietem obtineant. Adhæc contra monothelitas , videmus vt nunc secundum hominem noluerit quod volebat secundum diuinam naturam . Omitto quod metum, de quo loquuti sumus, contrario affectu subigat. neque enim obscura est illa repugnantia species, Pater libera me ex hac hora: sed propterea veni in horam hanc. Pater clarifica nomen tuum. In qua tamen perplexitate nulla fuit intèperies, qualis in nobis cernitur dum maximè nitimur ad nos domandos.

- 13 Sequitur à mortuis resurrectio , sine qua mutilum esset quod hætenus diximus. Quando enim in cruce, morte, & sepultura Christi nonnisi infirmitas apparet, transfilienda sunt illa omnia fidei, vt pleno robore instruat. Proinde tametsi in eius morte habemus solidũ salutis complementum, quia per eam & Deo reconciliati sumus, & iusto eius iudicio satisfactum, & maledictio sublata, & persoluta est poena: dicimur tamen non per mortem, sed per resurrectionem regenerati in spem viuam. quia vt ille resurgendo victor mortis emerfit, ita fidei nostræ victoria in ipsa demum còsistit resurrectione. Quale hoc sit, melius Pauli verbis exprimitur. mortuum enim dicit propter peccata nostra, suscitatum propter nostram iustificationem. ac si diceret, morte eius sublatum peccatum, resurrectione instauratam restitutamque iustitiam . Quomodo enim moriendo liberare nos à morte poterat , si morti ipse succubuisset? quomodo comparasset nobis victoriam , si in certamine defecisset? Quare sic salutis nostræ materiam inter Christi mortem & resurrectionem partimur, quòd per illam peccatum abolutum, & mors extincta: per hanc, iustitia reparata, & erecta vita: sic tamè vt huius beneficio vim efficaciamque suam illa nobis proferat. Itaque Paulus in ipsa resurrectione declaratum fuisse Filium Dei asserit: quia tunc demum exeruit caelestem potentiam, quæ & clarum diuinitatis eius speculum est, & stabilis fidei nostræ ful-

1. Cor. 13. b. 4

Philip. 3. c. 10

1. Pet. 1. d. 21

1. Cor. 15. c. 17

Rom. 8. f. 34

Rom. 6. a. 4

Coloss. 3. a. 5

Colos. 3. a. 1

tium quoque ex ea fructū consequimur, quòd veluti accepta arrha, securi reddimur de nostra ipsorum resurrectione, cuius illam esse certissimam hypostasin constat, qua de re prolixius disputat 1. Corinth. 15. Obiter autem annotandum est, quòd dicitur ex mortuis resurrexisse, qua voce & mortis & resurrectionis veritas exprimitur, ac si diceretur, & eandē qua ceteri homines naturaliter defunguntur, mortem obiisse, & in eadem quam mortalem suscepit carne, immortalitatem recepisse.

- 14 Resurrectioni nō abs re annectitur in cælū ascensus. Etsi enim gloriā virtutēque suā Christus resurgēdo plenius illustrare cœpit, deposita iam scilicet abiecta & ignobili conditione mortalis vitæ & crucis ignominia: sua tamen demū in cælū ascensione regnū suū verè auspicatus est. Quod Apostolus ostendit quū docet illū ascendisse vt impleret omnia, vbi in specie repugnantiæ admonet pulchrū esse cōsensum: quia sic à nobis discessit, vt præsentia esset vtilior, quæ in humili carnis domicilio se cōtinebat quantisper in terris versatus est. Itaque Iohānes, vbi præclarā illam inuitationem retulit, Siquis sitit, veniat ad me, &c. Ephes. 4. b. 10 subiicit nondū fuisse tunc fidelibus datū Spiritū: quia nondū glorificatus erat Iesus. Quod etiā testatus est discipulis ipse Dominus, Expedit vobis vt abeā: nisi enim abiero, Spiritus Iohan. 7. f. 37 sanctus nō veniet. Corporalis verò absentia solatiū proponit, quòd nō deseret pupillos, sed iterū ad eos veniet, inuisibili quidē modo, sed magis optabili: quia tūc certiore experiētia edocti sunt, imperiū quo potitur, & quā exercet potentia non modò ad beatē viuēdum, sed foeliciter quoque moriendū fidelibus sufficere. Et sanè videmus quāto maiorem Spiritus sui abundantia tum effuderit, quanto magnificentius regnū suū promouerit, quanto maiorem potentiam tum in adiuuandis suis, tum in hostibus deiiciendis, extulerit. In cælum ergo sublatus, corporis sui præsentiam è conspectu nostro sustulit: non vt adesse fidelibus desineret qui adhuc in terris peregrinarentur, sed vt præsentiore virtute & cælum & terram regeret. Quin potius quod pollicitus est, se futurum nobiscum vsque ad consummationem seculi, id sua hac ascensione præstitit: qua vt corpus supra omnes cælos eleuatū est, ita virtus & efficacia vltra omnes cæli ac terræ fines diffusa propagatāque est. Hoc Augustini verbis malo quàm meis explicare. Iturus (inquit) per mortē erat Christus ad dexterā Patris, vnde venturus est ad viuos & mortuos iudicādos: præsentia itidem corporali, secundum sanam doctrinam fideique regulā. Nam præsentia spiritali cum eis erat venturus post ascensionem suam. Et alibi fusius ac clarius, Secundum ineffabilem & inuisibilem gratiam impletur quod ab eo dictum est, Ecce vobiscum sum omnibus diebus vsque ad consummationem seculi. Secundū carnem verò quam Verbum assumpsit, secundum id quòd de Virgine natus est, secundum id quòd à Iudæis cōprehensus est, quòd ligno cōfixus, quòd de cruce depositus, quòd linteis inuolutus, quòd in sepulchro conditus, quòd in resurrectione manifestatus, non semper habebitis me vobiscum. Quare: Quoniam conuersatus est secundum corporis præsentiam quadraginta diebus cum discipulis suis, & eis deducētibz videndo, non sequendo, ascendit in cælum, & non est hīc: ibi enim sedet ad dexteram Patris, & hīc est: non enim recessit præsentia maiestatis. Ergo secundum præsentiam maiestatis, semper habemus Christum: secundum præsentiam carnis, rectē dictum est discipulis, Me autem non semper habebitis. Habuit enim illum Ecclesia secundum præsentiam carnis paucis diebus: modò fide tenet, oculis non videt. Tra. in Euang. Iohan. 109

- 15 Quare mox subiicitur, cōsedisse ad Patris dexteram: similitudine scilicet à principibus sumpta, qui suos habent assessores, quibus regendi imperandique vices demandant. Ita Christus, in quo exaltari, & per cuius manum regnare vult Pater, in eius dexteram receptus dicitur, ac si diceretur cæli ac terræ dominio inauguratus, commissæ sibi administrationis possessionem solenniter adiisse: nec semel adiisse tantum, sed in ea perstare, donec ad iudiciū descendat. Sic enim Apostolus interpretatur quū ita loquitur, Cōstituit illum Pater ad dexterā suam supra omnem principatū, & potestatē, & virtutē, & dominationē, & omne nomē quod nominatur nō solum in hoc seculo, sed in futuro. & Omnia subiecit sub pedibus eius, & ipsum dedit caput Ecclesiæ supra omnia, &c. Vides quorsum pertineat illa sessio, nempe vt eius maiestatem tum cælestes tum terrenæ creaturæ suspiciāt, manu eius regantur, nutum intueantur, virtuti subiectæ sint. Neque aliud volunt Apostoli, quum illam toties cōmemorant, quàm vt eius arbitrio permissa esse vniuersa doceant. Quare non rectē illi qui beatitudinē simpliciter designari putant. Porro nihil refert quòd in Actis Stephanus cum stantē se videre testatur, quia non de corporis constitutione, sed imperii maiestate hīc agitur: vt Sedere nihil aliud sit quàm cælesti tribunali præsidere. Ephes. 1. d. 20 Philip. 2. b. 9 1. Cor. 15. d. 17 Ephes. 4. c. 15 Act. 2. e. 30 & 3. d. 21 Hebr. 1. a. 7 Act. 7. g. 56

- 16 Hinc multiplicem fructum colligit fides. Siquidem intelligit, Dominū suo in cælum ascensa aditum regni cælestis, qui per Adam præclusus fuerat, aperuisse. Quando enim in m. iiii, Aug. de fide & symb. ca. 2

Ephes. 2. b. 5 carne nostra quasi nostro nomine eò ingressus est, inde sequitur quod ait Apostolus, nos quodammodo in cælestibus iam in ipso considerare, vtpote qui cælum non spe nuda expectemus, sed in capite nostro possideamus. Deinde agnoscit illum non sine magno nostro bono apud Patrem residere. Sanctuarium enim non manufactum ingressus, coram facie Patris assiduus pro nobis aduocatus & intercessor apparet: eius oculos in suam iustitiam ita conuertit vt à peccatis nostris auertat: eius animum ita nobis recòciliat, vt viam & accessum nobis sternat ad eius thronum sua intercessione, ipsum gratia & clemètia replens, qui alioqui miseris peccatoribus plenus horroris futurus erat. Tertiò potentiã eius apprehendit, in qua situm est nostrum robur, virtus, opes, & aduersus inferos gloriatio. Nam ascendens in cælum, captiuam duxit captiuitatem: & spoliatis hostibus, locupletauit populum suum, ac quotidie spiritualibus diuitiis cumulat. In excelsis ergo sedet, vt tràssusa inde ad nos sua virtute, in vitam spirituales nos viuificet, vt Spiritu suo sanctificet, vt variis gratiarum dotibus Ecclesiam suam exornet, vt protectione sua tutam aduersus omnes noxas còseruet, vt ferocietates crucis suæ ac nostræ salutis hostes manus suæ fortitudine coerceat, denique vt omnem teneat potestatem in cælo & in terra: donec inimicos omnes suos, qui etiam nostri sunt, prostrauerit, ac Ecclesiæ suæ ædificationem consummarit. Atque hic verus est regni eius status, hæc potestas quam in eum contulit Pater, donec vltimum actum ad viuorum & mortuorum iudicium adueniens compleat.

17

Non obscura quidem præsentissimæ virtutis documenta præbet suis Christus: sed quia sub carnis humilitate quodammodo in terris delitescit eius regnũ, optimo iure vocatur fides ad cogitandam visibilem illam præsentiam quam supremo die manifestabit. Visibili enim forma è cælo descendet qualis ascendere visus est: ac omnibus apparebit cum inefabili regni sui maiestate, cum immortalitatis fulgore, cum immensa diuinitatis potentia, cum Angelorum satellitio. Inde igitur illum iubemur redemptorem expectare ad diem illũ quo agnos segregabit ab hœdis, electos à reprobis: nec erit quisquã aut viuorũ aut mortuorum qui iudicium eius effugiat. Ab extremis enim orbis angulis exaudietur tubæ clãgor, quo ad ipsius tribunal accersentur omnes, tum quos dies ille superstites deprehendet, tum quos iam antea è viuorum consortio mors sustulerit. Sunt qui secus Viuorum & mortuorum vocabula hîc accipiãt: & sanè videmus quosdam veterum in particulæ istius expositione hæsitasse: sed ille sensus, vt planus est & dilucidus, ita symbolo longè conuenientior est, quod populariter scriptum esse còstat. Neque repugnat quod Apostolus asserit, omnibus hominibus constitutũ semel mori. Nam etsi non morietur naturali modo & ordine qui ad iudicium vltimum in vita mortali supererunt, mutatio tamen illa quam patientur, quia instar mortis erit, non impropriè mors appellatur. Non omnes quidem dormituros certum est, sed immutabuntur omnes. Quid istud est? Interibit & absorbebitur vno momẽto mortalis eorum vita, & in nouam penitus naturam transformabitur. Interitum istum carnis nemo negauerit mortem esse: manet tamen interim verum, quòd viui & mortui ad iudicium citabuntur: quia mortui, qui in Christo sunt, resurgẽt primi: deinde qui reliqui erũt & superstites, obuiam Domino cum illis rapientur in aera. Et certè verisimile est hanc particulam ex concione Petri quam refert Lucas desumptam fuisse, & solenni Pauli ad Timotheum obtestatione.

18

Hinc egregia exoritur consolatio, quòd penes eum iudicium audimus esse qui nos sibi in iudicando honoris consortes iam destinauit: tantum abest vt in condemnationem nostram tribunal sit conscensurus. Quomodo enim perderet populum suum clemētissimus princeps? quomodo membra sua caput dissiparet? quomodo suos clientes patronus condemnaret? Nam si audet exclamare Apostolus, Christo intercedente nullum prodire posse qui condemnet, multo verius est, Christum ipsum intercessorem non condemnaturum eos quos in fidem clientelamque suam recepit. Non modica certè securitas quòd non ad aliud tribunal sistemur quàm redemptoris nostri, à quo salus sit expectanda: præterea, quòd ille qui per Euangelium nunc æternam beatitudinẽ promittit, tunc ratam promissionem iudicando facturum est. Ergo in hunc finem Pater Filium honorauit, omne iudiciũ illi deferendo, vt ita conscientiis suorum, terrore iudicii trepidis, consuluerit. Hactenus symboli Apostolici ordinem sequutus sum: quia dum paucis verbis capita redẽptionis perstrinxit, vice tabulæ nobis esse potest, in qua distincẽ & sigillatim perspicimus quæ in Christo attentione digna sunt. Apostolicum autẽ nuncupo, de authore interim minimè sollicitus. Apostolis certè magno veterum scriptorum consensu adscribitur: siue quòd ab illis in còmune conscriptum ac editum existimabãt, siue quòd compendium istud ex doctrina per eorum manus tradita, bona fide collectum tali elogio confirmandum censuerunt. Neque

verò mihi dubium est quin à prima statim Ecclesiæ origine adeoque ab ipso Apostolorum seculo, instar publicæ & omnium calculis receptæ cōfessionis obtinuerit, vñdecunque tandem initio fuerit profectum. Nec ab vno aliquo priuatim fuisse cōscriptum verisimile est quum ab vltima vsque memoria sacrosanctæ inter pios omnes authoritatis fuisse constet. Quod vnicè curandum est id extra controuersiam positum habemus, totam in eo fidei nostræ historiam succinctè distinctoque ordine recenseri, nihil autem contineri quod solidis Scripturæ testimoniis non sit consignatum. Quo intellecto, de authore vel anxie laborare, vel cū aliquo digladiari, nihil attinet: nisi cui fortè non sufficiat certam habere Spiritus facti veritatē, vt nō simul intelligat aut cuius ore enūtiata, aut cuius manu descripta fuerit.

- 19 Quando autē totam salutis nostræ summam ac singulas etiam partes videmus in Christo comprehensas, cauendum ne vel minimam portiunculam aliò deriuemus. Si salus quaeritur, ipso nomine Iesu docemur penes eum esse: si Spiritus alia quālibet dona, in eius vñctiōe reperientur: si fortitudo, in eius dominio: si puritas, in eius conceptione: si indulgentia, in eius natiuitate se profert, qua factus est nobis per omnia similis, vt condolefcere disceret: si redemptio, in eius passione: si absolutio, in eius damnatione: si maledictionis remissio, in eius cruce: si satisfactio, in eius sacrificio: si purgatio, in eius sanguine: si reconciliatio, in descensu ad inferos: si mortificatio carnis, in eius sepulchro: si vitæ nouitas, in eius resurrectione: si immortalitas, in eadem: si hæreditas regni cælestis, in cæli ingressu: si præsidium, si securitas, si bonorum omnium copia & facultas, in eius regno: si segura iudicii expectatio, in potestate iudicandi illi tradita. Denique in ipso thesauri omne genus bonorum quum sint, inde ad satietatem hauriantur, non aliunde. Nam qui vno ipso non cōtenti feruntur huc atque illuc in spes varias, etiam si in illum præcipuè respiciunt, eo tamen ipso rectam viam non tenent quòd aliquam suæ cognitionis partem aliò defleunt. Quāquam irreperere diffidentia ista non potest vbi semel abundantia bonorum eius probè cognita fuerit.

Rectè & propriè dici Christum nobis promeritum esse gratiam Dei & salutem.

CAP. XVII.

HÆC etiam quæstio vice auctarii expedienda est. Sunt enim homines quidā perperam arguti, qui etsi fatentur salutem nos per Christum consequi, nomē tamen meriti audire non sustinent, quo putant obscurari Dei gratiam: atque ita Christum volunt instrumentum esse duntaxat vel ministrum, non auctorem vitæ vel ducē & principem, sicuti à Petro vocatur. Equidem fateor, si quis simpliciter & per se Christum opponere vellet iudicio Dei, non fore merito locum: quia non reperietur in homine dignitas quæ possit Deum promereri: imò, vt verissimè Augustinus scribit, Clarissimum lumen prædestinationis & gratiæ ipse est saluator homo Christus Iesus, qui vt hoc esset, nullis operum vel fidei præcedentibus meritis natura humana quæ in illo est comparauit. Respondeatur quæso, ille homo vt à Verbo Patri coæterno in vñtate personæ assumptus, Filius Dei vnigenitus esset, vñde hoc meruerit? Appareat igitur in nostro capite ipse fons gratiæ, vñde secundum vniuscuiusque mensuram per cuncta eius mēbra se diffundit. Ea gratia quisque ab initio fidei suæ fit Christianus, qua homo ille ab initio suo factus est Christus. Item alibi, Nullū illustrius est prædestinationis exemplū quā ipse mediator. Qui enim hunc fecit ex semine Dauid hominem iustum qui nunquam esset iniustus, sine vllō merito præcedentis voluntatis eius, ipse ex iniustis facit iustos qui membra sunt illius capitis. & quæ sequuntur. Quum ergo de Christi merito agitur, non statuitur in eo principium: sed conscendimus ad Dei ordinationem, quæ prima causa est: quia merito beneplacito Mediatorē statuit qui nobis salutē acquireret. Atque ita inscitè opponitur Christi meritum misericordiæ Dei. Regula enim vulgaris est, quæ subalterna sunt, non pugnare. ideoque nihil obstat quominus gratuita sit hominum iustificatio ex mera Dei misericordia, & simul interueniat Christi meritum, quod Dei misericordiæ subiicitur. Nostris autē operibus aptè opponitur tam gratuitus Dei fauor quā Christi obedientia: suo ordine vtrunque. Nam Christus nonnisi ex Dei beneplacito quicquam mereri potuit: sed quia ad hoc destinatus erat vt iram Dei sacrificio suo placaret, suæque obedientia deleret transgressiones nostras. In summa quando ex sola Dei gratia (quæ hunc nobis constituit salutis modum) dependet meritum Christi, non minus aptè quā illa humanis omnibus iustitiis opponitur.

- 2 Hæc distinctio colligitur ex plurimis Scripturæ locis. Ita Deus dilexit mundum vt Filium suum vnigenitum daret, vt quisquis credit in eum non pereat. Videmus vt priorē locum teneat Dei dilectio, tanquam summa causa vel origo: sequatur fides in Christum, tãquam causa secunda & propior. Siquis excipiat, Christum nonnisi formale esse causam,

- magis extenuat eius virtutem quàm ferant verba. Nam si fide quæ in ipsum recumbit iustitiam consequimur, salutis nostræ materia in eo quærenda, quod pluribus locis clarè probatur. Non quòd priores dilexerimus eum, sed ipse nos prior dilexit, ac Filium suum misit *ἵλασμεν* pro peccatis nostris. Clarè his verbis demonstratur, Deum, nequid suo erga nos amorì obstaret, reconciliandi modum statuissè in Christo. Ac magnum pondus habet nomen placationis: quia Deus ineffabili quodà modo, quo tempore nos amabat, simul tamè erat infensus nobis, donec reconciliatus est in Christo. Quò pertinent omnes istæ sententiæ, Ipse expiatio est pro peccatis nostris. Item, Placuit Deo reconciliare per ipsum omnia erga se, pacificans per sanguinem crucis eius per ipsum, &c. Itè, Erat Deus in Christo, mundum sibi reconcilians, non imputans hominibus peccata. Item, Gratos nos habuit in dilecto Filio. Item, Ut ambos in vnum hominem reconciliaret Deo per crucem. Ratio huius mysterii ex primo ad Ephesios capite petenda est, vbi postquam docuit Paulus nos in Christo fuisse electos, simul addit, nos in eodè gratiam esse adeptos. Quomodo cœpit Deus favore suo complecti quos ante conditum mundum dilexerat, nisi quia amorem suum exeruit vbi reconciliatus est Christi sanguine? Nam quia Deus fons est omnis iustitiæ, necesse est ut homo, quandiu peccator est, illum habeat hostem & iudicem. Quare principium amoris est iustitia, qualis à Paulo describitur, Eum qui peccatum nō fecerat, pro nobis peccatum fecit, ut essemus iustitia Dei in ipso. Significat enim, gratuitam iustitiam adeptos Christi sacrificio, ut Deo placeamus, qui natura sumus filii iræ, & per peccatum alienati. Cæterum hæc distinctio etiam notatur, quoties Dei charitati adiungitur Christi gratia, unde sequitur, eum de suo quod acquisiuit, nobis largiri: quia non aliter quadraret seorsum à Patre ei adscribi hanc laudem, quòd gratia eius sit, & ab ipso proueniat.
- 3 Quòd autem verè Christus sua obedientia nobis gratiam apud Patrem acquisierit ac promeritus sit, ex pluribus scripturæ locis certò & solidè colligitur. Nam hoc pro cōfessione sumo, si pro peccatis nostris Christus satisfecit, si poenā nobis debitam persoluit, si obedientia sua Deum placavit, denique si iustus pro iniustis passus est: iustitia eius partā nobis salutem: quod tantundem valet ac promereri. Atqui teste Paulo, reconciliati sumus, & reconciliationem accepimus per eius mortem. Atqui reconciliatio locum non habet nisi vbi offensio præcessit. Sensus ergo est, Deum cui propter peccatum eramus exosi, morte Filii sui placatum fuisse, ut nobis sit propitius. Ac diligenter notanda est quæ paulo post sequitur antithesis. Sicut per transgressionem vnus peccatores cōstituti sunt multi: sic & per obedientiam iusti constituuntur. Sensus enim est, Sicut Adæ peccato alienati à Deo sumus & destinati ad interitum, ita Christi obedientia, nos in fauorem recipi tanquā iustos. Nec futurum verbi tempus præsentem iustitiā excludit: sicuti ex cōtextu apparet. Nam & prius dixerat *ῥέουσιν* ex multis delictis esse in iustificationem.
- 4 Cæterum quum dicimus Christi merito partā nobis esse gratiam, hoc intelligimus, sanguine eius nos fuisse mundatos, & eius mortem expiationem fuisse pro peccatis. Sanguis eius emundat nos à peccato. Hic sanguis est qui effunditur in remissionem peccatorum. Si hic effectus est fusi sanguinis ut non imputentur nobis peccata, sequitur eo pretio satisfactum esse iudicio Dei. Quò pertinet illud Baptistæ, Ecce agnus Dei qui tollit peccatū mundi. Nam omnibus Legis sacrificiis Christum opponit, ut impletum in eo solo doceat quòd figuræ illæ monstrarunt. Scimus autè quid passim dicat Moses, Expiabitur iniquitas, peccatum delebitur ac remittetur. Denique in veteribus figuris optimè docemur quæ sit mortis Christi vis & efficacia. Et hanc rem Apostolus, dextrè sumpto hoc principio, in Epistola ad Hebræos explicat, quòd remissio absque sanguinis effusione non fiat. Vnde colligit, Christum in abolitionem peccati per suum sacrificium semel apparuisse. Item Oblatum esse ut multorum tolleretur peccata. Dixerat autem prius, non per sanguinem hircorum aut vitulorum, sed per sanguinem proprium semel intrasse in sancta, æterna redemptione inuenta. Iam dum in hunc modum ratiocinatur, Si sanguis vitulæ sanctificat secundum carnis puritatem, multo magis sanguine Christi purificari conscientias ab operibus mortuis: facillè patet, nimis extenuari Christi gratiam nisi eius sacrificio vim expiandi, placandi, & satisfaciendi cōcedimus: quemadmodum paulo post addit, Mediator hic est Noui testamenti, ut morte interueniente in redemptionem præcedentium delictorum quæ manebant sub Lege, promissionem æternæ hæreditatis accipiant qui vocati sunt. Præsertim verò expendere conuenit analogiam quæ à Paulo describitur, quòd pro nobis factus sit maledictio, &c. Superuacuum enim, adeoque absurdum fuit, onerari Christum maledictione, nisi ut quod alii debebant persolvens, iustitiam illis acquireret. Clarum est etiam Iesaiæ testimonium, Quòd castigatio pacis nostræ Christo imposita fuit, & liuore eius nobis obtigit sanitas. Nisi enim satisfecisset pro peccatis nostris Christus, non diceretur placasse Deum poena cui

eramus obnoxii, in se recepta, cui respondet quod ibidem sequitur, Propter scelus populi mei percussus eum. Accedat etiam Petri interpretatio, quæ nihil ambiguum relinquet, quod peccata nostra portauerit super lignum. Onus enim damnationis, quo leuati sumus, dicit in Christum esse reiectum.

5 Nec obscurè pronuntiant Apostoli pretium soluisse quo nos à reatu mortis redimeret. Iustificati gratia ipsius per redemptionem quæ est in Christo, quem posuit Deus in astreum per fidem quæ est in sanguine eius. Gratiâ Dei in hoc commendat Paulus, quia redemptionis pretium dedit in Christi morte: deinde iubet nos confugere ad eius sanguinem, ut iustitiam adepti coram Dei iudicio securi stemus. Idem valet istud Petri, Redempti non auro & argento, sed pretioso sanguine agni immaculati. Neque enim congrueret antithesis nisi pro peccatis satisfactum esset hoc pretio, quâ ratione Paulus dicit nos pretiose emptos esse. Nô staret etiam alterum eius dictum, Vnus mediator qui se dedit, nisi reiecta in eum esset pœna quam meriti eramus. Ideo idem Apostolus redemptionem in sanguine Christi definit remissionem peccatorum, ac si diceret, iustificari nos vel absolui coram Deo, quia sanguis ille in satisfactionem responderet. Cui & alter locus consonat, deletum fuisse in cruce chirographum, quod erat cōtrarium nobis. Solutio enim vel compensatio notatur quæ nos à reatu absoluit. Magnum & his verbis Pauli subest pondus, Si iustificamur ex operibus Legis, ergo gratis Christus mortuus est. Nam hinc colligimus, à Christo petendum esse quod lex conferret si quis eam impleat: vel (quod idem est) nos consequi per Christi gratiâ quod Deus operibus nostris in Lege promisit, Qui fecerit hæc, viuet in ipsis. Quod nō minus clarè in concione Antiochiæ habita confirmat, credendo in Christum iustificari nos asserens ab omnibus à quibus non potuimus in lege Mosis iustificari. Nam si obseruatio Legis iustitia est, quis neget Christum, dum hoc onere in se suscepto nos Deo perinde cōciliat ac si æternus Legis obseruatores, fauorem nobis promeritum? Eodem spectat quod postea ad Galatas tradit, Deus Filium suum misit Legi subiectū, ut eos qui sub Lege erāt redimeret. Quorsum enim subiectio ista, nisi quod iustitiam nobis peperit, suscipiens præstandum cui nos soluendo non eramus? Hinc illa iustitiæ imputatio sine operibus, de qua Paulus differit: quia scilicet accepta nobis fertur quæ in solo Christo reperta fuit iustitia. Nec certè alia de causa vocatur caro Christi cibus noster, nisi quia in eo reperimus vitæ substantiâ. Eâ porro vis non aliunde prouenit nisi quia in iustitiæ nostræ pretium crucifixus fuit Dei Filius. Sicut dicit Paulus quod seipsum tradiderit sacrificium in odorem bonæ fragrantiae. Et alibi, Mortuus est propter peccata nostra: resurrexit propter iustificationem nostrâ. Inde conficitur, non modò per Christum salutem nobis datam esse, sed Patrem nobis eius gratia nunc esse propitium. Nam solidè in eo impleri non dubium est, quod per Iesaiam sub figura pronuntiat Deus, Propter me faciam, & propter Dauidem seruum meum. Cuius rei optimus testis est Apostolus quum dicit, Remittuntur vobis peccata propter nomen eius. Nam etsi non exprimitur Christi nomen, Iohannes tamen suo more sub pronomine *αὐτοῦ* eum designat. Quo etiam sensu pronuntiat Dominus. Sicuti ego vivo propter Patrem ita & vos viuetis propter me. Cui respōdet quod dicit Paulus, Vobis datū est propter Christum, *ὑπὲρ Χριστοῦ*, non solūm ut in eum credatis, sed etiam ut pro eo patiamini.

6 Quærere verò an sibi ipse meruerit (quod faciūt Lombardus & scholastici) non minus stulta est curiositas quàm temeraria definitio vbi hoc idem asserunt, Quid enim opus fuit descendere vnicum Dei Filium ut sibi acquireret quicquam noui? Et consilium suum exponens Deus omnem dubitationem eximit. Non enim Filii utilitati consuluisse dicitur Pater in eius meritis, sed eum tradidisse in mortem, neque ei pepercisse: quia mundum diligeret. Et notandæ sunt loquutiones propheticæ, Puer natus est nobis. Item, Exulta filia Sion: ecce rex tuus venit tibi. Frigeret etiam alioqui confirmatio illa amoris, quam Paulus commendat, quod Christus pro inimicis mortem subierit. Inde enim colligimus rationem sui non habuisse: idque clarè affirmat, dicēs, Pro illis sanctifico meipsum. Se enim sibi nihil acquirere testatur qui fructum sanctitatis suæ in alios transfert. Et certè hoc maximè dignum obseruatu quod Christus, ut se totum addiceret in salutem nostram, quodammodo sui oblitus est. Præposterè verò huc trahunt Pauli testimonium, Propterea exaltauit illum Pater, & dedit illi nomen, &c. Quibus enim meritis assequi potuit homo, ut iudex esset mundi, caput Angelorum, atque ut potiretur summo Dei imperio, atque in eo resideret maiestas illa cuius millesimam partem cunctæ hominum & Angelorum virtutes attingere nequeunt? Sed facilis & plena solutio est, Paulum illic nō differere de causa exaltationis Christi: sed consequentiâ dūtaxat ostendere ut nobis esset exēplo. nec omnino aliud voluit quàm quod alibi dicitur, oportuisse Christum pati, & ita intrare in gloriam Patris.

INSTITVTIONIS CHRIS- tianæ religionis Lib. III.

DE MODO PERCIPIENDAE

Christi gratiæ, & qui inde fructus nobis proueniant, & qui effe-
ctus consequantur.

Quæ de Christo dicta sunt, nobis prodesse, arcana operati-
one Spiritus. C A P. I.



V N C videndum quomodo ad nos perueniant quæ Pater Filio vnigenito contulit bona, non in priuatum vsum, sed vt inopes egenosque locupletaret. Ac primò habendū est, quan-
diu extra nos est Christus, & ab eo sumus separati, quicquid in salutem humani generis passus est ac fecit, nobis esse inu-
tile nulliusque momenti. Ergo vt nobiscum quæ à Patre ac-
cepit communicet, nostrum fieri & in nobis habitare oportet. Ideo & caput nostrū vocatur, & primogenitus inter mul-
tos fratres: nos etiā vicissim dicimur in ipsum inseri, & cum induere: quia nihil ad nos (vt dixi) quæcūque possidet, do-
nec cum ipso in vnum coalescimus. Etsi autem verum est,

hoc fide nos consequi: quando tamen videmus nō omnes promiscuè amplecti Christi cō-
municationem quæ per Euangelium offertur, alius conscendere ipsa ratio nos docet, ac
de arcana Spiritus efficacia inquirere, qua fit vt Christo bonis que eius omnibus fruamur.
Differui antè de æterna Spiritus deitate & essentia: nunc speciali hoc capite cōtenti sumus,
Christū ita in aqua & sanguine venisse, vt de eo testificetur Spiritus, ne salus per hunc par-
ta nobis effluat. Quemadmodū enim tres citantur in cælo testes, Pater, Sermo & Spiritus:
ita etiam tres in terra, aqua, sanguis & Spiritus. Neque frustra repetitur Spiritus testimo-
nium, quod sentimus cordibus nostris sigilli vice insculptū esse. Vnde fit vt ablutionem
& sacrificium Christi obsignet. Qua ratione etiam dicit Petrus fideles electos esse in sancti-
ficatione Spiritus, in obedientiam & aspersionem sanguinis Christi. Quibus verbis admo-
net, ne irrita sit sacri illius sanguinis effusio, arcana Spiritus irrigatione animas nostras eo
purgari. Qua ratione etiam Paulus, de purgatione & iustificatione verba faciens, dicit nos
fieri vtriusque compotes in nomine Iesu Christi & Spiritu Dei nostri. Huc summa redit,
Spiritus sanctum vinculum esse quo nos sibi efficaciter deuincit Christus. Quò etiā per-
tinent quæ proximo libro de eius vnctione docuimus.

- 2 Verum, quo res apprimè digna cognitu certius liqueat, tenendū est Christum peculiari
modo Spiritu sancto venisse instructum: nempe vt à mundo nos segregaret, ac in spem col-
ligeret æternæ hæreditatis. Hinc Spiritus sanctificationis dicitur: quia non virtute tantū
generali, quæ conspicitur tam in humano genere quàm in reliquis animantibus, nos ve-
getat & fouet, sed radix ac semē est cælestis vitæ in nobis. Itaque hoc maximè elogio Chri-
sti regnum commendant Prophetæ, quòd vberior Spiritus affluētia tunc floreret. In signis
præ aliis est Ioelis locus, Effundam in illa die de Spiritu meo super omnem carnem. Etsi
enim videtur dona Spiritus restringere Prophetæ ad munus prophetandi, sub figura tamen
significat, Deum illustratione Spiritus sui facturum sibi discipulos qui prius expertes & va-
cui fuerant cælestis doctrinæ. Porro quia Deus Pater propter Filium suum Spiritu sancto
nos donat, & tamen apud eum totam plenitudinem deposuit, vt suæ liberalitatis minister
esset ac dispensator: nunc Patris, nunc Filii Spiritus vocatur. Vos (inquit Paulus) non estis
in carne, sed in Spiritu: si quidem Spiritus Dei habitat in vobis. quòd si quis Spiritū Chri-
sti non habet, hic non est eius. Inde verò spem facit plenæ renouationis, quòd is qui susci-
tauit Christum à mortuis, viuificabit mortalia corpora nostra propter Spiritum eius ha-
bitantē in nobis. Nihil enim absurdi est, Patri adscribi donorum suorum laudem quorum

Ephes. 4. d. 15
Rom. 8. f. 29
Rom. 11. b. 17
Galat. 3. d. 17,

1. Joh. 5. b. 7. 8

1. Pet. 1. a. 2

Ioel. 2. g. 28

Rom. 8. b. 9

Ibidem, c. 11

est author: & tamen Christo, apud quē deposita sunt Spiritus dona quæ suis largiatur, eadem adscribi partes. Ideo cunctos sitientes ad se inuitat vt bibant. Et Paulus docet singulis distribui Spiritum pro mensura donationis Christi. Ac sciendum est, Spiritum Christi dici, non modò quatenus æternus sermo Dei est eodem Spiritu cum Patre coniunctus: sed secundum Mediatoris quoque personam: quia nisi hac virtute præditus, frustra ad nos venisset. Quo sensu vocatur secundus Adam è cælo datus in Spiritum viuificantem. vbi Paulus singularem quam suis vitam inspirat Filius Dei, vt secum vnum sint, comparat cū vita animali quæ reprobis etiam communis est. Similiter vbi optat Christi gratiam & Dei charitatem fidelibus, simul annectit communicationem Spiritus, sine qua nec paternum Dei fauorem, nec Christi beneficentiam quisquam gustabit. Sicut etiam alibi dicit, Charitas Dei effusa est in corda nostra per Spiritum sanctum qui datus est nobis.

Iohan. 7. f. 37

Ephes. 4. b. 7

1. Cor. 15. f. 48

2. Cor. 13. c. 1

Rom. 5. a. 5

3 Atque hīc notare expediet quibus elogiis Spiritum insigniat Scriptura, vbi de exordio totāque instauratione salutis nostræ agitur. Primò vocatur Spiritus adoptionis: quia nobis testis est gratuita Dei beneuolentiæ qua nos Deus Pater in dilecto vnigenito complexus est, vt nobis esset in Patrem, nōsque ad precandi fiduciam animat, imò verba dicat, vt intrepidè clamemus Abba Pater. Eadem ratione dicitur arrhabo & sigillum nostræ hereditatis: quia in mundo peregrinantes, & mortuis similes è cælo ita viuificat vt certi simus sub fidei Dei custodia salutem nostram in tuto esse. vnde & vita esse dicitur propter iustitiam. Quoniam verò arcana sua irrigatione ad germina iustitiæ proferenda nos fecundat, vocatur sapius aqua, vt apud Iesaiam, Omnes sitientes venite ad aquas. Item, Effundā Spiritum meum super sitientem, & flumina super aridam. Quibus respondet Christi sententia quam nuper adduxi, Si quis sitit, veniat ad me. Quanquam interdū à purgandi mundandique energia sic nuncupatur, vt apud Ezechielem, vbi Dominus aquas mundas promittit quibus populū suum à sordibus abluet. Quoniam verò gratiæ suæ liquore perfusos in vitæ vigorem restituit ac fouet, inde nomen obtinet olei & vnctionis. Rursus quia concupiscentiæ nostræ vitia assidue excoquendo & exurendo, corda nostra incēdit amore Dei & studio pietatis, ab hoc quoque effectu meritò ignis appellatur. Denique nobis describitur quasi fons, vnde ad nos manāt cælestes omnes diuitiæ: vel Dei manus, qua suam potētiam exercet: quia virtutis suæ afflatu diuinam nobis vitam sic inspirat vt nō iam agamur ipsi à nobis, sed eius actione ac motu regamur: vt si qua sunt in nobis bona, fructus sint gratiæ ipsius: nostræ verò sine ipso dotes, mentis sint tenebræ cordisque peruersitas. Hoc quidē iam clarè expositum est, donec intētæ sint in Spiritum mentes nostræ, Christum iacere quodāmodo otiosum: quia frigide eum extra nos, adeoque procul à nobis speculamur. Scimus autem non aliis prodesse nisi quorum est caput & primogenitus inter fratres, qui denique eum induerunt. Facit sola hæc coniunctio, ne inutiliter, quoad nos, cum Saluatoris nomine venerit. Quò spectat sacrum illud coniugium quo efficimur caro de carne eius, & ossa ex ossibus, adeoque vnū cum ipso: solo autem Spiritu vnit se nobiscum. Eiusdem Spiritus gratia & virtute efficimur illius mēbra, vt nos sub se cōtineat, vicissimq; illū possideamus.

Rom. 8. c. 16

Galat. 4. a. 6

2. Cor. 1. d. 21

Rom. 8. b. 10

Iesa. 55. a. 1

Iesa. 44. a. 3

Iohan. 7. f. 37

Ezec. 36. e. 25

1. Iohan. 2. c.

20. 27

Luc. 7. d. 16

Iohā. 4. b. 14

Act. 11. c. 21

Ephes. 4. d. 15

Rom. 8. f. 19

Galat. 3. d. 27

Ephes. 5. g. 30

4 Verūm quia fides præcipuum est eius opus, ad eam magna ex parte referūtur quæ ad vim eius & operationem exprimendam passim occurrunt: quia nonnisi per eam nos in Euangelii lumen adducit, sicuti docet Iohannes Baptista, datam esse prærogatiuam creditibus in Christū vt sint filii Dei, qui non ex carne & sanguine, sed ex Deo nati sunt. vbi Deū opponens carni & sanguini, supernaturale esse donū asserit, quòd fide recipiant Christum qui alioqui suæ incredulitati dediti manerent. Cui simile est illud Christi responsum, Caro & sanguis non reuelauit tibi, sed Pater meus qui in cælis est. quæ nunc breuiter attingo: quia iam alibi copiosè tractaui. Simile etiam est illud Pauli, Ob signatos fuisse Ephesios Spiritu promissionis sancto. Ostendit enim internum esse doctore, cuius opera in mentes nostras penetrat salutis promissio, quæ alioqui aerem dūtaxat vel aures nostras feriret. Similiter vbi Thessalonicēses dicit electos à Deo in sanctificatione Spiritus & fide veritatis: quo contextu breuiter admonet fidem ipsam non aliunde prodire quàm à Spiritu. Quod apertius explicat Iohannes, Nos scimus quòd manet in nobis è Spiritu quem nobis dedit. Itē, Ex hoc cognoscimus in eo nos manere, & ipsum in nobis, quòd dedit nobis ex Spiritu suo. Itaque discipulis suis, vt capaces essent cælestis sapientiæ, promisit Christus Spiritum veritatis, quem mundus non potest capere. Et hoc illi proprium munus attribuit, suggere quæ ipse ore docuerat. quia frustra cæcis lux se offerret nisi Spiritus ille intelligentiæ aperiret mētis oculos: vt rite clauem vocare queas qua cælestis regni thesauri nobis referantur, eiūque illuminationem mentis nostræ aciem ad videndum. Ideo Paulus tantopere commendat ministerium Spiritus: quia sine profectu clamaret doctores nisi Christus ipse

Iohan. 1. b. 13

Matt. 16. c. 17

Ephes. 1. c. 13

2. Thes. 1. d. 13

1. Ioh. 3. d. 24

Ibidē, 4. c. 13

Iohā. 14. b. 17

2. Corin. 3. b. 6

Iohan. 6. a. 4

Luc. 3. d. 16

interior magister suo Spiritu ad se traheret qui dati sunt à Patre. Ergo sicut in Christi persona reperiri diximus perfectam salutem: ita, ut fiamus eius participes, baptizat nos in Spiritu sancto & igni, illuminans nos in Euangelii sui fidem, atque ita regenerans ut simus novæ creaturæ: & prophanis sordibus purgatos in sancta Deo templa consecrat.

De fide: ubi & definitio eius ponitur, & explicantur quæ habet propria.

CAP. II.



ERVM hæc omnia cognitu facilia erunt ubi posita fuerit clarior fidei definitio: ut vim eius & naturam teneant lectores. Repetere autem memoria convenit quæ ante tradita fuerunt, quum Deus nobis per Legem præscribat quid agendum sit, si qua in parte lapsi fuerimus, terribile illud quod edicit mortis æternæ iudiciū nobis incumbere. Rursum, quia non modò arduū sed prorsus supra vires extræque omnem nostram facultatem est Legem implere ut exigit: si nos duntaxat ipsos intuemur, & quæ meritis nostris digna sit conditio reputamus, nihil bonæ spei esse reliquum, sed à Deo abiectos sub æterno interitu iacere. Hoc tertio explicatum fuit vnam esse liberationis rationem quæ nos à tam misera calamitate eruat: ubi apparet Christus redemptor, per cuius manum cælestis Pater, pro sua immensa bonitate & clementia nostri misertus, succurrere nobis voluit: si quidem & solida fide misericordiam hanc amplectimur, & in ipsa constanti spe acquiescimus. Hoc verò nunc expendere convenit, qualis esse hæc fides debeat, per quam regni cælestis possessionem adeunt quicunque adoptati sunt à Deo in filios: quando tantæ rei efficiendæ non quamlibet opinionem aut etiam persuasionem parem esse constat. Atque eo maiore cura & studio dispicienda est nobis & disquirenda germana fidei proprietas, quo perniciosior hodie est in hac parte multorum hallucinatio. Siquidem bona pars orbis, audito eius nomine, nihil altius concipit quàm vulgarem quendam Euangelicæ historiæ assensum. Imò quum in scholis de fide disputant, Deum eius obiectum simpliciter vocando, euanida speculatione (ut alibi diximus) miseras animas rapiunt transuersum magis quàm ad scopum dirigant. Nam quum Deus lucem inaccessam habitat, Christum occurrere medium necesse est. Vnde & se lumen mundi vocat: & alibi, viam, veritatem & vitam: quia ad Patrē (qui fons est vitæ) nisi per ipsum nemo venit: quia solus Patrem cognoscit, deinde fideles quibus eum voluerit patefacere. Secundum hanc rationem Paulus nihil se cognitu eximium ducere asserit præter Christum: & Actorū vigesimo se prædicasse refert fidem in Christum. & alibi Christum ita loquentē inducit, Mittam te inter gentes, ut accipiant remissionem peccatorum & sortem inter sanctos, per fidem quæ est in me. Et Paulus in eius persona nobis visibilem esse Dei gloriā testatur, vel (quod idem valet) illuminationem cognitionis gloriæ Dei in eius facie lucere. Verum quidem est in vnum Deum fidem respicere: sed illud quoque addendum est, ut agnoscat quem ille misit Iesum Christum. Quia Deus ipse procul absconditus lateret nisi nos irradiaret fulgor Christi. In hūc finem quicquid habebat Pater, apud vnigenitum deposuit, ut in eo se patefaceret: ut ipsa bonorum cōmunicatione exprimeret veram gloriæ suæ imaginem. Siquidem ut dictum est Spiritu nos trahi oportere ut ad Christum querendum incitemur: ita vicissim monendi sumus inuisibilem Patrem non alibi quàm in hac imagine querendum esse. Qua de re eleganter Augustinus, qui de fidei scopo differens, sciendum esse tradit quò sit eundem & quā: tum continuo post colligit, munitissimam aduersus omnes errores viam esse eundem Deum & hominem. Deum enim esse quò tendimus, hōinem quā imus: vtrumque autem non nisi in Christo inueniri. Nec verò Paulus, dum fidem erga Deum prædicat, in animo habet euertere quod toties inculcat de fide, quæ totā suam stabilitatem habet in Christo. Petrus vero aptissimè vtrumque connectit, dicens per ipsum nos in Deum credere.

2

Ergo hoc malum, ut alia innumera, scholasticis acceptum referri par est, qui velut obducto velo Christum texerunt, in cuius intuitum nisi rectā intenti simus, per multos labyrinthos semper vagari cōtinget. Præterquam verò quod caliginosa sua definitione totam vim fidei deterunt ac ferè exinaniunt, commentum fabricarunt implicitæ fidei, quo nomine crassissimam ignorantiam ornantes, miseræ plebeculæ cum magna perniciē illudunt. Imò (ut verius & apertius dicā quod res est) commentū hoc verā fidem non modò sepelir, sed penitus destruit. Hoc cū credere est, nihil intelligere, modò sensum tuum obediēter Ecclesiæ submittas? Non in ignoratione, sed in cognitione sita est fides: atque illa quidem non Dei modò, sed diuinæ voluntatis. Nec enim ex eo salutem consequimur, vel quò parati sumus pro vero amplecti quicquid Ecclesia præscripserit, vel quò inquirendi cognoscendique prouinciam ad ipsam relegamus: sed quando Deum agnoscimus nobis

1. Tim. 6. d. 16

Iohan. 8. b. 12

Iohan. 14. a. 5

Luc. 10. d. 22

1. Cor. 2. a. 2

A. 26. d. 17.

18

1. Cor. 4. b. 6

Li. II. de Civ.
Dei, cap. 2

1. Pet. 1. d. 11

esse propitium Patrem, reconciliatione per Christum facta: Christum verò in iustitiam, sanctificationem, & vitam nobis esse datum. Hac (inquam) cognitione, non sensus nostri submissione, ingressum in regnum cælorum obtinemus. Nam quum dicit Apostolus, corde credi ad iustitiam, ore confessionem fieri ad salutem, non satis esse indicat siquis implicitè credat quod non intelligat, nec etiam inquiret: sed explicitam requirit diuinæ bonitatis agnitionem, in qua consistit nostra iustitia.

Rom. 10. b. 10

3 Equidem non inficior (qua sumus ignorantia circumsepti) quin plurima nobis implicita nunc sint, & etiam sint futura, donec deposita carnis mole propius ad Dei præsentiam accesserimus: in quibus ipsis nihil magis expediat quàm iudicium suspendere, animum autem affirmare ad tenendam cum Ecclesia vnitatem. Verùm hoc prætextu ignorantiam humilitate temperatam fidei nomine insignire, absurdissimum est. Fides enim in Dei & Christi cognitione, non in Ecclesiæ reuerentia iacet. Et videmus qualem labyrinthum ista sua implicatione sint fabricati, vt quiduis, nullo cum delectu, dum sub Ecclesiæ obtruditur titulo, ab imperitis instar oraculi arripiatur, interdum etiam prodigiosissimi errores. Quæ inconsiderata facilitas, quum certissimum sit in ruinam præcipitium, ab iis tamen excusatur: quia definitè nihil credat, sed apposita conditione, si talis Ecclesiæ sit fides. Ita in errore veritatem, in cæcitate lucem, in ignoratiam rectam scientiam teneri fingunt. Quibus refutandis ne longius immoremur, tantùm admonemus lectorem vt ipsa cum nostris conferat. ipsa enim veritatis perspicuitas satis expedita per se refutationem suggeret. Neque enim apud eos hoc quæritur an implicita sit fides multis ignorantia reliquis, sed definiunt, rite credere qui in sua inscitia stupet, adeoque sibi indulgent, modò Ecclesiæ auctoritati & iudicio de rebus incognitis assentiantur. Quasi verò Scriptura passim non doceat cum fide coniunctam esse intelligentiam.

Iohan. 17. a. 3

4 Nos verò fidem, quandiu in mundo peregrinamur, implicitam esse concedimus, non solum quia nos multa adhuc latent: sed quia multis errorū nebulis circumdati, non omnia assequimur. Nam perfectissimi cuiusque summa sapientia est proficere, placidæque docilitate longius eniti. Itaque fideles hortatur Paulus, vt si qua de re alii ab aliis dissentiant, expectet reuelationem. Et sanè experientia docet, donec carne simus exuti, minus nos assequi quàm optandum esset. ac quotidie legendo in multos obscuros locos incidimus, qui nos ignorantia coarguunt. Atque hoc fræno in modestia nos Deus retinet, fidei mensuram singulis assignans, vt optimus etiam quisque doctor ad discendum paratus sit. Ac in signia huius fidei implicitæ exempla in Christi discipulis notare licet, antequam plenam illuminationem adepti essent. Videmus quàm difficulter rudimenta ipsa gustent, vt hæsitent in minimis quibusque, vt à magistri ore pendentes, non tamè multum promoueant. quinetiam, dum ad monumentum accurrunt mulierum admonitu, resurrectio magistri illis instar somnii est. Quum illis fidei testimonium antè reddiderit Christus, ea prorsus fuisse vacuos dicere fas non est: imò, nisi persuasi fuissent Christum resurrecturum esse, concidisset in illis omne studiū. Nec verò superstitio traxit mulieres, vt cadauer hominis extincti aromatibus condirent de cuius vita nulla spes foret: sed quanuis fidem haberent eius verbis, quem sciebant veracem esse: ruditas tamen, quæ adhuc occupabat eorum mentes, fidem caligine obuoluit, vt essent ferè attoniti. Vnde etiam dicuntur tunc demum credidisse, vbi re ipsa ab ipsis comperta fuit sermonum Christi veritas: non quòd credere inceperint, sed quia oculta fidei semen, quod in eorum cordibus velut emortuū erat, tunc recepto vigore emerfit. Vera ergo in illis fuit, sed implicita fides: quia reuerenter Christum pro vnico doctore amplexi erant. Deinde ab ipso edocti, statuebant sibi esse authorē salutis. denique credebāt e cælo venisse, vt per gratiam Patris discipulos illuc colligeret. Nec verò familiarior huius rei probatio quærenda est quàm quòd in cunctis semper mixta est fidei incredulitas.

Philip. 3. c. 15

5 Vocare etiam fidē implicitā licet quæ tamè propriè nihil aliud est quàm fidei præparatio. Plerosque credidisse Euangelistæ referunt qui tantum miraculis in admirationem rapti, non vltra progressi sunt quàm Christum esse Messiam qui promissus fuerat: quanuis ne tenui quidem Euangelii doctrina imbuti essent. Talis obseruantia, quæ eos subegit vt Christo libenter se subiicerent, ornatur fidei titulo: cuius tamen nonnisi initium fuit. Sic aulicus ille qui de Filii sanatione promissioni Christi credidit, domum reuersus, teste Euangelista, denuo credidit. nepe quia primò instar oraculi habuit quod audierat ex ore Christi: deinde eius auctoritati se addixit, ad recipiendam doctrinam. Quanquam sciendum est, ita fuisse docilem & paratum ad discendum, vt tamen verbum credendi priore loco particularem fidem denotet, secundo loco eum numeret inter discipulos qui nomen Christo dederant. Non absimile exemplū in Samaritanis proponit Iohannes, qui mulieris sermo-

Iohan. 4. g. 53

Iohan. 4. f. 42 ni crediderunt vt feruide ad Christum accurrerēt, qui tamen eo audito sic loquuntur, Iam non credimus ob sermonem tuum, sed cum audiuimus, & scimus quod seruato sit mūdī. Ex his patet, eos etiam qui primis elementis nondum sunt imbuti, modò ad obediendum ferantur, vocari fideles, non quidem propriè, sed quatenus Deus pro sua indulgētia pium illum affectum tanto honore dignatur. Sed hæc docilitas cum proficiendi desiderio longè distat à crassa ignorantia, in qua torpent qui fide implicita (qualis fingitur à Papistis) contenti sunt. Nam si Paulus seuerè eos damnat qui semper discentes, nūquam ad scientiam veritatis perueniunt, quanto grauiorem ignominiam merentur qui data opera affectant nihil scire?

6 Hæc igitur vera est Christi cognitio, si cum qualis offertur à Patre suscipimus, nempe Euangelio suo vestitum: quia sicuti in scopum fidei nostræ ipse destinatus est, ita nonnisi præeunte Euangelio rectè ad eum tēdemus. Et certè illic nobis aperiuntur thesauri gratiæ: quibus clausis, parum nobis Christus prodesset. Sic Paulus fidem doctrinæ indiuiduam comitem addit his verbis, Non ita didicistis Christum: si quidem edocti estis quæ sit veritas in Christo. Neque sic tamen ad Euangelium restringo fidem quin fatear à Mose & Prophetis traditum fuisse quod ad eam ædificandam sufficeret: sed quia plenior Christi manifestatio in Euangelio exhibita est, meritò vocatur à Paulo doctrina fidei. Qua etiam ratione alibi dicit, fidei aduentu Legem abolitam fuisse: hac voce comprehendens nouum & insolitum docendi genus, quo Patris misericordiā magis illustrauit, & de salute nostra certius testatus est Christus ex quo apparuit magister. Quanquam facilius erit & aptior methodus, si gradatim à genere ad speciem descendimus. Principio admonendi sumus, perpetuam esse fidei relationem cum verbo, nec magis ab eo posse diuelli, quàm radios à sole, vnde oriuntur. Ideo apud Iesaiam clamat Deus, Audite me, & viuēt anima vestra. Et hunc eundem fidei fontem demonstrat Iohannes his verbis, Hæc scripta sunt vt credatis. Propheta quoque hortari volēs populū ad fidem, Hodie (inquit) si vocem eius audieritis, & audire passim accipitur pro credere. Denique nō frustra Deus apud Iesaiā hac nota discernit filios Ecclesiæ ab extraneis, quod omnes erudiet, vt sint ab ipso edocti. quia si promiscuum esset beneficium, cur ad paucos dirigeret sermonē? Cui respondet quod passim Euāgelistæ fideles & discipulos ponunt tanquam synonyma, ac præsertim Lucas in Actis Apostolorū sapius. quinetiam hoc epitheton ad mulierē vsque extēdit, Act. 9. Quare si ab hoc scopo in quem collimare debet, vel minimum defleuit fides, naturam suam non retinet, sed incerta est credulitas, & vagus mentis error. Idem verbum basis est, qua fulcitur & sustinetur: unde si declinat, corruit. Tolle igitur verbum, & nulla iam restabit fides. Nō hīc disputamus an ad seminandum Dei sermonem, vnde fides concipiatur, necessarium sit hominis ministeriū, quod alibi tractabimus: sed verbum ipsum, vtcūque ad nos deferatur, instar speculi esse dicimus, in quo Deum intueatur fides. Siue igitur hominis operā in hoc Deus adhibeat, siue sola sua virtute operetur, semper tamen iis quos ad se trahere vult, per verbum suum se repræsentat. Vnde & fidem definit Paulus obedientiam quæ præstatur Euāgelio, Rom. 1. a. 5. & alibi obsequium fidei laudat in Philippēsis. Neque enim vnum id in fidei intelligentia agitur, vt Deum esse nouerimus, sed etiam, imò hoc præcipuè, vt qua sit erga nos voluntate, intelligamus. Neque enim scire quis in se sit, tantum nostra refert, sed qualis esse nobis velit. Iam ergo habemus fidem esse diuinæ erga nos voluntatis notitiam ex eius verbo perceptam. Huius autem fundamentum est, præsumpta de veritate Dei persuasio. De cuius certitudine, quandiu secum animus tuus disceptabit, dubiæ & infirmæ, vel potius nullius autoritatis erit verbum. Neque etiam sufficit Deum credere veracem, qui nec fallere nec mentiri possit, nisi constituas proculdubio, quicquid ab ipso prodit, sacrosanctam esse & inuiolabilem veritatem.

7 Sed quoniam nec ad vocem Dei quamlibet cor hominis in fidem erigitur, inquirēdum adhuc est, quid propriè fides in verbo respiciat. Vox Dei erat ad Adam, Morite morieris: Vox Dei ad Cain, Sanguis fratris tui clamat ad me de terra: sed quæ nihil per se, nisi fidem quatefacere queant: tantum abest vt stabiliendæ sint idoneæ. Non negamus interim quin fidei officium sit veritati Dei subscribere, quoties & quidquid & quocunque modo loquitur: sed quærimus modò quid in verbo Domini reperiat fides, quo nitatur & recubat. Vbi solam indignationem & vindictam conscientia nostra conspicit, quomodo non trepidabit & exhorrescet? Deum autem quæ exhorrescit, quomodo non refugeret? atqui Deū quærere fides debet, non refugere. Constat ergo nondum plenam haberi à nobis fidei definitionem: quando voluntatem Dei qualemcunque nosse, pro fide censendum non est. Quod si in locum voluntatis, cuius sepe tristis est nuntius & formidabile præconium beneuolē

tiam seu misericordiam subiiciamus? Ita certè ad fidei ingeniū propius accefferimus. tum enim ad Deum quærendum allicimur postquam didicimus salutem nobis apud eum esse repositā: quod ipsum nobis confirmatur vbi sibi curæ studioque eam esse declarat. Proinde gratiæ promissione opus est, qua nobis testificetur se propitium esse Patrem: quando nec aliter ad eum appropinquare possumus, & in eam solam reclinare cor hominis potest. Hac ratione in Psalmis passim iunguntur hæc duo sicuti inter se cohærent, misericordia & veritas: quia nec quicquam nos iuuaret scire Deum esse veracem, nisi clementer nos ad se alliceret: nec eius misericordiam amplecti nostrum esset nisi eam sua voce offerret. Veritas- Psal. 40. c. 11
 tem tuam & salutem prædicaui: non celavi bonitatem tuam & veritatē tuam. Bonitas tua & veritas custodiāt me. Alibi, Misericordia tua ad cælos, veritas tua vsque ad nubes. Item, Psal. 36. b. 6
 Omnes viæ Ichouæ clementia & veritas custodientibus fœdus eius. Item, Multiplicata est Psal. 25. b. 10
 super nos misericordia eius, & veritas Domini manet in æternum. Item, Canam nomini Psal. 117.
 tuo super misericordia & veritate tua. Omitto quod in eandem sententiam apud Prophe- Psal. 138. a. 1
 tas legitur, Deum clementem esse & fidelem in promissis. Temere enim statuemus Deum nobis propitiū, nisi de se testetur ipse, nosque sua inuitatione præueniat, ne dubia vel obscura sit voluntas. Iam autē visum est vnicum amoris pignus esse Christum: sine quo sursum & deorsum apparent odii & iræ signa. Iam quum non multum habitura sit momenti diuinæ bonitatis notitia, nisi in ea nos acquiescere faciat, excludenda est dubitatione mista intelligentia, quæ nō solidè sibi constet, sed ipsa secum disceptet. At verò plurimū abest quin mens hominis, vt cæca est & obtenebrata, ad percipiendam vsque Dei voluntatem penetret ac conscendat, atque etiam cor, vt perpetua hæsitacione fluctuatur, securum in ea persuasionē resideat. Itaque aliunde & mētem illuminari, & cor obfirmari conuenit, quò Dei verbum plenam apud nos fidem obtineat. Nunc iusta fidei definitio nobis constabit si dicamus esse diuinæ erga nos beneuolentiæ firmam certāque cognitionem, quæ gratuita in Christo promissionis veritate fundata, per Spiritum sanctum & reuelatur mentibus nostris & cordibus obsignatur.

Verū antequam vltra progrediar, quædam præmia necessaria erunt ad nodos explicandos, qui obstaculum alioqui asferre possent lectoribus. Ac primò refutanda est quæ in scholis volitat nugatoria fidei formata & informis distinctio. Imaginantur enim eos credere quicquid cognitu necessarium est ad salutem, qui nullo timore Dei, nullo pietatis sensu tanguntur. Quasi verò Spiritus sanctus corda nostra in fidem illuminando, non sit nobis adoptionis nostræ testis. Superciliose tamen, tota Scriptura reclamante, persuasionē illam timore Dei vacuam, fidei nomine dignantur. Cum eorum definitione longius consisti opus non est, quàm fidei naturam simpliciter enarrādo, qualis verbo Dei traditur. Vnde liquidò patebit quàm imperitè & insulsè de ipsa strideant magis quàm loquantur. Partem iam attigi, reliqua suo loco deinde subiiciam. Nunc dico, nihil eorum commento posse fingi absurdius. Fidem assensum esse volūt, qua recipiet quilibet Dei contēptor quod ex Scriptura profertur. Atqui primò videndum erat, sibine quisque proprio Marte fidem accersat: an Spiritus sanctus per eam testis sit adoptionis. Itaque pueriliter ineptiunt, quærendo an eadē sit fides quam superueniens qualitas format: an verò diuersa & noua. Vnde certò apparet ita garriendo de singulari Spiritus dono nunquā cogitasse: quia initium credendi iam in se reconciliationem continet qua homo ad Deum accedit. Quòd si expēderent illud Pauli, Corde creditur ad iustitiam: fingere desinerent frigidam illam qualitatem. Rom. 10. b. 10
 Si vna hæc nobis suppeteret ratio, valere deberet ad litem finiendam: assensionem scilicet ipsam, sicuti ex parte attigi, & fusius iterum repetam, cordis esse magis quàm cerebri, & affectus magis quàm intelligentiæ. Qua ratione obedientia vocatur fidei, cui nullum aliud Rom. 1. a. 5
 obsequium præfert Dominus. & meritò, quando illi sua veritate nihil est pretiosius: quā a credentibus, quasi subscriptione facta, obsignari Iohannes Baptista est testis. Quoniam res Iohan. 3. d. 15
 minimè dubia est, vno verbo statuimus, eos ineptè loqui quum fidem formari dicunt, accessione piæ affectionis ad assensum facta: quū assensus quoque pia affectione cōstet: qualis saltem in Scripturis demonstratur. Sed alterum multo clarius argumentum se etiamnum offert. Quum enim fides Christū amplectatur, vt nobis offertur à Patre: ille verò non in iustitiam modò, peccatorum remissionem & pacem offeratur, sed in sanctificationem quòque & fontem aquæ viuæ: cum haud dubiè rite cognoscere nūquam poterit quin sanctificationem Spiritus simul apprehendat. Aut si quis apertius id dictum cupiat, Fides in Christi notitia sita est. Christus nisi cum Spiritus sui sanctificatione cognosci nequit. Cōsequitur, fidem à pio affectu nullo modo esse distrahendā.

Quòd solent obtrudere quod ait Paulus, Siquis scilicet omnem fidem habeat, vt mōtes 1. Cor. 13. a. 2

transferat, charitatem verò non habeat, cum nihil esse, quo fidem charitate spoliata de-
 1. Cor. 12. b. 10, forment: non animaduertunt quid eo loco sit Apostolo fides. Quum enim proximo capite
 Ibidem. d. 31 differuisset de variis donis Spiritus, in quibus reposuerat genera linguarum, virtutes, pro-
 phetiam, & hortatus esset Corinthios ad sectanda ex iis meliora, hoc est, vnde plus fructus
 & emolumentum rediret ad totum Ecclesiæ corpus: subiicit, excellentiorem adhuc se viam de-
 monstraturum. Eiusmodi dona omnia, vtcunque per se excellentia sint, nihili tamen æsti-
 manda esse nisi charitati seruiant. Esse enim in Ecclesiæ ædificationem data: in eam nisi
 conferantur, perdere suam gratiam. Ad id probandum distributione vtitur, repetens eadē
 illa quæ superius recensuerat dona, sed aliis nominibus. Pro eodem autem vsurpat virtu-
 tes, & fidem, nempe pro edendorum miraculorū facultate. Quum ergo hæc siue virtus siue
 fides particulare sit donū Dei, quo impius quispiam & pollere queat & abuti, vt dono lin-
 guarum, vt prophetia, vt aliis charismatibus: nō mirum si à charitate separetur. Totus au-
 tem istorum error in eo est, quòd quum vocabulum fidei sit *πίστις*, significati diuersitate
 non obseruata, perinde pugnant ac si eadem vbique foret acceptio. Locus Iacobi, quem in
 eiusdem erroris patrocinium accersunt, alibi discutietur. Quamquam verò plures esse fidei
 formas, docendi causa concedimus, dum volumus ostendere qualis sit in impiis Dei noti-
 tia: vnicam tamen piorum fidem, vt Scriptura docet, agnoscimus & prædicamus. Credūt
 certē plurimi Deum esse, Euangelicam historiam ac reliquas Scripturæ partes veras esse
 arbitrātur: (quale fere iudicium esse solet de iis quæ vel olim gesta narrantur, vel ipsi præ-
 sentes spectauimus) sunt etiam qui vltra procedunt: nam & Dei sermonem pro certissimo
 habent oraculo, nec eius præcepta prorsus negligunt, & minis & promissionibus vtcūque
 commouentur. Talibus quidem fidei testimoniū tribuitur, sed per *κατὰ χάριν*: quoniam Dei
 verbum non impugnat manifesta impietate, vel aspernātur, vel contemnunt: sed quandā
 potius obedientiæ speciem præ se ferunt.

10 Verūm hæc fidei seu vmbra, seu imago, vt nullius est momēti, ita indigna est fid ei ap-
 pellatione: à cuius solida veritate quā procul absit, tametsi mox fusius videbitur, nihil ta-
 men impedit nunc obiter indicari. Credidisse dicitur Simon Magus, qui tamen suam in-
 credulitatē paulo post prodit. Quòd fides illi tribuitur, nō intelligimus cum quibusdam,
 A. 8. b. 13, simulasse verbis quam in corde nullam haberet: sed potius arbitramur, Euangelii maie-
 & c. 18 state victum, qualemcunque fidē adhibuisse, atque ita Christum, vitæ & salutis authorem
 agnouisse, vt libenter illi nomen daret. Eodem modo credere ad tempus dicuntur in Euan-
 Luc. 8. a. 7, gelio Lucæ, in quibus verbi semen, antequā fructificet, præfocatur: aut etiam nullis dum
 & b. 13 actis radicibus arcescit mox & deperit. Tales non dubitamus quodam verbi gustu affectos
 ipsum auidē arripere, & diuinam eius virtutē persentiscere: vt fallaci fidei simulatione nō
 hominum oculis modò imponāt, sed suis ipsorum animis. Ipsissimam enim pietatem esse
 sibi persuadent illam quam Dei verbo deferunt reuerentiam, quia nullam esse impieta-
 tē reputant, nisi manifestū & confessum eius vel probrum vel cōtemptum. Qualiscunque
 autē illa est assensio, ad cor ipsum vsque minimē penetrat, vt illic defixa resideat. & quan-
 quam radices egisse interdum videtur, viuæ tamen illæ nō sunt. Tot vanitatis recessus ha-
 bet, tot mendacii latebris scatet cor humanum, tam fraudulēta hypocrisis obrectum est, vt
 seipsum sæpe fallat. At verò qui talibus fidei simulachris gloriantur, intelligant Diabolis
 nihilo se in hac parte præcellere. Priores certē illi sunt multo inferiores, qui stupidi audiūt
 Iac. 1. d. 19 & intelligunt, quorum notitia Diaboli contremiscunt: alii in hoc pares sunt, quòd qualis-
 cunque sensus, quo tanguntur, in terrorem tandem exit & consternationem.

11 Scio quibusdam durum videri vbi fides reprobis tribuitur: quum Paulus eam fructum
 1. The. 1. a. 4-5 electionis esse asserat, qui tamen nodus facilē soluitur: quia etsi in fidem non illuminan-
 tur, nec Euangelii efficaciam verè sentiunt nisi qui præordinati sunt ad salutem: experien-
 tia tamen ostendit reprobos interdum simili fere sensu atque electos affici, vt ne suo quidē
 iudicio quicquam ab electis differant. Quare nihil absurdi est quòd cælestium donorū gu-
 stus ab Apostolo, & temporalis fides à Christo illis adscribitur: non quòd vim spiritualis
 gratiæ solidē percipiant ac certum fidei lumen: sed quia Dominus, vt magis conuictos &
 inexcusabiles reddat, se insinuat in eorum mentes, quatenus sine adoptionis Spiritu gusta-
 ri potest eius bonitas. Siquis obiiciat, nihil igitur amplius restare fidelibus vnde certò ado-
 ptionem suam æstiment: respondeo, quauis magna sit similitudo & affinitas inter Dei
 Galat. 4. a. 6 electos, & qui fide caduca ad tempus donantur, vigere tamē in solis electis fiduciam illam
 quam celebrat Paulus, vt plēno ore clament, Abba, Pater. Ergo, vt solos electos semine in-
 corruptibili Deus in perpetuum regenerat, vt nunquam dispereat semen vitæ eorum cor-
 dibus insitū: ita solidē in illis obsignat adoptionis suæ gratiam, vt stabilis ac rata sit. Sed

Hoc minimè obstat quin illa inferior Spiritus operatio cursum suum habeat etiam in reprobis. Interea docetur fideles, sollicitè & humiliter seipsos excutere, ne pro fidei certitudine obrepat carnis securitas. Adde quòd reprobis nunquam sensum gratiæ nisi confusum percipiunt, ut umbram potius apprehendant quàm solidum corpus: quia peccatorum remissionem Spiritus propriè in solis electis obsignat, ut eam speciali fide in usum suum applicent. Merito tamen dicuntur reprobis Deum credere sibi propitium: quia donum reconciliationis, licet còfuse nec satis distinctè, suscipiunt: non quòd eiusdem vel fidei, vel regenerationis participes sint cum filiis Dei: sed quia còmune cum illis fidei principium habere videntur, sub integumento hypocriseos. Nec verò nego quin hucusque eorum mentes irradiet Deus, ut eius gratiam agnoscant: sed sensum illum à peculiari testimonio quod reddit suis electis, ita distinguit, ut ad solidum effectum & fructum non perueniant. Non enim ideo se propitium illis demonstrat, quia verè ex morte ereptos in custodiam suam recipiat, sed tantum illis manifestat præsentem misericordiam. Viua autem fidei radice solos electos dignatur, ut in finem usque perseuerent. Ita diluitur obiectio illa, si verè gratiam suam demonstrat Deus, hoc perpetuò fixum esse: quia nihil obstat quominus præfenti gratiæ suæ sensu, qui postea evanescit, Deus aliquos illustret.

32 Quamquam etiam fides diuinæ erga nos benevolentiae notitia est, & certa de eius veritate persuasio: non mirum tamè est diuini amoris sensum in temporariis evanescere, qui licet fidei sit affinis, ab ea tamen multum differt. Voluntas Dei immutabilis est, fateor, & semper eius veritas sibi constat. atqui nego hucusque progredi reprobos, ut in arcanam illam reuelationem penetrent, quam solis electis Scriptura vendicat. Nego igitur eos vel Dei voluntatem, ut est immutabilis, capere, vel eius veritatem constanter amplecti: quia in sensu evanido subsidunt. sicuti arbor non satis altè plantata, ut viuas radices agat, tēporis successu arescit: licet per aliquot annos non flores tantum & folia emittat, sed etiam fructus. Denique sicut primi hominis defectione deleri potuit ex eius mente & anima imago Dei, ita mirum non est si quibusdam gratiæ suæ radiis reprobis illuceat, quos postea extingui patitur. Nec verò quicquam impedit quominus leuiter alios tingat Euangelii sui notitia, alios penitus imbuat. Hoc interim tenendum est, quantumuis exigua sit ac debilis in electis fides, quia tamen Spiritus Dei certa illis arrha est ac sigillum suæ adoptionis, nunquam ex eorum cordibus deleri posse eius sculpturā: reprobos verò tali luce aspergi quæ postea dispareat. Neque tamè fallacem esse Spiritum: quia semen quod iacit in eorum cordibus, non viuificat, ut semper maneat incorruptibile, sicuti in electis. Ultrà procedo, nā quum ex Scripturæ doctrina, & quotidiano usu constet reprobos interdū affici diuinæ gratiæ sensu, quoddam mutui amoris desiderium in illorum cordibus excitari necesse est. Sic in Saule ad tempus viguit pius affectus, ut Deum amaret, à quo paternè se tractari sciens, aliqua bonitatis eius dulcedine capiebatur. At quemadmodum radicatus non hæret in reprobis de paterno Dei amore persuasio: ita non solus eum redamant ut filii, sed mercenario quodam affectu ducuntur. Nam soli Christo hac lege datus est Spiritus ille amoris, ut eum membris suis instillet. nec certè longius quàm ad electos patet illud Pauli, Diffusa est charitas Dei in corda nostra per Spiritum sanctum qui datus est nobis, nempe charitas quæ illam, quam supra attigi, inuocationis fiduciam generat. Sicuti ex opposito videmus, Deum mirabiliter irasci filiis suis quos amare nō desinit: non quòd apud se eos oderit, sed quia terrere eos vult iræ suæ sensu, ut superbiam carnis humiliet, torporem excutiat, & ad poenitentiam sollicitet. Itaque eodem tempore & iratum sibi, vel peccatis suis, & propitium concipiunt: quia non fidè iram eius deprecantur, ad quem tamen cum tranquilla fiducia confugiunt. His quidem constat, quosdam non simulare fidem, qui tamen vera fide carent: sed dum subito zeli impetu feruntur, seipsos falsa opinione decipiūt. Nec dubium est quin ipsos occupet socordia, ne cor suum probè, ut par erat, examinent. Tales fuisse probabile est quibus (teste Iohanne) Christus seipsum non credebatur, quum tamè in ipsum crederent: quia nouerat omnes, & sciebat quid esset in homine. Quòd nisi à communi fide multi exciderēt (commune appello, quia magna est similitudo & affinitas fidei temporalis cum viua & perpetua) non dixisset Christus discipulis, Si vos māseritis in sermone meo, verè discipuli mei estis: & cognoscetis veritatem: & veritas vos liberos reddet. Eos enim compellat qui amplexi erant eius doctrinam, & hortatur ad profectum fidei, ne torpore suo lumē quod datum est, extinguant. Ideo Paulus fidem electis peculiariter vendicat, significans multos evanescere, quia viuam radicem non traxerunt. Sicuti etiam loquitur Christus apud Matthæum, Omnis arbor quam non plantauit Pater meus, eradicabitur. In aliis crassius est mendacium, quos Deo & hominibus illudere non pudet. In hoc genus hominum, qui falla-

Rom. 5. 25

Iohan. 1. d. 29

Iohan. 8. d. 31

Tit. 1. 2. 1

Matth. 15. 13

- Iacob. 2** ci prætectu impiè fidē profanant, inuehitur Iacobus. Nec Paulus requireret à filiis Dei fidē
1. Tim. 1. a. 5 non fictam, nisi quia multi sibi audacter arrogant quod non habent, & inani fuco vel alios
Ibidem, d. 19 vel interdum seipsos fallunt. Itaque bonam conscientiam arcæ comparat, in qua custodi-
 tur fides: quia multi ab illa excidendo circa hanc naufragium fecerunt.
- 13** Tenenda etiam est ambigua verbi significatio. sæpe enim fides tantundem valet ac
 sana pietatis doctrina, sicut eo quem nuper citauimus loco, & eadem epistola vbi Paulus
1. Tim. 3. b. 9 diaconos tenere vult mysterium fidei in pura conscientia: Item, vbi denuntiat quorūdam
1. Tim. 4. a. 1 defectionem à fide. Ex opposito autem dicit enutritum fuisse Timotheum verbis fidei. Itē,
Ibidem, b. 6 vbi dicit, profanas inanitates & oppositiones falsò nominatæ scientiæ, in causa esse vt mul-
2. Tim. 2. c. 16 ti à fide discedant: quos alibi reprobos vocat circa fidem. Sicuti rursum vbi Tito præcipit,
Ibidem, 3. b. 8 Admone eos vt sani sint in fide: sanitatis voce nihil aliud intelligit quàm doctrinæ purita-
Tit. 1. d. 13, & tem, quæ hominū leuitate faciliè corrumpitur & degenerat. Nempe quia in Christo, quem
2. a. 2 possidet fides, absconditi sunt omnes thesauri scientiæ & sapientiæ: meritò extēditur ad to-
Coloss. 2. a. 3 tam cælestis doctrinæ summā, à qua non potest separari. Cōtrā ad particulare aliquod ob-
Matth. 9. a. 2 iectum aliquando restringitur. sicuti quum dicit Matthæus Christum fidem eorum vidisse
Matth. 8. b. 10 se qui per regulas paralyticum demiserant: & ipse clamat se non inuenisse tātā fidem in
 Israel quantam Centurio attulerat. Atqui probabile est intentum prorsus fuisse ad filiæ
 sanationem, cuius cura occupauerat totum eius animum. sed quia solo Christi nutu & re-
 sponso contentus corporalem præsentiam non flagitat, huius circūstantiæ causa tātōpe-
 re extollitur eius fides. Et nuper docuimus Paulum accipere fidem pro dono miraculo-
 rum. quo pollent qui nec Spiritu Dei sunt regeneriti, nec eum seriò colunt. Alibi etiam fidē
1. Cor. 13. c. 13 ponit pro doctrina qua in fide instituimur. Nam quum scribit fidem abolēdam, non du-
 bium est id referri ad Ecclesiæ ministerium, quod infirmitati nostræ hodie vtile est. In his
 quidem loquendi formis constat analogia. Caterum vbi improprie transfertur nomen fi-
 dei ad falsam professionem vel mendacem titulum, nihilo asperior videri debet κατὰ γεννησις,
 quàm vbi timor Dei ponitur pro vitioso & peruerso cultu. sicuti quum sapius dicitur in sa-
 cra historia, Gentes exteræ quæ in Samariam & vicina loca traductæ fuerāt, timuisse deos
 fictitios & Deum Israel. quod tantundem valet, ac calum terræ miscere. Sed nunc quæri-
 mus quid sit fides quæ filios Dei ab incredulis distinguit, qua Deum inuocamus patrē, qua
 transimus à morte in vitam, & qua Christus (æterna salus & vita) in nobis habitat. Eius au-
 tē vim & naturam breuiter & dilucidè explicuisse videor.
- 14** Nunc singulas partes de integro persequamur: quibus diligenter excussis, nihil (vt opi-
 nor) dubium restabit. Cognitionem definitionis eius dum vocamus, non intelligimus cō-
 prehensionem, qualis esse solet earum rerum quæ sub humanum sensum cadunt. Adeò e-
 nim superior est, vt mentem hominis seipsam excedere & superare oporteat, quo ad illam
 pertingat. Neque etiā vbi pertigit, quod sentit assequitur: sed dum persuasum habet quod
 non capit, plus ipsa persuasionis certitudine intelligit quàm si humanum aliquid sua capa-
 citate perspicere. Quare eleganter Paulus, qui id vocat comprehendere quæ sit longitudo,
Ephes. 3. d. 18 latitudo, profunditas & sublimitas, & cognoscere supereminentem cognitioni dilectionē
 Christi. Voluit enim significare, modis omnibus infinitum esse quod mens nostra fide cō-
 plectitur, & genus hoc cognitionis esse omni intelligentia longè sublimius. Quia tamen ar-
Colos. 1. d. 16 canum voluntatis suæ, quod à seculis & generationibus absconditum erat, Dominus san-
Ibidem, 2. a. 1. ctis patefecit, optima ratione fides subinde in Scripturis agnitio vocatur: ab Iohanne verò
1. Iohan. 3. a. 2 scientia: quum fideles testatur scire se esse filios Dei. Et sanè certò sciunt: sed diuinæ verita-
 tis persuasionē confirmati magis quàm rationali demonstratione edocti. Id indicāt & Pau-
1. Cor. 5. b. 6 li verba, nos in hoc corpore habitantes, à Domino peregrinari: quia per fidē ambulamus,
 non per aspectum: quibus ostendit, ea quæ per fidem intelligimus, à nobis tamen abesse, &
 aspectum nostrum latere. Vnde statuimus, fidei notitiam certitudine magis quàm appre-
 hensione contineri.
- 15** Addimus, certam ac firmam, quo solidior persuasionis constantia exprimat. Nam vt
 dubia & versatili opinione non est contenta fides, ita nec obscura perplexaque conceptio-
 ne: sed plenam & fixam, qualis de rebus compertis & probatis esse solet, certitudinem requi-
 rit. Tam altè enim & radicitus hæret in cordibus nostris incredulitas, & ita ad eam sumus
 propensi, vt quod ore fatentur omnes, Deū esse fidelem, non absque arduo certamine quis-
 quam sibi persuadeat. Præsertim vbi ad rem ventum est, omnium vacillatio detegit vitiū
 quod latebat. Nec verò frustra tam insignibus elogiis verbo Dei authoritatem asserit Spi-
 ritus sanctus: sed morbo quem dixi mederi vult, vt Deus in suis promissis plenam obtineat
 apud nos fidem. Eloquia Ichouæ, eloquia pura (inquit Dauid) argentum fusum in eximio

catino terræ, purgatum septies. Item, Sermo Iehouæ excoctus, clypeus est omnibus confidentibus in ipso. Solomo autem idem confirmans & fere iisdem verbis, Omnis sermo Dei excoctus. Sed quia in hoc fere argumento Psalmus centesimus decimus nonus consumitur, plura recitare superuacuum esset. Certè quoties ita suum sermonem commédât nobis Deus, obliquè incredulitatem nobis exprobat: quia non aliò tendit nisi vt peruersas dubitationes è cordibus nostris eradicet. Sunt etiâ permulti qui Dei misericordiam sic concipiunt, vt quam minimum consolationis inde recipiant. Simul enim misera anxietate constringuntur, dum dubitant an misericors sibi sit futurus: quia illam ipsam, de qua persuasissimi sibi videntur, clementiam nimium exiguis finibus terminant. Etenim ita secum reputant, magnam quidem eam esse & copiosam, effusam in multos, obuiam omnibus & paratam: sed incertum esse an ad se quoque peruentura sit, vel potius an sint ad eam peruenturi. Hæc cogitatio, quum in medio cursu resistat, dimidia tantum est. Itaque non tam secura spiritum tranquillitate confirmat, quàm irrequieta hæsitatio sollicitat. Longè est alius sensus *παραφορέας*, quæ fidei semper in Scripturis tribuitur: nempe qui Dei bonitatem perspicuè nobis propositam extra dubium ponat. Id autem fieri nequit quin eius suauitatem verè sentiamus, & experiamur in nobis ipsis. Quare Apostolus ex fide deducit fiduciam, & ex hac rursus audaciam. Sic enim loquitur, per Christum nos habere audaciam, & aditum in fiducia, quæ est per fidem illius. Quibus sanè verbis ostendit, non esse rectam fidem, nisi quum tranquillis animis audemus nos in conspectum Dei sistere. Quæ audacia non nisi ex diuinæ beneuolentiæ salutisque certa fiducia nascitur. Quod adeò verum est vt sæpiusculè pro fiducia nomen fidei vsurpetur.

16 Hic præcipuus fidei cardo vertitur, ne quas Dominus offert misericordiæ promissiones, extra nos tantum veras esse arbitremur, in nobis minimè: sed vt potius eas intus cōplectēdo nostras faciamus. Hinc demum nascitur fiducia illa quæ alibi pacē idem vocat: nisi quis pacē deriuare inde malit. Est autē securitas quæ conscientiam corā Dei iudicio sedat & serenat: sine qua, tumultuosa trepidatione ipsam vexari & penè dilaniari necesse est, nisi fortè Dei & sui oblita, ad momentū obdormiscat. Et verè ad momentū. neque enim diu fruitur misera illa obliuione, quin memoria diuini iudicii subinde recurrēte, acerrimè lancinetur. In summa, verè fidelis non est nisi qui solida persuasione Deū sibi propitiū beneuolūque patrē esse persuasus, de eius benignitate omnia sibi pollicetur: nisi qui diuinæ erga se beneuolentiæ promissionibus fretus, indubitata salutis expectationē præsumit: vt Apostolus his verbis demonstrat, Si fiduciam & gloriationē spei ad finem vsque firmam tenuerimus. Sic enim non bene sperare in Domino existimat nisi qui confidenter se regni cælestis hæredem gloriatur. Fidelis (inquam) non est nisi qui suæ salutis securitati innixus, Diabolo & morti cōfidenter insultet, quomodo ex præclaro illo Pauli epiphonemate docemur. Confusus sum (inquit) quòd neque mors, neque vita, neque Angeli, neque principatus, neque potestates, neque præsentia, neque futura poterunt nos à charitate Dei diuellere, qua nos complectitur in Christo Iesu. Sic idem Apostolus non aliter existimat bene illuminari oculos mentis nostræ, nisi cernamus quæ sit spes æternæ hæreditatis, ad quam vocati sumus. Et vbi-que sic docet, vt innuat non bene aliter Dei bonitatem à nobis comprehendere nisi magnæ securitatis fructum inde colligamus.

17 Atqui (dicit quispiam) longè aliud experiuntur fideles, qui in recognoscēda erga se Dei gratia non modò inquietudine tentantur (quod sæpe illis contingit) sed grauissimis etiam terroribus interdum quatefiunt. tanta est ad deturbandas eorum mentes tentationū vehementia: id quod non satis videtur cum illa fidei certitudine cohærere. Proinde nodus hic soluendus est si superiorem illam doctrinam stare volumus. Nos certè, dum fidem docemus esse debere certam ac securam, non certitudinem aliquam imaginamur quæ nulla tangatur dubitatione, nec securitatē quæ nulla sollicitudine impetatur: quin potius dicimus perpetuum esse fidelibus certamē cum sua ipsorum diffidentia. tantum abest vt eorum conscientias in placida aliqua quiete collocemus, quæ nullis omnino turbis interpellatur. Rursus tamen, qualemcunque in modum affligentur, decidere ac desciscere negamus à certa illa, quam de misericordia Dei conceperunt, fiducia. Nullū illustrius vel magis memorabile exemplum fidei proponit Scriptura quàm in Dauide, præsertim si contrarium vitæ cursum spectes. Ille tamen quàm non semper pacato animo fuerit, innumeris querimoniis declarat, ex quibus paucas eligere sufficiet. Dū animæ suæ turbulentos motus exprobat, quid aliud quàm suæ incredulitati succenset? Quid trepidas (inquit) anima mea, & quid tumultuaris intra me? spera in Deum. Et certè consternatio illa apertū diffidentiae signum fuit, ac si destitui se à Deo putaret. Amplior etiam alibi confessio legitur,

Psal. 31. d. 13 Dixi in mea præcipatione, Proiectus sum à cōspectu oculorum tuorum. Alibi etiam anxia & misera perplexitate secum disceptat, imò de ipsa Dei natura litem mouet. An oblitus est misereri De? an in secula repellet? Durius quod sequitur, Atqui dixi, Occidere meū est: mutationes dextræ excelsi. Nam quasi desperatus seipsum exitio adiudicat: nec tantū agitari se dubitatione fatetur sed (quasi in certamine succubuerit) nihil sibi facit residuū: quia Deus ipsum deseruerit, & manū, quæ olim auxiliaris erat, conuerterit ad ipsum perdedūm. Quare non abs re animā suam hortatur ut ad quietem suam redeat: quia expertus fuerat inter fluctus turbulentos se iactari. Et tamen, quod mirabile est, inter istas cōcussiones piorum corda fides sustentat: verēque palmæ vicem obtinet, ut contrā quælibet onerānitatur, sursumque se attollat: sicuti Dauid, quū obrutus videri posset, se tamen increpando, ad Deum surgere non destitit. Qui verò cum propria infirmitate certans, ad fidem in suis anxietatibus contendit, iam magna ex parte victor est. Quod ex hac sententia & similibus colligere licet, Expecta Iehouam: fortis esto, roborabit ille cor tuum. Expecta Iehouam. Seipsum timiditatis coarguit, & idem bis repetens, se multis agitationibus subinde obnoxium fatetur esse. Interim non tantū sibi displicet in his vitiis: sed enixè ad correctionem aspirat. Certè si propius iusto examine cōferre cum libeat cum Achaz, reperietur magnum discrimen. Mittitur Iesaias qui remedium afferat impii Regis & hypocritæ anxietati. his verbis eū alloquitur, Sis in custodia & quiesce: ne formides, &c. Quid ille? Sicuti prius dictum fuerat cor eius fuisse commotum, sicuti quatuntur arbores sylvæ à vento, licet audita promissione expauescere nō destitit. Est igitur hæc propria infidelitatis merces & pœna, sic contremiscere ut in tentatione se à Deo auertat qui sibi ianuam fide non aperit: contrā autē fideles, quos incuruat & fere opprimit tentationum moles, constanter, quāuis non sine molestia & difficultate emergunt. Et quia sibi propriæ imbecillitatis sunt cōfessii, cum Propheta precantur, Ne auferas ab ore meo verbū veritatis vsque valde. Quibus verbis docemur, interdum ipsos obmutescere, ac si prostrata esset eorum fides: non tamen deficere aut terga vertere, sed certamen suum persequi, & suam segnitiam precando acuerre, ne saltem ex indulgentia stuporem contrahant.

18 Id quo intelligatur, necesse est redire ad illam carnis & spiritus diuisionem, cuius alibi meminimus, quæ in hac parte lucidissimè se profert. Sentit ergo in se diuisionem pium pectus, quod partim ob diuinæ bonitatis agnitionem suauitate perfunditur, partim ob suæ calamitatis sensum amaritudine angitur, partim in Euangelii promissionem recumbit, partim suæ iniquitatis testimonio trepidat, partim vitæ apprehensione exultat, partim mortem exhorrescit. Quæ variatio ex fidei imperfectione contingit: quando nunquā tam bene in præsentis vitæ cursu nobiscum agitur ut omni diffidentia morbo curati, fide toti repleamur & occupemur. Hinc confictus illi: vbi quæ in reliquiis carnis hæret diffidentia, ad oppugnandam quæ intus concepta est fidem insurgit. Verū si in fideli mente certitudo permixta est dubitatione, annon eò semper recidimus ut fides non certa & liquida, sed obscura modò & perplexa diuinæ erga nos voluntatis notitia cōstet? Minimè verò. Neque enim, si variis cogitationibus distrahimur, ideo protinus à fide diuellimur. nec si sursum deorsum diffidentia agitatione vexamur, ideo in eius abyssum demergimur: neque si cōcutimur, ideo de gradu deturbamur. Siquidem istius certaminis semper hic finis est, quòd fides eas difficultates, quibus ita circumsessa videtur periclitari, tandem eluctatur.

19 Summa hæc sit. Vbi primū vel minima fidei gutta mentibus nostris instillata est, iam faciem Dei placidam & serenam nobisque propitiam contemplari incipimus, procul id quidem & eminus: sed ita certo intuitu, ut sciamus nos minimè hallucinari. Quantum deinde proficimus (ut nos assidue proficere decet) quasi progressu factò, in propiorē eius cōspectum eoque certiorē venimus, & ipsa etiam continuatione familiarior nobis redditur. Ita mentem Dei cognitione illuminatam, initio multa ignorantia videmus inuolutam teneri, quæ paulatim abstergitur. Non tamen quædam ignorando, aut obscurius id quod cernit cernendo, impeditur quin diuinæ erga se voluntatis perspicua notitia fruatur, quod in fide primas ac potissimas partes tenet. Quemadmodum enim si quis carcere inclusus, ex angustiore fenestra obliquè tantū & quasi dimidiatim emicantes habeat solis radios, libero quidem priuatur solis aspectu, splendorem tamen non ambiguum oculis haurit, eiūsq; vsum recipit: sic terrei corporis compedibus vincti, utcunque multa obscuritate vndique obumbremur, luce tamen Dei vel pusillum ad exerendam eius misericordiam irradiante, quantum satis est ad solidam securitatem illuminamur.

20 Vtrunque diuersis locis Apostolus eleganter docet. Quum enim ex parte nos cognoscere, & ex parte prophetare, viderēque in ænigmate per speculum tradit, quā tenuis in præ-

senti vita illius verè diuinæ sapientiæ portiuncula nobis detur, indicat. Et si enim non simpliciter indicant verba illa imperfectam esse fidem quantisper gemimus sub carnis onere, sed quòd necesse est nobis assidue discendo exerceri, ex imperfectiōe nostra cōtingere: inuit tamen modulo nostro & angustis quod immensum est non posse comprehendere. Atque hoc Paulus de tota Ecclesia prædicat: cuique autem nostrum sua ruditas obstaculum & remora est, ne tam propè accedat quàm optandum esset. At quàm certo & minimè fallaci sui gustu nos afficiat vel exigua fidei guttula, idem alibi ostendit, quum affirmat nos per Euangelium, reuelata facie, nullòque obiecto velamine gloriam Dei tāta efficacia contemplari, ut in eandem imaginem transformemur. In talibus ignorantie inuolucris plurimū simul dubitationis & trepidationis implicari necesse est: quum præsertim cor nostrū suo quodam naturali instinctu ad incredulitatem propendeat. Huc accedunt tentationes, quæ & infinitæ numero & genere varix magno idem impetu insiliunt. Ipsa præcipuè conscientia incumbente peccatorum mole oppressa, nunc tecum querulatur ac gemit, nunc se arguit, nunc tacitè fremit, nunc apertè tumultuat. Siue ergo res aduersæ iram Dei præ se ferunt, siue eius argumentum & materiam conscientia in se reperit, inde tela & machinas ad profligandam fidem incredulitas arripit: quæ tamen ad hunc scopum perpetuò destinantur ut Deum nobis aduersum & infensum esse patantes, nec opis ab ipso quicquam speremus, & timeamus ceu ab hoste capitali.

- 21 Ad hos impetus sustinendos fides se verbo Domini armat & munit. Atque ubi insultat huiusmodi tēratio, Deum esse inimicum, quia sit infestus: contrā excipit, esse quoque, dum affligit, misericordem: quia castigatio à dilectione potius quàm ira proueniat. Vbi hac cogitatione feritur, Deum esse iniquitatum vindicem, opponit veniam delictis omnibus paratam, quoties ad Domini clementiam peccator se confert. Ita pia mens, ut cunque miris modis exagitetur ac diuexetur, supra omnes tamen difficultates tandē emergit, nec sibi diuinæ misericordiæ fiduciam excuti vnquam patitur. Quin potius quæcūque disceptationes eam exercent & fatigant, in istius fiduciæ certitudinem exeunt. Huius rei argumento est, quòd sancti, dum ultione Dei maximè vrgeri sibi videntur, apud ipsum tamen querimonias suas deponunt, & dum se minimè exauditū iri apparet, cum nihilominus inuocāt. Quorsum enim attineret apud eum deplorare à quo solatium nullum sperarent? cum verò inuocare nunquam inducerent in animum, nisi aliquid sibi opis ab eo paratum crederent. Sic discipuli, in quibus fidei pusillitatem Christus reprehendit, se quidem perire querabantur, eius tamen auxilium implorabant. Nec verò dum eos ob pusillam fidem castigat, reiecit à suorum ordine, vel annumerat incredulis, sed ad vitium excutiendum incitat. Ergo, quod iam superius dictum est, rursus asserimus, fidei radicem nunquā è pio pectore auelli quin ima in parte defixa hæreat, ut cunque decussa huc aut illuc inclinare videatur: eius lumen ita nunquam extinguī aut præfocari, quin saltem velut sub fauilla delitescat. atque hoc documento patefieri, verbum, quod semen est incorruptibile, fructum sui similem producere, cuius germen nunquam arescit ac perit in totum. Siquidem quum hæc sit sanctis extrema desperationis materia, manum Dei in suum exitium, secundum præsentium rerum æstimationem, sentire: eousque tamen progressuram spem suam Iob affirmat, ut si ab eo occidatur, non sit propterea desiturus in eum sperare. Ita est sanè. non intus in cordibus piorum regnat incredulitas, sed foris oppugnat: nec lethaliter vulnerat suis telis, sed infestat, aut certè sic lædit ut vulnus sit sanabile. Fides enim, ut Paulus docet, nobis pro scuto est: ea telis opposita, eorum vim sic excipit ut prorsus depellat, vel saltè frangat, ne ad vitalia penetret. Quum ergo concutitur fides, perinde est ac si violento ictu iaculi miles alioqui firmus pedē mouere cogatur, & paulum cedere: quū autem sauciat fides ipsa, perinde est ac si clypeus fractionem aliquam ex impressione recipiat, sic tamen ut non perforetur. Semper enim eò pia mens emergit, ut cum Dauide dicat, Si ambulauero in medio umbræ mortis, non timebo mala: quoniam tu mecum es. Ambulare certè in caligine mortis est terrificum: nec fieri potest quin fideles, quantumuis firmitudinis habeant, id perhorrescant. Sed quoniam illa cogitatio superat, quòd Deum habeāt præsentem, & suæ salutis consulentem, simul vincitur timor securitate. Quanta sibi autem machinas (ut Augustinus ait) aduersum nos erigat Diabolus, quando non tenet locum cordis, ubi fides habitat, erectus est foras. Ita si ex euentu iudicium fiat, non tantum ab omni pugna salui euadunt fideles, ut paulo post recepto vigore rursus in arenā descendere sint parati: sed impletur quod dicit Iohannes in sua canonica, Hæc est victoria quæ vincit mundum, fides vestra. Neque enim tantum in prælio vno, vel paucis, vel cōtra aliquem insultum affirmat fore victricē, sed superiorem toto mundo quauis millies impetatur.

1. Cor. 3. d. 13

Matth. 8. c. 25

Iob 13. c. 15

Ephes. 6. c. 16.

Psal. 13. a. 4

1. Iohan. 5. a. 4

22 Altera est timoris ac trepidationis species, ex qua tamen adeo nihil decedit fidei securitati, ut solidius inde stabilietur. Nempe dum fideles vel exempla diuinæ ultionis aduersus impios edita documentorum vice sibi esse cogitantes, ne iisdem flagitiis iram Dei in se prouocare sibi contingat, sollicitè cauent: vel quum miseriam suam secum recognoscētes, à Domino toti pendere discunt, sine quo se quolibet vento fluxos magis & euarios esse vident. Nam Apostolus, dum propositis flagellis, quibus in Israeliticum populum olim Dominus vindicarat, terrorem Corinthiis incutit ne similibus malis seipsum obstringat, eo fiduciam ipsorum nihil labefaciat: sed torporem carnis modò excutit, quo fides obrui magis quàm confirmari solet. Nec dum à Iudæorum casu argumentum exhortandi sumit, ut qui stat videat ne cadat, nos vacillare iubet, ac si nostræ stabilitatis parum certi essemus: sed arrogantiam duntaxat & temerariam propriæ virtutis præfidentiam adimit, ne depulsis Iudæis Gentes in eorum locum receptæ, ferocius insultet. Quanquā non fideles tantum illic alloquitur, sed oratione sua hypocritas etiam comprehendit, qui externa duntaxat specie gloriabantur. Neque enim singulos homines admonet, sed comparatione inter Iudæos & Gentes posita, postquam illos ostēderat iustas incredulitatis & ingratitude suæ in eo pœnas dare quod reiecti essent, has etiam hortatur ne superbiendo ac sese offerendo gratiam adoptionis nuper ad se translatam amittant. Quemadmodum autem in illa Iudæorum reiectione supererant aliqui ex ipsis qui ab adoptionis fœdere minimè exciderant: ita poterat aliqui ex Gentibus emergere qui sine vera fide, tantum stulta carnis confidentia inflarentur, atque ita abuterentur in suam perniciem Dei benignitate. Verum etiam si electis ac fidelibus hoc dictum accipias, nihil ex eo sequetur incommodi. Aliud enim est temeritate, quæ ex carnis reliquiis interdum sanctis obrepit, reprimere ne inani cōfidentia lasciuat, aliud conscientiam timore percellere, ne plena securitate in Dei misericordia acquiescat.

23 Deinde ubi docet ut cum timore & tremore operemur salutem nostram, non aliud exigit nisi ut in Domini virtutē, cum multa nostri deiectione, suspicere assuescamus. Enimvero nihil tam nos ad fiduciam certitudinemque animi in Dominum reiciendam, expergefacerit quàm nostri diffidētia, & concepta ex conscientia nostræ calamitatis anxietas. In quem sensum accipiendū est quod est apud Prophetā, In multitudine bonitatis tuæ ingrediar templū tuum: adorabo in timore. Vbi decet fidei audaciam, quæ Dei misericordiæ innititur, cum religioso timore coniungit, quo nos affici necesse est quoties in conspectum diuinæ maiestatis prodeunt, ex eius splendore, quanta sit nostra obscœnitas, intelligimus. Verè etiam Solomo, dum beatū hominē pronuntiat qui terret assidue cor suum: quoniam induratione in malum corrumpitur. At terrorem intelligit qui nos cautiore reddat, non autem quo afflicti concidamus: dum scilicet animus in se confusus, in Deo se recolligit: in illo erigitur, apud seipsum deiectus: diffusus sibi, illius fiducia respirat. Proinde nihil obstat quin simul & terreantur fideles, & securissima consolatione potiantur: prout nunc in suam vanitatem oculos conuertunt, nunc in Dei veritatem animi cogitationem referunt. Quomodo (dicit quispiam) in eodē animo sedem habebunt pauor & fides? Nempe sicuti ex opposito torpor & anxietas. Nam quum impii indolentiam sibi accersant, ne quis timor Dei eos sollicitet, vrget tamen eos Dei iudicium ne assequatur quod appetunt. Ita nihil impedit quominus suos exerceat Deus ad humilitatem, ut fortiter militando, sub fræno modestiæ se cohibeant. Atque hoc fuisse Apostoli consilium liquet ex contextu, ubi metus & tremoris causam assignat Dei beneplacitum, quo dat suis & bene velle & strenuè profequi. In hunc sensum accipere conuenit illud Prophetæ, Pauebūt filii Israel ad Deum & ad bonitatem eius: quia non solum pietas reuerentiam Dei gignit, sed ipsa dulcedo & suauitas gratiæ hominem in seipso deiectū timore simul & admiratione imbuunt ut à Deo pendeat, seque humiliter subiiciat eius potentiæ.

24 Neque tamen sic locum facimus pestilentissimæ philosophiæ, quam nonnulli semiparistæ cudere hodie in angulis incipiunt. Quia enim crassam illam dubitationem, quæ in scholis tradita fuit, tueri nequeunt, confugiunt ad aliud commentum, ut fiduciam incredulitate mixtam faciant. Quoties in Christum respicimus, fatentur illic nos inuenire plenam bene sperandi materiam: sed quia semper indigni sumus illis omnibus bonis quæ in Christo nobis offeruntur, volunt indignitatis nostræ intuitu nos fluctuari & hesitare. In summa, cōscientiam sic statuunt inter spem & metum, ut per interualla & vices huc atque illuc alternet: spem verò & metum sic inter se conferunt, ut illa exoriente, hic opprimatur: hoc resurgente, illa rursus cōcidat. Ita Satā, ubi iam videt apertas machinas illas quibus fidei certitudinem destruere antea solitus erat, nūc nihil valere, obliquis cuniculis eam labefacere conatur. Qualis autem erit illa fiducia quæ subinde desperationi cedit? Si Chri-

sum (inquiunt) cōsideras, certa salus: si ad teipsum reuerteris, certa damnatio. Ergo alternis diffidentiam & bonam spem in animo tuo regnare necesse est. Quasi verò Christū, veluti procul stantem, & non potius in nobis habitantem debeamus cogitare. Ideo enim ab ipso salutē expectamus, non quia eminus nobis appareat: sed quia nos corpori suo inritos, nō modò suorum omnium bonorū participes faciat, sed sui quoque ipsius. Proinde hoc ipsorum argumentū sic retorqueo, Si teipsum cōsideras, certa damnatio: sed quoniā Christus tibi cum omnibus suis bonis sic communicatus est, vt omnia eius tua fiant, vt fias eius membrū, adeoque vnū cum ipso: iustitia eius tua peccata obruit, salus eius tuā damnationem abolet, ipse sua dignitate intercedit ne in conspectum Dei veniat tua indignitas. Sic est sanè: Christum à nobis separare, aut nos ab ipso minimè conuenit: sed vtraque manu fortiter retinere oportet eam qua se nobis agglutinauit societatem. Ita nos Apostolus instruit. Corpus quidē (inquit) mortuum est propter peccatum: sed Spiritus Christi qui in vobis habitat, vita est propter iustitiam. Secundū istorum nugamentū dicere debuerat, Christus quidem vitam apud se habet: sed vos, vt estis peccatores, manetis morti & damnationi obnoxii. Atqui longe aliter loquitur. Docet enim, eam quam à nobis meremur dānationem, Christi salute absorptam esse: atque ad id confirmandum, ea quam attuli ratione vitatur: quia Christus non extra nos est, sed in nobis habitat: nec solū indiuiduo societatis nexu nobis adhæret, sed mirabili quadam communione in vnum corpus nobiscum coalescit in dies magis ac magis, donec vnum penitus nobiscum fiat. Neque tamen inficior, quod nuper dixi, quasdam interdum interruptiones fidei contingere, prout eius imbecillitas inter violentos impetus huc vel illuc flectitur. Ita in densa caligine tentationum suffocatur eius lumen. Quicquid tamen accidat, à quærendi Dei studio non desistit.

Rom. 8. 6. 13

25 Nec aliter differit Bernardus, quum hoc argumentum ex professo tractat, Homilia in dedicatione templi quinta. Dei (inquam) beneficio nonnunquam de anima cogitans, videor mihi in ea veluti duo quædā cōtraria inuenire. si ipsam, prout in se est & ex se, intueor: de ea nihil verius dicere possum quàm ad nihilum esse redactam. Quid modò necesse est singulas eius misérias numerare, quàm sit onerata peccatis, offusa tenebris, irretita illecebris, pruriens concupiscentiis, obnoxia passionibus, impleta illusionibus, prona semper ad malum, in vitium omne procliuis, postremò ignominie & confusionis plena? Nimirum si ipsa quoque iustitiæ omnes ad lumen veritatis inspectæ, velut pannus menstruata inueniuntur, iniustitiæ deinceps quales reputabūtur? Si lumen quod in nobis est, tenebræ sunt, ipsæ tenebræ quantæ erunt? Quid igitur? sine dubio vanitati similis factus est homo: in nihilū redactus est homo: nihil est homo. Quomodo tamen penitus nihil est quem magnificat Deus? Quomodo nihil, erga quem appositum est cor diuinum? Respiremus fratres. Et si nihil sumus in cordibus nostris, fortè in corde Dei potest aliquid latere de nobis. O Pater misericordiarū, ô Pater miserorum, quomodo apponis erga nos cor tuum? Cor enim tuū vbi est thesaurus tuus. Quomodo autē thesaurus tuus sumus, si nihil sumus? Omnes gentes quasi non sint, sic sunt ante te: in nihilum reputabuntur. Nimirū ante te: non intrate: sic in iudicio veritatis tuæ, sed non sic in affectu pietatis tuæ. Nimirū vocas ea quæ non sunt, tanquam sint. & non sunt ergo, quia quæ non sunt, vocas: & sunt, quia vocas. Licet enim non sint, quantum ad se: apud te tamen sunt, iuxta illud Pauli, Non ex operibus iustitiæ, sed ex vocante. Deinde mirificam esse hanc connexionem dicit vtriusque considerationis. Certè quæ inter se connexa sunt, se inuicem non destruunt. Quod etiam in conclusione apertius declarat his verbis, Iam si vtraque consideratione diligenter inspexerimus nos quid sumus: imò in vna quàm nihil, in altera quàm magnificati: puto temperata videtur gloriatio nostra: sed forsan magis aucta est, solidata quidem, vt non in nobis sed in Domino gloriemur. Nimirū si cogitamus, si decreuerit saluare nos, statim liberabimur: iam in hoc respirare licet. Sed in altiore speculam ascendentes, quæramus ciuitatē Dei, quæramus templum, quæramus domum, quæramus sponsam. Non oblitus sum: sed cum metu & reuerētia dico, Nos inquam sumus: sed in corde Dei. Nos sumus: sed illius dignatione, non nostra dignitate.

Iesa. 64. 6. 8

Matth. 6. 6. 23

Rom. 9. 8. 12

26 Porro timor Domini, cuius testimonium passim deferitur sanctis omnibus, & qui aliàs initium sapientiæ, aliàs sapientia ipsa nuncupatur, tamen vnus est, gemino tamen ex sensu emanat. Habet enim in se Deus Patris reuerentiam, & Domini. Itaque qui illum reuoluit colere, & obedientem illi filium se præstare & obsequentem seruum studebit. Obediētiam quæ sibi ut Patri redditur, Dominus per Prophetam honorem vocat: obsequium quod vt Domino exhibetur, timorem. Filius (inquit) honorat patrem, & seruus dominum. Si ego Pater, vbi honor? Si Dominus, vbi timor? Vt cunque autem distinguat, vides vt cō-

Psal. 11. 6. 10

Prouer. 1. a. 7

Prou. 15. d. 23

Iob 8. c. 28

Malach. 1. b. 7

fundat vtrunque simul. Timor ergo Domini, sit nobis reuerentia honore illo & timore mixta. Nec mirum si vtrunque affectum idem animus recipiat. nam qui secū reputat qualis sit nobis Pater Deus, satis habet causæ, etiam si nulli sint inferi, cur eius offensionem qualibet morte grauius perhorrescat. Sed etiam (quæ est ad peccandi licentiam carnis nostræ lasciuia) quo eam modis omnibus cohibeamus, arripienda simul est hæc cogitatio, Domino, sub cuius potestate degimus, esse abominationi omnem iniquitatē: cuius ultionem non euadent qui flagitiose viuendo, eius iram aduersum se prouocarint.

27 Quod autem Iohannes dicit, timorem non esse in charitate, sed perfectā charitatem expellere foras timorē, quoniam timor pœnam habet, nihil istis repugnat. De teriore enim incredulitatis loquitur, à quo longe differt iste fidelium timor. Neque enim Deum timent impij, quod in eius offensionem incurrere vereantur, si quidem impunè id possent: sed quia vindictæ potentia esse armatum sciunt, ad auditum iræ eius, horrore concutuntur. Ac iram quoque sic timent, quia sibi imminere arbitrantur, quia singulis momentis expectant dum in caput suum corruat. Fideles autem (vt dictum est) & offensam plusquam pœnam timent, nec timore pœnæ perturbantur, ac si ceruicibus suis impenderet: sed cautiores redduntur, ne ipsam accersant. Sic Apostolus, dum fideles alloquitur, Nolite falli, inquit: propter hoc venit ira Dei in filios diffidentia. Non minatur in ipsos descensuram: sed admonet, vt impijs ob ea quæ recensuerat flagitia iram Domini præparatam cogitent: ne & ipsi eam experiri velint. Quanquam rarò contingit vt solis & simplicibus minis expergeant reprobi: quin potius iam sua duritie tardi & hebetes, quoties verbis fulminat Deus e cælo, ad contumaciam se obdurant: sed manu eius percussi, timere, velint nolint, cecuntur. Timorem hunc vulgò seruilē vocant, & ingenuo volūtariōque opponūt, qui filios decet. Alii mediam speciem subtiliter interserūt: quia seruilis ille & coactus affectus animos interdum subigit vt ad timorem Dei sponte accedant.

28 Iam in diuina beneuolentia, quam respicere dicitur fides, intelligimus salutis ac vitæ æternæ possessionem obtineri. Nam si, Deo propitio, nihil boni deesse potest: abundè nobis sufficit, ad salutis certitudinem, vbi suæ dilectionis ipse nos certiores facit. Ostēdat faciem suam, inquit Propheta, & salui erimus. Vnde hanc salutis nostræ summam statuunt Scripturæ, quod abolitis inimicitijs omnibus in gratiā nos recepit. Quo scilicet inruunt, Deo nobis recōciliato, nihil manere periculi quin omnia nobis bene succedāt. Quare fides, dilectione Dei apprehensa, promissiones habet vitæ præsentis & futuræ, solidamque bonorū omnium securitatem: sed qualis è verbo percipi potest. Neque enim vitæ huius aut lōgitudinem, aut honorē, aut opes sibi certò fides promittit: (quando nihil horum nobis esse constitutū voluit Dominus) sed hac certitudine contenta est, vt cūque nos multa deficiant quæ ad vitæ huius subsidium pertinent, Deum tamen nunquam defuturum. Præcipua autem eius securitas in futuræ vitæ expectatione residet, quæ extra dubium per Dei verbum posita est. Quæcunque tamen in terra miseriæ & calamitates eos maneant quos sua dilectione complexus est Deus, impedire nequeūt quin eius beneuolētia, plena sit fœlicitas. Proinde, quum summam beatitudinis vellemus exprimere, Dei gratiam posuimus: è qua scaturigine vniuersæ bonorum species nobis profluunt. Atque id passim obseruare in Scripturis licet, nos ad Domini charitatem reuocari quoties non de æterna modò salute, sed quolibet bono nostro agitur. Qua ratione Dauid canit, diuinam bonitatem, dum in pio corde sentitur, vita ipsa esse suauiore & optabiliorem. Denique, si nobis affluant omnia pro voto, de amore autem Dei vel odio incerti sumus, maledicta erit ac proinde misera nostra fœlicitas. Quod si affulgeat paterna Dei facies, ipsæ quoque miseriæ beatæ erunt, quia vertentur in salutis adiumenta. Sicuti Paulus res omnes aduersas accumulans, gloriatur tamen, per illas nos ab amore Dei non disiungi: & in suis precationibus semper incipit à Dei gratia, vnde manat omnis prosperitas. Similiter Dauid cunctis terroribus, qui nos conturbant, opponit solum Dei fauorē. Si ambulauero in medio vmbra mortis (inquit) non timebo mala: quoniam tu mecū es. Et sentimus semper animos nostros vacillare, nisi Dei gratia contenti, pacem suam in ea quærunt, & penitus infixū habent quod dicitur in Psalmo, Beatus populus cuius Iehoua est Deus, & gens quam elegit in hereditatem sibi.

29 Fidei fūdamētum facimus gratuitam promissionem, quod in ipsa propriè fides consistat. Tametsi enim Deum per omnia veracem esse statuatur, siue iubeat, siue prohibeat: siue promittat, siue minetur: iussa etiam eius obediēter excipiat, interdīcta obseruet, ad minas animaduertat: propriè tamen à promissione incipit, in ipsa cōstat, in ipsam definit. Vitam enim in Deo quærūt, quæ non in mādatis, aut pœnarum edictis, sed misericordiæ promissione reperitur, eaque non nisi gratuita: quoniam conditionalis, qua ad opera nostra remittit

timur, non aliter vitam promittit, quàm si perspiciamus esse in nobis sitam. Ergo, nisi fidē tremere ac vacillare volumus, illā salutis promissione fulciamus oportet: quæ à Domino ultro ac liberaliter, potiùsque miserix nostræ quàm dignitatis respectu offeratur. Quare Apostolus hoc Euāgelio testimonium defert, quòd sit verbū fidei: Legis tum præceptis, tum promissionibus adimit: quando nihil est quod fidem stabilire queat, nisi liberalis illa legatio qua sibi Deus mundum reconciliat. Inde & apud eundem crebra fidei & Euangelii correlatio, dum Euāgelii ministerium sibi commissum docet in fidei obedientiam: illud esse virtutem Dei, in salutem omni credenti: in illo reuelari Dei iustitiā ex fide in fidem. Nec mirum, siquidem, quum Euangelium sit recōciliationis ministerium, nullum aliud satis firmum diuinæ erga nos beneuolentiæ testimoniū extat, cuius agnitionem fides requirit. Quum ergo fidem gratuitæ promissioni inniti oportere dicimus, non negamus quin Dei verbum omni ex parte amplectantur & suscipiāt fideles: sed misericordiæ promissionem fidei in proprium scopum destinamus. Quemadmodum iudicem & ultorem scelerum Deum debent quidem agnoscere fideles, & tamen in eius clementiam propriè intuentur: quando talis considerādus illis describitur qui beneuolus sit & misericors, procul ira, multitudo bonitate, suauis vniuersis, super omnia opera sua misericordiam suam effundens.

Rom. 1. 2. 5, & b. 16. 17

1. Cor. 5. d. 18

Psal. 86. a. 5, & 103. b. 8, & 145. b. 8

30 Nec verò Pighii aut similium canum latratus moror, dum hanc restrictionem exagitant, quasi fidem lacerādo, frustum vnum arripiat. Fateor, vt iam dixi, generale fidei obiectum (vt loquuntur) esse Dei veritatē: siue minetur, siue spē faciat gratiæ. Quare Apostolus fidei hoc adscribit, quòd Noe mundi interitum, quum nondum videbatur, timuerit. Si timor imminentis pœnæ, fidei fuit opus, non debent minæ ab eius definitione excludi. Hoc quidem verum est. sed nos immeritò grauant calumniatores, ac si negaremus, fidem habere respectum ad omnes verbi Dei partes. Tantum enim indicare hæc duo volumus, nunquam scilicet ipsam consistere, donec ad gratuitam promissionem peruenerit: deinde non aliter nos per ipsam conciliari Deo, nisi quia nos Christo copulat. Vtrunque notatu dignū. Fidem quærimus quæ Dei filios à reprobis discernat, & fideles ab incredulis. Siquis Deum & iustè præcipere quicquid præcipit & verè minari credat, an propterea fidelis vocabitur? Nihil minus. Firmus ergo fidei status nō erit, nisi in Dei misericordia sistatur. Iam quorsum de fide disputamus? nōne vt teneamus viam salutis? Quomodo autem fides saluifica nisi quatenus nos in Christi corpus inserit? Nihil ergo absurdi si in definitione præcipuum eius effectum ita vrgemus, & loco differētiæ subiicimus generi notam illam quæ fideles ab incredulis separat. Denique nihil habent in hac doctrina maleuoli quod carpant quin Paulum nobiscum inuoluant in eandem reprehensionem, qui Euāgelium propriè appellat fidei sermonem.

Heb. 11. b. 7

Rom. 10. b. 8

31 Hinc verò rursum colligimus quod antè expositum fuit, non minus verbo opus habere fidem quàm fructum viua radice arboris: quia nō alii, teste Dauide, sperare in Deo possunt, nisi qui nouerunt nomen eius. Hæc autem cognitio ex cuiusque imaginatione non est: sed quatenus Deus ipse suæ bonitatis testis est. Quod idem Propheta alibi confirmat, Salus tua secundum eloquium tuum: Itē, Speraui in verbo tuo, saluum me fac. Vbi notanda est fidei ad verbum relatio, deinde salutis consequentia. Neque tamen interea potentiam Dei excludimus, cuius intuitu nisi se fides sustētet, nunquam Deo tribuet suum honorem. Videtur Paulus frigidum quiddā aut vulgare referre de Abrahā: quòd crediderit, Deum, qui benedictum semen ei promiserat, potentem esse. Item alibi de seipso, Scio cui crediderim, & certus sum quòd potens sit depositū meum seruare in diem illum. Verum si quisque secum expendat quot identidem dubitationes de virtute Dei obrepant, satis agnoscat qui eam magnificiunt vt digna est, non paruos fecisse progressus in fide. Fatebimur omnes Deum posse quicquid vult: sed dum nos metu consternat & horrore attonitos reddit minima quæque tentatio, hinc palam est nos derogare potētix Dei, cui præferimus quæ contra eius promissiones minatur Satan. Hæc ratio est cur Iesaias, dum salutis certitudinem vult imprimere cordibus populi, tam magnificè de immēsa Dei virtute differat. Videtur sæpe, vbi sermonem exorsus est de spe veniæ & recōciliationis, aliò digredi, & vagari per longas & superuacuas ambages, commemorans quàm mirabiliter Deus cæli & terræ machinam cum toto naturæ ordine gubernet. nihil tamē est quod nō circūstantiæ præsentī seruiat: quia nisi virtus Dei, qua potest omnia, oculis nostris occurrat, verbum aures malignè admittent, vel non æstimabunt iusto pretio. Adde quòd effectualis potentia hīc notatur: quia pietas, vt alibi visum fuit, Dei potentiam semper ad vsum & opus accommodat: præsertim opera Dei sibi proponit quibus se patrē esse testatus est. Hinc illa tam crebra in Scripturis redemptionis memoria, ex qua discere poterant Israelitæ, Deum, qui semel author

Psal. 9. b. 11

Psal. 119. 43

Rom. 4. d. 11

1. Tim. 1. c. 12

fuerat salutis, æternum fore eius custodem. Suo etiam exemplo nos admonet Dauid, quæ priuatim singulis beneficia contulit Deus, ad confirmationem fidei eius in posterum valere: imò ubi deseruisse nos videtur, sensus nostros longius extendere conuenit, ut vetusta eius beneficia nos erigant, sicuti alio Psalmo dicitur, Memor fui dierum antiquorū: meditatatus sum in cunctis operibus tuis, &c. Item, Recordabor operum Domini, & mirabilium eius ab initio. Sed quia sine verbo euanidum est quicquid concipimus de potentia Dei & operibus: non temere asserimus nullam esse fidem donec gratiæ suæ testimonio præluceat Deus. Posset hinc tamen moueri quæstio, quid de Sara & Rebecca sentiendum sit, quarum utraque fidei zelo (ut videtur) impulsæ, extra verbi fines egressæ est. Sara quæ arderet desiderio promissæ sobolis, ancillam suam marito supposuit. Quin multis modis peccauerit negandum non est: sed hoc vitium nunc attingo, quod zelo suo abrepta se intra verbi Dei metas non cōtinuit. Certum tamen est, desiderium illud à fide profectum esse. Rebecca oraculo certior facta de electione filii sui Iacob, eius benedictionem malo artificio procurat: maritum suum gratiæ Dei testem ac ministrum decipit: filium suum cogit mentiri: variis fraudibus & imposturis corrumpit Dei veritatem. Denique ludibrio exponens illius promissionem, quantum in se est eam abolet. Neque tamen hoc opus, quamlibet vitiosum & reprehensione dignum, fide vacuū fuit: quia superare multa offendicula necesse fuit ut tantopere appeteret quod sine spe terrenæ utilitatis ingentibus molestiis & periculis refertum erat. Sicuti sanctum Patriarcham Isaac non omnino fide priuabimus, eo quod admonitus eodem oraculo de honore ad minorem filium translato, non desinit tamen propensus esse in primogenitum suum Esau. Docent certè hæc exempla, errores sæpe fidei esse permixtos: sic tamen ut primatum semper teneat illa, ubi vera est. Sicuti enim Rebeckæ particularis error nō irritum benedictionis effectum reddidit, sic neque fidem, quæ generaliter dominata est in eius animo, principiumque & causa fuit illius actionis. In eo nihilominus prodidit Rebecca quàm lubricus sit humanæ mentis flexus simul ac vel tantillū sibi permittit. Etsi autē defectus & imbecillitas fidem obscurat, nō tamē extinguit: interim nos admonet quàm sollicitè pendere oporteat ex ore Dei: & simul confirmat quod docuimus, fidem nisi verbo suffultam effluere: sicuti & Saræ & Isaac & Rebeckæ euanissent animi in obliquis suis deflexionibus, nisi arcano Dei fræno in verbi obedientia retenti essent.

32 Rursum non sine causa in Christo promissiones omnes concludimus: quando & eius agnitione totum Euangelium Apostolus concludit, & alibi docet, quotquot sunt Dei promissiones, in ipso esse etiam & Amen. Cuius rei in pròptu est ratio. Siquid enim pollicetur Deus, eo beneuolentiam suam testatur: ut nulla sit eius promissio quæ non sit dilectionis testimonium. Nec refert quod ingentibus atque assiduis diuinæ largitatis beneficiis dum impij cumulantur, eo grauiori iudicio sese induunt. Quum enim ea sibi è Domini manu prouenire nec cogitent, nec agnoscant, aut si quando agnoscant, eius tamen bonitatem nequaquam apud se reputet: non possunt inde magis de eius misericordia edoceri quàm brutæ pecudes, quæ pro conditionis suæ modo, eundem liberalitatis fructum recipiunt, neque tamen prospiciunt. Nihilo magis obstat quod destinatas plerumque sibi promissiones respuendo, ultionem hac occasione maiorem sibi accersunt. Quanquam enim tum se demum profert promissionum efficacia ubi fidem apud nos inuenerunt: vis tamen ac proprietas earum nostra infidelitate aut ingratitude nunquam extinguitur. Ergo quum Dominus, suis promissionibus, non ad percipiendos modò suæ benignitatis fructus, sed etiam cogitandos hominem inuitet, suam illi dilectionem simul declarat. Vnde huc redeundum est, promissionem quamlibet, esse diuinæ erga nos dilectionis testificationem. Atqui extra controuersiam est, neminem à Deo extra Christum diligi. ille est Filius dilectus in quo residet & acquiescit amor Patris, & ad nos deinde ab eo se diffundit: sicut docet Paulus, nos gratiā adeptos esse in dilecto. Ipso igitur intercedente, ad nos deriuetur ac perueniat oportet. Proinde Apostolus alibi pacem nostram ipsum vocat, alibi ceu vinculum proponit, quo paterna pietate Deus nobiscum deuinciatur. Consequitur, in illum coniiciendos esse oculos, quoties vlla promissio nobis offertur: nec absurdè à Paulo doceri, in ipso cōfirmari & adimpleri quæcunque sunt Dei promissiones. Repugnant exempla quædam: neque enim vel Naaman Syrum, quum de modo rite colendi Dei sciscitaretur ex Propheta, de Mediatore edoctum fuisse credibile est: laudatur tamen eius pietas. Cornelius homo gentilis & Romanus vix tenere potuit quod non omnibus Iudæis cognitum erat, & quidem obscurè: eleemosynæ tamen eius & preces gratæ fuerunt Deo: & sacrificia Naaman, Prophetæ responso probata, quod neuter potuit cōsequi nisi fide. Similis eunuchi ratio ad quem delatus est Philippus, qui nisi fide aliqua præditus nō sumpsisset longi ac difficilis itineris la-

Psal. 143. b. 5.
Psal. 77. c. 11.

Genes. 16. a. 5.

Genes. 27.

Rom. 1. b. 17.
1. Cor. 1. d. 20.

Matth. 3. d. 17.
& 17. a. 5.
Ephes. 1. b. 6.

Ephes. 2. c. 14.

Rom. 8. a. 3.

Rom. 15. b. 8.

Act. 10. c. 31.
2. Reg. 5. e. 17.
18. 19.

Act. 8. e. 27.

borem & sumptus adorandi causa. Videmus tamen ut interrogatus à Philippo suam de Mediatore incertitiam prodat. Et quidem fateor aliqua ex parte implicitam fuisse eorum fidem, non modò quo ad Christi personam, sed quo ad virtutem & munus à Patre iniunctum. Interea certum est, principiis fuisse imbutos quæ gustum aliquem Christi, licet tenuem, darent. Neque hoc nouum videri debet: quia neque eunuchus ex longinqua regione ad Deum incognitum properasset Ierosolymam: & Cornelius, Iudaicam religionem semel amplexus, tantum temporis non transegit quin rudimentis veræ doctrinæ assuesceret. Quod ad Naaman spectat, nimis absurdum fuisset, quum de rebus minutis ei præciperet Eliseus, tacuisse de præcipuo capite. Quanuis ergo obscura inter ipsos esset Christi cognitio, nullam tamen fuisse consentaneum non est: quia legis sacrificiis se exercebant, quæ à fine ipso, hoc est Christo, discerni oportuit ab adulterinis Gentium sacrificiis.

33 Atque hæc quidem nuda externaque verbi Dei demonstratio abundè ad fidem faciendam sufficere debebat, nisi cæcitas peruicaciæque nostra impediret. Verum (quæ mentis nostræ ad vanitatem est propensio) Dei veritati nunquam adherere potest: quæ hebetudo est, ad eius lucem semper cæcutit. Proinde, sine Spiritus sancti illuminatione, verbo nihil agitur. Vnde etiam liquet fidem humana intelligentia multo superiorē esse. Nec satis fuerit mentem esse Dei Spiritu illuminatam, nisi & eius virtute cor obfirmetur ac fulciatur. In quo tota terra scholastici aberrant, qui in fidei consideratione nudum ac simplicem ex notitia assensum arripiunt, præterita cordis fiducia & securitate. Ergo singulare Dei donum utroque modo est fides, & quod mens hominis ad degustandam Dei veritatem purgatur, & quod animus in ea stabilitur. Neque enim fidei tantum inchoator est Spiritus, sed per gradus eam auget, donec ea nos in regnum cæleste perducatur. Egredium, inquit Paulus, depositum seruat, per Spiritum sanctum qui habitat in nobis. Quomodo autem Spiritum ex auditu fidei donari tradat Paulus, nullo negotio expedire licet. Si vnum duntaxat esset Spiritus donum, absurdè Spiritum effectum fidei dixisset, qui author est & causa: sed quum dona prædicet quibus ornat Deus Ecclesiam suam, & per fidei incrementa ad perfectionem deducit, non mirum est si ea fidei ascribat, quæ ad ea recipienda nos comparat. Habetur id quidem paradoxotaton, quum dicitur, neminem, nisi cui donatum sit, posse in Christum credere: sed ideo partim quod non animaduertunt vel quàm recondita sit ac sublimis cælestis sapientia, vel quanta sit in percipiendis Dei mysteriis humana hebetudo: partim quod ad firmam illam stabilemque cordis constantiam, hoc est, præcipuam fidei partem, non respiciunt.

34 Atqui si humanæ voluntatis (ut Paulus concionatur) nemo est testis nisi spiritus hominis qui in ipso est, diuinæ voluntatis quæ certus esset homo? Et si Dei veritas apud nos in iis quoque rebus vacillat quas oculo præsentis intuemur, quæ firma stabilisque foret, ubi Dominus ea pollicetur quæ nec oculus videt, nec ingenium capit? Adeo autem hinc cõsternatur & deficit humana perspicacia, ut primus in Domini schola proficiendi gradus sit, ab ea deficere. Nam ea, ceu obiecto velamine, impedimur quominus assequamur Dei mysteria, quæ non reuelantur nisi paruulis. Neque enim caro & sanguis reuelat, nec animalis homo percipit ea quæ sunt Spiritus. quin potius stultitia est illi Dei doctrina: quia spiritualiter diiudicanda est. Necessariæ ergo sunt Spiritus sancti suppetiæ, vel potius vis eius sola hinc viget. Nemo est hominum qui sensum Dei nouerit, aut cõsiliarius eius fuerit: sed Spiritus omnia scrutatur, etiam profunda Dei: per quem fit ut mentem Christi teneamus. Nemo potest venire ad me (inquit) nisi Pater, qui misit me, traxerit eum. Omnis ergo qui audiuit à Patre, & didicit, venit. Non quod Patrem viderit quisquam, nisi is qui est à Deo missus. Quemadmodum ergo nisi Spiritu Dei tracti, accedere ad Christum nequaquam possumus: ita ubi trahimur, mente & animo euehimur supra nostram ipsorum intelligetiam. Nam ab eo illustrata anima nouam quasi aciem sumit, qua cælestia mysteria contempletur, quorum splendore antè in seipsa perstringebatur. Atque ita quidem Spiritus sancti lumine irradiatus hominis intellectus, tum verè demum ea quæ ad regnum Dei pertinent gustare incipit: antea prorsus ad ea delibanda fatuus & insipidus. Quamobrè Christus regni sui mysteria duobus discipulis præclare edisserens, nihil tamen proficit, donec sensum illis aperit ut intelligant Scripturas. Sic edoctis diuino eius ore Apostolis Spiritus tamen veritatis mittendus est, qui ipsorum mentibus eandem instillet doctrinam quam auribus usurpauerat. Verbum quidem Dei instar solis est omnibus affulgentis quibus prædicatur: sed nullo cum fructu inter cæcos. Nos autem natura cæci sumus omnes hac in parte: proinde in mentem penetrare nequit, nisi interiore illo magistro Spiritu per suam illuminationem aditum faciente.

Alibi, quum de naturæ corruptione tractandum fuit, plenius ostendimus quàm non sint

Ibidem, f. 31

2. Tim. 1. d. 14
Galat. 5. a. 5.

1. Cor. 2. c. 11

Matth. 11. d. 25
Luc. 10. d. 21
Matth. 16. c. 17
1. Cor. 2. d. 14Rom. 11. d. 34
1. Cor. 2. c. 10
Iohan. 6. c. 44Luc. 24. d. 27;
& 45

Iohā. 16. b. 13

idonei homines ad credendū. Itaque non fatigabo lectores eadem repetēdo. Sufficiat Spiritū fidei vocari à Paulo fidem ipsā, qua donamur à Spiritu, nō autē quam naturaliter habeamus. Ideo precatur ut in Theſſalonicenſibus impleat Deus omne beneplacitum ſuum & opus fidei in virtute. Vbi fidē vocans opus Dei, & loco epitheti inſigniens, appoſitiuē vocans beneplacitum, negat eſſe ex proprio hominis motu: neque eo contentus, adiūgit, ſpecimen eſſe virtutis diuinæ: ad Corinthios, vbi fidem non pendere ex ſapientia hominum dicit, ſed fundatam eſſe in potentia Spiritus. Loquitur quidem de externis miraculis: ſed quia ad eorum aſpectum cæcutiunt reprobi, comprehendit etiam interius illud ſigillum, cuius alibi meminit. Ac quo magis in tā præclaro dono ſuam liberalitatē illuſtret Deus, non omnes eo promiſcuē dignatur: ſed ſingulari priuilegio impertit quibus vult. Cuius rei antè citauimus teſtimonia. quorum fidus interpres Auguſtinus exclamat, ut ſeruatoꝝ doceret, ipſum quoque credere doni eſſe nō meriti. Nemo (inquit) venit ad me, niſi Pater meus traxerit eum, & cui datum fuerit à Patre meo. Mirum eſt quòd duo audiūt: vnus cōtemnit, alter aſcendit. Qui cōtemnit, imputet ſibi: qui aſcendit, non arroget ſibi. Alio loco, Quare vni datū eſt, non alteri? Non me piget dicere, Hoc eſt profundum crucis. De profundo neſcio quo iudicioꝝ Dei, quæ perſcrutari non poſſumus, procedit omne quod poſſumus. Quod poſſum, video: vnde poſſum, non video: niſi quia hætenus video, à Deo eſſe. Quare autem illum, & non illum? multum eſt ad me: abyſſus eſt: profundum crucis. Admiratione exclamare poſſum: non diſputatione monſtrare. Huc redit ſumma, Chriſtum, vbi nos in fidem illuminat Spiritus ſui virtute, ſimul inferere in corpus ſuum, ut ſiamus bonorum omnium participes,

36 Reſtat deinde ut quod mens hauſit, in cor ipſum tranſfundatur. neque enim ſi in ſummo cerebro volutatur Dei verbum, fide perceptum eſt: ſed vbi in imo corde radices egit, ut ad ſuſtinendas repellendæſque omnes tentationum machinas inuiſtum ſit propugnaculum. Quòd ſi veram mentis intelligentiam, eius illuminationem eſſe verum eſt: in tali cordis confirmatione multo euidentius eius virtus apparet: quo ſcilicet & maior eſt cordis diffidentia quàm mentis cæcitas, & animum ſecuritate inſtrui quàm mentem cogitatione imbui difficilius eſt. Proinde Spiritus ſigilli vice fungitur, ad eas ipſas promiſſiones in cordibus noſtris obſignandas, quarum certitudinem prius mētibus impreſſit: atque ad confirmandas & conſtituendas arrhæ locum tenet. Poſtquam credidiſtis (inquit Apoſtolus) obſignati eſtis Spiritu promiſſionis ſancto, qui eſt arrhabo hæreditatis noſtræ. Vides ut Spiritu, velut ſigillo, corda fidelium inſculpi doceat? Ut hac ratione appellet promiſſionis Spiritum, quia ratum apud nos Euangelium facit? Similiter ad Corinthios, Qui vnxit nos Deus (ait) qui & ſignauit nos, & dedit arrham Spiritus in cordibus noſtris. Et alibi, quum de fiducia audaciæque ſperandi loquitur, eius fundamentum facit Spiritus arrham.

37 Neque verò oblitus ſum quod antè dixi, & cuius memoriam aſſiduē renouat experientia, fidem ſcilicet variis dubitationibus impelli, ut rarò ſedatæ ſint piorum mentes, ſaltem non ſemper fruantur tranquillo ſtatu: ſed, quibuſcunque machinis quatiantur, vel ex ipſo tentationum gurgite emergunt, vel in ſtatione ſua permanent. Securitas quidem hæc ſola fouet ac tuetur fidē, vbi ſtatuiſmus quod in Pſalmo dicitur, Dominus protectio noſtra, auxilium in tribulatione: ideo non timebimus dum contremiſcet terra, & tranſilient mōtes in cor maris. Hæc etiam ſuauiſſima quies alibi celebratur, Decubui, & ſomnum cepi, & ſurrexi: quia Dominus ſuſcepit me. Nō quòd æquabili tenore ſemper ad lætam hilaritatem cōpoſitus fuerit Dauid: ſed quatenus Dei gratiam pro modo fidei guſtabat, gloriatur ſe intrepidè deſpicere quicquid mentis pacem inquietare poterat. Ideo Scriptura, dum ad fidē hortari vult, quieſcere iubet. Apud Iſaiam, In ſpe & ſilentio erit fortitudo veſtra. In Pſalmo, Sile Iehouæ, & expecta illum. Quibus reſpondet illud Apoſtoli ad Hebræos, Patientia opus eſt, &c.

38 Hinc iudicare licet quàm pernicioſum ſit ſcholaſticum illud dogma, nos de gratia Dei erga nos non aliter ſtatueri poſſe quàm ex coniectura morali, prout ſe vnusquiſque nō indignum ea reputat. Equidem ſi ab operibus æſtimandum ſit qualiter affectus ſit erga nos Dominus, id ne tenui quidem coniectura poſſe nos aſſequi fateor: ſed quū ſimplici & gratuita promiſſioni reſpōdere fides debeat, nullus ambigendi locus relinquitur. Nam quali (obſecro) fiducia armabimur, ſi hac cōditione ratiocinemur, Deum eſſe nobis propitium, modò ita vitæ noſtræ puritas mereatur? Sed quoniam his tractandis ſuum locum deſtinauimus, longius non proſequemur in præſens: quum præſertim abundè liqueat, fidei nihil eſſe magis aduerſum quàm vel coniecturā, vel aliud quidpiam dubitationi affine. Ac peſſimè huc detorquent Eccleſiaſtæ teſtimonium, quod identidem in ore habent, Nemo ſcit

1. Cor. 4. e. 13

2. Theſſ. 1. d. 11

Aug. de ver.

Apoſt. lib. 1.

Joh. 2. c. 44

Epheſ. 1. c. 13

1. Cor. 1. d. 18

Ibidem. 5. a. 5

Pſal. 46. a. 3

Pſal. 3. b. 6

Iſa. 30. d. 15

Pſal. 37. b. 7

Hebr. 10. g. 36

Eccleſ. 9. a. 1

verum odio dignus sit, an amore. Nam, ut præteream hunc locum in vulgari interpretatione mendose redditum, latere tamen vel pueros ipsos non potest quid eiusmodi verbis sibi velit Solomo: nepe, si quis à præsentis rerum statu censere velit quos odio prosequatur Deus, quos amore complectatur, eum frustra laborare ac nullo operæ pretio torqueri: quum omnia pariter eueniant iusto & impio, immolati victimas & non immolanti. Vnde sequitur, Deum non testari perpetuò amorem suum quibus omnia succedere prosperè facit: neque odium suum in eos semper prodere quos affligit. Idque facit ad vanitatem humani ingenii arguendam: quum in rebus scitu maximè necessariis tanta hebetudine teneatur. Quæ admodum paulo antè scripserat, non posse discerni quid hominis anima differat ab anima pecudis, quòd eodem modo videtur interire. Siquis inde inferre velit, sola coniectura niti quam de animorum immortalitate sententiam tenemus, annon insanus meritò habeatur? An igitur sani sunt isti qui nullam esse gratiæ Dei certitudinè colligunt, quoniam nulla ex carnali rerum præsentium aspectu comprehendì possit?

Ibidem, 3. d. 9

39 Atqui temerariæ præsumptionis esse causantur, indubitata voluntatis diuinæ notitiam sibi arrogare. Id quidem illis concederem, si tantum nobis sumeremus ut ingenii nostri tenuitati subiicere vellemus incomprehensibile Dei consilium. Sed ubi simpliciter cum Paulo dicimus, nos accepisse non spiritum huius mundi, sed Spiritum qui ex Deo est, quo docente sciamus quæ à Deo donata sunt nobis: quid contrà obgannire possunt, quin Spiritum Dei contumeliosè incessant? Quòd si ab ipso profectà reuelationè vel mendacii, vel incertitudinis, vel ambiguitatis insimulare, horrendum est sacrilegium: in asserenda certitudine quid delinquimus? Verum hoc quoque non vacare magna temeritate exclamant, quòd de Christi Spiritu sic audemus gloriari. Quis credat tantum esse istorum stuporem qui orbis magistri haberi volunt, ut in primis religionis elementis adeò turpiter impingant? Mihi certè credibile non esset, nisi testarentur quæ extant eorum scripta. Paulus eos demum filios Dei esse pronuntiat qui eius Spiritu aguntur: hi agi proprio spiritu, diuino autem vacuos esse volunt qui sint filii Dei. Ille Deum à nobis Patrem appellari docet, Spiritu talem vocem dictante, qui solus testimonium reddere potest spiritui nostro quòd Filii Dei sumus: hi tametsi à Dei inuocatione non arcent, Spiritum tamen abstrahunt, cuius ductu rite inuocandus erat. Ille Christi seruos esse negat, qui non agantur Spiritu Christi: hi Christianismum cōfingunt Spiritu Christi non indigentem. Ille nullam beatæ resurrectionis spem facit, nisi Spiritum in nobis residètem sentiamus: hi spem tali sensu vacuam confingunt. Sed respondebunt forsitan, non se inficiari quin illo præditos esse oporteat, ceterum modestiæ & humilitatis esse, non agnoscere. Quid ergo sibi vult quum iubet Corinthios tentare an sint in fide, semet probare an Christum habeant, quæ nisi quis in se habitantem agnoscat, reprobus est? Ex Spiritu autem quæ dedit nobis, inquit Iohannes, scimus quòd in nobis manet. Et quid aliud quàm Christi promissiones in dubium reuocamus, dum serui Dei sine ipsius Spiritu haberi volumus, quem super suos omnes effusurum se denuntiavit? Quid, quòd Spiritui sancto iniurii sumus, qui fidem, opus eius peculiare, ab ipso separamus? Hæc quum prima sint pietatis tyrocinia, miserrimæ est cæcitatæ arrogantia notari Christianos qui Spiritus sancti præsentia gloriari audent: sine qua gloriatione Christianismus ipse non constat. Sed enim exemplo suo declarat quàm verè dixerit Christus Spiritum suum mundo incognitum esse: ab ipsis modò agnoscì apud quos manet.

1. Cor. 1. c. 12

Rom. 8. c. 14

Ibidem c. 16

Rom. 8. b. 11

2. Cor. 13. b. 5

1. Ioh. 3. d. 24

Iesa. 34. a. 3

40 Ac ne vno duntaxat acto cuniculo, fidei firmitudinem diruere tentent, aliunde ipsam addoriuntur: nempe, etiam si secundum præsentem iustitiæ statum, de gratia Dei iudicium sumere liceat, manere tamen in suspenso finalis perseverantiæ notitiam. Egregia verò salutis fiducia nobis relinquitur, si ad præsens momentum nos esse in gratia, coniectura morali æstimamus, quid in crastinum sit futurum nescimus. Longè aliter Apostolus: Certò, inquit, persuasus sum, quòd neque Angeli, nec potestates, nec principatus, neque mors, neque vita, neque præsentia, neque futura diriment nos à dilectione, qua nos Dominus in Christo complectitur. Euadere conantur frivola solutione, id habuisse Apostolū ex speciali reuelatione garrientes: sed pressius constringuntur quàm ut effugiant. Siquidem illic quæ in commune vniuersis fidelibus ex fide proueniant bona tractat, non quæ specialiter ipse experiatur. Atqui idem nos alibi nostræ imbecillitatis & inconstantia mentione deterret. Qui bene stat (inquit) videat ne cadat. Verum est: at non terrore quo cōsternemur, sed quo discamus nos sub potenti manu Dei humiliare, quemadmodum Petrus explicat. Deinde quàm præposterum est, ad punctum temporis limitare fidei certitudinem cuius proprium est, superatis huius vitæ spatiis, ad futuram immortalitatem protendi? Quum ergo id gratiæ Dei fideles acceptum ferat, quòd Spiritu eius illuminati, cælestis vitæ con-

Rom. 8. g. 38

1. Cor. 10. c. 12

1. Pet. 5. b. 6

templatione per fidem feruntur: adeò procul abest ab arrogàtia talis gloriatio, ut si quem cōfiteri pudet, eo extremam in gratitudinem prodat magis diuinam bonitatem malignè suppressendo, quàm modestiam aut submissionem testetur.

41 Quoniam non aliunde melius aut magis perspicuè fidei natura declarari posse videbatur quàm à promissionis substantia, qua velut proprio fundamēto sic nititur, ut ea sublata protinus corruat, vel potius euanescat: ideo nostrā definitionem inde sumpsimus, quæ tamen ab illa Apostoli vel definitione vel descriptione potius, quàm suæ disputationi accommodat, minime aliena est: ubi docet esse rerum sperandarum subsistentiam, indicem non apparentium. Nam per *ἐμπιστάμεν* (quo vocabulo utitur) quasi fulcrum intelligit, cui pia mens innitatur & incumbat. Ac si diceret fidem ipsam certam quandam esse ac securam possessionem eorum quæ nobis à Deo promissa sunt. nisi quis *ἐμπιστάμεν* pro fiducia accipere malit. quod non displiceret: quanquā illud quod receptius est amplector. Rursum ut significaret ad supremum usque diem quo libri aperiētur, sublimiora esse, quàm quæ sensu nostro percipi, aut oculis spectari, manūve contrectari possint: eaque non aliter interim possideri à nobis, quàm si captum omnem ingenii nostri excedamus, ac supra omnia quæ in mundo sunt aciem nostram intendamus, nos denique ipsos superemus: addidit securitatē hanc possidendi, esse rerum quæ in spe iacent, ideòque non videntur. Siquidem euidētia, (ut Paulus scribit) spes non est: nec ea quæ videmus, speramus. dum verò indicem, aut probationem, aut (ut saepe reddidit Augustinus) conuictionē appellat rerum non præsentium: (nam Græcè est *ἐλεγχος*) perinde loquitur ac si diceret euidētia non apparentium rerum; visionem earum quæ non videntur, perspicuitatem obscurarum, præsentiam absentium, demonstrationem occultarum. Mytheria Dei enim, cuiusmodi sunt quæ ad salutem nostram pertinent, in se, suaque (ut dicitur) natura cerni non possunt: verum ipsa in eius verbo duntaxat intuemur: cuius veritas sic persuasa esse nobis debet, ut pro facto impletòque habendum sit quicquid loquitur. Ad talem verò diuinæ bonitatis gustum percipiendum quomodo se attollat animus, quin simul ad redamandum Deum totus accendatur? Verè enim cognosci illa suauitatis & affluentia non potest, quam Deus timētibz se recondidit, ut non simul vehementer afficiat. Quem autem semel affecit, penitus ad se rapit & effert. Proinde mirum non est si peruersum cor & obliquum nunquam subit hic affectus: quo in cælum ipsum traducti, ad recōditissimos Dei thesauros admittimur, & ad sacratissimam regni eius adyta, quæ profanari impuri cordis ingressu non decet. Quod enim tradunt Scholastici, charitatem fide ac spe priorem esse, merum est deliramentum: quandoquidem sola est fides quæ in nobis charitatem primū generat. Quanto rectius Bernardus: Testimonium, inquit, cōscientiæ, quod piorum gloriam vocat Paulus, in tribus cōsistere credo. Necesse enim primò omnium est, credere quòd remissionem peccatorum habere nō possis nisi per indulgentiā Dei: deinde quòd nihil prorsus habere queas operis boni nisi & hoc dederit ipse: postremò quòd vitā æternam nullis potes operibus promereri nisi gratis detur & illa. Paulo post subiicit, hæc non sufficere, sed esse quoddam fidei initium: quia credendo peccata nō posse remitti nisi à Deo, simul tenere oporteat remissa nobis esse donec etiā Spiritus sancti testimonio persuasi simus salutem nobis esse repositam: quia Deus peccata condonat, merita ipse donat, & præmia idem redonat, non posse gradum in illo principio figere. Verum hæc & alia suis locis tractanda erunt: nunc tantum quid fides ipsa sit, habere sufficiat.

42 Iam verò ubicunque viua erit hæc fides, fieri nō poterit quin spēs æternæ salutis comitem secum habeat indiuiduam, vel potius ex se gignat & exerat: qua sublata, quamlibet disertè atque ornatè de fide differamus, nullam habere conuincimur. Nam si fides (ut auditum est) certa est de veritate Dei persuasio, quod nec mētiri nobis, nec fallere, nec irrita esse queat: qui hanc certitudinē conceperunt, simul profectò expectāt fore ut promissiones suas Deus præstet, quæ eorum persuasionem non nisi veræ esse possunt: ut in summa, nihil aliud sit spēs quàm eorū expectatio quæ verè à Deo promissa fides credidit. Ita fides Deum veracē credit: spes expectat, ut in tēporis occasione veritatē suam exhibeat. si tes credit nobis esse patrem: spes expectat ut se talē erga nos semper gerat. fides datam nobis vitā æternam credit: spes expectat ut aliquando reueletur. fides fundamentum est, cui spes incumbit: spes fidem alit ac sustinet. Ut enim expectare à Deo nemo quicquā potest nisi qui prius eius promissis crediderit: ita rursus fidei nostræ imbecillitatem, ne velut fessa concidat, sustineri ac foueri patienter sperando & expectando oportet. Qua ratione Paulus ritè salutem nostram in spe collocat. Nam ea dum in silentio Dominum expectat, fidem continet, ne nimis festinādō præcipitet: confirmat, ne vacillet in Dei promissionibus, aut de earū veritate dubitare incipiat: recreat, ne fatigetur: extendit ad vltimā illam metam, ne in medio cursu aut

Heb. 11. a. 1

Dani 7. c. 10

Rom. 8. c. 24

Homil. in Io
han. 79. 95.
De peccat.
meri. & rem.
lib. 2. cap. 31.Lib. 3. Sētent.
Distinct. 25.
& sapius.Sermo. 1. in
Annūtiatio-
ne.
2. Cor. 1. c. 12.

Rom. 8. c. 24.

etiam in carceribus deficiat. Denique assidue renouando & instaurando, facit ut seipsa subinde ad perseverantiam vegetior emergat. Atque omnino quot nominibus necessaria sint spei subsidia ad fidem stabilendam, melius patebit si cogitemus quot tentationum formis impetantur & concutiantur qui verbum Dei amplexi sunt. Primum Dominus, promissiones suas differendo, diutius saepe quam pro votis nostris, suspensos animi nos tenet. hic officium est spei, prestare quod iubet Propheta: ut si mora illae fecerint, expectemus tamen. Habac. 2. a. 3. Interdum non modo languere nos finit, sed apertam indignationem praese fert. hic spem multo magis succurrere necesse est, quo, secundum alterius Prophetae dictum, possimus expectare Dominum, qui absconderit faciem suam a Iacob. Insurgunt etiam illusores (quemadmodum ait Petrus) qui rogant, Vbi est promissio vel aduentus eius: quando, ex quo patres dormierunt, omnia sic perseverant ab initio creationis. Imò eadem haec nobis insusurrat caro & mundus. Hic fidem spei tolerantia suffultam, in aeternitatis contemplatione defixam retineri oportet, quo mille annos, instar diei unius reputet. Iesa. 8. d. 17. 1. Pet. 3. a. 4. Psal. 90. a. 4. 2. Pet. 3. b. 8.

- 43 Propter hanc tum coniunctionem, tum affinitatem, Scriptura interdum Fidei & Spei vocabula confundit. Nam quum Petrus docet, virtute Dei nos per fidem custodiri usque ad salutis revelationem: quod spei magis quadrabat fidei tribuit: neque immerito: quando iam docuimus, nihil aliud spem esse quam fidei alimentum & robur. Interdum simul iunguntur, sicuti eadem epistola, quo fides vestra & spes esset in Deo. Paulus verò ad Philippenses ex spe deducit expectationem: quia sperando patienter, vota nostra suspendimus, donec patefacta fuerit Dei opportunitas. Quod totum melius intelligere licet ex decimo cap. ad Hebraeos, quod iam citavi. Paulus alibi, quanvis improprie loquatur, hoc ipsum tamen intelligit, his verbis, Nos spiritu ex fide spem iustitiae expectamus: nempe quia Euangelii testimonium de gratuito amore amplexi, expectamus dum palam ostendat Deus quod nunc sub spe est absconditum. Neque iam obscurum est quam insulse Petrus Lombardus duplex spei fundamentum iaciat, Dei gratiam, & operum meritum. Non huic alius scopus quam fidei esse potest. fidei autem iam clarissime exposuimus unicum esse scopum, Dei misericordiam: in qua utroque (ut ita loquar) oculo respicere debeat. Sed operæpretiū est auscultare quam viuidā afferat rationē. Si quippiā (inquit) sine meritis sperare audeas, non spes illa, sed praesumptio dicenda erit. Quis non merito, amice lector, tales bestias excretur, quæ temerè & presumptuose fieri pronuntiant si quis Deum veracem esse confidat: Nam quum Dominus nihil non à sua bonitate expectari velit, praesumptionē esse dicunt in ea recumbere & acquiescere. O magistrū talibus dignum discipulis quales in insanis rabularū scholis nactus est! Nos verò, quando videmus Dei oraculis iuberi peccatores spem salutis concipere, libenter tantum praesumanus de veritate eius, ut sola eius misericordia freti, abiecta operum fiducia, bene sperare audeamus. Non fallat ipse, qui dixit, Secundum fidem vestram fiat vobis. 1. Pet. 1. a. 5. Ibidē, 1. d. 27. Philip. 1. c. 10. Galat. 5. a. 5. Matth. 9. d. 13.

Fide nos regenerari. vbi de poenitentia.

CAP. III.



TSI iam aliqua ex parte docuimus quomodo fides Christum possideat, & per ipsam fruamur eius bonis: hoc tamen adhuc obscurū esset nisi effectuum quos sentimus accederet explicatio. Non abs re summa Euangelii statuitur in poenitentia & remissione peccatorum. Ergo duobus illis capitibus commissis, ieiuna & mutila erit adeoque propè inutilis quaelibet de fide disputatio.

Iam quum vtrunque nobis conferat Christus, & vtrunque fide consequamur, vitæ scilicet novitatem, & reconciliationem gratuitam: ratio & docendi series postulat ut de utroque hoc loco differere incipiam. Proximus autem à fide ad poenitentiam nobis erit transitus: quia hoc capite probè cognito, melius patebit quomodo sola fide & mera venia iustificetur homo, neque tamen à gratuita iustitiæ imputatione separetur realis (ut ita loquar) vitæ sanctitas. Poenitentiam verò non modò fidem continuo subsequi, sed ex ea nasci, extra controuersiam esse debet. Quum enim venia & remissio per Euangelii prædicationē ideo offeratur, ut à tyrānide Satanæ, peccati iugo, & misera seruitute vitiorum liberatus peccator in regnum Dei transeat: certè Euangelii gratiā nemo amplecti potest quin ex erroribus vitæ prioris in rectam viam se recipiat, totumque suum studium applicet ad poenitiæ meditationem. Quibus autem videtur fidem potius præcedere poenitentia quam ab ipsa manare vel proferri, tanquam fructus ab arbore, nūquam vis eius fuit cognita, & nimium leui argumento ad id sentiendum mouentur.

- 2 Christus (inquiunt) & Iohannes in suis concionibus populum ad resipiscentiā primum hortantur: deinde regnum cælorum appropinquasse subiiciunt. Tale prædicandi mandatum accipiunt Apostoli: talem ordinem sequutus est Paulus, quemadmodum Lucas refert. Atqui dum in syllabarum contextu superstitiosè hærent, non animaduertunt quo sensu inter se verba illa cohæreant. Nam dum in hunc modum concionatur Christus Dominus &

Matth. 3. a. 2.

Matth. 4. c. 17

Act. 20. d. 25

Matth. 3. a. 2. Iohannes, Pœnitentiam agite, appropinquauit enim regnum cœlorum: annon resipiscendi causam ab ipsa gratia & salutis promissione ducunt: Perinde ergo valent eorum verba ac si dicerent, Quoniam appropinquauit regnum cœlorum, ideo resipiscite. Nam Matthæus, Ies. 40. a. 3. vbi sic prædicasse Iohannem narrauit, impletum in ipso fuisse Iesaiæ vaticinium docet de voce in deserto clamante, Parate viam Domini, rectas facite semitas Dei nostri. Verum apud Prophetâ illa vox iubetur à cōsolatione & læto nuntio inchoare. Neque tamen, quum resipiscentiæ originem ad fidem referimus, spatium aliquod temporis somniamus quo ipsam parturiat: sed ostendere volumus, non posse hominem pœnitentiæ seriò studere nisi se Dei esse nouerit. Dei autè se esse nemo verè persuasus est, nisi qui eius gratiam prius apprehenderit. Sed hæc dilucidius in ipso progressu edisseretur. Fefellit eos fortè quòd multi conscientia paucioribus antè domâtur, vel formâtur ad obsequiũ, quàm imbuti fuerint cognitione gratiæ, imò eam gustauerint. Atque hic est initialis timor, què inter virtutes quidã recensent, quia veræ & iustæ obedientiæ propinquum esse cernũt. Sed non hîc agitur quàm variè nos Christus ad se trahat, vel præparet ad pietatis studium. tantum dico, nullam rectitudinem posse inueniri vbi nõ regnat Spiritus ille quem accepit vt eum membris suis cõmunicaret. Deinde, secũdum illud Psalmi, Apud te est propitiatio vt timearis: nemo vnquã Deum reuerbitur, nisi qui sibi propitium confidet: nemo se ad Legis obseruationem libèter accinget nisi qui persuasus erit ei placere sua obsequia. quæ in ignoscendo & tolerandis vitiis indulgètia, signum est paterni fauoris. Quod etiam demõstrat illa Oseæ exhortatio, Venite, reuertamur ad Iehouam: quia ipse rapuit, & sanabit nos: percussit, & curabit nos: quia spes veniæ tâquam stimulus additur, ne in suis peccatis torpeant. Omni autem rationis specie caret eorum deliramentũ, qui vt à pœnitentia exordiãtur, certos dies suis neophytis præscribunt per quos se in pœnitentiã exercẽat: quibus demũ transactis, in Euangelicæ gratiæ communionem ipsos admittunt. De plurimis Anabaptistarum loquor: iis præsertim qui spirituales haberi mirè gaudent, eorũque sodalibus Iesuitis, & similibus quisquiliis. Tales scilicet fructus profert spiritus ille vertiginis, vt pœnitentiam, quæ in totam vitam proroganda est homini Christiano, paucis dieculis terminet.

3 Caterum de pœnitentia docti quidam viri, longè etiam ante hæc tempora, quũ iuxta Scripturæ regulam simpliciter & sincerè loqui vellent, dixerunt cõstare duabus partibus, mortificatione & viuificatione. Mortificationem interpretantur animæ dolorem, & terrorem ex agnitione peccati & sensu iudicii Dei conceptum. Vbi enim quis in veram peccati cognitionem adductus est, tum verè peccatum odisse & execrari incipit: tum sibi ipsi ex animo displicet, miserum se & perditum fatetur, & alium se esse optat. Adhæc vbi sensu aliquo iudicii Dei tactus est (alterũ enim ex altero protinus sequitur) tum verò percussus ac consternatus iacet, humiliatus ac deiectus tremit, animum despondet, desperat. Hæc prior pœnitentiæ pars, quam vulgò Contritionem dixerunt. Viuificationem interpretantur consolationem quæ ex fide nascitur: vbi scilicet homo, peccati conscientia prostratus, ac Dei timore percussus, postea in Dei bonitatem, in misericordiam, gratiam, salutem, quæ est per Christũ, respiciens, sese erigit, respirat, animũ colligit, & velut è morte in vitã redit. Ac voces quidem istæ, si modò recta constet interpretatio, vim pœnitentiæ satis commodè expriment: sed quòd viuificationem accipiunt pro lætitia quã recipit animus ex perturbatione & metu sedatus, non assentior: quũ potius sanctè pièque viuendi studium significet, quod oritur ex renascentia: quasi diceretur hominem sibi mori vt Deo viuere incipiat.

4 Alii, quia videbant variè hoc nomen in Scriptura acceptum, duas posuerunt pœnitentiæ formas: quas vt nota aliqua distingueret, alteram legalem dixerunt, qua peccator peccati cauterio vulneratus, & terrore iræ Dei attritus, in ea perturbatione constriktus hæret, nec se explicare potest. Euangelicam alteram, qua peccator grauiter quidem apud se afflktus, altius tamen emergit, & Christum, vulneris sui medicinam, terroris consolationem, miseriæ portũ apprehendit. Legalis pœnitentiæ exempla esse volunt, Cain, Saul, Iudam: quorũ pœnitentiã dum Scriptura nobis cõmemorat, intelligit, peccati sui grauitate agnita, iram Dei timuisse: sed Deum duntaxat vlcorè & iudicẽ cogitantes, in eo sensu defecisse. Ergo eorũ pœnitentia non aliud fuit quàm quoddã inferorum atrium, quò iam in hac vita ingressi, cœperũt à facie iræ maiestatis Dei pœnas dare. Euangelicã pœnitentiam videmus in omnibus qui peccati aculeo apud se exulcerati, fiducia autè misericordiæ Dei creati & recreati, ad Dominũ conuersi sunt. Perterritus est Ezechias accepto mortis nũtio: sed flens orauit, & in Dei bonitatẽ intuitus, fiduciam recepit. Conturbati sunt Niniuitæ horribili denuntiatione excidii: sed induti sacco & cinere orarũt, sperantes quòd cõuerti posset Dominus, & auerti à furore iræ suæ. Cõfessus est Dauid se nimĩ peccasse in recedendo po-

Gen. 4. b. 12

1. Sam. 15. f. 30

Matth. 23. a. 7

2. Reg. 20. a. 2

ies. 38. a. 1

Ionæ 3. b. 5

1. Sa. 24. b. 10

pulo: sed adiecit, Aufer Domine iniquitatē serui tui. Agnouit adulterii crimen, obiurgāte Nathan, & se corā Domino prostrauit: sed veniā simul expectauit. Talis fuit eorū pœnitentia qui ad prædicationē Petri compuncti sunt corde: sed Dei bonitate confisi, addiderūt, Quid faciemus viri fratres? Talis & Petri ipsius, qui fleuit quidē amarē, sed sperare nō desuit

2. Sam. 12. c. 13.
& d. 16

Act. 1. f. 37
Matt. 16. g. 78
Luc. 12. g. 62

Act. 20. d. 11.

5 Hæc quanquam omnia vera sunt, nomen tamen ipsum pœnitentiæ (quatenus ex Scripturis assequi possum) aliter accipiendum est. Nam quod fidem sub pœnitentia cōplectuntur, pugnat cum eo quod Paulus in Actis dicit, se Iudæis ac Gētibus testificatum in Deum pœnitentiam, & fidem in Iesum Christum. Vbi tanquam duo diuersa, pœnitentiam & fidem enumerat. Quid igitur? An vera pœnitentia citra fidem cōsistere potest? Minimē. Verum etsi separari non possunt, distinguere tamen debent. Quemadmodum sine spē fides non est, & tamen fides ac spes varia sunt: ita pœnitentia & fides, quanquā perpetuo inter se vinculo cohærent, magis tamen coniungi volunt quā confundi. Equidem nec me latet, sub pœnitentiæ nomine totam ad Deum conuersionem comprehendī, cuius pars nō postrema fides est: sed quo sensu, facillimē apparebit vbi vis ac natura eius explicata fuerit. Pœnitentiæ nomen Hebræis à conuersione vel reditu, Græcis à mentis consiliique mutatione deductum est: nec vtrique etymologiæ res ipsa malè respondet: cuius summa est, vt à nobis demigrantes, ad Deum conuertamur: & deposita pristina mente, nouam induamus. Quamobrem non malè, meo quidem iudicio, sic pœnitentia definiri poterit, Esse verā ad Deum vitæ nostræ conuersionem, à sincero serioque Dei timore profectam, quæ carnis nostræ vterisque hominis mortificatione, & spiritus viuificatione constet. In eum sensum accipiendæ sunt conciones omnes quibus vel Propheta quondam, vel Apostoli postea sui temporis homines ad pœnitentiam hortabantur. Hoc enim cōtendebant vnum, vt peccatis suis confusi, ac diuini iudicii timore puncti, coram eo prociderēt & humiliarentur in quē deliquerant, ac vera resipiscencia in rectam eius viam se reciperent. Ideo hæc promiscuē vsurpantur apud ipsos eodem significato, Conuertere seu reuertere ad Dominum, Resipiscere, & pœnitentiā agere. Vnde etiam & Sacra historia pœnitentiā dicit agi post Deum, vbi homines qui in suis cupiditatibus, eo posthabito, lasciuiebant, incipiunt verbo eius obsequi: & duci suo præsto sunt ad pergendum quod vocauerit. Et fructus pœnitentiæ dignos proferre dixerunt Iohannes & Paulus, pro vitam ducere quæ eiusmodi resipiscencia in cunctis actionibus referat ac testetur.

Matth. 3. a. 3

1. Sam. 7. a. 3

Luc. 3. b. 8
Rom. 6. a. 4
act. 16. e. 10

6 Sed antequam vltra procedimus, definitionem à nobis positā dilucidius enarrare conducet. In qua tria sunt præcipuè capita consideranda. Primum, quum vitæ ad Deum conuersionem nuncupamus, trāsfōmationem requirimus, non in operibus tantum externis, sed in anima ipsa: quæ vbi vetustatem suam exuerit, tum demum operum fructus renouationi suæ respondentes ex se pariat. Quod dum vult exprimere Propheta, iubet vt cor nouū sibi faciant quos ad pœnitentiā vocat. Vnde Moyses sapius ostenturus quomodo rite ad Dominū conuerterentur Israelitæ pœnitentiā ducti, docet vt id fiat ex toto corde, & ex tota anima (quam locutionem videmus à Prophetis subinde repetitam) & cordis circuncisionē nominans, interiores affectus excutit. Nullus tamen locus est ex quo melius perspicere liceat quæ sit germana pœnitentiæ proprietas, quā ex cap. 4 Ieremiæ, Si reuerteris Israel, inquit Dominus, ad me reuere. Arate vobis aruum, & nolite serere super spinas. Circumcidimini Domino, & auferte præputia cordium vestrorum. Vide quomodo nihil effecturos denuntiet in studio iustitiæ capeffendo nisi reuulsa in primis ex penitissimo corde impietas fuerit. Et quo penitus eos afficiat, monet cum Deo esse negotium, apud quem tergiversando nihil proficitur: quia cor duplex odio habet. Eam ob rem præposteris hypocritarum conatus irridet Iesaias, qui externam in ceremoniis resipiscencia strenuē quidē moliebantur: at interim fasciculos iniquitatis, quibus colligatos tenebāt pauperes, dissoluere non curabāt. Vbi etiā pulchrè ostendit, in quibus propriè sita sit officiis pœnitentiā nō ficta.

Ezec. 18. g. 31

Iere. 4. a. 1. 3. 4

Iesa. 58. b. 6

7 Secundum caput erat, quod ex serio Dei timore docuimus ipsam proficisci. Prius enim quā ad resipiscencia mens peccatoris inclinetur, diuini iudicii cogitatione excitari oportet. Vbi autē hæc cogitatio penitus infederit, Deum aliquando tribunal cōscensurum ad exigendam omnium dictorum factorūque rationē: miserum hominem interquiescere non sinet, nec punctum temporis respirare quin perpetuò ad meditandum aliud vitæ institutum extimulet, quo se ad iudicium illud sistere securē queat. Quare Scriptura sæpe, dum ad pœnitentiam cohortatur, iudicii mentionē iniicit, vt apud Ieremiam, Ne forte egrediatur vt ignis furor meus, & non sit qui extinguat, propter malitiam operum vestrorum. In concione Pauli ad Athenienses, Et tempora quidem huius ignorantie quum hæcenus dissimularit Deus, nunc annuntiat hominibus vt omnes vbiq̃ue pœnitentiam

Iere. 4. a. 4

Act. 17. g. 30

agāt: eo quòd statuit diem in quo iudicaturus est orbem in æquitate. & aliis compluribus in locis. Interdum à punitionibus iam irrogatis, Deum esse iudicem declarat: quo peccatores secum reputent, peiora sibi imminere nisi maturè respuerint. Exemplū habes Deuteronomii vicesimo nono. Quoniam verò à peccati horrore & odio conuersio inchoatur, ideo tristitiam quæ secundum Deum est, pœnitentiæ causam facit Apostolus. Tristitiā autem secundum Deum appellat, vbi non pœnam modò exhorremus, sed peccatum ipsum, ex quo displicere Deo intelligimus, odimus & execramur. nec mirū, quia nisi acriter pun- gamur, non posset corrigi carnis nostræ pigrities: imò nō sufficerent eius stupori & fœcordiæ pūctiones, nisi ferulas exerendo altius penetraret Deus. Accedit etiam cōtumacia, quā velut malleis contundi necesse est. Ergo seueritatē, qua Deus vtitur minādo, ingenii nostri prauitas ab eo extorquet: quia dormiētes frustra blādē alliceret. Testimonia nō recito quæ passim occurrūt. Alia etiā ratione timor Dei pœnitētiæ principiū est: quia etsi omnib⁹ virtutū numeris absoluta sit hominis vita, nisi ad Dei cultū referatur, laudari quidē poterit à mūdo: sed in cælo mera abominatio erit: quādo præcipua iustitiæ pars est, suū ius & hono- rē Deo reddere, quo impiè fraudatur vbi nobis propositū nō est subiicere nos eius imperio.

8 Tertio loco explicandū restat quale sit istud quod dicimus, pœnitentiam duabus par- tibus constare: mortificatione scilicet carnis & spiritus viuificatione. Id Prophetæ licet pro carnalis populi captu simplicius & rudius, liquidò tamen exprimunt, quum dicunt, Desine à malo, & fac bonitatem. Item, Lauamini, mūdi estote, auferte malum operum vestro- rum ab oculis meis. Quiescite agere peruersè, discite benefacere, quærite iudicium, subue- nite oppresso, &c. Quū enim à malitia reuocāt, totius carnis interitum exigunt, quæ mali- tia & peruersitate referta est. Res prorsus difficilis & ardua, nos ipsos exuere, & à natiuo in- genio demigrare. Neque enim caro bene interiisse putanda est, nisi quicquid à nobis habemus, abolitum fuerit. Sed quum vniuersus carnis affectus simultas sit aduersus Deum, pri- mus ad obedientiam Legis eius ingressus est illa naturæ nostræ abnegatio. Postea renoua- tionem designant à fructibus qui inde consequuntur, iustitia, iudicio & misericordia. Si- quidem non satis fuerit talibus officiis ritè defungi, nisi mens primum ipsa & cor iustitiæ, iudicii, misericordiæ affectum induerint. id sit quum Dei Spiritus intinctus sua sanctitate animas nostras nouis & cogitationibus & affectibus ita imbuit, vt nouæ iure haberi queāt. Et certè vt naturaliter sumus auersi à Deo, nisi præcedat abnegatio nostri, nunquam ad id quod rectum est tendemus. Ideo toties iubemur exuere veterem hominem: renuntiare mūdo & carni: concupiscentiis nostris valere iussis, renouari spiritu mētis nostræ. Nomē por- rō ipsum mortificationis admonet quā difficile sit obliuisci prioris naturæ: quia hinc colligimus, non aliter nos formari ad Dei timorem, & pietatis initia discere nisi vbi gla- dio Spiritus violenter mactati in nihilum redigimur: quasi pronuntiaret Deus, vt censea- mur inter suos filios, opus esse communis naturæ interitu.

9 Vtrunque ex Christi participatione nobis contingit. Nam si verè morti eius cōmuni- camus, eius virtute crucifigitur vetus noster homo, & peccati corpus emoritur, ne amplius vigeat primæ naturæ corruptio. Si resurrectionis sumus participes, per eam suscitamur in vitæ nouitatem, quæ Dei iustitiæ respondeat. Vno ergo verbo pœnitētiā interpreto, re- generationem, cuius non alius est scopus nisi vt imago Dei quæ per Adæ transgressionem fœdata, & tantum non oblitterata fuerat, in nobis reformetur. Sic docet Apostolus, quum ait, Nos autem reuelata facie gloriam Domini repræsentantes, in eandem imaginem trās- formamur ex gloria in gloriam, tanquam à Domini Spiritu. Item, Renouamini spiritu mentis vestræ, & induite nouū hominē, qui secundū Deū creatus est in iustitia & sanctitate veritatis. Item alibi, Induentes nouū hominē, qui renouatur ad agnitionē & imaginem e- ius qui creauit illum. Proinde ista regeneratione in Dei iustitiam, Christi beneficio instau- ramur, à qua per Adam excideramus: quo modo in integrum restituere placet Domino quoscunque in vitæ hæreditatem cooptat. Atque hæc quidem instauratio non vno mo- mento, vel die, vel anno impletur, sed per continuos, imò etiam lentos interdum profectus abolet Deus in electis suis carnis corruptelas: repurgat eos sordibus, sibique in templa con- secrat, sensus eorum omnes ad veram puritatem renouans, quo se tota vitæ exerceāt in pœ- nitētiā: sciāntque huic militiæ nullum nisi in morte esse finem. Quo maior est impuri ra- bulæ & apostatæ Staphyli cuiusdam improbitas: qui statum præsentis vitæ cum gloria cæ- lesti à me confundi nugatur, dum imaginem Dei ex Paulo interpreto sanctitatem & iu- stitiam veracem. Quasi verò vbi res aliqua definitur, non quærēda sit ipsa integritas & per- fectio. Neque tamen locus negatur incrementis: sed quatenus ad Dei similitudinem prop- ius quisque accedit, in eo dico fulgere imaginem Dei. Huc vt perueniāt fideles, stadiū pœ-

2. Cor. 7. c. 10

Psal. 34. c. 15

Iesa. 1. d. 16

Rom. 8. a. 4

Rom. 6. a. 6

2. Cor. 3. d. 18

Ephes. 4. f. 23

Coloss. 3. b. 10

1. Cor. 7. c. 12

2. Cor. 4. a. 4

nitentia, in quo tota vita curret, illis Deus assignat.

10 Sic ergo à peccati seruitute liberantur filii Dei per regenerationē, non vt quasi plenam libertatis possessionem iam adepti, nihil amplius molestia à carne sua sentiant: sed vt illis maneat perpetua certaminis materia, vnde exerceantur: neque exerceantur modò, sed infirmitatem quoque suam melius discant. Atque in ea re omnes sanioris iudicii scriptores inter se consentiunt, manere in homine regenerato mali fomitem, vnde perpetuò scateat cupiditates quæ ipsum ad peccandum illiciant & extiment. Fatetur etiam, sanctos illo concupiscendi morbo adhuc ita implicitos teneri, vt obstare nequeant quin subinde vel ad libidinem, vel ad auaritiam, vel ad ambitionem, vel ad alia vitia titillentur & incitentur. Neque opus est multum inuestigando laborare quid hîc veteres senserint: quâdo vnus Augustinus sufficere ad id potest, qui fideliter magnâque diligentia omnium sententias collegit. Ex illo igitur sumant lectores, siquid de sensu antiquitatis habere certi volent. Porro inter illum & nos hoc discriminis videri potest interesse, quod ipse quidem quum fideles concedat, quâdiu in corpore mortali habitant, sic illigatos teneri concupiscentiis vt nō possint non concupiscere, eum tamen morbum peccatum vocare non audet: sed ad illum designandum infirmitatis nomine contentus, tunc demum fieri peccatum docet vbi vel opus vel consensus ad conceptionem vel apprehensionem accedit. hoc est, quando primæ appetitioni cedit voluntas. nos autem illud ipsum pro peccato habemus, quod aliqua omnino cupiditate contra legem Dei homo titillatur: imò ipsam prauitatem, quæ eiusmodi cupiditates nobis generat, asserimus esse peccatum. Docemus itaque in sanctis, donec mortali corpore exuantur, semper esse peccatū: quia in eorū carne residet illa concupiscēdi prauitas quæ cum rectitudine pugnat. Neque tamen semper à peccati nomine abstinet: sicuti quū dicit, Hoc peccati nomine appellat Paulus vnde oriūtur cuncta peccata in carnalem concupiscentiā. Hoc quātum ad sanctos pertinet, regnū amittit in terra, perit in cælo. Quibus verbis fatetur, quatenus obnoxii sunt fideles concupiscētiis carnis, peccati esse reos.

Lib. ad Ponif.

4. Lib. 1. & 2.
cōtra Iulianū

Sermone 6 de
verbis Apostoli

11 Quod autem Deus Ecclesiam suam purgare ab omni peccato dicitur, quod eam liberationis gratiam per Baptismum pollicetur, & in electis suis implet: ad reatum potius referimus quàm ad ipsam peccati materiam. Præstat hoc quidem Deus, suos regenerando, vt peccati regnum in ipsis aboleatur: (virtutem enim Spiritus subministrat, qua superiores in certamine victoresque fiant) sed regnare tantum, non etiam habitare desinit. Proinde sic dicimus veterem hominem crucifixum esse, legem peccati sic abolitam esse in filiis Dei, vt reliquæ tamen supersint: non vt dominantur, sed vt eos suæ infirmitatis conscientia humiliet. Et illas quidem fatemur non imputari, ac si non essent: sed hoc simul Dei misericordia fieri contendimus vt ab hoc reatu liberetur sancti, qui meritò aliàs peccatores & rei corā Deo foret. Neque verò hanc sententiā cōfirmare difficile nobis erit: quâdo extāt in eam re clara Scripturæ testimonia. Quid enim apertius volumus quàm quod ad Ro. 7. clamat Paulus: Primū, illic cum in hominis regenerati persona loqui, cū nōs alibi ostendimus, tū Augustinus firmis rationibus euincit. Taceo quod mali & peccati vocabulis vtitur, vt voces illas cauillari possint qui reclamare nobis volent: quis tamē repugnantiam aduersus Legē Dei, malū esse neget? quis impedimentū iustitiæ neget esse peccatū? quis denique non concedat culpā inesse, vbi est spiritualis miseria? Atqui ista omnia de hoc morbo à Paulo prædicantur. Deinde habemus certam à Lege demonstrationem, qua breuiter tota hæc quaestio expediri potest. Iubemur enim Deum diligere ex toto corde, ex tota anima, ex totis facultatibus. Quum ita omnes animæ nostræ partes Dei amore occupari deceat, certum est eos præcepto non satisfacere qui vel leuiculam appetitionem corde recipere, vel vllā omnino cogitationem animo admittere possunt, quæ eos ab amore Dei in vanitatē abducant. Quid enim? annon illæ sunt animæ facultates, subitis motionibus affici, sensu apprehendere, mente concipere? Istæ igitur quū vanis & prauis cogitationibus aditum ad se patefaciunt, annon ostendunt se tantundem ab amore Dei esse vacuas? Quare qui non fatetur omnes carnis cupiditates esse peccata: illum verò concupiscēdi morbum, quem fomitem appellant, esse peccati scaturiginem: ille transgressionem Legis peccatū esse neget necesse est.

Eph. 5. f. 26. 27

Rom. 6. a. 6

Rom. 7. b. 6

12 Si cui absurdum videtur, ita in vniuersum damnari cupiditates omnes quibus homo naturaliter afficitur, quum à Deo inditæ sint naturæ authore: respondemus, nos nequaquam eas appetitiones damnare quas hominis in genio Deus sic à prima creatione insculpsit, vt inde eradicari nisi cum ipsa humanitate non possint: sed tantum insolentes effrænesque motus qui cum Dei ordinatione pugnant. Iam verò quum ob naturæ prauitatē omnes facultates adeò vitiatæ sint ac corruptæ, vt in omnibus actionibus emineat perpetua

etia & intemperies: quia ab eiusmodi incontinentia separari nequeunt appetitiones, i.

o. iii.

deo vitiosas esse contendimus. Aut (si paucioribus verbis summam habere libet) omnes hominum cupiditates malas esse docemus, & peccati reas peragimus: non quatenus sunt naturales, sed quia inordinatæ: inordinatas autem esse, quia ex natura corrupta & polluta nihil puri nec sinceri prodire potest. Neque verò ab hac doctrina tantū discedit Augustinus quantū in speciem apparet. Dum invidiā plus æquo reformidat, quæ eum grauare studebant Pelagiani, à peccati nomine interdū abstinet: quū tamen scribit, manēte in sanctis peccati lege, tolli duntaxat reatum, satis indicat se non adeò à sensu nostro abhorrire.

Ad Bonifac.

- 13 Afficemus alias aliquot sententias vnde melius appareat quid senserit. Lib. secundo contra Iulianum: Lex ista peccati & remissa est regeneratione spiritali, & manet in carne mortali. remissa scilicet, quia reatus solutus est in sacramento quo regenerantur fideles. manet autem, quia operatur desideria, contra quæ dimicant & fideles. Itē, Lex itaque peccati (quæ in tantū quoque Apostoli membris erat) remittitur in baptismo, non finitur. Item, Legem peccati, cuius manentis solutus est in baptismo reatus, Ambrosius vocauit iniquitatem: quia iniquum est vt caro concupiscat aduersus spiritum. Item, Mortuum est peccatum in eo reatu quo nos tenebat: & donec sepulturæ perfectione sanetur, rebellat & mortuum. Lib. quinto etiamnum apertius: Sicut cæcitas cordis & peccatum est, quo in Deum non creditur: & pœna peccati, qua cor superbum digna animaduersione punitur, & causa peccati quū aliquid cæci cordis errore committitur: ita concupiscentia carnis aduersus quam bonus concupiscit spiritus, & peccatum est, quia illi inest inobediētia contra dominatum mentis: & pœna peccati, quia reddita est meritis inobedientis: & causa peccati defectione consentientis, vel contagione nascentis. Vocat hic sine ambiguitate peccatum: quia prostrato iam errore, & cōfirmata veritate, calumnias minus veretur. Quemadmodum & in Iohannem, homi. 41, vbi ex animi sui sensu sine contentione loquitur, Si carne seruis legi peccati, fac quod ait ipse Apostolus, Non regnet peccatum in mortali vestro corpore, ad obediendum desideriis eius. Non ait, non sit: sed, nō regnet. Quandiu viuus peccatum necesse est esse in membris tuis: saltem regnum illi auferatur, non fiat quod iubet. Qui concupiscentiam non esse peccatum defendunt, illud Iacobi obicere solent, Concupiscentia postquam conceperit, parit peccatum. At qui nullo negotio hoc refellitur: nisi enim de solis operibus malis, vel de peccatis actualibus intelligamus ipsum loqui, ne mala quidem voluntas in peccato deputabitur. Ex eo autem quòd flagitia & praua facinora concupiscentiæ partus vocat, atque iis ipsis peccati nomē tribuit, non protinus sequitur quin concupiscere, res mala sit, & coram Deo damnabilis.

Rom. 6. b. 12

Iacob. 1. b. 15

- 14 Anabaptistæ quidam hoc seculo, phreneticam nescio quam intemperiem pro spiritali regeneratione comminiscuntur; nempe in statum innocentiae restitutos Dei filios, iam non oportere sollicitos esse de libidine carnis refrænanda: Spiritum ducem sequendum esse, sub cuius actione nunquam aberratur. Incredibile esset hominis mentem eò vesaniæ prolabi, nisi palam & fastuosè suum hoc dogma deblaterarent. Prodigiosum certè quidem est: sed tales sacrilegæ audaciæ pœnas luere æquum est qui veritatem Dei in mendacium vertere animū induxerūt. Itane delectus omnis turpis & honesti, iusti & iniusti, boni & mali, virtutis & vitii tolletur? Tale, inquiunt, discrimen est ex maledictione veteris Adæ, à qua nos per Christum exempti sumus. Ergo inter scortationem & castitatem, sinceritatem & astutiam, veritatem & mendaciū, æquitatem & rapinā, nihil iam intererit. Tolle (inquiūt) vanam formidinem: Spiritus nihil tibi mali imperabit, modò securè & intrepidè illius actioni te permittas. Quis ad hæc prodigia non obstupescat? Popularis tamē est philosophia apud eos, qui libidinum amentia excæcati, sensum communem exuerunt. Sed quem obsecro, Christum nobis fabricantur, & quem Spiritum eructant? Nos enim Christum vnum, eius vnum Spiritū recognoscimus quem Prophetæ commendarunt, Euangelium exhibitū prædicat, de quo nihil illic tale audimus. Spiritus ille nō est homicidii, scortationis, ebrietatis, superbix, contētionis, avaritiæ, fraudis patronus: sed author dilectionis, pudicitix, sobrietatis, modestiæ, pacis, moderationis, veritatis. Non est vertiginosus, & qui præceps per fas & nefas inconsideratè ruat, sed plenus sapientiæ & intelligentiæ, qua rite inter iustum & iniustum discernat. Non instigat ad dissolutam effrænemque licentiam: sed prout licitum ab illicito discriminat, modū moderationemque seruare docet. Quid tamen diutius in refellēda beluina ista rabie laboremus? Christianis Spiritus Domini non turbulentum est phantasma, quod vel ipsi per somnium pepererint, vel ab aliis cōstitutum acceperint: sed eius notitiam à Scripturis religiose petunt, vbi duo hæc de ipso traduntur, nobis in sanctificationem datum esse, quo ab immunditiis & inquinamētis purgatos, in obedientiam diuinæ iustitiæ deducat: quæ obedientia constare nequit nisi domitis subactisque concupi-

ſcentiis, quibus iſti habenas laxare volunt. Deinde ſic nos eius ſanctificatione purgari, vt multis vitiis multaque infirmitate obſideamur quandiu incluſi ſumus mole corporis noſtri. Quo fit vt longo interuallo à perfectione diſſiti, proficere ſemper aliquid, & vitiis irretiti cum illis quotidie luſtari neceſſe habeamus. Vnde etiam cōſequitur, excuſſa deſidia & ſecuritate, intentis animis vigilandum eſſe, ne carnis noſtræ inſidiis incauti circumueniamur. Niſi fortè confidimus nos maiores progreſſus feciſſe quàm Apoſtolum, qui tamē

2. Cor. 12. b. ¶

Rom. 7. b. 6

15 Quòd autem Apoſtolus in deſcriptione pœnitentiæ ſeptem eius vel cauſas, vel effectus, vel partes enumerat, id optima cauſa facit. ſunt autem ſtudioſum aut ſolicitudo, excuſatio, indignatio, timor, deſiderium, zelus, vindicta. Neque abſurdum videri debet, quòd ſtatueri non audeo cauſane an effectus cenſeri debeant. vtrunque enim diſputari poteſt. Poſſunt etiam vocari affectiones cum pœnitentia coniunctæ. ſed quia omiſſis illis quæſtionibus, intelligere licet quid Paulus velit, ſimplici expoſitione cōtenti erimus. Dicit ergo ex triſtitia quæ ſecundum Deum eſt, excitari ſolicitudo. Nam qui ſerio diſplicentiæ ſenſu tangitur quòd in Deum ſuum peccarit, ſimul extimulatur ad diligentiam & attentionem, vt à Diaboli laqueis penitus ſe explicet, vt ab eius inſidiis melius ſibi caueat, ne à Spiritu ſancti gubernatione poſthac excidat, ne ſecuritate opprimatur. Proxima eſt excuſatio, quæ hoc loco non deſenſionem ſignificat qua peccator ad effugiendum Dei iudicium, vel ſe deliquiſſe neget, vel culpam extenuet: ſed purgationem, quæ in deprecatione magis poſita ſit quàm cauſæ fiducia. Qualiter filii non reprobi dūm errata ſua agnoſcunt & cōfiteantur, deprecationem tamen adhibent. atque vt ea locum habeat, quibus poſſunt modis teſtantur, ſe minimè abieciſſe eam quam parentibus debent reuerentiam: denique ſic excuſant, non vt ſe iuſtos eſſe ac innocentes probent, ſed tantū vt veniam obtineant. Sequitur indignatio, qua peccator ſecum intus fremit, ſecum expoſtulat, ſibi irascitur, dum ſuā peruerſitatem ſuamque in Deum ingratitudinem recognoſcit. Timoris nomine intelligit illam trepidationem quæ mētibus noſtris incutitur, quoties cogitamus & quid nos ſimus meriti, & quàm horribilis ſit iræ diuinæ ſeueritas in peccatores. Mirabili enim inquietudine tunc nos vexari neceſſe eſt, quæ tum ad humilitatem nos erudit, tum cauiores in poſterum reddit. Quòd ſi oritur ex timore ſolicitudo, de qua prius dixerat, videmus quo nexu hæc inter ſe cohæreant. Deſiderium videtur mihi poſuiſſe pro ſequitate in officio & obſequendi alacritate, ad quam maximè prouocare nos debet delictorum noſtrorum agnitio. Huc quoque pertinet zelus quē cōtinuò ſubiungit. ardorē enim ſignificat quo accēdimur vbi aculei illi nobis admoventur: Quid feci? Quòd me præcipitauerā, niſi mihi Dei miſericordia ſubueniret? Poſtrema eſt vindicta. quo enim ſeueriores in nos ſumus, & acriore cēſura quæſtionē habemus de peccatis noſtris, eo debemus ſperare magis propitium ac miſericordem Deum. Et certè fieri non poteſt quin anima diuini iudicii horrore percuſa, partes vltionis in exigenda de ſe pœna occupet. Sentiunt ſanè pii quales pœnæ ſint pudor, confuſio, gemitus, diſplicitia ſui, & reliqui affectus qui ex ſeria delictorū recognitione naſcuntur. Meminerimus tamen modum eſſe tenendum, ne triſtitia nos abſorbeat: quia nihil magis procliuē eſt trepidis cōſcientiis quàm in deſperationem ruina. Et hoc quoque artificio Satan quoscuque videt metu Dei proſtratos, in profundum illum mœroris gurgitē magis ac magis demergit, ne vnquam aſſurgant. Nō poteſt quidem nimius eſſe timor qui in humilitatem deſinit, neque diſcedit à ſpe veniæ. Semper tamen ex Apoſtoli præcepto cauendum, ne peccator, dum ſe ad diſplicitiam ſolicitat, nimia formidine oppreſſus deficiat: quia hoc modo refugitur Deus, qui per pœnitentiam nos ad ſe vocat. Qua de re vtilis etiam eſt admonitio Bernardi, Neceſſarius dolor pro peccatis ſi non ſit cōtinuus. Suadeo refleſtere pedem interdum à moleſta & anxia recordatione viarum veſtrarū, & euadere ad planitiem ſerenæ memoriæ beneficiorum Dei. Miſceamus abſynthio mel, vt ſalubris amaritudo ſalutem dare queat: cum immiſto dulcore tēperata bibetur: & ſi de vobis in humilitate ſentitis, ſentite & de Domino in bonitate.

Hebr. 12. 4. 3

Ser. 11. in Cā.

16 Iam & pœnitentiæ fruſtus quales ſint, intelligi poteſt: nempe officia pietatis erga Deū, charitatis erga homines, adhæc in tota vita ſanctimonia ac puritas. Denique quo maiore quiſque ſtudio vitam ſuam exigit ad normā Legis Dei, eo certiora pœnitentiæ ſuæ ſigna edit. Itaque Spiritus ſæpe dum nos ad pœnitentiam hortatur, nunc ad ſingula Legis præcepta, nunc ad officia ſecundæ tabulæ nos reuocat: quanquā aliis locis poſtquam immun-ditiem damnauit in ipſo fonte cordis, deinde ad externa teſtimonia deſcendit quæ ſincerā reſipiſcentiam commendant. Cuius rei tabulā in deſcriptione vitæ Chriſtianæ mox ſub-

ficiam lectorum oculis. Non colligam ex Prophetis testimonia quibus partim subsannât eorum ineptias qui ceremoniis contendunt Deum placare, ostenduntque mera esse ludicra: partim verò externam vitæ integritatem docent nō esse caput pœnitentiæ, quia Deus cor intuetur. Quisquis mediocriter in Scriptura versatus fuerit, per se, absque alterius monitu, intelliget, vbi cum Deo negotium est, nihil agi nisi ab interiore cordis affectu incipimus. Et Ioelis locus alius intelligendis non parum valebit, Scindite corda vestra, & nō vestimenta vestra. Vtrunque etiam breuiter expressum est his Iacobi verbis, Mundate scelerati manus, purgate corda duplices. vbi priori quidem membro accessio ponitur, fons tamē & principium deinde monstratur, nempe abstergendas esse occultas sordes, vt altare in ipso corde erigatur Deo. Sunt præterea & externa aliqua exercitia, quibus priuatim veluti remediis vel ad nos humiliandos, vel ad domandam carnem nostram vtimur: publicè verò ad resipiscentiæ testificationem. Emanant autem ab illa vindicta de qua loquitur Paulus. siquidem hæc afflicti animi sunt propria, in squalore, gemitu, lachrymis esse: fugere splendore & quemlibet apparatus, omnibus deliciis se abdicare. Deinde is qui sentit quantum malum sit carnis rebellio, remedia omnia quærit quibus coarceat. Præterea qui bene cogitat quàm graue sit violasse Dei iustitiam, quiescere non potest donec in sua humilitatē gloriam dederit Deo. Eiusmodi exercitia sæpe commemorant vetusti scriptores, quum de pœnitentiæ fructibus loquuntur. Quancumque autē vim pœnitentiæ minimè in illis reponunt: veniam tamen mihi dabūt lectores si dixerō quod sentio. plus æquo certè insistere in his mihi videntur. Ac si quis prudenter expendat, mihi (vt spero) assentietur, dupliciter eos modum excessisse. Nam quum tantopere vrgerent, ac immodicis elogiis commendarent corporalem illam disciplinam, hoc quidem consequebantur vt plebs eam maiore studio amplecteretur: sed, quod longè maioris momenti esse debet, quodammodo obscurabant. Deinde in exigendis castigationibus fuerunt aliquanto rigidiores quàm ferat Ecclesiastica mansuetudo, quemadmodum alibi tractandum erit.

17

Ioel. 2. c. 13

Sed quia nonnulli, dum fletum, ieiunium & cinerē cum alibi frequenter, tum præsertim apud Ioelē commemorari audiunt, præcipuam resipiscentiæ partem ieiunio & fletu metiuntur, tollenda est eorum hallucinatio. Quod de conuersione totius cordis ad Dominum, deque scissione non vestimentorū sed cordis illic dicitur, resipiscentiæ proprium est: fletus autem & ieiunium, non vt perpetua aut necessaria eius effecta subnectuntur, sed specialem habent circumstantiam. Quoniam grauissimum Iudæis excidium imminere vaticinatus fuerat, iram Dei suadet anteuertere, non tantum resipiscendo, sed mœroris indicia præ se ferendo. Qualiter enim promissa barba, impexo capillo, pulla veste, suppliciter se demittere solet reus ad conciliandam iudicis misericordiam: ita illos, quum rei agerentur coram Dei tribunali, eius seueritatē miserabili habitu deprecari oportebat. Quancumque autem cinis & saccus illis fortè tēporibus magis conueniebant: fletus tamen & ieiunii valde opportunum fore inter nos vsum constat quoties cladem aliquam aut calamitatē nobis minari visus fuerit Dominus. Se enim ad vltionem apparari & quodammodo armari denuntiat, vbi periculum apparere facit. Bene igitur Propheta, qui suos ad fletum & ieiunium, hoc est ad reorum mœstitiam, cohortatur, de quorum flagitiis constitutā quæstionem paulo antè dixerat. Quemadmodum nec malè hodie fecerint Ecclesiastici pastores, si dum impendentem suorum ceruicibus ruinam vident, ad ieiunium & fletum properandum vociferentur: modò quod est præcipuum maiore & intentiore cura & opera semper vrgeant, scindenda scilicet esse corda, nō vestimenta. Extra dubium est, non semper pœnitentiæ coherere ieiunium, sed calamitosi tēporibus peculiariter destinari. vnde & cum luctu cōiungitur à Christo, dum Apostolos ab eius necessitate absoluit, donec sua præsentia orbatī mœrore conficerentur. de solenni ieiunio loquor. Nam piorum vita frugalitate & sobrietate temperata esse debet, vt in toto eius decursu quædam ieiunii species continenter appareat. Verum tota illa res, quia rursus, vbi de Ecclesiæ disciplina agitur, expedienda erit, nunc parcius à me attingitur. Hoc tamē adhuc inseram, quum ad hanc externam professionem transfertur nomen pœnitentiæ, improprie à genuino illo sensu quem posui deflekti. Neque enim tam est conuersio ad Deum quàm culpæ cōfessio, cum pœnæ & reatus deprecatione. Sic pœnitentiam agere in cinere & cilicio, nihil aliud est quàm testari dispendium, vbi Deus ob graues offensas nobis irascitur. Atque hæc quidem confessionis species publica est, qua nos damnantes coram Angelis & mundo, prauēnimus iudicium Dei. Nam eorum signitiem coarguens Paulus qui peccatis suis indulgent, Si iudicaremus nos ipsos (inquit) non à Deo iudicaremur. Sed homines facere palam cōscios & testes nostræ resipiscentiæ, non semper est necessarium: priuatim autem Deo confiteri, pars est veræ pœni-

Ioel. 2. c. 13

Iacob. 4. b. 8

1. Cor. 7. e. 11

Matth. 9. b. 15

Matth. 11. c. 21

Luc. 10. c. 13

1. Cor. 11. g. 31

tentia quæ omitti non potest. Nihil enim minus cōsentaneum quàm vt peccata ignoscat Deus, in quibus nobis ipsi blādimur: & ne in lucem proferat, prætegimus per hypocrisin. Nec tantum quæ quotidie admittimus peccata fateri cōuenit: verum grauiores lapsus longius trahere nos debent: atque in memoriam reuocare quæ videtur pridem sepulta: quod exemplo suo nobis præscribit Dauid. Tactus enim recentis flagitii pudore, seipsum examinat vsque ad matris vterum, & agnoscit iam tunc fuisse corruptum & infectum carnis labe. neque id vt culpam suam extenuet: sicuti multi in turba se occultāt, & alios secum inuoluēdo, impunitatem captant. Longè aliter Dauid, qui ingenuè culpam exaggerat, quod à prima infantia corruptus, non deserit mala malis cumulare. Alio etiam loco tale præteritæ vitæ examen suscipit, vt adolescentiæ suæ peccatis misericordiam Dei imploret. Et certè tunc demum soporē nobis esse excussum probabimus si gemēdo sub onere, malæque nostræ deflendo, leuationem à Deo petemus. Notandum præterea est, pœnitentiam, cui assidue incumbere iubemur, ab ea differre quæ velut à morte excitat qui vel turpius ceciderant, vel effræni licentia se proiecerant ad peccādum, vel quadam defectionis specie excusserāt iugū Dei. Nam Scriptura sæpe dum hortatur ad pœnitentiā, quasi trāsītū & resurrectionē à morte in vitam significat: & dum refert populū egisse pœnitentiā, ab idololatria aliisque crassis sceleribus conuersum fuisse intelligit. Qua ratione Paulus luctū peccatoribus denuntiat, qui pœnitentiam non egerūt super lasciuia scortatione & impudicitia. hoc discrimen diligenter obseruandum est, ne vbi paucos audimus ad pœnitentiam citari, nobis supina obrepat securitas, quasi nihil amplius ad nos pertineret carnis mortificatio: cuius curā remittere non permittūt quæ nos semper titillāt prauæ cupiditates, & quæ subinde pullulant vitia. Specialis ergo pœnitentia quæ à quibusdam tantum exigitur, quos Diabolus à Dei timore abreptos exitiabilibus laqueis implicuit, ordinariam non tollit, cui per totum vitæ curriculum operam dare nos cogit naturæ corruptio.

Psal. 51. b. 7

Psal. 51. b. 7

1. Cor. 12. g. 11

19 Porro si verum est quod clarissimè constat, totam Euangelii summam duobus istis capitibus contineri, pœnitentiā, & peccatorum remissione: annon videmus, Dominum ideo gratis suos iustificare, quo eos simul Spiritus sui sanctificatione, in veram iustitiam instauraret? Iohannes angelus ante faciē Christi missus ad vias eius præparandas, prædicabat, Pœnitentiam agite: appropinquauit enim regnum cælorum. Ad pœnitentiam inuitādo, monēbat vt se peccatores agnoscerēt, suāque omnia coram Domino damnata, quo carnis suæ mortificationem, ac nouam in Spiritu regenerationē totis votis expeterent. Regnum Dei annuntiādo, ad fidem vocabat. siquidem per regnum Dei quod docebat in propinquo esse, remissionem peccatorum, salutem, vitam, & quicquid omnino in Christo assequimur, significabat. quare apud alios Euangelistas legitur, Venit Iohannes prædicans baptismum pœnitentiæ, in remissionem peccatorum. Quod quid aliud est, quàm vt peccatorum mole pressi & fatigati, ad Dominum se conuerterent, ac de remissione & salute spem conciperēt? Sic & Christus suas conciones auspicatus est, Appropinquauit regnum Dei: pœnitentiam agite, & credite Euangelio. Primum declarat, thesauros misericordiæ Dei in se apertos: deinde pœnitentiam exigit: tum postremò fiduciam erga Dei promissiones. Itaque quum totam Euangelii summam breuiter complecti voluit, dixit se oportuisse pati, resurgere à mortuis, prædicari in nomine suo pœnitentiam, & remissionem peccatorum. Id & Apostoli post eius resurrectionem prædicarunt, excitatum à Deo, ad dandam pœnitentiam Israel, & remissionem peccatorum. Prædicatur pœnitentia in nomine Christi, quum per Euangelii doctrinam audiunt homines suas omnes cogitationes, suos affectus, sua studia corrupta & vitiosa esse: propterea necesse esse vt renascantur, si volunt ingredi in regnum Dei. Remissio peccatorum prædicatur, quum docentur homines, Christum sibi factum esse redemptionem, iustitiam, salutem, & vitam: cuius nomine, gratis in Dei conspectu iusti habeantur & innocentes. Vtraque gratia quum fide apprehendatur (vt alibi demonstratum est) quia tamen proprium fidei obiectum est Dei bonitas qua peccata remittuntur, eam à pœnitentia diligenter distinguere operæpretium fuit.

Matth. 17. b. 10
Matth. 3. a. 1.Marc. 1. a. 4.
Luc 3. a. 3.

Marc 1. b. 15

Luc. 24. d. 16,
& g. 46.

Act. 5. f. 31

Rom. 1. d. 30.

20 Porro vt peccati odium, quod pœnitentiæ exordium est, primum nobis ad Christi cognitionem ingressum aperit, qui nullis se exhibet nisi miseris & afflictis peccatoribus, qui gemunt, laborant, onerati sunt, esuriunt, sitiunt, dolore & miseria tabescunt: ita in pœnitentiam ipsam eniti, tota vita in eam incumbere, eam ad vltimum prosequi nos oportet, si in Christo consistere volumus. Ad peccatores enim vocandos venit, sed ad pœnitentiā. Misus est ad benedicendum indignis: sed quo se conuertat vnusquisque à nequitia sua. Plena est Scriptura eiusmodi vocibus. Quare vbi peccatorum remissionē offert Deus, resipiscen-
tiam vicissim stipulari ferè solet: innuens suam misericordiam, resipiscēdi causam homi-

Iesa. 61. a. 1.

Matth. 11. a. 5.

Luc 4. c. 18.

Matth. 9. b. 13.

Act. 3. d. 26, &

5. f. 31.

Iesa. 56. a. 1.
Ibidē, 59. d. 20.
Ibidē, 55. b. 6.

Act. 2. f. 38.

Id cum alibi
cum in Phari-
saeis multis
disputat.

nibus esse debere. Facite, inquit, iudicium & iustitiam: quia salus appropinquauit. Item, Veniet Sioni redēptor, & iis qui in Iacob resipiscunt à peccatis. Item, Quarite Dominum dum inueniri potest, inuocate eum dum propè est. Derelinquat impius viam suam, & iniquitatem cogitationum suarum, & ad Dominum conuertatur: & miserebitur eius. Item, Conuertimini, & resipiscite, vt deleantur peccata vestra. Vbi tamen adnotandum est, non eam conditionem sic apponi quasi emerendæ veniæ fundamentum sit nostra resipiscencia: quin potius (quia in hunc finem hominū misereri statuit Dominus vt resipiscant) quò sit tendendum indicat, si gratiam obtinere volunt. Proinde donec in carcere corporis nostri habitabimus, assidue nobis cum naturæ nostræ corruptæ vitiis luctandum est, adeoque cum naturali nostra anima. Dicit aliquoties Plato, vitam Philosophi, meditationem esse mortis. Verius nobis dicere licet, vitam Christiani hominis perpetuum esse studium & exercitationem mortificandæ carnis donec ea planè interempta, Spiritus Dei regnum in nobis obtineat. Quare illum arbitror plurimum profecisse, qui sibi plurimū displicere didicit: nō vt in hoc luto hæreat, nec vltà progrediatur: sed magis vt ad Deum festinet & suspirat: quò morti vitæque Christi insertus, perpetuam pœnitentiam meditetur: vt certè non aliter possunt, quos genuinum peccati odium tenet. nemo enim peccatum vnquam odit nisi prius iustitiæ amore captus. Hæc sententiā, vt erat simplicissima omniū, ita mihi cū Scripturæ veritate optimè consentire visa est.

21

Act. 11. c. 18
2. Tim. 2. d. 25.
26.

Ephes. 2. b. 10.

Iesa. 59. d. 10.

Iesa. 63. d. 17.
Heb. 6. b. 6.

Ibidē, 10. c. 19.

Ibidē, 6. a. 4.

Ibidē, 10. c. 15.

Porro singulare esse Dei donum Pœnitentiam, notius ex superiore doctrina esse arbitror quàm vt longum sermonem retexere opus sit. Itaque beneficium Dei laudat, & miratur Ecclesia, quòd Gentibus dederit pœnitentiam ad salutem: & Paulus Timotheum patientem & māsuetum erga incredulos esse iubens, Siquando, inquit, Deus illis det pœnitentiā qua resipiscant à diaboli laqueis. Affirmat quidem Deus se velle omnium cōuersionem: & exhortationes communiter omnibus destinat: efficacia tamen pender à Spiritu regenerationis. Quia facilius esset creare nos homines, quàm proprio Marte induere præstatiorem naturā. Itaque toto regenerationis cursu non abs re vocamur Dei figmentum creati ad bona opera quæ præparauit vt in illis ambulemus. Quoscumque eripere vult Deus ab interitu, hos Spiritu regenerationis viuificat: non quòd pœnitentiā propriè sit salutis causa, sed quia iam visum est inseparabilem esse à fide & misericordia Dei: quando, teste Iesaja, venit Sioni redēptor, & iis qui in Iacob reuersi sunt ab iniquitate. Stat quidem hoc firmū, vbicumque viget Dei timor, Spiritum in salutem hominis operatum esse. Itaque fideles apud Iesaiam, dum querūt & deplorant à Deo se derelictos, hoc quasi reprobationis signū ponunt, obdurata fuisse diuinitus corda sua. Apostolus quoque excludere volens apostatas à spe salutis, rationē asserit, esse impossibile eos renouari ad pœnitentiā: quia scilicet Deus renouans quos perire non vult, signū ostendit paterni fauoris, & quodammodo radiis sereni & lati vultus eos ad se attrahit: rursus obduratione fulminat contra reprobos, quorum irremissibilis est impietas. Quod genus vindictæ Apostolus denuntiat volūtariis apostatis, qui dum à fide Euangelii deficiunt, Deum ludibrio habent, gratiam eius contumeliose respuunt, profanant ac cōculcant Christi sanguinem: imò quantū in se est, rursus ipsum crucifigunt. Neque enim, vt volunt quidam præposterè austeri, voluntariis omnibus peccatis spem veniæ præcidit: sed apostasiam docet omni excusatione indignam esse, vt mirum nō sit Deum inexorabili rigore tam sacrilegum sui cōtemptum vlciſci. Impossibile enim esse tradit, eos qui semel illuminati fuerint, gustauerint donum cæleste, participes facti sint Spiritus sancti, gustauerint bonum Dei verbum, virtutésque venturi seculi, si prolabātur, rursus renouari ad pœnitentiam, ab integro crucifigentes Filium Dei, & ludibrio exponentes. Item alibi, Si volentes, ait, peccauerimus post acceptam notitiā veritatis, non vltà pro peccatis reliqua est hostia: sed formidabilis quædā expectatio iudicii, &c. Hi quoque loci sunt ex quorum praua intelligentia insaniendi materiam olim Nouatiani hauserunt: quorum asperitate offensi boni quidam viri, hanc suppositiciam Epistolam crediderunt, quæ omni tamen ex parte Apostolicum spiritum verè redolet. Quoniam autem nobis contentio non est nisi cū iis qui eam amplexantur, facile est ostendere quàm nihil illæ sententiæ ipsorū suffragetur errori. Primū necesse est, Apostolū cum magistro suo cōsentire, qui omne peccatum & blasphemiam remissum iri affirmat, excepto peccato in Spiritum sanctum, quod neque in hoc seculo, neque in futuro remittitur. Hac, inquam, exceptione contentum fuisse Apostolum certum est, nisi volumus illum gratiæ Christi aduersarium facere. Vnde conficitur, nullis singularibus peccatis veniam negari præterquam vni, quod ex desperato furore profectum neque infirmitati ascribi potest, & palam demonstrat hominem à diabolo esse possessum,

22 Ut tamen hoc expediatur, quod sit tam horrendum eiusmodi flagitium quod nullam remissionem habiturum est, quærere conuenit. Quòd Augustinus alicubi definit obstinam ad mortem vsque peruicaciam cum veniæ diffidentia, non satis quadrat ipsis Christi verbis, Non remissum iri in hoc seculo. Nam aut hoc frustra dicitur, aut in hac vita committi potest. Si autem vera est Augustini definitio, nō committitur nisi ad mortem vsque perſeueret. Quòd alii dicunt, in Spiritum sanctum peccare qui gratiæ in fratrem collatæ inuidet: non video unde sumptum fuerit. Sed veram definitionem afferamus: quæ vbi firmis testimoniis comprobata fuerit, faciliè per seipsam omnes alias euertet. Dico igitur in Spiritum sanctum peccare qui diuinæ veritati, cuius fulgore sic perstringuntur vt ignorantiam causari nequeant, tamen destinata malitia resistunt, in hoc tantum vt resistant. Christus enim explicaturus quod dixerat, continuò subiungit, Qui dixerit verbum in Filium hominis, remittetur ei: qui autem blasphemauerit contra Spiritum, non remittetur. Et Matthæus pro blasphemia in Spiritum, ponit Spiritum blasphemiam. Quomodo in Filium quis probrum iacere possit quin simul in Spiritum torqueatur? Nempe qui in veritatem Dei incognitam imprudentes impingunt, qui Christo ignoranter maledicunt, hoc interim animo præditi vt patefactam sibi Dei veritatem extinguere nolint, aut quem nouerint esse Christum Domini, verbo vno lacerare: illi in Patrem ac Filium peccant. Sic multi sunt hodie, qui Euangelii doctrinam pessimè execrantur: quamsi Euangelii esse scirent, toto corde venerari parati essent. Quorum autem conuicta est conscientia, Dei verbum esse quod repudiant atque impugnant, impugnare tamen non desinunt: illi in Spiritum blasphemiam dicuntur: quandoquidem aduersus illuminationem (quæ opus est Spiritus sancti) luctantur. Tales erant ex Iudæis nonnulli, qui quum resistere Spiritui per Stephanum loquenti non possent, resistere tamè contendebant. Non dubium est quin ex illis multi, Legis zelo ad id raperentur: sed fuisse alios apparet qui malitiosa impietate in Deum ipsum furerent, hoc est in doctrinam quam esse à Deo non nesciebāt. Tales & ipsi Pharisei, in quos Dominus inuehitur, qui Spiritus sancti virtutem vt dissicerent, Beelzebub nomine infamabant. Hic ergo est Spiritus blasphemiam, vbi hominis audacia in contumeliam diuini nominis data operaprofilit. Quod innuit Paulus, quum docet se misericordiam consequutum, quòd ignorans ea per incredulitatem commiserat, quorum merito indignus alioqui fuisset gratia Domini. Si ignorantia cum incredulitate iuncta fecit vt veniam obtineret, hinc sequitur, non esse veniæ locum vbi scientia ad incredulitatem accessit.

Matth. 12. c. 31
marc. 3. d. 29
luc. 12. b. 10.

A. 6. c. 10

Matth. 9. d. 34
& 12. b. 24

1. Tim. 1. c. 13

23 Apostolum verò non de particulari vno lapsu vel altero, sed de vniuersali defectione loqui qua se reprobi à salute abdicant, si bene animaduertas, intelliges. Eos autem implacabilem Deum sentire mirum non est, quos Iohānes in sua Canonica affirmat non fuisse ex electis à quibus exierunt. Sermonem siquidem in eos dirigit qui religionē Christianam se repetere posse imaginabantur, cū semel ab ea defecerant: quos ab hac falsa & pernicioſa opinione auocans, dicit quod verissimum est, non patere iis reditum ad Christi communionem qui eam scientes volentes proiecerint. Proiciunt autem non qui simpliciter dissoluta vitæ licentia verbum Domini transgrediuntur: sed qui totam eius doctrinā ex professo reiciunt. Ergo paralogismus est in verbo Prolabendi & Peccandi. quoniam Prolabi Nouatiani interpretantur, si quis Lege Domini, non furandum nec scortandum edoctus, à furto aut scortatione non abſtineat. At contra subesse tacitam antithesin affirmo, in qua repeti debeant cōtraria omnia iis quæ prius dicta fuerant: vt hic non particulare aliquod vitium, sed vniuersalis auersio à Deo, & totius (vt ita loquar) hominis apostasia exprimat. Quum ergo dicit, eos qui prolapsi sint, postquam semel illuminati fuerunt, gustauerunt donum cæleste, participes facti sunt Spiritus sancti, gustauerunt etiam bonū Dei verbum, virtutesque vèteri seculi: intelligendum est, qui lumen Spiritus deliberata impietate suffocarint, doni cælestis gustum respuerint, à sanctificatione Spiritus se alienarint, verbū Dei & seculi venturi virtutes conculcarint. Ac quo magis exprimeret illam impietatis certam destinationem, alio postea loco nominatim adiecit dictionem, Voluntariè. Nam quum dicit, nullam fieri reliquam hostiam iis qui volentes, post acceptā veritatis notitiam, peccarint, non negat Christum esse perpetuā hostiam, ad expiandas sanctorū iniquitates: (quod tota fere epistola disertè clamat, inter explicandum Christi sacerdotiū) sed nullā aliam restare dicit vbi ab ea discessum est. Disceditur autè, abnegata ex professo Euangelii veritate.

Heb. 5. a. 4

Hebr. 10. c. 26

24 Quòd autem nimis durum & Dei clementia alienum videtur quibusdam, à remissione vllō omnino depelli qui ad implorandam Domini misericordiam confugiant, id facile diluitur. Non enim denegari veniam dicit si ad Dominum se cōuerterint: sed omnino negat posse ad poenitentiam surgere: quòd scilicet æterna cæcitate, ob suam ingratitu-

Zach. 7. d. 13

Ezech. 18. c.
20. 2125
1. Reg. 2. 28. 19Genes. 27. f.
18. 19Psal. 78. d.
36. 37

Pri. est Greg.
& refer. lib. 4.
Sent. Dist. 14.
cap. 1.
Sec. Ambr. re-
fert illic, & in
Deer. Dist. 3.
de pœnitent. c.
Pœni priore.
Tert. August.
refert. ea dist.
c. Pœni. post.
Quart. Amb.
refert. dist. 1.
de pœn. c. Ve-
ra pœnit.

dine iusto Dei iudicio percussi sint. Neque obstat quod idem exemplum Esau huc pœnitentia accommodat, qui frustra lachrymis & eiulatu tentauit amissam primogenituram recuperare. Nihil etiam magis illa Prophetæ comminatio, Quam clamauerint, non exaudiam. Neque enim talibus loquendi formulis aut vera conuersio, aut Dei inuocatio designatur: sed illa impiorum anxietas, qua in rebus extremis constricti coguntur respicere quod antea securè negligebar, sibi nihil esse boni, nisi in Domini auxilio. Illud autem non tam implorant, quam sibi ablatum esse gemit. Itaque nihil aliud significat Prophetæ per clamorem, Apostolus per lachrymas, quam tormentum illud horribile quod impios ex desperatione vrit & discruciat. Hoc diligenter notare operæ pretium est: quia secum alioqui pugnaret Deus, qui per Prophetam clamat, se propitium fore simulac conuersus fuerit peccator. Et (quemadmodum iam dixi) animum hominis in melius mutari non nisi præueniente illius gratia certum est. De inuocatione etiam nunquam fallit promissio. sed conuersio & precatio improprie vocatur cæcum illud tormentum quo distrahuntur reprobi, quum Deum sibi querendum esse vident ut inueniant malis suis remedium, & tamen eius accessum refugiunt.

Quæritur tamen, quum neget Apostolus ficta pœnitentia placari Deum, quomodo veniam adeptus sit Achab, & pœnam sibi indictam auerterit: quem tamen non nisi subito pauore fuisse consternatum ex reliquo tenore vitæ apparet. Induit quidem saccum, aspersus est cinere, iacuit humi, & (quemadmodum testimonium illi redditur) humiliatus est coram Deo: sed parum fuit vestes scindere, quum maneret cor obstipum & malitia turgidum. Videmus tamen ut Deus ad clementiam flectatur. Respondeo, sic interdum hypocritis parci ad tempus, ut tamen semper illis incumbat ira Dei: idque fieri non tam eorum gratia quam in commune exemplum. Nam quod mitigata fuit pœna ipsi Achab, quam inde utilitatem consequutus est nisi ut eam viuus in terra non sentiret? Ergo Dei maledictio, quanuis recodita, fixam habuit sedem in eius domo: ipse autem in æternum exitum perrexit. Idem videre est in Esau. etsi enim repulsam passus est, temporalis tamen benedictio concessa fuit eius lachrymis. Sed quia spiritualis hereditas ex Dei oraculo non nisi penes vnum ex fratribus residere poterat, dum præterito Esau electus est Iacob, abdicatio illa misericordiam Dei exclusit: solatium hoc quasi homini belluino fuit residuum, ut pinguedine terræ & rore cæli saginaretur. Atque id est quod nuper dixi ad exemplum aliorum referri debere, quo alacrius ad sinceram pœnitentiam adiacere animos & studia nostra discamus: quia minimè dubitandum est verè & ex animo conuersis Deum fore ad ignoscendum facilem, cuius clementia se ad indignos usque extendit, dum aliquid displicentiæ præ se ferunt. Eadem etiam opera docemur quam horribile iudicii præfractos omnes maneat, quibus Dei minas improba fronte non minus quam corde ferreo spernere & pro nihilo ducere ludus est. In hunc modum sæpe filii Israel manum porrexit ad leuandas eorum clades, quauis simulati essent eorum clamores, duplexque & perfidus animus: sicut ipse in Psalmo conqueritur, statim ad ingenium fuisse reuersos. atque ita voluit tam amica facilitate ad seriam conuersionem eos adducere, vel reddere inexcusabiles. Neque tamen, pœnas ad tempus remittendo, perpetuam sibi legem imponit: quin potius seuerius interdum contra hypocritas insurgit & pœnas duplicat, ut inde appareat quantopere ei displiceat fictio. Sed quadam (ut iam dixi) exempla profert suæ ad dandam veniam propensionis, ex quibus pii animantur ad vitæ correctionem, & grauius damnetur eorum superbia qui proteruè aduersus stimulum calcitrant.

Quam procul absit ab Euangelii puritate quicquid de pœnitentia garriunt Sophistæ in suis scholis. ubi de confessione & satisfactione agitur. C A P. IIII.



V N C venio ad excutienda ea quæ de pœnitentia scholastici sophistæ tradiderunt, quæ quam paucissimis fieri poterit percurram. quia omnia persequi animus non est: ne hic liber, quem ad docendi compendium aptare studeo, in immensum extrahatur. Et illi rem alioqui non valde implicitam tot voluminibus inuoluerunt, ut non futurus sit facilis exitus si te paulum in eorum fæces immerferis. Principio, in danda definitione planè ostendunt nunquam se intellexisse quid esset pœnitentia. Arripiunt enim quadam ex libris veterum dicta, quæ vim pœnitentiæ minimè expriment: Quod pœnitere sit antea facta peccata deffere, & stenda non committere. Item, quod sit mala præterita plangere, & plangenda iterum non committere. Item, quod sit quadam dolens vindicta, puniens in se quod dolet commisisse. Item, quod sit dolor cordis & amaritudo animæ pro malis quæ quisque commisit, vel quibus consensus. Hæc enim ut à Patribus bene dicta concedamus (quod inficiari tamen contentioso difficile non esset) non tamen in eam partem dicebatur ut pœnitentiam describeret, sed tantum ut suos hortaretur ne in eadem delicta rursus inciderent à quibus extracti e-

erant. Quòd si elogia istiusmodi omnia in definitiones conuertere placet, alia quoque non minori iure assuenda erant. Quale est hoc Chrysostomi, Pœnitentia est medicamentum peccatum extinguens, donum cœlitus datum, virtus admirabilis, gratia vim legum superans. Adde quod doctrina, quam postea tradunt, istis definitionibus est aliquâto deterior. Sic enim sunt in externis exercitiis mordicus infixi, vt nihil aliud ex immensis voluminibus colligas quàm pœnitentiam esse disciplinam & austeritatem, quæ partim domadæ carni, partim castigandis puniendisque vitiis feruiat: de interiori mentis renouatione, quæ verâ vitæ correctionem secum trahit, mirum silētium. De contritione quidē & attritione multus apud eos sermo: multis scrupulis animas torquent: & plurimum molestiæ & anxietatis ingerunt: sed vbi visi sunt corda penitus vulnerasse, leui ceremoniarum aspersione totam amaritudinem sanant. Pœnitentiam tam argutè definitam, in contritionem cordis, confessionem oris, satisfactionem operis partiuntur, nihilo magis dialecticè quàm definierūt: etsi videri volunt totam ætatem in syllogismis contexendis detriuisse. Verùm si quis à definitione ratiocinetur (quod genus argumentadī apud dialecticos valet) posse aliquem anteacta peccata desistere, & flenda non committere: posse præterita mala plangere, & plangenda non cōmittere: posse punire, quod doleret commisisse, &c. quanuis ore non confiteatur: quomodo suam partitionem tuebuntur? Si enim ille verè pœnitens non confitetur, pœnitentia sine confessione esse potest. Quòd si respondeant, hanc partitionem ad pœnitentiā referri quatenus est sacramentum, vel de tota pœnitentiæ perfectio ne intelligi quam suis definitionibus non comprehendunt, non est vnde accuser: sibi ipsi imputent, qui non purius ac dilucidius definiunt. Ego certè pro mea crassitie, quū de re aliqua disputatur, ad ipsam definitionē omnia refero, quæ est totius disputationis cardo ac fundamētū. Sed sit illa magistralis licentia. iam partes ipsas ordine perlustremus. Quòd neglectim quasi friuola trifilio quæ ipsi graui supercilio pro mysteriis venditāt, non facio inscitia: (neque enim mihi valde laboriosum esset excutere quæcūque argutè & subtiliter ipsi existimāt à se disputari) sed mihi religio esset fatigare talibus ineptiis lectores absque fructu. Certè de rebus ignotis eos garrire, ex quæstionibus quas mouent & agitant, & quibus miserè se impediunt, cognitu facile est. qualis illa est, An vnus peccati pœnitentia Deo placeat, vbi in aliis durat obstinatio. Item, an pœnæ diuinitus inflictæ ad satisfactionem valeant. Item, an sæpius iterari possit pro mortalibus peccatis. vbi turpiter & impiè definiunt non nisi de venialibus peccatis quotidie agi pœnitentiam. Similiter crasso errore valde se torquēt in dicto Hieronymi, pœnitentiam esse secundam tabulam post naufragium. in quo ostendunt se nunquā à brutto stupore euigilasse, vt millesimam vitiorum suorum partem vel procul sentirent.

2 Velim autem animaduertant lectores, non hīc de asini vmbra rixam esse, sed rem omnium maximè seriam tractari: nempe de peccatorum remissione. Quum enim tria ad pœnitentiam requirunt, compunctionem cordis, oris confessionem, operis satisfactionem: simul ad impetrandam peccatorum remissionem necessaria esse docent. Siquid autem in tota religione scire nostra refert, id certè refert maximè, nempe intelligere ac probè tenere, qua ratione, qua lege, qua conditione, qua facilitate aut difficultate obtineatur peccatorum remissio. Hæc notitia nisi perspicua certaque constat, nullam omnino requiem, nullam cum Deo pacem, nullam fiduciam aut securitatem habere potest conscientia: sed assiduè trepidat, fluctuatur, æstuat, cruciatur, diuexatur, horret, odit, ac fugit conspectum Dei. Quòd si ab his conditionibus pendet peccatorum remissio quibus eam ipsi alligant: nihil nobis miseriùs nec deploratiùs. Contritionem, primam obtinendæ veniæ partem faciunt, eamque debitam exigunt, hoc est iustam & plenam: sed interim non constituūt quādo securus aliquis esse possit, se hac contritione ad iustum modum defunctum esse. Equidem sedulò & acriter instādum esse fateor, vt quisque amarè deslendo sua peccata, se ad eorum displicentiam & odium magis acuat. Hæc enim est non pœnitenda tristitia, quæ pœnitentiam gignit in salutem. sed vbi exigitur doloris acerbitas, quæ culpæ magnitudini respondeat, & quæ in trutina appendatur cum fiducia veniæ: hīc verò miseræ conscientiæ miris modis torquentur, & exagitantur, dum sibi debitam peccatorum contritionem imponi vident, nec assequuntur debiti mensuram, vt secum decernere possint, se persoluisse quod debebant. Si dixerint faciendum quod in nobis est, eodem semper reuoluimur. quando enim audebit sibi promittere quispiam, omnes se vires contulisse ad lugenda peccata? Vbi ergo diu secum luctatæ, & longis certaminibus exercitæ conscientiæ, portum tandem in quo resideāt non inueniunt: vt se aliqua saltem parte leniant, dolorem à se extorquent, & lachrymas exprimunt, quibus suam contritionem perficiant.

3 Quòd si me calumniari aiunt: prodeant sanè, & vnum aliquem ostendant qui huiusmo-

Lib. 4 Sent. 16
c. 1. de pœnit.
dist. 1. c. Perfe
cta pœnit.

di contritionis doctrina vel non sit ad desperationem adactus: vel simulationem doloris, iudicio Dei, pro vero dolore, non opposuerit. Diximus & nos quodam loco, nunquam sine poenitentia obuenire peccatorum remissionem, quod nulli nisi afflicti, & peccatorum conscientia vulnerati, Dei misericordiam implorare sincere possunt: sed simul adiecimus, poenitentiam non esse causam remissionis peccatorum. Illa autem animarum tormenta sustulimus, quod debita praestanda sit. Peccatorem docuimus non in suam compunctionem neque in suas lachrymas intueri, sed utrumque oculum in solam Domini misericordiam defigere. Tantum admonuimus, vocari à Christo laborantes & oneratos, quādo missus sit ad euangelizandum pauperibus, ad sanandum contritos corde, praedicandum captiuis remissionem, ac educendos vinctos, consolandos lugentes. Quo excluderentur & Pharisei, qui sua iustitia saturi, paupertatem suam non agnoscunt: & contemptores, qui securi irae Dei, malo suo remedium non quarunt. Tales enim non laborant, nec onerati sunt, nec contriti corde, nec vincti, nec captiui. Multum verò interest doceasne emereri peccatorum remissionem iusta & plena contritione (qua nunquam defungi possit peccator) an cum instituas ad esuriendam & sitiendam Dei misericordiam, quo per miseriae suae agnitionem, suum æstum, lassitudinem, captiuitatem illi ostēdas ubi quærere refrigerium, requiem, libertatem debeat: illum denique doceas in sua humilitate dare Deo gloriam.

- 4 De cōfessione semper ingens fuit pugna inter Canonistas & Theologos scholasticos: his contententibus mandari diuino praecepto confessionem: illis reclamantibus, Ecclesiasticis duntaxat constitutionibus praecipere. In eo verò certamine insignis Theologorum impudētia apparuit, qui tot locos Scripturae deprauarunt, & vi detorserunt, quot in rem suam citabant. Et quando ne sic quidem obtineri posse viderunt quod postulabant, qui arguti volebant prae aliis videri, hoc effugio elapsi sunt, confessionem à iure diuino profectam, quantum ad substantiam: sed formam postea accepisse à iure positiuo. Nempe sic qui inter leguleios sunt ineptissimi, citationem ad ius diuinum referunt, quia dictum sit, Adam ubi es? Exceptionem item, quia responderit Adam quasi excipiens, Vxor quam dedisti mihi, &c. utrique tamē formā à iure ciuili datā. Sed videamus quibus argumentis confessionē hanc: vel formatā vel informē Dei esse mandatū probant. Misit (inquiunt) leprosos Dominus ad Sacerdotes. Quid? misitne ad confessionē? quis vnquā fando audiuit, audiendis cōfessionibus praefectos Leuiticos sacerdotes: Cōfugiunt ergo ad allegorias: Sancitū erat Lege Moysi ut sacerdotes discernerēt inter leprā & lepram: peccatū, spiritualis est lepra: de hac pronūtiare, Sacerdotum est. Antequam respondeo, quæro obiter si hic locus spiritualis leprae eos iudices facit, cur naturalis & carnalis leprae cognitionem ad se trahunt? Scilicet hoc non est Scripturis ludere. Lex cognitionē leprae defert Sacerdotibus Leuiticis. hanc nobis vsurpemus. Peccatum est lepra spiritualis. simus & peccati cognitores. Nunc respondeo: Translato sacerdotio, necesse est Legis translationem fieri. Omnia sacerdotia ad Christum translata sunt, in eo impleta & finita: ad eum igitur vnū ius omne & honor sacerdotii translatus est. Si tantopere amant allegorias sectari, vnicum Sacerdotem Christum sibi proponant, & rerum omnium libera iurisdictione tribunal eius cumulent: facile id feremus. Adhæc importuna est ipsorum allegoria, quæ Legem merè politicam, inter ceremonias reponit. Cur igitur Christus ad Sacerdotes, leprosos mittit? Ne calumniarentur Sacerdotes, ipsum Legem violare, quæ iubebat coram Sacerdote representari à lepra curatum, & oblato sacrificio expiari: iubet mundatos leprosos facere ea quæ Legis erant. Ite, inquit, ostendite vos Sacerdotibus: & offerite munus quod praecepit Moyses in Lege, ut sit in testimonium ipsis. Et verè futurum erat illis in testimonium miraculum hoc: pronuntiauerant eos leprosos, nūc curatos pronūtiant. Nōne velint, nolint, cogūtur fieri testes miraculorum Christi? Explorandū illis Christus suum miraculum permittit, diffiteri non possunt: quia autē adhuc tergiuersantur, est illis hoc opus in testimonium. Sic alibi, Praedicabitur Euangelium hoc in vniuerso orbe, in testimonium omnibus gentibus. Item, Ante Reges & Praesides decemini, in testimonium ipsis. Id est, quod in iudicio Dei fortius conuincantur. Quod si Chrysostomo acquiescere malunt, ille etiam propter Iudaeos à Christo id factum docet, ne Legis prauaricator haberetur. Quanquam in re tam clara suffragium vllius hominis accertere pudet: ubi Christus pronūtiat se ius legale relinquere Sacerdotibus integrum, tanquā professis Euangelii hostibus, qui semper ad obstrependum intenti erant, nisi eos fuisset occlusum. Quare ut hanc possessionem retineant papales sacrifici, palam concedant in eorum partes quos necesse est vi compesci ne Christo maledicant. Nam ad veros eius ministros nihil hoc pertinet.

- 5 Secundum argumentum ex eodem fonte ducunt, hoc est ex allegoria. quasi multiū va-

Matth. 11. d. 18.
Iesa. 61. a. 1
Iuc. 4. c. 18.

Gen. 3. b. 9. 12.

Matth. 8. a. 4
Iuc. 5. c. 14, &
17. c. 14.
Deut. 17. b. 8.
9

Heb. 7. b. 11.

Matth. 24. b.
14.
Matth. 10. b.
18.
Homil. 12. de
muliere Chanana

leant allegoriæ ad dogma aliquod confirmandum. Sed valeant sanè, nisi eas ipsas ostende-
ro speciosius à me obtendi, quàm ab ipsis posse. Dicunt ergo, Dominus discipulis præce-
pit, vt suscitatum Lazarum fasciis soluerent & expedirent. Hoc primum mentiuntur: nus-
quam enim legitur, hoc dixisse Dominum discipulis, estque multò verisimilius dixisse Iu-
dæis astâtibus: quo citra vllam fraudis suspicionem euidentius fieret miraculum, & maior
sua virtus eluceret, quòd nullo tactu, sua sola voce mortuos suscitaret. Sic equidè interpre-
tor, Dominum, quo omnem sinistram suspensionem Iudæis tolleret, voluisse illos reuoluere
lapidem, foetorem percipere, certa mortis signa spectare, sola verbi virtute surgentem vide-
re, viuentem primos atrectare. Atque hæc Chrysostomi sententia est. Sed demus hoc dictū
discipulis, quid tum obtinebunt? Dominum dedisse Apostolis soluendi potestatem. quan-
to aptius & magis dextrè hæc allegoricè tractari poterūt, si dicamus hoc symbolo Deū vo-
luisse fideles suos instituere, vt soluerent à se suscitatos: hoc est, ne in memoriam peccata re-
uocarent, quæ ipse oblitus esset: ne ceu peccatores damnarent quos ipse absoluisset: ne ad-
huc exprobrarent quæ ipse condonasset: ne vbi misericors ipse esset, & ad parcendum fa-
cilis, ipsi ad puniendum seueri & morosi essent? Certè nihil ad ignoscentiam flectere nos
magis debet quàm iudicis exemplum, qui se nimium rigidis & inhumanis implacabilem
fore minatur. Eant nunc & allegorias suas venditent.

Serm. contra
Iudaos, Gen-
tiles & hæret.

6 Iam propius manus conserunt, dum apertis (vt sibi videntur) sententiis pugnant, Qui
ad Iohannis baptismum veniebant, confitebantur peccata sua: Iacobus vult vt alter al-
teri peccata confiteamur. Nihil mirū si cōfitebantur peccata sua qui volebant baptizari.
dictum enim antè est, Iohannem prædicasse Baptismum poenitentiae, baptizasse aqua in
poenitentiam. Quos igitur baptizasset, nisi qui se peccatores cōfessi essent? Baptismus sym-
bolum est remissionis peccatorum: & qui ad hoc symbolum admitterentur, nisi peccato-
res, & qui se tales agnoscunt: Confitebantur itaque peccata sua, vt baptizarentur. Nec sine
causa præcipit Iacobus vt alii aliis confiteamur. Verum si animaduertent quod proxi-
mè sequitur intelligerēt, parum etiam hoc sibi suffragari. Confitemini, inquit alter alteri
peccata vestra, & orate pro inuicem. Mutuam confessionem & mutuam orationem simul
iungit. Si solis sacrificulis confitendum est: ergo & pro illis solis orandum. Quid, quòd se-
queretur ex verbis Iacobi, solos sacrificulos confiteri posse? siquidem dum vult vt mutuò
confiteamur, eos solos alloquitur qui aliorum confessionem audire possint. ἀλλήλους, inquit;
mutuò, inuicem, vicissim, aut si malunt, reciprocè. Confiteri autem reciprocè nequeunt
nisi qui sunt audiendis confessionibus idonei. Qua prærogatiua quando solos sacrificulos
dignatur nos quoque cōfitendi munus ad eos solos ablegamus. Facebant igitur hoc genus
nugamenta, & ipsam Apostoli mentē accipiamus: quæ simplex est & aperta, nempe vt no-
stras infirmitates vicissim alter in alterius sinū deponamus, mutuū consiliū, mutuā cōpas-
sionē, mutuā inter nos cōsolationē accepturi. Deinde vt fraternis infirmitatibus mutuò cō-
scii, pro illis ad Dominū oremus. Quid ergo cōtra nos Iacobū citant, qui tātopere confes-
sionē misericordiae Dei vrgemus? Confiteri autē Dei misericordiam nemo potest nisi mise-
riam suā prius confessus. Quin potius anathema esse pronūtiamus, quicūque non se coram
Deo, coram Angelis eius, coram Ecclesia, coram omnibus denique hominibus peccatōrē
confessus fuerit. Omnia enim conclusit Dominus sub peccatum, vt omne os obstruatur,
& humilietur omnis caro coram Deo: solus autem ipse iustificetur & exaltetur.

Galat. 3. d. 28
Rom. 3. b. 9,
& c. 19.

7 Miror autem qua fronte ausint contendere confessionem, de qua loquuntur, iuris esse di-
uini: cuius equidem vetustissimum esse vsum fatemur: sed quem facile euincere possumus
olim fuisse liberum. Certè nullam de ea statam fuisse legem aut constitutionem ante In-
nocentii tertii tempora, eorum quoque annales narrant. Certè si lex illis fuisset antiquior,
potius eam arripuissent quàm contenti Lateranensis concilii decreto, pueris quoque ipsis
ridiculos se fecissent. Non dubitant in aliis rebus excudere fictitia decreta, quæ vetustis-
simis consiliis ascribunt, vt ipsa antiquitatis veneratione simplicium oculos perstringant.
In hoc capite talem fallaciam obiiicere non venit illis in mentem. Itaque (ipsis testibus)
nondum elapsi sunt anni trecenti ex quo iniectus ab Innocentio tertio laqueus, & impo-
sita confitendi necessitas. Atque vt de tempore taceam, sola verborum barbaries fidem le-
gi abrogat. Nam quod iubent boni patres, omnem vtriusque sexus quotannis semel pro-
prio sacerdoti confiteri omnia peccata, faceti homines lepidè excipiunt hoc præcepto te-
neri solos hermaphroditos, ad neminem verò spectare qui sit vel mas vel foemina. Cras-
sior deinde insulitas in discipulis se prodidit, dum explicare nequeunt quid sit proprius sa-
cerdos. Quicquid blaterent omnes conductitii Papæ rabulæ, tenemus neque Christum hu-
ius legis authorē esse quæ ad enumeranda peccata homines cogit: imò fluxisse annos mil-

Fuit ille Pa-
pa 183

le & ducentos à resurrectione Christi antequam talis vlla lex ferretur. Itaque tyrannidem hanc fuisse demum inuentam quum extincta pietate & doctrina, sine delectu quiduis licetia sibi iam sumpsissent larvæ Pastorum. Deinde luculenta testimonia extant tum in historiis, tum apud antiquos alios scriptores, quæ doceant hanc fuisse politicam disciplinam, ab Episcopis institutam, non legem à Christo aut Apostolis positam. Vnum duntaxat è multis proferam, quod non obscurum eius rei documentum erit. Refert Sozomenus fuisse hanc Episcoporum constitutionem diligenter observatam in Ecclesiis occidentalibus, præsertim verò Romæ. Quo significat non fuisse vniuersale omnium Ecclesiarum institutum: vnum autem è Presbyteris peculiariter destinatum fuisse dicit qui huic muneri præfesset. Quo abunde confutat quod isti de clauibus vniuerso sacerdotali ordini in hunc usum promiscuè datis mentiuntur. siquidem non omnium Sacerdotum communis erat functio, sed singulares vnus partes, qui ad id electus ab Episcopo fuerat. Is est quæ hodie quoque in singulis cathedralibus Ecclesiis poenitentiarium vocant, grauiorum criminum, & quorum censura ad exemplum pertinet, cognitor. Subiicit deinde, eum quoque morem Constantinopoli fuisse, donec matrona quædam, confitentem simulans, ea specie consuetudinem quam habebat cum Diacono, prætexuisse deprehensa esset. Ob id facinus Nectarius, vir & sanctitate & eruditione clarus, illius Ecclesiæ Episcopus, confitendi ritum abrogauit. Hic, hicaures asini isti arrigant. Si Lex Dei erat auricularis confessio, quum ausus esset Nectarius eam refigere ac cõuellere? Nectarium sanctum Dei hominem, omnibus veterum suffragiis probatum, hæreseos & schismatis accusabunt? Sed eodem calculo damnabunt Ecclesiam Constantinopolitanam, in qua confitendi morem non ad tempus modò dissimulatum fuisse, sed ad suam vsque memoriam obsoleuisse affirmat Sozomenus. Imò non Constantinopolitanam, sed Orientales omnes Ecclesias defectionis reas agant, quæ inuiolabilem (si verum dicunt) legem, & Christianis omnibus mandatam neglexerunt.

8 Hanc autem abrogationem tot locis euidenter Chrysostomus testatur, Cõstantinopolitana & ipse Ecclesiæ præsul, vt mirum sit istos audere contrà mutire. Peccata, inquit, tua dicito, vt deleas illa. si confunderis alicui dicere quæ peccasti, dicito quotidie ea in anima tua. Non dico vt confitearis conseruo tuo, qui exprobet: dicito Deo qui curat ea. Peccata tua super stratum confitere, vt ibi sua mala quotidie conscientia tua recognoscat. Item, Nunc autem neque necessarium est præsentibus testibus confiteri. cogitatione tua fiat delictorum exquisitio: sine teste sit hoc iudicium: solus Deus te cõfitemem videat. Item, Non te in conseruorum tuorum theatrum ducò, nõ hominibus peccata tua detegere cogo: repte coram Deo conscientiam tuam, & explica. Ostende Domino, præstâtissimo medico, tua vulnera, & pete ab eo medicamentum: ostende ei qui nihil opprobret, sed humanissimè curret. Item, Certè ne homini dixeris, ne tibi opprobret. neque enim conseruo est confitendum, qui in publicum proferat: sed Domino (qui tui curam gerit, & qui humanus est, & medicus) ostende vulnera. Postea Deum ita loquentem inducit, Non cogo te in medium prodire theatrum, ac multos adhibere testes: mihi soli dic peccatum tuum priuatim, vt sanem vlcus. Dicemusne Chrysostomum eò progredi temeritatis, quum hæc & similia scribit, vt conscientias hominum liberet his vinculis quibus diuina Lege constringuntur? Minimè verò. sed quod Dei verbo intelligit nequaquam esse præscriptum, exigere ceu necessarium non audet.

9 Verum, vt restota planior & expeditior fiat, primùm bona fide referemus quod genus confessionis verbo Dei nobis traditum sit: deinde & eorum commenta subiiciemus, nõ quidem omnia (quis enim immensum illud mare exhauriret?) sed ea duntaxat quibus summam arcanæ suæ confessionis cõplectuntur. Hic cõmemorare piget quàm frequenter vetus interpres verbum cõfiteri reddiderit pro laudare, quod rudissimis idiotis vulgatum est: nisi quod eorum audaciam traduci expedit, dum ad tyranicum suum edictum trãfferunt quod de laudibus Dei scriptum erat. Vt confessionem probent valere ad exhilarandas mentes, obtrudunt illud Psalmi, In voce exultationis & confessionis. Atqui si talis metamorphosis valeat, quodlibet nobis ex quolibet nascetur. Verum quando ita illos depuduit, meminerint pii lectores iusta Dei vindicta in reprobam mentem fuisse coniectos, quo magis detestabilis esset eorum audacia. Quod si nobis in simplici Scripturæ doctrina acquiescere libet, periculũ nõ erit nequis talibus fucis nobis illudat. Illic enim vna præscribitur cõfitendi ratio, nepe, quando Dominus est qui peccata remittit, obliuiscitur, delet: huic peccata nostra vt confiteamur, veniæ obtinendæ causa. Ille medicus est: vulnera igitur nostra illi exponamus. Ille læsus est & offensus: ab illo pacem petamus. Ille est cordium cognitor, & cogitationum omnium cõsciis: coram ipso corda nostra effundere properemus. Ille est denique qui pec-

Tripart. hist.
lib. 9

Homil. 2. in
Psal. 50.

Serm. de Poenitentia & confessione.
Homil. 5. de incõprehensi-
dei natura,
contra Anomæos.
Homil. 4. de Lazaro.

Psal. 42. a. 5.

catore vocat, ad ipsum accedere ne moremur. Peccatum meum, inquit David, cognitum tibi feci, & iniustitiā meam non abscondi. Dixi, confitebor aduersum me iniustitiā n. cam Domino: & tu remisisti iniquitatem cordis mei. Talis est altera ipsius Davidis confessio, Miserere mei Deus, secundum magnam misericordiam tuam. Talis & Danielis, Peccauimus Domine, peruersè egimus, impietates fecimus, & rebelles fuimus, declinando à mādātis tuis. Et alia quæ passim in Scripturis occurrunt: quarum recitatio volumen fere imple-
ret. Si confitemur peccata nostra (inquit Iohannes) fidelis est Dominus, vt remittat nobis peccata nostra. Cui confiteamur? ipsi scilicet. hoc est, si afflicto & humiliato corde coram ipso procidamus, si apud ipsum nos ex animo accusantes & damñātes, bonitate eius & misericordia absolui petamus.

Psal. 51. b. 9.

Psal. 51. a. 1.
Lam. 9. a. 5.

1. Iohan. 1. d. 9

10 Qui animo & coram Deo hanc confessionem amplexus fuerit, habebit haud dubiè & linguam ad confessionem paratam, quoties opus fuerit apud homines Dei misericordiam prædicare: neque tantum vt vni & semel & in aurem cordis secretum insularet: sed tæpius, sed palām, sed toto ore audiente, ingenuè & suam ignominiam, & Dei in agnoscen-
tiam ac decus commemoret. In hunc modum, quum David à Nathan argueretur, cōscien-
tiæ aculeo punctus, peccatum & corā Deo & coram hominibus confitetur. Peccauit inquit,
Domino. hoc est, iam nihil excuso, non tergiversor quominus peccatorem me cunctis iu-
dicent, & quod clam Domino esse volui, hominibus quoque ipsis pate fiat. Arcanè ergo
illam confessionem, quæ Deo fit, sequitur voluntaria apud homines confessio, quoties id
vel diuinæ gloriæ, vel humiliationis nostræ inter est. Hac ratione instituit Dominus olim
in populo Israelitico, vt præeunte verb a Sacerdote, populus suas iniquitates palām in tē-
plo confiteretur. Siquidē hoc adminiculū illis necessarium esse prouidebat, quo vniuersi
que melius adduceretur ad iustam sui recognitionem. Et æquum est vt miseræ rectæ con-
fessione, bonitatem ac misericordiam Dei nostri inter nos & corā toto mundo illucemus.

2. Sam. 12. c. 13

Leuit. 16. c. 10

11 Hoc verò confitendi genus & ordinarium esse in Ecclesia conuenit, & tunc extra ordinē
singulari modo vsurpari, si quando populum cern. uni aliquo delicto obtingi ecclige-
rit. Huius secundi generis exemplum habemus in solenni illa confessione, qua populus v-
niuersus auspiciis ductūque Eldræ & Nehemiæ defungitur. Nam quum exiliū illud diu-
turnum, vrbs, ac templi excidium, religionis dissipatio, communis omnium defectionis
fuisset pœna, non poterant liberationis beneficium vt par erat agnoscere, nisi se antè reos
peragerent. Neque refert si in vna cōgregatione pauci aliqui interdum sint insōntes. quā-
do enim membra sunt languidi ac malè affecti corporis, nō debent sanitatem iactare. Imò
fieri non potest quin aliqua labe contracta aliquid ipsi etiam culpæ sustineāt. Ergo quoties
vel peste vel bello, vel sterilitate, vel alia qualibet calamitate affligimur: si officii nostri est,
ad luctum, ad ieiunium, & alia reatus signa confugere: ipsa confessio, ex qua alia omnia de-
pendent, minimè est negligenda. Ordinariam illam, præterquam quèd ore Domini com-
mendata est, nemo sanus, expensa eius vtilitate, improbare audeat. Nam quum in omni
sacro conuentu sistamus nos in conspectum Dei & Angelorum: quod erit aliud initium a-
ctionis nostræ, quàm indignitatis nostræ recognitio? Atqui illa, inquit, sit qualibet preca-
tione. quoties enim precamur veniam, peccata nostra confitemur. Fateor. At si consideres
quanta sit nostra vel securitas, vel somnolentia, vel socordia, concedes mihi salutare fore
institutum, si solenni aliquo confitendi ritu Christiana plebs ad humiliationem exercea-
tur. Tamen si enim ceremonia quam Dominus Israelitis præcepit, ex Legis paedagogia e-
rat: res tamen ipsa aliquo modo ad nos quoque pertinet. Et satè videmus hunc morem in
Ecclesiis bene moratis cum fructu obseruari, vt singulis diebus Dominicis minister for-
mulam confessionis suo & populi nomine concipiat, qua reos omnes iniquitatis peragit,
& veniam à Domino comprecatur. Denique hac claue tam singulis priuatum, quàm om-
nibus publicè aperitur ad precandum ianua.

Nehem. 1. c. 7

12 Duas præterea priuata confessionis formas Scriptura probat. Vnam quæ nostra cau-
sa fiat. quòd pertinet illud Iacobi, vt alter alteri peccata confiteamur. sentit enim vt nostras
infirmities alter alteri detegentes, consilio & consolatione mutua nos iuuenus. Alte-
ram, quæ in proximi gratiam facienda est, ad ipsum placandum, & nobis reconcilia-
dum, si qua in re nostro vitio læsus fuerit. Ac in priore quidem specie, tamen si Iacobus ne-
minem nominatim assignando, in cuius sinum nos exoneremus, liberum permittit de-
lectum, vt ei confiteamur qui ex Ecclesiæ grege maximè idoneus fuerit visus: quia tamen
pastores præ aliis vt plurimum iudicandi sunt idonei, potissimum etiam nobis eligendi e-
runt. Dico autem iaco præ aliis appositos, quòd ipsa ministerii vocatione nobis à Domi-
no designantur, quorum ex ore erudiamur ad subigenda & corrigenda peccata, tum con-
solationem ex veniæ fiducia percipiamus. Quemadmodum enim mutua admonit. onis

Iacob. 5. d. 16.

Matth. 16. c. 19. & correptionis officium Christianis quidem omnibus demandatum est, ministris tamen
 Matth. 8. c. 18. specialiter est iniunctum: sic quum omnes mutuò nos debeamus consolari, & in fiducia
 Iohan. 3. c. 23. diuinæ misericordiæ confirmare, videmus tamen ministros ipsos, vt de remissione peccatorum certiores reddant conscientias, testes eius ac sponsores constitui. adeò vt ipsi dicantur remittere peccata, & animas soluere. Quum audis hoc illis tribui, in vsum tuum esse cogita. Ergo id officii sui vnusquisque fidelium esse meminerit, si ita priuatim angitur & affligatur peccatorum sensu vt se explicare nisi alieno adiutorio nequeat, non negligere quod illi à Domino offertur remedium: nempe vt ad se subleuandum priuata confessione apud suum pastorem vtatur: ac ad solatia sibi adhibenda priuatam eius operam imploret, cuius officium est & publicè & priuatim populum Dei Euangelica doctrina consolari. Verùm ea moderatione semper vtendum est, ne vbi Deus nihil certū præscribit, conscientia certo iugo alligentur. Hinc sequitur, eiusmodi confessionē liberā esse oportere, vt non ab omnibus exigatur, sed iis tantum commendetur qui ea se opus habere intelligent. Deinde ne hi ipsi qui illa vtuntur pro sua necessitate, ad enumeranda omnia peccata vel præcepto aliquo cogantur, vel arte inducantur: sed quoad interesse sua putabunt, vt solidum consolationis fructum referant. Hanc Ecclesiis libertatem non modò relinquere, sed tueri quoque & fortiter vindicare debent fidei Pastores, si volunt & tyrannidē abesse à suo ministerio, & à populo superstitionem.

13 De altera autem loquitur Christus apud Matthæum, Si offers munus tuum ad altare,
 Matth. 5. d. 23. & ibi recordatus fueris quòd frater tuus habet aliquid aduersum te, relinque ibi munus tuum, & abi, priusque reconciliare fratri tuo: & tunc veniens offeres munus tuum. Sic enim facienda est charitas quæ nostra culpa dissiliat, culpam quam admisimus agnoscendo & deprecando. Sub hoc genere comprehenditur eorum confessio qui vsque ad totius Ecclesiæ offensionem peccarunt. Nam si tanti priuatam vnus hominis offensam æstimat Christus, vt à sacris arceat eos omnes qui in fratres aliquid peccarunt, donec iusta satisfactione redierint in gratiam: quāto maior est ratio vt qui Ecclesiam læsit malo aliquo exemplo, eam sibi culpæ agnitione reconciliet? Ita receptus est Corinthius ille in communionē, quum se obsequentem correptioni præbuisset. Hæc etiam forma confitendi in veteri Ecclesia fuit: quemadmodum & Cyprianus meminit. Pœnitentiam, inquit, agunt iusto tempore: deinde ad exomologesin veniunt, & per manuum impositionem Episcopi & cleri, ius communionis accipiunt. Aliam confitendi vel rationem vel formam Scriptura prorsus ignorat. neque nostrum est adstringere nouis vinculis conscientias, quas in seruitutē redigere Christus seuerissimè vetat. Interim quin sistant se Pastori oues, quoties sacrā Cœnam participare volunt, adeò non reclamo, vt maximè velim hoc vbique obseruari. Nam & qui habent impeditam conscientiam, referre inde possunt singularem fructum: & qui admonendi sunt, monitionibus locū ita præbent, modò semper absit tyrannis & superstitio.

14 In tribus illis confessionis generibus potestas clauium locum habet, vel quum solenni recognitione vitiorum suorum veniam deprecatur tota Ecclesia: vel quum priuatus, qui aliquo notabili delicto cōmune offendiculum peperit, pœnitentiā suam testatur: vel quum is qui ob conscientia iniquitudinem ope ministri indiget, suam illi infirmitatem aperit. Tollendæ verò offensionis diuersa est ratio: quia etsi tunc quoque cōscientia paci consulitur, præcipuus tamen finis est vt sublato odio inter se vniantur animi vinculo pacis. Sed fructus ille quē dixi, minimè spernendus est, quo libentius cōfiteamur peccata nostra. Quū enim tota Ecclesia velut corā Dei tribunali adstat, reā se confitetur, vnum refugiū habet in Dei misericordia: non vulgare aut leue solatiū est habere illic præsentē Christi legatum, reconciliationis mandato præditū, à quo denuntiari sibi absolutionē audiat. Hic utilitas clauium meritò commēdatur, quum ritè, quo ordine & qua religione decet, ista peragitur legatio. Similiter quum is qui se ab Ecclesia quodammodo alienauerat, restituitur in fraternam vnitatem accepta venia, quantum beneficium est quòd sibi ab iis ignosci intelligit

Matth. 18. c. 19 quibus dixit Christus, Quibuscunque remiseritis peccata in terris, remissa in cælo erunt
 Iohan. 20. c. 23 Nec minoris efficacis aut fructus est priuata absolutio, vbi ab iis petitur qui singulari remedio ad infirmitatem suam subleuandam opus habent. Accidit enim non rarò vt qui generales promissiones audit, quæ ad totam fidelium congregationem destinantur, maneat nihilominus in aliqua dubitatione, ac velut remissione nōdum impetrata, inquietum adhuc animum habeat. Idem si pastori suo secretum animi vulnus aperuerit, atque illam Euangelii vocem peculiariter ad se directam audierit, Remittuntur tibi peccata tua, confide: animum confirmet ad securitatem, illaque qua prius æstuabat trepidatione liberetur. Ac

Matth. 9. a. 2.

verò quum de clauibus agitur, semper cauendum est ne facultatem aliquam somniamus ab Euāgelii prædicatione separatā. Alio iterū loco plenius hæc res explicāda erit, vbi de Ecclesiæ regimine agitur: atque illic videbimus verbo alligatum esse quicquid iuris ad ligandum vel soluendum Christus Ecclesiæ suæ cōtulit. Hoc tamen in ministerio clauium maxime verum est, cuius tota vis in eo posita est vt Euāgelii gratia, per eos quos Dominus ordinauit, fidelium animis publicè ac priuatim obfignetur: quod fieri, nisi sola prædicatione, nequit.

- 15 Quid Romanenses theologi? Statuunt vt omnes vtriusque sexus, statim atque ad discretionis annos peruenerint, semel ad minimum quotannis confiteantur omnia sua peccata proprio sacerdoti: nec peccatum dimitti nisi cōfitendi votum firmiter conceptum fuerit. quod votum nisi oblata facultate persolutū fuerit, iam nullum patere paradisi ingressum. Sacerdotem verò potestatem habere clauium, quibus peccatorem soluat ac liget. quia non sit irritum Christi verbum, Quodcūque ligaueritis, &c. De hac verò potestate pugnantiter inter se belligerantur. Alii dicunt, vnicam esse clauem in essentia, scilicet potestatem ligandi & soluendi: scientiā ad bonum quidem vsum requiri, sed tantum instar accessorii esse, non essentialiter cohærere. Alii, quia videbant hanc nimium efficiā natam licentiam, duas claues recensuerunt, discretionem & potestatem. Alii rursus, quum tali moderatione cohiberi sacerdotum improbitatem viderent, alias claues excuderunt, autoritatem discernendi, qua in definiendo vterentur: & potestatem, quam executione suæ sententiæ exercerent: scientiam accedere velut consiliarium. Istud autem ligare & soluere non audent interpretari simpliciter, peccata remittere & delere: quia Dominum clamantem audiunt apud Prophetam, Ego sum, & non alius præter me. ego sum, ego sum qui deleo iniquitates tuas Israel. Sed dicunt Sacerdotis esse pronūtiare qui ligati sint aut soluti, & declarare quorum remissa aut retenta sint peccata: declarare autem, vel per confessionem, quum absoluit & peccata retinet: vel per sententiam, quum excommunicat, & recipit ad Sacramentorum communionem. Demum quum intelligunt nondum se hoc nodo explicari, quin semper obici possit, indignos sæpe ligari & solui à suis Sacerdotibus, qui propterea nō ligentur aut soluantur in cælo: quod vltimum refugium est, respondent, collationem clauium cum limitatione accipiendam esse: quod Christus promiserit, apud tribunal suum approbatum iri sacerdotis sententiā, quæ iustè prolata fuerit, secundum quod merita ligati aut soluti postulabant. Porro has claues omnibus sacerdotibus à Christo datas esse, quæ illis ab Episcopis in promotione conferuntur: sed liberū vsum penes eos duntaxat esse qui muneribus Ecclesiasticis funguntur: apud excommunicatos & suspensos manere quidem ipsas claues, sed rubiginosas ac ligatas. Et qui hæc dicunt, modesti ac sobrii iure videri possint præ aliis, qui sub noua incude nouas claues fabricati sunt quibus thesaurum Ecclesiæ obserari tradunt: quas postea suo loco excutiemus.

C. Omnis vtriusque sexus. De summa trinitate & fide catho. decretum est Innocentii in concilio Lateranen. Refertur lib. 4. Sentent. dist. 14. cap. 2. Lib. 4. Sent. dist. 18. cap. 2. Matt. 18. c. 19

Iesa. 43. b. 11, & d. 15

- 16 Ad singula paucis respondebo. Taceo autem ad præsens quo iure quæue iniuria fidelium animas suis legibus obstringant: quando id suo loco dispicietur. Quod autem legem imponunt de omnium peccatorum enumeratione: quod peccatū dimitti negant nisi sub conditione, si votum confitendi firmiter cōceptum fuerit: quod nullum superesse ingressum Paradisi garriunt, si facultas confitendi neglecta fuerit: istud verò nullo modo ferendum est. Omniāne peccata enumerāda sunt? At Dauid, qui secum probe (vt arbitror) meditatus erat peccatorum confessionem, tamen exclamabat, Errores quis intelliget? Ab occultis meis munda me Domine. Et alibi, Iniquitates meæ transierunt super caput meum, & sicut onus graue, grauata sunt vltra vires meas. Nimirum intelligebat quanta esset peccatorum nostrorum abyssus, quā multæ scelerum facies, quot capita ferret, & quā longam caudam traheret hæc hydra. Non ergo ad recensendum catalogum se conferebat: sed è profundo malorum clamabat ad Dominum, Obrutus sum, sepultus sum & suffocatus: inferorum portæ circumdederunt me, immersum alto puteo, deficientem & moribundum manus tua extrahat. Quis suorum peccatorum nūc supputationem cogitet, vbi Dauidem videt suorum numerum inire non posse?

Psal. 19. d. 13
Psal. 38. a. 5

- 17 Hac carnificina plusquam crudeliter diuexata sunt eorum animæ qui aliquo Dei serui afficiebantur. Principiò sese vocabant ad calculum, peccata in brachia, in ramos, in ramusculos, in frondes, iuxta istorum formulas dissecabant. tum appendebant qualitates, quantitates, circumstantias. atque aliquantulum quidem res procedebat. Vbi verò longius progressi fuerant, cælum vndique & vndique pontus: nullus portus, nulla statio. quo plura transmiserant, maior semper congeries oculis ingerebatur: imò verò velut altæ molēs assurgebant: nec spes vlla, vel saltem post longas ambages, euadendi apparebat. Hærebant

itaque inter sacrum & saxum : nec alius tandem exitus reperiebatur quàm desperatio. Ibi sæui isti carnifices , vt vulnera leuarent quæ fecerant, fomenta quædam adhibuerunt : vt faceret scilicet quisque quod in se esset . Sed nouæ rursus curæ obstrepebant , imò noui cruciatus excoriabant miseras animas : Non satis temporis impendi , non iusta opera incubui, multa per negligētiam præterii, & obliuio quæ ex incuria prouenit, non est excusabilis. Suggerebantur adhuc alia pharmaca quæ eiusmodi dolores demulcebant: Age negligentia tuæ pœnitentiam, modò supina non sit, condonabitur. Verùm omnia ista cicatricem obducere non possunt : nec tam mali sunt leuamenta quàm venena melle oblita, ne sua acerbitate primum gustum offendant: sed in intima penetrent, antequam sentiantur. Vrget ergo semper terribilis illa vox, & auribus insonat, Cōfiteri omnia peccata tua: nec potest horror iste pacari nisi certo solatio. Hic cogitent lēctores quàm possibile sit ad rationē vocare totius anni acta, & quid singulis diebus peccarint colligere: quando experientia vnumquenque conuincit, vbi ad vesperam excutienda sunt vnus tantum diei delicta, memoriā confundi: tanta se turba & varietas ingerit. Neque enim de crassis & stupidis hypocritis loquor, qui, tribus vel quatuor grauioribus animaduersis, defunctos se putant, sed de veris Dei cultoribus, qui postquam se examine peracto obrui vidēt, addunt etiam illud Iohannis, Si cor nostrum arguit nos, maior est Deus corde nostro, itaque expauescunt ad iudicis illius conspectum, cuius cognitio sensum nostrum longè superat.

1. Ioh. 3. d. 20

18

Quod autem bona pars orbis talibus blandimentis, quibus tam exitiale venenum tēperabatur, acquieuit, non id factum est quod Deo satisfactum crederet, aut sibi etiam planè satisfaceret: sed vt, quasi in medio mari fixa anchora, paulum interquiesceret à navigatione, vel quasi fessus & fatiscens viator, in via decūberet. In facienda eius rei fide non laboro. Sibi enim quisque testis apud se esse potest. Dicā in summa qualis lex illa fuerit. Primum simpliciter est impossibilis. itaque non nisi perdere, damnare, cōfundere, in ruinam & desperationē cōiicere potest. Deinde peccatores, à vero peccatorū suorum sensu abducti, hypocritas facit, Deique ac sui ipsorum ignorantes. Siquidem, dum in peccatorū enumeratione toti occupātur, interim obliuiscūtur latentem illam vitiorū lernam, occultas suas iniquitates, & interiores sordes, quarum potissimum notitia miseriam suam reputare debuerant. At certissima erat confessionis regula, tantam mali nostri abyssum agnoscere ac fateri, quæ sensum quoque nostrum superet. Hac regula videmus compositam Publicani confessionem, Domine, propitius esto mihi peccatori. Quasi diceret, Quantus quantus sum, totus sum peccator, nec ipsam peccatorum meorum magnitudinem aut mente aut lingua assequi possum : abyssus misericordiæ tuæ hanc peccati abyssum absorbeat. Quid, inquires, ergone confitenda non sunt singula delicta? ergo nulla confessio Deo accepta, nisi duobus istis verbis conclusa, Peccator sum? Imò verò danda potius opera vt quantum in nobis est totum cor effundamus coram Domino: nec modò nos peccatores vno verbo fateamur, sed vt tales nos verè & ex animo agnoscamus : quanta sit & quàm varia peccatorum labes, tota cogitatione recognoscamus : non modò nos immundos, sed qualis sit & quanta, quàmque in multis partibus nostra immundities: non modò debitores, sed quantis debitis grauati, & quot nominibus obstricti: non modò vulneratos, sed quàm multis & lethalibus plagis sauci simus. Hac tamen recognitione quum se totum peccator corā Deo effuderit, seriò ac sincerè cogitet plura adhuc restare, ac profundiores esse malorū suorum recessus quàm quos penitus excutere possit. Atque adeò exclamet cū Dauide, Errores quis intelligit? ab occultis meis munda me Domine. Iam verò quod affirmāt non dimitti peccata, nisi voto confitendi firmiter cōcepto, & clausam esse paradisi portā ei qui facultatem confitendi sibi oblatam neglexerit, absit vt istud eis concedamus. Non enim alia nunc est peccatorū remissio quàm semper fuit. Quotquot remissionē peccatorū à Christo obtinuissent legūtur, non legūtur in aurem sacrificuli cuiuspiam confessi. Nec sanè cōfiteri poterāt, vbi nec sacrificuli confessionarii erāt, nec ipsa etiam confessio. Et multis postea seculis inaudita fuit hæc confessio, quibus sine hac conditione remittebantur peccata. Sed ne quasi de re dubia longius disceptemus, verbum Dei apertum est, quod æternū manet, Quotiescunque ingemuerit peccator, omnium iniquitatum eius non recordabor. Huic verbo qui aliquid audet adiacere, non peccata ligat, sed Domini misericordiam. Nam quod contendunt non posse ferri iudicium nisi causa cognita, in promptu est solutio, temere hoc sibi arrogare qui sunt à seipsis iudices creati. Ac mirum est tam securè sibi fabricare principia quæ nemo sanæ mentis admittet. Iactant sibi ligandi & soluendi munus esse mandatum, ac si quædam esset iurisdictio quæstioni adiuncta. Porro hoc ius Apostolis fuisse incognitū tota eorum doctrina clamat. Nec verò certò scire soluaturne peccator, ad sacerdotē perti-

Luc. 18. c. 13

Psal. 19. d. 13

Ezech. 18. c. 21

net, sed ad eum à quo petitur absolutio: quando nunquā scire potest qui audit, si ne iusta & integra enumeratio. Ita nulla esset absolutio, nisi ad verba eius qui iudicandus est restricta. Adde quòd tota soluēdi ratio ex fide & pœnitētia constat: quæ duæ res cognitionē hominis fugiūt, vbi de altero ferenda est sententia. Sequitur ergo ligādi & soluendi certitudinē non subiaci terreni iudicis arbitrio: quia minister verbi, vbi partes suas rite exequitur, non potest nisi cōditionaliter absolueret: sed in gratiam peccatoris hoc dici, Quorum remisistis peccata: ne dubitent veniā, quæ promittitur ex Dei mandato & voce, in cælis fore ratam.

19 Nihil itaque mirum si auricularem istam confessionem, rem adeò pestilentem tōtque nominibus Ecclesiæ noxiam, damnamus, ac sublatā è medio cupimus. Quòd si per se res esset indifferens, quando tamen nulli vsui est nec fructui, tot autem impietatibus, sacrilegiis, erroribus causam dedit: quis non protinus abolendam censeat? Recensent quidem aliquot vsus, quos vt valde fructuosos venditant: sed illos aut e mentitis, aut nullius prorsus momenti. Vnum tantum singulari prærogatiua commendant, erubescētiā confitentis grauem esse pœnam, qua & peccator fit in posterum cautior, & Dei vindictam auertit, seipsum puniens. Quasi non satis magna verecūdia hominem humiliemus, dum ad summum illud tribunal cæleste, ad Dei, inquam, cognitionē vocamus. Egregiè verò profectum est si vnus hominis pudore peccare desinimus, Deum nō erubescimus habere malæ conscientia nostræ testem. Quanquā id quoque ipsum falsissimū est. nulla enim re fieri maiore peccandi confidentiam aut licentiam passim videre est, quā dum, confessione sacerdoti facta, homines existimant se posse tergere os, & dicere, non feci. Nec toto solum anno fiunt ad peccandum audaciores: sed in reliquū anni tempus de confessione securi, nunquam ad Deum suspirant, nunquam ad se redeunt, sed peccata peccatis accumulāt: donec omnia, vt opinantur, simul euomant. Vbi autem euomuerunt, sarcina sua exonerati sibi vidētur, iudiciūque à Deo trāstulisse, quod sacerdoti detulerunt: Deo obliuionē induxisse, vbi consciū sacerdotem fecerunt. Porro quis confessionis diem lætus instare videt? quis ad confitendum alacri animo pergit? ac non potius, quasi obtorto collo in carcerem trahatur, inuitus ac reluctanti similis venit? nisi fortè ipsi sacrificuli, qui mutuis facinorū suorum narrationibus, quasi iocosis fabulis, se delicatè oblectāt. Non multas charitas inficiam referendis prodigiosis abominationibus, quibus scatet auricularis confessio. Tantum dico, si non inconsultè fecit sanctus ille vir, qui ob vnum scortationis rumorem, confessionem ex ecclesia sua, vel potius à suorū memoria sustulit: infinitis hodie stupris, adulteriis, incestis, lenociniis, quid facto opus sit admonemur.

20 Quod huc obtendunt potestatem clauium, & in ea regni sui proram (vt aiunt) & puppim confessionarii locant, videndū quantum valere debet. Ergo sine causa (inquiunt) daturæ sunt clauēs? ergo sine causa dictum est, Quæcunque solueritis super terram, erunt soluta & in cælis? Frustramur ergo verbum Christi? Respondeo, grauem fuisse causam cur daretur clauēs: quemadmodum & nuper exposui, & vbi de excommunicatione agetur, explicatius iterum docebo. Sed quid, si vno gladio eiusmodi omnibus eorum postulatis ansam præcidam, sacrificulos non esse Apostolorum vicarios nec successores? Verū istud quoque alibi tractandum erit. nunc, vnde se munire maximè volūt, arietem erigunt quo molitiones omnes suæ deiiciantur. Christus enim non antè Apostolis ligandi & soluendi potestatē fecit quā eos Spiritu sancto donauit. Nego igitur vllis cōpetere clauium potestatem, qui non prius acceperint Spiritum sanctum. Nego quenquam clauibus vti posse nisi præeunte decentēque Spiritu sancto, & dictante quid agendum sit. Spiritum sanctum habere se illi nugantur: sed re ipsa negant. nisi fortè Spiritum sanctum rem esse vanam & nihili fingunt, vt certè fingunt: sed illis non credetur. Atque hac quidē machina in vniuersum subuertūtur, vt cuiuscunque ostii clauem se habere iactent, semper interrogandi sint habeāntne Spiritum sanctum, qui clauium est arbiter & moderator. Si habere se respondeant, rursus interpellandi sunt an errare possit Spiritus sanctus. Istud disertè profari nō audebunt, tametsi obliquè sua doctrina insinuant. Inferendum ergo erit, nullos sacrificulos habere clauium potestatem, qui passim sine delectu soluūt quæ ligari Dominus voluerat, ligant quæ solui iusserat.

21 Quando clarissimis experimentis euinci se vident, quòd dignos & indignos promiscuè soluant & ligent, potestatem vsurpant sine scientia. Et quanquam negare non audent ad bonum vsum requiri scientiam, potestatem tamen ipsam malis dispēsatoribus traditam scribunt. Atqui hæc potestas est, Quodcunque ligaueris aut solueris in terra, erit in cælis ligatum aut solutum. Aut promissum Christi mentiri oportet, aut bene ligant & soluunt qui sunt hac potestate præditi. Nec est quòd tergiuerentur, Christi dictum limitari secun-

1. Cor. 6. b. 9

dum eius merita qui ligatur aut soluitur. Et nos etiam fateamur nec ligari nec solui posse nisi dignos qui ligentur aut solvantur. Sed habent Euāgelii nuntii & Ecclesia verbum quo dignitatem hanc metiantur. In hoc verbo nuntii Euāgelii possunt omnibus remissionē peccatorum in Christo polliceri per fidem: possunt damnationem edicere in omnes & super omnes qui Christum non amplectuntur. In hoc verbo Ecclesia pronuntiat, scortatores, adulteros, fures, homicidas, auaros, iniquos partem in regno Dei non habere: talesque certissimis vinculis ligat. Eodem verbo soluit quos resipiscentes consolatur. Sed quæ erit isthæc potestas, nescire quid ligandum sit aut soluendum: ligare autem non posse aut soluere, nisi scias? Cur ergo dicunt se absolueri autoritate sibi data, quum incerta sit absolutio? quò nobis imaginaria hæc potestas, si nullus sit vsus? Iam autem habeo, aut nullū esse, aut tam incertū esse vt pro nullo habendus sit. Quū enim fateantur bonā esse sacerdotum partē qui nō rite vtantur clauibus, potestātē verò sine legitimo vsu inefficacē: quis mihi fidem faciet, cum à quo soluor bonū esse clauīū dispensatorē? quòd si malus est, quid aliud habet quàm friuolam istam dispensationē? Quid in te ligandū sit aut soluendum, nescio, quando iusto clauium vsu careo: sed si mereris, te absoluo. Ac tantundem posset, non dico laicus (quando id à quis auribus non ferrent) sed Turca, aut Diabolus. Id enim est dicere, Verbū Dei non habeo, certam soluendi regulā: sed autoritas mihi data est te absoluendi, si ita sunt tua merita. Videmus igitur quorsum spectarint, quū diffinierūt, clauēs esse auctoritatē discernendi, & executionis potestātē: scientiā accedere consiliariū, & instar cōsiliarii ad bonum vsū esse. Nepe libidinosē, licenter, sine Deo & verbo eius voluerunt regnare.

22

Si excipiat quispiam, legitimos Christi ministros non minus perplexos fore in suo officio, quia absolutio quæ à fide pendet semper ambigua erit: deinde nullū peccatoribus aut frigidum solatium fore quia minister ipse qui idoneus iudex non est eorum fidei, de eorū absolute certus non est: in promptu est solutio. Dicunt enim illi, non remitti à sacerdote peccata nisi quorum ipse est cognitor. ita secundum eos remissio ex sacerdotis iudicio pendet. qui nisi prudenter discernat quinam venia digni sint, tota actio casta est ac irrita. Denique potestas de qua loquuntur, iurisdictio est examini annexa, ad quod restringitur venia & absolutio. In hac parte nihil firmum reperitur: imò profunda est abyssus: quia vbi integra non est confessio, mutila etiam est spes veniæ. deinde sacerdos ipse suspensus hæreat necesse est, dum nescit an bona fide enumeret peccator sua mala: postremò (quæ inscitia & ruditas sacerdotū est) maior pars ad hoc munus exercendū nihilo aptior est quàm sutor ad agros colēdos: alii ferè omnes sibi meritò suspecti esse debēt. Hinc igitur perplexitas & dubitatio de absolute papali, quòd eā fundatā esse volūt à sacerdotis persona: neque id modò, sed à cognitione, vt tantū de rebus delatis, quæ sitis & compertis iudicet. Iā si quis à bonis istis doctoribus quærat, reconcilieturne Deo peccator, peccatis quibusdam remissis, non video quid respondeant: nisi quòd fateri cogentur infructuosum esse quicquid pronuntiat sacerdos de remissis peccatis, quorum recitationē audierit, quando alia non eximuntur à reatu. Ex parte confitentis, quàm pernitiōsa anxietas conscientiam deuindam teneat, hinc patet, quòd dum recūbit in sacerdotis discretionē, vt loquuntur, nihil ex verbo Dei statuere potest. Ab his omnibus absurdis libera & immunis est doctrina quam tradimus. Conditionalis enim est absolutio vt confidat peccator sibi propitium esse Deum, modò syncerè in Christi sacrificio expiationem quærat, & acquiescat oblata sibi gratiæ. Ita errare non potest qui pro officio præconis, quod sibi ex Dei verbo dictatum est, promulgat. Peccator verò certam & liquidam absoluteionē amplecti potest, vbi simplex illa conditio apponitur de amplexanda Christi gratia, secundum generalē illam magistrī ipsius regulam, quæ impiè scripta in papatu fuit, Secundū fidem tuam fiat tibi.

Math. 9. d. 19

23

Quàm insulsē misceant quæ de clauium potestate docet Scriptura, promissi me alibi dicturū: & locus erit opportunior in tractando regimine Ecclesiæ. Meminerint tamē lectores præposterè ad auricularem & secretam confessionem torqueri quæ partim de Euāgelii prædicationē, partim de excommunicatione à Christo dicta sunt. Quare dum obiciunt, ius soluendi datum esse Apostolis, quod sacerdotes exerceant, peccata sibi agnita remittēdo, falsum & friuolū principiū sumi palām est: quia absolutio quæ fidei seruit, nihil aliud est quàm testimonium veniæ ex gratuita Euāgelii promissione sumptū. altera autē quæ ex disciplina Ecclesiæ pendet, nihil ad secreta peccata, sed ad exemplum magis pertinet, vt tollatur publica Ecclesiæ offensio. Quòd autem hinc inde testimonia corradunt quibus probēt non sufficere vel soli Deo vel laicis confiteri peccata, nisi sacerdos sit cognitor, putida ac pudenda est eorū diligentia. Nam si quando peccatoribus suadent vetusti patres vt se exonerēt apud suum pastorem, de recitatione accipi non potest quæ tunc in vltu non fuit. Deinde, vt sinistri fuerunt Lombardus & similes, videntur data opera libris adulteri-

nis fuisse addicti, quorum prættextu deciperent simplices. Rectè quidem fatentur, quia pœnitentiam semper comitatur solutio, nullum propriè vinculum manere ubi quis pœnitentia tactus est, quanuis nondum confessus fuerit: ideoque tunc sacerdotem non tam remittere peccata quàm pronuntiare & declarare remissa esse. Quanquam in verbo declarandi crassum errorem insinuant, ceremoniam subrogâtes in locum doctrinæ. Quòd autem atextunt, in facie Ecclesiæ absoluiqui iam coram Deo veniam adeptus erat, intempestiuè trahunt ad peculiarem cuiusque vsum, quod iam diximus communi disciplinæ esse destinatum ubi tollenda est grauioris & notæ culpæ offensio. Sed paulo pòst moderationem peruertunt & corrumpunt, addentes alium modum remittendi: nempe cum iniunctione pœnæ & satisfactionis. in quo suis sacrificiis ius arrogant dimidiandi quod Deus ubique in solidum nobis promisit. Quum enim simpliciter pœnitentiam & fidem exigat, partitio hæc vel exceptio prorsus sacrilega est. Perinde enim valet ac si sacerdos, tribuni personam sustinens, Deo intercederet nec vellet Deum pati mera sua liberalitate in gratiam recipere nisi qui ad tribunitium subsellum prostratus iacuerit, illicque sit mulctatus.

24 Tota huc summa redit. si Deum facere velint confessionis huius fictitiæ auctorem, eorū vanitatem coargui: sicuti monitraui falsarios in paucis quos citant locis. Quum vero palam sit legem esse ab hominibus impositā, dico & tyrannicam esse & cum Dei iniuria latā, qui verbo suo conscientias astringens, vult ab hominum imperio solutas esse. Iam quum ad obtinendam veniam necessitas eius rei præscribitur quam Deus voluit esse liberam, dico sacrilegiū esse minimè tolerabile. quia nihil Deo magis propriū, quàm peccata remittere, in quo nobis sita est salus. Adhæc ostendi inuectam demum fuisse hanc tyrannidem, quum fœda barbarie oppressus esset mundus. Docui præterea legem esse pestiferam quæ vel in desperationem præcipitat miseras animas, ubicūque viget Dei timor: vel, ubi est securitas inanibus blanditiis demulcens, magis hebetat. Postremò exposui quascunque afferunt mitigationes non aliò tendere nisi vt inuoluant, obscurent ac deprauent puram doctrinam, fucosis autem coloribus impietates tegant.

25 Tertium locum satisfactioni in pœnitentia assignant, de qua quicquid blaterant, vno verbo subuerti potest. Dicunt non sufficere pœnitenti à præteritis malis abstinere, & mores in melius commutare, nisi de iis quæ facta sunt satisfaciatur Deo. Esse autem multa adminicula, quibus peccata redimamus: lachrymas, ieiunia, oblationes, charitatis officia. Iis Dominū propitiandū, iis debita iustitiæ Dei persoluenda, iis compensanda delicta, iis veniam emerendam. quanuis enim largitate misericordiæ culpam remiserit, pœnam tamè retinere disciplina iustitiæ. hanc esse pœnā quæ satisfactionibus redimēda sit. In hac tamè summā recidunt omnia, nos quidē à Dei clementia delictorū veniam impetrare, sed intercedente merito operum, quibus peccatorū noxa cōpensetur, quo debita iustitiæ Dei satisfactio persoluator. Talibus mendaciis oppono gratuitā peccatorū remissionē, qua nihil in Scriptura clarius prædicatur. Primū, quid est remissio nisi meræ liberalitatis donum? Non enim remittere dicitur creditor, qui antapocha testatur sibi numeratam pecuniam: sed qui nulla solutione, vltro sua beneficētia nomen expungit. Cur deinde gratis additur, nisi ad tollendam omnem satisfactionis opinionem? Qua igitur confidentia suas satisfactiones adhuc erigunt, quæ tam valido fulmine prosternūtur: Quid autem? quum Dominus per Iesaiam clamat, Ego sum, ego sum qui deleo iniquitates tuas propter me: & peccatorum tuorum non ero memor: annon apertè denuntiat, causam & fundamentum remittendi à sola sua bonitate se petere? Præterea quum Scriptura vniuersa testimonium Christo deferat, quòd per nomen eius sit accipiēda peccatorum remissio, nōne alia omnia nomina excludit? Quomodo igitur per satisfactionum nomen accipi docēt? Neque verò hoc se dare satisfactionibus negent, etiam si ipsæ intercedant quasi subsidia. Nam quòd Scriptura ait Per nomen Christi, intelligit nihil nos asserre, nihil nostrum prætere, sed sola Christi commendatione niti. quemadmodum Paulus asseres, quòd Deus erat mundum sibi in Christo reconcilians, non imputans propter ipsum hominibus delicta, modum rationemque mox subiicit, quia pro nobis factus est peccatum qui peccati expers erat.

26 Verūm qua sunt peruersitate, & peccatorum remissionem, & reconciliationē fieri semel dicunt, quum in gratiam Dei per Christum in Baptismo recipimur: post baptismum, resurgendum esse per satisfactiones, sanguinem Christi nihil prodesse, nisi quatenus per clauus Ecclesiæ dispensatur. Nec de re dubia loquor, quum suam impuritatem clarissimis scriptis prodiderint: nec vnus aut alter, sed vniuersi scholastici. Nam ipsorum magister, postquam Christum in ligno pœnam peccatorum soluisse, iuxta Petri doctrinam, confessus est: subiuncta illico exceptione sententiam illam corrigit, quòd in Baptismo omnes pecca-

Lib. 4. Sent.
Dist. 10. c. 4. e
nō sufficit, de
pont. c. med.
eadem dist.
C. nullus. ead.
dem dist.

Iesa. 52. a. 3
Rom. 5. b. 8
Colos. 1. c. 14
Tit. 3. b. 5

Iesa. 43. d. 15

Act. 10. g. 45

1. Cor. 5. d. 19

Lib. 3. Sent.
dist. 9.

1. Pet. 2. d. 24
2. Tim. 1. c. 9

1. Iohan. 2. a. 2
& b. 12

torum poenae temporales relaxantur: sed post baptismum, poenitentiae beneficio minorantur: ut ita simul cooperetur crux Christi & nostra poenitentia. Sed longè aliter Iohannes, Siquis peccauerit, ait, habemus aduocatū apud Patrem, Iesum Christum: & ipse est propitiatio pro peccatis nostris. Scribo vobis filioli: quia remittuntur vobis peccata propter nomen eius. Certè fidelibus loquitur, quibus dum Christum proponit peccatorum propitiationem, non aliam esse satisfactionem ostendit qua offensus Deus propitiari placariue possit. Non dicit, Semel vobis per Christum reconciliatus est Deus, nunc vobis alias rationes quaerite: sed perpetuū facit aduocatū, qui sua intercessione in Patris gratiā nos semper restituat: perpetuam propitiationē, qua peccata expiuntur. Est enim illud perpetuū verum, quod alter Iohannes dicebat, Ecce Agnus Dei, ecce qui tollit peccata mundi. Tollit (inquam) ipse, nō alius. hoc est, quando ipse solus est Agnus Dei, solus quoque oblatio est pro peccatis, solus expiatio, solus satisfactio. Nam quum ius & potestas ignoscendi propriè cōpetat in Patrem, vbi à Filio distinguitur ut iam visum est: in altero gradu Christus hīc locatur, quod poenam nobis debitam in se trāsferens, reatum nostrum deleuerit coram Dei iudicio. Vnde sequitur, non aliter nos fore participes expiationis à Christo peractae, nisi apud eum resideat honor ille quem sibi rapiunt qui Deum placare tentant suis compensationibus.

Iohan. 1. c. 36

27
Iesa. 53. a. 4,
& b. 6

1. Pet. 2. d. 24
Rom. 8. a. 3
Galat 3. b. 13

Ac duo hīc perpendere conuenit: ut integer & illibatus suus honor Christo seruetur: ut conscientiae de peccati venia securae, pacem apud Deum habeant. Iesaias ait, Patrem posuisse in Filium nostras omnium iniquitates, ut liuore eius sanemur. Quod aliis verbis repetens Petrus ait, Christum pertulisse in corpore suo peccata nostra super lignum. Paulus scribit damnatum esse peccatum in eius carne, quum pro nobis peccatū factus est: hoc est vim & maledictionem peccati in eius carne interemptam, quum in hostiam datus est, in quam tota peccatorum nostrorum moles, cum sua maledictione & execratione, cū horrendo iudicio Dei, & mortis damnatione, reiceretur. Hīc nequaquā audiuntur nugamenta illa: quod post initialem purgationem, passionis Christi efficaciam non aliter nostrum vnusquisque sentiat quā pro satisfactoriae poenitentiae modo: sed ad vnicam Christi satisfactionem, quoties lapsi fuerimus, reuocamur. Nunc tibi pestilentes eorum nānias propone. Gratiam Dei in prima peccatorum remissione solam operari: si postea ceciderimus, ad secundam veniam impetrandam opera nostra cooperari. Hāc si locum habeant, an ne quae Christo superius sunt attributa, illi salua manent? Immanē quantum hāc differunt, iniquitates nostras positas esse in Christo ut in ipso expiarentur, & nostris operibus expiari: Christum esse propitiationē pro peccatis nostris, & Deum operibus propitiandū. Quod si de pacificanda conscientia agitur: quae istaec erit pacificatio, si audiat peccata redimi satisfactionibus? quando tandem illi satisfactionis modus cōstare poterit? Ergo semper dubitabit an Deum habeat propitium, semper aestuabit, semper horrescet. Nam qui leuibus satisfactiunculis acquiescunt, nimis contemptim iudicium Dei aestimant: & parum reputant quanta sit peccati grauitas: ut alibi dicemus. Et ut ipsis concedamus, peccata aliquot iusta satisfactione redimere, quid tamen facient vbi tot peccatis obruuntur, quorum satisfactionibus nec centū vitā, vel si totae in hoc sint, sufficere queant? Adde quod loci omnes quibus asseritur peccatorū remissio, non ad catechumenos pertinent, sed ad regenitos Dei filios, & qui in Ecclesiae sinu fuerunt diu nutriti. Legatio illa quam tam splendide extollit Paulus, Obsecro vos Christi nomine, reconciliamini Deo: non ad externos dirigitur, sed ad eos qui pridem regeniti fuerant. Atqui satisfactionibus valere iussis, ad Christi crucem eos ablegat. Sic quum scribit Colossensibus Christum pacificasse per sanguinem crucis quae sunt in caelo vel in terra, non restringit hoc ad momentum quo recipimur in Ecclesiam, sed ad totum cursum extēdit. Quod facile ex contextu patet, vbi dicit fideles habere redemptionem per sanguinem Christi, nempe remissionem peccatorum. Quanquam plures locos congerere superuacuum est qui subinde occurrunt.

1. Cor. 5. d. 20
Coloss. 1. c. 10

28

Rom. 6. d. 13
Ezec. 18. c. 10

Rom. 8. a. 1

Hīc in asylum confugiunt ineptae distinctionis, Peccata quaedam venialia esse, quaedā mortalia: pro mortalibus grauem satisfactionē deberi: venialia facilioribus remediis purgari, oratione Dominica, aquae benedictae aspersione, absolutione Missae. Sic cum Deo ludunt & ineptiunt. Quum tamen assidue peccatum veniale & mortale in ore habeant, nondum alterū ab altero discernere potuerunt, nisi quod impietatem & immūditiam cordis, peccatum veniale faciunt. Nos autem (quod Scriptura iusti & iniusti regula docet) peccati stipendium pronuntiamus esse mortem: & Animam, quae peccauerit, morte dignam. Ceterum fidelium peccata venialia esse: non quia non mortem mereantur, sed quia Dei misericordia, nulla est condemnatio iis qui sunt in Christo Iesu: quia non imputantur, quia

venia delentur. Scio quàm iniquè doctrinam hanc nostram calumnientur. dicunt enim paradoxum esse Stoicorum, de peccatorum æqualitate: sed suo ipsorum ore nullo negotio conuincuntur. Quæro enim, annon inter ea ipsa peccata quæ mortalia fatentur, aliud alio minus agnoscant. Non igitur protinus sequitur, paria esse peccata quæ simul mortalia sint. Quum Scriptura definiat, stipendium peccati mortem esse: Legis obedientiam, esse vitæ viam: transgressionem, mortem: hanc sententiam euadere non possunt. Quem ei ergo satisfaciendi exitum inuenient in tanto peccatorum cumulo? si vnius diei est satisfactio peccati vnius: dum illam meditantur, pluribus se inuoluunt: quando diem nullum præterit iustissimus quisque, quo non aliquoties labatur. Ad eorum verò satisfactiones dum se accingent, numerosa, vel potius innumera cumulabunt. Iam præcisa est satisfaciendi fiducia. quid morantur? quomodo adhuc de satisfaciendo cogitare audent?

Prou. 24. b. 16

39 Conantur quidè se expedire: sed aqua (vt dicitur) illis hæret. Fingunt sibi distinctionem poenæ & culpæ: culpam remitti fatentur Dei misericordia: sed culpa remissa, poenam restare quam persolui Dei iustitia postulat. Ad poenæ igitur remissionem propriè spectare satisfactiones. Quæ ista bone Deus, desultoria leuitas: culpæ remissionem nunc gratuitam prostare cõsentitur, quæ precibus & lachrymis, aliisque omne genus præparationibus emereri subinde docent. Verum adhuc cum ista distinctione ex diametro pugnat quicquid de peccatorum remissione in Scriptura nobis traditur. Quod tamen si satis superque existimo iã à me confirmatum, subnectam tamen quædam alia testimonia, quibus adeo constringantur tortuosi isti angues, vt ne summam quidem caudam complicare posthac queant. Hoc est testamentum nouum quod Deus in Christo suo nobiscum pepigit, Quod iniquitatum nostrarum non recordabitur. Quid his significauerit, discimus ex altero Propheta, vbi Dominus, Si iustus (inquit) à iustitia sua deflexerit, omnium iustitiarum eius non recordabor. si impius ab impietate sua recesserit, omnium iniquitatum eius non recordabor. Quod se iustitiarum recordaturum negat, vtique hoc est, nullam se earum habiturum rationem, vt remuneretur. Ergo & peccatorum non recordari, est ea non postulare ad poenam. Id ipsum alibi dicitur, proiicere post tergum, delere instar nubis, demergere in profundum maris, non imputare, testumque habere. Talibus loquendi formulis non obscure sensum suum nobis explicuerat Spiritus sanctus, si dociles aures illi accommodaremus. Certè si punit Deus peccata, imputat: si vindicat, recordatur: si ad iudicium vocat, testata non habet: si examinat, post tergum non proiecit: si inspicit, non obliterauit instar nebulae: si ventilat, non proiecit in profundum maris. Atque in hunc modum interpretatur Augustinus claris verbis, Si textit peccata Deus, noluit aduertere: si noluit aduertere, noluit animaduerrere: si noluit animaduerrere, noluit punire: noluit agnoscere, maluit ignoscere. Testata ergo peccata quare dixit: Vt non videretur. Quid erat, Deum videre peccata, nisi punire? Audiamus verò & ex alio Prophetæ loco, quibus legibus peccata remittat Dominus. Si fuerint (inquit) peccata vestra vt coccinum, quasi nix albescent: & si rubuerint vt vermiculus, erunt quasi lana. Apud Ieremiam autem sic legitur, In illa die requiretur iniquitas Iacob, & non inuenietur: peccatum Iehudah, & non erit: quia propitiabor reliquiis quas seruauero. Vis breuiter tenere quis sit verborum istorum sensus? Expende quid è cõuerso sibi velint locutiones illæ, Dominum in sacculo iniquitates colligare, in fasciculum colligere & recondere, stylo ferreo exarare in lapide adamantino. Nempe si vindictam repensum iri significant (quod extra dubium est) neque etiam dubitandum est quin contrariis sententiis omnem vindictæ repensionem Dominus se remittere affirmet. Hic mihi obtestandi sunt lectores, non vt glossis meis auscultent: sed tantum vt verbo Dei locum aliquem esse sinant.

Ier. 31. f. 31. 39

Ezech. 18. c. 24. f. 27

Iesa. 38. d. 17. & 22

Iesa. 44. d. 22 Mich. 7. d. 19

Psal. 32. ait

Psal. 52. a. 1

Iesa. 1. c. 18

Iere. 50. d. 20

Iob. 14. d. 17

Osæ 13. c. 12

Iere. 17. a. 1

30 Quid, quæso, nobis præstitisset Christus, si adhuc pro peccatis poena exigeretur? Nam quum dicimus eum pertulisse omnia peccata nostra in corpore suo super lignum, non aliud significamus quàm defunctum poena & vindicta quæ peccatis nostris debebatur. Id ipsum significantius declarauit Iesaias, quum dicit, Castigationem (siue correctionem) pacis nostræ fuisse super eum. Quid verò est correctio pacis nostræ, nisi poena peccatis debita, & à nobis persoluenda, antequam Deo reconciliari possemus nisi vices nostras ipse subiisset? En clarè vides, Christum peccatorum poenas sustinuisse, vt suos ab illis eximeret. Et quoties de redemptione per eum facta meminit Paulus, vocare solet ἀπολύτρωσιν, quo non simpliciter redemptionem indicat, qualiter vulgò intelligitur: sed pretium ipsum & satisfactionem redemptionis. Qua ratione & Christum ipsum se pro nobis ἀντίλυτρον dedisse scribit. Quæ apud Dominum propitiatio est (inquit Augustinus) nisi sacrificium? Et quod est sacrificium, nisi quod pro nobis oblatum est in morte Christi? Validum autè in primis arctem nobis suppeditat quod de expiandis peccatorum noxis in Lege Mosaica præscribitur. Ne-

1. Pet. 2. d. 24

Iesa. 53. b. 5

Rom. 3. c. 24

1. cor. 1. d. 30.

ephes. 1. b. 7

colof. 1. b. 14

1. tim. 2. b. 6

que enim illic Dominus hanc aut illam satisfaciendi rationem constituit: sed totam in sacrificiis compensationem requirit. Vbi tamen alioqui diligentissime atque exactissimo ordine omnes expiandi ritus exequitur. Quis fit autem ut nullis prorsus operibus admissa delicta procurare iubeat, sed sola in expiatione sacrificia requirat, nisi quod ita testari vult vnicum esse satisfactionis genus, quo iudicium suum placatur? Nam quæ tum immolabant sacrificia Israelitæ, non hominum opera censebantur: sed à sua veritate, hoc est vnico Christi sacrificio, æstimabatur. Qualem autem compensationem à nobis recipiat Dominus, paucis verbis eleganter Oseas expressit. Omnem (inquit) tolles iniquitatem o Deus, En peccatorum remissio & vitulos labiorum persoluemus. En satisfactio. Scio quidè subtilius adhuc ipsos elabi, dum inter æternam pœnam & temporales distinguunt. sed quum temporalem pœnam quoduis supplicium esse tradant quod tam de corpore quàm de anima sumit Deus, excepta modò æterna morte, parum eos subleuat hæc restrictio. Nam superiores loci quos citauimus, hoc nominatim volunt, hæc nos conditione recipi à Deo in gratiam, ut quicquid eramus pœnæ meriti, remittat, culpā ignoscendo. Et quoties David aut alii Prophetæ peccatorum veniam petunt, simul pœnam deprecantur. Imò diuini iudicii sensus huc eos impellit. Rursum, quum à Domino misericordiam promittunt, semper ferè ex professo de pœnis earumque remissione concionantur. Certè quum Dominus apud Ezechielem pronuntiat finem se impositurum Babylonico exilio, idque propter se, non propter Iudæos: gratuitum esse vtrunque satis demonstrat. Denique, si à reatu liberamur per Christum, pœnas quæ inde proueniunt cessare oportet.

Oseas 14. 4. 3

Ezech. 36. e. 11, & f. 31

31
2 Sam. 11. c. 13

Dan. 4. e. 14

Prou. 16. a. 6, & 10. b. 11

1. Pet. 4. b. 8

Luc. 7. g. 47

Verum quando & ipsi Scripturæ testimoniis sese armant, videamus qualia sint quæ ipsi obtinent argumeta. David (inquiunt) de adulterio & homicidio à propheta Nathan obiurgatus, veniam peccati accipit: & tamen morte filii, quem ex adulterio iustulerat, postea plectitur. Tales pœnas, quæ post culpæ etiam remissionem infligendæ essent, satisfactio-ibus redimere docemur. Hortabatur enim Daniel Nebuchadnezer ut eleen. olynus peccata redimeret. Et Solomo scribit, propter æquitatem & pietatem remitti iniquitates. Alibi brevem, charitate operiri multitudinem peccatorum. Quam sententiā confirmat & Petrus. Item apud Lucā Dominus de muliere peccatrice ait, remissa esse illi peccata multa, quia dilexerit multum. Ut peruersè semper & præposterè facta Dei æstimant! At si obieciunt, (quod minimè prætereundum erat) duo esse diuini iudicii genera: longè aliam in hac Davidis correptione vidissent pœnæ formam quàm quæ ad ultionem tendere putanda sit. Quoniam autem nostra omnium non mediocriter refert intelligere quorsum pertineant Dei castigationes quibus in peccata nostra animaduertit: & quantū ab exemplis differant quibus impios & reprobos cum indignatione persequitur: summatim perstringere nō abs re, arbitror, fuerit. Iudicium vnum, docendi causa, vocemus vindictæ: alterum, castigationis. Porro iudicio vindictæ sic intelligendus est Deus inimicos suos vlcisci, ut iram aduersus illos suam exerceat, cōfundat, dissipet, in nihilum redigat. Id ergo sit nobis propriè Dei vindicta, vbi punitio cum eius indignatione cōiuncta est. Iudicio castigationis non ita sæuit ut irascatur: nec vindicat ut perdat vel fulminet ad interitum. Vnde non est supplicium propriè aut vindicta, sed correctio & admonitio. Alterum iudicis est, alterū patris. Iudex enim quum facinorosum punit, in ipsum delictum animaduertit, & de facinore ipso pœnam expetit. Pater quum filium seuerius corrigit, non hoc agit ut vindicet aut mulctet, sed magis ut doceat & cautiorē in posterū reddat. Paulo diuersa similitudine Chrysostomus allicubi vitur, quæ tamen eodem recidit. Verberatur (inquit) filius: verberatur & famulus. sed hic ut seruus, quia peccauit, punitur: ille verò, ut liber & filius disciplina indigens, castigatur. Huic correctio in probationem & emendationem cedit, illi in flagella & pœnas.

32

Ut breuiter & expedite rem totā teneamus, hæc ex duabus statuatur prima distinctio. vbiunque pœna est ad ultionem, ibi maledictio & ira Dei se exerit, quam semper à fidelibus continet. Castigatio contrā, & Dei benedictio est & amoris habet testimonium, ut docet Scriptura. Hoc discrimē satis Dei verbo passim notatur. Quicquid enim afflictionum in præsentī vita sustinent impii, nobis depingitur ceu quoddam inferorum atrium, vnde æternā suam damnationē eminus iam conspiciūt. tantūque abest ut inde emergant, aut fructum aliquem percipiant, ut potius talibus præludiis ad dirissimam, quæ tandem eos manet, gehennam apparētur. Castigans autem castigat seruos suos Dominus, sed morti non tradit eos. quare eius serula verberati, bonum id sibi fuisse fatentur ad veram emendationem. Ut autem sanctos vbiq̃ue legimus tales pœnas placido animo suscepisse, ita superioris generis flagella semper vehementer sunt deprecati. Castiga me Domine (inquit Ieremias) sed in iudicio, non in ira tua: ne fortè imminuas me. Effunde furore tuum in gen-

Job 3. c. 17

Prou. 3. b. 11

Hebr. 12. b. 5

Psal. 118. c. 18

Psal. 119. 71

Iere. 10. d. 14

tes quæ te non nouerunt, & in regna quæ nomen tuum non inuocarunt. Dauid autem, Domine ne in furore tuo arguas me, neque in ira tua corripas me. Neque obest quòd sapi-
 sculè sanctis suis irasci dicitur Dominus, quum in eorum peccata animaduertit. Qualiter
 apud Iesaiam, Confitebor tibi Domine, quoniam iratus es mihi: conuersus est furor tuus,
 & consolatus es me. Item Habacuc, Quum iratus fueris, misericordiæ recordaberis. Michæas
 verò, Iram Dei portabo, quia peccauit ei. Vbi admonet non solum nihil obstrependo pro-
 ficere qui iustè plectuntur, sed doloris mitigationem suppetere fidelibus, cõsiliu Dei re-
 putando. Eadem enim ratione hæreditatem suam profanare dicitur: quam tamen, vt sci-
 mus, in æternum non profanabit. Id autem non ad Dei punientis cõsiliu vel affectu;
 sed ad vehementem doloris sensum refertur, quo afficiuntur qui vel qualemcũque eius se-
 ueritatem sustinent. Atqui fideles suos non mediocri tantum austeritate pungit, sed inter-
 dum ita vulnerat vt sibi non longe ab inferorũ exitio distare videantur. Sic quidẽ testatur
 iram suam promeritos, atque ita expedit vt sibi in malis suis displiceant, Dei placãdi ma-
 iore cura tangantur, & sollicitè ad veniam petendam festinent: sed in eo ipso luculentius
 interim clementiæ quàm iræ suæ testimoniu profert. Stat enim fœdus in vero nostro
 Solomone nobiscum percussu, cuius fidem nunquam fore irritam is qui fallere non po-
 test affirmavit. Si dereliquerint, inquit, filii eius Legem meam, & in iudiciis meis non am-
 bulauerint: si statuta mea profanauerint, & mandata mea non custodierint: visitabo in
 virga iniquitates eorum, & in verberibus peccata eorum: misericordiam autẽ meam non
 auferam ab eo. Cuius misericordiæ quo nos certiores faceret, virgam, qua Solomonis po-
 sterioritatem arguet, dicit fore virorũ, & verbera filiorum hominum. Quibus particulis dum
 moderationem & lenitatem significat, simul innuit non posse nisi extremo lethaliq̃ue hor-
 rore confundi qui Dei manum sibi aduersam esse sentiunt. Huius lenitatis quantam ha-
 beat rationem in Israele suo castigando, ostendit apud Prophetam, In igne repurgaui te,
 inquit, sed non velut argentum. nam & ipse totus assumptus esses. Quanquam purgatio-
 nis loco castigationes illi esse docet: eas tamen ipsas addit ita se temperare, ne plus iusto per
 eas deteratur. Idque omnino necesse est. quia vt quisque Deum magis reueretur, & ad co-
 lendam pietatem se addicit, sic tenerior est ad ferendam eius iram. Reprobi enim, quanuis
 sub flagellis gemat, quia tamẽ non expẽdunt causam, quin potius tam suis peccatis quàm
 Dei iudicio tergum obuertunt, ex fœcordia illa contrahunt duritiem. vel quia fremunt &
 calcitrant, adeoque tumultuantur contra suum iudicem, furiosus ille impetus amentia &
 furore eos obstupefacit. Fideles autem Dei ferulis admoniti, statim descendunt ad reputã-
 da peccata, & metu horrorẽque percussi, ad deprecationem supplices confugiũt. Hos dolo-
 res, quibus se cruciant miseræ animæ, nisi leniret Deus, succumberet centies etiam in me-
 diocribus iræ eius signis.

33 Sit deinde hæc altera distinctio, quòd dum flagellis Dei reprobi feriuntur, iam pœnas
 illius iudicio quodammodo pendere incipiunt. & quanquam illis non impune cedit tali-
 bus iræ diuinæ documẽtis non auscultasse, non tamen ideo plectuntur quo ad meliorem
 mentem redeant: sed tantum vt Deum magno suo malo iudicem & ultorem experiãtur.
 Ferulis autem verberantur filii, non vt multam delictorũ Deo persoluant, sed vt inde ad
 resipiscentiam proficiant. Proinde in futurum eas potius quàm in præteritum tempus re-
 spicere intelligimus. Id Chrysostomi verbis malim quàm meis exprimere. Propter hoc,
 inquit, imponit nobis pœnam, non de peccatis sumens suppliciu, sed ad futura nos cor-
 rigens. Sic & Augustinus, Quod pateris, vnde plangis, medicina est tibi; non pœna: casti-
 gatio, non damnatio. Noli repellere flagellu, si non vis repelli ab hæreditate, &c. Tota i-
 sta miseria generis humani in qua gemit mundus, noueritis fratres quia dolor medicinalis
 est, non sententia pœnalis, &c. Has sententias ideo citare placuit, necui videretur noua
 aut minus vsitata locutio quã posui. Atque huc pertinet querimoniæ indignationis plenæ,
 quibus Deus sæpe de populi ingratitude expostulat, quòd peruiaciter cõtẽmpserit om-
 nes pœnas. Apud Iesaiam, Ad quid percuterẽ vos ultra: à planta pedis ad verticem non est
 sanitas. Sed quia talibus sententiis abundant Prophetæ, breuiter indicasse satis fuerit, nõ
 alio consilio Deũ punire suam Ecclesiam nisi vt subacta resipiscat. Ergo quum Saulẽ regno
 abiecit, puniebat ad vindictã: quum Dauidem paruulo filio orbauit, ad emendationẽ cor-
 ripiebat. In hanc sententiam accipiẽdum est quod ait Paulus, Quum iudicamur à Domi-
 no, corripimur, ne cum hoc mundo damnemur. Hoc est, dum nos filii Dei manu cælestis
 Patris affligimur, non hæc pœna est qua confundamur: sed castigatio duntaxat qua eru-
 diamur. Qua in re planè nobiscum est Augustinus. docet enim, pœnas, quibus homines
 pariter castigantur à Deo, variè considerandas esse: quia sanctis sunt, post peccatorum re-

Psal. 6. a. 1;
& 38. a. 2

Iesa. 12. a. 1

Habac. 3. a. 2
Michæ. 7. b. 9.

Psal. 89. c. 32.

2. Sam. 7. b. 14

Iesa. 48. b. 10.

In serm. de
pœnit. & cõ-
fess.

Iesa. 1. b. 9.

1. Sam. 15. c. 23.

2. Sam. 11. d. 18.

1. Cor. 11. g. 32.

Lib. de Pecca-
to meritis ac
remiss. 2. c. 33
& 34.

Iesa. 40. a. 2

missionem, certamina & exercitationes: reprobis, sine remissione, supplicia iniquitatis. Vbi poenas Dauidi aliisque piis inflictas commemorat, & eò spectasse dicit ut eorum pietas huiusmodi humilitate exerceretur ac probaretur. Neque verò quod dicit Iesaias, remissionem esse populo Iudaico iniquitatem, quòd plenam acceperisset castigationem de manu Domini, à poenae solutione pèdere delictorum veniam arguit: sed perinde est ac si diceret, Satis iam poenarum exactum est: quarum ob grauitatem & multitudinem, quia iam diuturno luctu & mœrore confecti fuistis, tempus est ut accepto plenae misericordiae nuntio, animi vestri in lætitiā diffusi me patrem sentiant. Nam illic Deus patris induit personam, quem iustae quoque seueritatis poenitet, vbi coactus est asperius in filium animaduertere.

34

1. Pet. 4. d. 17.

Iere. 25. f. 19.

His cogitationibus fidelem instrui necesse est in afflictionum acerbitate. Tempus est ut iudicium incipiat à domo Domini, in qua inuocatum est nomen eius. Quid facerent filii Dei si seueritatem quam sentiunt, ultionem eius esse crederent? Qui enim manu Dei percussus, Deum iudicem punientem cogitat, non potest nisi iratum & aduersum sibi concipere: ipsum verò Dei flagellum, ut maledictionem & damnationem, detestari. denique se à Deo diligi nunquam persuaderi poterit qui sic erga se affectum sentiet ut adhuc punire velit. Sed ille demum sub Dei flagellis proficit qui suis vitiis irascentē, sibi autem propitiū ac beneuolum ipsum reputat. Alioqui enim necesse esset euenire quod Propheta se exper-

Psal. 88. d. 17.

Psal. 90. b. 7.

tum conqueritur, Super me transierunt furores tui Deus: terrores tui oppresserunt me. Item quod scribit Moses, Quoniam defecimus in ira tua, & in indignatione tua conturbati sumus. Posuisti iniquitates nostras in conspectu tuo, occulta nostra in lumine vultus tui. Quoniam omnes dies nostri recesserunt in ira tua: consumpti sunt anni nostri, sicut verbum ex ore emissum. Contrā verò Dauid de paternis castigationibus, ut illis adiuuari magis fideles quàm opprimi doceat, sic canit, Beatus homo quem tu corripueris Domine, & in Lege tua erudieris, ut praestes illi quietem à diebus malis, dum foditur peccatori fouea. Dura certè tentatio, vbi Deus parcens incredulis, & eorum scelera dissimulans rigidior erga suos apparet. Ideoque solatii causam addit Legis admonitionem, qua discant salutis suae consuli dum reuocantur in viam, impii verò praecipites ferantur in suos errores, quorum finis est fouea. Nec refert sitne aeterna poena an temporaria. Tam enim bella, fames, pestilentiae, morbi, maledictiones Dei sunt, quàm ipsum mortis aeternae iudicium: dum inferuntur in eum finem, ut sint aduersus reprobos irae vindictaeque Domini instrumenta.

35

1. Sam. 24. c. 15

Perpiciunt nunc omnes (ni fallor) quòd spectet illa Domini animaduersio in Dauidē: nempe ut documentum esset, grauiter Deo displicere homicidium & adulterium, aduersum quod tantam offensionē in dilecto & fideli seruo declarasset: ut erudiretur ipse Dauid ne postea tale facinus auderet: non autem ut poena esset qua compensationem quandam Deo solueret. Sic & de altera correptione iudicandum est, qua Dominus populum vehemēti peste affligit, ob Dauidis inobedientiam, ad quam in recensendo ipso populo prolapsus fuerat. Nam peccati quidem noxam Dauidi gratis remisit: sed quia tum ad publicū omnium seculorum exemplum, tum ad Dauidis quoque humiliationem pertinebat, tale facinus non impunitum manere: ipsum flagello suo asperrimè castigauit. Quem scopum in vniuersali quoque humani generis maledictione pra oculis habere decet. Quum enim impetrata gratia, omnes tamen adhuc perpetimur quae in peccati poenam parenti nostro indictae fuerant, miseras: talibus exercitamentis admoneri nos sentimus quàm grauiter Deo Legis suae transgressio displiceat: quo miseram nostram fortis conscientia deieci & humiliati, ad veram beatitudinem ardentius aspiremus. Stultissimus verò fuerit si quis arbitretur praesentis vitae calamitates in peccati noxam esse nobis impositas. Id mihi videtur Chrysostomus voluisse, quem ita scripsit, Si ob hoc poenas infert Deus ut in malis perseverantes ad poenitentiam vocet, ostensa poenitentia, superflua iam erit poena. Quare, prout vniuscuiusque ingenio expedire nouit, ita hunc maiori asperitate, illū benigniore tractat indulgentia. Itaque vbi docere vult se non esse in poenis exigendis immodicum, exprobrat duro & obstinato Populo quòd percussus non tamen faciat finem peccandi. Hoc sensu conqueritur Ephraim esse quasi placentiam ab vna parte torridam, ab altera parte incoctam: quia scilicet non pertrahant in animos ferulae, ut vitiis excoctis populus ipse capax veniae fieret. Certè qui sic loquitur, ostēdit, simulac quisque resipuerit, se mox fore placabilem, sibi-que nostra peruiacia exprimi quē exercet rigorē in castigandis delictis, cui voluntaria correctio occurreret. Quādo tamen ea est nostra omnium durities & ruditas quae castigatione in vniuersum opus habeat, visum est prudentissimo Patri omnes sine exceptione communi flagello per totā vitam exercere. Mirū autem est cur sic in vnū Dauidis exemplū oculos cō-

Homil. 3. de
prouid. ad
Stargirium.

Iere. 5. a. 3.

Osee 7. b. 8

ficiant, tot exemplis non permoueantur, in quibus gratuitam peccatorum remissionem licebat contemplari. Legitur publicanus descendisse e templo iustificatus: poena nulla sequitur. Petrus delicti veniam obtinuit: lachrymas eius, inquit Ambrosius, legimus: satisfactio- nem non legimus. Et audit paralyticus, Surge, remittuntur tibi peccata tua. poena non imponitur. Omnes quæ in Scriptura commemorantur absolutiones, gratuitæ describuntur. Ex hac exemplorū frequētia regula potius peti debuerat, quàm ab vnico illo, quod nescio quid singulare continet.

Luc. 18. c. 14.

Luc. 22. g. 61.

Matth. 9. a. 2.

36 Daniel sua exhortatione, qua suadebat Nebuchadnezer vt peccata sua iustitia redime- ret, & iniquitates suas miseratione pauperum: non voluit significare iustitiam & miseri- cordiam esse Dei propitiationē & poenarum redemptionem: (absit enim vt alia vnquam fuerit *ἀντίποινα* quàm sanguis Christi) sed illud redimere, ad homines potius quàm ad Deum retulit. ac si dixisset, Exercuisti, ô rex, iniustam & violentam dominationem, oppres- sisti humiles, spoliasti pauperes, durè & iniquè tractasti populū tuum: pro iniustis exactio- nibus, pro violentia & oppressione nunc refer misericordiam & iustitiam. Similiter So- lomom charitate operiri multitudinem peccatorum ait: non apud Deum, sed inter homi- nes ipsos. Sic enim habet integer versus, Odium excitat contentiones: charitas verò ope- rit cunctas iniquitates. Quo versu, more suo, per antithesin, mala quæ ex odiis nascuntur, cum fructibus charitatis cōfert, in hunc sensum, Qui inter se oderunt, vicissim mordent, carpūt, exprobrāt, lacerāt, omnia vitio vertunt: at verò qui se diligūt, multa inter se mutuò dissimulāt, ad multa cōniūēt, multa vicissim cōdonant: nō quòd alter alterius vitia pro- bet, sed tolerat, & admonendo medetur, potius quàm insectando exulceret. Eodē sensu ci- tatū locū hunc à Petro nihil ambigēdum est: nisi deprauatæ vafreque detortæ scripturæ insimulare eum volumus. Vbi verò misericordia & benignitate docet expiari peccatū, nō intelligit illis coram facie Domini compensari, vt tali satisfactioe pacatus Deus, poenā, quā alioqui erat expetiturus, remittat: sed familiari Scripturæ more indicat quòd ipsum sibi propitium reperturi sint qui vitiis ac nequitiiis prioribus valere iussis, per pietatem & veritatem ad ipsum conuertuntur. ac si diceret iram Domini residere, ac quiescere eius iu- diciū vbi à flagitiis nostris quiescimus. Nec verò causam veniæ, sed potius modum ve- ræ conuersionis describit. Sicuti frequenter denuntiant Prophetæ frustra Deo hypocri- tas ingerere fictitios ritus pro poenitentia, quem oblectat integritas cum officiis charitatis. Sicut etiam admonet author epistolæ ad Hebræos, beneficentiam & humanitatem com- mendans, eiusmodi sacrificia placere Deo. Nec certè Christus, dum Phariseos subsannās quòd purgandis tantum catinis intenti, cordis munditiem negligenter, iubet eos, quo om- nia munda sint, dare elemosynas, ad satisfaciendum hortatur: sed tantum docet qualis probetur Deo mundities. De qua loquutione alibi tractatum est.

Prou. 10. b. 11

Hebr. 10. c. 14

Mat. 23. c. 25

Luc. 11. f. 39

37 Quantum attinet ad locum Lucæ, nemo, qui parabolam illic à Domino propositam sano iudicio legerit, nobis ex eo controuersiam faciet. Phariseus apud se cogitabat, nō co- gnosci à Domino mulierem quam tanta facilitate ad se admisisset. Sentiebat enim non fuisse admissurum, si peccatricem, qualis erat cognouisset. Atque ex eo colligebat non esse Prophetam, qui eum in modum falli posset. Dominus, vt peccatricem non esse ostenderet cui iam remissa essent peccata, parabolam proposuit, Duo debitores erant vni fœnerato- ri. alter quinquaginta debebat, alter quingenta: vtrique remissum est debitum. vter maio- rem gratiam habet? Respondet Phariseus, Is vtrique cui plus donatum est. Subiicit Domi- nus, Hinc agnosce remissa esse huic mulieri peccata, quia dilexit multū. Quibus verbis (vt vides) eius dilectionem non facit causam remissionis peccatorum, sed probationem. Sunt enim sumpta à simili eius debitoris, cui remissa erant quingenta, cui non dixit ideo remis- sa quia multum dilexisset: sed ideo multum diligere, quia remissa sint. Atque huc eam si- militudinem applicari cōuenit, in hanc formam. Putas mulierem hanc esse peccatricem. atqui talem non esse, agnoscere debueras, quando ei remissa sint peccata. Remissionis au- tem peccatorū fidem tibi facere debuerat eius dilectio, qua ob beneficium gratiam refert. Est autem argumentum à posteriori, quo aliquid demonstratur à signis sequentibus. Qua autem ratione peccatorū remissionem illa obtinuerit, palàm Dominus testatur. Fides, in- quit, tua te saluam fecit. Fide igitur remissionem assequimur: charitate gratias agimus, & Domini beneficentiam testamur.

Cap. 7. f. 36

38 Parum autem me mouent quæ in veterum scriptis de satisfactioe passim occurrunt. Video quidem eorum nonnullos (dicam simpliciter, omnes ferè quorum libri extant) aut hac in parte lapsos esse, aut nimis asperè ac durè loquutos: sed non concedā eos ipsos adeò fuisse rudes & imperitos, vt eo sensu illa scripserint quo à nouis istis satisfactionariis le-

Homil. 1. in
Psal. 50

Cap. 54

Homil. 10. in
Gene.

Enchir. ad
Laurentium.

Matth. 6. b. 11

guntur. Chrysostomus alicubi ita scribit, Vbi misericordia flagitur, interrogatio cessat: vbi misericordia postulatur, iudicium non sinit: vbi misericordia petitur, poenae locus non est: vbi misericordia, quaestio nulla: vbi misericordia, condonata responsio est. Quae verba utcumque torqueantur, cum dogmatibus tamen scholasticis conciliari nunquam poterunt. In libro autem de dogmatibus Ecclesiasticis qui Augustino inscribitur, sic legis, Poenitentiae satisfactio est, causas peccatorum excidere, nec eorum suggestionibus aditum indulgere. Quo apparet, illis quoque seculis irrisam passim fuisse satisfactionis doctrinam, quae pro admissis delictis rependi diceretur: quum omnem satisfactionem ad cautionem referat se in posterum à peccatis abstinendi. Nolo citare quod tradit idem Chrysostomus, eum nihil à nobis ultra requirere quam ut delicta nostra cum lachrymis apud se confiteamur: quando eiusmodi sententiae subinde in eius & aliorum scriptis recurrunt. Augustinus quidem alicubi opera misericordiae remedia nuncupat obtinendae peccatorum remissionis: sed ne in verbulo isto quis impingat, ipse alio loco occurrit. Caro Christi, inquit, verum est & vnicū pro peccatis sacrificium, non modò his quae vniuersa in baptismo delentur, sed quae postea ex infirmitate subrepunt: propter quae vniuersa quotidie clamat Ecclesia, Remitte nobis debita nostra. Et remittuntur per singulare illud sacrificium.

39

Cap. 65. Cita-
tur in Decr.
cap. in actio-
ne de poenit.
dist. 1.

Vocarunt autem ut plurimum satisfactionem, non compensationem quae Deo redderetur, sed publicam testificationem, qua qui excommunicatione mulctati fuerant quū in communionem recipi vellent, Ecclesiam reddebant de sua poenitentia certiores. Licet cecebantur enim illis poenitentibus certa ieiunia, & alia quibus se prioris vitae verè & ex animo pertæsos esse approbarent, vel potius priorum memoriam obliterarent. atque ita dicebantur non Deo sed Ecclesiae satisfacere. Quod etiam his ipsis verbis ab Augustino expressum est in Enchiridio ad Laurentium. Ex antiquo eo ritu sumptum est originem confessiones & satisfactiones quae hodie in usu sunt. Viperei sanè partus, quibus factum est, ut ne umbra quidem melioris illius formae supersit. Scio veteres interdum duriusculè loqui: nec, ut nuper dixi, forsàn lapsos esse nego. sed quae pauculis na uis aspersa erant, dum illotis istorum manibus tractantur, prorsus inquinantur. Et si veterum autoritate pugnam est, quos, Deus bone, veteres nobis obtrudunt: Bona pars eorum quibus Lombardus eorum coryphaeus centones suos contexit, ex insulis quorundam monachorum deliris quae sub Ambrosii, Hieronymi, Augustini & Chrysostomi nomine feruntur, decerpta est, ut in praesenti argumento omnia ferè sumit è libro Augustini De poenitentia, qui à rhapsodo aliquo ineptè ex bonis pariter ac malis authoribus cōsarcinatus, Augustini quidem nomē praefert, sed quē nemo, vel mediocriter doctus, agnoscere pro suo dignetur. Quod autē in eorū ineptias non tā argutè exquiro, ignoscāt lectores, quos volo molestia leuare. Mihi certè nec valde laboriosum, & tamē plausibile esset traducere cum maximo probro quae antehac pro mysteriis iactarunt: sed quia fructuosè docere propositum est, supersedeo.

De supplementis quae ad satisfactiones adiiciunt, nempe indulgentiis & purgatorio.

C A P. V.



X hac porro satisfactionis doctrina scaturiunt indulgentiae. Nam quod ad satisfaciendum facultatibus nostris dceat, istis suffici nugantur: atque eo profiliunt insaniae ut dispensationem esse definiant meritorum Christi & martyrum, quam Papa suis bullis partitur. Et si autem helleboro magis quàm argumentis digni sunt, ut non magnum operæ pretium sit tam frivolis erroribus refellendis incumbere, qui multis arietibus percussi sua sponte consensescere & ad inclinationem spectare incipiunt: quia tamen imperitis quibusdam utilis erit brevis refutatio, eam non omitam. Et sanè quòd tandiu saluæ constiterint indulgentiae ac in tam impotenti & furiosa lasciuia tam diuturnam impunitatem retinuerint, id verò documento esse potest quàm alta errorum nocte immersi fuerint aliquot seculis homines. Videbant se à Papa & suis bulligerulis palàm nec dissimulanter ludibrio haberi: quae suosas nundinationes de animarum suarum salute exerceri, pauculis nummis salutis pretiū taxari, nihil gratuitū proflare: hac specie emungi se oblationibus, quae in sortita, in lenones, in comestiones turpiter absumerentur: sumos indulgentiarū buccinatores, summos esse contēptores: monstrū istud maiori in dies licentia grassari ac luxuriari, nec finem ullum fieri, plumbum semper nouū afferri, novos nummos elici. Excipiebant tamen summa veneratione indulgentias, adorabāt, redimebant: & qui cernebāt inter alios acutius, existimabant tamē pias esse fraudes, quibus cum fructu aliquo falli possent. Tandem vbi orbis aliquantum sibi sapere permisit, frigent indulgentiae, & paulatim etiam conge-

lascunt, donec planè euanescent.

2 Verum quoniam plurimi, qui sordes, imposturas, furta, rapacitates (quibus luserunt ha-
 etenus, & nos ludificati sunt indulgentiarii) vident, fontem ipsum impietatis non conspi-
 ciunt: operæpretium est indicare non solum quales sint indulgentiæ, sed quid omnino sint
 omni macula absterse. Thesaurum Ecclesiæ vocant, Christi & sanctorum Apostolorum
 Martyrumque merita. Huius horrei radicalè custodiam (vt attigi) Romano Episcopo tra-
 ditam fingunt, penes quem sit tantorum bonorum dispensatio, vt & ipse per se elargiri
 possit, & elargiendi iurisdictionem aliis delegare. Hinc nunc plenariæ indulgentiæ à Pa-
 pa, nunc certorum annorum: à Cardinalibus, centum dierum: ab Episcopis, quadragin-
 ta. Sunt autem illæ (vt genuinè describam) sanguinis Christi profanatio, Satanæque ludi-
 brium, quo Christianum populum à Dei gratia, à vita quæ est in Christo abducant, & à ve-
 ra salutis via auertant. Qui enim poterat scèdus profanari Christi sanguis, quàm dū ne-
 gatur sufficere ad peccatorum remissionem, ad reconciliationem, ad satisfactionem, nisi
 velut arescentis & exhausti defectus aliunde suppleatur & sufficiatur: Christo Lex & Prophe-
 tæ omnes (inquit Petrus) testimonium perhibent, quòd per ipsum accipienda sit remissio
 peccatorum. indulgentiæ remissionem peccatorum per Petrum, Paulum & Martyres lar-
 giuntur. Sanguis Christi emundat nos à peccato, inquit Iohannes: indulgentiæ sangui-
 nem Martyrum faciunt peccatorum ablutionem. Christus (inquit Paulus) qui peccatum
 non nouerat, factus pro nobis est peccatum (id est peccati satisfactio) vt iustitia Dei effice-
 remur in illo: indulgentiæ peccatorum satisfactionem in sanguine Martyrum reponit.
 Clamabat Paulus & Corinthiis testificabatur, solum Christum pro ipsis crucifixum & mor-
 tuum esse: indulgentiæ pronuntiant, Paulum & alios pro nobis mortuos. Alibi dicit, Chri-
 stum acquisiuisse Ecclesiam suo sanguine: indulgentiæ aliud pretium acquisitionis in Mar-
 tyrum sanguine statuunt. Vna oblatione Christus cõsummauit in perpetuum sanctifica-
 tos, ait Apostolus: indulgentiæ reclamant, à Martyribus perfici sanctificationem, quæ a-
 lioqui non sufficeret. Iohannes dicit sanctos omnes lauasse stolas in sanguine Agni: indul-
 gentiæ docent lauare stolas in sanguine sanctorum.

Aët. 10. g. 43

1. Iohā. 1. c. 7

2. Cor. 5. d. 21

1. Cor. 1. b. 13

Aët. 20. f. 18

Hebr. 10. c. 14

Apoc. 7. d. 14

3 Præclare aduersus hæc sacrilegia Leo Romanus Episcopus ad Palæstinos, Quauis (in-
 quit) multorum sanctorum in conspectu Domini pretiosa mors fuerit, nullius tamen in-
 fontis occisio propitiatio fuit mundi. Accepere iusti, non dederunt coronas, & de fortitu-
 dine fidelium nata sunt exempla patientiæ, non dona iustitiæ. singulares quippe eorum
 mortes fuere, nec alterius quispiam debitum suo sine persoluit: quum vnus extiterit Domi-
 nus Christus, in quo omnes crucifixi, omnes mortui, sepulti, suscitati. Quam sententiā, vt
 erat memorabilis, alibi quoque repetiit. Nihil certè clarius ad confodiendum impium hoc
 dogma desiderari queat. Nec tamen minus appositè Augustinus in eandem sententiam,
 Etsi fratres (inquit) pro fratribus morimur, nullius tamē sanguis Martyris in peccatorum
 remissionem funditur: quod fecit Christus pro nobis: neque in hoc quod imitemur, sed
 quod gratularemur cõtulit nobis. Item alibi, Sicut solus Filius Dei factus est Filius homi-
 nis, vt nos secum filios Dei faceret: ita pro nobis solus suscepit sine malis meritis poenam,
 vt nos per ipsum sine bonis meritis consequeremur indebitam gratiam. Equidem quum
 tota eorum doctrina ex horrendis sacrilegiis & blasphemis consuta sit, hæc tamen præ a-
 liis prodigiosa est blasphemia. Agnoscat annon hæc sint sua placita, Martyres plus morte
 sua Deo præstitisse ac meritos esse quàm sibi opus esset: tantamque illis meritorum largi-
 tatem superfuisse quæ in alios redudaret. Ne igitur superuacuum sit tantum bonum, co-
 misceri eorum sanguinem sanguini Christi, & ex vtroque thesaurum Ecclesiæ confici, ad
 remissionem & satisfactionem peccatorum. Atque ita accipiendum quod ait Paulus, Sup-
 pleo in corpore meo ea quæ desunt passionum Christi pro corpore eius, quod est Ecclesia.
 Quid hoc est, nisi Christo nomen relinquere, ceterum vulgarem sanctulum facere, qui in
 turba vix dignoscatur? Vnum, vnum illum prædicari decebat, vnum proponi, vnum no-
 minari, vnum respici quum de obtinenda peccatorum remissione, expiatione, sanctifica-
 tione agitur. Sed audiamus eorum enthymemata. Ne sine fructu effusus sit sanguis Marty-
 rum, in commune Ecclesiæ bonum conferatur. Itane? an verò nullus erat fructus glorifi-
 care Deum per mortem? veritati eius suo sanguine subscribere? testificari præsentis vitæ cõ-
 tēptu, meliorē se vitam quærere? fidē Ecclesiæ sua cōstantia confirmare, hostium autē perti-
 naciā frangere? Sed hoc est scilicet, nullū fructū agnoscunt, si solus Christus est propitiator,
 si solus mortuus est propter peccata nostra, si solus est oblatas pro nostra redēptione. Nihi-
 lominus (inquiunt) coronā victoriæ adepti essent Petrus & Paulus si in lectulis defuncti ef-
 sent sua morte. Quòd autem ad sanguinem vsque certarunt, id sterile & infructuosum re-

Epist. 87.

Psal. 116. 19

Epist. 95.

Tract. in Io-
han. 84.Lib. ad Bon.
4. cap. 4.

Coloss. 1. d. 24

linquere, iustitiæ Dei non quadraret. Quasi verò pro donorum suorum mensura gloriam in seruis suis augere Deus non nouerit. Vtilitas autem satis magna in commune ab Ecclesia percipitur, vbi illorum triumphis accenditur ad pugnandi zelum.

- 4
Colos. 1. d. 24 Quam verò malitiosè Pauli locum detorquent, vbi dicit se supplere in corpore suo ea quæ deerant passionum Christi! Non enim defectum illum supplementum, ne illud ad redemptionis, satisfactionis, expiationis opus refert, sed ad eas afflictiones quibus Christi membra, nempe fideles omnes, exerceri oportet, quandiu in hac carne agent. Dicit ergo hoc restare passionum Christi, quod in seipso semel passus, quotidie in membris suis patitur. Eo nos honore dignatur Christus, vt nostras afflictiones suas reputet ac ducat. Quod autè addidit Paulus, pro Ecclesia: non intelligit pro redemptione, pro reconciliatione, pro satisfactione Ecclesiæ: sed pro ædificatione & profectu. Quemadmodum alibi ait, se sustinere omnia propter electos, vt salutem consequantur, quæ est in Christo Iesu. Et Corinthiis scribebat, pro eorum consolatione & salute se perferre quasunque tribulationes patiebatur. Et continuo ibidem seipsum explicat, quum addit se factum Ecclesiæ ministrum, non ad redemptionem, sed secundum dispensationem quæ illi commissa erat, ad prædicandum Christi Euangelium. Quod si alium quoque interpretè requirunt, audiant Augustinum. Passiones (inquit) Christi in solo Christo, vt in capite: in Christo & Ecclesia, vt in toto corpore. Vnde dicit membrum vnum Paulus, Suppleo in corpore meo quod deest passionibus Christi. Si ergo in membris Christi es, quisquis hæc audis, quicquid pateris ab iis qui non sunt Christi membra, deerat passionibus Christi. Passiones verò Apostolorum pro Ecclesia susceptæ quorsum tendant, alibi exponit, Christus mihi ianua est ad vos. quia oues Christi estis, sanguine eius comparatæ: agnoscite pretium vestrum, quod à me non datur, sed per me prædicatur. Deinde subnectit, Quo modo ipse animam suam posuit, sic & nos debemus animas pro fratribus ponere, ad ædificandam pacem, ad fidem asserendam. Hæc Augustinus. Absit autem vt deesse aliquid putauerit Paulus passionibus Christi quantum ad omnem iustitiæ, salutis ac vitæ plenitudinem attinet: aut addere aliquid voluerit, qui adeò luculenter & magnificè concionatur, exuberantiam gratiæ per Christum tanta largitate effusam, vt cuius vim peccati longè supergressa fuerit. Hac sola sancti omnes salui facti sunt, nō vitæ aut meritis suæ merito, quæadmodum Petrus disertè testatur: vt in Deum & Christum eius cōtūmeliosius fuerit qui vllius sancti dignitatē alibi quàm in sola Dei misericordia reposuerit. Sed quid hic diutius, perinde atq; in re adhuc obscura, moror, quū talia prodigia traducere, vincere sit?
- 5 Porro, vt tales abominations prætereamus, quis docuit Papam plumbo & membranæ gratiam Iesu Christi includere, quam Dominus verbo Euangelii dispensari voluit: Sane aut mēdax Dei Euangelium esse oportet, aut mendaces indulgentias. Nam Euangelio Christum, cum omni affluētia bonorum cælestium, cum omnibus suis meritis, cum sua iustitia, sapientia, gratia, nulla exceptione, nobis offerri testis est Paulus, quum dicit depositum esse apud ministros verbum reconciliationis, quo hac legationis forma fungantur, cū Christo per ipsos hortante, Obsecramus, reconciliamini Deo. Eum qui peccatum non nouerat, pro nobis peccatum fecit, vt iustitia Dei efficeremur in illo. Et quid valeat Christi καὶνωμία, quæ (eodem Apostolo teste) fruenda nobis in Euangelio offertur, norunt fideles. Contrā indulgentiæ demensum aliquod gratiæ ex armario Papæ reclusum, plumbo membranæ, loco etiam affigunt, à verbo Dei auellūt. Siquis autem originem requirat, hinc videtur hic abusus emanasse, quod quum iniungerentur olim seueriores satisfactiones pœnitentibus quàm vt ab omnibus ferri possent, qui pœnitentia sibi imposita grauari se ultra modum sentiebant, petebāt ab Ecclesia relaxationem. Remissio, quæ talibus fiebat, indulgentia vocabatur. Vbi autem satisfactiones ad Deum transtulerunt, ac cōpensationes esse dixerunt quibus se redimant homines à iudicio Dei, simul etiam indulgentias cōtraxerunt vt essent expiatoria remedia, quæ nos pœnis meritis liberent. Illas verò quas retulimus blasphemias, tanta impudentia confinxerunt, vt nullum prætextum habere queant.
- 6 Iam nec de suo Purgatorio molesti nobis sint: quod hac securi fractū, dirutum, & à fundamentis prorsus euersum est. Neque enim quibusdam assentior qui dissimulandum hac in parte censent, & mentionem Purgatorii omittendam, ex qua acres (vt aiunt) pugna oriuntur, minimum ædificationis referri potest. Equidē & ipse tales nugas negligendas cōfulerem, nisi seria ducerent. Sed quum ex multis blasphemias constructū sit Purgatorium, & nouis quotidie fulciatur, quum multas & graues offensiones suscitaret: profectò conuiendum non est. Illud fortè vtcunque ad tempus dissimulari poterat, quod sine Dei verbo curiosa audacique temeritate excogitatum erat: quod de ipso creditū erat nescio quibus reuelationibus Satanæ arte confictis: quod ad ipsius confirmationem aliquot Scripturæ lo-

ei in seire detorti erant. Quanquam non fert Dominus humanam audaciam sic in abditos iudiciorum suorum recessus perrumpere: & seuerè prohibuit, neglecta voce sua, sciscitari à mortuis veritatem: nec verbum suum tam irreligiosè contaminari permittit. Demus tamen, illa omnia tolerari aliquantisper potuisse vt res non magni momenti. at vbi peccatorum expiatio alibi quàm in Christi sanguine quæritur, vbi satisfactio aliò transfertur, periculo sissimum silentium. Clamandum ergo non modò vocis sed gutturis ac laterum contentione, Purgatorium exitiale Satanæ esse cõmentum, quod Christi crucem euacuat, quod contumeliam Dei misericordiæ non ferendam irrogat, quod fidem nostram labefacit & euertit. Quid enim illis est Purgatorium nisi quæ post mortem à defunctorum animis pendatur pro peccatis satisfactio: vt diruta satisfaciendi opinione, ipsum ab imis radicibus extemplo euertatur. Quòd si proxima disputatione plusquam perspicuum est, Christi sanguinem vnicam esse pro fidelium peccatis satisfactionem, expiationem, purgationem: quid superest nisi Purgatorium meram esse eamque horribilem in Christum blasphemiam? Prætereo sacrilegia quibus quotidie defenditur, offendicula quæ in religione parit, aliæque innumera, quæ ex tali impietatis fonte prodiiisse conspiciamus.

7 Quos tamen è Scriptura locos arripere falsò & perperam solent, illis è manibus excutere operæ pretium est. Quum Dominus (inquiunt) peccatū in Spiritum sanctum, neque in hoc neque in futuro seculo remittendum asseuerat, ex eo simul innuit, quorundam esse in futuro seculo peccatorum remissionem. Verum quis non videat, Dominum illic de peccati culpa loqui? Quòd si ita est, quid ad eorum Purgatorium, vtpote quorum illic pœna, ex eorum opinione, luitur, culpam in præsentī vita remissam esse non inficiatur? Ne tamen adhuc nobis obstrepant, planiorem habebunt solutionem. Quum Dominus spem omnem veniæ præcidere vellet tam flagitiosæ nequitiae, nō satis habuit dicere, nunquā remissum iri: sed quò magis amplificaret, pãrtitione vsus est, qua & iudicium cõplexus est quod sentit in hac vita vniuscuiusque conscientia, & postremum illud quod palam in resurrectione feretur. ac si diceret, Vos à malitiosa rebellione, non secus ac præsentissimo exitio, caute. Nam qui oblatam Spiritus lucem destinatò extinguere conatus fuerit, neque in hac vita, quæ peccatoribus ad conuersionem data est, veniam consequetur, neque vltimo die, quo per Angelos Dei agni ab hœdis segregabuntur, & regnum cæleste omnibus scandalis repurgabitur. Proferunt deinde illam ex Matthæo parabolam, Cõcordiam habe cum aduersario tuo: nequando te ille iudici tradat, iudex lictori, lictor carceri: vnde non ex eas donec persolueris vltimum quadrantem. Si iudex hoc loco Deum significat, litigator Diabolum, lictor Angelum, carcer Purgatorium, libenter dabo manus. Verum si nulli non constat, voluisse illic Christum ostendere quot periculis ac malis se obiciant qui summum ius obstinate pertentare malunt quàm ex æquo & bono agere, quò vehementius ad æquam concordiam suos exhortaretur: vbi, quæso, reperietur Purgatorium?

8 Petunt ex Pauli dicto argumentum, vbi cælestium, terrestrium & infernorum genua Christo flecti affirmat. Infernos enim non posse intelligi, qui æternæ damnationi addicti sunt, pro confesso assumunt. Proinde superest vt sint animæ in Purgatorio laborantes. Non pessimè ratiocinarentur si Apostolus verum pietatis cultum per geniculationem designaret: sed quum simpliciter doceat, delatam esse Christo dominationem qua subiugandæ sint vniuersæ creaturæ: quid obstat quominus per infernos, Diabolos intelligamus, qui sanè ad Domini tribunal sistuntur, iudicē suum agniti, cum terrore & trepidatione? Qualiter eandem prophetiam Paulus ipse alibi interpretatur, Omnes (inquit) sistemur ad tribunal Christi. Scriptum est enim, Viuo ego, mihi flectetur omne genu, &c. Atqui in eum modum interpretari non licet, quod in Apocalypsi habetur, Omnem creaturam, quæ in cælo, & quæ super terram, & quæ sub terra, & quæ in mari, & quæ in ipsis sunt, omnia audiui dicentia, Sedit in throno, & Agno, benedictio & honor & gloria & potestas in secula seculorum. Id quidem facillè concedo. sed quales hîc creaturas recenserī putant? Certo enim certius est, & ratione carentes & inanimatas comprehendī. Quo nō aliud affirmatur quàm singulas orbis partes, à summo cælorum vèrtice ad vsque terræ centrum, suo modo Creatoris gloriam enarrare. Quod ex Machabæorum historia proferunt, respõsione non dignabor, ne opus illud videar in sacrorum librorum catalogum referre. At Augustinus pro canonico recepit. Primū quàm certa fide? Scripturam (inquit) Machabæorum nō habent Iudæi sicut Legem, Prophetas, & Psalmos, quibus testimonium perhibet Dominus tanquam testibus suis, dicens, Oportebat impleri omnia quæ scripta sunt in Lege, & Psalmis, & Prophetis de me. Sed recepta est ab Ecclesia non inutiliter, si sobriè legatur vel audiat, &c. Hieronymus autem sine dubitatione, minimè valere eius auctoritatem ad asserenda dogmata

Deut. 18. c. 11

Matt. 11. c. 32
marc. 3. d. 28
luc. 12. b. 10

Matt. 5. d. 25

Philip. 1. b. 10

Rom. 14. b. 10

Apoca. 5. d. 13

1 Machab. 12.
g. 43Cõtra secūd.
Gauden. e-
pist. cap. 23
Luc. 24. f. 44

1. Mach. 15. g.
36.

docet. Et ex libello illo vetusto qui sub nomine Cypriani de expositione Symboli inscribitur, aperte constat locum nullum in veteri Ecclesia habuisse. Et quid frustra hîc contendere? Quasi author ipse non satis ostendat quantum sibi deferendum sit, quum veniam in fine precatur, siquid minus bene dixerit. Certè qui scripta sua indigere venia fatetur, Spiritus sancti oracula nõ esse clamat. Adde quòd non alio nomine laudatur Iudæ pietas, nisi quia spem firmam de vltima resurrectione habuerit, vbi oblationem misit pro mortuis Hierosolymam. Neque enim ad pretium redèptionis trahit scriptor historiæ quod ille egit: sed vt cõsortes æternæ vitæ essent cum reliquis fidelibus qui pro patria & religione occubuerant. Superstitione quidem & præpostero zelo non caruit hoc factum: sed plusquam fatui sunt qui sacrificium legale ad nos vsque trahunt: quando aduentu Christi scimus cessare quæ in vsu tunc fuerunt.

1. Cor. c. 12.

9 Verum habent inuictum cuneum in Paulo, qui non ita facile percelli queat. Siquis superædificat, inquit, super fundamentum hoc, aurum, argètum, lapides pretiosos, ligna, fœnum, stipulam: vniuscuiusque opus quale sit, dies Domini manifestabit: quòd in igne reuelabitur. & vniuscuiusque opus quale sit, ignis probabit. Si cuius opus arserit, detrimentum patitur. ipse autem saluus erit: sed quasi per ignem. Quis (inquiunt) ille ignis esse potest nisi purgatorius, per quem peccatorum sordes absterguntur, quo puri ingrediamur in regnum Dei? Atqui alium esse senserunt veterum plerique, nempe tribulationem seu crucem, per quam Dominus suos examinat, ne in carnis sordibus acquiescant: idque multo probabilius quàm purgatorium cõfingendo. Quanquam nec illis assentior: quia mihi videor certior rem multo & lucidior eius loci intelligètiã assequutus. Antequam tamen eam profero, velim mihi respondeant putèntne Apostolis ac Sanctis omnibus per hunc ignem purgatorium transeundum fuisse. Negabunt, scio. nimis enim absolum foret eos purgari oportuisse quorù merita vltra mensuram ad vniuersa Ecclesiæ membra redundare somniant. Verum Apostolus hoc affirmat. neque enim dicit, quorundam opus probatum iri, sed omnium. Neque hoc meum argumentum est, sed Augustini, qui sic interpretatione illam oppugnat. Et (quod magis absurdum est) non dicit transituros ob quælibet opera: sed si Ecclesiam summa fidelitate ædificarint, mercedem recepturos, vbi opus eorum igni fuerit examinatum. Principiò, videmus Apostolum metaphora vsu esse, quum doctrinas hominum capite excogitatas, lignum, fœnum, & stipulam vocauit. Ratio quoque metaphoræ prompta est: nempe quòd velut lignum, statim atque igni admotum fuerit, consumitur & deperditur, sic neque illæ perdurare poterunt, quum eas examinari contigerit. Porro eiusmodi examen à Spiritu Dei proficisci neminè latet. Quo igitur filum metaphoræ prosequeretur, ac partes iusta correlatione inter se aptaret, ignem appellauit examen Spiritus Sancti. Perinde enim atque aurum & argentum, quo propius ad ignem admoventur, eo certior probitatis puritatisque probationem referunt: ita Domini veritas, quo exactius spiritali examine expenditur, eo maiorem sumit authoritatis confirmatione. Quemadmodum fœnum, lignum, stipula, igni admota, corripiuntur in subitam consumptionem: ita hominum inuenta, Domini verbo non stabilita, Spiritus sancti examen ferre nequeunt, quin concidant protinus & dispereant. Denique si commentitiæ doctrinæ, ligno, fœno, stipulæ comparatur, quòd instar ligni, fœni, stipulæ comburantur ab igne, & corrumpantur in interitum, non autem conficiuntur aut profligantur nisi à Domini Spiritu: sequitur, Spiritum esse ignem illum à quo probabuntur. cuius probationem vocat Paulus diem Domini, vulgato Scripturæ vsu. Dies enim Domini esse dicitur quoties suam præsentiam hominibus aliquo modo manifestat. Tum verò potissimum facies eius lucet vbi veritas eius illucet. Iam euictum est, non alium esse ignem Paulo, quàm Spiritus sancti examen. Quomodo autem per ignem illum salui fiunt qui operis iacturam patiuntur? Id ipsum intelligere non erit difficile, si consideremus de quo genere hominũ loquatur. Siquidem eos Ecclesiæ architectos notat qui recto legitimo fundamento, disparè materiam superstruunt: hoc est, qui non desectètes à præcipuis & necessariis fidei capitibus, in minoribus nec ita periculosis hallucinantur, commenta sua Dei verbo admiscètes. Tales, inquam, operis iacturam facere oportet, abolitis eorum commentis: ipsi autem salui fiunt, sed quasi per ignem, hoc est, non quòd eorum ignorantia & hallucinatio coram Domino sit probabilis: sed quia Spiritus sancti gratia & virtute ab illa repurgantur. Proinde quicumque auream diuini verbi puritatem isto purgatorii stercore infecerunt, operis iacturam facere necesse est.

10

At vetustissima fuit Ecclesiæ obseruatio. Hanc obiectionem soluit Paulus, dum suam quoque ætatem in ea sententia comprehendit, vbi denuntiat, iacturam operis sui facere oportere omnes qui in Ecclesiæ structura aliquid fundamento minus consentaneum posue-

Chrysost. Aug.
gust. & alii.

Enchirid. ad
Laurent. 68.

runt. Quum ergo mihi obiiciunt aduersarii, ante mille & trecentos annos vsu receptū fuisse ut preces fierent pro defunctis, eos vicissim interrogo, quo Dei verbo, qua reuelatione, quo exemplo factū sit. Neque enim hīc Scripturæ testimonia desunt tātūm: sed quæcunque illic leguntur Sanctorum exempla, nihil tale ostendunt. De luctu & officio sepulturæ habentur illic multæ & interdum longæ narrationes: de precibus ne minimū quidē apicem videas. Atqui quo maioris momēti res est, eo magis debuerat cōmemorari. atque ipsi etiam veteres qui preces fundebāt pro mortuis, & mādato Dei, & legitimo exemplo hīc se destitui videbant. Cur ergo audebant? In eo dico aliquid humani passos esse: ideoque ad imitationē trahendū non esse contēdo quod fecerunt. Nam quum nihil operis debeant aggredi fideles, nisi certa cōscientia, ut Paulus præcipit, in oratione potissimum requiritur hæc certitudo. Credibile tamē est aliqua ratione ad id impulsos: nēpe solatium quærebāt quo subleuarent suum mœrorē: & inhumanū videbatur non edere corā Deo aliquod suæ erga mortuos dilectionis testimoniū. Ad hunc affectū quā sit propensū hominis ingeniū, omnes experiuntur. Fuit etiam instar facis recepta consuetudo, quæ ardorem multorū animis iniiceret. Scimus apud cunctas Gentes, & seculis omnibus iusta fuisse soluta mortuis, & lustratas quotannis fuisse eorum animas. Et si autem his præstigiis stultos mortales delusit Satan, fallēdi tamen occasionē ex recto principio sumpsit: mortem non esse interitum, sed transitum ex hac vita in alteram. Nec dubium est quin gentiles etiam ipsa superstitio cōuictos apud Dei tribunal teneat, quod futuræ vitæ, quā se credere profitebātur, curā negligērēt. Iam ne deteriores essēt profanis hominibus Christiani, puduit eos nullū mortuis officiū præstare, ac si penitus extincti forent. Hinc malè consultata sedulitas: quia si pigri essent in curādis funeribus, in epulis & oblationibus, putabant se magno probro expositum iri. Quod autem expēuerat æmulatione fluxerat, nouis subinde incrementis sic actū est, ut præcipua sãctitas Papatus sit mortuis laborātibz opē afferre. Verū aliud solatiū longe melius ac solidius soppeditat Scriptura, quum beatos mortuos testatur qui in Domino moriūtur. Et rationem addit: quia ex eo requiescunt à laboribus suis. Amori autē nostro non debemus eousque indulgere, ut peruersum orādi morē in Ecclesia erigamus. Certē quisquis mediocri prudētia pollet, facillē agnoscit, quicquid de hac re legitur apud veteres, publico mori & vulgi imperitiæ fuisse datum. Abrepti etiam ipsi, fateor, in errorem fuerunt: nempe ut inconsiderata credulitas priuare iudicio solet hominū mētes. Interea quā dubitāter preces pro mortuis cōmendent lectio ipsa demonstrat. Monicam matrem suam in libris confessionum Augustinus narrat vehementer rogasse ut sui memoria in peragendis mysteriis fieret ad altare. Anile scilicet votum quod filius non exegit ad normā Scripturæ: sed pro naturæ affectu probari aliis voluit. Liber autem De cura pro mortuis agenda, ab eo compositus tot hæsitaciones continet, ut suo frigore meritò debeat stulti zeli calorē extinguere, si quis mortuorum patronus esse appetat. frigidis certē verisimilitudinibus securos reddet qui prius erant solliciti. Hæc enim vna est fultura, quia inualuit consuetudo ut preces adhibeantur pro mortuis, non esse spernendum hoc officium. Cæterū ut concedam vetustis Ecclesiæ scriptoribus pium esse visum suffragari mortuis, regula quæ fallere nequit semper tenēda est, fas non esse in precibus nostris quicquā afferre propriū, sed vota nostra Dei verbo subiicienda esse: quia penes eius arbitrium est præscribere quid peti velit. Nunc quum tota Lex & Euangelium ne vna quidem syllaba libertatem suggerant orādi pro mortuis, profanatio inuocationis Dei est tentare plusquam nobis præcipiat. Verū ne glorientur aduersarii nostri quasi veterē Ecclesiam erroris sui sociā habeāt, dico esse longum discrimen. Agebant illi memoriā mortuorum, ne viderentur omnem de ipsis curam abieciisse: sed simul fatebantur se dubitare de ipsorum statu. de purgatorio certē adeò nihil asseriebāt, ut pro re incerta haberent. Isti quod de purgatorio somniarunt, pro fidei dogmate haberi sine quæstione postulant. Illi parcē & tantūm ut defungerentur, in communione sacræ Coenæ suos mortuos Deo cōmendabant. Hi mortuorum curā assiduē vrgent: & importuna prædicatione efficiunt ut omnibus charitatis officiis præferatur. Quinetiam nonnulla veterum testimonia proferre nobis haud difficile esset, quæ totas illas pro mortuis preces, quæ tunc vsitate erāt, manifestē euertunt. Quale est hoc Augustini: quum resurrectionem carnis & æternā gloriam expectari docet ab omnibus: requiem verò, quæ post mortem sequitur, tunc vnumquēque accipere, si dignus est, quum moritur. Itaque pios omnes non minus quā Prophetas & Apostolos & Martyres statim à morte, beata quiete frui testatur. Si talis est eorum conditio, quid illis, obsecro, conferēt nostræ preces: Crassiores illas superstitiones, quibus simplicium animos fascinarūt, omitto: quæ tamen sunt innumeræ, & pleræque adeò portētosæ, ut nullo honesto colore prætexere ipsas possint. Illas quoque turpissimas nūdinationes taceo, quas in tātō mūdi stupore

Rom. 14. 23.

Apoc 14. c. 13

Homil. in Io
han. 49.

sua libidine exercuerunt. Nam nec ullus futurus esset finis, & sine commemoratione satis habebunt hinc pii lectores unde conscientias suas stabiliant.

De vita hominis Christiani: ac primum, quibus argumentis ad eam nos hortetur Scriptura. CAP. VI.

C O P V M regenerationis esse diximus ut in vita fidelium appareat inter Dei iustitiam & eorum obsequium symmetria & cōsensus: atque ita adoptionē confirmet qua recepti sunt in filios. Et si autē nouitate illam qua imago Dei in nobis instauratur, lex ipsius in se continet, quia tamen tarditas nostra multis tā stimulis quā. n. adminiculis opus habet, proderit ex variis Scripturæ lo-

cis rationem vitæ formandæ colligere, ne in studio suo aberrant quibus resipiscentia cordi est. Porro dum vitam Christiani hominis formandam suscipio, argumentum me ingredi non ignoro varium & copiosum, & quod magnitudine sua longum volumē explere possit, si numeris suis omnibus ipsum absolvere libeat. Videmus enim in quantam prolixitate diffundantur veterum paræneses de singulis tantum virtutibus compositæ. Neque id loquacitate nimia, siquidem quamcunque virtutem commendare oratione propositum sit, vltro stylus in eam amplitudinem materiæ copia deducitur, ut rite differuisse non videaris nisi multa dixeris. Mihi verò animus non est, quam me traditurum nunc profiteor vitæ institutionem eousque extendere, ut & peculiariter singulas prosequatur virtutes, & in exhortationes expatietur. Ex aliorum scriptis, præsertim verò ex veterum homiliis, hæc petatur. Mihi abunde erit si methodū ostendero qua vir pius ad rectū constituendæ vitæ scopū deducatur ac regulā quandā vniuersalē breuiter finiero, ad quā officia sua nō malè exigat. Declamationibus suū aliquādo fortē tēpus erit: vel aliis partes quibus non adeo sum idoneus relinquā. Amo natura breuitatē & fortē, si copiosius loqui vellē, nō succederet. Quod si maximè plausibiles esset prolixior sed docēdi ratio experiri tamē vix liberet. præsentis autē operis ratio postulat ut simplicem doctrinam quanta licebit breuitate perstringamus. Quemadmodū autem certos recti & honesti fines habent philosophi, vnde particularia officia totūque virtutum chorum deducunt: ita nec ordine suo caret in hoc Scriptura: quin pulcherrimam œconomiam tenet, ac philosophicis omnibus multo certiores. Hoc tantum interest quod illi (ut erant ambitiosi homines) exquisitam dispositionis perspicuitatem, qua ingenii dexteritatem ostentarent, sedulo affectarunt: Spiritus verò Dei, quia sine affectatione docebat, non ita exactè nec perpetuò methodicam rationem obseruauit. quam tamen dum alicubi ponit, satis innuit non esse à nobis negligendam.

- 2 Porro duabus potissimum partibus incūbit hæc, de qua loquimur, Scripturæ institutio: Prior est, ut iustitiæ amor, ad quem alioqui natura minimè propensi sumus, animis nostris instilletur ac inferatur: altera, ut nobis norma præscripta sit, quæ nos in iustitiæ studio aberrare non sinat. Commendandæ autem iustitiæ rationes habet plurimas & optimas, ex quibus multas suprā diuersis locis notauimus, nonnullas adhuc breuiter hinc attingemus. A quo fundamento melius exordiat quàm dum admonet nos sanctificari oportere, quia Deus noster sanctus est: Siquidem quum instar dissectarum ouium dispersi essemus, ac per mundi labyrinthum dissipati, ipse nos recollegit, ut sibi aggregaret. Quum nostræ cum Deo coniunctionis mentionem audimus, meminerimus sanctitatem oportere eius esse copulam: non quia sanctitatis merito veniamus in eius communionem: (quum potius adhærere primò illi oporteat, ut eius sanctitate perfusi sequamur quò vocat) sed quoniam ad eius gloriam magnopere pertinet, non esse illi consortium cum iniquitate & immunditia. Quare & hunc vocationis nostræ finem esse docet in quem respicere semper conuenit, si vocanti Deo velimus respondere. Quorsum enim à mundi nequitia & pollutione, in quibus demersi eramus, nos erui attinebat, si nobis permittimus tota vita in illis volutari? Adhæc simul etiam admonet nos, ut in Domini populo censeamur, sanctam ciuitatem Ierusalem oportere inhabitare: quam ut ipse sibi consecrauit, ita incolarū impuritate nefas est profanari. vnde sunt eæ voces, Locum iis futurum in Dei tabernaculo qui incedunt sine macula, & iustitiæ student, &c. quia sanctuarium in quo habitat, minimè decet instar stabuli sordibus esse refertum.

Iesa. 35. c. 8, & alibi.

Psal. 134. 2, & 4.

- 3 Ac, quo melius nos expergeficiat, ostendit Deum Patrem, quemadmodum nos sibi in Christo suo conciliauit, ita in eo nobis imaginem signasse ad quam nos conformari velit. Age, præstantiorem œconomiam mihi apud philosophos reperiant qui apud eos solos rite atque ordine dispositā putant philosophiam moralem. Illi, dum ad virtutem egregiè volunt adhortari, nihil aliud afferunt quàm ut naturæ cōuenienter viuamus: Scriptura autē

Rom. 6. d. 13

à vero fonte deducit exhortationem, quum non modò vitam nostram ad Deum authorem cui obstricta est, referre præcipit: sed, postquam degenerasse nos docuit à vera creationis nostræ origine ac lege, subiungit, Christum, per quem in gratiam cum Deo rediimus, nobis propositum esse exemplar cuius formâ in vita nostra exprimamus. Quid hoc vno efficacius requiras? imò quid ultra hoc vnum requiras? Hæc enim conditione si adoptamur in filios à Domino, vt Christum, nostræ adoptionis vinculum, vita nostra repræsentet: nisi nos iustitiæ addicimus ac deuouemus, non modò à Creatore nostro deficimus pessima perfidia, sed ipsum quoque seruatorem eiuramus. Deinde ab omnibus Dei beneficiis quæ nobis commemorat, ac singulis salutis nostræ partibus sumit exhortandi materiam. Ex quo se nobis Patrem Deus exhibuit, extremæ ingratitude nos esse arguendos, nisi vicissim illi filios exhibeamus. Ex quo nos Christus sanguinis sui lauacro purificauit, atque hanc purgationem per baptismum communicauit, non decere vt nouis sordibus inquinemur. Ex quo nos suo corpori inseruit, sollicitè cauendum ne nobis, qui sumus eius membra, maculam aut labem vllam aspergamus. Ex quo ipse idem, qui caput est nostrum, in cælum ascendit, conuenire vt deposito terræ affectu, illuc toto pectore aspiremus. Ex quo nos Spiritus sanctus templa Deo dedicauit, dandam operam vt Dei gloria per nos illustretur: nec verò esse committendum vt peccati spurcitia profanemur. Ex quo & anima nostra & corpus celesti incorruptioni & immarcescibili coronæ destinata sunt, strenuè enitendum esse vt pura & incorrupta in diem Domini conferuentur. Hæc, inquam, auspiciatissima sunt bene constituendæ vitæ fundamenta, quibus nequaquam similia deprehendas apud philosophos: qui in commendatione virtutis, nunquam supra hominis naturalem dignitatem conscendunt.

Malach. 1. b. 6
Ephe. 5. a. 1.
1. Iohan. 3. a. 1.
Ephe. 5. f. 26.
Hebr. 10. b. 10
1. Cor. 6. b. 11.
1. Pet. 1. c. 15, &
d. 19.
1. Cor. 6. c. 15.
Iohan. 15. a. 3
Ephe. 5. e. 23
Coloss. 3. a. 1
1. Cor. 3. c. 16,
& 6. d. 19.
2. Cor. 6. d. 16.
1. Thess. 5. d. 13

4 Atque hic locus est cōpellandi eos qui nihil habentes Christi præter titulum ac symbolum, Christiani tamen nominari volunt. Qua tandem fronte sacro eius nomine gloriantur? Siquidem nihil est commercii cum Christo nisi his qui rectam eius cognitionem ex verbo Euangelii perceperunt. Atqui eos omnes Christum rectè didicisse negat Apostolus, qui non edocti sunt, abiecto veteri homine, qui corrumpitur secundum desideria erroris, ipsum esse induendum. Falsò igitur atque etiam iniuria Christi cognitionem obtendere arguuntur, quamlibet disertè interim ac volubiliter de Euangelio garriant. Non enim linguæ est doctrina, sed vitæ: nec intellectu memoriæque duntaxat apprehenditur, vt reliquæ disciplinæ, sed tum recipitur demum vbi animam totam possidet, sedemque & receptaculum inuenit in intimo cordis affectu. Aut ergo desinant cum Dei contumelia iactare id quod non sunt, aut se non indignos Christo magistro discipulos præstent. Doctrinæ, qua religio nostra continetur, priores dedimus partes: quandoquidem ab ea salus nostra inchoatur. verum ea in pectus transfundatur atque in mores transeat oportet, adeoque nos in se transformet vt sit nobis non infructuosa. Si iure in eos philosophi excandescunt, eosque probrosè à grege suo abigunt, qui quum artem profiteantur quæ magistra vitæ esse debeat, eam in sophisticam loquacitatem conuertunt: quanto meliori ratione nugacès istos sophistas detestabimur, qui Euangelium in summis labris volutare contenti sunt, cuius efficacia centuplo magis quàm frigida philosophorum paræneses, in affectus cordis intimos penetrare, animæ insidere, ac totum hominem afficere debuerat?

Ephe. 4. c. 12

5 Neque requiro vt nihil quàm absolutum Euangelium Christiani hominis mores spirent. quod tamen ipsum & optandum est & conari necesse est. Sed non ita seuerè requiro Evangelicam perfectionem, vt non sim pro Christiano agniturus qui nondum ad eam pertigerit. sic enim ab Ecclesia excluderentur omnes: quando nemo reperitur qui non sit longo adhuc interuallo diffusus: multi verò parum adhuc progressi sunt, qui tamen immeritò abiicerentur. Quid ergo? scopus ille ante oculos præfigatur, ad quem solum dirigatur studium nostrum. Præstituatur meta illa, ad quam & enitamur & contendamus. Non enim ita partiri cum Deo fas est vt ex iis quæ tibi eius verbo præscribuntur partem suscipias, partem arbitrio tuo prætereas. Primo enim loco integritatem, tanquam præcipuam cultus sui partem, vbique cōmendat. quo nomine syncerâ animi simplicitatē intelligit, quæ fuco & fictione careat: cui cor duplex opponitur. ac si diceretur spirituale esse rectè viuendi principium, vbi interior animi affectus sine fictione ad sanctitatē & iustitiâ colendâ Deo addicitur. Sed quoniam nemini tantum suppetit in terreno hoc corporis carcere roboris, vt iusta cursus alacritate festinet, maiore verò numerū tanta premit debilitas vt vacillando & claudicando, humi etiam reptando modicè promoueât, eamus quisque pro facultatula suæ modo, & in cœptū iter prosequamur. Nemo tam infelicitè incedet, quin aliquantū saltē viæ quotidie emetiat. Hoc ergo agere nō desinamus, vt aliquid assidue in via Domini proficiamus: neque

successus tenuitatē desperemus. vtcunque enim successus voto nō respōdeat, non tamē per-
dita est opera vbi hodiernus dies hesternū vincit: syncera modō simplicitate in scopū nostrū
respiciamus, & ad metā aspiremus, non assentatoriē blādientes nobis ipsis, nec malis nostris
indulgētes, sed perpetuo conatu in hoc incumbētes vt meliores nobis ipsis euadamus, donec
ad ipsam peruentū fuerit bonitatē: quā quidē toto vitæ spatio quærimus ac sequimur, tū ap-
prehendemus quum nos carnis infirmitate exuti, in plenū eius consortiū recepti fuerimus.

Summa vitæ Christianæ; vbi de abnegatione nostri.

C A P. VII.



H T S I optimam & aptissimē dispositam constituendæ vitæ methodum habet
lex Domini, visum tamen est cælesti magistro, accuratiore etiamnum ratione
ad ipsam quam in Lege præscripserat regulam suos formare. Atque huius qui-
dem rationis principium hoc est: quod fidelium officium est, præbere Deo sua
corpora hostiam viuentem, sanctam, & illi acceptam: atque in eo situm esse le-
gitimum eius cultum. Vnde exhortandi argumentum ducitur, ne se accommodent ad figu-
ram seculi huius, sed transformentur renouatione mentis suæ, vt probent quæ sit voluntas
Dei. Iam hoc magnū est, nos esse Deo consecratos, ac dedicatos: nequid posthac cogitemus,
loquamur, meditemur, agamus, nisi in eius gloriam. Sacrum enim non sine insigni in eum
iniuria ad profanos vsus applicatur. Quod si nostri nō sumus, sed Domini: & quis error sit
fugiendus, & quorsū dirigendæ sint vitæ nostræ actiones vniuersæ, apparet. Nostri non su-
mus: ergo ne vel ratio nostra, vel voluntas in consiliis nostris factisque dominetur. No-
stri non sumus: ergo ne statuamus nobis hunc finem, vt quæramus quod nobis secundum
carnem expediat. Nostri non sumus: ergo quoad licet obliuiscamur nosmetipsos, ac nostra
omnia. Rursum, Dei sumus: illi ergo viuamus ac moriamur. Dei sumus: cunctis ergo no-
stris actionibus præsideat sapientia eius & voluntas. Dei sumus ad illum igitur, tanquam so-
lum legitimum finem, contendant omnes vitæ nostræ partes. O quantum ille profecit qui
se non suum esse edoctus, dominium regimēque sui propriæ rationi abrogauit, vt Deo as-
ferat! Nam vt hæc ad perdendos homines efficacissima est pestis, vbi sibi ipsis obtemperant,
ita vnicus est salutis portus, nihil nec sapere, nec velle per seipsum, sed Dominum præeuntē
dūtaxat sequi. Sit hic itaque primus gradus, hominē à seipso discedere, quo totam ingenii
vim applicet ad Domini obsequiū. Obsequiū dico nō modō quod in verbi obediētia iacet,
sed quo mens hominis, proprio carnis sensu vacua, se ad Spiritus Dei nutū tota conuer-
tit. Hanc transformationem (quam renouationem mentis Paulus appellat) quum primus sit
ad vitam ingressus, philosophi omnes ignorarunt. Solam enim rationem homini mo-
deratricem præficiunt, hanc solam putant audiendam, huic denique vni morum im-
perium deferunt ac permittunt. at Christiana philosophia illam loco cedere, Spiritui san-
cto subiaci ac subiugari iubet: vt homo iam non ipse viuatur, sed Christum in se ferat viuē-
tem ac regnantem.

- 2 Inde consequitur & illud alterum, Vt ne quæramus quæ nostra sunt, sed quæ & ex Domi-
ni sint voluntate, & faciant ad gloriam eius promouendam. Magni & hoc profectus, vt no-
stri penē obliti, certē ratione nostri posthabita, Deo eiusque mandatis fideliter studium no-
strum impedere conemur. Quum enim nos priuatam nostri rationem omittere iubet Scri-
ptura, non modō habendi cupiditatem, potentiæ affectationem, hominum gratiam ex ani-
mis nostris eradit: sed ambitionem quoque & omnem gloriæ humanæ appetitum, aliāsque
secretiores pestes eradicat. Ita sanē cōpositum & comparatū esse conuenit hominē Christia-
num, vt sibi in tota vita negotiū cū Deo esse reputet. Hac ratione, vt omnia sua ad arbitriū
calculūque eius reuocabit, ita totā mentis intentionē religiosē ad eum referet. Nam qui
Deum in omni re agenda intueri didicit, simul ab omni vana cogitatione auertitur. Hæc
illa est nostri abnegatio, quā discipulis suis à primo tyrocinio mādāt tāta diligentia Chri-
stus: quæ vbi semel in animo obtinuit, primū neque superbix, neque fastui, neque ostētatio-
ni, deinde neque avaritiæ, neque libidini, neque luxuriæ, neque mollitiæ, neque aliis quæ
ex amore nostri generantur, malis locū vllum relinquit. Contrā vbi cūque non regnat, illic
vel spurcissima vitia sine pudore peruagātur: vel si qua est virtutis species, praua gloriæ cu-
pidine viciatur. Ostende enim hominem, si potes, qui nisi sibi, iuxta Domini mandatum,
renuntiari, gratis exercere bonitatem inter homines velit. Nam quicumque non fue-
runt hoc sensu occupati, laudis saltem gratia virtutem sequuti sunt. Qui autem vnquam
ex philosophis virtutem propter se expetendam maximē contenderunt, tanta arrogan-
tia inflati fuerunt, vt appareat non ob aliud virtutem expetiisse, nisi vt superbiendi ha-
berent materiam. Atqui adeo non oblectatur Deus neque illis popularis auræ captatori-
bus, nec turgidis illis pectoribus, vt pronuntiet illos in mundo suam recepisse mer-

Rom. 12. a. 1.

Rom. 14. b. 2

Ephes. 4. f. 13

Galat. 2. d. 20.

cedem, his propiores regno cælorum faciat meretrices & publicanos. Necdum tamen ad liquidum exposuimus quot & quantis obstaculis impediatur homo à recti studio quandiu seipsum nō abnegauerit. Verè enim dictum est olim, Mundum vitiorum esse reconditum in hominis anima. Nec aliud remediū inuenias, quàm si te abnegato, ac præterita tui ratione, mentem ad ea quærenda totam intendas quæ abs te Dominus requirit, & ideo tantū quærenda quia illi placent.

3 Alibi distinctius idē Paulus singulas vitæ bene compositæ partes, quanuis breuiter, ex- Tit. 2. c. 11. quitur. Illuxit gratia Dei salutifera omnibus hominibus, erudiens nos ut ablegata impie- te & mundanis concupiscentiis, sobriè & iustè & piè viuamus in præsentī seculo, expectantes beatam spem, & manifestationē gloriæ magni Dei, & seruatoris nostri Iesu Christi: qui de- dit se pro nobis, ut redimeret nos ab omni iniquitate, et purificaret sibi populum peculiare, studiosum bonorum operum. Postquam enim ad nos animandos gratiam Dei proposuit, ut nobis ad Deum verè colendum viam sternat, duo tollit obstacula quæ maximè impediūt, impietatem scilicet, ad quā natura sumus nimium procliuēs, deinde mundanas cupidita- tes quæ se longius extendunt. Ac sub impietate quidem non modò superstitiones notat, sed comprehendit etiam quicquid pugnat cum serio timore Dei. Mundanæ autem cupiditates tantundem valent atque carnis affectus. Ita quo ad utranque Legis tabulam iubet nos pro- priū ingeniū exuere, & abnegare quicquid ratio & volūtas dicat. Iam omnes vitæ actiones ad tria mēbra restringit, sobrietatē, iustitiā, & pietatē. ex, quibus sobrietas haud dubiè tam castitatē & tēperantiā quàm purū & frugalē temporaliū bonorū vsum, & inopiæ tolerantiam denotat. Iustitia autem omnia æquitatis officia complectitur, ut reddatur vnicuique quod suum est. Sequitur pietas, quæ nos à mundi inquinamentis segregatos vera sanctitate cum Deo coniungit. Hæc ubi insolubili vinculo inter se connexa sunt, solidam efficiunt perfe- ctionem. Verū quia nihil magis difficile est, quàm ratione carnis valere iussa, & domitis cupiditatibus, imò abnegatis, Deo & fratribus nos addicere, & Angelicam vitam in terræ sordibus meditari: Paulus, ut animos nostros ab omnibus laqueis extricet, reuocat nos ad spē beatæ immortalitatis: nō frustra nos certare admonens: quia ut semel apparuit Christus redemptor, ita vltimo suo aduentu fructum salutis à se partē ostendet. Atque hoc modo il- lecebras omnes discutit quæ nos obnubilant, ne aspiremus, ut decet, ad cælestem glo- riam: imò docet peregrinandum esse in mundo, ne pereat vel excidat nobis cælestis hæ- reditas.

4 Porro in his verbis perspicimus abnegationem nostri partim quidem in homines respi- cere, partim verò (idque præcipuè) in Deum. Quum enim sic nos cum hominibus gerere iu- bet Scriptura ut illos honore nobis anteferamus, ut procurandis eorum commodis totos Rom. 12. c. 10. nos bona fide impendamus: ea dat mandata quorum minimè capax est animus noster, nisi Phil. 3. c. 13. antè naturali sensu euacuatus. Nam (qua cæcitate omnes in amorē nostri ruimus) sibi quisque iustam causam habere videtur se efferendi, alios autem præ se omnes contemnendi. Si- quid in nos contulit Deus non pœnitendum, eo freti, statim animos tollimus: nec tantū intumescimus, sed penè rumpimur superbia. Vitia, quibus abundamus, & occultamus sedulo apud alios, & nobis ipsis leuia minutaque esse fingimus, blandiendo, imò interdum pro virtutibus osculamur. Eadem, quas in nobis admiramur, dotes si in aliis apparent, vel etiam superiores, ne cogamur illis cedere, nostra malignitate deterimus ac carpimus: si- qua sunt vitia, seuera acrique animaduersione ea obseruare non contenti, odiose amplifica- mus. Hinc illa insolentia, ut quisque nostrū, ceu communi lege exemptus, supra reli- quos velit eminere: neminem verò mortalium non securè & ferociter contemnat, vel cer- tē tanquam inferiorem despiciat. Cedunt diuitibus pauperes, plebei nobiles, serui dominis, literatis indocti: sed nemo est qui non aliquam præstantiæ opinionem intus a- lat. Ita singuli sibi adulando regnum quoddam gerunt in pectore. sibi enim arrogantes quo sibi placeant, de aliorum ingeniis & moribus censuram agunt: si verò ad conten- tionem ventum fuerit, illic erumpit venenum. Nam multi sanè nonnullam mansuetudi- nem præ se ferunt quandiu blanda omnia & amabilia experiuntur: at verò qui eundem seruet modestiæ tenorem ubi pungitur & irritatur, quotus quisque est? Nec aliud remedium est quàm ut reuellatur ex imis visceribus hæc noxiosissima τῆς φιλονεικίας καὶ φιλαυτίας pestis: quæ admodum etiam Scripturæ doctrina reuellitur. Sic enim instituimur, ut quas Deus no- bis largitus est dotes, meminerimus non nostra esse bona, sed gratuita Dei dona: qui bus siqui superbiant, ingratitude suam produnt. Quis te præstantiorem reddit? in- quit Paulus. quod si acceperis omnia, quid gloriaris ac si tibi data non essent? Deinde assi- dua vitiōrum nostrorum recognitione ad humilitatem nos reuocemus. Ita nihil in nobis re- q. iiii.

1. Cor. 4. b. 7

stabit quo turgeamus: multa verò erit deiectionis materia. Rursum iubemur, quæcunque in aliis respicimus Dei dona, sic reuereri ac suspicere ut eos quoque honoremus penes quos resident. Nam, quo ipsos honore dignatus est Dominus, magnæ improbitatis foret eum illis adimere. Ad vitia autem docemur conuiuere, non equidè ut adulando foueamus, sed ne illorum causa insultemus iis quos beneuolentia & honore fouere conuenit. Ita fiet ut cum quocunque mortalium negotium nobis sit, non tantum moderatè nos & modestè, sed comiter & amicè etiam geramus. Quemadmodum ad veram mansuetudinem nunquam alia via peruenies quàm si & tui deiectione, & alterius reuerentia imbutum pectus habueris.

5 Iam in quærenda proximi utilitate officium præstare, quantum habet difficultatis? Nisi à tui consideratione discedas, & te quodammodo exuas, nihil hîc efficies. Quomodo enim opera exhibeas quæ charitatis esse Paulus docet, nisi tibi renuntiaueris, ut aliis totum te ad dicas? Charitas (inquit) patiens est, benigna, non procax, non fastidiosa, non inuidet, non inflatur, non quærit quæ sua sunt, non irritatur, &c. Hoc vnum si exigatur, ne quæramus quæ nostra sunt, non tamè minima vis erit afferenda naturæ: quæ sic in solam nostri dilectionem nos inclinat, ut non tam facilè patiatur nos ac nostra negligenter transire, quo alienis commodis inuigilemus: imò iure nostro sponte cedere, quod alteri resignemus. At Scriptura, ut eò nos manu ducat, præmonet, quicquid à Domino gratiarum obtinemus, esse nobis hac lege concreditum ut in commune Ecclesiæ bonum conferatur. ideoque legitimum gratiarum omnium vsum esse, liberalem ac benignam cum aliis communicationem. Nulla nec certior regula, nec validior ad eam tenendam exhortatio excogitari poterat, quàm vbi docemur, omnes quibus pollemus dotes, Dei esse deposita, ea lege fidei nostræ cõmissa ut in proximorum bonum dispensentur. Sed vltèrius etiamnum pergit Scriptura, dum illas facultatibus comparat quibus prædita sunt humani corporis mēbra. Nullū membrū suā facultatem sibi habet, nec in priuatū vsum applicat: sed ad socia membra trāsfundit: nec vllā inde utilitatē capit nisi quæ ex communi corporis totius commoditate procedit. Sic pius vir quicquid potest, fratribus debet posse: sibi non aliter priuatim consulendo quàm ut ad communem Ecclesiæ ædificationem intentus sit animus. Hæc itaque sit nobis ad benignitatem beneficentiā que methodus: quicquid in nos Deus cõtulit quo proximū queamus adiuvare, eius nos esse œconomos, qui ad reddendam dispensationis rationem astringimur. Eam porrò demum rectam esse dispensationem, quæ ad dilectionis exigatur regulam. Ita fiet ut non modò alieni commodi studium cum propriæ utilitatis cura semper coniungamus, sed hanc illi subiiciamus. Ac ne fortè nos lateat, eam esse legem ritè administrandi quæcunque à Deo dona suscipimus, in minimis quoque benignitatis suæ muneribus eam olim posuit. Primitias enim frugum offerri sibi mandavit, quibus testaretur populus nefas sibi esse aliquem percipere fructum ex bonis non illi antè consecratis. Quòd si ita demum sanctificentur nobis Dei dona postquam ipsi auctori manu nostra ea dedicauimus: impurū esse abusum cõstat qui non eiusmodi dedicationē redoleat. Atqui Dominū frustra rerum tuarum communicatione locupletare cõtendas. ad eum igitur quū peruenire benignitas nequeat tua (ut Propheta inquit) ea tibi erga sanctos eius qui in terra sunt exercenda est. ideoque sacris oblationibus cõparantur eleemosynæ, ut legalibus illis nūc respõdeant.

6 Porrò ne benefaciendo fatiscamus (quod protinus fieri alioqui necesse foret) accedere oportet alterum illud quod ponit Apostolus, Patientem esse charitatem, nec irritari. Omnibus in vniuersum benefacere Dominus præcipit, quorum magna pars indignissimi sunt, si proprio merito æstimètur: sed hîc optima ratione subuenit Scriptura, quum docet non esse respiciendum quid ex seipsis mereantur homines, sed imaginem Dei in cunctis considerandam, cui nihil non & honoris & dilectionis debeamus. In domesticis autem fidei illam eandem diligentius obseruādam, quatenus per Christi Spiritum renouata est & instaurata. Ergo quisquis hominum tibi nunc offeratur qui officio tuo indigeat, causam nō habes cur illi te impendere detrectes. Dic extraneum esse. at Dominus notam illi impressit quæ familiaris esse tibi debet: qua ratione vetat carnem tuam despicere. Dic contemptibilem ac nihili. at eum Dominus esse demonstrat, quem imaginis suæ decore dignatus sit. Dic nullis eius officiis te esse obæratum. at eum velut in vicem suam substituit Deus, erga quem tot actanta recognoscas beneficia quibus te sibi deuinxit. Dic indignum esse cuius causa vel minimum labores. at digna est imago Dei, qua tibi commendatur, cui te & omnia tua exhibeas. Quòd si non modò nihil boni promeritus est, sed iniuriis quoque ac maleficiis te prouocauit, ne hæc quidem iusta causa est cur illum & dilectione complecti & dilectionis officiis prosequi desinas. Longè aliter (inquies) de me promeritus est. At quid meritus est Dominus? qui dum illi iubet remitti quicquid in te peccauit, sibi certè vult imputari. Hac

1. Cor. 13. b. 4

Exod. 12. d. 19,
& 23. d. 19.Psal. 16. 2. 3
Hebr. 13. c. 16
1. Cor. 13. a. 4

Galat. 6. c. 10

Iesa. 58. b. 7

Matt. 6. b. 14,
& 18. d. 35.
Luc. 17. a. 3

profectò vna via peruenitur ad id quod humanæ naturæ prorsus aduersum est, nedum difficile: vt diligamus eos qui nos odio habent, beneficiis mala pensamus, probis benedictiones referamus: si meminerimus non hominum malitiam reputandam esse, sed inspiciendam in illis Dei imaginem: quæ inductis ac oblitteratis eorum delictis, ad eos amandos amplexandósque sua pulchritudine ac dignitate nos alliciat.

Matt. 5. 8. 44

7 Hæc ergo mortificatio tum demum habebit in nobis locum, si charitatis numeros impleamus. Ille autem implet non qui omnibus charitatis officiis solummodo defungitur, etiam si nullum prætermittat: sed qui ex sincero amoris affectu id facit. Potest enim accidere vt quis exoluat quidem ad plenum omnibus quod debet, quantum attinet ad externa officia: interim tamen longè absit à vera exoluendi ratione. Quosdam enim videas qui valde liberales videri volunt, qui tamen nihil largiuntur quod non superbia vultus aut etiam verborum insolentia exprobrent. Atque huc calamitatis hoc infœlici seculo deuentum est, vt nullæ propè eleemosynæ, saltem à maxima parte hominum, sine contumelia porrigantur. Quæ prauitas ne inter ethnicos quidè tolerabilis esse debuerat. nam à Christianis plus aliquid etiamnum requiritur quàm vt hilaritatem in vultu præ se ferant, & verborum comitate amabilia reddant sua officia. Primum, eius quem ope sua indigere conspiciunt personam suscipiant oportet, ac fortunæ perinde misereantur ac si eam sentirent ipsi ac sustinerent: vt misericordiæ atque humanitatis sensu ad ferendas illi suppetias non aliter quàm sibi, ferantur. Qui sic animatus ad operam fratribus suis dandam accedet, non modò nulla vel arrogantia vel exprobratione officia sua contaminabit: sed nec fratrem, cui benefacit, vel tanquam opis egenum despiciet, vel tanquam sibi obligatum subiugabit. non magis scilicet quàm vel ægro membro insultamus, cui refocillando reliquū corpus laborat: vel reliquis membris putamus specialiter obligatum, quia plus operæ ad se traxerit quàm rependerit. Siquidem officiorum inter membra communicatio nihil gratuitum habere creditur, sed potius solutio esse eius quod naturæ lege debitū negare prodigiosum esset. Hac quoque ratione fiet vt ne liberatum se putet qui vno genere officii defunctus fuerit: quemadmodum vulgo fieri solet vt diues, postquam aliquid de suo erogauit, alia onera, tanquam nihil ad se pertinentia, aliis deleget. Sed ita potius secum quisque cogitabit, se, quantus quantus est, proximis debitorē sui esse: nec aliū exercēdæ erga ipsos beneficentiæ statuendum esse finem nisi quum facultates deficiunt: quæ, quàm latè extenduntur, ad charitatis regulam limitari debent.

8 Præcipuam abnegationis nostri partem, quam diximus in Deum spectare, iterum plenius exequamur. ac multa quidem de ea iam dicta sunt, quæ repetere superuacuum foret. sufficiet tractare quatenus ad æquanimitem tolerantiámque nos format. Principiò igitur in quærenda vitæ præsentis vel commoditate vel tranquillitate, huc nos Scriptura vocat, vt Domini arbitrio nos nostræque omnia resignantes, domandos ac subiugandos cordis nostri affectus illi tradamus. Ad opes honorésque expetendos, ad ambiendam potentiam, ad cumulādas diuitias, ad eas omnes ineptias, quæ ad magnificentiam pompamque facere videntur, congerendas, furiosa est nostra libido, infinita cupiditas. Rursum paupertatis, ignobilitatis, humilitatis mirus timor, mirum odium: quibus ad illa modis omnibus amolienda stimulamur. Hinc videre est quàm irrequieto sint ingenio, quot tentent artes, quibus studiis se fatigent quicunque vitam proprio consilio componūt: quo scilicet adipiscantur quæ vel ambitionis vel auaritiæ fert affectus. rursum quo pauperiem humilitatēque defugiant. Pius ergo hominibus, ne talibus laqueis implicentur, hæc tenenda est via. Principiò non aliunde prosperandi rationem vel appetant, vel sperent, vel cogitent quàm ex Domini benedictione: ideòque in eam se turò ac confidenter reiciant ac reclinēt. Nam vtunque sibi pulchrè sufficere videatur caro, dum vel propria industria ad honores opésque contendit, vel studio enititur, vel adiuuatur hominum gratia: certum est tamen omnia hæc nihil esse, neque aliquid vel ingenio vel labore nos profecturos, nisi quatenus vtrunque Dominus prosperabit. At è conuerso sola ipsius benedictio etiā per omnia impedimenta viam reperit, vt nobis in lætum faustumque exitum succedere omnia faciat: deinde vt maximè sine ipsa possimus aliquid gloriæ atque opulentiae nobis comparare: (quemadmodum videmus quotidie impios magnis & honoribus & opibus cumulari) quando tamen ne minimam quidem fœlicitatis particulam degustant quibus incumbit Dei maledictio, sine ipsa nihil nisi quod malè nobis vertat consequemur. Porro nequaquam appetendum quod homines magis miseros facit.

9 Ergo si omnē prosperi successus atq; optabilis ratiōnē in sola Dei benedictione credimus esse positam, qua absente miseriæ nos omne genus & calamitatis maneat: restat etiam vt ne

propria vel ingenii dexteritate vel sedulitate freti, ne hominū fauore subnixi, vel inani fortunæ imaginatione confisi, ad opes honorésque cupidè contēdamus: sed in Dominum semper respiciamus, vt eius auspiciis ad quancunque ille prouiderit sortem deducamur. Itaprimū fiet vt non per nefas, & dolis ac malis artibus, vel rapacitate, cum proximorum iniuria ruamus ad captandas opes, ad honores inuadendos: sed eas tantū fortunas sequamur quæ nos ab innocentia non abducant. Quis enim speret diuinæ benedictionis, inter fraudes rapinas, aliásque nequitix artes, auxilium? Nam vt illa nisi purè cogitantem ac rectè agentem non sequitur: ita eos omnes à quibus expetitur ab obliqua cogitatione prauis que facinoribus reuocat. Deinde iniectum erit nobis frænum, ne immodica ditescendi cupiditate ardeamus, nèue honoribus ambitiosè inhiemus. Qua enim fronte quis à Deo se adiutum iri confidat, ad ea consequenda quæ contra eius verbum desiderat? Absit enim vt quod ore suo Deus maledicit, benedictionis suæ adiutorio prosequatur. Postremò, si pro voto ac spe non succedat, cohibebimur tamen ab impatientia, & qualiscunque nostræ conditionis detestatione: quòd sciemus id esse murmurare aduersus Deum, cuius arbitrio diuitiæ & paupertas, contemptus & honores dispensantur. In summa, qui se eo quo dictum est modo in Dei benedictionem reclinarit, nec ea quæ furiosè expeti ab hominibus solēt, malis artibus aucupabitur, quibus se nihil profecturum cogitabit: nec, si quid prospere acciderit, sibi imputabit, ac suæ vel sedulitati, vel industriæ, vel fortunæ: sed Deo auctori acceptum feret. Quòd si florentibus aliorum rebus, ipse parum promoueat, imò etiam retro delabatur: maiori tamen æquitate ac moderatione animi suam tenuitatem feret quàm profanus quispiam mediocre successum, qui voto duntaxat non respondeat: habens scilicet solatium, in quo tranquillius acquiescat quàm in summo vel opulentix vel potentix fastigio: quia vt salutis suæ conducit, ita res suas ordinari à Domino reputat. Sic Dauidem fuisse affectū videmus, qui dum sequitur Deum, seque ei regēdum tradit, similem se testatur puero ab lactato, neque ambulare in rebus altis vel mirabilibus supra se.

Plas. 13. a. r.

- 10 Neque in hac tantum parte constare piis animis debet illa tranquillitas & tolerātia: verū ad omnes etiam casus, quibus obnoxia est præsens vita, extendatur necesse est. Ergo nemo se rixè abnegauit, nisi qui se totū ita resignauit Domino vt omnes vitæ suæ partes eius arbitrio gubernari ferat. Qui verò sic animo compositus erit, quicquid accidat, nec miserum se reputabit, nec de sua sorte cum Dei inuidia conqueretur. Quàm verò necessaria sit hæc affectio, inde patebit, si consideres quot accidentibus subiecti simus. Alii atque alii morbi nos identidem infestant: nunc sæuit pestilentia, nunc belli calamitatibus crudeliter vexamur: nunc gelu aut grādo, spe anni deuorata, sterilitatem inducit, quæ nos ad penuriam redigat: vxor, parentes, liberi, propinqui morte abripiuntur: incendio absumitur domus: hæc sunt quorum euentu, vitæ suæ maledicunt homines, suum natalem detestantur, cælum & lucem execrationi habent, obloquuntur Deo: & (vt sunt facundi ad blasphemias) iniquitatis eum & sæuitiæ accusant. Fidelem verò in his quoque oportet Dei clemētiam & verè paternam indulgentiam intueri. Proinde, siue suas ædes, sublati propinquis, insolitudinem redactas videat, ne sic quidem desinet benedicere Domino: quin potius ad hanc cogitationē se conuertet, Gratia tamen Domini, quæ domum meam inhabitat, eam desolatam non relinquet. Siue adustis pruina segetibus, aut gelu consumptis, aut grandine proculcatis, imminere famem videat: non tamen despondebit animum, nec Deo inuidiam faciet: sed in hac fiducia permanebit, Nos tamen in tutela Domini sumus, & oues in pascuis eius eductæ: ille igitur alimenta nobis etiam in extrema sterilitate suppeditabit. Siue morbo afflictabitur, ne tum quidem frangetur doloris acerbitate, vt ad impatientiam prorūpat, atque ita cum Deo expostulet: sed iustitiam ac lenitatem in Dei ferula considerando, ad tolerantiam se reuocabit. Denique, quicquid eueniet, quia sciet manu Domini ordinatum, placido gratoque animo suscipiet, ne cōtumaciter eius imperio resistat, cuius in potestate se suaque omnia semel permisit. Facebat imprimis à pectore Christiani hominis stulta illa & miserrima ethnicorum consolatio, qui vt animum contra res aduersas confirmarent, eas fortunæ imputabant: contra quam indignari stultum esse iudicabant, quòd ἀνάνια esset ac temeraria, quæ cæcis oculis merentes simul ac immerentes vulneraret. Hæc enim è conuerso pietatis est regula, solam Dei manum vtriusque fortunæ arbitram esse & moderatricem: ac eam quidem ipsam non ruere inconsiderato impetu, sed ordinatissima iustitia nobis bona simul ac mala dispensare.

Plas. 79. c. 13.

De crucis tolerantia, quæ pars est abnegationis.

CAP. VII.



V I N altius etiamnum conscendere piam mentem decet. nempe quò discipulos suos vocat Christus, vt suam vnusquisque crucem tollat. Quosunque enim Dominus cooptauit, ac suorum consortio dignatus est, ii se ad duram, laboriosam, inquietam, plurimisque ac variis malorum generibus refertam vitâ præparare debent. Sic est cælestis Patris voluntas, vt certum de suis exper-

Mat. 16. d. 24

imentum capiat, eos talem in modum exercere. A Christo primogenito suo exorsus, erga filios omnes suos hunc ordinem prosequitur. nam quum esset ille Filius præ aliis dilectus, & in quo Patris animus acquiescebat, videmus tamen quàm non indulgenter ac molliter habitus fuerit: vt verè dici queat, non modò perpetua cruce exercitatum fuisse, quandiu terram incoluit: sed totam eius vitam nihil aliud fuisse quàm perpetuæ crucis speciem. Causam Apostolus assignat, quòd obediètiâ discere oportuerit ex iis quæ passus est. Cur nos ergo ab ea conditione eximamus, quam subire Christum caput nostrum oportuit: præsertim quum nostra causa subierit, vt nobis in seipso patientiæ exemplar exhiberet? Quamobrem Apostolus omnibus filiis Dei hunc esse destinatû finè docet, vt conformes eius fiant. Vnde etiâ insignis consolatio ad nos redit, in rebus duris atque asperis, quæ aduersæ malæque existimatur, nos Christi passionibus communicare: vt quemadmodû ille à malorum omnium labyrintho in gloriam cælestem ingressus est, ita in eandem per varias tribulationes deducamur. sic enim loquitur alibi Paulus ipse: quòd dum communionem discimus afflictio-

Mat. 3. d. 17, & 17. a. 5.

Rom. 8. f. 1.

Act. 14. d. 22
Philip. 3. b. 10

2 Adde quòd Dominus noster crucē ferendā suscipere nihil necesse habuit nisi ad testandā approbandāque Patri suam obediètiā. nobis verò multis rationibus necesse est sub assidua cruce vitâ degere. Primùm (vt natura nimî propensi sumus ad omnia carni nostræ tribuēda) nisi nobis imbecillitas nostra velut oculo demonstrata fuerit, facillè virtutē nostrā supra iustū modū æstimamus, nec dubitamus, quicquid eueniat, cōtra omnes difficultates infractam fore & inuictā. Vnde in stolidā & inanem carnis cōfidentiam euehimur: qua freti, contumaciter deinde superbimus in Deum ipsum, perinde acsi propriæ nobis facultates citra eius gratiam sufficerent. Hanc arrogantiam melius retundere nō potest quàm dum experimēto nobis cōprobat quanta non modò imbecillitate, sed etiâ fragilitate laboremus. Ergo vel ignominia, vel paupertate, vel orbitate, vel morbo, vel aliis calamitatibus nos affligit: quibus sustinendis longè impares, quātum ad nos attinet, mox succūbimus. Sic humiliati discimus inuocare eius virtutē: quæ sola sub pōdere afflictionū cōsistere nos facit. Quinetiā sanctissimi, vtcūque Dei gratia nō propriis viribus stare se nouerint, de sua tamē fortitudine & constātia plus iusto securi sunt, nisi eos crucis probatione in penitiorē sui notitiā adducat. Hæc socordia Dauidi quoque obrepfit, Ego dixi in quiete mea, Non mouebor perpetuò. Ie-

Psal. 30. a. 7

3 Atque id est quod Paulus docet, tribulationibus generari patientiam, patientia probatio- nem. Nam quòd Deus promisit fidelibus se adfuturū in tribulationibus, id verum esse sentiunt dum patienter subsistunt, eius manu suffulti: quod suis viribus nequaquam possent. Patientia igitur experimentum affert sanctis, quòd Deus, quam pollicitus est opem, re ipsa dum opus est exhibeat. Inde spes quoque eorum confirmatur: quādo ingratitudinis nimia foret, non expectare in posterū quam constantē ac firmam experti sint Dei veritatē. Videmus iam quot vno contextu bona ex cruce nascantur. Illam enim quā falsò de propria virtute præsumimus opinionem euertens, nostrāque hypocrisin, quæ delicias nobis facit, detegens, perniciosam carnis confidentiam excutit. sic humiliatos, in Deum vnum reclinare docet: quo fit vt non opprimamur, nec succumbamus. Victoriā autem spes sequitur: quatenus scilicet Dominus, quod promisit præstando, suam in futurum veritatē stabilit. Sanè vt solæ sint istæ rationes, apparet quàm necessaria nobis sit crucis exercitatio. Neque enim parui momenti est cæcum tui amorem abstergi: vt imbecillitatis tuæ conscius propè fias.

Rom. 5. a. 3.

Imbecillitatis propriæ sensu affici, vt diffidere tibi discas. Diffidere tibi, vt fiduciam in Deum transferas. Cordis fiducia in Deum recumbere, vt ipsius auxilio fretus ad vltimum inuictus perseueres. Consistere ipsius gratia, vt veracem esse in suis promissis intelligas. Certitudinem promissionum eius habere compertam, vt spes tua inde roboretur.

4 Alium quoque finem habet Dominus affligēdi suos, vt ipsorum patientiam exploret, & ad obedientiam eos erudiat. Non equidem quod possint illi obedientiam præstare, nisi quam ipse dederit: sed ita placet ei præclaris documentis testatas facere ac illustres quas in sanctos contulit gratias: ne intus otiosæ lateant. Ergo tolerandi virtutem ac constantiā, qua seruos suos instruxit, in apertum proferendo, dicitur eorum patientiam explorare. Vnde illæ sunt locutiones, quod tentauerit Deus Abraham, & pietatem eius compertam habuerit ex eo quod non detrectasset proprium filium & vnicum immolare. Quare Petrus non secus fidem nostrā tribulationibus docet probari, quā aurū in fornace igni examinatur. Quis autem nō expedire dicat vt præstantissimū patientiæ donū, quod à Deo suo fidelis accepit, in vsum producat, vt certum manifestūque fiat? Neque enim aliter vnquam homines ipsum pro merito æstimabunt. Quod si Deus ipse, ne in obscuro lateant, imō inutiles iaceāt ac depereant quas fidelibus suis virtutes contulit iure facit, dum illis excitandis materiam suppeditat: optimam rationem habent sanctorum afflictiones, sine quibus nulla foret eorū patientia. Ad obediendum quoque erudiri cruce dico: quia sic non ad proprium votum, sed Dei arbitrium viuere docentur. Sanē, si omnia illis ex sententia fluere, nescirēt quid esset Deum sequi. Atque illud Seneca commemorat fuisse vetus prouerbium, quū ad res aduersas tolerandas quempiam hortarentur, Deum sequere. Quo scilicet innuebant, tum verē de mum iugum Dei subire hominem, quum eius ferulæ manum ac tergum præberet. Quod si æquissimum est vt cælesti Patri nos per omnia obsequentes esse approbemus, non est certē detrectandum, vt ad reddendam sibi obedientiam modis omnibus nos assuefaciat.

5 Necdum tamen perspicimus quā necessaria sit nobis isthæc obedientia, nisi simul reputamus quanta sit ad excutiendum Dei iugum carnis nostræ lasciuia, simulatque mollius aliquantisper atque indulgentius habita est. Idē enim prorsus accidit illi quod equis refractariis, qui si aliquot dies otiosi saginantur, præ ferocitate domari postea nequeunt: nec sessorum recognoscunt, cuius imperio vtrunque antea obtemperabant. Atque omnino illud in nobis perpetuum est quod fuisse in populo Israelitico conqueritur Deus, vt pingue facti & adipe obducti recalcitremus aduersus eū qui nos aluit & enutriuit. Debebat quidē nos Dei beneficentia ad reputandā ac deamandā eius bonitatē allicere: sed quando ea est nostra malignitas vt perpetuò eius indulgentia potius corrumperemur: plusquam necessarium est nos aliqua disciplina contineri, ne in talem petulantiam exultemus. Sic, ne immodica opū abundantia ferociamus, ne honoribus elati superbiamus, ne inflati reliquis vel animæ vel corporis vel fortunæ bonis insolescamus, Dominus ipse, prout providet expedire, occurrit, & carnis nostræ ferociam crucis remedio subigit ac refrenat. Idque variis modis: quantū scilicet vnicuique salubre est. Neque enim aut iisdem morbis peræquē grauitur laboramus omnes, aut perinde difficili curatione indigemus. Inde videre est vt alii alio crucis genere exerceantur. Quum autem alios lenius tractet, alios asperioribus remediis purget cælestis medicus, dum vult omnium sanitati cōsulare: neminem tamen immunem ac intactum prætermittit: quia omnes ad vnum nouit esse morbosos.

6 Adde quod non modò infirmitatem nostram præuenire, sed prætorita etiam delicta sæpe corrigere necesse habet clementissimus Pater: vt nos in legitima erga se obedientia contineat. Proinde quoties affligimur, subire protinus in mentem debet antea actæ vitæ recordatio. ita procul dubio reperiemus, nos admisisse quod dignū eiusmodi castigatione esset. Neque tamen à peccati agnitione præcipuē sumenda est ad patientiam exhortatio. Nam Scriptura meliorem longè considerationē suppeditat, quum dicit rebus aduersis nos à Domino corripī, ne cum hoc mundo damnemur. Ergo in ipsa quoque tribulationum acerbitate Patris nostri clementiam erga nos ac benignitatem recognoscere conuenit: quando ne tum quidem definit salutem nostram promouere. Affligit enim non vt perdat vel perimat, sed potius vt à mundi damnatione liberet. Ea cogitatio nos deducet ad id quod alibi docet Scriptura, Fili mi, ne respuas correctionem Domini, neque afficiaris tædio quū ab eo argueris. Quē enim diligit Deus, corripit: & cum velut pater filium amplectitur. Vbi ferulā Patris agnoscimus, an nostrū non est obedientes potius docilēsque filios exhibere, quā cōtumacia desperatos homines imitari, qui maleficiis induruerunt? Perdit nos Deus nisi à se delapsos correptione reuocat. vt recte ille dicat, nos spurios esse, nō filios, si extra disciplinā sumus. Peruerissimi ergo sumus si ipsū ferre non possumus dum suā nobis beneuolentiā & quā habet de salute nostra curā declarat. Hoc inter incredulos & fideles interesse docet Scriptura, quod illi, velut inueteratæ recoctæque nequitiae mæcipia, flagellis deteriores modo ac obstinatiores

Gene. 22. a. 1, &
c. 2.
1. Pet. 1. b. 7.

De vita be.
cap. 15.

Deut. 33. 15.

1. Cor. 11. a. 3.
g. 32.

Prou. 3. b. 11.

Hebr. 12. c. 3.

fiūt: hi, ceu filii ingenuitate præditi, ad pœnitentiā proficiūt. Eligendū nunc vtro in numero esse malis. Sed quoniā de hac re alibi dictum est, contentus breuiter attigisse, finē faciam.

7 Porro singularis illa est consolatio, vbi pro iustitia persecutionē patimur. Succurrere enim tū debet quanto nos honore dignetur Deus, quod ita nos peculiārī militiæ suæ nota insignit. Persecutionem pati pro iustitia dico, non tantū qui pro Euāgelii defensione, sed qui pro quolibet iustitiæ patrociniū laborāt. Siue ergo in asserēda aduersus Satanæ mēdacia Dei veritate, siue in suscipienda bonorū atque innocentū contra improborū iniurias tutela, necesse est incurrere in mūdi offensiones & odia, vnde aut vitæ nostræ, aut fortunis, aut honori periculū imminet: ne graue sit nobis aut molestum eatenus impēdere nos Deo, aut ne miseros in iis nos putemus, in quibus ipse suo ore nos beatos pronuntiauit. Paupertas Matth. 5. 2. 10 quidē, si in se ipsa æstimetur, miseria est: similiter exiliū, contēptus, carcer, ignominia: mors denique ipsa extremū est omnīū calamitatū. Verūm vbi aspirat fauor Dei nostri, nihil est istorū quod non in fœlicitatē nobis cedat. Contenti ergo potius simus Christi testimonio quā falsa carnis æstimatione. Ita fiet vt Apostolorū exemplo gaudeamus, quoties nos reputabit dignos qui pro suo nomine cōtumeliā patiamur. Quid enim? si innocētes ac nobis bene conscii impiorū scelere exuimur facultatibus, ad inopiā quidē redigimur apud homines: sed verē apud Deum in cælis diuitiæ ita nobis accrescunt. si penatibus nostris extrudimur, eo interius recipimur in Dei familiā. si vexamur & contēnimur, eo firmiores agimus in Christo radices. si probris ac ignominia notamur, eo ampliore loco sumus in regno Dei. si trucidamur, ita nobis ingressus patefit ad beatā vitā. Pudeat nos minoris æstimare, quibus tantū pretiū Dominus statuit, quā vmbrales & euanidas vitæ præsentis illecebras.

8 Quum ergo his & similibus monitis abūdē soletur Scriptura quas pro iustitiæ defēsiōne sustinemus vel ignominias vel calamitates: nimis ingrati sumus nisi libenter atque hilariter eas ē manu Domini suscipimus. præsertim quū sit hæc crucis species fidelium maximē propria, qua vult Christus in nobis glorificari: quemadmodū & Petrus docet. Qui a vero ingenuis naturis acerbius est cōtumeliā quā centū mortes pati, nominatim admonet 1. Pet. 4. c. 11. Paulus non modō persecutiones nos manere, sed etiā probra, quia speramus in Deū viuū. 1. Tim. 4. c. 10 Sicut alibi suo exēplo ambulare nos iubet per infamiā & bonā famā. Neque verō ea requiritur à nobis hilaritas quæ omnē acerbitalis dolorisq̃ sensū tollat. alioqui nulla in cruce esset sanctorū patientia, nisi & dolore torquerētur, & angerētur molestia. Si nulla esset in egestate asperitas, nullus in morbis cruciatus, nulla in ignominia pūctio, nullus in morte horror: cuius foret vel fortitudinis vel moderationis, ea sūsq̃ deque habere? At quum vnūquodque ipso ingenuitate sibi amaritudine nostros omnīū animos naturaliter mordeat, in eo se profert fidelis hominis fortitudo, si eiusmodi amaritudinis sensu tētatus, vtcunque grauer laboret, fortiter tamen obistendo eluctatur. in eo se exerit patientia, si acriter extumulatus, timore tamen Dei refrænatur, ne in aliquam intemperiem erumpat. in eo elucet alacritas, si tristitia & mœrore vulneratus, in spiritali Dei consolatione acquiescit. 2. Cor. 6. b. 8

9 Hunc conflictū, quē aduersus naturalē doloris sensum sustinēt fideles, dum patiētiæ ac moderationi studēt, eleganter descripsit Paulus his verbis, In omnibus premimur, at nō anxii reddimur: laboramus, at nō destituimur: persecutionē patimur, at in ea non deferimur: deiicimur, at non perimus. Vides vt patiēter ferre crucē, nō sit prorsus obstupefcere, & omni doloris sēsu priuari. quemadmodū Stoici magnanimū hominē stultē olim descriperūt qui exuta humanitate, rebus aduersis perinde ac prosperis: tristibus perinde ac lætis afficeretur. imō qui instar lapidis nulla re afficeretur. Et quid ista sublimi sapiētiā profecerūt: ne simulacrū sapiētiæ depinxerūt, quod neque repertū est vnquā inter homines, neque extra re potest. Quin potius dū nimis exactā ac præcisam patientiā habere volūt, eius vim sustulerunt vitā humaua. Nunc quoque sunt inter Christianos noui Stoici, quibus non modō gemere ac flere, sed tristari quoque & sollicitū esse vitiosū est. Atque hæc quidē paradoxa ferē ab otiosis hominibus procedūt, qui speculādo magis quā agendo se exercētes, nihil quā talia paradoxa parere nobis queūt. At nihil nobis cū ferrea ista philosophia, quā magister ac dominus noster non verbo tantū, sed exēplo etiā suo danauit. Nā & suis & aliorū malis in gemuit & illachrymauit: nec aliter discipulos suos instituit. Mundus, inquit, gaudebit: vos autē lugebitis ac flebitis. Ac, ne quis vitio id verteret, proposito edicto beatos pronuntiauit qui lugēt. nec mirū. Nā si improbantur omnes lachrymæ, quid de Domino ipso iudicabimus, cuius ē corpore sanguinæ lachrymæ distillarūt? Si quælibet formido infidelitatis notatur, quo loco habebimus horrorē illū quo non leuiter consternatū fuisse legimus: si omnis tristitia displicet, quomodo placebit quod animā suā fateture esse tristē vsque ad mortem? 1. Cor. 4. b. 8.

10 Hæc eo dicere volui vt pios animos à desperatione reuocare, ne studio patiētiæ ideo protinus renūcient q̃ naturalē doloris affectū exuere nō possūt. Quod necesse est euenire iis qui ex patiētiā stuporē, ex homini forti & cōstanti stipitē faciūt. Sanctis enim tolerantia laudē defert Scriptura, dū ita malorū duritia afficiantur vt non frangantur nec concidant: ita ama

Johan. 17. c. 20

Matth. 5. 2. 4.

Luc. 21. c. 44.

Iohan. 11. c. 18

litudine punguntur, vt simul perfundantur spirituali gaudio: ita premuntur anxietate, vt Dei consolatione exhilarati respirent. Interim versatur in eorum cordibus illa repugnãtia, quòd naturæ sensus, quæ sibi sentit aduersa refugit atque horret: pietatis autem affectus ad obedientiam diuinæ voluntatis etiam per has difficultates contendit. Hanc repugnantiam expressit Dominus quū ita loqueretur Petro, Quum esses iunior, cingebas te, & ambulabas quò libebat. Quum autē senueris, præcinget te alius, & ducet quò non voles. Non est sanè veri simile, Petrum, quum necesse esset glorificare Deum per mortem, inuitum ac resistentem cò tractum esse. alioqui parū haberet laudis eius martyrium. Verū vtunque cordis sūma alacritate diuinæ ordinationi pareret, quia tamē humanitatem non exuerat, duplici voluntate distringebatur. Nam dum cruentam illam mortem quam erat obiturus, per se reputabat, eius horrore perculsus, libenter effugisset. Rursum dum succurrebat Dei imperio se ad eam vocari, euiso ac proculcato timore, libenter atque ad eò hilariter eam subibat. Hoc ergo studendum est, si Christi discipuli esse volumus, vt tanta Dei obseruantia atque obedientia imbuantur animi nostri, quæ contrarias omnes affectiones domare ac subiugare eius ordinationi queat. Ita fiet vt quocunque vexemur crucis genere, in summis etiam animi angustis patientiam constanter retineamus. Res enim ipsæ aduersæ habebunt suam asperitatem qua mordeamur. Sic morbo afflicti, & ingemiscemus, & inquietabimur, & sanitatem expectemus: sic egestate pressi, solitudinis & tristitiæ aculeis perstringemur: sic ignominia, contemptus, iniuriæ dolore feriemur: sic in funeribus nostrorū debitas naturæ lachrymas exoluemus. sed hæc sēper erit clausula, Atqui Dominus ita voluit. ergo eius voluntatē sequamur. Imò inter ipsas doloris punctiones, inter gemitus & lachrymas, necesse est interueniat hæc cogitatio, quæ animum ad ea ipsa quorum causa sic afficitur, alacriter ferenda inclinet

- II Quoniã autem præcipuã crucis tolerandæ rationē à diuinæ volūtatis cōsideratione sumptimus, paucis definiendū est quid inter philosophicā ac Christianā patiētiā intersit. Equidē paucissimi ex philosophis eò rationis cōscenderunt vt manu Dei nos exerceri per afflictiones intelligerēt, & Deo hac in parte obtēperandum cēserent. sed illi quoque ipsi non aliã afferunt rationē, nisi quia ita necesse sit. Quid autē istud est dicere nisi cedendū esse Deo, quia frustra cōtendas obluētari? Nā si Deo tantū paremus quia necesse est: si euadere liceat, parēre desinemus. Scriptura autē longē aliud in volūtate Dei cōsiderare iubet, nēpe iustitiã primū & æquitatem: deinde salutis nostræ curā. Huiusmodi ergo ad patientiã sunt Christianæ exhortationes. Siue paupertas, siue exiliū, siue carcer, siue cōtumelia, siue morbus, siue orbitas, seu quid aliud simile nos cruciat, cogitandū nihil istorum accidere nisi nutu ac prouidentia Dei. Porro ipsum nihil nisi iustissimo ordine agere. Quid enim? annon innumera ac quotidiana nostra delicta promerentur seuerius ac grauioribus ferulis castigari quàm quæ nobis ab eius clemētia infligūtur? Annon æquissimū est carnē nostrā domari, & veluti iugo assuescieri, ne libidinose pro suo ingenio ferociat? annō digna est iustitia & veritas Dei cuius causa laboremus? Quòd si indubia Dei æquitas in afflictionibus apparet, non possumus sine iniquitate vel obmurmurare vel obluētari. Nō audimus iam illā frigidam cātionē, Cedendū quia necesse est: sed viuidā ac plenā efficaciz præceptionē. Obtēperandū, quia resistere nefas est. Patienter ferendū, quoniã impatientia sit aduersus Dei iustitiã contumacia. Iam verò quia illud demū amabile nobis est quod salutē ac bono esse nobis agnoscimus, hac etiã parte consolatur nos optimus Pater, dum asserit, se eo ipso quòd nos cruce affligit, salutē nostræ cōsulere. Quòd si salutare nobis tribulationes esse cōstat, cur non grato placidoque animo eas susciperemus? Quare eas patienter ferēdo nō succūbimus necessitati, sed bono nostro acquiescimus. Istæ in quā cogitationes faciunt, vt quantū animi nostri contrahūtur in cruce, naturali acerbis sentu, tantū spirituali lætitia diffundātur. Vnde & gratiarū actio sequitur, quæ nulla sine gaudio esse potest. Quòd si laus Domini, & gratiarū actio nō nisi ab hilari lætoque pectore emanare potest: nihil autē est quod eam interpellare in nobis debeat: hinc apparet quàm necessariū sit, crucis amaritudinē spirituali gaudio tēperari.

De meditatione futuræ vitæ.

C A P. I X.

VOCVNQVE autē tribulationis genere premamur, respiciēdus semper est hic finis, vt assuescamus ad præsentis vitæ cōtemptū, indēque ad futuræ meditationē excitemur. Quoniã enim optimē nouit Deus quātopere in belluinū mūdi huius amorē simus natura inclinati, aptissimā rationē adhibet ad nos retrahēdos & torporē excutiēdū, ne nimis tena citer in eo amore inhærescamus. Nemo quidē est nostrū qui nō videri cupiat ad cælestē immortalitatē toto vitæ curriculo aspirare & eniti. Pudet enī nos nulla re atecellere brutas pecudes: quarū cōditio nihilo nostra inferior futura esset nisi spes æternitatis post mortē nobis supersit. Verū si cōsilia, studia, facta cuiusque examines, nihil aliud illic videbis quā terrā. Inde autē stupiditas, quòd mēs nostra fulgore inani opū, potētiz, honorū, perstrieta hæbetatur, ne lōgius cernat. Cor etiã avaritia, ambitione, libidine occupatū degrauat, ne altius assurgat. Denique tota anima carnis illecebris irretita, foelicitatē

in terra suam quaerit. Huic malo ut occurrat Dominus, assiduis miseriarum documentis suos de praesentis vitae vanitate edocet. Ergo, ne altam sibi & securam pacem in ea promittant: vel bellis, vel tumultibus, vel latrociniis, vel aliis iniuriis inquietari saepe infestarique permittit. Ne auiditate nimia fluxis & caducis diuitiis inhient, aut in iis quas possident acquiescant: nunc exilio, nunc sterilitate terrarum, nunc incendio, nunc aliis modis ad inopiam eos redigit, aut certe in mediocritate continet. Ne nimium placide in bonis coniugii delicietur: aut vxorū improbitate vexari facit, aut mala progenie ipsos humiliat, aut orbitate affligit. Quod si in his omnibus indulgentior illis est, ne tamen vel stulta gloria intumescat, vel confidentia exultet, morbis & periculis ob oculos illis ponit quā instabilia sint ac euanida quaecūque mortalitati obnoxia sunt bona. Tum ergo demum rite proficimus crucis disciplina, ubi discimus hanc vitam, quum in se aestimatur, inquietam, turbulentam, innumeris modis miseram, nulla ex parte planē beatam esse: omnia quae aestimantur eius bona, incerta, fluida, vana, multisque admixtis malis vitiata esse: atque ex eo simul constituimus, nihil hīc quaerendum aut sperandum quā certamen: attollendos in caelum oculos, ubi de corona cogitamus. Sic enim habendum est, nunquam serio ad futurae vitae deyderium ac meditationem erigi animum, nisi praesentis contemptu antē imbutus fuerit.

2 Siquidem inter ista duo nihil medium est: aut vilesceat nobis terra oportet, aut intemperato amore sui victos nos detineat. Proinde si qua aeternitatis cura est, huc diligenter incumbendum ut malis istis compedibus nos explicemus. Porro quoniam plurimas blanditias habet praesens vita quibus nos pelliciat: multam amoenitatis, gratiae, suauitatis specie qua nos demulceat: magnopere nostra refert idēdem nos auocari, ne talibus lenociniis fascinemur. Quid enim, obsecro, fieret si perpetuo bonorum ac foelicitatis concursu hīc fruermur: quum assiduis malorum stimulis non possimus satis expergefieri ad reputandam eius miseriam? Vitam humanam fumi vel vmbrae instar esse, non modō eruditis notum est, sed vulgus quoque hominum prouerbiū nullum magis tritū habet. & quia rem esse videbant in primis cognitu vtilē, multis insignibus sententiis commendarūt. Verū nulla ferē res est quam vel negligētius expendamus, vel minus meminerimus. Omnia enim molimur perinde atque immortalitatem nobis in terra cōstituentes. Si effertur funus aliquod, vel inter sepulchra ābulamus, quia tūc oculis obuersatur mortis simulachrū, egregiē, fateor, de vitae huius vanitate philosophamur. Quanquam ne id quidem facimus perpetuō: plerunque enim nihil nos afficiūt ista omnia. Verū ubi accidit, momētanea est philosophia, quae, simul atque terga vertimus, euanescit, ac ne minimum quidem post se recordationis vestigium relinquit. denique non aliter effluit atque theatralis plausus in iucundo aliquo spectaculo. Neque enim mortis tantū, sed mortalitatis quoque ipsius obliui, ac si nullus vnquam de ea rumor ad nos peruenisset, in supinam terrenae immortalitatis securitatem reuoluimur. Siquis interim prouerbiū occinat, hominem animal esse εἰς ζῷον, fatemur id quidem: sed adeō nulla attentione, ut perpetuitatis cogitatio nihilominus animis insideat. Quis ergo neget, nobis omnibus summum operae pretium esse, non dico verbis admoneri, sed quibuscunque fieri potest experimentis conuinci de misera terrestris vitae cōditione: quando vix conuicti etiam de finimus praua stultaque eius admiratione obstupescere, ac si vltimam bonorum metam in se contineret? Quod si necesse habet Deus nos erudire: nostri vicissim officii est auscultare vocanti, & torporem nostrum vellicanti: ut contempto mundo, ad futurae vitae meditationem toto pectore contendamus.

3 Sed enim ad talem praesentis vitae cōtemptum sese assuefaciant fideles, qui neque eius odium generet, nec aduersus Deum ingratitudinē. Siquidem haec vita, vtcunque infinitis miseriis referta sit, cēsetur tamen meritō inter non aspernādas Dei benedictiones. Quare si nihil in ea recognoscimus diuini beneficii, rei iam sumus non paruae in Deū ipsū ingratitudinis. Praesertim verō fidelibus testimoniū esse debet diuinæ beneuolētiæ: quādo ad salutē eorū promouendā tota est destinata. Prius enim quā aeternae gloriae hāreditatē nobis palam exhibeat, minoribus documētis se nobis Patrē vult declarare. ea sūt quae quotidie ab ipso nobis cōferuntur bona. Quū ergo nobis seruiat vita haec ad intelligendā Dei bonitatē, fastidiemur ne eam quasi nullā boni micā in se haberet? Hunc igitur sensū atque affectū induere nos oportet, ut ipsā reponamus inter minimē respuenda diuinæ benignitatis dona. Nā si deessēt Scripturae testimonia (quae plurima sunt & clarissima) ipsa quoque natura nos hortatur ad reddendā Domino gratiarū actionē quod in eius lucē nos protulit, quod vsurā nobis cōcedit, quod ōnia ad eā cōseruandā necessaria praesidia largitur. Et multo illa maior est ratio, si reputamus in ea nos ad gloriā regni caelestis quodāmodo praeparari. Sic enī Dominus ordinauit, ut qui olim coronādi sunt in cālo, certamina prius in terris obeāt, ne tri-

umphant nisi superatis belli difficultatibus, & parta victoria, Deinde altera: quòd variis beneficiis diuinæ benignitatis suauitatem delibare in ea incipimus: quòd spes ac desyderium nostrum acuatur ad plenam eius reuelationē expetendam. Vbi constitutum illud fuerit, diuinæ clemētiæ munus esse quòd terrenā vitā viuimus, cuius gratia vt sumus illi obligati, ita memores gratosque esse oportere: tum opportunè descendemus ad considerandā miserimā eius conditionem: quo scilicet extricemur à nimia eius cupiditate, ad quam, vt dictum est; vltro natura propendemus.

4 Porro quicquid detrahitur prauo eius amori, debet melioris vitæ desyderio accedere. Fateor sanè verissimè sensisse eos quibus visum est optimū non nasci: proximū, quàm citissime aboleri. siquidē Dei lumine & vera religione destituti, quid in ea cernere poterāt nō infautum ac tetrum? Nec sine ratione illi, qui natales suorum mœrore ac lachrymis, funera solenni gaudio prosequabantur. sed id faciebant sine profectu: quia recta fidei doctrina orbati, non videbant quomodo piis in bonum cedat quod per se nec beatum nec desyderabile est. itaque iudicium suum desperatione terminabant. Hic ergo sit scopus fidelium in æstimāda mortali vita, vt dum intelligunt nihil per se quàm miseriam esse, eo alacriores & magis expediti totos se ad futurā illius & æternæ meditationem conferant. Vbi ad eam comparisonem ventum est, tum verò illa non modò securè negligi potest, sed præ hac penitus contemnenda est ac fastidienda. Nam si cælum patria est, quid aliud terra quàm exilium? Si migratio è mundo est in vitam ingressus, quid aliud mūdus quàm sepulchrum? in ipso manere quid aliud quàm in morte demersum esse? Si liberari à corpore, est asseri in solidam libertatē, quid aliud est corpus quàm carcer? Si Dei præsentia frui suprema fœlicitatis summa est, nōne ea carere miserū? Atqui donec è mūdo euaserimus, peregrinamur à Domino. Ergo si cum cælesti vita terrena comparetur, non dubium quin facilè & contemnēda & proculcanda sit. Odio certè habenda nunquam est, nisi quatenus nos peccato tenet obnoxios. quanquam ne illud quidem odiū propriè in ipsam conuertendū est. Vt cunque sit, nos tamē ita eius vel tædio vel odio affici decet, vt finē eius desyderātes, parati quoque simus ad arbitrium Domini in ea manere. quo scilicet tædium nostrum sit procul ab omni murmure & impatientia. Est enim instar stationis, in qua nos Dominus collocauit, tandiu nobis conseruanda quoad ille reuocarit. Deslet quidem sortem suam Paulus, quòd voto suo diutius corporis vinculis alligatus teneatur, & suspirat ardenti redemptionis desyderio. nihilominus, vt Dei imperio pareat, paratum se ad vtrunque profitebatur: quia se id Deo debere agnoscit vt nomē eius vel per mortē vel vitā glorificet. ipse autē est statuere quid maximè ad gloriā suā expediat. Itaque si Domino viuere ac mori nos decet, eius arbitrio relinquamus mortis vitæque nostræ terminum: sed ita, vt & illius studio flagremus, & in meditatione simus assidui: hanc verò, præ futura immortalitate contemnamus, & ob peccati seruitutem ei renuntiare, quoties Domino placuerit, optemus.

5 Hoc verò portentis simile, quòd pro illo mortis desyderio, tanta eius formidine tenentur multi, qui se Christianos esse iactant, vt ad quālibet eius mentionē contremiscant, velut rei penitus ominosæ & infausæ. Equidem non est mirum si naturalis sensus in nobis exhorrescat, audita nostri dissolutione. At istud nullo modo ferendum, non esse in peccatore Christiano pietatis lumen, quod maiori consolatione qualēcunque illum timorem superet ac supprimat. Nā si cogitemus hoc instabile, vitiosū, corruptibile, caducū, emaridū, putre corporis nostri tabernaculū ideo dissolui vt in firmā, perfectā, incorruptibile, cælestē denique gloriā mox instauretur: an nō ardēter fides expetere coget quod natura reformidat? Si cogitemus per mortē ab exilio nos reuocari vt patriā, & cælestē patriā incolamus, an nihil inde solatii cōsequemur? At nihil est quod nō permanere appetat. Fateor sanè. atq; ideo ad futurā immortalitatē respiciendū nobis cōtendo, vbi stata cōditio obtingat, quæ in terra nusquā appareat. Optimè enim Paulus fideles alacriter ad mortē pergere docet, non quia velint exui, sed quia superindui cupiāt. An verò bruta animalia, atq; adeò inanimæ ipsæ creaturæ vsque ad ligna & lapides, præsentis suæ vanitatis sibi conscia, in vltimū resurrectionis diem intēte erunt vt cum filiis Dei à vanitate eximantur: nos & ingenii luce præditi, & supra ingenium, Dei spiritu illuminati, quum de essentia nostra agitur, non atollemus animos vltra hanc terræ putredinem? Verum non est huius instituti aut loci contra tantam hanc peruersitatem agere. Et iam initio professus sum me locorum communium fusiorē: ræstationē hic minimè velle suscipere. Ego huiusmodi timidulis animis suaderē vt Cypriani libellū de mortalitate legerēt, nisi digni essēt qui ad Philosophos ablegarētur: vt inspecto quē illi præ se ferūt mortis contēptu, erubescere incipiāt. Hoc tamē habeamus cōstitutū, neminē bene in Christi schola profecisse, nisi qui & mortis & vltimæ resurrectionis diē cū gaudio expectet. Nā & hac nota fideles vniuersos describit Paulus, & Scripturæ familiare est quoties

2. Cor. 5. b. 6

Rom. 7. d. 24

Philip. 1. d. 23

2. Cor. 5. a. 2.

Rom. 8. d. 19.

Tit. 2. d. 13.

solidæ lætitiæ argumentum proponere vult, eò nos reuocare. Exultate (inquit Dominus) & leuate capita vestra. appropinquat enim redemptio vestra. An rationabile, quæso, est vt quod ille tantum valere voluit ad exultationem & alacritatem in nobis excitandam, nihil quàm tristitiam ac consternationem pariat? Si ita est, quid adhuc eo quasi magistro gloriamur? Saniorem ergo mentem concipiamus: atque, vt repugnet cæca & stupida carnis cupiditas, non dubitemus aduentum Domini non votis modò, sed gemitu etiam ac suspiriis, velut rem omnium faustissimam, expetere. Adueniet enim nobis redemptor, qui ab hoc immenso malorum & miseriæ omnium gurgite extractos, in beatam illam vitam & gloriæ suæ hereditatem inducat.

Luc. 11. f. 3

6 Sic est sanè: totam fidelium nationem, quandiu terram inhabitant, oportet esse tanquam oues mactationi destinatas, quo Christo capiti suo conformentur. Deploratissimi ergo essent nisi in cælum mente erecta, superarent quicquid in mundo est, & præsentem rerum faciem traicerent. Contrà, vbi semel caput supra omnia terrena extulerint, etiam si videant florentes impiorum opes & honores, si alta pace frui, si rerum omnium splendore ac luxu superbire, si deliciis omnibus affluere cernant: si præterea eorum improbitate pulsantur, si contumelias ab eorum fastu sustineant, si avaritia expilentur, si alia quauis libidine vexentur: non difficulter se in talibus quoque malis sustinebunt. Erit enim sub oculis dies ille, quo Dominus in regni sui quiete fideles suos recipiet, absterget ab eorum oculis omnem lachrymam, stola gloriæ & lætitiæ ipsos induet, deliciarum suarum inenarrabili suauitate pascet, in suæ altitudinis societatem euehet, denique felicitatis suæ participatione dignabitur. Impios verò illos, qui in terra floruerint, in extremam ignominiam proiciet: eorum delicias cruciatibus, risum & lætitiā fletu stridorēque dentium permutabit, pacem diro conscientiæ tormento inquietabit, mollitiem plectet igne inextincto: piis etiam, quorum patientia abusi fuerint, eorum capita subiiciet. Hæc enim est iustitia (teste Paulo) dare miseris & iniuste afflictis relaxationem, reddere verò afflictionem improbis qui pios affligunt, quum reuelabitur Dominus Iesus ex cælo. Hæc profectò vnica est nostra consolatio: quæ si auferatur, aut necesse erit despondere animū, aut vanis mundi solatiis in exitium nostrum delinire. Siquidem & Propheta sibi vacillasse pedes confitetur, dum in præsentī impiorum prosperitate reputata nimium immoratur: neque potuisse aliter consistere quàm dum sanctuarium Dei ingressus, ad nouissimum piorum ac malorum finem conuertit oculos. Vt vno verbo concludam, tunc demum in pectoribus fidelium triumphat crux Christi de Diabolo, carne, peccato & impiis, si oculi in resurrectionis potentiam conuertuntur.

Rom. 8. g. 36

1. Cor. 15. c. 19

Iesa. 25. c. 18

apoc. 7. d. 17

2. Thess. 1. c. 6

Psal. 73. a. 1

Quomodo vtendum præsentī vitæ, eiusque adiumentis.

C A P. X.



ALIBVS rudimentis probe nos simul instituit Scriptura quis rectus sit bonorum terrestrium vsus: res in componenda vitæ ratione minimè negligenda. Nam si viuendum est, vtendum quoque necessariis vitæ adminiculis. nec fugere ea quoque possumus quæ videntur oblectationi magis quàm necessitati inferuire. Modum ergo tenere oportet, vt pura cōscientia siue ad necessitatem siue ad oblectamentum vtamur. eum Dominus verbo suo præscribit, quum docet, vitam præsentem, quandam peregrinationem suis esse, qua in cæleste regnum contendunt. Si per terram transcundum est duntaxat, non dubium quin eatenus vtendum sit eius bonis, vt cursum nostrum iuuent potius quàm morentur. Ideo non abs re suadet Paulus hoc mundo ita vtendum esse quasi non vtamur: eodem animo emendas esse possessiones quo venduntur. Verum quia lubricus est hic locus, & vtranque in partem procliuem ad lapsum, studeamus pedem figere vbi tutò stare liceat. Fuerunt enim nonnulli, boni & sancti alioqui homines, qui quum viderent intemperiem ac luxuriam effræni libidine perpetuò euagari nisi seuerius coerceatur, corrigere autem tam perniciosum malum cuperent: quæ vna illis occurrebat ratio, corporeis bonis vti homini permisissent, quatenus necessitatis interesset. Pium quidem consilium: sed impendio austeriores fuerunt. Nam (quod est valde periculosum) arctiores laqueos induerunt conscientis quàm quibus verbo Domini stringerentur. Necessitas porrò illis est, ab omnibus abstinere quibus carere possis. ita secundum eos vix ad panem cibarium & aquam addere quicquam liceret. Aliorum maior austeritas, qualis refertur de Cratete Thebano, qui opes suas in mare proiecit: quia nisi perirent, perditum se ab illis iri putabat. Multi autem hodie, dum prætextū quarunt quo in rerum externarum vsu carnis intemperies excusetur, & interim lasciuenti viam sternere volūt: pro confesso assumunt quod minimè illis concedo, nulla modificatione restringendam esse hanc libertatem: sed permittendum cuiusque conscientiæ vt vsurpet quantum sibi licere videat. Equidē fateor nec debere nec posse cōscientias statis præcisiisque legum formulis hinc

1. Cor. 7. f. 31

alligari: sed quum Scriptura generales legitimi vsus tradat regulas, secundum illas certè limitandus nobis est.

2 Sit hoc principium, vsum donorum Dei non aberrare, quum in eum finem refertur in quem illa nobis author ipse creauit ac destinauit: siquidem in bonū nostrum creauit, non perniciem. Quamobrem nemo iter rectius tenebit quàm qui diligenter finem hunc intuebitur. Iam si reputemus quem in finem alimēta creauerit, reperiemus non necessitati modò, sed oblectamento quoque ac hilaritati voluisse consulere. Sic in vestibus, præter necessitatē, finis ei fuit decorum & honestas. In herbis, arboribus & frugibus, præter vsus varios, aspectus gratia, & iucunditas odoris. nisi enim id verum esset, non recenseret Propheta inter beneficia Dei, quòd vinum lætificat cor hominis, quòd oleum splēdidam eius faciem reddit. Non commemorarēt passim Scripturæ, ad commendandam eius benignitatem, ipsum eiusmodi omnia dedisse hominibus. Et ipsæ naturales rerū dotes satis demonstrant quorsum & quatenus frui liceat. An verò tantam floribus pulchritudinem indiderit Dominus, quæ vltro in oculos incurreret: tantam odoris suauitatem, quæ in olfactum influeret: & nefas erit vel illos pulchritudine, vel hunc odoris gratia affici? Quid? annon colores sic distinxit vt alios aliis faceret gratiores? Quid?annon auro & argento, ebori ac marmori gratiam attribuit, qua præ aliis aut metallis aut lapidibus pretiosa redderentur? Denique annon res multas, citra necessarium vsum, commendabiles nobis reddidit?

Psal. 104. b. 15

3 Faceffat ergo inhumana illa philosophia, quæ dum nullum nisi necessariū vsum concedit ex creaturis, non tātum malignè nos priuat licito beneficētiæ diuinæ fructu: sed obtinere non potest, nisi hominem cunctis sensibus spoliatum in stipitem redegerit. Sed non minus diligenter altera ex parte occurrēdū est carnis libidini: quæ nisi in ordinē cogitur, sine modo exundat: & habet (vt dixi) suos suffragatores, qui sub prætextu concessæ libertatis, nihil non illi permittunt. Primò frænum illi vnum iniicitur, si statuatur, ideo condita nobis esse omnia vt cognoscamus authorem, ac eius indulgentiam erga nos gratiarum actione prosequamur. Vbi gratiarum actio, si te epulis aut vino ita ingurgites vt vel obstupefcas, vel inutilis reddaris ad pietatis tuæque vocationis officia? Vbi Dei recognitio, si caro ex nimia abundantia in scēdam libidinem ebulliens, mentē impuritate sua inficit, nequid recti aut honesti cernas? Vbi in vestibus gratitudo erga Deum, si sumptuoso earū ornatu & nos admiremur, & alios fastidiamus? si elegantia & nitore ad impudicitiam nos comparemus? Vbi recognitio Dei, si in earum splendorem defixæ sint mentes? nam totos suos sensus multi sic deliciis addicunt, vt mens obruta iaceat: multi marmore, auro, picturis ita delectantur vt marmorei fiant, vertantur quasi in metalla, similes sint pictis figuris. Nidor culinæ vel odorum suauitas alios obstupefacit, nequid spirituale olfaciant. Id quoque ipsum in reliquis videre est. Quamobrem constat hīc iam abutēdi licentiam aliquantum cohiberi, & confirmari illam Pauli regulam, ne carnis curam agamus ad eius concupiscentias, quibus si nimium conceditur, sine modo vel temperie ebulliunt.

Rom. 13. d. 14

4 Sed nulla certior aut expeditior via est quàm quæ nobis fit à præsentis vitæ contemptu & cælestis immortalitatis meditatione. Inde enim consequuntur duæ regulæ, vt qui vtuntur hoc mūdo, perinde affecti sint, ac si non vterentur: qui vxores ducunt, ac si non ducerēt: qui emunt, ac si non emerent, quemadmodum Paulus præcipit. Deinde vt non minus placidè ac patienter penuriam, quàm moderatè abundantiam ferre nouerint. Qui præscribit vtendum hoc mundo tanquam non vtaris, non modò in cibo & potu, gulæ intemperiem: in mensis, ædificiis, vestibus nimiam mollitiem, ambitionem, superbiam, fastum, morositatem excindit: sed omnem curam atque affectionem, quæ te vel abducat, vel impediat à cælestis vitæ cogitatione & excolendæ animæ studio. Atqui verè illud olim à Catone dictū est, Cultus magnam curam, magnā virtutis esse incuriam: & veteri prouerbio vsurpatum, Eos qui multum in corporis cura occupantur, fere animæ esse negligentes. Ergo vt ad certam formulam non exigenda sit fidelium in rebus externis libertas, huic tamen certè legi subiecta est vt quàm minimum sibi indulgeant: contrà, perpetua animi intentione sibi instent ad rescindendum omnem superuacux copix apparatus, nedum coercendam luxuriam: ac diligenter caueant ne ex adiumentis sibi faciant impedimenta.

1. Cor. 7. d. 31

5 Altera regula erit, vt quibus res angustæ sunt ac tenues, patiēter carere nouerint, ne immodica earum cupiditate sollicitentur, quam qui tenent, non mediocriter in schola Domini profecerunt. Quemadmodum vix habere potest quo se discipulum Christi esse probet qui non hac in parte aliquatenus saltem profecerit. Nam præterquam quòd rerum terrenarum appetentiam comitantur pleraque alia vitia: qui impatienter fert penuriam, contrarium etiam in abundantia morbum vt plurimum prodit. Hoc intelligo, quòd qui for-

didā veste erubescet, pretiosa gloriabitur: qui tenui cœnula non contētus, lautioris desiderio inquietabitur, intemperāter quoque lautitiis illis abutetur, si contingāt: qui priuatam humilemque conditionem difficulter feret ac inquieto animo, si ad honores cōscēdat, à fastu haudquaquam abstinebit. Huc ergo contendant omnes quibus non fictum pietatis studiū est, vt discant, Apostoli exemplo, satiari & esurire: abūdare, & penuriam pati. Habet Philip. 4. c. 11 præterea Scriptura & tertiā regulā, qua rerum terrenarū vsum modificat: de qua nonnihil dictum est quū præcepta charitatis tractaremus. Statuit enim, omnes illas sic esse datas nobis Dei benignitate & in commodum nostrum destinatas, vt sint velut deposita quorum reddēda sit olim ratio. Sic ergo dispensare oportet vt assiduē auribus nostris insonet vox illa, Redde rationem villicationis tuæ. Simul occurrat, à quo eiusmodi ratio exigatur, nempe ab eo qui vt abstinentiam, sobrietatem, frugalitatem, modestiam tantopere commendauit: luxum superbiam, ostentationem, vanitatem denique execratur. cui non alia bonorum dispensatio approbatur quā quæ sit cum charitate coniuncta, qui delicias quilibet, quæ à castitate ac puritate hominis animum abstrahunt, vel mētem caligine hebetant, ore suo iam condemnauit.

- 6 Postremò est illud notabile, quòd Dominus vnumquenque nostrum in cunctis vitæ actionibus, in suam vocationem intueri iubet. Nouit enim quanta inquietudine ferueat humanum ingenium, quā desultoria leuitate huc atque illuc feratur, quā cupida sit, ad res diuersas simul amplexandas, eius ambitio. Ergo, ne stultitia & temeritate nostra, omnia sursum deorsum miscerētur, distinctis vitæ generibus sua cuique officia ordinauit. Ac nequis temere suos fines transiliret, eiusmodi viuendi genera vocationes appellauit. Suū ergo singulis viuendi genus est quasi statio à Domino attributa, ne temere toto vitæ cursu circumagantur. Adeò autem necessaria est ista distinctio, vt actiones omnes nostræ inde coram ipso æstimentur, ac sæpe quidem longè aliter quā pro humanæ ac philosophicæ rationis iudicio. Nullum magis præclarū facinus habetur, etiam apud Philosophos, quā liberare tyrannide patriā. atqui voce cælestis arbitri apertè damnatur qui priuatus manū tyranno intulerit. Verū nolo in recensendis exemplis immorari. satis est si nouerimus vocationem Domini, esse in omni re bene agendi principium ac fundamētum: ad quam qui se non referet, nunquam rectam in officiis viam tenebit. Poterit fortè interdum nonnihil in speciem laudabile designare: sed illud qualecūque sit in cōspectu hominum, apud Dei thronum respuetur. deinde in ipsis vitæ partibus nulla erit symmetria. Proinde tum optimè composita erit tua vita quum ad hunc scopum dirigetur. quia nec quisquā propria temeritate impulsus, plus tentabit quā ferat sua vocatio: quia sciet fas non esse transilire suas metas. Qui obscurus erit priuatam vitam non ægrè colet, ne gradum in quo diuinitus locatus erit deserat. Rursum hæc erit curis, laboribus, molestiis aliisque oneribus nō parua leuatio, dum quisque sciet Deum in his omnibus sibi esse ducē. Libentius magistratus partes suas obibit: paterfamilias se ad officiū astringet: quisque in suo vitæ genere incommoda, sollicitudines, tædia, anxietates perferet ac vorabit, vbi persuasi fuerint onus cuique à Deo esse impositum. Hinc & eximia consolatio nascetur, quòd nullū erit tam sordidum ac vile opus (in quo modò tuæ vocationi pareas) quod non coram Deo resplicēat & pretiosissimum habeatur.

De iustificatione fidei, ac primò de ipsa nominis & rei definitione.

C A P. X I.

IAM mihi satis diligēter exposuisse suprā videor, quomodo hominibus à Lege maledictis vnicū recuperandæ salutis restet in fide subsidiū. Rursum quid fides ipsa sit, & quæ in hominū Dei beneficia conferat, & quos in eo fructus edat. Summa autem hæc fuit, Christum nobis Dei benignitate datum, fide à nobis apprehendi ac possideri, cuius participatione duplicem potissimū gratiam recipiamus: nempe vt eius innocentia Deo reconciliati, pro iudice iam propitiū habeamus in cælis Patrem: deinde vt eius Spiritu sanctificati, innocentiam puritatemque vitæ meditemur. Ac de regeneratione quidem, quæ secunda est gratia, dictum fuit quantum sufficere videbatur. Iustificationis ratio leuius ideo attacta est, quoniam ad rem pertinebat intelligere primū & quā otiosa non sit à bonis operibus fides, qua sola gratuitam iustitiam, Dei misericordia obtinemus: & qualia sint sanctorum bona opera, in quibus pars huius quæstionis versatur. Ea ergo nunc penitus discutiēda: & ita discutienda vt meminimus præcipuum esse sustinendæ religionis cardinem: quo maiorem attentionem curamque afferamus. Nisi enim primum omnium, quo sis apud Deum loco, & quale de te sit illius iudicium, teneas: vt nullum habes stabiliendæ salutis fundamentum, ita nec erigē-

dæ in Deum pietatis. Sed necessitas cognoscendi melius ex cognitione ipsa elucescet.

2 Porro ne impingamus in ipso limine (quod fieret si de re incognita disputationem ingrederemur) primùm explicemus quid sibi velint istæ locutiones, *Hominem coram Deo iustificari, Fide iustificari vel operibus. Iustificari corā Deo dicitur, qui iudicio Dei & censetur iustus, & acceptus est ob suam iustitiam: siquidem ut Deo abominabilis est iniquitas, ita nec peccator in eius oculis potest inuenire gratiam, quatenus est peccator & quandiu talis censetur. Proinde ubicunque peccatum est, illic etiam se profert ira & ultio Dei. Iustificatur autem qui non loco peccatoris, sed iusti habetur, eoque nomine cōsistit coram Dei tribunali, ubi peccatores omnes corruunt. Quemadmodū si reus innocens ad tribunal æqui iudicis adducatur, ubi secundum innocentiam eius iudicatum fuerit, iustificatus apud iudicem dicitur: sic apud Deum iustificatur qui numero peccatorum exēptus, Deum habet suæ iustitiæ testem & assertorem. Iustificari ergo operibus ea ratione dicitur in cuius vita reperietur ea puritas ac sanctitas, quæ testimonium iustitiæ apud Dei thronum mereatur: seu qui operum suorum integritate, respondere & satisfacere illius iudicio queat. Contrā iustificabitur ille fide, qui operum iustitia exclusus, Christi iustitiam per fidem apprehendit, qua vestitus in Dei conspectu non ut peccator, sed tanquam iustus apparet. Ita nos iustificationem simpliciter interpretamur acceptionem qua nos Deus in gratiam receptos pro iustis habet. Eamque in peccatorum remissione ac iustitiæ Christi imputatione positam esse dicimus.*

3 In huius rei confirmationē extant multa & clara Scripturæ testimonia. Principiò hanc esse propriam & vſitatissimā verbi significationem negari non potest. Sed quia nimis longum esset locos omnes colligere & inter se conferre, satis sit lectores monuisse. per se enim facile obseruabunt. Paucos tantum producam, ubi hæc, de qua loquimur, iustificatio nominatim tractatur. Primùm ubi narrat Lucas plebem Christo audito iustificasse Deum, & ubi pronuntiat Christus sapientiam iustificari à filiis suis, non significat illic iustitiam conferre, quæ manet semper integra apud Deum, quanuis totus mundus eripere conetur: neque hic etiam salutis doctrinam facere iustam, quæ per se hoc habet: sed vtraque loquutio tantundem valet, ac laudem Deo eiusque doctrinæ tribuere quam merentur. Rursum quum Pharisæis exprobrat Christus quòd seipsos iustificēt, non intelligit acquirere iustitiam rectè agendo, sed ambitiosè captare iustitiæ qua vacui sunt famam. Hūc sensum melius intelligunt Hebraicæ linguæ periti: ubi etiam scelesti vocātur non modò qui sibi conscii sunt sceleris, sed qui iudiciū damnationis subeunt. Neque enim Bersabe, dū se & Solomonem dicit fore scelestos, crimen agnoscit: sed probro se & filium expositū iri conqueritur, ut numerentur inter reprobos & damnatos. Ex cōtextu tamē facile patet, verbum hoc, etiam dum Latinè legitur, non posse aliter accipi, nempe relatiuè, nō autem ut qualitatem aliquam denotet. Quod verò ad causam præsentem attinet, ubi Paulus ait Scripturā præuidisse quòd ex fide iustificet Gentes Deus, quid aliud intelligas quàm Deum iustitiam ex fide imputare? Item, quū dicit Deum iustificare impium qui est ex fide Christi, quis sensus esse potest, nisi fidei beneficio à damnatione liberare quam ipsoꝝ impietas merebatur? Apertius etiamnum in conclusione, dum sic exclamat, *Quis accusabit electos Dei? Deus est qui iustificat. quis condemnabit? Christus est qui mortuus est: imò qui resurrexit, & nunc interpellat pro nobis. Perinde enim est ac si diceret, Quis accusabit quos Deus absoluit? quis damnabit quos suo patrocínio Christus defendit? Iustificare ergo nil aliud est, quàm eum qui reus agebatur, tãquam approbata innocentia à reatu absolueret. Quum itaque nos Christi intercessionem iustificet Deus, non propriæ innocentie approbatione, sed iustitiæ imputatione nos absoluit: ut pro iustis in Christo censeamur, qui in nobis nō sumus. Sic Acto-*

4 Atque ut omittamus contentionem de voce, rem ipsam si intuemur qualiter nobis describitur, nulla manebit dubitatio. Nam Paulus acceptionis nomine certè iustificationem

Luc. 7. c. 11
Ibidem, 37

Luc. 16. d. 15

1. Reg. 1. c. 11

Galat. 3. a. 8

Rom. 3. d. 16

Rom. 8. f. 33

Act. 13. f. 38

Luc. 18. c. 14

In Psal. 118
Serm. 10

designat, quum dicit ad Ephesios 1.a.5, Destinati sumus in adoptionem per Christum, secundum beneplacitum Dei, in laudē gloriōsæ ipsius gratiæ, qua nos acceptos vel gratiosos habuit. Id enim ipsum vult quod alibi dicere solet, Deum nos gratuito iustificare. Quarto autem capite ad Romanos, primū appellat iustitiæ imputationem: nec eam dubitat in peccatorum remissione collocare. Beatus homo, inquit, à Dauide dicitur cui Deus acceptō fert vel imputat iustitiam sine operibus: sicut scriptum est. Beati quorū remissæ sunt iniquitates, &c. Illic sanē nō de iustificationis parte, sed de ipsa tota disputat. Eius porrō definitionem à Dauide positam testatur, quum beatos esse pronuntiat quibus datur gratuita peccatorum venia. Vnde apparet, iustitiam hanc de qua loquitur, simpliciter reatui opponi. Sed ad hanc rem locus ille est omnium optimus vbi hanc esse summam docet legationis Euangelicæ, vt reconciliemur Deo: quia ipse nos per Christum vult in gratiam recipere, non imputando nobis peccata. Sedulo expendant lectores totum contextū. nam paulo pōst exegeticē addens, Christum, qui peccati expers erat, factum esse pro nobis peccatū: vt modum reconciliationis designet, non aliud haud dubiē reconciliandi verbo intelligit quā iustificari. Nec sanē quod alibi tradit staret, obedientia Christi nos constitui iustos, nisi in ipso & extra nos iusti reputamur corā Deo.

Rom. 3. c. 24.

Rom. 4. a. 6.

2. Cor. 5. d. 18.

Rom. 5. d. 19.

5 Verū quia Osiander monstrum nescio quod essentialis iustitiæ inuexit, quo etsi noluit abolere gratuitam iustitiam, ea tamen caligine inuoluit quæ pias mentes obtenebratas serio gratiæ Christi sensu priuet: antequam ad alia transeo, hoc delirium refellere operæpretium est. Primò hæc speculatio meræ est ieiunæque curiositatis. Multa quidem Scripturæ testimonia accumulât, quibus Christum probet vnū esse nobiscū, & nos vicissim cū ipso, quod probatione non indiget: sed quia non obseruat huius vnitatis vinculū, seipsum illaqueat. Nobis verò omnes eius nodos expedire facile est, qui tenemus nos cum Christo vniri arcana Spiritus eius virtute. Cōceperat vir ille quiddam affine Manichæis, vt essentiam Dei in homines transfundere appeteret. Hinc aliud eius commentum, Adam fuisse formatum ad imaginem Dei: quia iam ante lapsum destinatus erat Christus exemplar humanæ naturæ. Sed quia breuitati studeo, in præsentī causa insistā. Dicit nos vnū esse cum Christo. Fatemur: interea negamus misceri Christi essentiam cum nostra. Deinde perperam hoc principium trahi dicimus ad illas eius præstigias: Christum nobis esse iustitiam, quia Deus est æternus, fons iustitiæ, ipsâque Dei iustitia. Ignoscent lectores si nunc tantum attingo quæ ratio docendi in alium locum differri postulat. Quauis autem excuset se voce iustitiæ essentialis non aliud intendere quā vt huic sententiæ occurrat, nos propter Christum iustos reputari: dilucidè tamen exprimit se non ea iustitia contentum, quæ nobis obedientia & sacrificio mortis Christi parta est, fingere nos substantialiter in Deo iustos esse tam essentia quā qualitate infusa. Hæc enim ratio est cur tam vehementer contendat, non solum Christum, sed Patrem & Spiritum in nobis habitare. Quod etsi verum esse fateor, peruersè tamen ab eo torqueri dico. Mōdum enim habitandi expendere decebat, nempe quod Pater & Spiritus in Christo sunt: & sicut in ipso habitat plenitudo diuinitatis, ita in ipso possidemus totum Deum. Quicquid ergo seorsum de Patre & Spiritu profert, non aliò tendit nisi vt simplices abstrahât à Christo. Deinde substantialem mixturem ingerit, qua Deus se in nos transfundens, quasi partem sui faciat. Nam virtute Spiritus Sancti fieri vt coalescamus cum Christo, nobisque sit caput & nos eius membra, ferè pro nihilo ducit, nisi eius essentia nobis misceatur. Sed in Patre & Spiritu apertius, vt dixi, prodit quid sentiat: nempe iustificari nos non sola mediatoris gratia, nec in eius persona iustitiā simpliciter vel solidè nobis offerri: sed nos fieri iustitiæ diuinæ consortes, dum essentialiter nobis vnitur Deus.

6 Si tantum diceret Christum nos iustificando, essentiali coniunctione nostrum fieri: nec solum quatenus homo est, esse caput nostrum, sed diuinæ quoque naturæ essentiam in nos diffundi: minore noxa deliciis se pasceret, nec fortè propter hoc delirium tāta esset excitanda contentio: sed quum principiū hoc sit instar sepiæ, quæ egestionē atrī turbidique sanguinis multas caudas occultat, nisi velimus scientes & volentes pati nobis iustitiam illam eripi quæ sola de salute gloriandi fiduciam nobis adfert, acriter resistere necesse est. Nam in hac tota disputatione nomen iustitiæ & verbū iustificandi ad duas partes extēdit, vt iustificari sit non solum reconciliari Deo gratuita venia, sed etiam iustos effici: vt iustitia sit non gratuita imputatio, sed sanctitas & integritas quam Dei essentia in nobis residēs inspirat. Deinde fortiter negat, quatenus Christus sacerdos peccata expiādo, Patrem nobis placauit, ipsum esse iustitiam nostram, sed vt est Deus æternus, & vita. Vt probet illud primū, Deum non tantum ignoscendo sed regenerando iustificare, quærit an quos iustificat,

fore nostrā iustitiam. Atqui nihil inde aliud eliciet nisi Christum, qui nostra est iustitia, esse Deum manifestatum in carne. Alibi retulimus ex concione Pauli, Deum sibi acquisisse Ecclesiam suo sanguine. Siquis inde inferat, sanguinem quo expiata sunt peccata esse diuinum, & diuinæ naturæ, quis tam fœdum errorem ferat? Atqui hoc tam puerili cauillo se omnia adeptum esse putat Osiander, tumet, exultat, multasque paginas farcit suis ampullis. quū tamen simplex sit & expedita solutio, Iehouam quidem, ubi factus fuerit germē Davidis, fore piorū iustitiam: sed quo sensu, docet Isaias, Cognitione sui iustificabit multos iustus seruus meus. Notemus Patrem loqui: Filio attribuere iustificandi partes: causam addere, quòd iustus sit: modum vel medium (vt loquūtur) locare in doctrina qua Christus cognoscitur. Nam vocem *נר* passiuè accipere cōmodius est. Hinc colligo Christū esse factum iustitiam quando serui speciem induit: secundo nos iustificare quatenus obsequentem se Patri præbuit: ac proinde non secundum diuinam naturā hoc nobis præstare, sed pro dispensationis sibi iniunctæ ratione. Etsi enim solus Deus fons est iustitiæ, nec aliter quā eius participatione sumus iusti: quia tamen infœlici dissidio ab eius iustitia alienati sumus, necesse est descēdere ad hoc inferius remedium, vt nos Christus mortis & resurrectionis suæ virtute iustificet.

9 Si obiiciat, opus hoc sua præstantia superare hominis naturā, ideòque non posse nisi diuinæ naturæ adscribi, prius concedo: in hoc secundo dico eum inscitè hallucinari. Nā etsi neque sanguine suo animas nostras purgare, neq. Patrē suo sacrificio placare, neque à reatu absolueret nos poterat Christus, nec denique inuinus sacerdotis peragere, nisi verus fuisset Deus, quia tanto oneri impar erat carnis facultas: certum tamen est his omnibus perfunctum esse secundum humanam naturam. Quomodo enim iustificati sumus si queritur, respondet Paulus, Christi obedientia. An verò aliter obediuit quā assumpta serui figura? Rom. 5. d. 19 Vnde colligimus, in carne eius exhibitā nobis esse iustitiam. Similiter in aliis verbis (quæ sæpius citare quomodo Osiandrum non pudeat valde miror) non alibi statuit iustitiæ fontem quā in carne Christi. Eum qui peccatum non nouerat, pro nobis peccatum fecit, vt essemus iustitia Dei in illo. Iustitiam Dei inflatis buccis attollit Osiander, & triumphum canit, quasi euicerit esse spectrū illud suū essentialis iustitiæ: quum longè aliud verba sonēt, iustos esse nos expiatione per Christū facta. Iustitiam Dei accipi pro ea quæ Deo probatur, notum esse debuerat elementariis: sicuti apud Iohannē confertur gloria Dei hominum gloriæ. Scio, interdum vocari Dei iustitiam, cuius est ipse author, & qua nos donat: Iohan. 10 sed hoc loco nihil aliud intelligi quā nos mortis Christi piaculo suffultos apud Dei tribunal stare, sani lectores me tacente agnoscunt. Neque in voce tantum est momenti, modò nobiscum de hoc cōsentiat Osiander, nos in Christo iustificari quatenus pro nobis factus est expiatrix victima: quod à diuina eius natura abhorret. Qua etiam ratione, ubi iustitiam & salutem quam nobis attulit, obsignare vult Christus, certū eius pignus in carne sua proponit. Vocat quidem se panem viuum: sed modum explicans, adiungit, carnem suam esse verè cibum, & sanguinem verè potum. Quæ ratio docendi in sacramentis perspicitur: quæ etsi fidem nostram ad totum Christum non dimidium dirigunt, simul tamē iustitiæ & salutis materiam in eius carne residere docent. non quòd à seipso iustificet aut viuificet merus homo, sed quia Deo placuit, quod in se absconditum & incomprehensibile erat, in Mediatore palàm facerè. Vnde soleo dicere Christum esse nobis quasi expositum fontem, vnde hauriamus quod alioqui sine fructu lateret in occulta illa & profunda scaturigine, quæ in Mediatoris persona ad nos emergit. Hoc modo & sensu nō inficior Christū, vt est Deus & homo, nos iustificare, commune esse etiam hoc opus Patris & Spiritus sancti. denique iustitiam, cuius nos consortes facit Christus, æternam esse Dei æterni iustitiam, modò firmis & apertis quas citaui rationibus cedat.

10 Porro ne suis cauillis decipiat imperitos, fateor hoc tam incomparabili bonò nos priuari donec Christus noster fiat. Cōiunctio igitur illa capitis & membrorū, habitatio Christi in cordibus nostris, mystica denique vnio à nobis in summo gradu statuitur: vt Christus noster factus, donorum quibus præditus est nos faciat consortes. Non ergò cum extra nos procul speculamur, vt nobis imputetur eius iustitia: sed quia ipsum induimus, & insitum sumus in eius corpus, vnum denique nos secum efficere dignatus est: ideo iustitiæ societate nobis cum eo esse gloriamur. Ita refellitur Osiandri calumnia, fidem à nobis censerī iustitiam: quasi Christū spoliemus iure suo, quum dicimus fide nos ad eum vacuos accedere, vt eius gratiæ locū demus, quo nos ipse solus impleat. Sed Osiander hac spirituali cōiunctione spreta, crassam mixturā Christi cum fidelibus vrget: atque ideo Zuinglianos odiosè nominat quicūque non subscribunt fanatico errori de essentiali iustitia: quia nō sentiant

Christum in Cœna substantialiter comedi. Mihi verò probum hæc audire ab homine superbo suisque præstigiis dedito summa gloria est. Quanquam non me solum, sed quos modestè venerari debuerat scriptores orbi satis cognitos perstringit. Mea verò nihil refert, qui priuatam causam non ago. quo sincerius hanc causam ago, qui liber sum ab omni prauo affectu. Quòd ergo essentialem iustitiam & essentialem in nobis Christi habitationem tam importunè exigit, huc spectat, primum ut crassa mixtura se Deus in nos transfundat, sicuti in Cœna carnalis manducatio ab ipso fingitur, deinde ut iustitiâ suâ nobis inspiret, quarealiter simus cum ipso iusti: quandoquidem secundum ipsum iustitia hæc tam est Deus ipse quàm probitas, vel sanctitas, vel integritas Dei. Non multum operam impendam diluendis quæ adducit testimoniis, quæ perperam à cælesti vita ad statum præsentem detorquet. Per Christum (inquit Petrus) donata sunt nobis pretiosa & maxima promissa, ut consortes efficeremur diuinæ naturæ. Quasi verò nunc simus quales Euangelium fore promittit ultimo Christi aduentu: imò admonet Iohannes tunc nos Deum visuros sicuti est, quia similes ei erimus. Tantum exilem gustum dare volui lectoribus, data opera me supersedere ab his nugis, non quòd difficile sit eas diluere, sed quia nolo molestus esse in labore superuacuo.

1. Pet. 1. a. 4

1. Iohan. 3. a. 2

II

2. Co. 5. d. 11

Rom. 4. a. 7
psal. 32. a. 1

Galat. 3. c. 18

Rom. 7. d. 24

Rom. 8. f. 33

Cæterum in secundo membro plus veneni latet, ubi nos vnâ cum Deo iustos esse docet. Satis iam me probasse arbitror, quanuis non tam pestiferum esset hoc dogma, quia tamen frigidum & ieiunum est, suâque vanitate disfluit, sanis & piis lectoribus meritò debere esse insipidum. Verum hæc minimè tolerabilis est impietas, prætextu duplicis iustitiæ labefactare salutis fiduciâ, & nos raptare supra nubes, ne gratiâ expiationis fide amplexi, Deum quietis animis inuocemus. Ridet eos Osiander qui iustificari docet esse verbum forense: quia oporteat nos re ipsa esse iustos. nihil etiâ magis respuit quàm nos iustificari gratuita imputatione. Agedum, si nos Deus non iustificat absoluendo & ignoscendo, quid sibi vult illud Pauli: Erat Deus in Christo mundum sibi reconcilians, non imputans hominibus peccata. Eum enim qui peccatum non fecerat, pro nobis peccatum fecit, ut essemus iustitia Dei in illo. Primum obtineo, iustos cæteri qui Deo reconciliantur. modus inseritur, quòd Deus ignoscendo iustificet: sicuti alio loco iustificatio accusationi opponitur. quæ antithesis clarè demonstrat sumptam esse loquendi formam à forense vsu. Nec verò quisquâ mediocriter in lingua Hebraica versatus (modò idè sedato sit cerebro) inde ortam esse phrasin hanc ignorat, deinde quorsum tendat & quid valeat. Iam verò mihi respondeat Osiander, ubi dicit Paulus describi à Dauide iustitiâ sine operibus in his verbis, Beati quorum remissæ sunt iniquitates: si ne plena hæc definitio, an dimidia. Certè Prophetam non adducit testem, ac si doceret partem iustitiæ esse veniam peccatorum, vel ad hominem iustificandum concurrere: sed totam iustitiam in gratuita remissione includit, beatum hominem pronuntians cuius tecta sunt peccata, cui remisit Deus iniquitates, & cui transgressionem non imputat: felicitatem eius inde æstimat & censet, quia hoc modo iustus est non re ipsa, sed imputatione. Excipit Osiander, contumeliosum hoc fore Deo, & naturæ eius contrarium, si iustificet qui re ipsa impii manent. Atqui tenendum memoria est quod iam dixi, non separari iustificandi gratiâ à regeneratione, licet res sint distinctæ. Sed quia experientia plus satis notum est, manere semper in iustis reliquias peccati, necesse est longè aliter iustificari quàm reformantur in vitæ nouitate. Nam hoc secundum sic inchoat Deus in electis suis, totoque vitæ curriculo paulatim, & interdum lentè in eo progreditur, ut semper obnoxii sint apud eius tribunal mortis iudicio. Iustificat autem non ex parte, sed ut liberè, quasi Christi puritate induti, in cælis compareant. Neque enim conscientias pacaret aliqua iustitiæ portio, donec statutum sit nos Deo placere: quia sine exceptione iusti coram ipso sumus. Vnde sequitur peruertere & funditus euertere iustificationis doctrinam ubi animis iniicitur dubitatio, concutitur fiducia salutis, libera & intrepida inuocatio remoram patitur: imò ubi non stabilitur quies & tranquillitas cum spiritali gaudio. Vnde Paulus à repugnantibus arguit, hæreditatem non esse ex Lege: quia hoc modo exinanita esset fides, quæ si operum respectum habeat, labascit: quando nemo ex sanctissimis illic reperiet in quo confidat. Hoc discrimen iustificandi & regenerandi (quæ duo confundens Osiander, duplicem iustitiam nominat) pulchrè exprimitur à Paulo. nam de reali sua iustitiâ loquens, vel de integritate quæ donatus erat (cui Osiander titulum imponit essentialis iustitiæ) flebiliter exclamat, Miser ego, quis me liberabit ex corpore mortis huius? Ad iustitiâ verò confugiens quæ in sola Dei misericordia fundata est, magnificè & vitæ & mortis, & probis, & inedia, & gladio rebusque omnibus aduersis insultat. Quis accusabit contra electos Dei, quos ipse iustificat? Certò enim persuasus sum quòd nihil nos separabit ab amore eius in Christo. Iustitiam sibi esse clarè prædicat quæ sola ad salutem in solidum sufficiat coram Deo, ut gloriandi

fiduciæ non deroget ac nihil remoræ iniiciat misera illa seruitus, cuius sibi conscius fortem suam paulo antè deslebat. Hæc diuersitas satis nota est adeoque familiaris sanctis omnibus qui sub onere iniquitatum gemunt, & interea victrice fiducia emergunt supra omnes metus. Quod autè obiectat Osiander, dissentaneū esse à natura Dei, in eū recidit. nam etsi duplici iustitia tāquam pellita veste sanctos vestit, fateri tamen cogitur, sine peccatorū remissione neminem placere Deo. Quod si verum est, saltem concedat secundum ratā partem imputationis (vt loquuntur) iustos censeri qui re ipsa non sunt. Quousque autem extendet peccator acceptationem hanc gratuitā, quæ subrogatur in locum iustitiæ? ex deince, an ex vncia? Ambiguus profectò & vacillans in hanc & in hanc partem pendebit: quia nō licebit quantū ad fiduciā necessarium erit iustitiæ sibi sumere. Bene est quòd huius causæ non est arbiter, qui Deo legē vellet præscribere. Caterū illud stabit fixum, Vt iustificeris in sermonibus tuis, & vincas quum iudicaris. Quantæ autem arrogantia est damnare summum iudicem quum gratis absoluit, ne valeat illud respōsum, Miserebor cuius miserebor? Et tamen Moysis intercessio, quam hac voce cōpescuit Deus, non eò tēdebat ne cui parceret, sed vt omnes pariter, abolito reatu, quāuis obnoxii culpæ essent, abfolueret. Ac nos quidē dicimus ideo sepultis peccatis iustificari corā Deo perditos: quia (vt peccatum odio habet) non potest amare nisi quos iustificat. Sed hæc est mirabilis iustificandi ratio, vt Christi iustitia tecti non exhorreant iudicium quo digni sunt, & dum seiplos meritò damnant, iusti extra se censeantur.

Psal. 51. a. 5

Exod. 11. d. 19

- 12 Monendi tamen sunt lectores, vt ad mysterium, quod se illos celare nolle iactat, sedulò aduertant. Postquam enim diu & prolixè contendit non sola imputatione iustitiæ Christi nos fauorem cōsequi apud Deum, quia hoc ei impossibile esset habere pro iustis qui non sunt: (vtor eius verbis) tandem concludit Christum non humanæ naturæ sed diuinæ respectu datum nobis esse in iustitiā: & quanuis hæc non nisi in persona Mediatoris reperiri queat, esse tamen non hominis sed Dei iustitiam. Non colligat nunc suum funiculum ex duabus iustitiis, sed planè iustificandi officium adimit humanæ Christi naturæ. Operæpretium autem est tenere qua ratione pugnet. Dicitur eodem loco Christus factus in sapiētiam: quod non conuenit nisi æterno sermoni. Ergo nec Christus homo iustitia est. Respondeo, vnigenitum Dei Filium æternam quidem fuisse eius sapientiam, sed diuerso modo nomen hoc ei attribui apud Paulum, quia in ipso reconditi sunt omnes thesauri sapientiæ & scientiæ. Quod ergo apud Patrem habebat, nobis manifestauit: & ita non ad essentiā Filii Dei, sed ad vsum nostrum refertur quod dicit Paulus, & humanæ Christi naturæ rite apratur: quia etsi lux in tenebris lucebat antequam carnem indueret, erat tamen lux abscondita, donec prodiiit idem Christus in natura hominis, sol iustitiæ: qui se ideo lucē mūdi appellat. Stultè etiam ab eo obiicitur, iustificandi virtutem tam Angelis quàm hominibus longè superiorem esse: quando hoc non ex dignitate creaturæ cuiusquam, sed ex Dei ordinatione pender. Si Angelis libeat Deo satisfacere, nihil proficient: quia nō sunt ad hoc destinati. homini autem Christo hoc singulare fuit, qui Legi subiectus est vt nos à maledictione Legis redimeret. Nimis etiam improbè calumniatur eos qui negant Christum secundum diuinam naturam esse nobis iustitiam, relinquere vnā tantū partē de Christo, & (quod deterius est) facere duos Deos: quia etsi fatentur Deum habitare in nobis, reclamant tamen non esse nos iustos iustitia Dei. Neque enim si Christum, quatenus mortē subiit vt destrueret eum qui habebat mortis imperium, vocamus authorem vitæ, protinus totum ipsum, vt est Deus in carnē manifestatus, fraudamus hoc honore: sed tantū distinguimus quomodo ad nos perueniat iustitia Dei, vt ea fruamur. in quo nimis foedè lapsus est Osiander. Neque verò negamus, quod nobis in Christo palàm est exhibitum, ab arcana Dei & gratia & virtute manare: neque de eo pugnamus quin iustitia, quam nobis Christus cōfert, iustitia Dei sit, quæ ab ipso proficiscitur: sed cōstanter illud tenemus nobis in morte & resurrectione Christi esse iustitiam & vitam. Omitto pudendam illam locorum congeriem, qua sine delectu atque etiam sine communi sensu oneravit lectores, vbicunque fit iustitiæ mentio, debere hanc essentialē intelligi. sicuti vbi Dauid Deū iustitiam ad ferendū sibi suppetias implorat, quum id faciat plus centies, tot sententias percurrere non dubitat Osiander. Nihilò etiam firmitus est quod obiectat, iustitiam proprie dici & rectè qua ad rectè agendum mouemur, solum verò Deū operari in nobis & velle & perficere. Neque enim negamus quin reformet nos Deus Spiritu suo in vitæ sanctitatem & iustitiam: sed primò videndum est faciātne hoc per se & immediatè, an verò per manum Filii sui, penes quem omnem Spiritus sancti plenitudinem deposuit, vt sua abūdantia membrorum in opem subueniret. Deinde quanuis ex occulto diuinitatis fonte prodeat ad nos iustitia, non

Colos. 2. a. 3

Iohan. 8. b. 12

Galat. 3. b. 13

Heb. 2. d. 14

Philip. 2. b. 13

Iohan. 17. c. 19 tamen sequitur, Christum, qui in carne se propter nos sanctificauit, secundum diuinā naturam nobis iustitiam esse. Non minus friuolum est quod adducit, Christum ipsum diuinā iustitia fuisse iustum: quia nisi eum voluntas Patris impulisset, ne ipse quidem iniunctis sibi partibus satisfecisset. Nam etsi alibi dictum fuit omnia Christi ipsius merita fluere ex mero Dei beneplacito, nihil hoc tamen ad phantasma quo suos & simpliciū oculos fascinat Osiander. Quis enim colligere permittat, quia fons & principium iustitiæ nostræ Deus est, essentialiter nos esse iustos, & essentialiter iustitiæ Dei in nobis habitare? In redimēda Ecclesia (inquit Iesaias) Deus iustitiā suam induit quasi lorica. an ut Christum armis spoliaret, quæ dederat ne esset perfectus redemptor? Atqui nihil aliud voluit Propheta, quam Deum extra se nihil mutuatum esse, neque fuisse vllō subsidio adiutum ad nos redimendos. Quod aliis verbis breuiter signauit Paulus, salutem nobis dedisse in ostensionem suæ iustitiæ. Sed hoc minimè euertit quod alibi docet, nos vnus hominis obedientia iustos esse. Denique quisquis duplicem iustitiam inuoluit, ne quiescant miseræ animæ in mera & vnica Dei misericordia, Christum implexis spinis per ludibrium coronat.

13 Sed quoniam bona pars hominum iustitiam ex fide & operibus compositam imaginatur, præmōstremus id quoque, sic inter se differre fidei operūque iustitiā, ut altera stante necessariò altera euertatur. Dicit Apostolus se omnia pro stercorebus reputasse ut Christū lucrifaceret, & in illo reperiret non habens suam iustitiam quæ est ex Lege, sed quæ est ex fide Iesu Christi, iustitiam quæ est ex Deo per fidem. Vides & contrariorū esse hic comparisonem, & indicari propriam iustitiā oportere pro derelicto haberi ab eo qui velit Christi iustitiam obtinere. Quare alibi hanc Iudæis ruinæ causam fuisse tradit, quod suam volentes iustitiam stabilire, iustitiæ Dei non fuerunt subiecti. Si propriam iustitiam stabilendo, Dei iustitiam excutimus: ut hanc cōsequamur, oportet profecto illam penitus aboleri. Id ipsum quoque ostendit quum negat per Legem excludi gloriationem nostram, sed per fidem. Vnde sequitur, quātisper manet quātulacunque operū iustitia, manere nobis nonnullam gloriādi materiam. Iam si fides omnem gloriationem excludit, cum iustitia fidei sociari nullo pacto iustitia operum potest. In hunc sensum tam clarè loquitur quarto capite ad Rom. ut nullum cauillis aut tergiuersationibus locum relinquat. Si operibus, inquit, iustificatus est Abraham, habet gloriam. Subiungit, Atqui non habet gloriam apud Deum. Consequens ergo est, non iustificatum esse operibus. Ponit deinde alterum argumentum à contrariis. Quum rependitur operibus merces, id fit ex debito, nō ex gratia. Fidei autem tribuitur iustitia secundum gratiam. Ergo id non est ex meritis operū. Valeat igitur eorum somnium qui iustitiam ex fide & operibus conflata comminiscuntur.

14 Subtile effugium habere se putant sophistæ, qui sibi ex Scripturæ deprauatione & inanibus cauillis ludos & delicias faciunt. nam opera exponunt, quæ literaliter tantum & liberi arbitrii conatu extra Christi gratiam faciunt homines nondum regeneriti. id verò ad opera spiritualia spectare negant. Ita secundum eos tam fide quàm operibus iustificatur homo, modò ne sint propria ipsius opera, sed dona Christi & regenerationis fructus. Paulum enim non alia de causa ita loquutum, nisi ut Iudæos viribus suis fretos conuinceret stultè sibi arrogasse iustitiam, quū solus Christi Spiritus eam nobis conferat non studium ex proprio naturæ motu. Atqui non obseruant in antithesi legalis & Euangelicæ iustitiæ, quam alibi Paulus adducit, excludi quælibet opera, & quocunque ornentur titulo. Docet enim iustitiam Legis hanc esse, ut salutem obtineat qui præstitit quod Lex iubet: iustitiam verò fidei, si credimus Christum esse mortuū, & resurrexisse. Adhæc videbimus postea suo loco, diuersa esse Christi beneficia, sanctificationē & iustitiam. Vnde sequitur ne spiritualia quidem opera in calculum venire, vbi vis iustificandi fidei adscribitur. Nec verò Paulus, vbi negat (quod nuper citauimus) Abraham habere cur gloriatur apud Deum, quia operibus iustus non est, restringi hoc debet ad literalem & externam virtutum speciem, vel liberi arbitrii conatum: sed quanuis spiritualis & fere Angelica fuerit Patriarchæ vita, non tamen suppetere operum merita, quæ illi iustitiam coram Deo acquirant.

15 Crassius paulo scholastici, qui præparationes suas miscent: hi tamen non minus prauo dogmate simplices & incautos imbuunt, sub prætextu Spiritus & gratiæ misericordiam Dei, quæ sola trepidas animas placare potest, regentes. Nos verò fatemur cum Paulo, iustificari apud Deum legis factores: sed quia à Legis obseruatione longè omnes absumus, hinc colligimus, quæ maximè ad iustitiam valere deberent opera, ideo nihil nos iuuare quia illis destituimur. Quod ad vulgares Papistas pertinet vel scholasticos, dupliciter hic falluntur: & quod fidem appellant conscientiæ certitudinem, in expectanda à Deo pro meritis mercede: & quod gratiam Dei, non gratuitæ iustitiæ imputationem, sed Spiritum

ad studium sanctitatis adiuuantem interpretantur. Legunt apud Apostolum, Accedentē ad Deum oportet primū credere quōd Deus sit, deinde quōd remunerator sit quærentibus se. Sed non animaduertunt quis sit quærendi modus. In nomine verō gratiæ eos hallucinari palām fit ex eorum scriptis. Lombardus enim iustificationem per Christum nobis datam duobus modis interpretatur. Primum, inquit, mors Christi nos iustificat, dum per eam excitatur charitas in cordibus nostris, qua iusti efficiamur: deinde quōd per eādem extinctum est peccatū, quo nos captiuos distinebat Diabolus, ut iam non habeat unde nos damnet. Vides ut Dei gratiam præcipue in iustificatione consideret, quatenus ad bona opera per Spiritus sancti gratiam dirigimur. Voluit scilicet Augustini opinionem sequi: sed procul sequitur, atque etiam à recta imitatione multū defecit: quia & obscuratiquid ab illo perspicue dictum est, & quod non adeo impurum in illo erat corrumpit. Schola in deterius semper aberrarūt, donec tandem præcipiti ruina deuolutæ sunt ad quendam Pelagianismum. Ac nec Augustini quidem sententia, vel saltem loquēdi ratio, per omnia recipienda est. Tametsi enim egregie hominem omni iustitiæ laude spoliāt, ac totā Dei gratiā transcribit: gratiam tamen ad sanctificationem refert, qua in vitæ nouitatem per Spiritum regeneramur.

Heb. 11. 6.

Lib. 3. Sent. dist. 16. c. 1.

16 Scriptura autem, quum de fidei iustitia loquitur, longè aliò nos ducit: nempe ut ab intuitu operum nostrorum auersi, in Dei misericordiam ac Christi perfectionem tantum respiciamus. Siquidem hunc iustificationis ordinem docet, quōd principio peccatorem hominem mera gratuitāque bonitate dignetur complecti Deus, nihil in ipso, quo ad misericordiam moueatur, reputans, nisi miseriam: quippe quem videt à bonis operibus prorsus nudum ac vacuum: à seipso causam petens cur illi beneficiat, quōd peccatorem ipsum bonitatis suæ sensu afficiat, qui de propriis operibus diffusus, totā salutis suæ summam in ipsius misericordiam reiiciat. Hic est fidei sensus, per quem peccator in possessionem venit suæ salutis, dum ex Euangelii doctrina agnoscit Deo se reconciliatum: quōd intercedente Christi iustitia, impetrata peccatorum remissione, iustificatus sit: & quanquam Spiritu Dei regeneratus, non in bonis operibus, quibus incumbit, sed in sola Christi iustitia repositam sibi perpetuam iustitiam cogitat. Hæc ubi sigillatim expensa fuerint, perspicuā sententiæ nostræ explicationem reddēt. Quanquam alio quā proposita sunt ordine melius digerentur. Sed parum interest, modo inter se ita cohæreant ut rem totam ritè expositam certoque confirmatam habeamus.

17 Hic memoria repetere conuenit quam prius relationem constituimus inter fidem & Euangelium: quia inde iustificare dicitur fides, quōd oblatam in Euangelio iustitiam recipit & amplectitur. Quōd autem per Euangelium dicitur offerri, eo excluditur omnis operum consideratio. Quod quum aliàs sæpe, tum duobus locis clarissimè Paulus demonstrat. nam ad Romanos Legem & Euangelium inter se conferens, iustitia, inquit, quæ ex Lege est, sic habet, Qui fecerit hæc homo, viuet in ipsis. quæ autem fidei est iustitia salutem denuntiat: Si credideris in corde tuo, & ore confessus fueris Dominum Iesum, & quōd Pater illum suscitauit à mortuis. Vidēsne ut Legis & Euangelii discrimen hoc faciat, quōd illa operibus iustitiam tribuat, hoc citra operū subsidium gratuitam largiatur? Insignis locus, & qui nos à multis difficultatibus extricare queat, si intelligamus, eam quæ nobis per Euangelium donatur iustitiam, Legis conditionibus solutam esse. Hæc ratio est cur tanta repugantiæ specie promissionem Legi non semel opponat: Si ex Lege est hæreditas, iam non est ex promissione, & quæ eodem capite in hanc sententiam habentur. Certè & Lex ipsa suas habet promissiones. Quare in promissionibus Euangelicis distinctum aliquid ac diuersum esse oportet, nisi velimus fateri ineptam esse collationem. Quale autem istud erit, nisi quōd gratuita sunt, ac sola Dei misericordia suffulta, quum Legis promissiones ab operum conditione pendeant. Neque hinc obganniat quispiā, repudiari quam ex proprio Marte & libero arbitrio iustitiam obtrudere Deo volunt homines. quando sine exceptione docet Paulus Legem iubendo nihil prodesse: quia nemo est qui impleat, non tantum ex vulgo, sed ex perfectissimis quibusque. Dilectio certè præcipuum est caput Legis: quū ad eam nos formet Spiritus Dei, Cur non est nobis iustitiæ causa, nisi quōd in sanctis etiam milita est, ideoque per se nihil pretii meretur?

Rom. 10. 2. 9

Gal. 3. c. 18

Rom. 8. a. 2

18 Secundus locus est, Quōd ex Lege nemo iustificetur apud Deum, manifestum est. Quia iustus ex fide viuet. Lex autem non est ex fide: sed qui fecerit hæc homo, viuet in ipsis. Quomodo alioqui constaret argumentum, nisi conueniat in calculum fidei non venire opera, sed prorsus separanda esse? Lex, inquit, est à fide diuersa. Quare? Propterea quōd ad illius iustitiam opera requiruntur. Ergo ad huius iustitiam sequitur non requiri. Ex ista relatione

Galat. 3. b. 12

- apparet, citra operum meritum, imò extra operū meritū iustificari qui fide iustificantur, quia fides eam quam Euangelium largitur iustitiam accipit. Euangelium autem eo à Lege differt, quòd operibus non alligat iustitiam, sed in sola Dei misericordia collocat. Simile est quod ad Romanos contendit, Abraham non habere gloriandi materiam, quia fides illi in iustitiam sit imputata. ac confirmationē subiicit, quòd tum fidei iustitiæ locus est vbi nulla sunt opera quibus debeatur merces. Vbi (inquit) sunt opera, illis debitum præmium expenditur: quod datur fidei, gratuitum est. siquidem & verborum, quibus illic vititur, sensus huc quoque pertinet. Quod subnectit aliquanto post, ideo ex fide nos obtinere hæreditatē, vt secundum gratiam: hinc colligit gratuitam esse hæreditatem, quia fide percipitur. vnde id, nisi quia fides sine operū adminiculo, tota in Dei misericordiam recūbit?
- Rom. 4. a. 1 Atque eodem sensu hæud dubiè alibi docet iustitiam Dei absque Lege manifestatam esse, quanuis testimoniū habeat à Lege & Prophetis: quia exclusa Lege operibus adiuuari negat, nec operando nos eam consequi, sed vacuos accedere vt eam recipiamus.
- 19 Iam perspicit lector quanta æquitate doctrinam nostram hodie Sophistæ cauillentur, quum dicimus hominem sola fide iustificari. Fide iustificari hominē quia toties in Scriptura recurrit, negare nō audent: sed quum nusquam exprimat Solā, hanc adiectionem fieri non sustinent. Itaque sed quid ad hæc Pauli verba respondebunt, vbi contendit non esse ex fide iustitiam, nisi sit gratuita? Quomodo gratuitum cum operibus conueniet? Quibus etiam calumniis eludent, quod alibi dicit, in Euangelio Dei iustitiam manifestari: Si manifestatur in Euāgelio iustitia, certè non lacera nec dimidia, sed plena & absoluta illic continetur. Lex ergo in ea locum non habet. Nec falsa modò, sed planè ridicula tergiuersatione in exclusiua particula consistunt. Annon enim satis solidè soli fidei tribuit omnia, qui operibus adimit? Quid sibi, amābo, volūt istæ locutiones, Sine Lege manifestatam esse iustitiam, Iustificari gratis hominē, & sine operibus Legis? Hic ingeniosum subterfugium habent: quod tamen non excogitarunt ipsi, sed ab Origene & quibusdam veterū sumpserunt, ineptissimum tamen est. Opera Legis ceremonialia excludi garriunt, non moralia. Sic proficiunt assidue rixando vt ne prima quidē dialecticæ elementa teneant. An putant delirare Apostolum dum ad eius sententiæ probationem locos istos adducit? Qui fecerit hæc homo, viuet in ipsis. Et, Maledictus omnis qui nō impleuerit omnia quæ scripta sunt in volumine Legis. Nisi insaniant, non dicent promissam vitam ceremonialium cultoribus, nec denuntiatam maledictionem solis earum transgressoribus. Si sunt de Lege morali intelligendi: non dubiū quin à iustificandi potestate moralia quoque opera excludantur.
- Rom. 3. c. 20, & 4. c. 15 Eodē spectant istæ ratiocinationes quibus vititur, Quoniam per Legem cognitio peccati: ideo nō iustitia. Quia Lex iram operatur, ergo non iustitiā. Quia Lex certam nō potest reddere conscientiam, ideo nec iustitiā conferre valet. Quia imputatur fides in iustitiam, ergo nō est operis merces iustitia, sed indebita donatur. Quia ex fide iustificamur, abscissa est gloriatio. Si data esset Lex quæ posset viuificare, verè ex Lege esset iustitia: sed Deus cōclūsit omnia sub peccato, vt promissio daretur credētibus. Nugetur, si audiant, in ceremonias ista cōpetere, non in mores. atqui pueri quoque ipsi exploderent tantam impudētiam. Maneat ergo nobis certum, de Lege tota verba fieri, quando Legi derogatur iustificandi facultas.
- Galat. 3. b. 10. 18 20 Siquis autem miretur cur tali adiectione vsus sit Apostolus, non contentus opera nominasse: in prōptu est ratio. Siquidem vt tanti æstimentur opera, pretium à Dei approbatione magis quam à propria dignitate illud habent. Quis enim operū iustitiam Deo vendere audeat, nisi quam ipse approbarit? quis tanquam illis debitam reposcere mercedē, nisi quam ille promiserit? Habet ergo id ex Dei beneficentia, quòd & iustitiæ titulo & mercede digna habentur. atque adeo hac vna ratione valent, dum per ipsa propositum est obedientiam Deo exhibere. Quare vt probet alibi Apostolus, Abraham iustificari ex operibus non potuisse, allegat, ferme quadringentis demū & triginta annis post percussum fœdus latam esse Legem. Riderent huiusmodi argumentum imperiti, quòd ante promulgationem Legis potuerint esse iusta opera: sed quia operibus non nisi ex Dei testimonio ac dignatione tantum inesse momenti nouerat, pro confesso assumpsit, ante Legem vim iustificandi non habuisse. Habemus cur opera Legis nominatim exprimat, dum vult illis detrachere iustificationem: quia scilicet de illis solis controuersia moueri potest. Quanquam & sine adiectione quælibet interdum opera excipit, vt quum Davidis testimonio beatitudinem homini assignari dicit cui Deus sine operibus imputat iustitiam. Facere ergo nullis cauillis possunt quin generalem exclusiuam obtineamus. Ac frustra etiam friuolā subtilitatem captāt, iustificari nos sola fide quæ per dilectionem operatur, vt nitatur charitate iustitia. Fatemur quidem cum Paulo, nō aliam fidem iustificare quàm illam charitate
- Rom. 4. a. 6 Galat. 5. a. 6

efficacem: sed ab illa charitatis efficacia iustificandi vim non sumit. Imò non alia ratione iustificat, nisi quia in communicationem iustitiæ Christi nos inducit. Alioqui excideret id totum quod tanta contentione Apostolus vrget. Ei qui operatur (ait) non imputatur merces secundum gratiam, sed secundum debitum. Ei verò qui non operatur, sed credit in eum qui iustificat impium, imputatur sua fides ad iustitiam. Poterátne euidentius loqui quàm sic agendo: nullam esse fidei iustitiam, nisi vbi nulla sunt opera quibus debeat merces: ac tum demum fidem imputari in iustitiam, vbi per indebitam gratiam iustitia confertur. Rom. 4. a. 4

21 Nunc illud quàm verum sit excutiamus, quod in finitione dictum est, iustitiam fidei esse reconciliationem cum Deo, quæ sola peccatorum remissione constet. Sæper ad illud axioma redeundum est, vniuersis iram Dei incumbere, quandiu peccatores esse perseverant. Id eleganter significauit Iesaias his verbis, Non est abbreviata manus Domini, vt seruare nequeat, neque aggrauata auris eius, vt non exaudiat: sed iniquitates vestrae dissidium fecerunt inter vos & Deum vestrum, & peccata vestra absconderunt faciem eius à vobis, ne exaudiat. Iesai. 59. a. 7
Audimus peccatum esse diuisionem inter hominem & Deum, vultus Dei auersionem à peccatore. nec fieri aliter potest: quandoquidem alienum est ab eius iustitia quicquam commercii habere cum peccato. Vnde Apostolus inimicum esse Deo hominem docet, donec in gratiam per Christum restituitur. Quem ergo Dominus in coniunctionem recipit, eum dicitur iustificare: quia nec recipere in gratiam, nec sibi adiungere potest quin ex peccatore iustum faciat. Istud addimus fieri per peccatorum remissionem. Nam si ab operibus æstimentur quos sibi Dominus reconciliauit, reperietur etiamnum reuera peccatores, quos tamen peccato solutos puròsque esse oportet. Constat itaque, quos Deus amplectitur, non aliter fieri iustos nisi quòd absterfis peccatorum remissione maculis purificantur: vt talis iustitia vno verbo appellari queat peccatorum remissio. Rom. 5. b. 8

22 Vtrunque horum pulcherrimè liquet ex istis Pauli verbis quæ iam recitavi, Erat Deus in Christo mundum sibi reconcilians, non imputans hominibus sua delicta, & deposuit apud nos verbum reconciliationis. Deinde summam suæ legationis subdit, Eum qui peccatum nõ nouerat, pro nobis peccatum fecit, vt iustitia Dei efficeremur in illo. Iustitiam & reconciliationem hinc promiscuè nominat, vt alterum sub altero vicissim contineri intelligamus. Modum autem assequendæ huius iustitiæ docet, dum nobis delicta non imputantur. Quare ne posthac dubites quomodo nos Deus iustificet, quum audis reconciliare, nos sibi, non imputando delicta. Sic ad Romanos, Davidis testimonio probat homini imputari iustitiam sine operibus, quia ille beatum pronuntiat hominem cuius remissæ sunt iniquitates, cuius tecta sunt peccata, cui Dominus non imputauit delicta. Beatitudinem proculdubio pro iustitia illic ponit, eam quum asserat in remissione peccatorum consistere, nõ est cur aliter ipsam definiamus. Proinde Zacharias pater Iohannis Baptistæ cognitionem salutis in remissione peccatorum positam canit. Quam regulam sequutus Paulus in concione quã de salutis summa apud Antiochenos habuit, conclusisse in hunc modum à Luca narratur, Per hunc remissio peccatorum vobis annuntiatur: & ab omnibus iis à quibus nõ potuistis iustificari in Lege Moysi, in hunc omnis qui credit, iustificatur. Sic remissionem peccatorum connectit Apostolus cum iustitia vt idem prorsus esse ostendat. vnde meritò ratiocinatur, gratuitam esse nobis iustitiam quam indulgentia Dei obtinemus. Neque inusitata videri debet loquutio, iustos non operibus, sed gratuita acceptione esse fideles coram Deo: quum & toties occurrat in Scriptura, & veteres etiam interdum sic loquantur. Sic enim alicubi Augustinus, Sanctorum iustitia in hoc mundo magis peccatorum remissione constat quàm perfectione virtutum. Cui respondent præclaræ Bernardi sententiæ, Non peccare, Dei iustitia est: hominis autem iustitia, Dei indulgentia. Antè autè asseruerat Christum nobis esse iustitiam in absolutione, ideoque solos esse iustos qui veniam ex misericordia consequuti sunt. Luc. 1. g. 77
2. Cor. 5. d. 19
Ibidem, 21
Rom. 4. a. 3
Aet. 13. f. 38
Lib. de Ciuitate Dei, cap. 27.
Serm. 23. in Cant.
Serm. 22.

23 Hinc & illud conficitur, sola intercessione iustitiæ Christi nos obtinere vt coram Deo iustificemur. Quod perinde valet ac si diceretur, hominem non in seipso iustum esse, sed quia Christi iustitia imputatione cum illo comunicatur, quod accurata animaduersione dignum est. Siquidè euanescit nugamentum illud, ideo iustificari hominem fide, quoniã illa Spiritum Dei participat quo iustus redditur, quod magis est contrarium superiori doctrinæ quàm vt conciliari vnquam queat. Neque enim dubium quin sit inops propriæ iustitiæ qui iustitiam extra seipsum quærere docetur. Id autem clarissimè asserit Apostolus, quum scribit cum qui peccatum non nouerat, pro nobis hostiam peccati expiatrix esse factum, vt efficeremur iustitia Dei in ipso. Vides non in nobis, sed in Christo esse iustitiã nostram: nobis tantum eo iure cõpetere quia Christi sumus participes. Siquidè omnes eius diuitias cum ipso Rom. 8. a. 3

Rom. 8.2.3

possidemus. Nec obstat quod alibi docet, damnatum esse de peccato peccatum in Christi carne, ut iustitia Legis compleretur in nobis. ubi non aliud complementum designat quam quod imputatione consequimur. Eo enim iure communicat nobiscum Dominus Christus suam iustitiam, ut mirabili quodam modo, quantum pertinet ad Dei iudicium, vim eius in nos transfundat. Aliud non sensisse abunde liquet ex altera sententia, quam paulo antea po-

Rom. 5. d. 19

suerat, Quemadmodum per unius inobedientiam constituti sumus peccatores, ita per obedientiam unius iustificari. Quid aliud est in Christi obedientia collocare nostram iustitiam, nisi asserere eo solo nos haberi iustos, quia Christi obedientia nobis accepta fertur, ac si nostra esset? Quare mihi elegantissime videtur Ambrosius huius iustitiae paradigma in benedictione Iacob statuisse. nempe quemadmodum ille primogenituram à seipso non meritis, habitu fratris occultatus, cuiusque veste indutus, quæ optimum odorem spirabat, seipsum insinuauit patri, ut suo commodo sub aliena persona benedictionem acciperet: ita nos sub Christi primogeniti nostri fratris pretiosa puritate delitescere, ut testimonium iustitiae à conspectu Dei referamus. Verba Ambrosii sunt, Quod Isaac odorem vestium olfecit, fortasse illud est, quia non operibus iustificamur, sed fide. quoniam carnalis infirmitas operibus impedimento est, sed fidei claritas factorum obumbrat errorem, quæ meretur veniam delictorum. Et sane ita res habet. nam quo in salutem coram facie Dei compareamus, bono eius odore fragrare nos necesse est, & eius perfectione vitia nostra obtegi ac sepeliri.

Lib. 2. de Iacob & Vita beata. cap. 2

Ut serio nobis persuadeatur gratuita iustificatio, ad Dei tribunal tollendas esse mentes.

C A P. XII.



HÆC omnia tametsi luculentis testimoniis verissima esse patet, tamē quam necessaria sint, non prius nobis clarē constiterit, quam ea nobis ob oculos posuerimus quæ totius disputationis fundamenta esse debent. Principio ergo nobis succurrat illud: non de humani fori iustitia sed cælestis tribunalis, sermonem esse institutum: ne ad modulum nostrum metiamur, quæ operum integritate diuino iudicio satisfiat. Atqui mirum est quanta temeritate & audacia id vulgò definiatur. Quinetiam videre est ut nulli confidentius & plenioribus, quod auit, buccis de operum iustitia garriant, quam qui vel palpabilibus morbis prodigiose laborant, vel intercutibus crepant vitis. Id fit quia Dei iustitiam non cogitant, cuius vel si minimo sensu afficerentur nunquam tanto eam ludibrio haberent. Atqui certē ultra modum floccipenditur, si talis tamque perfecta non agnoscitur ut nihil ei acceptum sit nisi omni ex parte integrum & absolutum, nullaque sorde inquinatum. quale in homine reperire nec licuit unquam, nec licebit. Facile est scilicet ac promptum cuilibet, in scholarum umbraculis de operum dignitate ad iustificandos homines nugari: sed ubi in conspectum Dei ventum est, facebant tales deliciae oportet. quia res illic agitur serio, non ludicra *πορομαχία* exercetur. Huc, huc referenda mens est, si volumus de vera iustitia cum fructu inquirere: quomodo cælesti iudici respondeamus, quum nos ad rationem vocauerit. Statuamus nobis iudicem illum, non qualem intellectus nostri sponte imaginantur, sed qui depingitur nobis in Scriptura: cuius scilicet fulgore obtenebrantur stellæ, cuius robore liquefuit montes, cuius ira terra concutitur, cuius sapientia deprehenduntur in astutia sua prudentes, cuius puritate inquinantur omnia, cuius ferendæ iustitiæ nec Angeli pares sunt, qui innocentem non facit innocentem, cuius vindicta, quum semel accensa est, penetrat usque ad inferni nouissima. Sedeat, inquam, ille ad examinanda hominum facta: quis securus ad eius thronum se sistet? quis habitabit cum igne deuorante? inquit Propheta: quis manebit cum ardoribus sempiternis? Qui ambulat in iustitiis, loquitur veritatem, &c. Sed prodeat ille quisquis est. Imò verò facit illa responsio nequis prodeat. Ex aduerso enim terribilis vox insonat, Si iniquitates obseruaueris Domine, Domine quis sustinebit? Pereundum sanè mox sit omnibus, ut alibi scribitur, Nunquid homo Dei cōparatione iustificabitur: aut purior erit factore suo? Ecce qui seruiunt ei non sunt fideles, & in angelis suis reperit prauitatem. Quanto magis quæ habitant domos luteas, qui terrenum habent fundamentum, consumantur coram tineis? A mane usque ad vespem succidentur. Item, Ecce, inter sanctos eius nemo est fidelis: & cæli non sunt mundi in conspectu eius. Quanto magis abominabilis & inutilis homo, qui bibit quasi aquam iniquitatem? Fateor quidem in libro Iob mentionem fieri iustitiæ quæ excelsior est obseruatione Legis. atque hanc distinctionem tenere operæpretium est: quia etiam si quis Legi satisficeret, ne sic quidem staret ad examen illius iustitiæ quæ sensus omnes exuperat. Itaque etiam si Iob bene sibi conscius sit, attonitus tamē obmutescit: quia videt ne Angelica quidem sanctitate posse Deum placari, si ad summam trutinam reuocet eorum opera. Ego igitur iustitiam illam quam attingi, quia incomprehensibilis est, nunc omitto: sed tantum dico, si exigitur vita nostra ad normam scriptæ Legis, nos esse plusquam

Vide præcipue librum Iob.

Iesa. 33. b. 14

Psal. 130. a. 3

Iob 4. d. 17

Iob 15. b. 15

foecordes nisi horrēda formidine nos torqueant tot maledictiones, quibus nos expergesieri voluit Deus: atq; inter alias hæc generalis, Maledictus omnis qui nō mālērit in omnib⁹ quæ scripta sūt in hoc libro. Denique insipida vel diluta erit hæc tota disputatio, nisi se quisque reū sistat corā cælesti iudice, & de sua absolutione sollicitus, vltro se prosterneat ac exinaniat.

Deut. 17. d. 16

Huc huc attollendi erant oculi, vt trepidare potius disceremus, quàm in anister exultare. Facile quidem est, dum in hominibus subsistit comparatio, vt se quisque habere reputet quod alii cōtemnere non debeant: sed vbi ad Deum atturgimus, corruit dicto citius ac deperit fiducia illa. Atque id prorsus animæ nostræ erga Deum vsu venit, quod erga visibile cælum corpori. acies enim oculi, quantisper rebus adiacentibus perlustrandis insistit, perspicitiæ suæ documenta capit: si in solem dirigitur, nimio eius fulgore perstricta & obstupefacta, nō minorē in eius intuitu debilitatē sentit, quàm in rerū inferiorū aspectu robur. Ne tallamus ergo nos vana fiducia, etiā si reliquis hominibus vel pares vel superiores nos esse ducimus: nihil id ad Deum, cuius ad arbitrium reuocāda est ista cognitio. Quod si domari ferocia nostra monitionibus istis nequit, respondebit nobis quod Phariseis dicebat, Vos estis qui vos iustificatis coram hominibus. At quod hominibus altum est, a hominabile est Deo. Eas nunc, & de iustitia tua tumidē inter homines glorieris, dum illam Deus ē cælo abominetur. Quid autem serui Dei, verē eruditi eius Spiritu? Ne intres in iudicium cum seruo tuo: quia non iustificabitur in conspectu tuo omnis viuens. Alter verò, quanquam sensu paulum diuerso, Non poterit homo iustus esse cum Deo: si voluerit contendere cum eo, non poterit respondere vnum pro mille. Hic iam ad liquidum audimus, qualis sit Dei iustitia cui scilicet nullis humanis operibus satisficit: cui mille scelerum nos interroganti, vnus purgatio afferri non poterit. Talem nimirū iustitiam bene animo conceperat dētū illud Dei organū Paulus, quū profiteretur se nihil sibi consciū esse, sed nō in hoc iustificari.

Luc. 16. d. d. 19

Psal. 143. a. 1

Iob 9. a. 1

1. Cor. 4. a. 4

Nec in sacris modò literis extant talia exempla: sed omnes pii scriptores hunc sibi sensum fuisse demonstrant. Sic Augustinus, Omnium, inquit, piorum sub hoc onere corruptibilis carnis & in hac vitæ infirmitate gementium vna spes est, quod Mediatorem vnum habemus Iesum Christum iustum: & ipse est exoratio pro peccatis nostris. Quid audimus? si vnica hæc illis spes est, vbi operum fiducia? Solam enim quum dicit, nullam aliam relinquit. Bernardus verò, Et re vera, vbi tuta firmaque infirmis requies & securitas, nisi in vulneribus Saluatoris? tanto illic securior habito, quanto potētior est ad saluandū. Fremit mundus, premit corpus, diabolus insidiatur. Non cado, quia fundatus sum supra firmam petram. Peccaui peccatū graue. Turbatur cōscientia: sed non perturbabitur, quia vulnerū Domini recordabor. Postea ex his concludit, Meritum proinde meum miserationum Domini. non sum planē meriti inops, quandiu non fuerit ille inops miserationum. Quod si misericordiæ Domini multæ, multus ergo peræquē sum in meritis. Nunquid iustitias meas cantabo? Domine meminero iustitiæ tuæ solius. Ipsa enim est & mea, nempe factus est mihi iustitia à Deo. Item alibi, Hoc totum hominis meritum, si totam spem ponat in eum qui totum hominem saluum facit. Similiter vbi pacem sibi retinens, gloriam relinquit Deo. Tibi, inquit, illibata maneat gloria: mecum bene agitur si pacem habuero. Abiuro gloriā prorsus: ne si vsurpauero quod meum non est, perdam & oblatum. Apertius etiam alio loco, De meritis quid sollicita sit Ecclesia? cui de proposito Dei firmior suppetit securiorque gloriandi ratio? Sic non est quod quæras, quibus meritis speremus bona: præsertim quū audias apud Prophetā, Non propter vos faciā, sed propter me, dicit Dominus. Sufficit ad meritū scire quod nō sufficiant merita: sed vt ad meritū satis est de meritis nō præsumere, sic carere meritis satis ad iudiciū est. Quod merita liberē vsurpat pro bonis operibus ignoscendū est cōsuetudini. In fine verò consiliū eius fuit terrere hypocritas, qui peccādī licētia cōtra Dei gratiā proteruiūt: sicuti mox se explicat, Fœlix Ecclesia cui nec merita sine præsumptione, nec præsumptio absque meritis deest. Habet vnde præsumat, sed non merita. Habet merita, sed ad promerendū non præsumēdum. Ipsum non præsumere nōne promereri est? Ergo eo præsumit securius quo nō præsumit, cui ampla materies gloriandi est, misericordiæ Domini multæ.

Lib. ad. Boni
3. cap. 5Super cant.
term. 61In Psal. Qui
habit. ser. 15
Serm. 13. in
Cant.
Serm. 68.Ezech. 36. 6.
22. f. 32.

Ita est sanē. Hoc vnicum salutis asyllum, in quo respirare tutò possint, sentiunt exercitata cōscientiæ, vbi cum Dei iudicio negotium est. nam si, quæ lucidissimæ videbantur noctu stellæ, splendorem suum perdunt solis aspectu, quid putamus vel rarissimæ hominis innocentiae futurum, vbi ad Dei puritatem composita fuerit? Erit enim seuerissimum illud examē, quod in abditissimas quasque cordis cogitationes penetrabit: & quemadmodum ait Paulus, Reuelabit occulta tenebrarū, & abscondita cordium retegēt: quod latitantem & resitantem cōscientiam proferre coget omnia quæ nunc ē memoria quoque nostra elapsa sunt. Urgebit accusator Diabolus, cōsciū omnium flagitiorum ad quæ

1. Cor. 4. a. 5

perpetranda nos impulerit: illic nihil proderunt externa bonorum operum pompa, quæ solæ nunc æstimantur: sola postulabitur voluntatis synceritas. Quare hypocrisis, non modo qua homo coram Deo sibi malè conscius, ostentare se apud homines affectat, sed qua sibi quisque coram Deo imponit (vt sumus ad nos palpandos adulandósque procliuës) cõfusa concidet, vtcunque nunc plusquam temulenta audacia superbiat. Ad eiusmodi spectaculum qui sensum suum non dirigunt, suauiter quidem & placidè iustitiam sibi ad momentum adstruere possunt, sed quæ in iudicio Dei mox illis sit excutienda: non secus ac magnæ opes, per somnium cumulata, expergefactis euanescent. Qui autem seriò, tanquam sub Dei conspectu, de vera iustitiæ regula quærent, illi certò comperient, omnia hominum opera, si sua dignitate censeantur, nihil nisi inquinamenta esse & sordes: & quæ iustitia vulgo habetur, eam apud Deum meram esse iniquitatè: quæ integritas censetur, pollutionem: quæ gloria ducitur, ignominiam.

Ab hac diuinæ perfectionis contemplatione ad nos sine blanditiis cæcòue amoris affectu respiciendos descendere ne pigeat. Mirum enim non est si tãtopere cæcutiamus in hac parte, quum à pestilenti erga se indulgentia nemo nostrum caueat, quam in nobis omnibus naturaliter hærare clamat Scriptura. Cuique viro, inquit Solomo, recta est via in oculis suis. Item, Omnes viæ hominis mundæ videntur in oculis eius. Quid autè? an ista hallucinatione absoluitur: imo verò (quemadmodum ibidem subiūgit) Dominus ponderat corda. hoc est, dum homo ob externam quam præ se fert iustitiæ larvâ se demulcet, interim Dominus latentè cordis impuritatem trutina sua examinat. Quum ergo talibus blâdimentis adeo non proficiatur, ne illudamus nobis ultro in nostrâ perniciem. Quo autè nos probè excutiamus, necessariò ad Dei tribunal reuocanda est nostra cõscientia. Illius enim luce omnino opus est ad detegenda, quæ alioqui nimis profundè latet, prauitatis nostræ inuolucra. tum dilucidè demum perspicimus quid ista valeant: longe abesse quin iustificetur coram Deo homo, putredo & vermis, abominabilis & vanus: qui bibit tãquam aquas iniquitatem. Nam quis poneret mundum, de immundo cõceptum semine: ne vnus quidem. Tum & id ipsum experiemur quod de se Iob dicebat, Si innocetem me ostendere voluero, os meum condemnabit me: si iustum, prauum comprobabit. Neque enim ad seculum vnum sed ad omnia pertinet, quod Propheta de Israele olim querebatur, omnes quasi oves errasse, vnumquenque declinasse in viam suam. Siquidem omnes illic comprehendit ad quos peruentura esset redemptionis gratia. Atque eousque procedere debet istius examinis rigor, donec in plenam consternationem nos subegerit, eoque modo ad recipiendam Christi gratiam compararit. Fallitur enim qui putat se huius fruendæ esse capacem, nisi omnem prius animi altitudinem deiecerit. Notum est illud, Deum superbos cõfundere, humilibus dare gratiam.

Quæ autem humiliandi nostri ratio nisi vt toti inopes ac vacui Dei misericordiæ locum demus? Non enim humilitatè voco, siquid nobis residuum esse putamus. Et hætenus perniciosam hypocrisin docuerunt qui hæc simul duo iungere, humiliter de nobis sentiendum coram Deo, & iustitiam nostram aliquo loco habendam. Si enim contrà quàm sentimus confitemur coram Deo, improbè illi mentimur. sentire autem non possumus vt decet, quin prorsus quicquid videtur in nobis esse gloriosum conteratur. Quum ergo audis apud Prophetam, paratam esse salutem humili populo, deiectionem oculis superborum: primum cogita, ad salutem non patere accessum nisi deposita omni superbia, & assumpta solida humilitate: deinde humilitatem illam non esse modestiam aliquam, qua Domino de iure tuo pilum cedas, (qualiter humiles vocantur coram hominibus qui nec se fastuose efferunt, nec aliis insultant, quum tamen nonnulla excellentiæ conscientia nitantur) sed submissionem non simulatam animi serio miseriæ inopiæque suæ sensu consternati. sic enim vbique verbo Dei describitur. Quum Dominus apud Zephaniam sic loquitur, Auferam de te exultantem, residuum faciam in medio populi tui afflictum & pauperem, & sperabunt in Domino: annon apertè demonstrat qui sint humiles? Nempe qui suæ paupertatis cognitione afflicti iacēt. Contrà superbos vocat exultantes, quod rebus prosperis latiti homines soleant exultare. Humilibus verò, quos saluare instituit, nihil facit reliquum, nisi vt speret in Domino. Sic & apud Iesaiam, Ad quem autem respiciam nisi ad pauperem & contritum spiritu, ac tementem sermones meos: Item, Excelsus & sublimis, habitans æternitatem, & sanctum nomen eius, in excelsis & in sancto habitans, & cum contrito humilique spiritu: vt viuificet spiritum humilium, & cor contritorum. Quum audis toties cõtritionis nomen, intellige cordis vulnus, quod hominem humi prostratum attolli non sinat. Tali contritione vulneratum esse cor tuum decet, si velis cum humilibus, iuxta Dei sententiã, exaltari. Id si nõ fit, humiliaberis potenti Dei manu in tuum pudorè & dedecus,

Prou. 21. a. 2,
& 16. a. 2

Iob 15. b. 16.
Iob 14. a. 4.
Iob 9. c. 20.

Iesa. 53. b. 6.

1. Pet. 5. b. 5

Psal. 18. c. 28.

Zepha. 3. c. 11.

Iesa. 66. a. 2.

Idè, 57. c. 15.

7 Ac verbis non contentus optimus Magister, in parabola, velut in tabula, legitimæ humilitatis imaginem nobis repræsentauit. Publicanū enim profert, qui procul stans, nec oculos audens in cælum erigere, cum multo planctu orat, Domine, propitius esto mihi peccatori. Ne putemus esse hæc fictæ modestiæ signa, quòd cælū nō audet intueri, nec propius accedere, quòd pectus plangēdo peccatorē se fatetur: sed interioris affectus sciamus esse testimonia. Ex aduerso Pharisæum opponit, qui gratias agit Deo quòd non sit ex vulgo hominum, aut raptor, aut iniustus, aut adulter: quoniā bis ieiunaret in sabbato, decimas daret omnium quæ possidebat. Aperta cōfessione agnoscit esse Dei donum quam habet iustitiam: sed quia iustum se esse confidit, discedit à facie Dei ingratus & odiosus. Publicanus suæ iniquitatis agnitione iustificatur. Hinc videre licet quanta sit humiliationis nostræ gratia corā Domino: vt non pateat suscipiendæ eius misericordiæ pectus, nisi omni propriæ dignitatis opinione prorsus vacuum. Hæc vbi occupauit, illi claudit aditum. Quod necui dubium foret, cum hoc mandato dimissus est Christus à Patre in terrā, vt euangelizaret pauperibus, mederetur contritis corde, prædicaret captiuis libertatem, clausis apertionem, consolaretur lugentes: daret illis gloriam pro cinere, oleum pro luctu, pallium laudis pro spiritu mœroris. Secundum istud mandatum, non nisi laborantes & oneratos ad participandam suam beneficentiam inuitat. Et alibi, Non veni ad iustos vocandos, sed peccatores.

Luc. 18. c.

Iesa. 67.

Mat. 11. c. 2.
& 9. b. 13.

8 Ergo si Christi vocationi locum dare libet, facessat procul omnis à nobis tum arrogantiā, tum securitas. Illa ex stulta propriæ iustitiæ persuasione nascitur, vbi homo habere se aliquid putat cuius merito apud Deum commendetur. hæc etiam sine vlla operum persuasione esse potest. Multi enim peccatores, quia vitiorū dulcedine inebriati, Dei iudicium non cogitāt, tanquam veterino quodā obstupefacti iacent, ne aspirēt ad oblatā sibi misericordiā. At verò non minus excutiendus talis torpor quàm abiicienda quæuis nostri confidentia, quo expediti ad Christū festinemus, quo vacui & ieiuni impleri ipsius bonis queamus. Nūquam enim illi satis confidemus, nisi de nobis penitus diffisi: nunquā in ipso satis animos erigemus, nisi prius in nobis deiectos: nunquā in ipso nos satis solabimur, nisi in nobis desolati. Gratia ergo Dei apprehendendæ ac obtinendæ, abiecta quidem prorsus nostri fiducia, freti verò sola bonitatis eius certitudine, idonei sumus, dum (vt ait Augustinus) nostra merita obliti, Christi dona amplectimur. quia si in nobis merita quæreret, non venirem⁹ ad eius dona. Cui pulchrè succinit Bernardus, seruis infidis cōparans superbos, qui meritis suis vel minimum arrogant: quia laudem gratiæ per se transeuntis improbè retinēt, perinde ac si paries radium se parturire dicat quem suscipit per fenestrā. Ne longius hīc immoremur, habeamus breuem sed generalem certāque regulam, cum ad participandos diuinæ misericordiæ fructus comparatum, qui seipsum non dico iustitia (quæ nulla est) sed vana ventosāque iustitiæ imagine penitus exinaniiuit. quia tantū quisque obicit impediementi Dei beneficentiæ quantum in seipso acquiescit.

De ver. Apostoli, cap. 8

Ser. 13. in Cā.

Duo esse in gratuita iustificatione obseruanda.

CAP. XIII.



T QVE omnino quidem duo hīc præcipuè spectāda sunt, nempe vt Domino illibata constet ac veluti facta tecta sua gloria, cōscientiis verò nostris coram ipsius iudicio placida quies ac serena tranquillitas. Videmus quoties ac quam sollicitè Scriptura nos hortetur ad reddendā soli Deo laudis cōfessionē, vbi de iustitia agitur. Atque adeò hūc finē Domino fuisse testatur Apostolus conferendæ nobis in Christo iustitiæ, vt suam ipse demonstraret. Mox verò qualis illa sit demonstratio subiungit: nempe si solus ille iustus cognoscatur, ac iustificans eum qui est ex fide Iesu Christi. Vides iustitiam Dei non satis illustrari nisi & solus censeatur iustus, & immerētibus iustitiæ gratiā cōmunicet? Hac ratione vult omne os obthurari, & obnoxii sibi reddi vniuersum mundum: quia quantisper habet homo quod in suam defensionem loquatur, Dei gloriæ non nihil decedit. Sic apud Ezechielem docet quāto opere ex recognitione nostræ iniquitatis nomen suum glorificemus. Recordabimini, inquit, viarum & omnium scelerū quibus polluti estis: & displicebitis vobis in cōspectu vestro, in omnibus malitiis quas commisistis. Et scietis quia ego Dominus, quum benefecero vobis propter nomen meum: & non secundum scelera vestra pessima. Si hæc in vera Dei notitia continentur, vt propriæ iniquitatis conscientia attriti, nobis benefacere indignis illum reputemus: quid magno nostro malo tētamus vel vllam particulam ex ista gratuita benignitatis laude Domino suffurari? Similiter Ieremias, dum clamat, Ne gloriatur sapiens in sapientia sua, aut diues in diuitiis suis, aut fortis in fortitudine sua: sed qui gloriatur, in Domino gloriatur. annon innuit de gloria Dei nō nihil deperire si in semetipso homo gloriatur? In hunc certè vsum Paulus verba illa accommodat, quum omnes salutis nostræ partes apud Christū

Rom. 3. d. 25.

Ezec. 20. g. 42

Iere. 9. f. 13.

1. Cor. 1. c. 30

f. i.

depositas esse tradit, vt non nisi in Domino gloriemur. Significat enim cōtra Deum insurgere & tenebras obducere gloriæ eius quisquis vel tantillum de suo se habere putat.

2 Ita est sanè: nunquam in ipso verè gloriāmur, nisi nostra gloria penitus abdicati. Contra hoc habendum est catholicum theorema, aduersus Deum gloriari quicumque in se gloriantur. Siquidem ita demum reddi obnoxium Deo mūdum censet Paulus dum prorsus adempta est hominibus quæuis gloriandi materia. Proinde Iesaias, quum iustificationē Israel in Deo fore denūtiat, addit simul & laudem: quasi diceret, in hunc finem à Domino iustificari electos vt in ipso non alibi glorientur. Qualiter autem laudari nos in Domino conueniat, proximo versu docuerat. nempe vt iuremus esse in Domino iustitias nostras, & fortitudinē nostram. Obserua non exigi simplicem confessionē, sed iuramēto confirmatā: ne ficta nescio qua humilitate defungendū putes. Neque hīc causetur quispiā se nequaquā gloriari, dum citra arrogantiam, propriam iustitiam recognoscit. talis enim æstimatio esse non potest quin fiduciam generet, nec fiducia quin gloriam pariat. Meminerimus ergo in tota iustitiæ disputatione finem hunc esse spectādum, vt illius laus penes Dominū solida integrāque maneat. Quandoquidem in demonstrationem iustitiæ suæ gratiam suam, teste Apostolo, in nos effudit, quo sit ipse iustus, & iustificans cum qui est ex fide Christi. Vnde alio loco, quum docuisset Dominū nobis salutē cōtulisse, quo nominis sui gloriam illustraret: postea, quasi idem repetens, subiicit, Gratia estis saluati, ac Dei dono, nō operibus, nequis gloriatur. Et Petrus, dū admonet nos in spem salutis vocatos esse, vt virtutes enarremus eius qui ē tenebris nos vocauit in admirabile lumen suum, haud dubiè vult ita personare in aure fidelium solas Dei laudes, vt alto silentio obruant omnem carnis arrogantiam. Summa hæc est, non posse hominē sibi vllam iustitiæ micam sine sacrilegio vindicare, quia tantundem ex diuinæ iustitiæ gloria decerpitur ac delibatur.

3 Iam si quærimus qua ratione serenari queat coram Deo conscientia, non aliam reperimus quā si gratuita nobis iustitia, Dei dono conferatur. Subeat semper illud Solomonis, Quis dicit, Mundaui cor meum, purificatus sum à peccato meo? Nemo est certè qui non infinita colluue obruatur. In suam ergo conscientiam descendat. vel perfectissimus quisque, & facta sua ad calculum vocet, quem tandem exitum habebit? An, quasi bene composita sibi sint cum Deo omnia, suauiter conquiescet, ac non potius diris tormentis lacerebitur quum in se damnationis materiam, si ab operibus æstimeretur, residere sentiet? Conscientiam, si Deum respicit, vel cum illius iudicio certam pacem habere necesse est, vel inferorum terroribus obsideri. Nihil ergo proficimus de iustitia differendo, nisi eam statuerimus cuius stabilitate anima nostra in Dei iudicio fulciatur. Vbi habebit anima nostra quo & intrepida coram Dei vultu appareat, & inconcussa eius iudicium excipiat: tum sciamus demū nos non fictitiā iustitiam reperisse. Non ergo sine causa tā opere hac parte insistit Apostolus, cuius verbis agere quā meis malo. Si ex Lege, inquit, promissio hæreditatis, ex inanita est fides, abolita est promissio. Prius infert, ex inanitā & euacuata esse fidem, si iustitiæ promissio operum nostrorum merita respiciat, aut ex Legis obseruatione pendeat. Nunquā enim in ea securè acquiescere quisquam posset: quando nunquam futurum est vt certò apud se quisquam statuatur se Legi satisfecisse, vt certè nullus vnquam per opera plenè satisfaciat. Cuius rei ne longè petantur testimonia, sibi quisque testis esse potest, qui se recto oculo intueri volet. Atque hinc apparet in quā profundos recessus & tenebricosos hominū mētes defodiat hypocrisis, dum tam securè sibi indulgent vt opponere suas blāditiās non dubitent Dei iudicio: quasi iustitium quoddā illi indicerent. Fideles autem, qui sincerè seipso excutiunt, longe alia sollicitudo angit & excruciat. Igitur in omniū animos subiret primū hæsitatio, demū & desperatio: dum pro se quisque subduceret quāta debiti mole adhuc premeretur, quāque longè distaret ab imposita sibi cōditione. En iam oppressam extinctāque fidē. non enim fluctuari, variare, sursum deorsum ferri, hæsitare, suspensum teneri, vacillare, desperare denique, fidere est: sed constāti certitudine ac solida securitate animū obfirmare, haberēque vbi recumbas ac pedem figas.

4 Alterum quoque adiūgit, irritam & euanidam fore promissionem. Si enim eius complementū à nostro merito dependet, quando tandem huc ventum fuerit vt Dei beneficentiam promereamur? Quinetiam secundum istud membrum ex priore cōsequitur. siquidem non implebitur promissio nisi iis qui fidē illi habuerint. Collapsa igitur fide, nulla vis promissio nis residua erit. Ideo ex fide hæreditas, vt secundū gratiam ad stabiliendam promissionem. Abundē enim cōfirmata est dū sola Dei misericordia nititur: quia perpetuo nexu cōiunctæ sunt inter se misericordia & veritas, hoc est, quæcūque Deus misericorditer pollicetur, fideliter quoque præstat. Sic David, antequam salutem sibi ex Dei eloquio postulet, causam primū statuit in eius misericordia. Veniant, inquit, ad me misericordiæ tuæ, salus tua secundū

Rom. 1. c. 19.

Iesa. 45. c. 25.

Rom. 3. d. 26

Ephef. 1. c. 6

Ephef. 2. b. 8.

1. Pet. 2. b. 9.

Prou. 20. b. 9.

Rom. 4. c. 14.

Psalm. 119. 76.

eloquium tuum Et merito: quia non aliunde ad promittendum inducitur Deus nisi ex mera misericordia. Itaque hinc spem totā sistere conuenit & velut profundè figere, nō respectare ad nostra opera, quo ex illis subsidium aliquod petatur. Sic & Augustinus agendū præcipit: ne hinc nouū aliquid dicere nos putes. In æternū, inquit, regnabit Christus in seruis suis. Hoc promissit Deus, hoc dixit Deus. si parū est, hoc iurauit Deus. Quia ergo non secundum merita nostra, sed secundū illius misericordiam firma est promissio: nemo debet cum trepidatione prædicare de quo nō potest dubitare. Bernardus quoque, Quis poterit saluus esse? dicunt discipuli Christi. At ille, Apud homines impossibile hoc est, sed nō apud Deū. Hæc tota fiducia nostra, hæc vnica cōsolatio, hæc tota ratio spei nostræ. Sed de possibilitate certi, de volūtate quid agimus? Quis scit an odio vel amore dignus sit? Quis cognouit sensū Domini, aut quis cōsiliarius eius fuit? Hic iā planè fidē nobis subuenire necesse est: hinc oportet succurrere veritatē: vt quod de nobis latet in corde Patris, per Spiritū reueletur, & Spiritus eius testificans persuadeat cordibus nostris quod filii Dei sumus. Persuadeat autē vocādo & iustificando gratis per fidē: in quibus nimirū velut medius quidam transitus est ab æterna prædestinatione ad futurā gloriā. Breuiter sic colligamus, Scriptura nō esse firmas Dei promissiones indicat, nisi certa conscientie fiducia arripiatur. vbiūque est dubitatio aut incertitudo, irritas fieri pronūtiat. rursus nihil quā vacillare ac fluctuari pronūtiat si operibus nostris incumbūt. Ergo aut pereat nobis iustitia necesse est, aut ne veniant in considerationem opera, sed sola fides locum habeat, cuius isthæc natura est, aures arrigere, oculos claudere: hoc est, vni promissioni intentam esse, cogitationem auertere ob omni hominis vel dignitate vel merito. Ita impletur præclarū illud Zachariæ varicinium, Quod vbi deleta fuerit iniquitas terræ, vocabit vir amicum suum subter vineam, & subter ficum suam. Vbi Propheta innuit, non aliter vera pace frui fideles, quā post impetratam peccatorum remissionem. Tenenda enim est analogia hæc in Prophetis vbi de Christi regno differunt, externas Dei benedictiones quasi Spiritualium bonorum figuras proponere. Vnde & Christus rex pacis & pax nostra vocatur: quia omnes cōscientie agitationes sedat. Modus si queritur, ad sacrificium, quo pacatus est Deus, venire necesse est: quia trepidare nūquā desinet quisquis non statuet sola illa expiatione propitiari Deum qua Christus iram eius sustinuit. Denique non alibi quā in Christi redemptoris nostri terroribus pax nobis querenda

In Psal. 88,
Tract. priore.Serm. 5. in de-
dicat. templi.Eccles. 9. a. 1
1. Cor. 1. d. 16

Zach. 3. d. 9

Iesa. 9. b. 6
Ephes. 2. c. 14

Rom. 5. a. 1

Ibidem. 5

Psal. 23. a. 4

Galat. 4. a. 5

5 Sed quid obscuriore testimonio vtore? Negat vbiq̃ Paulus pacem vel tranquillū gaudium relinqui conscientis, nisi statutum sit iustificari nos fide. Vnde autem illa certitudo, simul declarat, quū scilicet amor Dei in corda nostra diffusus est per Spiritū sanctū: ac si diceret nō posse aliter sedari animas nostras nisi certō persuasi simus Deo nos placere. Vnde etiam alibi exclamat ex piorū omnīū persona, Quis nos separabit ab amore Dei, qui est in Christo? quia ad minimam quanque auram trepidabimus donec appulerimus ad portum illum: tecuri autem erimus in caligine mortis, quandiu se nobis pastore Deus ostendet. Ergo quicunque garriunt nos fide iustificari, quia regeniti, spiritualiter viuendo iusti sumus, nunquam gustarunt gratiæ dulcedinem, vt Deum sibi propitium fore considerent. Vnde etiam sequitur, rite orandi modum nihilo magis eos scire quā Turcas & profanas alias quaslibet Gentes. Neque enim, teste Paulo, vera est fides nisi dicat & suggerat suauissimū illud Patris nomē, imō nisi os nobis aperiat proferēdo libero clamori, Abba Pater. Quod alibi clarius exprimit, In Christo nos habere audaciam & aditum in fiducia per fidem eius. Hoc certē nō cōtingit regenerationis dono: quod vt mutilum semper est in hac carne, ita multiplicē dubitandi materiā in se continet. Quare ad remediū illud venire necesse est, vt statuunt fideles non alio iure sperādā sibi esse hæreditatem regni cælestis, nisi quia insiti in Christi corpus, iusti gratis reputantur. Nam quoad iustificationem res est merē passiuā fides, nihil afferens nostrum ad conciliandā Dei gratiam, sed à Christo recipiens quod nobis deest.

Quale initium iustificationis & continui progressus. CAP. XIII.



Vires dilucidior fiat, qualis possit esse toto vitæ decursu hominis iustitia, excutiamus. quadruplicē verò faciamus gradum. Homines enim aut nulla Dei agnitione præditi, in idololatria demersi sūt: aut sacramētis initiati, vitæ impuritate Deū, quē ore cōfitentur, factis abnegantes, titulo tenus sunt Christi: aut hypocritæ sunt, qui cordis nequitiam inanibus fucis tegunt: aut Spiritu Dei regenerati, veram sanctimoniam meditantur. In primis, quando naturalibus dotibus cēfendi sunt, à vertice capitis ad plantā vsque pedis scintilla boni non reperietur: nisi forē volumus insimulare falsi Scripturam, dum hisce elogiis vniuersos filios Adam

f. ii.

Ier. 17. b. 9.
Gen. 8. d. 21
Psal. 94. b. 11,
& 14. a. 2.
Gen. 6. a. 3.
Galat. 5. c. 19

commendat, quòd prauo sint & præfracto corde, quòd omne figmentum cordis eorum malū sit à primis annis, quòd vanæ sint eorum cogitationes, quòd timorem Dei præ oculis non habeant, quòd nemo eorū intelligat aut requirat Deum. Breuiter quòd caro sint: quo nomine intelliguntur opera illa omnia quæ enumerantur à Paulo, fornicatio, immunditia, impudicitia, luxuria, idolorum cultus, veneficia, inimicitia, cōtentiones, æmulationes, ira, invidia, dissensiones, secta, inuidia, homicidia, & quicquid sceleris & abominacionis excogitari potest. Hæc est dignitas scilicet cuius fiducia superbire debeant. Quòd si qui inter eos ea morū honestate pollent quæ speciem aliquā sanctitatis habeat inter homines: quia tamen scimus Deum nō morari externum splendorem, ad fontem ipsum operum penetrandum est, siquid ipsa valere velimus ad iustitiam. Inspiciendum, inquā, penitus est ex quo affectu cordis opera ista prodeant. Quanquam autem latissimus hic dicendi campus patet, quia tamen paucissimis verbis potest res expediri, sequar quantum licebit in docendo compendium.

- 2 Principiò, nō inficior esse Dei dona, quæcūque in incredulis apparēt egregiæ dotes. Neque verò sic à sensu communi dissideo, nihil vt interesse contendam inter Titi & Traiani iustitiam, moderationem, æquitatem, ac Caligulæ, vel Neronis, vel Domitiani rabiem, intemperiem, scuritiam: inter obscenas Tiberii libidines, & Vespasiani hac in parte continentiam: ac (ne in singularibus aut virtutibus aut vitiis immoremur) inter iuris legumque obseruationem ac contemptum. Tantum enim est iusti & iniusti discrimen vt vel in mortuo illius simulacro appareat. Quid enim ordinatum restabit in mundo si hæc inter se confundamus? Itaque eiusmodi distinctionem inter honesta & turpia facinora non modò singulorum mentibus Dominus insculpsit, sed prouidentia quoque suæ dispensatione sæpe confirmat. Videmus enim vt multis præsentis vitæ benedictionibus prosequatur eos qui inter homines virtutem colunt. Non quòd externa illa virtutis imago minimum eius beneficium mereatur: sed ita placet illi approbare quantopere cordi sit sibi vera iustitia, dum externam quoque & simulatam temporali remuneratione carere non patitur. Vnde sequitur quod nuper confessi sumus, Dei esse dona qualescunque istas virtutes aut virtutum potius imagines: quando nihil est vlllo modo laudabile quod nō ab ipso proficiscatur.

- 3 Atqui nihilominus verum est quod Augustinus scribit, omnes à Dei vnus religione alienos, vtcunque ob virtutis opinionem admirabiles habeantur, non modò nulla remuneratione dignos, sed magis punitione: quòd pura Dei bona cordis sui pollutione contaminant. Eri enim Dei instrumenta sunt ad conseruandam, iustitia, continentia, amicitia, temperantia, fortitudine, prudentia, hominum societatem: bona tamen hæc Dei opera pessimè exequuntur: quia nō sincero boni studio, sed vel sola ambitione, vel amore sui, vel alio quouis obliquo affectu continentur à malè agendo. Quum ergo ab ipsa cordis impuritate, velut à sua origine, corrupta sint, non magis inter virtutes ponenda erunt quàm vitia quæ ob affinitatem ac similitudinem virtutis imponere solent. Denique quum perpetuum esse meminerimus recti finem, vt Deo seruiatur: quicquid aliò contendit, iam meritò amittit recti nomen. Quia ergo scopum non respiciunt quem Dei sapientia præscribit: tametsi officio bonum videtur quod agunt, sine tamen peruerso peccatum est. Constituit igitur, omnes Fabritios, Scipiones & Catones in illis suis præclaris facinoribus hoc peccasse quòd quum fidei luce carerent, non ad eum finem ipsa retulerunt ad quem referre debuerunt. non fuisse ergo in illis veram iustitiam: quia non actibus sed finibus pensantur officia.

- 4 Præterea si verum est quod Iohannes ait, non esse vitam extra filium Dei: qui partem in Christo non habent, quales quales sint, quicquid agant, vel moliantur, in exitium tamen æternæque mortis iudicium toto cursu pergunt. Secundum hanc rationem illud ab Augustino dictum est, Religio nostra iustos ab iniustis non operum, sed ipsa fidei lege discernit: sine qua quæ videntur bona opera, in peccata vertuntur. Quamobrem bellè idem ipse alibi, dum talium hominum studium erroneo cursui comparat. Quo enim magis strenuè currit quis extra viam, eo longius à scopo recedit, ideòque fit miserior. Quare melius esse contendit in via claudicare, quàm extra viam currere. Postremò malas esse arbores constat, quando sine Christi communicatione nulla est sanctificatio. pulchros ergo & aspectu speciosos, gustu etiam suaues fructus generare possunt: bonos nequaquam. Hinc facillè cernimus esse maledictum, nec modò nullius ad iustitiam pretii, sed certi in damnationem meriti, quicquid cogitat, meditatur, perficit homo, antequam Deo per fidem reconcilietur. Et quid tanquam de re dubia disputamus, quum iam probatum sit testimonio Apostoli, impossibile esse vt sine fide quispiam placeat Deo?

Lib. 4 contra Iul.

1. Ioha. 5. c. 12

Lib. ad Bonif 3. cap. 5.

Præf. in Psal.

Heb. 11. b. 6.

5 Sed probatio etiamnum apertior lucebit si naturali hominis cōditioni Dei gratia ere-
gione opponatur. Clamat enim vbique Scriptura, nihil in homine Deum reperire quo ad
benefaciendū illi incitetur, sed gratuita sua benignitate illū præuenire. Quid enim ad vi-
tam possit mortuus? Atqui dum sui cognitione nos illuminat, dicitur à morte suscitare, Iohan. 5. e. 25
ac nouam creaturā facere. Hoc siquidē titulo (præsertim apud Apostolū) videmus sæpe Dei Ephes. 2. a. 4.
erga nos benignitatē cōmendari. Deus (inquit) qui diues est in misericordia, propter multā
charitatē qua dilexit nos, etiam quū essemus mortui peccatis, cōiuiuificauit nos in Christo,
&c. Alibi dum sub typo Abrahamæ generalē fideiū vocationē tractat, Deus est, inquit, qui vi- Rom. 4. e. 17
uificat mortuos, & vocat ea quæ nō sunt tanquā sint. Si nihil sumus, quid quæso possumus?
Quare arrogantia istam validē retundit Dominus in historia Iob, in his verbis, Quis præ- Iob 41. a. 2.
uenit me, & retribuam ei? omnia enim mea sunt. Quam sententiā explicans Paulus eò con- Rom. 11. d. 35
fert, ne putemus nos aliquid ad Dominū asserre præter merā inopiæ & vacuitatis ignomi-
niā. Quare loco suprà citato, vt probet sola eius gratia, non operibus, in spē salutis nos per-
uenisse, allegat nos illius esse creaturas, quoniā regenerati sumus in Christo Iesu, ad bona o-
pera quæ præparauit vt in illis ambulemus. Ac si diceret, Quis nostrum iactet se sua iustitia
Deum prouocasse, quum prima nostra ad bene agendū potentia ex regeneratione fluat? Vt
enim natura conditi sumus, citius ex lapide oleum quàm ex nobis opus bonū exprimetur.
Mirum profecto si homo, tantæ ignominiaē damnatus, audet sibi adhuc reliquum aliquid
facere. Fateamur ergo cū præclaro isto Dei organo, nos à Domino vocatos vocatione san-
cta: non secundū opera nostra, sed secundum propositum ac gratiam eius: ac benignitatē
dilectionemque erga nos Saluatoris nostri Dei apparuisse: quia nō ex operibus iustitiæ quæ
fecerimus nos, sed secundū suam misericordiam saluos nos fecit: vt iustificati illius gratia,
hæredes efficeremur vitæ æternæ. Hac confessione, omni iustitia vsque ad minimā parti-
culam hominē spoliāmus, donec sola misericordia in spem vitæ æternæ regeneratus fuerit:
quando, si aliquid operum iustitia ad nos iustificandos confert, falsò dicimur gratia iustifi-
cari. Non exciderat sanè sibi Apostolus quum gratuitam asseruit iustificationem, qui alio
loco argumentatur, gratiam iam non esse gratiam si quid opera valeant. Et quid aliud si-
bi vult Dominus, quū negat se venisse ad vocādos iustos, sed peccatores? Si soli peccatores
admittuntur, quid per fictitias iustitias aditum quæramus? Rom. 11. a. 6.
Matth. 9. b. 13

6 Redit eadē mihi subinde cogitatio, periculū esse ne Dei misericordiaē sim iniurius, qui
tanta anxietate in ea asserenda laborē, perinde ac si dubia obſcuræ foret. Sed quoniā ea est
nostra malignitas, quæ nunquā nisi validissimè depulsa, concedat Deo quod suū est, cogor
paulo lōgius insistere. Quia tamen satis perspicua est in hac re Scriptura, eius potius verbis
quàm meis pugnabo. Iesaias, vbi descripsit vniuersale generis humani exitiū, pulchrè ordi- Iesa. 59. c. 15
nem restitutionis subtexit, Vidit Dominus, & malū apparuit in oculis eius. Et vidit quia nō
est vir: & admiratus est, quia nō est qui intercedat: & salutē posuit in brachio suo, & iustitia
sua se confirmauit. Vbi sunt nostræ iustitiæ, si verum est quod ait Propheta, neminē esse qui
in recuperāda sua salute Domino opituletur? Sic alius Propheta, vbi Dominū de reconcili-
andis sibi peccatoribus agentē inducit, Desponsabo, inquit, te mihi in perpetuū in iustitia,
iudicio, gratia, & misericordia. Dicam misericordiam non cōsequutā, Misericordiam cō-
sequuta. Eiusmodi fœdus, quod primam nobis esse cum Deo cōiunctionem constat, si mi-
sericordia Dei nititur, nullum relinquitur iustitiæ nostræ fundamentum. Et verò intellige-
re ex iis qui hominē cum aliqua operum iustitia Deo obuiam procedere fingunt cupiam,
an omnino vllam iustitiā esse putēt nisi quæ sit accepta Deo. Id cogitare si insanū est: quid
Deo gratum ab eius inimicis prodeat, quos totos cum omnibus suis factis auersatur? Om-
nes, inquam, nos esse capitales ac professos inimicos Dei nostri testatur veritas, donec iusti-
ficati, in amicitiam recipimur. Si principiū dilectionis est iustificatio, quæ operū iustitiæ
illam præcedent: Ita vt pestilentem illam arrogantiam auertat Iohannes, diligēter nos mo-
net quomodo nōn priores eum dilexerimus. Et idipsum iam olim per Prophetam suum
Dominus docuerat. Diligā, inquit, eos spontanea dilectione: quia conuersus est furor meus.
Operibus certē nō instigatur, si sponte ad nos inclinauit se eius dilectio. Sed rude hominū
vulgus nihil id aliud esse putat nisi quòd vt redēptionem nostram perageret Christus ne-
mo promeritus fuerit: vt autem redemptionis possessionem adeam⁹, operibus nostris adiu-
uari. Imò verò, vtcūque à Christo redēpti simus, donec tamen vocatione Patris inserimur
in illius cōmunionem, & tenebræ & mortis hæredes & Dei aduersarii sumus. Non enim ab
immunditiis nostris purgari nos & ablui Paulus docet Christi sanguine, nisi dum purgati-
onem illam Spiritus in nobis efficit. Quod idem dicere volens Petrus, declarat Spiritus san-
ctificationem valere in obedientiam, & asperſionem sanguinis Christi. Si Christi sanguine

1. Cor. 6. b. 11
1. Pet. 1. a. 2

in purificationē per Spiritū aspergimur, ne putemus alios nos esse ante huiusmodi irrigationem, quā est sine Christo peccator. Maneat ergo illud, principium nostræ salutis, esse quādam velut à morte in vitam resurrectionem: quia ubi propter Christū nobis datum est in eum credere, tunc incipimus demum transire à morte in vitam.

- 7 Sub hac ratione, qui secundus & tertius in diuisione suprā posita notatus fuit hominum ordo, comprehenditur. Conscientiæ enim impuritas utrosque nondum esse Dei Spiritu regeneratos arguit. Rursum autem, regenerationem in eis nullam esse, hoc defectum prodit fidei. Vnde liquet, Deo nondū reconciliatos, nondū in eius cōspectu iustificatos: quando ad hæc bona nisi per fidem non peruenitur. Quid pariant peccatores à Deo alienati, nisi illius iudicio execrabile? Hac quidem stolida confidentia cum impii omnes turgent, tum præsertim hypocritæ, quod utcumque totū cor suum obscœnitate scatere norint: siqua tamen edūt speciosa opera, digna æstimant quæ Deus non aspernetur. Hinc perniciosus ille error, quod sceleratæ & nefariæ mentis conuicti, adigi tamen nequeunt ut se iustitia vacuos fateantur: sed iniustos se agnoscentes, quia inficiando non sunt, iustitiā tamen nonnullā sibi arrogāt.

Hagg. 2. b. 12.

Hanc vanitatē egregiē Dominus refutat per Prophetā, Interroga, inquit, Sacerdotes, dicēs, Si tulerit homo carnem sanctificatam in ora vestimēti sui, & panem aut alium cibum ad-mouerit, nunquid sanctificabitur? Responderūt autem sacerdotes, Non. Et dixit Haggæus, Si tetigerit pollutus in anima aliquid horū, nōne contaminabitur? Responderūt sacerdotes, Contaminabitur. Dixit Haggæus, Sic populus iste ante faciē meam, dicit Dominus: & sic omne opus manū eorum, & omnia quæ obtulerint mihi, contaminata erunt: Vtinam hæc sentētia vel plenā fidem posset obtinere apud nos, vel memoriæ probè insidere. Nemo enim est quālibet alioqui tota vita flagitiosus, qui persuadere sibi sustineat quod hīc Dominus clarē pronūtiat. Simul ac nequissimus quisque vno vel altero Legis officio perfunctus est, non dubitat sibi iustitiæ loco acceptū ferri. at Dominus reclamationē, nullā inde acquiri sanctificationē nisi corde prius bene purgato. Neque eo contētus, cōtaminari cordis impuritate, quæcunque à peccatoribus prodeunt opera, asseuerat. Faceat ergo nomen iustitiæ ab his operibus quæ pollutionis, ore Domini damnātur. Et quā elegātī similitudine illud demonstrat: poterat enim obiectari, sanctum inuiolabiliter esse quod Dominus præcepisset. Ipse verò contrā opponit, nihil mirum esse si quæ sanctificata sunt in Lege Domini, improborum spurcitia contaminantur: quum sacrum atrectando, immunda manus profanet.

- 8 Eandē enim causam egregiē apud Iesaiā persequitur, Ne offeratis, inquit, sacrificiū frustra: incensū abominatio est mihi: Calendas & solēnitates vestras odit anima mea: facta sūt mihi molesta, laboravi sustinēs. Quum extēderitis manus vestras, auertā oculos meos à vobis: quū multiplicaueritis orationē, non exaudiā. manus enim vestræ plenæ sunt sanguine. Lauamini, mundi estote, auferte malū cogitationū vestrarū. Quid istuc sibi vult quod Dominus ita nauseat ad obsequiū suæ Legis? Imò verò nihil hīc respuit quod sit ex germana Legis obseruatione: cuius initiū esse ubique docet, syncerū sui nominis timorem. Illo sublato, non modò nugæ sunt quæcūque illi offerūtur, sed fœtidæ abominandæque sordes. Eant nūc hypocritæ, & inuolutā corde prauitatē retinentes, Deum operibus studeant demereri.

Iesa. 1. d. 13.

Vide ca. 58. a.

Prouer. 15. b. 8

Atqui magis ac magis hoc modo irritabūt. Execrabiles enim illi sunt impiorū vitia: sola rectorū oratio accepta est illi. Cōstituimus ergo extra dubiū, quod vulgatissimū esse debet mediocriter in Scripturis exercitato, quæ vel sūmo splendore cōspicua sunt opera in hominibus nondū verè sanctificatis, tam procul abesse à iustitia corā Domino, ut peccata cēseantur. Ac proinde verissimè illi qui nō cōciliari personæ apud Deū gratiā per opera tradiderūt: sed ecōuerso tū placere demū opera ubi persona gratiā prius in Dei cōspectu inuenerit. Religiosèque est obseruādus hic ordo ad quē Scriptura nos manu ducit. Respexisse Dominū ad Abel, scribit Moses, & ad opera eius. Vides ut Dominū hominibus propitiū designet antequam ad eorū opera respiciat? Quare purificationē cordis præcedere oportet, ut quæ à nobis prodeūt opera, benignè à Deo excipiātur. quia sēper viget illa Ieremiæ sentētia, oculos Dei respicere veritatē. Porro solam fidem esse qua corda hominū purificantur, Spiritus sanctus per os Petri asseruit. vnde constat primum esse in vera viuāque fide fundamentum.

August. lib.
De pœnit. &
Grego. cuius
verba referū
tur 3 quæst. 7
Genes. 4. a. 4.
Act. 15. b. 6.
Iere. 5. a. 3.

- 9 Inspiciamus nunc quid habeāt iustitiæ quos in ordine quarto posuimus. Fatemur, dum nos intercedēte Christi iustitia sibi reconciliat Deus, ac gratuita peccatorū remissione donatos pro iustis habet: cū eiusmodi misericordia coniunctā simul esse hāc eius beneficentiam, quod per Spiritū suum sanctū in nobis habitat, cuius virtute concupiscentiæ carnis nostræ magis ac magis in dies mortificātur: nos vero sanctificamur, hoc est cōsecramur Domino in verā vitæ puritatē, cordibus nostris in Legis obsequiū formatis. Ut hæc sit præcipua nostra voluntas, voluntati eius seruire, ac eius duntaxat gloriam modis omnibus prouehere.

Enimuero etiā dum sancti Spiritus ductu in viis Domini ambulamus, ne tamē nostri obli-
ti animos tollamus, remanēt imperfectionis reliquiā, quā nobis humilitatis argumentum
præbeant. Non est iustus, ait Scriptura, qui faciat bonum & non peccet. Qualē ergo iustitiā
ex suis operibus etiā nū obtinebūt: Primum dico, quod optimum ab illis proferri potest,
aliqua tamen semper carnis impuritate respersum & corruptum esse, ac tanquā aliquid fa-
cis admixtū habere. Seligat, inquam, ex tota sua vita sanctus Dei seruus quod in eius cursu
maximē eximiū se putabit edidisse, bene reuoluat singulas partes: deprehendet proculdubio
alicubi quod carnis putredinē sapiat: quando nunquam ea est nostra alacritas ad bene agē-
dumquæ esse debet, sed in cursu retardando multa debilitas. Quanquam non obscuras esse
maculas videmus quibus respersa sint opera sanctorum, fac tamen minutissimos esse nauos
duntaxat: sed an oculos Dei nihil offendent, coram quibus ne stellæ quidem puræ sunt: Ha-
bemus, nec vnum à sanctis exire opus, quod si in se censeatur, non mereatur iustam oppro-
brii mercedem.

1. Reg. 8. c. 46

Eze. 18. c. 24

Iacob. 2. b.

10 Deinde etiā si fieri posset vt aliqua nobis essent omnino pura absolutaque opera, vnū
tamen peccatum satis est ad delendā exstinguendāque omnem memoriam prioris iusti-
tiæ, vt ait Propheta. Cui & Iacobus consentit, Qui offendit (inquit) in vno, factus est omniū
reus. Iam quum hæc vita mortalis nunquam à peccato pura sit aut vacua, quicquid iustitiæ
à nobis comparatum foret, id sequētibz identidem peccatis corruptum, oppressum, & per-
ditum, in conspectum Dei non veniret, nec in iustitiam nobis imputaretur. Denique vbi
de operū agitur iustitia, nō opus Legis respiciendū est, sed mandatū. Ideo si ex Lege iustitia,
quæritur, frustra vnū aut alterū opus proferamus: sed necessaria est perpetua Legis obediētia
Quare illam, de qua loquuti sumus, peccatorū remissionē non semel (vt multi stolidē opinā-
tur) nobis in iustitiā Deus imputat, vt impetrata præteritæ vitæ venia, postea in Lege iustitiā
quæramus: quod nihil quā in spē falsam inductos rideret ac luderet. Quū enim perfectio
nulla obtingere nobis possit quādiu hac carne induti sumus, Lex autem mortem ac iudi-
cium omnibus denuntiet qui non integram iustitiam opere præstiterint: habebit semper
quo nos accuset reosque agat, nisi contrā occurreret Dei misericordia, quæ assidua peccato-
rum remissione nos subinde absolueret. Quare id semper constat quod principio diximus,
Si ipsi ex nostra dignitate æstimamur, quicquid meditemur aut moliamur, nos tamē cum
omnibus nostris conatibus & studiis morte & interitu dignos esse.

11 Duobus his fortiter insistendū, nullū vnquam extitisse pii hominis opus quod si se uero
Dei iudicio examinaretur, non esset dānabile. Adhæc si tale aliquod detur (quod possibile
homini non est) peccatis tamen, quibus laborare authorē ipsum certū est, vitiatū ac iniqui-
tatum gratiā perdere. atque hic præcipuus est nostræ disputationis cardo. Nam de princi-
pio iustificationis nihil inter nos & saniores scholasticos pugna est, quin peccator gratui-
tō à damnatione liberatus iustitiam, obtineat, idque per remissionem peccatorum. nisi
quod illi sub vocabulo iustificationis renouationem comprehendunt, qua per Spiritum
Dei reformamur in Legis obedientiam. iustitiam verò hominis regenerati sic describunt,
quod homo per Christi fidem Deo semel reconciliatus, bonis operibus iustus censeatur a-
pud Deum, & eorum merito sit acceptus. Verū Dominus contrā, se fidem imputasse Abra-
hæ in iustitiā pronūtiat, non eo tempore quo idolis adhuc seruiebat, sed quum multis iam
annis vitæ sanctitate excellisset. Diu ergo coluerat Abrahā Deū ex puro corde, & eā Legis
obedientiam præstiterat quæ ab homine mortali præstari potest: habet tamē adhuc reposti-
tam in fide iustitiam. Vnde colligimus, secūdam Pauli ratiocinationem, non ex operibus.
Similiter quum apud Prophetam dicitur, Iustus ex fide viuet: non de impiis & profanis ha-
betur sermo, quos Dominus ad fidem conuertendo iustificet: sed oratio ad fideles dirigitur,
& iis vita promittitur ex fide. Paulus quoque omnē scrupulum soluit, quum pro confirma-
tione illius sententiæ istum Dauidis versiculum sumit, Beati quorum remissæ sunt iniqui-
tates. Certum est verò Dauidem non de impiis, sed de fidelibus loqui, qualis ipse erat: quia
ex cōscientiæ suæ sensu loquebatur. Ergo hanc beatitudinē nō semel habere, sed tota vita te-
nere nos oportet. Postremò legationem de gratuita cum Deo reconciliatione non in vnū
aut alterum diem promulgari, sed perpetuam in Ecclesia esse testatur. Proinde non aliam
iustitiam ad finem vsque vitæ habent fideles quā quæ illic describitur. Manet enim per-
petuò mediator Christus, qui Patrem nobis reconciliet: ac perpetua est mortis eius effica-
cia: nempe ablutio, satisfactio, expiatio, perfecta denique obedientia, qua iniquitates om-
nes nostræ conteguntur. Nec Paulus ad Ephesios dicit nos initium salutis habere ex gratia
sed per gratiam saluatos esse, non ex operibus: ne quis gloriatur.

Rom. 4. c. 1

Habac. 2. a. 4

Rom. 4. a. 7.

Psal. 32. a. 1.

2. Cor. 5. d. 18

Ephes. 2. b. 8

12 Quæ ad euadendum subterfugia quærunz hīc scholastici, eos non expediunt. Aiunt
non tanti, esse intrinseca dignitate bona opera vt ad iustitiam comparandam sufficiant:

sed hoc acceptantis esse gratiæ, quòd tantum valent. Deinde, quia fateri coguntur iustitiam operum hic semper esse imperfectam, concedunt nos, quandiu viuimus, remissione peccatorum indigere, qua defectus operum suppleatur: sed delicta quæ committuntur, operibus supererogationis cõpensari. Acceptatẽ enim quam vocant gratiam, non aliam esse respõ deo quàm gratuitam eius bonitatem, qua nos in Christo cõplectitur Pater: dum innocentia Christi nos induit, eamque fert nobis acceptam, vt eius beneficio pro sanctis, puris & innocentibus nos habeat. Iustitiam enim Christi (quæ vt vna perfecta est, ita sola Dei conspectũ sustinere potest) pro nobis fisci oportet, ac iudicio representari velut sponso. Hac nos instructi assiduam peccatorũ remissionem in fide obtinemus. Huius puritate velatæ nostræ sordes & imperfectiõnũ immunditiæ, non imputantur: sed velut sepultæ conteguntur, ne in iudicium Dei veniant: donec hora adueniat, qua confectio in nobis ac planè extinctio veteri homine, diuina bonitas nos in beatam pacem cum nouo Adam recipiet: vbi diem Domini expectemus, quo in gloriam cælestis regni, receptis incorruptis corporibus, trãs feramur.

13 Hæc si vera sunt, nulla certè nostra opera nos ex se Deo acceptos gratiososque reddere queunt: ac ne ipsa quidem placere, nisi quatenus homo, iustitia Christi opertus, Deo placet, & victorum suorum remissionẽ obtinet. Non enim certis operibus promisit deus vitæ mercedem: sed tantum pronuntiat, qui fecerit hæc victurum: maledictionẽ illam celebrẽ oppo-

Leuit. 18. a. 5 nens contra omnes eos qui non perstiterint in omnibus. Quibus abundè refellitur commẽtum partialis iustitiæ, vbi non alia iustitia admittitur in cælis quàm integra Legis obseruatio. Neque verò solidius est quod garrere solèt de sufficienda per supererogationis opera cõpensatione. Quid enim? annon eò semper redeunt vnde iam sunt exclusi? eum qui ex parte Legem seruat, eatenus iustum operibus esse: Quod illis nemo sani iudicii concesserit, nimis impudẽter pro confesso assumunt. Toties testificatur Dominus nullam se agnoscere operũ iustitiam nisi in perfecta Legis suæ obseruatione. Quæ est improbitas, quum ea deficiamus, ne videamur omni gloria spoliati, hoc est prorsus Deo cessisse, nescio quibus paucorũ operum frustulis nos iactare, & quod deest, redimere per alias satisfactiones conari? Satisfactiones iam potenter dirutæ suprâ fuerunt, vt ne per somnium quidem venire nobis in mentem debeant. Tãtũ dico, eos qui sic ineptiunt, minimè reputare quàm res sit coram Deo execrabilis peccatum. intelligerent enim profecto, totam hominum iustitiam in vnum cum

Genes. 3. c. 17 mulum coactam, vnius compensationi parem esse non posse. Videmus nanque hominem vno delicto sic à Deo abiectum fuisse & abdicatum, vt simul omnem recuperandæ salutis rationem perdiderit. Sublata est igitur satisfactionis facultas, qua qui sibi blandiuntur, nunquam certè Deo satisfaciunt: cui nihil gratum acceptũve est quod ab inimicis suis profectum sit. Inimici porrò sunt omnes quibus imputare peccata instituit. Testa igitur & remissa peccata nobis antè oportet quàm ad vllum opus nostrum Dominus respiciat. Ex quo sequitur gratuitã esse peccatorum remissionem: quam sceleratè blasphemant qui satisfactiones vllas ingerũt. Nos ergo, exemplo Apostoli, quæ retrò sunt obliuiscens, ad ea autè pergẽtes quæ ante nos sunt, curramus in stadio nostro, tendẽtes ad palmã supernæ vocationis.

Philip. 3. c. 13

14

Luc. 17. c. 10 Iactare verò supererogationis opera, quomodo cum illo conuenit quod nobis præceptũ est, vt quum fecerimus quæcũque præcipiuntur nobis, dicamus nos seruos esse inutiles, nec plus fecisse quàm quod debuimus? Dicere coram Deo, nõ est simulare aut mētiri: sed quod pro certo habeas apud te constituere. Iubet itaque Dominus nos sincere sentire, & nobiscũ reputare, nulla sibi præstare gratuita officia, sed debitas operas reddere. Et meritò: serui enim sumus tot obsequiis defœnerati quot defungi non possumus, etiamsi omnes nostræ cogitationes omniãque membra in Legis officia, verterẽtur. Ideoque quod ait, Quum feceritis quæcũque præcipiuntur vobis: perinde valet ac si plusquam omnes hominum iustitiæ vnius forent. Nos ergo (quorum nemo non longissimè abest ab ista meta) quomodo audeamus gloriari nos cumulum addidisse ad iustam mensurã? Nec est quòd excipiat quispiam, nihil ob stare quominus vltra necessaria officia prodeat eius studiũ qui à necessariis aliqua in parte cessat. Sic enim penitus habendum, nihil nobis vel quod ad Dei cultum, vel quod ad dilectionẽ cõferat, in mentem venire posse, quod nõ sub Dei Lege comprehendatur. Quod si pars est Legis, ne voluntariam liberalitatem iactemus, vbi astringimur necessitate.

15

1. Cor. 9. a. 1

Ibidem, b. 12

Atque in hanc rem intempestiuè allegatur illa Pauli gloriatio, Quòd inter Corinthios iure suo sponte cesserit, quod licebat alioqui, si libuisset, vsurpare: nec illis tantum impẽderit quod ex officio debebat, sed gratuitam operam vltra officii finem largitus sit. Atqui animum aduertere conueniebat ad rationem illic signatam, hoc fecisse ne infirmis offendiculo foret. Venditabant enim se hoc benignitatis lenocinio mali fraudulẽtĩque operarii, quo & fauorẽ fonticis suis dogmatibus conciliarent, & odium conflarent Euangelio: vt necesse

Paulo fuerit, vel in periculū accersere Christi doctrinā, vel eiusmodi artibus obuiare. Agēdū, si res est homini Christiano media, offendiculū incurrere, quū abstinere liceat, fateor Apostolū aliquid Domino supererogasse: sin hoc ipsum iure requirebatur à prudēti Euāgelii dispensatore, dico fecisse quod debebat. Denique etiam si talis causa non apparet, verū tamē semper est illud Chrysostomi, nostra omnia eādē habere conditionē cum seruorū pecuniis, quæ iure ipso deberi domino constat. Neque id dissimulauit Christus in parabola. interrogat enim quā gratiā habituri simus seruo, vbi tota die vario labore exercitatus ad nos vesperti redierit. Atqui fieri potest vt maiore industria incubuerit quā auferre fuisset exigere. Est: nihil tamen fecit quod non ex conditione seruitutis deberet: quia cum tota sua facultate noster est. Taceo quales sint supererogationes quas isti venditare Deo volunt. nugæ enim sunt quas neque ipse vnquam imperauit, neque approbat, nec quū reddenda erit apud se ratio, acceptas feret. Hac demū significatione cōcedemus esse supererogationis opera, vt-pote de quibus apud Prophetam dictū est, Quis quæ fuit hæc de manibus vestris? Sed meminerint quid & alibi dicatur de iis, Quare appēditis argentū vestrū, & non in panibus: laborē vestrum infumitis, & non in saturitate: Non est quidem valde laboriosum otiosis istis rabbinis hæc sub vmbra in mollibus cathedris disputare. at quū summus ille iudex pro tribunali sederit, euanesce ventosa huiusmodi placita oportebit. Hoc hoc querendum erat, quam ad eius tribunal defensionis fiduciā afferre, nō quid in scholis & angulis fabulari possumus.

Luc. 17. b. 7

Iesa. 1. d. 12.

Idem 55. a. 2

16 Duæ sunt potissimum nobis abigendæ hac parte ex animis pestes: nequid in operum iustitiæ fiduciā ponant, nequid illis gloriæ adscribant. Fiducia qualibet nos passim depellunt Scripturæ, quum docent iustitias omnes nostras fœtere in Dei cōspectu, nisi à Christi innocentia bonum odorem ducant: nihil quā irritare Dei vltionem posse, nisi misericordiæ eius indulgentia sustineantur. Ita porrò nihil reliquum nobis faciunt, nisi vt iudicem nostrum deprecemur, cum illa Dauidis confessione, Neminem iustificatum iri coram ipso, si rationē à seruis suis reposcat. Vbi autem Iob dicit, Si impiè egi, vā mihi: si autē iustē, nec sic erigam caput: quāquam respicit ad summam illam Dei iustitiam, cui ne Angeli quidem respondent: simul tamen ostendit, vbi ad Dei iudicium venit, nihil restare cunctis mortalibus nisi vt obmutescant. Non enim eò tantum pertinet quod cedere vltro malit quā cum rigiditate Dei periculose certare: sed significat non aliam sensisse eum in seipso iustitiam, quā quæ primo momento esset à facie Dei collapsura. Exacta fiducia gloriationem quoque omnem faceffere necesse est. Quis enim iustitiæ laudem assignet operibus, quorum cōfidentia trepidet à Dei conspectu? Veniendum ergo quò nos vocat Iesaïas, vt in Deo laudetur ac gloriatur omne semen Israel: quia verissimum est: quod alibi dicit, nos plantationē esse gloriæ Dei. Ritè ergo tū purgatus erit animus, quū nec in fiducia operū vlla ex parte recūbet, nec in gloria exultabit. Ad falsā autē & mendacis istius fiduciæ statū stultos homines hic error animat, quod suæ salutis causam in operibus semper locant.

Psal. 143. a. 2

Iob. 10. c. 15

Iesa. 46. d. 20

Iesa. 61. a. 3.

17 Verūm, si quatuor causarum genera respicimus, quæ in rerum effectu considerare præcipiunt philosophi, nullum eorum reperiemus operibus in constituenda salute nostra conuenire. Efficientem enim vitæ æternæ nobis comparandæ causam vbique Scriptura prædicat Patris cælestis misericordiam, & gratuitam erga nos dilectionē: materiale verò, Christum cum sua obedientia, per quam nobis iustitiam acquisiuit. formalē quoque vel instrumentale quam esse dicemus nisi fidē? Atque tres simul istas vna sentētia cōprehendit Iohānes, quum dicit, Sic Deus dilexit mundum vt Filium vnigenitum daret: vt omnis qui credit in eum nō pereat, sed habeat vitam æternam. Porrò finalem testatur Apostolus esse, & diuinæ iustitiæ demonstrationem, & bonitatis laudem: vbi & alias tres disertis verbis commemorat. Sic enim ad Romanos loquitur, Omnes peccauerūt, & egent gloria Dei. iustificātur autem gratis ipsius gratia: hīc habes caput & primum fontem, quod Deus nos gratuita misericordia complexus est. Sequitur, Per redemptionem quæ est in Christo Iesu: hīc habes veluti materiam qua nobis iustitia conficitur: Per fidem in sanguine ipsius: hīc causa instrumentalis ostenditur, qua Christi iustitia nobis applicatur. Postremò subiungit finem, quum dicit, In demonstrationem iustitiæ ipsius, vt sit ipse iustus, & iustificans eum qui est ex fide Christi. Atque (vt obiter quoque denotet iustitiam hanc reconciliatione constare) nominatim ponit, Christum datum esse in reconciliationem. Sic & primo ad Ephesios capite docet nos recipi à Deo in gratiam ex mera misericordia: id fieri Christi intercessione: fide apprehēdi: omnia in hunc finem, vt diuinæ bonitatis gloria ad plenum eluceat. Quum videamus omnes salutis nostræ particulas ita extra nos constare, quid est quod iam operibus vel confidamus vel gloriemur? Nec de efficiente, nec de finali controuersiam nobis mouere possunt vel coniuratissimi diuinæ gratiæ hostes, nisi totam Scripturam abnegare

Iohan. 3. b. 16

Rom. 3. c. 23

velint. In materiali & formali fucū faciunt, quasi dimidiatū cum fide Christīque iustitia locum opera nostra teneant. Sed id quoque Scriptura reclamante: quæ & Christum nobis esse in iustitiam & vitam simpliciter affirmat, & hoc iustitiæ bonum sola fide possideri.

- 18 Quod autem innocentiae integritatisque suae memoria sapiusculē sancti se confirmāt ac consolantur, nec etiam ab ea praeedicanda interdum abstinēt, id fit bifariam: vel quod bonā suam causam cum mala impiorum causa comparando, securitatem inde victoriæ concipiunt, non tam suae iustitiæ cōmendatione quā iusta meritāque aduersariorū damnatione: vel quod etiam sine aliena comparatione dum se corā Deo recognoscunt, nonnullam illis & consolationem & fiduciam affert propriæ conscientiae puritas. De priorē ratione postea videbimus: nunc de posteriore breuiter expediamus, quomodo cum eo conueniat quod suprà diximus, nulla esse in Dei iudicio operum fiducia subnitendum, nulla eorum opinione gloriandum. Hæc porro cōuenientia est, quod sancti, quum de fundanda constituendāque salute sua agitur, citra operū respectū in solā Dei bonitatē oculos intendunt. Neque ad eā modō ante omnia, tanquā ad beatitudinis principiū, se cōuertūt: sed tanquā in cōplemento cōquiescunt. Sic fūdāta, erecta, stabilita cōscientia operū quoque cōsideratione stabilitur: quatenus scilicet testimonia sunt Dei in nobis habitātis ac regnantis. Quando igitur isthæc operū fiducia locū non habet, nisi totā prius animi fiduciā in misericordiam Dei reieceris, non debet illi videri contraria vnde pēdet. Quare dum operum fiduciā excludimus, hoc volumus duntaxat, ne mens Christiana ad operum meritum, velut ad salutis subsidiū, reflectatur: sed penitus resideat in gratuita iustitiæ promissione. Nō vetamus autē ne diuinæ erga se beneuolentiæ signis hanc fidem fulciat & cōfirmet. Nā si dum memoria repetuntur quæcunque in nos dona Deus contulit, sunt nobis quodammodo instar radiorum diuini vultus, quibus illuminemur ad summā illam bonitatis lucem contemplandam: multo magis bonorum operum gratia, quæ Spiritum adoptionis nobis datum commonstrat.

- 19 Quum igitur à conscientiae innocentia fidem suam confirmant sancti, & exultandi materiam sumunt, nihil aliud quā à fructibus vocationis se in filiorum locū à Domino coopatos esse reputant. Quod ergo à Solomone traditur, in timore Domini esse firmam securitatem: quod interdum hanc obtestationem sancti vsurpant quo exaudiantur à Domino, se ambulasse coram facie eius in integritate & simplicitate: locum in iaciendo firmandæ cōscientiae fundamento nullum habēt: sed tum demum valent si à posteriori sumuntur: quia & nullibi est timor ille qui securitatem plenam offirmare queat: & sancti sibi talis integritatis cōscii sunt cui multæ carnis reliquiae adhuc sunt permixtæ. Sed quoniam ex regenerationis fructibus, habitantis in se Spiritus sancti argumētum capiunt, inde se non mediocriter ad expectandum in omnibus necessitatibus Dei auxilium confirmant, quū in re tanta patrem experiuntur. Ac ne id quidem possunt, nisi primū Dei bonitatē, nulla alia quā promissionis certitudine obsignatam, apprehenderint. Nam si illam aestimare incipiunt à bonis operibus, nihil erit incertius, nec magis infirmum. quandoquidem si per se opera aestimentur, non minus iram Dei sua imperfectione arguent, quā vtrunque inchoata puritate beneuolentiam testantur. Denique sic Dei beneficia prae dicant vt tamen non desleat à gratuito Dei fauore, in quo testatur Paulus lōgitudinē, latitudinem, profunditatē & altitudinem sitam esse, quasi diceret, quocunque se vertant piorum sensus, quantumuis altē cōscēdant, quantumuis longē & latē se extendāt, non debere tamen à Christi dilectione egredi quin se in ea meditanda totos contineant: quia omnes dimensiones in se comprehendit. Ideoque dicit eam excellere & eminere supra omnem scientiam: & dum agnoscimus quāto pere nos Christus dilexerit, impleri in omnē plenitudinē Dei. Sicut alibi dum gloriatur pios in omni certamine esse victores, rationem mox addit, Propter eum qui dilexit eos.

Videmus iam non eam in sanctis fiduciam operum esse quæ vel eorum merito aliquid tribuat (quando ea non aliter quā Dei dona intuentur, vnde eius bonitatē recognoscant, non aliter quā vocationis signa vnde electionem reputent) vel quippiam derogat gratuitæ, quam in Christo consequimur, iustitiæ: quando ab ea dependet, nec sine ea subsistit. Hoc ipsum Augustinus paucis verbis, sed eleganter significat, quū scribit, Nō dico Domino, Opera manū mearū ne despicias. Exquisiui Dominū manibus meis, & non sum deceptus. Sed opera manū mearum non cōmendo: timeo enim ne quum inspexeris, plura inuenias peccata quā merita. Hoc solum dico, hoc rogo, hoc cupio, Opera manuum tuarum ne despicias. Opus tuum in me vide, non meum. Nam si meum videris, damnas: si tuum videris, coronas. Quia & quæcunque mihi sunt opera bona, abs te sunt. Duas causas ponit cur non ausit sua opera Deo venditare, quia siquid bonorum operū habet, illic nihil videt suum: de inde quia id quoque peccatorū multitudine obruitur. Vnde fit vt plus inde timoris & con-

Prou. 14. c. 26

Gen. 24. c. 40

2 Reg. 20. a. 3.

Ephef. 3. d. 18.

Ibidem, 19.

Rom 8. g. 37.

20

sternationis sentiat conscientia, quā securitatis. Ergo non aliter Deum intueri vult sua rectē facta quā ut vocationis suae gratiam in illis recognoscens, opus quod inchoauit perficiat.

21 Quod autem praeterea bona fidelium opera, Scriptura causas esse ostēdit cur illis Dominus beneficiat, id sic intelligendum est, ut stet incōcūsum quod antea posuimus, effectum nostrae salutis in Dei Patris dilectione situm esse: materiam, in Filii obedientia: instrumentum, in Spiritus illuminatione, hoc est fide: finem esse tantae Dei benignitatis gloriam. Istis nihil obstat quominus opera Dominus, tanquam causas inferiores amplectatur. sed vnde id? nempe quos sua misericordia, aeternae vitae hereditati destinauit, eos ordinaria sua dispensatione per bona opera inducit in eius possessionem. Quod in ordine dispensationis praecedat, posterioris causam nominat. Hac ratione ab operibus interdum vitam aeternā deducit, non quod illis referenda sit accepta: sed quia quos elegit, iustificat ut demum glorificet, priorem gratiam, quae gradus est ad sequentem, causam quodammodo facit. At quoties assignanda est vera causa, non ad opera iubet confugere, sed in sola misericordiae cogitatione nos retinet. Quale enim istud est quod per Apostolū docet, Stipendium peccati mors: gratia Domini vita aeterna? Cur non ut vitam morti, sic peccato iustitiam opponit? Cur non ut peccatū mortis, ita iustitiam vitae causam itatuit? Sic enim ritē constatura erat antithesis, quae illa variatione nonnihil abruptitur. Sed Apostolus, id quod erat, exprimere ista comparatione voluit, meritis hominum deberi mortem: vitam non nisi in sola Dei misericordia esse repositā. Denique istis loquutionibus series magis notatur quā causa: quia Deus gratias gratiis cumulando, ex prioribus causam sumit secundas addendi, nequid adlocupletandos seruos suos omittat: atque ita liberalitatem suam prosequitur, ut tamē gratuitam electionem, quae fons & initium est, respicere nos semper velit. Quanquam enim quae nobis quotidie confert dona, quatenus ex illo fonte prodeunt, amat: nostrum tamē est gratuitam illam acceptationem tenere, quae sola fulcire animas nostras potest. quae verò Spiritus sui dona deinde largitur, ita subnectere primae causae ut ei nihil derogent.

Rom. d. f. 30.

Rom. 6. d. 13.

Quae de operum meritis iactantur, tam Dei laudem in conferenda iustitia, quā salutis certitudinem euertere.

C A P. X V.



AM quod praecipuum est in hac causa expediuius: quia si operibus fulciatur iustitia, corruere protinus à cōspectu Dei necesse sit: sola Dei misericordia, sola Christi cōmunicatione, ideoque sola fide contineri. Praecipuū autē hunc esse causae cardinem diligenter animaduertamus, ne illa implicemur cōmuni non vulgi modo, sed doctorū etiam hallucinatione. Simul enim atque queritur de fidei operūque iustificatione, decurrunt ad eos locos qui aliquod operibus meritū corā Deo tribuere videntur: perinde verò ac si euicta foret operū iustificatio, si probatū fuerit alicuius esse apud Deū pretii. Enimuero suprà clarē ostēdimus, in perfecta tātūmodo, absolutaque Legis obseruatione cōsistere operū iustitiā. Vnde sequitur, nō iustificari operibus hominē nisi qui ad summū perfectionis euectus, nullius, vel minimae transgressionis argui queat. Altera igitur & separata est quaestio, Vt cunque ad iustificandum hominē minimē sufficiant opera, annon tamen illa apud Deum gratiam promereantur?

2 Primū de meriti nomine id mihi praefari necesse est: quicūque primus illud operibus humanis ad Dei iudiciū cōparatis aptauit, eum fidei synceritati pessimē consuluisse. Equidē à logomachiiis libēs abstineo, sed cuperē eam seruata fuisse sēper inter Christianos scriptores sobrietatē, ne vsurpare, quū nihil opus foret, extranea à Scripturis vocabula in animū induxissent quae multū parerēt offendiculi, fructus minimū. Quorsū enim obsecro, opus fuit in uehi nomē Meriti, quū pretiū bonorū operū significāter alio nomine citra offendiculū explicare posset? Quantū autē ipsū offensionis in se cōtineat, magno cū orbis detrimēto patet. Certē ut est fastuosissimū, nihil quā obscurare Dei gratiā, & homines praua superbia imbuere potest. Vbi sunt (fateor) passim, vetusti Ecclesiae scriptores, atque utinā vculae vnus abusu erroris materiā posteris nō praeuissent. Quanquā nōnullis ipsi quoque locis testātur, quam nō praēiudicare veritati voluerint. Sic enim alicubi loquitur Augustinus, Humana merita hīc cōticescāt, quae perierunt per Adā: & regnet Dei gratia, per Iesū Christū. Itē, Meritis suis nihil tribuūt sancti: totū nonnisi misericordiae tuae tribuent ō Deus. Alibi, Et quū viderit homo quicquid boni habet, non se habere à se, sed à Deo suo, videt id totum quod in eo laudatur, non de suis meritis, sed de misericordia Dei esse. Vides ut adēpta homini bene agendi virtute, meriti quoque dignitatē prosterнат. Chrysostomus autem, Nostra siqua sequuntur Dei gratuitam vocationem opera, retributio sunt & debitū: at Dei munera, gratia & beneficentia & largitionis magnitudo. Omisso tamē nomine, rem potius cernamus. Citavi quidem antea ex Bernardo sententiam, Vt ad meritum satis est de meritis non praesumere:

De praedest.
sanct. In Psal.
139.
In Psal. 88.

Homil. 33. in
Gene. suprà
68.

fic carere meritis, satis est ad iudicium. Sed continuò addita interpretatione, duritiem vocis satis emollit, quum dicit, Proinde merita habere cures: habita, data noueris: fructū spes Dei misericordiam: & omne periculum euasisti, paupertatis, ingratitude, præsumptionis. Felix Ecclesia cui nec merita sine præsumptione, nec præsumptio sine meritis deest. Et paulo antè abundè ostenderat quàm pio sensu vteretur. Nā de meritis, inquit, quid sollicita sit Ecclesia, cui de proposito Dei firmior securiorque existit gloriādi ratio: Non potest se ipsum negare Deus: faciet quod promisit. Si non est quod quæras, quibus meritis speremus bonæ præsertim quum audias, Non propter vos, sed propter me. Sufficit ad meritum scire quòd non sufficiant merita.

Ezech. 36. c. 22
f. 32.

Luc. 17. c. 10

3 Quid promereantur omnia opera nostra, Scriptura ostendit quū Dei conspectū ferre pos-
se negat quia immūditia sint plena. quid deinde promeritura sit perfectā Legis observatio,
(si qua reperiri posset) quum præcipit vt nos inutiles seruos reputemus quum fecerimus
omnia quæ præcipiuntur nobis: quia nihil gratuitū impēderimus Domino, sed debitis ob-
sequiis tantum defuncti simus, quibus non est habenda gratia. Dominus tamen, quæ in nos
contulit bona opera, & nostra appellat, & non tantum accepta sibi esse testatur, sed remune-
rationem etiam habitura. Nostrum est vicissim tanta promissione animari, animosque col-
lige re, ne bene agendo defatigemur, & tantam Dei benignitatē vera gratitudine prosequi.
Gratiam Dei esse non dubium est quicquid in operibus est quod laudem meretur. nullam
esse guttam quā propriè nobis adscribere debeamus: id si re vera seriòque agnoscimus, eua-
nescit quælibet meriti non fiducia tantum, sed opinio. Bonorum, inquam, operum laudem
non (vt sophistæ faciunt) inter Deum & hominē partimur: sed totam, integram ac illibatā
Domino seruamus. Tantum hoc homini assignamus, quòd ea ipsa quæ bona erant, sua im-
punitate polluit & cōtaminat. Nihil enim ab homine exit, quantumuis perfectò, quod non
sit aliqua macula inquinatū. Vocet igitur Dominus in iudicium quæ in humanis operibus
optima sunt: suam in illis quidem iustitiam agnoscat, hominis verò dedecus & probum.
Placent itaque Deo bona opera, nec suis authoribus sunt infructuosa: quin magis amplissi-
ma Dei beneficia remunerationis loco referunt: non quia ita merentur, sed quia diuina beni-
gnitas hoc illis ex se ipsa pretium statuit. Quæ autem ista est malignitas, non contentos illa
Dei largitate, quæ nihil tale merentia opera indebitis præmiis muneratur, sacrilega ambi-
tione vltra cōtendere, vt operū meritis videatur rependi quod diuinæ totū est munificentiæ?
Hic sensum communem vniuscuiusque appello. Si is qui vsum fructum in agro aliena libe-
ralitate habet, proprietatis quoque titulum sibi vendicat: annon huiusmodi ingratitude
eam ipsam quam tenebat possessionem amittere meretur? Similiter si manumissus à domi-
no seruus, dissimulata libertinæ conditionis humilitate, pro ingenuo se venditet: annon di-
gnus est qui in pristinam redigatur seruitutem? Hic enim legitimus demum est fruendi be-
neficij vsus, si nec plus arrogamus nobis quàm datum est, nec boni authorem sua laude frau-
damus: quin potius sic nos gerimus vt residere quodāmodo apud eum videatur quod in nos
transulit. Hæc moderatio si erga homines præstanda est, videant singuli & reputent qualis
Deo debeatur.

Ecclesi. 1. 6b. 14
Hebr. 13. a. 2

4 Scio sophistas abuti locis quibusdam, vnde probent meriti nomen erga Deum in Scri-
pturis reperiri. Citant ex Ecclesiastico sententiā, Misericordia faciet locum vnicuique secū-
dum meritum operum suorum. Ex Epistola autem ad Hebræos, Beneficentiæ & communi-
cationis nolite obliuisci: talibus enim hostiis promeretur Deus. In repudianda Ecclesiastici
authoritate ius meum nūc remitto. Nego tamen fideliter citare quod scripsit Ecclesiasticus,
quicumque fuerit ille scriptor. sic enim habet Græcum exemplar, *πείσῃ ἐλεημοσύνη πείσῃ πόσις*.
ἐκείνος γὰρ κατὰ τὰ ἔργα αὐτοῦ θύρῃσι. Omni misericordiæ faciet locum. vnusquisque enim secun-
dum opera sua inueniet. Atque hanc esse germanam lectionem quæ in Latina versione de-
prauata sit, cum ex solo verborum istorum complexu, tum ex longiore superioris orationis
contextu liquet. In Epistola ad Hebræos non est cur decipulas in verbulo vno nobis tendāt.
quando in Græcis Apostoli verbis nihil aliud habetur quàm tales hostias placere acceptā-
que esse Deo. Id vnum abunde sufficere debeat ad compescendam retundendamque nostræ
superbiæ insolentiam, nequam operibus dignitatem vltra Scripturæ formulā affingamus.
Porro Scripturæ doctrina est, aspersa esse perpetuò sordibus multis bona nostra opera, qui-
bus meritò Deus offendatur, ac nobis succenseat. tantum abest vt vel conciliare illum no-
bis queant, vel eius erga nos beneficentiam prouocare: quia tamē illa pro sua indulgentia
non iure summo examinat, perinde accipere ac si purissima essent, ideòque licet immerita
infinitis beneficiis remunerari tum præsentis vitæ, tum etiam futuræ. Non enim à doctis
alioqui ac piis viris positam distinctionē recipio, meritoria esse bona opera earum quæ no-

bis in hac vita conferuntur gratiarum: solius fidei præmium esse æternā salutem. Mercedē enim laborum & certaminis coronam in cælo Dominus semper ferè collocat. Rursum operum merito sic tribuere, ut gratiæ adimatur quòd aliis super alias gratis à Domino cumulamur, est contra Scripturæ doctrinam. Tamen enim dicit Christus, habenti datum iri, & super multa constitutum iri fidelem ac probum seruum, qui in parvis se fidelem gesserit: simul tamen alibi ostendit incrementa fidelium esse gratiæ suæ benignitatis munera. Omnes, inquit, sitiētes venite ad aquas: & qui non habetis argentū, venite, emite absque argento & absque vlla cōmutatione vinum & lac. Quicquid ergo nunc in salutis adminiculum piis confertur, tum ipsa beatitudo, mera est Dei beneficentia. tamen & in hac & illis testatur se operum habere rationem: quia ad testādam erga nos dilectionis suæ magnitudinem, non modò nos, sed quæ nobis largitus est dona tali honore dignatur.

Mat. 25. b. 21,
& c. 19.

Ies. 55. a. 1.

5 Hæc si quo oportuerat ordine tractata digestæque essent antea cōtis seculis, nunquam tantum turbarum ac dissensionum ortum esset. Paulus ait in architectura Christianæ doctrinæ retinēdum esse quod posuerat ipse fundamentū apud Corinthios, præter quod nullū aliud poni queat: id autem esse Iesum Christum. Quale nobis in Christo fundamentū est: an quod initium nobis salutis fuit, ut complementum à nobis sequeretur: & viam aperuit tantū per quam ipsi nostro Marte pergeremus? Minimè verò, sed quomodo paulo antè posuerat, illum dum agnoscimus nobis datum esse in iustitiam. Nemo ergo bene in Christo fundatus est nisi qui solidam habet in ipso iustitiam: quando non dicit Apostolus missum esse quo ad iustitiam consequendā nos iuuet: sed ut ipse sit nostra iustitia. Nimirum quòd in ipso electi sumus ab æternitate ante mundi constitutionem, nullo nostro merito, sed secundum diuini beneplaciti propositum: quòd eius morte ipsi à mortis damnatione redempti ac liberati à perditione sumus: quòd in ipso adoptati sumus in filios & hæredes à Patre cælesti: quòd per ipsius sanguinem huic sumus reconciliati: quòd illi in custodiam dati, pereundi excidendique periculo eximimur: quòd illi ita inserti, iam vitæ æternæ quodammodo sumus participes, in regnum Dei per spem ingressi. Necdum finis: quòd talem eius participationem adepti, utcumque simus adhuc in nobis stulti, ipse nobis coram Deo sapientia est: ut peccatores simus, ipse nobis iustitia: ut immundi simus, ipse nobis puritas: ut infirmi simus, ut inermes & Satanæ expositi, nostra tamen est quæ ipsi data est in cælo & in terra potestas, qua pro nobis Satanā conterat, & inferorum portas confringat: ut corpus mortis adhuc nobiscum circumferamus, ipse tamen nobis vita est. Breuiter quòd omnia illius nostra sunt, & nos in illo omnia habemus, in nobis nihil. Super hoc inquam fundamentum ædificari nos conuenit, si volumus in templum Domino sanctum crescere.

1. Cor. 3. b. 11

1. Cor. 1. d. 30

1. Cor. 1. d. 30.

Ephef. 1. a. 4.
Colof. 1. b. 14,
& c. 10.

Iohā. 10. c. 28.

Mat. 28. d. 18

6 At longè aliter iam pridem institutus est orbis. reperta sunt moralia nescio quæ bona opera, quibus gratiosi Deo reddātur homines antequam Christo inferātur. Quasi verò mētatur Scriptura quū dicit, in morte esse omnes qui Filium non possederint. Si in morte sunt, quomodo vitæ materiam generaret? Quasi nihil illud valeat, peccatū esse quicquid sit extra fidem. quasi arboris malæ possint extare boni fructus. Christo verò vbi suam virtutē exerat quid pestilentissimi sophistæ reliquerunt? Aiunt meruisse nobis primam gratiam, hoc est occasionem merendi: esse iam nostrarum partium, occasione oblata non deesse. O proieciam impietatis impudentiam. quis expectasset ut Christi nomen professi, illum ita denu datum sua virtute, tantum non proculcare auderent? Hoc testimonium illi passim redditur, quòd iustificati sint quicumque in eum credunt: isti nihil aliud beneficii ab eo prouenire docent nisi ut singulis ad seipsos iustificandos aperta sit via. Vtinam verò gustarent quid sibi velint istæ sententiæ, Vitam habere quicūque Filium Dei habeant: Quicumque credit, trāsisse à morte in vitā: Iustificatos esse nos illius gratia, ut hæredes efficeremur vitæ æternæ. Fideles Christum habere in se manentem, per quem Deo adhæreant: participes vitæ eius, sedere cum ipso in cælestibus: traductos esse in regnum Dei, & salutē consequutos: & similes innumeræ. Non enim aut comparandæ iustitiæ, aut salutis tantū acquirēdæ facultatem fide Christi obtingere significant, sed vtrunque nobis donari. Proinde simulatque per fidem insertus es Christo, iam filius Dei factus es, cælorum hæres, iustitiæ particeps, vitæ possessor: ac (quo melius eorum mēdacia coarguantur) non adeptus merēdi opportunitatem, sed omnia Christi merita: siquidem tibi communicantur.

1. Iohā. 5. c. 12.
Rom. 14. d. 23

1. Iohā. 5. c. 12.
Iohan. 5. d. 24
Rom. 3. c. 24
1. Iohā. 3. d. 23
Ephef. 2. b. 6.
Colof. 1. b. 13.

7 Ita Sorbonicæ scholæ, errorum omnium matres, iustificationem fidei, quæ pietatis est totius summa, nobis sustulerunt. Fatentur quidem verbo iustificari fide formata hominem, sed id postea interpretatur, quoniam à fide habent bona opera ut ad iustitiam valeant: ut penè per ludibrium videantur nominare fidem, quia sine ingēti inuidia silei non poterat, quum

toties à Scriptura repetatur. Nec dum etiam contenti, in laude bonorum operum Deo suffragantur quod ad hominem transferant. Quia vident parum valere ad hominem attollendum bona opera, ac ne merita quidem propriè vocari, si diuinæ gratiæ fructus censeantur: ex vi liberi arbitrii ea eliciunt, oleum scilicet ex lapide. Ac principalem quidem causam in gratia esse non negant: sed eo tamè cõtendunt non excludi liberũ arbitriũ, per quod sit omne meritum. Neque id tradunt posteriores modò Sophistæ, sed eorum Pythagoras Lombardus: quem si cum istis compares, sanum & sobrium esse dicas. Miræ profectò cæcitatũ fuit, quum Augustinũ toties in ore haberet, non vidisse quanta sollicitudine vir ille cauerit ne vlla ex bonis operibus gloriæ particula in hominẽ deriuaretur. Suprà, quũ de libero arbitrio disputatio esset, recitauimus aliquot in hanc rem ipsius testimonia, quibus similia identidem in eius scriptis recurrunt. vt quum vetat ne merita nostra vsquam iactemus, quia & ipsa Dei dona sunt: & quum scribit, omne meritum nostrum nõnisi à gratia esse, non parari per nostram sufficientiã, sed per gratiam totum fieri, &c. Ad Scripturæ lucem cæcutisse, minus mirum: in qua non ita feliciter exercitatum fuisse apparet. Nihil tamen desiderari possit aduersus eum & eius discipulos clarius isto Apostoli verbo. interdicta enim Christianis omni gloriatione, rationem cur gloriari nefas sit, subiungit, Quia Dei factura sumus, creati ad bona opera, quæ præparauit vt in illis ambulemus. Quum ergo nihil à nobis boni prodeat nisi quatenus regenerati sumus, regeneratio autem nostra, tota citra exceptionem, Dei sit: non est cur vnciam nobis in bonis operibus vendicemus. Postremò dum assidue inculcant bona opera, sic interim cõscientias instituunt, vt confidere nunquam audent Deum se propitiũ ac fauẽtem suis operibus habere. Nos autè contrà, nulla meriti menciónẽ, singulari tamè consolatione fidelium animos nostra doctrina erigimus, dũ eos docemus in suis operibus Deo placere, indubièque acceptos esse. Quinetiã hic exigim⁹ vt nullũ quisquã opus tẽtet aut aggrediatur sine fide: hoc est nisi certa animi fiducia prius definiat Deo placiturũ.

8

Quamobrem ab vnico illo fundamento nequaquam abduci nos ne latum quidem vnguẽ patiamur: quo iacto, sapiẽtes deinde architẽcti rectè atque ordine superædificant. Nam siue doctrina & exhortatione opus est, admonet quòd in hoc Dei Filius apparuit vt dissoluat opera Diaboli: ne peccent qui ex Deo sunt, sufficere præteritũ tẽpus implẽdis Gentium desideriiis: electos Dei vasa esse misericordiæ selecta in honorẽ, quæ à sordibus emundari debeant. Sed omnia semel dicuntur, quum ostenditur quòd tales velit Christus discipulos, qui seipsis abnegatis, ac sublata sua cruce, ipsum sequantur. Qui seipsum abnegauit, malorum omnium radicẽ execut, ne amplius quærat quæ sua sunt. Qui cruce suam sustulit, ad omnem patientiã ac mansuetudinẽ se comparauit. At Christi exemplũ & hæc & alia omnia pietatis ac sãctitatis officia cõplectitur. Ille se Patri obedientẽ præstitit ad mortẽ vsque. ille totus fuit in operibus Dei perficiendis ille Patris gloriam toto pectore spirauit. ille animã suam pro fratribus posuit. ille hostib⁹ suis bene & fecit & precatus est. Quod si cõsolatione opus fuerit, misericordiam afferent cõsolationem: quòd affligimur, non tamen anxii reddimur: laboramus, sed non deserimur: humiliamur, sed non confundimur: deicimur, sed non perimus: mortificationem Iesu Christi semper in corpore nostro circumferentes, vt vita Iesu manifestetur in nobis. quòd si commortui sumus, & conuiuemus: si cõpatimur, & conregnabimus. quòd ita cõfiguramur eius passionibus, donec perueniamus ad resurrectionis similitudinẽ: quãdo Pater prædestinauit cõformes fieri imaginis Filii sui, quos in ipso elegit, vt sit primogenitus inter cunctos fratres. Itaque quòd neque mors, neque præsentia, neque futura separabunt nos à charitate Dei, quæ est in Christo: quin potius in bonũ ac salutẽ cedent omnia, Ecce, non iustificamus hominem ex operibus coram Deo: sed omnes qui ex Deo sunt, dicimus regenerari, & nouã creaturã fieri: vt ex regno peccati, trãseant in regnũ iustitiæ, atque hoc testimonio certã facere suam vocationẽ, & tanquã arbores à fructibus iudicari.

Refutatio calumniarũ quibus hanc doctrinã odio grauare conãtur Papistæ. C A. X VI.



O C vno verbo refelli potest impiorum quorundam impudẽtia, qui calumniantur nos abolere bona opera, atque ab eorũ studio abducere homines, quũ dicimus eos non iustificari ex operibus, nec salutẽ mereri. deinde nimis facile ad iusticiam iter sternere, quum in gratuita peccatorum remissione ipsam iacere docemus, & hac illecebra homines, suapte sponte plus nimio procliues, ad peccandum allicere. Hæc, inquam, calumniæ vno illo verbo satis refutantur. breuiter tamen respondebo ad vtranque. Per fidei iustificationem causantur destrui bona opera. Superfedeo dicere quales sint bonorum operum zelotæ qui ita nobis obtreçant. Licet illis tam impune conuiciari quàm licentiose vitæ suæ obscœnitate totum mundum inficiunt. Dolere sibi simulant, dum tam magnificè extollitur fides, opera exciderẽ suo gra

Ib. 2. Sent.
c. 18.

In Psal. 144
Ips. 105

Iphes. 2. b. 10

1. Ioh. 3. b. 3
1. Petr. 4. c. 3
2. Tim. 2. c. 10
Luc. 9. c. 13

1. Cor. 4. d. 8

2. Tim. 2. b. 11.
Philip 3. b. 10
Rom. 8. f. 29

Ibidem, g. 39

2. Pet. 1. b. 10.

du. Quid si magis erigantur & stabiliantur? Non enim aut fidem somniamus bonis operibus vacuum, aut iustificationem quæ sine iis constet. hoc tantum interest, quod quum fide & bona opera necessario inter se coherere fateamur, in fide tamē non operibus iustificationem ponimus. Id qua ratione, facile explicare promptum est si ad Christum modò conuertamur, in quem dirigitur fides, & vnde totā vim accipit. Quare ergo fide iustificamur? quia fide apprehēdimus Christi iustitiam, qua vna Deo reconciliamur. Hanc verò apprehendere non possis quin & sanctificationem simul apprehendas. Datus est enim nobis in iustitiam, 1. Cor. 1. d. 30. sapientiam, sanctificationē, redemptionem. Nullum ergo Christus iustificat quem non simul sanctificet. Sunt enim perpetuo & indiuiduo nexu coniūcta hæc beneficia, vt quos sapientia sua illuminat, eos redimat: quos redimit, iustificet: quos iustificat, sanctificet. Sed quia de iustitia & sanctificatione tantum quæstio est, in iis insistamus. Inter se distinguamus licet, inseparabiliter tamen vtranque Christus in se continet. Vis ergo iustitiam in Christo adipisci? Christū antè possideas oportet. possidere autem non potes quin fias sanctificationis eius particeps. quia in frustra discerpi non potest. Quum ergo hæc beneficia, nō nisi seipsum erogando, fruenda nobis Dominus cōcedat, vtrūque simul largitur: alterū nunquā sine altero. Ita liquet quā verū sit nos nō sine operibus, neque tamē per opera iustificari: quoniā in Christi participatione, qua iustificamur, nō minus sanctificatio cōtinetur quā iustitia.

2. Illud quoque falsissimū est, abduci hominū animos ab affectu bene agendi quū illis merendi opinionem tollimus. Obiter hīc monendi sunt lectores, insulsē eos ratiocinari à mercede ad meritum, vt postea clarius explicabo: quia scilicet principium illud ignorant, non minus liberalē esse Deum vbi mercedē operibus assignat, quā dum rectē agendi facultatē largitur. Hoc tamē in suum locū differre malo. Nunc quā infirma sit eorum obiectio attingere satis erit, quod duobus modis fiet. Nam primò, quod aiunt nullā fore curā bene instituendæ vitæ nisi spe mercedis proposita, tota via errant. Si enim hoc tantum agitur vt homines mercedem spectent quum Deo seruiunt, & illi suas operas locent aut vendant, parum proficitur. gratis coli vult, gratis amari: hunc, inquam, cultorem probat, qui præcisa omni spe recipiendæ mercedis, colere tamē eum non desinat. Porro si incitandi sunt homines, nemo possit acriores admouere stimulos quā à redemptionis ac vocationis nostræ fine: quales adhibet verbum Domini quum tradit nimis impiam esse ingratitude non mutuò redamre eum qui nos prior dilexit: sanguine Christi emūdari ab operibus mortuis cōscientias nostras, ad seruiendū Deo viuenti: indignum esse sacrilegium si semel mundati, nouis sordibus nos inquinantes, sacrū illum sanguinē profanamus. Liberatos esse nos ē manu hostium nostrorum, vt sine timore seruiamus illi in sanctitate & iustitia coram ipso omnibus diebus vitæ nostræ: nos à peccato emancipatos esse, vt libero spiritu iustitiam colamus: crucifixum esse veterem nostrum hominē, vt in vitæ nouitatem resurgamus. Item, si mortui simus cum Christo (vt decet eius mēbra) quærenda esse quæ sursum sunt, & in mūdo peregrinandum, vt in cælos adspiremus vbi est thesaurus noster. In hoc apparuisse gratiā Domini vt abnegata omni impietate, & mūdānis desideriis, sobriè, sanctè, & piè viuam⁹ in hoc seculo, expectātes beatā spem, & apparitionē gloriæ magni Dei & Saluatoris. Quare nos non esse constitutos vt iram nobis concitemus, sed vt salutē consequamur per Christum. nos esse tēpla Spiritus sancti quæ profanari sit nefas. nos tenebras non esse, sed lucem in Domino, quos vt filios lucis ambulare oporteat. nos non ad immunditiem vocatos, sed ad sanctitatē. quia hæc sit voluntas Dei, sanctificatio nostra, vt nos abstineamus ab illicitis desideriis: vocationē nostram esse sanctam, ei non responderi nisi vitæ puritate. in hoc nos esse liberatos à peccato, vt iustitiæ obediamus. An incitari ad charitatē vllo viuaciori argumento possimus quā illo Iohannis, vt mutuò inter nos diligamus, quemadmodū dilexit nos Deus? In hoc differre eius filios à filiis diaboli, filios lucis à filiis tenebrarum, quia in dilectione manēt: Illo item Pauli, Nos, si Christo adhæremus, vnus esse corporis mēbra, quæ inuicem adiuuari mutuis officiis conueniat? An ad sanctitatē fortius prouocari, quā dum rursus ab Iohanne audimus, omnes qui habent hanc spem, sanctificare seipsos, quoniam Deus eorum sanctus est? Item ex ore Pauli, Vt adoptionis promissione freti mūdēmus nos ab omni inquinamento carnis & spiritus: quā dum Christum audimus se nobis exemplar proponentem vt sua vestigia sequamur?

Atque hæc quidem paucula tantum in gustum proposui. Nam si singula persequi esset animus, longum volumen cōtexendum foret. Toti paranesibus, adhortationibus, castigationibus pleni sunt Apostoli, quibus hominem Dei ad omne opus bonum instituunt, idque citra meriti mentionē. Quin potius inde potissimas ducunt exhortationes, quod nullo nostro merito, sola Dei misericordia stet nostra salus. Quemadmodum Paulus, vbi tota episto-

Hebr. 9. d. 14.

Luc. 1. g. 74

Rom. 6. c. 18

Ibidem, 2. 6

Colos. 3. 2. 1

Tit. 2. c. 11.

1. Thess. 5. b. 9

1. Cor. 3. c. 16

Ephes. 1. d. 11,

& 5. b. 8.

2. Cor. d. 16

1. Thess. 4. b. 7

& 2. 3.

2. Tim. 1. c. 9

Rom. 6. c. 18

Iohan. 13. 2. 10

1. Iohā. 1. b. 11.

1. Cor. 6. d. 17.

& 12. b. 12.

1. Iohā. 3. a. 3.

2. Cor. 7. a. 1.

- Rom. 12. a. 1 la differuit nullam esse nobis spem vitæ nisi in Christi iustitia, ubi ad paræneses descendit, per illam Dei miserationem qua nos dignatus est obsecrat. Et sanè hæc nobis vna causa
- Matth. 5. b. 16 satis esse debuerat ut Deus in nobis glorificetur. Quod si qui Dei gloria non adeò vehemēter afficiuntur, memoria tamē beneficiorū eius sufficientissima est, quæ tales ad benefaciendum incitet. Verūm isti quia seruilia fortè aliqua coactaque Legis obsequia ingerēdis meritis extundūt, mentiuntur nos nihil habere quo ad bona opera exhortemur, quia non eadem ingredimur via. Quasi verò talibus obsequiis valde oblectetur Deus, qui profitetur se hilarem datorem diligere, & quicquam dari quasi ex tristitia aut necessitate vetat. Neque id dico quòd id vel respiciam vel negligam adhortationis genus quod Scriptura sæpenumero usurpat, ne vllam omittat nos vndique animandi rationem. Cōmemorat enim mercedem quam Deus redditurus sit vnicuique secūdum opera sua: sed illud vnicum atque etiam in multis præcipuum esse nego. Deinde exordium inde sumendum non concedo. Adhæc, nihil facere ad erigēda quælia isti prædicant merita contendo: quemadmodum postea videbimus. Postremò neque vsui esse nisi doctrina illa præoccupauerit, Solo Christi merito, quod per fidē apprehenditur, nos iustificari, nullis autem operū nostrorum meritis, quia nulli ad sanctitatis studium apti esse possunt nisi qui doctrinam hæc prius imbibierint. Quod &
- Chrysoft. hom. in Gene. 2. Cor. 9. b. 7 Propheta pulchrè innuit, dum sic Deum alloquitur, Apud te est propitiatio Domine, ut ti mearis: nullum enim esse Dei cultū ostendit nisi agnita eius misericordia, qua sola & fūdat̃ur & stabilitur. Quod apprime notatu dignū est, ut sciamus nō modò principium Dei rite colendi esse fiduciam misericordiæ eius, sed timorē Dei (quem meritorium esse volūt Papi stæ) ideo nō posse meriti nomine censerī quia fundatus est in peccatorū venia & remissione.
- 4 Longè verò futilissima calumnia, inuitari ad peccandū homines quū gratuitam peccatorū remissionem, in qua collocatā dicimus iustitiā, affirmamus. Tanti enim esse dicimus ut nullo nostro bono pēdari possit: deo quē nunquam impetrandā, nisi gratuita foret. Porro nobis quidem esse gratuitam, Christo non item, cui tam magno constitit: nepe suo sacratissimo sanguine, extra quem nullum satis dignum pretium fuit quod Dei iudicio solueretur. Hæc quū docentur homines, admonentur per ipsos non stare quominus toties sacratissimus ille sanguis effundatur quoties peccant. Ad hoc, discimus eam esse nostram fœditatē quæ nisi huius purissimi sanguinis fonte nunquam eluatur. Hæc qui audiunt annon maiorem debent concipere horrorem peccati, quàm si bonorum operum aspersione abstergi diceretur? Et siquid Dei habent, quomodo non horreant semel purificati, denuò se in lutum prouoluere, quo huius fontis puritatem quantū in se est conturbent & inficiant? Laui pedes meos, (inquit fidelis anima apud Solomonem) quomodo rursus inquinabo illos? Nunc palam est vtri & viliorem peccatorum remissionem faciāt, & iustitiæ dignitatem magis prostituant. Illi Deum friuolis suis satisfactionibus, hoc est stercoreibus, placari nugātur, nos grauiorem asserimus esse peccati noxam quàm quæ tam leuibus nugis expietur: grauiorem Dei offensam quàm quæ his nihili satisfactionibus remittatur. proinde hanc solius sanguinis Christi prærogatiuam esse. Illi iusticiam, sicubi deficiat, instaurari dicunt ac reparari satisfactoriis operibus: nos pretiosorem esse putamus quàm ut æquari vlla operum compensatione queat, ideo ut restituatur, ad solam Dei misericordiam confugiendum esse. Cætera quæ ad peccatorum remissionem pertinent, ex capite proximo petantur.
- Cant. 5. a. 3

Promissionum Legis & Euangelii conciliatio. C A P. XVII.

NUNC persequamur alia quoque argumenta quibus Satan per suos satellites fidei iustificationem aut diruere aut deterere molitur. Illud iam excussum esse puto calumniatoribus, ne nobiscum perinde agant atque bonorum operum inimicis, siquidem operibus detrahitur iustificatio, non ut nulla bona fiant opera, aut bona esse negentur quæ fiunt: sed ne illis fidamus, ne gloriemur, ne salutem adscribamus. Fiducia enim hæc nostra est, hæc glória, & vnica salutis anchora, quòd Christus filius Dei noster est, ac nos in ipso vicissim filij Dei regni quæ celestis hæredes, Dei benignitate, non nostra dignitate, in spem æternæ beatitudinis vocati. Sed quia aliis præterea machinis, ut dictum est, nos impetūt: age, in illis quoque propulsandis pergamus. Primum redeūt ad legales promissiones, quas Legis suæ cultoribus edidit Dominus: & rogant velimū sine irritas esse prorsus an efficaces. Irritas dicere quoniā absōnū ac ridiculū fuerit, pro cōfesso assumūt, alicuius esse efficaciam. Hinc ratiocinātur, nō sola fide nos iustificari. Sic enim Dominus loquitur, Eritque si audieris præcepta & iudicia hæc; custodieris quæ & feceris, custodiet etiam tibi Dominus pactū & misericordiā quam iurauit patribus tuis: diliget te ac multiplicabit, & benedicet tibi, &c. Itē, Si bene direxeritis vias vestras & studia ve-

stra, non ambulaueritis post deos alienos, iudiciū feceritis inter virum & virū, nec in malitiam recesseritis, ambulabo in medio vestri. Nolo mille eiusdē formæ frustra recitare, quæ quando nihil sensu differunt, istarum solutione explicabuntur. Sūma, propositā testatur Moses in Lege benedictionem & maledictionem, mortem & vitā. Sic ergo argumentantur, aut benedictionem istam otiosam infructuosāque fieri, aut non solius esse fidei iustificationē. Iam suprà ostendimus quomodo si in Lege hæreamus, omni benedictione defectis sola nobis maledictio imminet, quæ vniuersis trāsgressoribus edicta est. Non enim promittit Dominus quippiam nisi perfectis Legis suæ cultoribus, qualis nemo reperitur. Manet igitur illud, totum hominum genus per Legem argui, maledictioni & iræ Dei obnoxium: à qua vt soluantur, è potestate Legis exire necesse est, & velut ab eius seruitute in libertatem asseri: non carnalē quidem illam, quæ ab obseruatione Legis nos subducat, ad rerum omnium licentiam inuit, concupiscentiam nostram, velut ruptis repagulis, aut effusis habenis lasciuire permittat: sed spirituale, quæ perculsā & consternatam conscientiam soletur & erigat, liberam illam ostendens à maledictione ac damnatione qua illam Lex vincit ac constrictam premebat. Hanc à subiectione Legis liberationē, & vt ita dicam, manumissionem assequimur quum per fidem, misericordiā Dei in Christo apprehendimus, qua securi certique reddimur de peccatorum remissione, quorum sensu pungebat nos Lex ac mordebat.

2 Hac ratione, & quæ in Lege nobis offerebātur promissiones, inefficaces forent omnes & irritæ, nisi Dei bonitas per Euangelium succurreret. Hæc enim conditio, vt Legem perficiamus, à qua ipsæ pendent, & à qua demum præstandæ sunt, nunquam implebitur. Sic autem opitulatur Dominus, non partem iustitiæ in operibus nobis relinquēdo, partem ex sua indulgentia sufficiens: sed dum vnicum Christum pro iustitiæ completō assignat. Nam Apostolus præfatus se aliōsque Iudæos, scientes quòd ex Legis operibus non iustificatur homo, in Iesum Christum credidisse: rationē subiicit, non vt adiuarētur ad iustitiæ summā, ex fide Christi: sed vt illa iustificarentur, non ex operibus Legis. Si fideles à Lege in fidē demigrant, vt in hac iustitiā inueniant, quam abesse ab illa vident: certè iustitiæ Legis renuntiant. Itaque amplificet nunc qui volet retributiones quæ Legis obseruatore manere dicuntur, modò simul animaduertat nostra prauitate fieri ne fructū inde vllum sentiamus donec aliam ex fide iustitiam fuerimus adepti. Sic David, vbi retributionis meminit, quam præparauit seruis suis Dominus, statim ad peccatorum recognitionem descendit, quibus illa exinanitur. Psalmo etiam 19. d. 12, magnificè Legis beneficia deprædicat: sed cōtinuò exclamat, Delicta quis intelliget: ab occultis meis munda me Domine. Prorsus hic locus cum superiore congruit: vbi quum dixisset, Cunctas vias Domini bonitatem & veritatē timentibus eum: subnequit, Propter nomen tuum Domine, propitiaberis prauitati meæ: multa est enim. Sic & nos recognoscere debemus, expositā quidem esse nobis in Lege Dei beneuolentiam, si operibus eam demereri liceat: sed illorum merito nunquam ad nos peruenire.

3 Quid ergo: an datæ sunt vt sine fructu euanescerent? Iam nuper testatus sum non esse id meæ sententiæ. dico sanè efficaciam suam ad nos non proferre quandiu ad operū merita respiciunt. quare si in se considerentur, quodammodo aboleri. Sic præclaram illam promissionem, Dedi vobis bona præcepta, quæ qui fecerit, viuet in ipsis: nullius momēti esse Apostolus docet si in ea resistamus, nec pilo plus profuturam quàm si data non esset: quia ne sanctissimis quidem Dei seruis competit: qui procul omnes absunt à Legis completō, multis verò transgressionibus sunt circumdati. Sed dum promissiones Euāgelicæ substituuntur, quæ gratuitam peccatorū remissionem denuntiant, non efficiunt modò vt ipsi Deo accepti simus, sed vt operibus quoque nostris sit sua gratia. neque hoc tantum, vt ea Dominus grata habeat, sed benedictionibus etiā, quæ ex pacto debebātur Legis suæ obseruationi, prosequatur. Fateor ergo fidelium operibus rependi quæ iustitiæ & sanctitatis cultoribus in Lege sua Dominus promisit: verū in hac retributione, considerata semper est causa quæ gratiā operibus cōciliet. Eam porrò triplicē esse cernimus. Prima est, quòd Deus auerso à seruorū suorum operibus intuitu, quæ probrū magis quàm laudē perpetuò merentur, ipsos in Christo complectitur, ac sola fide intercedente, citra operum subsidiū reconciliat sibi. Altera quòd opera, non æstimata eorum dignitate, paterna benignitate atque indulgentia, huc honoris attollit vt alicuius pretii habeat. Tertia, quòd ea ipsa cum venia suscipit, non imputata in perfectione, qua omnia inquinata, peccatis magis quàm virtutibus accensenda alioqui forent. Atque hinc apparet quantopere delusi sint sophistæ, qui bellè se absurda omnia euasisse putarunt quum dicerēt, non intrinseca sua bonitate valere opera ad salutem demerendam, sed ex pacti ratione: quia Dominus liberalitate sua tanti æstimauit. Atqui non obseruabant interim, quæ meritoria opera esse volebant, quantū abessent à promissionū condi-

Deut. 11. d. 26.

Galat. 2. c. 16

Psal. 25. b. 10.

Leuit. 18. a. 5
Ezec. 20. b. 11
Rom. 10. a. 5

tionem, nisi & iustificatio sola fide subnixā, & peccatorū remissio, per quam à maculis bona quoque opera abstergeri necesse habēt, præcederet. Itaque ex tribus diuinæ liberalitatis causis, quibus fit vt accepta sint fidelium opera, vnā tantūm annotabāt: duas, & eas quidem præcipuas, supprimebant.

- 4 Citant Petri sententiam quam Lucas in Actis recitat, In veritate comperio quòd non
 Act. 10. c. 34 sit personarum acceptor Deus: sed in omni gente, qui facit iustitiam, acceptus est illi. Arque hinc, quod minimè dubium esse videtur, colligunt, si rectis studiis cōciliat sibi homo Deū, non solius esse Dei beneficium quòd salutē consequitur. Imò sic pro sua misericordia Deū peccatori succurrere, vt operibus ad misericordiam flectatur. Verū Scripturas nullo modo conciliare possis nisi duplicem hominis apud Deum acceptionem obserues. Qualis enim naturā est homo, nihil in eo reperit Deus quo ad misericordiam inclinetur, præter vnicā miseriam. Nudum ergo & egenum omnis boni, omni contrā malorum genere refertum & oneratum hominem si cōstat esse, vbi primū à Deo suscipitur: quam ob dotem, quæso, dignum illum cælesti vocatione dicemus? Faceat ergo inanis meritorum imaginatio vbi gratuitam clementiam Deus tam euidenter commendat. Nam quod ibidem Cornelio Angeli voce dicitur, orationes eius & eleemosynas ascendisse in Dei conspectū: pessimè detorquetur ab iis, præparari hominem ad recipiendam Dei gratiam, bonorum operum studio. Iam enim Spiritu sapientiæ illuminatū fuisse Cornelium oportuit, qui vera sapientia, timore scilicet Dei, præditus erat: eodem Spiritu sanctificatum, qui iustitiæ cultor erat: quam illius certissimum esse fructū Apostolus docet. Ea itaque omnia quæ Deo placuisse in eo referuntur, habebat ab illius gratia: tantum abest vt ad eam recipiendam illis suo Marte se præpararet. Nulla sanè Scriptura syllaba proferetur quæ non huic doctrinæ cōsentiat: non esse aliam Deo causam hominis ad se recipiendi nisi quia modis omnibus perditum videt si sibi relinquatur: perditū autem quia non vult, suam in ipso liberando misericordiam exercere. Nunc videmus vt ista acceptio non hominis iustitiam spectet, sed purum sit diuinæ erga miseros, tantòque beneficio longè indignissimos peccatores bonitatis documentum.
- 5 Postquam verò Dominus hominē ex abyssu perditionis reductū, sibi per gratiam adoptionis segregauit: quia illū regenerauit ac reformauit in nouā vitam, iam vt nouā creaturam, cum Spiritus sui donis amplectitur. Hæc illa est acceptio cuius meminit Petrus, quæ post suam vocationem Deo fideles approbantur, operum quoque respectu: quia Dominus non amare & osculari nō potest quæ per Spiritū suum in illis efficit bona. Verū id semper memoria repetendum est, non aliter operū ratione illos esse Deo acceptos nisi quia illorum causa & in gratiam, quicquid bonorū operum cōtulit, liberalitatē suam augendo, sua quoque acceptione dignatur. Vnde enim illis bona opera, nisi quòd Dominus illos, quemadmodum vasa in honorē elegit, ita vult vera puritate exornare? Vnde etiam bona reputātur ac si nihil illis deesset: nisi quòd nāuis & maculis, quæ illis adhærescūt, veniā benignus Pater indulget. In summa nihil aliud significat hoc loco quā gratos esse Deo & amabiles suos filios in quibus notas & lineamētā vultus sui videt. Regenerationē enim alibi, imaginis diuinæ reparationē in nobis esse docuimus. Quoniā ergo vbicunque faciē suam Deus cōtemplatur, & meritò amat, & in honore habet: non sine causa dicitur illi placere fidelium vita, ad sanctitatem & iustitiā composita. Sed quia pīi mortali carne circūdati, adhuc sunt peccatores, & opera corū bona, inchoata duntaxat, & carnis vitiū redolentia: neque illis neque his propitius esse potest nisi in Christo magis quā in se ipsis amplexetur. In hunc modū accipiendi sunt loci qui elementē ac misericordē iustitiæ cultoribus, Deū testātur. Dicebat Moses Israelitis, Dominus Deus tuus custodiens pactum ac misericordiam diligentibus se, & custodiētibz præcepta sua, in mille generationes. quæ sententia in frequentem formulam vsurpata postea à populo fuit. Sic Solomo in solenni precatione, Domine Deus Israel, qui custodis pactum & misericordiam seruistis tuis qui ambulant corā te in toto corde suo. Eadem verba & à Nehemia repetuntur. Siquidem vt in omnibus misericordiæ suæ pactis integritatem ac sanctimoniam vitæ vicissim à seruis suis Deus stipulatur ne ludibrio sit sua bonitas, néve quis inani obeam exultatione turgidus, benedicat animæ suæ, ambulans interim in prauitate cordis sui: ita in fœderis communionem admissos, vult hac via in officio continere. nihilo tamen minus fœdus ipsum & gratuitum initio feritur, & perpetuò tale manet. Secundum hanc rationem Dauid quauis prædicet sibi redditam fuisse mercedem puritatis manuum: non tamen fontem illum quem notauit præterit, quòd extractus fuerit ab vtero, quia Deus eum dilexit: vbi ita commendat causæ suæ bonitatem, vt nihil deroget gratuitæ misericordiæ, quæ dona omnia, quorum origo est, præuenit.
- 6 Atque hic obiter notare profuerit quid distent istæ loquēdi formæ à Legalibus promissis

tionibus. Legales promissiones appello, nō quæ ubique sparsæ sunt in libris Mosaicis: (quādo in illis quoque Evangelicæ multæ occurrūt): sed quæ propriè ad Legis ministeriū pertinent. Eiusmodi promissiones, quocunque nomine vocare libeat, sub conditione, Si feceris quod tibi præcipitur, paratam esse remunerationem denuntiant. At quum dicitur, Dominum custodire pactum misericordiæ iis qui se diligunt, magis demonstratur quales sunt illius serui, qui bona fide eius fœdus susceperint, quàm exprimat causa cur illis Dominus benefaciat. Hæc porrò demonstrationis ratio: Quemadmodum in hunc finem æternæ vitæ gratia nos dignatur Deus ut diligatur, timeatur, colatur à nobis: ita quæcunque misericordiæ in Scriptura promissiones habentur, meritò ad hunc diriguntur finem, ut reuearemur & colamus beneficiorū authorem. Quoties ergo audimus ipsum benefacere iis qui Legem suā observant, meminerimus Dei filios ab officio designari quod in illis perpetuū esse debet: hac ratione nos esse adoptatos ut ipsum patris loco veneremur. Ne ergo ipsi adoptionis iure nos abdicemus, huc semper enitendum quò tendit nostra vocatio. Id tamen rursum teneamus, non pēdere ab operibus fidelium complementum misericordiæ Domini: sed ipsum ideo salutis promissionem adimplere iis qui vitæ rectitudine suæ vocationi respondent, quia in illis germana demū filiorum insignia agnoscit, qui Spiritu eius ad bonū reguntur. Huc referatur quod est in Psalmo 15. a. 1. de ciuibz Ecclesiæ, Domine quis habitabit in tabernaculo tuo, & quis requiescet in monte tuo sancto? Innocens manibus & mūdo corde, &c. Item apud Iesaiā, Quis habitabit cum igne deuorāte? Qui facit iustitiā, qui loquitur recta, &c. Non enim firmamentum quo fideles coram Domino subsistant, describitur: sed modus quo in suum consortium eos clementissimus Pater introducit, & in ipso tuetur & confirmat. Quia enim peccatum detestatur, iustitiam amat: quos sibi coniungit, eos Spiritu suo purificat, ut sibi regnōque suo reddat conformes. Ergo si prima causa quaratur unde patefiat sanctis accessus in Dei regnum, unde habeant ut cōsistant in eo ac permaneant, prompta est responsio, Quia Dominus eos sua misericordia & adoptauit semel, & perpetuò tuetur. Si autem de modo quæstio est, tum ad regenerationem est descendendum, eiusque fructus qui Psalmo illo recensentur.

Iesa. 33. b. 14

7 At verò plus longè difficultatis esse videtur in his locis qui & bona opera iustitiæ titulo insigniunt, & hominē illis asserūt iustificari. Plurimi sunt prioris generis, ubi mandatorū observationes, iustificationes vocātur seu iustitiæ. Alterius generis exemplum est quod apud Moysen habetur, Erit hæc iustitia nostra, si custodierimus præcepta ista omnia. Ac si promissionē esse legalē excipias, quæ adnexa cōditioni impossibili, nihil probet, sunt alia de quibus idem respōdere non possis, quale est illud, Eritque tibi id pro iustitia coram Domino, reddere pauperi depositum, &c. Item quod Propheta dicit, zelum in vindicando Israelis probro, imputatum fuisse Phinees in iustitiam. Itaque Pharisei nostri temporis amplam insultandi materiam hīc se habere putant. Nam quum dicamus, erecta fidei iustitia cedere operum iustificationem, eodem iure argumentātur, Si ex operibus iustitia, ergo falsum est nos sola fide iustificari. Ut dem legis præcepta vocari iustitias, nihil mirum. sunt enim re vera. Quanquam monendi sunt Lectores, Græcos parum aptè vocem Hebraicam *hycim* vertisse *δικαιοσύνη* pro edictis. De voce tamen facile litem remitto. Neque verò hoc denegamus Legi Dei quin perfectā iustitiā cōtineat. Tametsi enim, quia debitores sumus omniū quæ præcipit, etiam plena eius obediētia defuncti, serui inutiles sumus: quia tamē eam honore iustitiæ Dominus dignatus est, non detrahimus quod ille dedit. Fatemur ergo libenter, absolutā Legis obedientiam esse iustitiam: mādati vniuscuiusque observationē, esse iustitiæ partem: si quidem in reliquis etiam partibus tota iustitiæ summa constet. Sed extare vsquam talem iustitiæ formam negamus. Atque ideo Legis iustitiam tollimus, non quòd manca per se sit ac mutila: sed quòd ob carnis nostræ debilitatem, nusquam compareat. Atqui non modò præcepta Domini simpliciter Scriptura iustitias vocat: sed operibus quoque sanctorum tribuit hoc nomen. Ut quum Zachariam & eius coniugem refert ambulasse in iustitiis Domini. sanè dū ita loquitur, opera magis ex Legis natura æstimat quā propria ipsorum conditione. Et si rursus hīc obseruandū quod nuper dixi, ex incuria Græci interpretis non esse statuendam Legem. Sed quia Lucas in recepta versione nihil mutare voluit, neque ego contendā. Deus enim ea quæ Lege continētur mādauit hominibus in iustitiam: sed eam iustitiam non exequimur nisi totam Legem obseruādo. qualibet enim trāsgressione corrumpitur. Quum ergo Lex nihil nisi iustitiam præscribat, si in ipsam respiciamus, iustitiæ sunt singula eius mandata: si homines spectamus à quibus fiunt, iustitiæ laudem minimè consequuntur ex vno opere, in multis transgressores, & ex eo opere quod aliqua semper ex parte propter imperfectionem vitiosum est.

Deut. 6. d. 25.

Deut. 24. c. 13.
Psal. 106. c. 30.

Luc. 1. a. 6

8 Sed venio ad secundum genus, in quo præcipua est difficultas. Nihil magis firmum ha-

Galat. 4. a. 4
Phil. 106. d. 31

bet Paulus ad probandam fidei iustitiam, quàm quod de Abraham scribitur, fidem illi suã pro iustitia imputatam fuisse. Quum ergo editum facinus à Phinees imputatum illi fuisse ad iustitiam dicatur: quod de fide contendit Paulus, licebit nobis de operibus ratiocinari. Proinde aduersarii nostri, quasi re cuius, constituunt nos quidẽ sine fide non iustificari: sed neque per eam iustificari solam. opera esse quæ iustitiam nostram impleant. Ego hinc pios obtestor, ut si veram iustitiæ regulam ex sola Scriptura petendam norunt, mecum religiose & seriò expendant quomodo Scriptura secum ipsa sine cauillis ritè conciliari possit. Quum sciret Paulus, fidei iustificationem suffugium esse iis qui propria iustitia deficiuntur: audacter infert, iustitia operum exclusos quicunque fide iustificantur. Quoniam verò constat omnium illam esse fidelium communem, ex eo pari fiducia constituit operibus neminem iustificari: quin magis contrà, nullo operum adminiculo iustificari. Sed aliud est disputare quid per se valeant opera, aliud quo loco post stabilitam fidei iustitiam habenda sint. Si operibus itatuendum est pro dignitate sua pretium, indigna esse dicimus quæ in conspectum Dei prodeant. ideo nihil operum habere hominem quo apud Deum gloriatur. inde omni operum adminiculo exutum, sola fide iustificari. Eam porrò iustitiam definimus, quòd in Christi communionem receptus peccator, eius gratia Deo reconciliatur: dum illius sanguine purgatus, peccatorum remissionem obtinet: & iustitia non secus ac propria vestitus, coram cælesti tribunali securus subsistit. Præposita peccatorum remissione, quæ iam sequuntur bona opera aliam quàm à suo merito æstimationem habent: quia quicquid in illis est imperfectum, Christi perfectione contegitur: quicquid næuorum est aut sordiũ, eiusdem puritate abstergitur, ne in iudicii diuini quæstionem veniat. Obliterata igitur omnium transgressionum culpa, quibus impediuntur homines ne quicquam Deo gratũ proferant, sepulto etiam imperfectionis vitio quod bona quoque opera fœdare solet: quæ sũt à fidelibus bona opera, iusta censentur: vel (quod idem est) in iustitiam imputantur.

9 Nunc mihi si quis istud obieceret ad impugnandam fidei iustitiam, primùm interrogabo num homo iustus censeatur ob vnum aut alterum sanctum opus, reliquis vitæ operibus Legis transgressor. Plusquam absurdum quidẽ est. Deinde requiram an ob multa quoque bona opera, si quidem præuaricationis aliqua in parte reus tenetur. Ne hoc quidem cõtendere audebit, reclamante Legis sanctione, maledictòsque omnes proclamante qui non omnia Legis mandata ad vltimum impleuerint. Adhæc vltra progrediar, siue vllum opus quod nullius impuritatis aut imperfectionis argui mereatur. Et quomodo esset corã iis oculis quibus nec stellæ satis mundæ sunt, nec Angeli satis iusti: Ita nullum extare bonum opus cõcedere cogetur quod non & appositis sibi transgressionibus, & sua ipsius corruptione pollutum sit, ne iustitiæ honorem teneat. Quòd si constat à iustificatione fidei proficisci ut opera impura alioqui, immunda, dimidiata, indigna Dei conspectu, nedum amore, iustitiæ imputentur: quid huius iactatione destruere illam moliantur quæ si non esset, hanc frustra iactarent? Vipereũmne partum facere volunt: Eò enim tendunt impiorum dicta. Fidei iustificationem principium, fundamentum, causam, argumentum, substantiam operum iustitiæ esse non possunt inficiari: concludũt tamen fide non iustificari hominem, quòd bona quoque opera in iustitiã reputẽtur. Omittamus ergo istas ineptias, & quod res est fateamur. si à fidei iustificatione depẽdet qualiscunque tandem censetur operum iustitia, non modò per hanc nihil imminui, sed potius confirmari. quo nimirum vis eius potentior elucet. Neque etiam sic putemus commendari post gratuitam iustificationem opera, ut & ipsa in locum iustificandi hominis postea succedãt, aut eiusmodi officium cum fide partiantur. Nisi enim perpetuò maneat solida fidei iustificatio, illorum immundities detegatur. Nihil autem absolum est, sic fide hominem iustificari ut non ipse modò iustus sit, sed opera quoque eius supra dignitatem iusta censeantur.

10 Hac ratione concedemus, non partialem modò in operibus iustitiam (quod ipsi aduersarii volũt) sed perinde approbari Deo ac si perfecta absolutaque foret. Sed si meminerimus quo fundamento fulciatur, soluta erit omnis difficultas. Gratum enim opus tunc demum esse incipit vbi cum venia suscipitur. Porrò vnde venia, nisi quia Deus nos & nostra omnia in Christo intuetur: Quemadmodum ergo nos ipsi, vbi in Christum insiti sumus, ideo iusti apparemus coram Deo quia eius innocentia conteguntur nostræ iniquitates: sic opera nostra iusta sunt & habentur, quia quicquid aliàs vitii in ipsis est, Christi puritate sepultũ, non impuratur. Ita meritò dicere possumus, sola fide non tantũ nos sed opera etiam nostra iustificari. Iam si ista qualiscunque operum iustitia à fide & gratuita iustificatione pendet, & ab ea efficitur: debet sub eam includi, & tanquam effectus causæ suæ (ut ita loquar) subordinari. tantum abest ut erigi debeat ad illam vel destruendam vel obscurandam. Sic Paulus,

vt extorqueat, beatitudinem nostram Dei misericordia non operibus cōstare, vrget maxime illud Dauidis, Beati quorum remissæ sunt iniquitates, & quorum tēta sunt peccata. Beatus cui non imputauit Dominus peccatum. Siquis contrā obrudat innumera elogia quibus videtur beatitudo operibus dari: qualia sunt, Beatus vir qui timet Dominum, qui miseretur pauperis, qui non ambulauit in consilio impiorum, qui suffert tentationē: beati qui custodiunt iudiciū, immaculati, pauperes spiritu, mites, misericordes, &c. non efficient quominus verum sit quod ait Paulus. Quoniam enim illa quæ prædicantur, omnia nunquam sic sunt in homine vt Deo propterea id approbetur, conficitur, miserū semper esse hominē nisi à miseria per veniam peccatorum eximatur. Quoniam ergo vniuersa quæ Scripturis extolluntur beatitudinis genera, irrita cōcidunt, vt nullius fructum percipiat homo donec beatitudinem peccatorum remissione adeptus fuerit, quæ deinde illis locum faciat: sequitur hanc esse non modò summam & præcipuam, sed vnicam: nisi fortē velis ab illis enervari quæ in ea sola consistunt. Multò iam minus rationis est cur nos conturbare debeat appellatio iustorū, quæ fidelibus plærūque tribuitur. Iustos certē à vitæ sanctimonia nuncupari fateor: sed quum in iustitiæ studiū magis incumbāt quàm iustitiam ipsam impleāt, qualemcunque hanc iustitiam, fidei iustificationi cedere par est, vnde habet id quod est.

Rem. 4. a. 7.
Psal. 32. a. 1.

Psal. 112. a. 1.
Prou. 14. c. 21.
Psal. 1. a. 1.
Iacob. 1. b. 12.
Psal. 106. a. 3.
& 119. 1.
Matth. 5. a. 3.

11 Sed enim cum Iacobo plus adhuc negotii nobis restare aiunt, vt qui aperta voce nobis repugnet. Docet enim & Abraham ex operibus fuisse iustificatum, & nos quoque omnes operibus iustificari, non sola fide. Quid igitur pertrahēntne in certamen Paulū cum Iacobo? Si Iacobū pro Christi ministro habēt, sic accipienda est eius sentētia, ne à Christo per os Pauli loquēte dissentiat. Spiritus per os Pauli asserit, Abrahā fide, non operibus iustitiam fuisse consequutū: nos quoque fide docemus omnes sine operib⁹ Legis iustificari. Idē Spiritus per Iacobū tradit, & Abrahæ & nostrā iustitiam operibus, non fide tantū cōstare. Spiritum secū non pugnare, certum est. Quæ erit ergo istorum cōcordia? aduersariis abundē est si conuellerint quam nos altissimis radicibus stabilitam volumus fidei iustitiam: suam autem conscientis tranquillitatē reddere, non magnæ curæ est. Vnde videas quidem eos fidei iustificationē arroderē, sed nullā interim constituere iustitiæ metam vbi cōscientiæ sistantur. Triumphēt ergo vt libet, modò non aliam iactare victoriam possint quàm omnem iustitiæ certitudinem se sustulisse. Ac miserā quidem hanc victoriam obtinebunt, vbi extincta veritatis luce, mendaciorum tenebras offundere illis Dominus permittet. Vbique autē stabit Dei veritas, nihil proficient. Nego itaque Iacobi sententiam, quam assiduē tanquam Achillis clypeum nobis obtendunt, illis vel tātillum suffragari. Id quo planum fiat, intuentus primum erit Apostoli scopus: deinde obseruandū vbi hallucinētur. Quoniam tum erāt plerique (quod malum in Ecclesia perpetuū esse solet) qui infidelitatē suam manifestē prodebant, quæcunque propria sunt fidelū opera negligendo ac omittendo, falsō tamen fidei nomine gloriari non desinebant: stolidā talium fiduciā hīc eludit Iacobus. Non est ergo illi propositū veræ fidei vim vlla ex parte deterere, sed ostēdere quā ineptē nugatores isti vacuæ eius imaginī tantū arrogarēt, vt hac contenti, securē diffuerent in omnē vitiorū licētiā. Hoc statu concepto, facile erit animaduertere vbi peccent nostri aduersarii. Incidunt enim in duplicem paralogismū: alterum in fidei vocabulo, alterum in verbo iustificandi. Quòd fidem nominat Apostolus, inanem opinionē procul à fidei veritate dissitā, concessionis est quæ nihil causæ derogat. quod ab initio ipse demonstrat his verbis, Quid prodest, fratres mei, si quis fidē dicat se habere, opera autē nō habeat: non dicit, Si fidē quis habeat sine operibus: sed, Si iactet. Clarius etiā paulo pōst, vbi deteriorē diabolica notitia per ludibriū facit: postremo vbi mortuā vocat. Sed à definitione sufficienter deprehēdas quid velit. Tu credis, inquit, quòd Deus est. sanē si nihil in ista fide continetur nisi vt credatur Deū esse, iam nihil mirū est si non iustificet. Nec verò dum hoc illi adimitur, quicquā derogari putemus fidei Christianæ, cuius lōgē diuersa est ratio. Quo enim modo vera fides iustificat, nisi dum nos Christo cōglutinat, vt vnū cū illo facti, participatione iustitiæ eius fruamur: non ergo eo iustificat quòd diuinæ essētix notitiā cōcipiat: sed quòd in misericordiæ certitudine recūbit.

Iacob. 1. b. 12.

12 Nondum scopum attigimus, nisi discutiamus & alterum paralogismum. si quidem iustificationis partem in operibus Iacobus reponit. Si & reliquis Scripturis, & sibi ipsi consentaneum Iacobum facere velis, necessarium est, iustificandi verbum alio significato accipere quàm apud Paulum. Iustificari enim dicimur à Paulo, quum oblitterata iniustitiæ nostræ memoria, iusti reputamur. Eò si spectasset Iacobus, præposterē citasset illud ex Mose, Credit Abraham Deo, &c. Sic enim contexit, Abraham operibus consequutus est iustitiam quòd filium immolare, iubēte Deo, non dubitauit. Atque ita impleta est Scriptura, quæ dicit illū credidisse Deo, & imputatum ei ad iustitiam. Si absurdum est, effectum esse sua causa priorem, aut falsō testatur Moses eo loco, imputatā fuisse Abrahæ fidem in iustitiam, atq; ex ea

quam in Isaac offerendo præstitit obedientia, iustitiam non fuit premeritis. Nondum concepto Ismaele, qui iam adoleuerat antequam Isaac nasceretur, fide sua iustificatus fuit Abraham. Quomodo igitur dicemus obedientia diu post sequuta iustitiam sibi comparasse? Quare aut perperam ordinem inuertit Iacobus (quod cogitare est nefas) aut iustificatum noluit dicere, quasi premeritis sit ut iustus censeretur. Quid ergo? Certè de iustitiæ declaratione, non autem imputatione ipsum loqui apparet. ac si diceret, Qui vera fide iusti sunt, ii suam iustitiam obedientia bonis que operibus probât, nō nuda & imaginaria fidei larua. In summa, non disputat qua ratione iustificemur: sed iustitiam operatricem à fidelibus requirit. Et quemadmodum Paulus extra opus ad miniculum iustificari contendit: ita hīc iustos haberi non patitur qui bonis careant operibus. Huius scopi cōsideratio nos omni scrupulo extricabit. nam hinc præcipuè falluntur nostri aduersarii, quod putant Iacobum iustificationis rationem definire: quum nihil aliud studeat quàm prauam eorum securitatem diruere qui excusando bonorum opus in contemptui fidem inaniter obtendebant. Ergo quolibet in modos Iacobi verba torqueant, nihil præter duas sententiās expriment, Inane fidei spectrum non iustificare, & fidelē, tali imaginatione non contentum, operibus bonis suam iustitiam declarare.

13 Quod autem ex Paulo in eundem sensum citant, minimū eos iuuat, Factores Legis, non
 Rem. 1 b. 13 auditores iustificari. Nolo solutione Ambrosii euadere, ideo esse illud dictum quia complementum Legis sit in Christum fides. Video enim merum esse effugium, quo nihil opus est ubi aperta patet via. Illic stolta confidentia Iudæos deiecit Apostolus, qui sola Legis agnitione se venditabant, quum interim summi essent eius contemptores. Ne ergo nuda Legis peritia tantopere sibi placeret: admonet, si ex Lege quærat iustitia, non eius notitiam sed obseruationem quæri. Nos certe istud in dubium non vocamus quin Legis iustitia consistat in operibus: ac ne illud quidē, quin consistat in operum dignitate & meritis iustitia. Sed nōdum probatum est operibus nos iustificari, nisi vnum aliquem proferant qui Legem impleuerit. Non aliud autem sensisse Paulū erit satis amplo testimonio orationis cōtextus. Postquam Gētes ac Iudæos in commune iniustitiæ damnauerat, tum ad distributionem descendit, ac dicit eos qui sine Lege peccauerunt, sine Lege perire: quod ad Gentes refertur. qui verò in Lege peccauerunt, per Legem iudicari: quod Iudæorum est. Porro quoniam illi suis præuaricationibus conuiuentes, sola Lege superbiebāt: adiungit quod optimè congruebat, non ideo latam esse Legem ut audita solummodo eius voce iusti redderētur: sed tum demū si obedirent. ac si diceret, In Lege quæris iustitiam? ne auditum eius prætexas, qui parui est per se pōderis: sed afferas opera quibus declares Legem non tibi frustra positam. His quoniam deficiebantur omnes, sequebatur. Legis gloriatione esse spoliatos. Itaque contrarium potius ex mente Pauli argumentum formandum est, iustitia Legis in operum perfectione sita est. nemo iactare potest se per opera Legi satisfecisse. nulla ergo est à Lege iustitia.

14 Iam & ex locis illis pugnant quibus suam iustitiam fideles examinandam Dei iudicio
 Psal. 7. c. 9. audacter offerunt, ac secundum eam de se statui cupiunt. Quales sunt, Iudica me Domine
 Psal. 17. a. 1. secundum iustitiam meam, & secundum innocentiam meam, quæ sunt in me. Item, Exaudi
 Psal. 18. d. 21. Deus iustitiam meam. Prebisti cor meum & visitasti nocte, & non est inuenta in me iniquitas. Item, Retribuet mihi Dominus secundum iustitiam meam, & secundum puritatem manuum mearum rependet mihi. Quia custodiui vias Domini, nec impiè defeci à Deo meo. Et ero immaculatus, & obseruabo me ab iniquitate mea. Item, Iudica me Domine, quoniā in innocentia mea ambulauī. Non sedi cum viris mendacibus, cum iniqua gerētibus non introibo. Ne perdas cum impiis animam meam, cum viris sanguinum vitam meam. In quorum manibus iniquitates sunt: dextera quorum repleta est muneribus. Ego autem innocentem ambulauī. Dixi suprà de fiducia quam sibi sancti simpliciter ob operibus sumere videntur. Quæ autem huc adduximus testimonia nos non valde impediunt si secundum suam *περίστασις*, hoc est complexum, vel, (ut vulgo loquuntur) circumstantiam, accipiantur. Ea porro duplex est. nam nec de ipsis in vniuersum quæstionem haberi volunt, ut pro totius vitæ tenore vel dampnentur vel absoluantur: sed specialem causam in iudicium disceptandam afferunt: nec diuinæ perfectionis respectu, sed ex improborum ac scelestorum comparatione iustitiam sibi arrogant. Primū, quum de homine iustificando agitur, non tantum quæritur ut bonam in re aliqua particulari causam habeat: sed perpetuam quandā tota vitæ iustitiæ symmetriam. Atqui sancti, dum ad comprobandam suam innocentiam Dei iudicium implorāt, non seipsos omni noxa solutos & omni ex parte inculpato offerunt: sed quum in sola eius bonitate salutis fiduciam defixerint, confisi tamen esse vindicem pauperum præter ius & æquitatem afflictorum, profectò causam in qua innocentes opprimun-

tur, illi commédant. Dum verò secum aduersarios ad tribunal Dei sistunt, non iactant innocentiam quæ Dei puritati responsura sit si seuerè conquiratur: sed quia præ aduersariorum malitia, improbitate, astutia, nequitia, synceritatem, iustitiam, simplicitatem, puritatemque suam Deo còpertam gratamque esse norunt: non reformidât, inter se & illos iudicè inuocare. Sic quum David Sauli dicebat, Reddat Dominus vnique secundû iustitiam & veritatem eius: non intelligebat vt Dominus vnumquemque per se examinaret ac muneretur pro meritis: sed Dominum attestabatur quanta esset sua innocentia præ vt erat Saulis iniquitas. Ac ne Paulus quidem, quum hac gloriatione se iactat quòd bonû habeat conscientia testimonium, se cum simplicitate & integritate versatum esse in Ecclesia Dei, vult eiusmodi gloriatione apud Deum niti: sed coactus impiorû calumniis, fidem ac probitatem suam, quam diuinæ indulgentiæ acceptam esse sciebat, aduersus quamlibet hominum maledicentiam asserit. Videmus enim quid alibi dicat, se nihil esse sibi malè consciû, sed non in hoc iustificari. Quia scilicet intelligebat, iudiciû Dei humanâ lippitudinè longè trāscendere. Vt cûque ergo pii contra impiorû hypocrisin suam innocentia Deo teste ac iudice defendant: vbi tamen cum solo Deo negotium est, omnes vno ore clamant, Si iniquitatem obseruaueris Domine, Domine quis sustinebit? Item, Ne ingrediaris in iudiciû cum seruistuis: quia non iustificabitur in còspectu tuo omnis viuens. suisque operibus diffusi, libenter canunt, Bonitas tua melior quàm vita.

1 Sam. 16. d. 17

2. Cor. 1. c. 12

1. Cor. 4. c. 4

Psal. 130. a. 3,
& 143. a. 2.

Psal. 36. a. 4

15 Sunt & alii non absimiles superioribus loci, in quibus subsistere etiamnum quis possit. Dicit Solomon, cum qui ambulat in integritate sua, iustum esse. Item, In semita iustitiæ esse vitam, ac in ea ipsa non esse mortem. Qua ratione Ezechiel perhibet vita victurum qui iudiciû ac iustitiam fecerit. Nihil eorû vel inficiamur, vel obscuramus. Sed prodeat vnus ex filiis Adam cum tali integritate. Si nemo est, aut pereât à còspectu Dei oportet, aut ad misericordiæ asylum confugiant. Neque interim negamus quin fidelibus sua integritas, dimidiata licet ac imperfecta, gradus sit ad immortalitatem. Sed vnde id, nisi quoniam quos in fœdus gratiæ assumpsit Dominus, eorum opera non excutit pro meritis, sed paterna benignitate osculatur? Quo non tantum intelligimus quod tradunt Scholastici, à gratia acceptante habere opera suum valorem. Illi enim sentiunt, imparia alioqui opera ex Legis pacto salutis comparandæ, in æqualitatis tamen pretium Dei acceptione euehi. Ego autem dico, ea, tum aliis transgressionibus, tum suis ipsorum maculis inquinata, non aliud valere nisi quòd Dominus veniam vtrisque indulget. quod est, gratuitam homini iustitiam largiri. Neque répestiuè hic obtruduntur illæ Apostoli preces, vbi tantam fidelibus perfectionem optat, vt sint inculpati & irreprehensibiles in die Domini. Hæc quidem verba Cælestini valde olim exagitabant, ad perfectionem iustitiæ in hac vita asserendâ. Sed quod arbitramur sufficere, breuiter post Augustinû respondemus: ad hanc quidem metam aspirare pios omnes debere vt immaculati aliquando & inculpati appareant coram Dei facie. sed quia optima & præstâtissima vitæ præstetis ratio nihil aliud est quàm profectus, ad eam metam nos tum demum peruenturos vbi hac peccati carne exuti, Domino ad plenum adhærebimus. Neque tamen pertinaciter cum eo litigabo qui perfectionis titulum sanctis tribuere volet: modò eam quoque Augustini ipsius verbis definiat. Perfectâ, inquit, sanctorum virtutem quum nominamus, ad ipsam perfectionem pertinet etiam imperfectionis tum in veritate tum in humilitate cognitio.

Prou. 20. a. 7
& 12. d. 28.Ezech. 18. b. 9
c. 21, & 33. d. 1Epheff. 1. a. 4
1. Thessal. 3. d.
13, & alibi.Li. ad Bonif.
3. cap. 7.

Ex mercede malè colligi operum iustitiam. C A P. X V I I I.



R A N S E A M V S nunc ad eas sententiâs quæ affirmant Deum vnique redditurû secundû opera sua. cuiusmodi sunt, Vnusquisque referet quod gessit in corpore, siue bonû siue malû. Gloria & honor operanti bonum. tribulatio & angustia in omnè animâ operantis malum. Et, Ibunt qui bona egerint, in resurrectionem vitæ: qui malè fecerint, in resurrectione iudicii. Venite benedicti Patris mei: esuriui, & dedistis mihi cibû: sitiui, & potû tribuistis, &c. Atque illis quoque eas coniungamus quæ mercedem operû appellât vitam æternâ: quo in genere sunt, Retributio manû hominis restituetur ei. Qui timet mandatû, remunerabitur. Gaudete & exultate: ecce merces vestra copiosa est in cælis. Vnusquisque mercedem accipiet secundû laborè. Quòd vnique dicitur redditurus Deus secundû opera, paruo negotio dissoluitur. Ordinem enim còsequentiæ magis quàm causam indicat locutio. Extra dubium autem est, Dominum his misericordiæ suæ gradibus salutem nostrâ consummare dum electos ad se vocat, vocatos iustificat, iustificatos glorificat. Tamen si ergo sola misericordia suos in vitam suscipiat: quia tamen in eius possessionem ipsos deducit, per bonor operum stadium, vt quo destinauit ordine suum in illis opus impleat: nihil mirû si secundû opera sua dicuntur coronari: quibus

Matt. 16. d. 27

2. Cor. 5. b. 10.

Rom. 2. a. 6.

Iohan. 5. c. 19

Matt. 25. c. 34

Prouer. 12. c.

14, & 13. c. 13.

Matth. 5. b. 12

Luc. 6. d. 23.

2. Cor. 3. b. 8

Rom. 2. a. 6.

Ibidè. 8. f. 30,

haud dubiè ad recipiendâ immortalitatis coronam præparatur. Quin hac ratione appositè dicuntur salutē suam operari, dum bonis operibus incumbendo, vitam æternā meditatur. nempe sicut alibi iubentur operari cibum qui non perit, dum in Christum credendo sibi vitam acquirūt: & tamē mox additur, Quem filius hominis daturus est vobis. Vnde apparet Operandi verbum nequaquam opponi gratiæ, sed referri ad studium: ac proinde nō sequitur, vel fideles ipsos esse salutis suæ authores, vel ab ipsoꝝ operibus eam emanare. Quid ergo: simul atque per Euāgelii notitiā, & Spiritus sancti illuminationē adsciti sunt in Christi cōsortium, inchoata est in illis æterna vita. Iam quod in illis bonū opus inchoauit Deus, & perfici oportet vsque in diem Domini Iesu. Perficitur porrò, quum iustitia & sanctitate Patrem cælestem referentes, se filios eius non degeneres esse probant.

2 Ex mercedis nomine non est cur opera nostra rationemur causam esse salutis. Principio istud sancitum sit in cordibus nostris, regnum cælorum non seruorum stipendium, sed filiorum esse hæreditatē: quam soli potentiur qui à Domino in filios cooptati fuerint: neque ullam aliam ob causam quàm ob hanc adoptionē. Non enim erit hæres filius ancillæ, sed filius liberæ. Adeoque in iis ipsis locis quibus gloriam æternam mercedem operibus fore pollicetur Spiritus sanctus, hæreditatem nominatim exprimendo, aliunde nobis prouenire demonstrat. Sic Christus opera recenset, quæ cæli remuneratione compensat dum in eius possessionem electos vocat: sed simul adiungit, hæreditatis iure possidendū. Sic Paulus iubet seruos, fideliter agentes quod officii sui est, sperare retributionē à Domino: sed addit hæreditatis. Videmus ut quasi præscriptis verbis diligēter caueant ne acceptam feramus operibus æternā beatitudinē, sed Dei adoptioni. Cur ergo simul operum mentionē faciunt? Vno Scripturæ exēplo ista quæstio elucescet. Ante natiuitatē Isaac, promissum erat Abrahamæ semen in quo benedicendæ erant omnes terræ nationes: seminis propagatio quæ æquatura esset stellas cæli, & arenas maris, aliāque similia. Multis post annis, ut erat oraculo iussus, Abraham ad filium immolandū se accingit. Ista obedientia defunctus, recipit promissionē. Per memetipsum iuravi, dicit Dominus, quia fecisti hanc rem, & non pepercisti proprio filio vnigenito: benedicam tibi, & multiplicabo semē tuum sicut stellas cæli & arenas maris: possidebit semen tuum portas inimicorū suorū, & benedicentur in semine tuo omnes gentes terræ quia obedisti voci meæ. Quid audimus? an obedientia sua promeritus est benedictionē Abraham, cuius promissionē receperat antequam ederetur præceptū: Hic profecto citra ambages tenemus, iis bonis munerari Dominum fidelium opera quæ illis iam ante cogitata opera dederat: nihil dum causæ habens cur ipsis benefaceret nisi suam misericordiā.

3 Neque tamen frustratur aut ludit nos Dominus quum ait se operibus rependere quod gratis ante opera donauerat. Quia enim bonis operibus vult nos exerceri ad meditandā eorum quæ promisit exhibitionem vel fruitionem, ut ita loquar, ac per ea decurrere, ut contendamus ad beatam spem nobis propositam in cælis, ritè & illis assignatur promissionum fructus, ad cuius maturitatem nos producunt. Eleganter expressit vtrunque Apostolus, quū diceret officiis charitatis studere Colossenses, propter spem in cælis sibi repositam, de qua antè audierant per sermonē veracis Euangelii. Nam quum ait eos ex Euangelio cognouisse spem sibi in cælis repositam, declarat solo Christo, nullis autem suffultā operibus. cui concinit illud Petri, Custodiri pios Dei virtute per fidem, in salutē quæ parata est manifestari suo tempore. Dum ipsos ait eius causa laborare, significat currendū esse fidelibus toto vitæ spatio ut apprehendant. Ne verò putaremus ad meriti modum redigi quam nobis Dominus mercedem pollicetur, parabolā proposuit, in qua se fecit patrēfamiliās, qui quoscūque habet obuios, mittit in vineā suā culturam: alios quidem hora diei prima, alios secunda, alios tertia, quosdam etiam vndecima: vesperi repēdit omnibus æquale pretium. Cuius interpretationē breuiter & verè complexus est quicumque sit ille tādē vetustus scriptor, cuius liber de vocatione Gentium sub Ambrosii nomine fertur. Eius verbis potius quàm meis utar. Huius, inquit, comparationis regula Dominus multimodæ vocationis varietatem ad vnā gratiam pertinentem adstruxit: vbi sine dubio qui hora vndecima intromissi in vineam totius diei operariis exaquantur, eorum præferunt sortem quos ad commendandam gratiæ excellentiā, in defectu diei, & conclusionē vitæ, diuina indulgentia munerauit: non labori pretiū soluens, sed diuitias bonitatis suæ in eos, quos sine operibus elegit, effundens: ut etiam qui in multo labore sudarūt, nec amplius quàm nouissimi acceperunt, intelligāt donum se gratiæ non operum accepisse mercedē. Postremò hoc quoque notatu dignum est, in his locis, vbi vita æterna merces operum vocatur, non simpliciter pro illa communicatione accipi quam habemus cum Deo ad beatam immortalitē, quum nos paterna beneuolentia in Christo amplectitur: sed pro beatitudinis possessione vel fruitione, ut vocant,

sicut etiam sonant ipsa Christi verba, In futuro vitam æternam. Et alibi, Venite, possidete regnum, &c. Hac ratione & Paulus vocat adoptionem, reuelationem adoptionis quæ in resurrectione fiet: ac postea interpretatur, redemptionem corporis nostri. Alioqui autem quemadmodum alienatio à Deo æterna mors est, sic quum homo in gratiam à Deo recipitur ut communicatione eius fruatur, vnumque cum eo fiat, transfertur à morte ad vitam. id quod fit solius adoptionis beneficio. Et si more suo pertinaciter urgeant operum mercedem, regere illud Petri licebit, vitam æternam fidei esse mercedem.

Marc. 10, d. 31
Matt. 25, d. 34
Rom. 8, d. 18

1. Pet. 1, b. 9.

4 Itaque ne cogitemus Spiritum sanctum huiusmodi promissione commendare operum nostrorum dignitatem, ac si talem mercedem mereantur. Nihil enim nobis Scriptura reliquum facit quo in conspectu Dei exaltemur. Quin potius tota in hoc est ut arrogantiam nostram retundat, nos humiliet, deiiciat, & prorsus conterat. Verum nostræ imbecillitati sic occurritur: quæ statim alioqui collaberetur ac cõcideret, nisi hac se expectatione sustineret ac solatio leniret sua tædia. Primum quàm durum sit, non modò sua omnia, sed se quoque ipsum relinquere & abnegare, reputet pro se quisque singuli. Et tamè hoc tyrocinio discipulos suos, hoc est pios omnes, Christus iniciat. Deinde sic per omnem vitam sub crucis disciplina erudit, ne cor adiciant ad bonorum præsentium vel cupiditatē vel fiduciam. Breuiter sic ferè tractat, ut quocūque flectant oculos quàm longè hic mundus patet, non nisi desperationem sibi ubique obuersantem habeant. ut Paulus dicat, miserabiliores esse nos omnibus hominibus, si in hoc mundo duntaxat speremus. In his tantis angustiiis ne deficiant, adest illis Dominus, qui monet ut altius caput exerant, & longius oculos coniciant, beatitudinem, quam in mundo non vident, apud se reperturos. hanc beatitudinē, præmium, mercedem retributionem vocat: non operum æstimans meritum, sed compensationem esse significans eorum pressuris, passionibus, cõtumeliis, &c. Quamobrem nihil obest quominus vitam æternam remunerationem, Scripturæ exemplo, vocemus: quod in ea Dominus suos ex laboribus in quietem, ex afflictione in prosperum & optabilem statum, ex mœstitia in gaudium, ex paupertate in affluentiam, ex ignominiam in gloriam recipiat. omnia denique quæ perpeffi sunt mala, bonis maioribus permutat. Sic & nihil erit incommodum si vitæ sanctitatē, existimemus esse viam: non quidem quæ aditum aperiat in gloriam cælestis regni, sed qua electi à Deo suo in eius manifestationem ducantur. Quando hæc bona eius voluntas est, glorificare quos sanctificauit. Tantum ne correlationem meriti ac mercedis imaginemur, in qua importunè hærent Sophistæ, quia istum quem exponimus finem non considerant. Quàm autem præposterum est, ubi in vnum finem vocat nos Dominus, aliorsum respicere? Nihil clarius est quàm ad subleuandum aliquo solatio carnis nostræ debilitatem, non autem ad instandos gloria animos, mercedem bonis operibus promitti. Qui ergo meritum operum inde colligit, vel appendit in trutina opus cum mercede, à recto Dei scopo longissimè aberrat.

1. Cor. 15, c. 19

Rom. 8, f. 30.

5 Proinde quum Scriptura dicit, Deum iustum iudicem redditurum olim suis iustitiæ coronam, non tantum cum Augustino excipio, Cui redderet iustus iudex coronam, si non donasset gratiam misericors Pater? & quomodo esset iustitia nisi præcessisset gratia quæ iustificat impium? quomodo ista debita redderetur nisi prius illa indebita darentur? sed aliud etiam addo, Quomodo iustitiā imputaret nostris operibus, nisi quod iniustitiæ in illis est, abscederet sua indulgentia? Quomodo censeret digna mercede, nisi quod in illis poena dignum est, immensa benignitate aboleret? Solet enim ille vir gratiam nominare vitam æternam, quia gratuitis Dei donis reddatur dum operibus rependitur. At Scriptura nos vltra humiliat & simul erigit. Nam præterquàm quod in operibus gloriari vetat, quia sunt gratuita Dei dona, simul facibus quibusdā semper inquinata esse docet: ut Deo satisfacere non possint si ad iudicii eius regulam examinentur: sed, ne cõcidat nobis alacritas, mera venia placere. Et si autem paulo aliter Augustinus quàm nos loquitur: in re tamen non ita dissentire constabit ex eius verbis, libro ad Bonifacium tertio. Vbi quum inter se duos contulisset homines, alterum vitæ usque ad miraculū sanctæ & absolutæ: alterum probum quidem & integris moribus, non tamen adeò perfectum quin desiderari in eo multum queat: tandem infert, Nempe iste qui moribus illo videtur inferior, propter rectā in Deum fidē ex qua viuit & secundum quā in omnibus delictis suis se accusat, in omnibus bonis operibus Deū laudat, sibi tribuens ignominiam, illi gloriam: atque ab ipso sumens & indulgentiam peccatorum & dilectionē rectē factorum, de hac vita liberandus, in consortiū Christi migrat. Quare, nisi propter fidem? quæ licet sine operibus neminem saluat (ipsa enim est non reprobæ fides, quæ per dilectionē operatur) tamen per ipsam etiam peccata soluantur, quia iustus ex fide viuit. sine ipsa verò quæ videntur bona opera, in peccata vertuntur. Hic certè non obscure fatetur quod tanto pere cõtendimus, inde pendere bonorum operum iustitiā quod per veniam Deo approbatur.

2. Tim. 4, b. 8.
Augustin. ad
Valent. De
gratia. & lib.
arb.

Cap 5.

Habac. 2, a. 4.

6

Luc. 16. c. 9.
1. Tim. 6. d. 17.

Superioribus locis proximum sensum habent isti: Facite vobis amicos de mammona iniquitatis: ut quum defeceritis, recipiant vos in æterna tabernacula. Diuitibus huius seculi præcipe nō superbè sapere, neque sperare in incertis diuitiis, sed in Deo viuo: bene agere, diuites fieri in bonis operibus, thesaurizare sibi fundamentum bonum in futurum, ut apprehendant vitam æternam. Opibus enim comparantur bona opera, quibus in beatitudine vitæ æternæ fruamur. Respondeo, nos ad veram eorum intelligentiā nunquam accessuros nisi oculos in scopū cōuertamus quò sua verba Spiritus dirigit. Si verum est quod ait Christus, Ibi animum nostrum residere vbi est thesaurus noster: quemadmodum filii seculi intenti esse solent ad ea cōparanda quæ ad præsentis vitæ delicias faciunt: ita fidelibus videndum est, postquam hanc vitam instar somnii mox euaniturā didicerunt, ut ea quibus verè frui volunt, eò trāsmittant vbi solidam vitam sunt habituri. Quod ergo faciunt qui demigrare instituunt in locum aliquem, vbi perpetuam vitæ sedem elegerunt, nobis imitandū est. præmittūt illi suas facultates, neque illis ad tempus ægrè carent: quia se beatiores eo putant quo plus habent honorum vbi diu sunt futuri. Nobis si cælum patriam esse credimus, illuc potius transmittere opes nostras cōuenit, quàm hic retinere vbi subita migratione peritura nobis sint. Quomodo autem transmittemus? nempe si pauperum necessitatibus communicamus: quibus quicquid erogatur, sibi datū Dominus imputat. Vnde egregia illa promissio, Qui largitur pauperi, Domino sceneratur. Item, Qui benignè seminat, benignè metet. Deponuntur enim in manum Domini quæ fratribus ex charitatis officio impenduntur. Ille, ut est bonæ fidei depositarius, olim restituet cum copioso scenore. Ergone tanti sunt apud Deum nostra officia ut sint in eius manu quasi reconditæ nobis opes? Et quis horreat ita loqui, quum toties ac tam apertè id testetur Scriptura? Cæterum si quis à mera Dei benignitate transilire velit ad operum dignitatē, his testimoniis ad errorem astruendū nihil iuuabitur. Nihil enim ritè inde colligas nisi meram diuinæ erga nos indulgentiæ propensionem: quādoquidem quo nos ad benefaciendum animet, quamlibet vel solo eius intuitu indigna sint quæ illi exhibemus obsequia, nullum tamen perditum finit.

7

2. Thes. 1. b. 5
Heb. 6. b. 15

Rom. 8. f. 29.

Luc. 14. d. 26.

Act. 14. d. 22.

Gala. 6. d. 17.

1. Cor. 4. c. 10

Rom. 8. f. 29

Sed magis vrgent Apostoli verba: qui dum Thessalonicenses in tribulationibus cōsolatur, eas immitti illis docet ut digni habeantur regno Dei pro quo patiuntur. Siquidē, inquit, iustum est apud Deum, reddere iis qui vos affligūt, afflictionē: vobis autem relaxationē nobiscum, quum reuelabitur Dominus Iesus è cælo. Author verò epistolæ ad Hebræos, Non est, inquit, iniustus Deus ut obliuiscatur operis vestri, & dilectionis quam ostendistis in nomine ipsius, quòd ministrastis sanctis. Ad priorem locum respondeo, Nullā illic meriti dignitatem significari: sed quia Deus pater vult nos, quos elegit filios, Christo primogenito cōformari: sicut oportuit illum primò pati, & tum demum intrare in gloriam sibi destinatam: ita & nos per multas tribulationes oportet ingredi in regnum cælorum. Tribulationes ergo dum patimur pro Christi nomine, quædā veluti notæ imprimuntur nobis quibus oues gregis sui Deus signare solet. Hac ergo ratione digni habemur regno Dei, quia stigmata Domini nostri & magistri portamus in corpore, quæ sunt filiorum Dei signa. Huc & illæ sententiæ pertinet. Nos circumferre mortificationem Iesu Christi in corpore nostro: ut vita ipsius manifestetur in nobis. Nos passionibus eius conformari, ut perueniamus ad similitudinem resurrectionis ex mortuis. Quæ subiicitur ratio, non ad probandam vllam dignitatem, sed spem regni Dei confirmandam pertinet: ac si diceret, Ut iusto Dei iudicio conuenit, vindictam ab inimicis vestris expetere earum quas vobis intulerint vexationum: ita vobis relaxationem & quietem à vexationibus impertiri. Alter locus, qui sic iustitiam Dei decere tradit suorum obsequia obliuioni non mandare, ut propè iniustum fore innuat si obliuiscatur, hanc rationem habet: Deus, quo segniticm nostram acueret, fiduciam nobis fecit, non irritum fore quem in gloriam nominis sui susceperimus laborem. Semper meminerimus, hanc promissionem, ut cæteras omnes, nihil fructus nobis allaturam nisi præcederet gratuitum misericordiæ fœdus, cui tota salutis nostræ certitudo incumberet. Eo autem freti, confidere securè debemus, obsequiis etiam nostris quālibet indignis non defuturum à Dei liberalitate præmium. In ea expectatione ut nos confirmet Apostolus, Deum asserit non esse inultum, quin constaturus sit fidei semel datæ. Iustitia igitur ista magis ad diuinæ promissionis veritatem, quàm ad reddendam debiti æquitatem refertur. In quem sensum insigne est dictum Augustini: quod ut vir sanctus repetere sæpius pro memorabili non dubitauit, ita non indignū iudico quod assidue memoria repetamus. Fidelis, inquit, Dominus, qui se nobis fecit debitorem: non aliquid à nobis accipiendo, sed omnia promittendo.

8

In Psa. 32. 109
& alibi sæpe.1. Cor. 13. a. 2,
& d. 13.

Adducuntur & illæ Pauli sententiæ, Si habeam omnem fidem, ita ut montes loco dimoueam, charitatem autem non habeam, nihil sum. Item, Nūc manēt spes, fides, charitas:

sed maxima in his charitas. Item, Super omnia habete charitatem, quæ est vinculum perfectionis. Ex primis duobus contendunt nostri Pharisei charitate nos iustificari potius quam fide: virtute nimirum, ut ipsi aiunt, potiore. At nullo negotio diluitur hæc argutatio. Expositum enim alicubi, ad veram fidem nihil pertinere quæ primo loco dicuntur. Alterum nos quoque de vera fide interpretamur, qua maiorem esse charitatē dicit: non tanquam sit magis meritoria, sed quia magis fructuosa est, quia latius pater, quia pluribus seruit, quia semper viget: quum fidei usus ad tempus consistat. Si excellentiā spectamus, meritò Dei dilectio primas teneat: de qua hic sermo Paulo non est. Siquidem vnum istud vrget ut mutua charitate nos in Domino vicissim ædificemus. Sed fingamus, modis omnibus charitatem fidei præcellere: quis tamen sano iudicio, imò quis omnino sano cerebro, ex eo ratiocinetur magis iustificare? Vis iustificandi quæ penes fidem est, non in dignitate operis locatur. Sola Dei misericordia & merito Christi constat nostra iustificatio, quam dum fides apprehendit, iustificare dicitur. Nunc si aduersarios interroges quo sensu iustificationē charitati assignent: respondebunt, Quia officium est Deo gratum, eius merito, ex diuinæ bonitatis acceptatione iustitiam nobis imputari. Hinc vides quàm bellè procedat argumentum Fidem iustificare dicimus, non quia iustitiam nobis sua dignitate mereatur: sed quia instrumentum sit quo Christi iustitiam gratis contineamus. Isti, prætermissa Dei misericordia, Christoque præterito (ubi summa iustitiæ est) charitatis beneficio nos iustificari pugnant, quia supra fidem excellat. Perinde ac si quis aptiorem esse Regem disputet conficiendo calceo quàm tutorem, quia sit infinito præstantior. Hic vnus syllogismus amplo documento est scholas omnes Sorbonicas ne summis quidem labris degustare quid sit fidei iustificatio. Siquis autem rixator adhuc interpellat cur fidei nomē tantulo intervallo apud Paulum variè accipiamus, huius interpretationis non levis ratio mihi constat. Quum enim dona illa quæ enumerat Paulus, fidei & spei quodammodo subsint, quia ad cognitionem Dei spectant, ea omnia *καὶ τὴν ἀγαπᾶν* sub nomine fidei & spei cōplectitur. ac si diceret, Et Prophetia, & linguæ, & interpretandi gratia & scientia hunc habent scopū ut nos ad cognitionē Dei deducāt. Deum autem non nisi per spem & fidem in hac vita agnoscimus. Quum ergo fidem & spem nomino, hæc omnia simul cōprehendo. Manēt itaque hæc tria, Spes, Fides, Charitas: hoc est, quæcumque sit donorum varietas, huc omnia referuntur. Inter hæc præcipua est charitas, &c. Ex tertio loco inferunt, Si perfectionis vinculum est charitas: ergo & iustitiæ, quæ nihil aliud est quàm perfectio. Primò, ut omittamus perfectionē illic à Paulo vocari dum probè constitutæ Ecclesiæ mēbra inter se bene cohærent, ac fateamur charitate nos coram Deo perficere: quid tamen noui afferunt? Ego enim semper contrà excipiam, ad perfectionem istam nunquam nos peruenire nisi charitatis numeros impleamus, indèque inferam, quum omnes à charitatis cōplemento sint remotissimi, spem omnē illis perfectionis abscissam esse.

9 Nolo singula persequi quæ hodie stulti Sorbonistæ arrepta ex Scripturis temere (ut quodque primū obuium se tulit) testimonia aduersum nos iaculātur. Sunt enim quædā ita ridicula ut nec commemorare ipse possim, nisi velim haberi meritò ineptus. Itaque finem faciam, ubi Christi sententiam explicuero, qua mirum in modum sibi placent. Respondet enim Legis consulto roganti quid esset ad salutem necessarium, Si vis ad vitam ingredi, serua mandata. Quid vltra, inquit, volumus, quum ab ipso gratiæ auctore per mandatorū observationem acquirere iubeamur regnum Dei? Quasi verò non constet, Christum iis responsa sua attemperasse quibuscum negotium esse sibi videbat. Hic à Legis doctore interrogatur de ratione obtinendæ beatitudinis: neque id simpliciter, sed quid faciendo ad ipsam perueniant homines. Et loquentis persona & ipsa interrogatio Dominum inducebat ut sic responderet. Ille persuasione legalis iustitiæ imbutus, in operum fiducia cæcutiebat. Deinde non aliud quærebat nisi quæ essent opera iustitiæ, quibus salus cōparetur. Ergo meritò remittitur ad Legem, in qua est absolutum iustitiæ speculum. Nos quoque clara voce prædicamus seruanda esse mādāta, si in operibus vita quæritur. Atque hæc doctrina cogniti necessaria est Christianis. quomodo enim ad Christum confugerent, nisi se agnoscerent à via vitæ in mortis præcipitium excidisse? Quomodo autem intelligerēt quàm procul aberrarint à via vitæ, nisi prius qualis sit illa intelligant? Tum igitur demum recuperandæ salutis asylum in Christo esse admonentur, dum cernunt quātum sit vitæ suæ cum diuina iustitia, quæ Legis obseruatione cōtinetur, dissidium. Summa hæc est, si in operibus salus quæritur, seruanda esse mandata quibus institui mur ad perfectam iustitiam. Sed non est hic hærendū nisi velimus in medio cursu deficere. nemo enim nostrum seruādis mandatis par est. Quoniam ergo Legis iustitia excludimur, ad aliud subsidium nos conferamus necesse est: nempe ad fidem Christi. Quamobrem ut hic Dominus quem vana operum confidentia turgere

Coloss 3.6.14

Math. 19. 17

Matt. II. d. 29 nouerat Legis doctorem, ad Legem reuocat, unde discat se esse peccatorem, tremendo æternæ mortis iudicio obnoxium. Sic alios qui eiusmodi sui notitia iam humiliati sunt, alibi, omiſſa Legis mentione, gratiæ promiſſione ſolatur, Venite ad me omnes qui laboratis, & onerati eſtis, & ego reficiam vos: & inuenietis requiem animabus veſtris.

10 Tandem, poſtquam Scripturam inuertendo deſatigati ſunt, ad argutias & ſophiſmata delabuntur. Cauillantur in eo, quòd fides alicubi opus vocatur: atque inde colligunt nos perperam fidem operibus opponere. Quafi verò fides, quatenus obedientia eſt diuinæ voluntatis, ſuo merito iuſtitiam nobis conciliat: ac non potius, quòd Dei miſericordiam amplectendo, Chriſti iuſtitiam, ab ea nobis oblatam in Euangelii prædicatione, cordibus noſtris obſignat. Talibus ineptiis diluendis ſi non immoror, veniam dabunt lectores. ipſæ enim, ſine alieno impetu, ſuapte debilitate ſatis franguntur. Obiectione tamen vnam, quæ ſpeciem habet aliquam rationis, obiter diſcutere libet, ne quibus non adeò exercitatis negotium faciat. Quum eandem eſſe contrariorum regulam dicet ſenſus communis, ac peccata ſingula iniuſtitia nobis vertantur, conſentaneum eſſe aiunt, ſingulis quoque bonis operibus iuſtitia laudem tribui. Qui reſpondent, ab vna infidelitate propriè prodire hominum damnationem, non à particularibus peccatis, mihi non ſatiſſaciunt. Equidem illis aſſentior, fontem ac radicem omnium malorum, incredulitatem eſſe. Eſt enim prima à Deo defectio, quam ſequuntur deinde particulares contra Legem tranſgreſſiones. Sed quòd videntur eandem ſtatuerè bonorum & malorum operum rationem in æſtimanda iuſtitia vel iniuſtitia, in eo cogor ab ipſis diſſentire. Iuſtitia enim operum eſt perfectæ Legis obedientia. Ita que iuſtus operibus eſſe non potes niſi hanc velut rectam lineam perpetuo vitæ tenore ſequeris. Ab ea ubi primùm deflexiſti, in iniuſtitiam prolapſus es. Hinc apparet, iuſtitiam non ex vno aut paucis operibus cõtingere, ſed ex inflexibili indefeſſaque obſervatione diuinæ voluntatis. At iudicandæ iniuſtitia multo diuerſiſſima eſt ratio. Qui enim ſcortatus eſt, aut furatus, vno delicto, mortis eſt reus: quia in Dei maiestatem offendit. Impingunt ideo noſtri iſti argutatores, quòd ad illud Iacobi non aduertunt animũ, Qui peccauerit in vno, factum omnium reum iam eſſe: quia qui vetuit occidere, vetuit & furari, &c. Proinde abſurdum videri non debet, quum dicimus, mortem iuſtum eſſe vniuſcuiusque peccati ſtipendium: quia iuſta Dei indignatione ac vltione digna ſunt ſingula. Sed inſuſus eris ratiocinator ſi ex aduerſo inferas, vno opere bono conciliari poſſe hominem Deo, qui multis peccatis eius iram promeretur.

Iacob. 2. b. 10.

De libertate Chriſtiana.

C A P. XIX.



RACTANDVM nunc de Chriſtiana libertate: cuius explicatio prætermitti minimè ab eo debet cui ſummam Euangelicæ doctrinæ compendio complecti propoſitum ſit. Eſt enim res apprime neceſſaria, ac citra cuius cognitionem nihil ferè ſine dubitatione aggredi conſcientiæ audent: in multis hæſitant & reſiliunt, ſemper variant & trepidant. præſertim verò appendix eſt iuſtificationis, & ad vim eius intelligendam non parum valet. Imò qui Deum ſeriò timent, hinc fructum incomparabilem percipient eius doctrinæ quam impii & Lucianici homines lepidè ſuis diſteriis exagitāt: quia in ſpirituale ebrietate, qua correpti ſunt, quauis proteruia illis eſt licita. Quare nunc opportunè in medium prodibit: deinde planiorem eius diſputationem (nam leuiter aliquoties ſuprà à nobis attacta eſt) in hunc locum reiicere vtile fuit: quia ſimulatque iniecta eſt aliqua mentio Chriſtianæ libertatis, ibi aut feruent libidines, aut infani motus ſurgunt, niſi maturè obuiam eatur laſciuia ingeniis iſtis, quæ alioqui optima quæque peſſimè corrumpunt. Partim enim huius libertatis prætextu omnè Dei obedientiam excutiunt, & in effrenatam licentiam ſe proripiunt: partim indignantur, putantes omnem moderationem, ordinem, rerumque delectum tolli. Quid hinc agamus, talibus anguſtiis circumſepti? An Chriſtiana libertate valere iuſſa, huiusmodi periculis opportunitate præcidam? Atqui, vt dictũ eſt, niſi ea tenetur, nec Chriſtus, nec Euangelii veritas, neque interior pax animæ rectè cognoscitur. Dãda potius opera ne adeò neceſſaria doctrinæ pars ſupprimatur, & occurratur tamè interim abſurdis illis obiectionibus quæ inde enaſci ſolèt.

2 Chriſtiana libertas in tribus (vt ego quidem ſentio) partibus ſita eſt. Prima, vt fidelium conſcientiæ, dum fiducia ſua coram Deo iuſtificationis quærenda eſt, ſeſe ſuprà Legem erigant atque efferant, totamque Legis iuſtitiam obliuiſcantur. Nam quum Lex (vt alibi iam demonſtratum eſt) neminem iuſtum relinquat: aut ab omni ſpe iuſtificationis excludimur, ſit ab illa nos ſolui oportet: ac ſic quidem, vt nulla prorsus operum ratio habeatur. Nam qui vel tantillum operum ſe afferre debere ad obtinendam iuſtitiam cogitat, non poteſt modum aut finem præfigere: ſed debitorem vniuerſæ Legis ſe conſtituit. Sublata igitur Legis mentione, & omni operum cogitatione ſepoſita, vnam Dei miſericordiã amplecti cõuenit

quum de iustificatione agitur : & auerso à nobis aspectu, vnum Christū intueri. Non enim illic quæritur quomodo iusti simus : sed quomodo, iniusti licet ac indigni, pro iustis habeamur. Cuius rei si certitudinē aliquam assequi volūt cōscientiæ, nullū Legi dare locum debent. Neque hinc rectē quis colligat, Legem fidelibus superuacaneam esse, quos non ideo docere & exhortari & stimulare ad bonum desinit, tamen si apud Dei tribunal in eorum cōscientiis locum non habet. Hæc enim duo vt multo diuersissima sunt, ita probè diligentèrque sunt à nobis distinguenda. Tota Christianorum vita, quædam pietatis meditatio esse debet : quoniam in sanctificationem vocati sunt. In hoc situm est Legis officium, vt eos officii sui admonendo, ad sanctitatis & innocentie studium excitet. At vbi cōscientiæ sollicitantur quomodo Deum habeant propitium, quid responsuræ sint, & qua fiducia constaturæ si ad eius iudicium postulentur : ibi non subducendum est quid Lex requirat, sed vnus Christus pro iustitia proponendus, qui omnem Legis perfectionem superat.

Ephes. 1. a. 4.
1. Theff. 4. b. 5

3 In hoc cardine totum ferè argumētum Epistolæ ad Galatas vertitur. Nam insulsos esse interpretes qui docent Paulum in ea pro ceremoniarum tantū libertate pugnare, ex locis argumentorum probari potest. Quales isti sunt, Quòd Christus factus sit pro nobis ex-
cratio, vt nos ab execratione Legis redimeret. Item, In libertate qua Christus vos liberauit, state, & ne rursus iugo seruitutis implicemini. Ecce, ego Paulus dico, si circūcidamini, Christus vobis nihil proderit. Et qui circūciditur, debitor est vniuersæ Legis. Christus vobis otiosus factus quicumque per Legem iustificamini : à gratia excidistis. Quibus cerè aliquid sublimius continetur quàm ceremoniarum libertas. Equidem fateor Paulum illic de ceremoniis tractare : quia illi cum pseudoapostolis pugna est, qui veteres Legis vmbras, Christi aduentu abolitas, reducere in Christianam Ecclesiam moliebātur. Verū ad hanc quæstionem expediendam disputandi erant altiores loci, in quibus tota controuersia posita erat. Primum, quia vmbris illis Iudaicis obscurabatur Euangelii claritas, ostēdit in Christo nos solidam eorum omnium exhibitionem habere quæ Mosaicis ceremoniis adumbrabātur. Deinde quia illi impostores pessima opinione imbuebāt plebem, quòd hæc scilicet obedientia valeret ad promerēdam Dei gratiam : hinc plurimum insistit, ne vllis Legis operibus, nedum minutis illis elementis, iustitiam se consequi posse coram Deo existiment fideles. Et simul docet damnatione Legis, quæ vniuersis hominibus aliàs impēdet, esse per crucem Christi liberos : vt plena securitate in vno Christo acquiescant. Qui locus huc propriè pertinet. Postremò cōscientiis fidelium suam asserit libertatem, nequa religione in rebus non necessariis obstringantur.

Galat. 3. b. 13,
& 5. a. 1.

Galat. 4. d. 30

4 Altera, quæ ex superiore illa pendet, vt cōscientiæ non quasi Legis necessitate coactæ, Legi obsequantur : sed Legis ipsius iugo liberæ, voluntati Dei vltro obediant. Quoniam enim in perpetuis terroribus versantur quandiu sub Legis dominio sunt, alacri promptitudine in obedientiam Dei nunquam compositæ erunt nisi huiusmodi prius libertate donatæ. Exemplo & breuius & magis perspicuè assequemur quòd hæc pertineant. Legis præceptū est vt diligamus Deum nostrum ex toto corde, ex tota anima, ex totis viribus. Id vt fiat, anima prius omni alio sensu & cogitatione est euacuanda, cor omnibus desideriis expurgandum, vires in hoc vnum colligendæ & contrahendæ. Qui præ aliis multum progressi sunt in via Domini, longissimè absunt ab hac meta. Nam etsi Deum ex animo diligunt, & sincero cordis affectu : multam tamen adhuc cordis & animæ partem occupatam habent carnis cupiditatibus, quibus retrahuntur & sistuntur quominus citato ad Deum cursu pergāt. Multo quidem conatu contēdunt : sed caro partim eorum vires debilitat, partim ad sese applicat. Quid hinc faciant, dum sentiunt nihil se minus quàm Legem præstare : Volunt, aspirant, conantur : sed nihil ea qua decet perfectione. Si Legem intuentur, quicquid tentant aut meditatur operis, maledictum esse vident. Nec est quòd se quisque fallat, colligens opus eo ipso non omnino malum esse quia imperfectū, & ideo quod in eo boni est Deo nihilominus acceptum esse. Nam Lex perfectam dilectionem exigens, omnem imperfectionē damnat, nisi rigore mitigato. Opus igitur suum concideret, quod pro parte bonum videri volebat : & eo ipso transgressionem Legis esse inueniet quia imperfectum est.

Deut. 6. a. 3

5 En quomodo omnia nostra opera Legis maledictioni subiacent si ad Legis modum exigantur. Quomodo autem tum se alacriter accingerent ad opus infelices animæ, pro quo non nisi maledictionem se referre posse considerent : Rursum si ab hac seuera Legis exactione, vel potius toto Legis rigore liberatæ, paterna lenitate se à Deo appellari audiant, hilares & magna alacritate vocanti respondebunt, & ducentem sequentur. In summa, qui

Legis iugo astringuntur, seruis sunt similes quibus certæ in singulos dies, operæ à dominis indicuntur. Hi enim nihil effectum putant, nec in conspectum dominorum venire audēt, nisi exactus operarum modus constiterit. Filii verò, qui liberalius, & magis ingenuè à patribus tractantur, eis non dubitant inchoata & dimidiata opera, aliquid etiam vitii habentia offerre, confisi suam obedientiam & animi promptitudinem illis acceptam fore, etiam si minus exactè effecerint quod volebant. Tales nos esse oportet qui certò confidamus, obsequia nostra indulgentissimo Patri probatum iri, quantulacunque sint, & quantumvis rudia ac imperfecta. Qualiter etiam per Prophetam nobis confirmat, *Parcam eis*, inquit, sicut solet pater filio parcere seruienti sibi. ubi *Parcere* pro indulgere vel humaniter ad vitia continuere positum constat, quum simul obsequii meminerit. Neque hæc fiducia parum nobis necessaria est, sine qua frustra omnia conabimur. siquidem nullo nostro opere se coli reputat Deus, nisi quod in eius cultum verè à nobis fiat. Id autem quum possit inter illos terrores, ubi dubitatur offendaturne Deus, an colatur nostro opere:

Malac. 3. d. 17

Hebr. II. a. 2
Rom. 6. c. 11

6 Atque ea causa est cur author Epistolæ ad Hebræos quicquid in sanctis Patribus bonorum operum fuisse legitur, ad fidem referat, & ea duntaxat ex fide æstimet. De hac libertate illustris est locus in Epistola ad Romanos, ubi Paulus ratiocinatur, peccatum non debere nobis dominari quia non sumus sub Lege, sed sub gratia. Quum enim fideles hortatus esset ne peccatū in eorum mortali corpore regnaret, nè exhiberent membra sua arma iniquitatis peccato, sed Deo se deuouerent tanquam ex mortuis viuentes, & membra sua arma iustitiæ Deo: illi verò contrà obiicere possent, se adhuc carnem secum ferre, plenam cōcupiscentiis, & peccatum in se habitare: subiicit eam consolationem à Legis libertate. ac si diceret, Tamen si nondum extinctum peccatum, necdum iustitiam in se viuere planè sentiant, non tamen esse cur formident, & animo deiiciantur quasi Deum semper offensum habeant ob peccati reliquias: quando per gratiam à Lege sint manumissi, ne eius regula sua opera examinentur. Qui verò peccandū inferunt, quia non sumus sub Lege, hanc libertatem nihil ad se pertinere intelligant: cuius finis est, nos ad bonum animare.

7 Tertia, ut nulla rerum externarum, quæ per se sunt ἀσθενεῖς, religione coram Deo teneamur quin eas nunc vsurpare nunc omittere indifferenter liceat. Atque huius etiam libertatis cognitio perquam nobis necessaria est. quæ si aberit, nulla conscientis nostris futura est quies, nullus superstitionum finis. Videmur hodie plerisque inepti qui disceptationem mouemus de libero esu carnium, de libero feriarum vestitumque usu, & similibus, ut illis quidē videtur, friuolis nugis: sed plus istis inest momenti quàm vulgo creditur. Nam ubi semel se in laqueum coniecerunt conscientiæ, longum & inextricabilem labyrinthum ingrediuntur, unde non facilis postea exitus patet. Siquis dubitare inceperit an sibi in linteis, indutis, sudariis, mantilibus, lino uti liceat: nec de canabe postea securus erit, tandem & de stupis incidet dubitatio. secum enim volutabit annon sine mantilibus cœnare possit, annon sudariis carere. Sicut paulo delicatior cibus illicitus visus fuerit, demum nec cibarium panem, ac vulgaria edulia tranquillius coram Deo comedet: dum in mētem venit, se vilioribus adhuc cibis posse corpus sustentare. Si in suauiori vino hæsitauerit, deinde nec vappam, cum bona conscientia pace bibet. postremò nec dulciorem mūdiorēque aliis aquam attingere audebit. Denique eò demum veniet ut super transversam (quod dicitur) festucam incedere nefas ducat. Non enim hīc leue certamen inchoatur: sed hoc controuertitur an his aut illis nos uti Deus velit: cuius volūtas consiliis nostris ac factis omnibus præire debet. Hinc alios desperatione in confusam voraginem abripi necesse est: alios contempto Deo & abiecto eius timore, viam sibi ruina facere quam expeditam non habeant. Quicumque enim tali dubitatione impliciti sunt, quoquò se vertant, præsentem ubique conscientia offensio- nem vident.

Rom. 14. c. 14

Ibidem, d. 21

1. Tim. 4. b. 5.

8 Scio, inquit Paulus, quia nihil commune est (per commune, profanum accipiens) nisi qui existimat aliquid cōmune, illi commune est. Quibus verbis res omnes externas libertati nostræ subiicit: modo eius libertatis ratio animis nostris apud Deum constet. Verum si qua superstitiosa opinio scrupulum nobis iniiciat, quæ suapte natura pura erant, nobis contaminantur. Quare subiicit, Beatus qui non iudicat seipsum in eo quod probat. At qui diiudicat, si edierit, condemnatus est: quoniam non edit ex fide. Porro quod non est ex fide, peccatum est. Inter huiusmodi angustias qui omnia securè nihilominus audendo, se animosiores ostendunt, nonne se tantundem à Deo auertunt: qui verò aliquo Dei timore penitus afficiuntur, quum & ipsi cogantur multa admittere auersante conscientia, formidine consternantur ac concidunt. Omnes quotquot tales sunt, nihil donorum Dei accipiunt cum gratiarū actione, qua tamē sola nobis omnia in vsum nostrum sanctificari testatur Paulus.

Intelligo autem gratiarum actionem ex animo profectam, qui Dei beneficentiam & bonitatem in suis donis agnoscat. Nam multi quidem eorum Dei bona esse intelligunt quibus videntur, & Deum in operibus suis laudant: sed quum sibi data esse persuasum non habeant, quomodo gratias Deo agerent tanquam datori? Videmus in summa, quorsum hæc tendat libertas, nempe ut Dei donis nullo conscientie scrupulo, nulla animi perturbatione utamur, in quem vltum nobis ab ipso data sunt: qua fiducia & pacem cum eo habeant animæ nostræ, & eius erga nos largitate agnoscant. Hic enim comprehenduntur omnes liberæ obseruationis ceremoniæ, nequa necessitate ad eas obseruandas conscientie astringantur: sed earum vltum Dei beneficio sibi ad ædificationem subiectum esse meminerint.

9 Et autem diligenter obseruandum, Christianam libertatem omnibus suis partibus rem spiritualem esse: cuius tota vis in formidolosis conscientis coram Deo pacificandis posita sit, siue de peccatorum remissione inquietæ sint ac sollicitæ, siue anxie sint vtrum opera imperfecta & vitis carnis nostræ inquinata Deo placeant, siue de rerum indifferentiũ vltu torqueantur. Quare peruersè interpretantur, vel qui suis cupiditatibus ipsam prætexunt, ut bonis Dei donis abutantur in suam libidinem: vel qui nullam esse putant nisi coram hominibus usurpatam: ideoque in ea vtenda nullam infirmorum fratrum rationem habent. Primo genere maiorem in modum hoc seculo peccatur. Nullus ferè est cui sumptuoso esse per facultates liceat, quæ non delectet, in cœnarũ apparatu, in cultu corporis, in extruendis domibus luxuriosus splendor: qui non omni lautitiarum genere inter alios eminere velit: qui non sibi in suo nitore mirifice blandiatur. Et hæc omnia sub Christianæ libertatis prætextu defenduntur. Aiunt res esse indifferentes. fateor: modo tis indifferenter quis vtatur. Cæterum vbi nimis cupide appetuntur, vbi superbè iactantur, vbi luxuriosè effunduntur, quæ per se licita alioquin erant, his vitiis cœdari certum est. Inter res indifferentes optimè distinguit illud Pauli, Omnia munda mundis: coinquinatis autem & infidelibus nihil mundum, quando polluta est eorũ mens & conscientia. Cur enim maledicuntur diuites, qui consolationem suam habent, qui saturati sunt, qui nunc rident, qui dormiunt in lectis eburneis, qui coniungunt agrum agro, quorum conuiuia citharam, lyram, tympanum, & vinum habent? Certè & ebur, & aurum, & diuitiæ, bonæ Dei creaturæ sunt, hominum vsibus permissæ: imò Dei providentia destinatæ. nec ridere, aut saturari, aut nouas possessiones veteribus atque auitis adiungere, aut concentu musico delectari, aut vinum bibere, vsquam prohibitum est. Verum istud quidem, sed vbi rerum copia suppetit, in deliciis volutari, ac se ingurgitate, mentem & animum inebriare presentibus voluptatibus, nouis que semper inhiare, hæc à legitimo donorum Dei vltu longissimè absunt. Tollant ergo immoderatam cupidinem, tollant immodicam profusionem, tollant vanitatem & arrogantiam: ut pura conscientia, Dei donis purè vtantur. Vbi ad hanc sobrietatem animus compositus fuerit, habebunt legitimi vsus regulam. Desit rursus hæc moderatio, plebeie communisque deliciæ nimie sunt. Nam illud verè dicitur, In burro & rudi panno sæpe animum purpureum habitare: interdum sub bysso & purpurea simplicem humilitatem latere. Ita in suo quisque ordine vel tenuiter, vel modicè, vel splendide viuat: ut meminerint omnes se à Deo ali vt viuant, non vt luxurentur, ac legem hanc Christianæ libertatis putent si cum Paulo didicerint, in quibus sunt, iis contenti esse: si norint & humiles esse & excellere: si docti sint vbique & in omnibus & saturari, & esurire, & abundare, & penuriam pati.

Tit. 1. d. 15
Luc. 6. d. 24
Amos. 6. a. 1. 4
Iesa. 5. b. 8

Philip. 4. c. 8

10 Errant & in eo plerique, quod perinde ac si sua libertas incolumis ac salua non esset nisi testes haberet homines, promiscuè & imprudenter ea vtuntur. Qua importuna vsurpatione infirmos fratres sæpenumero offendunt. Videas hodie quosdam, quibus sua libertas non videtur consistere nisi per esum carniũ die Veneris in eius possessionem venerint. Quod edunt non reprehendo: sed exigenda est ex animis falsa isthæc opinio. siquidem cogitare debebant, nihil se sua libertate nouum cõsequi in hominum cõspectu, sed apud Deum: & tam in abstinendo constitutam esse, quàm in vtendo. Si coram Deo nihil referre intelligunt vescantur carnebus an ouis, rubrisne an nigris vestibus induantur: satis superque est. Iam soluta est conscientia, cui eius libertatis beneficium debebatur. Ergo etiam si posthac carniũ tota vita abstineant, & colorem vnum perpetuò ferant, non minus liberi sunt. Imò ideo quia liberi sunt, libera conscientia abstinent. Perniciosissimè verò labuntur quod fratrum infirmitatem nullius pensi habent, quam sic sustineri à nobis decet nequid temere admittamus cum eorum offendiculo. Verum interdum quoque interest, coram hominibus asseri nostram libertatem. Et hoc fateor. Modus tamen summa cautione tenendus est: ne infirmorum curam, quos nobis tantopere Dominus commendauit, abiiciamus.

11 Dicam hic itaque de scandalis nonnihil, quo in discrimine habenda sint, quæ cauenda,

- quæ item negligenda: unde postea statuere liceat quis sit inter homines libertati nostræ locus. Placet autem vulgaris illa partitio, quæ scandalum aliud datum, aliud acceptum, tradit: quando & apertum Scripturæ testimonium habet, nec ineptè exprimit quod significat. Siquid importuna aut leuitate, aut lasciuia, aut temeritate, nõ ordine, nec suo loco facias quo imperiti imbecillèscque offendantur, scandalum abs te datum dicitur: quoniã tua culpa factum fuerit ut eiusmodi offensio suscitaretur. Ac omnino scandalum in re aliqua datum dicitur, cuius culpa ab autore rei ipsius profecta est. Scandalum acceptum vocatur, quum res aliqui non improbè nec importunè admissa, maleuolentia aut sinistra quadam animi malignitate in offensionis occasionem rapitur. Non enim hîc datum erat scandalum: sed nostri illi interpretes sine causa accipiunt. Priore illo scandali genere non nisi infirmi offenduntur: hoc autem secundo acerba ingenia & Pharisaica supercilia. Quare alterum vocabimus scâdalum infirmorum, alterum Pharisaorum: ac sic libertatis nostræ usum temperabimus, ut fratrum infirmorû ignorantiæ cedere debeat: Pharisaorû austeritati nequaquam.
- Rom. 14. a. 1. Quid enim infirmitati dandum sit, abundè multis locis ostendit Paulus. Infirmos, inquit, Ibidem, c. 13. in fide suscipite. Item, Ne posthac alius alium iudicemus: verum illud magis, ne offendiculum ponatur fratri, aut lapsus occasio. & multa in eum sensum, quæ ex eo loco peti satius est quàm hic referri. Summa est, ut nos, qui robusti sumus, infirmitates impotentium sufferamus, nec placeamus nobis ipsis: sed unusquisque nostrum proximo placeat in bonum, ad ædificationem. Alibi, Sed videte nequo modo facultas vestra offendiculo sit iis qui infirmi sunt. Ibidem, 10. c. 25. Item, Omnia quæ in macello venduntur edite, nihil interrogâtes propter conscientiam. Porro conscientiam vestram dico, non alterius. Denique tales estote ut nullum præbeatis offendiculû neque Iudæis, neque Græcis, neque Ecclesiæ Dei. Alio etiam loco, In libertatem vocati estis, fratres, tantum ne libertatem vestram detis in occasionem carni, sed per charitatē seruire vobis inuicem. Ita est sanè. Libertas nostra non aduersus imbecilles proximos data est, quorum nos per omnia seruos charitas statuit: sed magis, ut pacem cum Deo in animis nostris habentes, pacatè etiam inter homines viuamus. Pharisaorum autem offensio quanti sit facienda, discimus ex verbis Domini: quibus iubet omitti illos, quia cæci sunt, duces cæcorum. Admonuerant discipuli, eos sermone ipsius offensos fuisse. Respondet negligendos, nec curandam esse eorum offensionem.
- 12 Res tamè adhuc incerta pendet, nisi teneamus qui nobis sint habèdi infirmi, & qui Pharisæi. quo discrimine sublato, non video quis prorsus restet inter offensiones libertatis usus, qui nunquã sine summo periculo foret. Verum mihi clarissimè definitur Paulus tû doctrina tû exèplis quatenus vel moderâda sit libertas nostra, vel offendiculis redimèda. Ti motheû quû in consortiû suû assumeret, circumcidit: Titum ut circumcideret adduci nõ potuit. Diuersa facta: nulla consilii nec animi mutatio. nempe in circumcidendo Timotheo, quû liber esset ab omnibus, omnibus semetipsum seruû fecit: & factus est Iudæis quasi Iudæus, ut Iudæos lucrifaceret: iis qui sub Lege erât, quasi esset sub Lege, ut eos qui sub Lege erant lucrifaceret: omnibus omnia, ut multos seruaret, quèadmodû alibi scribit, Habemus iustâ libertatis moderationem, si cum fructu aliquo indifferenter contineri possit. Quid respexerit quû Titû circumcidere fortiter abnuït, ipse testatur, sic scribès, Sed neque Titus, qui mecum erat, quum esset Græcus, cõpulsus fuit circûcidi: propter obiter ingressos falsos fratres, qui subintroierant ad explorandû libertatē nostrâ quâ habemus in Christo Iesu, quo nos in seruitutē adigerent. quibus ne ad tēpus quidē cessimus per subiectionē, ut Euâgelii veritas maneret apud vos. Habemus & necessitatē vindicandæ libertatis, si per iniquas exactiones Pseudoapostolorû, ea infirmis in cõscientiis periclitatur. Vbique studendû charitati, & spectâda proximi ædificatio. Omnia, inquit alibi, mihi licèt: at non omnia expediût. omnia mihi licèt: at non omnia ædificant. Nemo quod suû est quærat, sed quod alterius. Nihil iâ hac regula expeditius, quàm utendû libertate nostra, si in proximi nostri ædificationem cedat: sin ita proximo non expediat, ea tunc abstinentdû. Sunt qui Paulinâ prudentiam simulant in abstinentia libertatis, nihil minus quàm in officia charitatis eam cõferentes. Sux enim quieti ut cõsulant, omnem libertatis mentionē sepultam optât: quum non minus intersit proximorum libertatē in eorum bonû & ædificationem interdum vsurpare, quàm pro ipsorû comodo, eam loco moderari. Pii autem hominis est cogitare, sibi liberam in rebus externis potestatem ideo esse concessam quo sit ad omnia charitatis officia expeditior.
- 13 Quicquid autem de cauendis offendiculis docui, ad res medias & indifferentes referri volo. Nam quæ necessaria sunt factu, nullius offendiculi timore omittenda sunt. Quemadmodum enim charitati subiicièda est nostra libertas: ita sub fidei puritate subsidere vicissim charitas ipsa debet. Equidem & hîc charitatis rationē haberi decet, sed vsque ad aras: hoc est

ne in gratiam proximi Deum offendamus. Non est probanda eorum intemperies qui nihil nisi tumultuando agunt, & qui percurrere omnia malunt quàm dissuere. At nec audiendi sunt qui quum in mille impietatis formas duces se præbent, sic sibi agendum fingunt ne proximis sint offendiculo. quasi non interim proximorum conscientias in malum ædificent: præsertim ubi nulla spe exitus in eodem semper hæret luto. Et suaves homines, seu doctrina, seu vitæ exemplo sit instituendus proximus, aiunt lacte pascendū esse, quem pessimis exitialibusque opinionibus imbuunt. Lactis potu se aluisse Corinthios Paulus commemorat: sed si tum inter eos fuisset Papalis missa, an sacrificasset, ad præbendum ipsis lactis potum? At lac venenum non est. Mentiuntur ergo se alere quos sub blanditiarum specie crudeliter necant. Atque ut demus probandā ad tempus istiusmodi dissimulationem: quousque tandē pueros suos eodem potabunt lacte: Nam si nunquā grandescunt, ut vel tenuē saltem aliquem cibū ferre possint: nec lacte fuisse unquā educatos certū est. Cur nunc acrius cum illis non congregiar, duæ rationes impediunt: quia vix dignæ sunt eorum ineptiæ quæ refutentur, quum apud omnes sanos meritò sordeant: deinde quia peculiaribus scriptis hoc abunde præstiti, nolo actum agere. Tantū hoc teneant lectores, quibuscunque scādalis Satan & mundus auertere nos moliantur à Dei placitis, vel nos morari ne sequamur quod ille præscribit, strenuē nihilominus pergendum esse: deinde quicquid discriminum impendeat, non tamen liberum esse vel latum vnguem deflectere ab eiusdem Dei imperio, nec vlllo prætextu fas esse quicquam tentare nisi quod permittit.

1. Cor. 3. a. 1

14 Iam verò quum hac libertatis prærogatiua, qualem antea descripsimus, donatæ fideles conscientia id Christi beneficio consequutæ sint, ne vllis obseruationum laqueis in iis rebus implicentur in quibus eas esse liberas Dominus voluit: omnium hominum potestate exemptas esse constituimus. Est enim indignū aut Christo gratiam tantæ suæ liberalitatis perire aut conscientia ipsis fructum. Neque res leuicula existimanda nobis est, quam videmus tanti Christo constitisse: utpote quam non auro aut argento, sed proprio sanguine æstimauit. ut Paulus non dubitet dicere, irritam fieri eius mortem, si animas nostras hominibus in subiectionem tradimus. Siquidem non aliud agit aliquot capitibus epistolæ ad Galatas, quàm Christū nobis obscurari, vel potius extinguī, nisi in sua libertate stent conscientia nostræ: à qua certè exciderunt, si possunt hominū arbitrio legum ac constitutionum vinculis illaqueari. Verū, ut res est cognitu dignissima, ita longiori magisque perspicua explicatione indiget. Statim enim atque de humanarum constitutionum abrogatione verbum factum est, ingētes turbæ partim à seditiosis, partim à calumniatoribus commouentur: quasi vniuersa simul tollatur ac subuertatur hominum obedientia.

1. Pet. 1. c. 18

Galat. 5. a. 1. 4

15 Ad eum ergo lapidem nequis impingat, primū animaduertamus duplex esse in homine regimē: alterum spirituale, quo conscientia ad pietatem & ad cultū Dei instituitur: alterum politicum, quo ad humanitatis & ciuilitatis officia, quæ inter homines seruanda sunt, homo eruditur. Vulgò appellari solent iurisdicctio spiritualis & temporalis, non improprie nominibus. quibus significatur, priorē illam regiminis speciem ad animæ vitam pertinere, hanc autem in his quæ præsentis vitæ sunt versari: non quidem in pascendo tantū aut vestiendo, sed in præscribendis legibus quibus homo inter homines vitam sanctē, honestē modestēque exigit. Nam illa in animo interiori sedem habet: hæc autē externos mores duntaxat componit. Alterum vocare nobis liceat, regnum spirituale: alterum, regnum politicum. Hæc autem duo, ut partiti sumus, seorsum singula dispicienda semper sunt: & dum alterum consideratur, auocandi auertendique ab alterius cogitatione animi. Sunt enim in homine veluti mundi duo, quibus & varii reges & variæ leges præesse possunt. Hac distinctione fiet ne quod de spirituali libertate docet Euangelium, perperam ad politicum ordinem trahamus: ac si minus secundum externum regimen humanis legibus subicerentur Christiani, quia solutæ sunt coram Deo ipsorum conscientia: quasi propterea eximerentur omni carnis seruitute, quòd secundum spiritum liberi sunt. Deinde quia in iis etiam constitutionibus quæ ad spirituale regnum videntur pertinere, potest aliqua esse hallucinatio, inter has etiā ipsas discernere oportet quæ legitimæ habendæ sint, ut Dei verbo cōsentaneæ: quæ rursus locū apud pios habere non debeant. De ciuili regimine erit alibi dicendi locus. De legibus etiam Ecclesiasticis dicere in præsentia superiōre: quia plenior tractatio quarto libro conueniet, ubi de Ecclesiæ potestate agetur. Huius autem disputationis hæc sit clausula. Quæstio (ut dixi) per se non adeo obscura vel perplexa, plerosque ideo impedit quòd inter externum (ut vocant) & conscientia forū non satis subtiliter discernunt. Præterea difficultatem auget quòd Paulus obediendum esse magistratui præcipit, non pœnæ solū metu, sed propter conscientiam. Vnde sequitur, politicis quoque le-

Rom. 13. a. 5
& b. 5

gibus obstringi cōscientias. Quòd si ita esset, caderet quicquid paulo antè diximus, ac iam dicturi sumus de spiritali regimine. Vt hic nodus solvatur, primò operæ pretiū est tenere quid sit cōscientia. ac definitio quidem ex etymo vocis petenda est. Nam sicuti quū mente intelligentiāque homines apprehendunt rerum notitiā, ex eo dicuntur scire, vnde & scientiæ nomen ducitur: ita quum sensum habent diuini iudicii, quasi sibi adiunctum testem, qui sua peccata eos occultare non sinit quin ad iudicis tribunal rei pertrahantur, sensus ille vocatur cōscientia. Est enim quiddam inter Deum & hominem medium: quia hominem non patitur in seipso suppressere quod nouit, sed eousque persequitur donec ad reatum adducat. Hoc est quod intelligit Paulus, quum tradit, cōscientiam simul attestari hominibus, vbi cogitationes eos accusant vel absoluunt in iudicio Dei. Simplex notitia in homine residere posset veluti inclusa. Ergo sensus hic qui hominem sistit ad Dei iudicium, est quasi appositus homini custos, qui omnia eius arcana obseruet ac speculetur, nequid in tenebris sepultum maneat. Vnde & vetus illud prouerbiū, Cōscientia mille testes. Eadem ratione & Petrus bonæ erga Deum cōscientiæ interrogationem posuit pro tranquillitate animi, quum persuasi de Christi gratia, nos intrepidè coram Deo offerimus. Et author epistolæ ad Hebræos, non habere amplius cōscientiam peccati: pro liberatos vel absolutos esse, vt peccatum nos amplius non arguat.

Rom. 2. c. 15

1. Pet. 3. d. 21

Hebr. 10. a. 2

16

2. Tim. 1. a. 5

Act. 24. d. 16

1. Cor. 10. f. 18

Itaque sicut opera respectum ad homines habent, ita cōscientia ad Deum refertur. vt cōscientia bona nihil aliud sit quàm interior cordis integritas. In quem sensum Paulus scribit complementum Legis esse charitatem ex pura cōscientia & fide non ficta. Postea etiam eodem capite quantum ab intelligentia differat, ostēdit, dicens quosdam à fide naufragium fecisse, quia bonam cōscientiam dereliquerant. His enim verbis, viuū esse colendi Dei affectum, sincerūque piè & sanctè viuendi studium indicat. Interdum quidem ad homines quoque extēditur, vt quum testatur apud Lucam idem Paulus, se operam dedisse vt bona cōscientia ambularet erga Deum & homines. Sed hoc ideo dictum est, quòd bonæ cōscientiæ fructus ad homines vsque manant ac perueniunt. Propriè autē loquendo, solum Deum respicit, vt iam dixi. Hinc fit vt obstringere cōscientiam lex dicatur, quæ simpliciter hominē ligat, sine hominū intuitu, vel nō habita eorū ratione. Exempli gratia, Non modò castum seruare animū purūque ab omni libidine, Deus præcipit, sed quālibet verborum obscœnitatem & externam lasciuiam prohibet. Huius legis obseruationi, etiam si nullus in mūdo homo viueret, cōscientia mea subiicitur. Ita qui se intēperanter gerit, non tantum eo peccat quòd malū exemplum præbet fratribus: sed cōscientiam reatu obstrictam habet apud Deum. Alia in rebus per se mediis est ratio. Abstinerere enim debemus siquod pariant offendiculū: sed libera cōscientia. Ita de carne idolis consecrata Paulus loquitur. Siquis iniiciat scrupulum (inquit) noli attingere, propter cōscientiam. Dico autem cōscientiam, non tuam, sed alterius. Peccaret homo fidelis, qui prius admonitus, eiusmodi carnem nihilominus ederet. Sed vtcunque fratris respectu necessaria illi sit abstinentia, vt à Deo præscribitur, non tamen cōscientiæ libertatem retinere desinit. Videmus vt lex ista externum opus ligans, cōscientiam solutam relinquat.

De Oratione, quæ præcipuum est fidei exercitium, & qua Dei beneficia quotidie percipimus.

CAP. XX.



His quæ hætenus disputata sunt, non obscurè perspicimus quàm sit homo bonorū omnium egenus ac inanis: vtque illi omnia desint salutis adiumenta. Quare si præsidia quærit quibus inopiæ suæ succurrat, extra se exeat oportet, & aliunde ea sibi comparet. Hoc postea nobis explicatum est, Dominum sese vltro ac liberaliter in Christo suo exhibere, in quo pro nostra miseria omnem foeli citatem, pro nostra inopia opulentiam offert, in quo cælestes thesauros nobis aperit, vt dilectum Filium suum tota fides nostra intueatur, ab ipso tota nostra expectatio pendeat, in ipso tota spes nostra hæreat & acquiescat. Hæc quidem secreta est absconditæque philosophia, & quæ syllogismis erui non potest: sed scilicet eam perdiscunt quibus oculos aperuit Deus, vt in suo lumine lumen videant. Postquā verò fide edocti sumus, agnoscere quicquid nobis necesse est, nobisque apud nos deest, id in Deo esse ac Domino nostro Iesu Christo: in quo scilicet omnē suæ largitatis plenitudinem Pater residere voluit, vt inde (velut ex vberissimo fonte) hauriamus omnes: superest vt in ipso quæramus, & ab ipso precibus postulemus quod in ipso esse didicimus. Alioqui scire Deum bonorum omnium dominum ac largitorem, qui nos ad se poscendum inuitet: ipsum verò nec adire, nec poscere adeò non prodesset, vt perinde id futurum sit ac si quis indicatum thesaurum, humi sepultū ac defossum, negligat. Proinde Apostolus, vt ostenderet otiosam à Dei inuocatione esse

non posse veram fidem, hunc ordinē posuit: Sicuti ex Euangelio nascitur fides, sic per eam ad inuocandum Dei nomen corda nostra formari. Atque hoc ipsum est quod aliquanto antè dixerat, Spiritum adoptionis, qui testimonium Euangelii cordibus nostris obsignat, Rom. 8. c. 16 erigere spiritus nostros vt vota sua exponere Deo audeant, excitare gemitus inenarrabiles, clamare cum fiducia, Abba, Pater. Hoc ergo postremum, quia obiter dūtaxat antè dictum & quasi leuiter attactum est, nunc fufius tractari conuenit.

2 Ergo id orationis obtinemus beneficio, vt ad eas quæ nobis apud cælestem Patrem repositæ sunt opes penetremus. Est enim quædam hominum cum Deo communicatio: qua sanctuarium cæli ingressi, de suis promissis illum coram appellant: vt quod verbo duntaxat annuenti crediderunt non fuisse vanum, vbi necessitas ita postulat experiantur. Itaque nobis proponi nihil videmus, à Domino expectandum, quod non & precibus iubeamur postulare. adeo verum est, oratione effodi thesauros, quos Euangelio Domini indicatos fides nostra intuita fuerit. Iam verò quàm necessaria sit & quot modis vtilis sit precandi exercitatio, nullis verbis satis potest explicari. Non abs re est profecto quòd cælestis Pater vnicum in sui nominis inuocatione salutis præsidium esse testatur, qua scilicet præsentiam & prouidentiam eius, per quam rebus nostris curandis aduigilet: & virtutis, per quam nos sustineat imbecilles & propè deficientes: & bonitatis, per quam miserè peccatis oneratos in gratiam recipiat, aduocamus: qua denique totum ipsum, vt se nobis præsentē exhibeat accersimus. Hinc eximia conscientiam nostris requies ac tranquillitas nascitur. siquidem necessitate, quæ nos premebat, Domino exposita, vel in eo abundè quiescimus, quòd illum nihil malorū nostrorum latet, quem & optimè nobis velle & optimè consulere posse persuasi sumus.

3 Sed enim, dicet quispiam, annon sine monitore etiam nouit & qua parte vrgeamur, & quid nobis expediat: vt superuacuum quodammodo videri queat ipsum precibus nostris sollicitari, perinde atque conuiuentem, aut etiam dormientem, donec voce nostra expergefactus fuerit? Verum qui sic ratiocinantur, quem in finem suos ad orandum intituuerit Dominus non animaduertunt. neque enim id tam sua ipsius, quam nostra potius causa ordinauit. Vult quidem, vt æquum est, sibi ius suum reddi, dum ei acceptum fertur quicquid expetunt homines, & sentiunt ad suam vtilitatem facere, idque votis testatum faciunt. Sed huius quoque sacrificii quo ipse colitur vtilitas ad nos redit. Itaque sancti patres quo Dei beneficia apud se & alios confidentius iactarunt, eo acrius ad precandum fuerunt incitati. Vnum Eliæ exemplum nobis satis erit, qui de consilio Dei certus, postquam regi Achab pluuiam nō temere pollicitus est, anxie tamē inter genua precatur, famulumque septem vicibus mittit ad explorandum: non quòd oraculo fidem abroget, sed quòd officii sui esse nouit, ne somnolenta vel torpida sit fides, sua desideria apud Deum deponere. Quare tametsi nobis ad miseras nostras stupidis & hebescentibus, ipse pro nobis vigilat & excubat, ac interdum quoque succurrit non rogatus: nostra tamen plurimum interest assidue ipsum à nobis implorari, vt serio ardentique eius semper quærendi, amandi, colendi desiderio cor nostrum inflammetur, dum assuescimus ad ipsum, velut ad sacram anchoram, in omni necessitate confugere. Deinde vt nulla cupiditas, nullumque omnino votum animum nostrum subeat, cuius ipsum testem facere pudeat: dum vota nostra omnia coram eius oculis sistere, adeoque totum cor effundere discimus. Tum vt ad beneficia eius vera animi gratitudine atque etiam gratiarum actione excipienda comparemur: quæ ab eius manu nobis prouenire nostra precatione admonemur. Adhæc quod petebamus consequuti, votis nostris ipsum respondisse persuasi, hinc ad meditandam eius benignitatem ardentius feramur: & simul maiori cum voluptate amplexemur quæ precibus agnoscimus fuisse impetrata. Postremò vt eius prouidentiam animis nostris pro imbecillitatis nostræ modo vsus ipse & experimentum confirmet: dum intelligimus ipsum non modò polliceri, se nunquam nobis defuturum, & aditum vltro ad se appellandum in ipso necessitatis articulo præfacere: sed manum semper habere extentam ad suos iuuandos: nec lassare eos verbis, sed præsentis ope tueri. Eas ob res clementissimus Pater, vtcunque nunquam vel dormiat vel torpeat, dormientis tamen torpētisque speciem plerumque præbet, quo ita ad se petendum, rogandum, flagitandum magno nostro bono nos, alioqui desides & ignauos, exerceat. Nimium ergo insulſe illi, qui, vt hominum animos ab oratione reuocent, Dei prouidentiam, rerum omnium custodiam excubantem, frustra nostris interpellationibus fatigari garriunt: quum non frustra Dominus contrā testetur se propinquum esse omnibus inuocantibus nomen suum in veritate. Nihilo secius est quod alii nugantur, superfluam esse eorum petitionem quæ vltro largiri paratus sit Dominus: quum ea ipsa, quæ à spon-

Psal. 34. c. 16

tanea eius liberalitate nobis fluunt, precibus nostris concessa velit agnosci. Quod testatur memorabilis illa sententia Psalmi, cui multæ similes respondent, Oculi Domini super iustos, & aures eius in preces eorum: quæ Dei prouidentiam sua sponte curandæ piorum salutis intentam sic commendat, ut tamen non prætereat fidei exercitium, quo abstergitur cordia ex hominum animis. Vigilantergo Dei oculi ut cæcorum necessitati subueniat: sed vult ipse vicissim audire nostros gemitus, quo suum erga nos amorem melius probet. Atque ita vtrumque verum est, non dormire neque dormire custodem Israelis, & tamē cessare quasi nostri oblitum, vbi nos torpentes ac mutos videt.

Psal. 111. 4

4 Porro rite probèque instituendæ orationis esto hæc prima lex, ut non aliter quàm eos decet qui ad Dei colloquium ingrediuntur, mente animoque compositi simus. Quod scilicet quantum ad mentem consequemur, si carnalibus curis cogitationibusque expedita, quibus à recto puroque Dei intuitu auocari aut deduci queat, non modò tota intendat se in precationem, sed etiam quoad fieri potuerit supra seipsam eleuetur ac feratur. Neque verò mentem hîc requiro ita explicitam ut nulla sollicitudine pungatur ac mordeatur: quum oporteat contra multa anxietate, orandi feruorem in nobis accendi (qualiter sanctos Dei seruos, ingentes cruciatus nedum sollicitudines videmus testari, quum è profunda abyssu atque è mediis mortis faucibus querulam se ad Dominum efferre vocem dicunt) sed alienas & extraneas omnes curas abigendas dico, quibus huc & illuc vaga ipsa mens circumferatur, & è cælo detracta in terram deprimatur. Supra se verò ipsam eleuari oportere intelligo, nequid eorum quæ cæca & stolidi nostra ratio commentari solet, in Dei conspectum proferat, nec se intra vanitatis suæ modulum constrictam teneat, sed ad puritatem Deo dignam assurgat.

5 Vtrumque notatu apprime dignum, ut quisquis se ad orandum comparat, illuc suos sensus studiæque applicet, neque (ut fieri solet) distrahatur erraticis cogitationibus: quia nihil magis contrarium Dei reuerentiæ quàm leuitas testis illa licentiæ nimium lasciui-entis & ab omni metu solutæ. Qua in re tanto enixius laborandum est quanto magis difficilem experimur. nemo enim sic intentus est ad precandum quin multas obliquas cogitationes obrepere sentiat, quæ orationis cursum vel abrumpant vel flexu aliquo ac diuerticulo morètur. Hîc verò nobis succurrat quàm indignum sit, vbi Deus nos ad familiare colloquium admittit, abuti tanta eius humanitate, sacra profanis miscendo, dum eius reuerentia mentes nostras sibi deuinctas non tenet: sed perinde ac si nobis sermo esset cum homine vulgari, inter orandum, omisso illo, huc vel illuc transuolamus. Sciamus ergo non alios rite probèque se accingere ad orandum, nisi quos afficit Dei maiestas, ut expediti terrenis curis & affectibus ad eam accedant. Adque id sibi vult ceremonia eleuationis manuum, ut meminerint homines se procul remotos esse à Deo, nisi sensus suos in sublime tollât. Sicut etiam dicitur in Psalmo, Ad te leuaui animam meam. Et sæpius hanc loquendi formam

Psal. 25. a. 1

vsurpat Scriptura, orationem tollere: ne in suis facibus desideant qui cupiunt à Deo exaudiri. Hæc summa sit, quo liberalius nobiscum Deus agit, comiter nos inuitans ut in sinum suum curas nostras exoneremus, minus nos esse excusabiles nisi tam præclarum & incomparabile eius beneficium rebus aliis omnibus apud nos præponderat, nosque ad se trahit, ut studia sensusque nostros ferio ad orandum applicemus. quod fieri non potest nisi mens cum impedimentis fortiter luctando sursum emergat. Alterum proposuimus, ne petamus

Psal. 61. c. 9

nisi quantum nobis Deus permittit. Et si enim iubet nos effundere corda nostra, non tamē stultis ac prauis affectibus indifferenter habenas laxat: & dum promittit se facturum secundum piorum voluntatem, non eousque procedit indulgentia, ut eorum arbitrio se submittat. Atqui in utroque passim grauiter delinquitur: neque enim modò temere sine fronte, sine reuerentia Deum plerique de suis ineptiis interpellare audet, & quicquid per somniū adlibuerit, ad eius tribunal impudenter proferre: sed tanta vel stoliditas vel stupiditas eos tenet, ut spurcissimas quasque cupiditates obtrudere Deo ausint, quarum conscios facere homines vehemèter pudeat. Audaciâ hanc riserunt atque etiâ detestati sunt quidam profani homines, vitiū tamen ipsum semper regnavit: atque hinc factū est ut ambitiosi Iouem sibi patronū asciscerent, avari Mercurium, Apollinē & Mineruâ doctrinæ cupidi, bellicosi Martem, Venerē libidinosi. Sicuti hodie (ut nuper attigi) maiorē licentiam illicitis suis cupiditatibus homines in precibus indulgēt, quàm si pares cum paribus iocose fabularētur. Atqui non patitur Deus suam facilitatem ita haberi ludibrio, sed ius suum sibi vèdicans, vota nostra suo imperio subiicit & freno coercet. ideo tenendum est illud Iohannis, Hæc est fiducia nostra, quod siquid petierimus secundum volūtatē eius, audit nos. Cæterum quia tantæ perfectioni longè abest quin pares sint facultates nostræ, querendum est remedium

1. Iohā. 5. c. 14

quod subueniat. Quemadmodū mentis acie in Deum intēdere conuenit, ita cordis affectū eodē sequi necesse est. Vtrūque verò longē infra subsistit, imò verius fatiscunt & deficiunt, aut in contrariū feruntur. Ideo vt huic imbecillitati succurat Deus, spiritū in precibus nobis dat magistru, qui dicet quod rectum est, atque affectus nostros moderetur. Quia enim quid orandū sit quēadmodū oportet nescimus, in subsidiū ille subit, & pro nobis interpellat gemitibus inenarrabilibus, nō quod ipse reuera vel precetur vel ingemiscat: sed fiduciam, vota, suspiria in nobis excitat, quibus concipiendis haudquaquā sufficerent naturæ vires. Neque abs re gemitus inenarrabiles Paulus vocat quos duce Spiritu emittūt fideles: quia non ignorant qui verē exercitati sunt in precibus, cæcis anxietatibus ita se perplexos constringi, vt vix reperiant quid profari expediat: imò dum conantur balbutire, impliciti hæsitant. vnde sequitur singulare esse rectē orandi donum. Hæc non eo dicuntur quod nos ipsi propriæ desidii fauentes, ad Dei Spiritum orandi prouinciam relegemus, & torpeamus in illa incuria ad quam plus satis sumus procliues: (qualiter impiæ quorūdam voces audiuntur, oscitāter esse expectandum donec ille mentes nostras alibi occupatas præueniat) sed potius vt nostram ignauia socordiamque pertæsi, tale Spiritus adminiculum expetamus. Nec verò Paulus quum iubet orare in Spiritu, ideo definit ad vigilantiam hortari: significās ita vigere Spiritus instinctum ad formandas preces, vt conatum nostrū minimē impediāt vel retardet: quoniam hac in parte vult Deus experiri quā efficaciter corda nostra impellat fides.

Rom. 8. c. 26

2. Cor. 14. c. 16

6 Esto & altera lex, vt rogando semper inopia nostram verē sentiamus, ac seriō cogitantes omnibus quæ petimus nos indigere, serium imò ardentem impetrādi affectum iungamus cum ipsa precatione. Multi enim defunctoriē preces ex formula recitant, ac si pēsū Deo soluerent: & quanquā fatentur necessarium suis malis remedium hoc esse, quia Dei ope quam implorant carere exitiale sit: apparet tamen hoc officio ipsos defungi ex more: quia interim frigent animi, neque expendunt quid postulent. Generalis quidem & confusus necessitatis suæ sensus illuc eos ducit: sed non eos sollicitat quasi in re præsentī, vt egestatis suæ leuamen petāt. Porro quid odiosius aut etiam Deo magis execrādum putamus hac fictione, vbi quis veniam peccatorum postulat, interim aut se peccatorem non esse cogitās, aut certē peccatorem esse non cogitās: nempe qua Deus ipse planē ludibrio habetur. Atqui eiusmodi prauitate, vt nuper dixi, refertum est hominum genus, vt defungēdi causa per multa sæpe flagitent à Deo quæ citra eius beneficentiam aut sibi aliunde euenire, aut iam apud se residere pro certo iudicant. Aliorum leuius delictum esse videtur, sed neque ipsum tolerabile: vt preces sine meditatione demurmurēt qui tātū hoc principio imbuti sunt, votis litandum esse Deo. Piis autem maximē cauendum ne vnquam prodeant in conspectum Dei quicquam postulaturi, nisi quod & serio animi affectu exardescunt, & ab ipso simul obtinere cupiunt. Quinetiam tametsi in iis quæ in Dei gloriam duntaxat petimus, non videmur primo intuitu necessitati nostræ consulere, ea tamen non minori desiderii feruore & vchementia peti conuenit. Vt quum poscimus nomen eius sanctificari, ardentem (vt ita dicam) esurienda & sitienda est illa sanctificatio.

7 Si quis obiciat, non semper æquali necessitate vrgeri nos ad precandū, fateor id quidem: atque hæc distinctio nobis ab Iacobo vtiliter traditur, Tristatur quis inter vos? oret. qui letus est, canat. Ergo dicat ipse communis sensus, quia nimium pigri sumus, prout res exigit, nos acrius à Deo pungi ad strenuē orandū. Et hoc tempus opportunum nominat Dauid: quia (sicuti pluribus aliis locis docet) quo nos durius premunt molestiæ, incōmoda, timores, aliæque species tentationum, ac si nos Deus ad se accerferet, liberior patet accessus. Interea non minus verum est illud Pauli, omni tēpore orandum esse: quia vtcunque ex animi nostri sentētia res prosperē fluant, & vndique nos circundet lætitiæ materia, nullum tamen est punctum temporis quo nos ad precandū inopia nostra non hortetur. Abundat quispiam vino & tritico: quando buccella panis nisi assidua Dei gratia frui nō potest, non impediēt cellæ vel horrea quominus panem quotidianum postulet. Iam si reputemus quot singulis momentis discrimina immineant, nullum ab orando immune nobis esse tempus docebit metus ipse. Hoc tamen in spiritualibus melius licet cognoscere. Quando enim tot peccata, quorum nobis sumus conscii, nos securos cessare sinēt quin suppliciter & culpam & pœnam deprecemur? Quando nobis tentationes inducias concedūt quin ad auxilium properemus? Adhæc regni Dei & gloriæ studium non per interual- la, sed assiduē nos rapere ad se ita debet vt eadem semper nos maneat opportunitas. Ergo non frustra toties nobis præcipitur orandi assiduitas. Nondum de perscuerantia loquor, cuius postea fiet mentio: sed Scriptura assiduē orādum admonēs, socordiam nostrā coar-

Iacob. 5. c. 17

Psalm. 32. b. 6

Ephes. 6. c. 18

guit: quia non sentimus quàm necessaria sit nobis hæc cura & sedulitas. Hac regula hypocrisis & Deo mētiendi calliditas ab oratione arcetur, imò longè abigitur. Promittit Deus se propinquum fore omnibus qui inuocauerint eum in veritate, & inuenturos denuntiat qui quæsierint in toto corde. eò minimè aspirant qui sibi placent in suis sordibus. Itaque pœnitentiam legitima oratio postulat. Vnde illud tritum in scripturis, Deum sceleratos non exaudire, & preces eorum esse execrabiles, sicuti & sacrificia: quia æquū est vt Dei aures clausas inueniāt qui obserant corda sua, nec Deum flexibilem sentiant qui sua duritie prouocāt eius rigorem. Apud Iesaiam minatur in hūc modum, Quum multiplicaueritis preces vestras, non exaudia: manus enim vestræ sanguine plenæ sunt. Item apud Ieremiā, Clamaui, & renuerunt audire: clamabūt ipsi vicissim, & non audiam. quia summi probri loco ducit, iactari fœdus suum ab improbis, qui sacrum eius nomē tota vita polluūt. Vnde apud Iesaiam conqueritur, quum labiis ad se Iudæi accedāt, cor eorum esse lōgè remotum. Non restringit quidem hoc ad solas preces: sed fictionem in singulis cultus sui partibus se abominari asserit. Quò pertinet illud Iacobi, Petitis, & nō accipitis: quia malè petitis, vt in voluptates vestras insumatis. Verum quidem est (vt paulo pōst iterum videbimus) non inniti dignitati piorum quas fundunt preces: non tamen superuacua est Ioannis admonitio, Siquid petierimus, accipiemus ab eo, quia præcepta eius seruamus: quandoquidē mala conscientia ianuam nobis claudit. Vnde sequitur nec rite precari, nec exaudiri nisi synceros Dei cultores. Displiceat igitur sibi in suis malis quisquis se ad orandum comparat: & (quod sine pœnitentia fieri non potest) induat mendici personam & affectum.

8 Huc & tertia accedat, vt omni propriæ gloriæ cogitatione se abdicet, omnem dignitatis opinionem exuat, omni denique sui fiducia decedat quisquis se coram Deo sistit precandi causa, dans in abiectione sui gloriam Deo in solidum. ne siquid, vel minimum, arrogemus nobis, cum inani nostra inflatione ab eius facie concidamus. Huius summissio- nis, quæ omnem altitudinem prosternt, frequentia exempla in Dei seruis habemus: quorum vt quisque est sanctissimus, ita quum in Domini conspectum prodit, plurimum prosternitur. Sic Daniel, quem tanto elogio Dominus ipse commēdauit, Non in iustitiis nostris, dicebat, coram te fundimus preces: sed in misericordiis tuis magnis. Exaudi nos Domine, Domine propitius sis nobis. Exaudi nos, & fac quæ petimus, propter temetipsum: quia inuocatum est nomen tuum super populum tuum, & super locum sanctum tuum. Neque verò obliqua figura, vt fieri solet, quasi vnus è populo se turbæ permiscet, quin potius seorsum reatum fatetur, supplēxque ad veniæ asyllum confugit: sicuti disertè pronunciat, Quum ego cōfessus essem peccata mea & populi mei. Hanc quoque humilitatem suo exemplo præscribit Dauid, Ne intres in iudicium cum seruo tuo: quia non iustificabitur in conspectu tuo omnis viuens. Tali forma precatur Iesaias, Ecce tu iratus es, quia peccauimus: in viis tuis fundatum est seculum, ideo seruabimur. Et fuimus omnes repleti immunditia: & quasi pannus fœdatus, omnes iustitiæ nostræ. & emarcuimus nos omnes quasi folium, & iniquitates nostræ quasi ventus dispergunt nos. Et non est qui inuocet nomen tuum: qui se excitet vt apprehendat te. Quoniam abscondisti faciem tuam à nobis, & tabescere nos fecisti in manu iniquitatis nostræ. Nunc igitur Domine, tu es pater noster, nos sumus lutum: tu es formator noster, & nos sumus opus manus tuæ. Ne irascaris Domine, neque in æternum recorderis iniquitatis. En respice, agedum, nos omnes sumus populus tuus. Vide vt nulla prorsus fiducia nitantur nisi hac vna quòd se Dei esse cogitantes, illi se fore curæ non desperant. Non secus Ieremias, Si iniquitates nostræ responderint contra nos, fac propter nomen tuum. Verissimè enim simul ac sanctissimè scriptum est (à quocūque tandem sit) quod ab incerto authore scriptum, Prophetæ Baruch tribuitur, Anima tristis & desolata super magnitudine mali, curua, & infirma, anima famelica, & oculi deficientes dant tibi gloriam Domine. Non secundum iustitias patrum fundimus præces in conspectu tuo, & coram facie tua petimus misericordiam, Domine Deus noster: sed quia tu es misericors, miserere nostri, quia peccauimus coram te.

9 Denique rite precādi initium atque etiam præparatio est veniæ deprecatio cum humili & ingenua culpæ confessione. Neque enim sperandum est vt quicquam à Deo impetret vel sanctissimus quisque, donec gratis reconciliatus ei sit: nec fieri potest vt aliis Deus sit propitius nisi quibus ignoscit. Vnde non mirum si hac claue ianuam sibi fideles aperiant ad orandum. quod ex compluribus Psalmorum locis discimus. Dauid enim aliud postulans dicit, Peccatorum iuuentutis meæ & transgressionum mearum ne memineris. secundum misericordiam tuam reminiscere mei propter bonitatem tuam Domine. Item, Re-

Iesa. 1. d. 15

Iere. 11. a. 7. 8.
& b. 11

Iesa. 29. d. 13

Iacob. 4. a. 3.

1. Iohā. 3. d. 21

Dan. 9. c. 18

Ibidem, 20

Psal. 143. a. 2

Iesa. 64. b. 5

Iere. 14. a. 7

Baruch 1. d. 18

Psal. 25. b. 6

Ibidem, d. 18

spice afflictionem meam & laborem meum, & remitte omnia peccata mea. Vbi etiam videmus non satis esse si in singulos dies pro recentibus peccatis nos ad calculum vocemus, nisi in memoriam nobis redeant quibus obliuio pridem inducenda videri poterat. Nam & idem Propheta alibi scelus vnum graue confessus, hac occasione vsque ad vterum matris reuoluitur, in quo iam labem contraxerat: non vt culpam ex naturæ corruptela extenuet, sed vt totius vitæ peccata accumulās, quo seuerior est in se damnando, magis exorabile Deum reperiatur. Erst autem non semper expressis verbis peccatorum remissionem postulāt sancti, si tamen diligenter expendimus quas Scriptura refert eorum preces, facile quod dico occurret, orandi animum sumpsisse ex sola Dei misericordia, atque ita semper exordium fecisse ab eo placando: quia si quisque suam conscientiam interroget, tātum abest vt audeat familiariter curas suas apud Deū deponere, vt ad omnē accessum trepidet, nisi misericordia & venia fretus. Est quidem & alia specialis confessio, vbi pœnarū leuationem optant, vt simul orent peccata sibi ignosci: quia absurdum esset effectum tolli velle, manente causa. Cauendum enim est ne stultos ægrotos imitemur, qui de curandis tantum accidentibus solliciti, radicē ipsam morbi negligūt. Quin prius danda opera est vt nobis propitius sit Deus quàm vt fauorem suum externis signis testetur: quia & hunc ordinem tenere vult ipse, & parum nobis prodesset eum habere beneficium, nisi conscientia placatum sentiens, penitus amabilem nobis redderet. Quod etiam monemur Christi responso: nam quum paralyticum sanare decretū esset, Remittitur (inquit) tibi peccata tua: erigēs animos scilicet ad id quod præcipue optandum est, vt nos in gratiam recipiat Deus: deinde fructum reconciliationis in ope nobis ferenda proferat. Cæterum præter specialem illam præsentis reatus cōfessionem, qua fideles pro impetranda cuiusque culpæ & pœnæ venia supplicant, generalis illa præfatio, quæ conciliat precibus fauorē, nunquā omittenda est: quia nisi in gratuita misericordia fundatæ nunquā Deū exorabunt. Quod referri potest illud Iohannis, Si confiteamur peccata nostra, fidelis est & iustus vt nobis remittat, & nos emundet ab omni iniquitate. Vnde preces sub Lege sanguinis expiatione cōsecrari oportuit, vt acceptæ essent, atque ita cōmonefieret populus se tanta honoris prærogatiua indignum esse, donec à suis inquinamentis purgatus, ex sola Dei misericordia conciperet precandi fiduciam.

10 Quod autem propriæ iustitiæ suffragium interdum ad exorandum Deum citare sancti videntur (vt quum Dauid dicit, Custodi animā meam, quia bonus sum. Item Ezechias, Recordare Domine obsecro, quod ambulaui coram te in veritate, fecique in oculis tuis bonum) talibus loquendi formulis nihil sibi aliud volūt quàm ex ipsa regeneratione, seruos Dei se ac filios testari, quibus ipse fore se propitium recipit. Per Prophetā docet (vt iam visum est) oculos suos super iustos esse, aures suas in preces eorum. Rursus per Apostolū, nos impetraturos quicquid petierimus, si mandata sua obseruemus. Quibus sententiis pretium orationi non statuit ab operum meritis: sed ita stabilire vult eorum fiduciam qui sibi non fucatæ integritatis & innocentiae probè consciū sunt, quales oportet esse fideles vniuersos. Siquidem ex ipsa Dei veritate sumptum est quod dicit apud Iohānem cæcus illuminatus, non exaudiri à Deo peccatores: si peccatores modò recepto Scripturæ vsu intelligimus, qui citra iustitiæ desiderium toti suis peccatis indormiunt & acquiescunt: quando nullum cor in sinceram Dei inuocationem vnquam prorumpet quod non simul ad pietatem aspi-ret. Talibus ergo promissis respondent sanctorum obtestationes, quibus suæ vel puritatis vel innocentiae mentionem iniiciunt, quod sibi exhiberi sentiant quod est omnibus Dei seruis expectandum. Deinde tum fere vsi reperiuntur hoc precationis genere dum se coram Domino cum suis hostibus comparant, è quorum iniquitate eius manu vindicari optarunt. In hac verò comparatione mirum non est si iustitiam suam & cordis simplicitatem protulerunt, quo ex causæ ipsius æquitate magis ad ferendas sibi suppetias Dominū permouerent. Id ergo boni pio pectori non præripimus, quin suæ puritatis cōscientia coram Domino fruatur ad se confirmandum in promissionibus quibus veros suos cultores Dominus solatur & fulcit: sed impetrandi fiduciam, deposita proprii meriti cogitatione, sola Dei clementia subniti volumus.

11 Quarta demū, vt ita prostrati & subacti vera humilitate, nihilominus certa spe exorandi adorandum animemur. Res quidē in speciem contrariæ, cum sensu iustæ vltionis Dei cōiungere certam fiduciam fauoris: quæ tamen inter se optimè cōueniunt, si propriis malis oppressos sola Dei bonitas erigat. Sicuti enim antè docuimus pœnitentiam & fidem socias esse inseparabili vinculo simul connexas, quarum tamē altera nos terret, altera exhilarat: ita in precibus mutuò eas occurrere oportet. Atque hunc consensum paucis verbis exprimit Dauid, Ego, inquit, in multitudine bonitatis tuæ ingrediar domum tuam: adorabo

in templo Sanctitatis tuæ cum timore, Sub Dei bonitate fidē complectitur timorem interea non excludens: quia non tantum eius maiestas ad reuerentiam nos cogit, sed propria etiam indignitas omnis superbix & securitatis oblitus sub metu nos cōtinet. Fiduciam verò non intelligo, quæ solutam omni anxietudinis sensu mentem suavi & perfectæ quiete demulceat. nam ita placidè acquiescere, eorum est qui rebus cunctis ex voto fluētibus, nulla tanguntur cura, nullo desiderio vruntur, nullo timore æstuant. Optimus autem ad inuocationem Dei stimulus sanctus est, dum necessitate sua districti summa irrequietudine vexantur, & tantum non exanimantur in seipsis, donec opportunè fides succurrit: quia inter tales angustias ita ipsis affulget Dei bonitas, vt præsentium quidem malorum grauitate fatigati gemant, maiorum etiam timore laborent & crucientur, illa tamen freti, & tolerantix difficultatem subleuent ac solentur, & exitum liberationemque sperent. Ex vtroque ergo affectu emergat pii hominis oratio conuenit, vtrunque etiam contineat & repræsentet: nempe vt malis præsentibus ingemat, & à nouis sibi anxie timeat: tamen confugiat simul ad Deum, minimè dubitās quin auxiliarem ille manum porrigere sit paratus. Mirum enim quàm diffidentia nostra irriteretur Deus, si poscamus à se quam non expectamus beneficentiam. Itaque nihil magis consentaneum precationum naturæ quàm legem hanc illis præscribi & statui, ne temere prorumpant, sed fidem præeuntem sequantur. Ad hoc principium nos omnes Christus vocat, hac sententia, Dico vobis, quæcunque petitis, credite vos accepturos, & eueniēt vobis. Idem & alibi cōfirmat, Quicquid petieritis in oratione credētes, &c. Cui cōcinit Iacobus, Si quis indiget sapiētia, postulet ab eo qui dat omnibus simpliciter, nec exprobrat: postulet autē in fide, nihil hæsitās. Vbi hæitationi fidē opponēs, vim eius aptissimè exprimit. Non minus etiā notandū quod addit, nihil proficere qui Deū perplexi & dubii inuocāt, nec statuūt in animis suis exaudiendi sint nec ne. Quos etiā fluctibus cōparat qui variè mouētur à vëto & circūferūtur Vnde alibi orationē fidei pro legitima nūcupat. Deinde quū Deus secundū suā cuique fidē se daturū toties affirmet, citra fidem nihil cōsequi nos posse innuit. Denique fides est quæ impetrat quicquid orādo conceditur. Id sibi vult celebris illa Pauli sententia, ad quam inspidi homines parū attendūt, Quomodo inuocabit quispiam in quem non credidit? quis autem credet nisi audierit? Fides autem ex auditu, auditus ex verbo Dei. Nam precandi exordium ex fide gradatim deducens, apertè contendit non posse Deum ab aliis syncerè inuocari, nisi quibus Euangelii prædicatione clementia eius & facilitas innotuerit, imò familiariter fuerit exposita.

12 Hanc necessitatem minimè cogitant aduersarii nostri, Itaque quum certa animi fiducia fideles iubemus statuere, Deum sibi propitium esse ac beneuolum, rem omnium absurdissimam dicere nos putant. Atqui si vllum veræ precationis vsum haberent, intelligerent profecto, sine firmo illo diuinæ beneuolentiæ sensu, non posse Deum rite inuocari. Quum verò fidei vim bene perspicere nemo queat nisi qui experimento eam in corde suo sentit: quid cum eiusmodi hominibus disputando proficias, qui apertè ostendunt nihil se vnquam præter vanam imaginationem habuisse? Quid enim valeat & quàm necessaria sit illa, quam requirimus certitudo, ex inuocatione potissimum discitur. quod qui non videt valde, stupidam habere se cōscientiam prodit. Nos igitur, omisso hoc cæcorum genere, defixi in illa Pauli sententia hæreamus, non posse ab aliis inuocari Deum nisi qui eius misericordiam ex Euangelio cognitā habēt, & eam sibi paratā esse certò persuasi sunt Qualis enim erit ista oratio: O Domine, ego quidem an exaudire me velis dubius sum: sed quia anxietate premor, ad te confugio, vt si dignus sum mihi succurras. Non ita soliti sunt omnes sancti, quorum orationes in Scripturis legimus. Nec ita nos instituit per Apostolum Spiritus sanctus, qui iubet nos adire ad thronum cælestem cum fiducia, vt gratiā consequamur: & quum alibi docet nos habere audaciam & aditum in fiducia per fidem Christi. Hanc ergo obtinendi quod petimus securitatem (quam & sua voce Dominus mandat, & omnes sancti exemplo suo docent) vtraque manu tenere nos oportet, si cum fructu orare volumus. Ea enim demum accepta Deo est oratio quæ ex tali, vt ita loquar, præsumptione fidei nascitur, & intrepida spei certitudine fundata est. Poterat simplici fidei nomine esse contentus: atqui non modo fiduciam addidit, sed eam quoque instruxit libertate vel audacia, vt hac nota discerneret à nobis incredulos, qui Deum promiscuè quidem nobiscū orāt, sed fortuitò. Qua ratione tota Ecclesia in Psalmo orat: sit misericordia tua super nos, quemadmodum sperauimus in te. Eadem etiam cōditio alibi ponitur à Propheta, Quo die clamaui, hoc scio quòd Deus mecum. Item, Mane disponam tibi, & speculabor. Ex his enim verbis elicimus preces in aerem frustra proiici, nisi spes sit annexa, vnde velut è specula Deum quieti expectemus. Quibus conuenit series Paulinæ exhortationis. nam ante-

Mat. 11. c. 24

Matth. 21. b. 22

Iacob. 1. a. 5

Iacob. 5. c. 15

Rom. 10. c. 14

Hebr. 4. d. 16

Ephes. 3. c. 12

Psal. 33. d. 22

Psal. 56. b. 10

Psal. 5. a. 5

quam fideles ad precandum in spiritu sollicitet omni tempore cum vigilantia & assiduitate, in primis iubet assumere scutum fidei, galeam salutis, & gladium spiritus, quod est verbum Dei. Memoria porro hinc repetat lectores quod antè dixi, minimè labefactari fidem; vbi cum miseriam, egestatis, sordiumque nostrarum agnitione connectitur. Quantumvis enim graui scelerum mole premi se vel laborare sentiant fideles, nec modò rebus omnibus vacuos quæ fauorem conciliare apud Deum queant, sed oneratos multis noxis quæ cum meritò formidabilem reddant: non tamen desinunt se offerre, neque terret eos hic sensus quominus ad ipsum se conferant: quādo non alius est ad eum ingressus. Neque enim instituta est oratio qua nos arroganter coram Deo efferamus, aut quicquam nostrum magno æstimemus, sed qua reatum nostrum confessi, ærumnas nostras apud eum depleamus: quemadmodum filii apud parentes familiariter querelas suas deponūt. Quin potius immensa malorum nostrorum cōgeries calcaribus vel stimulis referta esse debet quæ nos ad precādum incitent. qualiter etiā nos suo exemplo docet Propheta, Sana animā meam, quia peccaui tibi. Fateor quidem in iis aculeis mortiferas fore punctiōnes nisi Deus succurreret: verūm pro incomparabili sua indulgentia optimus Pater tempestiuum remediū addidit, quo perturbationem omnem sedans, curas leniens, metus abstergens, comiter nos ad se alliceret, imò scrupulos omnes tollens, nedum obstacula, facilem viam sterneret.

Ephes. 6. c. 16.

Psal. 41. a. 3.

13 Ac primò quidem orare nos iubens, ipso præcepto nos coarguit impiæ contumaciæ, nisi obsequimur. Nihil magis præcisè mandari poterat quàm quod habetur in Psalmo, Inuoca me in die tribulationis. Sed quia inter pietatis officia nullum frequentius commendat Scripturæ, non est quòd longius hinc immorer. Petite (inquit magister) & accipietis: pulsate, & aperietur vobis. Quanquā hinc præcepto adiungitur etiam promissio, vt necesse est. etsi enim præcepto esse obediendum fatentur omnes, maior tamen pars refugeret Deum vocātem, nisi se exorabilem adeoque obuuium fore promitteret. His quidē duobus positis, certum est quicumque tergiuersantur ne rectā ad Deum veniant, non modò esse rebelles & immorigeros, sed etiā incredulitatis cōuinci: quia promissionibus diffidunt. Quod eo magis notandum est, quia hypocritæ, humilitatis & modestiæ prætextu, tam superbè contemnunt Dei præceptum, quàm fidem benignæ inuitationi abrogāt: imò eum fraudant præcipua cultus sui parte. Nam vbi sacrificia repudiauit in quibus tunc videbatur sita esse tota sanctitas, hoc summum esse & sibi præ aliis pretiosum declarat, inuocari in die necessitatis. Quare vbi quod suum est exigit, & ad parendi alacritatē nos animat; nulli sunt tā speciosi dubitandi colores qui nos excusent. Quæcūque ergo passim occurrūt in Scripturis testimonia quibus nobis præcipitur Dei inuocatio, totidem ante oculos nostros figuntur vexilla quæ nobis fiduciam inspirent. Temeritatis esset prorumpere in Dei conspectum, nisi ipse anteuerteret nos vocando. itaque viam nobis sua voce patefacit: Dicā illis, Populus meus vos: dicent mihi, Tu Deus noster. Videmus vt cultores suos proueniat, velitque subsequi, ideoque timendū non esse ne parum suaui sit hæc melodia quā ipse dicat. Insigne præsertim illud Dei elogium nobis in mentem veniat, quo freti omnia obstacula nullo negotio superabimus, Tu Deus exaudiens precationem: ad te vsque omnis caro veniet. Quid enim magis amabile vel blandum quàm Deum hoc titulo indui, qui certiores nos reddat nihil magis esse naturæ eius proprium quàm supplicum votis annuere: Hinc ianuam patere colligit Propheta non paucis sed cunctis mortalibus: quia etiā omnes hac voce compellat, Inuoca me in die afflictionis: eruam te, & glorificabis me. Secundum hanc regulam Dauid promissionem sibi datam obiicit, vt obtineat quod petit. Tu Deus reuelasti in aurem serui tui: propterea inuenit seruus tuus cor suum vt oraret. Vnde colligimus pauidum fuisse nisi quatenus eum promissio erexerat. Sic alibi generali doctrina se instruit, Voluntatem timentium se faciet. Imò hæc in Psalmis animaduerte re licet, quasi abrupto orandi contextu transitum fieri nunc ad Dei potentiam, nūc ad bonitatem, nunc ad fidem promissionum. Videri posset intempestiuè Dauid sententias illas inferēs, preces mutilas reddere: sed vsu & experientia compertum habent fideles languescere ardorem nisi adhibeant noua fomenta: ideoque minimè inter precandum superuacua est tam naturæ Dei quàm verbi meditatio. Atque ita exēplo Dauidis inferere ne pigeat quæ languidos animos nouo vigore reficiant.

Psal. 50. c. 15.
Matth. 7. b. 7.

Zach. 13. c. 9.

Psal. 65. a. 3.

Psal. 50. f. 15.

2. Sam. 7. d. 27.

Psal. 145. d. 19.

14 Ac mirum est tanta promissionum dulcedine vel frigidè vel nullo ferè modo nos affici vt per ambages vagando bona pars malit relicto aquarum viuientium fonte sibi fodere aridas cisternas, quàm Dei liberalitatem vltro sibi oblatam amplecti. Arx inexpugnabilis nomen Domini, (inquit Solomo) ad eam confugiet iustus, & seruabitur. Ioel verò, postquam de horribili quæ instabat clade vaticinatus est, memorabilem illam sententiā

Prou. 18. b. 10.

- Iocel. 2. g. 32. subicit, Quisquis inuocauerit nomen Domini, saluus erit: quā scimus propriè ad cursum
 • Euangelii spectare. Vix centesimus quisque mouetur, vt in occursum Deo prodeat. Cla-
 Iesa. 65. d. 24. mat ipse per Iesaiam, Inuocabitis me, & exaudiam vos. Imò antequam clameris responde-
 bo vobis. Hoc quoque eodē honore alibi totam Ecclesiam communiter dignatur: sicuti ad
 Psal. 91. d. 15. omnia Christi membra pertinet. Clamauit ad me, exaudiam eum: cum ipso sum in tribu-
 latione, vt eripiam eum. Neque tamen (vt iam dixi) locos omnes numerare propositum est:
 sed eximios quosque deligere, ex quibus gustemus quā humaniter ad se nos Deus alliciat,
 & quā arctis vinculis constricta sit nostra ingratitude, vbi inter tam acres stimulos adhuc
 Psal. 145. d. 18. pigritia nostra cunctatur. Quare in auribus nostris semper resonent hæ voces, Propè est Do-
 minus omnibus inuocantibus se, inuocantibus in veritate. Item quas ex Iesaiā & Ioele cita-
 uimus: quibus affirmat Deus se intentum esse ad exaudiendas preces, adeoque oblectari
 quasi grati odoris sacrificio, vbi curas nostras in ipsum coniciamus. Hunc singularem per-
 cipimus promissionum Dei fructum, vbi non dubitanter & trepidè cōcipimus preces: sed
 eius verbo freti cuius nos alioqui terreret maiestas, audemus eum inuocare Patrem, quan-
 do hoc suauissimum nomen suggerere nobis dignatur. Restat vt talibus inuitamentis præ-
 diti, sciamus inde satis esse nobis materiæ ad exorandum: quando preces nostræ nullo me-
 rito nituntur, sed tota earum dignitas & spes impetrādi fundata est in Dei promissionibus,
 atque ab eis pendet: vt neque indigeat alia fultura, neque sursum huc vel illuc circumspi-
 ciat. Ita que cum animis nostris statuendum est, etiamsi non excellimus pari sanctitate quæ
 laudatur in sanctis patribus, Prophetis & Apostolis, quia tamen commune est nobis o-
 randi præceptum & communis fides, si verbo Dei innitimur, nos in hoc iure eorum esse
 socios. Deus enim (vt antè visum est) se facilem ac propitium omnibus fore denuntians,
 miserrimis quibusque spem obtinendi quod petierint, facit. atque ideo notandæ sunt
 generales formæ, quibus nemo (vt vulgò dicunt) à primo ad vltimum excluditur: tan-
 tum ad sit cordis sinceritas, displicentia nostri, humilitas, & fides: ne hypocrisis nostra Dei
 nomen fallaci inuocatione profanet: non respuet optimus Pater, quos non modò ad se
 2. Sam. 7. d. 17. venire hortatur, sed quibuscunque potest modis sollicitat. Hinc illa precandi ratio Davi-
 dis quam nuper recitauimus, En pollicitus es Domine seruo tuo: eam ob rem colligit animum
 hodie seruus tuus, & inuenit quod oraret coram te. Nunc ergo Domine Deus, tu es Deus,
 Psal. 119. 76 & verba tua vera erunt. Loquutus es seruo tuo de his beneficiis. incipe ergo & fac. Sicut e-
 tiam alibi, Præsta seruo tuo secundum eloquium tuum. Et omnes simul Israelitæ, quoties
 se fœderis recordatione muniunt, satis declarāt non esse timidè orandū, vbi Deus ita præ-
 Gen. 32. c. 10. scribit. atque in hoc imitati sunt Patrum exempla, præsertim Iacobi, qui post quam con-
 fessus est se minorem esse tot misericordiis quas susceperat è manu Dei, ad maiora tamen
 postulanda se animari dicit, quia Deus se facturum promiserat. Quosunque verò colores
 obtendāt increduli, vbi ad Deum non confugiunt quoties vrget necessitas, ipsum non re-
 quirunt, nec eius opem inplorant, non aliter defraudant eum legitimo honore, quā si
 fabricarent sibi novos Deos & idola: siquidem hoc modo Deum sibi bonorum omnium
 autorem esse negant. Contrā nihil validius ad pios omni scrupulo liberandos, quā ar-
 mari hac cogitatione, non esse cur vlla remora impediat dum morè gerunt Dei mādato,
 qui obedientia nihil sibi gratius esse pronuntiat. Hinc rursus quod prius dixi clarius elu-
 cescit, probè cum metu, reuerentia, sollicitudine quadrare intrepidum precandi spiritum,
 neque verò absurdum esse si prostratos Deus erigat. Hoc modo bellè inter se consentiunt
 quæ in speciem repugnant loquendi formæ. Dicunt Ieremias & Daniel se prosternere pre-
 ces coram Deo. Alibi Ieremias, Cadat oratio nostra in cōspectu Dei, vt misereatur residuæ
 Dan. 9. c. 18. plebis suæ. Rursus sæpe fideles dicuntur orationem leuare. Sic loquitur Ezechias, Prophetā
 2. Re. 20. b. 10. rogans vt intercedendi vices suscipiat. Et Dauid precem suam ascendere cupit sicuti incē-
 Psal. 141. a. 2. sum. Nempe quanuis de paterno Dei amore persuasi in eius fidem se alacriter conferant,
 nec dubitent quam vltro opem promittit implorare: non tamen supina eos quasi proiecta
 fronte securitas attollit, sed ita per gradus promissionum sursum ascendunt, vt tamen sup-
 plices maneant in sui deiectione.
 15 Hic non vna obiicitur quæstio: nam Scriptura refert votis quibusdā Deum morè ges-
 fisse, quæ tamen ex animo minimè sedato vel composito eruperant. Iusta quidem de cau-
 Iudic. 9. c. 20. sa. Ioatham incolas Sichem cladi quæ postea superuenit deuouerat: sed tamē feruore ira-
 cundia & vltionis accensus morem execrationi gerens Deus, videtur impetus malè ordi-
 Iudic. 16 g. 23. natos probare. Talis etiam feruor Samsonem rapuit, quum diceret, Robora me Deus vt
 sumam vltionem de incircuncisis. Etsi enim aliquid fuit probi zeli admixtum, feruida ta-
 men atque ideo vitiosa cupiditas vindictæ illic dominata est. Annuit Deus. Vnde colligi

posse videtur, quanuis ad verbi præscriptum formatae non sint preces, effectum tamen cōsequi. Respōdeo, singularibus exemplis non aboleri perpetuam legem: deinde speciales interdum motus inditos paucis hominibus fuisse, quibus factum est vt dissimilis illorum esset atque vulgi ratio. Notandum est enim responsum illud Christi, quum discipuli exemplū Eliæ inconsideratē æmulari cuperent, eos nescire quo spiritu essent præditi. Caterum vltà progredi necesse est, nō semper placere Deo vota quibus annuit: sed quatenus ad exemplum pertinet, claris documentis palam fieri quod Scriptura docet, eum scilicet miseris succurrere, & eorum exaudire gemitus qui iniuste afflictī opem eius implorant: ideo exequi sua iudicia, d m ad eum surgunt inopum querimoniae, quanuis indignae quæ tantillum impetrent. Quoties enim de impiorum sauitia, rapinis, violentia, libidine aliisque sceleribus poenas fumens, compescens audaciam & furorem, tyrannicam quoque potentiam euertens, indignè oppressis se opem ferre testatus est, qui tamen incertum numen orando aerem verberabant? Et Psalmus vnus clarè docet non carere effectu preces quæ tamen fide in cælum non penetrant. Colligit enim quas incredulis non minus quàm piis necessitas extorquet preces ex naturæ sensu: quibus tamē Deum propitium esse ex euentu demonstrat. An quia tali facilitate grata sibi esse testetur? imò vt suam misericordiam amplificet vel illustret hac circumstantia, quod ne incredulis quidem negantur sua vota: deinde vt probos suos cultores ad orandum magis extimulet, dum vident profanos eiulatus non carere interdum profectu. Non tamen est cur fideles desistant à lege sibi diuinitus imposita, vel inuideant incredulis, quasi magnū lucrum fecerint, vbi adepti sunt quod volebant. Hoc modo diximus flexum fuisse Deum ficta poenitentia Achab, vt hoc documento probaret quàm sit exorabilis erga suos electos, vbi ad ipsum placandum vera affertur conuersio. Ideoque in Psalmo cum Iudæis exoptulat, quod experti ipsum votis suis facilem, ad ingenii sui peruiaciam paulo post reuersi sint. Quod etiam ex Iudicū historia liquidò patet, quoties scilicet fleuerunt, etsi fallaces erant eorum lachrymae, fuisse tamen ereptos ex hostiū manibus. Sicut ergo promiscuè Deus solem suum producit super bonos & malos: ita nec fletus eorum contemnit quorum iusta est causa, & auxilio dignæ ærumnae. Interea non magis hos in salutem exaudit, quàm bonitatis suæ contemptoribus alimenta suppeditat. Difficilior videtur esse quæstio de Abrahamo & Samuele: quorū alter nullo Dei verbo instructus pro Sodomitis, alter etiam contra manifestam prohibitionem pro Saule orauit. Eadē ratio Ieremiæ, qui vrbs excidium deprecatus est. quāuis enim repulsam passi fuerint, duru tamen videtur eos fide priuare. Atqui solutio hæc modestis lectoribus, vt spero, satiffaciet: generalibus principiis fultos, quibus iubet Deus indignos quoque misericordia prosequi, non prorsus fide caruisse, quāuis in ipsa specie frustrata eos fuerit opinio. Prudenter alicubi Augustinus, Quomodo (inquit) fide orant sancti, vt petant à Deo cōtrā quàm decreuit? nempe quia secundum voluntatem eius orant, non illam absconditam & incommutabilem, sed quam illis inspirat, vt eos exaudiat alio modo. sicut prudenter distinguit. Rectè dictum: quia pro suo incomprehensibili consilio sic temperat rerum euentus, vt non irritæ sint sanctorum preces quæ fide & errore simul implicitæ sunt. Neque tamen hoc ad imitationē magis valere debet quàm sanctos ipsos excusat: quos non inficior modum excessisse. Quare vbi non extat certa promissio, conditione interposita rogandus est Deus. Quò pertinet illud Dauidis, Euigila ad iudiciū quod mandasti: quia ad petendum temporale beneficium speciali oraculo se instructum esse admonet.

Luc. 9. 8. 55

Psal. 107.

1. Reg. 21. 8. 39

Psal. 105.

Gen. 18. c. 23

1. Sam. c. 11

Iere. 32. c. 16

Lib. de ciuitate Dei 22. cap. 2.

Psal. 7. b. 7

16

Hoc etiam notare operæ pretium est, quæ de quatuor rectè orandi legibus disserui, non ita exigi summo rigore, vt preces repudiet Deus in quibus non inueniet perfectam vel fidem vel poenitentiam, vnà cum zeli ardore votisque rectè cōpositis. Diximus, quanuis oratio familiare sit piorū cum Deo colloquium, seruandā tamen esse reuerentiā & modestiam, ne habenas laxemus quibullibet votis, ac ne concupiscamus nisi quātum Deus permittit. deinde, ne vilescat nobis Dei maiestas, tollendas esse sursum mentes ad puram castamque eius venerationem. Hoc nemo qua par fuisset integritate vnquam præstitit. nam (vt de vulgo non loquar) quàm multæ Dauidis querimoniae intēperiem sapiunt! nō quod consultò vel exoptulare cum Deo velit, vel eius iudiciis obstrepere: sed quia præ infirmitatē fatiscens non aliud inuenit melius solatium quàm si dolores suos in illius sinum coniciat. Quinetiam toleratur à Deo nostra balbuties, & incitiæ datur venia, quoties inconsideratè aliquid nobis excidit: vt certè sine hac indulgentia nulla esset peccandi libertas. Caterum quanuis Danieli animus esset Dei se arbitrio totum subiicere, nec minore patientia quàm impetradi studio oraret, emergunt tamē, imò interdū ebulliunt turbulenti affectus, qui à prima quam posuimus lege non parū distant. Maximè ex clausula Psalmi tricesimi noni conspiciere licet quanta doloris vehementia abreptus fuerit sanctus vir, ne sibi modū

statueret. Desine (inquit) à me, donec abeam, & non sum. Diceret hominem desperatum nihil aliud ex petere nisi vt cessante Dei manu in suis malis putrescat. Non quòd deuoto animo ruat in illam intemperiem, aut, vt solent reprobi, velit Deum facessere: sed tantum conqueritur iram Dei sibi esse intolerabilē. In illis etiam tentationibus sæpe effluunt vota non satis bene formata ad regulam verbi Dei, & in quibus non satis expendunt sancti quid fas sit & expediat. His quidem vitiis quæcunque maculatæ sunt preces repudiari merentur: modò tamen ingemiscant sancti, castigent seipfos, & statim ad se redeant, ignoscit Deus. Sic etiam in secunda lege peccant: quia & cum frigore suo illis sæpe luctandum est, neque sua illos egestas & miseria satis acriter pungit ad seriò precandum. Iam sæpe contingit eorum mentes dilabi & propè euanescere. venia igitur hac quoque in parte opus est, ne languidæ vel mutilæ vel interruptæ & vagæ preces repulsam patiantur. Hoc naturaliter indidit Deus hominum mentibus, legitimas non esse preces nisi mentibus sursum sublati. Hinc ceremonia eleuationis manuum, vt antè diximus, quæ omnibus seculis & gentibus trita fuit, sicuti adhuc viget: sed quotusquisque, dum manus leuat, non sibi conscius est tarditatis? quia cor in terra subsidit. Quod ad petendam peccatorum remissionem spectat, quanuis hoc caput nemo fideiū prætereat, sentiunt tamen qui verè sunt in precibus exercitati, vix decimam eius sacrificii partē se afferre de quo loquitur Dauid, Sacrificium Deo acceptum, spiritus afflictus. cor cōtritum & humiliatum Deus non despicias. Ita semper duplex petenda est venia, quòd & sibi conscii sint multorum delictorum, quorum tamen sensu non ita tanguntur vt sibi quantum oportet displiceant: & quatenus in pœnitentia & timore Dei proficere illis datum est, iusto mœrore ob suas offensas prostrati, iudicis vindictam deprecantur. Maximè fidei debilitas vel imperfectio fidelium preces vitat, nisi succurreret Dei indulgētia: sed nihil mirum est hunc defectum à Deo ignosci, qui asperis documentis sæpe suos exercet, ac si data opera fidem eorum vellet extinguere. Durissima est hæc tentatio, vbi clamare coguntur fideles, Quousque irasceris super oratione serui tui? ac si preces ipsæ Deum exacerbarent. Sic quū dicit Ieremias, Exclusit Deus orationē meam, non dubium est violenta perturbatione fuisse cōcussus. Innumera eius generis exempla occurrunt in Scripturis, ex quibus patet fidem sanctorum sæpe mixtam fuisse dubitationibus & agitatam, vt credendo & sperando aliquid tamen infidelitatis proderent: sed quia non perueniunt quòd optandum est, eo magis eniti eos oportet vt correctis vitiis propius in dies ad perfectam orandi legem accedant, ac interea sentire in quanta malorum profunditate sint demersi qui in ipsis remediis novos sibi morbos accersunt. quando nulla est oratio quam non meritò fastidiat Deus, nisi ad maculas conniueat quibus omnes aspersæ sunt. Hæc non ideo commemoro vt sibi quicquam fideles securè cōdonent, sed vt seipfos seuerè castigando contendat superare hæc obstacula: & quanuis omnes vias obstruere conetur Satan vt eos ab orando prohibeat, nihilominus perumpant, certò persuasi, vt cunque non omnibus remoris expediti sint, conatus tamē suos Deo placere, votaque sua probari, modò contendat & nitantur quòd non statim pertingunt.

17

Quando verò nemo est hominū dignus qui se Deo repræsentet, ac in eius conspectum prodeat: ipse cælestis Pater, vt nos pudore simul & metu eximeret, qui nostros omnium animos deicere debebāt, Filium nobis suum donauit Iesum Christum Dominū nostrum: qui apud ipsum nobis sit aduocatus & mediator, cuius ductu ad ipsum securè accedamus. tali intercessore confisi, nihil, quod eius nomine petierimus, nobis denegatum iri: vt illi à Patre nihil denegari potest. Atque huc omnino referri necesse est quicquid antehac de fide docuimus: quia sicuti promissio Christum mediatorem nobis commēdat, ita nisi spes impetrandi eo subnixa sit, orandi beneficio se priuat. Nam simulac in mētem venit horribilis Dei maiestas, fieri non potest quin expauescamus, ac nos indignitatis propriæ agnitio procul abigat, donec medius occurrat Christus, qui solium formidabilis gloriæ in solium gratiæ commutet: sicuti etiam docet Apostolus vt cum omni fiducia apparere audeamus, misericordiam consequuturi & gratiam inuenturi in auxilio opportuno. Atque vt lex de inuocando Deo posita est, vt promissio data, exauditū iri qui inuocauerint: ita in nomine Christi inuocare peculiariter iubemur: & promissionem habemus propositam, impetraturos quod in eius nomine petierimus. Hactenus, inquit, non petiistis quicquam in nomine meo: petite, & accipietis. In illo die in nomine meo petetis: & quicquid petieritis, faciā, vt glorificetur Pater in Filio. Hinc sine controuersia clarum est, eos qui in alio quàm Christi nomine Deum inuocant, illius iussa contumaciter præuaricari, ac voluntatem pro nihilo reputare: nullam verò promissionem habere quicquā impetrādi. Siquidē, vt ait Paulus, omnes Dei promissiones in Christo sunt etiā & amen: id est cōfirmantur & implētur.

Psal. 51. d. 19

Psal. 80. a. 5

Thren. 3. a. 8

1. Tim. 2. b. 5

1. Iohan. 1. a. 1

Hebr. 4. d. 16

Iohā. 14. b. 13,
& 16. c. 24

1. Cor. 1. d. 20

18 Ac diligenter notanda est circumstantia temporis, dum Christus discipulos ad suam intercessionem iubet confugere, postquam in cœlum ascēderit, In illa hora, inquit, petetis in nomine meo. Certum quidem est ab initio non fuisse exauditos quicūque precati sunt, nisi Mediatoris gratia. Hac ratione instituerat in Lege Deus vt solus sacerdos sanctuarium ingrediēs gestaret in humeris nomina tribuum Israel, & totidem ante pectus lapides preciosos: populus autem procul staret in atrio, atque inde vota sua cōiungeret cum sacerdote. Quinetiam huc valebat sacrificium vt ratæ essent ac firmæ preces. Ergo illa vmbatilis Legis ceremonia docuit arceri nos omnes à facie Dei, ideoque mediatore opus esse, qui nomine nostro appareat, nōque gestet in humeris, & pectori alligatos teneat, vt in eius persona exaudiamur: deinde sanguinis aspersione preces mundari, quas alioqui nūquam sordibus vacuas esse dictum est. Et videmus Sanctos, quum impetrare aliquid cuperent, spem suam in sacrificiis fundasse: quia sciebant votorum omnium esse sanctiones. Recordetur oblationis tuæ (inquit Dauid) & holocaustū tuum pingue reddat. Hinc colligitur, Deum ab initio Christi deprecatione fuisse placatum, vt piorum vota susciperet. Cur ergo nouā horam assignat Christus qua in suo nomine orare incipient discipuli, nisi quia hæc gratia; vt est hodie illustrior, ita plus cōmendationis apud nos meretur? Et hoc eodem sensu paulo antè dixerat, Hactenus non petistis quicquam in nomine meo: petite. Non quòd de Mediatoris officio nihil prorsus tenerent (quum his rudimentis imbuti essent omnes Iudæi) sed quia nondum liquidò cognouerant, Christum suo in cælum ascensu certiorē quàm antè fore Ecclesiæ patronum. Ergo absentia suæ dolorē vt aliquo nō vulgari fructu soleatur, munus aduocati sibi vendicat, & docet præcipuo hactenus beneficio eos caruisse, quo frui illis dabitur dum eius patrociniō fulti liberius Deum inuocabūt. sicut dicit Apostolus, viam eius recentem eius sanguine dicatam esse. Quo minus excusabilis est nostra prauitas, nisi tam inæstimabile beneficium, quod nobis propriè destinatum est, vtroque, (vt aiunt) brachio amplectimur.

Iohā. 16. d. 26

Exod. 28. b. 9.
12. 21.

Hebr. 10. d. 20

19 Porro, quum sit ipse vnica via, ac vnus accessus quo ad Deum ingredi nobis datur: qui ab hac via deflectunt, & hunc accessum deserūt, iis neque via vlla neque accessus ad Deum superest: nihil in eius throno reliquum fit præter iram, iudiciū, ac terrorem. Denique quum hunc pro capite ac duce Pater nobis signauerit, qui ab eo vllō modo declinant vel obliquant, conātur quantum in se est notam à Deo impressam delere & adulterare. Ita vnus statuitur Mediator Christus, cuius intercessione propitius & exorabilis nobis reddatur Pater. Quanquam interim & suæ sanctis intercessionēs relinquūtur, quibus alii aliorū salutem mutuò inter se Deo commendant, de quibus meminit Apostolus: sed tales quæ ab vnica illa dependant: tantum abest vt delibent ex ea quippiam. Nam vt à dilectionis affectu scaturiunt, quo nos vltro citroque amplectimur, teu vnus corporis membra: ita etiā ad capitis vnitatem referuntur. Quum ergo illæ quoque in Christi nomine fiunt, quid aliud quàm testantur, neminē vllis omnino precibus, nisi Christo intercedente, posse adiuuari? Atque vt non obstat sua intercessione Christus quominus in Ecclesia precibus alter alteri vicissim patrocinemur: ita fixū maneat, omnes totius Ecclesiæ intercessionēs in illam vnicam esse dirigendas. Imò hoc maximè nomine cauenda nobis ingratitude est, quòd Deus indignitati nostræ ignoscēs, non tantum singulis pro se orare permittit, sed etiā alios pro aliis admittit deprecatores. Cuius enim superbix esset, vbi Deus Ecclesiæ suæ patronos constituit qui meritò repudiari merentur, si pro se quisque priuatim oret, hac liberalitate abuti vt Christi honorem in obscurant?

1. Tim. 4. d. 2

20 Porro merum est nugamentum quod balbutiunt Sophistæ, Christum esse redemptionis Mediatorem, fideles autem intercessionis. Quasi verò Christus temporaria mediatione defunctus, æternam & nunquam intermōriturā ad seruos suos reiecerit. Benignè scilicet illum tractant, qui tantulam honoris portionem illi decidunt. Atqui longè aliter Scriptura, cuius simplicitate, omīssis istis impostoribus, contentum esse pium hominem conuenit. nam quum dicit Iohannes, Siquis peccauerit, aduocatum nos habere apud Patrem, Christum Iesum: an patronū olim nobis fuisse intelligit, ac non potius perpetuam illi intercessionem assignat? Quid, quòd Paulus sedentem ad Patris dexteram etiam pro nobis intercedere affirmat? Quum verò alibi vnicum Dei & hominum Mediatorem illum nūcupat, annon ad preces respicit quarum antè paulò meminerat? Siquidem pro omnibus hominibus intercedendum præfatus, in eius sententiæ cōfirmationem mox subnectit, vnum esse omnium Deum, & vnum mediatorē. Neque verò aliter interpretatur Augustinus, quū sic loquitur, Homines Christiani inuicem se commendant orationibus suis. Pro quo autem nullus interpellat, sed ipse pro omnibus, hic vnus verusque Mediator est.

1. Iohan. 2. d. 1

Rom. 8. g. 34

1. Tim. 2. b. 5

Lib. contra
Parmen. 2.
cap. 8

Rom. 15. 8. 30
ephef. 6. d. 19
coloff. 4. a. 3
1. Cor. 12. d. 25

Ephes. 4. a. 3
In Psal. 94

Paulus Apostolus, quāquam sub capite præcipuum membrum, quia tamen membrum erat corporis Christi, & nouerat, non per figuram in interiora veli ad sancta sanctorum sed per expressam & firmam veritatem in interiora cæli ad sanctitatem nō imaginariam sed æternam intrasse maximum & verissimum Sacerdotem Ecclesiæ: se orationibus fidelium ipse quoque commendat. Nec mediatorem se facit inter populum & Deum: sed rogat ut omnia corporis Christi membra inuicem pro se orent: quoniam inuicem sollicita sunt membra, & si patitur vnum membrum, reliqua compatiuntur. Ac sic membrorum omnium adhuc in terra laborantium mutux pro se inuicem orationes ascendant ad caput quod præcessit in cælum, in quo est propitiatio pro peccatis nostris. Nam si esset mediator Paulus, essent utique & reliqui Apostoli. ac si multi mediatores essent, nec constaret ipsius Pauli ratio, qua dixerat, Vnus enim Deus, vnus mediator Dei & hominum, homo Christus: in quo & nos vnum sumus, si seruamus vnitatem fidei in vinculo pacis. Item alibi, At verò Sacerdotem si requiras, super cælos est, vbi interpellat pro te, qui in terra mortuus est pro te. Neque verò somniamus illum, Patris genibus aduolutum, suppliciter pro nobis deprecari: verum cum Apostolo intelligimus, sic eum apparere coram facie Dei, ut mortis eius virtus ad perpetuam pro nobis intercessionem valeat: sic tamen ut sanctuarium cæli ingressus, ad consummationem vsque seculorum solus populi eminens in atrio residentis vota ad Deum deferat.

- 21 Quantum ad Sanctos attinet, qui carne mortui, in Christo viuunt, siquam illis orationē attribuimus, ne iis quidem ipsis somniemus aliam esse rogandi Dei viam, quā Christū, qui solus via est: aut alio nomine Deo esse acceptas eorum preces. Itaque postquam Scriptura nos ab omnibus ad Christum vnum reuocat, postquam cælestis Pater vult omnia in ipso recolligere: nimii stuporis fuit, ne dicam insanix, nobis per ipsos accessum sic velle moliri, ut ab illo abduceremur sine quo nec eis aditus vllus patet. Id autem aliquot seculis factitātū quis neget, hodiēque vbicūque Papismus viget, factitari? Ad conciliandā Dei beneuolētiā eorum merita subinde obtrudūtur: atque vt plurimum, Christo præterito, per eorum nomina Deus obsecratur. Annon hoc, quæso, est, munus vnice illius intercessionis quā Christo suprā asseruimus, ad illos traducere? Deinde quis vel Angelus, vel dæmon vlli hominum de eiusmodi quam fingūt ipsorum intercessione syllabam vnquam renuntiauit? in Scriptura enim nihil extat. Quæ ergo eius cōminiscendæ fuit ratio? Certē dum humanum ingenium subsidia sibi ita quærit, quibus non munimur per Dei verbum, luculentē suam diffidentiam prodit. Quod si conscientia eorum omnium appelletur qui sanctorum intercessione oblectantur, reperiemus non aliunde id euenire, nisi quia anxietate laborant, perinde ac si hīc Christus deficeret, aut nimium seuerus foret. Qua primū perplexitate Christum inhonorāt, & solius Mediatoris titulo spoliant: qui vt illi in singularem prærogatiuam à Patre datus est, ita neque aliō transferri debet. Atque hoc quidem ipso gloriam natiuitatis eius obscurant, crucem euacuant: quicquid denique aut fecit, aut passus est, sua laude exuunt ac defraudant. siquidem huc tendunt omnia, ut solus sit & habeatur mediator. Simul Dei benignitatem abiiciunt, qui se illis in Patrem exhibebat. non enim illis Pater est, nisi Christum sibi fratrem esse agnoscant. Quod planē abnegant, nisi fraterno esse erga se affectu (quō nihil mollius aut tenerius esse potest) cogitāt. Quare illum vnice Scriptura nobis offert, ad ipsum nos mittit, & in ipso sistit. Ipse, inquit Ambrosius, os nostrum est, per quod Patri loquimur: oculus noster, per quem Patrem videmus: dextera nostra, per quam nos Patri offerimus. Quo nisi intercedente, nec nobis nec sanctis omnibus quicquam cum Deo est. Si excipiant, quas in templis concipiunt publicas preces finiri hac appendice, Per Christum Dominum nostrum, friuolum effugium est: quia non minus profanatur Christi intercessio, dum mortuorum precibus & meritis miscetur, quā si ea penitus omissa soli mortui in ore essent. Deinde in suis omnibus litanis, hymnis & prosis, vbi Sanctis mortuis nihil non honoris defertur, nulla Christi mentio.

Lib. de Isaac
& anima.

Iere. 2. f. 18,
& 11. c. 13.

- 22 Eo autem vsque progressa est stoliditas, ut hīc expressum habeamus superstitionis ingenium, quæ vbi semel frænum excussit, nullum lasciuiēdi finem facere solet. Nam postquam coeptum fuerat in sanctorum intercessionē respicere, sensim sua cuique procuratio est attributa, ut pro negotii diuersitate nunc hic nunc ille aduocaretur intercessor: tum singuli peculiāres sibi diuos asciuerunt, in quorum, non secus atque tutelarium deorū, fidem se contulerunt. Neque modō (quod olim Israeli exprobrabat Propheta) secundum vrbium numerum dii sunt erecti, sed secundum capitum multitudinem. Atqui, quum in vnā Dei voluntatem desideria sua omnia referāt, hanc intueantur, in ea acquiescant: stolidē & car-

qualiter atque etiam contumeliose de iis cogitat, qui aliam ipsis orationem assignat, quam qua Dei regnum aduenire expetant. à quo longissimè abest quod illis assequi, vnumquè que priuato affectu in suos cultores esse propensorem. Tandem nec ab horrendo sacrilegio abstinerunt plurimi, non vt suffragatores iam, verùm vt salutis suæ praesides, inuocando. En quò recidant miseri homines, dum à legitima sua statione, hoc est Dei verbo, euagantur. Omitto crassiora impietatis mōstra, in quibus tametsi Deo, Angelis & hominibus sunt detestabiles, eorum tamen nondum ipsos pudet vel piget. Prostrati ad statuam aut picturā Barbarā, Catharinā, & similium demurmurant Pater noster. Hunc furorem tantum abest vt Pastores sanandum vel cohibendum curent, vt quæstus odore allecti, plausu suo cōprobent. Verùm vt tam foedi criminis inuidiam à se deriuēt, hoc tamen quo colore defendēt, rogari Eligium vel Medardum vt seruos suos respiciant & iuuent e cælo: sanctam Virginē vt Filium facere iubeat quod petunt: Olim vetitum fuit in concilio Carthaginensi, ne ad altare directa fieret precatio ad sanctos: ac probabile est, quum sancti viri impetum prauæ consuetudinis non possent in totum compescere, hāc saltem moderationem adhibuisse ne hac forma vitiarentur publicæ orationes, Sancte Petre ora pro nobis. Quanto autem longius euasit diabolica eorū importunitas qui ad mortuos transferre non dubitant quod Dei & Christi proprium erat?

23 Quod autem efficere student vt Scripturæ autoritate videatur subniti eiusmodi intercessio, frustra in eo laborant. Angelorum, inquit, orationes leguntur sa pius. neque id modò: sed in Dei conspectum per eorum manus perferri dicuntur fidelium preces. Verùm si Angelis sanctos præsentī vita defunctos conferre libet, probandum fuerit esse administratorios Spiritus, quibus delegatum sit ministerium curandæ nostræ salutis, quibus demandata sit prouincia custodiendi nos in omnibus viis nostris, qui nos circumeant, qui moneant & consolentur, qui pro nobis excubias agant. quæ omnia illis deferuntur: his autem minimè. Quàm præposterè Angelis sanctos mortuos inuoluāt, satis superque ex tot diuersis muneribus patet, quibus alios ab aliis Scriptura distinguit. Causidici partibus apud terrenum iudicem fungi nemo audebit nisi admissus: Vnde ergo vermibus tanta licentia vt Deo patronos obtrudant quibus munus iniunctum non legitur? Voluit Deus Angelos curandæ nostræ salutis præficere. vnde & sacros cœtus frequentant, & Ecclesia illis theatrum est, in quo mirantur variam & multiplicem Dei sapientiam. Quod illis peculiare est, ad alios qui transferūt, certè ordinem à Deo positum, qui inuiolabilis esse debebat, confundūt ac peruertunt. Eadem dexteritate pergunt in citandis aliis testimoniis. Ieremiæ dicebat Deus, Si steterint Moyses & Samuel coram me, non est anima mea ad populum istū. Quomodo sic de mortuis (inquit) loquutus foret, nisi pro viuis intercedere illos nouisset? Ego verò contrā sic colligo: quum inde appareat neque Moysen neque Samuelem intercessisse pro populo Israelitico, tunc nullam fuisse prorsus mortuorum intercessionem. Quis enim sanctorum de populi salute laborare credendus sit, cessante Mose, qui alios omnes in hac parte longo interuallo, dum viueret, superauit? Ergo si minutulas istas argutias sectantur, Mortui pro viuentibus intercedunt, quoniam dixit Dominus, Si intercesserint: ego longè speciosius argumentabor in hunc modum, In extrema populi necessitate Moyses non intercedebat, de quo dicitur, Si intercesserit. Ergo neminem alium intercedere verisimile fit, quū omnes à Moysis humanitate, bonitate & paterna sollicitudine procul absint. Id scilicet cauillando consequuntur, vt iis armis vulnerentur quibus se pulchrè munitos putabant. At verò simplicem sententiam sic contorqueri valde ridiculum est: quia tantum pronuntiat Dominus populi flagitiis se non parciturum, etiamsi Moyses aliquis patronus illis contingeret, aut Samuel, quorū precibus se tantopere indulgētem præstiterat. Qui sensus ex simili Ezechielis loco lucidissimè elicitur, Si fuerint, inquit Dominus, isti tres in ciuitate viui, Noha, Daniel & Iob, filios & filias non liberabūt in sua iustitia: sed animas tantum suas liberabunt. Vbi dubium non est quin indicare voluerit, si reuiuiscere duos ex illis contingat. nam tertius eo tempore superstes erat, Daniel scilicet, quem tum constat in primo adolescentiæ flore incomparabile dedisse pietatis specimē. Eos igitur omittere quos Scriptura clarè demonstrat, cursum suum consummasse. Ideo Paulus, quum de Dauide loquitur, non docet precibus ipsum iuuare posteritatem, sed duntaxat ætati suæ inseruisse.

24 Excipiunt rursum, Ergo eos omni pietatis voto exuimus, qui nihil toto vitæ decursu quàm pietatem & misericordiam spirant: Equidem, vt curiosius excutere nolim quid agant, aut quid meditentur, ita nequaquam est probabile variis & particularibus votis huc illuc circumferri: sed potius statā atque immota voluntate in Dei regnum aspirare, quod non minus impiorum interitu quàm fidelium salute constat. Quod si verum est, eorum

Heb. 1. d. 14
Psal. 91. b. 11
Psal. 34. b. 8

Iere. 15. 22

Ezech. 14. d. 14

Act. 13. c. 36

quoque charitatē in cōmunionē corporis Christi non dubium est cōtineri, nec latius patere quān fert cōmunionis illius natura. Iam verò tametsi in hunc modum pro nobis orare concedam, non tamen ideo à sua quiete discedunt vt distrahātur in terrenas curas: ac multo minus à nobis ideo protinus inuocandi erunt. Neque id agendū ex eo consequitur quòd qui in terris degunt homines, vicissim alii aliorum precibus commendate se possunt. Hoc enim alendæ in ipsis charitati officium seruit dum suas inter se necessitates veluti partiuuntur, & mutuò suscipiunt. Atque id quidem faciunt ex Domini præcepto, neque promissione destituuntur: quæ duo semper in oratione primas tenēt. Omnes eiusmodi rationes à mortuis absunt: quos à nostro contubernio dum subduxit Dominus, nullum nobis cum illis reliquit commercium, ac ne illis quidem nobiscum, quantū assequi licet cōiecturis. Quòd si quis causetur, fieri non posse quin eandem erga nos charitatem retineant, vt sunt vna nobiscum fide coniuncti: quis tamen eousque longas illis esse aures reuelauit quæ ad voces nostras porrigantur? oculos etiam tam perspicaces qui necessitatibus nostris aduigilent? Nugantur quidem in suis vmbis nescio quid de fulgore diuini vultus ipsos irradiante, in quo, ceu in speculo, res hominum ex alto despiciant, verū id affirmare, quæ præsertim confidentia illi audent, quid est nisi per temulenta cerebri nostri semina velle in abdita Dei iudicia, sine eius verbo penetrare & perumpere, ac Scripturam conculcare? quæ toties carnis nostræ prudentiam, sapientiæ Dei inimicam esse pronuntiat: vanitatem sensus nostri in vniuersum damnat: prostrata omni nostra ratione, solam Dei voluntatem à nobis vult spectari.

Eccle. 9. b. 5. 6

Rom. 8. b. 6

25

Gene. 48. c. 16

Iesa. 4. a. 1

Iesa. 63. d. 16

Quæ verò alia Scripturæ testimonia propugnando huic suo mendacio asciscunt, pessimè contorquent. Sed enim, inquiunt, Iacob vt suum patrūque Abraham & Isaac nomen super suam posteritatem inuocetur rogat. Primū videamus qualis ista sit inuocationis forma inter Israelitas. non enim patres suos ad ferendas sibi suppetias implorantes sed Deum obtestantur quo seruorū suorum, Abraham, Isaac & Iacob meminerit. Eorum ergo exemplum nihil iis patrocinator qui ad sanctos ipsos sermonem habuerint. Verū quia stipites isti, quæ sunt hebetudine, nec quid sit nomen Iacob inuocare, nec cur inuocandum sit capiunt: non mirum si in ipsa quoque forma sic pueriliter titubant. Loquutio hæc non semel in Scripturis occurrit. Iesaias enim virorum nomen inuocari super mulieres dicit, dum eos habent maritorum loco sub quorum fide & tutela degant. Ergo inuocatio nominis Abraham super Israelitas, in hoc sita est dum generis sui originem ad eum referunt, eūque pro authore & parente suo memoria celebri colunt. Neque verò id facit Iacob quòd sit de propaganda nominis sui celebritate sollicitus: sed quum totam posterorū beatitudinem constare nouerit hæreditate fœderis quod secum Deus pepigerat: quod illis bonorum omnium summum fore videt, comprecatur vt genere suo censeantur. id enim aliud non est quān fœderis successionem ad eos transmittere. Illi vicissim, dum memoriam eiusmodi precibus suis inducunt, non ad intercessionem mortuorum suffugiunt: sed Domino fœderis sui recordationē obiciūt, quo clemētissimus Pater illis se propitium ac beneficū fore, in Abrahæ, Isaac & Iacob gratiam recepit. Alioqui quān parum in Patrū merita sancti reclinauerint, testatur publica vox Ecclesiæ apud Prophetam, Tu Pater noster, & Abrahā nesciuit nos, & Israel ignorauit nos. Tu Domine Pater noster, & redemptor noster. Ac dum sic quidem loquuntur, simul addunt, Conuertere Domine propter seruos tuos. nullā tamen cogitantes intercessionem, sed ad fœderis beneficium animum aduertentes. Nunc verò quum Dominum Iesum habeamus, in cuius manu non percussum modò, sed confirmatum sit nobis æternum misericordiæ fœdus: cuius potius nomen in precibus nostris prætendamus? Et quoniam boni isti magistri his verbis Patriarchas volunt statui intercessores, scire ex ipsis velim cur in tanta turba ne minimum quidem apud eos locum obtineat Abraham, Ecclesiæ pater. Ex qua colluie sibi aduocatos sumant minimè ignotum est. Abraham, quem Deus aliis omnibus prætulit, & quem euexit in summū honoris gradum, negligi ac supprimi quān consentaneum sit mihi respōdeant. Nempe quum palam esset talem vsum veteri Ecclesiæ fuisse incognitum, placuit, occultādæ nouitatis causa, de antiquis Patribus silere: ac si nominum diuersitas recentē & adulterinum morem excusaret. Quòd autem obiciunt quidam rogari Deum vt in Dauidis gratiam populi misereatur, adeo non suffragatur eorum errori, vt ad eius refutationē maximè sit efficax. Nam si expendimus quam personam sustinuerit Dauid: segregatur ab omni sanctorum cœtu, vt quod in eius manu pactum Deus pepigit stabiliat. Ita & fœderis potius quān hominis habetur ratio, & sub figura Christi intercessio vnica asseritur. Nam quod singulare fuit Dauidi, quatenus Christi imago fuit, in alios non competere certum est.

26 Sed hoc quosdā scilicet mouet quòd sanctorum orationes sæpe leguntur exaudita: Cur?

Nempe quia orant. In te sperauerunt (inquit Propheta) & salui facti sunt: clamauerunt, Psal. 22. a. 9
& non sunt confusi. Oremus ergo & nos eorum exemplo, vt eorum instar exaudiamur.
Hi verò, contrā quā decet, præposterè ratiocinantur, non exauditum iri nisi qui scmel
exauditi sunt. Quanto melius Iacobus? Elias (inquit) homo erat nobis similis: & precatone Iac. 5. d. 17
precatus est, ne plueret, & non pluit super terram annos tres & menses sex. Rursum orauit,
& cælum dedit pluuiam, & terra dedit fructum suum. Quid? An singularem aliquam Eliæ
prærogatiuam colligit, ad quam sit nobis confugiendum? Minime verò. sed vim piæ pu-
ræque orationis perpetuam docet, vt nos ad similiter orandum exhortetur. Nam Dei prò-
ptitudinem ac benignitatem in exaudiendis illis malignè interpretamur, nisi talibus ex-
perimentis confirmamur in certiore promissionum eius fiduciam: quibus non vni aut
alteri, aut etiam paucis inclinatum fore aurem suam pollicetur, sed omnibus qui nomen
suum inuocauerint. Atque eo minus excusabilis est inscitia hæc quòd tot Scripturæ admo-
nitiones videntur quasi ex professo contemnere. Liberatus est sæpius Dauid Dei virtute.
an vt eam ad se traheret vt eius suffragio liberaremur? Longè aliter affirmat ipse, Me expe Psal. 141. 8
ctant iusti donec rependas mihi. Item, Videbunt iusti, & gaudebunt, & sperabunt in Domi- Psal. 52. a. 8
no. Ecce pauper iste clamauit ad Deum, & respondit ei. Multæ in Psalmis sunt eiusmodi Psal. 34. b. 7
preces, quibus ad precandum quod postulat hac ratione Deum prouocat, ne pudefiant iu-
sti, sed suo exemplo erigantur ad bene sperandum. Vno iam contenti simus, Propterea o- Psal. 31. b. 6
rabit ad te omnis sanctus in tempore opportuno. Quem locū eo libentius citauimus quòd nō
puduit rabulas, qui operam linguæ meritoria ad defensionem Papatus locant, eum obten-
dere ad probandam mortuorum intercessionem. Quasi verò aliud velit Dauid quā fru-
ctum ostēdere qui ex Dei clemētia & facilitate proueniet vbi exauditus fuerit. Atque hoc
in genere tenendū est, experientiam gratiæ Dei, tam erga nos quā erga alios, non vulgare
esse adminiculum ad confirmandam promissionum illius fidem. Non recito plurimos lo-
cos vbi Dauid Dei beneficia sibi proponit in fiduciæ materiam, quia Psalmorum lectori-
bus sponte occurrēt. Hoc idem suo exemplo prius docuerat Iacob, Minor sum cunctis mi- Genes. 31. c. 16
serationibus tuis & veritate quā præstitisti seruo tuo. In baculo meo transiui Iordanem istū:
& nunc cum duabus turmis egredior. Promissionem quidem allegat, sed non solam:
quin simul effectum coniungit, quo animosius in futurum cōfidat eundem erga se Deum
fore. Neque enim similis est mortalibus, quos liberalitatis suæ tædet, vel quorum exhauri-
tur facultas: sed à propria natura æstimādus est, sicut prudenter facit Dauid, Redemisti me Psal. 31. a. 6
(inquit) Deus verax. Postquam salutis suæ laudem Deo tribuit, adiūgit veracem esse: quia
nisi perpetuò similis sui esset, non satis firma sumi posset fiduciæ & inuocationis ratio ex
eius beneficiis. Vbi autem scimus, quoties nobis auxiliatur, specimen ac probationem da-
re bonitatis suæ & fidei, timendum non est ne spes nostra pudefiat, vel nos frustretur.

27 Summa hæc sit, quum Scriptura in Dei cultu hoc nobis summum caput commendet
vt eum inuocemus (sicuti posthabitis omnibus sacrificiis à nobis hoc pietatis officiū exi-
git) non sine manifesto sacrilegio orationē ad alios dirigi. Vnde etiam in Psalmo dicitur,
Si expādimus manus nostras ad Deum alienum, nōne Deus requireret ista? Deinde quum Psal. 44. d. 2
Deus nō nisi ex fide velit inuocari, & disertè ad amussim verbi sui, orationes formari iubeat:
denique quū fides in verbo fundata, sit rectæ orationis mater: simulac à verbo desectitur,
orationem adulterari necesse est. Atqui iam ostensum est si consulitur tota Scriptura, illic
hunc honorem soli Deo vēdicari. Quod ad intercessionis munus pertinet, etiam vidimus
Christo peculiare esse, nec vllam Deo gratam esse precatonem nisi quam Mediator ille
sanctificat. Ac tametsi fideles vltro citròque preces apud Deum pro fratribus offerunt, hoc
nihil vnica Christi intercessionis derogare ostendimus: quia omnes simul ea subnixi tam
se quā alios Deo cōmendāt. Adhæc docuimus inscitè hoc trahi ad mortuos, quibus nul-
quam legimus mādatum esse vt pro nobis orent. Sæpe nos Scriptura hortatur ad mutuas
huius officii vices: de mortuis ne syllaba quidē. imò Iacobus hæc duo coniungens, vt con- Iac. 5. d. 16
fiteamur peccata nostra inter nos, & vicissim alii pro aliis oremus, mortuos tacitè exclu-
dit. Proinde ad hunc errorem damnandum sufficit vna illa ratio, exordium rite orandi
nasci ex fide, fidem verò esse ex auditu verbi Dei, vbi nulla fictitiæ intercessionis mentio:
quia temere patronos sibi asciuit superstitio, qui diuinitus dati non erant. Nam quū mul-
tis precandi formis referta sit Scriptura, nullum reperitur exemplum huius aduocatio-
nis, sine qua in Papatu nulla creditur esse oratio. Adhæc superstitionem hanc constat ex
diffidentia natam esse: quia vel Christo deprecatore contenti non fuerint, vel eum omni-
no spoliauerint hac laude. Atque hoc posterius ex eorum impudentia facilè coarguitur:
quia non alio validiore argumento pugnant, opus nobis esse sanctorum patrociniū, quā

dum obiciunt nos esse indignos familiari ad Deum accessu. Quod nos verissimum quidem esse fateamur, sed inde colligimus nihil eos Christo reliquum facere qui pro nihilo ducunt eius intercessionem, nisi accedant Georgius & Hippolytus, aut similes larvæ.

28

Esti autem oratio propriè ad vota & preces restringitur, tanta est tamen inter petitionem & gratiarum actionem affinitas, ut commodè sub nomine vno comprehendi queant. Nam quas Paulus enumerat species, sub prius membrum huius partitionis recidunt. Rogando & precando desideria nostra apud Deum effundimus, poscentes tam quæ faciunt ad propagandam eius gloriam & illustrandum eius nomen, quam beneficia quæ vñ nostro conducunt. Gratias agendo, benefacta eius erga nos iusta laude celebramus, acceptum ferentes eius liberalitati quicquid ad nos bonorum peruenit. Itaque duas istas partes simul complexus est Dauid, Inuoca me in die necessitatis: etiam te, & glorificabis me. Vtrunque nobis continenter in vñ esse non abs re præcipit Scriptura. tantam enim nostram esse inopiam alibi diximus, res verò ipsa clamat tot ac tantis nos angustiis vñdique vrgeri ac premi, ut satis sit causæ omnibus cur assidue gemant & suspirent ad Deum, supplicesque eum implorent. Nam est à rebus aduersis sint immunes, sanctissimos tamen quosque stimulare debet selerum suorum culpa, deinde innumeri tentationum insultus ad expetendum remedium. In sacrificio autem laudis & gratiarum actionis nulla esse potest sine scelere interruptio: quando non cessat Deus alia aliis beneficia cumulare, ut nos, quauis lentos & pigros, ad gratitudinem cogat. Denique tanta ac tam effusa benefactorum eius largitas nos penè obruit, tot ac tam ingentia eius miracula, quaquaversum spectes, cernuntur, ut nunquam nobis desit laudis gratiarumque actionis argumentum ac materia. Atque, ut hæc planius aliquanto explicentur, quum sic in Deo spes omnes opesque nostræ sitæ sint (quod iam antea satis probatum est) ut neque nos, neque nostra omnia prosperè habere nisi eius benedictione possimus: assidue nos ei nostramque omnia oportet commendemus. Deinde quicquid deliberamus, loquimur, agimus, sub eius manu ac voluntate, sub spe denique auxilii eius deliberemus, loquamur, agamus. Omnes enim à Deo maledicti pronuntiantur qui sui alteriusve cuiuspiam fiducia, consilia agitant ac statuunt, qui extra eius voluntatem, ipsoque non inuocato, quicquam moliuntur, aut inchoare tentant. Et quum iam aliquoties dictum sit, iusto eum honore affici ubi bonorum omnium author agnoscitur: inde consequitur, sic ex manu eius suscipienda esse illa omnia ut assidua gratiarum actione prosequamur: nullamque esse iustam rationem qua eius beneficia usurpemus, quæ non alio fine ab eius largitate nobis profluunt ac proueniunt, nisi etiam in laude eius confitèda & gratias agendis assidui simus. Paulus enim, dum testatur per verbum & orationem sanctificari, simul innuit, sine verbo & oratione minime sancta & pura nobis esse. per verbum scilicet fidem metonymicè intelligēs. Proinde eleganter Dauid, dum percepta Domini liberalitate, datum sibi in os canticum nouum prædicat. quo scilicet innuit, malignum esse silentium, si quod eius beneficiū sine laude præterimus: quum toties benedicendi materiam nobis exhibeat quoties benefacit. Sicut etiam Iesaias, singularem Dei gratiam prædicans, ad canticum nouum & non vulgare hortatur fideles. Quo sensu alibi Dauid, Domine labia mea aperies, & os meum annuntiabit laudem tuam. Similiter Ezechias & Ionas hunc sibi liberationis finem testantur fore, ut canticis Dei bonitatem in templo celebrent. Hanc eandem legem Dauid generaliter piis omnibus præscribit. Quid rependam Domino (inquit) pro omnibus quæ in me contulit? Calicem salutem accipiam, & nomen Domini inuocabo. Et eam sequitur Ecclesia alio Psalmo, Saluos fac nos Deus noster, ut cōfiteamur nomini tuo, & gloriamur in laude tua. Item, Respexit ad preces solitarii, & non contempsit preces eorum. Scribetur hoc ad generationem posteram, & populus creatus laudabit Dominum, ut annuntient in Sion nomen eius, & laudem eius in Ierusalem. Imò quoties obsecrant Deum fideles ut faciat propter nomen suum: sicuti indignos se profitetur qui obtineant quicquid proprio nomine, ita se obligant ad gratias agendas: & hunc sibi rectum beneficentiæ Dei vñ fore promittunt, ut eius sint præcones. Sic Oseas, de futura Ecclesiæ redemptione loquens, Aufer (inquit) iniquitatem o Deus, & attolle bonum: nos autem vitulos labiorum soluemus. Nec modò linguæ præconium sibi vñdicant Dei beneficia, sed amorem sibi naturaliter conciliant. Dilexi (inquit Dauid) quia exaudiit Dominus vocem deprecationis meæ. Item alibi quæ senserat auxilia recitans, Diligam te Deus fortitudo mea. Nec verò vñquam placebunt Deo laudes quæ non fluent ex hac dulcedine amoris. Quinetiam tenendum est illud Pauli, vota omnia peruersa & vitiosa esse quibus non annexa est gratiarum actio. Sic enim loquitur, In omni oratione (inquit) & obsecratione cum gratiarum actione petitiones vestræ innotescant apud Deum. Nam quia multos impellit morositas, & tedium, impatientia, doloris acerbitas, & metus, ut orando obmurmurent, iubet ita temperari affe-

Psal. 50. c. 15

Iac. 4. d. 14
Iesa. 30. a. 1,
& 31. a. 1

1. Tim. 4. a. 5

Psal. 40. a. 4

Iesa. 2. b. 10
Psal. 50. d. 17
Iesa. 38. d. 20
Ionæ 11. d. 10
Psal. 116. b. 12Psa. 106. g. 47
Psal. 110. c. 18

Oseas 14. a. 3

Psal. 116. a. 1
Psal. 118. a. 1

Philip. 4. a. 6

Quis, ut fideles, antequam adepti sint quod cupiunt, hilariter nihilominus benedicant Deo. Quod si hæc copula in rebus ferè contrariis vigere debet, eo sanctiore vinculo nos obstringit Deus ad canendas suas laudes, quoties nos votorum compotes facit. Sicuti autem docuimus Christi intercessione consecrari nostras preces, quæ alioqui pollutæ essent, ita Apostolus, iubens nos per Christum offerre hostiâ laudis, nobis ad celebrandum Dei nomen bis non satis purum esse admonet, nisi intercedat Christi sacerdotium. Vnde colligimus prodigiosè fascinosos fuisse homines in Papatu, ubi maior pars Christum vocari aduocatum miratur. Hæc ratio est cur præcipiat Paulus sine intermissione & orare & gratias agere: volens scilicet quanta fieri potest assiduitate, omni tempore, omni loco, omnibus in rebus ac negotiis erecta esse ad Deum omniū vota, quæ & omnia ab eo expectent, & omnium ei laudem referant, sicuti perpetua laudandi orandique argumenta nobis offert.

29 Hæc autem orandi assiduitas, etsi præsertim proprias ac priuatas cuiusque respicit, nõnihil tamè ad publicas quoque Ecclesiæ orationes pertinet. Atqui nec assiduæ esse possunt, nec aliter etiâ fieri debent quàm ex politia quæ cõmuni inter omnes consensu conuenerit. Fateor sanè. Ideo enim & certæ horæ condicuntur ac præstituuntur, ut apud Deum indifferentes, ita hominum vsibus necessariae, quo sit omnium commoditati prospectum, & omnia decenter & compositè, iuxta Pauli sententiam, in Ecclesia administrentur. Sed enim istud nihil obstat quominus vnaquæque Ecclesia, cum subinde ad frequentiorē precationum usum se extimulare, tum maiore aliqua necessitate admonita acriore studio flagrare debeat. De perseverantia autem, quæ multam cum assiduitate affinitatem habet, erit circa finem dicendi locus. Porro hæc nihil ad βασιλογίαν, qua interdictum nobis Christus voluit. nõn enim diu, nec sæpe, nec multo cum affectu insistere precibus vetat: sed ne aliquid à Deo extorquere nos posse confidamus, garrula loquacitate eius aures obtundendo, ac si humano more persuadendus foret. Scimus enim hypocritas, quia nõn reputant sibi negotiū esse cum Deo, non secus pōpas suas in precibus agere quàm in triumpho. Nam Phariseus ille qui gratias Deo agebat quod non esset aliis similis, sibi haud dubiè plaudebat in hominum oculis, ac si vellet ex precatione captare sanctitatis famam. Hinc βασιλογία illa quæ hodie simili de causa grassatur in Papatu, dum alii preculas easdem iterando tempus frustra terunt, alii longa verborum congerie apud vulgus se venditāt. Quum hæc garrulitas pueriliter illudat Deo, non mirum est ab Ecclesia prohiberi, nequid illic personet nisi serium & profectū ex corde intimo. Huic corruptelæ vicina est & similis altera, quam simul damnat Christus: quod scilicet hypocritæ ostentationis causa veniantur multos testes, ac forum potius occupant ad orandum, quàm mundi laude careant ipsorum preces. Quando verò hunc esse orationis scopum iam prius dictum est, ut erecti in Deum animi ferantur, tum ad confessionem laudis, tum ad opem implorandam: ex eo intelligere licet primas eius partes in mente & animo positas esse. vel potius orationem ipsam, esse propriè interioris cordis affectū, qui apud Deum, cordiū scrutatorē, effunditur & exponitur. Quāobrem (ut iam dictū est) celestis magister, quū optimā orandi legē ferre vellet, iussit intrare in cubiculū ibique ostio clauso orare Patrē nostrū in abscondito, ut Pater noster qui est in abscondito nos exaudiat. Nam ubi ab hypocritarū exemplo abstraxit, qui ambitiosa precū ostentatione hominum fauorē captabant, simul adiicit quid sit melius: intrare scilicet cubiculum, & clauso ostio ibi orare. Quibus verbis (ut ego interpretor) secessum, qui nos eò iuuat ut tota cogitatione in cor nostrū descēdamus & ingrediamur penitus, quærere nos docuit: propinquum nobis Deum animi affectibus promittens, cuius templa esse debent corpora nostra. Neque enim negare voluit quin aliis quoque locis orare expediat: sed esse quiddam secretum ostendit orationē, quæ & in animo potissimū locata sit, & eius tranquillitatē, procul omnibus curarum turbis, requirat. Non ergo sine causa ipse quoque Dominus, quum precibus incumbere vehementius vellet, in secessum procul hominum tumultu se conferebat: sed ut suo nos exemplo commonefaceret, non esse negligēda istæc adminicula, quibus animus noster per se nimium lubricus magis ad serium orationis studium intenditur. Interim verò, quemadmodum neque in media hominum turba, si quando ita tulerat occasio, à precando abstinerebat: sic nos in locis omnibus, quibus opus fuerit, tollamus puras manus. Atque adeò sic habendum est, quisquis in sacro piorum conuentu orare detrectat, nescire quid sit orare seorsum, vel in recessu, vel domi. Rursus qui solus & priuatim orare negligit, quantumuis sedulò frequentet cõtus publicos, ventosas tantū preces illic cōcipere: quia plus hominum opinioni defert quàm arcano Dei iudicio. Interea, ne contemptui essent communes Ecclesiæ preces, eas splendidis elogiis olim Deus ornauit: præsertim ubi templum vocauit domum orationis. Nam & præcipuā cultus sui par-

Heb. 13. c. 16

1. Thes. 5. c. 17

1. Cor. 15. g. 46

Matth. 6. a. 7

Matth. 6. a. 6

1. Tim. 2. c. 8

Iesa. 56. c. 7

Psal. 65. a. 1

tem hac voce docuit esse precandi officium: atque ut in eo se fideles vno consensu exercerent, instar vexilli erectū illis fuisse templum. Addita etiam fuit insignis promissio, Te expectat, Deus, laus in Sion: & tibi votum reddetur. Quibus verbis admonet Propheta nunquam irritas esse Ecclesiæ preces: quia Deus populo suo semper canendi materiam cum gaudio suppeditat. Etsi autem cessarunt legales umbræ, quia tamen hac ceremonia inter nos quoque fidei vnitatem Deus fouere voluit, non dubium quin ad nos pertineat eadem promissio, quam & Christus ore suo sancit, & Paulus perpetui vigoris esse docet.

30

Mat. 18. c. 20

Iam ut communes fidelibus preces Deus verbo suo edicit, sic & templa publica ipsis peragendis destinata esse oportet. ubi qui orationem cum Dei populo communicare respuunt, non est quod isto prætextu abutantur, cubiculum se ingredi, quo Domini mandato pareant. Ille enim qui pollicetur se facturum quicquid duo aut tres petierint in nomine suo congregati, palam conceptas preces se minime aspernari testatur: modò facessat ostentatio & humanæ gloriolæ aucupiū, modò adsit sincera veraque affectio quæ in cordis arcano habitat. Si hic legitimus est templorum usus (ut certè est) cauendum est rursum ne aut (quemadmodum seculis aliquot haberi cœperunt) propria esse Dei habitacula ducamus, ynde propius aurem nobis admoueat: aut secretam nescio quam illis affingamus sanctitatem, quæ sacrationem apud Deum orationem reddat. Vera enim Dei templa quum simus ipsi, in nobis oremus oportet, si in sancto templo suo Deum volumus inuocare. Illam verò crassitiem Iudæis aut Gentibus relinquamus, qui præceptum habemus de inuocando, citra loci discretionem, in spiritu & veritate Domino. Dedicatum quidem templum erat olim Dei iussu precibus ac victimis offerendis: sed quo tempore veritas sub talibus umbris figurata delitescibat, quæ nunc ad viuum nobis expressa in nullo materiali templo hæere nos patitur. Ac ne Iudæis quidem ea conditione commēdatum fuit templum. ut Dei præsentiam eius parietibus includerēt, sed quo ad contemplandam veri templi effigiem exercerentur. Itaque grauiter à Iesaja & Stephano reprehensi sunt qui Deum in templis manu factis habitare vllō modo putarent.

Iohan. 4. c. 23

Iesaja. 66. a. 1

Act. 7. f. 48

31

Iesaja. 29. d. 13

matth. 15. a. 8

Hinc præterea plusquam clarum est, neque vocem neque cātum (si in oratione intercedant) habere quicquam momenti, aut hilum proficere apud Deum, nisi ex alto cordis affectu profecta. Quin eius iram aduersus nos prouocant si è summis duntaxat labris & gutture exeunt: quādo id est sacrosancto eius nomine abuti, ac eius maiestatem derisui habere, sicuti ex Iesajæ verbis elicimus, quæ etsi latius patēt, ad hoc quoque vitium coarguendū pertinet. Populus (inquit) iste appropinquat mihi ore suo, & labiis suis me honorat: cor autem eorum longè est à me: & timuerunt me mandato & doctrina hominū. Propterea ecce faciam in populo hoc miraculum grande & stupēdum. peribit enim sapientia à sapientibus eorum, & prudentia seniorū euanesceat. Neque tamen vocē aut cātum hīc damnamus, quin potius valde commendamus, modò animi affectum comitentur. Sic enim mētem in Dei cogitatione exercent, & intentam retinent: quæ, ut lubrica est & versatilis, facilè remittitur, & in varia distrabitur, nisi variis fulciatur adminiculis. Præterea, quum Dei gloria in singulis corporis nostri partibus elucere quodammodo debeat, cōuenit præsertim linguam huic ministerio addictam esse ac deuotam tum canendo, tum loquendo: quæ peculiariter ad enarrandam prædicandamque Dei laudem, condita est. Potissimus tamen linguæ usus est in orationibus publicis, quæ in fidelium conuentu habentur: quibus hoc agitur, ut Deum, quem vno spiritu eadēque fide colimus, communi vna voce & veluti eodē omnes ore pariter glorificemus. Idque palam, ut omnes vicissim, à suo quisque fratre, confessionem fidei accipiant, ad cuius exemplum inuitentur & incitentur.

32

1. Cor. 14. c. 13

Coloss. 3. c. 16

Confess. lib.

9. c. 7

Canendi verò in Ecclesiis ritum (ut id quoque obiter dicam) nō modò vetustissima esse constat, sed Apostolis quoque in usu fuisse, ex illis Pauli verbis colligere licet, Canam spiritu, canam & mente. Item ad Colossenses, Docētes & commonefacientes vos mutuò in hymnis, psalmis & canticis spiritualibus, canentes cum gratia in cordibus vestris Domino. Priore enim loco, voce & corde canendum esse præcipit: altero cantilenas spirituales commendat, quibus se mutuò pii ædificant. Id tamen vniuersale non fuisse testatur Augustinus, qui refert sub Ambrosio demum cœpisse canere Ecclesiam Mediolanensem: quum fauente aduersus fidem orthodoxam Iustina Valentiniani matre, populus solito magis assiduus in vigiliis esset: reliquas deinde occidentales Ecclesias sequutas. Paulo enim antè dixerat ab orientalibus profectū fuisse hunc morem. Indicat etiam lib. Retractionum 2, sua ætate fuisse in Aphrica receptum. Hilarius quidam, inquit, vir tribunitius, morem, qui tunc esse apud Carthaginem cœperat, ut hymni ad altare dicerentur de Psalmorum libro, vel ante oblationem, vel quum distribueretur populo quod fuisset oblatum, maledica re-

prehensione vbicunque poterat lacerabat. Huic respondi, iubentibus fratribus. Et certè si ad eam, quæ Dei & Angelorum conspectum decet, grauitatem attemperatus sit cætus, cum dignitatem & gratiam sacris actionibus conciliat, tum ad excitandos in verum precandi studium ardoremque animos plurimum valet. Cauendum tamen diligenter ne ad modulationem intentiones sint aures quàm animi ad spiritualem verborum sensum. Quo periculo se permotum fatetur alicubi idem Augustinus, vt interdum optarit institui morem ab Athanasio obseruatum, qui lectorem tam modico vocis flexu iubebat sonare, vt pronuntianti vicinior foret, quàm canenti. Verùm, quum reminisceretur quantam sibi vtilitatem cantus attulissent, in alteram partem inclinabat. Hac ergo adhibita moderatione, nihil dubium quin sanctissimū sit ac saluberrimum institutum. Quemadmodum rursus, quicumque ad suauitatem duntaxat auriumque oblectationem cōpositi sunt cantus, nec Ecclesiæ maiestatem decent, nec Deo non summopere displicere possunt.

Confess. lib.
10. cap. 33.

33 Quo etiam planè constat, non Græco inter Latinos, nec Latino inter Gallos aut Anglos (vt hætenus passim factitatū est) sed populari sermone cōcipiendas esse publicas orationes, qui vulgo à toto cœtu intelligi possit. quandoquidem in totius Ecclesiæ ædificationem fieri conuenit: ad quam ex sono non intellecto nullus penitus fructus redit. Apud quos verò nulla est nec charitatis nec humanitatis ratio, ii saltem Pauli autoritate moueri aliquantulū debebant, cuius verba minimè ambigua sunt. Si benedixeris, inquit, spiritu, is qui implet locum idiotæ, quomodo ad tuam benedictionē respōdebit Amen, quādoquidē quid dicas nescit: nam tu quidē gratias agis, sed alius non ædificatur. Quis ergo effrahem Papistarum licentiam satis miretur, qui Apostolo palàm sic reclamante, exotica lingua verbosissimas preces reboare non formidāt, in quibus nec syllabam vnā ipsi interdum assequuntur, nec alios intelligere volunt: Nobis verò secus agendum præscribit Paulus. Quid ergo? (inquit) orabo spiritu, orabo & mente: psallam spiritu, psallam & mēte. Spiritus voce singulare linguarum donum significans, quo nonnulli præditi abutebātur, quum à mente, hoc est intelligentia, illud auellerent. Sic tamen omnino sentiendum, nulla ratione fieri posse, nec in publica oratione, nec in priuata, quin lingua sine animo summopere Deo displiceat. Ad hoc, cogitationis ardore mētem esse debere incitatam, quo totum longe superet quod lingua enuntiando exprimere potest. Postremò, ne esse quidem orationi priuatæ necessariam linguam, nisi quoad interior sensus vel sibi ipse ad incitationem sufficere non valet, vel incitationis vehementia linguæ actionem secum rapit. Nam etsi optimæ interdum orationes voce carent, sæpe tamen vsu venit vt affectu mentis exultante, & lingua in vocem, & membra alia in gesticulationem sine ambitione erumpant. Inde scilicet incertum istud Hannæ murmur, cuius simile quiddam sancti omnes perpetuò in se experiūtur, dum in abruptas & concisas voces profiliunt. Corporis autem gestus in precatōne obseruari soliti (quales sunt geniculatio, & capitis detectio) exercitia sunt, quibus ad maiorem Dei venerationem assurgere conamur.

1. Cor. 14. c. 16

Ibidē, 14. c. 19

1. Sam. 1. b. 13

34 Nunc certior orandi non modò ratio, sed forma quoque ipsa discenda est: ea scilicet quam per dilectum Filium suum nobis cælestis Pater tradidit: vbi immēsam bonitatem ac mansuetudinem agnoscere licet. Nam præterquam quod nos monet atque hortatur vt se in omni nostra necessitate quæramus (qualiter filii in parētum fidē, quoties vlla anxietate afflicti, confugere solent) quoniam videbat ne id quidem satis nos perspicere, quàm angusta esset nostra paupertas, quid æquū postulare, quid è re nostra esset, huic etiā nostræ ignorantia occurrit: & quod captui nostro deerat, de suo ipse suppleuit ac suffecit. Præscripsit enim nobis formulā, qua velut in tabula proposuit quicquid à se expetere licet, quicquid in rem nostram cōducit, quicquid postulare necesse est. Ex qua eius benignitate magnum consolationis fructum percipimus, quòd nihil absurdum, nihil alienū aut importunū, nihil denique non illi acceptū postulare nos intelligimus, qui penè ex eius ore rogāmus. Plato quum hominum imperitiam videret in votis ad Deum perferēdis, quibus concessis pessimè illis sapius consultum fuerit: optimam precandi rationem hanc esse pronuntiat, è veteri Poeta sumptam, Iuppiter rex, optima nobis & vouentibus & non vouentibus tribue: mala autem poscentibus quoque abesse iube. Atque homo quidem ethnicus in eo sapit, quòd iudicat quàm sit periculosum à Domino expetere quod cupiditas nostra dictauerit: simul nostram infortūnitatem prodit, qui ne hiscere quidem sine discrimine coram Deo possimus, nisi ad rectā orandi normam nos Spiritus instituat. Quo maiore in pretio censeretur apud nos meretur hoc priuilegium, dum vnigenitus Dei filius verba nobis in os suggerit quæ mentem nostram omni hæsitacione expédiant.

In Alcib. 2.
vel De voto.

Rom. 8. c. 16

35 Hæc orandi seu forma, seu regula, sex petitionibus constituta est. Nam ne iis accedam

August. In
Enchirid. ad
Laurent. cap.
116. Chrysoſt.
autho. ope.
imper.

qui ſeptem capitibus diſtinguunt, facit quòd aduerſatiua diſtione intericcta videtur Euā-
gelista duo illa membra voluiſſe inter ſe colligere. acſi dixiſſet, Ne tētatione opprimi nos
ſinas, quin potius noſtræ fragilitati opem feras, & liberes, ne ſuccumbamus. Nobis cum e-
tiam ſentiunt veteres Eccleſiæ ſcriptores. vt iam quod ſeptimo loco apud Matthæum ad-
ditum eſt, exegeticè ad ſextam petitionem referendum ſit. Tameſi autem eiufmodi eſt to-
ta oratio, vt vbique gloriæ Dei ratio in primis habēda ſit: priores tamē tres petitiones Dei
gloriæ peculiariter deſtinatæ ſunt: quā ſolā in illis intueri nos oportet, nullo cōmodi no-
ſtri (vt aiūt) reſpectu. Tres reliquæ noſtri curā gerunt, ac propriè iis quæ ex vſu noſtro ſunt
poſtulandis ſunt aſſignatæ. Vt quum nomen Dei ſanctificari petimus, quia probare vult
Deus gratisne an ſpe mercedis ametur à nobis & colatur, nihil tum de noſtro cōmodo co-
gitandum eſt: ſed eius gloria nobis proponenda eſt, quam intentis oculis vnā intueamur:
nec aliter in reliquis huiusmodi precibus affectos eſſe fas eſt. Atque hoc quidem ipſum no-
bis in magnum cōmodum cedit, quòd dum ita vt petimus ſanctificatur, ſit etiam noſtra
viciffim ſanctificatio. Sed ad huiusmodi vtilitatem oculi noſtri (vt dictū eſt) cōiungere ac
quodāmodo cæcutire debent, ne in ipſam omnino reſpiciant. Vt ſi omnis ſpes priuati no-
ſtri boni præciſa eſſet, hæc tamen ſanctificatio, & alia quæ ad Dei gloriam pertinet, à nobis
optari & precibus poſtulari non deſināt. Vt in exēplis Moſis & Pauli ſpectatur, quibus gra-
ue non fuit mētes & oculos à ſeipſis auertere, ac vehementi incenſoque zelo ſuum ipſorum
interitum expetere, vt vel ſuo diſpendio gloriam & regnum Dei promouerent. Rurſum
quum panem noſtrū quotidianum nobis dari petimus: tameſi optemus quod eſt noſtri
commodi: tamē hīc quoque Dei gloriam quærere præfertim debemus. vt ne petiuri qui-
dem ſimus niſi in eius gloriā vergat. Nunc ad ipſam orationis enarrationē aggrediamur.

Exodi 32. g. 32
Rom. 9. a. 3

Pater noſter, qui es in cælis.

Iohan. 1. b. 12

1. Iohan. 3. a. 1

Pſal. 27. d. 10

Ieſa. 63. d. 16

2. Tim. 2. b. 13

Matth. 7. b. 11

Ieſa. 49. d. 15

36 Primū, in ipſo limine occurrit quod antea diximus, omnem à nobis orationem of-
ferri Deo non aliter debere quā in Chriſti nomine: vt nullo alio nomine illi cōmēdari
potest. Nam ex quo Patrem vocamus Deum, nomen certè Chriſti præcedimus. qua enim
fiducia Deum aliquis Patrem nominaret? quis huc temeritatis prorumperet, vt ſibi vſur-
paret honorem filii Dei, niſi in Chriſto adoptati eſſemus in filios gratiæ? Qui quū verus ſit
Filius, nobis in fratrem ab ipſo datus eſt: vt quod natura ipſe proprium habet, adoptionis
beneficio noſtrum fiat, ſi tantam beneficentiam certa fide amplectimur. Quemadmodum
Iohānes ait datam eſſe poteſtatem iis qui credunt in nomē vnigeniti Filii Dei, vt filii Dei
ipſi quoque fiant. Itaque & Patrem ſe noſtrum appellat, & ſic à nobis vocari vult: hac tāta
nominis ſuauitate, omni nos diſſidentia eximens, quando nullus alibi maior amoris af-
fectus quā in Patre reperiri poſſit. Itaque nullo certiore documento immenſam ſuam
erga nos charitatem teſtificari potuit, quā ex eo quòd filii Dei nominamur. Ipſius verò
charitas tanto ergo nos maior præſtantiōrque eſt omni parentū noſtrorū charitate, quan-
to ipſe omnes homines bonitate & miſericordia ſuperat. vt ſi quotquot in terra ſunt patres,
omni paternæ pietatis ſenſu exuti, filios deſtituerent: ipſe nobis nunquam deſuturus ſit:
quoniā ſeipſum negare non poteſt. Habemus enim eius promiſſum, Si vos, quū mali ſitis,
noſtris bona dare filiis veſtris: quāto magis Pater veſter qui in cælis eſt? Itē apud Prophetā,
Potēſtne mater obliuiſci filiorū? Eſti obliuiſcatur, ego tamē non obliuiſcar tui. Quòd ſi fi-
lii eius ſumus, vt filius in fidē extranei alienique hominis ſe conferre non poteſt niſi ſimul
de patris vel ſcūitiae vel inopia queratur: ita aliunde ſubſidia quā ab ipſo quærere non
poſſum⁹, niſi exprobrata illi egeſtate, ac facultatū inopia, vel ſcūitiae nimia que aſteritate.

37

Nec cauſemur, nos meritò timidos reddi peccatorum conſcientia, quæ Patrem, quan-
uis clementem ac manſuetum, tamen nobis offeſum quotidie reddant. Nam ſi inter ho-
mines, nullo meliore patrono cauſam ſuā apud patrem filius agere poteſt, nullo meliore
interprete perditam eius gratiam ſibi conciliare ac recolligere, quā ſi ipſe ſupplex ac de-
miſſus, culpam agnoſcens, patris miſericordiam imploret (non enim tum ſe paterna vi-
ſcera diſſimulare poſſunt quin ad tales preces commoueantur) quid ille Pater miſericor-
diarum, & Deus totius conſolationis? annon potius filiorum pro ſe deprecātium lachry-
mas & gemitus exaudiet (quum præfertim ad id nos inuitet & exhortetur) quā quauiſ
aliorū patrociniā? ad quorū ſubſidiū ideo pauidi ſuſſugiūt, non ſine al. qua deſperationis
ſpecie, quia de patris ſui māſuetudine ac clemētia diſſidunt. Hanc paternā manſuetudinis
exuberantiā nobis in parabola pingit ac repræſentat: vbi pater filiū, qui ab eo ſe alienaue-
rat, qui ſubſtantiā eius diſſolutè prodegerat, qui modis omnibus grauiter in eū deliquerat,
obuiſ vlnis amplectitur: nec expectat donec verbis veniam poſtulet, ſed ipſe antecurrit,

2. Cor. 1. a. 3

Luc. 15. c. 10

redeuntem eminus agnoscit, vltro illi occurrit, solatur, in gratiam recipit. Hoc enim tantæ mansuetudinis exemplum in homine spectandum proponens, docere nos voluit quàm effusiores expectare debeamus à se, non modò Patre, sed patrum omnium longè optimo ac clementissimo: quanuis ingrati, rebelles ac improbi filii: modò tamen in eius misericordiam nos coniiciamus. Ac quo certiores fidem faceret se huiusmodi Patrè nobis esse, si Christiani sumus, non modò Pater, sed nominatim noster dici voluit: ac si in hunc modum cum eo ageremus, Pater qui tanta in filios pietate es præditus, tanta ad ignoscendū facilitate, nos filii tui te appellamus, ac poscimus, securi ac planè persuasi non alio te esse erga nos affectu quàm paterno, quantumuis indignos tali patre. Verùm quia tantam fauoris immensitatem non capiunt cordis nostri angustia, non modò adoptionis pignus & artha nobis Christus est, sed eiusdem adoptionis testem nobis dat Spiritum, per quem libera & sonora voce clamare licet, Abba Pater. Quoties itaque nobis obstabit aliqua curatio, petere ab ipso meminerimus vt correctæ nostræ timiditate spiritum illum magnanimitatis ducem ad audacter orandum præficiat.

Galat. 4. a. 6

38 Quòd autem non ita institui mur vt suum quisque patrem peculiariter nominet, sed potius vt nostrum in commune omnes vocemus: ex eo admonemur, quātum fraternæ dilectionis affectū inter nos intercedere oporteat, qui talis patris, eodem misericordiæ & gratiæ liberalitatis iure, pariter sumus filii. Nam si vnus omnibus nobis communis est pater, à quo prouenit quicquid omnino boni obtingere nobis potest: nihil inter nos diuisum esse decet quod non magna animi alacritate parati simus alter alteri communicare, quantum vsus postulat. Iam si ita vt par est, vicissim manum porrigere atque opem ferre cupimus, non est in quo magis commodare fratribus possimus quàm si optimi Patris curæ ac prouidentia commendemus, quo propitio ac fauente, nihil omnino desiderari potest. Et sanè hoc ipsum Patri etiam nostro debemus. Vt enim qui patrem aliquem familiars verè & ex animo diligit, totam simul eius domum amore ac beneuolentia cōplectitur: ad hunc modum, quo sumus in hunc cælestem Patrem studio atque affectu, erga eius populū, eius familiam, eius denique hæreditatē ostendere conuenit: quam tantopere honorauit vt plenitudinem vnigeniti Filii sui vocauerit. Ad hanc igitur legem Christianus homo preces suas exigit, vt cōmunes sint, ac omnes complectantur qui illi sunt in Christo fratres. Neque solū quos tales ad præsens videt atque cognoscit, sed omnes qui super terram agunt homines: de quibus quid statuerit Deus, extra notitiam est: nisi quòd illis optima optare & sperare non minus pium quàm humanum est. Etsi præ aliis in domesticos fidei singulari quodam affectu propensos esse decet: quos Apostolus peculiariter nobis omni in re commendauit. In summa, sic debent omnes esse orationes, vt in eam spectent communitatem quam Dominus noster in regno suo ac domo sua constituit.

Matth. 13. a. 9

Ephes. 1. d. 14

Galat. 6. c. 10

39 Neque id tamen obest quominus & pro nobis & pro certis aliis orare specialiter liceat: modò tamen animus ab huius communitatis intuitu non discedat, nec deflectat quidem, sed omnia istuc referat. Nam quanuis singulariter concipiantur, quia tamen ad eum scopum diriguntur, communes esse non desinūt. Id totum similitudine facile intelligi potest. Generale est Dei mandatum de subleuanda pauperum omnium egestate, & huic tamē obediunt qui in eum finem eorū inopiæ succurrunt quos laborare aut norunt aut vident: etiāsi multos prætereunt qui non leuiori necessitate premuntur: vel quia non omnes nosse, vel quia non omnibus sufficere possint. In hunc modum neque ii voluntati Dei repugnant qui communem hanc societatem Ecclesiæ spectantes & cogitantes, huiusmodi particulares orationes concipiunt, quibus publico animo singularibus verbis se aut alios Deo commendant, quorum necessitatem propius ipsis innotescere voluit. Quanquam non omnia quidem in oratione & facultatum erogatione sunt similia. nam benignitas largiendi exerceri nō nisi erga eos potest quorum perspecta est nobis inopia: iuuare autem oratione vel alienissimos & ignotissimos licet, quantumlibet longo terrarum interuallo à nobis diffiti sint. Id autem fit per generalem illam precationis formulam qua omnes filii Dei continētur, in quibus & illi sunt. Huc referre licet quod Paulus suæ ætatis fideles hortatur vt puras manus vbique tollant absque contētionē: quia dissidium precibus ianuam claudere admonens, vnanimis vota sua in commune vult conferre.

1. Tim. 2. c. 8

40 Adscribitur, Ipsum esse in cælis. Ex quo non protinus ratiocinandum est, ipsum cæli circumferentia, quasi cancellis quibusdam, inclusum & circumscriptum alligari. Siquidem & Solomon cōfiteatur cælos cælorum eum capere non posse. Et ipse per Prophetam ait, cælum suam sedem esse, terram autem scabellum pedum suorum. Quo scilicet significat, non certa aliqua regione se limitari, sed diffundi per omnia. Verùm quia aliter inenarrabile eius

1. Reg. 8. c. 37

Iesa. 66. a. 1

Act. 7. f. 49,

& 17. f. 24

gloriam mens nostra pro sua crassitie concipere non poterat, nobis per cælum designata est, quo nihil augustius aut maiestate plenius sub aspectum nostrum venire potest. Quando igitur ubicunque rem quampiam apprehendunt sensus nostri, affigere illic solent: extra omnē locum Deus statuitur: ut dum quærere volumus ipsum, supra omnem corporis & animæ sensum attollamur. Deinde hac loquēdi formula, supra omnem aut corruptionis aut mutationis aleam euehitur, de mum vniuersum orbem complecti & cōtinere, suāque potentia moderari significatur. Quare hoc perinde est ac si dictus esset infinitæ magnitudinis aut sublimitatis, incomprehensibilis essentia, immensæ potentia, æternæ immortalitatis. Id verò dū audimus, exerēda est altius nostra cogitatio, quā de Deo sermo est: ne quicquā terrenum aut carnale de eo somnietur: ne ipsum nostris modulis metiamur, neve eius voluntatē ad nostros affectus exigamus. Simul erigēda est nostra fiducia in ipsum, cuius prouidentia & virtute cælum & terrā gubernari intelligimus. Sūma sit, sub Patris nomine nobis in medio statui Deum illum qui in imagine sua nobis apparuit, ut certa fide inuocetur: nec modò fiduciæ aptari familiare Patris nomen, verūm etiā ad retinēdas mētes valere ne ad dubios vel fictitios deos trahantur: sed ab vnigenito Filio ad vnicum Angelorum & Ecclesiæ Patrem conscendant: deinde quòd solium eius locatur in cælis, ex mundi gubernatione nos commone fieri non frustra ad eum nos venire qui præsentī cura sponte occurrit. Qui ad Deum accedunt (inquit Apostolus) eos primò credere oportet Deū esse: deinde remuneratorem omnibus qui ipsum quærunt. Virumque hīc Christus Patri suo asserit, ut in ipso sistatur fides nostra. deinde ut certò persuasi simus salutē nostram ab eo non negligi: quia suam ad nos vsque prouidentia extendere dignatur. Quibus rudimentis Paulus nos ad rite orādum comparat: nam antequam iubeat petitiones nostras coram Deo innotescere, præfatur hoc modo, De nulla re sitis solliciti: Dominus propè est. Vnde apparet, dubitanter & perplexè vota sua in animo voluere qui hoc probè infixum non habent, Oculum Dei esse super iustos.

Hebr. 11. b. 6

Philip. 4. b. 6

Psal. 33. d. 18

41

Psal. 43. a. 11

Prima petitio est, Ut sanctificetur Dei nomen, cuius necessitas magno cum nostro dedecore coniuncta est. Quid enim magis indignū quā ut Dei gloriam obscuret partim nostra ingratitude, partim malignitas: audacia verò & furiosa proteruitia, quantum in se est, deleat? Crepent, licet, omnes impii cum sacrilega sua libidine, refulget tamen nominis Dei sanctitas. Nec abs re exclamat Propheta, Sicut nomen tuum Deus, ita laus tua in omnes fines terræ. Nam ubicunque innotuerit Deus, fieri non potest quin se proferant eius virtutes, potentia, bonitas, sapientia, iustitia, misericordia, veritas, quæ in eius admirationē nos rapiant, & incitent ad celebrandam eius laudem. Quia ergo tam indignè sua Deo sanctitas eripitur in terris, si eam asserere nobis non datur, saltem iubemur eius curam votis suscipere. Summa est, ut optemus suum haberi Deo honorem quo dignus est, ut nunquam de ipso loquantur vel cogitent homines sine summa veneratione: cui opponitur profanatio, quæ semper nimium in mūdo vulgaris fuit, ut hodie adhuc grassatur. Atque hinc petitionis necessitas, quam, si mediocris inter nos pietas vigeret, superuacua esse decebat. Quòd si Dei nomini sua constat sanctitas, ubi ab aliis omnibus segregatum meram gloriam spirat, hīc non tantū petere iubemur ut Deus sacrum illud nomen ab omni contemptu & ignominia vindicet, sed etiam ut ad eius reuerētiā subigat totum humanum genus. Iam quum Deus partim doctrina, partim operibus se nobis manifestet, non aliter à nobis sanctificatur quā si vtraque in parte tribuamus ei quod suum est, atque ita quicquid ab ipso profectum erit, amplexemur: nec laudē suam apud nos minus obtineat eius seueritas quā clementia: quando in multiplici operum diuersitate gloriæ suæ notas insculpsit, quæ confessionem laudis meritò ex omnibus linguis eliciat. Ita fiet ut Scriptura iustam apud nos auctoritatem obtineat, nec vllus euentus impediāt benedictionem quam Deus in toto gubernationis mundi cursu meretur. Huc etiam rursus tendit petitio, ut omnis impietas quæ sanctum hoc nomen polluit, pereat atque aboleatur: quæcūque hanc sanctificationē obscurant, aut diminuunt tam obreſcationes quā ludibria faceſſant: ac dum sacrilegia omnia compescit Deus, magis ac magis hīc clarescat eius maiestas.

42

Secunda petitio, Ut adueniat regnum Dei: quæ etsi nihil continet nouum, à prima tamen non sine ratione distinguitur: quia si nostram in re omnium maxima somnolentiam expendimus, quod per se notissimū esse debuerat, pluribus verbis inculcari operæ pretium est. Postquam ergo Deum rogare iussi sumus ut agat in ordinem, ac tandem prorsus deleat quicquid maculam aspergit sacro eius nomini: iam additur alterum simile & ferè idē votum, ut regnum eius adueniat. Etsi autem regni huius definitio antiè à nobis posita est, breuiter nunc repeto, Deum regnare ubi homines tam sui abnegatione quā mundi terrenæ

que vitæ contēptu illius iustitiæ se addicūt, vt ad cælestē vitam aspirent. Ita duæ sunt huius regni partes: altera, vt Deus prauas omnes carnis cupiditates, quæ turmatim cōtra eum bel ligerantur, Spiritus sui virtute corrigat: deinde vt sensus omnes nostros formet ad imperii sui obsequium. Itaque non alii legitimum ordinem tenent in hac prece, nisi qui à seipsis incipiunt, nempe vt purgentur corruptelis omnibus quæ tranquillū regni Dei statum perturbant, & puritatem inficiunt. Iam quia verbum Dei instar sceptri regii est, precari hīc iubemur, vt omnium mentes & corda voluntariæ eius obedientiæ subiiciat. Quod fit vbi arcano Spiritus sui instin&u efficiā verbi sui exerit, vt emineat in quo meretur gradu honoris. Postea ad impios descendere conuenit, qui peruiaciter & desperato furore, eius imperio resistunt. Regnum ergo suum erigit Deus totum mundum humiliādo, sed diuersis modis: quia aliorum lasciuas domat, aliorum indomitam superbiam frangit. Id quotidie fieri optandum est, vt sibi Deus Ecclesias colligat ex omnibus mundi plagis: eas numero propaget atque augeat, donis suis locupletet, legitimum in illis ordinem stabilit, ex opposito prosterneat omnes puræ doctrinæ & religionis hostes, dissipet eorum consilia, conatus deiiciat. Vnde apparet nō frustra nobis præcipi studiū quotidiani progressus: quia nūquam tam bene agitur cum rebus humanis, vt discussis purgatisque vitiorū sordibus plena floreat ac vigeat integritas. Plenitudo autem eius ad vltimum Christi aduentum protenditur: quo Paulus Deum omnia in omnibus fore docet. Atque ita hæc precatio retrahere nos debet à mundi corruptelis, quæ nos à Deo separant quominus regnum eius intra nos vigeat: simul accendere studium mortificandæ carnis: postremò ad crucis tolerā-tiam nos instituere: quando hoc modo vult Deus regnum suum propagari. Nec verò iniquè ferendum est exteriorem hominem corrumpi, modò interior renouetur. Hæc enim regni Dei conditio est, vt dum nos subiicimus eius iustitiæ, gloriæ suæ consortes reddat. Hoc fit dum lucem ac veritatem suam nouis semper incrementis illustrans, quibus Satanæ regniue eius tenebræ ac mendacia euanescent, extinguantur, pereant, suos protegit, Spiritus sui auxilio in rectitudinem dirigit, & ad perseverantiam confirmat: impias verò hostium conspirationes deiicit, insidias & fraudes discutit, occurrit malitiæ, peruiaciam retundit, donec tandem Antichristum Spiritu oris sui conficiat, omnemque impietatem illustratione aduentus sui deleat.

- 43 Tertia petitio est, Vt fiat voluntas Dei in terra sicuti in cælo. Quod tametsi à regno eius dependet, neque ab eo potest disiungi, non frustra tamē seorsum additur propter nostram ruditatem quæ non facilē vel statim apprehendit quid sit Deum in mundo regnare. Hoc ergo exegeticè sumere absurdum non erit: tunc Deum fore regem in mundo vbi se omnes eius voluntati subiicient. Porro non agitur hīc de arcana eius voluntate qua omnia moderatur & in suum finem destinat. Quauis enim tumultuosē Satan & homines contra ipsum ferantur, nouit tamen incomprehensibili suo consilio non solum flectere eorum impetus, sed in ordinem agere vt per eos faciat quod decreuit. Sed hīc notatur alia Dei voluntas, nempe cui respondet voluntarium obsequium: ideòque nominatim confertur cælum terræ: quia Angeli, vt in Psalmo dicitur, sponte obediunt Deo, & intenti sunt ad exequenda eius iussa. Iubemur ergo optare, sicut in cælo nihil geritur nisi ex Dei nutu, placidēque Angeli ad omnem rectitudinem compositi sunt, sic terram omni contumacia & prauitate extincta, eiusmodi imperio subigi. Atque id quidem postulantes, carnis nostræ desideris renuntiamus: quia nisi quis affectus suos Deo resignet ac permittat, eius voluntati, quantum in se est, se opponit, quando nihil ex nobis prodit nisi vitiosum. Atque iterum hac precatione ad nostri abnegationem formamur, vt Deus pro suo arbitrio nos regat: neque id solum, sed etiam vt nouas mentes nouosque animos, nostris in nihilum reductis creet, nequem sentiamus in nobis cupiditatis motum quā merum cōsensum cum eius volūtate. in summa, nequid ex nobis velimus ipsi, sed vt Spiritus eius corda nostra gubernet, quo intus docente discamus amare quæ ei placent, odisse verò quæ displicent. Vnde hoc quoque sequitur vt quicumque eius voluntati repugnāt affectus, eos vanos & irritos reddat. En prima tria capita precationis, in quibus poscendis solam Dei gloriam præ oculis habere conuenit, omissa nostri ratione, nec spectata vlla nostra vtilitate quæ tametsi larga inde nobis prouenit, hīc tamē à nobis quarēdanon est. Hæc autē omnia quauis nec cogitantibus, nec optantibus, nec petētibz nobis, suo nihilominus tempore euenire oporteat, optanda tamen & poscenda nobis sunt. Idque facere non leue operæpretium est, vt sic nos seruos esse ac filios Dei testemur & profiteamur, eius honori (quod Domino patrique debetur) quantū in nobis est studentes, verēque & penitus addicti. Itaque qui hoc affectu ac studio promouendæ Dei gloriæ non petunt vt nomē Dei sanctificetur, vt eius regnum ad-

1. Cor. 13. 2

Psal. 103. d. 20

ueniat, ut fiat voluntas eius: ii neque inter filios & seruos Dei habendi sunt: ac quemadmodum hæc omnia illis inuitis fient, ita in confusionem illis cedent ac interitum.

44 Sequitur pars orationis secunda, in qua ad nostras utilitates descendimus: non quidem
 1. Cor. 10. g. 31 ut gloria Dei valere iussa (quæ teste Paulo etiam in cibo & potu spectanda est) tantum quæramus quod nobis expedit: sed hoc discrimen esse admonuimus, quod Deus peculiariter tria vota sibi vèdicans, nos ad se totos rapit, ut pietatem nostram hoc modo probet. Deinde concedit etiam commodis nostris prospicere, hac tamen lege nequid nobis expetamus nisi in illum finem ut quæcunque nobis confert beneficia gloriam eius illustrent. quia nihil æquius est quam nos ei viuere & mori. Cæterum hac in genere omnia, quibus corporis usus sub elementis huius mundi indiget, à Deo petimus: non modo quo alimur ac vestiamur, verum etiam quicquid omnino nobis conducere ipse prospicit, ut panem nostrum in pace comedamus. Qua breuiter nos in eius curam tradimus, ac prouidentiae committimus, ut nos pascit, foueat, seruet. Non enim dedignatur optimus Pater corpus etiam nostrum in fidem ac custodiam suam suscipere, ut fidem nostram minutis istis in rebus exerceat: dum ab eo omnia, usque ad micam panis, & guttam aquæ, expectamus. Nam quum sit nescio qua nostra iniquitate comparatum, ut maiori carnis quam animæ solitudine afficiamur ac torqueamur, multi qui audet Deo de anima fidere, sunt tamè adhuc de carne solliciti, adhuc hæsitant quid edant, quid vestiantur: & nisi præ manibus habeant vini, frumenti & olei copiam, trepidat. Tanto pluris nobis est huius momentaneæ vitæ vmbra, quam æterna illa immortalitas. Qui verò Deo confisi, illam de carnis cura anxietatem semel abiecerunt, simul statim quæ maiora sunt, etiam salutem & vitam æternam, ab eo expectant. Non ergo leue est fidei exercitium, ea de Deo sperare quæ alioqui nos tantopere anxios habent: neque parum profectum est, ubi hanc, quæ in omnium penè hominum ossibus mordicus hæret, infidelitatem exuimus. Quod porro de pane supersubstantiali quidam philosophantur, mihi videtur Christi sententiæ perparum conuenire, imò nisi in hac etià caduca vita tribueremus Deo nutritii partes, mutila esset precatio. Ratio quam afferunt nimis est profana: non esse consentaneum ut filii Dei, qui spirituales esse debent, non modò adiiciant animum ad terrenas curas, sed Deum quoque illis secum implicent. Quasi verò non refulgeat etiam in victu benedictio eius & paternus fauor, aut de nihilo scriptum sit pietatem habere promissiones non tantum futuræ vitæ sed etiam præsentis. Et si autem peccatorum remissio longè pluris est quam alimenta corporis, quod tamen inferius erat prior loco posuit Christus, ut nos ad reliquas duas petitiones gradatim eueheret, quæ propriæ sunt cælestis vitæ: in quo tarditati nostræ consuluit. Iubemur autem petere panem nostrum, ut contenti simus demenso quod nobis erogare dignatur cælestis Pater, neque artibus illicitis lucrum captemus. Interea tenendum est nostrum fieri donationis titulo, quia nec industria nec labor nec manus nostræ (ut dicitur apud Moysen) nobis per se quicquam acquirunt nisi ad sit Dei benedictio: imò ne panis quidem copia nobis tantillum proficeret nisi diuinitus in alimentum verteretur. Ac proinde non minus diuitibus quam egenis necessaria est hæc Dei liberalitas: quia plenis cellis & horreis aridi & vacui deficerent nisi per eius gratiam pane suo frueretur. Particula Hodie vel quotidie, ut est apud alterum Euangelistam: item epitheton quotidiani, frænum iniiciunt immodicæ rerum fluxarum cupiditati, qua solemus præter modum ardere, & cui accedunt alia mala: quia si largior suppetit abundantia, ambitiose in voluptatem, delicias, ostentationem, aliàsque luxus species profundimus. Itaque petere iubemur duntaxat quatum necessitati nostræ satis est, & velut in diè, hac fiducia, ubi nos hodie nutrierit cælestis Pater, neque crastino defuturum. Quantaunque igitur rerum copia nobis affluat, etiam ubi expleta fuerint horrea & plena cellaria: semper tamen panem quotidianum nos petere conuenit: quia certò tenendum est omnem substantiam nihil esse nisi quatenus effusa sua benedictione Dominus eam continuo progressu fecundat: quæ etiam in manu nostra est, ne eam quidem nostram esse, nisi quatenus in singulas horas portiunculam nobis largitur, usumque permittit. Id quia ægerimè sibi persuaderi patitur hominum superbia, singulare in omnia secula documentum se præbuisse testatur Dominus, quum manna in deserto populum suum educauit, ut nos commonefaceret, non in solo pane viuere hominem, sed in verbo potius quod ex ore suo egreditur. Quo indicatur, solam eius virtutem esse qua sustentatur vita & vires: tametsi eam sub corporeis instrumentis nobis administrat. Quemadmodum & contrario documento nos erudire solet, quum robur panis (& ut ipse vocat, baculum) quoties libet cōfringit, quo scilicet edentes tabescant fame, & bibentes siti arecant. Qui verò pane quotidiano non contenti, sed effræni cupiditate infinitis inhiantes: aut qui abundantia sua saturi, & di

uitiarum suarum cumulo securi, hac nihilominus precatione Deo supplicāt, nihil quā ipsum irrident. Priores enim petunt quod impetratum nollent, imò quod maximè abominantur, nempe panē quotidianū duntaxat: quātūque possunt, avaritiæ suæ affectum Deo dissimulant: quum vera oratio totā ipsam mentē & quicquid intus latet, apud ipsum effundere debeat. Alteri verò postulant quod minimè ab eo expectant, nempe quod sibi apud se esse arbitrantur. In eo quod noster dicitur, magis quidem, ut diximus, eminet Dei benignitas, quæ nostrum facit quod nullo iure nobis debetur. Neque tamen repudiādum est quod etiam attigi, ita designari iusto labore & innoxio partum, non autem imposturis quæsitum aut rapinis: quia alienum semper est quicquid cum aliqua noxa nobis acquirimus. Quòd dari nobis petimus, significatur esse simplex ac gratuitum Dei donum, vnde cunque nobis adueniat: etiam ubi maximè visus fuerit arte atque industria nostra quæsitus, ac manibus nostris comparatus. quando sola eius benedictione efficitur ut laboribus nostris rectè succedat.

45 Sequitur, Remitte nobis debita nostra: qua petitione & proxima breuiter amplexus est Christus quicquid ad cælestem vitam facit. quemadmodum his tantum duobus membris cōstat spirituale fœdus quod Deus in salutem Ecclesiæ suæ pepigit, Leges meas inscribam cordibus ipsorum, & propitius ero eorum iniquitati. Hic à remissione peccatorum Christus incipit, deinde mox adiunget secundam gratiam, ut nos Spiritus sui virtute tueatur Deus & auxilio sustineat, ut inuicti stemus contra omnes tentationes. Peccata verò debita nuncupat quòd eorū pœnam debemus, nec satisfacere vllō modo possemus, nisi hac remissione solueremur. quæ venia est gratuita misericordiæ eius, quum ipse liberaliter hæc debita expungit, nullum à nobis pretium accipiens: sed sua ipsius misericordia sibi satisfaciens in Christo, qui semel in compensationem seipsum tradidit. Itaque qui suis aut aliorum meritis Deo satisfieri confidunt, hisque satisfactionibus peccatorū remissionem pensari ac redimi, huic gratuita condonationi minimè communicant: ac dum in hanc formam Deum inuocant, nihil aliud quā in suam accusationē subscribunt, adeoque damnationem obsignant suo ipsorum testimonio. fatentur enim se debitores nisi remissionis beneficio soluantur, quam tamen non accipiunt sed magis respuunt, dum sua merita ac satisfactiones Deo obtrudunt. sic enim non eius misericordiam implorant, sed iudicium appellant. Qui verò sibi perfectionem somniant quæ veniæ petendæ necessitatem tollat, discipulos habeant quos aurium pruritus ad fallacias impellit: modò ereptos esse Christo contet quoscunque sibi acquirunt. quando omnes ille ad fatendum reatum instituens nullos admittit nisi peccatores: non quòd blanditiis foueat peccata, sed quia fideles nunquam planè exui carnis suæ vitiis sciebat, quin semper maneat Dei iudicio obnoxii. Optandum quidem est atque etiam enixè laborandum ut omnibus officii nostri numeris defuncti, verè apud Deum nobis gratulemur nos esse puros ab omni macula. sed quia Deo placet paulatim suam in nobis imaginem refingere, ut semper aliquid contagionis in carne nostra resideat, remedium minimè negligendum fuit. Quòd si Christus pro autoritate sibi à Patre data iubet nos toto vitæ cursu ad reatus deprecationē confugere, quibus tolerabiles erunt noui magistri, qui perfectæ innocentiae spectro, simplicium oculos perstringere conantur, ut se ab omni culpa reddi posse immunes confidant? Quod, teste Iohanne, nihil aliud est quā mendacem facere Deum. Eadem etiam opera nebulones isti fœdus Dei, quo vidimus salutē nostrā contineri, capite vno inducto lacerāt, atque ita funditus labefaciunt: non tantū in eo sacrilegi quòd separant res adeo cōiunctas, sed etiā impii & crudeles quòd miseras animas obruunt desperatione: in seipsos quidem & sibi similes perfidi, quòd socordiam sibi accersunt Dei misericordiæ ex diametro aduersam. Quòd autem obiciunt, regni Dei aduētum optando simul nos peccati abolitionem petere: nimis puerile est: quia in priore orationis tabula summa nobis perfectio, hic autem infirmitas proponitur. Ita duo hæc aptè inter se cōueniunt ut aspirādo ad metā, quæ necessitas nostra remedia exigit non negligamus. Petimus demum remissionē nobis fieri, ut ipsi debitoribus nostris remittimus: hoc est, ut omnibus parcimus ac veniam damus à quocunque vlla in re læsi sumus, aut facto iniquè tractati, aut dicto cōtumeliosè accepti. Non quòd delicti atque offensæ culpam remittere nostrum sit, quod solius Dei est: verūm hæc nostra est remissio, irā, odium, vindictæ appetentiam ex animo vltro deponere, & iniuriarum memoriam voluntaria obliuione conterere. Quamobrem peccatorum remissio à Deo petenda non est, nisi offensas etiam ipsi nostras omnibus remittamus qui nobis iniurii vel sunt vel fuerunt. Si qua verò odia animis retinemus, vltiones meditamur, & qua noceamus occasione cogitamus: imò verò nisi cum inimicis redire in gratiam ipsosque omni officiorum genere de-

Ierem. 31. f.
33. & 33. a. 8

Rom. 3. c. 24

1. Iohā. 1. d. 19

Iesa. 43. d. 29

mereri, nobisque cōciliare nitimur: hac precatione Deum obtestamur ne peccatorum remissionem nobis faciat. Poscimus enim vt nobis faciat, quam aliis facimus. Hoc verò est petere ne nobis faciat nisi ipsi facimus. Qui ergo huiusmodi sunt, quid consequuntur sua petitione nisi grauius iudicium? Postremò obleruandum est, non hanc conditionem ideo adijci vt remittat nobis, sicut debitoribus nostris remittimus, propterea quòd nostra quā alii facimus, remissione, eius remissionē mereamur, ac si notata esset causa: verum hoc verbo solari partim voluit Dominus fidei nostræ imbecillitatē. addidit enim hoc tanquam signum quo confirmemur tam certò nobis factam à se remissionem peccatorum, quàm certò conscii sumus aliis eam à nobis fieri: si tamen animus nobis omni odio, liuore, vindicta, vacuus purgatusque est: partim hac veluti nota, è filiorum numero expungit qui ad vlciscendum præcipientes, ad remittendum difficiles, pertinaces inimicitias exercent, & indignationem quam à se deprecantur, ipsi aduersus alios fouent, ne se pro Patre inuocare ausingant. quod etiam disertè in Christi verbis exprimitur apud Lucam.

- 46 Sexta petitio (vt diximus) promissioni respondet de Lege Dei cordibus nostris insculpenda: sed quia non sine continua militia durisque & arduis certaminibus Deo paremus, hinc petimus nos armis instrui & præsidio defendi, vt pares simus ad victoriam: quo mone-mur non tantum nobis opus esse Spiritus gratia, quæ corda nostra intus emolliat, flectat & dirigat in Dei obsequium, sed etiam auxilio, quo nos insuperabiles reddat contra omnes Satanæ tam insidias quàm violentos conflictus. Iam verò multæ sunt ac variæ tentationum formæ. Nam & prauæ animi conceptiones, in Legis transgressionem nos prouocantes, quas vel concupiscentia nostra nobis suggerit, vel Diabolus excitat, tentationes sunt: & quæ suapte natura mala non sunt, Diaboli tamen arte tentationes fiunt, quum sic oculis nostris ingeruntur, vt eorum obiectu à Deo abstrahamur, aut declinemus. Et hæc quidem tentationes sunt vel à dextris vel à sinistris. A dextris, vt diuitiæ, potentia, honores, quæ plerunque suo fulgore & boni specie quam præ se ferunt, hominū aciem præstringunt, & blanditiis suis inescant, vt talibus præstigiis capti, vt tali dulcedine ebrii, Deum suum obliuiscantur. A sinistris, vt paupertas, probra, contēptus, afflictiones, & cætera id genus: quorum acerbitate difficultatēque offensi animos despondeant, fiduciā ac spem abiiciant, demum à Deo prorsus alienentur. His tentationibus vtrisque, quæ vel concupiscentia nostra in nobis accensæ, vel Satanæ vafricia nobis propositæ nobiscum pugnant, ne cedere nos permittat, à Deo Patre nostro precamur. Verum vt potius manu sua nos sustentet ac erigat: quo eius virtute robusti, contra omnes maligni hostis insultus firmi stare possimus, quascunque cogitationes animis nostris immittat: deinde quicquid nobis in vtrāque partem proponitur, in bonum vertamus. hoc est, ne inflemur prosperis, nec aduersis deiiciamur. Neque tamen hinc postulamus ne vllas omnino tentationes sentiamus, quibus magis excitari, pungi, vellicari, magnopere nobis opus est, ne nimium resides torpeamus. Neque enim abs re Dauid tentari optabat: nec citra causam electos suos quotidie tētat Dominus: eos per ignominiam, paupertatem, tribulationem, & alias crucis species castigans. Sed aliter Deus tentat, aliter Satan: hic vt perdat, damnet, confundat, præcipitet: Deus verò, vt suos probando, experimentum de eorum sinceritate sumat, & exercendo robur cōfirmet: eorum carnem mortificet, excoquat, adurat, quæ nisi in hūc modum coarceretur, lasciuiret, & supra modum exultaret. Præterea Satan inermes & imparatos adoritur, vt incautos opprimat: Deus vnā cum tentatione facit euentū, vt sufferre sui patienter possint quicquid illis immittit. Maligni nomine Diabolum an peccatum intelligamus quam minimum refert. Satan quidem ipse hostis est qui vitæ nostræ insidiatur: peccato autem armatus est in nostrum exitium. Hæc igitur nostra est postulatio, ne vllis tentationibus vincamur ac obruamur, sed Domini virtute contra omnes aduersas virtutes, quibus oppugnamur, fortes stemus: quod est non succumbere tētationibus, vt in eius custodiam ac fidem suscepti, ac protectione eius securi, supra peccatum, mortem, inferorū portas, & totum Diaboli regnum inuicti duremus: quod est à maligno liberari. Vbi etiam diligenter animaduertendum est, non nostrarum esse virium cum Diabolo tanto bellatore congredi, nec vim eius atque impetū ferre. Alioqui frustra aut per ludibrium à Deo posceretur quod domi apud nos esset. Sanè qui sui fiducia ad talem se pugnam comparant, non satis intelligunt cum quàm pugnaci atque instructo hoste sibi res sit. Nunc petimus ab eius potestate liberari, tanquam ab ore infani ac rabidi alicuius leonis, statim eius dentibus ac vnguibus discerpendi, eius faucibus deglutendi, nisi nos Dominus è media morte eripiat: hoc tamen simul scientes quòd si Dominus aderit, ac pro nobis tacentibus pugnabit, in eius virtute faciemus virtutem. Confidant alii vt volent propriis liberi arbitrii (quas à se habere sibi vi-

Iacob. 1. a. 2,
& b. 14
Matt. 4. a. 1. 3
1. Thes. 3. b. 5

Psal. 16. a. 2
Gene. 22. a. 1
Deut. 8. a. 2,
& 13. a. 3

1. Cor. 10. c. 13
2. Pet. 2. b. 9
1. Petr. 5. c. 8

Psal. 60. b. 14

dentur) facultatibus ac viribus: nobis satis sit, quòd vna Dei virtute stamus ac valemus. Plus autem ista precatio complectitur quàm prima specie præ se ferat. nam si Dei Spiritus virtus nostra est ad certamen cum Satana depugnandum, victoriam referre antè non poterimus quàm illo pleni omnem carnis nostræ infirmitatè exuerimus. A Satana igitur & peccato dum petimus liberari, nouis gratiæ Dei incrementis locupletari subinde expetimus: donec ad plenum iis referti, de omni malo triumphemus. Durum & asperum videtur quibusdam, peti à Deo ne in tentationem nos inducat, quando eius naturæ còtrarium est nos tentare, teste Iacobo. Sed iam ex parte soluta quæstio est, quòd omnium tentationū quibus vincimur, còcupiscentia nostra propriè causa est, adeoque culpam sustinet. Neque aliud vult Iacobus quàm frustra & iniuste in Deum vitia transcribi quæ nobis imputare cogimur: quia sumus eorū nobis còscii. Cæterum hoc non obstat quominus nos Deus ubi ita visum est Satanæ micipet, proiciat in sensum reprobum foedalesque cupiditates, atque ita in tentationes inducat, iusto quidem iudicio, sæpe tamè occulto: quia sæpe hominibus abscondita est causa quæ tamen apud eum certa est. Vnde colligitur non esse impropria loquutione, si persuasi sumus non absque ratione ipsum toties minari, quum percutiètur cæcitate & obduratione cordis reprobi, hæc certa fore vindictæ suæ documenta.

Jacob. i. c. 13
Ibidem, c. 14

47 Tres istæ preces, quibus peculiariter nos ac nostra omnia Deo commendamus, euidenter ostendunt quod antea diximus, Christianorum orationes publicas esse debere, ac in publicam Ecclesiæ ædificationem communionisque fidelium profectum spectare. Non enim sibi quisque priuatim dari quicquam postulat: verum omnes in commune, panem nostrum, remissionem peccatorum, ne inducamur in tentationem, vt à maligno liberemur, poscimus. Causa præterea subiicitur cur tanta sit nobis & petendi audacia, & fiducia obtinèdi: quæ tametsi in Latinis exemplaribus non extat, magis tamè appositè hic quadrat quàm vt omittenda videatur. nempe quòd eius est regnum, & potentia, & gloria in secula seculorum. Hæc solida tranquillaque est fidei nostræ requies. nam si nostra dignitate nostræ Deo orationes commèdandæ essent, quis vel mutire coram eo auderet? Nunc; vt miserrimi simus, vt omnium indignissimi, vt omni commendatione vacui, nunquam tamen orandi nos causa deficiet, nunquam fiducia destituet: quando nec Patri nostro regnum suum, potentia, gloria eripi potest. Ad finem additur, Amen: quo ardor desiderii exprimitur obtinendi quæ à Deo petita sunt: & spes nostra confirmatur, huiusmodi omnia iam impetrata esse; & certò nobis concessum iri: quando à Deo promissa sunt, qui fallere non potest. Atque hoc còuenit cum illa quam prius retulimus formula, Fac Domine propter nomen tuum, non propter nos, aut iustitiam nostram: qua non tantum finem votorū suorum exprimunt sancti, sed fatentur indignos se esse qui impetrent, nisi Deus causam à seipso petat: ac sibi exorandi esse fiduciam ex sola Dei natura.

48 Habemus quicquid à Deo petere debemus, ac omnino etiam possumus, descriptū hac formula, & velut orandi regula ab optimo magistro Christo tradita: quem nobis Doctorem Pater præfecit, & quem vnum auscultari voluit. Nam & æterna eius sapientia semper fuit: & homo factus, Angelus magni consilii hominibus datus est. Atque adeo numeris omnibus absoluta est hæc oratio, vt quicquid illi extraneum alienumque additur, quod ad eā referri nō possit, impiū sit & indignū quod à Deo probetur. Hæc enim summa præscripsit quid se dignum, quid sibi acceptum, quid necessarium nobis sit, quid denique cōcedere ipse velit. Quamobrè qui vltra progredi audent, & præter hæc aliquid à Deo postulare, prius quidem sapientiæ Dei ex suo addere volunt (quod sine insana blasphemia esse non potest) deinde sub voluntate Dei non se continent: sed ea contempta, longius cupiditate euagantur. Postremò nihil vnquam assequuntur, quum sine fide orent. Quin verò omnes eiusmodi orationes citra fidem fiant nihil est dubium: quia hîc abest verbum Dei, quo nisi fides semper nititur, stare nullo modo potest. Qui verò posthabita magistri regulā suis votis indulgent, non modò verbo Dei carent, sed quantum omni conatu valèt aduersantur. Eleganter ergo non minus quàm verè Tertullianus legitimam orationem nuncupauit: alias omnes exleges & illicitas esse tacitè indicans.

Matth. 17. a. 8

Iesa. 44. a. 2

Vide Aug. de oratione ad Probam.

De fuga in persecutione

49 Hæc ita nolumus accipi quasi hac precandi formula astringamur, vt nec verbū aut syllabam mutare liceat. Multæ enim passim in Scripturis leguntur orationes, verbis ab ista longè diuersæ, eodem tamen Spiritu conscriptæ, & quarum vsus valde utilis nobis est. Multæ ab eodem Spiritu fidelibus assidue suggeruntur, quæ verborū similitudine non ita multum conueniunt. Id duntaxat sic docendo agimus, ne quis omnino aliud quærat, expectet, aut postulet, quàm quod hac oratione summam comprehendit: & verbis licet diuersissimis, sensu tamen non variet. Quo modo omnes & quæ in Scripturis habentur, & quæ

ex piis pectoribus prodeunt orationes, in hanc cōferri certum est. nullam sanè reperire vīquam liceat, quæ huius perfectionē æquare, nedum superare possit. Nihil hīc omīssum est quod in Dei laudes cogitari, nihil quod homini pro suis commodis in mētem venire debeat. & adeo quidem exactè, vt omnibus meritò spes ablata sit melius aliquid tentandi. In summa, meminerimus hanc diuinæ sapiētīæ esse doctrinam: quæ quod voluit, docuit: voluit autem quod necesse fuit.

50 Quamquam autem suprā iam dictum est, sublaris ad Deum animis semper suspirandum, & sine intermissione orandum: quando tamen ea nostra est imbecillitas quæ multis adminiculis sustentari, is nostri torpor qui calcaribus excitari opus habeat: cōuenit vt sibi quisque nostrum exercitationis causa peculiare horas constituat quæ non sine oratione effluant, & quæ totos animi affectus in hoc penitus occupatos habeant: nempe dum mane surgimus, antequam diurnam operam aggredimur, dum ad pastum discubimus, dum Dei benedictione pasti sumus, dum ad quietem nos recipimus. Hæc modò sit non supersticiosa horarum obseruatio, quibus, ceu pensum Deo soluētes, in cæteras horas defuncti nobis videamur: sed imbecillitatis nostræ pædagogia, qua sic exerceatur, & subinde stimuletur. Præsertim sollicitè curandum est, quoties aliqua rerū angustia aut ipsi premimur, aut premi alios videmus, vt ad eū statim citatis nō pedibus sed animis recurramus: deinde nequam aut nostram aut aliorum prosperitatem præterire sinamus, quin laude ac gratiarū actione manum eius agnoscere nos testemur. Postremò, hoc in omni oratione diligenter obseruandum est, ne certis circumstātiis Deum alligare velimus, nec illi præscribere, quo quid tempore, quo loco, qua ratione facturus sit. Qualiter hac oratione docemur nullam illi legem figere, aut conditionem imponere: sed eius arbitrio permittere, vt quæ facturus est, qua sibi ratione, quo tempore, quo loco visum fuerit, faciat. Propterea antequam vllā pro nobis precem concipimus, præfamur vt eius voluntas fiat: vbi iam eius volūtati nostram subiicimus. quo non secus ac iniecto fræno coercita, Deum in ordinem cogere ne præsumat, sed eum votorum omnium suorum arbitrum ac moderatorem statuatur.

51 Si animis in hanc obedientiam compositis, prouidentīæ i uinæ legibus nos regi patimur, facilè discemus in oratione perseverare, ac suspensis desideriis patienter expectare Dominum: certi, etiam si minimè apparet, nobis tamē semper adesse, suoque tempore declaraturum quā non habuerit surdas aures precibus, quæ in hominum oculis neglectæ videbantur. Erit verò istæ præsentissima consolatio, ne deficiamus, ac desperatione concidamus, si quando ad prima nostra vota Deus non respondeat. Quemadmodum solent qui dum suo tantum ardore feruntur, sic Deum inuocant, vt nisi ad primos impetus adfuerit, ac præsentē opem attulerit, statim iratum sibi infensumque fingant, & omni spe exorandi abiecta, inuocare desinant. Quin potius spem nostrā benè temperata animi æquitate differendo, in eam perseverantiam insistamus, quæ tantopere nobis commendatur in Scripturis. Nam in Psalmis frequenter videre licet vt Dauid & reliqui fideles, dum precando fere lassī videntur aerem verberasse, quia Deo surdo verba sparserint, non tamen à precando desistunt: quia sua verbo Dei autoritas non asseritur, nisi locatur eius fides supra omnes euentus. Deinde etiam ne Deum tentemus, & nostra improbitate fatigatum, aduersum nos prouocemus. quod multis solenne est, qui non nisi certa conditione cum Deo paciscuntur, & perinde ac si suarum cupiditatum seruus esset, stipulationis suæ legibus adstringunt. quibus nisi extemplo pareat, indignantur, fremunt, obloquuntur, murmurant, tumultuantur. Talibus ergo saepe in furore suo iratus concedit quod aliis in misericordia propitius denegat. Documento sunt filii Israel, quibus satius fuerat non exaudiri à Domino, quā cum carnibus eius indignationem votare.

Num. ii. d. 18,
& g. 33

52 Quod si demum nec post longam expectationem assequatur sensus noster quid orando profectum sit, nec fructum inde vllum sentiat: fides tamen nostra, quod sensu percipi non poterit, nobis certum faciet, nos obtinuisse quod expediebat. quando toties ac tam certò sibi curæ fore molestias nostras Dominus recipit, ex quo semel in suum sinum depositæ fuerint. Atque ita efficiet vt in paupertate abundantiam, in afflictione consolationē possideamus. Nam vt deficient omnia, Deus tamen nunquam nos destituet, qui expectationē ac patientiam suorum frustrari non potest. Erit ipse vnus nobis pro omnibus: quando bona omnia in se complectitur quæ olim nobis reuelabit in die iudicii, quo regnum suum planè manifestabit. Adde quod etiam si nobis ānuat Deus, non tamē semper ad disertam voti formulam respondet: sed in speciem nos suspendens, modo tamen incognito preces nostras non vanas fuisse ostendit. Hoc sibi volunt Ioannis verba, Si nouimus quod audit nos quum quid petierimus ab eo, nouimus quod habemus petitiones quas petimus ab eo.

1. Iohan. v. c.
15

Diluta videtur hæc verborum superfluitas : sed apprimè utilis est declaratio, quòd scilicet Deus, etiam vbi nobis morem non gerit, precibus tamen nostris facilis est ac propitius, vt spes verbo eius innixa nūquam nos frustretur. Hæc verò patientia sustentari cuiusque opus habent fideles, vt non diu constaturi sint nisi in eam recūberent. Non enim leuibus experimentis suos probat Dominus, nec molliter exercet : sed in extrema quæque sæpe adigit, & adactos, diu in eo luto hædere sinit, antequam gustum suæ dulcedinis aliquem illis præbeat. Atque, vt ait Hanna, Mortificat, & viuificat : deducit ad inferos, & reducit. Quid hinc possent nisi linqui animis, & in desperationem ruere : nisi afflictos, desolatos, & iam semimortuos hæc cogitatio erigeret, se à Deo respici, & finem præsentibus malis affore? Vt cum quæ tamen eius spei securitate consistant, orare interea non desinunt. quandoquidem, nisi adsit in oratione perseuerandi constantia, nihil orando agimus.

1. Sam. 2. b. 6

De electione æterna, qua Deus alios ad salutem, alios ad interitum prædestinavit.

CAP. XXI.

AM verò quòd non apud omnes peræquè homines fœdus vitæ prædicatur, & apud eos quibus prædicatur, non eundem locum vel æqualiter vel perpetuò reperit: in ea diuersitate mirabilis diuini iudicii altitudo se profert. Nec enim dubiū quin æternæ Dei electionis arbitrio hæc quoque varietas seruetur. Quòd si palam est Dei nutu fieri vt aliis vltro offeratur salus, alii ab eius aditu arceantur: hic magnæ & arduæ protinus emergunt quæstiones, quæ aliter explicari nequeunt quàm si de electione ac prædestinatione constitutum habeant piæ mentes quod tenere conuenit. Perplexa (vt multis videtur) quæstio: quia nihil minus consentaneum putant quàm ex communi hominum turba alios ad salutem, alios ad interitum prædestinari. Vt autem perperam se ipsi impendant, ex contextu postea liquebit. Adde quòd in ipsa quæ terret caligine, non modò utilitas huius doctrinæ, sed suauissimus quoque fructus se profert. Nunquam liquidò vt decet persuasi erimus salutem nostram ex fonte gratuitæ misericordiæ Dei fluere, donec innotuerit nobis æterna eius electio: quæ hac comparatione gratiam Dei illustrat, quòd non omnes promiscuè adoptat in spem salutis, sed dat aliis quod aliis negat. Huius principii ignorantia quantum ex gloria Dei imminuat, quantum veræ humilitati detrahat, palam est. Atqui quod ita cognitu necessarium est, cognosci posse negat Paulus, nisi Deus, omisso prorsus operum respectu, quos apud se decreuit eligat. In hoc (inquit) tēpore reliquæ secundū electionē gratiam saluæ fuerunt. Quòd si per gratiam, non iam ex operibus, quandoquidem gratia iam non esset gratia. Si ex operibus, non ex gratia: quandoquidem opus non esset opus. Si ad electionis originem reuocādi sumus, vt constet non aliunde quàm ex mera Dei liberalitate contingere nobis salutem, qui hoc extinctum volunt, malignè quantum in se est obscurant quod magnificè ac plenè buccis celebrandum erat, & ipsam humilitatis radicem euellunt. Clarè testatur Paulus, vbi residui populi salus electioni gratuitæ ascribitur, tunc demum cognosci, Deum mero beneplacito seruare quos vult, non autem mercedem repēdere, quæ nulla deberi potest. Qui fores occludunt, nequis ad gustū huius doctrinæ accedere audeat, non minorem hominibus quàm Deo faciunt iniuriam: quia neque ad nos vt patet est humiliandos quicquam aliud sufficet, nec quàm simus obstricti Deo, ex animo sentiemus. Nec verò alibi solidæ fiduciæ futura, etiā Christo authore: qui vt nos inter tot discrimina, insidias & lethales conflictus omni metu liberet, inuictosque reddat, saluum fore promittit quicquid à patre accepit in custodiam. Ex quo elicimus cōtinua trepidatione miseros fore quicunque se peculium Dei esse ignorant: ac proinde eos pessimè: sibi & cunctis fidelibus consulere qui ad tres quas notauimus utilitates cæcutiendo, salutis nostræ fundamentum è medio sublatum cuperēt. Quid quòd nobis inde emergit Ecclesia, quæ alioqui, vt rectè docet Bernardus, non posset inueniri, nec inter creaturas agnosci: quia miro utroque modo latet intra gremiū beatæ prædestinationis, & intra massam miseræ damnationis. Sed antequam rem ipsam ingredi, cum duplici hominum genere mihi bifariam præfandum est. Disputationē de prædestinatione, quum per se sit aliquantum impedita, valde perplexam atque adeò periculosam reddit hominum curiositas: quæ nullis repagulis cohiberi potest quin & in vetitas ambages euagetur, & in sublime se proripiat: nihil, si liceat, arcani, quod non scrutetur atque euoluat, Deo relictura. In hanc audaciam & improbitatem quum multos videamus passim ruere, & in iis quosdam alioqui non malos: opportunè admonendi sunt quis sit in hac parte officii sui modus. Primum ergo meminerint, in prædestinationem dum inquirunt, se in diuinæ sapientiæ adyta penetrare, quòd si quis securè ac confidenter prorumpat, nec quo suam curiositatem satiet assequetur, & labyrinthum ingredietur cuius nullum re-

Rom. 11. a. 5

Iuan. 1. 12

Iohan. 10. c. 25

Serm. in Cani
78.

periet exitum . Neque enim æquum est vt quæ in seipso abscondita esse voluit Dominus, impune homo excutiat : & sapientiæ sublimitatem (quam adorari & non apprehendi voluit , vt per ipsam quoque admirabilis nobis foret) ab ipsa æternitate eucluat. Quæ nobis patefacienda censuit voluntatis suæ arcana, ea verbo suo prodidit. Censuit autem, quatenus nostra interesse nobisque conducere prouidebat.

2 Peruenimus in viam fidei, inquit Augustinus, eam constanter teneamus. Ipsa perducit ad cubiculum Regis, in quo sunt omnes thesauri scientiæ & sapientiæ absconditi. Non enim ipse Dominus Christus suis magnis & selectissimis discipulis inuidebat quum diceret, Multa habeo vobis dicenda : sed non potestis portare nunc. Ambulandum est, proficiendum est, crescendo est: vt sint corda nostra capacia earum rerum quas capere modo non possumus . Quod si nos vltimus dies proficientes inuenerit, ibi discemus quod hic non potuimus. Hæc cogitatio si apud nos valeat, verbum Domini vnicam esse viam quæ ad inuestigandum quicquid de eo teneri fas est nos deducat, vnicum esse lumen quod ad perspicendum quicquid de ipso conspici oportet nobis præluceat: facile nos ab omni temeritate retinebit ac cohibebit. Sciemus enim, vbi primum verbi fines excesserimus, nobis extra viam & in tenebris esse cursum, in quo errare, labi, impingere identidem, necesse sit. Sit igitur primum nobis hoc præ oculis, aliam prædestinationis notitiam appetere quam quæ verbo Dei explicatur, nõ minoris esse insaniam, quam si quis vel per inuium incedere, vel in tenebris cernere velit. Neque verò nos pudeat aliquid in ea re nescire vbi est aliqua docta ignorantia. Quin potius libenter ab eius scientiæ inquisitione abstineamus, cuius est cum stulta tum periculosa, atque adeò exitialis affectatio. Quod si nos sollicitat ingenii lasciuiæ, semper illud, quo retundatur, opponere expediet, sicut nimium mellis non bonum est, ita inuestigationem gloriæ non cedere curiosis in gloriam. Est enim cur ab ea audacia absterreamur quæ nihil quàm in ruinam præcipitare nos potest.

Prou. 15. d. 17

3 Sunt alii, qui dum huic malo mederi volunt, tantum non sepeliri iubet omnem prædestinationis mentionem . sanè à qualibet eius quæstione, non secus atque à scopulo, refugere docet. Quorum tamen si iure in eo laudanda est moderatio, quod tanta sobrietate delibanda censent mysteria : quia tamen nimis infra modum descendunt, parum proficiunt apud humanum ingenium, quod se coerceri non temere patitur. Ergo, vt hac quoque in parte legitimum finem teneamus, redeundum erit ad verbum Domini, in quo habemus certam intelligentiæ regulam . Est enim Scriptura, schola Spiritus sancti, in qua vt nihil prætermisum est scitu & necessarium & vtile, sic nihil docetur nisi quod scire conducatur. Quicquid igitur de prædestinatione in Scriptura proditur, cauendum est ne ab eo fideles arceamus : ne videamur aut illos malignè fraudare Dei sui beneficio, aut Spiritum arguere ac suggillare qui ea vulgarit quæ vtile sit vllò modo suppressi. Permittamus, inquam, Christiano homini cunctis qui ad eum diriguntur, Dei sermonibus mentem auresque referare, modò cum hac temperatiā, vt quum primum Dominus sacrum os clauserit, ille quoque viam sibi ad inquirendum præcludat. Hic optimus sobrietatis terminus erit, si non modò in discendo præeuntem semper sequamur Deum, sed ipso finem docendi faciente, sapere velle desinamus. Neque tanti est quod timent periculum, vt à Dei oraculis auertere animos ideo debeamus. Celebre est Solomonis dictum, gloriam esse Dei celare verbū. Sed quum de re qualibet hoc promiscuè non intelligi & pietas & sensus communis dicat: quærēda nobis distinctio est, ne modestiæ & sobrietatis prætextu bruta inscitia nobis placeat. Ea verò paucis à Mose verbis dilucidè exprimitur: Arcana, inquit, sua sunt Deo nostro : nobis autem & filiis nostris hæc manifestauit. Videmus enim vt studiū doctrinæ Legis populo commendat tantum à cælesti decreto, quia Deo placuit eam promulgare: populum verò eundem contineat in iis cancellis, hac sola ratione quia fas non est mortalibus se in arcana Dei ingerere.

Prou. 15. a. 2

Deut. 29. d. 29

4 Arripiunt subito, fateor, profani homines in prædestinationis materia quod vel carpāt, vel cauillentur, vel allatrent, vel subsannent. At si nos absterret eorum procacitas, celanda erunt præcipua quæque fidei dogmata, quorum ferè nullum à blasphemia inuiolatum aut ipsi aut eorum similes relinquunt. Refractarium ingenium non minus insolenter se effeferet quum audierit tres in Dei essentia subesse personas, quàm si audiat Deum præuidisse quid de homine futurum esset quum crearet . Nec abstinebunt à cachinnis quum intellexerint paulum supra quinque annorum millia effluxisse à creatione mundi. quarent enim cur tandiu otiosa fuerit ac sopita Dei virtus. Nihil denique proferetur quod non ludibriis suis impetant. Quo hæc sacrilegia compescamus, an de Filii & Spiritus diuinitate tacendum; an silendo transmittenda mundi creatio; Imò verò potentior est & in hac parte

& ubique Dei veritas quàm ut impiorum maledicentiam reformidet. quemadmodum & Cap. 15. vsq. ad 20.
 Augustinus in opusculo de bono perseverantiae validè contendit. Videmus enim per eos apostolos non potuisse efficere, veram Pauli doctrinam infamando ac eliminando, ut cū ipsius pueret. Quod autem piis quoque mētibus periculosa esse dicunt tota hanc disputationem, quia sit exhortationibus aduersa, quia fidem quatefaciat, quia cor ipsum conturbet atque exanimet: inane est. Has ob causas redargui se solitum nō dissimulat Augustinus quòd prædestinationem nimium liberè prædicaret. sed, quod illi promptū erat, abudè refellit. Nos autem, quia multæ & variæ huc ingeruntur absurditates, vnam quæque suo loco diluendam seruire maluimus. Tantum illud & vniuersum obtinere apud eos cupio ut quæ in occulto recondita De minus reliquit, ne scrutemur: quæ in apertum protulit, ne negligamus: ne aut vna ex parte nimia curiositatis: aut ex altera, ingratitudinis damnemur. Nam & illud scitè ab Augustino dictum est, nos tutò Scripturam sequi posse, quæ velut materno incessu submissius graditur, ne infirmitatē nostram deceat. Qui verò tam cauti sunt vel timidi ut prædestinationē obrutā cupiāt, ne debiles animas conturbet: quoniam obsecro colore tegent suam arrogātiā, quum obliquè Deum intinulet stultæ incogitantia, quasi periculum, cui prudēter occurrere sibi videntur, non prævident: Quisquis igitur prædestinationis doctrinam inuidia grauat, aperte maledicit Deo: ac si in conspectu te ei elapsum foret quod est Ecclesiæ noxium.

De bono
 Perseuer.
 cap. 14

Lib. 5. De. Ge
 ne. ad literam

5 Prædestinationem, qua Deus alios in spem vitæ adeptat, alios adiudicat æternæ morti, nemo, qui velit pius censerī, simpliciter negare audeat: sed eam multis cauillis inuoluūt, præsertim verò qui præscientiam faciunt eius causam. Ac nos quidem vtranque in Deo statuimus: sed præ posterè dicimus alteram alteri subici. Præscientiam quæ in uoluntate Deo, significamus omnia semper fuisse ac perpetuò manere sub eius oculis: ut eius notitiæ nihil futurum aut præteritum, sed omnia sint præsentia. & sic quidē præsentia, ut non ex ideis tantum imaginetur (qualiter nobis obuectantur ea quorum memoriam mens nostra retinet) sed tanquam ante se posita verè intueatur ac cernat. Atque hac præscientia ad vniuersum mundi ambitum & ad omnes creaturas extenditur. Prædestinationem uocamus æternum Dei decretum, quo apud se constitutum habuit quid de vtroquoque homine fieri vellet. Non enim pari conditione creantur omnes: sed aliis vita æterna, aliis damnatio æterna præordinatur. Itaque prout in alterutrum finem quisque conditus est, ita vel ad vitam vel ad mortem prædestinatum dicimus. Hanc verò Deus non modò in singulis personis testatus est, sed specimen eius in tota Abrahamæ sobole edidit, unde palam fieret, in eius arbitrio esse qualis cuiusque gentis futura sit conditio. Quū diuideret Altissimus gentes, & separaret filios Adam, pars eius fuit populus Israël, funiculus hæreditatis eius. Ante omnium oculos est segregatio: in Abrahamæ persona, quasi in arido trunco, populus vnus aliis reiectis peculiariter eligitur: causa verò nō apparet, nisi quòd Moses, ut posteris ansam gloriandi præcidat, gratuito tantum Dei amore excellere eos docet. Liberationis enim hanc assignat causam, quòd Deus Patres dilexerit, & elegerit semen eorum post eos. Expreslius alio capite, Non quia reliquas gentes superastis numero, complacuit ei in vobis ut vos eligeret: sed quia dilexit vos. Sæpius eadē apud ipsum admonitio repetitur, En Domini Dei tui cælum est, terra, & quæcūque in ea sunt: & tantummodo cōplacuit sibi in patribus tuis, & amauit eos, elegitque vos semen eorum. Item illis alibi sanctificatio præcipitur, quòd electi sint in populum peculiarem. Et alibi iterum dilectio asseritur esse protectionis causa. Quod etiam fideles vna voce prædicant, Elegit nobis hæreditatem nostram, gloriam Iacob quæ dilexit. Dotes enim quibus ornati à Deo erant, omnes in gratuitum amorē transcribunt: non modò quia sciebant nullis eas meritis se adeptos, sed ne sanctum quidem Patriarcham ea fuisse virtute præditum ut sibi & posteris tantam honoris prærogatiuam acquireret. Et, quo validius conterat omnem superbiam, exprobat nihil tale fuisse promeritos, quum populus sit contumax ac duræ ceruicis. Sæpe etiam odiosè & probri loco hanc electionem Prophetæ Iudæis obiciunt, quoniam ab ea turpiter descuerant. Quicquid sit, nunc in medium prodeant qui Dei electionem volunt astringere vel dignitati hominum, vel operum meritis. Quum videant gentem vnam aliis omnibus præferri, audiant nullo respectu adductum fuisse Deum ut in paucos & ignobiles, deinde etiam prauos & immo- geros esset propensior: cum eone litigabunt, quia tale misericordiæ documentum proferre voluit: Atqui neque obstrepēris suis vocibus opus eius impediēt, nec conuiciorum lapides in cælum iactando, iustitiam eius ferient aut ludent, quin potius in eorum capita recident. Ad hoc etiam principium gratuiti fœderis reuocantur Israelitæ, ubi vel gratia Deo agenda sunt, vel spes in futurum tēpus erigenda. Ipse fecit nos, & non ipsi nos (inquit Pro-

Deut. 32. b. 8

Deut. 4. f. 37

Deut. 7. b. 8

Deut. 10. c. 14

Deut. 23. a. 5

Psal. 47. a. 5

Deut. 9. b. 6

Psal. 95. b. 7

pheta) populus eius, & oves pascuorum eius. Non est superuacua negatio, quæ ad nos excludendos adiicitur, ut sciant bonorum omnium, quibus excellunt, Deum non modò esse auctorem, sed à seipso causam sumpsisse, quia nihil in ipsis erat tanto honore dignum. Mero etiam Dei beneplacito còtètos esse iubet, his verbis, Semen Abraham, serui eius: filii Iacob, electi eius. Et postquam còtinua Dei beneficia recensuit tanquàm electionis fructus, tandem concludit, ita liberaliter egisse, quia recordatus est fœderis sui. Cui doctrinæ respondet totius Ecclesiæ canticum, *Dextra tua & lumen vultus tui Patribus nostris dedit terram: quia complacitum tibi est in illis.* Notandum verò est, ubi fit terræ mentio, symbolum esse visibile arcanæ segregationis, in qua continetur adoptio. Ad eandem gratitudinem populum hortatur alibi David, Beata gens cuius Iehoua est Deus, populus què elegit in hæreditatè sibi. Ad bonam spem verò animat Samuel, Non deferet vos Deus propter magnum nomè suum: quādo placuit ei vos sibi creare in populum. Quomodo & seipsum David, dum impetitur eius fides, ad pugnam se armat: Beatus quem elegisti, habitabit in atriis tuis. Quia autem electio, in Deo abscondita, tam liberatione prima quàm secunda aliisque intermediis beneficiis sancita fuit, illuc transfertur verbum eligendi apud Iesaiam. Misericbitur Deus Iacob, & eliget adhuc de Israel. quia futurum tempus designās, collectionem residui populi, quem visus fuerat abdicasse, signum fore dicit stabilis firmæque electionis, quæ simul excidisse visæ fuerat. Quum etiam alibi dicitur, *Elegi te, & non abieci te: còtinuum insignis liberalitatis paternæ beneuolentiæ cursum commendat.* Apertius apud Zachariam Angelus, Eliget adhuc Deus Ierusalem. quasi eam durius castigando reprobasset, vel exilium fuisset electionis interruptio: quæ tamen inuiolabilis manet, licet non semper appareant signa.

6 Addendus est secundus gradus restrictior, vel in quo conspicua fuit Dei gratia magis specialis: quando ex eodem genere Abraham alios repudiavit Deus, alios in Ecclesia fouendo, se inter filios retinere ostendit. Ismael parem initio gradum cum fratre Isaac adeptus erat: quia spirituale fœdus in eo non minus obsignatum fuerat symbolo Circumcisionis. Exciditur ille: deinde Esau: postremò innumera multitudo & totus ferè Israel. In Isaac vocatum fuit semen: eadem vocatio in Iacob durauit. Simile exemplum edidit Deus Saullem reprobando: quod etiam in Psalmo magnificè prædicatur, Repulit tribum Ioseph, & tribum Ephraim non elegit: sed elegit tribum Iuda. Quod aliquoties sacra historia repetit, quo melius in ista mutatione admirabile gratiæ Dei arcanum pateat. Vitio suo & culpa, fateor, exciderunt ab adoptione Ismael, Esau, & similes: quia apposita erat conditio, ut si deliter colerent Dei fœdus quod perfidè violarunt. Fuit tamen hoc singulare Dei beneficium, quòd eos reliquis Gentibus præferre dignatus fuerat: sicut dicitur in Psalmo, Non ita fecit aliis nationibus, nec iudicia sua manifestauit eis. Cæterum hic duos gradus notandos esse nò temere dixi: quia ià in totius gentis electione ostēdit Deus se in mera sua liberalitate nullis legibus astrictum: sed liberū esse, ut minimè ab eo exigenda sit æqualis gratiæ partitio: cuius inæqualitas ipsam verè esse gratuitā demonstrat. Ideo Malachias Israelis ingritudinem amplificat, quòd non tantum ex toto genere humano electi, sed etiam ex sacra domo in peculium segregati, perfidè & impiè Deum tam beneficum Patrem spernant.

Malach. i. a. 2 Nónne frater erat Esau Iacob: inquit. Atqui Iacob dilexi, Esau autem odio habui. Sumit enim Deus pro confesso, quum vterque esset progenitus ex sancto patre, & fœderis successor, denique ramus ex sacra radice: iam filios Iacob non fuisse vulgariter obstrictos, qui in illam dignitatem asciti fuerant. sed quum reiecto Esau primogenito, pater eorum, qui natura erat inferior, hæres factus esset, bis ingratos coarguit, ac conqueritur duplici illo vinculo non fuisse retentos.

7 Quanquam satis iam liquet Deum occulto consilio liberè quos vult eligere, aliis reiectis, nondū tamen nisi dimidia ex parte exposita est gratuita eius electio, donec ad singulas personas vètum fuerit, quibus Deus non modò salutē offert, sed ita assignat ut suspensa vel dubia non sit effectus certitudo. Hi in semine illo vnico censentur cuius meminit Paulus. nam etsi adoptio in manu Abraham fuit deposita, quia tamen multi ex posteris quasi putrida membra resecti sunt: ut efficax & verè stabilis sit electio, necesse est ascēdere ad caput in quo electos suos cælestis Pater inter se colligauit, & sibi insolubili nexu deuinxit. Ita in adoptione generis Abraham enituit quidē liberalis Dei fauor, quem aliis negauit. in Christi tamen membris longè præstantior eminet vis gratiæ: quia capiti suo insiti nunquam à salute excidūt. Scitè itaque Paulus ex Malachia loco quem nuper citauimus ratiocinatur, ubi Deus, interposito vitæ æternæ pacto, populum quēpiam ad se inuitat, specialem electionis modum in parte subesse, ut non omnes promiscua gratia efficaciter eligat. Quod dicitur,

Iacob dilexi, pertinet ad totam sobolem Patriarchæ, quam Propheta illic opponit posteris Esau. Hoc tamen non obstat quominus in persona vnius hominis specimē electionis propositum nobis fuerit, quæ effluere non potest quin ad metam suam perueniat. Hos Paulus vocari reliquias non frustra obseruat: quia experientia ostendit ex magna multitudine plebsque dilabi & euanescere, ut sæpius maneat exigua tantum portio. Quod autem generalis electio populi non semper firma & rata sit, in promptu se offert ratio: quia cum quibus paciscitur Deus, non protinus eos donat spiritu regenerationis, cuius virtutē vsque in finem in fœdere perseuerent: sed externa mutatio absque interiori gratiæ efficaciam, quæ ad eos retinendos valida esset, medium quiddam est inter abiectionē humani generis, & electionem exigui piorum numeri. Hæreditas Dei vocatus est totus populus Israel, ex quo tamen multi fuerunt extranei: sed quia non de nihilo pepigerat Deus se patrem & redemptorem illius fore, gratuitum suum fauorem potius respicit quàm perfidam multorum defectionē: per quos etiam non abolita fuit illius veritas. quia ubi sibi residuum aliquid seruauit, vocationem eius apparuit esse absque poenitētia. Nam quod sibi Deus Ecclesiam subinde ex filiis Abrahæ potius quàm ex profanis gentibus collegit, rationem habuit fœderis sui: quod ab ipsa multitudine violatum ad paucos restrinxit, ne prorsus intercideret. Denique communis illa adoptio seminis Abrahæ, visibilis quædam imago fuit maioris beneficii quo Deus aliquos ex multis dignatus est. Hæc ratio est cur tam sedulò discernat Paulus filios Abrahæ secundum carnē à spiritualibus, qui exemplo Isaac vocati sunt: non quod simpliciter esse Abrahæ filium res fuerit inanis & infructuosa (quod non sine fœderis contumelia diceretur) sed quia immutabile Dei consilium, quo sibi prædestinavit quos voluit, efficax demum per se his solis posterioribus in salutē fuit. Donec autem productis Scripturæ locis quid sentiendum sit liqueat, ne in vtriusque parte sibi præiudicium afferant lectores moneo. Quod ergo Scriptura clarè ostendit, dicimus æterno & immutabili consilio Deum semel constituisse quos olim semel assumere vellet in salutem, quos rursus exitio deuouere. hoc consilium quoad electos in gratuita eius misericordia fundatum esse asserimus, nullo humanæ dignitatis respectu. quos verò damnationi addicit, his iusto quidem & irreprehensibili, sed incomprehensibili ipsius iudicio, vitæ aditum præcludi. Iam verò in electis vocationem statuimus, electionis testimonium. Iustificationem deinde, alterum eius manifestandæ symbolum, donec ad gloriam in qua eius completum extat peruenitur. Quemadmodum autem vocatione & iustificatione electos suos Dominus signat, ita reprobos vel à notitia sui nominis, vel à Spiritus sui sanctificatione excludendo, quale maneat eos iudicium istis veluti notis aperit. Multa hinc præteribo figmenta, quæ ad euertendam prædestinationem commenti sunt stulti homines. Non enim refutatione indigēt, quæ simulac proferuntur, suam ipsa falsitatem abundè redarguunt. In iis tantum immorabor vel de quibus inter doctos disceptatur, vel quæ difficultatē simplicibus adferre possint, vel quæ speciosè ad suggillandam Dei iustitiam prætendit impietas.

Confirmatio huius doctrinæ ex Scripturæ testimoniis.

CAP. XXII.

HÆC omnia quæ posuimus controuersia apud multos non carent, maxime gratuita fidelium electio: quæ tamen labefactari non potest. Vulgò enim existimant Deum, prout cuiusque merita fore præuidet, ita inter homines discernere. quos ergo sua gratia fore non indignos præcognoscit, eos in filiorum locum cooptare: quorum ingenia ad malitiam & impietatem propensura dispicit, eos mortis dānationi deuouere. Sic interposito præsciētiæ velo electionē non modò obscurant, sed originē aliunde habere fingunt. Neque hæc vulgò recepta opinio solius vulgi est: habuit enim sæculis omnibus magnos auctores. Quod ingenuè fateor, nequis causæ nostræ magnopere obfuturum confidat si eorum nomina contra opponantur. Certior est enim hæc Dei veritas quàm ut concutiat, clarior quàm ut obruatur hominum auctoritate. Alii verò neque in Scriptura exercitati, neque vllò suffragio digni, maiori improbitate sanam doctrinam lacerant quàm ut tolerabilis sit eorum proteruita. Quia Deus eligens suo arbitrio quosdam alios præterit, litem ei intendūt. Verum si res ipsa nota est, quid proficient contra Deum iurgando? Nihil docemus quod vsu compertum non sit, Deo quibus vult gratiam suam erogare liberum semper fuisse. Non quæram vnde aliis posteritas Abrahæ præcelluerit, nisi ex illa dignatione cuius extra Deum causā non inuenitur. Respondeant cur homines sint magis quàm boues aut asini. quum in manu Dei esset eanes ipsos fingere, ad imaginem suam formauit. Concedentne brutis animalibus de sua sorte cum Deo expostulare, quasi iniustum sit discrimen? Certè prærogatiua quam nullis meritis a-

depti sunt, eos potiri nihilo æquius est quàm Deum sua beneficia pro iudicii sui mensura variè distribuere. Si ad personas transfiliant, vbi magis odiosa illis est inæqualitas, saltem ad Christi exemplum debebunt expauescere, ne de sublimi hoc mysterio tam securre garriant. Concipitur ex femine Davidis mortalis homo: quibus virtutibus pro meritum fuisse dicent vt in ipso vtero fieret caput Angelorum, vnigenitus Dei filius, imago & gloria Patris, lux, iustitia & salus mundi: Hoc prudenter animaduertit Augustinus, in ipso Ecclesiæ capite lucidissimum esse gratuita electionis speculum, ne in membris nos conturbet, nec iuste viuendo factum esse Filium Dei, sed gratis tanto honore fuisse donatum, vt alios postea faceret donorum suorum consortes. Hic siquis quærat cur non alii quod ille, vel cur ab illo nos omnes tam longo interuallo distemus, cur nos omnes corrupti, ille puritas: non modò vesaniam suam, sed impudentiam suam quoque simul prodet. Quod si pergunt velle Deo liberum ius eligendi ac reprobandi eripere, simul etiam quod datum est Christo auferant. Iam quid de vnoquoque pronuntiet scriptura operæ pretium est attendere. Paulus quum docet nos in Christo electos fuisse ante mundi creationem, omnem certè dignitatis nostræ respectum tollit. perinde enim est acsi diceret, quoniam in vniuerso Adæ semine nihil electione sua dignum reperiebat cælestis Pater, in Christum suum oculos conuertisse: vt tanquam ex eius corpore membra eligeret quos in vitæ consortium sumpturus erat. Valeat igitur apud fideles hæc ratio, ideo nos in Christo fuisse in cælestem hæreditatem adoptatos, quia in nobis ipsis non eramus tantæ excellentiæ capaces. Quod & alibi quoque notat, quum hortatur ad gratiarum actionem Colossenses, ex eo quod diuinitus redditi fuerint idonei ad participandam sortem sanctorum. Si gratiam istam Dei, vt idonei ad gloriam futuræ vitæ obtinendam reddamur, præcedit electio: quid iam reperiet in nobis Deus ipse quo ad nos eligendos moueatur? Apertius etiamnum altera eius sententia quod volo exprimetur. Elegit nos, inquit, antequam iacerentur mundi fundamenta, secundum beneplacitum voluntatis suæ, vt essemus sancti & immaculati, & irreprehensibiles in conspectu ipsius. Vbi Dei beneplacitum quibuscumque nostris meritis opponit.

1 Quo solidior sit probatio, singulas eius loci partes notare operæpretium est, quæ simul connexæ nihil dubitationis relinquunt. Electos nominans, minimè dubium est quin fideles compellet, sicuti etiam mox asserit. quare nimis fædo commento deprauant nomen illud qui ad ætatem detorquent qua publicatum fuit Euangelium. Electos fuisse dicens ante creatum mundum, omnem dignitatis respectum tollit. Quæ enim discriminis ratio inter eos qui nondum erant, & qui deinde in Adam pares futuri erant? Iam si electi in Christo, sequitur non modò vnumquemque extra se, sed etiam alios ab aliis segregatos, quâdo videmus non omnes esse Christi membra. Quod additur, fuisse electos, vt essent sancti, errorem apertè refutat qui electionem ex præscientia deducit. quâdo reclamatione Paulus, quicquid virtutis in hominibus apparet, electionis esse effectum. Iam si causa superior quæritur, respondet Paulus Deum ita prædestinasse, & quidem pro voluntatis suæ beneplacito. Quibus verbis euertit quæcunque in seipsis imaginantur homines electionis suæ media: nam & quæcunque ad spiritualem vitam beneficia confert Deus, ex hoc vno fonte manare docet, quia elegit quos voluit Deus, & antequam nati essent, gratiam qua dignari eos volebat, seorsum illis repositam habuit.

3 Vbicunque verò regnat hoc Dei placitum, nulla in considerationem veniunt opera. Antithesin quidè hic non prosequitur, sed subaudienda est, qualis alibi explicatur ab ipso. Vocauit nos, inquit, vocatione sancta, non secundum opera nostra, sed secundum propositum suum, & gratiam quæ data est nobis à Christo ante tēpora secularia. Et iam ostendimus in eo quod sequitur, Vt essemus sancti & immaculati, scrupulum omnem adimi. Dic enim, Quoniam futuros præuidit sanctos, ideo elegit: & ordinem Pauli inuertes. Sic ergo colligere tutò potes, Si elegit nos vt sancti essemus non elegit quia futuros tales præuidebat. Pugnant enim inter se hæc duo, habere pios ab electione vt sancti sint, & ad eam ratione operum peruenire. Neque valet hic cauillum quò subinde confugiunt, nullis præcedentibus meritis Dominum rependere electionis gratiam, futuris tamen cōcedere. Quum enim dicitur electos fuisse fideles vt sancti essent: simul innuitur, quæ in ipsis futura erat sanctitas, ab electione habuisse exordium. Et quomodo quādrabit istud verbū, quæ ab electione deriuantur, electioni causam dedisse: Id ipsum quod dixerat, videtur magis postea confirmare, vbi ait, Secundum propositum volūtatē suæ, quod proposuerat in semetipso. siquidem Deum in semetipso proposuisse, perinde valet acsi diceretur nihil extra se cōsiderasse, cuius rationem in decernendo haberet. Itaque protinus subiicit huc pertinere totam

August. De
corr. & gra-
tia ad Valen-
tinū, cap. 15.
Item De bo-
no perseue-
rantia, cap.
vltimo.
August. de
verbis Apo.
Serm. 3
Ephes. 1. a. 4

Colos. 1. b. 12

Ephes. 1. a. 4

1. Tim. 1. c. 9

Ephes. 1. a. 5

electionis nostræ summam, vt simus in laudem diuinæ gratiæ. Certè Dei gratia non sola prædicari in electione nostra meretur, nisi hæc gratuita sit. Porro hæc gratuita non erit, si in suis eligendis Deus ipse qualia sint futura cuiusque opera reputat. Proinde quod suis discipulis dicebat Christus, in vniuersum valere inter omnes fideles cõperitur, Non vos me elegistis: sed ego elegi vos. Vbi non præterita tantum merita excludit, sed nihil habuisse in seipsis significat cur eligerentur, nisi sua misericordia anteuertisset. Quomodo & illud Pauli intelligendum, Quis prior dedit illi, & retributionem accipiet? Siquidem ostendere vult sic Dei bonitatem homines præuenire, vt nihil apud ipsos nec præteritum, nec futurum reperiatur, quo ipsis concilietur.

Iohan. 15. c. 16

Rom. 11. d. 35

4 Iam ad Romanos, vbi argumentum hoc & repetit altius, & fusius prosequitur, negat omnes esse Israëlitas qui progeniti sunt ab Israele: quia etsi iure hæreditario omnes essent benedicti; successio tamen non ad omnes per æquæ transibat. Origo huius disputationis erat ex superbia fallacique gloriatione Iudaici populi. nam quum sibi Ecclesiæ nomen assererent, volebant à suo arbitrio pendere fidem Euangelii. Sicuti hodie libenter Papistæ fictio hoc colore se in Dei locum substituerent. Paulus, quanuis concedat sanctam esse Abrahæ progeniem ratione fœderis, contendit tamen extraneos esse in ea plerosque: neque id modo quia degeneret, vt fiant ex legitimis adulterini: sed quia in summo fastigio emineat ac regnet specialis Dei electio, quæ sola ratâ illius adoptionis facit. Si alios sua pietas stabiliret in spe salutis, alios abdicaret sola sua defectio: stultè profecto & absurdè Paulus ad arcanam usque electionem lectores eueheret. Iâ si Dei voluntas (cuius causa extra ipsum neque apparet neque quæ redâ est) alios ab aliis discernit, vt nō omnes filii Israel sint veri Israëlita, frustra cuiusque cõditio in ipso initiū habere fingitur. Lōgius deinde rem prosequitur sub exēplo Iacob & Esau. nā quū ambo essent filii Abrahæ, pariter inclusi in vtero matris, primogenitura honorē transferri ad Iacob, portetō similis fuit mutatio qua tamen Paulus contēdit testatam fuisse electionem vnius, & alterius reprobationem. Quæritur origo & causa quam præscientiæ doctores in hominum virtutibus & vitiis expositâ esse volunt. Hoc enim illis facile compendium est, Deum monstrasse in persona Iacob, se gratia sua dignos eligere: in persona Esau, se repudiare quos præuidet indignos: siquidem audacter illi. Paulus autem quid? quum nondum nati essent, nec quippiam boni aut mali fecissent, vt secundū electionem propositum Dei maneret, non ex operibus, sed ex vocante dictū est, Maior seruiet minori: sicut scriptum est, Iacob dilexi, Esau autem odio habui. Siquid valeret præscientia in hoc fratrum discrimine, importuna certè fieret temporis mentio. Demus Iacob fuisse electum, quia futuris virtutibus parta ei fuit dignitas: quorsum diceret Paulus nondū fuisse natum? Iam hoc inconsideratè additum foret, nihil dum boni fecisse: quia in promptu erit exceptio, nihil Deum latere, atque ita pietatem Iacob coram ipso fuisse præsentem. Si opera conciliant gratiam, suum illis pretium meritò iam tunc constare debuit ante natum Iacob, perinde ac si adoleuisset. Atqui in expediendo nodo pergit Apostolus, docetque adoptionem Iacob, non ex operibus profectâ esse, sed ex vocatione Dei. In operibus futurū vel præteritū tempus non interponit: deinde præcisè ea opponit Dei vocationi, vno posito alterū disertè euertere volens. ac si diceret: considerandum esse quid Deo placuerit, non quid attulerint ex seipsis homines. Postremò certū est electionis & propositi vocibus, quascūque comminisci homines solent causas extra arcanum Dei consilium, ab hac causa remoueri.

Ibidem, c. 11

5 Quidnam ad hæc obscuranda prætexent qui operibus vel præteritis vel futuris locum aliquem in electione assignant? Hoc enim est prorsus eludere quod contendit Apostolus, non ex aliqua operum ratione, sed ex mera Dei vocatione pendere fratrum discrimen: quia inter nondum natos constitutum fuerit. Neque verò eum latuisset istorum argutia, siquid solidi habuisset: sed quia optimè nouerat in homine Deū præuidere nihil boni posse, nisi quod electionis suæ beneficio iam prius largiri statuerit: non confugit ad præposterum illum ordinem, vt opera bona causæ suæ præferat. Habemus ex verbis Apostoli, solius diuinæ electionis arbitrio fundatâ esse fidelium salutem. neque illum fauorem operibus conciliari, sed ex gratuita vocatione prouenire. Habemus & eius rei propositam quasi *ὑποτίθηται*. Fratres sunt Esau & Iacob, isdem geniti parentibus, eodem adhuc vtero conclusi, nondum editi in lucem. In illis omnia paria, diuersum tamen de illis Dei iudicium. Alterum enim assumit, alterum reiecit. Sola erat primogenitura, cuius iure alter alterum præcederet. Atqui, illa quoque præterita, iuniori deferretur quod negatur maiori. Imò in alius quoque destinato consilio primogenituram videtur semper contempsisse Deus, vt omnem gloriandi materiam carni præcideret. Repudiato Ismaele animum ad Isaac adiecit. Postposito Manasse, Ephraim magis honorat.

6 Quod si quispiam interpellet, ab istis inferioribus & minutis beneficiis non statuendū

esse de summa futuræ vitæ: ut qui in primogenituræ honorē euectus fuerit, ideo reputetur in cæli hæreditatem cooptatus (sunt enim plurimi qui ne Paulo quidem parcant, quasi ad alienum sensum Scripturam detorserit in his testimoniis citandis) Respondeo sicut antehac, nec incogitantia lapsus fuisse Apostolum, nec Scripturæ testimoniis sponte fuisse abutum. Sed videbat (quod ipsi considerare non sustinent) voluisse Deum spirituales Iacob electionem, quæ apud inaccessum eius tribunal alioqui latebat, terreno symbolo declarare. Nisi enim cōcessam illi primogenituram ad futurum seculum referimus, inanis fuerit & ridicula benedictionis species, ex qua nihil ei accesserit præter multiplices ærumnas, incōmoda, triste exilium multasque tristitiæ & curarū acerbitates. Quum ergo Paulus citra dubitationem, Deum externa benedictione testificatum cerneret quam in regno suo spirituales & minimè caducam seruo suo parauerat: non dubitauit, ad hanc comprobendam, ex illa petere argumentum. Tenendum etiam illud memoria, terræ Chanaā annexum fuisse cælestis domicilii pignus: ut dubitari minimè debeat Iacob cum Angelis insitum fuisse in Christi corpus, ut eiusdem vitæ socius esset. Eligitur ergo Iacob, Esau repudiato, & Dei prædestinatione discernitur, à quo nullis meritis differebat. Causam si quæres, hanc reddit Apostolus, Quia Mosis dictum sit, Miserebor cuius miserebor: & miseratione dignabor quemcunque miseratione dignabor. Et quid hoc, quæso, sibi vult? Nempe clarissimè Dominus pronuntiat, nullam hominibus benefaciendi rationem in ipsis se habere: sed à sola sua misericordia sumere. ideoque suum esse opus suorum salutem. Quum tuam in se vno salutem Deus statuatur, cur ad teipsum descendes? Quum vnam tibi tuam misericordiam assignet, cur ad propria merita decurres? Quum tuam cogitatione in tua miseratione contineat, cur ad operum tuorum intuitum partem retinches? Itaque ad minorem illum populum venire necesse est, quem Paulus alibi præcognitum fuisse Deo scribit: non, qualiter isti imaginantur, præscire ex otiosa specula quæ non facit: sed quo sensu sape legitur. Nam certè quum dicit Petrus apud Lucā, Christum definito consilio & præscientia Dei fuisse morti additum, non speculātem Deum inducit, sed salutis nostræ auctorem. Sic & idem Petrus, electos iuxta præcognitionem Dei fuisse dicens fideles ad quos scribit, proprie exprimit arcanam illam prædestinationem, qua Deus filios sibi quos voluit signauit. Et propositum quod loco synonymi coniungit, quū ubique fixam (ut vulgò loquuntur) determinationem exprimat, Deum haud dubiè, dum auctor est nostræ salutis, non egredi extra seipsum docet. Quo sensu in eodē capite Christum dicit agnum fuisse præcognitum ante mundi creationem. Quid enim insulsius aut frigidius quàm Deum è sublimi spectasse vnde vètura esset humano generi salus? Populus ergo præcognitus tantundem Paulo valet atque exigua portio turbae permixta, quæ falsò Dei nomen obtendit. Alibi quoque Paulus, ut eorum iactantiam retundat qui sibi larua tantum obiecti, primas inter pios coram mundo arrogant, dicit Deum cognoscere qui sui sint. Denique illa voce duplicem nobis populum designat Paulus, vnum ex toto genere Abrahæ: alterum verò inde segregatum, & qui sub oculis Dei reconditus, hominum cōspectum latet. Nec dubium est sumpsisse hoc ex Mose, qui Deum quibus voluerit misericordem fore affirmat (quantuis de electo populo sermo esset, cuius æqualis erat in speciem conditio) perinde ac si diceret, in communi adoptione inclusam esse apud se singularem erga aliquos gratiam instar sanctioris thesauri: nec obstat commune sœdus quominus paucitas illa ordine eximeretur: atque huius rei liberū dispensatorem & arbitrum facere se volens, precise negat se vni potius quàm alteri fore misericordem nisi quia ita lubuerit, quia ubi quærenti misericordia occurrit, etsi repulsam non patitur ille quidem, fauorem tamen, cuius laudem sibi vendicat Deus, aut præuenit, aut ex parte sibi acquirit.

- 7 Nunc de re tota pronuntiet supremus cognitor ac magister. Tantam in suis auditoribus duritiem cernens, ut apud turbam verba propè sine fructu funderet, ut medeatur huic scandalo, exclamat, Quicquid dat mihi Pater, ad me veniet. Hæc enim est voluntas Patris, ut quicquid dederit mihi non perdam ex eo quicquam. Obserua à Patris donatione fieri initium, ut in Christi fidem ac clientelam tradamur. Reuoluet hinc fortè quispiam circulum, atque excipiet, censerique in Patris peculio eos duntaxat quorum voluntaria ex fide fuit deductio. Atqui in eo tantum laborat Christus, etiam si defectiones ingentium turbarum totum mundum concutiant, firmum tamen calisque ipsi stabilis fore consilium Dei ne unquam labascatur electio. Electi dicuntur ante fuisse Patris quàm eos donaret vnigenito Filio. Quæritur an natura: mò qui alieni erant, trahendo suos facit. Maior inest Christi verbis claritas quàm ut tergiuersando vllis nebulis obduci queat. Nemo (inquit) potest venire ad me, nisi Pater traxerit eum. Qui autem audiuit & didicit à Patre, ille ad me venit. Si

Rom. 9. c. 15

Rom. 11. a. 2

Act. 2. d. 23.

1. Pet. 1. a. 2

2. Tim. 2. c. 19

Iohan. 6. d. 37

Iohan. 6. c. 44

promiscuè omnes coram Christo genu flecterent, communis esset electio: nunc in paucitate credentium manifesta apparet diuersitas. Itaque postquam discipulos qui sibi dati sunt, asseruit Christus fuisse Dei patris peculium, paulo post addit, Non pro mundo rogo, sed pro his quos dedisti mihi, quia tui sunt. Vnde fit ut totus mundus ad suum creatorem non pertineat, nisi quod à maledictione, & ira Dei ac morte æterna nō multos eripit gratia, qui alioqui perituri erant: mundum autem in suo interitu, cui destinatus est, relinquit. Interea quanuis se medium Christus inferat, sibi tamen ius eligendi communiter vendicat cū Patre. Non de omnibus, inquit, loquor: scio quos elegerim. Si quis roget unde elegerit, alibi respondet, Ex mūdo, quē à precibus suis excludit ubi discipulos Patri commēdat. Hoc quidem tenendum est, ubi affirmat se scire quos elegerit, speciem aliquam notari in genere humano: deinde non distingui qualitate suarum virtutū, sed cælesti decreto. Vnde sequitur, multos proprio Marte vel industria excellere, quando se Christus electionis facit authorem. Nam quod alibi Iudam inter electos numerat, quum Diabolus esset, hoc tantum refertur ad munus Apostolicum, quod etsi illustre speculum est fauoris Dei, (sicuti in sua persona toties agnoscit Paulus) non tamen spem in se cōtinet æternæ salutis. Potuit ergo Iudas, quū perfidē Apostolatū gereret, Diabolo esse deterior: sed quos inseruit semel Christus in corpus suum, eorum neminem perire sinet: quia in cōseruanda eorum salute quod pollicitus est præstabit: nēpē exeret Dei potētiam quæ maior omnibus est. Nā quod alibi dicit, Pater ex his quos dedisti mihi nemo perit nisi filius perditionis, etsi est loquutio, nulla tamē ambiguitate laborat. Summa est, Deum gratuita adoptione creare quos vult habere filios: eius verò intrinsecam esse in ipso causam: quia arcano suo beneplacito contentus est.

Iohan. 17. b.

Iohan. 13. b. 18

Iohan. 15. c. 19

Iohan. 10. c. 28

Iohan. 17. b. 12

8 At Ambrosius, Origenes, Hieronymus censuerunt, Deum suam gratiam inter homines dispensare prout ea quēque bene vsurum præuiderit. Adde & Augustinum in ea fuisse aliquando sententia: sed quum melius in Scripturæ cognitione profecisset, non retractauit modò ut euidenter falsam, sed fortiter confutauit. Quin & post retractationem, Pelagianos præstringēs, quod in eo errore persisterent: Quis istum, inquit, acutissimum sensum Apostolo defuisse non miretur? Nam quū rem stupendā proposuisset de illis nondum natis, & deinde sibi quæstionem obiiceret: Quid ergo? nunquid est iniquitas apud Deum? erat locus ut responderet Deum præuidisse vtriusque merita: non tamen hoc dicit, sed ad Dei iudicia & misericordiam confugit. Et alibi, quum omnia ante electionem merita sustulisset: Hic certè, inquit, vacat vana illorum ratiocinatio qui præscientiam Dei defendunt contra gratiā Dei: & ideo dicunt nos electos ante mundi constitutionē, quia præsciuit Deus futuros nos bonos, non seipsum nos facturum bonos. Non hoc dicit qui dicit, Non vos me elegistis, sed ego elegi vos. Nam si propterea nos elegisset, quia bonos futuros præsciuerat: simul etiā præsciuiisset quod eramus eū electuri, & quæ in eam rē sequuntur. Valeat Augustini testimonium apud eos qui libenter in patrum autoritate acquiescunt. Quāquam non patitur Augustinus se à reliquis disiungi: sed claris testimoniis diuertit hoc, cuius inuidia grauabant eū Pelagiani, ostendit falsum esse. Citat enim ex Ambrosio (lib. de Præd. sanct. cap. 19.) Christus quem miseratur vocat. Item, Si voluisset, ex indeuotis fecisset deuotos. sed Deus quos dignatur vocat: & quem vult, religiosum facit. Si ex Augustino integrum volumen contexere libeat, lectoribus ostendere promptum esset, mihi nō nisi eius verbis opus esse: sed eos prolixitate onerare nolo. Sed age, fingamus ipsos non loqui: ad rem ipsam intendamus. Difficilis quæstio mota erat, Num iuste faceret Deus, qui certos homines sua gratia dignaretur. qua se vno verbo expedire Paulus poterat, si operum respectum obtendisset. Cur ergo id non facit: quin sermonem potius continuat qui in eadē difficultate versetur? Cur, nisi quia non debuit: non enim obliuionis vitio laborabat Spiritus sanctus, qui per os eius loquebatur. Nullis ergo ambagibus respondet, Ideo suis electis fauere Deum, quia velit: ideo misereri, quia velit. Perinde enim valet oraculum, Miserebor, cuius miserebor: & miseratione cōplectar, quem miseratione complectar: ac si diceretur, Deum non alia ratione ad misericordiam moueri, nisi quia misereri velit. Verum ergo manet illud Augustini, Gratiā Dei non inuenire eligendos, sed facere.

Lib. Retract.

1. cap. 11

Epist. ad Sixtum 106

Homil. in

Iohan. 8

Iohā. 15. c. 16

Exod. 33. d. 13

9 Ac ne illam quidē Thomæ argutiam moramur, præscientiam meritorum non ex parte quidem actus prædestinantis esse prædestinationis causam: ex parte autem nostra, quodāmodo sic vocari posse, nempe secundum particularem prædestinationis æstimationem. ut quum dicitur Deus prædestinare homini gloriam ex meritis, quia gratiā ei largiri decreuit qua gloriam mereatur. Quum enim nihil in electione nisi meram bonitatem velit nos intueri Dominus, si quis plus aliquid prospicere hīc cupiat, præpostera erit affectatio. Quod

In 1. Sent.

Tract. 15.

quæst. 23.

si certare subtilitate libeat, non deest quo istam Thomæ argutiolam retundamus. Ipse cōtendit, gloriam electis quodammodo prædestinari ex meritis: quia gratiam illis prædestinat Deus qua gloriam mereantur. Quid si cōtrā excipiam, prædestinationem ad gratiam electioni ad vitam subseruire, esleque eius veluti pedissequā? gratiam iis prædestinari quibus gloriæ possessio iam diu assignata sit: quia in iustificationem ex electione filios suos adducere Domino placeat? Inde enim sequetur, prædestinationem gloriæ causam potius esse prædestinationis gratiæ, quàm e conuerso. Sed valeant hæc certamina, vt sunt superuacua inter eos qui satis sapientiæ sibi in verbo Dei esse ducent. Verè enim illud ab Eccelesiastico scriptore olim dictū fuit, qui Dei electionē meritis assignant, eos plusquā oportet sapere.

Ambr. de vo
cat. Gent. lib.
I. ca. 2.

10

Obiiciunt nonnulli, Deum sibi fore contrarium si vniuersaliter omnes ad se inuiter, paucos verò electos admittat. Sic promissionū vniuersitas discretionem specialis gratiæ, secundū eos, tollit. atque ita loquuntur moderati quidā homines, non tā opprimēdæ veritatis causa, quàm vt spinosas quæstiones arceant, ac frænent multorū curiositatē. Laudabilis volūtas: sed consiliū minimè probandū: quia nunquā excusabilis est tergiuersatio. Eorū verò qui proteruius insultāt, nimis certè putidū cauillū, vel nimis pudēdus error. Quomodo Scriptura hæc duo cōciliet, externa prædicatione vocari omnes ad poenitētiā & fidē, neque tamen omnibus dari resipiscentiæ & fidei spiritū, alibi explicui, & mox aliquid rependum erit. Iam quod postulat illis nego, vt duobus modis falsum est. nam qui minatur,

Amos 4. b. 7,
& 8. d. 11
A. 1. 16. b. 6

Iesa. 8. e. 16

dum super urbem vnā pluet, siccitatem fore super alteram: qui famem doctrinæ alibi denuntiat, non obstringit se certa lege vt æqualiter vocet omnes. Et qui Paulum vetans in Asia verbum facere, & eundem à Bithynia auertēs in Macedoniam trahit, sui iuris esse demonstrat, thesaurū hunc quibus visum est distribuere. Per Iesaiam tamen apertius demonstrat quomodo electis peculiariter salutis promissiones destinet. nā de illis tātū, non autē indifferenter de toto genere humano, prædicat sibi fore discipulos. Vnde cōstat perperā quibuslibet prostitui salutis doctrinā vt efficaciter profit, quæ solis Ecclesiæ filiis seorsum reposita esse dicitur. Hoc in præsentia sufficiat, quanuis generaliter omnes compellet vox Euangelii, rarum tamen esse fidei donū. Causam assignat Iesaias, quòd non omnibus patefiat brachium Dei. Si diceret Euangeliiū malignè & peruersè contemni, quia audire pertinaciter multi recusant: valeret fortè hic color de vniuersali vocatione. Neque verò Prophetæ cōsiliū est extenuare hominum culpam, vbi cæcitatē fontē esse tradit quòd Deus non dignetur illis brachium suum patefacere: tantū admonet, quia fides singulare donū est, externa doctrina aures frustra verberari. Scire autem ex doctoribus istis velim solāne prædicatio filios Dei faciat, an fides. Certè quum dicitur Iohannis primo, Quicumque credunt in Filium Dei vnigenitū, filios Dei ipsos quoque fieri, non confusa illic ponitur congeries: sed specialis ordo datur fidelibus, qui non ex sanguinibus, neque ex voluntate carnis, neque ex voluntate viri, sed ex Deo nati sunt. At fidei (inquiunt) mutuus est cum verbo consensus. Nempe vbicumque est fides, sed semē inter spinas cadere, vel in locis lapidosi, nouum non est: non solū quia maior pars cōtumax reipsa apparet aduersus Deum, sed quia nō omnes oculis & auribus sunt præditi. Quomodo igitur conueniet, Deum ad se vocare quos scit non venturos? Respondeat pro me Augustinus. Disputare vis mecū? Mirare mecum, & exclama, Q altitudo. Ambo cōsentiamus in pauore, ne in errore pereamus.

Iesa. 53. a. 1

Iohan. 1. b. 12

Adde quòd si electio, teste Paulo, fidei mater est, in eorum caput retorqueo argumentum, ideo non esse generalem fidem, quia specialis est electio. Nam à serie causarū & effectuum facile colligitur, vbi dicit Paulus nos esse refferos omni benedictione spirituali, sicuti nos elegerat Deus ante mūdi creationē: ideo non omnibus esse cōmunes has diuitias, quia legit Deus tantū quos voluit. Hæc ratio est cur alibi fidē electorum cōmendat, ne quisquā putetur fidē sibi proprio motu acquirere, sed penes Deū resideat hæc gloria, illuminari ab eo gratis quos antè elegerat. Recte enim Bernardus, Amici (inquit) seorsum audiūt, quibus

August. de
verb. Apost.
Serm. 11.

Ephes. 1. a. 3

Tit. 1. a. 1

Ad Thomam
præpositum
Benerlæ, e-
pist. 107.

& loquitur, Nolite timere pusille grex: quia vobis datum est nosse mysterium regni cælorum. Qui sunt hi? Vtique quos præsciuit & prædestinavit cōformes fieri imagini Filii sui. magnum secretūque innotuit consiliū, Nouit Dominus qui sui sint: sed quod notum erat Deo, manifestatum est hominibus: nec alios sanè dignatur tanti participatione mysterii, nisi eos ipsos quos fore suos præsciuit & prædestinavit. Paulo post cōcludit, Misericordia Dei ab æterno vsque ad æternū super timētes eum: ab æterno, ob prædestinationē: in æternum, ob beatificationem: altera principium, altera finem nesciēs. Sed quid Bernardum citare testem opus est, quando ex magistri ore audimus, non alios videre nisi qui sunt ex Deo? Quibus verbis significat, eos omnes qui ex Deo nō sunt regniti, ad splendore vultus eius obstupescere. Ac electioni quidē aptè coniungitur fides, modò secundum gradum

Iohan. 6. e. 46

teneat. Quem ordinē clarē exprimunt alibi Christi verba, Hæc est voluntas Patris, vt non perdam quod dedit. Hæc enim voluntas eius est vt quisquis credit in Filium, non pereat. Si omnes vellet saluos, custodē illis præficeret Filium, & omnes in eius cōpus sacro fidei vinculo infereret. Nunc constat fidem singulare esse paterni amoris pignus, filiis quos adoptauit reconditum. Ideo Christus alibi dicit, oues sequi pastorem, quia nouerunt vocem eius: alienum verò non sequi, quoniam non agnoscunt vocem alienorum. Vnde autē ista discretio, nisi quia diuinitus perforatæ sunt illis aures? Nemo enim se ouem facit, sed formatur cælesti gratia. Vnde & salutē nostram Dominus perpetuò certam & tutam fore docet: quia insuperabili Dei potentia custoditur. Proinde concludit, incredulos non esse ex ouibus suis: nempe quia non sunt ex eorum numero quos Deus sibi per Iesaiam pollicitus est fore discipulos. Porro quia testimoniis quæ citauimus exprimitur perseuerantia, inflexibilem electionis constantiam simul testantur.

Ibidem, d. 39

Iohan. 10. a. 4

Ibidem, f. 19

Ibidem, c. 16

II Nunc de reprobis, quos simul illic coniungit Apostolus. Vt enim Iacob, nihil dum bonis operibus promeritus, assumitur in gratiam: sic Esau, nullo adhuc scelere inquinatus, odio habetur. Si ad opera conuertimus oculos, iniuriā irrogamus Apostolo, quasi id ipsum quod nobis perspicuum est non viderit. Porro non vidisse conuincitur, quando hoc nominatim vrget, quum nihil dum boni aut mali designassent, alterum electum, alterum reiectum: vt probet diuinæ prædestinationis fundamentum in operibus non esse. Deinde vbi obiectionem mouit num iniquus sit Deus, illud quod certissimum & apertissimum fuisse iustitiæ eius patrociniū, non vsurpat, Deum rependisse Esau secundum suam malitiam: sed diuersa solutione contentus est, quod in hunc finē excitentur reprobi vt Dei gloria per illos illustretur. Demum subnectit clausulam, Deum cuius vult misereri, & quem vult indurare. Vides vt in solum Dei arbitrium ytrūque conferat? Ergo si non possumus rationē assignare cur suos misericordia dignetur, nisi quoniam ita illi placet: neque etiam in aliis reprobandis aliud habebimus quàm eius voluntatem. Quum enim dicitur Deus vel indurare, vel misericordia prosequi quem voluerit, eo admonetur homines nihil causæ querere extra eius voluntatem.

Rom. 9. c. 13

Ibidem, d. 18

Refutatio calumniarum quibus hæc doctrina semper iniquè grauata fuit.

CAP. XXIII.



AE C verò dum audit humanum ingenium, contineri nequit eius proteruia quin velut ad canticum classici, variè & supra modum tumultuetur. Ac multum quidem, ac si inuidiam à Deo repellere vellent, electionem ita fatetur vt negent quenquam reprobari. sed inscite nimis & pueriliter: quando ipsa electio nisi reprobationi opposita non staret. Dicitur segregare Deus quos adoptat in salutem: fortuitò alios adipisci, vel sua industria acquirere quod sola electio paucis confert, plusquam insulsè dicitur. Quos ergo Deus præterit, reprobatur: neque alia de causa nisi quod ab hæreditate quam filiis suis prædestinat, illos vult excludere. Nec verò tolerabilis est hominum proteruia, si Dei verbo frænari se non sustinet, vbi agitur de incomprehensibili eius consilio quod Angeli ipsi adorant. Atqui nunc audiuius indurationem non minus in manu Dei & arbitrio esse quàm misericordiam. Nec verò Paulus, horum quos dixi exemplo, anxie laborat vt mendacii patrociniū Deum excuset: tantum admonet figmēto nefas esse cum fictore suo rixari. Iam qui non admittunt, vltos à Deo reprobari, quomodo se expedient ab illa Christi sententia, Omnis arbor quam non plantauit Pater meus, eradicabitur? Apertè exitio addici & deuoueri audiunt quoscūque cælestis Pater dignatus non est quasi sacras arbores in agro suo plantare. Si hoc reprobationis signum esse negant, nihil est tam liquidum quod illis queat probari. Quod si obstrepere non desinunt, contenta sit fidei sobrietas hac Pauli admonitione, non esse causam litigandi cū Deo, si ab vna parte volens ostēdere iram, & notam facere potentiam suam, ferat in muta tolerantia & lenitate vasa iræ appa-
rata in interitum: ab altera autem notas faciat diuitias gloriæ suæ erga vasa misericordiæ quæ præparauit in gloriam. Obseruent lectores, vt ansam susurris & obtreptionibus præcidat Paulus, summum dare imperium iræ & potentiæ Dei: quia iniquum est calculo nostro subiici profunda illa iudicia quæ sensus omnes nostros absorbent. Quod respondent aduersarii friuolum est, Deum non prorsus reiicere quos in lenitate tolerat: sed suspensio manere erga eos animo, si fortè resipiscant. Quasi verò patientiam Deo tribuat Paulus, qua eorum conuersionem expectet quos dicit aptatos esse ad interitū. Rectè enim Augustinus locum hunc explicans, vbi potentia tolerantia adiungitur, Deum non sinere, sed virtute sua moderari. Addūt etiam non abs re vasa iræ dici appa-
rata ad interitum, vasa autem misericordiæ Deum præparasse: quia hoc modo salutis laudem Deo

Rom. 9. d. 10

Matth. 15. b. 13

Rom. 9. c. 22

Lib. contra Iul. 5. cap. 5

adscribit & vendicat: perditionis culpam reicit in eos qui proprio arbitrio ipsam sibi acceperunt. Sed ut illis cōcedam diuersa loquendi forma Paulum asperitatem lenire prioris mēbri: minimē tamen cōsentaneum est, pręparationem ad interitum aliō transferre quā ad arcanum cōsiliū Dei: quod etiam paulo antē in cōtextu asseritur, Quod Deus excita-
 Lib. 1. de prædest. Sanct. cap. 2
 tauerit Pharaonem, deinde quos vult induret. Vnde sequitur absconditum Dei cōsiliū obdurationis esse causam. Hoc saltem obtineo quod tradit Augustinus, vbi ex lupis Dēus oues facit, gratia potentiore eos reformare, ut dometur eorum durities. proinde obstinatos ideo non conuertit quia potētiorem illam gratiam non exierit Deus, qua non destituitur si eam proferre vellet.

- 2 Hęc quidem piis & modestis abunde sufficerent, & qui se homines reminiscuntur. Quia tamen non vnā speciem virulenti isti canes euomūt contra Deum, ad singulas, prout res feret, respondebimus. Multis modis cum Deo litigant stulti homines, quasi eum teneāt suis criminationibus obnoxium. Primum ergo interrogant quo iure suis creaturis irascatur Dominus, à quibus nulla antē offensa prouocatus fuerit. nam exitio deuouere quos placuerit, tyranni magis libidini, quā legitimę iudicis sententię conuenire. Esse igitur cur cum Deo expostulēt homines, si nudo eius arbitrio, citra proprium meritum in æternam mortem prædestinantur. Eiusmodi cogitationes si quando piis hominibus in mentem veniant, ad frangendos earum impulsus, vel hoc vno satis armabūtur, si reputent quantę sit improbitatis, causas diuinę voluntatis duntaxat percontari: quum omnium quę sunt, ipsa sit causa, & meritō esse debeat. Nam si vllā causam habet, aliquid eam antecedit oportet, cui veluti alligetur: quod nefas est imaginari. Adeō enim summa est iustitię regula Dei voluntas, ut quicquid vult, eo ipso quod vult, iustum habēdum sit. Vbi ergo quæritur cur ita fecerit Dominus, respondendum est, Quia voluit. Quod si vltra pergās rogado cur voluerit, maius aliquid quæris, & sublimius Dei volūtate, quod inueniri non potest. Compescat igitur se humana temeritas, & quod non est ne quærat: ut ne fortē id quod est non inueniat. Hoc, inquam, frāno bene continebitur quisquis de arcānis Dei sui cum reuerentia philosophari volet. Aduersus impiorum audaciam, qui Deo palām maledicere nō formidāt, Dominus ipse sua iustitia, sine nostro patrocinio, satis se defendet, quum eorū conscientis omnem tergiversationem adimendo, conuictas stringet, reāsque peraget. Neque tamen commentum ingerimus absolutę potētię: quod sicuti profanum est, ita meritō detestabile nobis esse debet. Non fingimus Deum ex legem, qui sibi ipsi lex est: quia (ut ait Plato) lege indigent homines qui cupiditatibus laborant: Dei autem voluntas non modō ab omni vitio pura, sed summa perfectionis regula, etiam legum omnium lex est. Verū negamus obnoxiiū esse reddēdę rationi: negamus etiā nos esse idoneos iudices, qui proprio sensu pronuntiemus de hac causa. Quare si tentamus vltra quā licet, metum incutiat illa comminatio Psalmi, Deum fore victorem quoties ab homine mortali iudicabitur.

Hoc ex Augustino sumptū lib. 1. de Gen. contra Manich. cap. 3

Psal. 51. a. 6

- 3 Tacendo potest Deus ita compescere hostes suos. Sed ne illos sacrum nomen suum impune ludibrio habere patiamur, arma quoque aduersus eos nobis ex verbo suo suppeditat. Proinde si quis nos huiusmodi verbis aggrediatur, cur ab initio Deus ad mortem aliquos prædestinaret, qui quum nondum essent, mereri iudicium mortis nondum potuerāt: Nos, responsionis loco, vicissim eos rogemus quid Deum homini debere existiment, si eum à natura sua æstimare velit. Qualiter peccato vitiati sumus omnes, non possumus non esse Deo odiosi, idque non tyrannica sæuitia, sed æquissima iustitię ratione. Quod si iudicio mortis obnoxii sunt omnes naturali conditione, quos ad mortē Dominus prædestinat, de qua, obsecro, eius iniquitate erga se conquerantur? Veniant omnes filii Adam: cum suo creatore contendant ac disceptent, quod æterna illius prouidentia, ante suam generationē, perpetuę calamitati addicti fuerint. Quid obstrepere aduersus hanc defensionem poterunt, vbi Deus illos ad sui recognitionē contrā vocabit? Ex corrupta massa si desumpti sunt omnes, non mirum si damnationi subiacent. Ne ergo Deum iniquitatis insimulent si æterno eius iudicio morti destinati sint, ad quam à sua ipsorum natura sponte se perducere velint nolint ipsi sentiunt. Vnde apparet quā peruersa sit obstrependi affectatio, quod data opera supprimunt quam in se agnoscere coguntur damnationis causam, ut Dei prætextus eos liberet. Atqui ut centies Deum esse authorem confitear, quod verissimum est, non protinus tamen crimen eluunt quod eorum conscientis insculptum subinde eorum oculis recurrit.

- 4 Rursum excipiunt, Nōne ad eam quę nunc pro damnationis causa obtenditur, corruptionem Dei ordinatione prædestinati antē fuerāt? Quum ergo in sua corruptione percunt, nihil aliud quā pœnas luunt eius calamitatis in quā ipsius prædestinatione lapsus

est Adam, ac posteros suos præcipites secū traxit. Annon itaque iniustus, qui creaturis suis tam crudeliter illudit? Fateor sanè in hanc qua nunc illigati sunt, conditionis miseriam, Dei voluntate decidisse vniuersos filios Adam. atque id est quod principio dicebam, redeundum tandem semper esse ad solum diuinæ voluntatis arbitrium, cuius causa sit in ipso abscondita. Sed non protinus sequitur, huic obrectationi Deum subiacere. Occurremus enim cum Paulo in hunc modum, O homo? tu quis es qui disceptes cum Deo? Num figmentum dicit ei qui se finxit, Cur me finxisti sic? Annon habet potestatem figulus, vt ex eadem massa faciat vas aliud in honorè, aliud in cōtumeliam? Negabunt ita verè defendi Dei iustitiā, sed subterfugim captari, quale habere solent qui iusta excusatione destituuntur. Quid enim hīc aliud dici videtur quā Deo esse potētiam quæ impediri nequeat quominus, prout libitum fuerit, quiduis agat? Verū longè secus est. quæ enim potentior afferri ratio potest quā dum iubemur cogitare quis sit Deus? Quomodo enim vllam iniquitatem admitteret, qui iudex est orbis? Ad Dei naturam si propriè pertinet, iudicium facere, iustitiam igitur naturaliter amat, iniustitiam auersatur. Proinde non quasi deprehensus foret Apostolus, ad cuniculos respectauit: sed indicauit altiore esse iustitiæ diuinæ rationem quā vt vel humano modo metiēda sit, vel ingenii humani tenuitate possit comprehendī. Fatetur quidem Apostolus, eam subesse diuinis iudiciis profunditatē, à qua mētes omnes hominū absorbēdæ sint si cōnētur eò penetrare. Sed docet etiam quā indignū sit ad eam legē redigere Dei opera, vt simulac eorū ratio nobis non constiterit, improbare audeamus? Notum est dictum Solomonis (quod tamen pauci dextrè intelligunt) Magnus creator omnium mercedem reddit stulto, & mercedem transgressoribus. Exclamat enim de magnitudine Dei: in cuius arbitrio est poenā sumere de stultis & transgressoribus, quāuis eos Spiritu suo non dignetur. Ac prodigiosus est hominum furor dum ita rationis suæ modulo subiicere appetunt quod immensum est. Angelos qui steterunt in sua integritate, Paulus electos vocat: si eorum constantia in Dei beneplacito fundata fuit, aliorum defectio arguit fuisse derelictos. Cuius rei causa non potest alia adduci quā reprobatio, quæ in arcano Dei consilio abscondita est.

Rom. 9. d. 20

Prōu. 26. b. 16

1. Tim. 5. d. 27

- 5 Age, adsit nunc Manichæus aliquis aut Coelestinus, diuinæ prouidentiae calumniator, dico cum Paulo, rationem eius non esse reddendam: quia magnitudine sua intelligētiam nostram longe superet. Quid mirum? aut quid absurdum? vel itne Dei potentiam sic limitatam esse, vt nequid plus ad agendum valeat quā mens sua capiat? Dico cum Augustino, esse à Domino creatos, quos in exitiū ituros sine dubitatione præsciebat. idque ita factum quia sic voluit. Cur autem voluerit, non esse nostrum rationem exigere, qui cōprehendere non possumus: neque conuenire, vt diuina voluntas in controuersiam apud nos descendat, de qua quoties habetur sermo, sub ipsius nomine suprema iustitiæ regula nominatur. Quid ergo de iniquitate quæstio mouetur, vbi iustitia clarè apparet? Neque verò nos pudeat improborum ora, Pauli exemplo sic obstruere: ac quoties oblatrare audebūt, identidem repetere, Quinam estis miseri homines, qui Deo accusationem intentatis? & ideo intentatis, quia operum suorum magnitudinē ad ruditatem vestram non attemperat: Quasi verò ideo peruersa sint quia carni sunt occulta. Immensitas iudiciorum Dei claris experimentis vobis nota est. Scitis vocari profundā abyssum. nunc ingenii vestri angustias cōsulite, an quod decreuit apud se Deus, capiant. Quid ergo iuuat vesana inquisitione vos demergere in abyssum, quā vobis exitiale fore ratio ipsa dicat? Cur nō vos metus aliquis saltem cohibet quod de incomprehensibili Dei sapientia & terribili potentia tam historia Iob quā Prophetici libri prædicāt: Si tumultuatur mens tua, ne pigeat Augustini consilium amplecti. Tu homo expectas à me responsum: & ego sum homo. Itaque ambo audiamus dicentem, O homo tu quis es? melior est fidelis ignorantia quā temeraria scientia. Quære merita: non inuenies nisi poenam. ô altitudo! Petrus negat: latro credit. ô altitudo! Quæris tu rationē? Ego expauescam altitudinē. Tu ratiocināre, ego mirabor: tu disputa, ego credam: altitudinem video, ad profundum non peruenio. Requieuit Paulus, quia admirationem inuenit. Vocat ille inscrutabilia Dei iudicia: & tu scrutari venisti? Ille dicit inuestigabiles eius vias: & tu vestigas? Vterius procedendo nihil proficiemus. nā nec satisfiet eorū petulantia, nec alia eget defensione Dominus, quā qua per Spiritū suum vñs est, qui per os Pauli loquebatur: & ipsi dediscimus bene loqui vbi cū Deo loqui desinimus.
- 6 — Alterum quoque obiectum ab impietate emergit, quod tamen non tam ad Dei suggillationem quā ad peccatoris excusationem rectā spectat. Et si, qui à Deo damnatur peccator, non nisi cum iudicis ignominia iustificari demū potest. Sic ergo profanæ linguæ obgannunt, Cur ea vitio Deus imputaret hominibus, quorum necessitatem sua prædestina-

Psal. 36. a. 7

Aug. de ver.
Apost. Ser. 20

Preu. 16. a. 4

tionem imposuit: Quid enim facerent? an cum decretis eius luctarentur? At frustra id factum
 ri sint, quum omnino facere non possint. Non ergo iure ob ea puniuntur quorum precipua
 in Dei prædestinatione causa est. Hic abstinere à defensione ad quam fere scriptores Ec-
 cleiastici recurrunt, non impedire Dei præscientiam quominus homo peccator reputetur:
 quandoquidem illius mala, non sua Deus præuideat. Non enim hic subsisteret cauillatio,
 sed potius vrgeret, Deum tamé malis quæ præuiderit potuisse occurrere, si voluisset. quum
 non fecerit, destinato cōsilio creasse hominē in eum finem, vt se in terra ita gereret. Quod
 si Dei prouidentia in hanc conditionem homo creatus est, vt postea faceret quæcunque fa-
 cit, non esse illi crimini vertendum quod nec effugere possit, & Dei voluntate suscipiat. Er-
 go videamus quomodo rite nodus expediri debeat. Primum cōniū constare inter omnes
 debet quod ait Solomon, Deum omnia propter semetipsum condidisse, impium quoque
 ad diem malū. Ecce, quum rerum omnium dispositio in manu Dei sit, quum penes ipsum
 resideat salutis ac mortis arbitrium, consilio nutūque suo ita ordinat, vt inter homines na-
 scantur, ab vtero certæ morti deuoti, qui suo exitio ipsius nomen glorificent. Siquis cause-
 tur, nullam eis inferri necessitatē ex Dei prouidentia, sed potius ea conditione ab ipso esse
 creatos, quoniam futuram eorum prauitatem præuiderit: neque nihil dicit, neque totum.
 Solent quidem interdum hac solutione vti veteres, sed quasi dubitater. Scholastici verò in
 ea quiescunt, ac si nihil contrā opponi posset. Equidem præscientiam solam nullā inferre
 necessitatem creaturis libenter concessero, tametsi non omnes assentiantur. sunt enim qui
 ipsam quoque causam rerum esse volunt. Verum mihi acutius ac prudentius videtur per-
 spexisse Valla, homo alioqui in sacris non admodū exercitatus, qui superuacua esse hanc
 contentionem ostendit: quoniam & vita & mors diuinæ magis voluntatis quàm præscien-
 tiæ sint actiones. Si hominum euenta præuideret Deus duntaxat, non etiam suo arbitrio
 disponderet ac ordinaret, tum non abs re agitaretur quaestio, ecquid ad eorum necessitatem
 valeat ipsius præuidentia. sed quum non alia ratione quæ futura sunt præuideat, nisi quia
 ita vt fierent decreuit: frustra de præscientia lis mouetur, vbi constat ordinatione potius &
 nutu omnia euenire.

7

Disertis verbis hoc extare negant, decretum fuisse à Deo vt sua defecione periret A-
 dam. Quasi verò idem ille Deus, quē Scriptura prædicat facere quæcūque vult, ambiguo
 fine condiderit nobilissimā ex suis creaturis. Liberi arbitrii fuisse dicunt vt fortunā ipse sibi
 fingeret: Deum verò nihil destinasse nisi vt pro merito eum tractaret. Tam frigidum cō-
 mentū si recipitur, vbi erit illa Dei omnipotentia, qua secundū arcanum consilium, quod
 aliunde non pendet, omnia moderatur? Atqui prædestinatio, velint nolint, in posteris se
 profert. Neque enim factum est naturaliter vt à salute exciderēt omnes, vnus parentis cul-
 pa. Quid eos prohibet fateri de vno homine quod inuiti de toto humano genere cōcedunt?
 Quid enim tergiversando luderent operam? Cunctos mortales in vnus huius personæ
 mortis æternæ mācipatos fuisse Scriptura clamat. Hoc quum naturæ adscribi nequeat, ab
 admirabili Dei consilio profectum esse minimè obscurum est. Bonos istos iustitiæ Dei pa-
 tronos perplexos hæere in festuca, altis verò trabes superare nimis absurdū est. Iterū qua-
 ro, Vnde factum est vt tot gētes vnā cum liberis eorū infantibus æternæ morti inuolueret
 lapsus Adæ absque remedio, nisi quia Deo ita visum est: Hic obmutescere oportet tam di-
 caces alioqui linguas. Decretum quidem horribile, fateor: inficiari tamen nemo poterit
quin præsciuerit Deus quem exitum esset habiturus homo, antequam ipsum conderet, & i-
deo præsciuerit quia decreto suo sic ordinarat. In præscientiam Dei si quis hic inuehatur,
 temere & inconsultè impingit. Quid enim, quæso, est cur reus agatur cælestis iudex quia
 non ignorauerit quod futurum erat: In prædestinationem competit siquid est vel iusta vel
 speciosa querimonia. Nec absurdum videri debet quod dico, Deum non modò primi ho-
minis casum, & in eo posterorum ruinam præuidisse: sed arbitrio quoque suo dispensasse.
Vt enim ad eius sapientiam pertinet omnium quæ futura sunt esse præscium, sic ad poten-
tiam, omnia manu sua regere ac moderari. Et hanc quoque quaestionem Augustinus, vt al-
 lias, scitè expedit, Saluberrimè confitemur quod rectissimè credimus, Deum Dominum-
 que rerum omnium, qui creauit omnia bona valde, & mala ex bonis exortura præsciuit,
 & sciuit magis ad suam omnipotētissimam bonitatem pertinere etiam de malis bene facere
 quàm mala esse non sinere: sic ordinasse Angelorū & hominum vitam, vt in ea prius osten-
 deret quid posset liberum arbitrium, deinde quid posset gratiæ suæ beneficium, iustitiæ-
 que iudicium.

Enchir. ad
Laurent.

8

Hic ad distinctionem voluntatis & permissionis recurritur, secundum quam obtinere
 volunt, permittente modò non autem volente Deo perire impios. Sed cur permittente di-

cemus nisi quia ita vult? Quanquam nec ipsum quidem per se probabile est, sola Dei permissione, nulla ordinatione hominem sibi accersisse interitum. Quasi verò non constituerit Deus qua conditione præcipuam ex creaturis suis esse vellet. Non dubitabo igitur cum Augustino simpliciter fateri, voluntatem Dei esse rerum necessitatem, atque id necessario futurum esse quod ille voluerit: quemadmodum ea verè futura sunt quæ præuiderit. Nunc verò si pro sua & impiorum excusatione vel Pelagiani, vel Manichæi, vel Anabaptistæ, vel Epicurei (nam cum istis quatuor sectis nobis in hoc argumento negotium est) necessitatē, qua ex Dei prædestinatione constringuntur, obiciant: nihil afferunt ad causam idoneum. Si enim prædestinatio nihil aliud est quàm diuinæ iustitiæ, occultæ quidem, sed inculpata, dispensatio: quia non indignos fuisse certum est qui in eam sortem prædestinarentur, iustissimum quoque esse interitum quem ex prædestinatione subeunt, a què certum est. Ad hoc, sic ex Dei prædestinatione pendet eorum perditio, ut causa & materia in ipsis reperiantur. Lapsus est enim primus homo, quia Dominus ita expedire censuerat. cur celsuerit, nos latet. Certum tamen est non aliter celsuisse, nisi quia videbat nominis sui gloriam inde merito illustrari. Vbi mentionem gloriæ Dei audis, illic iustitiam cogita. Iustum enim esse oportet quod laudem meretur. Cadit igitur homo, Dei prouidentia sic ordinante: sed suo vitio cadit. Pronuntiauerat paulo antè Dominus, omnia quæ fecerat esse valde bona. Vnde ergo illa homini prauitas ut à Deo suo deficiat? Ne ex creatione esse putaretur, elogio suo approbauerat Deus quod profectum erat à seipso. Propria ergo malitia, quam acceperat à Domino puram naturam corripit, sua ruina totam posteritatem in exitium secum attraxit. Quare in corrupta potius humani generis natura euidentem damnationis causam, quæ nobis propinquior est, contemlemur, quàm absconditam ac penitus incomprehensibilem inquiramus in Dei prædestinatione. Neque immensæ Dei sapientiæ submittere hucusque ingenium pigeat, ut in multis eius arcanis succumbat. Eorum enim quæ scire nec datur, nec fas est, docta est ignorantia: scientiæ appetentia, infantiæ species.

Lib. 6. de Genes. ad literā, cap. 15.

Genes. 1. d. 31

9 Dicet fortè quispiam me nondum attulisse quod sacrilegam illam excusationem cōpesceret. Ego verò ne id quidē effici posse fateor quin semper fremat impietas & obmuret. mihi tamen dixisse videor quod ad obloquendi non rationem tantum, sed prætextum quoque adimendum sufficeret. Excusabiles peccando haberi volunt reprobi, quia eua dere nequeunt peccandi necessitatē: præsertim quum ex Dei ordinatione sibi iniiciatur huiusmodi necessitas. Nos verò inde negamus ritè excusari, quandoquidē Dei ordinationi, qua se exitio destinatos conqueruntur, sua cōstet æquitas: nobis quidē incognita, sed illa certissima. Vnde cōstituimus, nihil illos sustinere mali quod non iustissimo Dei iudicio infligatur. Deinde præposterè docemus agere ipsos, qui ad quærdam suæ damnationis originem, in recondita diuini consilii adyta oculos intendunt: ad naturæ corruptionem, unde illa verè scaturit, conniueant. Hanc autem imputare ne Deo possint obstat quòd suæ creationi testimonium reddat. Tamen si enim æterna Dei prouidentia, in eam cui subiacet calamitatem conditus est homo: à seipso tamen eius materiam, non à Deo sumpsit. quando nulla alia ratione sic perditus est, nisi quia à pura Dei creatione in vitiosam & impurā peruersitatem degenerauit.

10 Iam & tertia absurditate Dei prædestinationē infamant eius aduersarii. quum enim non aliò referamus quàm ad diuinæ voluntatis arbitrium, quòd vniuersali exitio eximantur quos in regni sui hæredes Deus assumit, ex eo colligunt apud ipsum ergo esse acceptiōnem personarum: quod ubique Scriptura negat. Ergo vel Scripturam esse sibi dissentaneā, vel in electione Dei esse meritorum respectum. Primum, alio sensu negat Scriptura Deum esse personarum acceptorem, quàm quo ipsi iudicant. siquidem Personæ vocabulo non hominem significat, sed quæ in homine oculis conspicua, vel fauorem, gratiam, dignitatem conciliare, vel odium, contemptum, dedecus conflare solent. Qualia sunt, diuitiæ, opes, potētia, nobilitas, magistratus, patria, formæ elegantia, & cætera eiusmodi. Item, paupertas, inopia, ignobilitas, sordes, contemptus, & similia. Sic Petrus & Paulus personarum acceptorem non esse Dominum docent, quia nō discernat inter Iudæum & Græcum, quo solius gentis ratione alterum respuat, amplectatur alterum. Sic Iacobus iisdem verbis utitur, dum vult asserere Deum in suo iudicio diuitias nihil morari. Paulus autem alio loco de Deo sic loquitur, quòd libertatis aut seruitutis in iudicando nullam habeat rationem. Proinde nihil repugantiæ erit, si dicemus, Deum secundum beneplaciti sui arbitrium, eligere in filios, nullo merito, quos visum fuerit, alijs reiectis ac reprobatis. Res tamē sic explicari potest, ut plenius satisfiat. Quærunt quid fiat ut ex duobus quos nullum meritum discriminat, alterum prætereat in electione sua, alterum assumat Deus. Ego vicissim rogo,

Act. 10. c. 34
Rom. 2. b. 10
Galat. 3. d. 28
Iacob. 2. a. 5
Colos. 3. d. 25
Ephes. 6. b. 9

Vide August.
lib. ad Bonif.
2 cap. 7

1. Cor. 1. d. 26

putentur in eo qui assumitur esse aliquid quod Dei animū ad ipsum inclinet. Si nihil fatebuntur (quod necesse est) sequetur Deum non hominem intueri, sed à sua bonitate rationem petere cur illi beneficiat. Quod igitur hominem vnum eligit Deus, altero reiecto, id non prouenit ab hominis respectu, sed à sola eius misericordia: cui liberum esse debet proferre se & exercere ubi & quoties placet. Nam & alibi vidimus non multos ab initio vocatos fuisse nobiles, vel sapientes, vel splendidos, ut Deus humiliaret carnis superbiam, tantum abest ut personis deus in eis fuerit eius fauor.

Epist. 6. De
prædest. &
gratia.
De bono per-
seu. cap. 12

Rom. 11. d. 32

- 11 Quare fallò & pessimè Deum in aqualis iustitiæ insimulant nonnulli quod non eundem erga omnes tenorem in sua prædestinatione seruat. Si omnes (inquiunt) noxios deprehendit, per æque omnes puniat: si insones, ab omnibus iudicii rigorem abstineat. Atqui perinde cum ipso agunt ac si vel interdicta illi foret misericordia, vel, dum vult misereri, cogatur in totum iudicio renūtiare. Quid est quod flagitant? si omnes sunt noxii, ut simul eandem omnes luāt pœnam. Fatemur communem noxam: sed dicimus quibusdam succurrere Dei misericordiam. Succurat, aiunt, omnibus. Sed excipimus, æquum esse ut puniendo se quoque æquum iudicem ostendat. Id dum non sustinent, quid aliud quàm vel miserandi facultate Deum spoliare conantur, vel hac saltem lege ipsam permittere ut iudicio se prorsus abdicet? Quare pulcherrimè quadrant istæ Augustini sententiæ, Quum in primo homine vniuersa generis massa in condemnationem defluerit, quæ fiunt ex ea vasa in honorem, nō propriæ iustitiæ, sed Dei misericordiæ vasa esse. Quod verò alia fiunt in contumeliam, non iniquitati, sed iudicio deputandum, &c. Quod Deus iis quos reprobat, debitam pœnam rependit: iis quos vocat, immeritam gratiam largitur: ab omni accusatione liberari, similitudine creditoris, cuius in potestate est, alteri remittere, ab altero exigere. Potest igitur Dominus etiam dare gratiam quibus vult, quia misericors est: non omnibus dare, quia iustus iudex. Dando quibusdam quod non merentur, gratuitam suam ostendere gratiā: non omnibus dando, quid mereatur omnes declarare. Nam quum Deum scribit Paulus clausisse omnia sub peccato ut omnium misereatur, simul addendum est nemini esse debitorem: quia nemo illi prior dedit, ut mutuum exigat.

Ephes. 1. d. 4

- 12 Hoc quoque ad euertendam prædestinationem exagitant, quod ipsa stante concidat omnis sollicitudo, & bene agendi studium. Quis enim audiat, inquiunt, aeterno & immutabili Dei decreto sibi fixam esse aut vitam aut mortem, quin protinus in mentem veniat, nihil interesse quomodo se gerat: quando suo opere nihil aut impediri aut promoueri queat Dei prædestinatio? Ita omnes proicient se, & deploratum in morem, quocunque libido tulerit præcipientes ibunt. Et sanè non in vniuersum mentiuntur. sunt enim plærique porci qui prædestinationis doctrinam impuris istis blasphemis cōspurcant, atque hoc etiam obtentu admonitiones & obiurgationes quaslibet eludunt, Scit Deus quid de nobis agere semel statuerit. si salutem decreuit, adducet nos ad eam suo tempore: si mortem destinauit, frustra contrā tenderemus. At Scriptura, dum præcipit quanto maiori & reuerentia & religione sit de tanto mysterio cogitandum, tum pios in longè diuersum sensum instituit, tum scelestam illorum intemperiem probè redarguit. Non enim prædestinationem eo commemorat ut in audaciam erigamur, & inaccessa Dei secreta excutere nefaria temeritate tentemus: sed potius ut humiliati ac deiectione, ad iudicium eius tremere, misericordiam suspicere discamus. Ad hunc scopum fideles collimabunt. Ille autē scædus porcorum grūnitus à Paulo ritè compestitur. Securos se in vitis pergere dicunt: quia si sint è numero electorū, nihil obfutura sint vitia quominus tandem ad vitam perducantur. Atqui in hūc finem electos esse nos Paulus admonet, ut sanctam ac inculpata vitam traducamus. Si electionis scopus est vitæ sanctimoniam, magis ad eam alacriter meditandam expergefaceret & stimulare nos debet, quàm ad desidiam prætextū valere. Quātōpere enim hæc inter se dissident, à bene agendo cessare, quia electio ad salutem sufficiat, & electioni propositum esse finem ut in bonorum studium incumbamus? Facebant ergo eiusmodi sacrilegia quæ totū electionis ordinem perperam inuertunt. Quod autem suas blasphemias longius extendūt, dum eum qui sit à Deo reprobatus, perditurum operam dicunt si innocentia & probitate vitæ se illi approbare studeat: in eo verò impudentissimi mendacii conuincuntur. Vnde enim tale studium oriri possit nisi ex electione? Nam quicumque sunt ex reproborum numero, ut sunt vasa in contumeliam formata, ita non desinunt perpetuis flagitiis iram Dei in se prouocare, & euidentibus signis confirmare quod iam in se latum est Dei iudicium, tantum abest ut cum ipso frustra contendant.

- 13 Malignè tamen atque impudenter hanc doctrinam calumniantur alii, ac si omnes ad piè viuendum exhortationes euerteret. Quæ de re magnam olim inuidiam sustinuit Augu-

stinus, quam absterfit libro De correptione & gratia ad Valentinum: cuius lectio pios omnes & dociles facile placabit. pauca tamen hic libabo, quæ (ut spero) probis & non contentiosis satisficient. Quam apertus & vocalis præco electionis gratuita fuerit Paulus, antè visum est: an ideo monendo & hortando frigidus? Conferat boni isti zelotæ eius vehementiâ cum sua, glacies in ipsis reperietur præ incredibili illius feruore. Et certè principium illud scrupulos omnes tollit, non esse nos vocatos ad immunditiem, sed ut quisque vas suum possideat in honore, &c. deinde nos esse Dei figmentum, creatos ad bona opera quæ præparauit, ut in illis ambulemus. In summa qui mediocriter exercitati sunt in Paulo, absque longa demonstratione intelligent quàm aptè conciliet quæ isti fingunt inter se pugnare. Præcipit Christus ut in se credatur: neque tamen vel falsa est eius definitio, vel præcepto contraria, ubi dicit, Nemo potest venire ad me nisi cui datum fuerit à Patre meo. Cuius igitur suum habeat prædicatio, quæ adducat homines ad fidem, & continuo profectu in perseverantia cõtineat. Neque tamen impediatur prædestinationis cognitio, ut qui obediunt non tamquam de suo superbiant, sed in Domino glorientur. Non abs re dicit Christus, Qui habet aures audiendi audiat. Ergo dum exhortamur & prædicamus, qui auribus præditi sunt, libenter obediunt: qui verò carent, in illis impletur quod scriptum est, Ut audientes non audiant. Cur autem (inquit Augustinus) illi habeant, illi non? quis cognouit sensum Domini? nunquid ideo negandum est quod apertum est, quia comprehendere non potest quod occultum est? Hæc fideliter ex Augustino retuli. sed quia plus fortè autoritatis habebunt eius verba quàm mea, agetum prodeant in medium quæ apud ipsum leguntur. Nunquid si hoc audito nonnulli in torporem segnitiemque vertantur, & à labore procliues ad libidinem post concupiscentias eant: propterea de præscientia Dei falsum putandum est quod dictum est? Nõne si Deus illos bonos fore præsciuit, boni erunt, in quantalibet nunc malitia versentur. & si malos fore præsciuit, mali erunt, in quantalibet nunc bonitate cernantur? Nunquid ergo propter huiusmodi causas, quæ de præscientia Dei vera dicuntur, vel neganda sunt vel tacenda? tunc scilicet quando, si non dicantur, in alios itur errores? Alia, inquit, ratio est verum tacendi, alia verum dicendi necessitas. Causas verum tacendi longum esset omnes quærere: quarum tamen est hæc una, ne peiores fiant qui non intelligunt, dum volumus eos qui intelligunt facere doctiores: qui nobis tale aliquid dicentibus doctiores quidem non fiunt, sed nec redduntur peiores. Quum autem res vera ita se habet, ut fiat peior, nobis eam dicentibus, qui capere non potest: nobis autem tacentibus, ille qui potest: quid putamus faciendum? nonne potius est dicendum verum, ut qui potest capere, capiat: quàm tacendum, ut non solum id ambo non capiant, verumetiam qui est intelligentior, ille sit peior: qui si audiret & caperet, per eum etiam plures discerent? Et nos dicere nolumus, quod teste Scriptura dicere licebat. Timemus enim videlicet ne loquentibus nobis offendatur qui capere non potest: non autem timemus ne tacentibus nobis, qui veritatem potest capere, falsitate capiatur. Quam sententiam breuius tandem perstringens, clarius etiam confirmat. Quamobrem si Apostoli & qui eos sequuti sunt Ecclesiæ doctores utrunque fecerunt, ut de æterna Dei electione piè differerent, & sub piæ vitæ disciplina continerent fideles: quid est quod inuicta conclusi violentia veritatis illi nostri se rectè dicere existimant, non esse populo prædicandum, etsi verum sit, quod de prædestinatione dicitur? Imò prædicandum est prorsus: ut qui habet aures audiendi audiat. Quis autem habet, si non accepit ab eo qui se daturum promittit? Certè qui non accipit, reiiciat: dum tamen qui capit, sumat & bibat, bibat & viuat. Sicut enim prædicanda est pietas, ut ritè colatur Deus: ita & prædestinatio, ut qui habet aures audiendi, de gratia Dei in Deo, non in se glorietur.

1. Thef. 4. b. 7

Ephes. 2. b. 10

Iohan. 6. g. 62

Matth. 13. b. 9

Iesa. 6. c. 9.

Lib. De bono
persec. cap. 15

Cap. 16

Eiusdem lib.
cap. 20

Et tamen ut singulare ædificationis studium sancto viro fuit, sic docendi veri ratione temperat, ut prudenter caueatur quoad licet offensio. Nam quæ verè dicuntur, congruenter simul posse dici admonet. Siquis ita plebem compellet, Si non creditis, ideo fit quia iam diuinitus exitio destinati estis: is non modò ignauiam fouet, sed etiam indulget malitiæ. Siquis in futurum quoque tempus sententiam extendat, quod non sint credituri qui audiunt, quia reprobati sunt: imprecatio erit magis quàm doctrina. Tales itaque Augustinus non immerito tãquàm vel insulsos doctores, vel sinistros & ominosos Prophetas ab Ecclesia iubet facessere. Tenendum quidè verè alibi contendit, quod tunc correptione proficit homo quum miseretur atque adiuuat qui facit quos voluerit etiam sine correptione proficere. Sed quare isti sic, illi aliter: absit ut dicamus iudicium luti esse non figuli. Item postea, Quum homines per correptionem in viam iustitiæ seu veniunt seu reuertuntur, quis operatur in cordibus eorum salutem, nisi ille qui quolibet plantantè & irrigante dat incrementum? cui vo

lenti saluum facere nullum hominis resistit liberum arbitrium. Non est itaque dubitandum, voluntati Dei (qui in caelo & in terra quaecunque voluit fecit, & qui etiam quae futura sunt fecit) humanas voluntates non posse resistere, quominus faciat ipse quod vult: quandoquidem de ipsis hominum voluntatibus quod vult facit. Item quum vult adducere homines, nunquid corporalibus vinculis alligat? Intus agit, intus corda tenet, intus corda mouet: eosque voluntatibus eorum, quas in illis operatus est, trahit. Sed quod continuo subiicit, minime omitti debet: quia nescimus quis ad praedestinatorum numerum pertineat, vel non pertineat, sic nos affici decere ut omnes velimus saluos fieri. Ita fiet ut quisquis nobis occurrat, cum studeamus facere pacis confortem. Sed pax nostra super filios pacis requiescat. Ergo, quantum ad nos pertinet, omnibus, ne pereant, vel ne alios perdant, salubris & seuera initar medicinae adhibenda erit correptio: Dei autem erit illis utilem facere quos praesciuit & praedestinauit.

Electiōe sanciri Dei vocatione: reprobos autem sibi accersere iustum, cui destinati sunt, interitum.

C A P. XXIIII.



ED ut res melius elucescat, tum de electorum vocatione, tum de exactione & induratione impiorum agendum est. Et de priore quidem iam aliquid disserui, eorum errorem refellens quibus generalitas promissionum videtur aequae totum humanum genus. Atqui non absque delectu electionem, quam in seipso alioqui absconditam habet, vocatione demum sua Deus manifestat, quam ideo appellare proprie licet eius testificationem. Nam quos praesciuit, eos & praefiniuit conformes fieri imaginis Filii sui: quos autem praefiniuit, eos & vocauit: quos vocauit, eos & iustificauit, ut olim glorificet. Quum suos eligendo iam in filiorum locum Dominus adoptarit: videmus tamen ut in tanti boni possessionem non veniant, nisi dum vocantur: contra ut vocati, quadam iam fruatur electionis suae communicatione. Qua ratione Spiritum, quem accipiunt, & adoptionis Spiritum, & sigillum, & ari habonē hereditatis futurae vocat Paulus. quia scilicet eorum cordibus futurae adoptionis certitudinem suo testimonio stabilit & obsignat. Nam etsi Euangelii praedicatio ex fonte electionis scaturit, quia tamen reprobis etiā cōmunis est, nō esset per se solida illius probatio. Deus autē efficaciter electos suos docet ut ad fidē adducat: sicuti citauimus antē ex verbis Christi. Qui ex Deo est, hic vidit Patrem, non alius. Item, Manifestaui nomen tuum hominibus quos dedisti mihi. Quū alibi dicat, Nemo potest venire ad me nisi Pater meus traxerit eū. Quem locum prudenter expendit Augustinus: cuius verba sunt, Si (ut dicit veritas) omnis qui didicit venit: quisquis non venit, profecto nec didicit. Non est igitur cōsequens ut quī potest venire etiam veniat, nisi id voluerit atque fecerit: sed omnis qui didicit à Patre, non solum potest venire, sed etiā venit. vbi iā & possibilitatis profectus, & voluntatis affectus & actionis effectus adest. Alibi etiā clarius, Quid est, Omnis qui audiuit à Patre, & didicit, venit ad me: nisi, nullus est qui audiat & discat à Patre, & nō veniat ad me: Si enim omnis qui audiuit à Patre & didicit, venit, profecto omnis qui nō venit, nō audiuit à Patre nec didicit. nā si audisset & didicisset, veniret. Valde remota est à sensibus carnis hāc schola, in qua Pater auditur & docet, ut veniatur ad Filiū. Paulo post, Hāc gratia quae occultē humanis cordibus tribuitur, à nullo duro corde recipitur. ideo quippe tribuitur, ut cordis duritia primum auferatur. Quando itaque Pater intus auditur, auferit cor lapideum, & dat cor carneum. Sic quippe facit filios promissionis & vasa misericordiae, quae praeparauit in gloriam. Cur ergo non omnes docet ut veniant ad Christum, nisi quia omnes quos docet, misericordia docet: quos autē non docet, iudicio non docet: quoniam cuius vult miseretur, & quem vult obdurat. Filios ergo sibi designat, ac Patrem se iis destinat Deus quos elegit. Vocando porro, in familiam eos suam asciscit, ac seipsum iis coadunat, ut simul vnum sint. Quum autem electioni vocatio subnecitur, in eum modum Scriptura satis innuit, in ea nihil requirendum praeter gratuitam Dei misericordiam. Si enim quaerimus quos vocet, & qua ratione: respondet, quos elegerat. Ad electionem autem dum venit, sola illic misericordia vndeūque apparet. Atque adeo vere hic locū habet illud Pauli, Non esse volentis neque currentis, sed miserentis Dei. Neque id, quemadmodum vulgo accipiunt qui inter Dei gratiam, voluntatem, cursūque hominis partiuntur. Exponunt enim, desiderium hominis ac conatum nihil per se quidem habere momenti, nisi Dei gratia prosperetur: sed quum adiuuantur illius benedictione, habere suas quoque partes in cōparanda salute contendunt. Quorum cauillum Augustini verbis refellere quā meo malo, Si nihil aliud voluit Apostolus, nisi non esse solius volentis aut currentis, nisi adsit misericors Dominus: retorquere ē conuerso licebit, non solus esse misericordiae, nisi adsit voluntas & cursus.

Rom. 8. f. 29.

Ibidem, c. 15.
Ephes. 1. c. 13,
& alibi.

Iohan. 6. e. 46
Iohan. 17. a. 6
Iohan. 6. e. 44
Lib. 1. De gratia Christi cōtra Pelag. & Caelest. cap. 14, & 31
Lib. De praedest. sanctorum cap. 8

Rom. 9. d. 16

Enchir. ad
Laurent. cap. 31.

Quod si aperte impium est, non dubitemus Apostolū omnia misericordia Domini dare, nostris autē voluntatibus aut studiis nihil relinquere. In hanc sententiam ille factus vir. Nec pili æstimo quam inducunt argutiolam, non fuisse id dicturum Paulum nisi aliquis in nobis foret conatus, & aliqua voluntas. Non enim quid esset in homine reputavit: sed quum videret quosdā salutis partem hominum industriæ assignare, simpliciter eorū errorem damnauit priore mēbro, deinde totā salutis summam Dei misericordiæ vendicauit. Et quid aliud agunt Prophetæ quā vt gratuitam Dei vocationē perpetuò deprædicent?

2 Ad hæc ipsa quoque vocationis natura & dispensatio perspicuè id demonstrat: quæ non sola verbi prædicatione, sed & Spiritus illuminatione constat. Quibus offerat verbū suum Deus, habemus apud Prophetam. Repertus sum à non quærentibus me: palā apparui iis qui me non interrogabant. Populo qui non inuocauit nomen meum, dixi, Ecce adsum. Ac ne Iudæi ad Gentes modò eam clementiā pertinere ducerent, ipsis quoque in memoriam reducit vnde assumpserit patrem eorum Abraham, quum ipsum sibi conciliare dignatus est. nimirū ex media idololatria, in qua cum suis omnibus demersus erat. Verbi sui luce dum immerentibus primū affulget, eo gratuitæ bonitatis suæ specimen satis luculētum exhibet. Hic ergo iam se exerit immensa Dei bonitas, sed non omnibus in salutem: quia reprobos manet grauius iudicium, quòd testimonium amoris Dei repudient. Atque etiam Deus, illustrandæ gloriæ suæ causā, Spiritus sui efficaciam ab illis subducit. Interior igitur hæc vocatio pignus est salutis quod fallere non potest. Quòd pertinet illud Iohannis, Inde agnoscimus nos esse eius filios, ex Spiritu quem dedit nobis. Ac ne gloriatur caro quòd vocanti & vltro se offerenti saltem responderit, nullas ad audiendū esse aures, nullos ad videndum oculos affirmat, nisi quos ipse fecerit. Facere autem non secundum cuiusque gratitudinem, sed pro sua electione. Cuius rei insigne habes exemplum apud Lucam, vbi Pauli & Barnabæ concionem audiunt communiter Iudæi & Gentes. Eodem tum verbo quum edocti essent omnes, narratur credidisse qui ad vitam æternam erant ordinati. Qua fronte gratuitam esse vocationem negemus, in qua ad vltimā vsque partem sola regnat electio?

Iesa. 65. a. 1

Iosue 24. a. 3

1. Iohā. 5. d. 24

Act. 13. g. 14

3 Duo autem errores hic cauendi sunt: quia nonnulli cooperarium Deo faciunt hominem, vt suffragio suo ratam electionem faciat. ita secundum eos voluntas hominis superior est Dei cōsilio. Quasi verò Scriptura doceat tantū nobis dari vt credere possimus, ac nō potius fidem ipsam. Alii, quanquam non ita eneruāt gratiam Spiritus sancti: nescio tamē qua ratione inducti electionem à posteriori suspēdunt: quasi dubia esset atque etiam inefficax, donec fide confirmetur. Equidem confirmari, quoad nos, minimè obscurum est: clucescere etiam arcanum Dei consilium quod latebat, antè vidimus: modò hoc verbo nihil aliud intelligas quā comprobari quod incognitum erat, & velut sigillo consignari. Sed falsò dicitur electionem tunc esse demum efficacem postquam Euangelium amplexi sumus, suūque inde vigorem sumere. Certitudo quidem eius inde nobis petēda. quia si ad æternam Dei ordinationem penetrare tentemus, profunda illa abyssus nos ingurgitabit. Sed vbi eam nobis patefecit Deus, altius conscendere oportet, ne effectus causam obruat. Quid enim magis absurdum & indignum, quum Scriptura doceat nos esse illuminatos, sicuti nos Deus elegit, lucis huius fulgore oculos nostros perstringi, vt attendere ad electionem recusent: Neque interea inficior, vt certi de salute nostra simus, initiū à verbo fieri debere, eoque debere fiduciam nostram esse contentam vt Deum Patrem inuocemus. Præposterè enim quidā vt de consilio Dei (quod nobis propè est in ore & corde) certiores reddantur, supra nubes volitare cupiūt. Cohibēda igitur est illa temeritas sobrietate fidei, vt Deus occultæ suæ gratiæ nobis testis sufficiat in externo verbo, nō odò ne impediāt canalis, ex quo largè ad bibendum nobis aqua profluit, quominus scaturigo suum honorē obtineat.

Deut. 30. c. 14

4 Ergo vt perperam faciunt qui electionis vim suspendunt à fide Euāgelii, qua illam ad nos sentimus pertinere: ita optimū tenebimus ordinem si in quæreda electionis nostræ certitudine, in iis signis posterioribus, quæ sunt certæ eius testificationes, hæreamus. Nulla tentatione vel grauius vel periculosius fideles percellit Satan, quā dū ipsos suæ electionis dubitatione inquietans, simul praua eius extra viam inquirendæ cupiditate sollicitat. Extra viam inquirere voco, vbi in abditos diuinæ sapientiæ recessus percurrere homuncio conatur, & quo intelligat quid de se sit constitutum apud Dei tribunal, ad supremam vsque æternitatem penetrare. Tunc enim se in profundum immensæ voraginis absorbendum præcipitat: tunc innumeris atque inexplicabilibus laqueis se induit: tunc cæcæ caliginis abyssu se adobruit. Sic enim æquū est horribili ruina ingenii humani stoliditatem puniri, vbi suo pte Marte assurgere ad diuinæ sapientiæ altitudinem tentat. Eoque exitia hor est hæc tētatio, quòd ad nullā aliam propensiores finis fore omnes. Rati sumus enim est

cuius non interdum animus hac cogitatione feriat, Vnde tibi salus nisi ex Dei electione? Electionis porro quæ tibi reuelatio? Quæ si apud quempiam semel inualuit, aut diris tormentis miserum perpetuò excruciat, aut red dit penitus attonitum. Nullo sanè certiore argumento confirmare velim quanta prauitate prædestinationem imaginentur huiusmodi homines, quàm illa ipsa experientia. siquidè nullo pestilentiori errore infici mens possit quàm qui sua erga Deum pace ac tranquillitate conscientiam diruit ac deturbat. Ergo naufragium si timeamus, sollicitè ab hoc scopulo cauendum, in quem nunquam sine exitio impingitur. Et verò licet periculosi maris instar habeatur prædestinationis disputatio: patet tamen in ea lustranda, tuta & pacata, addo & iucunda nauigatio, nisi quis periclitari vltro affectet. Nam quemadmodum in exitialem abyssum te ingurgitant qui vt de sua electione fiant certiores, æternum Dei consilium sine verbo percontantur: ita qui rectè atque ordine ipsam inuestigant qualiter in verbo continetur, eximium inde referunt cōsolationis fructum. Sit igitur hac nobis inquirendi via, vt exordium sumamus à Dei vocatione, & in ipsam definamus. Quanquam hoc non obstat quin fideles quæ percipiunt quotidie beneficia ex Dei manu, sentiant ex recòdita illa adoptione descendere: sicuti loquuntur apud Iesaiam, Fecisti mirabilia: cogitationes tuæ antiquæ, veræ & fideles. quando ea ceu testera vult nobis confirmare Deus quantum de suo consilio sciri fas est. Ne cui autem videatur infirmum istud testimonium: reputemus quantum & claritatis & certitudinis nobis afferat. Qua de re appositè Bernardus. postquàm enim de reprobis loquutus est, Stat (inquit) propositum Dei, stat sententia pacis super timentes eum, ipsorum & dissimulàs mala, & remunerans bona: vt miro modo eis non modò bona, sed & mala cooperentur in bonum. Quis accusabit electos Dei? Sufficit mihi ad omnem iustitiam, solum habere propitium cui soli peccaui. Omne quod mihi ipse non imputare decreuit, sic est quasi non fuerit. Et paulo post, O veræ quietis locus, & quem non immeritò cubiculi appellatione censuerim, in quo Deus non quasi turbatus ira, nec velut distentus cura prospicitur, sed probatur voluntas eius in eo bona & beneplacens & perfectæ. Visio ista non terret, sed mulcet: inquietam curiositatem non excitat, sed sedat: nec fatigat sensus, sed tranquillat. Hic verè quiescitur. Tranquillus Deus tranquillat omnia, & quietum aspicere quiescere est.

Iesai. 25. a. 1

Primùm, si paternam Dei clementiam propitiùmque animùm quærimus, ad Christum conuertendi sunt oculi, in quo solo Patris anima acquiescit. Si salutem, vitam, & regni cælestis immortalitatem, non aliò tum quoque confugiendum est: quando ipse vnus & vitæ fons est, & salutis anchora, & regni cælorum hæres. Iam quorsum electio pertinet nisi vt in filiorum locum à cælesti Patre cooptati, eius fauore salutem & immortalitatem obtineamus? Quantumlibet reuoluas & excutias, vltimum tamen eius scopum non vltà tendere intelliges. Proinde quos Deus sibi filios assumpsit, nò in ipsis eos dicitur elegisse, sed in Christo suo: quia nonnisi in eo amare illos poterat, nec regni sui hæreditate honorare nisi eius consortes antè factos. Quòd si in eo sumus electi, non in nobis ipsis reperiemus electionis nostræ certitudinem: ac ne in Deo quidem Patre, si nudum illum absque Filio imaginamur. Christus ergo speculum est in quo electionem nostram contemplari conuenit, & sine fraude licet. Quùm enim is sit cuius corpori inferere destinauit Pater quos ab æterno voluit esse suos, vt pro filiis habeat quotquot inter eius mèbra recognoscit, satis perspicuùm firmumque testimonium habemus, nos in libro vitæ scriptos esse si cum Christo cōmunicamus. Porro ille certa sui communionem nos donauit, quum per Euāgelii prædicationem testatus est se nobis à Patre datum, vt cum suis omnibus bonis noster esset. Illum induere dicimur, in ipsum coalescere vt viuamus: quia ipse viuit. Toties repetitur hæc doctrina, Filio vnigenito non pepercit Pater, vt quisquis credit in eum, non pereat. Qui verò in eum credit, dicitur trāsisse à morte in vitam. Quo sensu vocat se panem vitæ, quem qui comederit, non morietur in æternū. Ille (inquam) nobis testis fuit, filiorum loco habitū iri à Patre cælesti omnes à quibus fide receptus fuerit. Siquid plus appetimus quàm vt inter Dei filios censeamur & hæredes, supra Christum conscendamus licet. Si hæc suprema nobis est meta, quantopere insanimus, extra ipsum quærendo quod & in ipso iam consequuti sumus, & in solo ipso inueniri potest? Præterea quum sit æterna Patris sapientia, immutabilis veritas, fixum consilium, non est timendū ne quod suo sermone nobis enarrat, ab illa quam quærimus Patris voluntate vel minimum variet: quin potius eam fideliter nobis aperit qualis ab initio fuit, ac semper futura est. Huius doctrinæ praxis in precibus quoque vigere debet. Nam etsi ad Dei inuocationem nos animat electionis fides: vbi tamen vota concipimus, eam obtrudere Deo præposterum esset, vel hac conditione pacisci, Domine, si electus sum, me exaudias. quādo suis promissionibus vult nos esse cōtentos, neque alibi quæ-

Matth. 3. d. 17

Ephes. 1. a. 4

Rom. 8. f. 32

iohan. 3. b. 15

Iohan. 5. d. 24

Iohan. 6. d. 35

rere futurus sit nobis exorabilis. Hæc prudentia nos à multis laqueis expediet si in rectum vsum accom modare scimus quod rectè scriptum est: non autè inconsideratè huc illuc trahamus quod restringi debuerat.

6 Accedit ad stabiliendam fiduciam alia, quam cum vocatione nostra coniungi diximus, electionis firmitudo. Quos enim nominis sui cognitione illuminatos in Ecclesiæ suæ sinum Christus asciscit, eos dicitur in fidem tutelamque suam recipere. Quosunque autem recipit, ei à Patre commissi dicuntur ac concrediti vt in vitam æternam custodiantur. Quid nobis volumus? clamat alta voce Christus, quotquot Pater saluos esse velit, eos sibi in protectionem tradidisse. Ergo si rescire libet an Deo curæ sit nostra salus, quæramus an Christo commendauerit: quem constituit vnicum suorum omnium saluatorem. Iam si dubitamus an simus à Christo in fidem custodiámque recepti, ille dubitationi occurrit, dum se pastore sponte offert, ac in ouium suarum numero nos fore pronuntiat si vocem suam audiamus. Christum ergo benignè nobis expositum, & obuiam prodeuntem amplectamur: ille autem nos in grege suo recenset, & inter sua septa conclusos tenebit. At subit futuri status anxietas. nam vt Paulus vocari docet qui electi antè fuerint: ita Christus ostendit multos esse vocatos, paucos verò electos. Quinetiam ipse quoque Paulus alibi à securitate dehortatur, Qui bene stat, inquit, videat ne cadat. Item, Infertus es in populū Dei: noli superbire, sed time. potest enim Deus rursus succidere, vt alios inserat. Denique ipsa experientia satis docemur, parui esse vocationem ac fidem, nisi accedat perseverantia, quæ non omnibus contingit. Sed enim ista sollicitudine liberauit nos Christus: nam in posterū certè respiciunt istæ promissiones, Omne quod dat mihi Pater, ad me venit: & eū qui venerit ad me non eiiciam foras. Item, Hæc est voluntas eius qui misit me Patris, nequid perdam ex omnibus quæ dedit mihi: sed resuscitem ea in nouissimo die. Item, Oves meæ vocem meam audiunt, & sequuntur me. Ego cognosco eas, & vitam æternam do eis, nec peribunt in æternum, neque rapiet eas quisquam de manu mea. Pater qui dedit mihi, maior omnibus est: & nemo potest rapere de manu Patris mei. Iam vbi pronuntiat, Omnis arbor quam non plantauit Pater meus eradicabitur: ex opposito innuit nunquam posse à salute euelli qui radicē in Deo habent. Cui cōsentit illud Iohannis, Si ex nobis fuissent, non exiissent vtique à nobis. Hinc etiam magnifica Pauli gloriatio contra vitam & mortem, præsentia & futura: quam in dono perseverantiæ fundatam esse oportet. Nec dubium est quin ad electos omnes sententiam hanc dirigat. Alibi idem Paulus, Qui cœpit in vobis opus bonum, perficiet vsque in diem Christi. Sicuti etiam David, quū labasceret eius fides, in hanc futurā recubuit, Opus manuum tuarū nō deferet. Iam verò neque hoc dubiū est, quū orat Christus pro omnibus electis, quin idem illis precetur quod Petro, vt nunquā deficiat fides eorum. Ex quo elicimus, extra periculū defectionis esse, quia eorū pietati constantiā postulans Filius Dei, repulsam passus non est. Quid hinc nos discere voluit Christus, nisi vt confidamus perpetuò nos fore saluos, quia illius semel facti sumus?

7 At quotidie accidit, vt qui videbantur esse Christi, rursus deficient ab eo, & corruant. Imò eo ipso loco, vbi asserit neminem periisse ex iis qui sibi à Patre dati fuerant, excipit ramē filium perditionis. Verum est id quidem: sed æquè etiam certū, nunquam ea cordis fiducia tales Christo adhæsisse qua nobis electionis certitudinē stabiliri dico. Exierunt è nobis, inquit Iohānes, sed è nobis non erāt. Si fuissent enim è nobis, permansissent vtique nobiscum. Nec inficior quin habeant vocationis similia cum electis signa: sed illud certū electionis stabilimētum, quod fideles à verbo Euangelii petere iubeo, illis minimè concedo. Quamobrē eiusmodi exempla nequaquā nos permoueant quominus in Domini promissionē tranquilli recumbamus, vbi pronuntiat à Patre datos esse sibi omnes à quibus vera fide recipitur: quorū nemo, se custode ac pastore, periturus sit. De Iuda mox dicitur. Paulus nō simplicē securitatem Christianis dissuadet, sed supinam ac solutā carnis securitatē, quæ fastū, arrogantiam, aliorum contēptum secum trahat, humilitatem extinguat, ac reuerentiam Dei, acceptæque gratiæ obliuionē inducat. Gentiles enim alloquitur, quos docet, non esse Iudæis superbè & inhumaniter insultandum ideo quia ipsi abdicatis in eorum locum substituti essent. Timorem quoque requirit, non quo consternati vacillēt, sed qui ad suspiciendam humiliter Dei gratiam nos instituēs, nihil ex eius fiducia diminuāt: quemadmodum alibi dictum est. Adde quòd non singulos, sed generatim scētas ipsas alloquitur. Nam quū diuisa esset Ecclesia in duas partes, & æmulatio dissidiū pareret, admonet Paulus Gentiles, quòd subrogati sunt in locum peculiaris & sancti populi, timoris & modestiæ debere illis esse causam. Atqui inter eos multi erāt vétosi, quorum vtile fuit inanem iactantiam retundere. Cæterum alibi vidimus, spem nostram in futurum tempus

extēdi, etiam vltra mortem, nec quicquam magis contrarium esse eius naturæ quàm ambigere quid de nobis futurum sit.

7 Illa Christi sententia de multis vocatis, paucis autem electis, pessimè in eum modum accipitur. Nihil erit ambiguū si tenemus quod debet ex superioribus liquere, duplicē esse vocationis speciem. Est enim vniuersalis vocatio, qua per externam verbi prædicationem omnes pariter ad se inuitat Deus: etiam quibus eam in mortis odorem, & grauioris condemnationis materiam proponit. Est altera specialis, qua vtplurimum solos fideles dignatur: dum interiori sui Spiritus illuminatione efficit vt verbum prædicatum eorum cordibus infideat: Interdum tamen eos quoque facit participes quos ad tempus duntaxat illuminat: deinde suæ ingratitude merito deserit, & maiori percutit cæcitate. Iam quum videret Dominus Euangelium latè longèque publicari, à plurimis contemptui haberi, apud paucos iusto in pretio esse: Deum sub regis persona nobis describit, qui conuiuium solenne instituens, vocatores suos circunquaque mittat, ad magnam turbam inuitandam, à paucissimis tamen impetrare queat: quia pro se quisque impedimenta causetur, vt tandem recusantibus illis cogatur è triuis obuium quemlibet accersere. Hactenus de externa vocatione intelligendam parabolam nemo non videt. Subiungit postea, Deum boni conuiuatoris instar agere, qui circumeat mensas, ad suos hospites comiter excipiendos. Quod si quem reperiatur veste nuptiali non ornatū, minimè passurum vt conuiuii festiuitatem suis sordibus dehonestet. Hoc membrum fateor intelligendum de iis qui fidei professione in Ecclesiam ingrediuntur, sed Christi sanctificatione nequaquam induti. Talia Ecclesiæ suæ dehonestamenta, & velut *καρνωόματα* non sustinebit perpetuò Deus: sed prout meretur eorum turpitudine, extra proiciet. Pauci ergo electi sunt ex magno vocatorum numero: non tamen ea vocatione vnde fidelibus dicimus æstimādā suam electionem. Illa enim impiorum etiam communis est, hæc secum affert Spiritū regenerationis, qui est arrhabo & sigillum futuræ hæreditatis, quo in diem Domini obsignantur corda nostra. In summa, quum hypocritæ non secus ac veri Dei cultores, pietatem iactent, pronūtiat Christus eiectum tādē iri ex loco quem male occupant. sicuti in Psalmo dicitur, Domine quis habitabit in tabernaculo tuo: Innocens manibus, & puro corde. Item alibi, Hæc est generatio quærentium Deum, quærentium faciem Dei Iacob. Atque ita ad tolerantiam hortatur Spiritus fideles, ne agrè ferant Ismaelitas sibi misceri in Ecclesia: quoniam tādē detracta larua cum dedecore eiicientur.

8 Eadem est ratio exceptionis nuper adductæ, vbi ait Christus neminem periisse nisi filium perditionis. est quidē impropria loquutio, sed minimè obscura. Ille enim non reputabatur inter oues Christi, quia verè esset: sed quia locum tenebat. Quod porrò ipsum alibi electum cum Apostolis à se fuisse asserit Dominus, id duntaxat ad ministerium refertur. Duodecim, inquit, elegi, & vnus ex eis diabolus est. Nempe in Apostoli munus eum elegerat. Quum autem de electione loquitur in salutem, eum procul ab electorum numero arceat, Non de omnibus loquor: ego scio quos elegerim. Siquis vocabulum electionis vtrobi- que cōfundat, miserè se implicabit: si distinguat, nihil est expeditius. Pessimè ergo & perniciosè Gregorius, dum vocationis tantum nostræ conscios esse nos tradit, electionis incertos. vnde ad formidinē & trepidationē omnes hortatur: hanc etiam rationem vsurpans, quia etiam si quales hodie simus sciamus, quales tamen simus futuri, nescimus. Verum eo loco satis declarat quomodo in hūc scopum impeggerit. Quoniam enim ab operum meritis electionem suspendebat, deiiciendis animis plus satis illi suppetebat causā: cōfirmare non poterat, qui à seipsis ad diuinæ bonitatis fiduciam non transferebat. Hinc qualem cunque eius quod initio posuimus, gustum habent fideles: prædestinationem, si ritè cogitetur, non fidei conuulsionem, sed optimam potius confirmationem afferre. Neque tamen inficior, Spiritum ad modulum sensus nostri interdum accommodare sermonē. Sicuti quum dicit, In arcano populi mei non erunt, & in catalogo seruorum meorum non scribētur. Ac si Deus scribere inciperet in libro vitæ quos recenset in numero suorum: quum tamen sciamus vel teste Christo, scripta esse filiorum Dei nomina in libro vitæ ab initio. Sed simpliciter his verbis eorum abdicatio notatur qui visi sunt inter electos præcipui. sicut dicitur in Psalmo, Deleantur è libro vitæ, & cum iustis non scribantur.

9 Enimuero electi, nec statim ab vtero, nec eodem omnes tempore, sed prout visum est Deo suam illis gratiam dispensare, in ouile Christi per vocationem aggregantur. Ante verò quàm ad summum illum Pastorem colligantur, in communi deserto dissipati aberrāt: nec ab aliis quicquam differunt, nisi quòd singulari Dei misericordia protegentur, ne in vltimum mortis præcipitium ruant. In ipsos ergo si respicias, videbis Adæ progeniē, quæ

Matth. 22. a. 2

Ephes. 1. c. 13.

14

Psal. 15. a. 1

Psal. 14. b. 6

Iohā. 17. b. 12

Iohan. 6. g. 70

Iohā. 13. b. 18

Homil. 38

Ezech. 13. b. 9

Philip. 4. a. 3

Psal. 69. d. 19

communem massæ corruptionem redoleat. Quod non in extremam & desperatam vsque impietatem feruntur, id non fit aliquâ illis ingenita bonitate: sed quia in ipsorum salutem excubat Dei oculus, & manus extenta est. Nam qui ab ipsa natiuitate insitum esse eorum cordibus semen nescio quod electionis somniant, cuius virtute semper ad pietatem timoremque Dei sint inclinati, nec Scripturæ autoritate adiuuantur, & ipsa redarguuntur experientia. Exempla quidem pauca proferunt, unde probent, electos ante illuminationem quoque, non fuisse à religione alienos: Paulum in suo Pharisæismo vixisse irreprehensibilem: Cornelium eleemosynis & orationibus fuisse acceptum Deo, & si quæ sunt similia. De Paulo illis concedimus: in Cornelio dicimus hallucinari. iam enim tum illuminatum ac regeneratum fuisse apparet, ut nihil illi decideret præter perspicuam Euangelii reuelationem. Sed enim quid pauculis istis exemplis tandem extorquebunt: electosne omnes pietatis spiritu semper esse præditos? Non magis quam si quis demonstrata Aristidis, Socratis, Xenocratis, Scipionis, Curi, Camilli, & aliorum integritate, inde colligat, omnes qui in cæcitate idololatriæ deseruntur, sanctimoniam & probitatis fuisse studiosos. Quin etiam Scriptura non vno in loco illis palam reclamat. Qui enim describitur à Paulo Ephesiorum status ante regenerationem, granum huius seminis nullum offendit. Eratis, inquit, delictis & peccatis mortui, in quibus ambulastis iuxta seculum mundi huius, iuxta principem aeris, qui nunc agit in filiis contumacibus: inter quos & nos omnes versabamur aliquando in concupiscentiis carnis nostræ, facientes quæ carni & menti libebant. Et eramus natura filii iræ, sicut & cæteri. Item, Mementote quod sine spe aliquando fueritis, & Deo carueritis in mundo. Item, Eratis aliquando tenebræ: nunc autem lux in Domino: ut filii lucis ambulate. At ea fortè referri volent ad ignorantiam veri Dei qua electos antequam vocentur, detineri non negant. Quanquam hoc esset impudenter calumniari, quum ex illis inferat, non iam amplius esse vel mentiendū, vel furandum: quid tamen ad alios locos respondebunt? Qualis ille est ad Corinthios, ubi quum denūtiasset, neque scortatores, neque idololatrias, neque adulteros, neque molles, neque prædicatores, neque fures, neque auaros regni Dei fore hæredes: continuo subiungit, illos iisdem flagitiis fuisse, ante Christum cognitū, implicitos: nunc verò & sanguine eius ablutos, & Spiritu liberatos. Item alter ad Romanos, Quemadmodū præbuiſtis membra vestra serua immunditiæ, & iniquitati ad iniquitatem, nunc addicite illa in seruitutem iustitiæ. Quem enim fructum ex illis habuistis, in quibus nunc merito erubescitis? & cætera.

Philip. 3. a. 9

Act. 10. a. 2

Ephes. 2. a. 1

Ibidem, c. 12

Ephes. 5. b. 8

Ephes. 4. c. 28

1. Cor. 6. b. 9. 11

Rom. 6. d. 19

11 Quale tunc, amabo, electionis semen in iis germinabat, qui tota vita multifariâ contaminati, quasi desperata nequitia, volutabatur in flagitio omnium maxime nefando, & execrabili? Secundum eos si loqui voluisset, debuerat ostendere quantum Dei beneficentiæ deberent, per quam conseruati essent ne in tantas fœditates prolaberentur. Sic & Petrus debuisset suos hortari ad gratitudinem, ob semen electionis perpetuum. Contra autè admonet, suffecisse præteritum tempus Gëtium libidinibus consummandis. Quid si venitur ad exempla? Quale iustitiæ germen in Rahab meretrice ante fidem? in Menasse, quum Ierusalem intingeretur, & propè immergeretur sanguine Prophetarum? In latrone, qui inter vltimos tandem spiritus, de respicientia cogitauit: Faceſſant ergo hæc argumenta, quæ sibi ipsis homines curiosuli temere sine Scriptura excogitant. Maneat autem nobis quod habet Scriptura, Omnes pariter ouium perditarum instar aberrasse, vnumquenque declinasse in viam suam, hoc est perditionem. Hoc perditionis gurgite quos aliquando erueret Dominus statuit, eos in suam opportunitatē differt: tantum conseruat, in blasphemiam irremissibilem ne deuoluantur.

1. Pet. 4. a. 3

Iosue 2. a. 1

2. Reg. 21. c. 10

Luc. 23. f. 41

Iesa. 53. b. 6

12 Quemadmodum suæ erga electos vocationis efficacia, salutem, ad quâ eos æterno consilio destinarat, perficit Deus: ita sua habet aduersus reprobos iudicia, quibus cōsiliū de illis suum exequatur. Quos ergo in vitæ cōtumeliā & mortis exitium creauit, ut ira suæ organa forent, & seueritatis exempla: eos, ut in finem suum perueniant, nūc audiendi verbi sui facultate priuat: nunc eius prædicatione magis excæcat, & obſtupescit. Prioris mēbri quum innumera sint exempla, vnum tamen, quod est præ aliis illustre ac notabile, eligamus. Quatuor circiter annorum millia ante Christi aduentum effluerunt, quibus salutiferæ doctrinæ lucem cunctis gentibus occultauit. Siquis respondeat, tanti beneficii cōpotes ideo nō fecisse quia indignos iudicari: nihilo erūt digniores posteri. cuius rei præter experiētiā testis locuples est Malachias, qui incredulitatem crassis blasphemis permistā coarguens, venturum tamen redemptorem denūciat. Cur ergo his potius quam illis datur: frustra se torqueat qui hic causam requirat arcana & inscrutabili Dei consilio altiorum. Nec est timendum nequis Porphyrii discipulus Dei iustitiam impunè arrodat, no-

Malach. 4. a. 9

bis pro ea nihil respondentibus. Quum enim afferimus nullos perire immerentes, gratulatur esse beneficentiae Dei quod nonnulli liberantur, abunde pro illustranda eius gloria dictum est, ut nostra tergiuersatione nequaquam indigeat. Praedestinationi igitur suae viam facit summus ille arbiter, ubi quos semel reprobauit, lucis suae communicatione orbatos deserit in caecitate. Alterius membri cum extant quotidiana documenta, tum multa in Scripturis continentur. Apud centum eadem ferè habetur concio, viginti prompta fidei obedientia suscipiunt: alii vel nullius pensum habent, vel rident, vel explodunt, vel abominantur. Siquis respondeat, diuersitatem ex eorum prouenire malitia & peruersitate, nòdum satisfactum fuerit: quia & illorum ingenium eadem malitia occuparetur, nisi Deus sua bonitate corrigeret. Ideoque semper implicabimur, nisi succurrat illud Pauli, Quis te discernit? Quo significat non propria virtute, sed sola Dei gratia alios aliis praecellere.

1. Cor. 4. b. 7

13

Act. 13. g. 48

Lib. 2. de Gen. ad literam, cap. 10

Homil. de cōuers. Pauli

Act. 16. c. 14

Exod. 4. e. 21

Ezech. 1. b. 3

& 12. a. 2

Iere. 1. b. 10

Iesa. 6. c. 9

Iohan. 11. f. 39

Matth. 13. b. 11

Rom. 9. d. 17

1. Sam. 1. e. 15

Iohan. 11. f. 38

Cur ergo gratia illis largiendo, hos praetermittit? De illis causam reddit Lucas, Quia ad vitam sunt ordinati. De iis ergo quid sentiemus, nisi quia sunt vasa irae in contumeliā? Quare ne cum Augustino loqui nos pigeat, Posset (inquit ille) Deus malorum voluntatem in bonum conuertere, quia omnipotens est. Posset planè. Cur ergo nò facit? Quia noluit. Cur noluerit, penes ipsum est. Debemus enim non plus sapere quàm oportet. multoque id satis est, quàm tergiuersari cum Chrysostomo, Quòd volentem trahat & manū porrigentem, ne discrimen in Dei iudicio, sed solo hominū arbitrio situm videatur. Adeò quidem non situm est in proprio hominis motu accedere, ut pijs quoque & Deum timentibus singulari adhuc instinctu Spiritus opus sit. Lydia purpuraria Deum timebat, & tamen cor eius aperiri oportuit, ut attenderet doctrinā Pauli & in ea proficeret. Hoc non de vna muliere dictum est, sed ut sciamus profectum cuiusque in pietate, opus esse arcanū Spiritus. Istud quidem in quaestionem trahi non potest, multis verbum suum Dominum mittere, quorū caecitatem magis velit aggrauari. Quorsum enim tot mandata deferri iubet ad Pharaonem an quia saepius repetitis legationibus mitigatum iri sperabat? Imò antequā inciperet, exitum & nouerat & praedixerat. Ito (dicebat Moysi) & expone illi voluntatem meam. ego autem indurabo cor eius ne obtemperet. Sic quum Ezechielm suscitatur, praemonet se mittere ad populum rebellem & cōtumacem: ne terreatur si suis dis se canere videat. Sic Ieremiae praedicat, futuram eius doctrinam in ignem, ut populum instar stipulae perdat & dissipet. Sed magis etiamnum premit Iesaie prophetia. sic enim à Domino dimittitur, Vade, & dic filiis Israel, Audiendo audite, & ne intelligatis. Videndo videte, & nesciatis. Obstina cor populi huius, & aures eius aggraua, & oculos eius obline: ut ne fortè videat oculis suis, & audiat auribus suis, & corde intelligat, quo conuersus sanetur. Ecce, vocem ad eos dirigit, sed ut magis obsurdescant: lucem accedit, sed ut reddantur caeciores: doctrinā profert, sed quae magis obstupescant: remedium adhibet, sed ne sanentur. Atque hanc prophetiam adducens Iohānes, Iudaeos Christi doctrinā non potuisse credere asserit quia in eos incumberet haec Dei maledictio. Neque hoc quoque controuerti potest, quos Deus illuminatos non vult, illis doctrinam suam aenigmatibus inuolutam tradere: nequid inde proficiat, nisi ut in maiorem hebetudinē truantur. Testatur enim Christus se ideo solis Apostolis edisserere parabolas, in quibus apud multitudinem loquutus erat: quia his datum sit nosse mysteria regni Dei, vulgo non item. Quid, inquires, sibi vult Dominus eos docendo, à quibus ne intelligatur curat? Considera vnde vitium, & defines interrogare. In verbo enim qualiscunque sit obscuritas, satis tamen semper est lucis ad conuincendam impiorum conscientiam.

14

Restat nunc ut videamus cur id Dominus faciat quod eum facere palam est. Si respondeatur, sic fieri quia id impietate, nequitia, ingratitude sua meriti sunt homines: bene id quidem & verè dicitur: sed quia nòdum patet istius varietatis ratio, cur aliis in obedientiam flexis, isti obdurati persistant: in ea excutienda, necessariò ad illud quod ex Mose annotauit Paulus transeundum erit: nempe quòd ab initio eos excitauit Dominus ut ostenderet nomen suum in vniuersa terra. Quòd igitur sibi patefacto Dei verbo non obtemperant reprobi, probè id in malitiam prauitatemque cordis eorum reiiicitur, modò simul adiiciatur, ideo in hac prauitate addictos quia iusto, sed inscrutabili Dei iudicio suscitati sunt, ad gloriam eius sua damnatione illustrandam. Similiter quum de filiis Heli narratur, quòd non auscultarunt salutaribus monitis, quia voluerit Dominus occidere eos: non negatur contumaciam à propria ipsorum nequitia profectam esse: verum simul notatur cur in contumacia deserti fuerint, quum potuerit eorum corda Dominus emollire: quia scilicet eos semel exitio destinasset immutabile eius decretum. Eodem pertinet illud Iohannis, Quā tāta signa fecisset, nemo credidit in eū: ut sermo Iesaie impleretur, Domine, quis credidit auditui nostro? Etsi enim à culpa nò liberat peruiaces, contectus est tamē illa

ratione, quòd insipida sit hominibus Dei gratia, donec Spiritus sanctus saporem afferat. Et Christus Iesaiæ vaticiniū citans, Erunt omnes docti à Deo, non aliò tendit nisi Iudæos esse reprobos & ab Ecclesia extraneos, quia sunt indociles. nec aliā causam affert nisi quòd ad eos non pertineat Dei promissio. Quod confirmat illud Pauli, Christum, qui Iudæis est scandalum, & Gentibus stultitia, esse vocatis virtutem & sapientiam Dei. Nam vbi dixit quid ferè contingat quoties prædicatur Euangelium, nepe vt alios exasperet, ab aliis spernatur, dicit apud solos vocatos esse in pretio. Paulo antè quidem nominauerat credentes, sed gratiæ Dei, quæ fidem præcedit, noluit gradum suum negare: quin potius hoc secundum correctionis vice addidit, vt Dei vocationi fidei suæ laudem adscriberent qui Euangelium amplexi fuerant. Sicuti etiam paulo post docet à Deo electos esse. Hæc dum impii audiunt, quiritantur Deum miseris suis creaturis inordinata potentia in sauitiæ suæ ludum abuti. Sed nos, qui cūctos homines tot nominibus Dei tribunali obnoxios nouimus vt de mille interrogati ne in vno quidem satisfacere queant, confitemur nihil pati reprobos quod non iustissimo Dei iudicio conueniat. Quòd rationem ad liquidū non assequimur, aliquid nescire non recusemus, vbi se Dei sapientia in suam sublimitatem attollit.

15 At quoniam obiici solent pauci Scripturæ loci, quibus videtur negare Deus sua ordinatione fieri vt iniqui pereant, nisi quo ad se reclamante ipsi mortem sponte sibi accersunt: eos breuiter explicando demonstremus nihil superiori sententiæ aduersari. Profertur Ezechielis locus, quòd Deus nolit mortem peccatoris, sed magis vt conuertatur & viuat. Si hoc ad totum humanum genus extendere placet, cur plurimos ad resipiscientiam non sollicitat, quorū animi ad obedientiam magis sunt flexibiles quàm eorum qui ad quotidianas eius inuitationes magis ac magis obdurescunt? Apud Niniuitas & Sodomitas, teste Christo, Euangelii prædicatio & miracula plus fructus attulissent quàm in Iudæa. Quī fit ergo, si vult Deus omnes saluos fieri, vt miseris, qui ad gratiam recipiendam paratiores essent, ianuam pœnitentiæ non aperiat? Hinc videmus violenter torqueri locum, si Dei voluntas, cuius meminit Propheta, opponitur æterno eius consilio, quo electos discreuit à reprobis. Nunc si quæritur genuinus Prophetæ sensus, tantum spem veniæ resipiscientibus facere vult. Atque hæc summa est, non esse dubitandum quin Deus paratus sit ignoscere, simulac conuersus fuerit peccator. Ergo eius mortem non vult, quatenus vult pœnitentiā. Experientia autè docet, ita velle resipiscere quos ad se inuitat. vt non tangat omnium corda. Neque tamen ideo dicendum est fallaciter ipsum agere: quia etsi vox externā tantum inexcusabiles reddit qui eam audiunt, neque obsequuntur, verè tamē censetur testimonium gratiæ Dei quo sibi reconciliat homines. Teneamus ergo Prophetæ consilium, non place- re Deo mortem peccatoris: vt confidant pii, simulac pœnitentiā tacti fuerint, sibi paratam esse apud Deum veniam: impii verò sentiant duplicari crimen suum, quòd tantæ Dei clementiæ & facilitati non respondent. Pœnitentiæ igitur semper obuia Dei misericordia occurret: sed pœnitentia quibus detur, tam omnes Prophetæ quàm Apostoli atque ipse Ezechiel clarè docent. Adducitur secundo Pauli locus, vbi tradit Deū velle omnes saluos fieri: cuius etsi diuersa est quàm superioris ratio, aliquid tamen est commune. Respondeo, primum ex contextu palam fieri quomodo velit. vtrunque enim copulat Paulus, quòd velit saluos fieri, & ad agnitionē veritatis peruenire. Si hoc æterno Dei consilio fixum esse volunt, vt salutis doctrinam percipiant: quid sibi vult illud Moysis, Quæ gens est tam inclyta, vt ad eam appropinquet Deus sicut ad te? Quī factū est vt priuauerit Deus Euangelii luce multos populos, qua alii fruebantur? Quī factum est vt nunquam pura doctrinæ pietatis cognitio ad quosdam peruenerit, alii vix obscura quædam rudimenta gustauerint? Hinc iam elicere promptum erit quorsum tēdat Paulus. Præceperat Timotheo solennes in Ecclesia preces pro regibus & principibus concipere. quum autem absurdum nonnihil videretur orationes ad Deum fundi pro genere hominum propè deplorato (quia non tantum à Christi corpore alieni omnes erant, sed ad regnum eius opprimendum totis viribus enitebatur) subiicit, acceptum id esse Deo, qui velit omnes homines saluos fieri. Quo nihil aliud professio significat quàm nulli hominum ordini viam ad salutem præclusisse: quin potius misericordiam suam sic effudisse vt nullum eius expertem esse velit. Aliæ sententiæ non declarant quid de omnibus occulto suo iudicio Dominus statuerit: sed paratā denuntiant omnibus peccatoribus veniam, qui modò se ad eam requirendam conuertūt. Nam si tenacius vrgeant quòd dicitur velle misereri omnium, ego contrā excipiam quod alibi scribitur, Deum nostrum esse in cælo, vbi faciat quæcunque velit. Sic ergo exponendum erit hoc verbum, vt cum altero conueniat, Miserebor cuius miserebor, & commiserabor quem fuero miseratus. Qui deligit quos misericordia prosequi debeat, eam non

omnibus impertitur. Sed ubi clarè apparet non de singulis hominibus, sed de hominū ordinibus illic agi, faceſſat lōgior diſputatio. Quanquam ſimul notandum eſt, Paulum non aſſerere quid ſemper & ubique & in omnibus faciat Deus: ſed liberum ei relinquere ut re- ges tandem & magiſtratus participes faciat cæleſtis doctrinæ, quanvis aduerſus eam pro cæcitate ſua inſaniant. Videntur fortius virgere obiecto Petri locò, Deum neminem velle perire, ſed omnes recipere ad pœnitentiā. Verū nodi ſolutio iam mox in ſecundo verbo occurrit: quia volūtas recipiēdi ad pœnitentiā non alia intelligi poteſt niſi quæ paſſim tra- ditur. Sanè conuerſio in Dei manu eſt. an velit omnes conuertere, interrogetur ipſe: dum paucis quibuſdam ſe daturū promittit cor carneum, aliis cor lapideum relinquendo. Ve- rum quidem eſt, niſi recipere paratus eſſet qui eius miſericordiam implorāt, concidere il- lam ſententiā, Conuertimini ad me, & conuertar ad vos. ſed dico neminem mortalium ad Deum accedere niſi qui diuinitus præuenitur. Ac, ſi in hominis arbitrio eſſet pœniten- tia, non diceret Paulus, Si fortè det illis pœnitentiā. imò niſi idem Deus qui ad pœniten- tiam omnes voce hortatur, arcano Spiritus motu electos adduceret, nō diceret Ieremias, Conuerte me Domine, & conuertar: ubi enim conuertifti me, egi pœnitentiā.

16 Sedenim (inquies) ſi ita eſt, parum erit fidei promiſſionibus Euāgelicis, quæ quū de vo- luntate Dei teſtantur, eum velle aſſerūt quod inuiolabili eius decreto aduerſetur. Minimè verò, quamlibet enim vniuerſales ſint ſalutis promiſſiones, nihil tamen à reprobōrū præ- deſtinatione diſcrepant: modò in earum effectum mentem dirigamus. Efficaces nobis tum eſſe demum promiſſiones ſcimus ubi eas fide recipimus: ubi contrā exinanita eſt fides, ſimul abolita eſt promiſſio. Ea ſi eſt natura ipſarum, videamus iam nunquid inter ſe hæc diſſideant, quò dicitur ab æterno Deus ordinari quos amore complecti, in quos iram exercere velit: & quò ſalutem omnibus indiscriminatim denuntiat. Equidem di- co optimè conuenire. ſic enim promittendo, nihil aliud vult quàm omnibus expoſitam eſſe ſuam miſericordiam, qui modò eam expetunt atque implorant. quod non alii faciūt niſi quos illuminauit. Porro illuminat quos prædeſtinauit ad ſalutem. His (inquam) con- ſtat certa & inconcuſſa promiſſionum veritas, ut dici nequeat aliquid eſſe diſſenſionis in- ter æternam Dei electionē, & quod fidelibus offert gratiæ ſuæ teſtimonium. Sed cur omnes nominat? Nempe quo tutius piorū conſcientiæ acquieſcant, dum intelligunt nullam eſſe peccatorum diſſerentiā, modò adſit fides: impii autem non cauſentur ſibi de eſſe aſylum, quò ſe à peccati ſeruitute recipiant, dum oblatū ſibi ingratitudine ſua reſpuunt. Ergo quū vtriſque Dei miſericordia per Euāgelium offeratur: fides eſt, hoc eſt Dei illuminatio, quæ inter pios & impios diſtinguit: ut Euangelii efficaciam illi ſentiant, hi verò nullum inde fructum conſequantur. Illuminatio quoque ipſa electionem Dei æternam pro regula ha- bet. Querimonia Chriſti quam citant, Ierusalē, Ierusalem, quoties volui congregare pul- los tuos, & noluiſti: nihil illis ſuffragatur. Fateor Chriſtum non tantum in perſona homi- nis loqui, ſed exprobrare quò ſeculis omnibus repudiauerint ſuam gratiā. Sed definiē- da eſt illa Dei voluntas de qua agitur. neque enim obſcurum eſt quàm ſedulo incubuerit Deus ad retinendū illum populū, & quanta peruiſſa à primis ad vltimos vagis ſuis cupi- ditatibus dediti collectionē reſpuerint: ſed inde non ſequitur irritum fuiſſe cōſilium Dei hominum malitia. Excipiunt, nihil minus eſſe conſentaneum Dei naturæ quàm ut ſit du- plex in eo voluntas. Quod ego illis concedo, modò dextri ſint interpretes. Sed cur non cō- ſiderāt tot teſtimonia, ubi Deus humanos affectus induens, infra ſuā maiestatem descendit?

Ieſa. 65. a. 2 Dicit ſe protenſis brachiis rebellem populū vocaſſe, manē & ſerò dediſſe operam ut eum ad ſe reduceret. Hæc omnia ſi Deo aptare volent, ac figuram negligere, multæ ſuperuacue contentiones emergēt: quas vna hæc ſolutio componit, quod humanū eſt ad Deum tranſ- ferri. Quanquam ſolutio alibi à nobis adducta abundè ſufficit, quanvis multiplex ſit Dei voluntas quo ad ſenſum noſtrum, non tamen eum hoc & illud in ſe velle, ſed pro ſapientia ſua variè multiplici (ut eam Paulus vocat) attonitos reddere ſenſus noſtros, donec cogno- ſcere nobis dabitur mirabiliter eum velle quod nunc videtur eſſe volūtati eius aduerſum. Cauillis etiam ludunt, quum Deus omnium ſit pater, iniuſtum eſſe ut quenquam abdicet niſi qui ſua culpa pœnam hanc antè fuerit promeritus. Quasi verò non uſque ad porcos & canes pateat Dei liberalitas. Quò ſi de humano genere agitur, reſpondeant cur Deus ſe- ſe deuinxerit vni populo, ut eius eſſet pater: cur etiam exiguum inde numerum quaſi flo- rem decerpſerit. Sed cōuitiatores iſtos impedit ſua maledicēdi libido ne cōſiderent Deum ita ſolē ſuum producere ſuper bonos & malos ut paucis reſoſita ſit hæreditas, quibus olim dicitur, Venite benediſti Patris mei, poſſidete regnum, &c. Obiciunt etiam, Deum nihil odiſſe eorum quæ fecit. quod ut illis concedam, ſaluum tamen manet quod doceo, repro-

bos Deo exosos esse, & quidē optimo iure : quia eius Spiritu destituti nihil proferre queunt quā maledictionis causam. Addunt non esse discrimen Iudæi & Gentilis, ideoque indiscriminatim omnibus proponi Dei gratiam: nempe modò admittant (sicuti definit Paulus) tam ex Iudæis quā ex Gentibus Deum pro suo beneplacito vocare, ita vt nemini sit obstrictus. Hoc etiam modo quod ex alio loco obtēdunt diluitur, Deum clausisse omnia sub peccato, vt omnium misereatur: nempe quia omnium qui salui fiunt salutem misericordiæ suæ vult adscribi: quanuis non omnibus sit commune hoc beneficium. Porro vbi multa vtrò citroque adducta fuerint, sit hæc nobis clausula, ad tātā profunditatē cum Paulo expauescere : quod si obstrepāt petulātes linguæ, non pudefieri in hac eius exclamatione, O homo, tu quis es qui litigas cum Deo? Verē enim Augustinus peruersē facere contendit qui iustitiæ humanæ modo diuinam metiuntur.

Rom. 9. e. 24

Rom. 11. d. 22

Rom. 9. d. 10
De prædest.
& grat. cap. 2

De resurrectione vltima.

CAP. XXV.

T S I Christus, sol iustitiæ, morte deuicta per Euangelium illucēs, vitam nobis illuminauit, teste Paulo, vnde & credendo dicimur trāsisse à morte in vitā, non iam peregrini & aduenæ, sed ciues sanctorū & domestici Dei, qui nos cum ipso vnigenito sedere fecit in cælestibus, vt ad plenā felicitatem nihil desit: ne tamen molestum sit nobis exerceri adhuc sub dura militia, ac si nullus viatorix à Christo partæ fructus cōstaret, tenendū est quod alibi docetur de spei natura. Quoniam enim speramus quæ non apparent, atque, vt alibi dicitur, fides est demonstratio rerū inuisibilium: quādiu carnis ergastulo sumus inclusi, peregrinamur à Domino. Quia ratione alibi dicit idem Paulus nos esse mortuos, & vitam nostram cum Christo absconditam esse in Deo: & quum ipse, qui vita nostra est, apparuerit, tūc & nos cum ipso apparituros in gloria. Hæc igitur nostra conditio est, vt sobriè & iustè & piè viuendo in hoc seculo, expectemus beatam spem, & aduentum gloriæ magni Dei, & Seruatoris nostri Iesu Christi. Hic patientia non vulgari opus est, ne defatigati vel retroflectamus cursum, vel stationem nostrā deseramus. Itaque quicquid hætenus de salute nostra expositum fuit, mentes in cælum erectas flagitat, vt Christum, quem non vidimus, diligamus, & in eum credentes exultemus lætitia inenarrabili & gloriosa, donec reportemus finem fidei nostræ, vt Petrus admonet. Qua ratione Paulus fidem & charitatem piorū respicere dicit ad spem quæ in cælo est reposita. Quum ita oculis in Christum defixis è cælo pēdemus, nec quicquam eos moratur in terra quo minus ad promissam beatitudinem nos ferant, impletur verē illud, cōr nostrum esse vbi est thesaurus noster. Hinc tam rara in mundo fides, quod tarditati nostræ nihil magis difficile est quā per innumera obstacula transcendere pergendo ad palmam supernæ vocationis. Ad ingentem miseriæ cumulum, quo ferè obruimur, accedunt profanorum hominum ludibria, quibus impetitur nostra simplicitas: dum bonorum præsentium illecebris sponte renuntiātes, videmur beatitudinē, quæ nos latet, quasi fugitātem vmbra captare. Denique sursum & deorsum, à fronte & à tergo violentæ nos tentationes obsidēt, quibus sustinēdis longè essent animi nostri impares, nisi expliciti rebus terrenis, cælesti vitæ, quæ in speciem procul remota est, deuincti essent. Quare ille demū solidè in Euāgelio profecit qui ad continuam beatæ resurrectionis meditationem assuefactus est.

1. Tim. 1. c. 10

Iohan. 5. d. 24

Ephes. 2. d. 19,
& 1. b. 6

Rom. 8. e. 18

Hebr. 11. a. 1

2. Cor. 5. b. 6

Colos. 3. a. 5

Tit. 2. c. 11

1. Pet. 1. b. 8

Colos. 1. a. 5

Matth. 6. e. 11.

De summo fine bonorum anxie disputarūt olim philosophi, atque etiam inter se certarunt: nemo tamē, excepto Platone, agnouit summū hominis bonum esse eius cōiunctionē cum Deo. qualis autem hæc esset, ne obscuro quidem gustu sentire potuit. nec mirum, vt qui de sacro illius vinculo nihil didicerat. Nobis vnica & perfecta fœlicitas in hac quoque terrena peregrinatione nota est: sed quæ sui desiderio corda nostra magis ac magis quotidie accēdit, donec plena fruitio nos satiet. Ideo dixi ex Christi beneficiis fructum nō percipere nisi qui ad resurrectionē animos attollūt. Sicuti hunc scopū præfigit Paulus fidelib⁹, ad quē se eniti dicit, & omnia obliuisci, donec eò perueniat. Quo nos quoque alacrius eodē cōtendere oportet, ne si mūdus hic nos occupet tristes desidīæ nostræ pœnas demus. Proinde alibi fideles insignit hac nota, quod eorū cōuersatio in cælis sit, vnde & seruatorē suū expectāt. Ac ne flaccescāt animis in hoc cursu, idem illis omnes creaturas adiūgit socias. Nam quia vbique deformes conspiciuntur ruinæ, dicit quæcunque in cælo & terra sunt eniti ad renouationē. Nam quum Adam suo lapsu dissipauerit integrū naturæ ordinē, sua creaturis seruitus, cui propter hominis peccatum subiectæ sunt, molesta & grauis est: non quod præditæ sint aliquo sensu, sed quia integrū statum à quo exciderunt, naturaliter appetunt. Gemitum ergo & parturitionis dolorem illis attribuit Paulus, vt nos, qui primitiis Spiritus donati sumus, pudeat in nostra corruptione tabescere, ac nō imitari saltem mortua elementa, quæ alieni peccati pœnam sustinent. Quo autem acrius nos pungat, vltimū Chri

Philip. 3. b. 8

Ibidem, d. 10

Rom. 8. d. 19

Heb. 10. c. 12 sti aduētum vocat nostram redemptionem. Verum quidem est, iam completos esse omnes resurrectionis nostræ numeros : sed quia Christus semel oblatuſ est pro peccatis, iterū absque peccato conspicietur in salutem. Quibuslibet ærumnis premamur, hæc nos redemptio ad suum vsque effectum suiteat.

3
1. Cor. 15. b. 14 Studium nostrum acuet ipsū rei pondus. nec enim Paulus abs re contendit, nisi mortui resurgant, totū Euāgelium inane & fallax esse: quia miserior esset nostra quā aliorū mortalium conditio, vt pote qui multorum odiis & probris expositi, in singulas horas periclitamur, imò sumus quasi oues maſtationi destinatæ. ac proinde cōcideret eius auctoritas non vna in parte duntaxat, sed in tota summa, quā & adoptio & salutis nostræ effectus complectitur. Atque ita in rem maximè omnium seriam simus attenti vt nulla diuturnitas lassitudinem afferat. Quo consilio etiam in hunc locum distuli quod de ea breuiter tractandum erat, vt discant lectores, vbi Christum receperint perfectæ salutis authorem, altius assurgere, sciāntque cælesti immortalitate & gloria vestitum, vt totum corpus capiti conforme reddatur. Quemadmodum etiam in eius persona Spiritus sanctus resurrectionis exemplum subinde proponit. Res est creditu difficilis, vbi putredine consumpta fuerint corpora, tandem suo tempore resurrectura esse. Itaque quum multi ex philosophis asseruerint immortales esse animas, carnis resurrectio à paucis probata fuit. in quo etsi nulla fuit excusatio, inde tamen monemur rem esse magis arduam quā vt hominum sensus ad se trahat. Quo tantum obstaculum superet fides, duo adminicula Scriptura suppeditat: alterum est in Christi similitudine, alterum verò in Dei omnipotentia. Iam quoties de resurrectione agitur, occurrat Christi imago, qui in natura quam à nobis sumplerat sic peregit cursum mortalis vitæ vt nunc immortalitatē adeptus, sit nobis pignus futuræ resurrectionis. Nam in miseriis quibus obſidemur mortificationem eius circumferimus in carne nostra, vt vita eius manifestetur in nobis. Et separare eum à nobis nō licet, ac ne possibile quidē est quin laceretur. Vnde illa Pauli ratiocinatio, Si mortui non resurgūt, neque Christus resurrexit: quia scilicet confessum illud principium sumit, Christū non sibi priuatim morti fuisse subiectum, vel de morte adeptum esse victoriam resurgendo, sed inchoatum fuisse in capite quod impleri in omnibus membris necesse est, secundū cuiusque gradum & ordinem. Nam ei per omnia æquari ne rectum quidē esset. Dicitur in Psalmo, Non permittes mansuetum tuum videre corruptionem. Huius fiduciæ portio etsi ad nos pertinet secundum mensuram donationis, solidus tamen effectus non nisi in Christo apparuit, qui immunis ab omni putredine, integrū corpus recepit. Iam ne ambigua sit nobis beatæ cum Christo resurrectionis societas, vt hoc pignore simus contenti, disertè affirmat Paulus ideo sedere in cælis & venturum vltimo die iudicem, vt corpus nostrū humile & abiectum configuret corpori suo glorioso. Alibi etiam docet, Deum non suscitasse Filium à morte, vt specimen vnum ederet suæ virtutis: sed vt eandem erga nos fideles Spiritus efficaciam exeret: quem ideo vitam appellat, dum habitat in nobis, quia in hunc finē datus est vt quod in nobis mortale est viuificet. Compēdio perstringo quæ & vberius tractari possent, & merentur splendidius ornari: & tamen in paucis verbis satis materiæ pios lectores reperturos confido quod ad fidem eorum ædificandam sufficiat. Resurrexit ergo Christus vt nos haberet socios futuræ vitæ. Suscitatus est à Patre, quatenus erat Ecclesiæ caput, à qua nullo modo patitur diuelli. Suscitatus est virtute Spiritus, qui nobis ad viuificandi munus communis est. Denique suscitatus est vt esset resurrectio & vita. Sicut autem diximus in hoc speculo cōspiciam nobis esse viam resurrectionis imaginē, ita sit nobis ad fulciendos animos nostros firma hypostasis, modò ne longioris moræ nos tædeat vel pigeat: quia nostrū non est proprio arbitrio temporum articulos metiri, sed patiēter quiescere, dum pro sua opportunitate Deus regnū suum instauret. Quò spectat illa Pauli exhortatio, Primitiæ Christus: deinde qui Christi sunt: quisque suo ordine. Ceterū nequa de Christi resurrectione, in qua fundata est nostra omnium, moueretur quæstio, videmus quot & quā variis modis illam nobis testatam fecerit. Ridebunt nasuti homines quasi puerile ludicrum, quæ ab Euangelistis refertur historiam. Cuius enim momenti erit nuntius quem pauidæ mulierculæ perferunt, & deinde confirmant discipuli ferè exanimis? Cur non potius in medio templo & foro illustria victoriæ suæ trophæa Christus statuit? Cur non formidabilis prodit in conspectum Pilati? Cur nō etiam rediuiū se sacerdotibus & toti Hierosolymæ probat? Testes verò quos seligit vix idoneos esse concedēt homines profani. Respondeo, quam in illis exordiis contemptibilis fuerit eius infirmitas, admirabili tamen Dei prouidentia hoc totum fuisse gubernatum: vt qui nuper metu exanimati fuerant, eos partim amor Christi & pietatis zelus, partim sua incredulitas ad sepulchrum raperet: non tantum

ut oculati essent rei testes, sed ut audirent idem ex Angelis quod oculis cernebant. Quomodo suspecta erit nobis eorum fides qui fabulam esse putarunt quod audierant ex mulieribus, donec in rem præsentem sunt adducti? Totum verò populum, & ipsum præsidē, postquam satis superque conuicti fuerant, nihil mirum est tam Christi aspectu quàm aliis signis fuisse priuatos. Ob signatur sepulchrum, custodes excubias agunt, non reperitur tertio die corpus. Pecunia corrupti milites rumorem spargunt fuisse a discipulis subreptum. Quasi verò vel turmæ cogēdæ facultas esset, vel arma suppeterēt, vel etiam ad tale facinus audendum exercitati essent. Quòd si militibus satis non erat animi ad illos abigendos, cur non persequuti sunt, ut ope plebis adiuti aliquos deprehenderent? Verè ergo annulo suo Pilatus Christi resurrectionem ob signauit: & qui appositi fuerunt ad sepulchrum custodes, tacendo vel mentiendo eiusdē resurrectionis præcones facti sunt. Interea personuit vox Angelorū, Surrexit: non est hic. Splendor cælestis non homines sed Angelos esse palam ostendit. Postea Christus ipse siquid dubitationis adhuc hærebat, sustulit. Viderunt eum non semel discipuli, atque etiam pedes & manus palparunt, & eorum incredulitas non parum ad confirmandam fidem nostram profuit. Disseruit inter eos de mysteriis regni Dei, tandem ipsis vidētibz ascendit in cælum: nec vñdecim modò Apostolis exhibitum fuit hoc spectaculum, sed plusquam quingentis fratribz simul visus est. Iam misso Spiritu sancto certum documentum edidit non tantum vitæ, sed etiam summi imperii: sicuti prædixerat, Expedit vobis ut abeam, alioqui Spiritus sanctus non veniet. Iam verò Paulus nō mortui virtute prostratus est in itinere, sed eum quem oppugnabat, summa potētia pollere sensit. Stephano apparuit in alium finem, ut vitæ certitudine mortis timorem vinceret. Tot ac tam authenticis testimoniis fidem derogare, non diffidentia est, sed prauæ adeoque furiosæ obstinationis.

Mat. 27. g. 66,
& 28. b. 11

Luc. 24. a. 6

Ibidem, f. 38

Act. 1. a. 3,
& b. 9

1. Cor. 15. a. 6

Iohan. 16. a. 7,
Act. 9. a. 4

Act. 7. g. 55

4 Quod diximus in probanda resurrectione sensus nostros oportere dirigi ad immensam Dei potentiam, hoc breuiter docet Paulus, Ut corpus nostrum abiectum (inquit) cōforme reddat corpori claritatis suæ, secundum operationem virtutis suæ, qua potest sibi subiicere omnia. Quare nihil minus cōsentaneum quàm hic respicere quid naturaliter fieri possit, vbi inæstimabile miraculum nobis proponitur, quod sensus nostros sua magnitudine absorbet. Paulus tamen, proposito naturæ documento, socordiam eorum coarguit qui resurrectionem negant. Stulte (inquit) quod seminas non vegetatur, nisi prius moriatur, &c. In semēte resurrectionis speciem cerni dicit, quia ex putredine nascitur seges. Nec verò res tam difficilis esset creditu si ad miracula quæ se per omnes mūdi plagas oculis nostris ingerunt, attenti ut par est essemus. Cæterum meminimus, neminē de futura resurrectione verè esse persuasum nisi qui in admirationē raptus Dei, virtuti suam dat gloriam. Hac fiducia elatus Iesaias exclamat, Viuent mortui tui: cadauer meum resurget. Expergi scimini & laudate habitatores pulueris. Rebus desperatis sese attollit ad Deum vitæ authorē, penes quem sunt exitus mortis, ut dicitur in Psalmo. Iob etiam cadaueri similior quàm homini, fretus Dei potentia, non dubitat quasi integer ad diem illū se attollere, Scio quod redemptor meus viuit: & in nouissimo die surget super puluerem (nempe ut suam potentiam illic exerat) & rursus circumdabor pelle mea, & in carne mea videbo Deum, visurus sum ipse, & non alius. nam etsi quidā subtilius detorquent locos istos, ac si de resurrectione exponi non deberent, confirmant tamen quod euertere cupiunt: quia non aliunde sancti viri solatium petūt in suis malis quàm ex resurrectionis similitudine. Quod melius ex loco Ezechielis cognoscitur. nam quum promissionem redditus Iudæi respuerent, ac obicerent, nihilo magis esse probabile sibi aperiri viam quàm mortuos exire ē sepulchro, visio Prophetæ offertur campi pleni ossibus aridis: ea iubet Deus carnē & neruos recipere. Quāquam sub figura illa populum ad spem redditus erigit, materiam tamen sperandi sumit ex resurrectione: sicuti nobis præcipuum est exemplar liberationum omnium quas sentiunt fideles in hoc mundo. Sic Christus, postquam vocem Euangelii viuificam esse docuit: quia hoc non recipiebāt Iudæi, mox addit, Nolite mirari hoc, quia venit hora in qua omnes qui sunt in monumentis, audient vocem Filii Dei, & prodibunt. Ergo exemplo Pauli alacriter iam triumphemus inter medias pugnas, quòd potens sit qui nobis promisit futurā vitam, seruare depositum: atque ita gloriemur repositam esse nobis coronā iustitiæ, quam reddet nobis iustus iudex. Sic fiet ut quicquid molestiarū perpetimur, ostensio nobis sit futuræ vitæ, quia Dei naturæ conuenit rependere afflictionem impiis qui nos affligunt, nobis verò qui iniuste affligimur, requiē, in manifestatione Christi cū Angelis potentia suæ, in flamma ignis. Sed tenendum est quod paulo post adiungit, venturum ut glorificetur in sanctis suis, & admirabilis fiat in omnibus qui crediderunt, quia fides habita fuerit Euangelio.

Philip. 3. d. 10

Iesa. 26. d. 19

Psal. 68. c. 21

Iob 19. d. 25

Ezech. 37. b. 8

Iohan. 5. c. 19

1. Tim. 4. b. 8

5 Et si autem hominum mentes in hoc studio assidue occupari decebat: quasi tamen data opera abolere vellent omnem resurrectionis memoriam, mortem vocarunt lineam rerum omnium, & interitum hominis. Nam certe de communi & recepta opinione loquitur Solomon, quum dicit canem viuum meliorem esse mortuo leone. Et alibi, Quis scit an hominis anima ascendant sursum, & anima iumentum descendat deorsum: Omnibus autem seculis grassatus est hic brutus stupor, adeoque in ipsam Ecclesiam perripit: quia palam ausi sunt profiteri Sadducæi nullam esse resurrectionem, imò animas esse mortales. Sed nequem leuaret crassa hæc ignorantia, ipso naturæ instinctu increduli semper effigiem resurrectionis habuerunt ante oculos. Quorsum enim sacer & inuiolabilis mos sepeliendi, nisi ut arrha esset nouæ vitæ? Neque excipere licet, ex errore hoc esse natum: quia & sepulturæ religio apud sanctos Patres semper viguit, & Deus apud Gentes manere voluit eundem morem, ut obiecta resurrectionis effigies, earum torporis expergefaceret. Quauis autem profectu caruerit ceremonia illa, utilis tamen nobis est si prudenter finem spectamus: quia non leuis est incredulitatis refutatio, omnes simul professos esse quod nemo credebatur. Atqui non modò obstupescit Satan hominum sensus, ut sepelirent unam cum corporibus resurrectionis memoriam: sed partem hanc doctrinæ variis figmentis corrumpere molitus est, ut tandem intercederet. Omitto quòd iam Pauli tempore eam couellere cœpit: sed paulo post sequuti sunt Chiliastæ, qui mille annis finierunt Christi regnum. Ac eorum quidem commentum periculosius est quàm ut refutatione vel indigeat, vel dignum sit. Nec illis suffragatur Apocalypsis, ex qua errori suo colorem induxisse certum est: quando in millenario numero non agitur de æterna Ecclesiæ beatitudine, sed tantum de variis agitationibus quæ Ecclesiam adhuc in terris laborantem manebant. Cæterum tota Scriptura clamat finem nullum fore nec electorum beatitudini nec reproborum supplicio. Omnium porro rerum quæ & cōspectum nostrum fugiunt, & mentis captum longè superant, aut fides ex certis Dei oraculis petenda est, aut prorsus abiicienda. Qui mille annos assignant filiis Dei, ad futuram vitam hæreditatem fruendam, non animaduertunt quantam contumeliam inurant & Christo & eius regno. Nam si immortalitate non induentur, ergo nec Christus ipse, ad cuius gloriam transformabuntur, in gloriam immortalem receptus est, si aliquem habebit finem eorum beatitudo, ergo regnum Christi, cuius soliditati innititur, temporarium est. Denique aut imperitissimi sunt rerum omnium diuinarum, aut obliqua malignitate totam Dei gratiam Christi que virtutem labefactare moliuntur: quarum complementum non aliter constat nisi oblitterato peccato, & absorpta morte, vita æterna ad plenum instauretur. Quam verò stolidè ineptiant qui timent nimiam Deo sauitiã adscribere si æternis pœnis reprobi addicantur, vel cæcis perspicuum est. Scilicet iniurius erit Dominus, si regno suo priuauerit qui eo se indignos per ingratitude reddiderint. At peccata eorum temporaria sunt. Fateor, sed Dei maiestas atque etiam iustitia, quam peccando violarunt, æterna est. Merito igitur non perit iniquitatis memoria. At ita pœna modum excedet delicti. Hæc verò est non ferenda blasphemia, dum tam paruo æstimatur Dei maiestas, dum non pluris fit eius contemptus quàm animæ vnius exitium. Sed omittamus nugatores istos, ne contra quàm præfati sumus, videamur eorum deliramenta refutatione digna iudicare.

6 Duo præter hæc deliria inuenta sunt ab hominibus perperam curiosis. Alii putarunt, quasi totus homo intereat, animas resurrecturas cum corporibus: alii, quum immortales esse spiritus concedant, nouis corporibus indutum iri: quo negant carnis resurrectionem. De priore quoniam aliquid attingi in creatione hominis, satis mihi erit monere iterum lectores quàm beluinus sit error, ex spiritu ad imaginem Dei formato flatum euandidum facere, qui in hac tantum caduca vita corpus vegetet: & templum Spiritus sancti redigere in nihilum: eam denique partem nostri, in qua maximè refulget diuinitas, & insignes sunt immortalitatis notæ, hac dote spoliare: ut melior atque excellentior sit corporis conditio quàm animæ. Longè aliter Scriptura, quæ corpus tugurio comparat ex quo nos migrare dicit quum morimur: quia ab ea parte nos æstimat quæ nos à brutis animalibus discernit. Sic Petrus morti propinquus dicit tempus venisse quo tabernaculum suum deponat. Paulus verò de fidelibus loquens, postquam dixit, Vbi terrestris domus nostra dissoluta fuerit, nobis esse ædificium in cælis: adiungit nos peregrinari à Domino quandiu manemus in corpore, sed expetere Dei præsentiam in absentia corporis. Nisi superstitesset animæ corporibus, quid est quod habet Deum præsentem ubi est à corpore separatum? Dubitationem verò tollit Apostolus, dum tradit nos esse aggregatos ad spiritus iustorum. quibus verbis intelligit, nos sociari sanctis Patribus, qui etiam mortui eandem pietatem nobiscum colunt, ut non possimus esse Christi mēbra nisi cum ipsis coalescamus. Nisi etiam animæ cor-

Eccles. 9. b. 4

Eccles. 3. d. 21

Marc. 12. b. 18

Luc. 20. e. 27

Act. 2. b. 8

Apoc. 20. a. 4

2. Pet. 1. c. 14

2. Corin. 5. a. 1

Hebr. 12. f. 23

potibus exuta retineret suam essentiam, ac beata gloriæ capaces essent, non dixisset Christus latroni, Hodie mecū eris in paradiso. Tam claris testimoniis freti, ne dubitemus, Christi exēplo, moriētes Deo cōmendare animas nostras: vel, exemplo Stephani, tradere Christo in custodiam, qui nō temere vocatur fidelis earum pastor & episcopus. Porro de intermedio earum statu curiosius inquirere neque fas est, neque expedit. Valde se torquent multi disputando quem locum occupent, & an cælesti gloria iam fruantur necne. Atqui stultum & temerarium est de rebus incognitis altius inquirere quā Deus nobis scire permittat. Scriptura, ubi dixit Christum illis præsentem esse, & eas recipere in paradysum, vt consolationem percipiant, reprobis verò animas cruciatus quales merita sunt perpeti, non vltra progreditur. quis iam doctor aut magister quod Deus celauit nobis patefaciet? De loco non minus inepta & inutilis est quæstio: quando scimus non eam esse animæ dimensionem quam corporis. Quod sinus Abraham dicitur beata sanctorū Spirituum collectio, nobis abunde est ex hac peregrinatione excipi à communi fidelium Patre, vt nobiscum fidei suæ fructum communicet. Interea quum Scriptura vbique iubeat pendere ab expectatione aduentus Christi, & gloriæ coronam eousque differat, contenti simus his finibus diuinitus nobis præscriptis: animas piorum militiæ labore perfunctas in beatam quietē concedere, vbi cum fœlici lætitia fruitionem promissæ gloriæ expectant: atque ita omnia teneri suspensa donec Christus appareat redemptor. Reprobis verò eadem esse sortem dubium non est quam Iudas Diabolis assignat, vinctos catenis teneri, donec ad supplicium cui addicti sunt trahantur.

7 AEquē prodigiosus est eorum error qui animas non recepturas quibus nunc induta sunt corpora, sed nouis & aliis præditas fore imaginantur. Ac Manichæorum quidem perquam inutilis ratio fuit, minimè consentaneū esse vt caro quæ immūda est, resurgat. Quasi verò nulla sit animarum immūditas: quas tamen à spe cælestis vitæ non arcebant. Perinde igitur fuit ac si dicerent, purgari diuinitus non posse quod peccati labe infectum est: nam illud delirium, quod naturaliter immunda esset caro, quia à Diabolo creata, nunc prætereo. Tantū ostendo, quicquid nunc cælo indignum in nobis est, resurrectioni non obstare. Atqui primò quū iubeat Paulus fideles se mūdare ab omni inquinamēto carnis & Spiritus, inde sequitur quod alibi denūtiat iudiciū, vt reportet vnusquisque per corpus siue bonum siue malum. Cui consentit quod scribit ad Corinthios, vt vita Iesu Christi manifestetur in carne nostra mortali. Qua ratione alibi non minus precatur vt Deus integra corpora conseruet vsque ad diem Christi, quā animas & spiritus. Nec mirum: quia corpora quæ sibi in templa dicauit Deus, in putredinem sine spe resurrectionis decidere, absurdissimum esset. Quid quod etiam membra sunt Christi? Quid quod singulas eorum partes sibi Deus sanctificari præcipit? quod vult linguis nomen suum celebrari, tolli ad se puras manus, sacrificia offerri? Quam igitur hominis partē tam præclaro honore dignatur cælestis iudex, cuius amentia est ab homine mortali in puluerem redigi absque vlla spe instaurationis? Similiter Paulus, quum nos ad ferēdum Dominum hortatur tam in corpore, quā in anima, quia vtrunque Dei est: non patitur certè quod Deo tanquam sacrum vendicat, æternæ putredini adiudicari. Nec verò vlla de re clarior suppetit Scripturæ definitio, quā de carnis quam gestamus resurrectione. Oportet, inquit Paulus, corruptibile hoc induere incorruptionē, & mortale hoc induere immortalitatē. Si noua corpora formaret Deus, vbi hæc qualitatū mutatio? Si dictū esset, oportere nos renouari, ambigua loquutio fortè occasione cauillo dedisset: nunc vbi corpora, quibus sumus circūdati, digito monstrans, incorruptionem illis promittit, noua fabricari satis apertè negat. Imò magis expressè (inquit Tertullianus) non poterat loqui, nisi cutē suam manibus teneret. Nec villo cauillo effugient quod alibi Christum fore mūdi iudicem dicens, Iesaiæ testimoniū citat, Viuo ego, dicit Dominus, mihi flectetur omne genu: quando apertè obnoxios ad rationē vitæ reddendam quos alloquitur fore denūtiat. Quod non quadraret si noua corpora ad tribunal sisterentur. Porro in verbis Danielis nihil est perplexum, Multique dormientium in terra pulueris expergiscentur, hi ad vitā æternam, & illi ad opprobria, & ad cōtemptum sempiternum: quando non ex quatuor elementis nouam materiam ad conflandos homines, sed ex sepulchris mortuos euocat. Atque hoc dictat aperta ratio. Nam si mors, quæ originem habet à lapsu hominis, accidentalis est: instauration, quam attulit Christus, ad idem illud corpus pertinet quod mortale esse cœpit. Et sanè quod rident Athenienses dum asseritur à Paulo resurrectio, hinc colligere licet qualis eius prædicatio fuerit: ac omnino risus ille non parum ad confirmandam fidē nostram valet. Digna etiā obseruatu est Christi sententia, Nolite metuere eos qui occidunt corpus, animā occidere non possunt: sed eum

Luc. 23. f. 43

Ibidem, 46

Act. 7. 8. 59

1. Pet. 2. d. 25

Matt. 5. a. 8. d.

16.

Iohan. 12. e. 32

Iudæ a. 6

2. Cor. 7. a. 1

1. Cor. 5. b. 10

2. Cor. 4. c. 10

1. Theß. 5. d. 23

1. Cor. 3. c. 11

1. Cor. 6. c. 15

1. Timo. 1. c. 8

1. Cor. 6. d. 10

1. Cor. 15. g. 53

Rom. 14. b. 11

Iesai. 49. e. 13

Dan. 12. a. 8

Matt. 10. c. 28

metuite qui potest & animam & corpus perdere in gehennam ignis. Neque enim timendi causa, nisi supplicio obnoxium esset quod nunc gestamus corpus. Nec verò obscurior est altera eiusdem Christi sententia, Venit hora, in qua omnes qui in monumentis sunt, audient vocem Filii Dei: & prodibunt qui bona fecerunt, in resurrectionem vitæ: qui verò mala egerunt, in resurrectionem iudicii. An dicemus animas in sepulchris quiescere, ut illinc Christum exaudiant? ac non potius ad eius imperium corpora in vigorem à quo exciderant reditura? Adhuc si nouis corporibus donandi sumus, ubi capitis & membrorum conformitas: Resurrexit Christus: an nouum sibi corpus fingendo: imò, ut prædixerat, Destruite templum hoc, & triduo erigā illud. Quod prius gestauerat mortale corpus, iterum recepit. neque enim multum nobis profuisset, subrogato nouo corpore, aboleri illud quod in sacrificium expiationis oblatum fuerat. Teneda est etiam illa societas quam prædicat Apostolus, Nos resurgere, quia Christus resurrexit. quia nihil minus probabile quàm ut priuatur Christi resurrectione caro nostra, in qua circumferimus mortificationem ipsius Christi. Quod quidem illustri documento patuit, dum resurgente Christo multa corpora Sanctorum exierunt è sepulchris. Neque enim negari potest, hoc vltimæ quam speramus resurrectionis præludium fuisse, vel potius arrham: qualis antè in Henoch & Elia iam extabat: quos Tertullianus resurrectionis candidatos vocat: quia corpore & anima à corruptione exempti, in Dei custodiam recepti fuerint.

8 Pudet me in re tam clara tantum verborum consumere: sed hanc molestiam placidè mecum vorabunt lectores, nequa rima ad decipiendos simplices peruersis & audacibus ingeniis pateat. Cerebri sui commentum proferunt volatici spiritus quibuscum nunc disputo: in resurrectione nouorum corporum fore creationem. Qua ratione impulsī ita sentiunt, nisi quia incredibile illis videtur, cadauer tam longa putredine consumptum posse in pristinum statum redire: Ergo sola illis incredulitas huius sententiæ est mater. Nos contra Spiritus Dei ad sperandam carnis nostræ resurrectionem in Scriptura passim hortatur. Hac ratione Baptismus, teste Paulo, sigillū nobis est futuræ resurrectionis: nec minus sacra Coena ad eius fiduciā nos inuitat, dum symbola Spiritualis gratiæ ore percipimus. Et certè tota Pauli exhortatio, Ut membra nostra exhibeamus arma in obedientiam iustitiæ, frigeret, nisi accederet quod postea subiungit, Qui suscitauit Christum à mortuis, uiuificabit & mortalia corpora vestra. Quid enim iuuaret, applicare pedes, manus, oculos & linguas in obsequium Dei, nisi fructus & mercedis essent participes: Quod suis verbis aperte confirmat Paulus, Corpus non scortationi, sed Domino: & Dominus corpori. Qui verò suscitauit Christum, & nos suscitabit per virtutem suam. Clariora sunt quæ sequuntur, ea esse templa Spiritus sancti & membra Christi. Interea videmus ut resurrectionem cum castitate & sanctimonia coniungat: sicuti paulo post pretium redemptionis ad corpora extendit. Iam rationi consentaneum non esset, Pauli corpus, in quo stigmata Christi portauit, & in quo magnificè Christum glorificauit, orbari coronæ præmio. Vnde & illa gloriatio, Expectamus redemptorem è cælis, qui corpus nostrum abicetum, conforme reddet corpori claritatis suæ. Ac si verum est illud, per multas afflictiones oportere nos ingredi in regnum Dei, ab hoc ingressu corpora prohibere nulla ratio sustinet, quæ & sub crucis vexillo exercet Deus, & victoriæ laude ornat. Itaque nulla eius rei dubitatio inter Sanctos orta est quin se Christi comites fore sperarent: qui omnes quibus probamur afflictiones in personam suam trāffert, ut viuificas esse doceat. Imò & sanctos Patres sub Lege, externa ceremoniā Deus in hac fide exercuit. Quorsum enim sepeliendi ritus, sicuti antè visum est, nisi ut reconditis corporibus scirent paratam esse nouam vitam: Huc aromata quoque, aliæque immortalitatis symbola spectarunt, quibus sub Lege adiuta fuit non aliter quàm sacrificiis, doctrinæ obscuritas. Nec morem illum peperit superstitio: quando videmus Spiritū in narrandis sepulturis non minus diligenter insistere quàm in præcipuis fidei mysteriis. Et Christus officium hoc tanquam non vulgare commendat, non alia certè de causa nisi quia à sepulchri, quod omnia corrumpit & abolet, intuitu in spectaculum renouationis oculos attollit. Præterea tam sedula observatio ceremoniæ quæ laudatur in Patribus, satis comprobatur rarum illis fuisse & pretiosum fidei adminiculum. Neque enim adeò sollicitè curasset Abraham vxoris sepulchrum, nisi religio illi proposita fuisset ante oculos, & utilitas mundo superior, nepe ut mortuum vxoris corpus insignibus resurrectionis exornans, suam & familiæ fidem cōfirmaret. Clarior verò huius rei probatio eminet in exemplo Iacob, qui ut posteris testetur ne morte quidē spem terræ promissæ animo suo excidisse, iubet ossa sua illuc referri. Quæso, si nouo corpore induendus erat, nonne ridiculum dedisset mandatum de puluere in nihilum redigendo: Quare si qua apud nos viget Scri-

pturæ autoritas, nullius doctrinæ clarior vel certior desiderari potest probatio. Hoc ipsum pueris sonant resurrectionis & suscitandi voces. neque enim resurgere dicemus quod nunc primum creatur: nec staret illud Christi, Quicquid dedit mihi Pater non peribit, sed suscitabo illud in nouissimo die. Eodem tendit dormiendi verbum, quod non nisi in corpora competit. Vnde & cœmeteriis nomen impositum. Superest vt de resurrectionis modo aliquid delibem. Hoc verbo vtor: quia Paulus mysterium vocans, ad sobrietatē nos hortatur, & liberius argutiūque philosophādi licentiam frænat. Primò tenendum est quod diximus, nos in eadem quam gestamus carne resurrecturos quoad substantiam: sed qualitatem aliam fore. sicuti quum eadē Christi caro quæ in victimā oblata fuerat, suscitata fuerit, aliis tamen dotibus excelluit acsi alia prorsus foret. Quod Paulus familiaribus exemplis declarat. Nam sicut humanæ & belluinæ carnis eadem est substantia, non qualitas: stelligis omnibus eadem est materia, claritas diuersa: ita quanquam retinebimus substantiam corporis, mutationem fore docet: vt longè præstātior sit conditio. Corpus ergo corruptibile, vt suscitemur, nō peribit nec euanescet: sed induet, deposita corruptione, incorruptionē. Quoniam verò elementa Deus omnia præsto habet ad suum nutum, nulla eum difficultas impedit quominus & terræ & aquis & igni imperet, vt quod videtur ab illis consumptum reddat. Quod etiam, licet non absque figura, Iesaias testatur, Ecce Dominus egredietur de loco suo vt visitet iniquitatem terræ: & terra discooperiet sanguinem suum, & neque teget amplius interfectos suos. Sed notandum est discrimen inter eos qui pridem mortui fuerint, & quos dies ille superstites reperiet. Neque enim omnes dormiemus (teste Paulo) sed omnes immutabimur: hoc est, necesse non erit distātiā temporis inter mortem & initium secundæ vitæ intercedere: quia in puncto temporis & nictu oculi penetrabit clāgor tubæ qui moruos excitet incorruptibiles, & viuos subita mutatione reformet in eandem gloriam. Sic alibi fideles quibus mors obeunda est consolatur: quia non præuenient mortuos qui tunc erunt superstites, quin potius resurgent priores qui dormierūt in Christo. Si quis obiiciat illud Apostoli, statutum esse cunctis mortalibus semel mori: facilis solutio est, vbi mutatur naturæ status, speciem esse mortis, & appositè sic nominari: ac proinde hæc inter se conueniunt, morte renouatum iri omnes dum exuent mortale corpus: non fore tamen necessarium corporis & animæ dissidium, vbi erit subita immutatio.

9 Sed hīc difficilior quæstio exoritur, Quo iure communis sit impiis & à Deo maledictis resurrectio, quæ singulare est Christi beneficium. Scimus omnes in Adam morti fuisse addictos: venit Christus resurrectio & vita: an vt promiscuè totum genus humanū viuificet? Sed quid minus consentaneum quàm eos in obstinata sua cæcitate consequi, quod sola fide recuperant pii Dei cultores? Manet tamen illud fixum, aliam fore iudicii, aliam vitæ resurrectionem, & Christum venturum vt segreget agnos ab hædis. Respōdeo, non debere videri tam insolitum, cuius similitudinem in quotidiano vsu cernimus. Nos totius mundi hæreditate scimus in Adam fuisse priuatos: nec minus æqua ratione ab alimentis communibus nos arceri, quàm ab esu arboris vitæ. Vnde igitur fit vt Deus non solum oriri faciat solem suum super bonos & malos, sed quoad præsentis vitæ vsus, inæstimabilis eius liberalitas larga copia assiduè profluat? Hinc certè cognoscimus, quæ propria sunt Christi & membrorū eius, ad impios quoque exundare: nō vt legitima sit possessio, sed quo magis reddantur inexcusabiles. Sic Deum impii sæpe experiuntur beneficiū, non vulgaribus documentis, sed quæ omnes piorum benedictiones interdum obscurēt, illis tamen cedant in maiorem damnationem. Siquis excipiat, caducis & terrenis beneficiis resurrectionē non aptè cōferri: hic quoque respōdeo, vbi primum alienati sunt à Deo vitæ fonte, Diaboli interitum fuisse promeritos quo prorsus abolerentur: admirabili tamen Dei consilio repertum fuisse medium statum, vt extra vitam in morte viuerent. Nihilo absurdius videri debet, si accidentaliter est impiis resurrectio quæ inuitos trahat ad tribunal Christi, quem nunc audire magistrum & doctorem recusant. Leuis enim esset pœna, morte absumi, nisi pœnas suæ contumaciæ daturi corā iudice sisterentur, cuius in se vindictā sine fine & modo prouocarunt, Cæterum quanquam tenendum quod diximus, & quod celebris illa Pauli confessio apud Felicem continet, se futuram expectare resurrectionem iustorum & impiorum: sapius tamen Scriptura resurrectionem solis Dei filiis vnā cum cælesti gloria proponit: quia non venit propriè Christus in mundi exitium, sed in salutem. Ideo & in symbolo sola fit mentio beatæ vitæ.

10 Quoniam autem tum demum implebitur Prophetia de absorpta per victoriam morte, semper nobis in mentem veniat æterna fœlicitas, resurrectionis finis: de cuius excellentia si omnia dicta fuerint quibus omnium hominum linguæ sufficiant, vix tamen infima e-

ius particula delibata fuerit. Nam utcumque verè audiamus, regnum Dei claritate, gaudio, felicitate, gloria fore refertum: illa tamen quæ nominantur, à sensu nostro remotissima & quasi ænigmatibus inuoluta manent, donec venerit dies ille, quo nobis suam gloriam ipsæ facie ad faciem conspiciendam exhibebit. Scimus nos esse Dei filios (inquit Iohannes) sed nondum apparuit. Vbi autem similes ei erimus, videbimus eum qualis est. Quamobrem Prophetæ, quia spirituales illam beatitudinē in seipsa nullis verbis exprimere poterāt, sub rebus corporeis eam ferè delinearunt. Quia tamen rursus aliquo suauitatis illius gustu accendi in nobis desiderii feruorem oportet, in hoc præcipuè cogitando immoremur, Si Deus bonorum omnium plenitudinē, ceu fons quidam inexhaustus, in se cōtinet: nihil ultra eum expetendum iis qui ad summum bonum & omnes felicitatis numeros contendunt. sicuti pluribus locis docemur. Abraham, ego merces tua magna valde. Cui sententiæ succinit Dauid, Portio mea Iehoua: fors mihi præciue cecidit. Item alibi, Satiabor vultu tuo. Atqui Petrus denuntiat in hoc vocatos fideles ut diuinæ fiant confortes naturæ: Quomodo istud? Quia glorificabitur in omnibus sanctis suis, & admirabilis fiet in iis qui crediderunt. Si Dominus gloriam, virtutem, iustitiam suam cum electis participabit, imò seipsum illis fruendū dabit, & quod præstantius, quodammodo in vnum cum ipsis coalescet: meminerimus sub hoc beneficio omne felicitatis genus contineri. Et quum multum in hac meditatione profecerimus, recognoscamus tamē nos in imis adhuc radicibus subsidere, si mentis nostræ conceptio cum mysterii huius sublimitate cōferatur. Quo nobis in hac parte magis colenda est sobrietas, ne moduli nostri immemores, quo maiore audacia in sublime transuolabimus, fulgor cælestis gloriæ nos obruat. Sentimus etiam uti immodica cupido plusquam fas est sciendi nos titillet, unde subinde & friuolæ & noxiæ questiones scaturiunt. friuolas voco, ex quibus nulla potest elici utilitas. Sed hoc secundum deterius, quod qui sibi in illis indulgent, perniciosas speculationibus sese implicant. quamobrem voco noxias. Quod scripturæ docent, ab omni controuersia exemptum apud nos esse debet: nempe sicuti variè Deus sua dona Sanctis in hoc mundo distribuens eos inæqualiter irradiat, ita non fore æqualem gloriæ modum in cælis, vbi dona sua coronabit Deus. Neque enim competit indifferenter in omnes quod dicit Paulus, Vos estis gloria mea & corona in die Christi. Et illud Christi ad Apostolos, Sedebitis iudicantes duodecim tribus Israel. Sed Paulus (qui sciebat, prout sanctos locupletat Deus spiritualibus donis in terra, ita in cælo gloria decorare) peculiarem sibi coronam pro laborum ratione repositam esse non dubitat. Christus autem, ut Apostolis dignitatem muneris quo præditi erant commendat, fructum eius admonet in cælo esse reconditum. Sic & Daniel, Intelligentes autem fulgebunt ut splendor firmamenti: & iustificantes multos, tãquam stellæ in seculum & in æternum. Ac si quis attentè Scripturas consideret: non modò vitam æternā promittunt fidelibus, sed specialem cuique mercedem. Vnde & illud Pauli, Rependat illi Deus in illa die. Quod promissio Christi confirmat, Centuplum recipietis in vita æterna. Denique sicuti corporis sui gloriā multiplici donorum varietate inchoat Christus in mundo, & amplificat per suos gradus: ita etiam in cælo perficiet.

II Quemadmodum autem hoc vno consensu recipient omnes pii, quia verbo Dei satis testatum est: sic rursus spinosis questionibus, quas sibi obstaculo esse cognoscent, valere iussis, metas sibi propositas non transilient. Quantum ad me spectat, non solum priuatim mihi à superuacua rerum inutilium inuestigatione tempero: sed cauendum mihi arbitror ne aliorum leuitatem respondendo foueam. Sciscitantur vanæ scientiæ ieiuni homines quanta inter Prophetas & Apostolos, rursus inter Apostolos & Martyres futura sit distantia: quot gradibus different à coniugatis virgines: denique nullum cæli angulum ab excutiendo intactum relinquunt. Deinde subit illis in mentem quorsum pertineat oibis reparatio: quando ex tanta & incomparabili copia nullius rei indigerunt filii Dei: sed erunt similes Angelis, quorum inedia æternæ beatitudinis symbolum est. Ego autem respondeo, in ipso aspectu tantam fore amœnitatem, tantam sine vsu suauitatem in sola notitia, ut hæc felicitas omnia quibus nunc iuuamur adminicula lōgè exuperet. Fingamus in opulentissima & vbi nulla nos voluptas deficiat, mundi plaga esse positos: quæ non sui morbi ab vsu beneficiorū Dei subinde impediunt ac prohibent: cui non sua intemperies cursum sæpe abrumpit? Vnde consequitur liquidam & puram ab omni vitio fruitionē, quamuis nullus sit corruptibilis vitæ vsus, felicitatis esse cumulum. Alii se transferunt longius, & quæ runt annō scoria & aliæ corruptelæ in metallis procul à restitutione absint, & ab ea dissideant. Quod ut illis aliquatenus concedā, ex pectō cum Paulo vitiorum reparationē quæ initium sumpserunt à peccato, ad quam genui & parturiant. Longius iterum progre

1. Iohann. 3. a. 2

Gen. 15. a. 2

Psal. 16. b. 6

Psal. 17. d. 15

2. Pet. 1. a. 4

1. Thes. 2. d. 19

Matt. 19. d. 18

Dan. 12. a. 3

2. Tim. 4. b. 14

Matth. 19. c. 29

Rom. 3. d. 12

diuntur, quænam melior conditio maneat genus humanum, quum se bolis benedictio finem tunc sumptura sit. Facilis est illius quoque nodi solutio. Quod tam magnificè eam commendat Scriptura, ad incrementa pertinet quibus Deus assidue naturæ ordinem prouehit ad suam metam: in perfectione verò ipsa aliam rationem esse notum est. Sed quia incautos statim captant illecebræ, & labyrinthus deinde profundius trahit, tandem, ubi sua cuique placita arrident, nullus est concertationis modus: hoc sit nobis viæ cōpendium, contentos esse speculo & ænigmate donec cernemus facie ad faciem. Nam pauci ex ingenti multitudine quæ in calos cundum sit curant: omnes autem quid illic agatur scire ante tempus appetunt. Omnes ferè ad obeundum certamina pigri & lenti, triumphos imaginarios sibi iam depingunt.

- 12 Porro quia diuinæ in reprobos ultionis grauitatem nulla descriptio æquare potest, per res corporeas eorum tormenta & cruciatus nobis figurantur: nempe per tenebras, fletum, & stridorem dentium, ignem inextinguibilem, vermem sine fine cor arrodentem. Talibus enim loquendi modis certum est Spiritum sanctum voluisse sensus omnes horrore conturbare: ut quum dicitur præparatam esse ab æterno gehennam profundam, nutrimenta eius esse ignem & ligna multa: statum Domini, seu torrentem sulphuris, eam succendere. Quibus ut nos adiuuari oportet ad concipiendam vtcunque impiorum miseram sortem: ita nos in eo potissimū defigere cogitationem oportet, quàm sit calamitosum alienari ab omni Dei societate. neque id modò: sed maiestatem Dei ita sentire tibi aduersum, ut effugere nequeas quin ab ipsa virgearis. Nam primum eius indignatio instar ignis est violentissimi, cuius actu omnia deuorentur & absorbeantur. Deinde illi ad exercendū iudicium sic seruiunt omnes creaturæ, ut calum, terram, mare, animalia, & quicquid est, velut dira indignatione aduersum se inflammata & in perniciem suam armata sensuri sint: quibus iram suam ita Dominus palam faciet. Quare nō vulgare aliquid pronūtiavit Apostolus, quū dicit infideles daturos pœnas interitu æternas à facie Domini, & à gloria virtutis eius. Et quoties metū corporeis figuris incutiunt Prophetæ, quanuis nihil pro tarditate nostra hyperbolicū offerant, præludia tamen admiscant futuri iudicii in sole & luna totòque mundi opificio. Quare nullā requiem inueniunt infelices conscientiæ, quin diro turbine vexentur ac dissipentur, quin ab infesto Deo se discipi sentiant, & cōfixa mortiferis aculeis lancinentur, quin ad Dei fulmen expauescāt, & conterantur onere manus eius: ut abyssos & voragines quaslibet subire leuius sit quàm in illis terroribus stare ad momentum. quale hoc & quantum est, æterna & nusquam desitura illius obsidione viget. Quare Psalmus nonagesimus continet memorabilem sententiā. quanuis solo aspectu cunctos mortales dissipet ac in nihilū redigat, cultores tamen suos, quo magis sunt timidi in hoc mundo, virgè, ut cruce oneratos ad properandum incitet, donec sit ipse omnia in omnibus.

Matth. 8. b. 12,
& 22. b. 13
Ibidem, 3. c. 12
Marc. 9. g. 43
Iesa. 66. g. 24
Iese. 30. b. 33

1. Thess. 1. c. 9

INSTITVTIONIS CHRIS- tianæ religionis Lib. IIII.

DE EXTERNIS MEDIIS VEL AD- miniculis, quibus Deus in Christi societatem nos inuitat, & in ea retinet.

De vera Ecclesia, cum qua nobis colenda est vnitas: quia piorum o-
mnium mater est. C A P. I.

Ephes. 4. c. 11



IDE Euangelii Christum fieri nostrum, & allatæ ab eo salu-
tis æternæque beatitudinis nos fieri participes, proximo li-
bro expositum fuit. Quia autem ruditas nostra & segnitias (ad-
do etiam ingenii vanitatem) externis subsidiis indigent, qui-
bus fides in nobis & gignatur & augeatur, & suos faciat pro-
gressus usque ad metam: ea quoque Deus addidit, quo infir-
mitati nostræ consuleret. atque ut vigeret Euangelii prædi-
catio, thesaurum hunc apud Ecclesiam deposuit. Pastores insti-
tuit ac doctores, quorum ore suos doceret: eos autoritate in-
struxit. nihil denique omisit quod ad sanctum fidei consen-
sum & rectum ordinem faceret. In primis sacramenta insti-

tuit, quæ nos experimento sentimus plusquam vtilia esse adiumenta ad fouendam & con-
firmadam fidem. Nam quia erga stultum carnalis nostræ inclusi ad gradum Angelicum non-
dum peruenimus, Deus se ad captum nostrum accommodans, pro admirabili sua prouidē-
tia modum præscripsit quo procul disiuncti ad eum accederemus. Quare postulat docen-
di ratio ut nunc de Ecclesia eiusque regimine, ordinibus, potestate, item de sacramentis tra-
ctemus, & postremò de politico etiam ordine: ac simul pios lectores reuocemus à coriup-
telis quibus Satan in Papatu adulterauit quæcunque Deus in salutem nostram destinaue-
rat. Incipiam autem ab Ecclesia: in cuius sinum aggregari vult Deus filios suos, non modò ut
eius opera & ministerio alantur quâdiu infantes sunt ac pueri, sed cura etiâ materna regan-
tur donec adoleascant, ac tandem perueniant ad fidei metam. Hac enim quæ Deus coniunxit sepa-
rari fas non est, ut quibus ipse est Pater, Ecclesia etiâ mater sit: neque id sub Lege modò, sed et-
iâ post Christi aduentum, teste Paulo, qui nouæ & cælestis Hierosolymæ nos esse filios docet.

Marc. 10 b. 9

Galat. 4. d. 26

2

In Symbolo, ubi profiteamur nos credere Ecclesiam, id non solum ad visibilem, de qua
nunc agimus, refertur, sed ad omnes quoque electos Dei, in quorum numero comprehen-
duntur etiam qui morte defuncti sunt. Ideo & credendi verbum ponitur: quia nullum sæ-
pe discrimen inter filios Dei & profanos, inter proprium eius gregem & fera animalia no-
tari potest. Nam quod particula **I**N à multis interponitur, probabili ratione caret. Fateor
quidem esse vsitatum, & vetustatis etiam suffragio non destitutum: quando & symbolum Ni-
cennum, qualiter in Ecclesiastica historia recitatur, præpositionem addit. Simul tamen ex
scriptis veterum animaduertere licet, fuisse olim citra controuersiam receptum ut diceret
se Ecclesiâ credere, non in Ecclesiam. Non enim sic modò loquuntur Augustinus & quis-
quis ille est vetustus scriptor cuius opusculum extat sub nomine Cypriani, de symboli ex-
positione: sed disertè quoque annotant loquutionem fore impropriad si præpositio atte-
xatur: ac suam sententiam ratione non friuola confirmant. Ideo enim credere in Deum
nos testamur, quod & in ipsum ut veracem animus noster se reclinat, & fiducia nostra in i-
pso acquiescit. quod in Ecclesiam non ita conueniret, quemadmodum nec In remissionem
peccatorum, aut carnis resurrectionem. Itaque tametsi nolim de verbis litigare, malim ta-
men loquendi proprietatem sequi, quæ aptior sit rei exprimendæ: quàm formulas affecta-
re quibus res sine causa obscuratur. Finis autem est, ut sciamus, quâuis ad diruendam Christi
gratiâ omnes lapides moueat Diabolus, & eodè etiam ferantur vesano impetu Dei hostes:
non posse tamen extinguì, nec sterilem posse reddi Christi sanguinem, quin fructum ali-
quem producat. Ita & arcana electio Dei & interior vocatio spectanda est: quia solus nouit

qui sui sint, & sub signaculo (vt loquitur Paulus) inclusos tenet: nisi quòd insignia eius ge- Ephes. 1. c. 13
stant, quibus dignoscantur à reprobis. Sed quia exiguus numerus & contèptibilis latet sub
ingenti turba, & grana tritici pauca teguntur palea cògerie, soli Deo permittèda est cogni-
tio suæ Ecclesiæ, cuius fundamentum est arcana illius electio. Nec verò satis est electorū tur-
bam cogitatione animoque complecti, nisi talem Ecclesiæ vnitatem cogitemus in quam
nos esse insitos verè simus persuasi. Nisi enim sub capite nostro Christo coadunati simus re-
liquis omnibus mèbris, nulla nos manet spes hæreditatis futuræ. Ideo catholica dicitur;
seu vniuersalis: quia non duas aut tres inuenire liceat quin discerpatur Christus: quod fie-
ri non potest. Quin sic electi Dei omnes in Christo sunt connexi, vt quemadmodum ab v-
no capite pendent, ita in vnum velut corpus coalescant, ea inter se compage cohærentes
qua eiusdem corporis membra: verè vnum facti, qui vna fide, spe, charitate, eodè Dei Spiri-
tu simul viuunt, non in eandem modò vitæ æternæ hæreditatem, sed in vnius Dei ac Chri-
sti participationem etiam vocati. Quauis ergo tristis vastitas, quæ nobis vndique occur-
rit, nihil Ecclesiæ residuum esse clamer, sciamus fructuosam esse Christi mortem, Deum-
que mirabiliter Ecclesiam suam quasi in latebris seruare. Sicuti Eliæ dictum est, Seruauim 1. Reg. 19. d. 18
mihi septem millia virorum qui non flexerunt genu coram Baal.

3 Quamquam articulus symboli ad externam quoque Ecclesiam aliquatenus pertinet,
vt se quisque nostrum in fraterno consensu cum omnibus Dei filiis contineat: Ecclesiæ de-
ferat quam meretur auctoritatem. denique se ita gerat vt ouis ex grege. Atque ideo adiun-
gitur sanctorum communicatio. quæ particula licet à veteribus ferè prætèmissa sit, non
tamen negligenda est: quia Ecclesiæ qualitem optimè exprimit. quasi dictum esset hac le-
ge aggregari sanctos in societatem Christi, vt quæcunque in eos beneficia Deus còfert, in-
ter se mutuo communicent. Quo tamen non tollitur gratiarum diuersitas: sicuti scimus
variè distribui Spiritus dona: neque etiam conuellitur ordo politicus, quo suas vnicuique
facultates priuatim possidere licet, vt necesse est, pacis inter homines conseruandæ causâ,
rerum dominia inter ipsos propria & distincta esse. Sed asseritur communitas qualem Lu-
cas describit, quòd multitudinis credentiū esset cor vnum & anima vna: & Paulus, quum Act. 4. f. 32
hortatur Ephesios vt sint vnū corpus, vnus spiritus, sicuti vocati sunt in vna spe. Neque e- Ephes. 4. a. 4
nim fieri potest, si verè persuasi sint Deum còmunem sibi omnibus patrem esse, & Christum
commune caput, quin fraterno inter se amore coniuncti, vltro citroque sua còmunicent.
Iam plurimum nostra interest scire quis inde ad nos fructus redeat. Hac enim lege credi-
mus Ecclesiam, vt certò persuasi simus nos esse eius mèbra. Hoc enim modo nititur salus
nostra certis solidisque fulcris, vt etiam si tota orbis machina labefactetur, corruere ipsa
& concidere nequeat. Primum stat cum Dei electione, nec nisi cum æterna illius prouiden-
tia variare aut deficere potest. Deinde quodammodo coniuncta est cum firmitudine Chri-
sti: qui non magis patietur à se diuelli suos fideles, quàm membra sua discerpi ac dilania-
ri. Accedit quòd veritatem, dum in Ecclesiæ sinu continemur, semper nobis constaturam
securi sumus. Postremò quòd promissiones istas sentimus ad nos pertinere, Salus erit in Ioel. 2. g. 32
Sion: Deus in æternum commorabitur in medio Ierusalem, ne vnquam còmoueatur. Tã Abd. f. 17
tum potest Ecclesiæ participatio vt nos in Dei societate contineat. In ipso quoque nomine Psalm. 46. a. 6
communione plurimum est consolationis: quòd dum ad nos pertinere fixum est quic-
quid membris suis ac nostris largitur Dominus, omnibus eorum bonis spes nostra confir-
matur. Cæterum ad amplexandam eo modo Ecclesiæ vnitatem, nihil (vt diximus) opus
est Ecclesiam ipsam oculis cernere, vel manibus palpare: quin potius eo quòd in fide sita
est, admonemur nihilo minus cogitandâ esse, dum intelligetiam nostram præterit, quàm
si palàm appareat. Neque ideo deterior est fides nostra quòd incognitam apprehendit:
quãdo hinc non iubemur reprobos ab electis discernere (quod Dei est solius non nostrum)
sed certò statuere in animis nostris, omnes eos qui Dei Patris clemetia per Spiritus sancti
efficaciam in Christi participationem venerunt, in Dei peculium ac propriam possessio-
nem segregatos, ac, quum simus in eorum numero, tantæ gratiæ nos esse consortes.

4 Verum quia nunc de visibili Ecclesia differere propositum est, discamus vel vno ma-
tris elogio quàm utilis sit nobis eius cognitio, imò necessaria: quando non alius est in vitâ
ingressus nisi nos ipsa còcipiat in vtero, nisi pariat, nisi nos alat suis vberibus, denique sub
custodia & gubernatione sua nos tueatur, donec exuti carne mortali, similes erimus Ange Matt. 21. c. 30
lis. Neque enim patitur nostra infirmitas à schola nos dimitti donec toto vitæ cursu disci-
puli fuerimus. Adde quòd extra eius gremium nulla est speranda peccatorum remissio, nec
vlla salus, teste Iesaja & Ioel. quibus subscribit Ezechiel, quum denuntiat in catalogo po- Iesaja. 37. f. 32
puli Dei non fore quos à cælesti vita abdicat. Sicuti ex opposito dicuntur nomen suum in- Ioel. 2. g. 32
- Ezech. 13. a. 9

- scribere inter ciues Hierosolymæ, qui se ad veræ pietatis cultum conuertunt. Qua ratione
 Psal. 106. a. 4 & alio Psalmo dicitur, Memento mei Iehoua in beneplacito populi tui: visita me in salute
 tua, vt videam beneficentiam electorum tuorum, læter in lætitia gentis tuæ, gaudeam cum
 hæreditate tua. Quibus verbis paternus Dei fauor & peculiare spiritualis vitæ testimoniū
 ad gregem eius restringitur: vt semper exitialis sit ab Ecclesia discessio.
- 5
 Ephes. 4. c. 11 Cæterum quod huius loci proprium est exequi pergamus. Scribit Paulus Christum,
 vt impleret omnia, dedisse alios quidem Apostolos, alios verò Prophetas, alios autem Euā-
 gelistas, alios autē pastores ac doctores, ad instaurationem sanctorum in opus administra-
 tionis, in ædificationem corporis Christi: donec perueniamus omnes in vnitatem fidei &
 agnitionis filii Dei, in virum perfectum, in mensuram ætatis plenè adultæ Christi. Vi-
 demus vt Deus, qui posset momento suos perficere, nolit tamen eos adolescere in virilem
 ætatem nisi educatione Ecclesiæ. Videmus modum exprimi: quia pastoribus iniuncta est
 cælestis doctrinæ prædicatio. Videmus omnes ad vnum cogi in eundem ordinem, vt man-
 sueto & docili spiritu regendos se doctoribus in hunc vsum creatis permittant. Et hac nota
 Iesa. 59. d. 21 pridem regnum Christi insignierat Iesaias, Spiritus meus qui in te est, & verba quæ posui
 in ore tuo, nunquam discedēt neque ex ore tuo, neque ex ore seminis tui & nepotum. Vnde
 sequitur dignos esse qui fame & inedia pereant, quicunque spiritualem animæ cibum di-
 uinitus sibi per manus Ecclesiæ porrectum respuunt. Fidem nobis Deus inspirat, sed Euan-
 gelii sui organo. sicuti admonet Paulus fidem esse ex auditu. Sicuti etiam penes Deum
 Rom. 10. c. 17 sua residet potentia ad seruandum: sed eam in Euangelij prædicatione (eodem Paulo teste)
 depromit atque explicat. Hoc consilio voluit olim sacros haberi conuentus ad sanctua-
 rium, vt fidei consensum aleret doctrina per os sacerdotis prolata. Nec aliò spectant ma-
 gnifici illi tituli, vbi templum vocatur requies Dei, sanctuariū eius domicilium, vbi dici-
 tur sedere inter Cherubim: quàm vt pretium, amorem, reuerentiam ac dignitatem cælestis
 Psal. 132. d. 14 doctrinæ ministerio concilient: quibus alioqui non parum derogaret mortalis & contem-
 Psal. 80. a. 1 pti hominis aspectus. Ergo vt sciamus ex vasis testaceis nobis proferri inæstimabile thesau-
 2. Cor. 4. b. 7 rū, Deus ipse in mediū prodit, & quatenus huius ordinis author est, vult se præsentē in sua
 Leuit. 19. f. 31 institutione agnosci. Itaque postquā auguriis, diuinationibus, artibus magicis, necroman-
 tiæ aliisque superstitionibus suos vetuit dare operā, subiicit se daturū quod pro omnibus
 sufficere debeat, nempe Prophetis nūquam destitutū iri. Sicuti autem veterē populum non
 ablegauit ad Angelos, sed doctores excitauit è terra, qui verè præstarēt munus Angelicum:
 ita & nos hodie humanitus vult docere. Ac sicut olim non contētus fuit sola Lege, sed sacer-
 dotes addidit interpretes, ex quorū labiis populus inquireret verum illus sensum: ita hodie
 non tantū vult nos esse lectioni attentos, sed magistros etiam præficit quorum opera ad-
 iuuemur. Cuius rei duplex est vtilitas. nam ab vna parte optimo examine obedientiā no-
 strā probat, vbi eius ministros, nō secus atque ipsum, loquētes audimus: ex opposito etiam
 nostræ infirmitati consulit, dum per interpretes humano more nos mauult alloqui, vt ad
 se alliciat, quàm tonādo à se abigere. Et certè quàm nobis expediat hæc familiaris docēdi
 ratio, sentiunt omnes pii ex formidine qua meritò illos consternat Dei maiestas. Quibus
 autem videtur ex hominum, qui ad docendum vocati sunt, contemptu exinaniri doctrinæ
 authoritas, hi ingratitude suam produnt: quia inter tot præclaras dotes quibus orna-
 uit Deus humanum genus, hæc prærogatiua singularis est, quòd dignatur ora & linguas
 hominum sibi consecrare, vt in illis sua vox personet. Quare ne vicissim & nos obediēter
 amplecti pigeat salutis doctrinam eius mandato & ore propositam: quia etsi externis me-
 diis alligata non est Dei virtus, nos tamen ordinario docendi modo alligauit: quem dum
 recusant tenere fanatici homines, multis se exitialibus laqueis inuoluunt. Multos impel-
 lit vel superbia, vel fastidium, vel æmulatio, vt sibi persuadeant priuatim legendo & medi-
 tando se posse satis proficere, atque ita contemnāt publicos coetus, & prædicationem super-
 uacuam ducant. Quoniam autem factum vnitatis vinculum quantum in se est soluunt
 vel abrumpunt: nemo iustam impii huius diuortii pœnam effugit quin se pestiferis erro-
 ribus ac teterrimis deliriis fascinet. Quare vt vigeat apud nos pura fidei simplicitas, ne vti
 grauemur hoc pietatis exercitio, quod Deus nobis sua institutione monstrauit esse necessa-
 rium, & tantopere commēdat. Deo qui aures diceret claudēdas esse nemo vnquam vel ex-
 petulantissimis canibus inuentus est: sed omnibus seculis difficile fuit certamen Prophetis
 & piis doctoribus contra impios, quorum peruicacia nunquam iugum hoc subire potest
 vt ore & ministerio hominum doceātur. Quod perinde est ac Dei faciem, quæ nobis in do-
 Psal. 105. a. 4 ctrina affulget, delere. Neque enim fideles olim alia de causā faciem Dei in sanctuario
 quærere iussi sunt, idque toties repetitur in Lege, nisi quia Legis doctrina & Propheticæ ex-
 1. Cor. 3. b. 6 hortationes erant illis viuæ Dei imago. sicuti Paulus in sua prædicatione lucere asserit glo-

riam Dei in facie Christi. Quo magis detestabiles sunt apostatae, qui scindendis Ecclesiis inhiant, perinde ac si oues abigerent à caulis, ac proiiceret in fauces luporum. Nobis verò quod ex Paulo citauimus tenendum est, Ecclesiam non aliter aedificari quam externa praedicatione, nec alio vinculo inter se retineri sanctos, nisi dū vno consensu discendo & proficiendo ordinem Ecclesiae à Deo praescriptū colunt. In hunc praecipue finem, vt dixi, iussi sunt olim fideles sub Lege confluere ad sanctuarium: quia dum Moyses de habitaculo Dei loquitur, simul locum nominis appellat vbi Deus memoriam nominis sui posuit. Quo aperte docet nullum sine pietatis doctrina esse illius vsum. Nec dubium est quin eadē etiam ratione Dauid ingenti spiritus amaritudine queratur se tyrannica hostium sauitia prohiberi tabernaculi ingressu. Multis ferē videtur puerilis lamentatio, quod minimum iactura fieret, non multum etiam voluptatis periret carere templi atrio, modò suppeterent aliae deliciae. Hac tamen vna molestia, anxietate & moestitia se vri & cruciari & propē absumi deplorat: nempe quod fidelibus nihil pluris est hoc adminiculo, quo Deus suos gradatim in sublime attollit. Nam & hoc notandum est, Deum in speculo suae doctrinae ita semper se ostendisse sanctis Patribus, vt spiritualis esset cognitio. Vnde & templū non modò facies eius, sed (omnis superstitionis tollēda causa) scabellum pedum vocatur. Atque hic est foelix ille occurfus in vnitatem fidei, dum à summo vsque ad infimū omnes ad caput adspirant. Quicquid templorum alio consilio aedificarunt Deo Gentes, mera fuit cultus eius profanatio: ad quam etsi non pari crassitie, aliquatenus tamen prolapsi sunt Iudaei. quod illis ex ore Iesaiæ Stephanus exprobrat, Deum scilicet non habitare in templis manufactis, &c. Quia solus Deus templa sibi suo sermone in legitimum vsum sanctificat. Et siquid temere tentamus eius iniussu, protinus malo principio adhærescunt aduentitia figmenta, quibus malum sine modo propagatur. Inconsideratē tamen Xerxes, dum consilio magorum omnia Graeciae templa exussit, vel diruit: quod absurdum putaret deos, quibus omnia liberē patere debent, parietibus & tegulis includi. Quasi verò non sit in Dei potestate, vt nobis propinquus sit, quodammodo ad nos descendere: & tamen neque mutare locum, neque nos affigere terrenis mediis: sed potius vehiculis quibusda nos sursum efferre ad caelestem suam gloriam, quae sua immensitate omnia replet, tum verò caelos altitudine superat.

Exod. 10. d. 14

Psal. 84. a. 1

Psal. 132. b. 7

Psal. 99. a. 5

1. Paral. 18. a. 3

Act. 7. f. 48

6 Porro quia hoc tēpore magna fuit concertatio de efficacia ministerii, dum eius dignitatē hyperbolicē amplificanti alii, alii cōtendunt perperā transferri ad hominē mortalem quod proprium est Spiritus, si ministros & doctores censemus penetrare ad mētes & corda, vt tam illatum caecitatem quā horum duritiem corrigant: recta huius controuersiae definitio tradenda est. Quod vtrinque disceptant, nullo negotio facillē transigetur, locos disertē obseruando, vbi Deus author praedicationis Spiritum suum cum ea cōiungens, fructum inde promittit. vel rursus vbi se ab externis subsidiis separans, tam initia fidei quā totum curium sibi vni vendicat. Officium secundi Eliæ fuit, teste Malachia, illuminare mentes, & conuētere corda patrum ad filios, & incredulos ad prudentiam iustorum. Christus se Apostolos mittere pronuntiat, vt fructum afferant ex labore suo. quis autē sit fructus ille, breuiter definit Petrus nos, regni dicens semine incorruptibili. Itaque gloriatur Paulus se per Euangelium genuisse Corinthios, eosque apostolatus sui sigillū esse: imò se nō esse literalem ministrum, qui tantum sonitu vocis aures percusserit, sed datam sibi efficaciam Spiritus, ne inutilis sit doctrina. Quo sensu etiam alibi Euangelium suum fuisse negat tantum in sermone, sed in virtute. Afirmat etiam Galatas ex auditu fidei Spiritum accepisse. Denique pluribus locis non modò se cooperariū Dei facit, sed partes sibi assignat cōferendae salutis. Hæc certē omnia nunquā eo protulit vt vel tantillū sibi seorsum à Deo tribueret. sicuti breuiter alibi exponit, Labor noster non fuit inutilis in Domino secundum potentiam eius potenter in me efficacem. Item alibi, Qui efficax fuit in Petro erga Circumcisionem, in me etiam efficax fuit apud Gentes. Caterum quā nihil separatim ministris residuū faciat, ex aliis locis patet, Qui plantat nihil est, & qui rigat nihil est: sed Deus qui dat incrementum. Item, Plus omnibus laboraui: non ego, sed gratia Dei quae mihi aderat. Et certē retinere sententias illas oportet, vbi Deus sibi ascribens mentis illuminationem & renouationem cordis, sacrilegium esse admonet siquam vtriusque partē homo sibi arrogat. Interim si ministris, quos Deus praeficit, se quisque docilē offerat, ex fructu cognoscat non frustra placuisse Deo hūc docendi modum, nec frustra etiam fidelibus iugum hoc modestiae impositum esse.

Malach. 4. a. 6

Iohan. 15. c. 16

1. Pet. 1. i. d. 23

1. Cor. 4. c. 15

1. Cor. 9. a. 2

1. Cor. 3. b. 6

1. Cor. 12. a. 4

Galat. 3. a. 2

1. Cor. 3. b. 9

1. Thess. 3. b. 5

Galat. 2. b. 8

1. Cor. 3. b. 7

7 Enimvero de Ecclesia visibili, & quae sub cognitionē nostram cadit, quale iudicium facere cōueniat, ex superioribus iam liquere existimo. Diximus enim bifariam de Ecclesia sacras literas loqui. Interdum quum Ecclesiam nominant, eam intelligunt quae re ve-

ra est coram Deo, in quam nulli recipiuntur nisi qui & adoptionis gratia filii Dei sunt, & Spiritus sanctificatione, vera Christi membra. Ac tunc quidem non tantum sanctos qui in terra habitant comprehendit, sed electos omnes qui ab origine mundi fuerunt. Sæpe autem Ecclesiæ nomine vniuersam hominum multitudinem in orbe diffusam designat, quæ vnum se Deum & Christum colere profitetur: Baptismo initiatur in eius fidem: Cœnæ participatione vnitatem in vera doctrina & charitate testatur: consensionem habet in verbo Domini, atque ad eius prædicationem ministerium cōseruat à Christo institutum. In hac autem plurimi sunt permixti hypocritæ, qui nihil Christi habent præter titulum & speciem: plurimi ambitiosi, auari, inuidi, maledici, aliqui impurius vitæ, qui ad tempus tolerantur: vel quia legitimo iudicio conuinci nequeunt, vel quia non semper ea viget disciplinæ seueritas quæ debebat. Quemadmodum ergo nobis inuisibilem, solius Dei oculis cōspiciuam Ecclesiam credere necesse est, ita hæc, quæ respectu hominum Ecclesia dicitur, obseruare eiúsque communionem colere iubemur.

8 Proinde, quatenus eam agnoscere nostra intererat, Dominus certis notis & quasi sym-
 1. Tim. 2. c. 19 bolis nobis designauit. Hæc quidē singularis est Dei ipsius prærogatiua, nosse qui sui sint, vt supra citauimus ex Paulo. Et certē ne hominum temeritas eò se proriperet prouisum est, ipso quotidie euentu admonēte quàm longè sensum nostrum superent arcana illius iudicia. Nam & qui perditissimi videbantur, planēque deplorati fuerāt, eius bonitate in viam reuocantur: & qui præ aliis stare videbantur, sæpe corruunt. Itaque, secundum occultam Dei prædestinationē (vt inquit Augustinus) plurimæ sunt foris oues, plurimi lupi intus. Nouit enim ac signatos habet qui nec eum nec se norūt. Ex iis autem qui palàm eius ferūt signum, ipsius vnius oculi vident qui & sine fictione sancti sint, & in finem vsque perseueraturi: quod demum est salutis caput. Rursum tamē, quia aliquatenus expedire prouidebat vt sciremus qui nobis habendi pro ipsius filiis essent, hac in parte se captui nostro accommodauit. Et quoniam fidei certitudo necessaria non erat, quoddam charitatis iudicium eius loco substituit: quo pro Ecclesiæ membris agnoscamus qui & fidei confessione, & vitæ exemplo, & sacramentorum participatione eundem nobiscum Deum ac Christum profiteantur. Ipsius autem corporis notitiam quo magis salutis nostræ necessariam esse nouerat, eo certioribus notis commendauit.

9 Hinc nascitur nobis & emergit conspicua oculis nostris Ecclesiæ facies. Vbi enim cū-
 Mat. 18. c. 10 que Dei verbum syncerè prædicari atque audiri, vbi sacramenta ex Christi instituto administrari videmus, illic aliquam esse Dei Ecclesiam nullo modo ambigendum est: quando eius promissio fallere non potest, Vbicunque duo aut tres cōgregati fuerint in nomine meo, ibi in medio eorum sum. Sed vt summam huius rei liquidò teneamus, his veluti gradibus progrediendum est: Ecclesiam vniuersalem, esse collectam ex quibuscūque gentibus multitudinem, quæ interuallis locorum dissita & dispersa, in vnā tamen diuinæ doctrinæ veritatē cōsentit, & eiisdē religionis vinculo colligata est. Sub hac ita comprehendī singulas Ecclesias, quæ oppidatim & vicatim pro necessitatis humanæ ratione dispositæ sunt, vt vnaquæque nomen & auctoritatem Ecclesiæ, iure obtineat. singulos homines, qui pietatis professione inter Ecclesias eiusmodi censentur, etiam si ab Ecclesia sint reuera extranei, ad ipsam tamen quodammodo pertinere, donec publico iudicio exterminati fuerint. Quamquā paulò diuersa est in priuatis hominibus atque in Ecclesiis aestimādis ratio. Vñ enim venire potest vt quos non omnino putabimus dignos esse piorum consortio, tractare tamē instar fratrum, & fidelium loco habere debeamus, propter cōmunem Ecclesiæ consensum, quo feruntur & tolerantur in Christi corpore. Tales suffragio nostro non approbamus esse Ecclesiæ membra: sed quem in populo Dei locum tenent, illis relinquimus, donec legitimo iure adimatur. At de ipsa multitudine aliter sentiēdum est: quæ si ministerium habet verbi, & honorat, si sacramentorū administrationem: Ecclesia proculdubio haberi & censerī meretur: quia sine fructu illa non esse certum est. Ita & Ecclesiæ vniuersali suam seruamus vnitatem, quam dissecare semper studuerunt diabolici spiritus: nec conuentus legitimos, qui pro locorum opportunitate distributi sunt, sua auctoritate fraudamus.

20 Symbola Ecclesiæ dignoscendæ, verbi prædicationem, sacramentorūque obseruationem posuimus. Nam hæc nusquā esse possunt quin fructificēt, & Dei benedictione prosperentur. Non dico, ubicunque prædicatur verbum, illic fructum mox exoriri: sed nulli recipi & statā habere sedem, nisi vt suam efficaciam proferat. Vtunque, vbi reuerenter auditur Euangelii prædicatio, neque sacramenta negliguntur, illic pro eo tempore neque fallax neque ambigua Ecclesiæ apparet facies: cuius vel auctoritatē spernere, vel monita respuere, vel consiliis refragari, vel castigationes ludere, nemini impune licet: multo

minus ab ea deficere, ac eius abrumperet unitatem. Tanti enim Ecclesiæ suæ communionem facit Dominus, ut pro transfuga & desertore religionis habeat, quicumque se à qualibet Christiana societate, quæ modo verum verbi ac sacramentorum ministerium colat, contumaciter alienarit. Sic eius auctoritatem commendat, ut dum illa violatur, suam ipsius imminutam censeat. Neque enim parui momenti est, quod vocatur columna & firmamentum veritatis, & domus Dei. Quibus verbis significat Paulus, ne intercيدات veritas Dei in mundo, Ecclesiam esse fidam eius custodem: quia eius ministerio & opera voluit Deus puram verbi sui prædicationem conseruari, & se nobis ostendere patrem familias, dum nos Spiritualibus alimentis pascit, & quæcunque ad salutem nostram faciunt procurat. Non vulgaris etiam laus, quod electa segregatæque dicitur à Christo in sponsam, quæ esset sine ruga & macula, corpus & plenitudo eius. Vnde sequitur, discessionem ab Ecclesia, Dei & Christi abnegationem esse: quo magis à tam scelerato dissidio cauendum est: quia dum veritatis Dei ruinam, quantum in nobis est, molimur, digni sumus ad quos conterendos toto iræ suæ impetu fulminet. Nec vllum atrocius fingi crimen potest, quam sacrilega perfidia violare coniugium quod nobiscum vnigenitus Dei filius contrahere dignatus est.

1.Tim.3.d.15

Ephel.5.f.27

Ephel.1.d.23

11 Quare notas illas diligenter animis impressas teneamus, & pro Domini arbitrio æsthemus. Nihil est enim quod magis Satan molietur quam istorum alterutrum vel vtrunque tollere & abolere: nunc ut notis istis abolitis & deletis, veram germanamque tollat Ecclesiæ distinctionem: nunc ut iniecto earum contemptu, manifesta defectione nos ab Ecclesia abripiat. Eius arte factum est ut pura verbi prædicatio aliquot seculis euauerit: & nunc eadem improbitate incumbit ad labefactandū ministerium: quod tamen sic in Ecclesia Christus ordinauit, ut illo sublato, huius ædificatio pereat. Iam verò quàm periculosa, imò quàm exitialis tentatio est, vbi vel in mentem venit discessionē facere ab ea congregatione in qua signa conspiciuntur, ac tessera quibus sufficienter Ecclesiam descriptā Dominus putauit? Videmus quanta vtrunque adhibenda sit cautio. Nam ne sub Ecclesiæ titulo impostura nobis fiat, ad illam probationem, ceu ad Lydium lapidem, exigenda est omnis congregatio quæ Ecclesiæ nomen obtendit. Si ordinem habet in verbo & sacramentis à Domino commendatum, non fallit: securè illi honorem Ecclesiis debitum deferamus. rursus verò si absque verbo & sacramentis se venditat, à talibus præstigiis non minus religiosè cauendum, quàm in altera parte temeritas superbiæque fugienda.

12 Quod dicimus purum verbi ministerium & purum in celebrandis sacramentis ritū, idoneum esse pignus & arrhabonem, ut tutò possimus societatem in qua vtrūque extiterit, pro Ecclesia amplexari, vsque eò valet ut nusquam abiicienda sit quandiu in illis persiste- rit, etiam si multis alioqui vitiis scateat. Quinetiā poterit vel in doctrinæ vel in sacramentorum administratione vitii quidpiam obrepere, quod alienare nos ab eius cōmunionē non debeat. Non enim vnus sunt formæ omnia veræ doctrinæ capita. Sunt quædam ita necessaria cognitu ut fixa esse & indubitata omnibus oporteat, ceu propria religionis placita. qualia sunt, Vnum esse Deum: Christum Deum esse, ac Dei Filium: In Dei misericordia salutem nobis consistere, & similia. Sunt alia, quæ inter Ecclesias controuersa, fidei tamen unitatem non dirimant. Quæ enim ob hoc vnum Ecclesiæ dissideant, si altera citra contentionis libidinem, citra peruicaciam asserendi, animas à corporibus demigrantes in cælum conuolare putet: altera nihil ausit definire de loco, cæterum viuere tamen Domino certò statuatur? Verba sunt Apostoli, Quicumque perfecti sumus, idem sentiamus: siquid aliter sapitis, hoc quoque vobis Dominus reuelabit. Annon satis indicat, dissensionem de rebus istis non ita necessariis, dissidii materiam esse non debere inter Christianos? Primum quidem est ut per omnia consentiamus: sed quoniam nemo est qui non aliqua ignorantia nubecula obuolutus sit: aut nullam relinquamus Ecclesiam oportet, aut hallucinationem cōdonemus in iis rebus, quæ & inuiolata religionis summa & citra salutis iacturam ignorari possint. Hic autem patrocinari erroribus vel minutissimis nolim, ut blandiendo & conuiuendo censeam fouendos: sed dico, non temere ob quaslibet dissensionculas deferendam nobis Ecclesiam, in qua duntaxat ea salua & illibata doctrina retineatur qua constat incolumitas pietatis, & sacramentorum vsus à Domino institutus custodiatur. Interim si nitimur emendare quod displicet, facimus id ex officio nostro. Et huc pertinet illud Pauli, Si melius quid sedenti reuelatum fuerit, prior taceat. Vnde constat singulis Ecclesiæ membris demandatum publicæ ædificationis studium pro mensura gratiæ suæ, modò decen- ter & secundum ordinem: hoc est, ne vel Ecclesiæ communionem renuntiemus, vel in ea permanentes pacem & disciplinam rite compositam turbemus.

Philip.3.c.19

1.Cor.14.f.30

13 In vitæ autem imperfectione toleranda multò longius procedere indulgentia nostra debet. hîc enim valde lubricus est lapsus: neque vulgaribus machinamentis hîc Satan nobis insidiatur. Fuerunt enim semper qui falsa absolutæ sanctimonix persuasione imbuti, tanquam aerii quidam dæmones iam facti essent, omnium hominum consortium aspernarentur, in quibus humanum adhuc aliquid subesse cernerent. Tales olim erant Cathari, & (qui ad eorum vesaniam accedebant) Donatistæ. Tales hodie sunt ex Anabaptistis nonnulli, qui supra alios volunt videri profecisse. Alii sunt qui inconsiderato magis iustitiæ zelo quàm insana illa superbia peccant. Dum enim apud eos quibus Euangelium annuntiat, eius doctrinæ non respondere vitæ fructum vident, nullam illic esse Ecclesiam statim iudicant. Iustissima quidè est offensio, & cui plus satis occasionis hoc miserrimo sæculo præbemus. nec excusare licet maledictâ nostram ignauiam, quam Dominus impunitam non sinet: vt iam grauib. flagellis castigare incipit. Væ ergo nobis, qui tam dissoluta flagitiorum licentia committimus vt propter nos vulnerentur imbecilles conscientix. Sed in hoc vicissim peccant illi quos diximus, quòd offensionis suæ modum statuere nesciunt. Nam vbi Dominus clemētiam exigit, omiſsa illa, totos se immoderatæ seueritati tradūt. Quia enim non putant esse Ecclesiam vbi non est solida vitæ puritas & integritas, scelerū odio à legitima Ecclesia discedunt, dum à factione improborum declinare se putant. Allegant, Ecclesiam Christi sanctā esse. Verum, vt simul intelligant esse ex bonis & malis permixtam, illam ex ore Christi parabolam audiant, in qua reti comparatur, quo pisces omne genus colliguntur, neque seliguntur donec in littore sint expositi. Audiant agri esse similem, qui bona fruge confitus, zizaniis, inimici fraude inficitur: quibus non expurgatur, donec in aream aducta fuerit messis. Audiant denique aream esse, in qua sic collectum est triticum vt sub palea deliteſcat, donec vannò & cribro repurgatum, in horreum tandem reconditur. Quòd si hoc malo ad diem vsque iudicii laboraturâ Ecclesiam pronūtiat Dominus, vt improborum permixtione oneretur: frustra nullo nœuo inspersam quærūt.

14 Sedenim rem intolerabilem esse clamant, quòd vitiorum pestis ita passim grassatur. Quid si Apostoli sententia hîc quoque occurrit? Inter Corinthios non pauculi errauerant, sed totum propè corpus labes occuparat: non vna erat peccati species, sed plurimæ: neque leuia erant errata, sed horrenda quædam flagitia: non sola erat morum corruptio, sed doctrinæ. Quid hîc sanctus Apostolus: hoc est, cælestis Spiritus organū, cuius testimonio stat & cadit Ecclesia? an diuisionem ab illis quærīt? an eos à Christi regnò abdicat? an vltimo anathematis fulmine ferit? Non modò nihil horum agit: sed Ecclesiā Christi sanctorūque societatem & agnoscit & prædicat. Si inter Corinthios manet Ecclesia, vbi feruent cōtentiones, sectæ, æmulationes: vbi lites vigent & iurgia, cum habendi cupiditate: vbi palàm approbatur scelus quod Gentibus ipsis foret execrabile: vbi petulanter præſcinditur Pauli nomen, quem ceu patrem colere debuerant: vbi quidam mortuorum resurrectionem ludibrio habent, cum cuius ruina totum corruit Euangelium: vbi Dei gratiæ ambitioni non charitati seruiūt: vbi permulta indecenter & inordinatè geruntur: & ideo manet quòd misterium verbi & sacramentorum illie non repudiatur: quis audeat Ecclesiæ titulum eripere iis quibus decima pars istorum criminum impingi nequeat? Qui tāta morositate ſæuiunt in præſentes Ecclesias, quid quæſo Galatis fecissent tantum non Euangelii desertoribus: apud quos tamen idem Apostolus Ecclesias reperiēbat?

In principio
epist.

15 Obiiciunt etiam quòd Paulus grauiter Corinthios obiurgat, quia flagitiosum hominem in suo contubernio ferant: deinde generalē sententiam ponit, qua nefas esse pronūtiat cum homine probrosæ vitæ vel panem comedere. Hîc exclamāt, Si vulgarem panem comedere non licet, panem Domini comedere quī liceat? Fateor certè magnum probrum esse si inter filios Dei locum habeāt porci & canes: multo etiam maius si illis prostituatur sacrosanctum Christi corpus. Neque verò, si bene moratæ erunt Ecclesiæ, sceleratos in sinu suo ferent: nec ad sacrum illud epulum dignos simul ac indignos promiscuè admittent. Verum quia non ita sedulò semper aduigilant pastores, interdum etiam indulgentiores sunt quàm oporteat, vel impediuntur quominus eam quam vellent seueritatem exercere possint: fit vt non semper submoueātur etiam palàm mali à sanctorum contubernio. Hoc vitium esse fateor: neque extenuare volo, quum Paulus acriter in Corinthiis reprehendat. Verum etiam si Ecclesia in officio cesset, non ideo protinus vnius cuiusque priuati erit iudicium separationis sibi sumere. Non equidem nego quin pii hominis sit ab omni priuata improborum consuetudine se subducere, nulla se voluntaria cum ipsis necessitudine implicare. sed aliud est malorum fugere cōtubernium: aliud, ipsorum odio, Ecclesiæ cōmunionem renuntiare. Quòd autem sacrilegium esse putant participare cum illis panem Do-

Matt. 13. f. 47

Ibidem, c. 14

Mat. 3. c. 11

1. Cor. 1. b. 11,
& 3. a. 3, & 5. a.
1, & 6. b. 7, &
9. a. 1, & 15.
b. 12

1. Cor. 5. a. 2

mini, in cō rigidiores multo sunt quàm Paulus. Nam quum ad sanctam & puram participationem nos hortatus, non exigit vt vnus alium examinet, aut vnusquisque totam Ecclesiam: sed vt singuli se probent. Si cum indigno cōmunicare nefas esset, iuberet certè Paulus nos circūspicere annon aliquis in multitudine esset cuius immūditia pollueremur. nūc quum probationē sui ipsorum solū à singulis requirit, ostēdit minimè nobis obesse si qui indigni se nobiscū ingerant. Nec aliò spectat quod postea subiicit, Qui indignè māducat, iudiciū sibi māducat & bibit. Nō dicit aliis, sed sibi. Et meritò: neque enim in singulorū arbitrio sitū esse debet qui recipiendi & qui repellendi sint. Totius Ecclesiæ hæc cognitio est, quæ exerceri sine legitimo ordine non potest, vt fusius postea dicetur. Iniquū ergo erit priuatum aliquem alterius indignitate pollui, quem arcere ab accessu nec potest nec debet.

1. Cor. ii. f. 18

Ibidem, g. 19

16 Quamquam autem ex inconsiderato iustitiæ zelo hæc tentatio bonis etiam interdum oboritur: hoc tamen reperiemus, nimiam morositatē ex superbia magis & fastu falsaque sanctitatis opinione, quàm ex vera sanctitate veròque eius studio nasci. Itaque qui ad faciendam ab Ecclesia defectionem sunt aliis audaciores, & quasi antesignani, ii vt plurimum nihil aliud causæ habent nisi vt omnium contemptu ostentent se aliis esse meliores. Bene ergo & prudenter Augustinus, Quum pia (inquit) ratio & modus Ecclesiasticæ disciplinæ vnitatem Spiritus in vinculo pacis maximè debeat intueri: quod Apostolus sufferendo inuicem præcipit custodiri, & quo non custoditò, medicinæ vindicta non tantum superflua, sed etiam perniciofa, & propterea iam nec medicina esse cōuincitur: illi filii mali, qui non odio iniquitatum alienarum, sed studio contentionum suarum infirmas plebes, iactantia sui nominis irretitas, vel totas trahere, vel certè diuidere affectant, superbia tumidi, peruicacia vesani, calumniis insidiosi, seditionibus turbulenti, ne luce veritatis carere ostendātur, vmbra rigida seueritatis obtendunt: & quæ in Scripturis sanctis, salua dilectionis sinceritate, & custodita pacis vnitatem, ad corrigenda fraterna vitia, moderatiori curatione fieri præcepta sunt, ad sacrilegium schismatis, & occasione præcisionis vsurpant. Pii autem & placidis hominibus hoc cōsiliū dat, vt misericorditer corripiant quod possunt: quod non possunt, patiēter ferant, & cū dilectione gemāt atque lugeant: donec aut emēdet Deus ac corrigat, aut in messe eradicet zizania, & paleas ventilet. His armis præmunire se pii omnes studeant, ne, dum strenui & animosi iustitiæ vindices sibi videntur, à regno cælorum, (quod est vnicū iustitiæ regnū) desciscant. Nam quia in hac externa societate, Ecclesiæ suæ communionem Deus colli voluit: qui odio improborum tesseram eius societatis frangit, viam ingreditur qua procliuius est à sanctorum communione lapsus. Cogitent, in magna multitudine complures esse verè sanctos & innocentes corā oculis Domini, qui aspectum suū fugiant. Cogitent, & ex iis qui morbidī vidētur, multos esse qui in vitiis suis nequaquam sibi placent aut blandiuntur, sed serio timore Domini identidem expergefati, ad integritatem maiorem adspirant. Cogitent non ferēdum esse de homine iudiciū ab vno facto: quando sanctissimi interdū grauissimo casu excidunt. Cogitent plus subesse ad colligendam Ecclesiam momenti, tum verbi ministerio, tum sacrorum mysteriorum participationi, quàm vt quorundam impiorum culpa, vis illa tota euanescere queat. Postremò reputent, in censenda Ecclesia pluris esse diuinum quàm humanum iudiciū.

Lib. 3. contra Parm. cap. 1.

Eiusdē lib. 1. cap. 2.

17 Quod etiam obtendunt non abs re sanctā vocari Ecclesiam, perperidere cōueniēt quæ excellat sanctitate: ne, si Ecclesiam nolimus admittere nisi numeris omnibus absolutam, nullam relinquamus. Verum quidem est quod ait Paulus, Christū seipsum tradidisse pro Ecclesia, vt illam sanctificaret: mundasse lauacro aquæ in verbo vitæ, vt sibi exhiberet gloriosam sponsam, non habentem maculam aut rugam, &c. Nihilò tamen & istud verius est, Dominum quotidie operari in rugis eius expoliendis, maculisque abstergendis. Vnde sequitur, nondum peractam esse eius sanctitatē. Sic ergo sancta est Ecclesia vt quotidie proficiat, nondum perfecta sit: quotidie procedat, nondum peruenerit ad sanctitatis metam: quemadmodum alibi quoque fusius explicabitur. Quod ergo sanctam fore Ierusalem vaticinantur Prophetæ, per quā alieni non sint transitori: sacrosanctū templum, quò impuri non sint ingressuri: non accipiamus perinde ac si nullus in Ecclesiæ membris natus resideret. sed quia toto studio ad sanctimoniam & solidam puritatem adspirāt, mundities illis quam nondum plenè cōsequuti sunt, Dei benignitate tribuitur. Et quamquam rara sapientis indicia eiusmodi sanctificationis extant inter homines, statuendū tamen est, nullum simile ab orbe condito tēpus quo Ecclesiam suam Dominus non habuerit: nullum etiam fore ad consummationē vsque sæculi, quo non sit habiturus. Nā etsi statim à principio vniuersum genus hominum Adæ peccato corruptum ac vitiatum est: ex hac tamen ceu polluta massa semper vasa aliqua in honorem sanctificat: ne vlla sit ætas quæ non suam mi-

Ephes. 5. c. 15

Ioel. 3. d. 17
Ier. 35. c. 9

Psal. 89. a. 4 misericordiam experiatur. Quod certis promissionibus testatum fecit, quales sunt istæ, Ordinaui testamentum electis meis: iuravi David seruo meo, Usque in æternum propagabo semen tuum: in generatione & generatione ædificabo sedem tuam. Item, Elegit Dominus Sion, elegit eam in habitationem sibi. hæc requies mea in seculum seculi, &c. Item, Hæc dicit Dominus qui dat solem in lumen dici, lunam & stellas in lumen noctis. Si defecerint leges istæ coram me, tunc & semen Israel deficiet.

18 Huius rei Christus ipse, Apostoli, & ferè omnes Prophetæ exemplum nobis præbuerunt. Horrédæ sunt illæ descriptiones quibus Iesaias, Jeremias, Joel, Habacuc, & alii Ecclesiæ Ierosolymitanæ morbos deplorant. In plebe, in magistratu, in sacerdotibus omnia vsque adeo corrupta erant, vt non dubitet Iesaias æquare Ierosolymam Sodomæ & Gomorrhæ. Religio partim contempta, partim contaminata: in moribus passim referuntur furti, rapinæ, perfidiæ, cædes, & similia scelera. Neque tamè propterea aut nouas sibi Ecclesias erigebant, aut noua altaria extruebant Prophetæ, in quibus separata sacrificia haberent: sed qualescûque essent homines, quia tamen reputabant Dominum apud eos verbum suum deposuisse, & ceremonias instituisse quibus illic colebatur, in medio impiorum cœtu puras manus ad illum extendebant. Certè si putassent aliquid inde contagionis se contrahere, cœties potius mortui fuissent quàm passi fuissent illuc se pertrahi. Nihil ergo eos retinebat quominus discessionem facerent, quàm seruandæ vnitatis studium. Quèd si religio sanctis Prophetis fuit, ob plurima & maxima scelera non vnus aut alterius hominis, sed prope modum totius populi, se ab Ecclesia alienare: nimium nobis arrogamus, si protinus audemus ab Ecclesiæ communione deficere vbi non omnium mores vel nostro iudicio vel Christianæ etiam professioni satisfaciunt.

19 Iam Christi & Apostolorum seculum quale fuit? Neque tamen impedire potuit desperata illa Pharisæorû impietas, & quæ tunc passim regnabat dissoluta viuendi licentia, quin iisdem sacris cum populo vteretur, & in vnum cum reliquis templum ad publica religionis exercitia conuenirent. Vnde id, nisi quia sciebant malorum societate minimè pollui qui pura conscientia iisdem sacris communicarent? Siquem parum mouent Prophetæ & Apostoli, ille saltem Christi authoritati acquiescat. Bene ergo Cyprianus, Etsi videtur (inquit) in Ecclesia zizania, aut vasa impura, non est tamen cur ipsi de Ecclesia recedamus: nobis modò laborandum vt frumentum esse possimus: nobis danda opera & quantum licet innitendum vt vas aureum vel argenteum simus. Cæterum fictilia vasa confringere, solius Domini est, cui & virga ferrea data est: nec quisquâ sibi quod proprium est soli Filio, vendicet, vt ad arcem ventilandam & purgandam paleam sufficiat, zizaniâque omnia humano iudicio segreganda. Superba est ista obstinatio, & sacrilega præsumptio, quam sibi furor prauus assumit, &c. Fixum igitur vtrunque istorum maneat, nihil excusationis cum habere qui externam Ecclesiæ communionem sponte deserit, vbi Dei verbû prædicatur, & sacramenta administrantur: deinde nihil ob stare vel paucorum vel multorum vitia, quominus illic rite ceremoniis à Deo institutis fidem nostram profiteamur: quia nec alterius siue pastoris siue priuati indignitate lædatur pia cōscientia, nec minus pura sunt ac salutaria mysteria homini sancto & recto, quia simul ab impuris attrectentur.

20 Vltrà etiam progreditur eorum morositas & fastus: quia Ecclesiam non agnoscunt nisi minimis quibusque nauis purâ, imò probis doctoribus succensent: quia fideles ad profectum hortando, tota vita sub vitiorû onere gemere doceant, & ad veniam cōfugere. Hoc enim modo iactât à perfectione abduci. Fateor quidè in vrgenda perfectione non lentè vel frigidè laborandum, ac multo minus cessandum esse: sed eius fiducia, dum adhuc in cursu sumus, imbuere animos, diabolicum esse cōmentum dico. Itaque in symbolo Ecclesiæ peccatorum remissio appositè subnectitur. hanc enim nō consequuntur nisi soli illius ciues ac domestici; quemadmodum legitur apud Prophetam. Præcedere ergo debet ædificatio cælestis Ierusalem, in qua deinde indulgentia hæc Dei locum habeat, vt quicunque ad eam concesso, eorum deleatur iniquitas. Dico autem ædificari primùm oportere, non quòd Ecclesia sine peccatorum remissione vlla esse queat: sed quia misericordiam suam Dominus non promittit nisi in sanctorum communione. Est ergo primus nobis in Ecclesiam ac regnum Dei ingressus, peccatorum remissio: sine qua nihil est nobis cum Deo fœderis aut coniunctionis. Sic enim per Prophetam loquitur, In illa die percutiam vobis fœdus cum bestia agri, cum volucre cæli & reptili terræ. Arcum, gladium & bellum cōteram de terra, & dormire faciam homines absque terrore. Desponsabo vos mihi in sempiternû. Desponsabo (inquam) in iustitia, in iudicio, in misericordia & miserationibus. Videmus qualiter per suam misericordiam nos sibi Dominus reconciliet. Sic & alibi, dum prædicat recolli-

gendum populum, quem in ira dissipauerat, Mundabo (inquit) eos ab omni iniquitate qua peccarunt mihi. Quare in Ecclesiæ societatem ablutionis signo initiamur: quo doceamur non patere nobis in Dei familiam aditum nisi primum eius bonitate sordes nostræ abstergantur.

21 Neque verò per peccatorum remissionem nos in Ecclesiam modò semel recipit & cooptat Dominus, sed per eandem nos in ipsa conseruat ac tuetur. Quorsum enim attineret, veniam nobis fieri quæ nulli vsui futura esset? Irritam autem & delusoriam fore Domini misericordiam, si semel dūtaxat obtingeret, vnusquisque piorum sibi testis est: quia nemo non sibi conscius est per totam vitam multarum infirmitatum, quæ Dei misericordia indigent. Et sanè non frustra suis domesticis peculiariter hanc gratiam Deus promittit, nec frustra quotidie eundem reconciliationis nuntium illis deferri iubet. Itaque vt per totam vitam peccati reliquias circūferimus, nisi assidua in remittendis delictis Domini gratia sustentemur, momentū vnum in Ecclesia vix peristemus. Vocauit autē suos Dominus in æternam salutem. suis ergo illi peccatis veniam semper paratam esse cogitare debent. Quare certò statuendum, diuina liberalitate, intercedente Christi merito, per Spiritus sanctificationem, peccatorū gratiam nobis factam esse ac quotidie fieri, qui in Ecclesiæ corpus asciti & inserti sumus.

22 Ad hoc bonum nobis impartiendum clauēs Ecclesiæ datæ sunt. Non enim quum Apostolis mandatum dedit Christus, & potestatem contulit remittēdi peccata, hoc tantum voluit vt eos soluerent à peccatis qui ab impietate ad Christi fidem conuerterentur: sed magis vt hoc officio fungerentur perpetuò inter fideles. Quod Paulus docet, quum scribit legationem reconciliationis depositam esse apud Ecclesiæ ministros, quo subinde populum nomine Christi exhortentur ad se reconciliandum Deo. Ergo in sanctorum communione, ipsius Ecclesiæ ministerio nobis assiduè remittuntur peccata, quū Presbyteri vel Episcopi, quibus hoc munus commissum est, pias consciētias Euangelicis promissionibus in spe veniæ & remissionis confirmant. idque tam publicè quàm priuatim, prout necessitas postulat. Sunt enim permulti, qui pro sua infirmitate, singulari pacificatione indigēt. Et Paulus non tantum pro communi concione, sed etiam per domos testificatum se refert fidem in Christū, & vnūquenque sigillatim admonuisse de salutis doctrina. Tria igitur hīc nobis obseruanda sunt: Primum, quantalibet sanctitate polleant filii Dei, hac tamen conditione semper esse, quandiu in mortali corpore habitant, vt sine peccatorū remissione consistere nequeant corā Deo. Deinde, hoc beneficiū sic esse Ecclesiæ proprium, vt non aliter eo fruamur quàm si permanemus in illius communione. Tertiò, per Ecclesiæ ministros & pastores nobis dispensari, vel Euangelii prædicatione, vel Sacramētorum administratione. atque hac in parte maximè eminere clauium potestatem quam Dominus fidelīū societati contulit. Proinde vnusquisque nostrum hoc officii sui esse cogitet, non alibi quærere remissionem peccatorum quàm vbi Dominus eam posuit. De publica recōciliatione, quæ ad disciplinam spectat, suo loco dicetur.

23 Quoniam autem phrenetici illi quos dixi spiritus hanc vnicam salutis anchorā eripere Ecclesiæ conātur: aduersus tam pestilentem opinionē fortius roborandæ sunt cōscientiæ. Nouatiani olim isto dogmate Ecclesias exagitarūt: sed Nouatianis non multū dissimiles nostrum quoque seculū habet quosdam ex Anabaptistis, qui ad eadem deliramenta relabuntur. Fingunt enim regenerari Dei populum in Baptismo in puram & Angelicam vitam, quæ nullis carnis fordibus vitietur. Quòd si post Baptisma quis delinquat, nihil præter inexorabile Dei iudicium illi relinquūt. Breuiter, peccatori post acceptam gratiam lapsus spem veniæ nullam faciunt: quia non aliam agnoscunt peccatorum remissionem nisi qua primum regeneramur. Etsi autem mendacium nullum à Scriptura clarius refutatur: quia tamen reperiunt isti quibus imponant (quemadmodum & Nouatus olim plurimos habuit sectatores) breuiter ostendamus quantopere in suam aliorūque perniciem insaniant. Principiò, quum Domini iussu quotidie sancti repetant hanc precē, Remitte nobis debita nostra, se nimirum debitores confitentur. Neque frustra petunt. quia Dominus non aliud vbique petendum præscripsit quàm quod ipse daturus esset. Imò quum totam orationem exauditum iri à Patre sit testatus, hanc tamen absolutionem peculiari etiamnum promissione obsignauit. Quid vltà volumus: peccatorum confessionem à sanctis, & eam quidem assiduam, tota vita requirit Dominus, & veniam pollicetur. Quæ audacia est aut à peccato illos eximere: aut, si impeerint, à gratia prorsus excludere? Iam quibus vult nos condonare septuagies septies: annon fratribus? Quorsum præcepit nisi vsuam clementiam imitemur? Condonat igitur non semel aut bis: sed quoties delictorū

Ier. 33. 8.

Mat. 16. c. 19,
& 18. c. 18
Iohā. 20. c. 23

2. Cor. 5. d. 20

Act. 10. d. 20

Matth. 6. b. 12

Matth. 18. c. 22

agnitione consternati, ad eum suspirant.

- 24 Atque (vt ab ipsis penè incunabulis Ecclesiæ ordiamur) Patriarchæ circumcisi erant, in
Gen. 37. d. 18 fœderis participationem allecti, edocti haud dubiè patris diligentia iustitiam & integritatem, quum in fratricidium conspirarunt. scelus erat vel perditissimis latronibus abominandum. Tandem mansuefacti Iudæ monitionibus, vendiderunt. hæc quoque intolerabilis
Ibidem. f. 18 fuit immanitas. Simeon & Leui, nefaria ultione & patris quoque iudicio damnata, in Sichimitas sauerunt. Ruben cubile paternum spurci summa libidine contaminauit. Iudas dum
Ibidem. 34. d. 15 scortationi vult indulgere præter naturæ legem, ad nurum ingreditur. Atqui tantum abest quin expungantur è populo electo, vt potius in capita erigatur. Quid porro Dauid? quum
Ibidem. 35. d. 22 præses esset iustitiæ, quanto cum flagitio, per innocentis sanguinis effusionem, viam cæcæ libidini patefecit: Iam regeneratus erat, ac inter regeneratos insignibus clogiis Domini ornatus. quod tamen vel inter Gentes horribile est flagitium perpetravit: & veniam tamen
Ibidem. 38. d. 16 est cōsequutus. Et (ne singularibus exemplis immoremur) quot in Lege & Prophetis erga Israelitas extant diuinæ misericordiæ promissiones, toties comprobatur Dominus se placabilem exhibere populi sui offensis. Quid enim Moses promittit fore vbi populus in apostasiam prolapsus redierit ad Dominum: Reducet te Deus è captiuitate, & miserebitur tui, & congregabit te ex populis ad quos fueris dispersus. Si ad cardines cæli fueris dissipatus, inde ego te recolligam.
- 25 Sed nolo enumerationem inchoare quæ nūquam finienda esset. pleni enim sunt Prophetæ eiusmodi promissionibus, quæ populo infinitis sceleribus cooperto misericordiam tamen offerant. Quod grauius est flagitium rebellionē? diuortium enim inter Deum & Ecclesiam vocatur. at hoc Dei bonitate superatur. Quis est vir (inquit per Ieremiam) cuius si
Iere. 3. a. 1, & d. 12 vxor corpus suum adulteris prostituerit, cum ea redire in gratiam sustineat? Tuis autem scortationibus omnes viæ pollutæ sunt Iuda, repleta fuit terra fœdis amoribus tuis. Reuertere tamē ad me & ego te suscipiam. Reuertere auersatrix, non auertam à te faciem meam: quia sanctus sum, & non irascor in perpetuum. Et sanè nō alius esse affectus eius potest, qui
Eze. 18. a. 13. & g. 32 affirmat se nolle mortem peccatoris, sed magis vt conuertatur, & viuat. Ideo quum templum Solomon dedicaret, in hunc quoque vsum destinabat, vt orationes pro impetranda peccatorum venia factæ inde exaudirentur. Si peccauerint, dicebat, tibi fili. tui (non est enim homo qui non peccet) & iratus tradideris eos inimicis suis, & egerint penitentiam in corde suo & conuersi deprecati te fuerint in captiuitate sua, dicentes, Peccauius, inique egimus: & orauerint versus terram quam dedisti patribus eorum, & versus templum hoc sanctum: exaudies in cælo preces eorum, & propitiaberis populo tuo qui peccauit tibi, & omnibus iniquitatibus eorū quibus præuaricati sunt in te. Nec frustra in Lege, quotidiana pro peccatis sacrificia Dominus ordinauit. nisi enim assiduis peccatorum morbis populum suum laborare Dominus præuidisset, nunquam illi constituisset hæc remedia.
- 26 An aduētu Christi, quo plenitudo gratiæ exerta fuit, hoc ademptum est fidelibus beneficium, ne pro delictorum venia audeant supplicare: ne, si Dominum offenderint, vllam misericordiam consequantur? Quid hoc erit aliud quàm Christum dicere in suorum perniciem venisse, non salutem, si quæ in Veteri testamento assidue sanctis parata erat Dei indulgentia in peccatis condonādis, nunc è medio sublata dicitur? Quod si Scripturis fidem habemus, discite clamantibus, in Christo demum gratiam & humanitatem Domini ad plenum apparuisse, effusam misericordiæ opulentiam, reconciliationem Dei & hominum adimpletam: ne dubitemus quin multo benignior nobis clementia cælestis Patris exuberet potius quàm abscessa aut decurtata fuerit. Neque verò defunt illius documenta. Petrus, qui audierat abnegatum iri coram Angelis Dei qui apud homines nomē Christi non esset cōfessus, ter vna nocte, nec sine execratione, abnegauit: non tamen à venia depellitur. Qui inordinatè viuebant apud Thessalonicenses, sic castigantur vt inuitentur ad penitentiam. Ne ipsi quidem Simoni mago desperatio iniicitur, quin potius iubetur bene sperare, quum ad preces confugere suadet illi Petrus.
- 27 Quid quod totas interdum Ecclesias grauissima peccata occuparunt à quibus tamen eas Paulus clemēter potius extricauit quàm earum capita deuoueret: Galatarum defectio non mediocre erat delictum: Corinthi eo minus illis erant excusabiles, quod pluribus neque leuioribus flagitiis abundabant: neutri tamen à misericordia Domini excluduntur. Imò illi ipsi qui præ aliis immunditia, fornicatione & impudicitia deliquerant, nominatim inuitantur ad penitentiam. Manet enim æternumque manebit inuiolabile pactum Domini, quod solenniter cum Christo vero Solomone, eiusque membris sancit his verbis, Si dereliquerint filii eius Legem meam, & in iudiciis meis nō ambulauerint: si iustitias
- Galat. 1. a. 6, & 3. a. 1, & 4. b. 9*
1. Cor. 12. g. 21
Psal. 89. c. 31

meas profanarint, mandata mea non custodierint, visitabo in virga iniquitates eorum, in verberibus peccata eorum: misericordiam autem meam non auferam ab eo. Denique ipsa symboli dispositione admonemur perpetuam residere in Ecclesia Christi delictorum gratiam: quod Ecclesia velut constituta remissio peccatorum adhuc subiungitur.

28 Quidam aliquanto prudentiores, vbi vident tanta Scripturæ perspicuitate Nouati dogma refutari, non quodlibet delictum irremissibile faciunt, sed voluntariam Legis transgressionem, in quam sciens quis ac volens impegit. Porro sic loquentes peccatū nullum venia dignantur, nisi siubi aberratum ignorantia fuerit. Verum quum Dominus in Lege, alia pro expiandis fidelium voluntariis peccatis, alia pro ignorantibus redimendis mandavit offerri sacrificia: quantæ est improbitatis voluntario peccato nullum concedere piaculum? Dico nihil esse apertius quàm vnicū Christi sacrificium valere ad remittenda sanctorum voluntaria peccata: quando Dominus carnalibus hostiis, veluti signaculis, id testatum fecit. Deinde quis ab ignorantia Dauidem excuset, quem tātopere constat fuisse in Lege eruditum? An nesciebat Dauid quantum foret adulterii & homicidii crimen, qui quotidie ipsum in aliis puniebat? An fratricidium res legitima Patriarchis videbatur? An ita malè profecerāt Corinthii, vt lasciuia, impuritatem, scortationem, odia, contentiones placere Deo putarent? An Petrus tam diligenter admonitus ignorabat quanti esset magistrum eiurare? Ergo Dei misericordiae tam benignè se exerenti viam nostra malignitate ne præcludamus.

Leuit. 4

29 Equidem non me latet veteres scriptores peccata quæ quotidie remittuntur fidelibus interpretatos esse quæ ex infirmitate carnis obrepunt leuiora errata: poenitentiam verò solennē, quæ pro grauioribus flagitiis tum exigebatur, illis visam esse non magis iterandam quàm Baptismum. quæ sententia non ita est accipienda quasi aut præcipitare in desperationem voluerint qui à prima poenitentia iterum recidissent, aut illa errata eleuare, perinde atque coram Deo exilia. Sciebant enim infidelitate sapius titubare sanctos, iuramenta superuacua illis interdū excidere, in iram nonnūquam efferuere, imò prorumpere ad manifesta vsque conuitia, aliis præterea malis laborare quæ Dominus non leuiter abominatur: sed ita vocabant, vt distinguerent à publicis criminibus, quæ cum magno offendiculo in Ecclesiæ cognitionem veniebant. Quod autem adeò difficulter ignoscebant iis qui dignum aliquid animaduersione Ecclesiastica perpetrarant, non idè fiebat quod difficilem illis apud Dominum veniam putarent: sed hac seueritate volebant alios detertere ne temere proruerent in flagitia, quorum merito ab Ecclesiæ communione alienarētur. Quamquam verbum Domini, quod hīc pro vnica regula nobis esse debet, maiorem certè moderationem præscribit. Siquidem eousque intendendum docet disciplinæ rigorem, ne absorbeat à tristitia is cui præcipuè consultum oportet: vt fusius suprà disseruimus.

Comparatio falsæ Ecclesiæ cum vera.

CAP. II.



VANTI apud nos valere verbi & sacramentorum ministeriū, & quousque procedere eius reuerentia debeat, vt sit nobis perpetua tessera dignoscendæ Ecclesiæ, explicatum est. Nempe vbicunque integrum extat & illibatū, nullis morum vitiis aut morbis impediri quominus Ecclesiæ nomen sustineat. Deinde, illud ipsum leuiusculis erroribus non vitiari quominus legitimum æstimetur. Porro errores quibus talis debeatur venia, eos esse indicatum est quibus præcipua religionis doctrina non lædatur, quibus non opprimantur quæ inter fideles omnes cōuenire debent religionis capita: in sacramentis verò, qui legitimam authoris institutionē non aboleant nec labefactent. Atqui, simul ac in arcem religionis mendacium irrupit, summa necessariæ doctrinæ inuersa est, sacramentorum vsus corrumpitur: certe Ecclesiæ interitus consequitur. perinde atque de vita hominis actum est, iugulo transfixo, vel præcordiis lethaliter sauciatis. Atque id ex Pauli verbis liquidò euincitur, quū docet Ecclesiam fundatam esse super doctrinam Apostolorum & Prophetarū, ipso Christo summo angulari lapide. Si Ecclesiæ fundamentum est Prophetarum & Apostolorum doctrina, qua salutem suam in vno Christo reponere fideles iubentur, illam doctrinam tolle, quomodo amplius ædificium constabit? Corruat ergo Ecclesia necesse est vbi intercudit illa religionis summa quæ sola sustinere eam potest. Deinde si vera Ecclesia columna est ac firmamentum veritatis, certum est non esse Ecclesiam vbi regnum occupauit mendacium & falsitas.

Ephes. 2. d. 20

1. Tim. 3. d. 15

2 In eum modum quum res habeat sub Papismo, intelligere licet quid Ecclesiæ illic superfit. Pro verbi ministerio peruersa & mendaciis conflata illic regnat gubernatio, quæ puram lucē partim extinguit, partim suffocat. In locum Cœnæ Domini, foedissimum sacrilegium subiit; cultus Dei varia & non ferēda superstitionum congerie deformatus: do-

doctrina (citra quam Christianismus non constat) tota sepulta & explosa: publici conuentus, idololatriæ & impietatis scholæ. Quare nullum est periculum ne ab exitiali tot flagitiorum participatione desciscendo, ab Ecclesia Christi diuellamur. Ecclesiæ communio non ea lege instituta est ut vinculum sit quo idololatria, impietate, ignorantia Dei aliisque malorum generibus irretiamur: sed potius, quo in timore Dei, & veritatis obedientia retineamur. Magnificè illi quidem suam nobis Ecclesiam commendant, nequa alia in mundo esse videatur: postea, quasi re confecta, omnes schismaticos esse constituunt qui ab eius quam pingunt Ecclesiæ obedientia subducere se: omnes hæreticos, qui contra eius doctrinam mutire audent. Sed quibus rationibus veram se Ecclesiam habere confirmant? Allegant ex vetustis annalibus quid olim in Italia, in Gallia, in Hispania fuerit. A sanctis illis viris qui sana doctrina fundarunt excitantque Ecclesias, doctrinamque ipsam & Ecclesiæ ædificationem suo sanguine stabilierunt, se originem ducere. Ecclesiam verò sic & spiritualibus donis, & Martyrum sanguine apud se consecratam, perpetua Episcoporum successione conservatam fuisse ne intercideret. Commemorant quanti hanc successionem fecerint Irenæus, Tertullianus, Origenes, Augustinus, & alii. Quam friuola sint ista & plane ludicra, faciã ut nullo negotio intelligat ii qui mecum ea paululum expedere volent. Equidem eos quoque hortarer ut huc animum serio adverterent, siquid docendo proficere me apud eos posse considerare. sed quando illis, ommissa veritatis ratione, hoc vnum propositum est quacunque possunt via rem suam agere, pauca tantum dicam quibus sese boni viri & veri studiosi ab eorum captionibus expedire queant. Primum ab illis quaero cur non Africam citent, & Aegyptum, & totam Asiam. Nempe quia in omnibus illis regionibus desunt sacra hæc Episcoporum successio, cuius beneficio se Ecclesias retinuisse gloriantur. Eò igitur recidunt, se ideo veram habere Ecclesiam, quia ex quo esse coepit, non fuerit Episcopis destituta: perpetua enim serie alios alius successisse. Sed quid si Græciam illis regeram? Quaero igitur iterum ab ipsis cur apud Græcos periisse Ecclesiam dicant, apud quos nunquam interrupta fuit illa Episcoporum successio, vnica, eorum opinione, Ecclesiæ custos & conservatrix. Græcos faciunt schismaticos. quo iure? quia à sede Apostolica desciscendo, privilegium perdiderunt. Quid? an non multo magis perdere merentur qui à Christo ipso deficiunt? Sequitur ergo euandum esse prætextum successionis, nisi Christi veritatem, quam à patribus per manum acceperint, saluam & incorruptam posteri retineant, ac in ea permaneant.

- 3 Ergo non aliud hodie prætendunt Romanenses quam Iudæos olim obtendisse apparet, quum cæcitate, impietatis, idololatriæ à Prophetis Domini arguerentur. Nam ut illi templum, ceremonias, sacerdotia gloriose iactabant, quibus rebus Ecclesiam, magno, ut sibi videbantur, argumento metiebantur: ita pro Ecclesia externæ quædam larvæ ab his opponuntur, quæ longe sæpe absunt ab Ecclesia, & citra quas Ecclesia optimè constare potest. Quare neque alio argumento refutandi nobis sunt, quam quo aduersus stultam illam Iudæorum confidentiam pugnabat Ieremias. nempe ne gloriantur in verbis mendacibus, dicentes, Templum Domini, templum Domini, templum Domini est. Quando nihil Dominus vspiciam suum agnoscit nisi ubi verbum suum auditur, ac religiose observatur. Ita quum gloria Dei inter Cherubim in sanctuario federet, eamque sedem sibi statam fore pollicitus esset ipsis: ubi cultum eius prauis superstitionibus corrumpunt sacerdotes, aliò transmigrat, & locum sine vlla sanctitate relinquit. Si templum illud quod videbatur perpetuæ Dei habitationi consecratum, derelinqui à Deo ac profanescere potuit, non est quòd nobis isti fingant Deum ita personis aut locis alligatum, & affixum externis observationibus, ut manere apud eos oporteat qui titulum modò & speciem Ecclesiæ habent. Atque hæc est cõtentio quam habet Paulus in Epistola ad Romanos, à nono capite vsque ad duodecesimum. Hoc enim vehementer turbabat infirmas conscientias, quòd quum videretur esse populus Dei, Evangelii doctrinam non modò respuebant, sed etiam persequabantur. Postquam ergo doctrinam exposuit, hanc difficultatem remouet: ac negat Iudæos illos, veritatis hostes, esse Ecclesiam: utcunque nihil eis deesset quod posset ad externam Ecclesiæ formam aliàs desiderari. Ideoque negat quia Christum non amplecterentur. Aliquanto etiam expressius in Epistola ad Galatas: ubi Ismaelem cum Isaac comparando, multos dicit in Ecclesia tenere locum ad quos non pertinet hæreditas: quia progeniti non sunt ex libera matre. Vnde etiam ad comparationem duplicis Ierosolymæ descendit: quia sicuti in monte Sina Lex est lata, Evangelium verò ex Ierusalem prodiit: sic multi seruiliter nati & educati, filios Dei & Ecclesiæ se esse non dubitanter iactant: imò superbè despicunt genuinos Dei filios, quum sint ipsi degeneres. Nos quoque ex opposito, dum audimus semel è cælo pronuntiatum esse, Ecce ancillam & filium eius, hoc inuiolabili decreto fre-

Iere. 7. 2. 4

Ezech. 10. 2. 4

Galat. 4. c. 22.

Gene. 21. 2. 10

ti fortiter spernamus insipidas eorum iactantias. Nam si externa professione superbiunt, Ismael quoque circumciscus erat: si antiquitate pugnant, ille erat primogenitus, videmus tamen abdicari. Si causa quaritur, eam Paulus assignat, non censeretur inter filios nisi qui Rom. 9. b. 6
geniti sunt ex puro & legitimo doctrinæ semine. Secundum hanc rationem negat se Deus impiis Sacerdotibus obstrictum esse, quia pepigerit cum patre eorum Leui ipsum sibi Angelum vel interpretem fore: imò in eos retorquet falsam eorum gloriationem, qua solebant insurgere contra Prophetas: quòd scilicet dignitas sacerdotii in singulari pretio habenda foret. Hoc ipse libenter admittit, & hac cōditione cum ipsis disceptat, quia pactum servare paratus sit. dum autem ipsi mutuo non respondent, repudiari merentur. En quid valeat successio, nisi imitatio etiam coniuncta sit atque æquabilis tenor: nempe ut posteri, simulac conuerti fuerint descivisse à sua origine, omni honore priuentur. Nisi fortè quia Caiphas multis piis Sacerdotibus successit (imò ab Aarone vsque ad illum continua fuit series) idèò sceleratus ille coetus Ecclesiæ titulo dignus fuit. Atqui ne in terrenis quidem imperiis hoc ferri posset, ut verus Republicæ status dicatur tyrannis Caligulæ, Neronis, Heliogabali, & similium, quia Brutis, Scipionibus, & Camillis successerint. Præsertim verò in Ecclesiæ regimine nihil magis friuolum, quàm omissa doctrina successionem in ipsis personis locare. Nec verò quicquam minus Sanctis doctoribus, quos falso nobis obtrudunt, propositum fuit, quàm præcisè quasi hæreditario iure probare, esse Ecclesias vbicunque Episcopi alii aliis subrogati fuerant. Sed quum extra controuersiam esset, nihil à principio vsque ad illam ætatem mutatum fuisse in doctrina, iunibat quod omnibus nouis erroribus conficiendis sufficeret, illis oppugnari doctrinam ab ipsis vsque Apostolis constanter & vnanimi consensu retentam. Non est igitur cur fucum amplius facere pergant ex Ecclesiæ nomine, quam nos ut decet reuerenter colimus, sed vbi ad definitionem ventum est, non modò à aqua (ut dicitur) illis hæret, sed hæret in suo luto: quia foetidam meretricem substituunt pro sacra Christi sponsa. Quæ suppositio ne nos fallat, præter alias admonitiones hæc quoque Augustini nobis succurrit, nam de Ecclesia Ad Vincen.
loquens, Ipsa est, inquit, quæ aliquando obscuratur, & tanquam obnubilatur multitudi- epist. 48
ne scandalorum: aliquando tranquillitate temporis quæta & libera apparet: aliquando tribulationum & tentationum fluctibus operitur atque turbatur. Exemplum profert, quòd sæpius firmissimæ columnæ vel pro fide exularent fortiter, vel toto orbe latitarent.

4 In hunc modum hodie nos vexant Romanenses, ac imperitos terrefaciunt Ecclesiæ nomine, quum capitales sint Christi aduersarii. Quauis igitur templum, sacerdotium, & reliquas huiusmodi larvas obtendat, minimè permouere nos debet inanis hic fulgor quo simplicium oculi perstringuntur, ut Ecclesiam esse recipiamus vbi verbum Dei non apparet. Hæc enim perpetua est nota, qua signauit suos Dominus noster, Qui est ex veritate, Iohan. 18. g. 37
inquit, audit vocem meam. Item, Ego sum pastor ille bonus, & cognosco oues meas, & co- Iohan. 10. b. 14
gnoscor à meis. Oves meæ vocē meā audiūt, & ego cognosco eas, & sequūtur me. Paulo au- Ibidem, a. 4
tem antè dixerat, Oves pastore suum sequi, quia nouerunt vocē eius: alienū autē non sequi, sed effugere ab eo, quia nō nouerunt vocē alienorū. Quid igitur sponte in censenda Ecclesia insanimus, quū eam minimè dubio symbolo designarit Christus, quod vbicūque sp. s. ta-
tur, fallere non potest quin illic Ecclesiam certò ostendat: vbi verò abest, nihil restat quod verā Ecclesiæ significationem dare possit? Nō enim super hominū iudicia, nō super sacerdotia fundatam esse Ecclesiam, sed super doctrinam Apostolorum & Prophetarum, com- Ephes. 2. d. 20
memorat Paulus. Quin potius Ierusalem à Babylone, Christi Ecclesia à Satanæ coniura- Iohan. 8. f. 47
tione hoc discrimine dignoscenda est quo eas inter se Christus distinxit: Qui ex Deo est, inquit, verba Dei audit. Propterea nō auditis quia ex Deo non estis. In summa, quum Ecclesia regnum sit Christi, regnet autem ille non nisi per verbum suum: an vllis iam obscurum erit quin illa mendacii verba sint, quibus Christi regnum absque eius sceptro (id est sacrosancto ipsius verbo) esse fingitur?

5 Iam verò quòd reos schismatis & hæreseos nos agunt quia & dissimilem prædicemus doctrinam, & suis legibus non pareamus, & seorsum conuerti ad preces, ad Baptismum, ad Cœnæ administrationem, aliàsque sacras actiones habeamus: grauissima quidem est accusatio, sed quæ nequaquā longa aut laboriosa defensione opus habet. Hæretici & schismatici vocantur qui dissidio facto, Ecclesiæ communionem dirimunt. Hæc porrò duobus vinculis continetur, sanæ doctrinæ consensione, & fraterna charitate. Vnde inter hæreticos & schismaticos hoc discriminis ponit Augustinus, quòd illi quidem falsis dogmatibus fidei sinceritatem corrumpant: hi autem interdum etiam in fidei similitudine, societatis vinculum dirumpant. Verum id quoque notandum est, hanc charitatis coniun-

Lib. quæst.
Euang. sec.
Matth.

tionem sic à fidei vnitatem pendere, ut hæc illius initium, finis, vnica denique regula esse debeat. Meminerimus ergo, quoties Ecclesiastica vnitas nobis commendatur, hoc quæri ut dum mentes in Christo consentiunt, voluntates etiam nostræ mutua in Christo beneuolentia inter se coniunctæ sint. Itaque Paulus, dum ad illam nos hortatur, pro fundamento sumit, vnum esse Deum, vnā fidem, & vnū Baptismum. Imò vbicumque nos iacem sentire & idem velle docet, continuo addit, In Christo, vel, secundum Christum: significans impiorum esse factionem, non conspirationem fidelium, quæ sit extra verbum Domini.

Ephef. 4. a. 5
Philp. 2. a. 2
& 5

6
De simplicitate
Prælatorum.

Paulum quoque sequutus Cyprianus totius Ecclesiasticæ concordie fontem ab vnico Christi episcopatu ducit. postea subiicit, Ecclesia vna est, quæ in multitudinem latius incremento fecunditatis extenditur: quo modo solis radii multi, sed lumen vnum: & rami arboris multi, sed robur vnum tenaci radice fundatum. Et quum de fonte vno riuus plurimi defluunt, numerositas licet diffusa videatur exundantis copie largitate, vnitas tamen manet in origine. Auelle radium solis à corpore, diuisionem vnitas non capit. Ab arbore frange ramum, fractus germinare non poterit. A fonte præcide riuum, præcitus arefcit. Sic & Ecclesia Domini luce perfusa, per totum orbem porrigitur: vnum tamē lumen est quod vbique diffunditur. Nihil elegantius dici potuit ad exprimendam indiuiduam illam connexionem quam habet inter se omnia Christi membra. Videmus ut ad caput ipsum perpetuo nos reuocet. Proinde hæreses & schismata inde oriri pronuntiat quod ad veritatis originem non reditur, nec caput quæritur, nec cælestis magistri doctrina seruiatur. Eant nunc, & clamitent hæreticos nos esse qui ab ipsorum Ecclesia recesserimus: quum nulla alienationis causa fuerit nisi hæc vna, quod puram veritatis professionem nullo modo ferre possunt. Taceo autem quod anathematibus & diris nos expulerunt. Quod tamen ipsum satis superque nos absoluit, nisi Apostolos quoque schismatis damnare velint, quibus cum similem habemus causam. Prædixit, inquam, Christus Apostolis suis, fore ut à synagogis propter nomen suum eicerentur. Illæ porro synagoga de quibus loquitur, tunc habebatur legitimæ Ecclesiæ. Quum ergo eiectionis esse eos cõstet, idque propter Christi nomen fuisse factum parati simus ostendere, de causa certè prius quærendum est quàm aliquid de nobis in hanc vel illam partem definiatur. Sed hoc illis, si ita volunt, sponte remitto. abunde enim mihi est, oportuisse nos ab ipsis recedere ut ad Christum accederemus.

Iohan. 16. a. 2

7 Sed apparebit etiamnum certius quo loco nobis esse debeat Ecclesiæ omnes quas Romani illius idoli tyrannis occupauit, si cum Israelitica illa veteri, qualis apud Prophetas delineata est, conferatur. Vera tum exibat apud Iudæos & Israelitas Ecclesia, quum in fœderis legibus perstarent: ea scilicet obtinentes Dei beneficio quibus Ecclesia continetur. Doctrinam veritatis habebant in Lege, eius ministerium penes sacerdotes erat & Prophetas: Circumcisionis symbolo in religionem initiabantur, aliis sacramentis exercebantur ad fidei confirmationem. Non dubium quin competerent in eorum societate elogia quibus Ecclesiam Dominus honorauit. Postquam deserta Lege Domini, degenerarunt ad idololatriam & superstitionem, illa prærogatiua pro parte exciderunt. Quis enim ausit Ecclesiæ titulum iis præripere apud quos verbi sui prædicationem, & mysteriorum obseruationem deposuit Deus? Rursum, quis ausit eum cõtutum nulla cum exceptione Ecclesiam appellare, vbi verbum Domini palam & impune conculcatur? vbi eius ministerium, præcipuus neruus, atque adeo anima Ecclesiæ, dissipatur?

8 Quid ergo: (dicit quispiam) nullane igitur reliqua erat in Iudæis Ecclesiæ particula ex quo ad idololatriam defecerunt? Facilis est responsio. Primùm dico in ipsa defectione fuisse gradus quosdam. neque enim dicemus eundem fuisse lapsum Iudæ & Israelis, quo primū tempore vterque à puro Dei cultu deflexit. Iarobeam, quum vitulos fabricaret contra apertam Dei prohibitionem, & adorationi locum nō licitum dedicaret, religionem prorsus corripuit. Iudæi prius se impiis moribus & superstitionis inquinarent quàm statum in externa religionis formā perperam mutarent. Quanquam enim sub Rechabeam multas iā peruersas cere, monias vulgò sibi asciuerant, quia tamen Ierosolymis manebant & Legis doctrina & sacerdotium, & ritus quales Deus instituerat: habebant illic pii tolerabilem Ecclesiæ statum. Apud Israelitas, vsque ad regnum Achab res minimè in melius restructæ, tunc verò etiam in deterius prolapsæ sunt. Qui postea successerunt, vsque ad interitum regni, partim eius fuerunt similes, partim (quum aliquanto meliores esse vellent) exemplum Iarobeam sequuti sunt. omnes autem ad vnum impii & idololatræ. In Iudæa variæ subinde mutationes fuerunt, dum alii reges cultum Dei falsis & commentitiis superstitionibus peruertunt, alii dissipatam religionem instaurant: donec ipsi quoque sacerdotes templum Dei profanis abominandisque ritibus polluerunt.

9 Age nunc, negent Papistæ si possunt, ut sua vitia maximè extenuent, religionis statum ita apud se corruptum vitiatūque esse ut fuit in regno Israelitico sub Iarobeam. Atqui idololatriam habent crassiores: neque in doctrina, guttula vna sunt puriores: nisi fortè in hac quoque ipsa magis sint impuri. Deus, imò quicumque mediocri iudicio præditi sunt, mihi erūt testes, & res etiā ipsa declarat quàm nihil hîc amplificè. Iam quū ad Ecclesiæ suæ communionem adigere nos volūt, duo postulant à nobis: primū ut precibus, sacrisque, & ceremoniis suis omnibus cōmunicemus: deinde ut quicquid honoris, potestatis, iurisdictionis Ecclesiæ suæ tribuit Christus, id Ecclesiæ suæ deferamus. Quod ad primum attinet, fateor Prophetas omnes qui Hierosolymis fuerunt, quū res illic essent admodum corruptæ, nec seorsum sacrificasse, nec separatos habuisse ab aliis ad orandum cœtus. Habebant enim Dei mandatum, quo in templum Solomonis conuenire iuebantur: sacerdotes Leuiticos, quos, quia sacrorum antistites ordinati erant à Domino, necdum abdicati, Exod. 29. b. 9 utcunque indigni eo honore essent, locum illum iure adhuc tenere nouerant. Quod verò caput est totius quæstionis, ad nullum superstitiosum cultum adigebantur: imò nihil suscipiebāt quod non esset à Deo institutum. Apud hos autem, Papistas dico, quid simile? Vix enim vllum cum ipsis conuentum possumus habere in quo nō aperta idololatria nos polluat. Certè præcipuum communionis vinculum in Missa est, quam nos ut maximum sacrilegium abominamur. Atque id meritò an temere à nobis fiat, alibi videbitur. Nunc satis est ostendere aliam in hac parte causam nostram esse quàm fuerit Prophetarū qui ut impiorū sacris interesset, nullas ceremonias vel spectare vel vsurpare cogeantur nisi à Deo institutas. Ac, si exēplū omnino simile habere libet, sumamus ex regno Israelitico. Secundū 1. Reg. 12. g. 31 institutū Iarobea manebat circūcisio, fiebāt sacrificia, Lex sancta habebatur, inuocabatur Deus ille quē à Patribus acceperāt: sed propter cōmētitios ac vetitos cultus, quicquid illic agebatur, Deus improbabat ac dānabat. Cedō mihi Prophetā vnū, vel piū aliquē virū, qui semel adorauerit in Bethel, aut sacrum fecerit. Nouerāt enim se id non facturos quin aliquo sacrilegio se cōtaminarent. Habemus ergo, non eousque valere apud pios debere Ecclesiæ cōmunionē, ut si illa ad profanos pollutōsque ritus degeneraret, sequi protinus necesse sit.

10 Verūm de altera parte magis etiam nū contēdimus. nam si Ecclesia secundum eum modum cōsideratur, cuius reuereri iudicium, cuius authoritati deferre, cuius monitionibus parēre, cuius castigationibus cōmoueri, cuius cōmunionem religiosè in omnibus colere oporteat: Ecclesiā illis cōcedere non possumus quin subiectionis & obediētiæ necessitas nos maneat. Libētē tamē eis cōcedemus quod Iudæis & Israelitis sui seculi dederūt Prophetæ, quū res aut in pari statu aut etiā meliore illic essent. Videmus autē ut passim clament profana esse cōuenticula, quibus nō magis cōsentire liceat quàm Deum abnegare. Et certè si illæ Ecclesiæ fuerūt, sequitur ab Ecclesia Dei alienos fuisse, in Israele quidē Heliā, Micheā, & similes: in Iuda autē Iesaiam, Ieremiam, Oseam, & reliquos eius notæ, quos peius quibusuis incircuncisis oderant & execrabātur sui seculi Prophetæ, Sacerdotes, & populus. Si illæ Ecclesiæ, ergo Ecclesia non columna veritatis, sed firmamentū mendacii: non tabernaculū Iesa. 1. d. 14 Dei viuentis, sed idolorū receptaculum. Necesse igitur habebant ab eorum cœtū consensione desciscere, quæ nihil aliud erat quàm impia aduersus Deū conspiratio. Eadē ratione si quis præsentis cœtus idololatria, superstitione, impia doctrina cōtaminatos pro Ecclesiis agnoscat, in quarū plena cōmunione perstādum sit homini Christiano vsque ad doctrinæ cōsensionem, valde errabit. Nam si Ecclesiæ sunt, potestas clauī penes ipsas est. atqui clauēs indiuiduū habent nexū cum verbo, quod illinc profligatū est. Deinde si Ecclesiæ sunt, valet apud eas Christi promissio, Quodcūque ligaueritis, &c. Contrā autē, abdicāt à sua cō- Mat. 16. c. 19, & 18. c. 18 munionē quicūque se Christi seruos nō fide profitentur. Ergo aut euanida est Christi promissio, aut nō sunt, hoc saltē intuitu, Ecclesiæ. Denique pro verbi ministerio habēt scholas Iohan. 20. e. 23 impietatis & errorū omne genus sentinā. Proinde aut Ecclesiæ, secundū hāc rationē, nō sūt: aut nullū restabit symbolū quo legitimi fideliū cœtus à Turcarū cōuentibus discernātur.

11 Ut tamen manebant olim inter Iudæos peculiare quædam Ecclesiæ prærogatiuæ, ita nec hodie Papistis adimimus quæ superesse ex dissipatione vestigia Ecclesiæ inter eos Dominus voluit. Cum illis fœdus suum semel pepigerat Deus. id sua magis ipsius firmitate subnixum contra eorum impietatem eluctando persistebat, quàm ab illis cōseruabatur. Quæ itaque certitudo est ac cōstantia diuinæ bonitatis, residebat illic fœdus Domini: nec obliterari illorum perfidia poterat eius fides: nec impuris eorum manibus profanari ita Circūcisio poterat quin simul verum esset signum & sacramentū eius fœderis. Vnde liberos qui illis nascebātur, suos Dominus vocabat: qui nisi speciali benedictione, nihil ad eū Ezech. 16. c. 10 pertinerent. Sic quum fœdus suum in Gallia, Italia, Germania, Hispania, Anglia deposue-

rit: vbi illæ provinciæ Antichristi tyrannide oppressæ sunt, quo tamē fœdus suum inuio-
labile maneret, Baptismū primò illic conseruauit, fœderis testimonium, qui eius ore con-
secratus, inuita humana impietate vim suam retinet: deinde sua prouidētia effecit vt aliæ
quoque reliquiæ extarent, ne Ecclesia prorsus interiret. Ac quemadmodū ita sæpe diruun-
tur ædificia vt fundamenta & ruinæ maneat, ita non passus est Ecclesiam suam ab Anti-
christo vel à fundamēto subuerti, vel solo æuari (vtcunque ad puniendam hominum in-
gratitudinem, qui verbum suum contempserant, horribilem quassationē ac disicctionem
fieri permiserit) sed ab ipsa quoque vastatione semirutum ædificium superesse voluit.

12 Quum ergo Ecclesiæ titulum non simpliciter volumus cōcedere Papistis, non ideo Ec-
clesias apud eos esse inficiamur: sed tantū litigamus de vera & legitima Ecclesiæ constitu-
tione, quæ in cōmunionē cum sacrorū, quæ signa sint professionis, tum verò potissimū
doctrinæ requiritur. Antichristum in templo Dei sessurum prædixerunt Daniel & Paulus.
Dan. 9. g. 27
1. Thes. 2. b. 4 illius scelerati & abominandi regni ducem & antesignanū apud nos facimus Romanum
Pontificem. Quod sedes eius in templo Dei collocatur, ita innuitur, tale fore eius regnum
quod nec Christi nec Ecclesiæ nomen aboleat. Hinc igitur patet, nos minimè negare quin
sub eius quoque tyrānide Ecclesiæ maneant: sed quas sacrilega impietate profanarit, quas
immani dominatione afflixerit, quas malis & exitiabilibus doctrinis, ceu venenatis potioni-
bus, corruerit, & propemodum enecarit: in quibus semisepultus lateat Christus, obrutum
Euangelium, profligata pietas, cultus Dei ferè abolitus: in quibus denique omnia sic sint
cōturbata, vt Babylonis potius quàm ciuitatis Dei sanctæ facies illic appareat. In summa,
Ecclesias esse dico, quatenus populi sui reliquias, vtcunque misere dispersas ac disicctas, il-
lic mirabiliter Dominus cōseruat, quatenus permanent aliquot Ecclesiæ symbola: atque
ea præsertim quorum efficaciam nec Diaboli astutia nec humana prauitas destruere po-
test. Sed quia è conuerso deletæ sunt illic notæ quas præcipuè in hac disputatione respicere
debemus, dico vnumquenque cœtum & totum corpus carere legitima Ecclesiæ forma.

De Ecclesiæ doctoribus & ministris, eorum electione & officio. C A P. III.



A M de ordine dicendum est quo Ecclesiam suam gubernari voluit Domi-
nus. Tamen si enim solum ipsum regere ac regnare in Ecclesia, in ea quoque
præesse vel eminere, & imperium hoc solo eius verbo exerceri atque admini-
strari oportet: quia tamen visibili præsentia inter nos non habitat, vt volunta-
tem nobis suam ore corā declararet, hominum ministerium in hoc adhibere
diximus, & quasi vicariam operā, non ad eos ius suum honorēque transferendo, sed tan-
tū vt per os ipsorū suū ipse opus agat. qualiter ad opus quoque faciendū instrumēto uti-
tur artifex. Quæ iam antè exposui, iterum repetere cogor. Possset id quidem vel per seipsum
sine alio quouis aut adminiculo aut organo, vel etiam per Angelos facere: sed complures
sunt causæ cur per homines malit. Hoc enim modo primū dignationem erga nos suam
declarat, quum ex hominibus sumit qui pro se in mundo legatione fungātur, qui arcana
suæ voluntatis sint interpretes, qui personam denique suam repræsentent. Sicque experi-
mento comprobatur non vanum esse quod passim nos vocat templa sua, dum ex ore homi-
num, velut ex sanctuario, responsa hominibus reddit. Deinde hoc optimū ac utilissimū
ad humilitatem exercitium est, dum nos ad obediendum verbo suo assuefacit, vtcunque
per homines similes nobis, interdum etiam dignitate inferiores, prædicetur. Si de cælo ipse
loqueretur, nihil mirum foret si sacra eius oracula omnium auribus atque animis reueiē-
ter sine mora exciperentur. Quis enim præsentem eius potestatem non horreret: quis non
ad primum tantæ maiestatis aspectum prosterneretur: quis non immenso illo fulgore cō-
funderetur? Verū vbi homuncio quispiam ex puluere emersus in nomine Dei loquitur,
hic nostram erga Deum ipsum pietatem & obseruatiā optimo testimonio declaramus,
si dociles nos exhibemus eius ministrio, quum nulla tamen in re nos excellat. Hac igitur e-
tiam causa cælestis suæ sapientiæ thesaurum in vasis fragilibus ac luteis abscondit, quo cer-
tius experimentum capiat quanti à nobis fiat. Adhæc nihil ad fouendam mutuam chari-
tatem aptius erat quàm hoc vinculo homines inter se colligari, dum vnus constituitur pa-
stor qui reliquos simul doceat: qui verò discipuli esse subcūt, communem ex vno ore do-
ctrinam excipiunt. Si enim sibi quisque sufficeret, nec indigeret alterius opera (quæ super-
bia est humani ingenii) contemneret quisque alios, & ab illis contemneretur. Quem igitur
firmissimum retinendæ vnitatis nodum fore prouidit Dominus, eo Ecclesiam suam ad-
strinxit, dum salutis ac vitæ æternæ doctrinam apud homines deposuit, vt per eorum ma-
nus reliquis communicaret. Huc respexit Paulus, quum Ephesiis scriberet, Vnum corpus,
vnus Spiritus, quemadmodū & vocati estis in vna spe vocationis vestræ. Vnus Dominus,

Matth. 26. a. 11

lege Aug.
lib. 1. de doct.
Christiana.

2. Cor. 4. b. 7

Ephes. 4. a. 4

vna Fides, vnū Baptisma. Vnus Deus & Pater omnium, qui est super omnia, & per omnia, & in omnibus nobis. Verū unicuique nostrum data est gratia secundum mensuram donationis Christi. Quapropter dicit, Quum ascendisset in altum, captiuam duxit captiuitatē, dedit dona hominibus. Qui descendit, idem ille est qui ascendit vt impleret omnia. Et idem dedit alios quidem Apostolos, alios verò Prophetas, alios autē Euangelistas, alios Pastores ac Doctores, ad instaurationem sanctorum, in opus administrationis, in ædificationem corporis Christi: donec perueniamus omnes in vnitatem fidei, & agnitionis Filii Dei, in virum perfectum, in mensurā ætatis plenè adultæ: vt non amplius simus pueri, qui circumferamur omni vento doctrinæ: sed veritatem sectātes in charitate, adoleſcamus in illum per omnia, qui est caput, nempe Christū, in quo totum corpus coagmētatum & compactum per omnem commissuram subministrationis, iuxta actum in mensura vniuscuiusque partis, incrementum corporis facit, in ædificationem sui ipsius per charitatem.

2 His verbis illud ostendit hominum ministerium, quo Deus in gubernanda Ecclesia vtitur, præcipuum esse neruum quo fideles in vno corpore cohæreant: tum verò etiam indicat, non aliter incolumē seruari Ecclesiam posse quàm si his præfidiis fulciatur in quibus salutem eius reponere Domino placuit. Ascēdit Christus in altum (inquit) vt omnia impletet. Hæc autem implendi ratio, quòd per ministros, quibus officium hoc mandauit, & muneris obeundi gratiam cōtulit, sua dona dispensat ac distribuit Ecclesiæ: sc̄que adeo ipsum præsentem quodammodo exhibet, Spiritus sui virtutē in sua hac institutione exendo, ne inanis sit vel otiosa. Sic instaurationis sanctorum peragitur: sic ædificatur corpus Christi: sic adoleſcimus per omnia in eum qui est caput, & inter nos coaleſcimus: sic redigimur omnes in vnitatē Christi, si prophetia inter nos viget, si Apostolos recipimus, si doctrinam nobis administratam non aspernamur. Ecclesiæ ergo dissipationem, vel ruinam potius & exitium molitur quisquis ordinem hunc de quo disputamus, & hoc genus regiminis vel abolere studet, vel quasi minus necessariū eleuat. Neque enim vel solis lumē ac calor, vel cibus ac potus tam sunt præſenti vitæ fouendæ ac sustinendæ necessaria, quàm est conseruandæ in terris Ecclesiæ Apostolicum ac pastorale munus.

3 Proinde suprà admonui, Deum quibus potuit egiis eius dignitatem nobis sæpe cōmendasse: vt in summo honore ac pretio, tanquam res omnium præstantissima, apud nos esset. Singulare beneficium se hominibus largiri, Doctores eis excitando, testatur, vbi iubet Prophetam exclamare, pulchros esse pedes, & beatum aduentum annuntiantium patrem: quū Apostolos lucē mundi & salē terræ nominat. Nec splēdidius ornari poterat hoc officiū quàm quū dixit, Qui vos audit, me audit: qui vos spernit, me spernit. Sed nullus est illustrior locus quàm apud Paulum in secūda ad Corinthios, vbi hanc quæſtionem velut ex professo tractat. Contēdit ergo nihil Euāgelii ministerio in Ecclesia magis præclarum aut gloriosum esse, quum sit administratio Spiritus & iustitiæ & vitæ æternæ. Hæc & similia cō pertinent ne illa gubernandæ ac retinendæ per ministros Ecclesiæ ratio, quam Dominus in perpetuum sanciuit, apud nos vileſcat, ac ipso tādē contemptu obſoleſcat. Ac eius quidem necessitas quanta sit, non verbis modò, sed exemplis quoque declarauit. Cornelio quum plenius affulgere vellet veritatis suæ luce, Angelum è cælo misit qui ad eum Petrum amādaret. Paulum quum ad notitiam sui vocare, ac in Ecclesiam inferere vellet, non sua ipsius voce alloquitur, sed ad hominem remittit à quo & salutis doctrinam & Baptismi sanctificationē percipiat. Si non temere fit quòd Angelus, qui Dei est interpres, ab enarranda Dei voluntate ipse abstinet, hominē verò iubet accersiri qui eam enarret: quòd Christus vnicus fidelium magister, hominis magisterio Paulum committit, & Paulum illum, quem in tertium cælum rapere & mirifica rerum ineffabilium reuelatione dignari constituerat: quis nunc contemnere ministerium illud audeat, vel quasi superuacū præterire, cuius ysum talibus documentis testatum facere Deus voluit?

4 Qui Ecclesiæ regimini secundum Christi institutionem præſunt, nominātur à Paulo primū Apostoli, deinde Prophetæ, tertio Euangelistæ, quartò Pastores, postremò Doctores. Ex quibus duo tantū vltimi ordinariū in Ecclesia munus habent: alios tres initio regni sui Dominus excitauit: & suscitatur etiam interdum, prout temporū necessitas postulat. Quæ sit Apostolica functio ex mandato illo constat, Ite, prædicare Euangelium omni creaturæ. Non attribuuntur illis certi fines: sed totus orbis assignatur redigendus in obedientiam Christi: vt Euangelium vbicunque gentium poterunt spargendo, regnum eius vbique erigant. Proinde Paulus, quum suum Apostolatū approbare vellet, se non vnā aliquam vrbe Christo acquisiuisse, sed longè latèque propagasse Euāgelium commemorat: neque alienis fundamentis apposuisse manus, sed vbi inauditum fuerat Domini no-

men, Ecclesias plantasse. Missi ergo sunt Apostoli qui orbem à defectione in veram Dei obedientiam reducerent, regnūque eius ubique Euangelii prædicatione constituerent: vel, si mauis, qui tanquam primi Ecclesiæ architecti, eius fundamenta in toto mundo iacerēt. Prophetas vocat, non quoslibet diuinæ voluntatis interpretes, sed qui singulari reuelatione excellabant: quales nunc vel nulli extant, vel minus sunt conspicui. Per Euāgelistas, eos intelligo qui quum dignitate essent Apostolis minores, officio tamen proximi erant, ad eoque vices eorum gerebant. Quales fuerunt, Lucas, Timotheus, Titus, & reliqui similes: ac fortassis etiam septuaginta discipuli, quos secundo ab Apostolis loco Christus designauit. Secundum hanc interpretationē (quæ mihi & verbis & sententiæ Pauli consentanea videtur) tres illæ functiones non ideò institutæ in Ecclesia fuerunt vt perpetuæ forent, sed ad id modò tēpus quo erigendæ erant Ecclesiæ vbi nullæ antè fuerant, vel certè à Mose ad Christum traducendæ. Quanquam non nego quin Apostolos postea quoque, vel saltem eorum loco Euangelistas interdū excitavit Deus, vt nostro tempore factum est. Talibus enim qui Ecclesiam ab Antichristi defectione reducerent, opus fuit. Munus tamen ipsum nihilominus extraordinarium appello, quia in Ecclesiis rite constitutis locū non habet. Sequuntur pastores ac doctores, quibus carere nunquam potest Ecclesia: inter quos hoc discriminis esse puto quòd doctores nec disciplinæ, nec sacramentorum administrationi, nec monitionibus aut exhortationibus præsumt, sed Scripturæ tantū interpretationi: vt sincera sanāque doctrina inter fideles retineatur. Pastorale autē munus hæc omnia in se continet.

5 Habemus quæ in Ecclesiæ regimine temporaria ministeria fuerint, & quæ ideo instituta vt perpetuò durent. Quòd si Euangelistas Apostolis iungamus, restabunt nobis duo paria quodammodo inter se respondentia. Quam enim similitudinem habent nostri doctores cum veteribus Prophetis, eam habent cum Apostolis pastores. Excellentius fuit propheticum munus, propter singulare reuelationis donum quo pollebant: sed doctorum officium simile ferè rationem & vnum prorsus finem habet. Ita duodecim illi quos Dominus elegit, vt nouam Euangelii prædicationem orbi promulgarent, ordine & dignitate ceteros antecesserūt. Tamen si enim ex ratione & etymo verbi rite Apostoli possunt vocari omnes ministri Ecclesiastici, quia à Domino omnes mittuntur, eiusque sunt nuntii: quia tamen magni referebat, certam haberi de eorum missione notitiam, qui rem nouam & inauditam afferrent, duodecim illos (quorum numero postea accessit Paulus) peculiari titulo ante alios insigniri oportuit. Hoc nomen tribuit quidem alicubi Paulus ipse Andronico & Iuniæ, quos dicit fuisse insignes inter Apostolos: sed quum propriè loqui vult, non nisi ad primarium illum ordinem refert. Atque hic est communis Scripturæ vsus. Pastores tamen (excepto quòd certas singuli Ecclesias sibi attributas regunt) eandem sustinent cum Apostolis prouinciam. Porro quale illud sit, clarius adhuc audiamus.

6 Dominus, quum Apostolos mitteret, mandatum illis dedit (sicut dictum est nuper) de prædicando Euangelio, & baptizandis credentibus in remissionem peccatorum. Antea autem mādauerat vt sacra symbola corporis & sanguinis sui ad exemplum suum distribuerent. En sanctam, inuiolabilem, perpetuamque legem impositam iis qui in Apostolorum locum succedunt, qua mandatum accipiunt de Euangelii prædicatione & sacramentorum administratione. Vnde colligimus, eos qui vtrunque istorum negligunt, falsò prætexere Apostolorū personam. Quid autem pastores? Paulus non de seipso tantum, sed de omnibus illis loquitur, quum inquit, Sic nos æstimet homo vt ministros Christi & dispensatores mysteriorum Dei. Item alibi, Oportet Episcopum tenacem esse eius qui secundum doctrinam est fidelis sermonis: vt potens sit exhortari per doctrinam sanam, & contradicentes refellere. Ex his & similibus locis qui passim occurrunt, colligere licet, in pastorū quoque functione has esse duas præcipuas partes, Euangeliiū annuntiare, & sacramenta administrare. Docendi autem ratio non in publicis tantum cōcionibus consistit, sed ad priuatas etiam admonitiones pertinet. Ita Paulus testes citat Ephesios, quòd nihil suffugerit eorū quæ in rem ipsorum erant, quin annuntiaret ac doceret eos publicè & per singulas domos, testificās Iudæis simul ac Græcis pœnitentiam & fidem in Christum. Item paulo post, Quòd non destiterit cum lachrymis monere vnumquēque corū. Neque tamen præsentis instituti est singulas boni pastoris dotes persequi, sed tantum indicare quid profiteatur qui se pastores appellant: nempe ita se præesse Ecclesiæ non vt otiosam habeant dignitatem, sed vt Christi doctrina populum ad veram pietatem instituant, sacra mysteria administrent, rectam disciplinam conferuent atque exerceant. Quicumque enim speculatores positi sunt in Ecclesia, illis Dominus annuntiat, si quis per ignorantiam, eorum negligētia pereat, sanguinem se de ipsorum manibus requisitum. In eos quoque omnes competit quod de se ait Paulus, Væ mihi, nisi euangelizem, quum dispensatio mihi sit commissa. Denique, quod orbi

vniverso præstiterunt Apostoli, id gregi suo, cui destinatus est, debet pastor vnusquisque.

7 Et si dum singulis assignamus suas Ecclesias, interim non negamus quin alias Ecclesias iuuare is possit qui vni est alligatus, siue quid inciderit turbarum, quod eius præsentiam requirat: siue ab ipso petatur de re aliqua obscuriore consilium. Sed quia ad retinendâ Ecclesiæ pacem necessaria est ista politia, vnicuique esse propositum quod agat, ne simul omnes tumultuentur, sine vocatione incerti discurrant, in vnum omnes locum temere confluant, & ne vacuas Ecclesias pro libidine deserant, qui de sua commoditate magis quàm de Ecclesiæ ædificatione sunt solliciti: hæc distributio quoad licet obseruari communiter debet, vt suis quisque finibus contentus, in alienam prouinciam non irrumpat. Nec humanum est inuētum, sed Dei ipsius institutū. Legimus enim, Paulum & Barnabam creasse per singulas Listrensum, Antiochenorum, Iconium Ecclesias, Presbyteros: & Paulus ipse Tito præcipit vt oppidatim Presbyteros constituat. Sic alibi Philippensium Episcopos, & alibi Archippum Colossensem Episcopum commemorat. Et extat insignis eius concio apud Lucam, ad Presbyteros Ecclesiæ Ephesinæ. Quisquis ergo Ecclesiæ vnus regimē ac curam susceperit, huic diuinæ vocationis legi obligatum se esse sciat: non quod veluti glebæ addictus (vt Iurisperiti dicunt) id est mancipatus & quasi affixus, pedem inde mouere ne queat, si ita publica vtilitas postularit, modò id rite & ordine fiat. sed is qui in vnum locum vocatus est, non debet ipse de migratione cogitare, nec, prout sibi commodum putarit, quærere liberationem. Deinde, si quem expediat aliò transferri, non tamen debet hoc priuato consilio tentare, sed expectare publicam auctoritatem.

Act. 14. d. 12

Tit. 1. b. 5

Philip. 1. a. 1

Colos. 4. d. 17

Act. 20. d. 18

8 Caterum quod Episcopos, & presbyteros, & pastores, & ministros promiscuè vocauit qui Ecclesias regunt: id feci ex Scripturæ vsu, quæ vocabula ista confundit. quicunque enim verbi ministerio funguntur, iis titulum Episcoporum tribuit. Sic apud Paulum vbi iussus est Titus constituere Presbyteros oppidatim, continuò subiicitur, Oportet enim Episcopum esse inculpabilem, &c. Sic alibi plures in vna Ecclesia Episcopos salutatur. Et in Actis refertur cōuocasse Presbyteros Ephesinos, quos ipse Episcopos sua oratione nominat. Hic iam obseruandum est, nos hæcenus non nisi ea officia recensuisse, quæ in verbi ministerio consistunt. nec de aliis Paulus meminit illo quarto ad Ephesios capite quod citauimus. Verum in epistola ad Romanos, & priore ad Corinthios, alia enumerat, vt potestates, donum sanationum, interpretationem, gubernationem, pauperum curationem. Ex quibus quæ temporaria fuerunt omitto: quia nullum operæ pretium est in iis immorari. Duo autem sunt quæ perpetuò manent: gubernatio, & cura pauperum. Gubernatores fuisse existimo seniores è plebe delectos, qui censuræ morum & exercendæ disciplinæ vnâ cum Episcopis præessent. Neque enim secus interpretari queas quod dicit, Qui præest, id faciat in sollicitudine. Habuit igitur ab initio vnaquæque Ecclesia suum Senatum, cōscriptum ex viris piis, grauib. & sanctis: penes quæ erat illa, de qua postea loquimur, iurisdictio in corrigendis vitiis. Porro eiusmodi ordinem non vnus seculi fuisse, experientia ipsa declarat. Est igitur & hoc gubernationis munus seculis omnibus necessarium.

Tit. 1. b. 5

Philip. 1. a. 1

Act. 20. d. 17

Rom. 12. b. 7

1. Cor. 12. d. 18

Rom. 11. b. 3

9 Cura pauperum diaconis mandata fuit. Quanquam ad Romanos duo ponuntur genera. Qui largitur (inquit illic Paulus) id faciat in simplicitate: qui miseretur, in hilaritate quum de publicis Ecclesiæ muneribus eum loqui certum sit, oportet duos fuisse gradus distinctos. Nisi me fallit iudicium, priore membro diaconos designat, qui eleemosynas administrabant. Altero autem eos qui pauperibus & ægrotis curandis sese dedicauerant. quales erant viduæ, quarum mentionem facit ad Timotheum. Nullum enim aliud publicum officium obire mulieres poterant, quàm si in obsequium pauperum se darent. Si hoc recipimus (vt omnino recipiendum est) duo erunt genera Diaconorum: quorum alteri in rebus pauperum administrandis, alteri in pauperibus ipsis curandis Ecclesiæ seruiunt. Tamen si autem nomen ipsum *διακονίας* latius patet, hos specialiter tamen diaconos Scriptura nūcupat quos eleemosynis dispensandis gerendæque pauperum curæ præficit Ecclesia, & velut publici pauperum ærarii œconomos constituit: quorum origo, institutio ac functio à Luca in Actis describitur. Quum enim murmur à Græcis excitatum esset, quod in pauperum ministerio eorum viduæ negligenterentur, Apostoli excusantes se non posse sufficere vtriq. muneri, & prædicationi verbi & mensarum ministerio, petierunt à multitudine vt eligerentur viri probi septem, quibus id operæ demandarent. En quales habuerit diaconos Apostolica Ecclesia, quales ad eius exemplum habere nos conueniat.

Ibidem.

1. Tim. 5. b. 10

Act. 6. a. 3

10 Iam verò quum ordine omnia & decenter in sacro cœtu gerenda sint, nihil est in quo id seruari diligentius oporteat, quàm in constituenda gubernatione: quia nusquam maius periculum est siquid inordinatè geritur. Itaque, ne homines inquieti ac turbulenti (quod a-

1. Co. 14. g. 40

liās futurum erat) temere se ad docendum vel regendum ingererent, nominatim cautum est nequis sine vocatione publicum in Ecclesia munus sibi sumat. Ergo ut quis censeatur verus Ecclesiæ minister, primò rite vocatus sit oportet: deinde ut suæ vocationi respòdeat, id est iniunctas sibi partes suscipiat & exequatur. Hoc apud Paulum animaduertere sapius licet: qui vbi suum Apostolatam vult approbare, cum sua in munere obeundo fidelitate vocationem semper ferè allegat. Si tantus Christi minister auctoritatem sibi arrogare non audet ut in Ecclesia audiatur, nisi quia & Domini mandato in hoc est constitutus, & fideliter peragit quod sibi commissum est: quanta impudentia erit si quispiam mortalium, utroque vel altero istorum destitutus, eiusmodi honorem sibi postulet? Verùm quia de ob-eundi muneris necessitate superius attigimus, nunc de vocatione tantum agamus.

11 Eius autem tractatio in quatuor versatur: ut sciamus quales & qualiter & à quibus instituendi sint ministri, & quo ritu quæve ceremonia initiandi. De externa & solenni vocatione loquor quæ ad publicum Ecclesiæ ordinem spectat: arcanam verò illam, cuius sibi quisque minister coram Deo conscius est, Ecclesiam testem non habet, omitto. Est autem bonum cordis nostri testimonium, quod neque ambitione, neque avaritia, neque vlla alia cupiditate, sed sincero Dei timore, & ædificandæ Ecclesiæ studio oblatum munus recipiamus. Id quidem unicuique nostrum (ut dixi) si volumus ministerium nostrum Deo approbare, necessarium est. Coram Ecclesia tamè rite nihilominus vocatus est qui mala cōscientia eò accessit, modò non sit aperta eius nequitia. Solent etiam dicere ad ministerium vocatos etiam priuatos homines, quos aptos & idoneos ad id obeundum vident: quia scilicet eruditio coniuncta cum pietate & reliquis boni pastoris dotibus, quædam sit ad ipsum præparatio. Quos enim tanto muneri destinauit Dominus, eos prius iis armis instruit quæ ad implendum requiruntur, ne inanes & imparati veniant. Vnde & Paulus ad Corinthios, quum de ipsis officiis vellet disputare, dona prius recensuit quibus pollere debent qui officiis funguntur. Sed quia hoc est primū ex quatuor capitibus quæ proposui, eò iā pergamus.

1. Cor. 12. a. 7

12 Quales eligere Episcopos deceat, Paulus duobus locis copiosè exequitur. Summa tamen huc redit, non esse eligendos nisi qui sint sanæ doctrinæ, & sanctæ vitæ, nec aliquo vitio notabiles, quod & illis adimat auctoritatem, & ministerio ignominiam afferat. De diaconis & senioribus similis prorsus est ratio. Videndum semper ne ad onus quod illis imponitur, sustinendum, impares sint aut inepti, hoc est ut instruati sint iis facultatibus quæ ad implendum suum munus erunt necessariae. Sic Christus, quum Apostolos missurus esset, eos armis & instrumentis quibus carere non poterant exornauit. Et Paulus, depicta boni ac veri Episcopi imagine, Timotheum admonet nequem ab ea alienum eligendo, seipsum contamine. Particulam Qualiter non ad ritum eligendi, verùm ad religiosum timorem, qui in electione seruandus est, refero. Hinc ieiunia & orationes, quibus vfos fuisse fideles narrat Lucas quum Presbyteros crearent. Nam quum intelligerent se rem agere omnium maximè seriam, nihil tentare audebant nisi cum summa reuerentia & sollicitudine. Potissimùm verò incubuerunt in preces, quibus Spiritum consilii & discretionis à Deo peterent.

Tit. 1. b. 9

1. Tim. 3. a. 1

Luc. 21. c. 15
& 24. g. 49
Marc. 16. c. 15
Act. 1. b. 8
1. Tim. 5. d. 22

13 Tertium quod in partitione posuimus, erat, A quibus eligendi sint ministri. Huius autem rei certa regula ex Apostolorum institutione peti non potest, quæ non nihil habuit à cōmuni reliquorum vocatione dissimile. Quia enim extraordinarium ministerium erat, ut aliqua insigniori nota conspicuum redderetur, ipsius Domini ore vocari & constitui oportuit qui ipso fungerentur. Illi ergo nulla humana electione, sed solo Dei & Christi mandato instruati, se ad opus accinxerunt. Hinc est quod quum alium substituere in locum Iudæ volunt Apostoli, non audent vnum aliquem certò nominare, sed duos in mediū producunt, ut Dominus sorte declaret vtrum ex iis velit succedere. In hunc quoque modum accipere conuenit quod negat Paulus se ab hominibus vel per hominem creatum fuisse Apostolū, sed per Christum & Deum Patrem. Prius illud scilicet, Ab hominibus, cum piis omnibus verbi ministris commune habuit. neque enim potuit quispiam hanc administrationem rite sustinere nisi qui esset à Deo vocatus. Alterum autem proprium & singulare illi fuit. Hoc ergo dum gloriatur, non tantum se habere iactat quod vero ac legitimo pastori conueniat, sed insignia quoque sui Apostolatus profert. Quum enim essent apud Galatas qui eius auctoritatem studentes eleuare, gregarium aliquem discipulum ipsum facerent à primariis Apostolis subrogatum: quo saluam prædicationi suæ dignitatē vendicaret, cui infidias istas intentari nouerat, omni ex parte nihilo se reliquis Apostolis inferiorem ostendere necesse habuit. Proinde se non hominum iudicio, instar vulgaris vnius Episcopi, deletum esse affirmat, sed ipsius Domini ore & manifesto oraculo.

Act. 1. d. 13

Galat. 1. b. 12

- 14 At verò ut ab hominibus designentur Episcopi, omnino ex ordine legitima vocationis esse, nemo sobrius inficiabitur: quando in hanc rem extant tot Scripturae testimonia. Nec reclamatur illud Pauli, ut dictum est, se non ab hominibus neque per homines fuisse missum: quum de ordinaria ministrorum electione illic non loquatur, sed quod erat speciale Apostolis sibi asserat. Quanquam sic Paulum quoque singulari prerogativa Dominus per seipsum designavit ut disciplina Ecclesiasticae vocationis interim vteretur. sic enim refert Lucas, Ieiunantibus & orantibus Apostolis, dicit Spiritus sanctus, Segregate mihi Paulum & Barnabam in opus ad quod selegi eos. Quorsum isthac segregatio & manuum impositio, postquam suam electionem testatus est Spiritus sanctus, nisi ut Ecclesiastica disciplina in designandis per homines ministris conseruaretur? Nullo igitur illustriore documento eiusmodi ordinem approbare Deus potuit, quam dum Paulum Gentibus Apostolum se destinasse praefatus, eum tamen ab Ecclesia vult designari. Quod ipsum in Matthiae electione cernere licet. Nam quia tanti erat munus Apostolicum ut vnum aliquem suo iudicio in eum gradum cooptare non ausint, duos in medio constituunt, quorum in alterum fors casura sit. ut ita & electio compertum est caelo testimonium habeat, neque tamen omnino praetereatur Ecclesiae politia. Galat. i. a. 1
- 15 Quæritur nunc à totâne Ecclesia eligi debeat minister, an à collegis tantum & senioribus qui censuræ praesunt, an verò vnius auctoritate constitui possit. Qui hoc ius ad vnum hominem deferunt, citant quod ait Paulus ad Titum, Propterea reliqui te in Creta, ut constituas oppidatim Presbyteros. Item ad Timotheum, Manus nemini cito imposueris. Sed falluntur, si putant vel Timotheum Ephesi, vel Titum in Creta regnum exercuisse, ut suo vterque arbitrio omnia disponderet. Praefuerunt enim tantum ut bonis & salutaribus consiliis populo praerent: non ut soli, exclusis aliis omnibus, agerent quod placeret. Ac nequid fingere videar, planum id faciam simili exemplo. Refert enim Lucas constitutos esse per Ecclesias Presbyteros à Paulo & Barnaba: sed rationem vel modum simul notat, quum dicit factum id esse suffragiis. *Ἀποκρίσαντες*, inquit, *ὁπότε πέντε καὶ ὀκτώ κληρονομοῦν*. Creabant ergo ipsi duo: sed tota multitudo, ut mos Graecorum in electionibus erat, manibus sublatis declarabat quæ habere vellet. Nempe sic Romani historici non raro loquuntur, Consulem, qui comitia habuerit, creasse novos magistratus, non aliam ob causam nisi quia suffragia receperit, & populum moderatus sit in eligendo. Non est certe credibile Paulum plus concessisse Timotheo & Tito quam sibi ipse sumpserit. Videmus autem ipsum ex populi suffragiis Episcopos creare solitum. Sic ergo intelligendi sunt superiores loci, nequid de comuni Ecclesiae iure ac libertate imminuant. Bene ergo Cyprianus, dum contendit ex diuina auctoritate descendere ut sacerdos plebe praesente sub omnium oculis deligatur, & dignus atque idoneus publico iudicio ac testimonio comprobetur. Siquidem hoc videmus iussu Domini in sacerdotibus Leuiticis fuisse obseruatum, ut ante consecrationem in conspectum populi produceretur. Non aliter ascribitur Matthias Apostolorum collegio, nec aliter septem Diaconi creantur quam populo vidente & approbante. Haec exempla, inquit Cyprianus, ostendunt sacerdotis ordinationem nonnisi sub populi assistentis conscientia fieri oportere: ut sit ordinatio iusta & legitima, quæ omnium testimonio fuerit examinata. Habemus ergo, esse hanc ex verbo Dei legitimam ministri vocationem, ubi ex populi consensu & approbatione creantur qui visi fuerint idonei. Praesse autem electioni debere alios pastores, nequid vel per leuitatem, vel per mala studia, vel per tumultum à multitudine peccetur. Tit. i. b. 5
1. Tim. 5. d. 21
Act. 14. d. 23
Act. 14. d. 23
Lib. i. epist. 3
Leuit. 8. a. 6
num. 10. d. 26
Act. 1. c. 15, &
6. a. 2
- 16 Superest ritus ordinandi, cui vltimum locum in vocatione dedimus. Constat autem Apostolos non alia ceremonia usos esse, quum aliquem ministerio admovebant, quam manuum impositionem. Hunc autem ritum fluxisse arbitror ab Hebraeorum more, qui quod benedictum ac consecratum volebant, manuum impositione Deo quasi repraesentabant. Sic Iacob benedicturus Ephraim & Manasse, eorum capitibus manus imposuit. Quod sequutus est Dominus noster, quum super infantes precationem faceret. Eodem (ut arbitror) significatu Iudaei ex Legis praescripto suis sacrificiis manus imponebant. Quare Apostoli per manuum impositionem eum se Deo offerre significabant quem initiabant in ministerium. Quanquam vsi sunt etiam super eos quibus visibiles Spiritus gratias conferebant. Vtunque sit, fuit hic sollemnis ritus, quoties ad ministerium Ecclesiasticum aliquem vocabant. Sic pastores & doctores, sic diaconos consecrabant. Licet autem nullum extet certum praecipuum de manuum impositione: quia tamen fuisse in perpetuo vsu Apostolis videmus, illa tam accurata eorum obseruatio praecipii vice nobis esse debet. Et certe vtile est eiusmodi symbolo cum ministerii dignitatem populo commendari, tum eum qui ordinatur ad

Act. 6. b. 6,
& 13. a. 3
2. Tim. 1. b. 6
1. Tim. 4. d. 14

moneri, ipsum iam non esse sui iuris, sed Deo & Ecclesie in seruitutem additum. Præterea non erit inane signum, si in germanam suam originem restitutum fuerit. Nam si nihil frustra Spiritus Dei in Ecclesia instituit, hæc ceremoniam, quum ab eo profecta sit, sentiemus non esse inutilem, modò in supersticiosum abusum non vertatur. Hoc postremò habendū est, nò vniuersam multitudinē manus imposuisse suis ministris, sed solos pastores. Quamquam incertū est an plures semper manus imposuerint necne. Illud quidem in diaconis Paulo & Barnaba, & paucis quibusdā aliis factum fuisse cōstat. Sed Paulus ipse alibi se, non alios cōplures, Timotheo manus imposuisse cōmemorat. Admoneo te (inquit) vt gratiam suscites quæ in te est per impositionē manuum mearum. Nam quod in altera Epistola de impositione manuum presbyterii dicitur, non ita accipio quasi Paulus de seniorum collegio loquatur: sed hoc nomine ordinationem ipsam intelligo: quasi diceret, Fac vt gratia quam per manuum impositionem recepisti, quum te Presbyterum crearem, non sit irrita.

De statu veteris Ecclesie & ratione gubernandi quæ in vsu fuit ante Papatum.

C A P. IIII.



HIC A C T E N V S de ordine gubernandæ Ecclesie, vt nobis ex puro Dei verbo traditus est, & de ministeriis, vt sunt à Christo instituta, disseruimus. Nūc quo ista omnia clarius ac familiarius patefiat, ac melius etiam in animis nostris figantur, vtile erit in iis rebus veteris Ecclesie formam recognoscere, quæ nobis diuinæ institutionis imaginem quādam oculis repræsentabit. Tametsi enim multos Canones ediderunt illorum temporum Episcopi, quibus plus viderentur exprimere quàm Sacris literis expressum esset: ea tamen cautione totam suam œconomiam composuerunt ad vnicam illam verbi Dei normam, vt faciliè videas nihil ferè hac parte habuisse à verbo Dei alienum. Verum etiam siquid possit in ipsorum institutis desiderari, quia tamen sincero studio conati sunt Dei institutionem cōseruare, & ab ea non multū aberrarunt, plurimum cōducet hic breuiter colligere qualem obseruationem habuerint. Quemadmodum tradidimus triplices ministros nobis cōmendari in Scriptura, ita quicquid ministrorū habuit vetus Ecclesia, in tres ordines distinxit, nā ex ordine Presbyterorum partim eligebātur Pastores ac Doctores: reliqua pars censuræ morū & correctionibus præerat. Diaconis commissa erat cura pauperum & eleemosynarum dispensatio. Lectores autem & Acoluthi nomina non erant certorum munerū: verum quos clericos vocabant, eos ab adulescentia certis exercitiis assuefaciebāt ad seruiendum Ecclesie, quo melius intelligerent quorsum essent destinati, & paratiores in tempore ad officium accederēt: vt copiosius mox ostendam. Itaque Hieronymus, vbi quinque proposuit Ecclesie ordines, enumerat Episcopos, Presbyteros, Diaconos, Fideles, Catechumenos: reliquo clero & monachis locum proprium nullum tribuit.

In Iesaiam
cap. 9.

2 Quibus ergo docendi munus iniunctum erat, eos omnes nominabāt Presbyteros. Illi ex suo numero in singulis ciuitatibus vnū eligebant, cui specialiter dabant titulū Episcopi: ne ex æqualitate, vt fieri solet, dissidia nascerentur. Neque tamen sic honore & dignitate superior erat Episcopus vt dominiū in collegas haberet: sed quas partes habet Cōsul in Senatu, vt referat de negotiis, sententias roget, consulendo, monendo, hortando, aliis præeat, autoritate sua totam actionem regat, & quod decretum communi consilio fuerit exequatur: id muneris sustinebat Episcopus in Presbyterorum cœtu. Atque id ipsum pro temporum necessitate fuisse humano consensu inductum fatētur ipsi veteres. Ita Hieronymus in epistolam ad Titum, Idem (inquit) Presbyter qui Episcopus. Et antequam Diaboli instinctu dissidia in religione fierent, & in populis diceretur, Ego Pauli, ego Cephæ, cōmuni consilio Presbyterorum Ecclesie gubernabantur. Postea, vt dissensionum semina euellerentur, ad vnum omnis sollicitudo est delata. Sicut ergo Presbyteri sciunt se, ex Ecclesie consuetudine, ei qui præest subiectos: ita Episcopi nouerint se magis consuetudine quàm Dominicæ dispositionis veritate Presbyteris esse maiores, & in commune debere Ecclesiam regere. Alibi tamen docet quàm fuerit antiquum institutum. dicit enim Alexandria, à Marco Euangelista vsque ad Heraclam & Dionysium, Presbyteros semper vnum ex se lectum in excelsiori gradu collocasse, quem Episcopum nominabant. Habebant ergo singulæ ciuitates Presbyterorum collegium, qui Pastores erāt ac Doctores. Nam & apud populum munus docendi, exhortandi & corrigendi, quod Paulus Episcopis iniungit, omnes obibant: & quo semen post se relinquerent, iunioribus qui sacre militie nomen dederant erudiendis nauabant operam. Vnicuique ciuitati erat attributa certa regio, quæ Presbyteros inde sumeret, & velut corpori Ecclesie illius accenseretur. Singula (vt dixi) collegia politie tantum & pacis conseruandæ gratia vni Episcopo suberant: qui sic alios dignitate

Epist. ad E-
uagriū.

Tit. 1. c. 9

antecedebat ut fratrum coetui subiiceretur. Quod si amplior erat ager qui sub eius episcopatu erat quam ut sufficere omnibus Episcopi muniis ubique posset, per ipsum agrum designabantur certis locis Presbyteri, qui in minoribus negotiis eius vices obirent. Eos vocabant Chorepiscopos, quod per ipsam provinciam Episcopum representabant.

3 Sed quantum ad officium attinet de quo nunc agimus, tam Episcopum quam Presbyteros verbi & sacramentorum dispensationi incumbere oportuit. Nam Alexandria tantum (quoniam illic Arrius Ecclesiam turbauerat) institutum fuit ne Presbyter concionem ad populum haberet, ut ait Socrates libro 9^o Tripertitae historiae. Quod tamen ipsum Hieronymus sibi displicere non dissimulat. Certè instar portenti habitum esset, si quis se pro Episcopo venditasset, qui non etiam re ipsa exhibuisset verum Episcopum. Ea igitur fuit temporum illorum seueritas, ut ministri omnes ad implendum munus, quale ab ipsis Dominus requirit, adigerentur. Nec vnus tantum ætatis morem refero: siquidem ne Gregorii quidem tempore, quo Ecclesia iam ferè collapsa erat (certè multum ab antiqua puritate degenerauerat) tolerabile fuisset Episcopum aliquem à concionibus abstinere. Sacerdos (inquit ipse alicubi) moritur, si de eo sonitus non audiat: quia iram contra se occulti iudicis exigit, si sine sonitu prædicationis incedit. Et alibi, Quum testatur Paulus se mundum esse à sanguine omnium, in hac voce nos conuincimur, nos constringimur, nos rei esse ostendimur, qui Sacerdotes vocamur, qui super ea mala quæ propria habemus, alienas quoque mortes addimus: quia tot occidimus quot ad mortem ire quotidie tepidi & tacentes videmus. Tacentes se & alios vocat, quia minus assidui essent in opere quam cõueniret. Quum ne iis quidem parcat qui officium dimidia ex parte agebant: quid facturum fuisse putas si quis in totum cessasset? Valuit ergo diu illud in Ecclesia, ut primæ Episcopi partes essent, populum verbo Dei pascere, seu edificare Ecclesiam publicè ac priuatim sana doctrina.

Epist. ad E-uagrium.

Epist. 24.

Homil. in Ezech. 11.
Act. 20. c. 18

4 Quod autem singulæ provincie vnum habebant inter Episcopos Archiepiscopum: quod item in Nicena synodo constituti sunt Patriarchæ, qui essent ordine & dignitate Archiepiscopis superiores, id ad disciplinæ conseruationem pertinebat. Quanquam in hac disputatione præteriri nõ potest quod rarissimi erat vsus. Ob hæc igitur causam potissimum instituti sunt illi gradus, ut siquid in Ecclesia qualibet incideret quod nõ posset bene à paucis expediri, ad synodum provincialem referretur. Si magnitudo aut difficultas causæ maiorem quoque discussionem postularet, adhibebantur Patriarchæ vnà cum synodis, à quibus non esset prouocatio nisi ad vniuersale concilium. Gubernationem sic constitutam nonnulli hierarchiam vocarunt, nomine (ut mihi videtur) improprio: certè Scripturis inusitato. Ca uere enim voluit Spiritus sanctus nequis principatui aut dominationem somniaret, quum de Ecclesiæ gubernatione agitur. Verum si rem omisso vocabulo intuemur, reperiemus veteres Episcopos non aliam regendæ Ecclesiæ formam voluisse fingere ab ea quam Deus verbo suo præscripsit.

5 Nec alia tunc fuit Diaconorum ratio quam sub Apostolis. Oblationes enim fidelium quotidianas & annuos Ecclesiæ prouentus recipiebant, ut conferrent in veros vsus, id est, partim ministris, partim pauperibus alendis distribuerent: Episcopi tamen arbitrio, cui & œconomix suæ rationes quotannis reddebant. Nam quod Canones Episcopum ubique faciunt bonorum omnium Ecclesiæ dispensatorem, non ita intelligendum est quasi ipse per se eam sollicitudinem gesserit: sed quia ipse erat præscribere Diacono qui in publicam Ecclesiæ alimoniam recipiendi essent, de eo quod residuum erat, quibus & quantum cuique erogandum esset: quia inspectionem habebat an hic fideliter exequeretur quod officii sui esset. sic enim in Canonibus quos Apostolis adscribunt, legitur, Præcipimus ut in sua potestate res Ecclesiæ habeat Episcopus. Si enim animæ hominum preciosiores illi creditæ sunt, multò magis decet eum curam de pecuniis agere: ita ut eius potestate omnia pauperibus dispensentur per Presbyteros & Diaconos: ut cum timore & omni sollicitudine ministrentur. Et in concilio Antiocheno decretum est ut coerceantur Episcopi, qui sine Presbyterorum & Diaconorum conscientia res Ecclesiæ pertractant. Sed de eo non est longius disputandum, quum ex plurimis Gregorii epistolis constet, illo quoque tempore quo alias Ecclesiasticæ ordinationes multum vitiatæ erant, hanc tamen obseruationem durasse, ut Diaconi sub Episcopo pauperum essent œconomi. Hypodiaconos verisimile est fuisse initio Diaconis attributos, ut eorum opera circa pauperes vterentur: sed illud discrimen paulatim confusum fuit. Archidiaconi autem creati tunc cœperunt quum amplitudo facultatum nouam & exactiorem administrandi rationem postularet: quanquam Hieronymus iam ætate sua fuisse commemorat. Erat autem penes eos summa reddituum, possessionum, suppellectilis, & quotidianarum oblationum procuratio. Vnde Gregorius Salonitano Archi-

Cap. 35.

Epist. ad Ne-
potianum.
Epist. 10. lib. 1

diacono denuntiat reatu constrictum teneri ipsum, siquid ex bonis Ecclesiæ vel negligentia vel vilius fraude deperierit. Quod autem Euangelii ad populum lectio illis dabatur, & exhortatio ad precandum: quod item ad porrigendum in sacra Cœna calicem adhibebantur: ad muneris ornandi causa fiebat, quo maiori religione ipsum obirent, quum admonebantur talibus symbolis non esse profanam aliquam villicationem quam gererent, sed spirituales & Deo dicatam functionem.

- 6 Hinc etiam iudicare licet quis bonorum Ecclesiasticorum usus fuerit, & qualis dispensatio. Passim tum in synodorum decretis, tum apud vetustos scriptores reperias, quicquid possidet Ecclesia vel in fundis, vel in pecunia, pauperum esse patrimonium. Itaque subinde illic hæc cantilena Episcopis & Diaconis canitur, ut meminerint se non proprias opes sed pauperum necessitati destinatas attrectare: quas si mala fide supprimant aut dilapident, rei sanguinis futuri sint. Vnde admonentur cum summo tremore & reuerentia, velut in conspectu Dei, sine personarum acceptione, eas distribuere quibus debentur. Hinc & illæ apud Chrysostomum, Ambrosium, Augustinum, & alios similes Episcopos, graues obtestationes, quibus suam integritatem apud populum asseuerant. Quum autem æquum sit, & Domini etiam Lege sancitum, ut qui suam Ecclesiæ operam impendunt, publicis Ecclesiæ sumptibus alantur, & nonnulli etiam eo seculo Presbyteri patrimoniis suis Deo consecratis, voluntarii pauperes facti essent: talis erat distributio ut nec ministris deessent alimenta, & pauperes non negligerentur. Cauebatur tamen interim ne ministri ipsi, qui frugalitatis exemplum dare aliis debent, tantum haberent unde ad luxum aut delicias abuterentur: sed duntaxat quo suam inopiam sustineret. Qui enim bonis parentum sustentari possunt clerici, inquit Hieronymus, si quod pauperum est accipiunt, sacrilegium committunt: & per abusionem eiusmodi, iudicium sibi manducant & bibunt.

Refert. ep.
Clericos. 1
& 2.

- 7 Principio libera & voluntaria fuit administratio, quum sponte fideles essent Episcopi ac Diaconi, & conscientie integritas vitæque innocentia pro legibus foret. Deinde quum ex quorundam cupiditate vel prauis studiis nascerentur mala exempla: ad hæc vitia corrigenda compositi sunt Canones, qui Ecclesiæ redditus in quatuor partes diuiserunt, quarum vnā assignarunt clericis, alteram pauperibus, tertiam sacris ædibus & aliis ædificiis sacris testis tuendis, quartā verò tam aduenis quàm indigenis pauperibus. Nam quod hæc postremam Episcopo attribuunt alii Canones, id nihil variat ab ea quam dixi partitione. Neque enim propriam eius esse volunt, ut vel solus ipse ingurgitet, vel quod libuerit profundat, sed ut hospitalitati, quam ab ordine illo Paulus exigit, sufficiat. Atque ita interpretantur Gelasius & Gregorius. non enim aliam rationem adducit Gelasius cur sibi quicquam Episcopus vendicat, nisi ut captiuis & peregrinis largiri queat. Et clarius etiam num loquitur Gregorius, Mos est, inquit, Apostolicæ sedis, ordinato Episcopo præcepta dare, ut de omni stipendio quod prouenit quatuor fiant portiones: vna videlicet Episcopo & familie eius, propter hospitalitatem atque susceptionem: altera clero: tertia pauperibus: quarta reparandis Ecclesiis. Nihil ergo Episcopo in suum usum capere licuit, nisi quod ad moderatum frugalemque victum ac vestitum satis esset. Quod si quis inolescere cœpisset, vel luxu, vel ostentatione ac pompa, statim à collegis reprimebatur: nisi paruisset, honore abdicabatur.

1. Timo. 3. 2. 2

Cap. Præfultu, 16. quæst. 3
Refert. cap.
Mos est, 12.
quæst. 12.

- 8 Porro quod in ornatum sacrorum conferbant, perquam exiguum primò erat: deinde quum paulo ditior Ecclesia facta esset, seruauit tamen ea in re mediocritatem. Et tamen quicquid pecuniæ illic collocabatur, saluum pauperibus manebat, siqua maior necessitas incidisset. Ita Cyrillus, quum fames Hierosolymorum prouinciam occupasset, nec posset aliter inopiam subueniri, vasa & vestes distraxit, ac insumpsit in pauperum alimoniam. Similiter Acacius Amidæ Episcopus, quum magna Persarum multitudo fame propemodum interiret, conuocatis clericis, & habita præclara illa oratione, Deus noster neque discis neque calicibus opus habet, quia neque comedit neque bibit: vasa conflauit unde miseris & cibum & redemptionis pretium conficeret. Hieronymus quoque, dum in nimium templorum splendorem inuehitur, honoris causa Exuperium Tholosæ Episcopum sui temporis refert, qui corpus Domini in canistro vimineo portabat, & sanguinem in vitro: nullum verò pauperem esurire patiebatur. Id quod nuper de Acacio dixi, Ambrosius de seipso recitat. nam quum illum grauarèt Arriani quod in redemptionem captiuorum sacra vasa cōfregisset, pulcherrima hac excusatione usus est, Qui sine auro misit Apostolos, & Ecclesias sine auro congregauit. Aurum habet Ecclesia, non ut seruet, sed ut eroget, & subueniat in necessitatibus. Quid opus est custodire quod nihil adiuvat? An ignoramus quantum auri atque argenti de templo Domini Assyrii sustulerint? Nonne melius conflatur sacerdos propter ali-

Tripart. hist.
lib. 5
Lib. 11. cap. 16

Ad Nepotianum.

Lib. 1. De officio. cap. 18.

moniam pauperum, si alia subsidia defint, quàm sacrilegus asportat hostis: Nónne dicturus est Dominus, Cur passus es tot inopes fame emori: & certè habebas aurum, unde ministrasses alimoniam. Cur tot captiui abducti sunt, nec redēpti: Cur tot ab hoste occisi sunt? Melius fuerat vt vasa viuentium seruares quàm metalloium. His non poteris reipsonum dare. quid enim diceres: Timui ne templo Dei ornatus decisset. Responderet, Aurum sacramenta non quærunt neque auro placent quæ auro non emuntur. Ornatus sacramentorum, redemptio captiuorum est. In summa, videmus verissimum fuisse quod idem alibi dicit, quicquid tunc Ecclesia possideret, sumptum fuisse egenorum. Item, Nihil Episcopum habere quod pauperum non esset.

Lib. 5. epist.
31, & 33

9 Hæc quæ recensuimus, veteris Ecclesiæ ministeria fuerunt. Alia enim, de quibus mentionem faciunt Ecclesiastici scriptores, magis exercitia fuerunt & quædam præparationes, quàm certa munera. Nam sancti illi viri, vt Ecclesiæ seminarium post se relinquerēt, adulescentes, qui ex parentum consensu & autoritate, militiæ spiritali nomen dabant, recipiebant in suam fidem ac tutelam, atque etiā disciplinam: eorūque sic formabant à tenera ætate, ne rudes ac noui ad obeundum munus accederent. Omnes autem qui eiusmodi tyrociniis imbuebantur, generali nomine vocabantur Clerici. Vellem equidē aliud nomen magis proprium inditum illis fuisse. hæc enim appellatio ex errore, vel certè praua affectione nata est: quum tota Ecclesia clerus, hoc est hæreditas Domini, à Petro dicatur. Ipsum tamen institutū sanctū ac salutare inprimis fuit, vt qui se ac suam operam Ecclesiæ consecrare vellent, ita sub Episcopi custodia educarentur, nequis, nisi bene præformatus, Ecclesiæ ministraret, & qui à prima adulescētia tum sanctā doctrinā imbibisset, tum ex seueriore disciplina, grauitatis sanctiorisque vitæ habitū quendā induisset, tum à curis profanis fuisset alienus, curisque ac studiis spiritalibus assuefactus. Quemadmodū autē militiæ tyrones vmbartilibus pugnis instituūtur ad verū seriūque certamē, sic erant certa rudimenta quibus exercebantur in clericatu, priusquam ad ipsa munia promouerentur. Illis ergo primū aperiendi claudendique templi curam mandabant, ac eos nominabant Ostiarios. Postea vocabant Acoluthos, qui Episcopo in domesticis obsequiis adessent, eūque perpetuò comitarentur, primū honoris causa, deinde nequa suspicio nasceretur. Præterea vt sensim populo innotescerent, & commendationem sibi acquirerent: simul vt discerent ferre omnium conspectū, & coram omnibus loqui: ne Presbyteri facti, quum ad docendum prodirent, pudore confunderentur, locus legendi ipsis dabatur in suggestu. In hunc modum gradatim promouebantur, vt suā sedulitatem in singulis exercitiis approbarent, donec hypodiaconi fiebant. Hoc tantū volo, fuisse hæc tyronū rudimenta magis, quàm functiones, quæ veris Ecclesiæ ministeriis accenserentur.

1. Pet. 5. 23

10 Quod primum & secundum in ministrorum vocatione esse diximus, quales eligere, & quantam religionem in ea re adhibere oporteat: in eo Pauli præscriptum & Apostolorum exempla vetus Ecclesia sequuta est. Solebant enim ad eligendos pastores cū summa reuerentia ac sollicita nominis Dei inuocatione conuenire. Ad hæc formulam examinis habebant, qua eligēdorum vitam & doctrinam ad illam Pauli amissim exigebant. Tantū peccarunt hic nonnihil immodica seueritate, quòd plus requirere voluerunt in Episcopo quàm Paulus requirat: ac præsertim successu temporis cælibatum. Verū in cæteris consentanea fuit ipsorum obseruatio cum Pauli descriptione. In eo autem quod tertio loco posuimus, quinam scilicet ministros instituere debeant, non vnum semper tenuerunt ordinem. Antiquitus ne in clericorum quidem cœtum recipiebatur quispiam sine consensu totius plebis. vt Cyprianus diligenter excuset quòd Aurelium quendam inconsulta Ecclesia lectorem constituerit: quia id præter morem, tametsi non sine ratione factum fuerat. Sic autem præfatur, In ordinandis clericis, fratres charissimi, solemus vos antè consulere, & mores ac merita singulorum communi consilio ponderare. Verū quia in minoribus illis exercitiis non multum erat periculi: quòd ad diuturnā probationem & non magnam functionem assumerentur, rogari consensus plebis desiit. Postea in reliquis quoque ordinibus, excepto Episcopatu, plebs Episcopo ac Presbyteris iudiciū delictūque ferè permisit, vt cognoscerent quinam idonei ac digni forent: nisi fortè quum parochiis noui Presbyteri destinabantur. tunc enim loci multitudinē neminatim cōsentire oportuit. Nec mirum est quòd retinendo suo iure populus hac in parte minus sollicitus fuerit. nemo enim Hypodiaconus fiebat qui non longum sui experimentum in clericatu, sub ea quæ tūc erat disciplinæ seueritate, dedisset. Postquam in eo gradu probatus fuerat, diaconus constituebatur: inde ad presbyterii honorem perueniebat, si fideliter se gessisset. Ita nullus promouebatur de quo non re vera multis annis habitum esset sub populi ocu-

1. Tim. 3. 2. 1

Lib. 1. epist. 4

lis examen. Et erant multi Canones ad punienda eorum vitia: vt Ecclesia malis Presbyteris aut Diaconis non grauaretur, nisi remedia negligeret. Quamquam in Presbyteris quoque semper exigebatur ciuium consensus, quod etiam testatur Canon primus distin. 67. qui Anacleto tribuitur. Denique omnes ordinationes ideo statis anni temporibus fiebant nequis clanculum sine fidelium consensu obreperet, aut nimia facilitate absque testibus promoueretur.

11

Epist. 90. capite 2.

In eligendis Episcopis diu sua populo libertas fuit cōseruata, nequis obtruderetur qui non omnibus acceptus esset. Hoc igitur in concilio Antiocheno vetitum est, nequis inuitis ingeratur. Quod & Leo primus diligenter confirmat. Hinc istæ sententiæ, Is eligatur quem clerus & plebs aut maior numerus postularint. Itē, Qui præfutura est omnibus, ab omnibus eligatur. Qui enim ignotus & non examinatus præficitur, necesse est vt per vim intrudatur. Item, Is eligatur qui à clericis electus, à plebe expetitus fuerit: & à prouincialibus cū metropolitani iudicio consecratur. Adeo autē cauerunt sancti patres ne vllō pacto immi-
nueretur hæc populi libertas, vt quum synodus vniuersalis Constantinopoli congregata Nestarium ordinaret, id facere noluerit sine totius cleri & populi approbatione: vt sua ad synodum Romanam epistola testata est. Proinde quum Episcopus quispiam successorem sibi designaret, non aliter ratum erat quàm si totus populus scisceret. Cuius rei non modò exemplum, sed formulā quoque habes apud Augustinū in nominatione Eradii. Et Theodoritus, quum refert Petrum ab Athanasio successorem nominatum, continuò adiungit, sacerdotalem ordinem ratum id habuisse, magistratum & primores populūque vniuersum sua acclamatione approbasse.

Epist. 110. Habetur apud Theodoricum, lib. 4. cap. 20.

12

Cap. 13

Est quidem & illud (fateor) optima ratione sancitum in Laodicensi concilio, ne tur-
bis electio permittatur. Vix enim vnquam euenit vt tot capita vno sensu rem aliquam bene componant. & ferè illud verum est, Incertum scindi studia in contraria vulgus. Verūm huic periculo adhibitum erat optimum remedium. Primū enim soli clerici eligeant, quem elegerāt, offerebant magistratui, vel senatui ac primoribus. Illi, habita deliberatione, electionē, si iusta videbatur, consignabant: sin minus, eligebat alium quem magis probarent. tū ad multitudinē res deferbatur, quæ tametsi præiudiciis illis nō alligaretur, minus tamē tumultuari poterat. Aut si à multitudine incipiebatur, tantū id fiebat vt sciretur quem potissimum expeteret. auditis popularium votis, clerici demum eligeant. Ita nec clericis licebat quē vellent præficere, nec tamen stultis populi desyderiis obsequi necesse habebant. Hunc ordinem ponit alibi Leo, quum dicit, Expectanda sunt vota ciuium, testimonia populorum, honoratorum arbitrium, electio clericorum. Item, Teneatur honoratorum testimonium, subscriptio clericorum, ordinis consensus ac plebis. aliter (inquit) fieri nulla ratio finit. Nec aliud sibi vult illud decretum synodi Laodicēsis, quàm ne ab inconsiderata multitudine patiantur se abripi clerici & primores: sed potius sua prudentia & grauitate stultas eius cupiditates, siquando opus fuerit, reprimant.

Epist. 87.

13

Id quoque epist. compluribus.

Lib. 2. Epist. 69.

Distinct. 23. capite, In nomine.

Hæc eligendi ratio adhuc ætate Gregorii valebat, & verisimile est diu postea durasse. Extant apud eum plurimæ epistolæ quæ luculentum huius rei testimonium dant. quoties enim de creando alicubi nouo Episcopo agitur, scribere solet ad clerum, ordinem & plebem, interdum etiam ad ducem, prout est regimen ciuitatis constitutum. Quod si ob incompositum Ecclesiæ statum vicino alicui Episcopo inspectionem in electione mandat, semper tamen requirit solenne decretum, omnium subscriptionibus roboratum. Quinetiam quum creatus Mediolani Episcopus esset Constantius quidam, & ob incursiones barbarorū multi Mediolanensium Genuā confugissent: non aliter fore legitimam electionē putat quàm si ipsi quoque in commune conuocati assensi fuerint. Imò nōdum anni quingenti effluerunt ex quo Nicolaus Papa de Romani Pontificis electione in hunc modum statuit, vt præirent Cardinales Episcopi, deinde reliquum clerum sibi adiungerent, postremò plebis consensu electio firma esset. Et in fine recitat illud quod nuper citauimus Leonis decretum, ac in posterum valere præcipit. Quod si ita inualuerit improborum malitia vt clerici ad puram electionem faciendam vrbe egredi cogantur: aliquos tamen è populo simul adesse iubet. Imperatoris verò suffragium, quantum intelligere licet, in duabus tantū Ecclesiis requirebatur, Romana & Constantinopolitana: quod illic duæ imperii sedes essent. Nam quod Mediolanum ad gubernandam noui Episcopi electionem missus fuit Ambrosius cum potestate à Valentiniano, id propter graues factiones quibus inter se ciues flagrabant, extraordinarium fuit. Romæ autem tantum olim valuit imperatoris autoritas in Episcopo creando, vt Gregorius se ipse iussu in Ecclesiæ gubernaculis constitutū esse dicat: quum tamen solenni ritu à populo fuisset expetitus. Hoc autem moris fuit vt quum

Epist. 5. lib. 1.

aliquem designassent ordo clerus ac populus, ad imperatorem statim referret ille, ut vel scisceret electionem suam approbatione, vel improbando abrogaret. Neque huic consuetudini repugnât decreta quæ à Gratiano colliguntur, ubi nihil aliud dicitur quàm nullo modo ferendum esse ut sublata canonica electione, rex pro sua libidine Episcopum constituat, & à Metropolitano non esse consecrandum qui per violenta imperia sic fuerit promotus. Aliud enim est, spoliare Ecclesiam iure suo, ut totum ad unius hominis libidinem transferatur: aliud hoc honoris regi aut imperatori dare, ut sua autoritate legitimam electionem confirmet.

14 Sequitur iam ut tractemus quo ritu post electionem initiarentur veteris Ecclesiæ ministri in suum officium. Hanc Latini ordinationem vel consecrationem, Græci *ἁγιοποιήσαν*, interdum etiam *ἁποποιήσαν* vocarunt: licet *ἁποποιήσαν* id genus electionis propriè dicatur ubi declarantur suffragia manuum elevatione. Extat autem decretum Niceni concilii, ut Metropolitano cum omnibus provinciæ Episcopis conveniat ad eum qui electus fuerit ordinandum. Si autem itineris longitudine, aut valetudine, aut alia necessitate pars impeditur, ut tamen tres minimum conveniant: qui autem absunt, suam consensionem per literas testentur. Atque hic Canon quum desuetudine obsolesceret, pluribus deinde synodis renouatus fuit. Omnes autem, aut saltem quicumque excusationem non haberent, ideo adesse iuebantur quo gravius de doctrina & moribus ordinandi haberetur examen. neque enim sine examine res peragebatur. Et apparet ex Cypriani verbis, non post electionem vocari, sed electioni interesse olim solitos: atque in eum finem ut essent quasi moderatores, nequid in ipsa turba fieret turbulenti. Vbi enim dixit plebi esse potestatem vel dignos eligendi sacerdotes, vel indignos recusandi: aliquanto post subiungit, Propter quod diligenter de traditione diuina atque Apostolica seruandum est & tenendum (quod apud nos quoque & ferè per provincias vniuersas tenetur) ut ad ordinationes rite celebrandas, ad eam plebem cui præpositus ordinatur, Episcopi eiusdem provinciæ proximi quique conveniant, & Episcopus deligatur plebe præsentem. Sed quum tardius interdum cogerentur, & periculum esset ne illa mora abuteretur quidam ad ambiendi occasionem, satis fore visum est si designatione facta ipsi accederent, ac legitima inquisitione probatum consecrarent.

Epi. 2.

15 Hoc quum ubique sine exceptione fieret, paulatim mos diuersus inoleuit, ut metropolitani ad petendam ordinationem electi concederent. Quod ambitione magis & veteris instituti depravatione factum est, quàm bona aliqua ratione. Nec multo post, aucta iam Romanæ sedis autoritate, obtinuit altera adhuc deterior consuetudo, ut totius ferè Italiæ Episcopi consecrationem inde peterent. Quod animaduertere licet ex epistolis Gregorii. Paucis tantum ciuitatibus, quæ non ita facillè cesserant, antiquum ius seruatum erat. ut de Mediolano exemplum illic habetur. Fortassis solæ metropoles retinuerunt suum priuilegium. Solebant enim ad Archiepiscopum consecrandum omnes provinciales Episcopi convenire in ipsam primariam ciuitatem. Cæterum ritus erat manuum impositio. Nihil enim præterea ceremoniarum adhibitum lego: nisi quod aliquem ornatum in solenni cœtu habebant Episcopi, quo à reliquis presbyteris distinguerentur. Presbyteros quoque & diaconos sola manuum impositione ordinabant: sed suos presbyteros quisque Episcopus cum presbyterorum collegio ordinabat. Quanquam autem idem agebant omnes: quia tamè præibat Episcopus, & quasi eius auspiciis res gerebatur, ideo ipsius dicebatur ordinatio. Vnde veteres hoc sæpe habent, non differre alia re ab Episcopo presbyterum nisi quia ordinandi potestatem non habeat.

Lib. 2. Epist.
69, & 76.

Antiquam regiminis formam omnino pessundatam fuisse tyrannide Papatus.

CAP. V.

NVNC ordinem gubernandæ Ecclesiæ, quem hodie tenet Romana sedes ac omnes eius satellites, totamque hierarchiæ illius quam perpetuò in ore habent imaginem ob oculos ponere operæ pretium est, ac cum illo quem descripsimus, primæ ac veteris Ecclesiæ conferre: quo ex comparatione eluceat qualem Ecclesiam habeant qui hoc solo titulo ad nos grauandos vel potius obruendos ferociunt. Præstat autè à vocatione incipere, ut videamus qui & quales & qua ratione vocentur ad hoc ministerium. Tum deinde considerabimus quàm fideliter munus suum impleant. Dabimus autem primum locum Episcopis: quibus utinam hoc honori esse posset, in hac disputatione primum tenere ordinem. Sed res ipsa non patitur me vel leuiter attingere hoc argumentum sine summo ipsorum dedecore. Et tamen meminero in quo scripti genere nunc verser: nec orationem meam, quæ ad simplicem doctrinam composita esse debet, ultra suas metas diffluere patiar. Sed tamen respondeat mihi quispiam eorum qui non prorsus frontem perdidērūt, quales hodie Episcopi passim eligantur. Sanè examen haberi

de doctrina nimis obsoletū est. quòd si quis habetur doctrinæ respectus, iurisconsultum aliquem deligunt, qui in foro magis litigare nouerit quàm in Ecclesia concionari. Hoc constat, à centum annis vix centesimū quēque fuisse electū qui sacrae doctrinæ aliquid terneret. Superioribus seculis non ideo parco, quòd multo meliora fuerint, sed quòd de præsentī modò Ecclesia nobis quaestio est. Si de moribus fiat censura, paucos aut propemodū nullos fuisse reperiemus quos non indignos veteres Canones iudicassent. Qui non fuit ebriosus, fuit scortator: qui ab hoc quoque scelere purus fuit, aut aleo fuit, aut venator, aut in aliqua parte vitæ dissolutus. Sunt enim leuiora vitia quæ secundum vetustos Canones hominem ab Episcopatu excludunt. Hoc verò locū gē absurdissimum, quòd pueri quoque vix decennes, Papæ concessione, Episcopi sunt facti. Eò impudentiæ ac stuporis prouecti sunt ut ne illud quidem extremum & adeò prodigiosum flagitium horrerent, quòd ad ipso naturæ sensu penitus abhorret. Hinc apparet quàm religioſa fuerint electiones, vbi tam supina negligentia fuit.

2. Iam in eligēdo totum illud ius populi sublatum est. Vota, assensus, subscriptiones & omnia eiusmodi euauerunt. ad solos Canonicos integra potestas trāslata est. Illi in quem volunt, conferunt Episcopatum, cum mox in conspectum plebis producant: sed adorandum, non examinandum. Atqui reſclamat Leo, nullam rationem id finire, ac violentam impositionem esse pronuntiat. Cyprianus quum fluere ex iure diuino testatur ne fiat nisi ex consensu populi, pugnare diuersum morem cum verbo Dei ostendit. Tot synodorum decreta ne secus fiat seuerissimè prohibent: ac, si factum sit, iubent esse irritum. Si hæc vera sunt, nulla hodie neque diuino neque Ecclesiastico iure Canonica electio in toto Papatu superest. Verum etiam si nihil aliud mali foret, quī tamen hoc excusare poterunt quòd ita spoliauerint suo iure Ecclesiam? Atqui ita, inquiunt, exigebat temporū corruptio, ut quoniam apud plebem & magistratus plus valebant odia & studia in assumendis Episcopis, quàm rectū sanūque iudicium, eius rei arbitrium paucis deferretur. Fuerit sanè hoc extremum mali in rebus deploratis remedium. Verum vbi medicina morbo ipso nocentior apparuit, cur non & nouo huic malo succurritur? Sed est, inquiunt, ipsis Canonicis exactè præscriptum quid sequi in electione debeāt. Sed an dubitamus quin sanctissimis legibus olim plebs se astringi intelligeret, quum videret sibi regulā ē verbo Dei propositam, dum ad Episcopum eligendum conueniret? Siquidem illa vna vox Dei qua describit veram Episcopi effigiem, meritò plurius esse debebat quàm infinitæ Canonum myriades. Sed nihilominus, pessimo affectu corrupta, nullam habebat legis aut æquitatis rationem. Sic hodie etsi optimæ scriptæ sunt leges, manent tamen in chartis sepultæ. Interim ut plurimū moribus receptū est, & (quasi ratione fiat) etiam approbatum, ut ebrii, scortatores, aleo- res passim ad hunc honorem promoueantur. parum dico: ut Episcopatus adulteriorum & lenociniorum sint præmia. Nam quum venatoribus & aucupibus dantur, præclarè res cecidisse existimanda est. Tantam indignitatem vllō modo excusare, nimis improbum est. Habebat, inquam, olim optimum canonem populus, cui præscribebat Dei verbum, oportere Episcopum esse irreprehensibilem, doctorem, non pugnacem, &c. Cur ergo eligendi prouincia à populo ad istos trāslata est? Quia scilicet inter populi tumultus & factiones verbum Dei non exaudiebatur. Et cur hodie ab istis rursus non transferatur, qui non modò leges omnes violant, sed abiecto pudore, libidinose, auarè, ambitiose, humana diuinis commiscunt & confundunt?

1. Tim. 3. 1. 1

3. Sed mentiuntur quum aiunt hoc remedii loco fuisse inuentum. Sæpe in Episcopis eligendis tumultuatas olim fuisse vires legimus: nemo tamen vnquam de auferēdo ciuibz iure cogitare ausus est. Alias enim habebant vias quibus vel obuiarēt his vitiis, vel iam admissa corrigerent. Verum dicam quid sit. Quum populus in delictu habendo negligētiore esse cœpisset, & hanc curam, quasi minus sibi congruentem, in presbyteros reiiceret, illi hac occasione ad tyrannidem sibi vsurpandam abusi sunt: quam postea nouis canonibus editis stabilierunt. Ordinatio autem nihil aliud est quàm merum ludibrium. Species enim examinis, quam illic ostentant, adeo inanis est & ieiuna, ut omni etiam fūco careat. Itaque quòd al. cubi pactione impetrarunt principes à Romanis Pontificibus, ut nominarent ipsi Episcopos, in eo nihil noui damni fecit Ecclesia: quia canonicis duntaxat electio, quam nullo iure rapuerant, vel certè furati erant, adempta est. Est hoc sanè foedissimum exemplum, quòd ex aula mittuntur Episcopi ad occupandas Ecclesias, & piorum principum effect à tali corruptela abstinere. Est enim impia Ecclesiæ spoliatio, quoties alicui populo ingeritur Episcopus quem non petierit, vel saltem libera voce approbarit. Verum inordinatus ille mos qui in Ecclesiis iam pridem fuit, occasionem principibus dedit ut præsentati-

onem Episcoporum, sibi fumerent. Maluerunt enim suum esse beneficium, quam eorum in quos nihilo plus id competebat, & qui non minus perperam eo abutebantur.

4 En præclara vocatio, cuius causa Episcopi Apostolorum successores se esse iactant. Presbyteros autem creandi ius sibi solis competere dicunt. Sed in hoc pessimè corumpunt vetus institutum, quòd non Presbyteros sua ordinatione creant qui populum regat ac pascant, sed Sacerdotes qui sacrificent. Similiter quum Diaconos consecrât, nihil agunt de vero ac proprio ipsorum officio: sed ad certas modò ceremonias circa calicem & patinam ordinant. At in Synodo Chalcedonensi contrâ sancitum est, ne fiant absolutæ ordinationes, hoc est, quin locus simul assignetur ordinatis ubi munus suum exerceant. Hoc decretum duplici nomine vtilissimum est, Ne onerentur Ecclesiæ superuacuo sumptu, & in homines otiosos expendatur quod erogari pauperibus debet. Deinde ut ii qui ordinantur, cogitent non se ad honorem promoueri, sed munus sibi mandari ad quod obeundum solenni testificatione obligentur. At Romanenses magistri (qui nihil in religione curandum putât præter ventrem primò titulum interpretantur) reditum qui ad alimoniam sufficiat: siue ex patrimonio sit, siue ex sacerdotio. Itaque quum Diaconum vel Presbyterum ordinant, nihil solliciti ubi debeant ministrare, ordinem illis conferunt, si modò satis diuites sint ad se alendos. Verum quis hominum hoc recipiat, ut titulus quem requirit concilii decretum, sit annuus prouentus ad alimoniam? Iam verò quia recentiores Canones Episcopos damnabant eorum alimonia, quos sine idoneo titulo ordinassent, quo sic reprimerent nimiam eorum facilitatem, etiam cautio excogitata est qua eluderent pœnam. Nam qui ordinatur, nominato qualicunque titulo promittit eo se fore contentum. Eo pacto ab alimentorum actione depellitur. Taceo mille fraudes quæ hic fiunt. ut quum alii inanes sacerdotiorum titulos mentiuntur, unde quinque asses annuatim conficere nequeant. alii sub arcana stipulatione sacerdotia commodatò accipiunt quæ statim reddituros se pollicentur, sed interdum non reddunt. Et alia eius generis mysteria.

5 Verum etiam si illi abusus crassiores tolleretur, annon illud semper absurdum est, Presbyterum constituere cui locum nullum assignes: neminem enim ordinât nisi ad sacrificandum. Atqui legitima Presbyteri ordinatio est, ad Ecclesiæ gubnationem: Diaconi, ad elemosinæ procuracionem vocari. Multis quidem pompis adumbrant id quod agunt: quo specie ipsa venerationem apud simplices habeat. sed apud sanos quid valere possunt istæ larvæ, ubi nihil solidi aut veri subest? Nam ceremonias adhibet vel ex Iudaismo accersitas, vel ex seipsis confictas: quibus abstinere satius foret. De vero autè examine (vmbra enim illam quam retinent nihil moror) de populi consensu, de aliis rebus necessariis, nulla mentio. Vmbra voco ridiculas illas gesticationes, ad ineptam ac frigidam vetustatis imitationem compositas. Habent Episcopi suos vicarios, qui ante ordinationem doctrina inquirant. Sed quid? an legere suas missas possint: an vulgare aliquod nomen, quod in lectione occurret, declinare, an coniugare verbum, an vocis vnius significationem noverint. neque enim necesse est ut vel vnius versiculi sensum reddere sciant. Neque tamen adhuc sacerdotio repelluntur qui in his quoque puerilibus elementis deficiunt, modò aliquam pecuniæ vel gratiæ commendationem attulerint. Eiusdem farinæ est quòd quum ad altare admoventur ordinandi, quaritur ter voce non intellecta, sintne digni honore. Respondet vnus (qui eos nūquam vidit, sed nequid formulæ desit, has partes habet in fabula) Digni sunt. Quid in venerandis istis Patribus accuses, nisi quòd in tam apertis sacrilegiis ludendo, Deum & homines nullo pudore rident? At quia in diuturna eius rei possessione sunt, putant id sibi iam licere. Quisquis enim contra hæc tam clara tamque atrocia flagitia hiscere audet, quasi qui sacra Cereris in apertum olim protulerat, ad capitale iudicium ab ipsis rapitur. An hoc facerent si quem putarent esse Deum?

6 Iam in beneficiorum collationibus (quæ res olim coniuncta erat cum ordinatione, nunc prorsus est separata) quanto melius se gerunt? Est autem apud eos multiplex ratio. neque enim soli Episcopi conferunt sacerdotia. & in his etiam quorum vocantur collatores, non semper plenum ius habent: sed alii præsentationem habent, ipsi autem collationis titulum retinent, honoris causa. Accedunt etiam nominationes ex scholis, resignationes, vel simplices, vel permutationis causa factæ: rescripta commendatitia, præuentiones, & quicquid tale est. Verum ita se omnes gerunt ut nullus eorum possit alteri quippiam exprobrare. Sic contendendo: vix centesimum quodque beneficiū hodie in Papatu sine simonia conferri: qualiter simoniam veteres definierunt. Non dico omnes numerato pretio emere: sed cedo mihi vnum ex viginti qui nulla obliqua commendatione ad sacerdotium perueniat. Alios cognatio vel affinitas promouet, alios parentum autoritas: alii obsequis fauorem sibi con-

Distinct. 70.
cap. II

ciliant. Denique in hunc finem cōferuntur sacerdotia, non vt Ecclesiis sit prospectum, sed iis qui accipiunt. Itaque beneficia appellant, quo nomine satis declarāt se non alio loco ea habere quā principū donatiua, quibus vel conciliant fauorē militū, vel eorum labores remunerantur. Omitto quōd in tonsores, coquos, muliones, atque eius facis homines hæc præmia conferuntur. Iam verò nullis ferē litibus magis hodie perstrepunt iudicia quā ob sacerdotia: vt dicas nihil aliud quā prædam esse canibus obiectam ad venationē. An hoc vel auditu tolerabile est, Pastores vocari qui in Ecclesiæ possessionem, quasi in hostile prædium irruperint? qui forensibus iurgiis euicerint? qui pretio redemerint? qui sordidis obsequiis emeruerint? qui pueri vix dum balbutientes, eam, ceu hæreditariam à patris & cognatis, interdum etiam à patribus spurii creuerint?

7 An vnquam eò progressa esset populi, quantumuis corrupti & ex legis, licentia? Sed hoc quoque maius portentum est, quōd vnus homo (non dico qualis, certē qui seipsum regere non potest) quinque aut sex Ecclesiis gubernandis præficitur. Videre est hodie in aulis Principū adulescentes ter Abbates, bis Episcopos, semel Archiepiscopos. Passim verò sunt Canonici, quinque, sex, septem sacerdotiis onusti: quorum nullam prorsus nisi in recipiendo prouentu curā habent. Non obiiciā, verbum Dei vbique reclamare: quod iam pridem desuit apud eos habere tantillum momenti. Non obiiciam, multas seuerissimas sanctiones in pluribus Conciliis contra hāc improbitatē esse factas. nā has quoque, quoties libet, fortiter contemnunt. Sed dico vtrunque esse prodigiosum flagitiū, quod Deo, naturæ, & Ecclesiastico regimini prorsus aduersetur, vt vnus prædo pluribus simul Ecclesiis incubet: vt Pastor nominetur, qui gregi suo adesse, etiā si velit, nequeat: & tamen (qua sunt impudētia) tam abominandas scditates Ecclesiæ nomine prætexunt, quo ab omni reprehensione eximant. Quinetiā, si Deo placet, in istis nequitias continetur sacrosancta illa successio, cuius merito effectū esse iactāt ne Ecclesia periret.

8 Nunc (quæ secunda nota est in æstimando legitimo Pastore) videamus quā fideliter munus suū exerceant. Ex sacerdotibus, qui illic creantur, alii sunt Monachi, alii quos vocant Seculares. Prior ille grex incognitus fuit veteri Ecclesiæ. & habere talem in Ecclesia locum, adeo cum monastica professione pugnat, vt quum olim ex monasteriis in clerum cooptarētur, monachi esse desinerent. Atque adeo Gregorius, cuius tempus multum facis habuit, hanc tamen confusionē fieri passus non est. Vult enim clericatu abdicari qui Abbates facti fuerint: quōd monachus simul esse & clericus ritē nemo queat: quum alterum alteri sit impedimento. Nunc si interrogem quomodo munus suum bene impleat quem Canones non esse idoneum declarant: quid, obsecro, responsuri sunt? Citabunt mihi scilicet abortiua illa decreta Innocentii & Bonifacii, quibus monachi ad sacerdotii honorem & potestatem sic recipiuntur, vt in monasteriis suis maneant. Sed quæ ista est ratio, vt indoctus quiuis asinus, simulac Romanam sedem occupauerit, totam antiquitatem verbulo vno euertat? Verū de hac re postea. Istud nunc sufficiat, pro magna absurditate habitum esse in Ecclesia puriori, si monachus sacerdotio fungeretur. Nam Hieronymus se officium sacerdotis agere negat, quum inter monachos degit: seque vnū ex plebe facit qui à sacerdotibus regatur. Verū, vt hoc illis demus, quid tamen officii faciunt? Ex mendicantibus nonnulli concionantur: reliqui omnes monachi vel cantillant vel demurmurant Missas in suis latibulis. Quasi ad hoc fieri Presbyteros, aut Christus voluerit, aut muneris natura patiat. Quum Scriptura palam testetur, Presbyteri esse propriam Ecclesiā regere, annon impia est profanatio, aliò transferre, imò penitus immutare sacrum Dei institutum? Nam quum ordinātur, nominatim vetātur facere quæ Deus Presbyteris omnibus iniungit. Siquidem illis hæc cantilena canitur, Monachus suo claustro contentus, nec sacramenta administrare, nec aliud quippiam publici muneris gerere præsumat. Negent, si poterunt, apertum esse Dei ludibrium, in hoc aliquē Presbyterum fieri, vt à vero & germano officio abstineat, & eum qui nomen habet, rem non posse habere.

9 Venio ad seculares: qui partim beneficiarii sunt (vt loquuntur) id est, habent sacerdotia quibus alantur: partim quotidianas operas locāt missando vel canēdo, & quasi collecta inde stipe viſitant. Beneficia aut curam animarum habent, vt Episcopatus & parochiæ: aut stipendia sunt hominum delicatorum, qui cantillando victum acquirunt: vt præbendæ, canonicatus, personatus, ac dignitates, capellanix, & similia. Quāquā, rebus sursum deorsum iam conuersis, Abbatix & Prioratus non tantum secularibus Presbyteris, sed pueris quoque (priuilegio, id est vulgari & vsitata consuetudine) conferuntur. Quantum ad mercenarios attinet, qui in diem victum quærunt, quid aliud facerent quā quod faciunt? nempe vt illiberali ac pudendo modo sese prostituant ad quæstum: præsertim in tanta

Epist. II. lib. 3

Act. 10. f. 18

multitudine quanta nunc orbis scatet. Itaque quum palàm mendicare non audeant, vel hac via reputent se parum profecturos, velut canes famelici circumeunt, & sua importunitate non secus ac latratu extorquent ab inuitis hominibus quod in aridum ventrem ingerant. Hic si verbis persequi coner quantum sit dedecus Ecclesiæ, eò rediisse honorem & munus Presbyterii, nullus erit finis. Non est igitur cur à me expectent lectores orationem quæ tam flagitiosæ indignitati respòdeat. Breuiter dico, Si Presbyterii officium est (quod & verbum Dei præscribit, & vetusti Canones requirunt) Ecclesiam pascere, & spirituale Christi regnum administrare: tales omnes sacrifici qui nullum nisi in Missarum nundinatione opus aut stipendium habet, non modò cessant in officio, sed nullum quod exerceant legitimū habent officium. Locus enim docendi illis nullus datur: nullā plebem habent quam gubernent. Denique nihil illis reliquum est præter altare in quo Christum sacrificet, quod non est Deo, sed dæmoniis litare, vt alibi videbimus.

1. Cor. 4. 1.

10 Non attingo hîc extranea vitia, sed duntaxat intestinum malum, quod in ipsorum institutione radicitus hæret. Addam vocem, quæ malè sonabit in eorum auribus: sed quia vera est, dicere oportet, eodē loco habendos esse Canonicos, Decanos, Capellanos, Præpositos, & quicumque otiosis sacerdotiis aluntur. Quale enim Ecclesiæ ministerium præstare queunt? Nam verbi prædicationem, curam disciplinæ, & sacramentorum administrationem, tanquam onera nimis molesta à se depulerunt. Quid ergo habet reliquum quo se veros Presbyteros esse iactent: Cantum scilicet & ceremoniarum pompam. At quid hoc ad rem? Si cōsuetudinem, si vsum, si longi temporis præscriptionem allegant: ego cōtrā Christi definitionē regero, qua & veros Presbyteros nobis expressit, & quid habere debeant qui tales haberi volunt. Quòd si tam duram legem ferre nequeunt vt se Christi regulæ subiiciant, patiantur saltem hanc causam ex autoritate primæ Ecclesiæ decidi. At nihilo melior erit ipsorum cōditio, si ex vetustis Canonibus de eorum statu iudicetur. Qui in Canonicos degenerarunt, Presbyteri esse debuerant, vt fuerunt olim, qui Ecclesiam cum Episcopo in commune regerent, & veluti collegæ eius essent in munere pastorali. Dignitates illæ capitulares quas vocant, nihil prorsus spectant ad veram Ecclesiæ gubernationem: multo minus Capellanæ, & reliqua fæx talium nominum. Quo igitur loco eos omnes habebimus? Certè & verbum Christi, & veteris Ecclesiæ obseruatio eos à presbyterii honore excludit. Presbyteros tamen se esse contendunt: sed detrahenda est larua: sic reperiemus, totam eorum professionem alienissimam esse ac remotissimam ab illo munere Presbyterorum quod & Apostoli nobis describunt, & in prima Ecclesia requisitū fuit. Omnes ergo eiusmodi ordines quibuscunque titulis insigniantur, nouitii quum sint, certè nec Dei institutione, nec antiqua Ecclesiæ obseruatione suffulti, locum nullū habere debent in descriptione regiminis spiritualis, quod ore Domini ipsius cōsecratum Ecclesia recepit. Aut (si rudius ac crassius me loqui malunt) quādo Capellani, Canonici, Decani, Præpositi, & eius farinæ otiosi ventres ne minimo quidem digito particulā vllam attingunt eius officii quod in Presbyteris necessariò requiritur, non est ferendum vt fallò sibi honorē vsurpando, sanctam Christi institutionem violent.

11 Superlunt Episcopi & parochiarū rectores: qui vtinam de retinendo officio contenderent. Libenter enim illis cōcederemus, eos habere primum & eximium munus, si quidē eo defungeretur: sed quum Ecclesias sibi commissas deferendo, earūque curam in alios reiiciendo haberi pastores volunt, perinde faciūt ac si munus pastoris esset nihil agere. Siquis fecerator, qui nunquā pedē vrbe moueret, aratorem se aut vinitorem esse profiteretur: si miles, qui assiduus fuisset in acie & castris, forum aut libros nunquam vidisset, pro iuriscōsulto se venditaret, quis ferret tam putidas ineptias? Atqui aliquanto absurdius isti faciūt, qui videri volunt & nominari legitimi Ecclesiæ pastores, & tamē esse nolunt. Quotus enim quisque est qui vel in speciem Ecclesiæ suæ regimen obeat: Plurimi Ecclesiarum redditus tota vita deuorant, ad quas ne inspiciendi quidem causa vnquā accedūt. Alii semel quotannis aut veniunt ipsi, aut œconomum mittunt, nequid in locatione depereat. Quum hæc corruptela primū obreperet, priuilegiis se eximebant qui frui volebant hoc genere vacationis: nunc rarum exemplum est vt quis in Ecclesia sua resideat. æstimant enim non secus ac villas, quibus vicarios suos, tanquam villicos aut colonos præficiunt. Atqui hoc ipse quoque naturæ sensus repudiat, pastorē esse gregis, qui ouem ex eo nullam vnquā viderit.

12 Iam ætate Gregorii apparet quædam huius mali semina extitisse, vt Ecclesiarum rectores negligentiores in docendo esse inciperent: quia id grauiter alicubi cōqueritur. Mundus (inquit) sacerdotibus plenus est: sed tamen in messe rarus inuenitur operator: quia officium quidem sacerdotale suscipimus, sed opus officii non implemus. Item, Quia charita-

Homil. 17.

tis viscera non habent, de mini videri volunt: patres se minimè recognoscunt. Humilitatis locum in elationem dominationis mutât. Item, Sed nos, ô Pastores, quid agimus, qui mercedem consequimur, & operarii non sumus: Ad exteriora negotia delapsi sumus: & aliud suscipimus, aliud præstamus. Ministeriû prædicationis relinquimus: & ad poenâ nostram, vt video, Episcopi vocamur, qui honoris nomen non virtutis tenemus. Quû tanta verborum asperitate vtatur aduersus eos qui tantum erant in officio minus assidui vel seduli, quid, quæso, dicturus esset si videret ex Episcopis ferè nullum, aut certè paucissimos, ex reliquis vix centesimû quenque suggestû semel tota vita conscendere? Nam eò furoris ventum est vt vulgò existimeretur res Episcopali dignitate inferior, concionem ad populum habere. Tempore Bernardi res aliquanto magis prolapsæ erant: sed videmus etiam quàm acerbis obiurgationibus inuehatur in totum ordinem: quem tamè credibile est fuisse tunc non paulo integriorem quàm nunc sit.

- 13 Quòd si quis totam hanc gubernationis Ecclesiasticæ faciem quæ hodie sub Papismo est, rite perpendat ac excutiat, reperiet nullum esse spoliarium, in quo licetiosius sine Lege & modo latrones grassentur. Certè omnia illic à Christi institutione adeò dissimilia sunt, imò aliena, adeò ab antiquis Ecclesiæ institutis ac moribus degenerarunt, adeò cû natura & ratione pugnant, vt nulla maior Christo fieri iniuria possit quàm dum eius nomen ad defensionem tam inordinati regiminis obtendunt. Nos (ut quiût) sumus Ecclesiæ columna, religionis antistites, Christi vicarii, fidelium capita: quia potestas Apostolica per successionem ad nos peruenit. Quasi apud stipites loquantur, istis ineptiis perpetuò superbiût. Quoties verò istuc iactabunt, quæram ab iis vicissim quid habeant cum Apostolis cômune. Non enim de hæreditario aliquo honore agitur, qui dormientibus deferri queat: sed de prædicationis munere, quod ipsi tantopere defugiunt. Similiter quum ipsorum regnum tyrannidè Antichristi esse asserimus, continuò excipiunt, esse venerabilè illam toties à magnis & sanctis viris laudatam hierarchiam. Quasi verò sancti Patres, quum Ecclesiasticam hierarchiam aut spirituale regimen, vt ipsis per manus ab Apostolis traditum erat, commendarent, hoc deforme & vastitatis plenum chaos somniarèt, vbi Episcopi vel rudes vt plurimum asini sunt, qui ne prima quidem & plebeia fidei rudimèta tenent: aut interdum pueri à nutrice adhuc recentes: & siqui doctiores sunt (quod tamen rarum est exemplum) Episcopatum nihil aliud esse putant quàm splendoris & magnificentiæ titulum: vbi Ecclesiarum rectores non magis de pascendo grege cogitant quàm futor de arando: vbi omnia plusquam Babylonica dissipatione sic cõfusa sunt, vt nullum integrum vestigium paternæ illius ordinationis amplius appareat.

14
Matth. 5. b. 14

Quid si ad mores descendamus? vbi erit illa lux mundi quam Christus requirit? vbi sal terræ? vbi illa sanctitas quæ velut perpetua censura esse possit? Nullus hodie est hominum ordo magis infamis luxu, mollitiæ, deliciis, omni denique genere libidinum. nullo ex ordine aptiores aut peritiores omnis imposturæ, fraudis, proditiõis, perfidiæ magistris. nusquam tantum ad nocendû vel solertiæ, vel audaciæ. Taceo fastum, superbiam, rapacitatē, sæuitiam. Taceo dissolutâ in omnibus vitæ partibus licetiã. Quibus ferendis ita fatigatus est mundus vt verèdum non sit nequid nimium exaggerare videar. Vnum dico, quod inficiari ne ipsi quidem poterût. Ex Episcopis ferè nullum: ex parochiarum præfèctis non esse centesimum quenque, cuius si de moribus ferenda sit secundû veteres Canones sententia, non sit vel excõmunicandus, vel minimum à munere abdicandus. Videor aliquid incredibile dicere, adeò prisca illa disciplina, quæ exactiorè censuram de moribus cleri fieri præcipiebat, obsoleuit: sed omnino ita res habet. Eant nunc qui sub Romanæ sedis vexillis & auspiciis militant, & de sacerdotali apud se ordine gloriantur. Certè quem habèt, neque à Christo, neque ab eius Apostolis, neque à Patribus, neque ab Ecclesia veteri esse constat.

- 15 Prodeant nunc in medium Diaconi, & illa sanctissima, quam habent bonorum Ecclesiasticorû distributio. Quanquam Diaconos suos ad eam rem minimè iam creant. nihil enim aliud ipsis iniungunt nisi vt ministrent ad altare, Euangelium recitent aut canant, & nescio quas agant nugas. Nihil de eleemosynis, nihil de cura pauperum, nihil de tota illa functione quam olim gerebant. De ipsa institutione loquor. nam si spectemus quod faciunt, re ipsa non munus illis est, sed gradus duntaxat ad presbyterium. Vna in re, qui locum Diaconi in Missa tenent, inane simulachrum antiquitatis repræsentant. recipiunt enim oblationes ante consecrationem. Fuit autem id antiqui moris vt ante Cœnæ communionē se mutuò oscularentur fideles, & eleemosynas ad altare offerrent: ita symbolo prius, deinde ipsa beneficentia charitatē suam declarabant. Diaconus, qui æconomus erat pauperum, recipiebat quod dabatur, vt distribueret. Nûc ex illis eleemosynis nihilo plus per-

uenit ad pauperes quàm si in mare proiicerentur. Ludunt ergo Ecclesiam cum isto mendaci diaconatu. Certè in eo nec cum Apostolica institutione, nec cum veteri obseruatione simile quippiam habet. Ipsam verò bonorum dispensationem aliò transfulerunt: & ita cōposuerunt vt nihil fingi queat magis inordinatum. Quemadmodum enim latrones, iugulatis hominibus, prædam inter se diuidunt: ita isti post extinctum verbi Dei lumen, quasi iugulata Ecclesia, putarunt expositum esse prædæ ac direptioni quicquid in sanctos vsus dicatum erat. Itaque facta diuisione, rapuit ad se quisque quantum potuit.

16 Hic totæ illæ veteres rationes quas exposuimus, non tantum conturbatæ, sed prorsus expunctæ & inductæ sunt. Potissimam partem Episcopi & Presbyteri vrbani, qui facti hac præda diuites, versi sunt in canonicos, inter se diripuerunt. Partitione tamen fuisse tumultuariam ex eo apparet quòd de finibus ad hunc vsque diem litigant. Quicquid sit, hac decisione prouisum est ne obolus vnus ex omnibus Ecclesiæ bonis ad pauperes rediret, quorū dimidia saltē ex parte fuerāt. Nominatim enim quartā partē canones illis attribuunt: alteram verò quartā, ideo destinant Episcopis vt in hospitalitatem & alia benignitatis officia erogent. Taceo quid sua portione facere clerici, & quem in vsum illam cōferre debuerint. nam reliquum quod templis, ædificiis, & aliis sumptibus deputatur, debere pauperibus in necessitate patere, satis demonstratum est. Quæso, si scintillam vnā timoris Dei in corde haberent, sustinerentne hanc conscientiam, quòd quicquid comedunt ac vestiuntur, ex furto, imò ex sacrilegio prouenit? Sed quia Dei iudicio parum commouentur, saltem cogitarent homines esse, sensu & ratione præditos, quibus persuadere volunt se habere tam pulchros & dispositos in Ecclesia sua ordines quàm iactare solent. Respondeant mihi breuiter an Diaconia sit furandi ac latrocinandi licentia. Hoc si negant, fateri etiam cogentur, nullam se Diaconiam reliquam habere: quando apud eos tota opum Ecclesiasticarum administratio in sacrilegam depredationem palam conuersa est.

17 Sed hic vtuntur pulcherrimo colore, dicunt enim Ecclesiæ dignitatem non indecenter hac magnificentia sustineri. Et habent ex sua secta quosdam ita impudentes vt audeant palam iactare, sic demū adimpleri vaticinia illa quibus splendorē regni Christi describunt veteres Prophetæ vbi regius ille apparatus in ordine sacerdotali visitur. Nō frustra, inquit, Psal. 72. c. 10 hæc Deus Ecclesiæ suæ promissit: Venient Reges, adorabunt in conspectu tuo, tibi afferent Isai. 51. a. 1, & munera. Consurge consurge, induere fortitudine tua Sion, induere vestimentis gloriæ tuæ 60. a. 6 Ierusalem, Omnes de Saba venient, aurum & thus deferētes, & laudem Domino annūtiātes. Omne pecus Cedar congregabitur tibi. In hac improbitate confutanda si multum insistam, vereor ne inēptus videar. Proinde verba temerè perdere non libet. Quæro tamē, Si quis Iudæus istis testimoniis abuteretur, quam solutionem daturi essent? Nempe reprehenderent eius stuporem, quòd quæ de spirituali Christi regno spiritualiter dicta sunt, ad carnem & mundum transferret. Scimus enim Prophetas sub imagine rerum terrestrium, cælestem Dei gloriam, quæ lucere in Ecclesia debet, nobis delineasse. His enim benedictionibus, quas exprimunt eorū verba, nunquā minus abūdauit Ecclesia, quàm sub Apostolis: & tamen vim regni Christi tunc maximè effloruisse omnes fatētur. Quid ergo sibi volūt illæ sententiæ? Quicquid vspici est pretiosum, sublime, præclarū, id oportere Domino subiici. Quòd autē nominatim de Regibus dicitur, fasces submissuros Christo, diademata sua proiecturos ad eius pedes, opes suas consecratos Ecclesiæ, quando verius ac plenius exhibitum fuisse dicent, quàm quum Theodosius, abiecta purpura, relictis imperii insignibus, tanquam vnus quilibet ex plebe coram Deo & Ecclesia se ad solennem pœnitentiam submisit: quàm quum ipse & alii similes pii Principes sua studia & suas curas ad puram in Ecclesia doctrinam conseruandam, ad fouēdos & protegendos sanos Doctores contulerunt? At verò quàm non luxuriarint tunc superuacuis opibus Sacerdotes, vna illa vox Synodi Aquileiensis, cui præerat Ambrosius, satis declarat, Gloriosa in Sacerdotibus Domini paupertas. Habebant certè tunc Episcopi nonnullas facultates, quibus conspicuum Ecclesiæ decus reddere poterant, si putassent hæc esse vera Ecclesiæ ornamenta. Sed quum scirent Pastorum officio nihil esse magis aduersum, quàm mēsarum deliciis, vestium nitore, magno famulitio, magnificis palatiis splēdere ac superbire, humilitatem ac modestiam, imò paupertatem ipsam, quam Christus inter suos ministros consecrauit, sequebantur & colebant.

18 Verūm ne hic simus lōgiore, iterum in breuē summam colligamus, quàm procul absit ea quæ nunc est opum Ecclesiasticarum vel dispensatio, vel dissipatio, à vera Diaconia quam & verbum Dei nobis commendat, & vetus Ecclesia obseruauit. Quòd in templorum ornatum cōfertur, perperam collocari dico, si non adhibeatur is modus quē & ipsa natura sacrorum præscribit, & Apostoli aliique sancti Patres, tum doctrina tum exemplis præscri-

perunt. Atquid tale hodie in templis conspicitur? Quicquid, non dico ad priscam illam frugalitatem, sed ad honestam aliquam mediocritatem est compositum, respicitur. Nihil omnino placet, nisi quod luxum & temporum corruptelam sapiat. Interim tantum abest ut viutorum templorum iustam habeant curam, ut potius multa pauperum millia fame perire passuri sint, quam minimum calicem aut vrceolum confringant ad inopiam eorum subleuandam. Nequid grauius à me ipso pronuntiem, hoc tantum pios lectores cogitare velim, si nunc Exuperium illum Tholosæ Episcopum, quem retulimus, si Acatium, si Ambrosium, aut similem quempiam excitari à mortuis contingat, quidnam sint dii duri. Certè non probabunt, in tanta pauperum necessitate, quasi superfluas opes aliò trāsserri. Ut taceam, hos usus quibus impenduntur (etiam si nulli sint pauperes) multis modis noxios: viles verò nulla ex parte esse. Sed homines omitto. Bona hæc Christo sunt dicata. eius itaque arbitrio dispensanda sunt. Frustra autem partem hanc impensam Christo ferent, quā præter eius mandatum profuderunt. Quanquam (ut verum fatear) non multum de ordinario Ecclesiæ reditu his sumptibus deceditur. Nulli enim sunt tam opulenti Episcopatus, nullæ tam opimæ Abbatix, nulla denique neque tam multa neque tam ampla sacerdotia, quæ ad explendam sacerdotum ingluuiem sufficiant. Verum dum sibi volunt parcere, populū superstitione inducunt ut quod erat in pauperes erogandum, ad extruenda templa, ad erigendas statuas, ad emenda vasa, ad pretiosas vestes comparandas conuertant. Ita hoc gurgite quotidianæ eleemosynæ absumentur.

19 De reditu quæ ex agris & possessionibus percipiunt, quid aliud dicam quàm quod iam dixi, & est ante omnium oculos? Maximam portionem videmus qua fide administrēt qui Episcopi vocantur & Abbates. Quæ infania est Ecclesiasticum ordinem hinc quærere? An in satellitii numero, ædium splendore, vestitus & epularum delicias, principum lautitias æmulari eos decebat, quorum vitam oportuerat singulare frugalitatis, modestiæ, continentiæ, humilitatis esse exemplar? Quantum & hoc ab eorum officio abhorrebat quos æternum inuiolabileque Dei edictum turpis lucri appetentes esse vetat, & simplici victu contentos esse iubet, non modò vicis & arcibus manum iniicere, sed in amplissimas satrapias inuolare, demum imperia ipsa occupare? Si verbum Dei contemnunt, quid respondebunt ad vetusta illa Synodorum decreta: quibus statuitur ut Episcopus non procul ab Ecclesia hospitium habeat, vile mensam, & supellectilem. Quid ad illud Synodi Aquileiensis elogium, quo in sacerdotibus Domini gloriosa paupertas prædicatur? Nam illud fortè quod Hieronymus Nepotiano præcipit, ut mensulæ eius pauperes & peregrini & cum illis Christus cōuiuia nouerit, tanquam nimis austerum repudiabunt. Verum quod statim subiicit pudebit eos diffiteri, Gloriam esse Episcopi, pauperum opibus prouidere: ignominiam omnium sacerdotum, propriis studere diuitiis. Hoc autem recipere nequeunt quin se omnes ignominia condemnent. Sed non est necesse durius hinc eos persequi, quum nihil aliud voluerim quàm demonstrare sublatum esse iam pridem de medio apud ipsos legitimum Diaconatus ordinem: ne amplius hoc titulo ad Ecclesiæ suæ commendationem superbiant. Quod me abundè fecisse existimo.

Tit. 1. b. 7.

Concil. Carthag. 4. cap. 14. & 15

De primatu Romanæ sedis.

CAP. VI.



ACTENVS eos recēsuimus Ecclesiæ ordines qui in veteris Ecclesiæ gubernatione fuerunt: sed postea temporibus corrupti, magis deinde ac magis vitiiati, nunc in Ecclesia Papali titulum duntaxat retinent, re vera nihil aliud sunt quàm larvæ. ut ex comparatione iudicaret pius lector qualem habeant Ecclesiam Romanenses, in cuius gratiam reos schismatis nos faciunt, quoniam ab ea disceserimus. Caput autem ac fastigium totius ordinis, hoc est primatum Romanæ sedis, unde probare contendunt penes se solos esse Catholicam Ecclesiam, non attigimus. quia neque ex Christi instituto, neque ex Ecclesiæ veteris usu sumpsit originem, ut illæ superiores partes: quas ostendimus ita ab antiquitate ortas esse, ut temporum vitio prorsus degenerauerint, imò prorsus nouam formam induerint. Et tamen persuadere mundo conantur, hoc esse præcipuum ac propè vnicum Ecclesiasticæ vnitatis vinculum, si Romanæ sedi adhæreamus, ac in eius obedientia perseueremus. Hac, inquam, fultura potissimum nituntur, quum nobis Ecclesiam adimere & sibi vendicare volunt, quod retinet caput ex quo pēdet Ecclesiæ vnitatis, & sine quo dissilire eā ac disrumpi necesse est. Sic enim existimant, Ecclesiam corpus esse quodammodo mutilum ac truncum, nisi Romanæ sedis, tanquam capiti, sit subiecta. Itaque quum de hierarchia sua disputant, ab hoc semper axiomate sumunt exordium: Romanum pontificem (tanquam Christi, qui caput est Ecclesiæ, vicarium) eius loco Ecclesiæ vniuersali præsidere: nec aliter bene constitutam Ecclesiam, nisi sedes illa super alias omnes primatum teneat. Quamobrem hoc quoque quale;

fit excutiendum est: nequid omittamus quod ad iustum Ecclesiæ regimen pertineat.

2 Hic igitur sit quæstionis status, Vtrum ad veram hierarchiæ (vt vocant) seu Ecclesiæ astricti ordinis rationem necesse sit sedem vnā inter alias & dignitate & potestate cernere, vt sit totius corporis caput. Nos verò nimis iniquis legibus subiicimus Ecclesiā, si hanc ei necessitatem sine verbo Dei iniicimus. Ergo si volunt euincere aduersarii quod postulat, ostendere eos primū oportet œconomiam hanc à Christo esse institutam. In hanc rem citat ex Lege summum sacerdotium, summum item iudicium, quod Deus Hierosolymis instituit. At facilis est solutio, eaque multiplex, si quidē vna illis non satisficiat. Primū, quod in natione vna fuit vtile, id in vniuersum orbem extendere nulla ratio cogit. imò gentis vnus & totius orbis longē diuersa erit ratio. Quia vndique ab idololatriis septi erāt Iudæi, ne religionum varietate distraherentur, cultus sui sedem in medio terræ sinu Deus collocauit. illic vnum antistitem præfecit, quem omnes respicerent, quo melius in vnitatem continerentur. Nunc vbi vera religio in totum orbem diffusa est, vni dari Orientis & Occidentis moderationem, quis non videat esse prorsus absurdum? Perinde enim est ac si quis contendat totum mundum à præfecto vno debere regi, quia ager vnus non plures præfectos habeat. Sed est altera etiam nū ratio cur illud in imitationem trahi non debeat. Summum illum Pontificem typum fuisse Christi nemo ignorat. nunc translato sacerdotio, ius illud trāfferri conuenit. Ad quem porrò trāslatum est? Non ad Papam sanē (vt ipse impudenter iactare audet) quum hoc ad se elogium trahit: sed ad Christum, qui vt solus vnus ipsum sine vicario aut successore sustinet, ita honorem alteri nemini resignat. Non enim in doctrina modò, sed in propitiatione Dei, quam morte sua peregit Christus, & illa intercessione qua nunc apud Patrem fungitur, consistit hoc sacerdotium.

Heb. 7. b. 11

3 Non est igitur quod exemplo isto, quod temporarium fuisse videmus, quasi perpetua lege, nos obstringant. Ex Nouo testamento nihil habent quod in sententiæ suæ confirmationem proferant nisi quod vni dictum est, Tu es Petrus: & super hanc petram ædificabo Ecclesiā meam. Item, Petre amas me? pascue oues meas. Verū vt firmæ sint istæ probationes, ostendant in primis oportet, ei mandari potestatem in omnes Ecclesias qui pascere Christi gregem iubetur: nec aliud esse ligare & soluere, quā toti mundo præsidere. Atqui vt mandatum Petrus à Domino acceperat, ita alios omnes Presbyteros hortatur vt pascāt Ecclesiā. Hinc colligere licet aut illa Christi voce nihil præ aliis datū esse Petro: aut Petrū, ius quod acceperat, cum aliis ex æquo communicasse. Verū, ne frustra litigemus, habemus alibi claram ex ore Christi expositionem, quid sit ligare & soluere: nempe retinere & remittere peccata. Modū verò ligandi & soluendi cum Scriptura tota passim ostēdit, tū Paulus optimē declarat, quum dicit Euāgelii ministros habere mandatū reconciliandi homines Deo, & simul potestatem habere exercendæ vindictæ in eos qui beneficiū hoc respuerint.

Mat. 16. c. 18

Iohan. 21. c. 19

1. Pet. 5. a. 2

Iohā. 10. c. 23

2. Cor. 5. d. 18,
& 10. b. 16

4 Quā indignē torquant locos illos qui ligandi & soluendi mentionem faciunt, cum alibi perstrinxi, tum fusius paulo post explicandum erit. Nunc tantū quid ex celebri illo Christi ad Petrum responso eliciant, videre operæpretium est. Promisit ei clauis regni cælorum: dixit, quodcunque ligaret in terra, ligatum fore in cælis. Si de clauum voce & ligandi modo inter nos conueniat, statim cessabit omnis contentio. Nam & Papa libenter iniunctam Apostolis prouinciam omittet, quæ laboris & molestiæ plena suas ei delicias absque lucro excuteret. Quoniam Euāgelii doctrina nobis cæli aperitur, elegantem metaphorā insignitur clauum nomine. Iam non alio modo ligantur & soluuntur homines, nisi dum fides alios reconciliat Deo, alios sua incredulitas magis constringit. Si hoc tantū sibi sumeret Papa, neminem fore puto qui vel inuideat vel certamē moueat. Sed quia hæc successio laboriosa & minimē lucrosa nequaquā Papæ arridet, iā indenascitur litis principium, quid Petro Christus promiserit. Ego ex re ipsa colligo nonnisi muneris Apostolici dignitatem notari, quæ ab onere disiungi non potest. Nam si recipitur illa quam posui definitio (quæ nonnisi impudenter reiici potest) nihil Petro hinc datur quod non fuerit collegis etiam commune. quia alioqui nō modò personis fieret iniuria, sed claudicaret ipsa doctrinæ maiestas. Reclamant illi: sed quid iuuat, obsecro, ad hanc rupem impingere? Neque enim efficient quin sicuti omnibus Apostolis eiusdem Euāgelii iniuncta fuit prædicatio, ita etiam communiter ligandi & soluendi potestate instructi fuerint. Christus (inquiunt) Petrum Ecclesiæ vniuersæ principem constituit, quum datum se illi promisit clauis. Atqui quod vni tunc promisit, alibi reliquis simul omnibus confert & quasi in manum tradit. Si idem iuris concessum est omnibus quod vni promissum, qua in re erit ille collegis superior? In eo, inquiunt, excellit, quod & communiter & seorsum accipit: quod alius non datur nisi in commune. Quid si cum Cypriano & Augustino respondeam, non ideo id fecisse

Mat. 18. c. 20

Iohā. 10. c. 13

De simplic.
Prælat.

Homil. in Io-
han. 50.
Homil. II
Repetit. Ho-
mil. 124

Christum ut hominem unum aliis præferret, sed ut Ecclesiæ unitatē sic commendaret: Sic enim loquitur Cyprianus, In persona unius hominis Dominum dedisse omnibus claves, ut omnium unitatem denotaret. hoc utique fuisse reliquos quod erat Petrus: pari consortio prædicos & honoris & potestatis: sed exordium ab unitate fieri, ut Ecclesia Christi una monstraretur. Augustinus verò, Si in Petro non esset Ecclesiæ mysterium, non ei diceret Dominus, Tibi dabo claves. si enim hoc Petro dictum est, non habet Ecclesia: si autem Ecclesia habet, Petrus quando claves accepit, Ecclesiam totam designavit. Et alibi, Quum interrogati essent omnes, solus Petrus respondet, Tu es Christus: & ei dicitur, Tibi dabo claves, quasi ligandi & soluendi solus acceperit potestatem: quum & illud unus pro omnibus dixerit, & hoc cum omnibus, tanquam personam gerens ipsius unitatis, acceperit. Ideo unus pro omnibus, quia unitas est in omnibus.

Matth. 16. c. 18
Ephes. 2. d. 10
1. Pet. 2. a. 5

5 At illud, Tu es Petrus, & super hanc petram ædificabo Ecclesiam meam, nusquam alteri dictum legitur. Quasi verò aliud de Petro illic Christus prædicet quàm quod Paulus & Petrus ipse de omnibus Christianis. Ille enim Christum lapidem summum & angularem facit, in quo superstruantur qui crescunt in templum sanctum Domino: hic autem nos lapides vivos esse iubet, qui illo electo & pretioso lapide fundati, hac iunctura & cōpagine cum Deo nostro & inter nos cohæreamus. Ille (inquiunt) præ aliis: quia peculiariter nomen habet. Hunc certè honorem Petro libenter concedo, ut in ædificio Ecclesiæ inter primos collocetur: vel (si hoc quoque velint) primus omnium fidelium: verum ut primatum in alios cum habere ex eo deducant nō permittam. Quæ enim est isthac ratio colligendi? Alios feruore studii, doctrina, animi magnitudine præcedit: ergo potestatem in eos habet. Quasi verò non meliori prætextu colligere liceat, Andream esse ordine priorem Petro, quia tempore ipsum antecessit, & Christo adduxit. sed hoc omitto. Priores sanè habeat Petrus: multum tamen interest inter honorem ordinis & potestatem. Videmus Apostolos hoc ferè Petro detulisse ut in cœtu verba faceret, & quodammodo præiret, referendo, hortando, monendo: sed de potestate nihil omnino legimus.

Iohan. 1. f. 40,
& 42

6 Quanquam nondum in ea disputatione sumus, tantum hoc in præsentia habere volo, nimis futiliter eos argumentari, quum ex solo Petri nomine imperium in Ecclesiam universam struere volunt. Nam illæ veteres ineptiæ, quibus fucū initio facere tentarunt, relatu quoque, necdū refutatione, indignæ sunt, In Petro fundatā esse Ecclesiam: quia dictum sit, Super hanc Petram, &c. At nonnulli ex Patribus sic exposuerunt. Sed quum reclamet tota Scriptura, quid eorum auctoritas aduersus Deum prætenditur? Imò quid de verborum istorum sensu, quasi obscurus sit aut ambiguus, certamus: quū nihil dici queat magis liquidum nec certum: Confessus erat Petrus suo & fratrum nomine Christum esse Filium Dei. Super hanc petram ædificat suam Ecclesiam Christus: quia unicum est, ut ait Paulus, fundamētum, præter quod statui aliud non potest. Neque hinc Patrū auctoritatē ideo repudio quia eorum testimoniis destituar ad probandum quod dico, si citare libeat: sed, quemadmodum dixi, nolo de re tam clara disceptando frustra molestus esse lectoribus: præsertim quum hæc res à nostris hominibus satis diligenter pridem tractata & explicata fuerit.

Matth. 16. c. 16
1. Cor. 3. b. 11

7 Et tamen reuera nullus quæstionem hanc soluere melius potest quàm Scriptura ipsa, si locos omnes conferamus ubi docet quid muneris & potestatis habuerit Petrus inter Apostolos, qualiter se gesserit, qualiter etiam fuerit ab ipsis acceptus. Percurre quicquid extat: nihil aliud reperies quàm fuisse unū ex numero duodecim, parem reliquis, & locium, non dominum. Refert quidem ad concilium siquid faciendum est, & quid factu opus sit admonet: sed alios simul audit, nec locum tantum concedit dicendæ sententiæ, sed arbitriū illis permittit: ubi statuerunt, sequitur & obtēperat. Quū ad Pastores scribit, non mandat ex imperio, quasi superior: sed collegas suos facit, & comiter hortatur, ut inter æquales fieri solet. Quū accusatur quod ad Gentes ingressus fuerit, etiā si id sit immerito, respondet tamē & sese purgat. Iussus à collegis ire cum Iohanne in Samariam, non detrectat. Quod cum mittunt Apostoli, eo declarant se minimè eum habere pro superiori: quod obsequitur & legationem sibi mandatam suscipit, eo fatetur sibi cum illis esse societatem, non aduersus eos imperium. Quod si nihil istorum extaret, una tamen epistola ad Galatas omnē dubitationē eximere nobis facile potest: ubi duobus ferè capitibus nihil aliud contendit Paulus quàm se honore Apostolatus Petro esse parem. Hinc cōmemorat se ad Petrum venisse, non ut subiectionem profiteretur, sed tantum ut testatā omnibus faceret doctrinæ consensionem. Petrum quoque ipsum nihil tale postulasse, sed dedisse sibi dexteram societatis, ut communiter in vinca Domini laborarent. Sibi non minorem gratiam collatam esse inter Gentes quàm Petro inter Iudæos. Denique quum minus fideliter ageret Petrus, fuisse à se

Act. 15. b. 5

1. Pet. 5. a. 1

Act. 11. a. 3

Ibidē, 8. c. 14

Galat. 2. d. 13,
& 2. b. 8

correctum, & reprehensionem paruisse. Hæc omnia palam faciunt aut fuisse æqualitatem inter Paulum & Petrum, aut certe nihilo plus potestatis fuisse Petro in reliquos quam ipsi in illū habuerint. Atqui id, sicuti iam dixi, ex professo agit Paulus, nequis sibi in Apostolatu vel Petrum vel Iohannem anteferat, qui collegæ erant, non domini.

8 Verum ut de Petro illis concedam quod petunt, fuisse scilicet Apostolorum principem, & dignitate reliquos antecelluisse: non est tamen causa cur ex singulari exemplo vniuersalem faciant regulam, & quod semel factum fuit, ad perpetuitatem trahant: quum longè diuersa sit ratio. Vnus inter Apostolos summus fuit: nempe quia pauci erant numero. Si vnus duodecim hominibus præfuit, an propterea consequetur, vnum debere centum milibus hominum præfici? Quod duodecim vnum habuerint inter se qui omnes regeret, nihil mirū. Hoc enim fert natura, hoc hominū ingenium postulat, ut in quouis cœtu, etiam si æquales sint omnes potestate, vnus tamen sit veluti moderator, in quē alii respiciant. Nulla est curia sine consule, nullus confessus iudicū sine prætore seu quæsitore, collegium nullum sine præfecto, nulla sine magistro societas. Sic nihil absurdi esset si fateremur Apostolos detulisse Petro talem primatum. Sed quod inter paucos valet, non protinus trahendum est ad vniuersum orbem terrarum, ad quem regendum nemo vnus sufficit. Atqui illud (inquiunt) non minus in naturæ vniuersitate quam in singulis partibus locū habet, ut sit vnū summū omnium caput. Et huius rei, si Deo placet, probationē sumūt à gruibus & apibus, quæ sibi ducē vnum semper eligunt, non plures. Recipio sanè quæ proferunt exempla: sed an ex toto orbe confluunt apes ut regē vnum eligāt? suis aluearibus contenti sunt reges singuli. Ita in gruibus vnaquæque caterua proprium regem habet. Quid inde aliud euincit quam singulis Ecclesiis debere suos Episcopos attribui? Ad ciuilia deinde exempla nos vocant. citāt Homericum illud, *Οὐκ ἀγαθὸν πολυκρατίν*, & quæ eodem sensu in monarchiæ commendationem leguntur apud profanos scriptores. Facilis est responsio. non enim hoc sensu vel ab Homericō Vlysse vel ab aliis laudatur monarchia, quasi vnus debeat totum orbem imperio regere: sed indicare volunt, regnum duos non capere: & potestatem (ut ait ille) impatientem esse consortis.

9 Verum sit sanè, ut volunt, bonum atque vtile orbem totum monarchia cōtineri: quod est tamen absurdissimum. sed ita sit: non tamen propterea concedam, id ipsum in Ecclesiæ gubernatione valere. Habet enim illa Christum vnicū suū caput, sub cuius principatu omnes inter nos cohæremus, secundum eum ordinem & eam politiæ formam quam ipse præscripsit. Insignē itaque iniuriam Christo faciunt quum eo prætextu volunt hominem vnum præesse Ecclesiæ vniuersæ, quia hæc capite carere non possit. Christus enim caput est, ex quo totum corpus compactum & connexum per omnem iuncturam subministrationis, secundum operationem in mensura cuiusque membri, augmentum corporis facit. Vides ut omnes mortales sine exceptione in corpore collocet, honorem & nomen capitis relinquat vni Christo? Vides ut singulis membris tribuat certam mensuram, & finitam ac limitatam functionem: quo tum gratiæ perfectio tum summa gubernandi potestas penes Christū vnum resideat? Nec me latet quid cauillari soleant quum hoc illis obicitur, Christum scilicet propriè vocari vnicū caput, quia sua autoritate suoque nomine solus regnet: sed istud nihil obstare quominus sub ipso sit alterum caput ministeriale (ut loquuntur) quod eius vices in terris gerat. Verum hoc cauillo nihil proficiunt, nisi prius ostenderint hoc ministerium à Christo esse ordinatum. Apostolus enim totam subministrationem per membra diffusam esse docet, virtutem ab vno illo cælesti capite fluere. Aut, siquid volunt apertius, quum Scriptura testetur Christum esse caput, & hunc ei soli honorem vindicet, non debet in alium transferri nisi quem Christus ipse vicarium suum fecerit. Atqui non modò id nusquam legitur, sed refelli abundè ex multis locis potest.

10 Aliquoties viam Ecclesiæ imaginem nobis Paulus depingit. De vno capite nulla illic mentio. Quin potius ex eius descriptione colligere licet à Christi institutione id esse alienum. Christus ascensu suo visibilem suā præsentiam nobis abstulit: ascendit tamen ut impleret omnia. nunc igitur ipsum adhuc præsentem habet Ecclesia, & semper habitura est. Rationem qua se exhibet dum vult Paulus ostendere, ad ministeria quibus vtitur nos reuocat. In omnibus nobis (inquit) est Dominus, secundum mensuram gratiæ quam vnicuique membro cōtulit. Ideo constituit alios quidem Apostolos, alios verò Pastores, alios Euangelistas, alios Doctores, &c. Cur non dicit, vnum omnibus præfecisse qui vices suas gereret? Id enim locus maximè postulabat, nec villo modo debuit omitti, si verum esset. Christus (inquit) nobis adest. Quomodo? Per ministerium hominum, quos gubernandæ Ecclesiæ præfecit. Cur non potius, per caput ministeriale, cui vices suas mandauit? Vnitatem no

minat: sed in Deo & in Christi fide. Hominibus nihil tribuit nisi commune ministerium, & unicuique modum particularem. Cur in illa commendatione vnitatis, postquam dixerat vnū corpus, vnum Spiritum, vnā spem vocationis, vnum Deum, vnā fidem, vnum Baptisma, non etiam continuò addidit, vnum summū Pontificem, qui Ecclesiā in vnitatem cōtineat: Nihil enim aptius dici poterat, si quidē ita res haberet. Expendatur diligenter locus ille. non dubium quin repræsentare illic penitus voluerit sacrū & spirituale Ecclesiæ regimen, quod posteri hierarchiam dixerunt. Monarchiā inter ministros non modò nullā ponit, sed etiam indicat nullam esse. Non dubium est etiam quin modum coniunctionis exprimere voluerit, quo fideles cum Christo capite cohærent. Illic non modò nullum ministeriale caput commemorat, sed operationem singulis membris particularem attribuit, pro modo gratiæ unicuique distributæ. Nec est quòd de cōparatione cælestis & terrenæ hierarchiæ subtiliter philosophentur. nam nec de illa tutum est vltra modum sapere: & in hac constituenda non alium typum sequi oportet quàm Dominus ipse suo verbo delineauit.

- 11 Iam vt alterum illis largiar, quod nunquam apud sanos homines obtinebunt, sic constitutum in Petro Ecclesiæ primatum, vt perpetua successione semper maneret: vnde tamē euincunt, sedem Romæ ita collocatā, vt quicumque sit vrbs illius Episcopus, orbi vniuerso præsideat: Quo iure hanc loco dignitatem alligant, quæ sine loci mētionē data est: Petrus, inquit, Romæ vixit, & mortuus est. Quid Christus ipse: nōne Hierosolymis functus est Episcopatu dum vixit, & moriendo sacerdotii munus impleuit: Princeps pastorum, summus Episcopus, caput Ecclesiæ, non potuit honorem loco acquirere: Petrus longe ipso inferior potuit: Nōne sunt ineptiæ istæ magis quàm pueriles: Christus honorem primatus contulit Petro: Petrus Romæ sedit: Ergo illic collocauit sedem primatus. Nempe hac ratione sedem primatus debuerunt olim Israëlitæ constituere in deserto, vbi Moses summus doctōr & princeps Prophetarum ministerio suo functus erat, & mortuus.

Deut. 34. 2. 5

- 12 Videamus tamen quàm eleganter ratiocinentur. Petrus, inquit, principatum habuit inter Apostolos. ergo Ecclesia in qua sedit hoc priuilegii habere debet. Vbi autem primū sedit: Antiochiæ, inquit. Ergo Antiochena Ecclesia primatum sibi iure vendicat. Fatentur fuisse olim primam: sed Petrum, inde migrando, Romā translulisse quem secum honorem attulerat. Extat enim sub nomine Marcelli Papæ ad Presbyteros Antiochenos epistola, vbi sic loquitur, Petri sedes initio apud vos fuit, quæ postea, iubente Domino, huc trāslata est. Sic Antiochena Ecclesia, quæ olim prima erat, Romanæ cessit sedi. Verū quo oraculo habuerat bonus ille vir, Dominum sic iussisse: Nam si iure definienda sit hæc causa, necesse est respōdeant, velintne priuilegium hoc personale esse, an reale, an mixtum. Vnum enim ex his tribus esse oportet. Si dixerint personale, nihil igitur ad locum: sin reale, ergo vbi semel datum est loco, non adimitur propter personæ vel mortem, vel discessum. Superest igitur vt mixtum esse dicant. tunc autem non simplex erit loci consideratio, nisi persona simul respondeat. Eligant quicquid volent, protinus inferam, & facillē euincam, Romam nulla ratione primatum sibi arrogare.

12. quæst. 1.
cap. Rogamus.

- 13 Esto tamē: translatus fuerit (vt nugantur) primatus Antiochia Romam. Cur tamē non retinuit Antiochia secundum locum: Nam si ideo primas habet Roma, quòd illic vsque ad extremum vitæ sedit Petrus: cui secundæ potius dabuntur quàm vbi sedem primam habuerat: Quī factum est igitur vt Antiochiam Alexādia præcederet: Quī conuenit discipuli vnus Ecclesiā superiorē esse sede Petri: Si cuique Ecclesiæ pro fundatoris sui dignitate honor debetur, quid de reliquis etiam Ecclesiis dicemus: Paulus nominat tres quī videbantur columnæ esse, Iacobum, Petrum & Iohannem. si in honorem Petri Romanæ sedi primus locus tribuitur, nōne proximum & tertium merentur Ephesina & Hierosolymitana, vbi sederunt Iohānes & Iacobus: Atqui inter Patriarchas vltimum locum habuit olim Hierosolyma. Ephesus ne vltimo quidē angulo hærrere potuit. Præteritæ sunt & aliæ Ecclesiæ, tum quascunque fundauit Paulus, tum quibus alii Apostoli præfuerunt. Sedes Marci, qui vnus tātū ex discipulis fuit, honorem adepta est. Aut præposterum illum ordinem fateantur fuisse: aut nobis concedant, non esse hoc perpetuū, vt cuique Ecclesiæ debeat honoris gradus quem quisque fundator habuit.

Galat. 2. b. 9

- 14 Quanquam quod de sessione Petri in Romana Ecclesia referunt, non video quid fidei habere debeat. Certè quod est apud Eusebium, præfuisse illic 25 annos, nullo negotio refellitur. Constat enim ex primo & secundo capite ad Galatas, circiter viginti annos à Christi morte fuisse Hierosolymis, venisse deinde Antiochiam: vbi quādiu fuerit incertum est. Gregorius septem, Eusebius autem 25 annos numerat. Atqui à morte Christi vsque ad finē imperii Neronis (sub quo ipsum casum fuisse memorant) reperientur tantū triginta se-

Galat. 1. d. 18
Galat. 2. a. 1

ptem anni. Passus enim est Dominus sub Tiberio, anno imperii eius decimo octavo. Si viginti annos decidas, quibus habitasse Petrum Hierosolymis testis est Paulus, restabunt septemdecim ad summum: quos nunc inter duos Episcopatus partiri oportet. Si diu Antiochiæ moratus est, non potuit Romæ sedere, nisi per exiguum tempus. Quod ipsum clarius adhuc demonstrare licet. Scripsit Paulus Romanis ex itinere, quum Hierosolymam proficisceretur, vbi captus fuit & Romam adductus. Verisimile ergo est, epistolam hanc quadriennio antè scriptam esse quàm Romam veniret. Illic nulla adhuc Petri mentio: quæ minime omittenda erat, si Ecclesiam illam rexisset. Quinetiam in fine, dum longum piorum catalogum recitat quos saluari iubet, vbi scilicet omnes sibi notos colligit, de Petro prorsus adhuc silet. Neque hîc longa aut subtili demonstratione opus est apud sanioris iudicii homines. res enim ipsa & totum epistolæ argumentum clamat, non debuisse Petrum præterire, si Romæ fuisset.

Rom. 15. f. 13

Rom. 16. a. 3

15 Adducitur deinde vinc-tus Romam. Exceptum fuisse à fratribus narrat Lucas. De Petro nihil. Scribit illinc ad multas Ecclesias. Alicubi etiam quorundam nomine salutatio-nes adscribit. non vno verbo indicat, Petrum illic tunc fuisse. Cui obsecro credibile erit, si-lere potuisse, si adfuisset? Imò ad Philipenses, vbi dixit neminem se habere qui ita fideliter curet opus Domini vt Timotheus, cōqueritur omnes quærere quæ sua sunt. Et ad eundem Timotheum grauior est querimonia, quòd nullus illi adfuerit in prima defensione, sed omnes eum dereliquerint. Vbi tunc igitur Petrus? Nam si Romæ fuisse aiunt, quantam illi ignominiam inurit Paulus, quòd desertor fuerit Euangelii? Siquidem de fidelibus loquitur: quia subiungit, Deus illis non imputet. Quandiu igitur & quo tēpore sedem illam tenuit Petrus? At constans est scriptorum opinio, vsque ad mortem Ecclesiam illam gubernasse. At inter ipsos scriptores non constat quis fuerit successor: quia alii Linum, alii Clementē faciunt. Et multas absurdas fabulas narrāt de disputatione inter eum & Simonem magū habita. Nec dissimulat Augustinus, de superstitionibus disputās, ex opinione temere cōcepta morē Romæ inoleuisse, ne eo die ieiunarēt quo palmam retulerat Petrus de Simone mago. Denique res illius temporis ita sunt opinionum varietate implicitæ vt nō temere adhibenda sit fides, vbi aliquid scriptum legimus. Et tamen propter hunc scriptorū consensum, non pugno quin illic mortuus fuerit: sed Episcopum fuisse, præsertim longo tempore, persuaderi nequeo. Neque id etiam multum moror: quando testatur Paulus Petri Apostolatū peculiariter ad Iudæos pertinere, suum verò ad nos. Proinde vt societas illa quā inter se pacti sunt, rata apud nos sit, imò, vt Spiritus sancti ordinatio firma apud nos habeatur, in Pauli Apostolatū magis quàm Petri respicere nos conuenit. siquidē ita inter eos prouincias diuisit Spiritus sanctus, vt Petrum Iudæis, nobis Paulum destinaret. Nunc itaque suum primatum alibi quærant Romanenses quàm in verbo Dei, vbi minimè fundatus inuenitur.

A& vlt. d. 16

Philip. 2. c. 20

2. Tim. 4. c. 16

Epist. 2. ad Ianas.

16 Veniamus nunc ad Ecclesiam veterem, vt palàm quoque fiat, eius suffragio non minus temere & falsò superbire nostros aduersarios, quàm testimonio verbi Dei. Quum itaque suum illud axioma iactant, non aliter contineri Ecclesiæ vnitatem posse quàm si vnum sit in terris supremum caput, cui membra omnia pareant: idēque Dominū Petro, & deinde successionis iure sedi Romanæ dedisse primatum, vt in ea vsque ad finem resideat: asserūt id fuisse ab initio semper obseruatum. Quoniam autem multa testimonia perperam detorquent, hoc primū præfari volo, me non negare quin magnum Romanæ Ecclesiæ honorem vbique deferant veteres, reuerentēque de ea loquantur. Quod tribus maximè de causis fieri arbitror. Opinio enim illa, quæ nescio quomodo inualuerat, fundatā & constitutam eam fuisse Petri ministerio, ad conciliandam gratiam & autoritatē plurimum valebat. itaque in Occidente sedes Apostolica, honoris causa vocabatur. Deinde quum illic esset caput imperii, & hac ratione credibile esset, præstantiores tum doctrina, tum prudentia, tum peritia, & multarum rerum vsu, viros illic esse quàm alibi vsquam: eius rei meritò habebatur ratio, ne & vrbs nobilitas & alia etiam Dei dona multo excellentiora contemni viderentur. Accessit ad hæc & tertium, quòd quum Orientales & Græcæ Ecclesiæ, Africanæ etiam, multis opinionum dissensionibus inter se tumultuarentur, hæc sedatior aliis & minus turbulenta fuerit. Ita factum est vt pii & sancti Episcopi, sedibus suis pulsī, illic se veluti in asylum aut portum quendam sæpe reciperent. Nam quo minus acuto & celeri ingenio sunt Occidentales Asiaticis & Afris, eo etiam sunt rerum nouarum minus cupidi. Hoc ergo Romanæ Ecclesiæ plurimum addidit autoritatis, quòd non ita dubiis illis temporibus tumultuata est vt reliquæ, ac doctrinæ semel traditæ fuit aliis omnibus tenacior. quemadmodum melius statim explicabimus. Has inquam tres ob causas non vulga-

ri in honore habita fuit, & multis præclaris veterum testimoniis commendata.

17

Verum quum primatum inde & summam in alias Ecclesias potestatem ei astruere volunt nostri aduersarii, nimis perperam (vt dixi) faciunt. Quod vt melius constet, primum breuiter ostendam quid de hac, quam tantopere vrgēt, vnitatem senserint veteres. Hieronymus ad Nepotianum, postquam multa vnitatis exempla recensuit, descendit tandem ad Ecclesiasticam hierarchiam. Singuli, inquit, Ecclesiarum Episcopi, singuli Archipresbyteri, singuli Archidiaconi, & omnis ordo Ecclesiasticus suis rectoribus nititur. Hic loquitur Romanus presbyter, vnitatem in ordine Ecclesiastico commendat. cur non commemorat, vno capite, tanquam vinculo, omnes inter se Ecclesias esse colligatas? Nihil erat quod præsentis causæ magis seruiret; nec dici potest obliuione factum vt præterierit. nihil enim fecisset libentius si res passa esset. Vidit itaque proculdubio, illam esse veram vnitatis rationem quam Cyprianus pulcherrimè describit his verbis, Episcopatus vnus est, cuius à singulis in solidum pars tenetur: & Ecclesia vna est, quæ in multitudine latius incremento fecunditatis extenditur. Quo modo multi radii sunt, & lumen vnum: & rami arboris multi, robur autem vnum, radice tenaci fundatum: & quo modo de fonte vno riuus plurimi defluunt, & numerositas licet diffusa videatur exundantis copię largitate, vnitas tamen seruetur integra in origine: sic & Ecclesia Domini luce perfusa per totum orbem radios suos porrigit, vnum tamen est, quod vbique diffunditur, nec vnitas corporis separatur: ramos suos per vniuersum orbem extendit, persuentes largitur riuos: vnum tamen caput est & vna origo, &c. Deinde, adulterari non potest sponsa Christi: vnā domum nouit, vnus cubiculi sanctitatem casto pudore custodit. Vides vt Christi vnus Episcopatum vniuersalem faciat, qui totam sub se Ecclesiam capiat: illius partes in solidum ab omnibus teneri dicat qui sub hoc capite Episcopatu funguntur. Vbi primatus sedis Romanæ, si penes Christum solum integer residet Episcopatus, à singulis pars eius in solidum tenetur? Hæc eò pertinet vt obiter intelligat lector, axioma illud quod Romanenses pro confesso & indubio sumunt, de vnitatem terreni capitis in hierarchia, veteribus fuisse prorsus ignotum.

De simplic.
Prælatorum.

De exordio & incrementis Romani Papatus, donec se in hanc altitudinem extulit qua & Ecclesiæ libertas oppressa, & omnis moderatio euerfa fuit. C A P. VII.



V A N T V Mad primatus sedis Romanæ vetustatē, nihil ad eam stabilitēdam habetur antiquius decreto illo Synodi Nicenæ, quo & primus inter Patriarchas tribuitur locus Romano Episcopo, & suburbanas Ecclesias iubetur curare. Vbi concilium sic inter ipsum & alios Patriarchas diuidit, vt singulis suos fines assignet: certè non eum constituit omnium caput, sed vnum ex precipuis facit. Aderant Vitus & Vincentius Iulii nomine, qui Romanam Ecclesiam tunc gubernabat. iis datus est quartus locus. Obsecro si caput Ecclesiæ agnosceretur Iulius, an in quartam sedem reicerentur eius legati? An præsideret Athanasius in concilio, vbi maximè elucere debet effigies ordinis hierarchici? In Synodo Ephesina apparet Cœlestinum, (qui tunc pōtifex erat Romanus) obliquo artificio vsum esse vt sedis suæ dignitati caueret. Nam quū mitteret illuc suos, Cyrillo Alexandrino, qui alioqui præfutura erat, vices suas mandauit. Quorsum istud mandatum, nisi vt quouis modo nomē suum in prima sede haberet? Sedent enim eius legati loco inferiore, sententiam inter alios rogantur, suo ordine subscribunt: interim Alexandrinus Patriarcha nomen eius suo admiscet. Quid dicā de concilio Ephesino secundo: vbi quum adessent Leonis legati, Alexandrinus tamen Patriarcha Dioscorus velut suo iure præsidebat? Excipient non fuisse orthodoxum Concilium à quo & sanctus vir Flavianus damnatus, & Eutyches absolutus, eiúsque impietas comprobata. At quum Synodus cogeretur, quum sessiones inter se Episcopi distribuerent: illic certè inter alios Romanæ Ecclesiæ legati non aliter quàm in sancto & legitimo Concilio sedebāt. Non contendunt tamen de primo loco, sed cum alteri cedunt: nequaquam id facturi si suum iure esse crederent. Nunquam enim puduit Romanos Episcopos maximas quasque contentiones pro suis honoribus suscipere, & hanc solam ob causam multis sæpe & perniciosissimis certaminibus vexare & turbare Ecclesiam. sed quia videbat Leo nimis improbum fore postulatum si legatis suis primam sedem ambiret, eo supersedit.

2

Sequitur Chalcedonense concilium, in quo primam sedem Imperatoris concessionem occuparunt Romanæ Ecclesiæ legati. Sed hoc fuisse extraordinarium priuilegium Leo ipse cōfiteatur. nam quum id petit à Marciano Imperatore, & Pulcheria Augusta, non contēdit sibi deberi, sed tantum prætexit, Orientales, qui Ephesino cōcilio præfuerant, turbasse tunc omnia, & sua potestate malè abusos. Quum itaque graui moderatore opus esset,

nec esset verisimile, eos qui tam leues & tumultuarii semel fuissent, ad hanc rem fore idoneos, rogat ut propter aliorum vitium & ineptitudinem, gubernandi vices ad se transferantur. Quod singulari privilegio & extra ordinem petitur, non est certe ex communis lege. Vbi hoc tantum prætexitur, opus esse nouo alio præside, quia se malè gesserant priores: constat neque ante fuisse factum, neque perpetuum esse debere: sed præsentis duntaxat periculi intuitu fieri. Primum igitur locum habet in Chalcedonensi concilio Pontifex Romanus, non quod sedi hoc debeatur, sed quia synodus graui & apto moderatore destituitur, dum ii quos præesse decuerat, per suam intemperiem & libidinem sese loco excludunt. Atque id quod dico, successor Leonis re ipsa comprobauit. Siquidem quum ad quintam synodum Constantinopolitanam, quæ longo post tempore est habita, legatos suos mitteret, non rixatus est de prima sede, sed Mennam Patriarcham Constantinopolitanum præsidere facillè passus est. Ita in concilio Carthaginensi, cui interfuit Augustinus, videmus non legatos Rom. sedis, sed Aurelium loci Archiepiscopum præfuisse: quum tamen lis esset de Rom. Pontificis autoritate. Quinetiam habitum in ipsa Italia fuit concilium vniuersale, cui Romanus Episcopus non interfuit. Præerat Ambrosius, qui tunc insigni autoritate pollebat apud Cæsarem. nulla illic Pontificis Romani fit mentio. Ergo tunc Ambrosii dignitate factum est ut illustrior esset Mediolanensis sedes quàm Romana.

Aquileiense concilium.

3 Quantum ad ipsum titulum primatus, & alios superbiæ titulos, quibus nunc mirabiliter se iactat, non est difficile iudicare quando & qualiter obrepserint. Cyprianus sæpe meminit Cornelii. non alio nomine ipsum insignit quàm fratris, aut coepiscopi, aut collegæ. Ad Stephanum verò quum scribit, Cornelii successorem, non modò eum sibi & reliquis æqualem facit, sed durius etiam compellat, nunc arrogantiam, nunc inscitiam ei obiciens. Post Cyprianum habemus quid de ea re censuerit tota Ecclesia Africana. Vetuit enim concilium Carthaginense nequis Princeps Sacerdotum vocaretur, aut primus Episcopus: sed tantum primæ sedis Episcopus. Quod si vetustiora monumeta quis euoluat, reperiet communi fratris appellatione contentum tunc fuisse Rom. Episcopum. Certè quādiu durauit Ecclesiæ vera & pura facies, ista omnia superbiæ nomina, quibus inolescere postea coepit Romana sedes, prorsus erant inaudita. quid esset summus Pontifex, & vnicum Ecclesiæ in terris caput, nesciebatur. Quod si tale quid sumere sibi ausus fuisset Romanus Episcopus, erant cordati viri qui mox eius stultitiam reprimerent. Hieronymus, quum Romanus esset Presbyter, non malignus fuit in prædicanda Ecclesiæ suæ dignitate, quantum res & temporum status patiebantur: videmus tamen qualiter ipsam quoque in ordinem redigat. Si autoritas quæritur (inquit) orbis maior est vrbe. Quid mihi profers vnus vrbs consuetudinem? quid paucitatem, de qua ortum est supercilium, in leges Ecclesiæ vindicas? Vbicunque fuerit Episcopus, siue Romæ, siue Eugubii, siue Constantinopoli, siue Rhegii, eiusdem meriti est & eiusdem sacerdotii. Potentia diuitiarum, & paupertatis humilitas superiorem vel inferiorem Episcopum non facit.

Lib. Epist. 2.
epist. 2. & lib.
4. epist. 6

Cap. 47

In epist. ad
Eugarium

4 De titulo vniuersalis Episcopi, Gregorii demum tempore exorta est contentio: cui occasionem præbuit ambitio Iohannis Constantinopolitani. Ille enim (quod nemo vnquā alius tentauerat) sese volebat facere vniuersalem. In ea contentione non causatur Gregorius sibi ius adimi quod in se cōpeteret: sed fortiter reclamationem esse profanā, imò sacrilegam, imò Antichristi prænuntiam. Corruit vniuersa Ecclesia à statu suo (inquit) si is qui vniuersalis dicitur cadit. Alibi, Triste valde est patienter ferre, ut omnibus despectis, frater & coepiscopus noster solus nominetur Episcopus. Sed in hac eius superbia quid aliud nisi propinqua iam esse Antichristi tempora designatur? Quia illum videlicet imitatur qui spreta Angelorum societate, ascendere conatus est culmine singularitatis. Alibi Eulolio Alexandrino, & Anastasio Antiocheno, Nullus vnquam decessorum meorum hoc profano vocabulo uti voluit: quia videlicet si vnus Patriarcha vniuersalis dicitur, Patriarcharum nomen cæteris derogatur. Sed absit hoc à Christiana mēte, id sibi vellem quempiam arrogare, vnde fratrum suorum honorem ex quantulacunque parte imminuat. In isto scelesto vocabulo consentire, nihil aliud quàm fidem perdere est. Aliud est, inquit, quod conseruandæ vnitati fidei, aliud quod debemus comprimendæ elationi. Ego autem fidenter dico quia quisquis se vniuersalem Sacerdotem vocat, vel vocari desiderat, in elatione sua Antichristum præcurrit: quia superbiendo se cæteris præponit. Item, rursum Anastasio Alexandrino, Dixi pacem nobiscum habere non posse, nisi elationem superstitiosi ac superbi vocabuli corrigeret, quā primus apostata inuenit. atque (ut de honoris vestri iniuria taceam) si vnus Episcopus vocatur vniuersalis, vniuersa Ecclesia corruit vbi ille vniuersus cadit. Quod autem scribit, oblatum fuisse Leoni hunc honorem in synodo

Lib. 4. epist.
76. Mauricio
August.

Constantiæ
August. epist.
78. eiusdē lib.

Eiusdē lib.
epist. 80

Auiano Dia.
epist. 78. eiusdē
lib.

Mauricio
August. epist.
194. lib. 7.

Lib. 6. epist.
188

lib. 4. epist.
ad Mauri.
Eulolio, su-
pra, & epist.
79. lib. 7
Euseb. Episc.
Theſſalonic.

Chalcedonenſi, nullam habet veri ſpeciem. nec enim tale quippiam in actis illius Synodi legitur. Et Leo ipſe, qui multis epiſtolis decretum illic in honorem Conſtantinopolitanæ ſedis factum impugnât, non præteriſſet proculdubio hoc argumentum quod erat omnium maximè plauſibile, ſi verum fuiſſet ipſum repudiaſſe quod ſibi dabatur: & homo alioqui honoris plus ſatis cupidus non libenter omiſſiſſet quod ad ſuam laudem faceret. Falſus eſt igitur in eo Gregorius quod titulum illum putauit ſedi Romanæ fuiſſe delatum à Synodo Chalcedonenſi. vt taceam ridiculum eſſe quod à ſancta Synodo proſectum teſtatur, & ſimul ſceleſtum, profanum, nefandum, ſuperbum & ſacrilegum nuncupat: imò à Diabolo excogitatum, & ab Antichriſti præcone publicatum. Et tamen ſubiungit, præceſſorem ſuum recuſaſſe ne, dum priuatim aliquid daretur vni, ſacerdotes honore debito priuarentur vniuerſi. Alibi, Nullus vnquam tali vocabulo appellari voluit, nullus ſibi hoc temerarium nomen arripuit: ne ſi in Pontificatus gradu ſibi gloriam ſingularitatis arriperet, hanc fratribus omnibus denegaſſe videretur.

5 Venio nunc ad iuriſdictionem quam ſine controuerſia ſe habere in omnes Eccleſias Pontifex Romanus aſſerit. Scio quantæ fuerint olim de hac diſceptationes. nullum enim fuit tēpus quo non Romana ſedes imperium in alias Eccleſias appetiuerit. Atque hoc loco non erit intempeſtiuum, quibus modis ſenſim tunc emerſerit ad aliquam potentiam inueſtigare. Nondum de hoc infinito imperio loquor, quod non ita pridem ſibi arripuit. nam id in ſuum locum differemus. verum hīc paucis indicare operæpretium eſt qualiter olim & quibus rationibus ſeſe extulerit, vt aliquid iuris ſibi in alias Eccleſias ſumeret. Quum Orientales Eccleſiæ diuiſæ eſſent ac turbatæ Arrianorū factionibus, ſub Conſtantino & Conſtante Cæſaribus Conſtantini magni filiis, ac ſede ſua pulſus eſſet Athanaſius fidei orthodoxæ præcipuus illic deſenſor: eiufmodi calamitas ipſum Romam venire coegit, vt Romanæ ſedis authoritate tum hoſtium ſuorum rabiem vtcunque reprimere, tum pios laborantes confirmaret. Suſceptus eſt ipſe honorificè à Iulio tunc Epifcopo, ac obtinuit vt cauſæ ſuæ deſenſionem Occidentales ſuſciperent. Quum ergo pii externo præſidio magnopere indigerent, in Romana autem Eccleſia cernerent ſibi optimum eſſe præſidium, libenter ei deſerebāt quamplurimum poterant authoritatis. Verum id totum nihil aliud erat niſi vt magni æſtimaretur eius communio, ab ea autem excommunicari ignominioſum duceretur. Poſtea mali & improbi multum ipſi quoque addiderunt. nam vt legitima iudicia effugerent, ad hoc aſylum ſe conferebāt. Itaque ſiquis Presbyter à ſuo Epifcopo, ſiquis Epifcopus à Synodo ſuæ prouinciæ damnatus erat, ſtatim prouocabāt Romam. Et has appellationes Romani Epifcopi cupidius quàm par erat recipiebant: quod videbatur eſſe ſpecies extraordinariæ poteſtatis, ſe longè latèſſe ita negotiis interponere. Sic quum Eutyches à Flauiano Conſtantinopolitano damnatus eſſet, apud Leonem conqueſtus eſt factam ſibi eſſe iniuriam. Ille nihil moratus, patrocinium malæ cauſæ nō minus temere quàm ſubitò ſuſcepit. in Flauianum grauiter inuictus eſt, quaſi incognita cauſa hominem innoxium damnaſſet. atque hac ſua ambitione effecit vt Eutychiana impietas ſpatio temporis ſe confirmaret. In Africa id ſæpius accidiſſe conſtat. ſimul enim ac nebulo quiſpiam in ordinario iudicio ſuccubuerat, aduolabat Romam, multis calumniis ſuos grauabat: Romana autem ſedes interponere ſe ſemper erat parata. Quæ improbitas coegit Africanos Epifcopos ſancire nequis ſub pœna excommunicationis vltra mare prouocaret.

6 Quicquid tamen fuerit, inſpiciamus quid iuris aut poteſtatis habuerit tunc Romana ſedes. Continetur autem poteſtas Eccleſiaſtica his quatuor capitibus, Ordinatione Epifcoporum, Conciliorum indiſtinctione, Audiendis appellationibus, aut iuriſdictione, Monitionibus caſtigatoriis, aut cenſuris. Ordinari Epifcopos à ſuis Metropolitibus iubēt omnes veteres Synodi. nuſquam aduocari Romanum Epifcopum iubent niſi in ſua Patriarchia. Senſim autem mos obtinuit vt Italici Epifcopi ad petendam cōſecrationem omnes Romam venirent: exceptis Metropolitibus, qui ſe in hanc ſeruitutem redigi paſſi non ſunt: ſed quum ordinandus erat aliquis Metropolitæ, mittebat illuc vnum ex ſuis presbyteris Romanus Epifcopus, qui tātum adeſſet, non autē præſet. Cuius rei exemplum extat apud Gregorium in cōſecratione Conſtantii Mediolanenſis, poſt Laurentii obitum. Quanquam non puto illud fuiſſe vetuſtiſſimum inſtitutum: ſed quum honoris & beneuolentiæ cauſa initio mitterent vltro & citro legatos, qui teſtes forent ordinationis, ad communionem teſtandam: quod voluntarium erat, pro neceſſario haberi poſtea cœpit. Vtcunque ſit, conſtat ordinandi poteſtatem non fuiſſe olim Romano Epifcopo niſi in prouincia ſuæ Patriarchiæ, hoc eſt in Eccleſiis ſuburbicariis, vt canon Synodi Nicenæ loquitur. Ordinationi annexa erat epiſtolæ ſynodiciæ miſſio, in qua nihilo ſuperior erat aliis. Solebāt Patriarchæ ſtatim poſt

lib. 1. epist.
ad 70.

suam consecrationem solenni scripto fidem suam consignare, quo profitebantur se sanctis & orthodoxis conciliis subscribere. Ita, reddita fidei suæ ratione, mutuò se alii aliis approbabant. Si hanc confessionem recepisset ab aliis Romanus Episcopus, non dedisset, eo fuisset agnitus superior, sed quò oportuerit non minus dare quàm ab aliis exigere, & communi legi esse subiectum: certè societatis signum id fuit, non dominii. Eius rei exemplum habetur in epistola Gregorii ad Anastasium & Cyriacum Constantinopolitanum, & alibi ad omnes simul Patriarchas.

Anast. lib. 7.
epist. 25.
Cyriaco, lib.
6. epist. 169.
Ad Patriar.
lib. 1. epist. 24

7 Sequuntur admonitiones vel censuræ, quibus ut olim vsi sunt Romani Episcopi erga alios, sic eas vicissim pertulerunt. Irenæus Victorè grauitè corripuit, quòd temere ob rem nihili pernicioso dissidio turbaret Ecclesiam. Paruit ille, non reclamauit. Ea libertas tunc visitata fuit sanctis Episcopis, ut fraterno iure vterentur in Romanum Præsulem, admonendo & castigando, si quando peccaret. Ille vicissim, ubi res postulabat, alios admonebat officii, & si quid erat vitii reprehendebat. Nam Cyprianus, quum Stephanum hortatur ut moneat Galliarum Episcopos, non sumit argumentum ex ampliori potestate, sed ex còmuni iure quod habent inter se sacerdotes. Quæso, si Galliarum tunc præfuisset Stephanus, annon dicturus erat Cyprianus, Coerceas istos, quia tui sunt: sed lōgè aliter loquitur, Hoc fraterna (inquit) societas, qua inter nos deuincti sumus, requirit, ut mutuò moneamus. Et videmus etiā quanta verborum acerbitate vir alioqui māsueti ingenii in ipsum Stephanum inuehatur, ubi nimis eum insolescere existimat. Ergo hac etiam in parte nondum apparet vlla iurisdictione præditum fuisse Romanum Episcopum aduersus eos qui suæ prouinciæ nō essent.

Epist. 13. lib. 3

Ad Pompeid
contra epist.
Stephani.

8 Quantum ad synodos conuocandas, hoc erat Metropolitæ cuiusque officium, ut prouincialem synodum statim temporibus cogeret. Illic nihil iuris habuit Romanus Episcopus. vniuersale autem cōcilium indicare solus imperator poterat. Siquis enim Episcoporum hoc tentasset, non modò vocationi non paruissent qui extra prouinciā erāt, sed tumultus statim exortus esset. Ergo imperator omnibus ex æquo ut adessent denūtiabat. Refert quidem Socrates Iulium cum Orientalibus Episcopis expostulasse quòd se ad Synodum Antiochenam non vocassent, quum vetitum esset canonibus sine Romani Pōtificis conscientia quidpiam decerni. Sed quis non videt hoc de iis decretis intelligendum quæ vniuersam Ecclesiam obstringunt: Porro nihil mirum si cum vrbs antiquitati & amplitudini, tum sedis dignitati id datur, ne absente Romano Episcopo vniuersale de religione decretum fiat, si quidem interesse non recuset. Verum quid hoc ad totius Ecclesiæ dominium? Neque enim vnū ex præcipuis fuisse negamus: sed recipere nolumus quod nunc cōtendunt Romanenses, habuisse in omnes imperium.

Tripart. hist.
lib. 4.

9 Superest quarta species potestatis, quæ appellationibus constat. Summū imperium penes eum esse constat ad cuius tribunal prouocatur. Multi sæpe Romanum Pontificem appellarunt. ipse quoque causarum cognitionem ad se trahere conatus est: sed semper fuit derisus, quoties suos fines excessit. Nihil dicam de Oriente aut Græcia: sed constat Galliarum Episcopos fortiter restitisse quum sibi imperium in eos sumere videretur. In Africa diu fuit de ea re disceptatum. nam quum in Mileuitano Concilio, ubi aderat Augustinus, excommunicati essent qui prouocarent vltèra mare, conatus est Romanus Pontifex efficere ut id decretum corrigeretur. Legatos misit qui id priuilegii sibi à Niceno Concilio datum esse ostenderent. Proferebant Legati acta Niceni Concilii, quæ ex Ecclesiæ suæ armario sumperant. Restiterunt Africani, negaruntque fidem Romano Episcopo habendam esse in causa propria: proinde se Constantinopolim missuros, & in alias Græciæ vrbes, ubi exemplaria minus suspecta haberentur. Compertum est nihil illic tale scriptum quāle obtenderant Romani. Ita ratum fuit decretum illud quod Romano Pontifici summam cognitionem abrogauerat. Qua in re flagitiosa ipsius Romani Pontificis impudentia apparuit. nam quum fraude Sardicēsem Synodum pro Nicena supposuisset, turpiter in manifesta falsitate deprehensus fuit. Sed maior etiamnum ac impudentior fuit eorum nequitia qui fictitiā epistolam ad Concilium addiderunt, qua nescio quis Episcopus Carthaginensis, Aurelii decessoris sui arrogātiā damnans quòd à sedis Apostolicæ obedientia subducere se ausus esset, ac sui suæque Ecclesiæ deditiōem faciens, suppliciter veniam precatur. Hæc sunt egregia vetustatis monumenta, quibus fundata est Romanæ sedis maiestas: dum ita pueriliter sub prætextu antiquitatis mentiuntur ut vel cæci palpare queant. Aurelius (inquit) diabolica audacia & contumacia elatus, Christo & sancto Petro rebellis fuit. proinde anathemate damnandus. Quid Augustinus? quid verò tot Patres qui Mileuitano Cōcilio interfuerunt? Sed quid opus est insulsum illud scriptū multis verbis refellere, quod ne ipsi quidem Romanenses, si quid frontis habēt reliquum, sine magno pudore inspicere possint?

Hæc habētur
i. volum. cōc.

Epist. 4.
cap. Placuit.

Sic Gratianus, malitiāne an inscitia nescio, ubi decretum illud retulit, Vt communione priuentur qui trans mare prouocauerint, adiungit exceptionem, Nisi forte Romanam sedem appellarint. Quid facias istis bestiis, quæ adeo sensu communi carent, vt illud vnum à lege excipiant cuius causa legem esse positam nemo non videt? Siquidem Concilium, quum transmarinas appellationes damnat, hoc tantum prohibet nequis Romam prouocet. Hic bonus interpret Romam à communi lege excipit.

10

Epist. 162.
Circuli. col.
m. cetera Do-
nat. & alibi.

Verum (vt semel quæstionē hanc finiamus) qualis olim fuerit Romani Episcopi iurisdictio, vna historia palam faciet. Accusauerat Cæcilianum Carthaginensem Episcopum Donatus à casis nigris. Damnatus fuerat reus indicta causa. Nam quum sciret coniurationem contra se ab Episcopis factam, comparere noluit. Ventum inde est ad Cōstantinum Imperatorem. Ille quum veller causam Ecclesiastico iudicio finiri, cognitionem mādauit Melciadi Romano Episcopo, cui addidit collegas nonnullos ex Italia, ex Gallia, ex Hispania Episcopos. Si id erat ex ordinaria Romanæ sedis iurisdictione, audire appellationem in causa Ecclesiastica, cur alios sibi adiungi patitur Imperatoris arbitrio? imò cur ipse iussu magis Imperatoris quàm ex officio suo suscipit iudiciū? Sed audiamus quid postea contigerit. Vincit illic Cæcilianus, Donatus à casis nigris cadit actione calumniosa. prouocat. Constantinus appellationis iudicium mandat Episcopo Arelatensi. sedet ille iudex, vt post Romanum Pontificem quod visum fuerit pronuntiet. Si Romana sedes summam habet potestatem sine prouocatione: cur sibi tam insignem ignominiam irrogari patitur Melciades, vt sibi Episcopus Arelatensis præferatur? Et quis Imperator hoc facit? Constantinus scilicet, quem iactant non modò omne suum studium, sed omnes ferè Imperii opes contulisse ad amplificandam sedis suæ dignitatem. Videmus ergo iam quantū modis omnibus abfuerit tunc Romanus Pontifex ab illa suprema dominatione quam sibi in omnes Ecclesias datam esse à Christo asserit, & quam seculis omnibus se totius orbis consensu obtinuisse mentitur.

11

Distin. 22.
cap. Sacro-
sancta.

Scio quàm multæ sint epistolæ, quàm multa rescripta & edicta, quibus Pontifices ei nihil non tribuunt & confidenter vendicant. Sed hoc quoque omnes, qui vel minimum habent ingenii & doctrinæ, sciunt ita insulsa esse pleraque ex ipsis vt primò gustu facile sit deprehendere ex qua officina prodierint. Quis enim sanus ac sobrius Anacleti esse putet egregiam illam interpretationem, quæ sub Anacleti nomine in Gratiano refertur, nempe quòd Cephas sic caput? Plurimis eius farinae nugis, quas sine iudicio confarcinauit Gratianus, Romanenses hodie contra nos abutuntur ad sedis suæ defensionem: & tales fumos, quibus imperitos olim in tenebris ludebant, adhuc in tanta luce vendere volunt. Sed ego multum operæ ponere in iis refellendis nolo, quæ seipsa propter nimiam insulstatem palam refellunt. Fateor extare etiam veras epistolas priscorum Pontificum, quibus sedis suæ amplitudinem magnificis elogiis venditant: quales sunt aliqua Leonis. Fuit enim vir ille, vt eruditus ac facundus, ita gloriæ & dominationis supra modum cupidus: sed an Ecclesiæ fidem tunc habuerint eius testimonio, dum ita se extollit, id verò est quod quæritur.

Vide epist. 35.
Epist. 85.

Epist. 89.

Apparet autē multos eius ambitione offensos, eius quoque cupiditati restitisse. Alicubi vices suas Theſſalonicenſi Episcopo mandat per Græciam & alias regiones vicinas: alibi Arelatensi, aut alteri cuiquam per Gallias. Sic Hormisdam Episcopum Hispalensem vicarium suum per Hispanias constituit: sed vbique excipit, ea lege se dare eiusmodi mandata vt salua & integra maneant antiqua priuilegia Metropolit. Atqui hoc vnum esse ex illis priuilegiis declarat Leo ipse, vt siqua de re inciderit dubitatio, Metropolitanus primo loco consulatur. Hac ergo conditione erant istæ vices, ne aut Episcopus quispiam in ordinaria sua iurisdictione, aut Metropolita in cognoscendis appellationibus, aut prouinciale Conciliū in constituendis Ecclesiis impediretur. Hoc autem quid aliud erat quàm omni iurisdictione abstinere: sed se ad sedandas discordias interponere, duntaxat quantum fert lex & natura Ecclesiasticæ communionis?

12

Gregorii tempore iam multum mutata erat prisca illa ratio. Conuulso enim ac lacerato imperio, quum Galliarum & Hispaniarum multis subinde acceptis cladibus afflictae essent, vastatum Illyricum, vexata esset Italia, Africa verò assiduis calamitatibus ferè perdita: quo in tanta rerum ciuiliū conuulsione fidei saltem integritas maneret, aut certè non prorsus interiret, omnes vndique Episcopi se ad Romanū Pontificem magis adiunxerunt. Eo factum est vt sedis non modò dignitas, sed etiam potentia vehementer cresceret. Quamquam non adeo moror quibus rationibus id factum sit. Maiorem certè tunc fuisse constat quàm superioribus seculis. Et tamen multum interest quin fuerit effrænis dominatio, vt imperare vnus aliis pro sua libidine potuerit. Sed hanc reuerentiā habebat sedes Romana

ut improbos & contumaces, qui à suis collegis in officio contineri non poterant, sua auctoritate cōpesceret ac reprimeret. siquidē hoc diligēter subinde testatur Gregorius: se non minus fideliter seruare aliis eorū iura, quā ab illis ipse sua requirat. Nec vlli, inquit, quod sui iuris est, ambitu stimulante derogo: sed fratres meos per omnia honorare cupio. Nulla est vox in eius scriptis, qua superbius iactet primatus sui amplitudinem quā ista, Nescio quis Episcopus non subiectus sit sedi Apostolicæ, vbi in culpa inuenitur. Continuò tamen subiungit, Vbi culpa non exigit, omnes secundum rationem humilitatis æquales sunt. Tribuit sibi ius corrigendi eos qui peccarunt: si omnes faciūt officium, aliis se parem facit. Atque ipse quidem id iuris sibi tribuit. assentiebantur autem qui volebāt: aliis autem quibus non placebat, licebat impune reclamare. quod fecisse etiam plerosque notum est. Adde quod illic de Primato Bytanceno loquitur: qui quum esset à prouinciali Synodo damnatus, repudiauerat totum iudicium. Hanc hominis contumaciam ad Imperatorem detulerant eius collegæ. Imperator Gregorium cognitorē esse voluerat. Videmus ergo eum nec tentare aliquid, quo violet ordinariam iurisdictionem, & id ipsum quod facit, ut aliis sit subsidio, non nisi mandato Imperatoris facere.

Ad Mediola-
clerū, epist.
68. lib. 2.
Ad Domini-
cū Carthag.
Episcopum,
epist. vlt. lib. 2
Epist. 64. lib. 7

13 Hæc igitur tūc tota fuit Romani Episcopi potestas, opponere se præfactis & indomitis capitibus, vbi extraordinario aliquo remedio opus erat: idque ut adiuuaret alios Episcopos, non impediret. Itaque nihilo sibi plus in alios sumit quā omnibus in se alibi concedit, quum fatetur se paratum ab omnibus corrigi, ab omnibus emendari. Sic alibi Aquileiensem Episcopum iubet quidem Romam venire, ad causam dicendam in controuersia fidei quæ inter ipsum & alios exorta erat: non tamen ex sua potestate iubet, sed quia id Imperator mandauerat. Neque se solum iudicem fore denuntiat: sed Synodum se coacturum promittit, à qua negotium totum iudicetur. Quanquam autem eā adhuc erat imoderatio, ut suos certos fines haberet potestas Romanæ sedis, quos excedere non liceret, atque ipse Romanus Episcopus non magis præfesset aliis, quā subesset: apparet tamen quantopere Gregorio displicuerit eiusmodi itatus: subinde enim conqueritur, se sub colore Episcopatus ad seculum fuisse reductum: seque magis implicitum esse curis terrenis, quā in vita laica vnquam feruisset: premi se in illo honore tumultu secularium negotiorum. Alibi: Tanta me, inquit, occupationum onera deprimunt, ut ad superna animus nullatenus erigatur. Multis causarum fluctibus quatuor: & post illa quietis otia, tumultuosæ vitæ tempestatibus affligor: ita ut rectè dicam, Veni in altitudinem maris, & tempestas demersit me, Hinc collige quid dicturus fuerit si in hæc tempora incidisset. Officium Pastoris si non explebat, faciebat tamen. Ab imperii ciuilibus gubernatione abstinebat: ac se vnā cum aliis fantebatur Imperatori subiectum. In curam aliarum Ecclesiarum non se ingerebat nisi necessitate coactus. Et tamen sibi in labyrintho videtur esse, quia simpliciter Episcopi officio totus vacare nequit.

Lib. 2. epist. 37
Epist. 16

Theotistæ, e-
pist. 5. lib. 2

Anast. An-
tioch. epist.
7, & 25. lib. 1

14 Litigabat eo tempore de primatu Constantinopolitanus Episcopus cum Romano, ut iam dictum est. Postquam enim Imperii sedes Constantinopoli firmata fuit, id postulare visa est Imperii maiestas, ut Ecclesia quoque illa secundum à Romana honoris locum haberet. Et certè initio nihil magis valuerat ad primatum Romæ deferendum, nisi quod tūc illic erat Imperii caput. Extat apud Gratianum rescriptum sub nomine Lucini Papæ, vbi dicit non aliter distinctas esse vrbes, vbi Metropolitæ & Primates præsidere debeāt, quā ex ratione ciuilibus gubernationis, quæ antè fuerat. Alterum etiam simile sub nomine Clementis Papæ, vbi dicit, In iis vrbus quæ olim primos flamines habuerant, fuisse constitutos Patriarchas. Quod tametsi vanum est, tamen ex vero est sumptum. Constat enim, quo minimū fieret mutationis, pro statu rerū qui tunc erat, distributas fuisse prouincias, Prælatosque & Metropolitans in iis vrbus collocatos quæ honoribus & potestate reliquas antecederant. Itaque in Concilio Taurinensi decretum fuit, ut quæ in ciuili gubernatione primæ vrbes essent cuiusque prouinciæ, primæ essent Episcoporum sedes. Quod si honorem ciuilibus regiminis ex vna vrbe in alteram transferri contigisset, ut ius Metropoleos vnā illuc transferretur. Innocentius verò Romanus Pontifex, quum antiquam vrbis dignitatem obsolescere videret ex quo sedes Imperii Constantinopolim translata erat, sedi suæ metuens, contrariā legem fanciuit: in qua negat necesse esse Metropoles Ecclesiasticas mutari prout Imperatoriæ Metropoles mutantur. Verū meritò Synodi auctoritas, vnius hominis sententiæ præferenda est. tum suspectus esse nobis debet Innocentius ipse in propria causa. Vt cunque sit, sua tamen cautione ostendit, ab initio sic fuisse comparatum, ut secundum externum Imperii ordinem Metropoles disponerentur.

Distinct. 80

Cap. 1.

Socrat. hist.
trip. lib. 9.
cap. 13

15 Ex hoc veteri instituto sancitum est in Synodo Constantinopolitana prima, ut ciuita-

Item in De-
cret. 22. di-
stinct. cap.
Constanti-
nopol.

ris illius Episcopus honoris priuilegia haberet post Romanum Pontificem, eo quòd esset noua Roma. Atqui longo post tempore, quum simile decretum Chalcedone factum esset, Leo acriter reclamauit. Nec modò sibi permisit pro nihilo ducere quod sexcenti Episcopi aut suprà decreuerant: sed grauibz etiam conuitis eos exagitauit, quòd aliis sedibus derogassent id honoris quod in Constantinopolitanam Ecclesiam conferre ausi essent. Obsecro, quid aliud hominem incitare potuit ad turbandum orbem pro re tantula, nisi mera ambitio? Ait inuiolabile esse oportere quod semel sancit Nicena Synodus. Quasi verò periclitetur fides Christiana si vna Ecclesia alteri præferatur, aut quasi in alium finem distincta illic essent Patriarchæ quàm politia causa. Scimus autem politiam pro varietate temporum recipere, imò exigere varias mutationes. Futile igitur est quod obtendit Leo, non esse deferendum honorem Constantinopolitanæ sedi qui Synodi Nicenæ auctoritate, Alexandrinæ datus foret. Hoc enim dictat communis sensus, fuisse eiusmodi decretum quod pro temporum ratione tolli posset. Quid quòd Orientium nemo repugnabat, quorum intererat id maximè? Aderat certe Proterius, quem Alexandria in locum Dioscori præfecerant: aderant alii Patriarchæ, quorum honor imminuebatur. Illorum erat intercedere, non Leonis, qui suo loco integer manebat. Quum verò tacent illi omnes, imò quum assentiuntur, vnus Romanus resistit: promptum est iudicare quidnā cum moueat: scilicet prouidebat quod non multo post accidit, decrecente veteris Romæ gloria, fore vt Constantinopolis, secundo loco non contenta, de primatu cum ea litigaret. Neque tamen clamando tantum profecit quin ratum esset Concilii decretum. Itaque successores eius, quum fractos se viderent, ab illa peruicacia placidè destiterunt. tulerunt enim vt secundus Patriarcha haberetur.

- 16 Verum paulo post eousque erupit Iohannes, qui Gregorii tempore Constantinopolitanam Ecclesiam regebat, vt se vniuersalē Patriarchā diceret. Hic Gregorius, ne in optima causa, sedis suæ defensionem deesset, constanter se opposuit. Et erat certè intolerabilis cū superbia tū insania Iohannis, qui Episcopatus sui fines æquare Imperii finibus volebat. Neque tamen quod alteri negat Gregorius, sibi ipsi vendicat: sed vocem illam à quocunque tandem vsurpetur, vt scelestam, & impiam, & nefandam abominatur. Quinetiam Eulohio Alexandrino Episcopo alicubi succenset, à quo fuerat eiusmodi titulo honoratus. Ecce, inquit, in præfatione Epistolæ, quam ad me ipsum, qui prohibui, direxistis, superbæ appellationis verbum, Papam me vniuersalem appellando, imprimere curastis. Quod peto, sanctitas vestra vltèrius nō faciat: quia vobis subtrahitur, quod alteri plusquā exigit ratio datur. Ego honorē nō deputo, in quo fratrum meorum honorē minui video. Meus enim honor est honor vniuersalis Ecclesiæ, fratrumque meorum solidus vigor. Si autē vniuersalē me Papam sanctitas vestra dicit, negat se hoc esse quod me fatetur vniuersum. Bona quidē erat & honesta Gregorii causa: sed Iohannes, Mauricii Imperatoris fauore adiutus, dimoueri à proposito non potuit. Cyriacus quoque eius successor nunquā de ea re passus est se exorari.

Lib. 7. epist.
30.

- 17 Tandem Phocas, qui cæso Mauritio in eius locū successus est (nescio qua de causa Romanis amicior, imò quia illic absque certamine coronatus fuerat) Bonifacio tertio cōcessit quod minime postulabat Gregorius, vt Roma caput esset omnium Ecclesiarum. In hūc modum dirempta est controuersia. Neque tamen adeò profuisset hoc Imperatoris beneficium sedi Romanæ, nisi alia deinde accessissent. Nam Græcia, & tota Asia paulo post ab eius communione abscissæ sunt. Gallia sic ipsum reuerebatur, vt non pareret nisi quoad libebat. Tunc verò primū in seruitutem redacta est vbi Pipinus regnū occupauit. Nam quum Zacharias Pontifex Romanus, ei adiutor fuisset ad perfidiam ac latrocinium, vt pulso legitimo Rege, regnum quasi prædæ expositum raperet: hoc mercedis tulit, vt in Ecclesias Gallicanas iurisdictionem haberet Romana sedes. Quemadmodum prædones cōmune spoliū solent partiendo diripere, ita boni isti viri inter se compararunt vt Pipino quidem cederet terrenum ac ciuile dominium, spoliato vero Rege: Zacharias autē caput fieret omnium Episcoporum, ac spiritualem potestatem haberet: quæ quum initio infirma foret, (vt solet vsu venire in rebus nouis) Caroli inde auctoritate cōfirmata fuit, simili ferè de causa. erat enim ipse quoque Romano Pontifici obnoxius, quòd eius studio ad honorem Imperii peruenerat. Quanquam autem credibile est, prius valde deformatas fuisse vbique Ecclesias, constat tamen veterem Ecclesiæ formam tūc demum in Gallia & Germania fuisse prorsus oblitteratam. Extant adhuc in archiuis Curia Parisiensis breues illorum temporum commentarii, qui, vbi de rebus Ecclesiasticis agitur, mentionem pactio- num faciunt tum Pipini tum Caroli cum Romano Pontifice. Inde colligere licet, factam tunc fuisse veteris status mutationem.

18 Ex eo tempore quum res passim in deterius quotidie prolaberentur, stabilita quoque subinde & aucta est Romanæ sedis tyrannis: idque Episcoporum partim infetia, partim ignavia. Nam quū vnus omnia sibi sumeret, ac sine modo se contra ius & fas extollere magis magisque pergeret: nec zelo quo debuerant, incubuerunt Episcopi ad arcendam eius libidinem: atque vt animus non defuisset, destituebantur tamen vera doctrina & peritia: vt ad tantam rem tentandā essent minimè idonei. Itaque videmus qualis fuerit & quā prodigiosa Romæ omnium sacrorum profanatio, & totius Ecclesiastici ordinis dissipatio Bernardi ætate. Conqueritur ex toto orbe Romam confluere ambitiosos, auaros, simoniacos, sacrilegos, concubinos, incestuosos, & quæque istiusmodi monstra, vt Apostolica auctoritate vel obtinerent honores Ecclesiasticos, vel retinerent: fraudem, & circumuentionem, & violentiam inualuisse. Eum iudicandi modum qui tunc vsitatus erat, execrabilem esse dicit: nec modò Ecclesiæ, sed foro indecorum. Clamat plenā esse ambitiosis Ecclesiam: nec esse qui magis exhorreat flagitia perpetrare quā latrones in spelunca quum spolia viatorum distribuunt. Pauci (inquit) ad os legislatoris: ad manus omnes respiciunt. Non immeritò tamen. Omne Papale negotium illæ agunt. Quale est quòd de spoliis Ecclesiarum emuntur, qui dicunt tibi, Euge, euge? Pauperum vita in plateis diuitum seminatur: argentum micat in luto: accurritur vndique: tollit illud non pauperior, sed fortior: aut qui fortè citius præcurrit. A te tamen mos iste, vel potius mors ista, non venit. vtinam in te desinat. Inter hæc tu pastor procedis, multo & pretioso circumdatus ornatu. Si auderem dicere, dæmonum magis quā ouium pascua hæc. Scilicet sic factitabat Petrus: sic Paulus ludebat. Curia tua recipere bonos magis quā facere cōsuevit. Mali enim illic non proficiūt, sed boni deficiunt. Iam quos appellationum abusus refert, nemo pius sine magno horrore legat. Tandem sic de effræni illa Romanæ sedis cupiditate in iurisdictione vsurpanda cōcludit, Murmur loquor & querimoniam communem Ecclesiarum. Truncari se clamitāt ac demembrari. Vel nullæ vel paucæ admodum sunt quæ plagam istam aut non doleāt, aut non timeant. Quæris quam? subtrahuntur Abbates Episcopis, Episcopi Archiepiscopis, &c. Mirū si excusari hoc queat. Sic factitando, probatis vos habere plenitudinē potestatis: sed iustitiæ non ita. Facitis hoc quia potestis, sed vtrum etiā debeatis quæstio est. Ad honore quibusque suum gradūque conseruandū positi estis, non inuindendū. Hæc pauca ex multis referre libuit, vt partim videant lectores quā grauiter tunc Ecclesia concidisset, partim etiā vt agnoscat quāto in mœrore ac gemitu pios omnes tenuerit istæ calamitas.

Lib. 1. De cōf. fide. ad Eugenium. Circa finem libri 4.

Lib. 3.

19 Iam verò vt Romano Pontifici hodie concedamus eminentiam illam & iurisdictionis amplitudinem quam mediis temporibus, vt Leonis & Gregorii, habuit hæc sedes: quid hoc ad præsentem Papatum? Nondum loquor de terreno dominio, nec de ciuili potestate, de quibus postea suo loco videbimus: sed ipsum spirituale regimen quod iactant, quid simile cum illorum temporum conditione habet? Papam enim non aliter definiunt quā summum in terris Ecclesiæ caput, & vniuersalem totius orbis Episcopum. Ipsi verò Pontifices, quum de sua auctoritate loquuntur, magno supercilio pronuntiant penes se esse imperandi potestatem, alios manere obediendi necessitatem: sic sanctiones omnes suas habendas esse quasi diuina Petri voce firmatas: prouinciales synodos, quia Papæ non habeant præsentiam, vigore carere: se posse de qualibet Ecclesia clericos ordinare: & qui alibi fuerint ordinati, eos posse ad sedem suam vocare. Innumera eius generis habentur in farragine Gratiani, quæ non recenseo ne nimis molestus sim lectoribus. Summa tamen huc redit, penes vnum Pontificem Romanum esse supremam Ecclesiasticarū omnium causarum cognitionem, siue in diiudicandis definiendisque doctrinis, siue in ferendis legibus, siue in constituenda disciplina, siue in exercendis iudiciis. Priuilegia quoque quæ sibi sumunt in reservationibus (vt vocant) & longum esset recensere & superuacuum. Quod autem omnium maximè intolerabile est, nullum in terris iudicium relinquunt coercendæ ac refræmandæ suæ libidini, si tam immensa potestate abutantur. Nemini (inquiunt) iudiciū sedis huius liceat retractare, propter Romanæ Ecclesiæ primatū. Item, Neque ab Augusto, neque à Regibus, neque ab omni clero, neque à populo iudex iudicabitur. Id quidē plus satis imperiosè, quòd vnus homo omnium se iudicem cōstituit, nullius autem iudicio parēre sustinet. Sed quid si tyrannidē in populum Dei exerceat: si dissipet ac vastet regnū Christi: si totam Ecclesiā conturbet: si munus pastorale in latrocinium conuertat: Imò vt sit sceleratissimus, se ad reddendam rationem astringi negat. Sunt enim istæ Pontificum voces, Aliorum hominum causas voluit Deus per homines terminare, sed sedis huius Præsulem suo sine quæstione seruauit arbitrio. Item, Facta subditorū iudicantur à nobis: nostra autē à solo Deo.

Nicolaus, eius sententia hæc in Decretis 17. quæst. 3. c. Nemini. Innocentii 9. quæst. 3. c. Nemo. Symmach. 9. quæst. 3. c. Aliorum. Antheriusi-bidē, c. Facta.

20 Ac quo eiusmodi edicta plus haberent ponderis, falsò supposuerunt veterum Pontifi-

D. i.

Ibidem, c. An
tiquis.

cum nomina, quasi res à primordio sic fuissent instituta: quum certo certius sit nouū esse & nuper fabricatum quicquid Romano Pontifici plus tribuit quàm ei à vetustis Conciliis datum fuisse retulimus. Quinetiam eò impudentiæ venerunt vt rescriptum ediderint sub nomine Anastasii Patriarchæ Constantinopolitani, in quo testatur antiquis regulis fuisse sancitum, nequid vel in remotissimis prouinciis ageretur quod non ad Romanam sedem prius relatum foret. Præterquam quod vanissimum id esse constat, cui hominum credibile erit, tale Romanæ sedis elogium ab aduersario & honoris dignitatique æmulo profectū esse? Sed oportuit scilicet eò dementiæ ac cæcitatæ prouehi istos Antichristos, vt omnibus sanæ mentis hominibus, qui modò oculos aperire volunt, conspicua esset ipsorum nequitia. Decretales autem epistolæ à Gregorio nono congestæ: item, Clementinæ, & Extrauagantes Martini, apertius adhuc & plenioribus buccis immanem ferociam, & veluti Barbarorū regum tyrannidem vbique spirant. Atqui hæc sunt oracula ex quibus volunt Romanenses Papatum suum æstimari. Hinc orta sunt præclara illa axiomata, quæ vim oraculorum passim hodie in Papatu obtinēt, Papam errare non posse, Papam esse superiorem Conciliis, Papam esse vniuersalem omnium Ecclesiarum Episcopum, & summum in terris Ecclesiæ caput. Taceo ineptias multo absurdiores, quas stulti canonistæ in scholis suis deblaterant: quibus tamen Romanenses theologi non modò assentiuntur, sed etiā applaudunt vt idolo suo adulentur.

- 21 Non agam cum illis summo iure. Huic tātæ insolentiæ opponeret quispiam alius Cypriani sententiā, qua vsus est apud Episcopos quorū concilio præsidebat, Nemo nostrum Episcopum se Episcoporum dicit, aut tyrannico terrore collegas ad obsequendi necessitatem adigit. Obiiceret quod aliquanto pòst Carthagine decretum fuit, Nequis vocaretur princeps Sacerdotū, aut primus Episcopus. Colligeret ex historiis multa testimonia, ex Synodis canones, ex veterū libris multas sententias, quibus Romanus Pontifex in ordinē cogeretur. Sed ego istis supersedeo, ne videar nimis præcisè eos vrgere. Respōdeant tamē mihi optimi patroni Romanæ sedis: qua fronte titulū vniuersalis Episcopi defendere audeāt: quem vidēt toties anathemate damnari à Gregorio. Si valere debet Gregorii testimoniū, eo declarāt Antichristum esse suum Pontificem quòd eum vniuersalem faciunt. Nomen etiam Capitis nihilo magis fuit vsitatū. Sic enim alicubi loquitur, Petrus præcipuum in corpore membrū, Iohannes, Andreas, Iacobus particularium plebium capita. Omnes tamen sub vno capite membra Ecclesiæ sunt. imò sancti ante Legem, sancti sub Lege, sancti in gratia, omnes perficiētes corpus Domini, in membris sunt constituti: & nemo se vnquā vniuersalem dici voluit. Quòd autem iubendi potestatē sibi arrogat Pontifex, parū consentaneum est cum eo quod alibi dicit Gregorius. Nam quum Eulolius Alexandrinus Episcopus se ab eo iussu dixisset, respondet in hunc modum, Hoc verbum iussionis, peto, à meo auditu remouete. scio enim qui sim, & qui sitis: loco mihi fratres estis, moribus patres. Non ergo iussi: sed quæ vtilia visa sunt, indicare curauī. Quod iurisdictionem suam ita sine fine extendit, in eo grauem & atrocem facit iniuriam non tantum reliquis Episcopis, sed etiam singulis Ecclesiis: quas eo modo discerpit ac lacerat, vt ex earum ruinis sedem suam ædificet. Quòd autem omnibus se iudiciis eximit, ac tyrannico more sic vult regnare, vt suam vnus libidinem pro lege habeat, id certè magis indignū est, & alienum ab Ecclesiastica ratione quàm vt sustineri vllō modo queat. Prorsus enim abhorret non modò à sensu pietatis, sed etiam humanitatis.

Epist. 92. lib.
4 ad Iohan.
Constantino
pol.

Lib. 7. epist.
18.

- 22 Verum ne singula persequi & excutere cogar, iterum istos appello qui hodie Romanæ sedis patroni & optimi & fidelissimi haberi volunt, ecquid pudeat ipsos præsentem statum Papatus defendere: quem constat centuplo corruptiorem esse quàm Gregorii & Bernardi seculis fuerit: qui tamen tunc sanctis illis viris tantopere displicebat. Conqueritur passim Gregorius, se alienis occupationibus supramodum distrahi: se sub colore Episcopatus ad seculum esse reductum: vbi tantis terræ curis inferuiet quantis se nunquam in vita laica deseruiisse reminisceretur: se premi tumultu secularium negotiorū, vt ad superna animus nullatenus erigatur: se multis causarum fluctibus quati, & tumultuosæ vitæ tēpestatibus affligi: vt meritò dicat, Veni in altitudinem maris. Certè inter illas terrenas occupationes poterat tamen plebem pro concionibus docere, priuatim admonere, & corrigere quos oportebat, Ecclesiam ordinare, collegis dare consilium, eosque ad officium hortari: super hæc, restabat aliquid temporis ad scribendū: & tamen calamitatem suam deplorat, quòd sit in profundissimo mari demersus. Si administratio illius tēporis mare fuit: quid de præfenti Papatu dicendū erit? Quid enim simile inter se habent? Hic nullæ sunt cōciones, nulla disciplinæ cura, nullum Ecclesiarum studium, nulla spiritalis functio: nihil denique

Epist. 5. lib. 1.
ad Theorist.
Epist. 7. ad A-
nastasium, i-
cē 25, & alibi.

nisi mundus. Perinde tamen laudatur hic labyrinthus quasi nihil inueniri queat magis ordinatū ac dispositū. Bernardus verò quas fundit querimonias, quos edit gemitus dum suæ ætatis vitia intuetur? Quid igitur, si hoc nostrum ferreum seculum, & siquid est ferro deterius, inspiceret? Quæ ista est improbitas, non modò pertinaciter tueri velut sacrosanctum ac diuinum, quod vno ore sancti omnes semper improbarunt: sed eorum quoque testimonio abuti ad defensionem Papatus, quem constat fuisse illis prorsus incognitum? Quanquā de tempore Bernardi fateor tãtam fuisse tunc corruptionem rerū omnium, vt non fuerit multum nostro dissimile. Verum omni pudore carent qui ex medio illo seculo, Leonis scilicet & Gregorii & similium, prætextum aliquem petunt. perinde enim faciunt ac si quis ad stabiliendam Cæsarum monarchiam, antiquum Romani Imperii statum laudaret: hoc est libertatis laudes ad ornandam tyrannidem mutuaretur.

23 Postremò, etiamsi hæc darentur omnia, exoritur tamen illis nouum de integro certamen, quum negamus esse Romæ Ecclesiam, in qua eiusmodi beneficia residere queant: quum negamus esse Episcopum qui hæc dignitatis priuilegia sustineat. Sint igitur vera illa omnia (quæ tamē illis iam extorsimus) Petrum voce Christi cōstitutum fuisse vniuersæ Ecclesiæ caput: ipsū que honorē sibi collatū in Romana sede deposuisse: id veteris Ecclesiæ auctoritate fuisse sancitū, longo vsu cōfirmatum: Romano Pontifici summā potestatem fuisse semper vno cōsensu ab omnibus delatam: ipsum fuisse omnium & causarū, & hominum iudicem, nullius iudicio subiectum fuisse. habeant etiam plura si velint: respondeo tamen vno verbo, nihil istorū valere nisi Romæ sit Ecclesia & Episcopus. Hoc mihi cōcedent necesse est, non posse Ecclesiarum matrem esse, quæ ipsa non sit Ecclesia: non posse Episcoporū esse principem, qui ipse nō sit Episcopus. Volunt igitur sedem Apostolicam habere Romæ: Dent mihi verum & legitimum Apostolatū. Volunt habere summum Pontificem: Dent mihi Episcopum. Quid autem: vbi vllam Ecclesiæ faciē nobis ostendēt? Nominant quidē, & subinde in ore habent. Certē Ecclesia suis certis notis cognoscitur: & Episcopatus, nomen officii est. Hic nō de populo loquor: sed de ipso regimine, quod lucere in Ecclesia perpetuò debet. Vbi illic ministerium, quale requirit Christi institutio: Meminerimus quod de Presbyterorum & Episcopi officio antè dictum est. Si ad regulā illam exigemus officium Cardinalium, fatebimur nihil minus esse quàm Presbyteros. Ipse verò Pontifex quid omnino habeat Episcopale scire velim. Primum in munere Episcopi caput est, plebem Dei verbo docere: Alterum & proximum huic, sacramenta administrare: Tertium, monere & hortari, corrigere etiam eos qui peccant, ac in sancta disciplina populum continere. Quid istorum facit: imò quid facere se simulat? Dicāt igitur qua ratione velint haberi Episcopū, qui nullam officii partem minimo digito vel in speciem saltem attingit.

24 Non ita de Episcopo est vt de Rege. hic enim, etsi non exequatur quod proprium est Regis, honorem nihilominus ac titulū retinet. At in Episcopo diiudicando respicitur Christi mandatum, quod semper in Ecclesia valere debet. Hunc ergo nodum mihi soluant Romanenses. Nego ipsorum Pontificem, esse Episcoporum principem, quum non sit Episcopus. Istud proximum necesse est probent falsum esse, si vincere in illo priore volent. Quid quod non modò nihil habet Episcopi propriū, sed omnia potius cōtraria? Sed hic, ô Deus, vnde incipiam? à doctrināne, an à moribus? Quid dicam, aut quid tacebo? vbi definā? Hoc dico: quum mūdus hodie tot peruersis impiisque doctrinis refertus sit: tot superstitionum generibus plenus, tot erroribus excæcatus, in tanta idololatria demersus: nihil vspiciā istorum esse quod non illinc vel emanarit, vel saltem fuerit confirmatum. Nec alia est causa cur tanta rabie ferātur Pontifices in renascentem Euangelii doctrinam, ad eam opprimendam neruos omnes suos intendant, Reges omnes ac principes ad sæuitiam accendant, nisi quod collabi ac corruere totum suum regnum vident vbi primum Christi Euangelium obtinuerit. Crudelis fuit Leo: sanguinarius Clemens: truculentus est Paulus. Sed non tam natura eos ad impugnandam veritatem impulit, quàm quod vna hæc illis ratio erat tuendæ suæ potentiz. Salui igitur quum esse non possint nisi profligato Christo, non aliter laborant in hac causa quàm si pro aris ac focis, suisque ipsorum capitibus pugnarent. Quid ergo? num illic nobis erit sedes Apostolica vbi nihil cernimus nisi horrēdam apostasiam? Erit Christi vicarius, qui furiosis conatibus Euangelium persequēdo, Antichristum se esse palam profitetur? Erit Petri successor, qui ad demoliendum quicquid ædificauit Petrus, ferro & igni grassatur? Erit caput Ecclesiæ, qui Ecclesiam à Christo solo vero capite rescissam ac truncatam, in seipsa discerpit ac lacerat? Fuerit sanè olim Roma omnium Ecclesiarum mater: verum ex quo Antichristi sedes fieri cœpit, desit esse id quod erat.

25 Videmur nonnullis nimis maledici ac petulantes, quum Romanum Pontificem vo-

2. Thef. 2. b. 4
Dan. 7. 8. 15

camus Antichristum. Sed qui hoc sentiunt, non intelligunt se Paulum immodestiae infamulare, post quem nos loquimur: imò ex cuius ore sic loquimur. Ac nequis obiiciat, nos Pauli verba, quæ aliò pertineant, perperam torquere in Romanum Pontificem, breuiter ostendā non aliter quàm de Papatu posse intelligi. Antichristū in templo Dei sessurū Paulus scribit. Alibi quoque Spiritus describens eius imaginē in Antiochi persona, ostendit regnū eius in magniloquentia & Dei blasphemiiis situm fore. Hinc colligimus tyrannidem esse in animas magis quàm in corpora: quæ aduersus spirituale Christi regnū erigatur. Deinde talē esse quæ nec Christi nec Ecclesiæ nomen aboleat: sed potius Christi prætextu abutatur, & sub Ecclesiæ titulo velut larua delitescat. Tametsi autem omnes quæ ab initio extiterunt hæreses ac sectæ ad regnum Antichristi pertineāt: quum tamen prædicit Paulus venturam defectionem, hac descriptione significat, sedem illam abominationis tunc erigendam vbi vniuersalis quædam defectio Ecclesiam occuparit: utcūque multa Ecclesiæ membra in vera fidei vnitæte sparsim perseuerent. Quum verò addit suo tēpore cœpisse moliri in mysterio opus iniquitatis, quod postea palàm facturus esset: ex eo intelligimus, calamitatem hanc, neque per vnum hominem fuisse inferendam, neque in vno homine finendam. Porro quum hac nota designet Antichristum, quod suum Deo honorem prærepturus sit ut sibi sumat: hoc præcipuum indicium est quod sequi debemus in quærēdo Antichristo: præsertim vbi eiusmodi superbia ad publicam vsque Ecclesiæ dissipationē procedit. Quū ergo constet, Pontificem Romanum impudenter ad se transtulisse quod Dei vnius & Christi maximè proprium erat, dubitandum non est quin impii & abominandi regni dux sit & antesignanus.

26
Euseb. lib. 3
cap 5.

Eant nunc Romanenses, & antiquitatem nobis opponant. Quasi in tanta rerum omnium cōuersione sedis honor stare possit vbi nulla est sedes. Narrat Eusebius, Deum, ut vinctæ suæ locus fieret, Ecclesiam quæ Hierosolymis erat, Pellā transtulisse. Quod semel factum fuisse audimus, fieri sapius potuit. Proinde sic loco alligare honorē primatus, ut qui re vera infestissimus est hostis Christi, summus Euangelii aduersarius, maximus Ecclesiæ vastator ac dissipator, crudelissimus sanctorum omnium mactator & carnifex, vicarius nihilominus Christi, Petri successor, primus Ecclesiæ antistes habeatur, tantummodo quia sedem occupat quæ olim prima omnium fuit: id verò nimis ridiculum est ac ineptum. Tanto quantum sit discriminis inter Papæ cancellariam, & bene compositum Ecclesiæ ordinem. Quanquam hæc vna res omnem de hac quæstione dubitationem potest optime tollere. Nemo enim sanæ mentis Episcopatum in plumbo & bullis includet: multo minus in illo captionum omnium ac circumscriptionum magisterio, quibus rebus censetur spirituale Papæ regimen. Eleganter igitur à quodam dictum est, illam quæ iactatur, Romanam Ecclesiam pridem conuersam fuisse in curiam, quæ sola nunc Romæ visitur. Neque hinc accuso hominum vitia: sed Papatum ipsum ex diametro cum Ecclesiastica ratione pugnare demonstro.

27
Luc. 22. d. 52

Ad homines autem si veniamus, satis scitur quales reperturi simus Christi vicarios: Iulius scilicet, & Leo, & Clemens, & Paulus Christianæ fidei columnæ erunt, primique religionis interpretes, qui nihil aliud de Christo tenuerunt nisi quod didicerant in schola Luciani. Sed quid tres aut quatuor Pontifices enumero? Quasi verò dubium sit qualē religionis speciem professi sint iam pridem Pontifices cum toto Cardinalium collegio, & hodie profiteantur. Primum enim arcana illius Theologiæ quæ inter cos regnat, caput est, Nullum esse Deum. Alterum, Quæcūque de Christo scripta sunt ac docentur, mendacia esse & imposturas. Tertium, Doctrinā de futura vita & vltima resurrectione, meras esse fabulas. Nō omnes ita sentiunt, & pauci ita loquuntur. fateor. iam pridem tamē hæc ordinaria esse cœpit Pontificum religio, hoc quum sit notissimum omnibus qui Romam nouerunt, non cessant tamē Romanenses theologi iactare, Christi priuilegio cautum esse ne Papa errare possit, quia Petro dictum sit, Oraui pro te, ne deficiat fides tua. Quid obsecro, tam impudenter ludendo proficiunt, nisi ut totus mundus intelligat, eos ita ad extremum improbitatis venisse, ut neque Deum timeant, neque homines reuerentur?

28
Testis Iohannes Gerson qui tunc vivebat.

Sed fingamus latere eorum quos dixi Pontificum impietatem, quod eam neque concionibus neque scriptis publicarint: sed in mensa duntaxat, & cubiculo, aut saltem inter parietes prodiderint. Atqui si priuilegium quod obtinent, ratum esse velint, expungant è numero Pontificum oportet Iohannem vicesimum secundū, qui palàm asseruit, animas esse mortales, vnāque cum corporibus interire vsque ad diem resurrectionis. Atque ut videas totam sedem cum præcipuis suis fulturis tunc prorsus cōcidisse: nemo Cardinalium huic se tantæ insanix opposuit, sed schola Parisiensis Regē Galliarum impulit ut ad palinodiam ho-

minē cogeret. Rex eius cōmunionem suis interdixit, nisi mox resipisceret: idque de more publicauit per præconem. Hac necessitate adactus ille, errorem abiurauit. Hoc exemplum facit ne me oporteat cum aduersariis amplius de eo disputare quod dicunt, sedem Romanam eiusque Pontifices labi in fide non posse, quia Petro dictum sit, Oraui pro te, ne deficiat fides tua. Certè ille tam fœdo lapsus genere à recta fide excidit, vt sit insigne posteris documentum, non omnes esse Petros qui Petro in Episcopatum succedunt. Quamquam istud quoque magis per se puerile est quàm vt responsione egeat. nam si volūt ad Petri successores trahere quicquid Petro dictū est, sequetur omnes illos esse satanas, quum istud quoque Petro dixerit Dominus, Vade retro Satan: quia offendiculum es mihi. Tamen enim facile nobis erit retorquere hoc posterius, quàm illis alterum obicere.

Luc. 22. d. 32.

Matth. 16. d. 23

29 Verum certare ineptiendo non libet: redeo igitur vnde digressus eram. Sic alligare locū & Christum & Spiritum sanctum, & Ecclesiam, vt quicumque ille præsideat, etiam si sit diabolus, Christi tamen vicarius & caput Ecclesiæ censeatur, quia fuerit olim Petri sedes: non modò impium & Christo contumeliosum, sed nimis absurdum, & à sensu communi alienum esse dico. Iam pridem Romani Pontifices aut omni prorsus carent religione, aut maximi sunt religionis hostes. Nihil igitur magis fiunt, ob sedem quam occupant, Christi vicarii, quàm idolum, vbi in templo Dei collocatur, pro Deo habendum est. Iam si de moribus fiat censura: ipsi pro se Pontifices respondeant quid omnino sit in quo Episcopi agnoscī queant. Primum, quòd Romæ sic viuatur, ipsis non modo conniuentibus, ac tacetibus, sed tacito etiam quasi nutu approbantibus, id prorsus indignum est Episcopis: quorum officium est plebis licetiam disciplinæ seueritate coercere. Sed ego tam rig. aus in eos non ero vt alienis delictis ipsos grauem. Quòd autem ipsi cum sua familia, cum toto totē Cardinalium collegio, cum toto cleri sui grege, ad omnem nequitiam, obscœnitatem, spurcitiam, ad omne scelus & flagitiorum genus adeò sunt prostituti, vt monstra referant magis quàm homines: in eo sanè produnt se nihil minus esse quàm Episcopos. Neque tamen vereri debent ne suam turpitudinem vltius detegam. Nam & in tam putido cœno versari piget: & parcendum est pudicis auribus: & mihi videor satis ac super demonstrasse quod volebam: etiam si caput Ecclesiarum olim fuisset Roma, non tamen hodie esse dignam quæ in minimis pedum digitis censeatur.

1. Thess. 1. a. 4

30 Quantum ad Cardinales (quos vocant) attinet, nescio quid factum sit vt ita subito in tãtam amplitudinem emerferint. Hic titulus Gregorii atate in solos Episcopos cōpetebat. nam quoties meminit Cardinalium, non Romanæ Ecclesiæ, sed aliis quibuslibet eos attribuit. vt in summa, nihil aliud sit Sacerdos Cardinalis, quàm Episcopus. Apud superioris seculi scriptores nomen hoc non reperio. Video tamen fuisse tunc Episcopis minores, quos nunc longe antecellunt. Notum est illud Augustini, Quamquam secundum honorum vocabula, quæ iam Ecclesiæ vñs obtinuit, Episcopatus Presbyterio maior sit, tamē in multis rebus Augustinus Hieronymo minor est. Hic certè Romanæ Ecclesiæ Presbyterum ab aliis minimè discernit: sed omnes ex æquo postponit Episcopis. Idque consuevit obseruatum, vt in Concilio Carthaginensi, quum duo adessent Legati Romanæ sedis, vnus Episcopus, secundus Presbyter: hic in vltimum locum reiectus fuit. Verum ne nimis vetera persequamur, extat Concilium sub Gregorio habitum Romæ, in quo Presbyteri vltimo loco sedent, & seorsum subscribunt: Diaconi locum nullū in subscriptione habent. Et sanè nihil officii tunc habebant, nisi vt in doctrinæ & sacramentorum administratione Episcopo adessent ac subessent. Nūc adeò mutata sors est, vt facti sint Regum & Caesarum cognati. Nec dubium est quin vnà cum suo capite sensim creuerint, donec ad hoc dignitatis fastigium euecti fuerint. Verum hoc quoque paucis verbis quasi obiter attingere placuit, quo melius intelligerent lectores, sedem Romanam, qualis hodie est, plurimum differre ab illa veteri, cuius prætextu hæc se tuetur ac defendit. Verum qualescunque fuerint olim, quando nihil habent veri ac legitimi in Ecclesia muneris, fucum dūtaxat & inanem larvam retinent: imò quando omnia habent penitus contraria, necesse fuit illis cuenire quod tam sæpe scribit Gregorius. Flens, inquit, dico, gemens denūtio: quia quum Sacerdotalis ordo intus cecidit, foris quoque diu stare non poterit. Quin potius impleri in illis oportuit quod de talibus ait Malachias, Vos recessistis de via, & offendere fecistis in Lege plurimos. Itaque irritum fecistis pactum Leui, dicit Dominus. Propterea ecce ego dedi vos contemptibiles ac viles omni populo. Iam relinquo piis omnibus cogitandum quale supremum sit Romanæ hierarchiæ fastigium: cui ipsum quoque Dei verbum, quod cælo & terræ, hominibus & Angelis venerabile ac sacrosanctū esse oportuerat, subiicere ne faria impudentia Papistæ non dubitant.

Epist. 19, & 77, & 79
Lib. 2. Epist. 6
25, & multis aliis.
Epist. 19. ad Hieronymū.

Lib. 4. regist.

Lib. 4. epist.
25, & 55.
Lib. 5. 1. pist.
7, & alibi.
Malach. 2. b. 5

De potestate Ecclesiæ quoad fidei dogmata: & quàm effræni licetia ad vitian-
dam omnem doctrinæ puritatem tracta fuerit in Papatu. CAP. VIII.



SEQVITVR nunc tertius locus, de Ecclesiæ potestate, quæ partim in Epi-
scopis singulis, partim in Conciliis, & iis vel prouincialibus, vel generalibus
spectatur. De spiritali tantum potestate loquor, quæ propria est Ecclesiæ. Ea
autem consistit vel in doctrina, vel in iurisdictione, vel in legibus ferendis. Lo-
cus de doctrina duas habet partes: authoritatem dogmatum tradendorum,
& eorum explicationem. Antequam incipimus de singulis in specie differere, pios lectores
volumus admonitos, vt quicquid de Ecclesiæ potestate docetur, meminerint ad eum finem
referre, in quem, teste Paulo, data est: nempe ad ædificationem, & non in destructionem: qua
qui legitimè vtuntur, nihil plus se esse existimant quàm ministros Christi, simulque mini-
stros populi in Christo. Porro ædificandæ Ecclesiæ vna hæc ratio est, si ministri ipsi suam
Christo authoritatem conseruare student, quæ salua aliter esse non potest quàm si id ei re-
linquatur quod à Patre accepit: nempe vt sit vnica Ecclesiæ magister. Non enim de alio
quopiam, sed de ipso solo scriptum est, Ipsum audite. Est igitur Ecclesiastica potestas non
malignè quidem ornanda, sed tamen includenda certis finibus: ne pro hominum libidine
huc atque illuc trahatur. Ad id plurimum proderit obseruare qualiter à Prophetis & Apo-
stolis describatur. Nam si simpliciter hominibus concedimus quam sumere ipsis vitum
fuerit potestatem, omnibus in promptu est, quàm sit procliuius in tyrannidem lapsus, quæ
procul à Christi Ecclesia abesse debet.

2 Proinde hinc meminisse oportet, quicquid authoritatis ac dignitatis Spiritus in Scri-
ptura, siue Sacerdotibus, siue Prophetis, siue Apostolis, siue Apostolorum successoribus de-
fert, id totum non propriè hominibus ipsis, sed ministerio cui præfati sunt dari: vel (vt ex-
peditius loquamur) verbo, cuius ministerium illis est com-
missum. Vt enim ordine omnes
persequamur, non reperiemus, vlla docendi aut respondendi authoritate fuisse præditos,
nisi in nomine & verbo Domini. Vbi enim vocantur ad munus, simul illis iniungitur ne-
quid afferant ex seipsis: sed loquantur ex ore Domini. Nec eos antè producit ipse in me-
dium vt à populo audiantur, quàm præceperit quidnam loqui debeant: nequid præter ver-
bum suum loquantur. Moses ipse, Prophetarum omnium princeps, audiendus præ aliis
fuit: sed antè instruitur suis mandatis, nequid omnino nuntiare queat nisi à Domino. Ita-
que populus, doctrinam eius amplexus, in Deum & in eius seruum Moysen dicitur cre-
didisse. Sacerdotum quoque authoritas ne cõtemptui foret, grauissimis pœnis sancita est.
Verum simul ostendit Dominus qua lege audiendi essent, quum dicit se percussisse fœdus
suum cum Leui, vt Lex veritatis esset in ore eius. Et paulo post addit, Labia Sacerdotis cu-
stodiēt scientiam, & Legē requirent ex ore eius: quia Angelus Domini exercituum est. Er-
go si audiri velit Sacerdos, præstet se Dei nuntium: id est, mandata quæ ab authore suo ac-
cepit, fideliter referat. Atque vbi de iis audiendis agitur, nominatim hoc ponitur, Vt secū-
dum Legem Dei respondeant.

3 Prophetarum qualis in vniuersum fuerit potestas, eleganter apud Ezechielem descri-
bitur: Fili hominis, ait Dominus, speculatorem dedi te domui Israel. audies igitur ex ore
meo verbū, & annuntiabis illis ex me. Qui audire iubetur ex ore Domini, nonne quicquā
ex se comminisci prohibetur? Quid verò est, nuntiare à Domino nisi sic loqui vt confiden-
ter iactare audeat, non suum esse, sed Domini verbum quod attulerit? Tantundem est apud
Ieremiam aliis verbis. Propheta, inquit, apud quem est somniū, narret somniū: & qui habet
verbum meū, loquatur verbum meum verum. Certè illis vniuersis legē dicit. Est autē eius-
modi, quod non patitur quēpiam plus docere quā iussus fuerit. Et postea paleā vocat quic-
quid à se vno profectū non est. Itaque nemo ex ipsis Prophetis os aperuit, nisi Domino ver-
ba præeūte. Vnde illa toties apud eos occurrūt, Verbū Domini, Onus Domini, Sic ait Do-
minus, Os Domini loquutū est. Et meritò: exclamabat enim Iesaias, polluta sibi esse labia:
Ieremias se nescire loqui fatebatur, quia puer esset. Quid ab illius polluto, ab huius fatuo
ore prodire poterat nisi immundum aut insulsum, si suum ipsi sermonem loquuti essent?
Sancta verò & pura illis labia fuerunt quum Spiritus sancti cœperunt esse organa. Vbi hac
religione obstricti sunt Prophetæ nequid tradāt nisi quod acceperint, tunc insigni potesta-
te ac eximiis titulis ornātur. Nam quum Dominus testatur se præfecisse illos Gentibus ac
regnis, vt euellant & extirpent, perdant & destruāt, ædificent ac plantent: continuo subiun-
git causam, Quia verba sua in eorum ore posuerit.

4 Iam si in Apostolos respicias: multis quidem & insignibus elogiis commendantur,
quod lux sint mundi, & sal terræ: quod pro Christo audiendi: quod quacunque in terra li-

2. Cor. 10. b. 8,
& 13. c. 10

Matth. 17. a. 5

Exod. 3. a. 4

Ibidē, 14. g. 31

Deut. 17. b. 9

Malach. 2. a.
4, & b. 6

Deut. 17. b. 10

Ezech. 3. d. 17

Iere. 23. f. 8

Iesa. 6. b. 5

Iere. 1. b. 6

Ibidem, b. 10

Matth. 5. b. 13

Luc. 10. c. 16

Iohan. 20. e. 23

gauerint aut soluerint ligata erūt aut soluta in cælo. Verū suo nomine præ se ferūt quā-
tū sibi in suo munere permissum sit: nempe si Apostoli sunt, ne garriant quicquid collibi-
tum fuerit: sed mandata eius à quo missi sunt, bona fide perferant. Et satis clara sunt Chri-
sti verba, quibus eorum legationē terminauit: quum mandauit illis vt irent ac docerent o-
mnes gentes, quæcunque præceperat. Quin ipse quoque hanc in se legem (necui eam detre-
tare fas esset) recepit, sibi que imposuit. Doctrina, inquit, mea non est mea: sed eius qui me
misit, Patris. Is qui vnicus ac æternus Patris consiliarius semper fuit, quique Dominus ac
Magister omnium est constitutus à Patre, quia tamen docendi ministerio fungitur, mini-
stris omnibus suo exemplo præscribit quam in docendo regulam sequi debeant. Non est i-
gitur Ecclesiæ potestas infinita, sed subiecta verbo Domini, & in eo quasi inclusa.

Matt. 28. c. 19

Iohan. 7. c. 16

Atqui quum hoc ab initio in Ecclesia valuerit, hodièque valere debeat nequid doceāt
serui Dei quod non ab ipso didicerint: pro temporum tamen varietate diuersas habuerūt
discendi rationes. Ea verò quæ nunc est, plurimum à superioribus differt. Principiò, si ve-
rum est quod ait Christus, quòd nemo Patrem viderit nisi Filius, & cui voluerit Filius reue-
lare: oportuit certè ab æterna illa Sapientia semper dirigi qui ad Dei notitiam peruenire
vellent. Quemodo enim Dei mysteria aut animo comprehendissent, aut eloquuti essent,
nisi docente eo cui soli patent arcana Patris: Deum igitur non aliter cognouerūt olim san-
cti homines, quàm ipsum in Filio, velut in speculo, intuiti. Hoc quū dico, intelligo Deum
nō alia se vnquam ratione manifestasse hominibus quàm per Filium, hoc est vnica suam
sapientiam, lucem ac veritatem. Ex hoc fonte hauserunt Adam, Noe, Abraham, Isaac, Ia-
cob & alii, quicquid habuerunt cælestis doctrinæ. Ex eodem Prophetæ omnes hauserūt &
ipsi quoque quicquid cælestium oraculorum ediderunt. Enimvero hæc Sapientia non v-
no modo semper se exeruit. Apud Patriarchas arcanis reuelationibus est vsus: sed simul ad
eas confirmandas eiusmodi signa adhibuit, vt minimè dubium illis esse posset, Deum esse
qui loquebatur. Patriarchæ quod acceperāt, ad posteros per manus transiiserunt. ea enim
lege apud ipsos deposuerat Deus vt ita propagarent. Filii verò ac nepotes, Deo intus di-
stante, sciebant e cælo esse, non ex terra, quod audiebant.

Matth. 11. d. 27

Malach. 2. b. 7

Vbi autem Deo visum est illustriorem Ecclesiæ formā excitare, verbum suum man-
dari scripto ac consignari voluit, vt inde peterent Sacerdotes quod populo traderent, vt-
que ad eam regulam omnis quæ traderetur doctrina exigeretur. Itaque post Legis pro-
mulgationem quum iubentur Sacerdotes docere ex ore Domini, sensus est, nequid extra-
neum aut alienum ab eo doctrinæ genere doceant quod Deus in Lege comprehēderet: ad-
dere verò ac minuere nefas illis fuit. Sequuti sunt deinde Prophetæ: per quos noua quidē
oracula publicauit Deus quæ ad Legem adderentur: non sic tamen noua quin ex Lege ma-
narent, & in ipsam respicerent. Quantum enim ad doctrinam, Legis duntaxat interpretes
fuerunt: nec aliquid ad eam addiderunt nisi vaticinia de rebus futuris. His exceptis, nihil
aliud prodiderunt quàm puram Legis explicationem. Verū quia Domino placebat il-
lustriorem extare doctrinam & ampliorem, quo melius infirmis conscientis satisficeret:
Prophetias quoque scriptis mandari præcepit, & haberi verbi sui partem. His simul accessse-
runt Historiæ, quæ & ipsæ Prophetarū sunt lucubrationes, sed dictæ Spiritu sancto com-
positæ. Psalmos Prophetis ad numero: quando his commune est quod illis tribuimus. To-
tum ergo illud corpus ex Lege, Prophetiis, Psalmis, & Historiis compactum, verbum Do-
mini fuit veteri populo, ad cuius regulam Sacerdotes & Doctores vsque ad Christi aduen-
tum, suam doctrinam exigere debuerunt: nec fas illis fuit vel ad dexterā, vel ad sinistram
defletere: quia totum ipsoꝝ munus his finibus inclusum erat, vt ex ore Dei populo re-
sponderent. Quod ex insigni loco Malachiæ colligitur, vbi iubet memores esse Legis, & ad
eam attendere vsque ad Euangelii prædicationem. Nam ita eos arcet ab omnibus aduen-
titiis doctrinis, nec concedit vel tantillum à via defletere quam Moses fideliter illis mō-
strauerat. Atque hæc ratio est cur tam magnificè prædicet Dauid Legis excellentiam, tōt-
que eius encomia recenseat: ne scilicet Iudæi quicquam appeterent extraneum, quum tota
perfectio illic inclusa esset.

Malac. 4. a. 4

Verū vbi demum in carne manifestata est Dei Sapientia, quicquid humana mente
de Patre cælesti comprehendere potest, & cogitari debet, pleno ore nobis edisseruit. Nunc ita-
que, ex quo illuxit sol iustitiæ Christus, perfectum habemus diuinæ veritatis fulgorē, qua-
lis in meridie claritas esse solet, quum antè suboscuro lux fuerit. Non enim profectò vul-
gare aliquid prædicare voluit Apostolus, quum scripsit, Deum olim multifariam multis-
que modis Patribus loquutum esse per Prophetas: at extremis his diebus nobis per dilectū
Filiū loqui cœpisse. significat enim, imò apertè declarat, Deum non posthac, vt antea, per
D. iiii.

Hebr. 1. a. 1

alios subinde atque alios loquuturū: nec prophetias additurū prophetiis, aut reuelationes reuelationibus: sed sic omnes docēdi partes in Filio compleuisse, vt hoc vltimū æternūque ab eo habendum sit testimonium. Qua ratione totum hoc Noui testamenti tempus, ex quo cum Euāgelii sui prædicatione nobis apparuit Christus ad diem vsque iudicii, per Horam nouissimam, Nouissima tempora, Nouissimos dies designatur: quo scilicet doctrinæ Christi perfectione contenti, discamus nullam vltra nouam aut nobis fingere, aut ab aliis confictā admittere. Itaque non temere Filium singulari prærogatiua nobis doctorem Pater ordinauit: ipsum, non hominum quempiam præcipiens audiri. Paucis quidem verbis, eius nobis magisterium commendauit, quum dicit, Ipsum audite: sed quibus ineest plus quiddā ponderis ac energię quàm vulgò existimetur. perinde enim est ac si ab omnibus hominum doctrinis abductos, huic vni nos sisteret: ab vno omnem salutis doctrinam petere iuberet: ab vno pendere, in vno hære: denique (quod verba sonant) vnius voci auscultare. Et sanè quid iam ab homine aut expectari aut expeti debeat, vbi Verbum ipsum vitæ familiariter se nobis ac coram explicauit: Quin omnium hominum ora clausa esse conuenit postquam semel loquutus est ille in quo cælestis Pater omnes scientiæ & sapientiæ thesauros voluit esse absconditos, & sic quidem loquutus est, vt & Dei sapientiam (quæ nulla in parte hiulca est) & Messiam (à quo omnium reuelatio sperabatur) decebat: hoc est, vt post se nihil aliis dicendum reliquerit.

8 Est igitur hoc firmum axioma, Non aliud habendum esse Dei verbum, cui detur in Ecclesia locus, quàm quod Lege primū & Prophetis, deinde scriptis Apostolicis continetur: nec alium esse rite docēdi in Ecclesia modum nisi ex eius verbi præscripto & norma. Hinc etiam colligimus, non aliud permissum fuisse Apostolis quàm quod olim habuerant Prophetæ: nempe vt veterem Scripturam exponerent, ac ostenderent in Christo completa esse quæ illic traduntur: id ipsum tamen non facerent nisi ex Domino, hoc est, præeunte & verba quodammodo dictante Christi Spiritu. Hac enim lege eorum legationē definiuit Christus, quū iussit vt irent ac docerent, non quæ temere ipsi essent fabricati, sed quæcunque ipsis præceperat. Et nihil apertius dici poterat quàm quod alibi dicit, Vos autem nolite vocari Rabbi. vnus enim magister vester, Christus. Deinde quo altius hoc eorum animis infigeret, bis eodem loco repetit. Et quia quæ audierant ac didicerant ex ore magistri, capere pro sua ruditate non poterant, Spiritus veritatis illis promittitur, à quo dirigantur in verā omnium intelligentiam. Illa enim restrictio attentè notāda, vbi partes Spiritui sancto assignat, suggerere quæcunque antè ore docuit.

9 Proinde nihil aliud vel sibi vel aliis reliquum facit Petrus, optimè à Magistro edoctus quantum sibi liceret, nisi vt traditam à Deo doctrinam dispensent. Qui loquitur (inquit) loquatur tanquam sermones Dei. hoc est, non dubitanter, vt trepidare solent sibi malè cōfisci, sed alta confidentia, quæ seruum Dei certis mādatis instructum decet. Quid hoc aliud est quàm omnes humanæ mentis inuentiones (à quocunque tandem capite profectæ sint) arcere, vt purus Dei sermo in fidelium Ecclesia doceatur ac discatur: omnium hominum (cuiuscunque sint ordinis) placita vel potius figmēta tollere, vt solus Dei decreta rata maneant: Hæc sunt arma illa spiritualia potentia Deo ad demolitionem munitionum: quibus cōsilia demoliantur fidi Dei milites, & omnem celsitudinem quæ extollitur aduersus cognitionem Dei: & captiuam ducant omnem cognitionem ad obediendum Christo. En summam potestatem, qua Ecclesiæ Pastores, quocunque demum nomine vocentur, præditos esse conuenit, nēpe vt verbo Dei confidenter omnia audeant: eius maiestati omnem mundi virtutem, gloriam, sapientiam, altitudinem cedere atque obedire cogant: eius potentia fulti, omnibus à summo vsque ad nouissimum imperent: Christi domum ædificent, Satanæ subuertant: oues pascant, lupos profligent: dociles instituant & exhortentur: rebelles & peruicaces arguant, increpent, subigant: ligent ac soluant: fulgurent denique, si opus est, ac fulminent: sed omnia in verbo Dei. Quanquam inter Apostolos & eorū successores hoc, vt dixi, interest, quòd illi fuerunt certi & authēfici Spiritus sancti amanuenses: & ideo eorū scripta pro Dei oraculis habēda sunt: alii autē non aliud habēt officii nisi vt doceant quod sacris Scripturis proditum est ac consignatum. Constituimus igitur, non esse iam fidelibus ministris relictū vt nouum aliquod dogma excudāt, sed simpliciter inhaerendum esse doctrinæ cui Deus omnes sine exceptione subiecit. Hoc quum dico, non tantum ostendere volo quid singulis hominibus liceat, sed quid etiam vniuersæ Ecclesiæ. Quantum ad singulos attinet, Paulus certè Corinthiis ordinatus erat à Domino Apostolus: fidei tamen eorum dominari se negat. Quis iam dominium sibi arrogare audeat quod sibi non competere testatur Paulus: Quòd si hanc docendi licentiam agnouisset, vt quicquid tradiderit

Pastor, in eo certam sibi fidem haberi iure postulet: nūquam hanc disciplinam tradidisset iisdem Corinthiis, ut loquentibus Prophetis duobus vel tribus, ceteri diiudicarent: quod si alicui sedēti reuelatum esset, primus taceret. Sic enim nemini pepercit, cuius auctoritatem, verbi Dei censuræ non subiiceret. At de vniuersa Ecclesia, dicet quispiam, alia ratio est. Respondeo, Paulum huic quoque dubitationi alibi occurrere, quum dicit fidem esse ex auditu, auditum autem ex verbo Dei. Scilicet si à solo Dei verbo pendet fides, si in illud solum respicit & recumbit, quis iam totius mundi verbo locus relinquitur? Neque hinc hæsitare poterit quicūque bene nouerit quid sit fides. ea enim firmitudine subnixam esse oportet, qua aduersus Satanam & omnes inferorum machinas, totūque mundum inuicta & intrepida consistat. Hanc firmitudinem nonnisi in vno Dei verbo reperiemus. Deinde vniuersalis est ratio, quam hinc respicere conuenit: Deum idcirco adimere hominibus proferendi noui dogmatis facultatem, ut solus ipse nobis sit in spiritali doctrina magister: ut solus est verax qui nec mentiri nec fallere potest. Hæc ratio non minus ad totam Ecclesiam, quam ad vnumquemque fidelium pertinet.

10 Ist hæc verò quam diximus Ecclesiæ potestas, si cum ea conferatur qua se aliquot iam seculis in populo Dei venditarunt Spirituales tyranni, qui Episcopos se & religionis Præsules falso vocarunt, nihilo melior erit cōsensus quam Christo cum Belial. Neque hinc mihi propositum est exponere qualiter & quam indignis modis suam tyrannidē exercuerint: tātum referam doctrinā, quam Scriptis primū, deinde ferro & igni hodie tuentur. Quoniam pro confesso sumūt, vniuersale Concilium esse veram Ecclesiæ imaginem, hoc principio sumpto, simul absque dubio statuunt, regi immediatē à Spiritu sancto eiusmodi Concilia, ideoque errare non posse. Quum verò ipsi Concilia regant, imò constituāt, reuera sibi vendicant quicquid contendunt deberi Cōciliis. Fidem igitur nostram suo arbitrio stare volunt & cadere ut quicquid ipsi vtranque in partem constituerint, firmum animis nostris statūque sit: ut siue quid probauerint, ipsum nobis nulla dubitatione probari: siue quid damnauerint, id quoque pro damnato esse oporteat. Interim sua libidine contemptoque Dei verbo, cudūt dogmata, quibus postea fidem hac ratione haberi postulant. Nec enim Christianum esse, nisi qui in omnia sua dogmata, tam affirmatiua quam negatiua certò consentiat: si non explicita fide, tamen implicita: quia penes Ecclesiam sit, condere novos fidei articulos.

11 Primū audiamus quibus argumentis hanc Ecclesiæ datam auctoritatem confirmēt: deinde videbimus quantum eos iuuat quod de Ecclesia allegant. Præclaras, inquit, promissiones habet Ecclesia, quod nunquam à sponso suo Christo sit deferenda quin eius Spiritu ducatur in omnem veritatem. At verò ex promissionibus quas allegare solent, multæ non minus fidelibus singulis, quam toti Ecclesiæ datæ sunt. Nam tametsi duodecim Apostolis loquebatur Dominus, quum dicebat, Ecce ego vobiscum sum vsque ad consummationem seculi. Item, Ego rogabo Patrem, & alium Paracletum dabit vobis, Spiritum scilicet veritatis, non tātum numero duodenario id promittebat, sed illis quoque singulis: imò aliis similiter discipulis vel quos iam assumpserat, vel qui postea accessuri erāt. Quum autem eiusmodi promissiones, eximix consolationis plenas sic interpretantur, quasi nemini Christianorū datæ sint, sed vniuersæ simul Ecclesiæ: quid aliud quam Christianis omnibus fiduciam tollunt quæ inde ad ipsos animandos redire debuerat? Neque hinc nego quin tota fidelium societas multiplici donorum varietate instructa, longè ampliori & vberiori cælestis sapientiæ thesauro prædita sit, quam seorsum singuli: neque hoc ita fidelibus communiter dictum esse volo quasi Spiritu intelligentiæ & doctrinæ ex æquo omnes polleant: sed quia concedendum non est aduersariis Christi, ut ad defensionem malæ causæ Scripturam in alienum sensum detorqueant. Verū hoc omisso, simpliciter fateor id quod res habet, Dominum perpetuò suis adesse, & eos Spiritu suo regere. Hunc Spiritum non esse erroris, ignorantix, mendacii aut tenebrarum: sed certæ reuelationis, sapientiæ, veritatis, ac lucis, à quo non fallaciter discant quæ sibi donata sint: hoc est, quæ sit spes vocationis suæ, & quæ diuitiæ gloriæ hereditatis Dei in sanctis. Verū quum primitias, & quendam duntaxat gustum eius Spiritus percipiant in hac carne fideles, etiam qui excellentioribus gratiis præ aliis donati sunt: nihil illis potius restat quam imbecillitatis suæ conticiōs, sese intra verbi Dei fines sollicitè continere: ne si proprio sensu longius euagentur, à recta via protinus aberrant, quatenus scilicet Spiritu illo adhuc vacui sunt, quo solo docente, verum à falso discernitur. Omnes enim cum Paulo fatentur, se nondum ad metā pertigisse. Itaque ad quotidianum profectum magis contendunt quam perfectione gloriantur.

12 Sed excipient, quicquid partim sanctorum vnicuique tribuitur, id penitus & ad plenum

1. Cor. 14. f. 29

Rom. 10. c. 17

Matt. 28. d. 20

Ioh. 14. b. 16

1. Cor. 2. c. 12

Ephes. 1. d. 18

Philip. 3. c. 12

competere in ipsam Ecclesiam. Hoc tamen habet nonnullam veri speciem, verum tamen esse nego. Sic quidem singulis membris distribuit Deus dona Spiritus sui ad mensuram, ut corpori vniuerso nihil desit necessarium, ubi dona ipsa in commune conferuntur. Verum tales sunt semper Ecclesie diuitie, ut multum desit ad summam illam perfectionem quam aduersarii nostri iactant. Nec ideo vlla in parte destituitur Ecclesia quin semper habeat quantum satis sit: nouit enim Dominus quid eius necessitas requirat. Verum ut eam sub humilitate & pia modestia contineat, non plus ei largitur quam nouit expedire. Scio quid hic quoque obiectare soleant, Ecclesiam scilicet mundatam esse lauacro, aquae in verbo vitae: ut esset sine ruga & macula: & ideo alibi vocari columnam & firmamentum veritatis. Verum priore loco magis docetur quid quotidie operetur in ea Christus, quam quid iam perfecit. Nam si omnes suos in dies sanctificat, expurgat, expolit, maculis absteigit: certe adhuc nauis ac rugis quibusdam aspersos esse, eorumque sanctificationi desse non nihil constat. Ecclesiam vero sanctam & immaculatam iam penitus ac omni ex parte cedere, cuius membra omnia maculosa & nonnihil impura sint, quam inane ac fabulosum est? Verum est igitur, sanctificatam esse Ecclesiam à Christo. at eius sanctificationis initium hic duntaxat visitur: finis vero & solidum complementum extabit quum Sanctus sanctorum Christus sua eam sanctitate verè & in solidum implebit. Verum est etiam deletas esse eius maculas & rugas: sed ita ut quotidie adhuc deleantur, donec suo aduentu Christus quicquid residuum est, penitus auferat. Nisi enim hoc recipimus, necesse erit ut cum Pelagianis asseramus, perfectam esse fidelium iustitiam in hac vita: eum Catharis & Donatistis nullam in Ecclesia infirmitatem feramus. Alter locus ut alibi vidimus, prorsus alium habet sensum quam intendunt. Vbi enim Timotheum instituit Paulus, & ad verum Episcopi officium formauit, dicit se ideo fecisse, ut sciat qualiter oporteat ipsum versari in Ecclesia. Ac quo maiori religione & studio in eam rem intentus esset, subiungit Ecclesiam ipsam esse columnam ac stabilimentum veritatis. Quid autem aliud sibi volunt haec verba, quam in Ecclesia conseruari

Ephes. 5. f. 15

1. Tim. 3. d. 15

Ephes. 4. b. 11

Dei veritatem, praedicationis scilicet ministerio? Quemadmodum alibi docet, Christum dedisse Apostolos, Pastores, atque Doctores, ne amplius circumferamur quolibet vento doctrinae, aut ab hominibus deludamur: sed vera Filii Dei cognitione illuminati, omnes simul occurramus in fidei vnitatem. Quod ergo non exstinguitur in mundo veritas, sed salua perstat, id fit quod fidam habet custodem Ecclesiam, cuius opera & ministerio sustinetur. Atqui si haec custodia in ministerio Prophetico & Apostolico sita est, sequitur tota inde pendere, si verbum Domini fideliter conseruetur, suamque puritatem retineat.

13 Atque ut melius intelligant lectores, in quo potissimum cardine versetur haec quaestio, quid postulent nostri aduersarii, & in quo ipsis resistamus, paucis exponam. Quod illi negant errare posse Ecclesiam, huc spectat, atque ita interpretatur, Quando Spiritu Dei gubernatur, tutò incedere sine verbo posse: quocumque pergat, non posse sentire aut loqui nisi verum. proinde siquid extra aut praeter Dei verbum statuerit, id habendum esse non alio loco, quam certum Dei oraculum. Nos si demus illud primum, errare non posse Ecclesiam in rebus ad salutem necessariis: hic sensus noster est, ideo hoc esse quod abdicata omni sua sapientia, à Spiritu sancto doceri se per verbum Dei patitur. Hoc igitur est discrimen. Illi Ecclesiae auctoritatem extra verbum Dei collocant: nos autem volumus verbo annexam, nec ab eo separari patimur. Et quid mirum, si sponsa ac discipula Christi suo sposo magistròque subiicitur, ut ab eius ore assidue ac sedulo pendeat? Haec enim est domus bene compositae ratio, ut mariti imperio vxor obtemperet: haec scholae bene moratae regula, ut magistri solius doctrina illic audiatur. Quamobrem non ex se sapiat Ecclesia, non ex se cogitet quicquam: sed sapientiae suae terminum statuatur ubi loquendi finem ille fecerit. In hunc modum & omnibus rationis suae inuictis diffidet: in quibus autem verbo Dei nititur, nulla diffidentia aut haesitatione vacillabit, sed magna certitudine firmamque constantiam coquiescet. Sic etiam earum quas habet, promissionum amplitudine confisa, habebit unde fidem suam praclare sustineat: ut nihil addubitet, Spiritum sanctum sibi semper adesse, optimam rectae viae ducem: sed memoria simul tenebit quem è suo Spiritu usum percipi Deus velit. Spiritus inquit, quem à Patre mittam, ducet vos in omnem veritatem. Sed quomodo? Quia suggeret, inquit, omnia quae dixi vobis. Nihil ergo plus ex suo Spiritu denuntiat expectandum, quam ut mentes nostras illuminet, ad percipiendam doctrinae suae veritatem. Proinde scitissime Chrysostomus, Multi, inquit, Spiritum sanctum iactant: sed qui propria loquuntur, falso illum praetendunt. Ut Christus non à seipso loqui se testabatur, quia ex Lege loquebatur & Prophetis: ita siquid praeter Euangelium sub titulo Spiritus obtruditur, ne credamus. Quia sicut Christus Legis & Prophetarum impletio est: ita Spiritus Euangelii. Haec ille. Iam col-

Iohan. 16. 2. 7,
& b. 13Serm. de sancto
& adorando Spiritu.Ioh. 12. g. 50
& 14. b. 10

Rom. 10. 2. 4

ligere in promptu est quàm perperam faciant nostri aduersarii, qui non alio fine iactant Spiritum sanctum, nisi vt peregrinas & extraneas à verbo Dei doctrinas eius titulo cōmendent: quum ipse indiuiduo nexu cum verbo Dei coniunctus esse velit, idque de eo profiteatur Christus dum Ecclesiæ suæ eum promittit. Sic est sanè. Quam sobrietatem semel Ecclesiæ suæ præscripsit Dominus, eam perpetuò vult obseruari. Vetuit autem nequid verbo suo adderet, nequid ex eo detraheret. Hoc inuiolabile est Dei ac Spiritus sancti decretum, quod abrogare conantur nostri aduersarii quum Ecclesiam sine verbo regi à Spiritu fingunt.

14 Hic iterum obmurmurant, oportuisse Ecclesiam nonnulla addere scriptis Apostolorum, vel illos ipsos supplere postea viua voce quod minus clarè tradidissent: nempe quum illis dixerit Christus, Multa habeo vobis dicenda, quæ non potestis portare modò. atque hæc esse placita, quæ sine Scriptura, vsu duntaxat & moribus recepta fuerunt. At quænam isthæc est impudentia? Rudes adhuc, fateor, & propè indociles erant discipuli quum istud à Domino audirent: verum hæcne tarditate tum etiam tenebantur, quum doctrinam suam scriptis commendarent, vt postea viua voce supplere necesse habuerint quod in scriptis suis ignorantia vitio omiserant? Si verò iam à Spiritu veritatis ducti in omnem veritatem, sua scripta ediderunt, quid obfuit quominus perfectam Euangelicæ doctrinæ cognitionem complexi sint illic, consignatamque reliquerint? Sed age, demus illis quod petūt: designet modò ea quæ reuelari sine scripto debuerunt. id si tentare audeant, agam cum ipsis Augustini verbis, hoc est, Quum Dominus tacuerit, quis nostrum dicat, Illa vel illa sunt? aut si dicere audeat, vnde probat? Sed quid de re superuacua contèdo? Nam vel puero notum est, in scriptis Apostolicis quæ isti mutila quodammodo & dimidia faciunt, fructum extare eius reuelationis quam tunc eis Dominus promittebat.

Iohan. 16. b. 11

Homil. in Io-
han. 96

15 Quid? inquit, ànnon extra controuersiam posuit Christus quicquid docet ac decernit Ecclesia, quū iuberi haberi pro ethnico & publicano qui contradicere audeat? Primum illic non fit doctrinæ mentio, sed tantum censuris asseritur sua autoritas ad corrigenda vitia, ne se eius iudicio opponant qui admoniti vel obiurgati fuerint. At hoc omisso, valde mirum est, tam nihil esse frontis istis nebulonibus vt ferocire inde non dubitent. Quid enim tandem obtinebunt, nisi non spernendum Ecclesiæ consensum, quæ nunquam nisi in veritatem verbi Dei consentit? Ecclesia audienda est, inquit. Quis negat? quādoquidem nihil pronuntiat nisi ex verbo Domini. Si plus aliquid postulant, sciant nihil sibi in eo suffragari hæc Christi verba. Nec videri debeo nimis contentiosus quod adeò vehementer in hoc insisto, Non licere Ecclesiæ condere vllam nouam doctrinam, hoc est, plus docere, & pro oraculo tradere, quàm quod Dominus verbo suo reuelauit. Vident enim sani homines quantum sit periculum si hominibus semel concessum fuerit tantum iuris. Vident etiam quanta fenestra aperiatur impiorum fannis & cauillis, si dicamus id pro oraculo habendum esse inter Christianos quod homines censuerint. Adde, quod pro temporis sui ratione loquens Christus, synedrio tribuit hoc nomen, vt postea discipuli sui sacros Ecclesiæ conuentus reuereri discant. Ita fieret vt singulis vrbibus & pagis par esset in dogmatibus cuedendis libertas.

Matt. 18. e. 17

16 Exempla quibus vtuntur, nihil eos iuuant. Aiunt pædobaptismum non tam ex aperto Scripturæ mandato, quàm ex Ecclesiæ decreto emanasse. At miserrimum asylum foret si pro defensione pædobaptismi ad nudam Ecclesiæ auctoritatem suffugere cogeremur: verum satis alibi patebit, longè secus esse. Similiter, quod obiciunt nusquam haberi in Scripturis quod in Synodo Nicena pronuntiatum fuit, Filium esse consubstantialiẽ Patri: in eo grauem faciūt Patribus iniuriam, quasi temere damnarint Arrium quod in sua verba iurare noluerit, quum totam eam doctrinam profiteretur quæ Prophetis & Apostolicis scriptis est comprehensa. Non extat, fateor, hoc vocabulum in Scriptura: sed quū illic toties asseratur vnū esse Deum, rursus toties vocetur Christus verus & æternus Deus, vnus cum Patre: quid aliud faciunt Patres Niceni, quum declarant esse vnus essentia, nisi quod natium Scripturæ sensum simpliciter enarrant? Atque hac præfatione in eorum coetu vsum fuisse Constantinum refert Theodorus, In disputationibus, inquit, rerū diuinarum, habetur præscripta Spiritus sancti doctrina: Euangelici & Apostolici libri, cum Prophetarum oraculis, plenè nobis ostendunt sensum numinis. Proinde discordia posita, sumamus ex verbis Spiritus quæstionum explicationes. His sanctis monitionibus nemo tunc fuit qui refragaretur. Nemo excepit, Ecclesiam aliquid adicere posse de suo: Spiritum non omnia reuelasse Apostolis, vel saltem ad posteros non prodidisse, aut tale aliquid. Si verū est quod volunt nostri aduersarii, primum perperam egit Constantinus, qui Ecclesiæ suam potesta-

Lib. 1. cap. 5
hist. Eccles.

tem eripuit: deinde quòd nemo Episcoporum tum surrexit, vt eam contrà vindicaret, hoc silentium perfidia non carebat. sic enim erant proditores iuris Ecclesiastici. Sed quò Theodorus referat libenter amplexos esse quod dicebat Imperator, còstat nouum hoc dogma tunc fuisse omnino incognitum.

De Conciliis, eorùmq; autoritate.

C A P. I X.



N V N C vt omnia illis de Ecclesia concedam: pro sua tamen intentione ne sic quidem multū adhuc profecerint. Nam quicquid de Ecclesia dicitur, id mox ad Concilia transferunt, quum eorum opinione Ecclesiam repræsentent. Imò quod tam pertinaciter contendunt de Ecclesiæ potestate, non alio consilio faciunt, nisi vt Romano Pontifici, & eius satellitio totum deferat quod extorserint. Antequam verò hanc quæstionē expedire incipiam, duo hic mihi breuiter præfari necesse est. Quòd hic rigidior sum futurus, nò ideo esse quòd vetusta Concilia minoris faciam quàm decet. Veneror enim ea ex animo, suæque in honore apud omnes esse cupio. Sed hic est aliquis modus: vt nihil scilicet Christo derogetur. Porro hoc est Christi ius, vt Conciliis omnibus præsideat, nec se cum habeat hominem in ista dignitate. Tunc autem demum præsidere dico, vbi totū confessum verbo & Spiritu suo moderatur. Deinde quòd minus Conciliis tribuo quàm aduersarii petunt, non ea causa facere quòd à Conciliis metuum, quasi illorū causæ suffragentur, nostræ verò sint contraria. Nam sicuti ad plenā doctrinæ nostræ approbationem, & totius Papisini cuerfionem abunde verbo Domini instructi sumus, vt nihil præterea requirere magnopere opus sit: ita si res flagitet, magna ex parte quod satis sit ad vtrunque, vetera Concilia nobis subministrant.

² **I**am de re ipsa loquamur. Si ex Scripturis quæ sit Conciliorum autoritas quæritur, *Matt. 18. c. 10* nulla extat illustrior promissio quàm in hac Christi sententia, Vbi duo aut tres congregati in nomine meo fuerint, illic in medio eorum sum. Verum id nihilominus in particularem quemuis cœtum competit quàm in Concilium vniuersale. Neque tamen in eo hæret quæstionis nodus: sed quòd addita est conditio, ita demum fore Christum in medio Cōciliis, si in suo nomine congregetur. Quare vt milies Episcoporū Concilia nominent aduersarii, parum promouebūt: nec antè efficient vt credamus quod contendunt, regi à Spiritu sancto, quàm fidem fecerint, congregari in Christi nomine. Siquidem tam possunt impij improbique Episcopi aduersus Christum conspirare, quàm boni & probi in eius nomine coire. Huius rei luculento nobis documento sunt plurima decreta quæ à talibus Conciliis prodire. Sed hoc postea videbitur. Nunc tantum vno verbo respondeo, Christū nihil polliceri nisi iis qui in suo nomine congregantur. Quid ergo illud sit definiamus. Nego in Christi nomine congregari eos qui abiecto Dei mandato, quo vetat quicquam addi verbo suo aut detrahi, proprio arbitrio quiduis statuunt: qui non contenti Scripturæ oraculis, hoc est vnica perfectæ sapientiæ regula, de suo capite nouum aliquid cōminiscuntur. Certe quum non Conciliis quibuscumque se adfuturum promiserit Christus, sed peculiarem notam apposuerit qua vera & legitima ab alijs discerneret: nos hanc discretionem minimè negligere conuenit. Hoc est pactum quod olim cum Leuiticis Sacerdotibus Deus pepigit: vt docerent ex ore suo. Hoc semper à Prophetis requisitum: hanc quoque legē videmus Apostolis fuisse impositam. Qui hoc pactum violant, eos nec honore sacerdotij, nec vlla auctoritate dignatur Deus. Hunc nodum mihi soluant aduersarii, si velint fidem meam hominum placitis citra Dei verbum mancipare.

³ **N**am quòd in Ecclesia remanere veritatem non putant nisi inter Pastores constet, nec Ecclesiam ipsam consistere nisi in Conciliis generalibus emineat: multum abest quin id verum semper fuerit, si vera de suis temporibus testimonia nobis reliquerūt Prophetæ. Erat Iesaiæ tempore Ecclesia Hierosolymis, quam Deus nondum deferuerat. De Pastoribus verò sic loquitur, *Iesa. 56. d. 10* Speculatores eius cæci omnes, neque quicquam nouerunt. Omnes canes muti, nec valent latrare. Iacentes dormiunt, & amant dormitionem: & Pastores ipsi nihil sciunt nec intelligunt: & in vniuersum respiciunt ad vias suas. In eundem modum *Osee 9. b. 8* Speculator Ephraim cum Deo, laqueus aucupis, odiū in domo Dei. Vbi ironicè eos Deo coniungens, cuanidum sacerdotij praetextum esse docet. Durabat quoque Ecclesia ad tempus Ieremiæ. Audiamus quid de Pastoribus dicat, *Iere. 6. c. 13* A Propheta vsque ad Sacerdotem quisque sectatur mendacium. Item, *Idem 14. c. 14* Prophetæ mendacium prophetant in nomine meo: quum ego non miserim eos, neque præceperim eis. Ac ne prolixi nimium in recitandis eius verbis simus, legantur quæ toto vicesimo tertio capite & quadragesimo scripsit. Tunc ex altera *Ezech. 22. c. 25* parte nihilo mitius in eosdem inuehebatur Ezechiel. Coniuratio (inquit) Prophetarum in medio eius sicut leo rugiens & qui rapit prædā. Sacerdotes eius violauerunt Legē meam,

& profanauerunt sancta mea: nec discrimen fecerunt inter sanctum & profanum. & cetera quæ subiungit in eum sensum. Similes querimonix passim extant in Prophetis: vt nihil illic frequentius recurrat.

4 Sedenim id fortè inter Iudæos valuerit: nostrum verò seculum à tanto malo immune est. Vtinam quidem esset: verum aliter fore Spiritus sanctus denuntiavit. clara enim sunt Petri verba, Quemadmodum (inquit) fuerunt in populo veteri pseudopropheta: sic & inter vos erunt falsi doctores, sectas perditionis insinuant. Videtur vt non à plebeiis imminere periculū prædicat, sed ab iis qui Doctorū & Pastorū titulo se venditabunt: Præterea quoties à Christo & eius Apostolis est prædictū vt à Pastoribus summa Ecclesiæ pericula impederent? Imò palam ostendit Paulus, non alibi sessurū Antichristū quàm in tēplo Dei. Quod significat, non aliunde venturam horrendā illam calamitatē, de qua ibi loquitur, nisi ab iis qui pro Pastoribus in Ecclesia sedebunt. Et alibi, tanti mali exordia iā propè instare demonstrat. Nā dum Ephesinos Episcopos alloquitur, Scio (inquit) quod post discessum meū intrabunt in vos lupi rapaces, non parcētes gregi. Et ex vobis ipsis erūt qui loquantur peruersa, vt abducant discipulos post se. Quantum inter Pastores afferre corruptionis potuit longa annorū series, quum tātulo temporis spatio degenerare sic potuerint: Ac ne enumerando multum chartarum impleam: omnium ferè seculorū exemplis monemur, nec veritatem semper in sinu Pastorum ali, nec Ecclesiæ incolumitatē ab eorum statu pendere. Decebat quidem illos Ecclesiasticæ pacis ac salutis, cui conseruandæ destinati sunt, præsidēs esse ac custodes: sed aliud est, præstare quod debēas: aliud, debere quod non præstes.

2. Pet. 2. a. 1

Matt. 24. a. 11,
& b. 24

2. Theff. 2. a. 7

Act. 20. f. 29

5 Neque tamen nostra ista verba in eam partem quis accipiat quasi Pastorum auctoritatem passim ac temere, nullōque delectu labefactare velim. Tantum inter eos ipsos delectum habendum esse moneo, ne qui dicuntur, esse quoque Pastores continuò existimemus. At Papa cum toto Episcoporum suorum grege, non alia ratione nisi quia Pastores nūcupatur, excussa verbi Dei obediētia, voluunt omnia, versantque pro libidine: interim persuadere contendunt, sese luce veritatis destitui non posse: Spiritum Dei perpetuò in se residere: Ecclesiam in se subsistere, & secum emori. Quasi verò iam nulla sint Domini iudicia: vt eodem pœnæ genere in mundum hodie animaduertat quo populi veteris ingratitude aliquando ultus est: nempe vt Pastores percutiat cæcitate & stupore. Nec intelligunt stolidissimi homines, eandem se canere cātilenam quam canebant olim illi qui cum verbo Dei belligerabantur. Sic enim sese contra veritatem instruebant hostes Ieremiæ, Venite, & cogitabimus contra Ieremiam cogitationes: quandoquidem non peribit lex à Sacerdote, nec consilium à sapiente, nec verbum à Propheta.

Zach. 12. b.

Iere. 18. c.

6 Hinc facile est respōdere ad illud alterū de Conciliis generalibus: Quin Iudæi veram Ecclesiam sub Prophetis habuerint, negari non potest. Quod si generale Conciliū tunc ex Sacerdotibus coactum fuisset, qualis apparuisset Ecclesiæ facies? Audimus quid Deus non vni aut alteri eorum, sed ordini vniuerso denuntiet, Obstupescant Sacerdotes, & Prophetæ terrebuntur. Item, Lex peribit à Sacerdote, & consilium à Senioribus. Item, Nox vobis provisione erit, & tenebræ pro diuinatione: & occumbet sol super Prophetas, & obtenebrabitur super eos dies, &c. Age, si coacti in vnum tunc fuissent omnes eiusmodi, quis spiritus in eorum cœtu præfuisset? Eius rei insigne specimen habemus in eo Concilio quod cōuocauit Achab. Aderant quadringenti Prophetæ. Sed quia non alio animo conuenerant nisi vt Regi impio adularētur: mittitur à Domino Satan, qui sit spiritus mēdax in ore omnium. Illic omniū suffragiis damnatur veritas: Micha pro hæretico damnatur, percutitur, conicitur in carcerem. Sic Ieremiæ factum est: sic aliis Prophetis.

Ierem. 4. e. 9

Ezech. 7. g. 26

Mich. 3. b. 6

1. Reg. 12. a. 5;
& d. 22

7 Sed vnum exemplū, quod est præ aliis memorabile, pro omnibus sufficiat. In eo Concilio quod collegerunt Pontifices & Pharisei Hierosolymis aduersus Christum, quid desideres quod quidem ad externam speciem attinet? Nisi enim tunc fuisset Hierosolymis Ecclesia, nunquam sacrificiis aliisque ceremoniis communicasset Christus. Fit solennis cōuocatio: præibat summus Pontifex: totus ordo Sacerdotalis assidebat: damnatur tamen illic Christus, & eius doctrina è medio profligatur. Hoc facinus documento est, inclusam minime fuisse in illo Concilio Ecclesiam. At non est periculū nequid tale nobis eueniat. Quis nobis fidem fecit? Nam in re tanta nimis securos esse, socordix culpa non caret. Quin vbi disertis verbis vaticinatur Spiritus per os Pauli, venturam defectionem (quæ venire nō potest quin Pastores Deum primi derelinquant) quid sponte hinc in exitium nostrum cæcutimus? Quare nullo modo concedendum est, Ecclesiam in Pastorum cœtu consistere; quos Dominus nusquam recepit bonos perpetuò fore, malos autem interdum fore pronuntiavit. Vbi autem de periculo admonet, ideo facit vt nos cautiores reddat.

Ioh. 3. u. f. 47

2. Theff. 2. a. 3

8 Quid ergo inquires, nullāne erit in definiendo Conciliorum autoritas? Imò verò. neque enim hīc omnia Cōcilia damnanda, aut omnium acta rescindenda, & (quod dicitur) vna litura esse inducenda disputo. At cogis tamen (inquires) omnia in ordinem: vt cuilibet in medio positū sit recipere vel repudiare quod statuerint Concilia. Minimè verò. sed enim quoties Concilii alicuius decretum profertur, expendi primū diligenter velim quo tēpore habitum sit, qua de causa habitum, & quo consilio, quales homines interfuerint: deinde illud ipsū de quo agitur, ad Scripturæ amussim examinari: idque in eum modum vt Concilii definitio pondus suū habeat, sitque instar præiudicii: neque tamen examen, quod dixi, impediat. Vtinam cum omnes modum seruarent quem præscribit Augustinus libro aduersus Maximinum tertio. Nam quum hunc hæreticum de Synodorū decretis litigantem breuiter vult compescere, Nec ego (inquit) Nicenam Synodum tibi, nec tu mihi Ariminensem debes tanquā præiudicaturus obiicere. Nec ego huius aut horitate, nec tu illius detineris. Scripturarū autoritatibus, non quorumque propriis, sed quæ vtrisque sunt communes. res cum re, causa cum causa, ratio cum ratione certet. Sic fieret vt Conciliis sua esset quæ esse debet maiestas: interim tamen superiore loco emineret Scriptura, nequid esset quod non illius regulæ subiiceretur. Sic priscas illas Synodos, vt Nicenam, Constantinopolitanam, Ephesinam primam, Chalcedonensem ac similes, quæ confutandis erroribus habitæ sunt, libenter amplectimur, reueremurque vt sacrosanctas, quantum attinet ad fidei dogmata. nihil enim continent quā puram & natiuam Scripturæ interpretationem, quam sancti Patres spirituali prudentia, ad frangendos religionis hostes qui tunc emerferant, accommodarunt. In posterioribus quoque nonnullis videmus elucere verum pietatis studium, notas adhæc ingenii, doctrinæ, prudentiæ nō obscuras. Sed quemadmodum solent res in deterius ferè prolabi, ex recentioribus Conciliis videre est quātum subinde Ecclesia à puritate illius aurei seculi degenerauerit. Nec dubito quin istis quoque corruptioribus seculis habuerint Concilia suos melioris notæ Episcopos. Sed in his accidit quod in Romanis senatusconsultis non rectè fieri olim conquerebantur ipsi Senatores. Dum enim numerantur, non appenduntur sententiæ, meliorem partem à maiore vinci sæpius necesse fuit. Certè multas impias sententias protulerunt. Neque hic opus est species colligere: vel quod nimis longum foret, vel quod hoc alii fecerunt diligentius quā vt multum adde-re liceat.

9 Porro quid Concilia cum Conciliis pugnantia recenseā? Nec est quod mihi quispiā obmurmuret, ex his quæ pugnant, alterutrum non esse legitimum. Vnde enim id æstimabimus? Nempe ex eo, nisi fallor, quod ex Scripturis iudicabimus, non esse orthodoxa illius decreta. Hæc enim vna est certa lex discretionis. Iam nongenti circiter anni sunt quē Synodus Constantinopolitana sub Leone Imperatore congregata, subuertendas & confringendas imagines in templis collocatas, censuit. Paulo post Concilium Nicenum, quod in eius inuidiam Irene coegit, restituendas decreuit. Vtrum ex duobus agnoscemus pro legitimo? Vulgò obrinuit hoc posterius, quod in templis locum imaginibus dedit. At Augustinus id fieri posse negat sine præsentissimo idololatriæ periculo. Epiphanius ætate superior asperius multo loquitur. nefas enim & abominationem esse tradit, aspici in templo Christianorum, imagines. Qui sic loquuntur, an approbarent Concilium illud si hodie essent superstites? Quod si & vera narrant Historici, & actis ipsis creditur, non imagines tantum ipsæ, sed earum cultus illic receptus fuit. Tale verò placitum palām est à Satana manasse. Quid quod totam Scripturam deprauando & lacerando, ludibrio eam sibi fuisse demonstrant? Quod ego superius abundè planum feci. Quicquid sit, non aliter discernere inter contrarias & dissentientes Synodos, quæ multæ fuerunt, poterimus, nisi omnes illa quam dixi omnium hominum & Angelorum statera, id est verbo Domini examinemus. Sic Chalcedonensem amplectimur, repudiata Ephesina secūda, quod in hac Eutychiana impietas confirmata fuit, quam illa altera damnauit. Eius rei iudicium non nisi ex Scripturis fecerunt sancti viri, quos sic in iudicādo sequimur vt Dei verbum, quod illis præluxit, nobis nunc quoque præluceat. Eant nunc Romanenses, & affixum alligatūque suis Cōciliis Spiritum sanctum pro more iacent.

10 Quanquam in illis quoque antiquis & purioribus est quod iure desyderes, vel quod eruditi alioqui & prudentes viri qui tum aderant, præsentibus negotiis distrīcti, multa alia non prospiciebant: vel quod grauioribus & magis seriis occupatos, nonnulla leuioris momenti subterfugebāt: vel quod simpliciter, vt homines, imperitia falli poterant: vel quod nimio affectu nonnunquam præcipites ferebantur. Huius postremi (quod omnium durissimum videtur) exemplum illustre extitit in Nicena Synodo: cuius dignitas omnium cō-

sensu summa veneratione, ut merebatur, excepta est. Nam quum primum fidei nostræ caput illic periclitaretur, adesset hostis Arrius in procinctu, quocum manus conferendæ essent, summum verò momentum in eorum concordia esset qui ad oppugnandum Arrii errorem parati venerant: ipsi nihilominus tantorum discriminum securi, imò velut gravitatis, inodestæ, & omnis humanitatis obliti, omisso quod in manibus erat certamine, (quasi ex destinato, Arrio gratificaturi, eò concessissent) intestinis dissidiis sese proscindere cœperunt: itylum qui in Arrium stringendus erat, in seiplos dirigere. Fœdæ criminationes audiebantur: liberi accusatorii volitabant: nec contentioni finis ullus factus esset donec mutuis vulneribus se cōfodissent, nisi Imperator Constantinus occurrisset, qui inquisitionem in eorum vitam, rem esse supra suam cognitionē profectus, talem intemperiem laude magis quàm obiurgatione castigavit. Quàm multis partibus & alia quæ deinde sequuta sunt Concilia lapsa fuisse verisimile est: Nec longa demonstratione opus hæc res habet. si quis enim acta perlegat, multas illic infirmitates animaduertet: nequid dicam gravius.

11 Et Leo Romanus Pontifex non dubitat Synodo Chalcedonensi, quam in dogmatibus orthodoxam fatetur, ambitionem & inconsultam temeritatem obicere. Legitimam quidem esse non negat: sed errare potuisse palàm asserit. Ineptus forte alicui videar qui de cōmonstrandis huiusmodi erroribus laborem: quum fateantur aduersarii, errare Concilia posse in iis quæ ad salutem non sunt necessaria. Sed neque superuacuum est hic labor. Tametsi enim coacti, verbo quidem id fatentur: quum tamen omnium Conciliorum determinationem, in re qualibet, nullo discrimine, pro Spiritus sancti oraculo nobis obtrudant, plus exigunt quàm initio sumpserant. Quid sic agendo contendunt, nisi errare non posse Concilia: aut si errant, nefas esse tamen verum cernere, aut nō assentari erroribus? Neque aliud intendo, quàm inde posse colligi, Spiritum sanctum sic pias alioqui & sanctas Synodos gubernasse, ut interim aliquid eis humanitus accidere sineret, ne nimium hominibus consideremus. Hæc multò melior est sententia, quàm illa Gregorii Nazianzeni, Nullius unquam Concilii se vidisse bonum finem. Nam qui asserit omnia sine exceptione malè defuisse, non multum autoritatis illis relinquit. De provincialibus Conciliis mentionem seorsum facere, nihil iam necesse est: quando ex generalibus æstimare promptum est quantum autoritatis ad condendos fidei articulos, & quodcunque visum fuerit doctrinæ genus recipiendum habere debeant.

12 At nostri Romanenses, ubi in causæ suæ defensione omnia rationis præsidia labascere sibi vident, ad extremum illud miserumque suffugium concedunt, Etiam si mente & consilio stupidi ipsi sint, animo verò & voluntate nequissimi: manere tamen verbum Domini, quod Præpositis obedire iubet. Itane verò: quid si Præpositos esse negem qui tales sunt? Nō enim plus sibi arrogare debent quàm habuerit Iosue, qui & Propheta Domini fuit, & eximius pastor. Audiamus autem quibus verbis inauguratur in suū munus à Domino: Nō rece- Iosue. 1. b. 7. 8
dat, inquit, volumē Legis ab ore tuo: sed meditaberis in eo diebus ac noctibus. Neque ad dexterā neque ad sinistrā declinabis: tūc diriges viam tuā, & intelliges eā. Illi igitur spirituales nobis erūt Præfecti qui à Lege Domini neque huc neque illuc deflectēt. Quid si nulla hæsit- Iere. 13. d. 16
tatione accipiēda est quorumvis Pastorū doctrina, quorsū attinebat toties tamque solícite Domini voce nos admoneri, ne pseudoprophetarum sermoni auscultemus? Nolite (inquit per Ieremiā) audire verba Prophetarū, qui prophetāt vobis. vanitatē enim vos docēt, & nō ex ore Domini. Itē, Cavete vobis à falsis Prophetis, qui veniunt ad vos in vestitu ovium, in- Matth. 7. b. 15
trinfecus autem sunt lupi rapaces. Frustra & Iohannes nos hortaretur ut probemus spiritus nūquid ex Deo sint. Cui iudicio ne Angeli quidē eximūtur, nedū Satā cum suis mēdaciis. I. Iohan. 4. a. 1
Quid autem istud, Si cæcus cæcum ducat, ambo in foueam cadent: annon satis declarat Matth. 15. b. 14
multum interesse quales Pastores audiantur, nec temerē omnes audiendos? Quare non est quòd suis nos titulis absterreant, quo in participationem trahant suæ cæcitatis: quum videamus contrā, singularem Domino curā fuisse absterrendi, ne alieno errore duci nos pateremur, sub quacunque nominis larua lateat. Nam si verum est Christi responsum, cæci quique duces, siue Antistites, siue Præfules, siue Pontifices dicantur, nihil possunt quàm suos consortes in idem rapere præcipitium. Quare nulla Conciliorum, Pastorum, Episcoporum nomina (quæ tam falsò obtendi quàm verè vsurpari possunt) nos impediunt quominus & verborum & rerum documentis moniti, omnes omnium spiritus ad diuini verbi regulam exigamus, quo probemus num ex Deo sint.

13 Quoniam probauimus non esse datam Ecclesiæ potestatem erigendæ novæ doctrinæ, dicamus nunc de potestate quā illi tribuunt in Scripturæ interpretatione. Nos certè libenter concedimus, si quo de dogmate incidat disceptatio, nullum esse nec melius nec certius

remedium, quàm si verorum Episcoporum synodus conueniat, vbi controuersum dogma excutitur. Multo enim plus ponderis habebit eiusmodi definitio in quam communiter Ecclesiarum Pastores, inuocato Christi Spiritu, consenserint, quàm si quisque seorsum domi conceptam populo traderet, vel pauci homines priuati eam conficeret. Deinde vbi collecti in vnum sunt Episcopi, commodius in commune deliberant quid sibi & qua forma docendum sit, ne diuersitas offendiculum pariat. Tertiò, hanc rationem præscribit Paulus in diiudicandis doctrinis. Nam quum singulis Ecclesiis attribuat diiudicationem, ostendit quis in grauioribus causis sit ordo agendi: nempe vt Ecclesiæ inter se communem cognitionem suscipiant. Atque ita nos ipse pietatis sensus instituit, vt si quis turbet Ecclesiam dogmate inusitato, atque eò res perueniat vt sit periculum à grauiore dissidio, conueniant primùm Ecclesiæ: quæstionem propositam examinent: demum, iusta discussione habita, definitionem ex Scriptura sumptam proferant, quæ & dubitationem in plebe tollat, & os obstruat improbis & cupidis hominibus, ne pergere amplius audeant. Sic exorto Arrio coacta est Nicæna Synodus, quæ sua autoritate & sceleratos impii hominis conatus fregit, & pacem restituit Ecclesiis quas vexauerat, & æternam Christi diuinitatem contra sacrilegum eius dogma asseruit. Quum deinde nouas turbas mouerent Eunomius & Macedonius, simili remedio eorum insanix occursum est per Constantinopolitanam Synodum. Ephesino Concilio profligata est Nestorii impietas. Hæc denique ab initio fuit ordinaria in Ecclesia, ratio cõseruandæ vnitatis, quoties Satan aliquid machinari cõperat. Sed meminimus, non omnibus seculis vel locis haberi Athanasios, Basilios, Cyrillos, & similes veræ doctrinæ vindices, quos tunc Dominus excitauit. Imò cogitemus quid Ephesi secunda Synodo acciderit, vbi Eutychiana hæresis obtinuit: sanctæ memoriæ vir Flauianus, in exilium eiectus cum aliquot piis viris: multa eiusmodi flagitia designata. nempe quia illic Dioscorus, homo factiosus & pessimi animi, non autem Spiritus Domini præsidebat. At non erat illic Ecclesia. Fateor. Sic enim omnino statuo, Non ideo interire in Ecclesia veritatem, etiam si ab vno Concilio opprimatur: sed mirabiliter à Domino seruari, vt iterum suo tempore emergat & superet. Hoc autem perpetuum esse nego, vt vera sit & certa Scripturæ interpretatio quæ Concilii suffragiis fuerit recepta.

14 Verum aliò spectant Romanenses, quum potestatem interpretandi Scripturam penes Concilia esse tradunt, & eam sine prouocatione. Hoc enim colore abutuntur, vt Scripturæ interpretationem vocent quicquid in Cõciliis statutum sit. De purgatorio, de Sanctorum intercessione, de confessione auriculari, & similibus, non reperietur vna syllaba in Scripturis. Verum quia Ecclesiæ autoritate sancita sunt hæc omnia, hoc est (vt verius loquamur) opinione & vsu recepta: pro Scripturæ interpretatione vnumquodque habendum erit. Neque id modò: sed siquid reclamante Scriptura statuerit Concilium, interpretationis habebit nomen. Iubet Christus omnes de calice quem in Cœna porrigit, bibere: Constantense Concilium vetuit ne plebi daretur, sed solum Sacerdotem bibere voluit. Quod sic ex diametro pugnat cum institutione Christi, pro eius interpretatione haberi voluit. Paulus coniugii prohibitionem vocat hypocrisin dæmoniorum: Sanctum verò in omnibus coniugium & honorabile Spiritus alibi pronuntiat. Quod postea Sacerdotibus interdixerunt coniugium, id veram & natiuam Scripturæ interpretationem haberi postulant: quum nihil magis alienum fingi queat. Siquis hiscere contrà ausit, hæreticus iudicabitur: quando sine prouocatione est Ecclesiæ determinatio: & de eius interpretatione, quin vera sit, dubitari nefas est. Tantam impudentiam quid infæta demonstrasse enim, vicisse est. Quod de potestate approbandæ Scripturæ docent, prudens omitto. Subiicere enim in eum modum Dei oracula hominum censuræ, vt ideo rata sint quia placuerint hominibus, blasphemia indigna est quæ cõmemoretur: & ego iam superius hoc ipsum attigi. Vnum tamen eos rogado, Si in Ecclesiæ approbatione fundata est Scripturæ autoritas, cuius Cõcilio citabunt de ea re decretum: Nullum, opinor, habent. Cur igitur Nicææ vinci se patiebatur Arrius testimoniis ex Iohannis Euangelio adductis? Erat enim, secundum istos, liberum repudiare: quando nulla vniuersalis Concilii præcesserat approbatio. Allegant veterem catalogum, qui Canon vocatur: quem dicunt ex Ecclesiæ diiudicatione mansisse. Sed rogo iterum, quo in Concilio Canon ille editus fuerit. Hic obmutescant oportet. Quâquam scire præterea cupio, qualem esse illum Canonem arbitrantur. Video enim inter veteres id parum constituisse. Et si valere debet quod ait Hieronymus, libri Machabæorum, Tobias, Ecclesiasticus, & similes in ordinem apocryphorum reicientur: quod isti nullo modo facere sustinent.

1. Cor. 14. f. 29

Matt. 26. c. 26

1. Tim. 4. a. 1
Heb. 13. a. 4

De potestate in legibus ferendis, in qua sæuissimam tyrannidem in animas & carnificinam exercuit Papa cum suis.

C A P. X.



SEQVITVR pars secunda, quā in legibus ferendis sitam esse volūt: ex qua scaturigine ortæ sunt innumeræ traditiones humanæ, totidem ad stranguandas miseras animas laquei. Neque enim maior illis religio fuit quā scribis & Phariseis, imponere aliorum humeris onera quæ digito nolissent attingere. Alibi docui quā crudelis sit carnificina quod de auriculari confessione præcipiunt. In aliis legibus tanta violentia non apparet: sed quæ videtur omnium maxime tolerabiles tyrannicè conscientias premunt. Taceo quod adulterant cultum Dei, & Deum ipsum, qui vnicus est Legislatores, suo iure spoliant. Hæc potestas tractāda nunc est, an Ecclesiæ liceat cōscientias obstringere suis legibus. In qua disputatione non attingitur ordo politicus, sed tantum hoc agitur vt rite colatur Deus secundum præscriptam à se regulam: & spiritualis libertas, quæ Deum respicit, salua nobis maneat. Vnus obtinuit vt traditiones humanæ vocentur quæcunque de cultu Dei præter eius verbum profecta sunt ab hominibus edita. Contra has nobis est certamen, non contra sanctas & viles Ecclesiæ cōstitutiones, quæ vel ad disciplinam vel honestatem vel pacem conseruandam faciunt. Finis autem certandi, vt coerceatur immensum & barbarum imperium, quod sibi vsurpant in animas qui Pastores Ecclesiæ haberi volūt, re autem vera sæuissimi sunt carnifices. Quas enim leges condunt, spirituales esse aiunt, ad animam pertinētes, & eas ad vitam æternam necessarias affirmant. Sic autem regnum Christi, vt nuper attigi, inuaditur: sic libertas, ab ipso fidelium conscientias data, opprimitur penitus ac diffluitur. Taceo nunc quanta impietate legum suarum obseruationē fanciant, dum ex ipsa & peccatorum remissionem, & iustitiam, & salutem quærere docent, dum totam religionis & pietatis summam in ipsa statuant. Hoc vnum contēdo, necessitatem imponi conscientias non debere in quibus rebus à Christo liberantur, nec nisi liberatæ, vt antea docuimus, quiescere apud Deum possunt. Vnicū Regem agnoscant, suum liberatorem Christū: & vna libertatis lege, nempe sacro Euangelii verbo regantur oportet, si gratiam quam in Christo semel obtinuerunt, retinere volunt: nulla seruitute teneantur, nullis vinculis astringantur.

Mat. 23. a. 4

2 Fingunt quidem Solones isti, suas cōstitutiones leges esse libertatis, suaue iugum, onus leue: sed mera esse mendacia quis non videat? Nullam ipsi quidem legum suarum grauitatem sentiunt, qui abiecto Dei timore tam suas quā diuinas leges securè ac strenuè negligunt. Qui verò aliqua salutis suæ cura tanguntur, plurimum abest quin se liberos existiment quandiu his laqueis implicantur. Videmus quanta cautione versatus sit in hac parte Paulus, vt ne vna quidem in re laqueum iniicere ausus fuerit, neque id nulla causa. prospiciebat certè quantū vulnus infligeretur conscientias, si earū rerum necessitas illis imponeretur quarum relicta esset à Domino libertas. Cōtrā numerari vix possunt cōstitutiones quas isti grauissimè æternæ mortis denūtiatione sanxerūt, quas seuerissimè exigūt tanquā ad salutem necessarias. Et in his per multæ sunt obseruatu difficillimæ: omnes verò (si in turbam suam congerantur) impossibiles: tantus est acruus. Quē ergo fieri poterit vt non extrema anxietate & terrore perplexi vrantur quibus tanta difficultatis moles incumbit? Huius generis ergo cōstitutiones hic impugnare animus est: quæ in hoc ferūt vt animas intus corā Deo ligent, & religionē iniiciant, ac si de rebus ad salutē necessariis præciperēt.

1. Cor. 7. f. 35

3 Hæc quæstio plerosque ideo impedit quod inter externum (vt vocant) & cōscientiæ forum non satis subtiliter discernunt. Præterea difficultatem auget quod Paulus obediendū esse Magistratui præcipit, non pœnæ solum metu, sed propter conscientiam. Vnde sequitur, politicis quoque legibus obstringi conscientias. Quod si ita esset, caderet quicquid proximo capite diximus, ac iam dicturi sumus de spiritali regimine. Vt hic nodus soluatur, primò operæpretium est tenere quid sit cōscientia. Ac definitio quidem ex etymo vocis petenda est. nam sicuti quum mente intelligentiæque homines apprehendunt rerum notitiam, ex eo dicuntur scire, vnde & scientiæ nomen ducitur: ita quum sensum habent diuini iudicii quasi sibi adiunctum testem, qui sua peccata eos occultare non finit quin ad iudicis tribunal rei pertrahantur, sensus ille vocatur conscientia. Est enim quiddam inter Deum & hominem medium: quia hominem non patitur in seipso suppressi e quod nouit, sed eousque persequitur donec ad reatū adducat. Hoc est quod intelligit Paulus, quum tradit cōscientiam simul attestari hominibus, vbi cogitationes eos accusant vel absoluunt in iudicio Dei. Simplex notitia in homine residere posset veluti inclusa. Ergo sensus hic qui hominē sistit ad Dei iudiciū, est quasi appositus homini custos, qui omnia eius arcana obseruet ac speculetur, nequid in tenebris sepultū maneat. Vnde & vetus illud prouerbiū,

Rom. 13. a. 1.

Rom. 2. c. 15

1. Pet. 3. d. 21

Heb. 10. a. 2

Conscientia mille testes. Eadem ratione & Petrus bonæ erga Deum conscientia interrogatōem posuit pro tranquillitate animi, quum persuasi de Christi gratia, nos intrepidè coram Deo offerimus. Et author epistolæ ad Hebræos, non habere amplius conscientiam peccati, pro liberatos vel absolutos esse, ut peccatum non amplius nos arguat.

4

1. Tim. 1. a. 5

Act. 14. d. 16

1. Cor. 10. f. 18

Itaque sicut opera respectum ad homines habent, ita conscientia ad Deum refertur: ut conscientia bona nihil aliud sit quam interior cordis integritas. In quem sensum Paulus scribit, complementum Legis esse charitatem, ex pura conscientia & fide non facta. Postea etiam eodem capite quantum ab intelligentia differat, ostendit, dicens quosdam à fide naufragium fecisse, quia bonam conscientiam dereliquerant. His enim verbis viuum esse colendi Dei affectum, sincerumque piè & sanctè viuendi studium indicat. Interdum quidem ad homines quoque extenditur, ut quum testatur apud Lucā idem Paulus, se operā dedisse ut bona conscientia ambulet erga Deum & homines. Sed hoc ideo dictum est quod bonæ conscientia fructus ad homines usque manant ac perueniunt. Propriè autem loquendo, solum Deum respicit, ut iam dixi. Hinc fit ut obstringere conscientiam lex dicatur quæ simpliciter hominem ligat, sine hominū intuitu, vel non habita eorum ratione. Exempli gratia, Non modò castum seruare animum purumque ab omni libidine Deus præcipit, sed quamlibet verborum obscœnitatē & externam lasciuiam prohibet. Huius legis obseruationi, etiam si nullus in mūdo homo viueret, conscientia mea subiicitur. Ita qui se intemperanter gerit, non eo tantum peccat quod malum exemplum præbet fratribus: sed conscientiam reatu obstrictam habet apud Deum. Alia in rebus per se mediis est ratio. Abstinerere enim debemus siquod pariant offendiculum: sed libera conscientia. Ita de carne idolis consecrata Paulus loquitur, Siquis iniciat scrupulum (inquit) noli attingere, propter conscientiam. dico autem conscientiam, non tuam, sed alterius. Peccaret homo fidelis, qui prius admonitus, eiusmodi carnem nihilominus ederet. Sed utcunque fratris respectu necessaria illi sit abstinencia ut à Deo præscribitur, non tamen conscientia libertatē retinere definit. Videmus ut lex ista externum opus ligans, conscientiam solutam relinquat.

5

Rom. 13. a. 1

Nunc ad humanas leges redeamus. Si in hunc finem latae sint ut religionem nobis iniiciant, quasi per se necessaria sit earum obseruatio, dicimus conscientia imponi quod fas non erat. Neque enim cū hominibus, sed cū vno Deo negotiū est conscientia nostris. Quod pertinet illud vulgare discrimen, inter terrenum & conscientia forum. Quum totus orbis densissima ignorantia caligine obuolutus esset, hæc tamen exigua lucis scintilla residua mansit, ut humanis omnibus iudiciis superiorem esse hominis conscientiam agnosceret. Quanquam quod vno verbo fatebantur, postea reipsa labefactabant: voluit tamen Deus testimonium aliquod Christianæ libertatis tunc quoque extare quod ab hominum tyrannide conscientias eximeret. Sed nondum expedita est illa difficultas quæ ex Pauli verbis nascitur. Nam si principibus obediendum est non pœnæ tantum, sed conscientia causa, inde consequi videtur, in conscientiam quoque dominari principum leges. Quod si verum est, idem & de Ecclesiasticis dicendum erit. Respondeo, primū inter genus & speciem hinc esse distinguendum. Nam etsi leges singulæ conscientiam non attingant, generali tamen præcepto Dei tenemur, quod magistratum auctoritatem nobis cōmendat. Atque in hoc cardine versatur Pauli disputatio, Magistratus, quoniam à Deo sint ordinati, honore prosequendos esse. Interea minimè docet, quæ ab illis scribuntur leges, ad interiorem animæ gubernationem pertinere: quum vbique & Dei cultum, & spiritualem iustè viuendi regulam supra quamlibet hominum placita extollat. Alterū quoque notatu dignum est (quod tamen ex superioribus pendet) leges humanas, siue à magistratu, siue ab Ecclesia ferantur, tametsi sint obseruatu necessaria (de probis & iustis loquor) ideo tamen non ligare per se conscientiam, quia tota obseruandi necessitas ad generalem finem respicit, non autē consistit in rebus præceptis. Ab hoc ordine procul distāt quæ & nouam formam præscribunt colendi Dei, & necessitatem constituunt in rebus liberis.

6

Tales autem sunt quæ hodie vocantur Ecclesiastica constitutiones in Papatu, quæ pro vero ac necessario Dei cultu ingeruntur. Atque ut sunt innumeræ, ita infinita sunt ad captandas illaqueandasque animas vincula. Etsi autem in Legis expositione nonnihil attingimus: quia tamen iustæ tractationi hinc opportunior erat locus, nunc studebo totam summam quo potero optimo ordine colligere. Et quia de tyrannide quam sibi in licentia docendi quicquid libuerit arrogant pseudoepiscopi, nuper disseruimus quātum satis esse videbatur, totam illam partem omittam: in explicanda tantum quam se habere dicunt legum ferendarū potestate, hic immorabor. Hoc igitur prætextu pseudoepiscopi nostri conscientias nouis legibus onerant, quod sint spirituales legislatores à Domino constituti, ex

quo illis commissæ est Ecclesiæ gubernatio. Itaque quicquid iubet ac præscribunt, id necessario obseruandum esse contendunt à populo Christiano: qui violauerit, eum duplicis inobedientiæ reum esse, quod Deo & Ecclesiæ sit rebellis. Sanè si veri episcopi essent, aliquid eis in hac parte authoritatis tribuerem, non quantum sibi postulant, sed quantum ad politiam Ecclesiæ rite ordinandam requiritur. nunc quum nihil minus sint quam quod haberi volunt, non possunt tantillum sibi sumere quin modum excedant. Sed quia hoc quoque alibi visum est, demus eis in præsentia, quicquid potestatis habent veri Episcopi, id iure in eos competere: nego tamen propterea legislatores esse fidelibus impositos qui præscribere à seipsis possint viuendi regulam, vel ad sua placita plebem sibi commissam adigere. Quum hoc dico, intelligo ipsis minimè licere quod ipsi à se absque Dei verbo excogitauerint, Ecclesiæ obseruandum pro necessario mādare. Id ius quum & Apostolis fuerit incognitum, & toties Ecclesiæ ministris ore Domini ademptum: miror quinam præter Apostolorum exemplum, & contra manifestam Dei prohibitionem arripere ausi fuerint, & hodie defendere audeant.

7 Quod ad perfectam bene viuendi regulam pertinebat, id totum sic complexus est Dominus Lege sua, ut nihil hominibus reliquerit quod ad summam illam adderent. Idque eo effecit primum, ut, quia tota viuendi rectitudo in hoc sita est si omnia nostra opera ad eius voluntatem (tāquam ad normam exigantur) vnici vitæ magister ac director à nobis haberetur: deinde ut testatum faceret, se à nobis nihil magis requirere quam obedientiam. Hac ratione Iacobus, Qui iudicat fratrem, inquit, iudicat Legem. qui Legem iudicat, non est obseruator Legis, sed iudex. Vnus autem Legislator, qui potest seruare & perdere. Audimus, Deum hoc sibi vni velut proprium asserere, ut verbi sui imperio ac legibus nos regat. Atque id ipsum antè ab Iesaiâ dictum fuerat, quanuis paulò obscurius, Dominus Rex noster, Dominus Legislator noster, Dominus Iudex noster, ipse saluabit nos. Vtroque sanè loco ostèditur vitæ & mortis ei esse arbitrium qui ius habet in animam. Imò Iacobus hoc clarè pronuntiat. Id porro sibi nemo hominum sumere potest. Deum igitur vnicum animarum Regem agnoscere oportet, penes quem vnum seruandi perdendique potestas est ut illa Iesaiæ verba sonant: & regem & iudicem & legislatorem & seruatorem. Itaque Petrus, dum pastores officii sui admonet, sic gregem pascant hortatur ne dominium exerceant aduersus clericos: quo nomine hereditatem Dei, hoc est fidelium populum, significat. Id si rite expendimus, nefas esse ad hominem transferri quod Deus suum vnici facit: intelligemus ita præcisum quicquid sibi potestatis vendicant qui se ad aliquid in Ecclesia iubendum sine verbo Dei efferre volunt.

8 Porro quoniam tota causa inde pendet, si Deus est vnici Legislator, non licere hominibus id sibi honoris sumere: simul duas illas rationes quas posuimus, memoria tenere conuenit, cur hoc sibi vni Dominus asserat. Prior autem est, ut eius voluntas perfecta sit nobis omnis iustitiæ & sanctitatis regula: atque ita in eius cognitione perfecta sit bene viuendi sciētia. Altera, ut ipse vnus (vbi eius rite probèque colendi quæritur modus) imperium habeat in animas nostras, cui parere & à cuius nutu pendere debeamus. His duabus rationibus obseruatis, facilis erit diiudicatio quæ hominum constitutiones sint verbo Domini contrariæ. Sunt autem eius generis omnes quæ ad verum Dei cultum finguntur pertinere, & quibus seruandis conscientiæ obligantur, quasi obseruatu necessariæ essent. Hac ergo læce meminerimus ponderandas esse omnes humanas leges, si volumus habere certum examen, quod nusquam aberrare nos sinat. Priore contēdit Paulus in Epistola ad Colossenses, aduersus pseudoapostolos qui nouis oneribus premere Ecclesias tentabāt. Secunda magis vtitur in Galatis, in simili causa. Hoc ergo in Epistola ad Colossenses exequitur, non esse de vero Dei cultu petendam ab hominibus doctrinam: quia Dominus fideliter nos & ad plenum instituit qualiter sit colendus. Quo hoc demonstret, primo capite dicit in Euangelio contineri omnem sapientiam, qua perfectus reddatur homo Dei in Christo. Initio secundi dicit omnes sapientiæ & intelligentiæ thesauros in Christo esse absconditos: inde postea concludit, caueant fideles ne per inanem philosophiam abducantur à grege Christi, secundum constitutiones hominum. In fine autem capitis maiore adhuc fiducia damnat omnes constitutiones, hoc est fictitios cultus, quos homines sibi ipsi comminiscuntur, vel ab aliis accipiunt, & quæcunque de cultu Dei tradere præcepta ex se audent. Habemus ergo, impias esse omnes constitutiones, in quarum obseruatione cultus Dei situs esse fingitur. Loci verò quibus in Galatis vrget non esse laqueos conscientiiis induendos (quas à solo Deo regi conuenit) satis sunt aperti: præsertim capite quinto. Ideo sufficiat annotasse.

9 Sed quia exemplis res tota melius patefiet, antequam ultra progredimur, operæ pretium

est hanc doctrinam ad nostra tempora accommodare. Constitutiones quas vocant Ecclesiasticas, quibus Papa cum suis onerat Ecclesiam, dicimus perniciosas esse & impias: aduersarii nostri sanctas esse & salutes defendunt. Sunt autem duo earum genera: nam alie sunt de ceremoniis & ritibus, alie ad disciplinam magis spectant. Estne igitur iusta causa quæ nos ad utrasque impugnandas moueat: iustior certe quam vellemus. Primum nonne authores ipsi clara voce definiunt, ipsissimum (vt ita loquar) Dei cultum in ipsis contineri? In quem finem conferunt suas ceremonias, nisi vt per illas Deus colatur? Neque id fit solo errore imperitæ multitudinis: sed eorum approbatione qui locum docendi habent. Nondum crassas abominationes attingo, quibus totam pietatem moliti sunt pessundare: sed apud eos non tam atrox fingeretur crimen, in minima quaque traditiuncula esse lapsum, nisi Dei cultum suis commentis subicerent. Quod ergo tolerabile non esse docuit Paulus, legitimum colendi Dei ritum ad hominum arbitrium redigi, si hodie ferre non possumus, quid peccamus: præsertim verò quum secundum elementa mundi huius colere præcipiunt, quod Paulus aduersari Christo testatur. Rursum quàm præcisa necessitate astringant conscientias ad seruandum quicquid iubent, non est ignotum. Hic dum reclamamus, causam habemus cum Paulo communem, qui nullo modo patitur fideles conscientias in hominum seruitutem redigi.

10 Porro istud pessimum accedit, quod vbi talibus vanis figmentis definiri religio semel coepta est, peruersitatē illam perpetuò sequitur & altera execrabilis prauitas, quā Phariseis exprobrabat Christus, vt irritum fiat præceptum Dei propter hominū traditiones. Nolo cōtra præsentēs nostros nomothetas vt bis meis pugnare vicerint sanè, si quo modo ab hac Christi accusatione purgare se poterunt. Sed quomodo excusarent, quum immenso apud eos sceleratius sit auricularem confessionem vertente anno prætermisisse, quàm nequissimam vitam in solidum annum produxisse: linguam die Veneris infecisse modico carnis gustu, quàm totum corpus diebus omnibus scortando fœdasse: manum, die sanctulis nescio quibus cōsecrato, admouisse honesto operi, quàm pessimis facinoribus assidue membra omnia exercuisse: sacrificum legitimo vno connubio copulari, quàm illigari mille adulteriis: voti uā peregrinationem nō persoluisse, quàm in promissis omnibus fidē fallere: in prodigiosos nec minus superuacuos ac inutiles templorū luxus non aliquid profudisse, quàm defuisse vltimis pauperum necessitatibus: idolū sine honore præterisse, quàm hominum omne genus contumeliosè tractasse: non demurmurasse certis horis longa sine sensu verba, quàm legitimam orationem animo nunquam concepisse? Quid est irritum facere propter suas traditiones Dei præceptum, nisi hoc est: quum obseruationes mādatorum Dei frigidè tantum & defunctoriè commendantes, suorum exactam obediētiam nihilominus studiose & anxie vrgent quàm si totam pietatis vim in se continerent: quum diuinæ Legis transgressionem leuibus satisfactionum multis vliscētes, vnius sui decreti vel minimam offensionē nulla leuiore pœna plectūt quàm carcere, exilio, incēdio, aut gladio. In Dei cōtemptores non ita asperi & inexorabiles, suos cōtemptores implacabili odio ad extremum persequuntur: ac eos omnes sic instituunt, quorum simplicitatem captiuā tenent, vt æquiore animo vniuersam Dei Legem subuersam visuri sint quàm apiculum in præceptis (vt vocant) Ecclesiæ violatum. Primum grauter in eo delinquitur quod ob res leuiculas, & (si Dei iudicio staretur) liberas, alter alterum contemnit, iudicat, abiicit. Nunc verò quasi id parum mali esset, pluri appenduntur friuola illa huius mundi elementa (vt Paulus Galatis scribens nuncupat) quàm caelestia Dei oracula. Et qui propè in adulterio absolvitur, iudicatur in cibo: cui scortū permittitur, interdicitur vxor. Hoc scilicet præuaricatrice illa obedientia proficitur, quæ tantum à Deo aueritur quantum ad homines inclinat.

11 Sunt alia quoque duo non leuia vitia, quæ in iisdem constitutionibus improbamus. Primum quod magna ex parte inutiles, interdū etiam ineptas obseruationes præscribunt: deinde quod immensa earū multitudine opprimuntur piæ conscientiæ, & in Iudaismum quendam reuolutæ, vmbri sic adhærescunt vt ad Christum nequeant peruenire. Ineptas quod dico & inutiles, scio carnis prudentiæ credibile non futurum: cui tantopere arrident vt Ecclesiam prorsus deformari putet vbi auferuntur. Sed hoc est quod Paulus scribit, habere speciem sapientiæ in commentitio cultu, in humilitate, & eo quod austeritate sua valere ad domandam carnem videntur. Saluberrima certè admonitio, quæ excidere nobis nunquam debet. Fallunt, inquit, humanæ traditiones sub specie sapientiæ. Vnde hunc colorem habent: Nempe quia cōf. & sunt ab hominibus, humanum ingenium quod suum est illic recognoscit, & recognitum libentius amplectitur, quàm optimum aliquid quod suæ vanitati minus conueniret. Deinde qui videntur apta esse rudimenta ad humilitatem

Colos. 2. d. 20

Mat. 5. a. 1

Matth. 15. a. 3.

Galat. 4. b. 9

Colos. 2. d. 13

quòd hominum mentes iugo suo depressas humi detinent, hinc alteram habent commedationem. Postremò quia videntur eò spectare vt carnis delicias cohibeant, & ab continentia rigore illam subigant, ideo videntur prudenter excogitatæ. Quid autem ad hæc Paulus? num larvas illas excutit, ne falso prætextu simplices deludantur? Quoniam hoc satis ad refellendum esse censuerat, quòd dixerat esse hominum commenta, hæc omnia, tanquam pro nihilo habeat, sine refutatione præterit. Imò quia nouerat in Ecclesia omnes comensitios cultus esse damnatos, & eo magis suspectos esse fidelibus quo humanum ingenium magis oblectant: quia nouerat falsam illam externæ humilitatis imaginem à vera humilitate tantum distare vt facillè discerneretur: quia denique nouerat illam pædagogiam nò pluris æstimari quàm corporis exercitationem: ea ipsa pro humanarum traditionum refutatione voluit esse fidelibus, quorum gratia illæ apud imperitos commendabantur.

- 12 Sic hodie ceremoniarum spectaculo non modò vulgus indoctum, sed vt quisque mundana prudètia maximè inflatus est, mirificè capitur. Hypocritæ verò & fatuæ mulierculæ nihil nec speciosius nec melius cogitari posse existimant. At qui penitus discutiunt & verius expendunt secundum pietatis regulam quid tot ac tales ceremoniæ valeant, intelligunt primum nugas esse, quòd nihil utilitatis habeant: deinde præstigias, quòd spectantium oculos inani pòpa deludunt. De iis ceremoniis loquor quibus subesse magna mylteria volunt Romanenses magistri: nos nihil quàm mera ludibria experimur. Nec mirum est, earum authores eo delapsos esse vt friuolis ineptiis & se & alios luderent: quia partim ex Gètium deliriis exemplar sibi sumpserunt, partim simiarum more temere imitati sunt veteres Mosàicæ Legis ritus, qui nihilo magis ad nos pertinebant quàm pecudum victimæ, & reliqua his similia. Sanè etiam si nullum aliud sit argumentum, tamen ex farragine tam male confuta nemo sanus aliquid boni sperabit. Et res ipsa palam demonstrat, plurimas ceremonias non alium habere vsum nisi vt populum obstupefaciant magis quàm doceant. Sic & in nouitiis istis Canonibus, qui disciplinam inuertunt magis quàm conseruant, multum momèti reponunt hypocritæ. si quis introspiciat melius, reperiet nihil esse præter umbratile & euanidum disciplinæ spectrum.

- 13 Iam verò (vt ad alterum veniam) quis non videt traditiones, alias aliis coaceruando, in tantum numerum excreuisse vt Christianæ Ecclesiæ nullo modo sint tolerabiles: Hinc factum est vt in ceremoniis appareat Iudaismus nescio quis, aliæ obseruationes grauem piis animis carnificinam afferant. Conquerabatur Augustinus quòd suo tempore, neglectis Dei præceptis, tam multis præsumptionibus plena essent omnia, vt grauius corriperetur qui per octauas suas terram nudo pedetegerat quàm qui mentem vinolentia sepelierat. Conquerabatur, Ecclesiam, quam Dei misericordia liberam esse voluit, sic premi vt tolerabilior fuerit Iudæorum conditio. Si in seculum nostrum incidisset sanctus ille vir, quibus querelis deplorasset eam quæ nunc est, seruitutem? Nam & numerus est decuplo maior, & singuli apices centuplo rigidius quàm tunc, exiguntur. Ita fieri solet: vbi semel peruersi isti legislatores imperium occuparunt, nullum finem iubendi & vetandi faciunt, donec ad extremum morositatis perueniant. Quod Paulus etiam eleganter indicauit his verbis, Si mortui estis mundo, quid quasi viuentes decretis tenemini? Ne manducâris, ne gustaueris, ne attrectâris. Nam quum verbum *ἀνιέσθαι* & manducare & tangere significet, in priore significato hic proculdubio accipitur, ne superuacua sit repetitio. Hic ergo pseudoapostolorum progressus pulcherrimè describit. Initium à superstitione est, quòd non tantum edere vetat, sed etiam tenuiter esitare. vbi hoc obtinuerunt, iam gustare etiam prohibent. Postquam hoc quoque illis concessum est, ne digito quidem contrectare fas esse ducunt.

- 14 Hanc tyrannidem in humanis constitutionibus meritò hodie reprehendimus, quia factum est vt innumeris edictis & immodica eorum exactioe miseræ conscientia mirabiliter torqueatur. De Canonibus ad disciplinam pertinētibus, alibi dictum est. De ceremoniis quid dicam, quibus hoc perfectum est vt semisepulto Christo ad Iudaicas figuras redierimus: Dominus noster Christus, inquit Augustinus, Sacramētis numero paucissimis, significatione præstantissimis, obseruatione facillimis, noui populi societatem colligauit. Ab hac simplicitate quantum absit rituum multitudo & varietas quibus hodie implicari Ecclesiam cernimus, satis enarrari non potest. Scio quo artificio nonnulli acuti homines hanc peruersitatem excusent: Aiunt inter nos esse plurimos peræque rudes atque fuerunt in populo Israelitico: Illorum causa institutam esse eiusmodi pædagogiam, qua tametsi firmiores carere possunt, negligere tamen eam non debent, quum videant infirmis fratribus esse utilem. Respondeo, nos non nescire quid fratrum infirmitati debeatur: sed ex aduerso excipimus, non esse hanc rationem qua consulatur infirmis, vt magnis ceremoniarum a-

ceruis obruantur. Non frustra hoc discrimen posuit Deus inter nos & veterem populum, quòd illum voluit pueriliter erudire signis & figuris, nos simplicius, sine tanto exercitio apparatus. Quemadmodum, inquit Paulus, puer à pedagogo pro ætatis captu regitur, & sub custodia continetur: ita sub Lege custodiebantur Iudæi. Nos autem adultis similes sumus, qui à tutela & curatione liberati, puerilibus rudimentis opus non habent. Dominus certè quale futurum esset in Ecclesia sua vulgus prouidebat, & qualiter regendum foret. Hoc tamen quo dictum est modo inter nos & Iudæos discreuit. Stulta igitur ratio est si volumus imperitis cōsulere, Iudaismum à Christo abrogatū erigendo. Hanc quoque dissimilitudinem veteris & noui populi notauit Christus suis verbis, quū diceret mulieri Samaritanæ, venisse tēpus quo veri cultores adoraret Deum in spiritu & veritate. Hoc profecto semper factū fuerat, sed in hoc differunt noui cultores à veteribus, quòd sub Mose spiritualis Dei adoratio multis ceremoniis adumbrata & quodāmodo implicita erat, quibus abolitis nūc simplicius adoratur. Proinde qui hanc dissimilitudinem confundunt, ordinem evertunt à Christo institutum & sancitū. Ergone (inquires) nihil ceremoniarum rudioribus dabitur ad iuuandam eorum imperitiā? Id ego non dico. omnino enim vtile illis esse sentio hoc genus adminiculi. Tantū hīc contendo vt is modus adhibeatur qui Christum illustret, nō obscurat. Ceremoniæ ideo nobis diuinitus pauca datæ sunt, & minimè laboriosæ, quo præsentem Christum demonstrent. Iudæis plures datæ sunt, quòd essent absētis imagines. Absentem autē fuisse dico, non virtute, sed significandi modo. Proinde modus vt retineatur, illam in numero paucitatē, in obseruatione facilitatem, in significatione dignitatem quæ etiam claritate constat, retinere necesse est. Id non esse factum quid attinet dicere: res enim est in omnium oculis.

15 Hīc prætereo quā perniciosis opinionibus imbuantur hominum mentes, sacrificia esse quibus ritè litetur Deo, quibus expientur peccata, quibus iustitia & salus comparetur. Negabunt extraneis eiusmodi erroribus vitiari res bonas: quū in operibus quoque à Deo præceptis hac parte non minus peccari queat. Hoc tamē plus indignitatis habet, operibus temerè humano arbitrio confectis tantum honoris tribui vt meritoria vitæ æternæ credantur. Ideo enim opera à Deo mandata remunerationem habent, quòd Legislatores ipse obedientiæ respectu ea accepta habet. Non igitur à propria dignitate proprioque merito pretium accipiunt: sed quòd Deus obedientiam erga se nostram tanti æstimat. De ea operum perfectione hīc loquor quæ à Deo mandatur, non ab hominibus præstatur. Ideo enim nec opera Legis quæ facimus, nisi ex gratuita Dei benignitate, gratiam habent, quia in ipsis infirma & mutila obediētia est. Sed quia hīc non disputatur quid opera sine Christo valeant, quæstionē illam omittamus. Quod præsentis argumēti proprium est iterum repeto, quicquid in se commendationis habent opera, habere obediētiæ intuitu, quā solam Deus respicit, vt testatur per Prophetā, Non præcepi de sacrificiis & victimis: sed tantū vt audiēdo audiatis vocem meam. De fœtitiis autem operibus alibi loquitur, Appenditis argentū vestrum, & non in panibus. Item, Frustra me colunt præceptis hominum. Hoc itaque nullo modo excusabunt, quòd patiuntur miserā plebem in externis illis nugis iustitiam, quā Deo opponant, & qua se ante cæleste tribunal sustineant, quærere. Præterea annon hoc dignum insectatione vitium est, quòd non intellectas ceremonias, velut histrionicam scenā aut magicam incantationem, ostendant? Certum enim est ceremonias omnes corruptas esse & noxias, nisi per eas homines ad Christū dirigantur. Quæ autem in vsu sunt ceremoniæ sub Papatu, à doctrina separantur, vt homines in signis omni significatione carentibus retineant. Postremò (vt ingeniosus artifex est venter) apparet multas ab auaris sacrificulis inuentas esse, vt essent captandæ pecuniæ aucupia. Quamcunque autem habeant originē, sic omnes sunt ad fœdum quæstum prostitutæ vt bonam partem rescindere necesse sit si efficere volumus quominus profana & sacrilega nundinatio in Ecclesia exerceatur.

16 Tametsi videor non perpetuam doctrinam de humanis cōstitutionibus tradere, quòd ætati nostræ prorsus accommodata est hæc oratio: nihil tamen dictum est quod non sit omnibus seculis futurum vtile. Nam quoties obrepit hæc superstitio vt Deum suis figmentis colere homines velint, quæcunque in eum finem feruntur leges, statim ad crassos istos abusus degenerant. Hanc enim maledictionem non vni aut alteri ætati, sed omnibus seculis minatur Deus, quòd cecitate & stupore percutiet eos à quibus colitur doctrinis hominum. Hæc execratio perpetuò facit vt nullum absurditatis genus fugiant qui contemptis tot Dei monitis, sponte se in exitiales istos laqueos induunt. Quòd si remotis circūstantiis, simpliciter habere libet quæ sint omnium temporū humanæ traditiones, quas ab Ecclesia repudiari & à piis omnibus improbari cōuenit: erit illa, quā superius posuimus, certa & cla-

Galat. 4. a. 1

Iohan. 4. c. 23

Iere. 7. c. 22

Iesa. 55. a. 1, &
29. a. 13
matth. 15. a. 9

Iesa. 29. d. 13

ra definitio, Esse omnes leges sine Dei verbo in hunc finē ab hominibus positas ut vel modum colendi Dei præscribant, vel conscientias religione obstringāt, quasi de rebus præcipiant ad salutem necessariis. Si ad alterum vel ad vtrunque istorum accedunt alia vitia, quod sua multitudine Euangelii claritatē obscurēt: quod nihil ædificent, sed inutiles sint ac luforiæ occupationes potius quàm vera pietatis exercitia: quod sint ad sordes ac turpē quæstum expositæ: quod sint obseruatu nimium difficiles: quod sint malis superstitionibus inquinatæ: hæc erunt adiumenta ut facilius deprehendamus quantum sit in ipsis mali.

17 Audio quid ipsi pro se respondeant, suas traditiones non à se sed à Deo esse. Ecclesiam enim, ne errare possit, à Spiritu sancto regi: eius verò autoritatē penes se residere. Hoc impetrato, simul conficitur, eorum traditiones Spiritus sancti esse reuelationes, quæ nisi impiè ac contempto Deo contemni nequeant. Et nequid tentasse sine magnis authoribus videantur, bonam suarum obseruationum partem fluxisse ab Apostolis credi volūt. & satis vno exemplo ostendi contendunt quid in aliis fecerint Apostoli: quando in vnum Concilium coacti, ex Concilii sententia Gentibus omnibus denuntiarunt ut se ab idolothytis, sanguine & suffocato abstinerent. Iam alibi exposuimus quàm falsò ad se venditandos emētiantur Ecclesiæ titulum. Quantum interest præsentis causæ, si detractis laruis ac fucis omnibus, id verè quod nobis curæ in primis esse debet, ac nostra etiam potissimum refert, intuemur, qualem scilicet Ecclesiam habere velit Christus, ut ad ipsius regulā nos formemus ac comparemus: faciliè nobis constabit, Ecclesiam non esse quæ præteritis verbi Dei finibus, ferendis nouis legibus lasciuit ac luxuriat. Annon enim illa semel Ecclesiæ dicta lex æterna manet? Quod præcipio tibi, hoc obseruabis ut facias: non addes quicquam nec detrahes. Et alibi, Non addas ad verbum Domini, neque minuas ex eo: ne te fortè arguat, inueniarisque mendax. Id quum Ecclesiæ dictum negare non possint, quid aliud quàm ipsius contumaciā prædicant, quam post talia interdicta addere nihilominus & admiscere de suo doctrinæ Dei ausam fuisse iactant? Absit autem ut eorum mendaciis assentiamur, quibus tantam Ecclesiæ contumeliā irrogant: sed falsò Ecclesiæ nomen prætendi intelligamus, quoties de ista humanæ temeritatis libidine agitur quæ sese intra Dei præscripta continere non potest quin procaciter exulteret, ac in suas inuentiones excurrat. Nihil in verbis istis inuolutum, nihil obscurū, nihil ambiguum: quibus addere verbo Dei aut detrachere quicquam vetatur Ecclesia vniuersa, quum de Domini cultu & salutaribus præceptis agitur. Verum de Lege sola id dictum fuit, quam subsequutæ sunt Prophetiæ & tota Euangelii administratio. Fateor certè: & simul addo, quæ Legis complementa sunt potius quàm vel additamēta, vel defectiones. Quod si verò Dominus ministerio Moysi plurimis inuolucris, ut ita dicam, obscuro, nihil tamen addi nec detrahi sustinet, donec per seruos suos Prophetas, ac tandem per dilectum Filium clariorem doctrinam administret: cur non multo nobis seuerius vetitum arbitremur nequid Legi, Prophetis, Psalmis, Euangelio addamus? Non à semetipso degenerauit Dominus, qui nulla re tantopere se offendi iam pridem declarauit quàm dū humanis inuentionibus colitur. Vnde illæ apud Prophetas præclaræ voces, quæ auribus nostris continenter insonare debuerant, Non sum loquutus Patribus vestris, quo die eduxi eos ex Aegypto, verba de sacrificio & holocausto. Sed hoc verbum præcepi eis dicens, Audiendo audite vocē meam: & ero vobis Deus, & eritis mihi populus, & ambulabitis in omni via quam mādauero vobis. Item, Contestando contestatus sum Patres vestros, Audite vocem meam. Aliæque eiusdem generis: sed hæc præ aliis insignis, Nunquid vult Dominus holocausta & victimas, & non potius ut obediatur voci suæ? Melior enim est obedientia quàm victimæ, & auscultare magis quàm offerre adipem arietum. Quoniam quasi peccatum ariolandi, repugnare: & quasi idololatriæ iniquitas, nō acquiescere. Quicquid igitur humanarum inuentionum hac in parte Ecclesiæ autoritate defenditur, quum ab impietatis crimine excusari nequeat, falsò Ecclesiæ id imputari, arguere promptum est.

18 Hac ratione in istam humanarum traditionum tyrannidem, quæ sub Ecclesiæ titulo superciliosè nobis ingeritur, liberè inuehimur. Neque enim (quod nostri aduersarii ad faciendam nobis inuidiam iniquè mentiuntur) Ecclesiam ludibrio habemus: sed obedientiæ laudem qua maiorem nullam agnoscit, illi tribuimus. Ipsi potius vehementer sunt Ecclesiæ iniurii, qui aduersus Dominum suum contumacem illam faciunt, dum vltra progressam fingunt quàm per verbum Dei licuerit. ut taceam insignem esse impudentiam cum pari malitia coniunctam, assidue de Ecclesiæ potestate vociferari: interim & quid illi à Domino mādatum sit, & quam Domini mandato obedientiam debeat, dissimulare. At si nobis, ut par est, animus fuerit cum Ecclesia consentire, hoc magis ad rem pertinet, spec-

etare ac meminisse quid nobis ac Ecclesiae à Domino præcipiatur, ut illi vno consensu obediamus. Non enim dubium est quin cum Ecclesia optimè consensuri simus si nos Domino per omnia obedientes præstemus. Iam verò referre ad Apostolos traditionum originem quibus hæcenus oppressa est Ecclesia, meræ fuit imposturæ: quando tota in hoc incumbit Apostolorum doctrina ne nouis obseruationibus oneretur conscientia, aut Dei cultus nostris inuentionibus contaminetur. Deinde si qua historiis vetustisque monumentis inest fides, Apostolis non ignotum modò, sed inauditum fuit quod illis tribuunt. Nec garriant, pleraque eorum placita vsu & moribus recepta fuisse quæ scriptis tradita non fuerunt. Illa scilicet quæ Christo adhuc viuente intelligere non poterat: post eius autem ascensum Spiritus sancti reuelatione didicerint. De eius loci interpretatione alibi visum est. Quod ad præsentem causam satis est, ridiculos profectò se faciunt, dum ingentia illa mysteria, quæ tanto tempore Apostolis incomperta fuerint, partim obseruationes esse fingunt aut Iudaicas aut Gentiles (quarum illæ inter Iudæos, hæc verò apud Gentes omnes promulgatæ multo antè fuerant) partim ineptas gestulationes & inanes ceremoniolas, quas insulsi sacrificuli, qui nec nare sciunt, nec literas, perquam rite peragunt: modo quas pueri & moriones adeò appositè effingunt ut videri possit nullos esse magis idoneos talium sacrarum antistites. Si nullæ essent huiusmodi, ex re tamen ipsa æstimarent sani homines, non subito erupisse in Ecclesiam tantam rituum & obseruationum congeriem, sed sensim obiepsisse. Nam quum sanctiores illi Episcopi, qui Apostolis ætate proximi fuerunt, nonnulla instituissent quæ ad ordinem ac disciplinam pertinebant: subiequuti postea sunt homines, alii post alios, neque satis considerati & nimis curiosi ac cupidi: quorum ut quisque posterior erat, ita stulta æmulatione cum suis decessoribus certauit ne rerum nouarum inuentione cederet. Et quia periculum erat ne breui obsolescerent sua inuenta, ex quibus laudè ad posteros affectabant, in exigenda eorum obseruatione erant multo rigidiores. Hæc κακὴ ἡλία bonam istorum rituum partem nobis peperit quos isti pro Apostolicis nobis venditant. Atque id quoque historia testatur.

- 19 Ne omnium catalogum texendo simus nimium prolixi, vno exemplo contenti erimus. In Coena Domini administranda fuit sub Apostolis magna simplicitas. Proximi successores ad ornandam mysterii dignitatem aliquid addiderunt quod non esset improbandum. Sed postea superucenerunt stulti illi imitatores, qui varia frustula subinde cōsuendo, hunc quem in Missa videmus sacerdotis vestitum, hæc altaris ornamenta, has gestulationes & totam rerum inutilium supellectilem nobis composuerunt. Atqui obiiciunt fuisse hanc olim persuasionem, quæ in Ecclesia vniuersa vno consensu fierent, ab ipsis Apostolis proditisse. Cuius rei Augustinum citant testem. Ego verò non aliudè quàm ex ipsius Augustini verbis solutionem afferam. Quæ toto (inquit) terrarum orbe seruantur, vel ab ipsis Apostolis, vel Cōciliis generalibus, quorum est saluberrima in Ecclesia autoritas, statuta esse intelligere licet: sicuti quod Domini passio, & resurrectio, & in caelum ascensus, & aduentus Spiritus sancti, anniuersaria solennitate celebrantur. Et siquid aliud tale occurrerit quod seruetur ab vniuersa, quacunque se diffundit, Ecclesia. Quum tam pauca enumeret exempla, quis non videat eum ad authores fide & reuerentia dignos referre voluisse vsitatas tunc obseruationes, nonnisi simplices illas & raras & sobrias quibus Ecclesiae ordinem cōtineri utile est? Quantum autem hoc ab eo distat quod Romanenses magistri extorquere volunt, ut nulla sit apud eos ceremoniola quæ non pro Apostolica censeatur?

- 20 Ne longior sim, vnum tantum exemplum proferam. Siquis eos interroget unde aquam suam lustralem habeat, protinus respondent, Ab Apostolis. Quasi non hanc inuentionem nescio cui Romano Episcopo tribuant historia, qui si Apostolos adhibuisset in cōsiliū, nunquam profectò contaminasset Baptismum alieno & intempestiuo symbolo. Etsi nec mihi verisimile est, tam vetustam esse eius consecrationis originem quàm illic scribitur. Quod enim dicit Augustinus quasdam suo tempore Ecclesias solennem Christi imitationem in lotionem pedum refugisse, ne ad Baptismum ritus ille pertinere videretur, subindicat nullum fuisse lotionis genus quod cum Baptismo vllam haberet similitudinem. Quicquid sit, hoc à spiritu Apostolico profectum fuisse minimè concedam, ut dum quotidiano signo Baptismus in memoriam reducitur, quodammodo repetatur. Nec moror quod alibi ipse idem Augustinus alia quoque Apostolis adscribit. Nam quum nihil præter coniecturas habeat, non debet ab ipsis de re tanta iudicium fieri. Postremò, ut etiam demus, illa quæ commemorat ab ætate Apostolorum fluxisse, multum tamen interest instituere aliquod pietatis exercitium quo libera conscientia vtantur fideles: si autem non erit illis utilis vsus, abstinèat: an legem feras quæ conscientias seruitute illaqueet. Nunc verò à quocunque authore emanarint, postquam videmus in tantum abusum prolapsas esse, nihil obstat quominus

Epist. 118.

Epist. 118. ad
Ianuar.

sine vlla eius contumelia abrogemus: quando nunquam ita sunt commendatæ vt perpetuò immobiles esse oporteat.

21 Nec magnopere eos iuuat quòd ad excusandam suam tyrannidem prætexunt Apostolorum exemplum. Apostoli, inquit, & Seniores primæ Ecclesiæ decretum præter Christi mandatum sanxerunt, quo præcipiebant Gentibus omnibus, se abstinere ab idolothytis, suffocato, & sanguine. Id si illis licuit, cur non & successoribus, quoties ita res postulat, idem imitari liceat? Vtinam verò cum semper aliàs, tum in hac re eos imitarentur. Nam (quod valida ratione confirmare promptum est) Apostolos nouum illic quicquam instituisse aut decreuisse nego. Siquidem quum in eo concilio Petrus tentari Deum pronuntiet si iugum imponitur ceruicibus discipulorum, suam ipse sententiam subuertit, si iugum postea ali-quod consentit imponi. Imponitur autem, si sua autoritate decernant Apostoli, prohibendum Gentibus ne idolothyta, sanguinè & suffocatum attingant. Manet quidè adhuc scrupulus, quòd nihilo minus videantur prohibere: Atqui facile dissoluetur si quis propius decreti ipsius sensum animaduertat: cuius primum ordine, & momento præcipuum caput est, relinquendam esse Gentibus suam libertatem, nec illis obturbandum esse, aut de Legis obseruationibus exhibendam molestiam. Hactenus nobis egregiè patrocinitur. Quæ autem proximè sequitur exceptio, nec noua lex est ab Apostolis lata, sed diuinum æternumque Dei mandatum de non violanda charitate. nec punctum ex illa libertate delibat: sed Gentes duntaxat admonet qua ratione sese fratribus ac temperent, ne sua libertate in eorum offensionem abutantur. Sit hoc igitur secundum caput, vt innoxia libertate vtantur Gentes, ac citra fratrum offensionem. At certum tamen aliquid præscribunt: nempe quatenus pro tempore expediebat, docent ac designant quibus rebus in fratrum offensionem possint incurrere, quo ab illis caueant: nihil tamen nouum ad æternam Dei Legem, quæ fratrum offensionem prohibet, de suo afferunt.

Act. 15. d. 20

22 Quemadmodum siqui Ecclesiis nondū bene constitutis præ sunt fideles pastores, omnibus suis edicant ne, donec imbecilles quibuscū viuunt, adolescant, palam die veneris car-nibus vescantur, aut feriis in publico laborent, aut simile quidpiam. Hæc enim tametsi, seposita superstitione, indifferentia per se sint: vbi tamè accedit fratrum offensio, sine delicto admitti nequeunt. Sic autem sunt tempora, vt spectaculum hoc infirmis fratribus proponere non possint fideles quin eorum conscientias grauissimè vulnerent. Quis, nisi calumniator, sic nouam ferri ab iis legem dicat, quos constat duntaxat scandalis occurrere, quæ sunt à Domino satis disertè prohibita? Nihilo autem magis & de Apostolis dici potest, quibus nihil aliud propositum erat, offensionum materiam tollendo, quàm diuinam vrgere Legem de vitanda offensione. ac si dixissent, Præceptum Domini est ne fratrem infirmum lædatis. quæ idolis oblata sunt, suffocatum, & sanguinem manducare non potestis quin offendantur infirmi fratres. Edicimus igitur vobis in verbo Domini, ne cum scandalo manducetis. Idque ipsum spectasse Apostolos, Paulus optimus est testis, qui certè non nisi ex Concilii sententia sic scribit, De escis quæ idolis immolantur, scimus quia simulachrum nihil est. Quidam autem cum conscientia idoli, quasi idolis immolatum, manducant: & conscientia eorum infirma quum sit, polluitur. Videte ne facultas vestra offendiculum fiat infirmis. Cui isthæc probè perpensa fuerint, ei posthæc fucus non fiet, qualem faciunt qui suæ tyrannidi Apostolos prætexunt, ac si Ecclesiæ libertatem suo decreto infringere cœpissent. Verum, vt effugere nequeant quin sua etiam confessione solutionem hanc approbent, respondeant mihi quo iure illud ipsum decretū ausi sint abrogare. Nempe quia ab illis offensionibus ac dissidiis, quibus occurrere voluerant Apostoli, nihil amplius periculi erat: legem verò à suo fine æstimandam nouerāt. Quum igitur lex ista respectu charitatis lata sit, in ea nihil præscribitur nisi quantum charitatis interest. Quum fatentur nihil aliud esse legis huius transgressionem quàm violationem charitatis, nonne simul agnoscunt non cō-mētitiū aliquod esse additamentum ad Legem Dei, sed germanā simplicemque accommodationem ad tempora & mores quibus destinabatur?

1. Cor. 8. a. i

23 At verò vt iniquæ centies sint nobis & iniuriæ eiusmodi leges, esse tamen sine exceptione audiendas contendunt. non enim hic agi, vt erroribus consentiamus: sed tantum vt dura præfectorum imperia subditi perferamus, quæ detrectare non est nostrum. Verum hic quoque optimè verbi sui veritate occurrit Dominus, nōsque à tali seruitute in libertatem vindicat quam sacro suo sanguine nobis acquisiuit: cuius beneficium verbo suo non semel obsignauit. Non enim (quod malitiōse fingunt) id solum agitur vt grauē aliquam oppressionē in corpore nostro perferamus, sed vt cōscientiæ libertate sua, hoc est sanguinis Christi beneficio spoliata, seruiliter crucientur. Quanquam istud etiam, ac si parum ad rem fa-

- ceret,omittamus. At quanti putamus referre, suū Domino regnū eripi, quod tanta seueritate sibi afferit? Eripitur autem quoties humanarū inuentionū legibus colitur: quū solus ipse cultus sui velit haberi legislator. Ac ne rem esse nihili quis existimet, audiamus quāti reputetur à Domino. Quoniam, inquit, timuit me populus iste mādato & doctrinis hominum, ecce ego stupefaciā eum miraculo grandi & stupēdo. peribit enim sapiētia à sapientibus eius, & intelligentia à senioribus recedet. Alibi, Frustra me colunt, docentes doctrinas, præcepta hominū. Et sanē quod se filii Israel pluribus idololatriis inquinārūt, totius mali causa adscribitur impuræ huic mixturæ, quod transgressi Dei mādata, cultus novos fabricarint.
- Iesā. 29. d. 13. Idcōque refert Sacra historia nouos aduenas qui ad incolendā Samariam traducti fuerāt à Rege Babylonio, fuisse discerptos & cōsumptos à feris bestiis, eo quod nescirent iudicia vel statuta Dei terræ illius. Quauis in ceremoniis nihil peccassent, non tamen probata fuisset Deo inanis pompa: sed interim cultus sui violationem, quod homines aliena à verbo suo cōmenta ingererent, vlciſci non destitit. Vnde postea dicitur, pœna illa terribilis, ritus in Legge præscriptos suscepisse: sed quia nondum purē colebant verum Deum, bis repetitur, timuisse ipsum & non timuisse. Vnde colligimus, partem reuerentiæ quæ illi deferitur, in eo esse positā dum in illo colēdo simpliciter quod mādāt, nullas nostras inuentiones miscendo sequimur. Atque ideo sapius laudātur pii Reges, quod fecerint secundum omnia præcepta, nec declinauerint vel ad dexteram vel ad sinistrā. Vltrā progredior, etiam si in com mentitio aliquo cultu palām non apparet impietas: seuerē tamē à Spiritu dānatur, ex quo à Dei præcepto discessum est. Altare Achaz, cuius exemplar ē Samaria illatum erat, videri potuit augere templi ornatum, quum eius consiliū esset soli Deo illic sacrificia offerre, quod splendidius facturus erat quā in primo & vetusto altari. videmus tamē vt Spiritus audaciam illam detestetur non alia de causa nisi quod hominum inuēta in Dei cultu impura sunt corruptelæ. Et quo nobis clarius patefacta est Dei voluntas, minus excusabilis quicquā tentandi proteruita. Ac proinde meritō aggrauatur hac circumstantia crimen
1. Reg. 22. a. 1, & alibi. 1. Reg. 16. b. 10 2. Reg. 21. a. 3
- 24 Mirantur plerique cur adeo acriter interminetur Dominus se facturum stupenda populo à quo mandatis hominum colebatur, & se frustra coli pronuntiet hominum præceptis. At si spectarent quid sit in religionis (hoc est cælestis sapiētiæ causa) ab vno Dei ore pendere, simul viderent non leuem esse rationem cur peruersa huiusmodi obsequia sic abominetur Dominus, quæ pro humani ingenii libidine sibi præstantur. Nam tametsi speciem habent quandam humilitatis in sua hac obedientia, qui eiusmodi legibus in Dei cultum parent: minimē tamen sunt coram Deo humiles, cui easdē præscribunt leges quas ipsi seruant. Hæc verò ratio est cur nos tam diligenter cauere vult Paulus ne decipiamur per traditiones hominum, & illam quam vocat ἐξελουθριστικὴν, id est voluntarium cultum, & præter Dei doctrinam ab hominibus excogitatū. Sic est profectio: stultescere & nostrā nobis ipsis & omnium hominum sapientiam oportet quo solum illum sapere permittamus. Quāuiam minimē tenēt qui confictis hominū arbitrio obseruariunculis, illi se approbare meditantur & quasi inuito præuaricatricem erga eum obedientiam, quæ hominibus defer tur, obtrudūt. Qualiter & aliquot antè seculis & nostra memoria factum est, & sit hodie quo que in iis locis in quibus creaturæ pluris est quā Creatoris imperium: vbi religio (si tamē religio vocari ea meretur) pluribus magisque insulsis superstitionibus, conspurcata est quā vlla vnquam paganitas. Quid enim posset parere hominum sensus quā carnalia fatuāque omnia, & quæ suos authores verē referant?
- 25 Quod etiam obtendunt superstitionum patroni, Samuēlē sacrificasse in Ramatha, & quauis præter Legem id fieret, placuisse tamen Deo: facilis solutio est, non fuisse secundū aliquod altare quod vnico opponeret: sed quia nondum arcæ fœderis destinatus erat locus, oppidum vbi habitabat sacrificiis destinasse tanquam maximē commodum. Certē animus sancti Prophetæ non fuit quicquam nouare in sacris, vbi Deus tam arētē vetabat addi vel minui. Quod ad exemplum Menoha spectat, extraordinarium & singulare fuisse dico. Obtulit ille Deo sacrificium homo priuatus, nec sine Dei approbatione: nempe quia non temerario animi sui motu, sed cælesti instinctu hoc suscepit. Quantopere autem abominetur Deus quæ mortales ex seipsis excogitant ad eum colendum, alter non inferior
- Iudic. 13. d. 19 Iudic. 3. f. 27
- 26 Gedeoni insigni documento est, cuius ephod non modò ei & familiæ, sed toti populo cessit in ruinam. Denique aduentitia quælibet inuentio, qua Deum homines colere appetūt, nihil aliud est quā veræ sanctimonix pollutio.
- Matth. 23. a. 3, & 16. a. 6
- Cur igitur, inquiunt, ferri voluit Christus onera illa importabilia quæ alligabāt Scribæ & Pharisei: Imò cur alibi idem Christus caueri voluit à fermento Phariseorū? fermentum

tum (interprete Matthæo Euangelista) appellās quicquid propriæ doctrinæ verbi Dei puritati admiscerēt. Quid apertius volumus, quàm quòd totam eorum doctrinam iubeamus fugere & cauere? Vnde nobis certissimum fit, neque altero loco Dominum voluisse suorum conscientias propriis Phariseorum traditionibus vexari. Et verba ipsa, si modò non torqueantur, nihil tale sonant. Illic siquidem Dominus acerbè in Phariseorum mores inuehi instituens, simpliciter suos auditores antè erudiebat, vt quanquam nihil in illorum vita cernerent quod sequerentur, non tamen ea facere desinerent quæ verbo docebant, quum in cathedra Moysi (hoc est, ad enarrandam Legem) sederent. Non ergo aliud voluit quàm præcauere ne malis docentium exemplis plebs ad cōtemptum doctrinæ induceretur. Verum quia nōnulli rationibus minimè permouentur, auctoritatem semper requirunt, subiiciam Augustini verba, quibus idem prorsus dicitur, Habet ouile Domini præpositos partim fidos, partim mercenarios. Præpositi qui fidi sunt, veri Pastores. audite tamen, quòd & mercenarii necessarii sunt. Multi quippe in Ecclesia, commodà terrena sectātes, Christum prædicant, & per eos vox Christi auditur: & sequuntur oues non mercenarium, sed Pastore per mercenarium. Audite mercenarios ab ipso Domino demonstratos. Scribæ, inquit, & Pharisei cathedram Moysi insident. quæ dicunt, facite: quæ autem faciunt, facere nolite. Quid aliud dixit, nisi per mercenarios vocem Pastoris audite? Sedendo enim in cathedra, Legē Dei docent, ergo per illos Deus docet. sua verò si illi docere velint, nolite audire, nolite facere. Hæc Augustinus.

Aug. in Io-
han tract. 46

27 Quando verò imperiti plerique, dum humanis traditionibus impiè ligari hominum conscientias, & frustra Deum coli audiunt, eadem litura leges omnes inducunt quibus Ecclesiæ ordo constituitur: illorum quoque errori commodum hic occurrèdum est. Falli hîc sanè perquam est lubricum: quia non prima statim facie apparet quātum inter illas & has interlit. Sed ego ita dilucidè rem totā paucis expediam, necui imponat similitudo. Hoc primum habeamus, si in omni hominum societate necessariam esse politiam al. quam videmus, quæ ad alendam communem pacem, & retinendam concordiam valeat: si in rebus agēdis vigere semper aliquem ritum, quem non respuit publicæ honestatis interest, atque adeò humanitatis ipsius: id in Ecclesiis præsertim obseruandum esse, quæ cum bene composita rerum omnium constitutione optimè sustinentur, tum verò sine concordia nullæ sunt prorsus. Quamobrem si Ecclesiæ incolumitati bene prospectum volumus, diligenter omnino curandum est quod Paulus iubet, vt decenter omnia & secundum ordinem fiant. 1. Co. 14. g 40 At quum in hominum moribus tanta insit diuersitas, tanta in animis varietas, tanta in iudiciis ingeniūque pugna: neque politia vlla satis firma est, nisi certis legibus constituta: nec sine istata quadam torma seruari ritus quispiam potest. Huc ergo quæ conducunt leges, tantum abest vt damnemus, vt his ablatis, dissolui suis nervis Ecclesias, totasque deformari ac dissipari contendamus. Neque enim haberi potest quod Paulus exigit, vt decenter omnia & ordine fiant: nisi additis obseruationibus, tanquam vinculis quibusdam, ordo ipse & decorum consistat. Id tantum semper in istis obseruationibus excipiendum est, ne aut ad salutē credantur necessaria, atque ita conscientias religione obstringant: aut ad Dei cultum conferantur, atque ita in illis reponatur pietas.

28 Habemus ergo optimam & fidelissimam notam quæ inter impias illas constitutiones distinguat (quibus veram obscurari religionem & conscientias subuerti dictum est) & legitimas Ecclesiæ obseruationes: si his meminerimus alterū semper ex duobus esse propositum, aut vtrunque simul, vt in sacro fidelium cœtu decenter peragantur omnia, & qua conuenit dignitate: vt ipsa hominum communitas velut quibusdam humanitatis & moderationis vinculis in ordine retineatur. Vbi enim semel publicæ honestatis causa posita lex intelligitur, iam sublata est superstitio, in quam incidunt qui humanis inuentis Dei cultū metiuntur. Rursum vbi ad communem vsum spectare cognoscitur, euerfa est falli illa obligationis & necessitatis opinio, quæ ingentem terrorem cōscientiis iniiciebat, quum putarētur traditiones ad salutem necessaria. Siquidē hîc nihil quæritur nisi vt cōmuni officio alatur inter nos charitas. Sed operæ pretiū est clarius adhuc definire quid sub illo decoro quod Paulus commendat, quid item sub ordine comprehēdatur. Ac decori quidem finis est, partim vt dum adhibentur ritus qui venerationem rebus sacris conciliēt, talibus adminiculis ad pietatem excitemur: partim etiam vt modestia & grauitas, quæ in omnibus honestis actionibus spectari debet, illic maximè eluceat. In ordine hoc primum est, vt qui præsunt, regulam ac legem bene regendi nouerint: plebs verò quæ regitur, ad obedientiam Dei rectamque disciplinā assuefiat. Deinde vt bene composito Ecclesiæ statu, paci & tranquillitati consulatur.

29

Decorum ergo non vocabimus in quo nihil præter inane oblectamentum inerit: quale exemplum videmus in illo theatrico apparatu quo vtuntur Papistæ in suis sacris: vbi nihil quàm inutilis elegantia larua, & luxu sine fructu apparet. Sed illud nobis decorum erit, quod ita erit ad sacrorum mysteriorum reuerentiam aptum vt sit idoneum ad pietatem exercitium: vel saltem quod ad ornatum faciet actioni congruentem: neque idipsum sine fructu: sed vt fideles admoneat quanta modestia, religione, obseruantia, sacra tractare debeant. Porro vt pietatis exercitia sint ceremoniæ, ad Christum recta nos deducant necesse est. Similiter ordinem non constituemus in illis nugatoriis pompis quæ nihil habet præter euanidum splendorem, sed in ea compositione quæ omnem confusionem, barbaricam, contumaciam, turbas omnes & dissidia tollat. Prioris generis exempla sunt apud Paulum, Vt ne profana symposia cum sacra Domini Cœna commisceantur: Ne mulieres in publicum nisi velata procedant: & alia plurima in quotidiano vsu habemus: quale est Quod flexis genibus nudoque capite oramus: Quod Domini Sacramenta non sordide, sed cum aliqua dignitate administramus: Quod in sepeliendis mortuis quandam honestatem adhibemus, & quæ alia eodẽ pertinent. In altero genere sunt horæ publicis precationibus, concionibus & mysticis actionibus destinata: in ipsis concionibus quies ac silentium, loca destinata, hymnorum concentus, dies celebrandæ Domini Cœnæ præfixi, quod Paulus vertat ne mulieres in Ecclesia doceant, & si qua sunt similia. In primis verò quæ disciplinam conferuant, vt catechesis, censura Ecclesiastica, excommunicatio, ieiunia, & quæ in eundẽ catalogum referri possunt. Ita omnes Ecclesiasticas constitutiones, quas pro sanctis & salutaribus recipimus, in duo capita referre licet: altera enim ad ritus & ceremonias, altera ad disciplinam & pacem respiciunt.

1. Cor. 11. d. 11,
& a. 5,

1. Cor. 14. g. 34

30

Sed quia hic periculum est ne ab vna parte pseudoepiscopi prætextum inde capient ad impias suas & tyrannicas leges excusandas, ab altera sint quidam nimis meticulosi, qui superioribus malis admoniti, nullum quamlibet sanctis legibus locum relinquunt: hic testari operæpretium est, eas demum humanas constitutiones me probare quæ & Dei auctoritate fundata, & ex Scriptura desumpta, adeoque prorsus diuinæ sint. Exemplum sit in geniculatione quæ fit dum solennes habentur precationes. Quæritur sitne humana traditio, quam repudiare vel negligere cuius liceat. Dico sic esse humanam vt simul sit diuina. Dei est quatenus pars est decori illius cuius cura & obseruatio nobis per Apostolum commendatur: hominum autem, quatenus specialiter designat quod in genere fuerat indicatum magis quàm expositum. Ab hoc vno exemplo æstimare licet quid de toto hoc genere sit sentiendum: nempe quia Dominus & totam veram iustitiæ summam, & omnes cultus numinis sui partes, & quicquid ad salutem necessarium erat, sacris suis oraculis tum fideliter complexus est, tum perspicue enarrauit: in his solus Magister est audiendus. Quia autem in externa disciplina & ceremoniis nõ voluit sigillatim præscribere quid sequi debeamus (quod istud pendere à temporum conditione prouideret, neque iudicaret vnâ seculis omnibus formam conuenire) confugere hic oportet ad generales quas dedit regulas, vt ad eas exigantur quæcunque ad ordinem & decorum præcipi necessitas Ecclesiæ postulabit. Postremo quia ideo nihil expressum tradidit quia nec ad salutem hæc necessaria sunt, & pro moribus vniuscuiusque gentis ac seculi variè accommodari debent ad Ecclesiæ ædificationem: prout Ecclesiæ vtilitas requireret, tam vsitatas mutare & abrogare quàm nouas instituere conueniet. Fateor equidem, non temerè, nec subinde, nec leuibus de causis ad nouationem esse decurrendum. Sed quid noceat vel ædificet, charitas optimè iudicabit: quam si moderatricem esse patiemur, salua erunt omnia.

1. Cor. 14. g. 40

31

Iam verò Christiani populi officium est, quæ secundum hunc canonem fuerint instituta, libera quidem conscientia, nullaque superstitione, pia tamen & facili ad obsequendum propensione seruare, non contemptum habere, non supina negligentia præterire: tantum abest vt per fastum & contumaciam violare aperte debeat. Qualis (inquies) in tanta obseruantia & cautione conscientia libertas esse poterit: Imò verò præclare constabit vbi reputabimus, nõ fixas esse & perpetuas sanctiones quibus astricti simus, sed externa humanæ infirmitatis rudimenta: quibus tamen non indigemus omnes, tamen omnes vtimur: quia alii aliis ad fouendam inter nos charitatem mutuò sumus obnoxii. Hoc in exemplis superius positis recognoscere licet. Quid an in mulieris carbaso sita religio est, vt nudo capite egredi sit nefas? An sanctum de eius silentio decretum, quod violari sine summo scelere non possit? An aliquid in genuflexione, in humando cadauere mysterium, quod præteriri sine piaculo non possit? Minimè. Nam si tali festinatione opus sit mulieri in iuuado proximo quæ velare caput non sinat, nihil delinquit si aperto capite accurrat. Et est vbi

loqui non minus opportunum illi sit quàm alibi tacere. Stātem quoque orare qui morbo impeditus curuare genua nequit, nihil vetat. Denique satius est maturè humare mortuū, quàm vbi linteum deest, vbi non adsunt qui deducant, expectare dum inhumatus putrefcat. Sed est nihilominus in istis rebus quod agendum aut cauendum mos regionis, instituta, ipsa denique humanitas & modestiæ regula dicet: vbi si imprudētia & obliuione quid erratum fuerit, nullum admissum crimen est: sin contemptu, improbanda est contumacia. Similiter dies ipsi qui sint, & horæ, quæ locorū structura, qui quo die canantur Psalmi, nihil interest. Verū & certos dies & statas esse horas conuenit, & locū recipiendis omnibus idoneum, si qua seruandæ pacis ratio habetur. Nam quantarū rixarum semen futura sit earum rerum confusio, si prout cuique libitum sit, mutare liceat quæ ad cōmunem statum pertinent: quādo nunquam futurum est vt omnibus idem placeat, si res velut in medio posita, singulorū arbitrio relicta fuerint. Quod si quis obstrepat & plus sapere hic velit quàm oportet, viderit ipse qua morositatem suam ratione Domino approbet. Nobis tamē istud Pauli satisfacere debet, nos contendendi morem non habere, neque Ecclesias Dei.

1. Cor. ii. c. 16

32 Porro summa diligentia incumbendum est nequis irrepat error, qui purum hunc vsum vel inficiat vel obscuret. Quod quidem obtinebitur si quæcūque erunt obseruationes manifestam vtilitatem præ se ferāt, si parcissimæ admittantur: potissimum verò si accedat fidelis Pastoris doctrina, quæ prauis opinionibus viam præcludat. Hæc autem cognitio facit vt sua cuique in his rebus omnibus libertas constet, & quandam nihilominus suæ quisque libertati necessitatē vltro imponat, quatenus aut illud quod diximus τοῦ ὁφέπιν, aut charitatis ratio exiget. Deinde vt & in earum rerū obseruatione nulla superstitione versemur ipsi, nec morosè nimium ipsam ab aliis requiramus, ne potioem Dei cultum ceremoniarum multitudine æstimemus, ne Ecclesia Ecclesiam ob externæ disciplinæ varietatē contemnat. Postremò vt nullam hinc perpetuam legem nobis statuentes, totum obseruationū vsum & finem ad Ecclesiæ ædificationem referamus: qua postulante, non modò mutari aliquid, sed quicquid antè in vfu nobis obseruationum fuerit, inuerti nulla offensione feramus. Hoc enim ferre temporum rationem vt ritus quosdam, non impios alioqui nec indecoros, pro rei opportunitate abrogari conueniat, præsentī experimento est hæc ætas. Nā (quæ superiorū temporum cæcitas fuit & ignorātia) tam corrupta opinione tamque pertinaci studio antehac in ceremoniis hæserunt Ecclesiæ, vt vix satis repurgari à prodigiosis superstitionibus queant, quin multæ ceremoniæ tollantur nec abs re olim fortè institutæ, & nulla per se impietate notabiles.

De Ecclesiæ iurisdictione, eiusque abusu, qualis cernitur in Papatu. C A P. XI.

RESTAT tertia pars, & quidem in statu bene composito præcipua, Ecclesiastica potestatis, quam in iurisdictione positam esse diximus. Tota autem Ecclesiæ iurisdicōtio pertinet ad morum disciplinam, de qua mox tractandum erit. Quemadmodū enim nulla vrbs nullūve pagus sine magistratu & politia stare potest: sic Ecclesia Dei (quod iam docui, sed nūc iterum cogor repetere) sua quadam spiritali politia indiget: quæ tamen à ciuili prorsus distincta est, eamque ad eò nihil impedit aut imminuit, vt potius multum iuuet ac promoueat. Ista igitur iurisdictionis potestas nihil aliud erit in summa quàm ordo comparatus ad spiritalis politiæ conseruationem. In hunc finem fuerunt ab initio constituta in Ecclesiis iudicia quæ censuram de moribus agerent, animaduertent in vitia, & exercendo clauium officio præessent. Hunc ordinem designat Paulus in epistola ad Corinthios, quum gubernationes nominat. Item ad Romanos, quum dicit, Qui præest, in sollicitudine præsit. Non enim alloquitur magistratus (qui nulli tunc erant Christiani) sed eos qui ad spiritalē Ecclesiæ regimen erāt adiuncti Pastoribus. Ad Timotheum quoque duplices facit Presbyteros: alios qui laborant in verbo, alios qui verbi prædicatione non funguntur, & tamen bene præsunt. Hoc posteriore genere non dubium est quin eos intelligat qui ad inspectionem morum & totum clauium vsum constituti erant. Nam potestas hæc, de qua loquimur, tota pendet à clauibus quas Christus Ecclesiæ cōtulit, Matthæi decimo octauo capite: vbi iubet grauiter publico nomine admoneri eos qui priuatas monitiones contempserint: quod si in sua cōtumacia pergant, à societate fidelium abdicandos docet. Porro monitiones istæ & correctiones sine causæ cognitione fieri nequeūt. proinde opus est & iudicio & ordine aliquo. Quamobrem nisi velimus irritam facere clauium promissionem, & excommunicationem, solennes monitiones, & quicquid tale est de medio tollere: aliquam Ecclesiæ iurisdictionem demus necesse est. Obseruent lectores non agi illo loco de generali doctrinæ authoritate, sicuti Matthæi cap. 16, & Iohannis 21: sed ius synedrii in posterum trāsserri ad Christi gregem. Ad il-

1. Cor. 12. d. 28

Rom. 11. b. 8

1. Tim. 5. c. 17

lum usque diem Iudæis sua fuerat gubernandi ratio, quam in Ecclesia sua stabilit Christus quoad puram institutionem, atque id gravi sanctione. Sic enim oportuit, quum Ecclesiæ ignobilis & contemptæ iudicium à temerariis & fastuosis hominibus sperni alioqui posset. Ac ne lectores impediatur quòd Christus iisdem verbis res aliquantum inter se diuersas notat, hunc nodum soluere utile erit. Duo igitur sunt loci qui de ligando & soluendo loquuntur. Alter est Matthæi decimo sexto, ubi Christus, postquam se clauis regni cælorum Petro daturum promissit, continuo subiungit, Quodcunque ipse in terra ligauerit aut soluerit, ratum in cælo fore. Quibus verbis nihil aliud significat quam aliis quæ habentur apud Iohannem, quum discipulos missurus ad prædicandum, postquam insufflauit in eos, Quorum, inquit, remiseritis peccata, remissa erunt: & quorum retinueritis, retenta erunt in cælo. Adferam interpretationem non argutam, non coactam, non detortam: sed germanam, fluentem, obuiam.

Iohan. 10. c. 13 **Matt. 16. c. 19** Hoc de remittendis & retinendis peccatis mandatum & illa de ligando & soluendo Petro facta promissio non aliò debent referri quam ad verbi ministerium, quod dum Apostolis committebat Dominus, simul & hoc soluendi ligandique munere ipsos instruebat. Quæ enim est summa Euangelii, nisi quòd omnes serui peccati & mortis solvimur ac liberamur per redemptionem quæ est in Christo Iesu: qui verò Christum liberatorem ac redemptorem non suscipiunt nec agnoscunt, eos æternis vinculis damnatos addictosque esse: Hanc legationem quum Apostolis suis in omnes nationes perferendam traderet Dominus, ut suam esse & à se profectam approbaret, hoc præclaro testimonio eam honorauit: idque in eximiam confirmationem tum Apostolorum ipsorum, tum eorum quoque omnium ad quos peruentura erat. Referebat ut Apostoli constantem ac solidam suæ prædicationis certitudinem haberent: quam non modò infinitis laboribus, curis, molestiis, periculis obituri erant, sed suo demum sanguine obsignaturi. Ipsam, inquam, ut scirent non vanam esse nec inanem, sed potentiam plenam ac virtutis: referebat ut in tanta anxietate & rerum difficultate tantisque discriminibus, Dei se negotium agere persuasi essent: ut toto mundo aduersante & repugnante, Deum pro se stare cognoscerent: ut Christum doctrinæ suæ autorem, aspectu in terra præsentem non habentes, ipsum esse in cælo intelligerent, ad firmandam eius quam sibi tradiderat doctrinæ veritatem. Oportebat rursus & auditoribus certissimè testificatum esse, illam Euangelii doctrinam non Apostolorum esse sermonem, sed Dei ipsius: non vocem in terra natam, sed e cælo delapsam. Non enim in hominis potestate hæc esse possunt, peccatorum remissio, promissio vitæ æternæ, salutis nuntium. Testificatus est ergo Christus nihil in Euangelii prædicatione Apostolorum esse præter ministerium: se esse qui per eorum ora, velut per organa, loqueretur omnia & promitteret. Itaque peccatorum remissionem quam annuntiarent, veram esse Dei promissionem: damnationem quæ pronuntiarent, certum esse Dei iudicium. Hæc autem testificatio sæculis omnibus data est, firmæque manet, quæ certiores omnes securusque reddat, Euangelii verbum, à quocunque tandem homine prædicetur, ipsissimam esse Dei sententiā, apud summum tribunal promulgatam, in libro vitæ scriptam, in cælo ratam, firmā, ac fixam. Habemus, potestatem clauium esse simpliciter in illis locis Euangelii prædicationem: nec tam potestatem esse quam ministerium, si ad homines respicimus. Non enim hominibus hanc potestatem propriè Christus dedit, sed verbo suo, cuius homines ministros fecit.

2 Alter, quem de ligandi & soluendi potestate extare diximus, locus Matthæi 18, habetur: ubi ait Christus, Si frater aliquis Ecclesiam non audierit, sit tibi sicut Ethnicus & Publicanus. Amen dico vobis, quæcunque ligaueritis super terrā, erunt ligata & in cælo: quæcunque solueritis, soluta erunt. Hic locus non omnino est priori similis, sed paulo in diuersam partem intelligendus est. Non autem sic diuersos facio ut non multam habeant inter se affinitatem. Hoc primum ubique simile est, quòd vtrique est generalis sententia, eadem semper ligandi soluendique potestas (nempe per verbum Dei) idem mandatū, eadem promissio. Eo autē differunt, quòd prior locus peculiariter de prædicatione est qua verbi ministri funguntur: hic ad disciplinam excommunicationis pertinet, quæ Ecclesiæ permessa est. Ligat autem Ecclesia quem excommunicat: non quòd in perpetuam ruinam ac desperationem cōiciat, sed quia eius vitam ac mores damnat: ac, nisi resipuerit, iam eum suæ damnationis admonet. Soluit quem in communionem recipit: quia velut participem eum facit unitatis quam habet in Christo Iesu. Nequis ergo contumaciter Ecclesiæ iudicium contemnat, aut parui faciat se fidelium suffragiis damnatum: testatur Dominus tale fidelium iudicium non aliud esse quam sententiæ suæ promulgationem, ratumque haberi in cælis quod illi in terra egerint. Habent enim verbum Dei, quo peruersos damnent: habent ver-

bum, quo resipiscentes in gratiam recipiant. Errare autem non possunt, nec à Dei iudicio dissentire, quia nonnisi ex Lege Dei iudicant, quæ non incerta est aut terrena opinio, sed sancta Dei voluntas, & caeleste oraculum. Ex istis duobus locis, quos ut breuiter, ita & familiariter & verè enarrasse mihi videor, furiosi illi, nullo discrimine, prout sua vertigine feruntur, nunc confessionem, nunc excommunicationem, nunc iurisdictionem, nunc ius condenandi leges, nunc indulgentias statuere conantur. Priorem verò ad astringendū Romanæ sedis primatum allegant. ita norunt clauis suas quibus visum est aptare feris & ostius: ut dicas tota vita eos artem fabrilem exercuisse.

3 Nam quòd nonnulli omnia illa temporaria fuisse imaginantur: quum magistratus à religionis nostræ professione alieni adhuc forent: in eo falluntur, quòd non animaduertunt quantum sit discrimen & qualis dissimilitudo Ecclesiasticæ & ciuilis potestatis. Neque enim ius gladii habet Ecclesia quo puniat vel coerceat, non imperium ut cogat, non carcerē, non pœnas alias quæ solēt infligi à magistratu. Deinde non hoc agit ut qui peccauit, inuitus plectatur: sed ut voluntaria castigatione poenitentiam profiteatur. Est igitur longè diuersa ratio: quia nec quicquā sibi sumit Ecclesia quod sit proprium magistratus, neque hoc efficere potest magistratus quod ab Ecclesia peragitur. Exemplo fiet hoc facilius. Inebriatus est aliquis: in vrbe bene constituta, pœna erit carcer. scortatus est: aut similis, aut potius maior. Ita erit satisfactū & legibus, & magistratui, & externo iudicio. At fieri poterit ut nullam det poenitentiae significationem, quin potius ut obmurmuret vel fremat. An illic cessabit Ecclesia? At recipi ad Cœnam tales nequeunt quin fiat & Christo & sacræ eius institutioni iniuria. Et hoc postulat ratio, ut qui Ecclesiam offendit malo exemplo, solenni poenitentiae declaratione offendiculum, quod excitauit, tollat. Ratio quam adducunt illi qui contrā sentiunt, nimis est frigida. Mandabat, inquiunt, Christus has partes Ecclesiæ, quum non esset magistratus qui exequeretur. Sed accidit sæpenumero ut sit negligentior magistratus: imò nonnunquam fortè ut sit ipsemet castigandus: quod & Theodosio Cæsari contigit. Adhæc tantundem dici poterit de toto ferè verbi ministerio. Nunc ergo secundum eos desinant reprehendere Pastores manifesta flagitia: desinant obiurgare, arguere, increpare. Sunt enim Christiani magistratus, qui legibus & gladio debent hæc corrigere. At quemadmodum magistratus, puniendo, & manu coercendo, purgare debet Ecclesiam offendiculis: ita verbi minister vicissim subleuare debet magistratū, ne tam multi peccent. Sic coniunctæ debent esse operæ ut altera sit adiumento alteri, non impedimento.

4 Et sanè si quis propius expendat Christi verba, facilè perspiciet, statū & perpetuum Ecclesiæ ordinem, non temporariū illic describi. Neque enim consentaneum est, ut qui monitionibus nostris obtemperare noluerint, eos ad magistratū deferamus. quòd tamen necesse foret si in vicem Ecclesiæ ille succederet. Quid ista promissio, an vnius anni dicenda erit, vel paucorū, Amen, amen dico vobis: quicquid ligaueritis in terra: Præterea Christus nihil hinc nouum instituit: sed cōsuetudinem in veteri gentis suæ Ecclesia semper obseruatam, sequutus est: quo significauit, non posse carere Ecclesiam spirituali iurisdictione, quæ ab initio fuisset. Atque id omnium temporum consensu fuit confirmatum. Neque enim vbi cœperunt Imperatores & magistratus Christo nomen dare, protinus abrogata est spiritualis iurisdicção: sed ita duntaxat ordinata nequid ciuili derogaret, aut cum ea confunderetur. Et meritò. non enim magistratus, si pius est, eximere se volet communi filiorum Dei subiectione, cuius non postrema pars est, Ecclesiæ ex verbo Dei iudicanti se subiicere: tantum abest ut iudicium illud tollere debeat. Quid enim honorificentius (inquit Ambrosius) quàm ut Ecclesiæ filius dicatur Imperator? Imperator enim bonus, intra Ecclesiā, non supra Ecclesiam est. Quare illi qui ut magistratū ornent, Ecclesiam spoliunt hac potestate, non modò falsa interpretatione corrumpunt Christi sententiam, sed sanctos omnes Episcopos, qui tam multi à tempore Apostolorum extiterunt, non leuiter damnant, quòd honorem officiumque magistratus falso prætextu sibi vsurpauerint.

Epist. 3. ad
Valentinianum.

5 Sed hoc quoque ex aduerso operæpretium est videre, quis fuerit olim verus vsus Ecclesiasticæ iurisdictionis, & quantus abusus obrepserit: ut sciamus quid abrogandū sit, & quid ex antiquitate restituendum, si volumus, euerso regno Antichristi, verum Christi regnum iterum erigere. Primū hic scopus est, ut scandalis obuiam eatur: quòd siquid scādali exortum sit, aboleatur. In vsu duo sunt consideranda: Ut à iure gladii prorsus separetur hæc spiritualis potestas: deinde ne vnius arbitrio, sed per legitimū confēssum administretur. V. 1. Cor. 6. 2. 4

trūque in puriore Ecclesia obseruatum fuit. Neque enim vel mulctis, vel carceribus, vel aliis ciuilibus pœnis potestatem suam exercuerunt sancti Episcopi: sed solo Domini verbo, ut decebat, vsi sunt. Severissima enim Ecclesiæ vindicta, & quasi vltimum fulmen, est ex-

2. Cor. 10. 2. 4

communicatio, quæ nonnisi in necessitate adhibetur. Illa porro nec vim, nec manum desiderat, sed verbi Dei potetia contenta est. Denique veteris Ecclesiæ iurisdictio nihil aliud fuit quàm practica (vt ita loquar) declaratio eius quod docet Paulus de spiritali Pastorū potestate. Data est, inquit, nobis potestas, qua demoliamur munitiones, qua humiliemus omnem altitudinem quæ se extollit aduersus cognitionem Dei, qua subigamus omnem cogitationem, & captiuam ducamus in obedientiā Christi, in promptu verò habemus vindictam aduersus omnem inobedientiam. Quemadmodum hoc fit prædicatione doctrinæ Christi: ita, ne doctrina sit ludibrio, secundum id ipsum quod docetur iudicari debent qui seprofitentur fidei domesticos. Id porro fieri nequit nisi vnà cū ministerio coniunctum sit ius vocandi eos qui priuatim monendi sunt, vel acius corrigendi, ius etiam arcendi eos à Cœnæ communione qui recipi sine tanti mysterii profanatione nequeunt. Itaque dum alibi negat non esse nostrum extraneos iudicare, filios Ecclesiæ censuris subiicit quæ eorum vitia castigant, ac tunc viguisse iudicia inuuit à quibus nemo fidelium esset immunis.

1. Cor. 5. d. 12

6

Epist. 14. lib. 3, & eiusdem lib. epist. 19, & alibi Epist. 10. lib. 3

In 5. cap. 1. ad Timoth.

Eiusmodi verò potestas (vt proposuimus) non penes vnum erat, vt pro sua libidine quiduis ageret: sed penes cōfessum Seniorum, qui erat in Ecclesia quod in vrbe est Senatus. Cyprianus, quum meminit per quos suo tempore exerceretur, adiungere solet totum clerum Episcopo. Sed alibi quoque demonstrat, sic præfuisse clerum ipsum vt plebs interim à cognitione non excluderetur. sic enim scribit, Ab initio Episcopatus mei statui sine cleri consilio, & plebis cōsensu, nihil agere. Verum hac erat communis & vsitata ratio, vt per senatum Presbyterorum Ecclesiæ iurisdictio exerceretur: quorum duo (vt dixi) erant genera. Alii enim ad docendum erant ordinati, alii morum censores duntaxat erant. Paulatim degenerauit hoc institutum à suo primordio: vt iam Ambrosii seculo soli clerici in iudiciis Ecclesiasticis essent cognitores. Quod ipse conqueritur his verbis, Synagoga vetus, inquit, & postea Ecclesia Seniores habuit, quorum sine consilio nihil agebatur: quod qua negligentia obsoleuerit nescio, nisi fortè doctorum desidia, vel magis superbia: dum soli volunt aliquid videri. Videmus quantopere sanctus vir indignetur aliquid de meliore statu concidisse: quum tamen adhuc illis staret ordo saltem tolerabilis. Quid igitur si has deformes ruinas intueretur quæ nullum propè vestigium referūt vetusti ædificii: qua deploratione vteretur? Principiò contra ius & fas, quod Ecclesiæ datum erat, sibi vni vendicauit Episcopus. Perinde enim est ac si Senatu expulso Consul imperium solus occuparet. Atqui, vt est reliquis honore superior, ita in ipso collegio plus est authoritatis quàm in vno homine. Fuit igitur facinus nimis improbum, quòd vnus homo, translata ad se communi potestate, & tyrannicæ libidini parefecit aditū, & Ecclesiæ quod suum erat eripuit, & cōfessum à Christi Spiritu ordinatum suppressit & abdicauit.

7

Verum (vt aliud malum semper ex alio nascitur) Episcopi velut rem sua cura indignā fastidientes, ad alios ablegarunt. Inde creati Officiales, qui locum illum sustinerent: nondum dico quale genus hominum, hoc tantum dico, nihil differre à profanis iudicibus. Et tamē spirituale iurisditionem adhuc vocant, vbi nonnisi de rebus terrenis litigatur. Vt nihil sit aliud mali, forum litigiosum qua fronte vocare audent iudicium Ecclesiæ: At illic sunt monitiones, est excommunicatio. Scilicet ita cum Deo luditur. Debet pauperculus aliquis pecuniam? Citatur. si comparet, damnatur. Damnatus nisi satisfaciatur, monetur: à monitione secunda gradus fit ad excommunicationem. si non comparet, monetur vt se sistat iudicio. si moram facit, monetur, & mox excommunicatur. Quæso, quid omnino simile vel cum instituto Christi, vel cum more prisco, vel cum ratione Ecclesiastica? At fit etiā illic de vitis censura. Nempe scortationes, lasciuias, ebrietates & eius generis flagitia non tantum tolerant, sed tacita quodammodo approbatione fouent ac confirmant: neque id in plebe modò, sed in ipsis quoque clericis. Ex multis paucos ad se vocant, vel ne videantur nimis socordes in conuiuendo, vel vt pecuniam emulgeant. Taceo prædas, rapinas, peculatus, sacrilegia, quæ inde colliguntur. Taceo quales vt plurimum deligantur ad hoc munus. Hoc satis superque est, quòd quum iurisditionem suam spirituale iactant Romanenses, ostendere promptum est instituta à Christo rationi nihil esse magis contrarium: cum prisca verò consuetudine nihilo plus habere similitudinis quàm tenebras cum luce.

8

Tamet si non omnia diximus quæ huc adferri poterant, & ea quoque ipsa quæ diximus, paucis perstricta sunt: sic tamen debellatum esse confido vt nihil iam sit cur quisquam ambigat, spirituale potestatem, qua Papa cum toto suo regno superbit, impiam esse contra Dei verbum ac iniustam in eius populum tyrannidē. Ac spiritualis quidem potestatis nomine tum audaciam complector in fabricandis nouis doctrinis, quibus miseram plebem à germana verbi Dei puritate auerterunt, tum iniquas traditiones quibus ipsam illaquea-

runt, tum pseudoecclesiasticam iurisdictionē, quam per suffraganeos & officiales exercent. Nam si Christo regnum inter nos permittimus, fieri non potest quin totum istud dominationis genus extemplo prosternatur ac corruat. Ius autem gladii quod sibi quoque tribuunt, quia in conscientias non exercetur, tractare præsentis negotii non est. Quæ tamen etiam in parte animadvertere operæ pretium est, sui semper esse similes: nihil scilicet minus quam quod haberi volunt, Ecclesiæ pastores. Nec peculiaria hominum vitia, sed commune totius ordinis scelus, adeoque ipsam ordinis pestem arguo: quando mutilus ille fore creditur, nisi opulentia & superbis titulis spectabilis fuerit. Si hac de re Christi autoritatē quaerimus, non dubium quin verbi sui ministros à civili dominatione ac terreno imperio arcerere voluerit, quum diceret, Reges Gentium dominantur illis: vos autem non sic. Significat enim non modò pastoris officium distinctum esse ab officio principis: sed res esse magis separatas quam ut in vnum hominem coire queant. Nam quod Moyses utrūque simul iustinuit, primum raro id miraculo factū est: deinde fuit temporarium, donec res melius componerentur. Vbi autem certa forma à Domino præscribitur, civilis gubernatio ei relinquitur: sacerdotium iubetur fratri resignare. & meritò. est enim supra naturam ut vnus homo utriusque oneri sufficiat. idque fuit sæculis omnibus diligenter in Ecclesia obseruatū. Nec quisquam extitit Episcoporum, quandiu duravit vera aliqua Ecclesiæ facies, qui de usurpando iure gladii cogitaret: ut istud esset vulgare proverbium Ambrosii ætate, Imperatores magis sacerdotiū optasse quam imperium Sacerdotes. Erat enim in omnium mentibus infixum quod postea dicit, Ad Imperatorem pertinere palatia, ad Sacerdotē Ecclesiæ.

Mat. 20. d. 25

Luc. 22. c. 25

Exod. 18. c. 16

Referret hoc
homil. de ba-
silio. tradidit

9 Posteaquam verò excogitata fuit ratio qua Episcopi titulum, honorem, opes sui muneris tenerent sine onere ac sollicitudine: ne otiosi prorsus relinquerentur, ius illis gladii datum est, vel potius ipsi sibi usurparunt. Hanc impudentiam quo tandem prætextu defendent? An iudiciorum cognitionibus, ciuitatūque & prouinciarum administrationibus sese inuoluere, & occupationes à se tam alienas latissimè amplecti, id Episcoporum erat? quibus tantum in suo munere operæ ac negotii est, ut si illic toti assidue sint, nec ullis auocamentis distrahantur, vix tamē sufficere queant. At verò, qua sunt peruiacacia, iactare non dubitant, sic pro dignitate florere gloriam regni Christi, nec se interim nimium abstrahi à vocationis suæ partibus. Quantum ad prius illud attinet, si hoc decorum est sacri muneris ornamentum, eò fastigii euectos esse ut summis quibusque monarchis sint formidabiles: est cur cum Christo expostulent, à quo grauius eo modo læsus est eorum honor. Quid enim contumeliosius, eorum quidem opinione, dici poterat istis verbis? Reges Gentium & Principes dominantur illis: vos autem non sic. Nec tamen duriores legem seruis suis imponit quam ipse primus sibi tulit ac recepit. Quis me (inquit) iudicem constituit aut diuisorē inter vos? Videmus iudicandi munus simpliciter à se reicere, quod nō faceret si res esset suo muneri consentanea. In ordinem cui se Dominus subiecit, non patientur serui se cogi? Alterū vellem tam experimento probarent quam dictitare facile est. Atqui quum Apollolis visum non fuerit, derelicto Dei sermone, ministrare mensis: ex eo quia doceri nolunt, cōuincuntur, non eiusdem esse & bonum Episcopum præstare & bonum Principem. Nam si illi qui pro donorum quibus præditi erāt amplitudine, pluribus longè & grauioribus curis sufficere poterant quam vlli post eos nati homines, confessi sunt tamen se verbi & mensarum ministerio incumbere simul non posse quin oneri succumberent: quomodo isti præ Apostolis nihili homunciones possent eorū industriam centuplo superare? Id quidem tentare impudentissimæ nimirumque audacis confidetiæ fuit. Sed tamen factum videmus. quo successu, palam est. neque enim aliter euenire poterat quam ut desertæ suæ functione in aliena castra commigrarent.

Matt. 20. d. 25

Luc. 12. c. 25

Luc. 11. b. 14

Aq. 6. a. 2

10 Nec dubiū quin ex tenuibus initiis paulatim tantos progressus fecerint. Neque enim primo passu hucusque poterāt conscendere: sed nunc vafritie & obliquis artibus sese clanculum extulerunt, ita ut nemo futurum prospiceret, donec factum esset: nunc per occasionem, terrore & minis extorserunt à Principibus aliquod potentia suæ auctariū: nunc quū viderent Principes ad largiendum non difficiles, stulta & inconsiderata eorum facilitatē sunt abusi. Olim pii, siquid controuersiæ inciderat, ut litigandi necessitatem effugerent, Episcopo mandabant arbitrium: quod de eius integritate non dubitabant. Talibus arbitris sæpe implicabantur veteres Episcopi, quod ipsis quidē summo opere displicebat (quæ admodū alicubi testatur Augustinus) sed ne partes ad contentiosum iudicium prosilirent, hanc molestiam inuiti obibant. Isti ex voluntariis arbitris, quæ prorsus à forensi strepitu abhorrebant, fecerunt ordinariam iurisdictionem. Quum vrbes ac regiones aliquāto post tempore variis difficultatibus premerentur, ad Episcoporum patrociniū se contulerūt,

ut ipsorum fide protegeretur: isti miro artificio ex patronis dominos se fecerunt. Quin violentis factionibus bonam partem occuparint negari non potest. Qui verò Episcopis iurisdictionem sponte contulerunt Principes, variis ad id studiis impulsu sunt. Verum ut aliquam pietatis speciem habuerit ipsorum indulgentia, non optimè tamen hac præpostera sua largitate cõsuluerunt Ecclesiæ commodis, cuius antiquam veramque disciplinam sic corruperunt: imò, ut verè dicam, penitus aboleuerunt. Qui verò tali Principum bonitate abusi sunt in suum commodum Episcopi, hoc vno specimine edito, satis superque testati sunt, se minimè esse Episcopos. Nam siquam scintillam habuissent Apostolici Spiritus, respondissent proculdubio ex ore Pauli, Arma militiæ nostræ non carnalia, sed spiritualia sunt. Verum cæca cupiditate rapti, & se & posteros & Ecclesiam perdiderunt.

2. Cor. 18. a. 4

11

Lib. De confider. 25.

Luc. 12. b. 14

Lib. De confider. 2.

Tandem Romanus Pontifex mediocribus satrapiis non contentus, regnis primùm, deinde imperio quoque manum iniecit. Atque ut possessionem mero latrocinio occupatã, qualicunque colore retineat, nunc iure diuino se habere gloriatur, nunc Cõstantini donationem, nunc alium titulum prætendit. Primùm cum Bernardo respondeo, Esto ut aliquaunque ratione hoc sibi vendicat, non tamè Apostolico iure. Neque enim Petrus quod non habuit dare potuit: sed dedit successoribus quod habebat, sollicitudinem Ecclesiarum. Quum verò dicat Dominus ac Magister, se non esse constitutum inter duos iudicem, non debet seruo ac discipulo indignum videri si non iudicet vniuersos. Loquitur autè Bernardus de iudiciis ciuilibus: subiungit enim, Ergo in criminibus, non in possessionibus potestas vestra: quoniam propter illa, non propter has accepistis clauēs regni cælorum. Quamã tibi videtur maior dignitas, dimittendi peccata, an prædia diuidendi? Nulla comparatio. Habent hæc infimæ & terrena iudices suos, Reges & Principes terræ. Quid fines alienos inuaditis? &c. Item, Factus es superior (Eugenium Papam alloquitur) ad quid? Non enim ad dominandum, opinor. Nos igitur, ut multum sentiamus de nobis, meminerimus impositum ministerium, non dominium datum. Disce sarculo tibi opus esse, non sceptro, ut opus facias Prophetæ. Item, Planum est, Apostolis interdicitur dominatus. Ergo tu, & tibi vlturpare aude aut dominans Apostolatam, aut Apostolicus dominatum. Et continuo post, Forma Apostolica hæc est, dominatio interdicitur: indicitur ministratio. Hæc quum ab homine sic dicta sint ut ipsam veritatem loqui omnibus palam sit, imò quum sine vllis verbis res ipsa pateat: nihil tamen puduit Romanum Põtificem in Concilio Arelatensi decernere, suum premium ius vtriusque gladii sibi competere iure diuino.

12

Epist. 5. lib. 2

Epist. 20. lib. 3

Epist. 61. lib. 2

Epist. 31. lib. 4

Epist. 34. li. 4

Quantum ad Cõstantini donationem pertinet, qui mediocriter in illorum temporum historis versati sunt, non opus habent doceri quàm sit hoc non modò fabulosum, sed etiam ridiculum. Sed ut omittamus historias, vnus Gregorius huius rei & idoneus & locupletissimus est testis. Nam quoties de Imperatore loquitur, serenissimum dominum vocat: & se indignum eius seruum. Item alibi, Sacerdotibus autè non ex terrena potestate dominus noster citius indignetur: sed excellenti cõsideratione, propter eum cuius serui sunt, eis ita dominetur ut etiam debitam reuerentiam impendat. Videmus ut in subiectione communi velit haberi tanquam vnus è populo. Non enim alterius cuiuspiam, sed suam illic causam agit. Alibi, In omnipotenti Deo confido quòd longam piis dominis vitã tribuet, & nos sub manu vestra secundam suam misericordiam disponet. Neque hæc ideo adduxi quòd mihi propositum sit hanc de Cõstantini donatione quæstionem penitus excutere: sed tantum ut obiter videant lectores quàm pueriliter mentiantur Romanenses, quum terrenum imperium suo Pontifici asserere conantur. Quo fœdior Augustini Steuchi impudentia fuit, qui in causa tam deplorata operam suam & linguam Romano Pontifici venditare ausus est. Valla quod homini docto & acris ingenii difficile non erat, validè refutauerat fabulam illam. Neque tamen (ut homo parum in rebus Ecclesiasticis exercitatus) omnia dixerat quæ ad rem factura erant. Irrumpit Steuchus, ac putidas nãcias spargit ad claram lucem obruendam. Et certè non minus frigidè domini sui causam agit quàm si facetus quispiam idem se agere simulans, Vallæ suffragaretur: sed digna est causa scilicet cui tales patronos mercede redimat Papa: æquè autem digni conductitii rabulæ quos spes lucri frustretur, sicuti Eugubino contigit.

13

Cæterum si quis tempus requirat ex quo commentitium hoc imperium cœpit emergere, nondum elapsi sunt anni quingenti quum in subiectione Principum adhuc manebat Pontifex, nec Pontifex sine Imperatoris autoritate creabatur. Huius ordinis nouandi occasionem præbuit Gregorio septimo Imperator Henrichus, eius nominis quartus, homo leuis & temerarius, nullius consilii, magnæ audaciæ, & vitæ dissolutæ. Nam quum Episcopus totius Germaniæ haberet in aula sua partim venales, partim prædæ expositos, Hil-

debrandus, qui laceffitus ab eo fuerat, plaufibilem prætextum arripuit quo fe vindicaret. Quia autem videbatur bonam & piam causam agere, multorum fauore adiuuabatur. Et erat alioqui Henrichus, propter insolentiorum administrandi rationem, plerisque Principum exofus. Tandem Hildebrandus, qui se Gregorium septimum vocabat, vt erat homo impurus & nequam; animi sui malitiam prodidit. quæ causa fuit vt à multis qui cum eo conspirauerant, destitueretur. Hoc tamen profecit vt impune liceret successoribus nō modò iugum excutere; sed Imperatores quoque obnoxios sibi facere. Huc accessit quòd multi deinde fuerūt Imperatores Henricho similiores quàm Iulio Cæsari: quos subigere nō fuit difficile, quum domi rerum omnium securi & ignaui desiderent, vbi maximè opus erat Pontificum cupiditatem virtute & legitimis modis reprimere. Videmus quo colore prætexta sit egregia illa donatio Constantini qua imperium Occidentale Papa traditū sibi fingit.

14 Interea temporis non cessarunt Pontifices, nunc fraude, nunc perfidia, nunc armis, in alienas ditiones inuadere: urbem quoque ipsam, quæ tunc libera erat, ante annos centū circiter & triginta in potestate suam redegerunt: donec in eam potentiam venerunt quam hodie obtinent: & pro qua vel retinenda vel augenda Christianum orbem ita ducentis annis (cœperant enim antequam sibi raperent urbis dominatum) turbarūt vt propemodum perdiderint. Olim quum sub Gregorio bonorum Ecclesiasticorum custodes manum iniicerent prædiis quæ censabant Ecclesiæ esse, ac fiscali more titulos imprimerent in signum vendicationis, Gregorius coacto Episcoporum concilio, grauiter in morem illum profanum inuectus, rogauit annon pro anathemate haberent clericum qui sua sponte inscriptione tituli possessionem aliquam occupare tentaret: similiter Episcopum, qui id vel fieri præciperet, vel suo iniussu factum non plecteret. Omnes pronuntiarunt, Anathema. Si tituli inscriptione fundum vèdicare, facinus est anathemate dignum in Clerico: vbi totos ducentos annos nihil aliud meditantur Pontifices quàm prælia, sanguinis effusionem, exercituum interitus, urbium direptiones, aliarum excidia, gentium clades, vastationes regnorum, tantummodo vt alienis dominiis manum iniiciant: quæ talibus exemplis puniendis sufficere possunt anathemata. Certè nihil eos minus quærere quàm Christi gloriam minimè obscurū est. Nam si in vniuersum quicquid habent secularis potestatis spontè resignet, nullum gloriæ Dei, nullum sanæ doctrinæ, nullum Ecclesiasticæ salutis periculū vertitur. sed vna dominandi cupiditate cæci ac præcipientes feruntur: quia nihil saluum esse putant nisi cum austeritate (vt Propheta ait) & cum potentia imperent.

Habetur lib.
4. Registr.
cap. 88.

Ezech. 34. a. 4

15 Iurisdictioni annexa est immunitas quam sibi sumunt Clerici Romanenses. Rem enim indignam esse putant si in causis personalibus coram ciuili iudice respondeant: atque in eo positam esse arbitrantur Ecclesiæ tum libertatem tum dignitatem, si communibus iudiciis ac legibus eximantur. Atqui veteres Episcopi, qui alias in asserendo Ecclesiæ iure rigidissimi erant, nihil lædi se ac suum ordinem iudicarunt si subiicerentur. Pii quoque Imperatores, nullo reclamante, ad sua tribunalia, quoties opus erat, Clericos semper vocarunt. Sic enim loquitur Constantinus in Epistola ad Nicomedenses, Siquis Episcoporum inconsultè tumultuatus sit, ministri Dei, hoc est, mea executione, illius audacia coercetur. Et Valentinianus, Boni Episcopi potentia Imperatoris non obloquuntur: sed syncretè, & Dei magni Regis mandata custodiunt, & nostris legibus parent. Hoc sine vlla cōtrouersia tunc erat omnibus persuasum. Ecclesiasticæ quidem causæ ad Episcopale iudicium referebantur. Quemadmodum si quis Clericus nihil in leges deliquisset, Canonibus tantum reus agebatur: non citabatur ad commune tribunal: sed Episcopum habebat in ea causa iudicem. Similiter si fidei quæstio agitabatur, aut quæ ad Ecclesiam propriè pertineret, cognitio deferrebat Ecclesiæ. Sic intelligendum est quod scribit Ambrosius ad Valentinianum: Augustæ memoriæ pater tuus non modò sermone respōdit, sed legibus quoque sanxit, in causa fidei eum iudicare debere qui nec munere sit impar, nec iure dissimilis. Itē, Si Scripturas aut vetera exempla intuemur, quis est qui abnuat, in causa fidei, in causa (inquam) fidei Episcopos solere de Imperatoribus Christianis, non Imperatores de Episcopis iudicare? Item: Venissem, Imperator, ad consistorium tuum, si me vel Episcopi, vel populus ire passus foret: dicentes, causam fidei in Ecclesia coram populo debere tractari. Contēdit quidem spiritualem causam, hoc est, religionis, ad ciuile forum non esse trahendam vbi profanæ controuersia agitatur. Merito in hac re eius constantiam laudant omnes. Et tamen in bona causa eo vsque progreditur, vt si ad vim & manum ventum fuerit, cessurum se dicat. Volens, inquit, locum mihi commissum non deferam: coactus repugnare non no-

Referuntur ibi
Theodoret.
cap. 20. lib. 4.
Theodoret.
cap. 8

Epist. 31

Hon. de
lic. trad.

peratoris mater, quia in partes Arrianorum pertrahere eum non poterat, expellere ab Ecclesiæ gubernatione moliebatur. Atque id futurum erat si in palatium ad causam dicendam vocatus venisset. Negat igitur Imperatorem idoneum esse cognitorem tantæ controuersiæ. Id quod & illius tēporis necessitas postulabat, & ipsa etiam perpetua rei natura. Moriendum enim sibi potius iudicabat quàm vt tale exemplum ad posteros, se consentiente, transmitteretur: & tamen si vis afferatur, de resistendo non cogitat. Negat enim id episcopale esse, fidem & Ecclesiæ ius armis tueri. Cæterum in aliis causis quiduis se facere paratum ostendit quod iusserit Imperator. Si tributum petit, non negamus, inquit: agri Ecclesiæ tributū soluunt. Si agros petit, potestatem habet vendicādi: nemo nostrum interuenit. In eum modum loquitur & Gregorius, Serenissimi, inquit, domini animum non ignoro, quod se in causis Sacerdotalibus miscere non soleat: ne nostris in aliquo peccatis grauetur. Non generaliter à Sacerdotibus iudicandis excludit Imperatorem: sed certas causas esse dicit quas Ecclesiastico iudicio relinquere debeat.

Lib. 3. epist. 20

16

Atque adeò hac ipsa exceptione nihil aliud quæsierunt sancti viri, quàm ne Principes minus religiosi tyrannica violentia & libidine Ecclesiam in suo munere peragendo impedirent. Neque enim improbabant si quando suam auctoritatem interponerent Principes in rebus Ecclesiasticis, modò conseruando Ecclesiæ ordini, non turbando, disciplinæque stabiliendæ, non dissoluendæ, hoc fieret. Nam quum Ecclesia cogendi non habeat potestatem, neque expetere debeat (de ciuili coercitione loquor) piorum Regum ac Principum partes sunt, legibus, edictis, iudiciis religionem sustinere. Hac ratione, quum Mauricius Imperator Episcopis quibusdam mandasset vt vicinos collegas à Barbaris expulsos susciperēt: eam iussionem confirmat Gregorius, hortaturque ipsos vt pareant. Ipse verò ab eodem admonitus vt cum Iohanne Episcopo Constantino politano rediret in gratiam, rationem quidem reddit cur non debeat culpari: non tamen fori secularis immunitatem iactat, quin potius se obsequentem fore promittit, quoad licebit per conscientiam: & simul hoc dicit fecisse Mauricium quod religiosum Principem deceret, quum talia Sacerdotibus præceperat.

Lib. 1. epist. 43

Lib. 4. epist.

32, & 34

Lib. 7. epist. 39

De Ecclesiæ disciplina, cuius præcipuus vsus in censuris & excommunicatione.

CAP. XII.



DISCIPLINA Ecclesiæ, cuius tractationem in hunc vsque locum distulimus, paucis expedienda est: vt aliquando ad reliqua transeamus. Ea autem maxima ex parte à potestate clauium & spiritali iurisdictione pendet. Quod vt facilius intelligatur, diuidamus Ecclesiam in duos ordines præcipuos: clerum scilicet & plebem. Clericos appello vsitato nomine qui publico ministerio in Ecclesia funguntur. Loquemur primum de communi disciplina, cui subesse omnes debent: deinde veniemus ad clerum, qui præter illam communem, suam propriam habet. Sed quia nonnulli, in odium disciplinæ, ab ipso quoque nomine abhorrent, hi sic habeant: Si nulla societas, imò nulla domus quæ vel modicam familiam habeat, contineri in recto statu sine disciplina potest: eam esse multo magis necessariam in Ecclesia, cuius statum quam ordinatissimum esse decet. Proinde quemadmodum saluifica Christi doctrina anima est Ecclesiæ, ita illic disciplina pro neruis est: qua fit vt mēbra corporis, suo quodque loco inter se cohæreant. Quamobrem quicumque vel sublatam disciplinam cupiunt, vel eius impediunt restitutionem, siue hoc faciant data opera, siue per incogitantiam, Ecclesiæ certè extremam dissipationem quærunt. Quid enim futurum est si vnique liceat quod libuerit? Atqui id fieret, nisi ad doctrinæ prædicationem accederēt priuatæ monitiones, correctiones & alia eiusmodi adminicula quæ doctrinam sustinent & otiosam esse non sinunt. Disciplina igitur veluti frænū est quo retineantur & domentur qui aduersus Christi doctrinā ferociunt: vel tanquā stimulus quo excitetur parum voluntarii: interdū etiam velut paterna ferula, qua clementer & pro Spiritus Christi mansuetudine castigentur qui grauius lapsi sunt. Quum ergo iam imminere cernamus initia quædam horrendæ in Ecclesia vastitatis, ex eo quod nulla est cura nec ratio continendi populi, ipsa necessitas clamat remedio opus esse. Porrò hoc vnicum est remedium quod & Christus præcipit, & semper vsitatum inter pios fuit.

2 Primum disciplinæ fundamentum est, vt priuatæ monitiones locum habeant: hoc est, si quis officium sponte non faciat, aut insolenter se gerat, aut minus honestè viuat, aut aliquid admiserit reprehensione dignum, vt patiatur se moneri: atque vt quisque fratrem suum, dum res postulabit, monere studeat. Præsertim verò in hoc aduigilent Pastores ac Presby-

teri, quorum partes sunt non modò concionari ad populum, sed per singulas domos monere & exhortari, sicubi vniuersali doctrina non satis profecerint. quemadmodum docet Paulus, quum refert se docuisse priuatim & per domos: & se mundum à sanguine omnium attestatur, quia non cessauerit cum lachrymis nocte & die monere vnunquëque. Tunc enim vim ac auctoritatem obtinet doctrina vbi minister non tantum omnibus simul exponit quid Christo debeant, sed ius & ratione habet idipsum exigendi ab iis quos vel parum doctrinæ obsequentes, vel segniores animaduertit. Siquis eiusmodi monitiones vel perucaciter respuat, vel pergendo in suis vitiis contemnere se ostendat: vbi secundò testibus adhibitis monitus fuerit, ad Ecclesiæ iudicium, qui est Seniorum confessus, vocari Christus præcipit: illic grauius admoneri, quasi publica auctoritate, vt si reueretur Ecclesiam, subiiciat se & pareat. Si ne sic quidem frangatur, sed in sua nequitia perseueret, tum iubet, tanquam Ecclesiæ contemptorem, à societate fidelium abdicari.

Act. 19. d. 30.
& c. 16Matt. 18. b. 17.
& c. 17

3 Verum quia de occultis modò vitiis illic loquitur, ponenda est ista diuisio: Peccata esse alia priuata, alia publica vel palam manifesta. De prioribus dicit Christus vnicuique priuato, Argue inter te & ipsum solum. De manifestis dicit Paulus Timotheo, Coram omnibus argue: vt reliqui timorem habeant. Nam prædixerat Christus, Si frater tuus in te peccauerit. Quam particulam aliter (nisi contentiosus esse velis) accipere non potes, quàm Sub tua conscientia: ita vt non sint plures consci. Quod autè Timotheo præcipit Apostolus de arguendis palam iis qui palam peccant, ipse in Petro sequutus est. nam quum ille ad publicum vsque offendiculum peccaret, non monuit seorsum, sed in conspectum Ecclesiæ produxit. Erit igitur hæc legitima agendi series, si in occultis corrigendis progrediamur secundum illos gradus à Christo positos: in manifestis statim procedamus ad solennem Ecclesiæ correptionem, si quidem offendiculum sit publicum.

Matt. 18. b. 17.
1. Tim. 5. d. 10

Galat. 2. c. 14

4 Sit altera quoque distinctio: Ex peccatis alia esse delicta, alia scelera vel flagitia. His posterioribus corrigendis non tantum adhibenda est admonitio vel obiurgatio, sed seuerius remedium: quemadmodum demonstrat Paulus, qui Corinthium incestum non modò verbis castigat, sed excommunicatione punit, simulatque de scelere factus est certior. Nunc ergo melius incipimus cernere quomodo spiritualis Ecclesiæ iurisdictio, quæ ex verbo Domini in peccata animaduertit, optimū sit & sanitatis subsidium, & fundamentū ordinis, & vinculū unitatis. Ergo dū Ecclesia manifestos adulteros, seortatores, fures, prædones sediciosos, periuros, falsos testes, & eius generis reliquos, ite cōtumaces (qui de leuioribus etiā vitiis ritè admoniti, Deum & eius iudiciū ludibrio habet, è consortio suo exterminat: nihil sibi præter rationem usurpat, sed iurisdictione sibi à Domino delata fungitur. Porro, ne quis tale Ecclesiæ iudicium spernat, aut parui a stimet se fidelium suffragiis damnatum, testatus est Dominus, istud ipsum nihil aliud esse quàm sententiæ suæ promulgatione, ratumque haberi in cælis quod illi in terra egerint. Habent enim verbum Domini quo peruersos damnant: habent verbum quo respicientes in gratiam recipiant. Sine hoc, inquam, disciplinæ vinculo qui diu stare posse Ecclesias confidunt, opinione falluntur: nisi fortè carere impune possimus eo adminiculo, quod Dominus fore nobis necessariū prouidit. Et sanè, quanta sit eius necessitas, ex multiplici vsu melius perspicietur.

1. Cor. 5. b. 4

Matt. 16. c. 19.
& 18. c. 18
iohan. 20. c. 13

5 Sunt autem tres fines quos spectat Ecclesia in eiusmodi correctionibus & excommunicatione. Primus est, ne cum Dei contumelia inter Christianos nominentur qui turpem ac flagitiosam vitam agunt, ac si sancta eius Ecclesia foret improborum & sceleratorū hominum coniuratio. Nam quum ipsa Christi sit corpus, eiusmodi foetidis & putridis membris inquinari non potest quin aliqua ignominia in caput recidat. Nequid ergo tale extet in Ecclesia vnde probum sacrosancto eius nomini iniuratur, abigendi sunt ex eius familia quorum ex turpitudine ad Christianum nomen infamia redundaret. Atque hinc quoque habenda est Cœnæ Dominicæ ratio, ne promiscua exhibitione profanetur. Verissimū est enim, cum, cui commissa est dispensatio, si sciens ac volens indignum admiserit quem repellere iure poterat, perinde reū esse sacrilegii ac si corpus Domini cani bus prostitueret. Quā obrem Chrysostomus grauiter inuehitur in Sacerdotes, qui dum magnorum potentiā formidant, neminem audent arcere. Sanguis, inquit, è manibus vestris requiretur. Si hominē timetis, ille vos deridebit. sin Deum, eritis hominibus quoque ipsis venerabiles. Non fascēs horreamus, non purpuram, non diademata. maior hinc est nobis potestas. Ego certè corpus meum potius tradam in mortem, ac sanguinem meum fundi patiar, quàm pollutionis istius fiam particeps. Ergo, ne sacratissimum hoc mysterium afficiatur ignominia, in eo dispensando magnopere delectus requiritur: qui tamen haberi nequit nisi per Ecclesiæ iurisdictionem. Alter finis est, ne assidua malorū consuetudine, vt fieri solet, boni corrumpantur.

Ephes. 5. f. 25

Colos. 1. d. 14

Homil. in
Matth. 3
Ezech. 3. d. 18,
& 33. c. 10.

1. Cor. 5. b. 6,
& d. 11

2. Thef. 3. d. 14

1. Cor. 5. b. 5

August. De
verb. Apost.
Serm. 68

6

Nam (quæ nostra est ad deuiadum procliuitas) nihil facilius est quàm vt malis exemplis à recto vitæ cursu abducamur. Hunc vsum notauit Apostolus, quum incestum à consortio suo amandare Corinthiis præciperet. Modicum, inquit, fermentum totam massam corrumpit. Ac tantum hic periculum prospiciebat vt vel ab omni sodalitate interdiceret. Siquis, ait, frater inter vos nominatur vel scortator, vel auarus, vel idolorū cultor, vel ebriosus, vel maledicus, cū huiusmodi nec cibū sumere permitto. Tertius, vt eos ipsos pudore cōfusus suæ turpitudinis pœnitere incipiat. Ita conducit & illis suā nequitiam castigari, quo expergeant sensu ferulæ qui indulgentia obstinatores futuri erant. Id significat Apostolus quū in hunc modū loquitur, Siquis non obedit doctrinæ nostræ, hunc notate: & ne cōmisceamini cū illo, vt pudore suffundatur. Item alibi, quū se tradidisse scribit Corinthiū Satanæ, vt spiritus saluus fieret in die Domini. hoc est (vt ego quidem interpretor) concessisse in damnationem tēporaneam, vt aternū saluus fieret. Ideo autē Satanæ tradere dicit, quia extra Ecclesiam Diabolus est, quemadmodū in Ecclesia Christus. Nam quòd quidam ad certam carnis vexationem referunt, mihi videtur incertissimum.

1. Cor. 5. b. 5

Epist. 2. lib. 1
Epist. 14. lib.
3, & eiusdem
lib. epist. 26

7

Ambr. lib. 1.
epist. 3. in o-
rat. habita in
funere Theo-
dosi.

His finibus propositis, superest videre qualiter hanc partem disciplinæ, quæ in iurisdictione posita est, Ecclesia exequatur. Principiò retineamus illam partitionē superius positam, peccatorū alia esse publica, alia priuata vel occultiora. Publica sunt quæ nō vnū vel alterum modò testem habent: sed palàm & cū totius Ecclesiæ offensione designantur. Occulta voco, non quæ homines prorsus latent, qualia sunt hypocritarum (nam illa sub Ecclesiæ iudicium non cadunt) sed medii generis, quæ scilicet testibus non carent: neque tamen sunt publica. Prior species non requirit gradus illos quos Christus enumerat. sed Ecclesia, vbi tale quid emergit, facere officium suum debet in vocando peccatore, & corrigēdo pro modo delicti. In secundo genere non venit ad Ecclesiam donec accesserit contumacia, secundum illam Christi regulam. Vbi ad cognitionem ventū est, tunc obseruanda est altera diuisio inter scelera & delicta. Neque enim in leuioribus peccatis adhibenda est tanta seueritas, sed sufficit verborum castigatio: eaque lenis & paterna, quæ non exasperet peccatorem nec confundat, sed reducat ad seipsum: vt magis gaudeat se correctum, quàm tristetur. Flagitia autem acriore remedio castigari conuenit. neque enim satis est si is qui edito mali exempli facinore, grauiter Ecclesiam læsit, verbis tantum castigetur: sed priuari ad tempus Cœnæ communione debet, donec resipiscentiæ suæ fidē fecerit. Neque enim Paulus in Corinthiū verborum modò obiurgatione vtitur, sed ab Ecclesia eliminat, reprehenditque Corinthios quòd tandiu eum tulisset. Hanc rationem tenuit vetus ac melior Ecclesia, quum vigeret legitima gubernatio. Siquis enim flagitium aliquod perpetrauerat vnde exortum esset offendiculum, primū à sacræ Cœnæ participatione abstinere, deinde & coram Deo sese humiliare, & coram Ecclesia pœnitentiā testari iuebatur. Erant autem solennes ritus qui iniungi lapsis solebant, vt essent pœnitentiæ indicia. Vbi sic defunctus erat vt satisfactum Ecclesiæ foret, tum per manuum impositionē recipiebatur in gratiam. quæ receptio sæpius à Cypriano pax vocatur, qui etiam eiusmodi ritū breuiter describit. Pœnitentiam, inquit, agunt iusto tēpore: deinde ad exomologesin veniunt, & per manuū impositionē Episcopi & cleri ius cōmunionis accipiūt. Quanquā sic præerat recōciliationi Episcopus cum suo clero, vt simul plebis cōsensum requireret: quemadmodū alibi tradit.

Hac disciplina adeò nemo eximebatur, vt Principes quoque vnā cum plebeiis se ad eā ferendam subiicerent. Et meritò: quum Christi esse constaret, cui omnia Regum sceptræ & diademata submitti æquum est. Sic Theodosius, quum ab Ambrosio ob eādem Thessalonicæ perpetrata iure communionis priuatus esset, strauit omne quo circumdatus erat insigne regium: defleuit in Ecclesia publicè peccatum suum, quod aliorum fraude obrepserat: gemitu & lachrymis orauit veniam. Neque enim dedecori id sibi esse debent iudicare magni Reges, si coram Christo Rege regū suppliciter se prosternant, nec illis displicere debet quòd per Ecclesiam iudicentur. Nam quum in aula sua nihil ferè audiant præter meras assentationes, plusquam necessariū illis est per os Sacerdotū à Domino corripī. Quin potius optare debent ne sibi Sacerdotes parcant, quo parcat Dominus. Hoc loco prætereo per quos exercēda isthæc iurisdicō sit: quia alibi dictum est. Hoc tantum addo, illam esse legitimam in excommunicando homine progressionem, quam demonstrat Paulus, si nō soli Seniores seorsum id faciant, sed cōscia & approbante Ecclesia: in eum scilicet modū vt plebis multitudo non regat actionem, sed obseruet vt testis & custos, nequid per libidinē à paucis geratur. Tota verò actionis series, præter nominis Dei inuocationē, eam grauitatem habere debet quæ Christi præsentiam præ se ferat: vt dubium non sit quin ipse suo iudicio præsideat.

8 Hoc tamen præteriri non debet, talem feueritatem decere Ecclesiam quæ cum spiritu mansuetudinis coniuncta sit. Semper enim diligenter cauendum est, quemadmodum præcipit Paulus, ne absorbeat a tristitia is in quem animaduertitur. sic enim ex remedio fieret exitium. Verum ex fine melius sumi poterit moderationis regula. nam quum hoc in excommunicatione quærat ut ad poenitentiam perducatur peccator, & mala exempla tollantur e medio, ne vel male audiat Christi nomen, vel ad imitationem alii prouocentur: hæc si intuebimur, licebit facile iudicare quousque progredi & ubi desinere debeat feueritas. Ergo ubi poenitentia suæ testimonium Ecclesiae dat peccator, & hoc testimonio scandalum, quantum in se est, obliterat: nequaquam ultra virgendus est. quod si vrgetur, modum iam excedit rigor. Qua in parte excusari nullo modo potest immodica veterum austeritas, quæ & prorsus à Domini præscripto dissidebat; & erat mirum in modum periculosa. Nam quum peccatori poenitentiam solennem & priuationem à sacra communione nunc in septem, nunc in quatuor, nunc in tres annos, nunc in tota vitam indicent: quid inde sequi potuit nisi vel magna hypocrisis, vel maxima desperatio? Similiter quod nemo qui iterum lapsus esset, ad secundam poenitentiam admitteretur, sed vsque ad finem vitæ eiceretur ab Ecclesia, id nec utile erat, nec rationi consentaneum. Quicumque igitur sano iudicio rem æstimabit, desiderabit hinc eorum prudentiam. Quanquam publicum hic potius morem improbo quam eos omnes accuso qui eo vsi sunt, quorum nonnullis displicuisse certum est: sed ideo ferebant quia non poterant corrigere. Certè Cyprianus declarat quàm non sponte fuerit tam rigidus. Patientia (inquit) & facilitas & humanitas nostra venientibus præsto est. Opto omnes in Ecclesiam regredi: opto omnes commilitones nostros intra Christi castra & Dei Patris domicilia cõcludi. Remitto omnia, multa dissimulo: studio & voto colligendæ fraternitatis, etiam quæ in Deum commissa sunt, non pleno iudicio examino: delictis plusquam oportet remittendis penè ipse delinquo: amplector prompta & plena dilectione cum poenitentia reuertentes, peccatum suum satisfactione humili & simplici confitentes. Chrysostomus aliquanto durior, sic tamen loquitur, Si Deus tam benignus est, ut quid Sacerdos eius austerus vult videri? Scimus præterea qua facilitate vsus sit Augustinus erga Donatistas, ut non dubitauerit in Episcopatum recipere qui à schismate redierant, idque statim post resipiscentiam. Verum quia contraria ratio inualuerat, coacti sunt proprio iudicio cedere ut eam sequerentur.

Ad 6
hum. p. 1.
lib. 1.

9 Quemadmodum autem in toto Ecclesiae corpore hæc mansuetudo requiritur, ut elemēter nec vsque ad summum rigorem animaduertat in lapsos, sed potius, secundum Pauli præceptum, charitatem in eos confirmet: ita pro se quisque priuatus ad hanc clementiam & humanitatem attemperare se debet. Non ergo nostrum est, tales qui ab Ecclesia sunt expulsi expungere ex electorum numero, aut desperare quasi iam perditos. Alienos quidem ab Ecclesia iudicare fas est, & proinde à Christo: sed pro eo tempore quo in diuortio manent. Quod si tum quoque maiorem peruiaciam quam humanitatis speciem præferunt, eos tamen iudicio Domini cõmendamus, meliora de iis in posterum sperantes quam videmus in præsens: nec propterea desinamus pro iis Deum precari. Et (ut verbo vno cõplectar) non personam ipsam, quæ in manu atque arbitrio Dei solius est, in mortem addicamus: sed tantum qualia sint cuiusque opera æstimemus ex Lege Domini. Quam regulam dum sequimur, stamus potius diuino iudicio quam nostrum proferimus. Plus licentiæ ne nobis in iudicando arrogemus, nisi volumus Dei virtutem limitare, ac misericordiæ eius legem dicere: cui quoties visum est, pessimi in optimos mutantur, alieni inseruntur, extranei cooptantur in Ecclesiam. Idque Dominus agit ut sic hominum opinionem eludat, & temeritatem retundat: quæ nisi coerceatur, sibi iudicandi ius supra quàm decet usurpare audet.

10 Nam quod promittit Christus ligatum in cælo fore quod sui in terra ligauerint, ligandi vim ad Ecclesiae censuram limitat: quæ non coniiciuntur in perpetuam ruinam ac damnationem qui excommunicantur, sed vitam morēsque suos damnari audiētes, suæ etiam ipsorum perpetuæ damnationis, nisi resipuerint, certi fiunt. Siquidem hoc differt ab anathemate excommunicatio, quod illud, adempta omni venia, hominem deuouet & addicit æterno exitio: hæc in mores magis vindicat atque animaduertit. Et quāquam plectit etiam ipsa hominem: sic tamen plectit ut futuræ suæ damnationis ipsum præmonendo, in salutem reuocet. Quod si obtineatur, parata est reconciliatio & in communionem restitutio. Anathematis porro aut perquam rarus aut nullus omnino vsus est. Proinde tametsi familiarius versari aut interiorem cõsuetudinem habere cum excommunicatis non liceat per Ecclesiasticam disciplinam: debemus tamen contendere, quibus possumus modis, ut ad meliorem frugem cõuerſi, in societatem ac vnitatem Ecclesiae se recipiant. Quemadmodum

2. Thes. 3. d. 15 Apostolus quoque docet, Nolite (inquit) existimare quasi inimicos, sed corripite ut fratres. Hæc humanitas nisi tam priuatim quàm communiter seruetur, periculum est ne ex disciplina mox delabamur ad carnificinam.
- 11 Hoc quoque ad disciplinæ moderationem in primis requiritur quod Augustinus contra Donatistas disputat, ne vel priuati homines, si viderint minus diligenter à seniorum Concilio vitia corrigi, discessionem propterea continuò ab Ecclesia faciant: aut ipsi Pastores, si nequeant ex animi sui voto omnia repurgare quæ correctione indigent, ideo abiciant ministerium, vel inusitata asperitate totam Ecclesiam perturbent. Est enim verissimum quod scribit, Nempe quisquis vel quod potest, arguendo corrigit: vel quod corrigere non potest, saluo pacis vinculo excludit: vel quod saluo pacis vinculo excludere non potest, æquitate improbat, firmitate supportat: hunc à maledictione liberum ac solutum esse. Rationem a libi reddit, quia omnis pia ratio, & modus Ecclesiasticæ disciplinæ, vnitatē Spiritus in vinculo pacis intueri semper debet: quod Apostolus sufferendo nos inuicem præcipit custodiri: & quo non custodito, vindictæ medicina non tantum superuacua, sed etiam perniciofa esse incipit: ideòque medicina esse desinit. Hæc (inquit) qui diligenter cogitat, nec in cōseruatione vnitatis negligit disciplinæ seueritatem, nec intemperie correctionis dirumpit vinculum societatis. Fatetur quidem non Pastores modò debere in hanc partē incumbere nequid in Ecclesia vitii remaneat, sed vnicuique eodem enitendum pro sua virili: nec dissimulat, eum qui malos monere, arguere, corrigere negligit, etiam si iis nō faueat, nec cum iis peccet, reum esse coram Domino: quòd si talem gerit personam ut etiam à Sacramentorum participatione possit separare, & non facit, iam nō alieno malo peccare, sed suo. Tantum id fieri vult adhibita prudentia quā Dominus quoque requirit, ne dū eradicatur zizania, frumenta lædantur. Inde colligit ex Cypriano, Misericorditer igitur corripiat homo quod potest: quod autem non potest, patienter ferat, & cum dilectione gemat atque lugeat.
- 12 Hoc autē dicit propter Donatistarum morositatē, qui quum cernerent in Ecclesiis vitia quæ verbis quidem reprehenderent Episcopi, sed excommunicatione non plecterent, (quia non putabāt se hac via quicquam profecturos) in Episcopos atrociter inuehebantur tanquam disciplinæ proditores: & à Christi grege, impio schismate se diuidebāt. Qualiter hodie faciunt Anabaptistæ, qui dum nullum cœtum Christi esse agnoscunt nisi Angelica perfectione omni ex parte conspicuū, sub prætextu sui zeli quicquid est ædificationis subuertunt. Tales (inquit Augustinus) non odio iniquitatis alienæ, sed studio suarū contentionum, infirmas plebes iactantia sui nominis irretitas, vel totas trahere, vel certè diuidere affectant: superbia tumidi, peruicacia vesani, calumniis insidiosi, seditionibus turbulenti, ne luce veritatis carere eos pateat, vmbra rigidæ seueritatis obtendunt: & quæ in Scripturis salua dilectionis sinceritate, & custodita pacis vnitatē, ad corrigenda fraterna vitia moderatori curatione fieri iubentur, ad sacrilegium schismatis & occasionem præcisionis vsurpant. Ita se trássigurat Satan in Angelum lucis, dum per occasionem quasi iustæ seueritatis crudelem sæuitiam persuadet, nihil aliud appetens nisi ut corrumpat atque dirumpat vinculum pacis & vnitatis: quo firmo inter Christianos vires eius omnes inualidæ fiūt ad nocendum, musculæ insidiarum comminuuntur, & consilia euersionis euanescent.
- 13 Vnum istud præcipuè commendat, si contagio peccadi multitudinem inuasit, viuidda disciplinæ seueram misericordiā esse necessariam. Nam & cōsilia (inquit) separationis inania sunt, ac perniciofa, ac sacrilega: quia impia atque superba fiunt: & plus perturbant infirmos bonos quàm corrigant animosos malos. Ac quod aliis ibi præcipit, ipse quoque fideliter sequutus est. Nam Aurelio Episcopo Carthaginensi scribens, conqueritur ebrietatem impune grassari in Africa, quæ adeò grauiter in Scripturis dānatur: suadetque ut coacto Episcoporum Concilio remedium adhibeatur. Subiungit deinde, Non asperè, quantum existimo, non duriter, non modo imperioso ista tolluntur: magis docendo quàm iubendo, magis monendo quàm minando. Sic enim agendum est cum multitudine peccantium. Seueritas autem exercenda est in peccata paucorum. Neque tamen intelligit conuiuendum propterea aut tacendū Episcopis, quòd seuerius punire publica flagitia nequeat: quemadmodum ipse postea exponit. Sed corrigendi modum ita vult temperari, ut quoad licet sanitatem potius quàm exitium corpori afferat. Atque ideo sic tandem concludit, Quamobrem & illud præceptum Apostoli nullo modo negligendū est, de malis segregandis, quum sine periculo violandæ pacis fieri potest: quia nec aliter fieri voluit: & istud quoque seruandum est, ut sufferentes inuicem studeamus seruare vnitatem Spiritus in vinculo pacis.
- 14 Reliqua pars disciplinæ, quæ clauium potestate propriè non continetur, in eo est ut pro temporum necessitate plebem exhortentur Pastores vel ad ieiunia vel ad solennes sup-

Lib. 2. contra
Parmē. cap. 1.

Lib. 3. cap. 1.

Cap. 2.

Cap. 1.

Matt. 13. d. 19

Cap. 1.

2. Cor. 11. d. 14

Epist. 64.

Cap. 1. lib. 3.
cōtra Parm.

1. Cor. 5. c. 7

Ephes. 4. a. 2

plicationes, vel ad alia humilitatis, poenitentiæ, ac fidei exercitia: quorū nec tempus nec modus nec forma præscribitur verbo Dei, sed in Ecclesiæ iudicio relinquitur. Huius quoque partis observatio, sicuti est utilis, ita veteri Ecclesiæ ab ipsis vsque Apostolis semper fuit usitata. Quāquam ne ipsi quidē Apostoli primi fuerunt authores, sed exemplū sumpserunt ex Lege & Prophetis. Videmus enim illic quoties graue aliquod incidebat negotium, conuocatam fuisse plebem, supplicationes indictas, indictum ieiunium. Id ergo sequuti sunt Apostoli quod & populo Dei nouum non erat, & utile fore prouidebant. Similis est ratio de aliis exercitiis quibus plebs, vel ad officium excitari, vel in officio ac obedientia contineri potest. Exempla passim extant in Sacris historiis, quæ non opus est colligere. Sic in summa habendum est: quoties de religione incidit controuersia quam vel Synodo, vel Ecclesiastico iudicio finire oportet, quoties de eligendo Ministro agitur, quoties denique tractatur res aliqua difficilis ac magni momenti: rursus quum apparent iudicia iræ Domini, vt sunt pestilentia, & bellum & fames, hoc sanctū esse, & seculis omnibus salutare institutum, vt Pastores ad publicum ieiunium & extraordinarias preces plebem hortentur. Siquis testimonia quæ ex Veteri testamento adduci possunt, non recipiat, quasi Christianæ Ecclesiæ minus conueniant, constat Apostolos quoque sic fecisse. Tametsi de precibus vix puto reperietur aliquis qui moueat quæstionem. De ieiunio ergo dicamus nō nihil: quia plurimi dum nō intelligunt quid utilitatis habeat, non adeo necessarium esse iudicant: alii etiam vt superuacuum, prorsus reiiciunt: & vsu eius nō bene cognito, facilis est in superstitionem lapsus.

15 Sanctum ac legitimum ieiunium tres habet fines. Eo enim vtimur, vel ad macerandam ac subigendam carnem, ne lasciuiat, vel vt ad preces ac sanctas meditationes melius simus comparati, vel vt testimonium sit nostræ coram Deo humiliationis, dum volumus reatum nostrum coram ipso confiteri. Primus finis, non ita sæpe locum habet in publico ieiunio: quod non vna est omnibus corporis cōstitutio, non vna valetudo. priuato itaque ieiunio magis conuenit. Secundus, vtriusque communis est. tam enim vniuersa Ecclesia eiusmodi præparatione ad preces opus habet, quā priuatim fidelium vnusquisque. Tertius quoque similiter. Fiet enim interdum vt bello, vel peste, vel calamitate aliqua gētem vnā percutiat Deus. In hac communi ferula ream se tota plebs faciat oportet, ac reatum profiteatur. Siquem verò priuatū feriat manus Domini, id ipsum faciat vel solus vel cum sua familia. Id quidem præcipuè situm est in animi affectu. Sed enim vbi animus afficitur vt debet, fieri vix potest quin erumpat in externam testificationem: idque tum maximè si in communem ædificationem cedit, vt omnes simul, peccatum suum palam confitendo, laudem iustitiæ Deo reddant, & se mutuò singuli exemplo suo cohortentur.

16 Vnde ieiunium, vt est signum humiliationis, frequentiore vsum habet in publico, quā inter homines priuatos: vtcūque sit commune, vt dictum est. Quod ergo ad disciplinam, de qua nunc tractamus, pertinet: quoties de re aliqua magna Deo supplicandum est, ieiunium vnā cum oratione indicare expediret. Sic quum Paulo & Barnabæ manus imponunt Antiochæni, quo eorum ministerium, quod tanti momēti erat, melius Deo cōmendant, orationi ieiuniū coniungunt. Sic ambo ipsi postea quum ministros præficerēt Ecclesiis, soliti sunt orare cum ieiunio. In genere hoc ieiunii non aliud spectarunt nisi vt redderentur alacriores & magis expediti ad precandum. Hoc certè experimur, ventre pleno mentem non ita esse in Deum erectam, vt & serio ardentique affectu ferri in precationem, & in ea perseuerare possit. Sic intelligendum est quod refert Lucas de Anna, eam seruiisse Domino ieiuniis & obsecrationibus. Neque enim cultum Dei reponit in ieiunio: sed significat sanctam mulierem se hoc modo exercuisse ad precandi assiduitatem. Tale fuit ieiuniū Nehemiæ, quum intentiore studio Deum pro liberatione populi sui precaretur. Hanc ob causam dicit Paulus fideles rectè facere si ad tempus abstineant à thoro coniugali, vt liberrius vacent orationi & ieiunio: vbi ieiunium precationi vice adminiculi coniungens, nullius per se momenti esse admonet nisi quatenus refertur in hunc finē. Deinde quum præcipiat eo loco cōiugibus, vt alii aliis mutuam beneuolentiam reddant, clarum est non de quotidianis precibus eum loqui, sed quæ attentionem magis seriam exigunt.

Act. 13. a. 3

Ibidē 14. d. 23

Luc. 2. c. 37

Neh. 1. b. 4

1. Cor. 7. a. 5

Ibidem a. 3

17 Rursus si grassari incipit vel pestilentia, vel fames, vel bellum, aut si qua clades imminere aliās regioni ac populo videtur: Pastorum tunc quoque officium est hortari ad ieiunium Ecclesiam, quo suppliciter iram Domini deprecetur. Se enim ad ultionem apparari & quodammodo armari denuntiat, vbi periculum apparere facit. Qualiter igitur promissa barba, impexo capillo, pulla veste, suppliciter se olim demittere rei solebant ad conciliandam iudicis misericordiam: ita nos, quum rei agimur coram Dei tribunali, eius seueritatē miserabili habitu deprecari, tum eius gloriæ interest ac publicæ ædificationis, tum

Ioel. 1. d. 19

nobis quoque ipsis vtile est ac salutare. Atque id quidem vsitatum fuisse in populo Israelitico, ex verbis Ioelis colligere promptum est. nam quum iubet cani tuba, conuocari coetum, indici ieiunium, & ea quæ sequuntur: loquitur vt de rebus communi consuetudine receptis. Paulo antè dixerat, de flagitiis populi cõstitutam esse quaestionem, ac iam imminere iudicii diem nuntiauerat, reosque citauerat ad dicendam causam. deinde vociferatur vt properent ad saccum & cinerem, ad fletum & ieiunium: hoc est, vt externis quoque testificationibus se coram Domino prosternant. Cinis quidem & saccus illis fortè temporibus magis conueniebant: sed conuocatio & fletus & ieiuniũ, & quæ sunt his similia, non dubium quin ad nostram quoque ætatem similiter pertineant, quoties ita rerum nostrarũ cõditio postulat. Nam quum sanctum sit exercitium cum ad humiliandos homines, tum ad humilitatem confitendam: cur eo minus vtamur quàm veteres in simili necessitate? Legimus ieiunasse in signum mœstitiæ nõ modò Israeliticam Ecclesiam, verbo Dei formatam ac constitutam, sed Niniuitas quoque, qui nihil doctrinæ præter vnicam Ienæ prædicationem habebant. Quid causæ est igitur cur nos non idem agamus? At externa est ceremonia, quæ finem in Christo vnà cum aliis accepit. Imò hodièque optimum fidelibus adminiculum est (vt semper fuit) & vtilis admonitio, ad seipsos excitandos, ne sua nimia securitate & socordia Deum magis ac magis prouocent, dum eius flagellis castigantur. Proinde Christus, quum Apostolos suos excusaret quòd non ieiunent, non dicit abrogatum esse ieiunium: sed calamitosos temporibus ipsum destinat, & cõiungit cum lætitiis. Veniet, inquit, tempus, quum auferetur ab illis sponsus.

1. Sam. 7. b. 6
& 3. d. 13
2. Reg. 1. b. 12
Ionæ 3. b. 5

Matth. 9. b. 15
Luc. 5. g. 34

- 18 Ne quis autem error sit in nomine: definiamus quid sit ieiunium. non enim simpliciter continentiam ac parsimoniam in victu hinc intelligimus, sed quiddam aliud. Piorum quidem vita frugalitate & sobrietate temperata esse debet, vt quandam ieiunii speciem, quod ad fieri potest, toto suo decursu præ se ferat. Sed est præterea ieiuniũ aliud temporale, quum aliquid ex cõsuetã viuendi ratione retrahimus: vel ad diem vnum, vel ad certum tempus, & nobis continentiam indicimus in victu ordinaria illa arctiorem ac seueriorem. Hoc in tribus situm est, in tempore, in ciborum qualitate, & parsimonia. Tempus dico, vt ieiuni defungamur iis actionibus quarum causa instituitur ieiunium. Quemadmodum, exempli causa, si ob solennem precationem quis ieiunet, vt eo impransus accedat. Qualitas in eo sita est vt absint omnes lautitiæ, ac plebeiis vilioribûsque cibis contenti, palatum delicatis non irriterimus. Quantitatis ratio in hoc est, vt parcius ac leuius solito vescamur: tãtũ ad necessitatem, non etiam ad voluptatem.

Ioel. 1. c. 19

- 19 At verò semper in primis cauendum nequid obrepat superstitionis, quemadmodum antehac magno Ecclesiæ malo accidit. Multo enim satius fuerit nullum prorsus esse ieiuniorum vsum quàm diligenter obseruari, & interim corruptum esse falsis perniciosisque opinionibus, ad quas mundus subinde delabitur, nisi summa fide ac prudentia obuiam eant Pastores. Primum est vt semper vrgeant quod docet Ioel, scindenda esse corda, non vestimenta: hoc est, admoneant plebem, non magni per se æstimari à Deo ieiunium nisi adfit interior cordis affectus, vera peccati & sui ipsius displicentia, vera humiliatio, verusque dolor ex timore Dei. Imò ieiunium non aliam ob causam vtile esse nisi quòd istis accedit velut inferius adminiculum. Nihil enim magis execratur Deus quàm dum homines signa & externã speciem pro cordis innocentia obiciendo, fucum sibi facere conantur. Itaque

Ies. 58. b. 5

in hanc hypocrisin seuerissimè inuehitur Iesaias, quòd Iudæi satisfactum Deo putarent vbi ieiunauerant duntaxat, vt cunq̃ue impietatem & impuras cogitationes in animo fouerent. Nunquid tale est (inquit) ieiunium quod Dominus elegit: & quæ sequuntur. Non igitur inutilis modò ac superuacua fatigatio est hypocriticum ieiunium, sed maxima abominatio. Alterum malum huic affine summopere cauendum est, ne pro opere meritorio aut specie diuini cultus censeatur. Nam quum sit res per se media, nec quicquã habeat momenti nisi propter eos fines in quos respicere debet, perniciosissima superstitio est, confundere cum operibus à Deo mādatis, & per se necessariis non alio respectu. Tale fuit olim delirium Manichæorũ: quos dum refellit Augustinus, satis clarè docet, ieiunium non nisi ab iis quos dixi finibus æstimandum, nec Deo aliter probari nisi eò referatur. Tertius error non adeò quidẽ impius, periculosus tamen: tãquam vnum ex præcipuis officiis morosus ac rigidiùs exigere, ac immodicis encomiis sic extollere vt homines se aliquid eximiũ fecisse putent quum ieiunauerint. Qua in parte non in totum excusare audeo veteres quin & superstitionis quãdam semina iecerint, & occasionẽ præbuerint tyrannidi quæ postea exorta est. Occurrunt quidem interdum sanæ ac prudentes de ieiunio sententiæ: sed postea occurrunt subinde immodicæ ieiunii laudes, quæ ipsum inter præcipuas virtutes extollunt.

Lib. 2. Demonib.
rib. Manich.
cap 12: & lib.
30 contra Fau-
stum.

- 20 Et tunc passim inualuerat superstitionosa quadragesimæ obseruatio: quia & vulgus eximium aliquod obsequium Deo se in ea præstare existimabat, & Pastores eam commedabant pro sancta Christi imitatione: quum planum sit non ideo ieiunasse Christum vt aliis exemplum præscriberet, sed vt Euangelii prædicationē sic auspicando, non humanam doctrinam esse, sed e cælo profectam re ipsa cōprobaret. Ac mirum est tam crassam hallucinationem hominibus acuti iudicii obrepere potuisse, quæ tot ac tam claris rationibus refellitur. Non enim sæpius ieiunat Christus (quod fieri oportuit si anniuersarii ieiunii legē tradere vellet) sed semel tantum, quum se ad Euangelii promulgationem accingit. Nec ieiunat humano more, vt par erat si homines ad imitationē prouocare vellet: sed magis exemplum designat quo in sui potius admirationem omnes rapiat quàm ad æmulandi studium excitet. Denique nō alia est istius ieiunii ratio quàm eius quo defunctus erat Moyses, quum Legem e manu Domini acciperet. Nam quum illud in Mose editum esset miraculum ad stabiliendam Legis auctoritatem, non debuit in Christo prætermitti: ne Legi Euāgelium cedere videretur. Atqui ab eo tempore nemini vnquam venit in mentem, prætextu imitationis Moysis, talē ieiunii formā in populo Israelitico erigere. Nec vllus ex sanctis Prophetis ac Patribus id sequutus est, quū tamen ad omnes pias exercitationes satis animi ac zeli haberent. Nam quod de Elia habetur, eum sine cibo & potu quadraginta dies transegisse, non aliò per tinebat quàm vt populus agnosceret eum excitatum esse Legis vindicē, à qua vulgò propè totus Israel descuerat. Fuit igitur mera κακοζηλία, & superstitionis plena, quòd titulo ac colore imitationis Christi, ieiunium ornabant. Quamquam in modo ieiunii mira tunc erat diuersitas, vt refert Cassiodorus ex Socrate, historiæ suæ libro nono. Romani enim (inquit) nonnisi tres habebant septimanas: sed illis continuū erat ieiunium, excepto die Dominico & Sabbato. Illyrici & Græci sex: alii septem: sed ieiuniū per interualla. Nec minus in ciborum discrimine dissidebant. alii nonnisi pane & aqua vescébantur, alii addebant olera: piscibus alii & volatilibus non abhorrebant: alii nullum habebant in cibis discrimen. Huius etiam differentię meminit Augustinus, posteriore epistola ad Ianuariū.
- 21 Sequuta sunt deinde deteriora tempora, & ad præposterum vulgi studium accessit Episcoporum tum inscitia & ruditas, tum libido dominandi & tyrannicus rigor. Latæ sunt impiæ leges quæ consciētias exitalibus vinculis stringunt. Interdictus carniū esus quasi hominem contaminaret. Additæ sacrilegæ opiniones aliæ super alias, donec in profundum omnium errorum ventum est. Ac nequid prauitatis ommitteretur, ineptissimo abstinentiæ prætextu cum Deo ludere cœperūt. Nam in exquisitissimis quibusque deliciis laus ieiunii quæritur, nullæ tunc lautitiæ sufficiunt. nunquam maior ciborum vel copia, vel varietas, vel suauitas. In tali ac tam splendido apparatu putant se rite seruire Deo. Taceo quòd nunquam foedius se ingurgitant qui volunt haberi sanctissimi. In summa, his summus est Dei cultus, à carnib⁹ abstinere, & illis exceptis affluere omni genere lautitiarū. Rursum hæc vltima est impietas, & vix morte expiabilis, si quis minimum laridi aut rancidæ carnis cum pane cibario gustauerit. Narrat Hieronymus, iam suo sæculo quosdam extitisse qui talibus ineptiis cum Deo luderent: qui, ne oleo vescerentur, cibos delicatissimos vndique aduehi sibi curabant: imò vt naturæ vim inferrent, ab aquæ potu abstinebant: sed suaues pretiosasque sorbitiunculas fieri sibi curabant: quas non ex calice hauriebant, sed concha. Quod vitium tunc in paucis erat, hodie vulgare est inter omnes diuites: vt scilicet non alio fine ieiunent nisi vt lautius nitidiūque epulētur. Sed nolo multum verborū profundere in re non adeò dubia. Hoc tantum dico, cum in ieiuniis tū in omnibus aliis disciplinæ partibus adeò nihil recti, nihil sinceri, nihil bene compositi ac ordinati habere Papiſtas, vt superbiendi occasionē vllā habeant, quasi aliquid reliquū sit apud eos laude dignū.
- 22 Sequitur altera pars disciplinæ, quæ ad clerū peculiariter pertinet. Ea Canonibus continetur quos sibi veteres Episcopi suoque ordini imposuerūt. Quales sunt, Nequis clericus venationi, nequis alex, nequis comestationibus vacaret: nequis exerceret fœnus aut mercaturam: nequis lasciuis saltationibus interesset: aliisque eius generis. Adiciebantur & pœnæ, quibus ipsa Canonum auctoritas sanciebatur, nequis eos impune violaret. In hunc finem vnicuique Episcopo committebatur cleri sui gubernatio, vt secūdum Canones, suos clericos regeret, ac in officio retineret. In hunc finem institutæ erant annuæ inspectiones ac Synodi, vt si quis foret in officio negligentior, admoneretur: si quis peccasset, pro modo delicti in eum animaduerneretur. Ipsi quoque Episcopi quotannis suas habebant prouinciales Synodos, antiquitus etiam binas, à quibus iudicabantur siquid præter officium admitterāt. Nam si quis Episcopus durior erat aut violētior in suum clerum, illuc erat prouocatio, etiamsi vnus tantum conquerebatur. Animaduersio seuerissima erat, vt deponeretur

Mat. 4. 23

Exo. 24. d. 18,
& 34. d. 28

1. Reg. 19. b. 8

Ad Nepotianum.

ab officio qui peccauerat, ac communione ad tempus priuaretur. Quia autē erat ille perpetuus ordo, Synodum dimittere nunquam solebant quin locum ac tempus proximā indicerent. Nam vniuersale cogere Concilium solius erat Imperatoris, quemadmodum testantur omnes vetustæ indições. Quandiu vigeat hæc seueritas, non plus verbo exigebant clerici à plebe quàm exemplo & opere præstarent. Quin multo rigidiores erant in seipsos quàm in vulgus. Et sanè ita decet vt humaniore & laxiore (vt ita loquar) disciplina plebs regatur: clerici inter se acriores exerceant censuras, minúsque longè sibi quàm aliis indulgeant. Istud totum vt obsoleuerit nihil opus est referre, quum nihil hodie fingi queat hoc ordine magis effrane ac dissolutum: ac eò licetia prorupit vt totus orbis vociferetur. Ne apud ipsos videatur prorsus sepulta esse omnis antiquitas, vmbri, fateor, quibusdam decipiunt simplicium oculos, sed quæ ad vetustos mores nihilo propius accedunt quàm simia æmulatio ad id quod ratione & consilio faciunt homines. Memorabilis est apud Xenophontem locus, vbi docet, quum turpiter degenerassent Persæ à maiorum institutis, & ab austero viuēdi genere ad mollitiem & delicias prolapsi essent, vt tamen dedecus hoc tegerent, priscos ritus sedulò seruasse. Nam quum Cyri tempore eousque vigeret sobrietas & temperantia vt emungi opus non esset, atque etiam probri loco duceretur: apud posteros durauit religio nequis mukum è naribus traheret, sorbere verò & intus alere ad putredinē vsque foetidos humores quos ex ingluuie contaxerant, permissum. Ita ex vetere præcepto vrceos adferre ad mensam nefas: merum ingurgitare, vt ebrios auferri necesse foret, tolerabile. Semel comedere præscriptum: hoc non abiogauerant boni isti successores, sed vt à meridie vsque ad mediam noctem continuarent suas crapulas. Conficere diurnum iter ieiunos, quia lex iubeat, perpetui apud eos moris fuit: sed lassitudinis vitandæ causa, iter ad duas horas contrahere, liberum & vsitatum ex consuetudine fuit. Quoties degeneres suas regulas obtendēt Papistæ, vt se ostendant affines esse sanctis Patribus: ridiculā eorum imitationem hoc exemplum satis coarguet, vt nullus pictor magis ad viuum possit exprimere.

Lib. 8. Pæd.
Cyri.

23 Vna in re plusquam rigidi sunt & inexorabiles, ne coniugium Sacerdotibus permittāt. Quanta apud eos scortādī grassetur impunitas dicere nihil attinet. ac foetido suo calibatu freti occaluerūt ad omnia flagitia. hæc tamen prohibitio clarè ostendit quàm pestifera sint omnes traditiones: vtpote quæ non solum orbauit Ecclesiā probis & idoneis Pastoribus, sed horrendā inuexit scelerū colluuiem, multasque animas in gurgitē desperationis proiecit. Certè quòd sacerdotibus interdictum fuit coniugium, id factum est impia tyrānide, non modò contra verbum Dei, sed etiam cōtra omnem æquitatem. Primū vetare quod Dominus liberum reliquisset, nulla ratione hominibus licuit. Deinde nominatim Deum cauisse verbo suo ne hæc libertas infringeretur, clarius est quàm vt longa demonstratione vti necesse sit. Omitto quòd Paulus pluribus locis Episcopū vult esse vnius vxoris virum. sed quid potuit vehemētius dici quàm vbi ex Spiritu sancto denūtiat, fore nouissimis temporibus homines impios qui coniugium prohibeant: eosque non modò impostores nuncupat, sed dæmones: Hoc igitur vaticinium, hoc sacrum oraculum est Spiritus sancti, quo Ecclesiam ab initio præmunire aduersus pericula voluit, Doctrinam dæmoniorum esse coniugii prohibitionem. Verū bellè se elapsos esse putant quum hanc sententiam detorquent ad Montanum, Tatianos, Encratitas, aliosque veteres hæreticos. Illi (inquiunt) soli matrimonium damnarunt: nos minimè damnamus, sed Ecclesiasticum ordinem tantum ab eo arcemus, cui putamus non satis conuenire. Quasi verò etiam si in illis superioribus completum sit primo loco hoc vaticinium, non in istos etiam competat: aut quasi auditu digna sit puerilis ista argutiola, quòd prohibere se negant, quia non omnibus prohibent. Perinde enim est ac si tyrannus iniquam non esse legem contendat, cuius iniquitate pars duntaxat ciuitatis prematur.

1. Tim. 3. a. 2
tit. 1. b. 6

1. Tim. 4. a. 3

24 Obiiciunt, aliqua nota differre oportere à plebe Sacerdotē. Quasi non prouiderit hoc quoque Dominus quibus ornamentis excellere deberēt Sacerdotes. Ita Apostolum perturbati ordinis confusique decoris Ecclesiastici insimulant, qui quum absolutam boni Episcopi ideam delinearet, inter reliquas dotes quas in eo requirebat, ausus sit coniugium ponere. Scio qualiter hoc interpretentur, nempe eligendum non esse qui secundam habuerit vxorem. Atque hanc interpretationem non esse nouam concedo: sed falsam esse ex ipso contextu palam est. quia statim præscribit quales Episcoporum & Diaconorum vxores esse oporteat. Paulus inter Episcopi virtutes numerat coniugium: isti intolerabile vitium in ordine Ecclesiastico esse docent. Et, si Deo placet, hæc generali vituperatione non contenti, immunditiem & pollutionem carnis in suis Canonibus vocant. Cogitet quisque apud se ex qua officina hæc prodierint. Christus eo honore dignatur coniugium vt imaginē esse

Siricius ad Episcopos Hispaniarum.

velit sacra suæ cum Ecclesia coniunctionis. Quid splendidius dici poterat ad commendandam coniugii dignitatem? Qua igitur fronte immundum vel pollutum vocabitur in quo similitudo spiritualis Christi gratiæ elucet?

25 Iam verò quum ita clarè cum verbo Dei pugnet eorum prohibitio, inueniunt tamen in Scripturis quo eam defendât. Sacerdotes Leuiticos, quoties ad eos ministrandi vices redibant, oportuit ab vxoribus secubare, quo puri & immaculati sacra tractarent. Nostra ergo sacra, quum & multo nobiliora sint & quotidiana, à cōiugatis tractari valde fuerit indecorū. Quasi verò eadem sit Euangelici ministerii persona quæ fuit sacerdotii Leuitici. Illi enim tanquam ἀρίστοι, Christum repræsentabant, qui mediator Dei & hominū, absolutissima sua puritate reconciliaturus Patrē nobis erat. Quum verò omni ex parte exhibere peccatores typum sanctitatis eius non possent, quibusdam tamen lineamentis vt adūbrarent, iussi sunt vltra humanum morem se purificare, dum ad Sanctuarium accederent: quia tum scilicet propriè Christum figurabāt, quòd veluti pacificatores, ad reconciliandū Deo populum apparebant ad tabernaculum, cælestis tribunalis simulachrum. Hanc personā quia hodie non sustinent Ecclesiastici Pastores, frustra cum illis comparātur. Quare Apostolus citra exceptionem securè pronuntiat honorabile esse inter omnes coniugium, scortatores autem & adulteros manere Dei iudicium. Et ipsi Apostoli suo exemplo comprobant nullius quamlibet excellentis functionis sanctitate indignum esse coniugium. Nam eos non tantū vxores retinuisse, sed secum eiam circumduxisse testis est Paulus.

Heb. 13. 2. 4

1. Cor. 9. 2. 5

26 Deinde mira fuit impudentia, quòd decorum istud castitatis pro necessaria re venditarūt, in summam veteris Ecclesiæ ignominiam: quæ quum abundarit eximia Dei eruditione, plus tamen sanctimonia excelluit. Nam si Apostolos nihil morantur (vt solent eos interdum strenuè cōtemnere) quid, amabo, facient omnibus vestitis Patribus, quos certū est non modò coniugium in Episcoporum ordine tolerasse, sed etiam approbasse? Alebant scilicet fœdam sacrorum profanationem, quando ita non rite apud eos Domini mysteria colebantur. Agitatum quidem fuit in Nicena Synodo de indicendo cælibatu: vt nūquam defunt superstitiosi, qui semper nouum aliquid comminiscuntur vnde admirationem sibi concilient. Sed quid constitutum fuit: nempe in sententiam Paphnutii discessum est, qui pronuntiauit castitatem esse cum propria vxore concubitum. Mansit ergo inter ipsos sacrum coniugium: neque aut ipsis dedecori cessit, aut maculam vllam aspergere ministerio creditum est.

Hist. tripart.
lib. 2. cap. 14

27 Sequuta sunt deinde tēpora quibus inualuit nimis superstitiosa cælibatus admiratio. hinc illa subinde & sine modo decantata virginitatis encomia: vt vix vlla alia virtus cū ea conferenda vulgo cōderetur. Et quanquam non damnabatur impuritatis coniugium, sic tamen extenuabatur eius dignitas, & sanctitas obscurabatur, vt non videretur satis forti animo ad perfectionem adspirare qui nō ab ipso sibi temperaret. Hinc illi Canones quibus primò vetitum est ne matrimonium contraherent qui peruenissent ad sacerdotii gradum: deinde ne in eum ordinem assumerentur nisi cælibes, aut qui thoro coniugali vnà cum vxoribus renuntiarent. Hæc, quia videbantur reuerentiā sacerdotio conciliare, magno plausu etiam antiquitus recepta esse fateor. Sed si mihi antiquitatem obiiciant aduersarii, primum respondeo, hanc libertatem & sub Apostolis & aliquot postea seculis extitisse, vt coniuges essent Episcopi. hac, sine difficultate, vfos esse ipsos Apostolos, & alios primariæ auctoritatis Pastores, qui in eorum locū successerūt. Illius antiquioris Ecclesiæ exemplū pluris meritò nobis debere esse quàm vt illicitū vel indecorū nobis putemus quod tunc cum laude receptum vsitatumque fuit. Deinde illam ætatem, quæ immodica virginitatis affectione cœpit esse cōiugio iniquior, non ita imposuisse Sacerdotibus legem cælibatus quasi res per se necessaria esset, sed quia cælibes coniugatis anteferebat. Postremò non ita exegisse vt necessitate ac vi adigeret ad continentiam qui ad eam seruandam idonei nō essent. Nā quum seuerissimis legibus in scortationes vindicaret: de iis qui matrimoniū contraherent, hoc tantū statuebat vt à functione supersederent.

28 Ergo quoties cælibatui suo defendēdo prætextum antiquitatis quærent nouæ istius tyrannidis defensores, toties excipiendum erit vt veterem illam castimoniam in suis Sacerdotibus restituant, amoueant adulteros ac scortatores: ne eos, in quibus honestum ac pudicum thori vsum non sustinent, in omne libidinis genus impune ruere sinant: reuocent illā obsoletam disciplinam, qua omnes lasciuia coerceantur: liberent Ecclesiam hac tam flagitiosa turpitudine, qua iamdiu deformata est. Vbi hoc concesserint, tum rursus admonendi erunt ne eam rem pro necessaria venditēt, quæ per se libera ex Ecclesiæ vtilitate pendet. Neque tamen hæc dico quòd vlla omnino cōditione dandum esse locum iis Canonibus

Hom. de in-
uentione Cru-
cis.

bus censeam qui vinculum calibatus Ecclesiastico ordini iniiciunt: sed vt intelligant cordatiores qua fronte hostes nostri sanctum coniugium, obiecto antiquitatis nomine, in Sacerdotibus infament. Quantum ad Patres attinet, quorū scripta extant, neque ipsi, quū ex suo iudicio loquebantur, excepto Hieronymo, tanta malignitate coniugii honestati obtre-
ctarunt. Contenti erimus vno Chrysostomi elogio: quod is, quum praeceps fuerit virginitatis admirator, non potest in matrimonii commendationem videri fuisse aliis profu-
fior. Sic autē loquitur, Primus gradus castitatis est, sincera virginitas: secundus, fidele cō-
iugium. Ergo species secunda virginitatis, est matrimonii casta dilectio.

De votis, quorū temeraria nuncupatione quisque se miserē implicuit. CAP. XIII.

DE P L O R A N D A quidē res est, Ecclesiam, cui ināstimiabili sanguinis Christi pretio empta erat libertas, crudeli tyrannide sic fuisse oppressam, & ingenti traditionum cōgerie ferē obrutam: sed priuata interim cuiusque a-
mentia ostendit, non sine iustissima causa tantum fuisse diuinitus Satanæ e-
iusque ministris permissum. Neque enim satis fuit neglecto Christi imperio
qualibet onera à falsis doctoribus imposita perferre, nisi propria etiam singuli sibi accer-
ferent: adeoque eaernas sibi fodiendo se profundius demergerent. Id factum est dum cer-
tatim excogitāt vota ex quibus ad communia vincula maior & arctior obligatio accede-
ret. Quando itaque docuimus eorum audacia qui sub Pastorum titulo dominati sunt in
Ecclesia, vitiatum fuisse Dei cultum, vbi iniquis suis legibus miseras animas illaquearūt:
hic malum affine annectere non intempestiuum erit, vt appareat, mūdum pro ingenti sui
prauitate, quibus potuit obstaculis semper adiuuēta repulisse quibus ad Deum adduci de-
buerat. Porro quō melius pateat grauissimam perniciem ex votis inuectam esse, principia
iam antē posita teneant lectores. Docuimus enim primū, quicquid ad vitam piē sanctē-
que instituendam desiderari potest, in Lege esse comprehensum. Docuimus rursus Domi-
num, quo melius nos ab excogitandis nouis operibus auocaret, totam iustitiæ laudem in
simplici voluntatis suæ obedientia inclusisse. Hæc si vera sunt, iudicare promptum est, fi-
ctitios omnes cultus, quos nobis ipsi ad promerendum Deum comminiscimur, minimē
esse illi acceptos, quātumuis nobis arrideant. Et certē Dominus ipse multis locis non tan-
tūm apertē eos respuit, sed grauiter abominatur. Hinc exoritur de votis dubitatio quæ præ-
ter expressum Dei verbum fiunt, quo loco sint habenda, an nūcupari rite possint ab homi-
nibus Christianis, & quatenus eos obstringant. Nam quod inter homines dicitur promif-
sio, id Dei respectu Votum appellatur. Hominibus autem pollicemur ea quæ vel putamus
illis fore grata, vel quæ ex officio debemus. Longe igitur maiorem in votis obseruantiam
esse decet, quæ ad ipsum Deum, cum quo maximē serio agendū est, diriguntur. Hic mirū
in modum omnibus seculis grassata est superstitio: vt homines sine iudicio, sine delectu,
quicquid in mentem, vel etiam in buccā veniret, Deo protinus vouerent. Hinc illæ votorū
ineptiæ, imò prodigiosæ absurditates apud Ethnicos, quibus nimis insolēter cum diis suis
luserunt. Atque vtinam hanc illorum audaciam non imitati essent etiam Christiani. Mi-
nimē id quidem decuit: sed videmus aliquot seculis nihil fuisse hæc improbitate vsitatus:
vt populus contempta passim Dei Lege, vouendi quicquid per somnium arrisisset, infano
studio totus flagraret. Nolo odiosē exaggerare, nec sigillatim recensere quā grauiter ac
quot modis hic peccatū sit: sed hoc obiter dicere visum est, quo melius appareat, nos nequa-
quam de re superuacua quæstionem instituere quum de votis tractamus.

2 Porro si nolumus errare iudicando quæ vota sint legitima, quæ præpostera: tria expen-
dere conuenit: nempe quis sit is cui votum nuncupatur: qui simus nos qui vouemus: quo
animo denique voueamus. Primum cō spectat vt cogitemus nobis cum Deo esse negotiū:
Coloss. 2. d. 23 quem adeo delectat nostra obedientia, vt ἐξολοθρονείας omnes, quālibet in oculis hominum
speciosæ sint ac splendide, maledictas esse pronuntiet. Si voluntarij omnes cultus, quos
ipsi sine mandato excogitamus, Deo sunt abominabiles, sequitur, nullum ei acceptum
esse posse nisi qui eius verbo approbetur. Ergo ne tantum licentiæ nobis sumamus, vt au-
deamus Deo vouere quod nullum testimonium habeat qualiter ab ipso æstimetur. Nam
Rom. 14. d. 23 quod Paulus docet peccatum esse quicquid sit absque fide, quum ad actiones quaslibet ex-
tendatur, tunc certē præcipuē locum habet vbi cogitationem tuam rectā in Deum dirigis.
Imò si in minimis quibusque (vt illic de ciborū discrimine disputat Paulus) labimur vel er-
ramus vbi non præluet fidei certitudo: quanto plus modestiæ adhibendū est vbi rem ma-
ximi ponderis aggredimur: Siquidem nihil magis serium esse nobis decet religionis offi-
ciis. Sit igitur hæc prima in votis cautio, vt nūquam ad aliquid vouendum descendamus
quin certō prius conscientia constituerit, se nihil temerē tentare. Tunc autem à temerita-

tis periculo tuta erit quum Deum sibi habebit præcuntem, & quasi ex verbo suo distantem quid factu bonum sit vel inutile.

3 In altero quod hîc diximus considerandum, id continetur, vt metiamur vires nostras, vt vocationem nostrâ intueamur: ne beneficium libertatis, quod nobis Deus contulit, negligamus. Nam qui vouet quod vel non est suæ facultatis, vel cum vocatione sua pugnat, temerarius est: & qui Dei beneficentiam, qua rerum omnium dominus constituitur, contemnit, ingratus. Quum ita loquor, non intelligo quicquâ esse sic in manu nostra positum, vt propriæ virtutis fiducia subnixi, illud Deo promittamus. Verissimè enim in Arausicano Concilio decretum fuit, nihil rite Deo voueri nisi quod de manu eius acceperimus: quando omnia quæ illi offeruntur, mera sunt eius dona. Sed quum Dei benignitate alia nobis data sint, eius æquitate alia negata: mensuram collatæ sibi quisque gratiæ (vt iubet Paulus) respiciat. Nihil ergo hîc aliud volo, quàm vota esse attemperanda ad eum modum quem tibi sua donatione Deus præscribit: ne si vltrà coneris quàm ille permittat, te ipsum, nimis tibi arrogando, præcipites. Exempli gratia, Quum vouerent sicarii illi quorum mentio fit apud Lucam, se nihil cibi gustaturos nisi occiso Paulo: etiam si non fuisset sceleratum consilium, temeritas tamen ipsa minimè erat ferenda, quòd hominis vitam & mortem subiicerent suæ potestati. Sic Iephthe stultitiæ suæ pœnas dedit, quum præcipiti feruore incòsideratum votum cõcepit. In quo genere primatum vesanæ audaciæ tenet cælibatus. Sacrifici enim, Monachi & moniales suæ infirmitatis obliti, cælibatui se pares esse confidunt. Quo autem oraculo edocti sunt, constaturam sibi tota vita castitatem, in cuius finem eam vouent? Audiunt de vniuersali hominum conditione Dei vocem, Non est bonum homini esse soli. Intelligunt, atque vtinam non sentirent, peccatum in nobis manens non carere acerrimis aculeis. Illam generalem vocationem qua fiducia excutere audent in totam vitam? quum donum continentix sæpius in certum tempus, prout opportunitas requirit, concedatur. In tali peruicacia ne Deum auxiliatorem expectent: sed meminerint potius eius quod dictum est, Dominum Deum tuum non tentabis. Hoc verò Deum tentare est, contra inditam ab eo naturâ niti, ac præsentia eius dona spernere ac si nihil ad nos pertinerent. Quod isti non modò faciunt, sed matrimoniū etiâ quod instituere non alienum sua maiestate censuit Deus, quod in omnibus honorabile pronuntiauit: quod Christus Dominus noster sua præsentia sanctificauit, quod primo suo miraculo cohonestare dignatus est, pollutionē vocare audent: tātum vt qualemcūque cælibatū miris encomiis tollāt. Quasi verò non aliud cælibatū esse, aliud virginitatē, luculentum ipsi documentum præbeant in sua vita: quam tamen impudentissimè angelicam vocant. in hoc certè Angelis Dei nimium iniurii, quibus scortatores, adulteros, & aliquid multò peius ac fœdius comparant. Et sanè argumentis hîc minimè opus est, vbi re ipsa palam reuincuntur. Videmus enim palam, quàm horrendis pœnis huiusmodi arrogantiam, & ex præfidentia donorum suorum contemptum passim vlciscatur Dominus. Et occultioribus præ pudore parco: de quibus hoc ipsum quod intelligitur nimium est. Nihil esse vouendum quod nobis sit impedimento quominus vocationi nostræ seruiamus, extra cõtroversiam est. Quemadmodum si paterfamilias voueat, relictis liberis & vxore, se alia onera suscepturum: vel qui ad gerendum magistratum idoneus est, vbi eligitur, voueat se priuatum fore. Quid autem sibi velit quod de libertate nostra non spernenda diximus, non nihil habet difficultatis, nisi explicetur. Itaque sic paucis accipe. Quum rerum omnium dominos cõstituerit nos Deus, & eas sic nobis subiecerit vt omnibus pro nostra commoditate vteremur: non est quod speremus gratum Deo fore officium, si rebus externis, quæ nobis adminiculo esse debent, nos in seruitutem addicamus. Hoc idè dico, quòd nonnulli laudem humilitatis ex eo captant si se illaqueent multis obseruationibus, à quibus non frustra nos liberos atque immunes Deus esse voluit. Proinde si hoc periculū volumus effugere, semper meminerimus, ab ea œconomia, quam Dominus in Ecclesia Christiana instituit, nobis minimè esse discedendum.

4 Nunc venio ad illud quod tertio loco posui: multum scilicet referre quo animo votū nuncupes si velis ipsum Deo approbari. Nam quia Dominus cor, non externam speciem intuetur, fit vt eadem res, mutato animi proposito, nunc placeat ei accepta que sit, nunc vehementer displiceat. Vini abstinentiam si ita voues quasi in ea subsit aliquid sanctimonix, supersticiosus es: si in alium finem non peruersum respicis, nemo potest improbare. Sunt autem, quantum possum iudicare, quatuor fines ad quos vota nostra rite diriguntur: quorum duos, docēdi causa, ad præteritum tempus refero: duos reliquos ad futurum. Ad præteritum tempus pertinent vota quibus vel nostram erga Deum gratitudinem pro acceptis beneficiis testamur, vel ad iram eius deprecandam, ipsi à nobis pœnā ob admissa de-

Cap. 11.

Rom. 12. a. 3.
1. cor. 12. b. 11.

Act. 23. c. 12.

Indic. 11. f. 39.

Gen. 2. c. 18.

Deut. 6. c. 16.

Heb. 13. a. 4.
Iohan. 2. a. 9.
& b. 9.

Gene. 28. d. 10

Psal. 22. d. 26,
& 56. c. 13, &
116. b. 14, 18

licta exigimus. Priora vocemus, si placet, exercitia gratiarum actionis: altera, poenitentia. Prioris generis exemplum habemus in decimis, quas vouebat Iacob, si Dominus eum incolumem ab exilio in patriam reduceret. Præterea in sacrificiis veteribus pacificorum, quæ pii Reges ac duces, iustum bellum suscepturi vouebant se reddituros si victoria potiti essent: aut certè quum maiori aliqua difficultate premebantur, si Dominus eos liberasset. Sic intelligendi sunt omnes loci in Psalmis qui de votis loquuntur. Eiusmodi vota hodie quoque nobis in usu esse possunt, quoties nos Dominus vel à clade aliqua, vel à morbo difficili, vel ab alio quouis discrimine eripuit. Neque enim à pii hominis officio tunc abhorret, votiuâ oblationem, velut solenne recognitionis symbolum, Deo consecrare: ne ingratus erga eius benignitatem videatur. Secundum genus quale sit, vno duntaxat familiari exemplo ostendere sufficiet. Siquis in aliquod flagitium, gulæ vitio prolapsus sit, nihil obstabit quominus ad castigandâ intemperiem lautitiis omnibus possit ad aliquod tempus renuntiare, idque facere voto adhibito, quo arctiore vinculo se astringat. Neque tamen sic perpetuam legem iis statuo qui similiter deliquerint: sed ostendo quid facere illis liceat, qui tale votum sibi utile esse cœsuerint. Sic igitur eiusmodi votum licitū facio vt liberum interim relinquam.

5 Quæ in futurum tempus conferuntur vota, partim vt diximus, eò tendunt, vt reddamur cautiores: partim vt quibusdam veluti stimulis, ad officium excitemur. Videt aliquis se adeò procliuem esse in certum vitium, vt in re aliâ non mala sibi tēperare nequeat quin protinus in malum delabatur: nihil absurdum faciet, si eius rei vsum ad aliquod tempus sibi voto præcidat. Quemadmodum si quis periculosum sibi esse hunc vel illum corporis ornatum agnoscat, & tamen cupiditate illectus vehementer appetat, quid melius faciat quàm vt frænum sibi iniiciendo, hoc est necessitatem abstinendi imponendo, sese omni dubitatione liberet? Similiter si quis vel obliuiosus sit, vel piger ad necessaria pietatis officia, cur non suscepto voto, & memoriam expergeficiat, & pigritiam excutiat? In utroque speciem esse pædagogicæ fateor: sed eo ipso quod sunt infirmitatis adminicula, à rudibus & imperfectis non sine vtilitate vsurpantur. Proinde quæ ad vnum ex his finibus respiciunt vota, præsertim in rebus externis, legitima esse dicemus, si modo & Dei approbatione sint suffulta, & vocationi nostræ conueniant, & ad facultatem gratiæ nobis à Deo data sint limitata.

6 Iam nec difficile est colligere quid de votis in vniuersum sentiendū sit. Vnum est votū fidelium omnium cōmune, quod in Baptismo nuncupatum, Catechismo ac Cœnæ sumptione confirmamus, & quasi sancimus. sunt enim sacramenta tanquam syngraphæ, quibus Dominus misericordiam nobis suam atque ex ea vitam æternam deferit: nos vicissim illi obedientiam pollicemur. Hæc tamen voti formula vel certè summa, quod Satanæ renuntiantes, Deo nos in seruitutem addicimus, vt sanctis eius mandatis obediamus, nō autem obsequamur prauis carnis nostræ desideriis. Hoc votum quum à Scriptura testimonium habeat, imò à filiis Dei omnibus exigatur, quin sanctum sit & salutare dubitari non debet. Nec obstat quod perfectam legis obedientiam, quam exigit Deus à nobis, nemo in hac vita præstat. Quando enim hæc stipulatio in fœdere gratiæ est inclusa, sub quo & remissio peccatorum, & Spiritus sanctificationis continetur: pollicitatio quam illic facimus, & cum veniæ deprecatione & cum auxilii postulatione coniuncta est. In iudicandis particularibus votis tres superiores regulas memoria tenere necesse est: vnde tutò licebit, quale sit vnumquodque votum, æstimare. Neque tamen ea ipsa vota, quæ sancta esse assero, sic commendare me putes, vt quotidiana esse velim. Nam etsi nihil præcipere de numero aut tempore audeo: si quis tamen consilio meo obtemperet, non nisi sobria & temporaria suscipiet. Si enim ad multa vota nuncupanda subinde erumpas, tota religio ipsa assiduitate vilescet, & procliuius erit in superstitionem lapsus. Si perpetuo voto te obstringas, aut magna molestia tædiôque solues, aut etiam diuturnitate fatigatus, violare aliquando audebis.

7 Iam nec obscurum est, quanta superstitione in hac parte laborauerit mundus aliquot seculis. Alius se abstemium fore vouebat: quasi vini abstinentia cultus esset per se Deo gratus. Alius ieiunio, alius carnis abstinentiæ se astringebat ad certos dies, quibus singularem aliquam præ aliis religionem subesse sibi vana opinione finxerat. Quædam etiam lōgè magis puerilia nuncupabatur: etsi non à pueris. Fuit enim hoc pro magna sapientia habitum, votiuas peregrinationes ad sanctiora loca suscipere, ac interdum vel pedibus iter conficere, vel corpore seminudo, quo plus meriti ex lassitudine acquireretur. Hæc & similia, quorum incredibili studio mundus aliquandiu æstauit, si secundum eas quas antea posuimus regulas examinentur, non tantum inania deprehendentur ac nugatoria, sed plena mani-

festæ impietatis. Vtunque enim iudicet caro, nihil magis abominatur Deus quàm cultus fictitios. Accedunt perniciosæ illæ & damnatæ opiniones: quòd hypocritæ, vbi talibus nugis defuncti sunt, credunt se non vulgarem iustitiam sibi comparasse: summam pietatis in externis obseruationibus reponunt: alios omnes despiciunt qui apparent earum rerum minus curiosi.

8 Singulas formas enumerare nihil attinet. Sed quia vota monastica maiori in veneratione habentur quòd videntur publico Ecclesiæ iudicio approbata: de iis breuiter dicendū est. Principio, nequis longi temporis præscriptione defendat monachismum qualis hodie est, notandum est, fuisse olim in monasteriis longè aliud viuendi institutum. Qui se ad summam austeritatem & patientiam volebāt exercere, eò concedebant. Qualem enim sub Lycurgi legibus fuisse Lacedæmoniorum disciplinam narrāt, tunc talis erat apud monachos, ac multo etiā rigidior. Humi dormiebant: potus erat aqua: cibus, panis: herbæ ac radiculæ, præcipuè lautitiæ in oleo & ciceribus. Ab omni delicatiore victu & corporis cultu abstinēbāt. Hæc hyperbolica videri possēt nisi ab oculatis & expertis testibus traderētur, Gregorio Nazianzeno, Basilio & Chrysostomo. Talibus verò rudimentis se ad maiora munera præparabāt. Monastica enim collegia fuisse tūc veluti seminaria ordinis Ecclesiastici, cum illi quos nuper nominauimus, satis claro documento sunt (nam omnes in monasteriis educati, illinc ad Episcopale munus vocati sunt) tum alii complures eorum ætate magni ac præstantes viri. Et Augustinus illud suo quoque tempore fuisse vñtatum ostendit, vt Ecclesiæ clericos cœnobita ministrarēt. nam monachos Caprariæ insulæ sic alloquitur, Vos autem Epist. 81 fratres exhortamur in Domino vt propositum vestrum custodiatis, & in finem perseueretis: ac si quando operam vestram mater Ecclesia desiderauerit, nec elatione auida suscipiatis, nec blandiente desidra respuatis: sed miti corde obtemperetis Deo. Nec vestrum otium necessitatibus Ecclesiæ præponatis: cui parturienti si nulli boni ministrare vellent, quomodo nasceremini non inueniretis. Loquitur autem de ministerio quo fideles spiritualiter renascuntur. Item ad Aurelium, Et ipsis lapsus occasio, & ordini clericorum fit indignissima iniuria, si desertores monasteriorum ad militiam clericatus eliguntur: quum ex iis qui in monasterio permanent, non tamen nisi probatiores ac meliores in clerum assumere soleamus. Nisi fortè, sicut vulgus dicit, Malus choraules, bonus est symphoniacus: ita & de nobis iocabitur, Malus monachus, bonus clericus est. Nimis dolendum, si ad tam ruinofam superbiam monachos surrigamus, & tam graui contumelia clericos dignos putemus: quum aliquando etiam bonus monachus vix bonum clericum faciat, si adsit ei sufficiens continentia, & tamen desit necessaria doctrina. Ex his locis apparet pios homines sese ad Ecclesiæ gubernationē monastica disciplina solitos fuisse præparare, quo aptiores & melius formati tantū munus subirent. Non quòd omnes ad hunc finē peruenirēt, aut etiā tenderent, quū maiori ex parte essent homines illiterati: sed qui idonei erant, seligebantur.

9 Duobus tamen præcipuè locis veteris monastices formam nobis depingit. Libro de moribus Ecclesiæ catholicæ, vbi aduersus Manichæorum calumnias eius professionis sanctimoniam opponit: & altero, cui titulum fecit, De opere monachorum: vbi in degeneres quosdam monachos, qui institutum illud corrumpere cœperant, inuchitur. Ego hîc eorum quæ tradit summam ita colligam, vt verbis quoque eius, quoad licebit, vtar: Contemptis, inquit, mundi huius illecebris, in communem vitam castissimam sanctissimamque congregati, simul ætatem agunt, viuentes in orationibus, lectionibus, disputationibus: nulla superbia tumidi, nulla peruicacia turbulenti, nulla inuidencia liuidi. Nemo quicquam possidet proprium: nemo cuiquam onerosus est. Operatur manibus ea quibus & corpus pasci possit, & mens à Deo impediri non possit. Opus autem suum tradunt eis quos Decanos vocant. Illi autem Decani cum magna sollicitudine omnia disponentes, rationem vni reddūt, quem Patrem vocant. Hi verò Patres non solum sanctissimi moribus, sed etiam diuina doctrina excellentissimi, omnibus rebus excelsi, nulla superbia cōsulunt iis quos filios vocant, magna sua in iubendo authoritate, magna ipsorum in obtemperando voluntate. Conueniunt autem diei tempore extremo de suis quisque habitaculis, dum adhuc ieiuni sunt, ad audiendum illum Patrem: & conueniunt ad singulos Patres, terna vè minimū hominum millia (de AEgypto potissimum & Oriente loquitur) corpus deinde reficitur, quantum saluti & salubritati sat est: coercente vnoquoque concupiscentiam ne se profundat vel in ea ipsa quæ præsto sunt, parca & vilissima. Ita non solum à carnibus & vino abstinēt pro sufficientia domandarum libidinum, sed ab iis quæ tanto concitatus ventris & gutturis prouocant appetitum, quanto quasi mundiora nonnullis vidētur. Quo nomine solet turpe desiderium exquisitorum ciborum quod à carnibus alienum est, ridicu

De moribus
Ecclesiæ cathol.
cap. 31

lè turpiterque defendi. Quicquid necessario victui redundat (redundat autem plurimum ex operibus manuum, & epularum restrictione) tanta cura egentibus distribuitur quanta non ab ipsis qui distribuunt, comparatum est. Nullo enim modo satagunt ut hæc sibi abundent: sed omni modo agunt ut non apud se remaneat quod abundauerit. Deinde commemorata austeritate, cuius ipse exempla & Mediolani & alibi viderat. Inter hæc (inquit) nemo virgetur in aspera, quæ ferre non potest: nulli quod recusat imponitur: nec ideo cōdem naturā cæteris, quod in eorum imitatione se fatetur inualidum. meminerunt enim quantopere commendata sit charitas: meminerunt omnia munda mundis, &c. Itaque non reijciendis generibus ciborum, quasi pollutis, sed concupiscentiæ perdomādæ, & dilectioni fratrum retinendæ inuigilat omnis industria. Meminerūt, Esca ventri, & venter escis, &c. Multi tamen firmi propter infirmos abstinent. Multis non est causa ista faciēdi: sed quod viliorē victu & minimè sptuoso se sustentare placet. Itaque iidē ipsi, qui sani sibi tēperant, si ratio valetudinis cogat, ægroti sine vlla formidine accipiunt. Multi vinū non bibūt: nec tamē se eo inquinari putāt: nā languidioribus, & qui sine ipso nequeunt salutē corporis obtinere, humanissimè præberi faciunt: & nōnullos stultè recusantes fraternè admonēt ne vana superstitione debiliores citius quàm sanctiores fiant. Ita pietatem sedulò exercent: corporis verò exercitationem ad exiguum tempus pertinere nouerunt. Charitas præcipuè custoditur: charitati victus, charitati sermo, charitati habitus, charitati vultus aptatur. Coitur in vnam conspiraturque charitatē: hanc violare, tanquam Deum, nefas ducitur: huic si quis resistit, eicitur atque vitatur: hanc si quis offendit, vno die durare non finitur. Quoniam his verbis, veluti in tabula, qualis olim fuerit monastice, repræsentasse visus est sanctus ille vir, ea, tametsi longiora, huc inferere non piguit: quod me longiorem aliquāto fore cernebam, si ex diuersis eadem colligerem, quantumuis studerem compendio.

10 Hic autem mihi propositum non est totum istud argumentum persequi, sed obiter tantum indicare non modò quales habuerit vetus Ecclesia monachos, sed qualis tunc fuerit monastica professio: ut ex cōparatione iudicare possint sani lētores quid frontis habeant qui ad sustinendum præfētē monachismum, antiquitatē allegant. Augustinus dum sanctum ac legitimum monachismū nobis deformat, omnem rigidā exactionem vult abesse earum rerū quæ nobis verbo Domini liberæ relinquūtur. Atqui nihil est quod hodie seuerius exigatur. Scelus enim inexpressibile esse ducūt si quis in colore aut specie vestis, si quis in genere cibi, si quis in aliis friuolis ac frigidis ceremoniis vel minimum à præscripto deflexerit. Augustinus fortiter contendit non licere monachis de alieno otiosis viuere. Tale exemplum suo tempore extitisse negat bene constituti monasterii. Nostri præcipuam sanctimonix suæ partem in otio collocant. Nam si otium illis tollas, ubi erit illa contemplatiua vita qua se alios omnes excellere, & ad Angelos propius accedere gloriantur? Augustinus denique monachismum requirit qui nihil aliud sit quàm exercitium adiumentumque ad pietatis officia, quæ Christianis omnibus commendantur. Quid? quum summam, adeoque propè vnam eius regulam facit charitatem, an putamus conspiracyonem laudare, qua pauci homines inter se deuincti, ab vniuerso Ecclesiæ corpore separētur? Imò verò eos exemplo suo reliquis vult præluce ad seruandam Ecclesiæ vnitatem. In vtroque adeò diuersa est præsentis monachismi ratio, ut vix quicquam magis dissimile, ne dicam contrarium, reperiās. Siquidem monachi nostri non contenti ea pietate cuius vnus studio suos esse perpetuò intentos Christus iubet, nouam nescio quam imaginantur, cuius meditatione sint aliis omnibus perfectiores.

11 Hoc si negant, scire ab illis velim cur ordinem suum perfectionis titulo vnum dignentur, & eundem omnibus Dei vocationibus adimant. Neque me latet illa sophistica solutio non ideo sic vocari quia perfectionem in se contineat, sed quia ad acquirendam perfectionem sit omnium optimus. Quum se apud plebem venditare, quum rudibus ac ignaris adulescentulis laqueū iniicere, quum priuilegia sua asserere, quū in aliorū contumeliam, suam dignitatem extollere volunt, iactant se esse in statu perfectionis. Quum propius vrgentur quàm ut inanem hanc arrogantiam tueri queant, ad istum cuniculum suffugiunt, se nondum perfectionē esse consequutos, in eo tamen statu esse quo ad ipsam præ aliis aspirant. Interim manet illa in plebe admiratio, quasi sola vita monastica sit Angelica, perfectā, ab omni vitio repurgata. Hoc prætextu quæstuosissimas nundinas exercēt. illa autē moderatio in paucis libris sepulta manet. Hanc esse intolerādā ludificationē quis non videt? Sed perinde cum ipsis agamus ac si nihil plus tribuerent suæ professioni quàm vocando statū adipiscendæ perfectionis. Sanè hoc illi nomen deferendo, tanquam speciali nota ab aliis vitæ generibus distinguunt. Et quis hoc ferat ut tantus honor transferatur ad institutum,

Ibidē, cap. 33

Tit. 2. 15

1. Cor. 6. c. 13

De opere Monachorum

nusquam vel vna syllaba approbatum: eodem indignæ censeatur omnes Dei vocationes, sacro eius ore non modò præceptæ, sed insignibus elogiis ornatae: Et quanta, obsecro, iniuria fit Deo, quum omnibus vitæ generibus ab eo ordinatis, eius testimonio laudatis, commentitium nescio quod antefertur?

12 Age, calumniam esse dicant quòd antea tradidi non esse contentos præscripta à Deo regula. Atqui etiam si taceam, ipsi plus satis se accusant. aperte enim docent se plus oneris suscipere, quàm suis Christus imposuerit: quoniam scilicet Euangelica cõsilia de diligendis inimicis, de non appetenda vindicta, de non iurando, &c. se seruaturos promittat: quibus non sunt communiter astricti Christiani. In eo quam nobis antiquitatem obtendunt? Nulli vnquam veterum hoc venit in mentem: omnes vna voce clamant, nullam penitus voculam à Christo emissam cui non sit necessariò obtemperadum. Et hæc ipsa nominatim quæ isti boni interpretes Christum cõsuluisse duntaxat nugantur, iussa esse, nulla dubitatione vbique docent. Sed quia hunc pestilentissimum errorem esse suprà docuimus, satis hîc sit breuiter notasse, ea opinione fundatum esse monachismũ qui nunc est, quam meritò pii omnes execrari debent: vt scilicet fingatur aliqua esse perfectior viuendi regula quàm ista communis, vniuersæ Ecclesiæ à Deo tradita. Huic fundamento quicquid superstruitur, non nisi abominabile esse potest.

Matt. 5. g. 44

13 Verum aliud suæ perfectionis argumentum afferunt quod sibi firmissimum esse putant. Dixit enim Dominus adulescenti de perfectione iustitiæ interrogati, Si vis perfectus esse, vède omnia quæ habes, & da pauperibus. Id an faciant ipsi, nondũ disputo. demus hoc illis in præfetiã. Perfectos igitur se factos iactant, omnia sua relinquendo. Si in hoc sita est perfectionis summa quid sibi vult quod Paulus docet, eũ qui omnia sua distribuerit pauperibus nisi charitatẽ habet, nihil esse? Qualis ista est perfectio, quæ si abest, charitas in nihilũ cũ homine redigitur? Hîc respondeant necesse est, summum hoc quidem, sed non vnicũ esse perfectionis opus. Verum hîc quoque reclamationem facit Paulus, qui non dubitat charitatem sine cuiusmodi renuntiatione facere vinculũ perfectionis. Si certũ est, inter magistrũ & discipulum nihil esse dissensionis, alter autem clarè negat hominis perfectionẽ in eo consistere vt suis omnibus renuntiet, & rursus sine eo constare asserit: videndum est qualiter accipiendum sit illud Christi, Si vis perfectus esse, vende omnia quæ habes. Porro minimè obscurus erit sensus, si expendamus (quod in omnibus Christi concionibus obseruare semper conuenit) ad quẽ dirigantur hæc verba. Adulescens interrogat quibus operibus ingredietur in vitã æternã. Christus quia de operibus rogabatur, eum remittit ad Legẽ. & meritò: est enim via æternæ vitæ, si in se consideretur: nec aliunde inualida est ad salutẽ nobis afferendã, quàm ex nostra prauitate. Hoc responso declarauit Christus, se non aliã vitæ formandæ rationẽ tradere quàm quæ in Lege Domini tradita olim fuerat. Ita & testimoniũ Legi diuinæ reddebat, quòd esset perfectæ iustitiæ doctrina: & simul calumniis occurrebat, ne videretur noua aliqua viuendi regula, ad Legis defectionem populum incitare. Iuuenis non mali quidem animi, sed vana confidentia tumidus, se omnia Legis præcepta à puero seruasse respondet. Certò certius est immenso spatio procul ab eo abfuisse, quò se peruenisse iactabat. Et si vera fuisset gloriatio, nihil illi defuisset ad summam perfectionem. Suprà enim demonstratum est, quòd in se contineat Lex perfectam iustitiam: & hoc ipsum inde patet, quòd via æternæ salutis vocatur eius obseruatio. Vt edoceret quantulum in ea iustitia profecisset, quam se impleuisse nimis audacter respõderat, operæpretium fuit familiare eius vitium excutere. Diuitiis autem quum abundaret, cor illis affixum habebat. Ergo quia vulnus hoc secretum non sentiebat, à Christo lacinatur. Vade, inquit, vède omnia quæ habes. Si tam bonus fuisset custos Legis quàm putabat, nõ discederet mœstus, hoc verbo audito. Nam qui Deum diligit ex toto corde, quicquid cum eius dilectione pugnat, non tantum habet pro stercore, sed tanquã exitiale abominatur. Ergo quòd diuitẽ avarũ relinquere iubet Christus omnia quæ habet, perinde est ac si ambitiosũ omnibus honoribz, voluptuosum omnibus deliciis, impudicũ omnibus libidinis instrumētis iuberet renũtiare. Sic ad particularẽ mali sui sensum reuocandæ sunt consciẽtiæ, quæ nullo generalis admonitionis sensu tanguntur. Frustra igitur hypothesin istã ad generalẽ interpretationẽ trahunt, ac si Christus hominis perfectionẽ in renuntiatione bonorum statueret: quum nihil aliud voluerit hoc dicto, quàm iuuenem sibi vltra modum placentem, ad sentiendum vlcus suum adigere: vt intelligeret se longo adhuc interuallo abesse à perfectã Legis obedientia, quam sibi aliàs falsò arrogabat. Fateor hunc locum fuisse à quibusdam ex Patribus malè intellectum, atque hinc natam esse voluntariæ paupertatis affectationẽ: qua illi demũ beati putabantur qui abdicatis omnibus rebus terrenis, nudĩ se Christo deuouerẽt. Sed confido bonis omnibus & non cõtentio-

Matth. 19. c. 21

1. Cor. 13. b. 3

Colos. 3. c. 14

Luc. 10. e. 25

sis satisfactum iri hac mea explicatione vt de mente Christi nihil ambigant.

- 14 Quanquam nihil minus cogitarūt Patres quàm stabilire eiusmodi perfectionem quæ postea à cucullatis Sophistis fabrefacta fuit, vt duplicem Christianismū sic erigerent. Nondum enim natum erat sacrilegum illud dogma quod professionem monasticæ Baptismo comparat, imò palàm asserit, formam esse secundi Baptismi. Ab hac blasphemia quis dubitet Patres toto animo abhorruisse? Iam illud extremum quod apud veteres monachos fuisse dicit Augustinus, vt scilicet totos se ad charitatem accommodarent, quid opus est verbis demonstrare esse ab hac nouitia professione alienissimum? Res ipsa loquitur, eos omnes qui in cœnobia concedunt, discessionem ab Ecclesia facere. Quid enim? annon se à legitima fidelium societate separant, peculiare sibi ministerium & priuatam sacramentorum administrationem asciscendo? Quid est Ecclesiæ communionem dissipare, si hoc non est? Atque (vt eam quam cœpi facere comparationē persequar, & semel claudam) quid simile hac in parte habent cum veteribus monachis? Illi tamen si separatim ab aliis habitabant, non tamē habebant separatam Ecclesiam: sacramenta participabant cum aliis: ad solennes cōuentus se sistebant: illic pars plebis erant. Isti priuatam sibi altare erigendo, quid aliud quàm vinculum vnitatis abruperunt? Nam & se ab vniuerso Ecclesiæ corpore excommunicarunt, & ordinarium contempserunt ministerium, quo pacem ac charitatem voluit Dominus inter suos conseruari. Itaque quot sunt hodie monasteria, tot esse dico schismaticorum conuenticula, qui turbato Ecclesiastico ordine, à societate fidelium legitima sunt execti. Et ne obscura esset ista discessio, varia factionum nomina sibi indiderunt. Nec ipsos puduit in eo gloriari quod sic execratur Paulus vt satis exaggerare non possit. Nisi fortè Christum fuisse à Corinthiis diuisum arbitramur, quū alius alio doctore superbiret: & nūc sine vlla Christi iniuria fieri quòd pro Christianis alios Benedictinos, alios Franciscanos, alios Dominicanos vocari audimus: & ita vocari, vt ipsi dum affectant à vulgo Christianorum distingui, hostitulos pro religionis professione fastuosè sibi sumant.

1. Cor. 1. b. 12,
& 3. a. 4

- 15 Hæc quæ hætenus inter veteres & nostræ ætatis monachos discrimina recensui, non in moribus sunt, sed in ipsa professione. Proinde meminerint lectores, fuisse me de monachismo potius quàm de monachis loquutum, & eavitia notasse non quæ in paucorum vita hærent, sed quæ ab ipso viuendi instituto separari nequeunt. In moribus autem quanta sit discrepantia, quid attinet sigillatim exponere? Hoc constat, nullum esse hominū ordinem magis omni vitiorum turpitudine inquinatum: nusquam magis feruent factiones, odia, studia partium, ambitus. In paucis quidem cœnobiis pudicè viuatur: si pudicitia vocanda est vbi eatenus reprimatur libido ne palàm sit infamis: decimū tamen quodque vix reperias quod non lupanar sit potius quàm castitatis sacrarium. At in victu qualis frugalitas? Non aliter porci in harris saginantur. Sed ne queratur se nimis inclementer à me tractari, non vltius pergo. Quanquā in his paucis quæ attigi, nihil esse accusatoriè dictum fatebitur quicumque rem ipsam nouit. Augustinus, quum tanta castitate, secundum eius testimonium excelleret monachi, queritur tamen multos esse erroneos, qui malis artibus & imposturis simpliciores pecunia emungant, qui reliquias Martyrum circumferendo turpes nūdinationes exercent, imò pro Martyrum reliquiis, quorumlibet mortuorum ossa vendit: qui multis similibus flagitiis ignominia ordini inurāt. Vt se nullos vidisse meliores prædicat, quàm qui in monasteriis profecerint: ita deplorat nullos se deteriores vidisse quàm qui in monasteriis defecerint. Quid diceret, si hodie conspiceret tot ac tam deploratis vitiis exundare, & quodammodo crepare omnia ferè cœnobia? Ego nihil nisi quod omnibus est notissimū dico. Neque tamē ad omnes sine vlla prorsus exceptione pertinet hæc vituperatio. Quemadmodum enim nunquam adeò bene constituta fuit in monasteriis sanctè viuendi regula & disciplina, quin extarent aliqui fuci lōgè aliis dissimiles: ita non sic hodie à sancta illa antiquitate monachos degenerasse dico quin aliquos in suo grege bonos adhuc habeāt. sed hi pauci & dispersi in illa ingenti malorum & improborum multitudine delitescunt: nec contemnuntur modò, sed etiam petulanter incessuntur, interdum etiam crudeliter tractantur ab aliis: qui (vt est in Milesiorum prouerbio) nemini apud se bono locum esse debere credunt.

De opere
Monachorū,
in fine

- 16 Hac veteris & hodierni monachismi comparatione effecisse me quod volui confido, vt appareat, cucullatos nostros ad professionis suæ defensionem, primæ Ecclesiæ exemplum falsò prætexere: quandoquidem ab illis non minus differūt quàm simiæ ab hominibus. Interim non dissimulo, vel in illa quam Augustinus commendat, prisca forma esse non nihil quod mihi parum placeat. In externis rigidioris disciplinæ exercitiis non fuisse superstitiosos cōcedo: at immodicā affectationē & κακοζήλιαν non abfuisse dico. Pulchrū fuit, abdicatis facultatibus, omni terrena sollicitudine carere: at pluris à Deo fit familiæ piæ regēdæ cura,

vbi sanctus paterfamiliās, omni avaritia, ambitione, aliisque carnis cupiditatibus solutus & liber, hoc habet sibi propositum vt in certa vocatione Deo seruiat. Pulchrum est in secessu, procul hominum consuetudine, philosophari: at Christianæ māsuetudinis non est, quasi odio humani generis, in desertum & solitudinem cōfugere, & simul ea officia deferere quæ Dominus in primis mādauit. Etiam si demus nihil aliud fuisse mali in ea professione, hoc certè non mediocri malū fuit, quòd exemplū inutile & periculosum in Ecclesiam induxit.

17 Nunc igitur videamus cuiusmodi sint vota quibus in præclarum hunc ordinem hodie initiantur monachi. Primū, quia nouum & fictitium cultum promerēdi Dei causa instituere illis animus est: abominationi esse apud Deum quicquid vouent, ex superioribus concludo. Deinde quia nullo vocationis Dei intuitu, nullaque eius approbatione, viuēdi genus quale libet sibi ipsi comminiscuntur: temerarium, ideoque illicitum ausum esse dico: quia nihil habet ipsorum conscientia quo se apud Deum sustineat: & quicquid non est ex fide, peccatum est. Præterea quum ad multos simul peruersos atque impios cultus, quos hodiernus monachatus sub se continet, seipsos astringant: eos non Deo consecrari, sed dæmonio, contendendo. Cur enim Prophetæ dicere licuerit, Israelitas filios suos immolasse dæmoniis & non Deo, tantum ob id quòd verum Dei cultū profanis ceremoniis corruerant: idem de monachis dicere non liceat, qui vnā cum cucullo mille impiarum superstitionū laqueum sibi induūt? Iam quæ votorū species? Virginitatem Deo perpetuam promittunt, quasi cum Deo antè pepigerint vt se à cōiugii necessitate liberaret. Non est quòd causentur, se non nisi gratia Dei fretos votū hoc nuncupare. nam quum ipse non omnibus dari pronuntiet, fiduciā specialis doni cōcipere nostrū non est. Qui habēt, eo vtantur. siquādo se à carne sua inquietari sentiunt, cōfugiant ad eius opem cuius sola virtute possunt resistere. Si non proficiunt, ne remedium quod ipsis offertur contemnant. Certa enim Dei voce citantur ad coniugium quibus cōtinendi facultas denegatur. Continentiā appello, nō qua corpus solum à scortatione purum seruat, sed qua mens impollutam castitatem seruat. Neque enim externā tantum lasciuia, sed animi quoque vstionem cauere Paulus præcipit. Hoc, inquiunt, ab vltima memoria fuit obseruatum, vt se alligarent continentix voto qui totos se Domino dicare vellent. Fateor certè antiquitus quoque receptum fuisse hunc morem: sed eam ætatem sic ab omni vitio liberam fuisse non concedo vt pro regula habendum sit quicquid tunc factum est. Et paulatim irrepsit inexorabilis illa seueritas, vt post conceptum votum, nullus pœnitentiæ locus fieret. Quod ex Cypriano constat. Si se ex fide Christo dicauerunt virgines, pudicè & castè, sine vlla fabula, perseuerent. Ita fortes & stabiles præmium virginitatis expectent. Si autem perseuerare nolunt, vel non possunt, melius est nubant, quàm in ignem deliciis suis cadant. Quibus probis non lacerarent nunc eum qui continentix votum tali æquitate temperare vellet? Longè ergo ab illo vetusto more discesserūt, qui non modò nullam admittunt moderationem aut veniam siquis præstādo voto impar deprehendatur: sed grauius peccare nullo pudore pronuntiat, si accepta vxore, carnis intemperantiæ medetur, quàm si scortando corpus & animam contaminet.

Rom. 14. d. 23

Deut. 32. c. 17
psal. 106. f. 37

Matt. 19. b. 11

1. Cor. 7. b. 9

Epist. 11

18 Verū instant adhuc, & sub Apostolis visitatum fuisse tale votum ostendere conantur: quia Paulus viduas, quæ semel in publicum ministerium receptæ nubent, primam fidem abnegare dicat. Ego verò illis minimè nego, viduas quæ sese suāsque Ecclesiæ operas addicerent, perpetui cælibatus legem simul suscepisse: non quia in eo religionem aliquam starent, vt postea fieri cœptum est: sed quoniā nisi sui iuris, & iugo maritali solutæ, functionē illam sustinere non possent. Quòd si data fide ad nouas nuptias respectaret, quid hoc erat aliud, quàm Dei vocationem excutere? Non igitur mirum quòd talibus desideriis lasciuire in Christum eas dicit. Postea verò amplificandi causa subiungit, adeò ipsas quod Ecclesiæ pollicitæ sunt non præstare, vt primam quoque fidem in Baptismo datam violent ac irritā faciant: in qua hoc comprehenditur vt vocationi quisque suæ respondeat. Nisi fortè hoc maius intelligere, quòd veluti amisso pudore omnem deinde honestatis curam abicerent, ad omnem lasciuia & petulantiam se prostituerent, licentiosa dissolutaque vita nihil minus quàm Christianas mulieres præ se ferrent. qui sensus mihi per placet. Respondemus ergo, quæ tunc ad publicum ministerium recipiebantur viduæ, eas sibi perpetui cælibatus conditionem imposuisse: si postea nubent, facile intelligimus accidisse quod dicit Paulus, vt proiecto pudore, insolentiores fierent quàm deceret mulieres Christianas. Ita non solum peccasse, fidem Ecclesiæ datā fallendo: sed à communi piarum mulierum lege descivisse. Sed primū nego, alia ratione professas esse cælibatum, nisi quia cōiugium cum ea quam subibant functione minimè conueniret: ac omnino se ad cælibatum astrinxisse, nisi quatenus ferret vocationis suæ necessitas. Deinde ita obligatas nō cōcedo fuisse quin illis tunc

1. Tim. 5. b. 12

quoque satius esset nubere quàm vel carnis aculeis sollicitari, vel in aliquam prolabi obsecrationem. Tertiò eam ætatem dico à Paulo præscribi quæ sit communiter extra periculum: præsertim quum eas tantum deligi iubeat quæ vnico matrimonio contentæ, continentia specimen iam antè præbuerint. Votum autem calibatus non alia ratione improbamus nisi quia & pro cultu perperam æstimatur, & temerè ab iis nuncupatur quibus continendi potestas facta non est.

19 Ad moniales verò quâ trahere licuit hunc Pauli locum: Creabantur enim diaconissæ, non vt cantionibus aut murmure non intellecto Deum demulcerent, reliquum temporis viuerent otiosæ: sed vt publico Ecclesiæ ministerio erga pauperes defungerentur, vt omni studio, sedulitate, diligentia, in officia charitatis incumberent. Non vouebant calibatum, vt cultum inde aliquem exhiberēt Deo quòd à nuptiis abstinere: sed tantum quod essent ad exequendum suum munus expeditiores. Denique non vouebant vel ineunte adulescentia, vel medio adhuc ætatis flore, vt sero postea experimento discerent quantum se in præceptum dedissent: sed cum omne periculum superasse viderentur, non minus tutum quàm sanctum votum nuncupabant. Verum vt duo priora non vrgeam, dico nefas fuisse ad vouendam continentiam recipi mulieres ante annum sexagesimum: quum Apostolus solas sexagenarias admittat, iuniores nubere & liberos parere iubeat. Ergo nec illa primū duodecim, deinde viginti, postea triginta annorum facta relaxatio vlllo modo excusari potest: & multo minus tolerabile est quòd miseræ puellæ, antequam vel per ætatem se nosse potuerint, vel vllum sui experimentum capere, vt in illos maledictos laqueos se induant, non tantum fraude inducuntur, sed vi ac minis compelluntur. In reliquis duobus votis impugnandis non insistam. Hoc tantum dico: præterquam quòd non paucis superstitionibus sunt implicite (vt hodie res habent) in hoc composita esse videntur, vt qui ea nuncupant, Deo illudant & hominibus. Sed ne videamur singulas particulas nimis malignè exagitare, illa generali, quæ superius posita est, confutatione contenti erimus.

20 Cuiusmodi legitima sint & accepta Deo vota, satis expositum esse arbitror. Quia tamè interdum rudes ac timidæ conscientiæ, etiam vbi votum aliquod displicet ac improbatur, de obligatione nihilominus dubitant, & grauitè excruciantur, quum & violare datam Deo fidem horrent, & verentur econuerso ne seruando magis peccent: hinc succurrèdum illis est, quo se possint ab hac difficultate eripere. Vt autem semel omnem scrupulum tollā: dico omnia non legitima nec rite cōcepta vota, vt apud Deum nihili sunt, sic nobis irrita esse debere. Nam si in humanis contractibus ea tantum promissa nos obligant in quibus is cum quo contrahimus, vult nos habere obligatos: absurdum est, ad ea præstanda nos adigi quæ à nobis minime Deus requirit: præsertim quum non aliter recta sint opera nostra nisi vbi Deo placeant, & hoc conscientiæ testimonium habet quòd placeant. Manet enim illud fixum, Quicquid non est ex fide, peccatum est. Quo intelligit Paulus, quod cum dubitatione susceptum est opus, propterea vitiosum esse, quòd omnium bonorum operum radix est fides, qua certifumus illa Deo accepta esse. Ergo si nihil nisi hac certitudine aggredi licet homini Christiano, cur non, si quod temere susceperint ignorationis vitio, ab errore postea liberati desistat? Eiusmodi quum sint vota incōsideratè suscepta, nō modò nihil obligāt, sed necessariò sunt rescindenda. Quid autem, quòd non tantum pro nihilo æstimentur in conspectu Dei, sed abominationi quoque sunt: vt prius demonstratum est. Superuacuum est de re non necessaria longius differere. Hoc vnum argumentum ad pacandas & omni scrupulo liberandas pias conscientias abundè esse mihi videtur: quæcunque non ex puro fonte emanant opera, & in legitimum finem diriguntur, à Deo repudiari: & ita repudiari vt minus in illis pergere, quàm ipsa inchoare nos vetet. Inde enim conficitur, quæ ab errore & superstitione profecta sunt vota & nullius esse apud Deum momenti, & à nobis deserenda.

21 Habebit præterea qui hanc tenebit solutionem, quo aduersus improborum calumnias eos defendat qui ex monachismo ad honestum aliquod viuendi genus concedunt, Fractæ fidei & periurii grauitè accusantur, quòd vinculum (vt vulgò creditur) insolubile, quo erant Deo & Ecclesiæ obligati, abruperint. At ego nullum fuisse vinculum dico, vbi quod homo confirmat, Deus abrogat. Deinde vt demus fuisse obligatos, quum ignoratione Dei & errore impliciti tenerentur: nunc postquam veritatis notitia sunt illuminati, simul Christi gratia liberos esse dico. Nam si tantā efficaciam habet crux Christi vt à Legis diuinæ maledictione qua vinciti detinebamur, nos absoluat: quanto magis ab extraneis vinculis (quæ nihil sunt quàm captriosa Satanae retia) nos eruet? Quibuscūque ergo Christus Euangelii sui luce affulget, non dubium est quin ab omnibus eos laqueis expediat quibus se per superstitionem induerant. Quanquam nec illis deest altera defensio, si ad calibatū nō fuerunt idonei. Nā

Rom. 14. d. 23

Galat. 3. b. 3.

si votum impossibile certum est animæ exitium, quam seruata vult Deus, non perditam: sequitur in eo minimè esse permanendum. Quàm autem impossibile sit votum continentiaris qui singulari dono præditi non sunt, antea docuimus: & experientia, tunc tacet, loquitur. neque enim est ignotum quanta obscenitate scateant omnia fere monasteria. Et si qua videntur honestiora magisque verecunda esse aliis, non ideo tamen casta sunt quòd impudiciæ malum intus premunt ac continent. Ita scilicet horrendis exemplis hominum audaciam vlciscitur Deus, quò suæ infirmitatis immemores, repugnante natura id affectant quod est illis denegatum, & contèptis remediis quæ Dominus illis ad manum dederat, contumacia & obstinatione incontinentiæ morbum superare se posse confidunt. Quid enim aliud quàm contumaciam esse dicemus, vbi quis admonitus coniugio sibi opus esse, idque sibi à Domino remedii loco dari, non modò id còtemnit; sed etiam sacramèto se adigit ad contèptum?

De Sacramentis.

CAP. XIII.

PRAEDICATIONI Euangelii aliud affine est fidei nostræ adiuumentum in Sacramentis: de quibus certam aliquam doctrinam tradi, magnopere nostra refert, vnde nos & quem in finem instituta fuerint, & quis eorum nunc vsus sit, discamus. Principio animaduertere conuenit quid sit Sacramentum. Videtur autem mihi hæc simplex & propria fore definitio, si dixerimus externum esse symbolum, quo beneuolentiæ erga nos suæ promissiones conscientis nostris Dominus obsignat, ad sustinendam fidei nostræ imbecillitatem: & nos vicissim pietatem erga eum nostram tam coram eo & Angelis quàm apud homines testamur. Licet etiam maiore compèdio aliter definire: vt vocetur diuinæ in nos gratiæ testimonium externo signo confirmatum, cum mutua nostræ erga ipsum pietatis testificatione. Vtramlibet ex his definitionibus eligas, ab illa Augustini, quæ sacramentum esse tradit rei sacræ visibile signum, aut inuisibilis gratiæ visibilem formam; sensu nihil differt: rem verò ipsam melius ac certius explicat. Nam quum in illa breuitate sit aliqua obscuritas, in qua multi rudiores hallucinantur, volui pluribus verbis pleniorē reddere sententiam, nequid dubitationis hæreret.

2 Qua ratione vocabulum hoc vsurpauerint veteres in eo sensu, non est obscurum. Nam quoties Græcā vocem *μυστήριον* Latine reddere voluit Vetus interpres, præsertim vbi de rebus diuinis agebatur, trāstulit Sacramentum. Sic ad Ephesios, Vt notum faceret nobis sacramentum voluntatis suæ. Item, Si tamen audistis dispensationem gratiæ Dei, quæ data est mihi in vobis, quoniam secundum reuelationem notum mihi factum est sacramentum. Ad Colossenses, Mysterium quod absconditum fuit à seculis & generationibus, nunc autem manifestatum est sanctis eius, quibus voluit Dominus notas facere diuitias sacramenti huius, &c. Item ad Timotheum, Magnum pietatis sacramentum: Deus manifestatus est in carne. Noluit autem dicere arcanum, nequid rerum magnitudine inferius dicere videretur. Sacramentum ergo posuit pro arcano, sed rei sacræ. In ea significatione apud Ecclesiasticos scriptores subinde occurrit. Et satis notum est, quæ sacramenta vocantur apud Latinos, Græcos esse mysteria: quæ synonymia litem omnem dirimit. Atque hinc factum est vt ad signa illa quæ augustam sublimium ac spiritualium rerum repræsentationē haberent, deduceretur. Quod etiam notat alicubi Augustinus, Longum, inquit, esset disputare de varietate signorum: quæ quum ad res diuinas pertinent, Sacramenta appellantur.

3 Porro ex hac quam posuimus definitione intelligimus, nunquam sine præeunte promissione esse sacramentum; sed ei potius tanquam appendicem quandam adiungi, eo fine vt promissionem ipsam confirmet ac obsignet, nobisque testatorem, imò ratam quodammodo faciat: quo modo nostræ ignorantiae ac tarditati primùm, deinde infirmitati opus esse Deus prouidet: neque tamen (proprie loquendo) tam vt sacrum suum sermonem firmet, quàm vt nos in ipsius fide stabiliat. Siquidē Dei veritas per se satis solida certaque est: nec aliunde meliorem confirmationē quàm à se ipsa accipere potest. Verum vt exigua est & imbecilla nostra fides, nisi vndique fulciatur, ac modis omnibus sustentetur, statim concutitur, fluctuatur, vacillat, adeoque labascit. Atque ita quidem hinc se captui nostro pro immensa sua indulgentia attemperat misericors Dominus, vt quando animales sumus, qui humi semper adrepentes, & in carne hærentes, nihil spirituale cogitamus, ac ne concipimus quidem, elemētis etiā istis terrenis nos ad se deducere nō grauetur, atque in ipsa carne proponere bonorū spiritualium speculū. Nam si incorporei essemus (vt Chrysostomus ait) nuda & incorporea nobis hæc ipsa daret. Nunc quia corporibus insertas habemus animas, sub visibilibus spiritualia tradit. Non quia tales inditæ sunt dotes naturis rerum quæ in sacramentis nobis proferuntur: sed quia in hanc significationem à Deo signatæ sunt.

G.iiii.

Ephes. i. b. 9, & 3. a. 2

Coloss. i. d. 26

1. Tim. 3. d. 16

Ephes. 3. d. 1
Mosc. 1. d. 1Homil. 1. d. 1
Popu. 1. d. 1

4 Atque hoc est quod vulgo dicunt, constare sacramentum verbo & externo signo. Verbū enim intelligere debemus, non quod sine sensu & fide insufurratum, solo strepitu, velut magica incantatione, consecrandi elementi vim habeat: sed quod prædicatum intelligere nos faciat quid visibile signum sibi velit. Quod ergo sub Papæ tyrannide factitatum est, non caruit ingenti mysteriorum profanatione. putarunt enim satis esse si Sacerdos, populo sine intelligentia obtupente, consecrationis formulā demurmureret. Imò id data opera cauerunt, nequid doctrinæ inde ad plebem perueniret. omnia enim Latine pronuntiarunt apud homines illiteratos. Postea eoque erupit superstitio, ut consecrationem non nisi rauco murmure, quod à paucis exaudiretur, ritè peragi crederent. At longè aliter de verbo sacramentali docet Augustinus, Accedat, inquit, verbum ad elementum, & fiet sacramētum. Vnde enim ista tantra virtus aquæ ut corpus tægat, & cor abluat, nisi faciente verbo: non quia dicitur, sed quia creditur. Nā & in ipso verbo aliud est sonus transiens, aliud virtus manens. Hoc est verbū fidei quod prædicamus, inquit Apostolus. Vnde in Actis Apostolorū, Fide mūdans corda eorū. Et Petrus Apostolus, Sic & nos Baptisma saluos facit, nō depositio sordiū carnis, sed cōscientiæ bonæ interrogatio. Hoc est verbū fidei quod prædicamus: quo sine dubio, ut mūdare possit, cōsecratur & Baptismus. Vides ut prædicationem requirat unde nascatur fides. Nec est quod in hac probatione laboremus, quādo minimè obscurū est quid Christus fecerit, quid nobis facere mandauerit, quid sequuti sint Apostoli, quid purior Ecclesia obseruauerit. Imò ab initio vsque mundi notū est, quoties signū aliquod obtulit Deus sanctis Patribus, inseparabilē fuisse doctrinæ copulā sine qua attenti nudo aspectu sensus nostri redderentur. Ergo quū de verbo sacramentali fieri mentionē audimus, promissionē intelligamus quæ clara voce à ministro prædicata, plebē eò manu ducat quò signū tendit ac nos dirigit.

5 Nec audiendi sunt quidam qui contrā pugnare conantur arguto magis quàm solido dilemmate. Aut verbum, inquit, Dei, quod sacramentum præcedit, scimus esse veram Dei voluntatem, aut nescimus. Si scimus, nihil ex sacramento, quod postea sequitur, nouum discimus. Si nescimus, neque id docebit sacramentū cuius vis omnis in verbo sita est. Quibus breuiter responsum sit, Sigilla, quæ diplomatibus aliisque publicis actis appenduntur, per se accepta nihil sunt, utpote quæ frustra appensa forent si membrana nihil haberet descriptum. neque tamen ideo non confirmant atque obsignant quod scriptum est, dum scriptis adduntur. Neque hanc similitudinem nuper à nobis confictam iactare possunt, quam Paulus ipse vsurpauit, Circuncisionem vocans *σημα*. vbi ex professo contēdit, non fuisse Circuncisionem Abrahæ in iustitiam, sed eius patris obsignationem cuius fide fuerat iam antè iustificatus. Et quid est, obsecro, quod aliquem magnopere offendant, si promissionem doceamus obsignari sacramentis, quum ex ipsis promissionibus palām sit alteram altera confirmari? Nēpe ut quæque est manifestior, ita est ad fulciendā fidem magis idonea. Sacramēta verò & promissiones afferunt clarissimas: & hoc habent præ verbo peculiare, quod eas veluti in tabula depictas nobis ad viuū repræsentant. Neque nos mouere debet quæ inter sacramenta & diplomatum sigilla obiectari solet distinctio. quod quū vtraque carnalibus huius mūdi elementis constent, illa ad promissiones Dei obsignandas sufficere vel paria esse nequeant, quæ sunt spirituales & æternæ: quemadmodū hæc ad obsignāda principum edicta de rebus fluxis ac caducis appendi solent. Siquidem vir fidelis, dum oculis sacramenta obuersantur, non in illo carnali spectaculo hæret: sed illis quos indicaui analogiæ gradibus, ad sublimia mysteria quæ in sacramentis latent, pia consideratione assurgit.

6 Et quando Dominus promissiones suas fœdera nuncupat: sacramenta, symbola fœderum: ab ipsis hominum fœderibus simile adduci potest. Porca cæsa quid efficiat nisi verba intercederent: imò nisi præirent? Nam porcæ sæpius caduntur citra vllum interius aut sublimius mysterium. Quid dextera data, quum manus hostiliter non rarò conserantur? At vbi verba præierint, talibus sanè symbolis fœderum leges fanciuntur, quanuis prius verbis conceptæ, cōditæ, decretæ. Sacramenta igitur exercitia sunt quæ certiore verbi Dei fidē nobis faciunt: & quia carnales sumus, sub rebus carnalibus exhibentur: ut ita pro tarditatis nostræ captu nos erudiant, & perinde ac pueros pædagogi manu ducant. Hac ratione Augustinus sacramentum, verbum visibile nuncupat: quod Dei promissiones veluti in tabula depictas repræsentet, & sub aspectum graphicè atque *εικονικῶς* expressas statuatur. Aliæ quoque similitudines afferri possunt quibus sacramēta planius designentur, ut si vocemus fidei nostræ columnas. Quo enim modo ædificium suo quidem fundamēto stat & incumbit, subiectis tamen columnis certius stabilitur: ita fides in verbo Dei, non secus ac fundamento residet. sed cum accedunt sacramēta, ipsis adhuc ceu colūnis, solidius innititur. Aut si dicamus specula in quibus gratiæ Dei diuitias, quas nobis elargitur, contēplari liceat. illic enim se

Homil. in Iohannem 13.

Rom. 10. b. 8
Act. 15. b. 9
1. Pet. 3. d. 21

Rom. 4. b. 11

Gene 6. d. 18,
& 1. b. 9,
et 17. a. 12

In Iohā. hom. 89
Lio. 19 cōtra Iauianum.

nobis (vt iam dictū est) manifestat quātum nostræ hebetudini agnoscere datū est, suāque erga nos beneuolentiam & amorem expressius quā verbo testatur.

7 Nec satis appositè ratiocinantur, dum ex eo contendunt non esse testimonia gratiæ Dei, quia impiis quoque porriguntur, qui tamen Deum nihilo sibi magis propitium inde sentiunt, sed grauiorem potius damnationem contrahunt. Nam eodem argumento nec Euangelium esset testimonium gratiæ Dei, quod à multis auditur ac spernitur: nec Christus demum ipse, qui à compluribus visus est ac cognitus, quorum paucissimi eum receperunt. Simile etiam in diplomatibus spectare licet. siquidem bona pars multitudinis ^{αὐθιγνόν} illud sigillum, vtcunque à Principe ad consignandam voluntatem suam profectum esse nouerit, irridet tamen atque eludit: alii velut rem ad se minimè pertinentem, sūsque deque habent: alii etiam execrantur, vt conspecta hac tam pari amborum conditione magis ac magis illa superius à me vsurpata similitudo arridere debeat. Itaque certum est nobis à Domino misericordiam, ac gratiæ suæ pignus cum sacro suo verbo, tum sacramentis offerri. verum non apprehenditur nisi ab his qui verbum & sacramenta certa fide accipiunt: qualiter omnibus in salutem oblatus à Patre ac propositus Christus, non tamē ab omnibus agnitus exceptūque est. Id quū alicubi indicare Augustinus vellet, dixit, Verbi efficaciam in sacramento proferri: non quia dicitur, sed quia creditur. Proinde Paulus dum apud fideles verba facit, sic de sacramentis differit vt in illis Christi cōmunionem includat. vt quum dicit, Qui- Galat. 3. d. 27
cunque baptizati estis, Christum induistis. Item, Vnum corpus & vnus Spiritus sumus om- 1. Cor. 12. b. 11
nes qui in Christo baptizati sumus. Quum verò de præpostero sacramentorum vsu loquitur, nihilo plus illi tribuit quā frigidis & inanibus figuris. quo significat, vtcunque impij ac hypocritæ sua peruersitate diuinæ gratiæ in sacramentis effectum vel opprimant, vel obscurent, vel impedian, id tamen minimè obstare quominus vbi & quoties Deo placet, & verum de Christi cōmunicatione testimoniū afferat, & hoc ipsum quoque exhibeat præstetque Spiritus ipsius Dei quod promittunt. Constituimus ergo sacramenta verè nominari testimonia gratiæ Dei ac veluti quædam beneuolentiæ, qua erga nos affectus est, sigilla: quæ ipsam nobis obsignando, fidē nostram hoc modo sustinent, alunt, cōfirmant, adaugent. Quæ verò cōtra hanc sententiā obiectari à nōnullis solēt rationes, nimis friuolæ eneruēq; sunt. Aiunt meliorē fidem nostrā fieri non posse, si bona est. nō enim esse fidē nisi quæ incōcussē, firmiter, indistrahē Dei misericordiæ innititur. Quibus satius fuerat cū Apostolis orare vt Luc. 17. a. 5
Dominus sibi augeret fidē, quā talem fidei perfectionē securē obtendere, quam nemo vnquā ex filiis hominū assequutus est, nemo assequetur in hac vita. Respondeant qualē ei fuisset fidē existiment qui dicebat, Credo domine, adiuua incredulitatem meā. Nam & illa, vtcū Marc. 9. d. 24
que inchoata fides, bona erat, & melior sublata, incredulitate fieri poterat. Sed nullo certiore argumēto quā sua ipsorum conscientia refellūtur. Nam si peccatores se fatentur (quod velint nolint, inficiari nequeunt) id ipsum fidei suæ imperfectioni impotent neceesse est.

8 At respondit, inquiunt, Philippus Eunuchus, Baptizari eum licere si ex toto corde crederet. Quem hic locum habet Baptismi cōfirmatio, vbi fides totum cor implet? Rursum ipsos interrogo, annon bonam cordis sui partem fide vacuam sentiunt, annon noua quotidie incrementa agnoscunt? Gloriabatur ille, se discendo fieri senem. Nos igitur ter miseri Christiani, si nihil proficiendo senes simus, quorum fides per omnes ætatum gradus progredi debet, donec adolescat in virum perfectum. Itaque in hoc loco ex toto corde credere, non est perfectè Christo credere: sed ex animo dūtaxat & syncera mente illum amplecti: non eo satum esse, sed ardenti affectu esurire, sitire, & ad eum suspirare. Hic mos est Scripturæ, vt toto corde fieri dicat quod syncerè & ex animo fieri significat. Cuius rationis sunt ista, In Ephes. 4. d. 13
toto corde meo exquisiui te. Confitebor tibi in toto corde meo, & similia. Quemadmodum cōtra, vbi fraudulētos ac fallaces obiurgat, illis cor & cor exprobrare solet. Subiiciunt deinde, Si fides per sacramenta augeatur, frustra datum esse Spiritum sanctum, cuius virtus atque opus est inchoare, tueri, cōsummāre fidem. Quibus equidem fateor, proprium ac solidum Spiritus sancti opus fidem esse, à quo illuminati, Deum ac benignitatis eius thesauros agnoscimus, & sine cuius lumine mens nostra adeò cæca est vt nihil conspiciere, adeò stupida, vt nihil subodorari rerum spiritualium possit. Verū pro vno Dei beneficio quod ipsi prædicant, nos tria perpendimus. Nam primū verbo suo nos docet & instituit Dominus: deinde sacramētis confirmat: postremò sancti sui Spiritus lumine mētibus nostris illucet: & aditum in corda nostra verbo ac sacramentis aperit, quæ alioqui aures duntaxat percellerent, & oculis obuersarentur, interiora minimè afficerent.

9 Quamobrem de cōfirmatione augmentoque fidei monitū velim lectorem (quod iam minimè dubiis verbis expressisse mihi videor) id ministerium sic me sacramētis assignare,

non quasi arcanam vim nescio quam illis perpetuò insitā putem, qua fidem per se p̄mō-
uere aut cōfirmare valeant: sed quia sunt in hoc à Domino instituta, vt stabiliendæ augen-
dæque fidei seruiant. Ceterum munere suo tum ritè demum perfungūtur, vbi interior ille
magister Spiritus accesserit: cuius vnus virtute & corda penetrantur, & affectus permouen-
tur, & sacramentis in animas nostras aditus patet. Si desit ille, nihil sacramenta plus præsta-
re mentibus nostris possunt quàm si vel solis splendor cæcis oculis affulgeat, vel surdis au-
ribus vox insonet. Itaque sic inter Spiritum sacramentaque parior, vt penes illum agendi
virtus resideat, his ministerium dūtaxat relinquatur: idque sine Spiritus actione inane ac
frivolum: illo verò intus agente, vimque suam exerente, multæ energix refertum. Nunc cla-
rum est qualiter secundum hanc sententiam, pia mens in fide per sacramenta confirmetur:
nempe quo modo solis fulgore vident oculi, vocis sono aures audiunt: è quibus, neque illi
quouis lumine quicquam afficeretur, nisi inditam haberent aciem quæ suapte sponte illu-
straretur: & hac clamore quolibet nequicquam pulsaretur, nisi ad audiendum natæ aptæque
forent. Atqui si verum est quod semel inter nos definitum esse conuenit, quod in oculis no-
stris visus efficit ad lucem conspiciendam, quod in auribus auditus ad percipiendam vocē:
id esse in cordibus nostris Spiritus sancti opus, ad fidem & concipiendam, & sustinendam, &
fouendam, & stabiliendam: vtrunque perinde consequitur, Neque sacramēta hilum profice-
re sine Spiritus sancti virtute, & nihil ob stare quominus in cordibus iam antè à præceptore
illo edoctis, fidem & robustiorem & auditiorem reddant. Hoc tantum interest, quòd audien-
di videndique facultas naturaliter auribus & oculis indita est: Christus autem præter natu-
ræ modum speciali gratia idem in animis nostris agit.

¹⁰ Quo & illæ quæ nonnullos anxios tenent, obiectiones simul dissoluuntur. Si fidei seu in-
crementum seu confirmationem creaturis adscribimus, iniuriam fieri Spiritui Dei, quem
solum eius authorem agnoscere decebat. Neque enim interim illi & confirmationis & in-
crementi laudem eripimus: quin potius id ipsum quòd fidem auget atque firmat, nihil esse
aliud asserimus quàm interiori sua illustratione mentes nostras comparare ad suscipiendā
eam quæ à sacramentis proponitur, confirmationem. Quòd si adhuc nimium obscure di-
ctum est, similitudine hac quam adducam, fiet planè dilucidum. Siquem verbis ad aliquid
agendum persuadere instituas, rationes omnes excogitabis quibus in tuam sententiam per-
trahatur ac penè subigatur, consilio tuo vt obtemperet. Verum nihil dum actum est, nisi ip-
se vicissim perspicaci sit acutoque iudicio, quo in rationibus tuis quantum insit momenti
expendere queat: nisi docili etiam sit ingenio, & ad auscultandum doctrinæ parato, nisi po-
stremò eam de fide prudentiāque tua opinionem conceperit, quæ ad subscribendum cuius-
dam sit illi instar præiudicii. Nam & sunt præfracta plurima capita quæ nullis vnquam ra-
tionibus flectas: & vbi suspecta fuerit fides, vbi contempta autoritas, parum apud dociles
proficetur. Ad sint rursus illa omnia: efficient profecto vt illis ipsis cōsiliis auditor cui cō-
sulis acquiescat, quæ erat alioqui irrisurus. Id quoque operis agit in nobis Spiritus. nam ne
verbum frustra aures percellat, ne frustra oculos sacramenta verberent, Deum esse ostendit
qui nobis istic loquitur, cordis nostri peruiaciam emollit, atque ad eam quæ Domini ver-
bo debetur obedientiam componit. Denique externa illa & verba & sacramenta ab auribus
in animam transmittit. Confirmant ergo fidē nostrā & verbū & sacramēta, dū bonā Patris
cælestis erga nos volūtātē nobis ob oculos ponūt, cuius cognitione & tota fidei nostræ firmi-
tudo cōsistit, & robur augefcit: cōfirmat Spiritus, dum eam animis nostris confirmationē
in sculpēdo, efficacē reddit. Interea prohiberi non potest Pater luminū, quin sicut corporeos
oculos solis radiis, ita mentes nostras sacramentis, quasi intermedio fulgore illustret.

¹¹ Quam externo verbo proprietatem subesse docuit Dominus, quū in parabola semen ap-
pellauit. Quemadmodum enim semen si in desertam neglectāque agri partem deciderit,
nihil aliud quàm emoriatur: si verò in segetem aptè laboratam atque ex cultam iactum fu-
erit, suum cum optimo scēnore fructum referet: ita verbum Dei, si in durā aliquam cerui-
cem inciderit, velut in arenam proiectum, sterilefcet: si animam natū fuerit cælestis Spiri-
tus manu subactam, fructuosissimum erit. Atqui si eadem est seminis verbique ratio, vt è se-
mine frumentum & nasci, & augefcere, & conscendere ad maturitatem dicimus: cur non &
fidem è verbo initium, incrementū, perfectionē accipere dicamus? Vtrūque Paulus diuersis
locis optimè explicat. Nam dum Corinthiis reducere in memoriā vult quàm efficaciter v-
sus sit Deus sua opera, gloriatur se habere ministeriū Spiritus: perinde ac si indiu:duo nexu
cū sua prædicatione coniūcta esset vis Spiritus sancti, ad mētē intus illuminandā & per mo-
uendā. At verò quū alibi admonere vult quid per se valeat Dei verbū ab homine prædica-
tum, ipsos ministros agricolis comparat, qui vbi laborem ac industriam in excolēda terra

Matt. 13. a. 4.
Luc. 8. b. 15.

1. Cor. 2. a. 4.
2. Cor. 3. b. 6.

1. Cor. 3. b. 6.

posuerint, nihil amplius quod faciant habent. Quid autem aratio & satio & rigatio prodes-
sent nisi quod satum est, cælesti beneficio vegetaretur: Itaque cōcludit, & eum qui plantat,
& eum qui rigat, nihil esse: sed omnia esse Deo adscribenda qui solus dat incrementum. Spi-
ritus ergo potētiam exerunt in sua prædicatione Apostoli, quatenus Deus ordinatis à se or-
ganis ad spiritualis gratiæ suæ explicationem utitur. Ea tamen retinenda est distinctio, ut
quid homo per se valeat, quid Dei proprium sit, meminerimus.

- 12 Adeò autem Sacramenta confirmationes sunt fidei nostræ, ut nonnunquam Dominus,
quando rerum ipsarum, quæ in Sacramentis ab eo promissæ erant, fiduciam tollere vult, Sa-
cramenta ipsa auferat. Quum Adam immortalitatis dono spoliatur & abdicat, Non colligat, Gen. 3. d. 22
inquit, de fructu vitæ, ne viuatur in æternum. Quid audimus? an suam Adæ incorruptionem,
à qua iam deciderat, restituere poterat fructus ille? Minimè sed hoc periade est ac si dixisset,
Ne vana fiducia fruatur si promissionis meæ symbolū teneat: excutiat illi quod spem a-
liquā immortalitatis facere posset. Hac ratione quū Apostolus Ephesios hortatur ut se me-
minerint fuisse hospites testamentorum, alienos à consortio Israelis, sine Deo, sine Christo, Ephes. 2. c. 12
dixit non fuisse participes Circumcisionis. Quo metonymicè significat, à promissione ipsa
exclusos qui tesseram promissionis non acceperant. Ad eorum verò alterum obiectū, Dei
gloriam ad creaturas deriuari, quibus tantum virtutis attribuitur, sicque eatenus diminui,
respōdere promptum est, nullam in creaturis virtutem à nobis reponi. Hoc duntaxat dici-
mus, Deum mediis ac instrumentis, quæ expedire ipse prospicit, uti: ut eius gloriæ omnia
obsequatur, quando omnium ipse Dominus est & arbiter. Ergo ut per panem cæteraque a-
limenta corpora nostra pascit: ut per solem, mūdum illuminat: ut per ignem calefacit: nec
tamen aut panis, aut sol, aut ignis aliquid sunt nisi quatenus sub iis instrumētis benedictio-
nes suas nobis dispensat: ita spiritualiter per Sacramēta fidem alit, quorū vnicum officium
est, eius promissiones oculis nostris spectandas subiicere, imò nobis earum esse pignora. Et ut
nostrum est in cæteris creaturis, quæ Dei liberalitate & beneficētia vñibus nostris destinata
sunt, quarūque ministerio bonitatis suæ munera nobis largitur, nihil fiduciæ defigere, nec
quasi boni nostri causas admirari & prædicare: ita neque in Sacramentis hæere fiducia no-
stra debet, nec Dei gloria in ipsa transferri: sed omissis omnibus, ad ipsum & Sacramentorū
& rerum omnium authorem surgere & fides & confessio debent.

- 13 Quòd autem ex ipso demum Sacramenti nomine argumentum nonnulli afferunt, mi-
nimè firmum est. Sacramentum, inquit, quum multas habeat apud probatos authores
significationes, vnam tantum habet quæ signis conueniat: nempe qua solenne illud iura-
mentum significat quod miles Imperatori præstat quum militiæ initiatur. Ut enim mili-
tari illo sacramento fidem suam obstringunt Imperatori noui milites, & militiam profi-
tentur: ita nostris signis Christum Imperatorem profiteamur, & sub eius signis nos militare
testamur. Addunt similitudines quibus rem magis dilucidam reddant. Ut toga Romanos à
palliatis Græcis discernebat: ut ipsi inter se ordines Romæ suis symbolis distinguebantur:
Senatorius ab equestri, purpura & lunatis calceis: rursū à plebeio Equester, annulo: ita nos
symbola nostra gestamus quæ nos à profanis discernant. At ex superioribus abundè liquet
veteres qui Sacramentorum nomen signis indiderunt, minimè respexisse quis fuisset verbi
huius vsus Latinis scriptoribus: sed nouam hanc significationem pro suo commodo affin-
xisse, qui simpliciter sacra signa designaret. Quòd si altius argutari volumus, videri possunt
eodem analogia nomen hoc ad eiusmodi significationē transtulisse qua nomē fidei ad eum
sensum in quo nunc vsurpatur. Quum enim fides sit in præstandis promissis veritas: fidem
tamen dixerunt certitudinem, seu certam persuasionem quæ de ipsa veritate haberetur. Ad
hunc modum, quum sacramentum sit militis, quo se suo Imperatori vouet: fecerunt Impe-
ratoris, quo milites in ordines recipiat. Dominus enim per Sacramēta se nobis in Deum fo-
re pollicetur, & nos sibi fore in populum. Verum tales argutias omittimus: quando satis pla-
nis argumentis probasse mihi videor, nihil aliud spectasse quàm ut significarent signa hæc
sanctarum & spiritualium rerum esse. Similitudines quas afferunt de externis insignibus, re-
cipimus quidem, sed non ferimus, quod posterius est in Sacramentis, ab illis primum atque
adeò vnum cōstitutum. Est autem hoc primum, ut fidei nostræ apud Deum seruiant: posterius,
ut confessionem nostram apud homines testentur. Secundū hanc posteriorem rationē valēt
illæ similitudines. Maneat interea prius illud: quia alioqui frigerēt mysteria (ut visum est)
nisi fidei nostræ adminicula essent, doctrinæque appēdices in eundē vsū & finē destinata.
- 14 Rursum admonendi sumus, ut isti vim Sacramentorum eneruant, vsūque prorsus e-
uertunt: ita ab aduersa parte stare alios qui arcanas nescio quas virtutes Sacramentis affin-
gunt quæ nusquam illis à Deo insitæ leguntur. Quo errore periculose falluntur simplices

& imperiti, dum & Dei dona quærere docentur ubi reperiri minime possunt, & à Deo sensim abstrahuntur, ut pro eius veritate meram amplexentur vanitatem. Magno enim consensu sophisticæ scholæ tradiderunt, Sacramenta nouæ Legis, hoc est quæ nunc in usu sunt Christianæ Ecclesiæ, iustificare & conferre gratiam, modò non ponamus obicem peccati mortalis. Quæ sententia, dici non potest quàm sit exitialis & pestilens, còque magis quòd multis antè seculis magna Ecclesiæ iactura, in bona orbis parte obtinuit. Planè certè diabolica est, nam dum iustitiam citra fidem pollicetur, animas in exitium præcipientes agit: deinde quia iustitiæ causam à Sacramentis ducit, miseris hominum mentes, in terram suapte spòte plus satis inclinatas, hac superstitione illigat, ut in spectaculo rei corporeæ potius quàm in Deo ipso acquiescant. Quæ duo utinam adeò comperta non haberemus: tantum abest ut lōga probatione indigeant. Quid verò est Sacramentum citra fidem sumptum, nisi certissimum Ecclesiæ exitium? Nam quum nihil inde extra promissionem sit expectandum: promissio autè non minus iram incredulis minetur quàm fidelibus gratiā offerat: fallitur qui plus aliquid per Sacramenta sibi conferri putat, quàm quod verbo Dei oblatum, vera fide percipiat. Ex quo alterum etiam conficitur, non pendere ex Sacramenti participatione salutis fiduciam, ac si iustificatio sita illic foret: quā in vno Christo repositā, nihilo minus Euangelii prædicatione quàm Sacramenti obsignatione, nobis communicari scimus: ac sine hac posse in solidum consistere. Usque adeò verum est quod ab Augustino quoque scribitur, Inuisibilem sanctificationem sine visibili signo esse posse, & visibile rursum signum sine vera sanctificatione. Induunt enim (ut ipse quoque alibi scribit) homines Christum aliquando usque ad Sacramenti perceptionem, aliquando usque ad vitæ sanctificationem. Atque illud primum & bonis & malis potest esse commune: hoc autem alterum, proprium est bonorum ac piorum.

Lib. 3. de
quæst. Vet.
test.

Lib. 5. de Ba-
ptif. contrā
Donat. ca. 24

15 Hinc illa si rite intelligatur, inter Sacramentum & rem Sacramenti ab eodem Augustino sapius notata distinctio. neque enim significat duntaxat, figuram & veritatem illic contineri, sed nō ita coherere quin separari queat: ac in ipsa etiam cōiunctione oportere semper discerni rem à signo, ne ad alterum transferamus quod alterius est. De separatione loquitur quū scribit, in solis electis efficere Sacramenta quod figurant. Item, ubi de Iudæis sic scribit, Sacramenta quum essent omnibus cōmunia, non erat communis gratia: quæ virtus est Sacramentorum. sic et nunc commune est omnibus lauacrum regenerationis: sed ipsa gratia qua mēbra Christi cum suo capite regenerantur, non omnibus est cōmunis. Rursus alibi de Cœna Domini, Nos quoque visibile cibum hodie accipimus: sed aliud est Sacramentum, aliud virtus Sacramenti. Quid est quod multi de altari accipiunt & moriuntur, & accipiendo moriuntur? Nā & buccella Dominica venenū fuit Iudæ: nō quia malum accepit, sed quia bonum male malus accepit. Paulo post, Huius rei Sacramentum, id est unitatis corporis & sanguinis Christi, alicubi quotidie, alicubi certis dierum intervallis in mensa Dominica præparatur: & de ea sumitur quibusdā ad vitam, quibusdā ad exitium. Res verò ipsa, cuius & Sacramentum est, omnibus ad vitam, nulli ad exitium, quicumque eius particeps fuerit. Et aliquāto antè dixerat, Non morietur, qui manducauerit: sed qui pertinet ad virtutem sacramenti, non ad visibile sacramentum: qui manducat intus, non foris: qui manducat corde, non qui premit dente. Hinc ubique audis, Sacramentum sic à sua veritate separari indignitate sumētis, ut nihil maneat præter inanem & inutilem figuram. Ut autem non signum veritate vacuum, sed rem cum signo habeas: verbum quod illic inclusum est, fide apprehendas oportet. Sic quantum in Christi communicatione proficies per Sacramenta, tantum ex illis capies utilitatis.

De Baptif.
paruulorum
in Psal. 78

In Iohan. ho-
mil. 16

16 Id si est obscurius propter breuitatem, pluribus verbis exponam. Christum Sacramentorum omnium materiam, vel (si mauis) substantiam esse dico: quando in ipso totam habent suam soliditatem, nec quicquā extra ipsum promittunt. quo minus tolerabilis error est Petri Lombardi, qui disertè ea iustitiæ & salutis causas facit quorum partes sunt. Itaque causis omnibus quas sibi fingit hominis ingenium, valere iussis, nos in hac vnica retineri decet. Quantum igitur tum ad veram Christi notitiam in nobis fouendam, confirmandam, augendam, tum ad eam plenius possidendum, fruendāque eius diuitias, illorum ministerio adiuvamur, tantum apud nos efficaciam habent. id autem fit ubi quod illic offertur, vera fide suscipimus. Ergone, inquires, id efficiunt sua ingratitude impii, ut irrita sit Dei ordinatio, ac in nihilum cedat? Respondeo, non sic intelligendum quod dixi, quasi ab eius qui recipit conditione aut arbitrio vis & veritas Sacramenti pendeat. Manet enim firmum quod Deus instituit, naturamque suam retinet, utcunque varient homines: sed quum aliud sit offerre, aliud recipere: nihil obstat quo minus consecratum verbo Domini symbolum sit reuera quod dicitur, vimque suam conseruet: nulla tamē inde utilitas ad hominem scelestum ac impium perueniat. Sed

Lib. 4. Sentē.
distinct. 1

hanc questionem paucis verbis bene soluit Augustinus, Si carnaliter (inquit) accipis, spirituale esse non desinit: sed tibi non est. Quemadmodum verò Sacramentum rem esse nihil, si à veritate sua separatur, superioribus locis ostēdit Augustinus: sic alibi in ipsa quoque coniunctione, distinctione opus esse admonet, ne in externo signo nimis hæreamus. Vt litera sequi (inquit) & signa pro rebus accipere, seruilis infirmitatis est: sic inutiliter signa interpretari, malè vagantis erroris est. Duo ponit vicia quæ hic cauenda sint: Alterum, dum ita accipimus signa ac si frustra data essent, nostraque malignitate arcanas eorum significationes eleuando aut extenuando efficiamus nequem nobis fructum afferant. Alterū, dum mentes vltra visibile signum non erigendo, ad ipsum transferimus eorum bonorum laudem quæ non nisi ab vno Christo nobis cōferuntur, idque per Spiritum sanctum, qui nos facit Christi ipsius participes: & quidem adiuuantibus externis signis, quæ, si nos ad Christum inuitant, vbi aliò torquentur, indignè euertitur tota eorum utilitas.

Homil. in Io-
hannem 26.

Lib. 3. De do-
ctr. Christi.
cap. 9.

- 17 Quamobrem fixum maneat, non esse alias Sacramentorū quàm verbi Dei partes: quæ sunt offerre nobis ac proponere Christum, & in eo cælestis gratiæ thesauros: nihil autē conferūt aut profunt nisi fide accepta. non secus ac vinum, vel oleum, vel alius liquor quamlibet largè infundas, effluet tamen ac peribit nisi aperto vasis ore: vas autem ipsum vndique perfusum, inane nihilominus ac vacuum manebit. Cauendū præterea ne in errorem huius affinem nos abducant quæ ad amplificandam Sacramentorum dignitatem paulo magnificentius à veteribus scripta sunt: vt scilicet arbitremur latentē aliquam virtutem Sacramentis adnexam affixamque esse; quo ipsa per se Spiritus sancti gratias nobis conferant, quemadmodum vinum in cratere propinatur: quum hoc tantum illis diuinitus iniunctum sit munus, testificari nobis ac sancire Dei in nos beneuolētiam: nec vltius proficiant nisi accesserit Spiritus sanctus qui mentes ac corda nostra aperiat, nosque huius testimonii capaces reddat. vbi etiam variæ distinctæque Dei gratiæ luculenter eminent. Sacramenta enim (vt suprà attigimus) id sunt nobis à Deo quod ab hominibus rerum latorum nuntii, vel arrhæ in pactis sancendis: vtpote quæ non à se quidem largiantur aliquid gratiæ, sed renuntient & ostēdant, atque (vt sunt arrhæ & tessera) rata apud nos faciāt quæ diuina largitate nobis data sunt. Spiritus sanctus (quē non omnibus promiscuè Sacramenta aduehant, sed quem Dominus peculiariter suis cōfert) is est qui Dei gratias secū affert, qui dat Sacramentis in nobis locum, qui efficit vt fructificent. Quāquam autem Deum ipsum præsentissima Spiritus sui virtute, suæ institutioni adesse non inficiamur: ne infructuosa sit & inanis quam ordinauit Sacramentorū administratio, interiorē tamē Spiritus gratiam, vt ab externo ministerio distincta est, seorsum reputandam & cogitandam asserimus. Præstat igitur verè Deus quicquid signis promittit ac figurat: nec effectu suo carent signa, vt verax & fidelis probetur eorum author. Tantum hîc quæritur, propriāne & intrinsecā (vt loquuntur) virtute operetur Deus, an externis symbolis resignet suas vices. Nos verò contendimus, quæcunque adhibeat organa, primariæ eius operationi nihil decedere. Id quum docetur de Sacramentis, & eorum dignitas præclare commendatur, & vsus apertè indicatur, & utilitas abundè prædicatur, & modus in iis omnibus optimus retinetur, vt neque deferatur illis quicquam quod non oportet, neque rursus quod illis conuenit detrahatur. Interim illud tollitur figmentum quo iustificationis causa virtusque Spiritus sancti elementis ceu vasculis ac plaustris includitur: & præcipua illa vis quæ ab aliis prætermissa fuit, disertè explicatur. Hîc quoque notandum est, quod externa actione figurat ac testatur minister, Deum intus peragere: ne ad hominem mortalem trahatur quod Deus sibi vni vendicat. Id etiam prudenter admonet Augustinus, Quomodo (inquit) & Moses sanctificat & Deus? non Moses pro Deo: sed Moses visibilibus Sacramentis per ministerium suum, Deus autem inuisibili gratia per Spiritum sanctum: vbi totus etiam fructus est visibilium Sacramentorum. Nam sine ista sanctificatione inuisibilis gratiæ, visibilia ista Sacramenta quid profunt?

Quæst. Ver.
test. lib. 3. c.
84.

- 18 Sacramenti nomen, vt de eius ratione hætenus disseruimus, omnia generaliter signa complectitur quæ vnquam hominibus mādauit Deus, vt certiores securōsque de promissionum suarum veritate redderet. Ea verò in rebus naturalibus nonnunquam extare voluit, nonnunquam in miraculis exhibuit. Prioris generis exempla sunt, vt quum Adæ & Heuæ arborem vitæ in arrhabonem immortalitatis dedit, vt eam securè sibi promitterent, quādiu ederent ex illius fructu. Et quum cælestem arcum, Noe & eius posteritati in monumentum statuit, posthac se diluuium non dissipaturum terram. hæc Adam & Noe pro Sacramentis habuerunt. Non quòd arbor præstaret illis immortalitatē, quam sibi ipsa dare nō poterat: aut arcus coercēdis aquis foret efficax (qui solaris dūtaxat radii repercussio est

Gene. 2. c. 17,
& 3. a. 3

Gene. 9. c. 13

in oppositas nubes) sed quia notam à verbo Dei insculptam habebant, vt documéta essent testamentorum eius ac sigilla. Et antea quidem arbor erat arbor: arcus, arcus, vbi inscripta fuerunt verbo Dei, indita est noua forma: vt inciperent esse quod prius non erant. Hæc ne frustra dici quis existimet, arcus ipse hodie quoque nobis testis est eius fœderis quod pepigit Dominus cum Noë: quem quoties intuemur, hanc Dei promissionem in eo legimus, terram diluuiio nunquam perditum iri. Itaque si quis philosophaster, quo fidei nostræ simplicitatem rideat, talem colorum varietatem ex reflexis radiis & opposita nube oriri naturaliter contendat: fateamur quidem, sed ipsius stuporem rideamus, qui Deum naturæ dominum & præsidē non agnoscat: qui pro suo arbitrio elemētis omnibus in obsequium gloriæ suæ vtatur. Quòd si soli, stellis, terræ, lapidibus, huiusmodi monumenta impressisset, illa omnia Sacramenta nobis forent. Cur enim rude ac signatum argentum non eiusdem sunt pretii, quum idem prorsus sit metallum: nempe quia illud nihil habet præter naturam: forma publica percussum, nummus fit, & nouam taxationem recipit. Et Deus suas creaturas verbo suo signare non poterit, vt fiant Sacraméta, quæ prius nuda erāt eleméta?

Gene. 15. d. 17

Iudic. 6. g. 37

1. Reg. 10. b. 9

iefa. 38. b. 7

Secundi generis exempla fuerunt, quū Abrahæ lucē in clibano fumigante ostendit: quum vellus rore irrigauit, sicca terra: rursum terram irrorauit, intacto vellere, ad pollicendam Gedeoni victoriam: quum vmbrā horologii retrorsum decem lineis retraxit, ad promittendam Ezechia incolumitatem. Hæc quando fiebant ad subleuandam ac stabiliendam fidei illorum imbecillitatem, Sacramenta quoque erant.

19

Lib. 9. contra
Faustum Ma
nich. cap. 11.

Verum præsentis instituti est, de his Sacramētis peculiariter differere quæ Dominus ordinaria esse voluit in sua Ecclesia, ad alendos in vnam fidē vniūsq; fidei confessionē suos cultores ac seruos. Nā (vt verbis Augustini vtar) in nullū nomen religionis, seu verum, seu falsum, coagulari homines possunt, nisi aliquo signaculorū vel Sacramentorū visibilibus consortio colligentur. Hanc ergo necessitatem quum optimus Pater prouideret, certa pietatis exercitia instituit ab initio seruis suis: quæ postea Satan ad impios & supersticiosos cultus transferendo, multis modis deprauauit ac corripit. Hinc illæ gētilium initiationes in sua sacra, & cæteri degeneres ritus: qui tametsi erroris erant ac superstitionis pleni, indicio tamen ipsi quoque simul erant, non posse in professione religionis homines externis eiusmodi signis carere. Verum quia nec verbo Dei subnixa erant, nec ad eam veritatem referebantur quæ omnibus signis proposita esse debet, indigna sunt quæ commemorentur vbi mētio fit de sacris symbolis quæ à Deo sunt instituta, nec à suo fundamento deflexerūt: nempe vt sint veræ pictatis adiumenta. Constant autem non simplicibus signis, qualia erant arcus & arbor: sed ceremoniis, aut (si mauis) signa quæ hīc dantur, ceremoniæ sunt. Quemadmodum autem superius dictum est, esse à Domino testimonia gratiæ ac salutis: ita à nobis vicissim sunt professionis notæ, quibus palam in Dei nomē iuramus, fidem illi vicissim nostram obstringentes. Scitè ergo Chrysostomus ipsa alicubi pactiones nuncupat, quibus & Deus nos sibi cōfœderat, & nos in vitæ puritatem ac sanctimoniam obstringimur: quia hīc mutua inter Deum & nos interponitur stipulatio. Vt enim illic se pollicetur Dominus inducere ac delere siquid delinquendo noxæ ac pœnæ contractum à nobis fuerit, nōsque sibi reconciliat in Filio vnigenito: ita ad pietatis ac innocentia studium hac professione illi nos vicissim obligamus, vt dicere meritò possis Sacraméta huiusmodi, ceremonias esse quibus exercere vult populum suum Deus ad fidem intus primū fouendam, excitandam, confirmandam: deinde testandam apud homines religionem.

20

Gene. 17. b. 12

In Leuitico.

Matt. 28. d. 19,
& 26. c. 26

Hæc etiam ipsa diuersa fuerunt pro varia tēporis ratione, secundū dispensationē qua Domino visum est his aut illis modis sese hominibus exhibere. Abrahæ enim & eius posteritati mandata est Circuncisio: cui postea purificationes & sacrificia aliique ritus ex Lege Mosaiica addita sunt. Hæc Iudæorum fuerunt Sacramenta ad Christi vsque aduentū: quo abrogatis illis, Sacraméta duo instituta, quibus nūc Christiana Ecclesia vtitur, Baptismus & Cœna Domini. Loquor autem de iis quæ in vsum totius Ecclesiæ sunt instituta. Nā impositionem manuum, qua Ecclesiæ ministri in suum munus initiantur, vt non inuitus patior vocari Sacramentum, ita inter ordinaria Sacramenta non numero. Reliqua autē quæ vulgò recensentur, quo loco habenda sint, mox videbimus. Quanquam in eundē, in quem nunc nostra intendunt, scopum, & vetera illa spectarunt, nempe vt ad Christum dirigerēt, & penē manu ducerent: aut ipsum potius, ceu imagines repræsentarent, ac cognoscendum proferrent. Quum enim iam antè docuerimus, esse quædā sigilla quibus promissiones Dei obsignantur: sit autē certissimum, nullam vnquā Dei promissionem hominibus oblatam nisi in Christo: vt de aliqua Dei promissione nos doceant, Christum ostendant necesse est. Quò pertinet cæleste illud tabernaculi & legalis cultus exemplar, quod Mosi obicētū fuit in mēte. Vnum duntaxat discrimen est, quòd illa Christum promissum, quum adhuc

1. Cor. 1. d. 20

expectaretur, adumbrarunt, hæc iam præstitum & exhibitum testantur.

21. Hæc ubi per partes ac sigillatim declarata fuerint, multo clariora fient. Circuncisio Iudæis symbolum erat quo admonerentur, quicquid ex hominis semine prodit, hoc est vniuersam hominum naturam corruptam esse, putationeque habere opus, præterea documentum ac memoriale, quo sese confirmarent in promissione Abrahamæ data, de semine benedicto in quo benedicenda essent omnes nationes terræ: à quo & sua ipsis benedictio expectanda erat. Porro salutare illud semen (quemadmodum à Paulo docemur) erat Christus, in quo solo recepturos se cōfidebant quod in Adā perdiderant. Quare illis erat Circūcisio, quod Abrahamæ fuisse tradit Paulus, signaculum scilicet iustitiæ fidei: hoc est sigillū quo certius confirmarentur, suam fidem, qua semen ipsum expectabāt, sibi à Deo pro iustitia acceptā ferri. Sed nos meliore alibi occasione Circuncisionis Baptismi que comparationem longius prosequemur. Baptismata & purificationes suam illis immunditiam, spurcitiā, pollutionem ante oculos ponebant, qua in sua natura contaminati erant: aliud verò lauacrū pollicebantur, quo omnes extingerentur & abluerentur eorum sordes. Et hoc lauacrū Christus erat: cuius sanguine abluti, eius puritatem afferimus in conspectum Dei, ut inquinamenta omnia nostra tegat. Sacrificia illos suæ iniquitatis arguebant, simulque docebant, necessariam esse aliquam satisfactionem quæ iudicio Dei solueretur. Fore ergo summum quēdam Pontificem, inter Deum & homines mediatorum, qui Deo satisfaceret per sanguinis effusionem, ac hostiæ immolationem, quæ in remissionem peccatorum sufficeret. Hic summus Sacerdos fuit Christus: proprium ipse sanguinem effudit, victimam ipse fuit. se enim Patri obedientem in mortem obtulit: qua obedientia, hominis inobedientiam aboleuit quæ Dei indignationem prouocauerat.

Gen. 12. d. 18

Galat. 3. c. 16

Rom. 4. b. 11

Hebr. 9. a. 1,

& d. 14

Iohann. 1. c. 7

apocal. 1. a. 5

Hebr. 4. d. 14

& 5. a. 5, & 9.

c. 11

Philip. 2. a. 8

Rom. 5. d. 19

22. Quantum ad nostra attinet, Christum eo clarius nobis offerunt quod propius manifestatus est hominibus: ex quo à Patre verè, qualis promissus fuerat, exhibitus fuit: Baptisma enim nobis quod purgati & abluti simus testificatur: Cœna eucharistiæ, quod redempti. In aqua figuratur ablutio: in sanguine satisfactio. Hæc duo in Christo reperiuntur, qui (ut ait Iohānes) venit in aqua & sanguine: hoc est, ut purgaret & redimeret. Cuius rei testis quoque est Spiritus Dei. Imò tres in vno sunt testes, Aqua, Sanguis, & Spiritus. In aqua & sanguine purgationis & redemptionis habemus testimoniū: Spiritus verò primarius testis huiusmodi testimonii certā nobis fidem facit. Sublime istud mysteriū præclare nobis in Christi cruce ostensum est, quum aqua & sanguis effluerent ex sacro eius latere: quod eam ob causam iure Augustinus Sacramentorum nostrorum fontem vocauit. de quibus tan. en paulo fusius differendū erit. Quin vberior etiam Spiritus gratia hinc se proferat, si tēpus cum tempore compares, non dubium est. Nam id ad regni Christi gloriam pertinet: sicuti ex pluribus locis, ac præsertim ex septimo Iohannis capite colligimus. Quo sensu accipere oportet illud Pauli, umbras fuisse sub Lege, corpus in Christo. Neque eius consilium est exinannire suo effectu testimonia gratiæ in quibus olim Patribus se veracē probare Deus voluit, non secus ac hodie nobis in Baptismo & sacra Cœna, sed cōparatiuè, magnificare quod nobis datum est, necui mirum esset Christi aduentu abolitas esse Legis ceremonias.

1. Iohann. 5. b. 6

Iohā. 19. f. 34

Homil. in Iohannem 10,

& sæpe alias:

Coloss. 2. c. 17

23. Scholasticum autem illud dogma (ut hoc quoque obiter perstringam) quo tam longum discrimen inter veteris ac nouæ Legis Sacramenta notatur, perinde ac si illa nō aliud quàm Dei gratiam adumbrarint, hæc verò præsentē conferant: penitus explodendum est. Siquidē nihilo splendidius de illis Apostolus quàm de his loquitur, quū docet Patres eandem nobiscum spiritualem escam manducasse: & escam illam Christū interpretatur. Quis inane ausit facere signum illud quod veram Christi communionem Iudæis exhibebat? Et status causæ quam illic agit Apostolus, pro nobis non obscurè militat: nam nequis frigida Christi cognitione, inanique Christianismi titulo, ac externis insignibus fretus, Dei iudicium contemnere audeat: diuinæ fœderitatis exempla in Iudæis spectanda exhibet: ut easdem quas illi dederunt, pœnas, sciamus nobis imminere, si iisdem vitiis indulgeamus. Iam ut apta esset cōparatio, oportuit ostendere nihil esse inæqualitatis inter nos & ipsos in iis bonis quibus falsò gloriari nos veta bat. Ergo primum in Sacramētis pares nobis facit: nec vllam prærogatiuā particulā nobis relinquit quæ animos ad spem impunitatis facere queat. Nec verò Baptismo nostro plus tribuere fas est quā ipse alibi Circuncisioni tribuit, quum vocat sigillum iustitiæ fidei. Quicquid ergo nobis hodie in Sacramētis exhibetur, id in suis olim recipiebant Iudæi, Christum scilicet cum spiritualibus suis diuitiis. Quā habent nostra virtutē, eam quoque in suis sentiebant: ut scilicet essent illis diuinæ erga se beneuolentiæ sigilla in spē æternæ salutis. Si dextri fuissent interpretes epistolæ ad Hebræos, non ita fuissent hallucinati: sed quum illic legerent legalibus ceremoniis expiata nō fuisse peccata, imò veteres umbras nihil habuisse momenti ad iustitiam, neglecta comparatione

1. Cor. 10. a. 3

Rom. 4. b. 11

Hebr. 10. a. 1

quæ illic tractatur, dum hoc vnum arripiunt, Legem per se nihil profuisse suis cultoribus, putarunt simpliciter figuras veritate vacuas fuisse. Apostoli verò consiliū est Legē ceremoniale in nihilū redigere donec ad Christū ventū fuerit, à quo solo pēdet tota illius efficacia.

24 At obiciunt quæ de Circumcisione literæ apud Paulū legūtur, eam nullo loco esse apud Deum, nihil conferre, inanē esse. Eiusmodi enim sententiæ illam longè infra Baptismum nostrū deprimere vidētur. Minimè verò. Id enim ipsum de Baptismo iure diceretur. Quint etiam dicitur, primū à Paulo ipso, vbi ostendit Deum nihil morari externam ablutionē qua in religionē initiamur, nisi animus intus & repurgetur, & in puritate ad vltimū perseveret: deinde à Petro, dum Baptismi veritatē non in externa positam ablutione testatur, sed bono conscientiæ testimonio. At videtur alio etiam loco Circumcisionē manu factam penitus contemnere, dum eam cum Christi Circumcisione cōparat. Respondeo, neque hoc loco aliquid extenuari de eius dignitate. Illic contra eos disputat Paulus qui eam velut necessariam requirebant, quum esset iam abrogata. Monet igitur fideles vt omissis veteribus vmbreis, in veritate insistant. Vrgent (inquit) isti magistri, vt corpora vestra circumcidātur. Atqui spiritualiter circumcisi estis secundum animam & corpus. Habetis igitur rei exhibitionem, quæ longè potior est quàm vmbra. Poterat autem quispiam contrā excipere, non ideo spernendā esse figuram quia rem haberent: quando & apud Patres fuisset illa depositio veteris hominis de quā loquebatur: quibus tamen non fuisset externa Circumcisio superuacua. Hanc obiectionem præuertit, quum addit continuò, fuisse Colossenses Christo conscriptos per Baptismū. Quo significat id hodie esse Baptismum Christianis quod veteribus erat Circumcisio. idēque sine illius iniuria non posse hanc iniungi Christianis.

25 At quod sequitur, & iam nuper citavi, difficilior est ad soluendum, Iudaicas omnes ceremonias fuisse vmbas rerum futurarum, corpus esse in Christo: longè verò difficillimum quod multis capitibus epistolæ ad Hebræos tractatur, sanguinem pecudum non pertigisse ad conscientias: Legē habuisse vmbra futurorū bonorum, non imaginē rerum: cultores ex ceremoniis Mosaicis nihil perfectionis fuisse cōsequutos, & similia. Repeto quod iam attigi, Paulum non ideo vmbrales facere ceremonias quòd nihil haberēt solidi, sed quia eorum complementum, vsque ad Christi exhibitionē, quodammodo suspensum erat. Deinde non de efficacia, sed potius de modo significandi hoc intelligendum esse dico. Donec enim manifestatus est in carne Christus, omnia signa velut absentem eum adumbrabant: vtcunque virtutis suæ suique adeò ipsius præsentiam fidelibus intus exereret. Sed hoc maximè obseruare conuenit, in his omnibus locis Paulum non simpliciter, sed per contētionē loqui. Quoniā illi certamē erat cū pseudoapostolis, qui in ceremoniis solis, nullo Christi respectu, pietatem sitam esse volebant: ad eos confutandos satis erat duntaxat tractare quid per se valeant ceremoniæ. Hunc quoque scopum sequutus est author epistolæ ad Hebræos. Meminerimus ergo hīc de ceremoniis, non in sua vera & natiua significatione acceptis, sed ad falsam prauāque interpretationē detortis, non de legitimo earum vſu, sed de superstitionis abusu disputari. Quid igitur mirum si separatæ à Christo ceremoniæ, omnī virtute exuuntur? In nihilum enim redigitur quicquid est signorum vbi res signata tollitur. Sic Christus, vbi negotium habebat cum iis qui manna nihil aliud quàm cibum ventris fuisse cogitabant, sermonem accommodat crassæ eorum opinioni, dicitque se meliorem cibum administrare qui animas ad spem immortalitatis pascit. Quòd si clariore solutionem requiris, huc tendit omnium summa. Primò totum illum ceremoniarum apparatus, qui in Lege Mosaica fuit, nisi ad Christum dirigatur, rem esse euanidam ac nihili. Deinde sic in Christum respexisse vt eo demū in carne manifestato, complementum suum habuerint. Postremò eius aduentu oportuisse abrogari, non secus atque vmbra in perspicua solis luce euanescit. Sed quia longiorē adhuc de ea re sermonem in eum locum differo quo Baptismum cum Circumcisione conferre institui, parcius nunc attingo.

26 Fortè miseros istos Sophistas deceiverūt immodica etiam illa Sacramentorū encomia quæ de signis nostris apud veteres leguntur. Quale est illud Augustini, Quòd veteris Legis Sacramenta Saluatorem tantū promittebant: nostra verò dant salutē. Has & similes dicendi figuras quū non animaduertent hyperbolicas esse, & ipsi hyperbolica sua dogmata promulgarūt: sed prorsus alieno sensu à veterū scriptis. Non enim aliud illic voluit Augustinus quàm quod idem alibi scribit, Sacramēta Mosaicæ Legis Christū prænuntiasse: nostra verò annūtiare. Et cōtra Faustū, Fuisse illas promissiones rerum complendarū: hac indicia completarū. ac si diceret, illa figurasse quū adhuc expectaretur: nostra velut præsentem exhibere qui iā præstitus est. Porro de modo significandi loquitur, sicut & alibi indicat, Lex (inquit) & Prophetæ Sacramēta habebant prænuntiantia rem futurā: nostri verò tēporis Sacramenta venisse contestantur quod illa venturum prædicabant. Quid autem de re

1. Cor. 10. a. 5

1. Pet. 3. d. 11

Coloss. 2. b. 11

Iohan. 6. c. 27

In præmio
enar. psal. 73.Quæst. supra
Nume. cap. 33

Lib. 19. cap. 14

Lib. 2. contra
lit. Peril. c. 37

& efficacia senserit, pluribus locis explicat. ut quod dicit, sacramenta Iudaorum in signis fuisse diuersa: in re quæ significatur, paria. diuersa specie visibili, paria virtute spiritali. Item, In signis diuersis eadē fides: sic in signis diuersis, ut in verbis diuersis: quia verba sonos mutant per tempora: & vtrique nihil aliud sunt verba quàm signa. Bibebāt Patres eundem spirituales potum. nam corporalem non eundem. Videre ergo, fide manente, signa variata. Ibi petra Christus: nobis Christus quod in altari ponitur. Et illi pro magno sacramento biberunt aquam profluentem ē petra: nos quid bibamus norūt fideles. Si visibilem speciem intendas, aliud est: si intelligibilem significationem, eundem potum spirituales biberūt. Alibi, Idem in mysterio cibus & potus illorum qui noster: sed significatione idem, nō specie. quia idem ipse Christus illis in petra figuratus, nobis in carne manifestus. Quanquā hac quoque in parte aliquid differentiaē esse concedimus. Vtraque enim paternam Dei in Christo beneuolentiā ac Spiritus sancti gratias nobis offerri testantur: sed nostra illustrius ac luculentius. In vtriusque Christi exhibitio: sed in his vberior ac plenior, nōne prout fert illud de quo suprà disseruimus Veteris & Noui testamenti discrimen. Atque id est quod voluit idem Augustinus (quem ut optimum ex tota antiquitate & fidelissimū testem sæpius citamus) quum tradit, Christo reuelato sacramenta fuisse instituta, numero pauciora, significatione augustiora, virtute prastantiora. Huius quoque rei breuiter admentos esse lectores expedit, quicquid de opere operato nugati sunt Sophistæ, non modò falsum esse, sed pugnare cum sacramentorum natura, quæ instituit Deus ut fideles, vacui bonorum omnium & inopes, nihil præter mendicitatem eò afferant. Vnde sequitur, ea recipiendo nihil istos agere vnde laudem mereantur, vel in hac actione (quæ eorum respectu merè passiva est) nullum illis posse opus adscribi.

De Baptismo.

CAP. XV.



BAPTISMVS signum est initiationis quo in Ecclesiæ cooptamur societatem, ut Christo insiti, inter filios Dei censeamur. Porro in hunc finem nobis à Deo datus est (quod mysteriis omnibus commune esse docui) primum ut fidei nostræ apud se, deinde ut confessioni apud homines seruiet. Vtriusque institutionis rationem ordine prosequemur. Tria autē affert fidei nostræ Baptismus, quæ & ipsa sigillatim pertractanda sunt. Hoc primum est quod nobis à Domino proponitur, ut symbolum sit nostræ purgationis ac documentum: vel (ut melius explicem quod volo) instar signati cuiusdā diplomatis, quo nobis confirmet, peccata nostra omnia sic deleta, inducta, oblitterata esse, ne vnquam in cōspectum suum veniant, ne commemorentur, ne imputentur. Vult enim omnes qui crediderint baptizari in remissionem peccatorum. Proinde quibus visum est Baptismum non aliud esse quàm tesseram ac notam quæ religionem nostram apud homines profiteatur, quo modo imperatoris sui insignia præferunt milites, in suæ professionis notam: ii quod primum erat in Baptismo non perpenderunt. Id verò est, quod à nobis accipiendus sit cum hac promissione, Quicumque crediderint, & baptizati fuerint, saluos fore.

Homil. in 16. hannem 26.

Homil. in 16. hannem 45.

In Psal. 77. lib. 19. contra Faustū, cap. 13.

De doctrina Christi. lib. 3. Epist. ad la-nuarium.

Marc. 16. d. 16

Ephes. 5. f. 16

Tit. 3. b. 5

1. Pet. 3. d. 21

2 In hunc sensum intelligendū quod à Paulo scribitur, Ecclesiam à sponso Christo sanctificatam esse, & mundatam lauacio aquæ, in verbo vitæ. Et alibi, Nos secundū eius misericordiam saluos factos esse per lauacrum regenerationis & renouationis Spiritus sancti. Et à Petro, quod Baptisma nos saluos facit. Non enim significare voluit ille, ablutionem & salutem nostram aqua perfici: aut, aquam purgandi, regenerandi, renouandi virtutem in se continere: neque hic salutis causam, sed duntaxat talium donorum cognitionē & certitudinem in hoc sacramento percipi. quod verbis ipsis satis euidenter explicatur. Nā verbum vitæ & baptismū aquæ simul connectit Paulus: ac si diceret, per Euāgelium nobis nostræ ablutionis & sanctificationis nuntium afferri, per Baptismum huiusmodi nuntium obsignari. Et subdit continuò Petrus, Baptisma illud non esse depositionem sordium carnis, sed conscientiam bonam apud Deum, quæ ex fide est. Imò non aliam nobis purificationem Baptismus pollicetur quàm per asperisionē sanguinis Christi: qui per aquam, propter mundandi ablucendique similitudinem, figuratur. Quis ergo nos aqua ista mūdari dicat, quæ certò testatur Christi sanguinē verum esse atque vnicum nostrum lauacrum? Ut non aliunde peti queat certior ratio ad refellendam eorum hallucinationem qui ad aquæ virtutem referunt omnia, quàm ab ipsius Baptismi significatione: quæ tam ab elemento illo visibili quod oculis nostris obiicitur, abstrahit, quàm ab aliis omnibus mediis, ut vni Christo mentes nostras deuinciat.

3 Neque verò existimandum est, Baptisma in præteritum duntaxat tempus conferri, ut nouis lapsibus, in quos à Baptismate recidimus, quærenda sint alia noua expiationis reme-

dia in aliis nescio quibus sacramentis, perinde ac si illius vis obsoleta esset. Hoc quidem errore olim factum est ut nonnulli nisi in ultimo vitæ discrimine, atque adeò inter ultimos spiritus, Baptismo initiari nollent. ut sic totius vitæ obtinerent veniã. In quam præposterã cautionem veteres Episcopi toties in scriptis suis inuehũtur. Sic autem cogitandũ est, quocunque baptizemur tempore. nos semel in omnem vitam ablui & purgari. Itaque quoties lapsi fuerimus, repetenda est Baptismi memoria, & hac armadus animus, ut de peccatorũ remissione semper certus securusque sit. Nam etsi semel administratus, præterisse visus est, posterioribus tamen peccatis non est abolitus. Puritas enim Christi in eo nobis oblata est: ea semper viget, nullis maculis opprimitur: sed omnes nostras sordes obruit & extergit. Neque hinc tamen peccandi in futurũ licentia captanda est (ut certè hinc ad talem audaciam minimè instruimur) sed hæc doctrina iis tantum traditur qui vbi peccauerunt, sub peccatis suis fatigati & oppressi gemũt, ut habeant quo se erigant ac consolentur, ne in cõfusionem ac desperationem ruant. Sic Paulus ait, Christum factum nobis esse propitiatorem, in remissionem præcedentium delictorum. Quo non negat perpetuam assiduamque peccatorum remissionem ad mortem vsque in eo obtineri: sed datum eum à Patre miseris tantum peccatoribus significat, qui conscientie cauterio vulnerati, ad medicum suspirant. His offertur misericordia Dei. Qui peccandi materiã & licentiam ex impunitate aucupantur, nihil sibi præter iram & iudicium Dei prouocant.

4 Equidem scio aliud communiter receptum esse, poenitentiae & clauilum beneficio nos obtinere post Baptismum remissionem, quæ prima regeneratione per solum Baptismum nobis datur. Sed qui hoc comminiscuntur, in eo errant quod non cogitant potestatem clauium, de qua loquuntur, à Baptismo sic pendere ut nullo modo separari debeat. Remissionem accipit peccator Ecclesiae ministerio, nepe non sine Euangelii prædicatione. Qualis autem illa est? Nos sanguine Christi emundari à peccatis. Atqui lauacri illius signum ac testimonium quod est nisi Baptismus? Videmus igitur ut ad Baptismum absolutio illa referatur. Et hic error commentitium Poenitentiae sacramentum nobis peperit: de quo aliquid antè attigi, & quod residuum est suo loco absoluam. Nihil autem mirum si homines, qui pro ingenii sui crassitie rebus externis immodicè sunt affixi, hac quoque in parte vitium illud prodiderunt: ut pura Dei institutione non contenti, noua subsidia à seipsis conficta ingererent. Quasi verò Baptismus ipse non esset poenitentiae sacramentum. Quod si hæc in totam vitam nobis cõmendatur, vis quoque Baptismi ad eosdem vsque fines extēdi debet. Quare nec dubium quin pii omnes toto vitæ curriculo, quoties vitiorum suorum conscientia vexantur, sese ad Baptismi memoriam reuocare audeant, ut se inde cõfirmant in illius vnicæ ac perpetuæ ablutionis fiducia quam habemus in Christi sanguine.

5 Alterum etiam fructum affert, quia nostram in Christo mortificationem nobis ostendit, & nouam in eo vitam. Siquidẽ (ut ait Apostolus) in mortem eius baptizati sumus, consepulti ipsi in mortem, ut in nouitate vitæ ambulemus. Quibus verbis nõ ad imitationem eius nos solum exhortatur (ac si diceret, admoneri nos per Baptismum, ut quodam mortis Christi exemplo, concupiscentiis nostris moriamur, & exemplo resurrectionis, ut in iustitiam suscitemur) sed rem longè altius repetit: nempe quod per Baptismum Christus nos mortis suæ fecerit participes ut in eam inferamur. Et quemadmodum furculus substantiam al. mentumque ducit à radice cui insitus est: ita qui Baptismũ ea qua debent fide accipiunt, verè efficaciam mortis Christi sentiunt, in mortificatione carnis suæ: simul etiam resurrectionis, in viuificatione Spiritus. Inde exhortationis materiam desumit: quod si Christiani sumus, debemus mortui esse peccato, & iustitiæ viuere. Hoc eodem argumẽto alibi vtitur, Quod circumcisi sumus, & exuimus veterẽ hominem, postquam per Baptismũ in Christo sepulti sumus. Et hoc sensu, eo quem antè citauimus loco, vocauit lauacrum regenerationis & renouationis. Itaque primũ gratuita peccatorum venia & iustitiæ imputatio nobis promittitur, deinde Spiritus sancti gratia, quæ nos in vitæ nouitatem reformet.

6 Postremò & hanc è Baptismo vtilitatem fides nostra accipit, quod cerò nobis testificatur, non modò in mortem & vitam Christi nos insitos esse: sed sic ipsi Christo vnitos ut omnium eius bonorum participes simus. Ideo enim Baptismum in suo corpore dedicauit & sanctificauit, ut communẽ eum nobiscum haberet, ceu firmissimum vnionis ac societatis quam nobiscum inire dignatus est, vinculũ. ut Paulus ex eo probet, nos esse filios Dei, quia Christum in Baptismo induimus. Ita videmus Baptismi complementum in Christo esse, quem etiam hac ratione vocamus proprium Baptismi obiectũ. Proinde mirum non est si in eius nomen baptizasse narrantur Apostoli, qui tamen in Patris quoque & Spiritus nomen baptizare iussu fuerant. Quicquid enim in Baptismo proponitur donorum Dei, in

Rom. 3. d. 15

Rom. 6. 2. 3

Coloss. 2. b. 12

Tit. 3. b. 5

Matth. 3. c. 13

Galat. 3. d. 27

Act. 8. c. 16,
& 19. a. 5

Christo vno reperitur. Neque tamen fieri potest quin Patris simul & Spiritus nomen inuocet qui in Christum baptizat. Ideo enim eius sanguine emundamur, quia misericors Pater nos pro sua incomparabili clementia recipere in gratiam volens, mediatorem hunc in medio statuit, qui nobis fauorem apud ipsum conciliet. Regenerationem verò ita demum ab eius morte & resurrectione consequimur, si per Spiritum sanctificati imbuamur noua & spiritali natura. Quamobrem nostræ tum purgationis tum regenerationis in Patre causam, in Filio materiam, in Spiritu effectum consequimur, & quodammodo distinctè cernimus. Sic primùm Iohannes baptizauit, sic deinde Apostoli, Baptismo poenitentiae, in remissionem peccatorum: poenitentiae verbo, huiusmodi regenerationem intelligentes: remissione peccatorum, ablutionem.

Matth. 28.
d. 19

Matth. 3. b. 6,
c. 11. luc. 3. d. 16
iohan. 3. c. 23,
& 4. a. 1

Act. 2. f. 38, &
8. 41

7 Quo etiam certissimum fit, idem fuisse prorsus Iohannis ministerium, quod Apostolis postea delegatum est. Non enim alium Baptismum faciunt diuersæ manus quibus administratur: sed eundem esse eadem doctrina ostendit. In vnam doctrinam Iohannes & Apostoli consenserunt: vtrique in poenitentiam, vtrique in remissionem peccatorum, vtrique in nomen Christi, à quo poenitentia & peccatorum remissio esset, baptizarunt. Iohannes dixit, agnum esse Dei per quem tollerentur peccata mundi: vbi eum hostiam fecit Patri acceptam, propitiatorem iustitiæ, salutisque autorem. Quid ad hanc confessionem addere poterant Apostoli? Quare neminem perturbet quòd alterum ab altero discernere veteres contendunt, quorum non tanti esse nobis debet calculus ut Scripturæ certitudinem quatefaciat. Quis enim Chrysostomo potius auscultet, neganti in Iohannis Baptismo comprehensam fuisse peccatorum remissionem, quàm Lucæ contra asserenti, Iohannem Baptismum poenitentiae prædicasse in peccatorum remissionem? Nec recipienda est illa Augustini argutia, in spe dimissa fuisse peccata Baptismo Iohannis, Christi Baptismo re ipsa dimitti. Quum enim Euangelista clarè testetur, Iohannem in suo Baptismo remissionem peccatorum pollicitum fuisse: quid extenuare hoc elogium opus est, quum nulla necessitas ad id cogat? Siquis autem differentiam è Dei verbo quærat, non aliam inueniet quàm quòd in eum qui venturus erat, Iohannes baptizabat: Apostoli in eum qui iam se exhibuerat.

iohan. 1. d. 19

Homil. in
Matth. 14
Luc. 3. a. 3

Lib. 5. De Baptif. contra
Donatist. cap
10

Luc. 3. c. 16
Act. 19. a. 4

8 Quòd luculentiores Spiritus gratiæ à Christi resurrectione effusæ sunt, nihil ad statuentem baptismatum diuersitatem attinet. Siquidem Baptismus quem ipso adhuc in terris agente, Apostoli administrabant, eius vocabatur: neque tamen largiorem Spiritus opulentiam habebat quàm Baptismus Iohannis. Quin ne post ascensionem quidem, Spiritu supra vulgarem priorum fidelium modum, donantur Samaritani, etiam si in nomen Iesu baptizati fuerint, donec ad eos Petrus & Iohannes mittuntur qui manus imponant. Hoc solum veteribus imposuisse arbitror, ut hunc ad illum præparationem duntaxat esse dicerent, quòd legebant rursum à Paulo baptizatos qui Iohannis Baptismum semel susceperant. Sed quàm hic sint hallucinati, alibi suo loco clarissimè explicabitur. Quid ergo est quòd Iohannes dixit, se quidem aqua baptizare: venturum autem Christum qui baptizaret Spiritu sancto & igni? Paucis expediri hoc potest. Non enim Baptismum à Baptismo distinguere voluit, sed personam suam cum Christi persona contulit, se ministrum esse aquæ, illum Spiritus sancti datorem: & hanc virtutem visibili miraculo declaraturum quo die Spiritum sanctum Apostolis sub linguis igneis mitteret. Quid Apostoli iactare ultra potuerunt? Quid & qui hodie baptizant: sunt enim exterioris duntaxat signi ministri, Christus interioris gratiæ author. ut iidem illi veteres vbique docent, in primisque Augustinus, cui hæc præcipua est fultura contra Donatistas, Qualiscunque sit qui baptizat, vnum tamen Christum præesse.

Act. 8. c. 14. 17

Act. 19. a. 3. 5

Matth. 3. c. 11.

Act. 2. a. 3

9 Hæc quæ tum de mortificatione, tum de ablutione diximus, in populo Israel adûbrata sunt: quem eam ob causam Apostolus dicit in nube & in mari fuisse baptizatum. Mortificatio figurata est quum Dominus è manu Pharaonis, & crudeli seruitute eos asseres, viam illis strauit per Mare rubrum, & Pharaonem ipsum, & Aegyptios hostes, qui à tergo illis instabant, & ceruicibus imminebant, submersit. Nam & ad hunc modum in Baptismo pollicetur nobis, & dato signo ostendit, nos ex Aegypti captiuitate, hoc est è peccati seruitute, sua virtute eductos & vindicatos: submersum Pharaonem nostrum, id est diabolum. quanquā, nec sic etiam exercere nos & fatigare desinat. Verum ut Aegyptius ille non in profundum maris deiectus fuerat, sed in littore prostratus, terribili aspectu adhuc Israelitas terrebat, nocere tamen non poterat: ita hic noster adhuc quidem minatur, arma ostendit, sentitur, sed vincere non potest. In nube, purgationis symbolum fuit. Nam ut tum illos Dominus operuit nube, & refrigerium præstitit, ne inclementiore solis ardore deficerent, & tabesceret: ita in Baptismo nos Christi sanguine opertos esse & protectos agnoscimus, ne Dei

1. Cor. 10. a. 2

Exod. 14. c
& f. 16

Num. 9. c. 14

seueritas, quæ verè est flamma intolerabilis, nobis incumbat. Etsi verò tunc obscurum & paucis cognitum fuit mysterium: quia tamen non alia est salutis adipiscendæ ratio quàm in illis duabus gratiis, noluit Deus vtriusque tessera vetustos patres, quos hæredes adoptauerat, priuare.

- 10 Iam perspicuum est quàm falsum sit quod docuerunt pridem nonnulli, in quo alii persistunt, per Baptismum solui nos & eximi ab originali peccato, & à corruptione quæ ab Adam in vniuersam posteritatem propagata est, atque in eandem iustitiam naturæque puritatem restitui quam obtinisset Adam si in ea qua primùm creatus fuerat, integritate steterisset. Tale enim doctorum genus, nunquam quid peccatum originale, quid iustitia originalis, quæ gratia Baptismi esset, assequutum est. Iam verò antè disputatum est, peccatum originale esse naturæ nostræ prauitatem ac corruptionem, quæ primùm reos facit nos iræ Dei, tum etiam opera in nobis profert quæ Scriptura vocat opera carnis. Hæc itaque duo distindè obseruanda: nempe quòd sic omnibus naturæ nostræ partibus vitiati peruersique, iam ob talem duntaxat corruptionem damnati meritò, conuictique coram Deo tenemur, cui nihil est acceptum nisi iustitia, innocentia, puritas. Atque adeò infantes quoque ipsi suam secum damnationem à matris vtero afferunt: qui tamen si suæ iniquitatis fructus nondum protulerint, habent tamen in se inclusum semen. Imò tota eorum natura, quoddam est peccati semen: ideo non odiosa & abominabilis Deo esse non potest. Hanc damnationem sublata & à se depulsam esse certi per Baptismum fideles fiunt. quando (vt dictum fuit) Dominus hoc signo nobis pollicetur plenam solidamque remissionem factam esse, & culpæ quæ imputanda nobis erat, & poenæ quæ ob culpam luenda: iustitiâ quoque apprehendunt, sed qualem in hac vita obtinere populus Dei potest, nempe imputatione duntaxat: quia pro iustis & innocentibus eos sua misericordia Dominus habet.

- 11 Alterū est, quòd hæc peruersitas nunquam in nobis cessat, sed nouos assidue fructus parit, ea scilicet quæ antè descripsimus opera carnis: non secus atque incensa fornax flammâ & scintillas perpetuò efflat, aut scaturigo aquam sine fine egerit. Nam concupiscentia nunquam planè in hominibus interit & extinguitur, donec per mortem è corpore mortis liberati, semetipsos prorsus exuerint. Baptismus quidem promittit nobis submersum esse nostrum Pharaonem & peccati mortificationem: non tamen ita vt amplius non sit, aut nobis negotium non faceat: sed tantum ne superet. Nam quandiu in hoc carcere corporis nostri clausi degemus, habitabunt in nobis reliquæ peccati: sed si promissionem in Baptismo nobis à Deo datam fide tenemus, non dominabuntur nec regnabunt. Nemo autem se fallat, nemo sibi in suo malo bladiatur quum audit peccatum semper in nobis habitare. Non in hoc dicuntur ista, vt peccatis suis securè indormiant qui alioqui plus satis propensi sunt ad peccandum: sed tantum ne labascant, & animum despondeant, qui à carne sua titillantur & punguntur. Magis cogitent se in via adhuc esse, & multū se profecisse credant, quum è sua concupiscentia aliquantulum minui in dies senserint, donec eò pertigerint quòd tendūt: nempe ad vltimum interitum carnis suæ, qui in huius vitæ mortalis interitu perficietur. Interea & strenuè certare, & ad progressum animare, & ad plenam victoriam stimulare non desinant. Nam & hoc magis acuire debet eorū conatus, quòd sibi postquam diu enixi fuerint non parum adhuc negotii restare vident. Sic habendum est, baptizamur in mortificationem carnis nostræ, quæ à Baptismo in nobis inchoatur, quam quotidie prosequimur: perficietur autem quum ex hac vita migrabimus ad Dominum.

- 12 Hic nihil aliud dicimus quàm quod Apostolus Paulus septimo ad Rom. capite clarissimè exponit. Postquā enim de gratuita iustitia disputauerat, quia nonnulli impii inde inferbant viuendum esse pro libidine, quia non essemus operum meritis accepti Deo: subiungit, eos omnes qui iustitia Christi induuntur, simul Spiritu regenerari, & huius regenerationis nos arrhā habere in Baptismo. Hinc hortatur fideles, ne dominium peccato permittāt in suis mēbris. Iam quia nouerat semper aliquid esse infirmitatis in fidelibus: ne propterea deiicerentur, adiicit consolationem, quòd non sint sub Lege. Quia iterū videri poterat, in sole scere posse Christianos, eo quòd non sint sub iugo Legis, tractat qualis sit illa abrogatio: & simul quis sit Legis vsus, quam quæstionem iam secundò distulerat. Summa est, nos esse liberatos à rigore Legis vt Christo cohæreamus. Legis verò officiū esse, vt prauitatis nostræ conuicti, nostram impotentiam & miseriam confiteamur. Porro quia prauitas illa naturæ non tã facile apparet in homine profano, qui sine timore Dei cupiditatibus suis indulget: exemplū in homine regenerato ponit, hoc est in seipso. Dicit igitur perpetuam sibi lucem esse cum reliquiis carnis suæ, seque vinctum misera seruitute detineri quominus se totum diuinæ Legis obedientiæ consecret. Itaque cum gemitu cogitur exclamare, Infelix ego,

Galat. 5. c. 19

Rom. 6. b. 14

Rom. 7. d. 14

Quis me liberabit de corpore hoc morti obnoxio? Quòd si filii Dei captiui in carcere detinentur quadiu viuunt, magnopere anxios esse necesse est periculi sui cogitatione, nisi huic timori obuiam eatur. Artexit ergo in hunc vsum cōsolationē, nihil esse damnationis amplius iis qui sunt in Christo Iesu. Vbi docet, eos quos semel Dominus recepit in gratiam, in Christi sui cōmunionem inseruit, in Ecclesiæ societate per Baptismum cooptauit, dum in Christi fide perseverant, etiamsi à peccato obsideantur, atque adeò peccatum in se circumferant, reatu tamen & damnatione esse absolutos. Hæc si simplex est ac genuina Pauli interpretatio, non est quòd inusitatum aliquid tradere videamur.

Rom. 8. 13

13 Confessione autem nostræ apud homines sic feruit Baptismus. Siquidem nota est quæ palam profiteamur nos populo Dei accenseri velle: quæ testamur nos in vnus Dei cultum, in vnā religionem cum Christianis omnibus consentire: quæ denique fidem nostrā publicè affirmamus. vt non modò laudem Dei spirent corda nostra, sed linguæ etiam & omnia corporis membra quibus possunt significationibus personēt. Ita enim, vt decet, nostra omnia in obsequium gloriæ Dei conferuntur, quæ nihil vacuum esse debet, & ceteri nostro exemplo ad eadem studia incitentur. Huc respiciebat Paulus, quum interrogaret Corinthios annon in Christi nomen baptizati fuissent. Innuens scilicet, eo ipso quòd in eius nomen fuissent baptizati, sese illi deuouisse, in eius nomen iurasse, & fidem illi suam apud homines obstrinxisse, vt confiteri amplius alium non possent præter solū Christum: nisi cōfessionem abnegare vellent quam in Baptismo ediderant.

1. Cor. 1. b. 13

14 Nunc postquam enarratū est quid spectauerit Dominus noster in institutione Baptismi: quæ sit nobis vtendi accipiendaque ratio iudicare promptum est. Nam quatenus erigendæ, alendæ confirmanda quæ fidei nostræ datur, sumendus est quasi è manu ipsius auctor: certum persuasumque habere conuenit, ipsum esse qui nobis per signum loquitur, ipsum esse qui nos purgat, abluit, delictorū memoriā abolet: ipsum esse qui mortis suæ participes facit: qui Satanæ regnum adimit, qui concupiscentiæ nostræ vires enervat: imò qui in vnum coalescit nobiscum, vt eum induti filii Dei censeamur. Hæc, inquam, tam verè certoque animæ nostræ intus præstare, quàm certò videmus corpus nostrum extrā abluui, submergi, circumdari. Ist hæc enim siue analogia, siue similitudo, certissima est sacramentorū regula: vt in rebus corporeis spirituales cōspiciamus, perinde ac si corā oculis nostris subiecta forent, quando istiusmodi figuris repræsentare Domino visum est. non quia sacramento tales gratiæ illigatæ inclusa quæ sint, quo eius virtute nobis conferantur: sed quia taxat quia hac tertia voluntate suam nobis Dominus testificatur: nempe se hæc omnia nobis velle largiri. Neque tātum nudo spectaculo pascit oculos: sed in rem præsentem nos adducit, & quod figurat, efficaciter simul implet.

15 Huius documentū sit Cornelius Centurio, qui peccatorū remissione, qui gratiis Spiritus sancti visibilibus iam antea donatus, baptizatus est: non largiorem remissionem e Baptismo petens, sed certiozem fidei exercitationem: imò fiducia augmentum ex pignore. Obiecit fortè aliquis, Cur igitur Paulo dicebat Ananias vt peccata sua per Baptismum ablucret, si baptismi ipsius virtute peccata non abluuntur? Respondeo, Dicimur accipere, obtinere, impetrare, quod, quantum ad fidei nostræ sensum, nobis à Domino exhibetur, siue id tum primum testatur, siue testatum magis ac certius confirmat. Hoc itaque tantum voluit Ananias, Vt certus sis, Paule, remissa tibi esse peccata, baptizare. Promittit enim Dominus in Baptismo remissionem peccatorum. hanc accipe, & securus esto. Quāquam mihi animus non est Baptismi vim extenuare, quin signo accedat res & veritas, quatenus per externa media Deus operatur. Cæterum, ex hoc sacramento, quemadmodum ex aliis omnibus, nihil assequimur nisi quantum fide accipimus. Si fides desit, erit in testimonium ingrati tudinis nostræ, quo rei coram Deo peragamur, quia promissioni illic datæ increduli fuerimus. Quatenus verò cōfessionis nostræ symbolū est, testari eo debemus fiduciam nostram in Dei misericordia esse, & puritatē nostrā in peccatorū remissione, quæ parata nobis est per Iesum Christum: nosque in Ecclesiam Dei ingredi, vt vno fidei & charitatis cōsensu cum fidelibus omnibus viuamus vnanimes. Hoc postremum voluit Paulus, quū inquit

Act. 10. g. 48

Act. 9. c. 17.

1. Cor. 12. b. 13

16 Porro si verum est quod constituimus, sacramentum non ex eius manu æstimandum esse à quo administratur, sed velut ex ipsa Dei manu, à quo haud dubiè profectum est: inde colligere licet nihil illi afferri vel auferri eius dignitate per cuius manum traditur. Ac perinde atque inter homines, si qua missa epistola fuerit, modò satis & manus & signum agnoscat, minimè refert quis aut qualis tabellarius fuerit: ita nobis sufficere debet manū & signum Domini nostri in sacramentis suis agnoscere, à quocunque tandem tabellario de-

ferantur. His Donatistarum error pulchrè refutatur, qui vim ac pretium sacramenti metuebantur ministri dignitate. Tales hodie sunt Catabaptistæ nostri, qui ritè nos baptizatos pernegant, quòd ab impiis & idololatriis in regno Papali baptizati sumus. itaque anabaptismum furiosè vrgent. Aduersus quorum ineptias satis valida ratione munimur, si cogitemus nos Baptismo initiatos, nò in nomen alicuius hominis, sed in nomen Patris, & Filii & Spiritus sancti. idèoque Baptismum non esse hominis, sed Dei: à quocunque tandem administratus fuerit. Vt maximè Dei & totius pietatis ignari aut còtemptores fuerint qui nos baptizabant: nò tamen in suæ ignorantiae vel sacrilegii consortium nos tinxerunt, sed in fidem Iesu Christi: quia non suum, sed Dei nomen inuocauerunt, nec in aliud nomen nos baptizarunt. Quòd si baptisma Dei erat, habuit certè inclusam promissionem de peccatorum remissione, mortificatione carnis, viuificatione spirituali, participatione Christi. Sic Iudæis nihil obfuit, ab impuris Sacerdotibus & apostatis fuisse circumcisos: neque propterea irritum fuit signum, vt iterari necesse foret, sed ad genuinam originem redire satis fuit. Quod obiiciunt, in conuentu piorum debere Baptismum celebrari, non efficit vt totam eius vim quod in parte vitiosum est extinguat. Nam quò docemus quid fieri deceat vt purus sit Baptismus, omnique inquinamento vacuus, non abolemus Dei institutionem, quamuis eam idololatræ corrumpat. Nam quum olim multis superstitionibus vitata esset circumcisio, pro gratiæ tamen symbolo haberi non desit. nec Iosias & Ezechias, quum ex toto Israele colligerent qui defecerant à Deo, ad alteram eos circumcisionem vocarunt.

17 Iam verò quòd nos interrogant, quæ tamen fides nostra Baptismum aliquot annis sequuta sit, vt inde euincant irritum esse Baptismum, qui nobis non sanctificatur nisi verbo promissionis fide accepto: ad id postulatum respondemus, nos quidem cæcos & incredulos, longo tempore promissionem quæ in Baptismo nobis data erat, non tenuisse: promissionem tamen ipsam, quando à Deo erat, statam semper & firmam veracemque mansisse. Etiam si omnes homines mendaces & perfidi, Deus tamen verax esse non desinit: etiam si omnes perdit, Christus tamen salus manet. Fatemur ergo Baptismum pro eo tempore nò profuisse nobis hilum, quando in eo nobis oblata promissio, sine qua Baptismus nihil est, neglecta iacebat. Nunc vbi, Dei gratia, resipiscere cœpimus, cæcitatem nostram & duritiem cordis accusamus, qui tantæ eius bonitati tam diu ingrati fuerimus. Cæterum promissionem ipsam nò euanuisse credimus: quin potius sic reputamus, Deus per Baptismum peccatorum remissionem pollicetur, & promissam indubiè omnibus credentibus præstabit. Ea promissio nobis in Baptismo fuit oblata: fide igitur amplectamur. Diu quidem nobis propter infidelitatem sepulta fuit: nunc igitur eam per fidem recipiamus. Quamobrem vbi ad resipiscentiam Iudaicum populum Dominus inuitat, de altera circuncisione nil iis præcipit, qui impia (vt diximus) & sacrilega manu circūcisi, eadem aliquandiu impietate impliciti vixerant: sed solam cordis conuersionem vrget. Quoniam, vtcunque foedus ab illis violatum foret, symbolum tamen foederis, ex Domini institutione, firmum inuolabileque semper manebat. Sola ergo resipiscentiæ conditione in foedus restituebatur, quod semel cum illis in circuncisione Deus percusserat: quam tamen per foedifragi Sacerdotis manum acceptam, quantum in se erat, rursus polluerant, & cuius effectum extinxerant.

18 Verum igneum sibi videntur telum vibrare quum allegant, Paulum rebaptizasse eos qui Iohannis Baptismo semel baptizati erant. Nam si nostra confessione, idem prorsus fuit Iohannis Baptismus qui nunc noster est: quemadmodum illi antea peruersè instituti, vbi rectam fidem edocti sunt, in eam sunt rebaptizati: ita Baptismus ille qui sine vera doctrina fuit, pro nihilo reputandus est: & ex integro baptizari debemus in veram religionem qua nunc primùm imbuti sumus. Nonnullis videtur, quempiam fuisse Iohannis μαθητήν, qui priori Baptismate in vanam potius superstitionem illos initiasset. Cuius rei videntur hinc coniecturam sumere quòd se ignaros prorsus Spiritus sancti esse confitentur: cuius scilicet ruditatis nunquam discipulos à se Iohannes dimisisset. Verum nec verisimile est Iudæos, etiam si minimè fuissent baptizati, omni Spiritus cognitione fuisse destitutos, qui tot Scripturæ testimoniis celebratur. Quòd ergo respondent se nescire an sit Spiritus, intelligendum est ac si dicerent se necdum audiuisse, an gratiæ Spiritus, de quibus rogabatur à Paulo, Christi discipulis darentur. Ego autem concedo, fuisse illud verum Iohannis Baptisma, & vnū idemque cum Christi Baptismate: sed rebaptizatos nego. Quid igitur sibi volunt verba, Baptizati sunt in nomine Iesu? Quidā interpretantur, tantum sincera doctrina eruditos à Paulo fuisse. sed simplicius intelligere malim, Baptismum Spiritus sancti, hoc est, gratias Spiritus visibiles per manuum impositionem datas: quas Baptismi nomine significari non nouum est. Qualiter in die Pentecostes, recordati Apostoli dicuntur verbotū

Matth. 28. d. 19

Rom. 3. a. 3

Act. 19. a. 3. 5

Act. 1. a. 5.

Domini de baptismo ignis & Spiritus. Et Petrus eadem sibi in memoriam rediisse cōmē-
morat, ubi gratias illas in Corneliū eiusque familiam & cognationē effusas vidisset. Nec
repugnat quod postea subditur, Quū imposuisset illis manus, descendebat Spiritus sanctus
super eos. Non enim duo diuersa narrat Lucas: sed formam narrationis sequitur Hebræis
familiarem, qui primū rei summam proponunt, deinde fufius explicant. Quod ex ipso
verborum cōtextu animaduertere quiuis potest. Dicit enim, His auditis baptizati sunt in
nomine Iesu. Et quum imposuisset illis manus Paulus, Spiritus sanctus descendebat super
illos. Hac posteriori locutione describitur qualis ille fuerit Baptismus. Quod si priorē Ba-
ptismū ignorantia vitiat, vt sit altero Baptismo corrigenda: primi omnium rebaptizandi
erant Apostoli, qui toto post Baptismum suum triennio vix modicam sincerioris doctri-
næ particulam degustauerant. Iam & quæ inter nos flumina sufficerent tot repetendis tin-
ctionibus, quot ignorantia, Domini misericordia, quotidie in nobis corriguntur:

19 Mysterii vis, dignitas, vtilitas & finis satis iam, nisi fallor, liquere debent. Quod ad ex-
ternum symbolum pertinet, vtinam genuina Christi institutio valuisset quantum pare-
rat ad cohibendam hominum audaciam. Quasi enim res esset contemptibilis, ex Christi
præcepto, aqua baptizari, inuenta est benedictio, vel potius incantatio, quæ veram aquæ
consecrationem pollueret. Additus postea cereus cum chrismate: exsufflatio verò ianuam
ad Baptismum aperire visa est. Etsi autem me non latet quàm vetusta sit aduentitiæ huius
farraginis origo: respuere tamen mihi & piis omnibus fas est quicquid ad Christi institu-
tionem addere ausi sunt homines. Quum autē videret Satan stulta mundi credulitate abs-
que negotio ferè inter ipsa Euangelii exordia receptas esse suas imposturas, ad crassiora lu-
dibria prorupit. hinc sputum & similes nugæ palam in Baptismi probum effræni licen-
tia inuectæ. Quibus experimētis discamus nihil vel sanctius esse vel melius vel tutius quā
vnius Christi autoritate contentos esse. Quanto igitur satius erat, ommissis theatricis pom-
pis, quæ simplicium oculos perstringunt, & mentes hebetant, quoties baptizandus aliquis
esset, in cœrum fidelium ipsum repræsentari, & tota Ecclesia, velut teste, spectante & orante
super eum, Deo offerri: recitari fidei confessionē, qua sit instituendus catechumenus: enar-
rari quæ in Baptismo habentur promissiones: catechumenum baptizari in nomen Patris
& Filii & Spiritus sancti: remitti demum cum precibus & gratiarum actione. Sic nihil o-
mitteretur quod ad rem faceret, & vna illa ceremonia quæ à Deo authore profecta est, nul-
lis exoticis sordibus obruta, clarissimè effulgeret. Caterum mergatūne totus qui tingitur,
idque ter an semel, an infusa tantum aqua aspergatur, minimum refert: sed id pro regionū
diuersitate Ecclesiis liberum esse debet. Quanquam & ipsum baptizandi verbum mergere
significat, & mergendi ritum veteri Ecclesiæ obseruatum fuisse constat.

20 Hoc etiam scire ad rem pertinet, perperā fieri si priuati homines Baptismi administra-
tionē sibi vsurpent. est enim pars Ecclesiastici ministerii, tā huius quā Cœnæ dispensatio.
Neque enim aut mulieribus aut hominibus quibuscumque mādauit Christus vt baptizaret:
sed quos Apostolos constituerat, iis mandatū hoc dedit. Et quum discipulos iussit facere in
Cœnæ administratione quod fieri ab ipso viderant, quum ipse legitimi dispensatoris offi-
cio functus esset: voluit proculdubio vt in eo suum exemplum imitarentur. Quod autem
multis ab hinc seculis, adeoque ab ipso ferè Ecclesiæ exordio vsu receptum fuit vt in peri-
culo mortis laici baptizaret, si minister in tempore non adesset, non video quàm firma ra-
tione defendi queat. Ne ipsis quidem veteribus, qui hunc morē vel tenebant, vel patiebant-
tur, constabat an rectè id fieret. Hanc enim dubitationem præ se fert Augustinus, quum di Lib. contra
cit, Etsi laicus necessitate compulsus Baptismum dederit, nescio an piè quisquam dixerit epist. lxxiii.
esse repetendum. Nulla enim cogēte necessitate si fiat, alieni muneris vsurpatione est: si autem 2. c. p. 17.
necessitas vrgeat, aut nullum aut veniale delictum est. De mulieribus porro citra vllā exce-
ptionem sancitum fuit in Concilio Carthaginensi, ne baptizare omnino præsumant. At Cap. 100.
periculum est ne is qui ægrotat, si absque Baptismo decesserit, regenerationis gratia priue-
tur. Minimè verò. Infantes nostros, antequam nascantur, se adoptare in suos pronuntiat
Deus, quum se nobis in Deum fore promittit, seminique nostro post nos. Hoc verbo conti-
netur eorum salus. Nec quisquam in Deum tam contumeliosus esse audebit, vt eius pro-
missionem effectui suo sufficere per se neget. Quātum damni inuexerit dogma illud malè
expositum, Baptisma esse de necessitate salutis, pauci animaduertūt: adeoque minus sibi ca-
uent. nam vbi inualuit opinio, perditos esse omnes quibus aqua tingi non cōtigit, nostra
conditio deterior est quàm veteris populi, quasi restrictior esse Dei gratia quàm sub Lege.
venisse enim Christus cēsebitur non ad implendas promissiones, sed abolendas: quando
promissio, quæ tunc ante octauū diem salutis conferendæ per se erat satis efficax, nunc abs-

que signi adminiculo rata non esset.

21 Qualis verò ante natum Augustinum consuetudo fuerit, primùm ex Tertulliano colligitur, non permitti mulieri loqui in Ecclesia, sed nec docere, nec tingere, nec offerre: ne vilius virilis, nedum sacerdotalis officii sortem sibi vendicet. Eiusdem rei locuples testis est Epiphanius, vbi Marcioni exprobrat quòd mulieribus daret baptizandi licentiam. Nec verò me latet eorum qui contrà sentiunt responsio, multum scilicet differre communem usum ab extraordinario remedio quum vltima vrget necessitas: sed quum ludibriũ esse pronuntians dare fœminis baptizandi licentiã nihil excipiat, satis apparet, corruptelam hanc ab eo damnari, vt nullo prættextu sit excusabilis. Libro etiam tertio, vbi de sanctæ quidem Christi matri fuisse permissum docens, nullam restrictionem addit.

Lib. contra
hæres. i.

22
Exod. 4. f. 25

Matt. 28. d. 19

Hebr. 5. a. 4

Rom. 14. d. 23

Intempestiuè citatur Sephoræ exemplum. Nam quòd placatus fuit Dei Angelus postquam illa arrepto lapide filium circumcidit, inde perperam colligitur factum illius probatum fuisse Deo. Alioqui dicendum esset placuisse Deo quem Gentes ab Assyria traductæ crexerant cultum. Sed aliis validis rationibus probatur, inscitè ad imitationem trahi quod egit stulta mulier. Si dicerem, fuisse aliquid singulare quod in exemplum trahi non debet, ac præsertim quum nusquam legatur olim circumcidendi speciale datum fuisse Sacerdotibus mandatum, dissimilem esse rationem Circumcisionis & Baptismi: hoc ad refutationem satis valeret. Aperta enim sunt Christi verba, Ite, docete omnes gentes, ac baptizate. Quando eosdem constituit Euangelii præcones & ministros Baptismi, nemo verò in Ecclesia, teste Apostolo, honorem sibi vsurpat, sed qui vocatus est vt Aaron: quisquis sine legitima vocatione baptizat, in alienum inuolat munus. In rebus etiam minutissimis, vt in cibo & potu, quicquid dubia conscientia aggredimur, Paulus apertè clamat esse peccatum. In muliebri igitur Baptismo multo grauius peccatur, vbi regulam à Christo traditã violari palàm est. quandoquidem diuellere quæ Deus coniungit, nefas esse scimus. Sed hoc totum omitto: tantum lectores attendere velim, nihil minus Sephoræ fuisse propositũ quàm vt Deo ministerium præstaret. Filium periclitari videns, fremit & obmurmurat, nec sine indignatione præputium in terram proicit: marito sic conuiuiatur, vt Deo quoque succedat. Denique hoc totum ab animi impotentia profectum esse palàm est: quia Deo & marito obstrepit quòd filii sanguinem fundere cogitur. Adde quòd si in aliis omnibus probè se gessisset, hæc tamen est inexcusabilis temeritas quòd præsentem marito circumcidit filiũ, non priuato quopiam homine, sed Mosè primario Dei Prophetã, quo nullus vnquam maior in Israele surrexit: quod nihilo magis ei licebat quàm hodie mulieribus sub Episcopi oculis. Sed hanc controuersiam mox nullo negotio dirimet hoc principium, non arceri à regno cælorum infantes quos è præsentem vita migrare cõtinget antequam aqua mergi datum fuerit. Atqui iam visum est, fieri non leuem iniuriam Dei fœderi nisi in eo acquiescimus, ac si per se infirmum esset: quum eius effectus neque à Baptismo neque ab vllis accessionibus pendeat. Accedit postea sacramentum sigilli instar, non quòd efficaciam Dei promissioni, quasi per se inualidæ, conferat, sed eam dũtaxat nobis confirmet. Vnde sequitur, non ideo baptizari fidelium liberos, vt filii Dei tunc primùm fiant qui antè alieni fuerint ab Ecclesia, sed solenni potius signo ideo recipi in Ecclesiam, quia promissionis beneficio iam antè ad Christi corpus pertinebant. Proinde si in omittendo signo nec socordia est, nec contemptus, nec negligentia, tuti ab omni periculo sumus. Multo igitur sanctius est, hanc Dei ordinationi reuerentiam deferre, vt non aliunde sacramenta petamus quàm vbi Dominus deposuit. Vbi ab Ecclesia sumere non licet, non sic illis alligata est Dei gratia quin eam fide ex verbo Domini consequamur.

Pædobaptismum cum Christi institutione & signi natura optimè congruere.

C A P. X V I.



VONIAM autem hoc seculo phrenetici quidã spiritus ob pædobaptismũ graues excitarunt in Ecclesia turbas, nec tumultuari etiamnum desinunt: facere nequeo quin ad cohibendas eorum furias appendicem hîc subiiciam. Quæ sicui impendio prolixior fortè visa fuerit, is, quæso, secum reputet tantum esse nobis debere doctrinæ in re maxima puritatem vnã cum Ecclesiæ pace, vt nihil fastidiosè sit excipiendum quod ad vtranque redimendam conducat. Adde quod disputationem hanc ita studebo componere, vt mysterio Baptismi clarius explicando non parum habitura sit momenti. Argumento sanè in speciem fauorabili pædobaptismũ impugnat, nulla Dei institutione fundatum esse iactando, sed hominũ duntaxat audacia, prauaque curiositate inuictum, stulta deinde facilitate vsu temere receptum. Sacramentum enim, nisi certo verbi Dei fundamẽto nitatur, de filo pendet. Verũ quid si re probè anima,

aduersa eiusmodi calumniâ falsò ac iniquè sanctæ Domini ordinationi inuri apparebit? Disquiramus ergo primùm eius ortum. Et si quidem constiterit, sola hominum temeritate excogitatum, eo valere iussò, veram Baptismi obseruatione sola Dei voluntate metiamur. Sin verò certa eius autoritate nequaquam destitui comprobatum fuerit, cauendum ne sacrosancta Dei instituta conuellendo, in ipsum quoque authorem simus contumeliosi.

2 Principiò dogma est satis notum, & inter pios omnes confessum, rectam signorum cōsiderationem, non in externis dūtaxat ceremoniis sitam esse: verùm à promissione pendēre potissimum, ac mysteriis spiritualibus, quibus figurādis ceremonias ipsas Dominus ordinat. Itaque qui perdiscere voluerit quid valeat Baptismus, quorsum spectet, quid denique omnino sit: ne cogitationem suam in elemento sistat, & corporeo spectaculo: sed eam potius ad Dei promissiones, quæ nobis illic offeruntur, & ad interiora, quæ illic repræsentantur, arcana erigat. Hæc qui tenet, solidam Baptismi veritatem, & totam, vt ita loquar, eius substantiam est assequutus: atque inde etiam docebitur quæ sit ratio & quis vsus externæ asperisionis. Rursum, qui his contemptim præteritis, visibili ceremoniæ mentem penitus affixam habuerit & alligatam, nec vim, nec proprietatem Baptismi intelliget: neque id quidem, quid sibi aqua velit, aut quem vsum habeat. Quæ sententia pluribus & luculētioribus Scripturæ testimoniis cōprobata est quàm vt lōgius eam in præsens persequi necesse sit. Superest ergo iam vt ex promissionibus in Baptismo datis quæramus quæ vis eius sit & natura. Scriptura ostendit, peccatorum purgationem, quam à Christi sanguine obtinemus, hîc primò demonstrari. Deinde carnis mortificationem, quæ mortis eius participatione constat, per quam in vitæ nouitatem regenerantur fideles, atque adeò Christi societatem. Ad hanc summam referri potest quicquid in Scripturis de Baptismo traditum est: nisi quòd etiam præterea testandæ apud homines religionis est symbolum.

3 Quoniam autem ante institutū baptismū, eius vice, populo Dei Circūcisio erat: quid inter se differāt, & qua similitudine conueniant hæc duo signa, inspiciamus: vnde pateat quæ sit alterius ad alterum anagoge. Vbi Dominus Circūcisionem Abrahæ seruandā mandāt, præfatur se illi & semini illius in Deum fore: addens penes se affluentiam sufficiency, quæ esse rerum omnium, quo Abraham manum eius, omnis boni scaturiginem fore sibi duceret. Quibus verbis æternæ vitæ promissio continetur: quemadmodum interpretatur Christus, argumentum hinc ducens ad euincendam fidelium immortalitatem & resurrectionem. Neque enim (inquit) Deus mortuorum est, sed viuentium. Quare & Paulus Ephe-siis demonstrans ex quo exitio liberasset eos Dominus, ex eo quòd in Circūcisionis fœdus admissi non fuerant, eos sine Christo, sine Deo, sine spe, extraneos à testamenti promissionis fuisse colligit. quæ omnia fœdus ipsum comprehendebat. Primus autem ad Deum accessus, primus ad immortalem vitam ingressus, est peccatorum remissio. Vnde conficitur, promissioni Baptismi de nostra purgatione, hanc respòdere. Pòst ab Abrahamo Dominus stipulatur, vt ambulet coram se in sinceritate & innocentia cordis: quod ad mortificationem pertinet seu regenerationem. Ac nequis ambigeret, signum mortificationis esse Circūcisionem, Moses alibi clarius explicat, dum Israeliticū populum exhortatur ad præputium cordis Domino circuncidendum, propterea quòd selectus sit in populum Dei ex omnibus terræ nationibus. Quemadmodum Deus, vbi Abrahæ posteritatem in populum sibi cooptat, circuncidi præcipit: ita Moses corde circuncidi oportere pronuntiat, enarrans scilicet quæ sit istius carnalis circūcisionis veritas. Deinde nequis ad eam suis ipsius viribus eniteretur, opus gratiæ Dei esse docet. Hæc omnia toties à Prophetis inculcantur, vt multa huc testimonia congerere non sit opus quæ sponte passim occurrunt. Habemus ergo spiritualem promissionem in Circūcisione Patribus editam qualis in Baptismo nobis datur: quandoquidem peccatorum remissionem & carnis mortificationem illis figurauit. Præterea vt fundamentum Baptismi, Christum esse docuimus, in quo vtrunque istorum residet: ita & Circūcisionis esse constat. Ipse enim Abrahæ promittitur, atque in ipso Gentium omnium benedictio. Cui gratiæ obsignandæ, Circūcisionis signum additur.

4 Iam nullo negotio videre est, quid simile sit in his duobus signis, aut quid diuersum. Promissio, in qua signorum virtutem consistere exposuimus, in vtroque vna est: nempe paterni Dei fauoris, remissionis peccatorum, vitæ æternæ. Deinde res figurata etiam vna & eadem, nempe regeneratio. Fundamentum quo istarum rerum complementum nititur, in vtroque vñ. Quare nihil in mysterio interiore est discriminis, è quo tota sacramentorum vis & proprietas æstimanda est. Quæ restat dissimilitudo, ea in ceremonia exteriori iacet, quæ minima est portio: quum potissima pars à promissione & re signata pendeat. Itaque constituere licet, quicquid Circūcisioni conuenit, ad Baptismum simul pertinere, ex-

Genes. 17.

Matt. 22. c. 32.
Luc. 20. f. 37.
1 phil. 2. c. 6.Deut. 10. d. 6.
Deut. 30. b. 6.

Rom. 12. a. 3,
& b. 6.

cepta visibilis ceremoniæ differentia. Ad hanc anagogen & comparisonem nos manu ducit Apostoli regula, qua omnē Scripturæ interpretationē ad proportionem fidei exigere iubemur. Et sanē penē se palpandā hac in parte veritas præbet. Perinde enim ac Circuncisio, quia tessera Iudæis quædam erat qua se in populum familiāque Dei adoptari fiebāt certiores, ac ipsi etiam vicissim nomen se Deo dare profitebātur, primus illis erat in Ecclesiam ingressus: nunc quoque per Baptismum Deo iniciamur, vt eius populo adscribamur, & ipsi mutuo in eius nomen iuremus. Quo extra controuersiam apparet, Baptismum in Circuncisionis locum subiisse, vt easdem apud nos partes obeat.

5 Iam si vestigare placet an iure infantibus Baptisma communicetur: nōne nimium illum ineptire, imō delirare dicemus, qui in elemento aquæ duntaxat & externa obseruatione immorari velit, ad spirituale verō mysterium mentem aduertere non sustineat? Cuius siqua habeatur ratio, constabit proculdubio infantibus meritō administrari Baptismum, vt qui illis debeatur. Non enim Dominus olim Circuncisione dignatus est quin eorum omnium participes faceret quæ per Circuncisionem signata tunc fuerunt. Alioqui meris præstigiis Iudificatus esset populum suum, si fallacibus symbolis eos lætasset. quod solo auditu horrendum est. Disertē nanque pronuntiat, Circuncisionem infantuli, loco sigilli futuram ad obsignandam fœderis promissionem. Quod si fœdus firmum & fixum manet: Christianorum liberis non minus hodie competit, quā sub Veteri testamento ad Iudæorum infantes spectabat. Atqui si rei signatæ sunt participes, cur à signo arcebuntur? si veritatem obtinent, cur à figura depellentur? Quanquam signum exterius in sacramento ita cum verbo cohæret, vt diuelli nequeat: si tamen discernatur, vtrum, quæso, pluris censebimus? Sanē quum signū videamus verbo seruire, subesse illi dicemus, & inferiore loco statuemus. Quum ergo ad infantes destinetur Baptismi verbū: cur signū, hoc est verbi appendix, ab illis prohibebitur? Hæc vna ratio, si nullæ aliæ suppetere, abundē sufficeret ad cōfutandos omnes qui reclamare voluerint. Quod obicitur statum fuisse diem Circūcisioni, planē tergiuersatorium est. Nos iam certis diebus non esse Iudæorū instar alligatos concedimus: verū quando Dominus, vtcunque nullum diem præscribat, declarat tamen sibi placere, vt solenni ritu in suum fœdus recipiantur infantes: quid ultra quærimus?

6 Quanquam Scriptura certiore adhuc veritatis notitiā nobis aperit. Siquidem euidentissimum est, quod semel cum Abrahamo Dominus fœdus percussit, non minus hodie Christianis cōstare, quā olim Iudaico populo: adeoque verbū istud non minus Christianes respicere, quā Iudæos tum respiciebat. Nisi fortē arbitramur, Christum suo aduentu Patris gratiam imminuisse aut decurtasse, quod execrabili blasphemia non vacat. Quā obrem & Iudæorum liberi, quod eius fœderis hæredes facti ab impiorum liberis discernentur, semen sicut & in vocabantur: eadem etiamnum ratione sancti censentur Christianorum liberi, vel altero duntaxat fidei parente geniti: & Apostoli testimonio differunt ab immundo idololatrarum semine. Iam quum Dominus, statim post fœdus cum Abrahamo percussum, ipsum in infantibus consignari exteriori sacramento præcepit, quid cauere dicent Christiani quominus hodiēque ipsum testificentur, atque obsignent in suis liberis? Neque mihi obiciat quispiam, non alio quā Circuncisionis symbolo quod iam pridem abolitum est, Dominum præcepisse fœdus suum confirmari. Respondere enim prout est, ipsum, pro Veteris testamenti tempore, Circuncisionem instituisse confirmando suo fœderi: ea verō abrogata, manere tamen semper eandem confirmandi rationē quam cum Iudæis communem habemus. Proinde diligenter perpetuò inueneri conuenit quid vtrisque sit commune, quid illi separatim à nobis habeant. Fœdus commune est, communis eius confirmandi causa. Modus confirmandi tantum diuersus est, quod erat illis Circuncisio, in cuius vicē Baptismus nobis successit. Alioqui si testimonium quo Iudæi de seminis sui salute cōfirmati fuerūt, nobis eripitur, Christi aduentu factū fuerit vt obscurior & minus testata sit nobis Dei gratia quā antē Iudæis erat. Id si dici nō potest citra extremam Christi contumeliā, per quem infinita Patris bonitas luculentius ac benignius quā vquam in terras effusa fuit, & hominibus declarata: fateri necesse est, non malignius saltem suppressandā, nec minore testimonio illustrandā quā sub obscuris Legis vmbreis.

7 Quamobrem Dominus Iesus specimen editurus, vnde mundus intelligat Iesum amplificandæ potius quā limitandæ Patris misericordiæ aduenisse, comiter oblatos sibi infantes amplectitur, discipulos obiurgans qui aditū illos prohibere conabantur: quando eos, quorum esset regnum cælorum, à se abducerent, per quem solum patet in cælum ingressus. Verū quid simile (dixerit quispiam) Baptismo cum hoc Christi amplexus: neque enim baptizasse illos narratur: sed excepisse, amplexus esse, & illis bene precatus. Proinde si

1. Cor. 7. c. 14

Gen. 17. b. 12

Matt. 9. b. 13

eius exemplum imitari libet, precibus infantes adiuuemus: nō autem baptizemus. Verūm nos Christi gesta paulo attentius reputemus quā tale genus hominum. Neque enim hoc leuiter est prætereundum quōd infantes sibi offerri Christus iubet, addita ratione, Quoniā talium sit regnum cælorum. Ac postea voluntatē suam opere testatur, dum ipsos amplexus, precatione benedictionēque sua Patri commēdat. Si adduci Christo infantes æquum est, cur non & ad Baptismum recipi, symbolum nostræ cum Christo communionis ac societatis? Si eorum est regnum cælorum, cur signum negabitur, quo velut aditus aperitur in Ecclesiā, vt in eam cooptati, hæredibus regni cælestis adscribantur? Quā iniqui erimus, si abigamus quos Christus ad se inuitat? si quos suis donis ornat, spoliemus? si excludamus quos ipse vltro admittit? Quōd si discutere volumus quantum à Baptismo absit quod illic egit Christus, quanto tamē maiore in pretio habebimus Baptismum (quo testificamur infantes in Dei fœdere contineri) quā suspensionem, amplexum, manuum impositionem, precationem, quibus Christus ipse præfens, & suos esse, & à se sanctificari declarat? Aliis cauillis, quibus eludere hunc locum nituntur, nihil quā suam ignorantiam produunt. arguantur enim ex eo quod dicit Christus, Sinite venire paruulos, iam grandiusculos annis fuisse, qui ad ingrediendum iam essent idonei. Sed ab Euangelistis *βρέφη καὶ παιδία* nominantur: quibus verbis significāt Græci infantulos ab vberibus pendentes. Venire ergo positum est simpliciter pro accedere. En quales cogantur decipulas texere qui aduersus veritatem obduruerunt. Porro quōd iactant regnum cælorum infantibus non esse attributum, sed eorum similibus, quoniam dicatur talium esse, non ipsorum: nihilo est solidius. Id enim si recipitur, qualis futura est Christi ratio, qua ostendere vult ætate infantes à se nō alienos? Quum iubet vt ad se infantes accedere sinantur, nihil est clarius quā verā infantiam notari. Quod ne absurdum videretur, subiungit, Talium est regnum cælorū. Quōd si infantes comprehendere necessarium est, minimē obscurum erit, per dictionem Talium, infantes ipsos ac eorum similes designari.

8 Nemo iam est qui non videat, pædobaptismum nequaquam humanitus fabrefactum fuisse, qui tanta Scripturæ approbatione fulciatur. Nec satis speciosē nugantur qui obiciunt nusquam reperiri, vel infantem vnum per Apostolorū manus fuisse baptizatum. Et si enim id nominatim ab Euangelistis non narratur, quia tamen neque rursus excluduntur illi quoties familiæ alicuius baptizatae incidit mentio: quis inde, nisi insanus, ratiocinetur non fuisse baptizatos? Siquid valerent id genus argumenta, mulieres pariter Cœna Domini interdiciendæ essent, quas Apostolorum seculo ad eam fuisse admissas non legimus. sed enim hic fidei regula contenti sumus. Dum enim reputamus quid ferat Cœnæ institutio, ex eo etiam quibus cōmunicandus sit illius vsus facile iudicium est. quod & in Baptismo obseruamus. Siquidem vbi animaduertimus quem in finem institutus fuerit, euidenter conspiciamus & infantibus non minus competere quā natu grandioribus. Eo itaque priuari nequeunt quin Dei authoris volūtati fraus manifesta fiat. Quōd autē apud simplicem vulgum disseminant, longam annorum seriem post Christi resurrectionem præteriiisse, quibus incognitus erat pædobaptismus: in eo fœdissimē mentiuntur. siquidem nullus est scriptor tam vetustus qui non eius originē ad Apostolorum seculū pro certo referat.

Act. 16. c. 33.
& f. 32

9 Superest vt breuiter indicemus quisnam ex hac obseruatione fructus redeat cum ad fideles qui liberos suos Ecclesiæ tingendos sistunt: tum ad ipsos qui sacra aqua tinguntur, infantes: nequis ceu inutilem ac otiosam aspernetur. Quanquam sicui in mētem venit, pædobaptismum hoc prætextu irridere, circumcisionis præceptum à Domino positum ludibrio habet. Quid enim ad illum impugnandum proferent, quod non in hanc retorqueatur? Sic Dominus vlciscitur eorum arrogantiam qui protinus damnant quod carnis suæ sensu non comprehendunt. Verum aliis armis nos instruit Deus quibus eorum stoliditas retundatur. Neque enim sancta hæc eius institutio, qua fidem nostram eximia consolatione iuuari sentimus, superuacua meretur dici. Siquidem Dei signum puero communicatum, velut impresso sigillo, promissionē pio parenti datam confirmat, ac ratum esse declarat quōd Dominus non illi modò, sed semini eius in Deum sit futurus: neque eum modò bonitate gratiæque sua prosequi velit, sed eius posteros in millesimam vsque generationem. Vbi quum ingens sese proferat Dei benignitas, primū amplissimam gloriæ eius prædicandæ materiam suppeditat, & pia pectora lætitia non vulgari perfundit, qua simul ad redamādum tam pium Patrem vehementius incitantur: cui propter se posteritatem suam curæ esse conspiciunt. Neque moror si quispiam excipiat, confirmandæ filiorum nostrorum salutis sufficere debere promissionem: quando secus Deo visum est, qui prout imbecillitatē nostram perspectam habet, tātum illi in hac re indulgere voluit. Proinde qui

promissionē de misericordia Dei in liberos suos propaganda amplexantur, officii sui esse cogitent, ipsos misericordiæ symbolo signandos Ecclesiæ offerre: atque inde se ad certiorē animare fiduciā, quod præsentī oculo fœdus Domini filiorū suorū corporibus insculptū cernunt. Nonnihil rursum emolumentū pueri è suo Baptismo capiunt, quod in corpus Ecclesiæ insiti, aliis membris sunt aliquanto cōmendatiores. Deinde vbi adoleuerint, eo ad serium Dei colendi studiū non mediocriter stimulantur, à quo in filios solēni adoptionis symbolo accepti fuerint, antequā per ætatē cum agnoscere Patrem possent. Denique ter-
 Gene. 17. 8. 14 rere nos summopere debet illa damnatio, vindicem fore Deum, si quis fœderis symbolo filium insignire contemnat: quod eo contemptu, oblata gratia respuatur & quasi eiuretur.

10 Iam argumenta discutiamus quibus sanctam hanc Dei institutionē furiosæ quædam belluæ impetere non cessant. Principiò, quoniam similitudine Baptismi & Circuncisionis vltra modum vrgeri se ac constringi sentiunt, longo discrimine distrahere hæc duo signa contendunt, nequid alteri cum altero commune esse videatur. Nam & res signari varias, & fœdus omnino diuersum, & appellationem puerorum non eandem esse dicunt. Atqui dum illud primum instituunt probare, Circuncisionem obtendunt mortificationis non Baptismi fuisse figuram. quod profectò libentissimè illis damus. Nobis enim optimè patrociniatur. Neque alia sententiæ nostræ probatione vtimur quàm Baptismum & Circuncisionem mortificationis esse signa. Hinc cōstituimus, in huius vicem illum esse suffectum, quo idipsum nobis repræsētet quod olim Iudæis signabat. In asserēda fœderis differētia quàm barbara audacia Scripturam dissipant & corrumpunt: neque vno in loco, sed ita vt nihil saluum aut integrum relinquant. Iudæos enim adeò carnales nobis depingunt vt pecudum similiores sint quàm hominum. Quibuscum scilicet percussum fœdus vltra tēporariam vitam non procedat, quibus datæ promissiones, in bonis præsentibus ac corporeis subsistant. Quod dogma si obtineat, quid restat nisi vt gentem Iudaicam fuisse ad tempus Dei beneficio saturatā (non secus ac porcorum gregem in hara sagināt) vt æterno demum exitio periret: Simul enim ac Circuncisionem eique annexas promissiones citamus, Circuncisionem literale signum, promissiones eius carnales fuisse respondent.

11 Sanè si literale signum erat Circuncisio, nihilo secius de Baptismo censendū est. Quan-
 Coloss. 2. b 11 doquidem Apostolus Coloss. 2. nihilo magis alterū altero spirituale facit. Dicit enim nos in Christo circuncisos Circuncisione non manu facta, deposito corpore peccati quod in carne nostra habitabat: quam Circuncisionem Christi vocat. Pòst in eius sententiæ explicatōnem subiungit, Nos per Baptismum Christo cōsepultos. Quid sibi vult istis verbis nisi Baptismi complementum & veritatem, esse veritatem simul & complementum Circuncisionis, quoniam rem vnā figurent: Demonstrare enim contendit esse id Christianis Baptismum quod antè fuerat Iudæis Circuncisio. Quoniam autem iam ad liquidum exposuimus, promissiones vtriusque signi & quæ illis repræsentantur mysteria inter se conuenire: longius in præsens non immorabimur. Tantū fideles admonebo, me tacente vt secum reputent an terrenum ac literale habendum sit signum cui nihil subest nisi spirituale & cæleste. Verūm, ne fumos suos simplicibus vendāt, obiectum vnum, quo impudentissimum hoc mendacium prætexūt, in transcurso diluamus. Certo certius est, primarias promissiones, quibus continebatur quod sub Veteri testamento cum Israelitis fœdus Deus sancit, spirituales fuisse, & ad æternam vitam respexisse. Tum vicissim à Patribus spiritualiter, vt par erat, acceptas, quo fiduciam inde conciperent futuræ vitæ, ad quam toto animi afflū aspirarent. Interim verò nequaquam inficiamur quin suam illis beneuolentiam terrenalibus ac carnalibus beneficiis testatus sit: quibus etiam dicimus spem illam promissionum spiritualium fuisse confirmatam. Quo modo vbi æternam beatitudinem seruo suo Abraham pollicitus est, quo manifestum fauoris sui indicium illi ob oculos subiiciat, addit alteram de possessione terræ Chanaan promissionem. In hunc modum accipere conuenit quæcunque genti Iudaicæ terrenæ promissiones datæ sunt: vt spiritualis promissio, ceu caput, primas semper teneat quod illæ referantur. Atque hæc quoniam vberius in discrimine Noui & Veteris testamenti tractaui, nunc leuius perstringo.

Gene. 15. 2. 15
& d. 13

12 In puerorum appellatione hanc varietatem reperiunt, filios Abraham sub Veteri testamento dictos qui ab eius semine originem ducerēt: hoc nomine nunc appellari qui fidem eius imitantur. Ideo infantiam illam carnalem, quæ in societate fœderis per Circuncisionem inferebatur, spirituales Noui testamenti infantes figurasse, qui Dei verbo regenerati sint ad vitam immortalem. In quibus verbis exiguam quidem veritatis scintillam intuemur: sed in hoc grauiter peccant leues isti spiritus, quod dum arripiunt quicquid primò in manum illis venit, vbi vltra progrediendum foret, & multa inter se conferēda, in verbum

vnum pertinaciter insistant. Vnde fieri aliter nequit quin subinde hallucinentur: quia in nullius rei solidam cognitionem incumbunt. Fatemur certè carnale Abraham semen locū ad tempus tenuisse spiritualis feminis quod per fidem illi inferitur. Illius enim filii nūcupamur utcūque nulla cum illo nobis naturalis cognatio intercedat. Verū si intelligunt, quod non obscurè demonstrant, carnali Abraham semini nunquam spiritualem Dei benedictionem promissam, hīc verò longè falluntur. Proinde in meliorem scopum collimare nos oportet: ad quē certissimo Scripturæ ductu dirigimur. Dominus ergo Abraham pollicetur futurū illi semen in quo benedicendæ sint omnes terræ nationes: ac simul fidem dat, se illi & semini eius in Deum fore. Quicumque Christum benedictionis authorem fide recipiunt, huius promissionis sunt hæredes: ideoque Abraham filii nominantur.

Galat. 4. d. 28
Rom. 4. b. 12

13 Quanquam autem post Christi resurrectionem, fines regni Dei longè latèque in quaslibet nationes indiscriminatim prorogari cœperunt, ut secūdum Christi sententiam, vndeque fideles colligerentur qui in gloria cælesti accumberēt cum Abraham, Isaac, & Iacob: multis tamen antè seculis tanta illa misericordia Iudæos complexus fuerat. Et quia cunctis aliis præteritis, vnam hanc gentem selegerat in qua gratiam suam pro tempore contineret: peculium suum & populum acquisitum dicebat. Ad testandā eiusmodi beneficentiā data fuit circuncisio, cuius symbolo docerentur Iudæi, Deum sibi esse salutis præsidem. qua cognitione in spem vitæ æternæ erigebantur eorum animi. Quid enim defuturum est ei quem semel in fidem Deus acceperit? Quare Apostolus, probaturus Gentiles vnā cum Iudæis esse Abraham filios, in hanc formam loquitur: Abraham, inquit, fide iustificatus fuit in præputio. Pōst signum accepit circuncisionis, sigillum iustitiæ fidei, ut pater esset omnium fidelium & præputii & circuncisionis, non eorum qui sola circūcisione gloriantur, sed qui sequuntur fidem quam pater noster Abraham in præputio habuit. Annon videmus dignitate utrosque adæquari? Nam ad tempus Dei decreto constitutū, pater fuit Circuncisionis. Vbi, diruto pariete (quemadmodum alibi scribit Apostolus) quo Gentes à Iudæis secernebantur, illis quoque patefactus aditus fuit in regnum Dei, factus est illarum pater. idque citra circuncisionis signum: quod Baptismū vice circuncisionis habent. Quòd autem nominatim Abraham iis esse patrē negat qui sunt ex circuncisione tantum, id positum est ad retundendū quorundam supercilium, qui omīssa pietatis cura, solis ceremoniis se venditabant. Qualiter hodièque refutari possit eorū vanitas qui in Baptismo nihil præter aquam quærunt.

Matth. 3. b. 11

Exod. 19. a. 5

Rom. 4. b. 10

Ephes. 2. c. 14

14 Sed alter Apostoli locus ex epist. Rom. 9. b. 7, cōtrā proferetur, vbi eos qui ex carne sunt, non esse Abraham filios docet: sed eos modò in semine cenferi qui sunt filii promissionis. Innuere nanque videtur, nihil esse carnalem Abraham cognitionem, quā nos aliquo gradu ponimus. Atenim diligentius animaduertendum est quam illic causam tractet Apostolus. Nam Iudæis ostensurus quā non esset alligata semini Abraham Dei bonitas, imò quā nihil per se conferat, eius rei documento Ismaelem & Esau profert: quibus reiectis non secus ac si extranei fuissent, tamen si secundum carnem germana erant Abraham progenies, in Isaac & Iacob residet benedictio. Vnde conficitur id quod postea affirmat, pendere salutē à Dei misericordia, qua prosequitur quem illi visum fuerit: causam verò non esse cur Iudæi fœderis nomine sibi placeant aut gloriantur, nisi fœderis legem seruent, id est, verbo obediunt. Rursum vbi vana generis sui confidētia illos deiecit, quia tamen altera ex parte cernebat, fœdus quod semel cū Abraham posteritate initū fuerat à Deo, irritū nullo modo fieri posse, cap. x i, carnalē Abraham cognitionem non esse sua dignitate spoliādam differit: cuius beneficio Iudæos docet primos ac natiuos esse Euangelii hæredes, nisi quatenus sua ingratitude, ceu indigni, abdicati fuerunt: sic tamen ut non penitus ab eorum gente cælestis benedictio demigrarit. Qua ratione illos quālibet cōtumaces ac fœdifragos, sanctos nihilominus appellat (tantum honoris defert sanctæ generationi, quam Deus sacro suo fœdere dignatus fuerat.) nos verò, si cum illis cōponamur, velut posthumos, aut etiam abortiuos Abraham filios: idque adoptione, non natura: quemadmodum si defractus à sua arbore surculus, in alienum stipitem inferatur. Ergo sua prærogatiua ne fraudarentur, Euangelium illis primo loco annuntiari oportuit. Sunt enim in Dei familia velut primogeniti. Quare hic honor deferendus illis fuit, donec oblatū reiecerūt, & sua ingratitude effecerunt ut ad Gentes traduceretur. Neque verò quantacunque contumacia cū Euangelio bellum gerere persistant, ideo tamen nobis sunt despiciendi: si reputamus, in promissionis gratiā, Dei benedictionem inter eos etiam num residere: ut certè nunquam inde prorsus abscessuram Apostolus testatur: quoniam sine pœnitentia sunt donā & vocatio Dei.

Rom. 11. d. 29

15 En quid valeat, & qua lance metienda sit promissio, Abraham posteritati data. Proinde

1. Cor. 7. c. 14

Rom. 15. b. 8

Act. 3. d. 15

Ephes. 1. c. 12

quanquam in discernendis regni hæredibus à spuris & extraneis, vnam Dei electionem libero iure dominari nihil dubitamus: simul tamen perspicimus ei placuisse, semen Abrahamæ peculiariter misericordia sua complecti: ac quo testatior haberetur, circumcissione obfigmare. Porro eadem omnino est Christianæ Ecclesiæ ratio. Nam ut illic Paulus sanctificari à parentibus suis Iudæos disputat: ita alibi docet, eandem à parentibus sanctificationem Christianorum liberos ducere. Vnde colligitur, ab aliis merito segregari qui impuritatis econuerso damnantur. Iam quis ambigere possit quin falsissimum sit quod deinde subnectunt, qui olim infantes circumcidebantur, eos infantiam duntaxat spiritualement figurasse, quæ ex verbi Dei regeneratione emergit? Neque enim tam argute philosophatur Apostolus, ubi Christum Circumcisionis ministrum esse scribit, ad implendas quæ Patribus editæ fuerant, promissiones, ac si in hunc modum loqueretur, Quandoquidem fœdus cum Abrahamo percussum ad semen eius respicit, Christum ut fidem à Patre semel datam præstaret ac solueret, in salutem aduenisse genti Iudaicæ. Vidēsne ut post Christi resurrectionem quoque, promissionem fœderis non allegorice tantum, sed ut verba sonant, carnali Abrahamæ semini implendam censeat? Eodem pertinet quod Petrus, Actorum 2. f. 39, Iudæis denuntiat, illis ac semini eorum, fœderis iure, Euangelii beneficium deberi: ac proximè sequenti capite eos Testamenti filios, hoc est hæredes nuncupat. A quo etiam non longè abludit alter Apostoli supra citatus locus, ubi impressam infantibus circumcissionem pro testimonio eius quam cum Christo habent communionis ducit & ponit. Et verò, si eorum nœnias aucultamus, quid illa promissione fiet qua Dominus in secundo Legis suæ capite, seruis suis recipit se eorum semini propitium fore in millesimam vsque generationem: hiccine ad allegorias cōfugiemus: at nimium nugatoria fuerit tergiuersatio. An id dicemus abolitū? Verum ita Lex dissiparetur, cui potius stabiliendæ Christus venit, quatenus in bonum ad vitam nobis cedit. Sit itaque extra controuersiam, Deum suis adeò bonum esse ac liberalē ut in eorum gratiam liberos etiam, quos procrearint, populo suo accenseri velit.

16 Quæ præterea inter Baptismum ac circumcissionem iniicere discrimina moliantur, non ridicula modò sunt, & omni rationis specie vacua sed inter se pugnantia. Nam ubi Baptismum ad primum spiritualis certaminis diem spectare affirmarunt, circumcissionem autem ad octauum, iam peracta mortificatione: exemplo, illius obliti, cantilenam inuertunt: ac circumcissionem quidem figuram appellant mortificandæ carnis: Baptismum verò sepulturam, in quam nulli nisi iam mortui, tradendi sint. Quæ phreneticorum deliria tanta leuitate dissiliant? Nam priore sententia, Baptismus circumcissioni præire debet: per alteram in posteriorem locum relegatur. Neque tamen nouum exemplum est, ut hominum ingenia, ubi pro certissimo Dei verbo adorant quicquid somnariint, sursum deorsum ita volutetur. Nos ergo priorem illam differentiam, merum esse somnium dicimus. Si in octauo die libebat *ἀναστῆναι*, non tamen eo modo conueniebat. Multo satius fuerit post veteres numerum octonarium in resurrectionem octauo die factam referre, vnde vitæ nouitatem pendere scimus: aut ad totum præsentis vitæ cursum, quo procedere semper debet mortificatio, donec, eo peracto, ipsa quoque perfecta fuerit. Quanquam videri queat Deus ætatis teneritudini prospicere voluisse, circumcissionem in diem octauum differendo: quoniā vulnus, recens natis & adhuc à matre rubētibus periculosius futurum erat. Quanto neruosiū est illud, nos iam antè mortuos per Baptismū sepeliri: quū Scriptura disertè reclamet, nos ea conditione in mortem sepeliri ut emoriamur, ac mortificationem istam exinde meditemur: Iam eiusdem est dexteritatis quòd fœminas non esse baptizandas cauillantur, si Baptismum circumcissioni conformari oporteat. Nam si compertissimum est circumcissionis signo testatam fuisse seminis Israelitici sanctificationem: ex eo neque dubium est quin maribus pariter ac fœminis sanctificandis datum fuerit. Sola autem masculorū corpora ipso imprimebantur, quæ per naturam poterant: sic tamen ut fœminæ per eos, circumcissionis quodammodo sociæ ac consortes essent. Itaque talibus eorum ineptiis procul ablegatis, in Baptismi ac circumcissionis similitudine hæreamus, quā amplissimè in mysterio interiori, in promissionibus, in vsu, in efficacia quadrare conspiciamus.

Rom. 6. 1. 4

17 Rationem quoque firmissimam obtendere sibi videntur cur arcendi sint à Baptismo pueri, dum causantur, non esse per ætatem adhuc idoneos qui signatum illic mysterium assequantur. Id autē est spiritualis regeneratio, quæ cadere in primam infantiam non potest. Itaque colligunt, non alio loco habendos quàm pro Adæ filiis, donec in ætatem adoleuerint secundæ natiuitati congruentem. Atqui his omnibus vbique refragatur Dei veritas. Nam si inter filios Adæ sinendi sunt, in morte relinquuntur: quando in Adam nihil quàm mori possumus. Contrà verò Christus sibi adduci iubet. Quid ita: quia vita est. Eos

ergo ut viuificet, sui participes facit: quum interim isti, longe abactos, morti adiudicant. Nam si tergiuersantur, non ideo perire infantes si filii Adæ reputentur, satis superque Scripturæ testimonio eorum error reuincitur. Nam quum in Adam omnes mori pronuntiet, sequitur nullā nisi in Christo vitæ spem restare. Quo igitur vitæ hæredes fiamus, nos cum eo communicare oportet. Rursum quum scriptum alibi sit, natura nos iræ Dei omnes esse obnoxios, ac in peccato conceptos, cui damnatio perpetuò adhæret: è natura nostra demigremus oportet antequam in regnum Dei aditus nobis pateat. Et quid dici clarius potest quàm carnē & sanguinem regnum Dei possidere non posse? Aboleatur ergo quicquid nostrum est (quod non citra regenerationem fiet) tum possessionem hanc regni cernemus. Denique si verè loquitur Christus quum se vitam esse prædicat, nos in ipsum inferi necesse est, quo è mortis seruitute afferamur. At quomodo, inquirunt, regenerantur infantes, nec boni nec mali cognitione præditi? Nos autem respondemus, opus Dei, etiam si captui nostro non subiaceat, non tamen esse nullum. Porro infantes qui seruandi sint (ut certè ex ea ætate omnino aliqui seruantur) antè à Domino regenerari minimè obscurum est. Nam si ingenitam sibi corruptionem è matris utero secum afferunt: ea repurgatos esse oportet, antequam in regnum Dei admittantur: quò nihil ingreditur pollutum aut inquinatum. Si peccatores nascuntur, quo modo & David & Paulus affirmant: aut Deo ingrati inuisque manent, aut iustificentur necesse est. Et quid ultra quærimus quum palàm ipse iudex affirmet, nullis patere in vitam cælestem ingressum nisi renatis? Atque ut obloquutores hoc genus compesceret, documentum præbuit in Iohanne Baptista, quem in matris utero sanctificauit, quid in reliquis posset. Nec qua hîc ludunt, tergiuersatione quicquā proficiunt, id semel duntaxat factum: vnde non statim consequatur, Dominum ita solere passim cum infantibus agere. Neque enim nos eum in modum ratiocinamur. Tantum ostendere animus est, iniquè ac malignè intra eas angustias limitari ab eis Dei virtutem, quibus ipsa includi se non sustinet. Tantundem habet ponderis & alterum suffugium. Vsitato Scripturæ more perinde valere allegant particulam Ab utero, ac si diceretur, E pueritia. Sed videre perspicuè licet, Angelum quum id Zachariæ denuntiaret, aliud voluisse: nempe nondum natum, Spiritu sancto repletum iri. Ne ergo legem Deo imponere teneremus quin sanctificet quos visum fuerit quo modo hunc sanctificauit, quando nihil eius virtuti decessit.

18 Et sanè ideò à prima infantia sanctificatus fuit Christus, ut ex ætate qualibet sine discrimine electos suos in seipso sanctificaret. Nam quemadmodum ad delendam inobedientiæ culpam, quæ in carne nostra perpetrata fuerat, eam ipsam carnē sibi induit, in qua perfectam causa vicèque nostra obedientiam præstaret: ita ex Spiritu sancto conceptus fuit, ut eius sanctitate in assumpta carne ad plenum perfusus, ipsam ad nos transfunderet. Si abso lutissimū in Christo habemus gratiarū omnium exemplar quibus filios suos Deus prosequitur, hac quoque parte scilicet documēto nobis erit, infantia ætatem non vsque adeo à sanctificatione abhorrere. Vtunque, hoc tamè extra controuersiam ponimus, neminem electorum è præsentī vita euocari qui non prius sanctificetur ac regeneretur Dei Spiritu. Quòd contrà obiectant, Spiritum in Scripturis, nullam nisi ex incorruptibili semine, id est, Dei verbo regenerationem agnoscere: perperam illam Petri sententiam interpretantur, qua fideles modò comprehendit, qui Euangelii prædicatione edocti fuerant. Talibus quidem fatemur, verbum Domini spiritualis esse regenerationis semen vnicum: sed ex eo negamus colligendum, non posse Dei virtute regenerari infantes: quæ illi tam facilis & prompta est, quàm nobis incomprehensa & admirabilis. Deinde non satis tutum fuerit hoc adimere Domino, ne sese illis quoquo modo exhibere cognoscendum queat.

19 At fides, inquirunt, per auditum, cuius nondum vsum adepti sunt, nec Deo cognoscendo pares esse queunt, quos boni simul & mali notitia destitutos docet Moses. Verum non animaduertit Apostolum, quum auditum fidei principium facit, ordinariam tantum Domini œconomiam & dispensationem, quam tenere in vocandis suis solet, describere: non autem perpetuā ei regulam præstitui ne alia vti ratione possit. Quo modo certè in multorum vocatione vsus est: quos interiore modo, Spiritus illuminatione, nulla intercedente prædicatione, vera sui cognitione donauit. Quoniam autem valde absurdum fore putat, si infantibus tribuatur vlla cognitio Dei, quos boni & mali intelligentia Moses priuat: respondēant quæso mihi, quid periculi sit si aliquā eius gratiæ partem nunc accipere dicantur, cuius plena largitate paulo post perfruētur? Nam si vitæ plenitudo perfectæ Dei cognitione constat: quum eorum nonnulli, quos prima statim infantia hinc mors abripit, in vitam æternam transeant, ad contemplandā certè Dei faciem præsentissimam recipiuntur.

Quos ergo pleno lucis suæ fulgore illustraturus est Dominus, cur non iis quoque in præfens, si ita libuerit, exigua scintilla irradiaret: præsertim si non antè exuit ipsos ignorantia, quàm eripit ex carnis ergastulo? Non quòd eadem esse fide præditos temerè affirmare velim quam in nobis experimur, aut omnino habere notitiam fidei similem: (quod in suspensio relinquere malo) verùm vt istorum stolidā arrogantiam paululum coerceam, qui, prout inflata illis bucca fuerit, securè quiduis aut negant aut asserunt.

20 Verùm quo adhuc validius hac parte insistant, subnectunt, Baptismum pœnitentiæ ac fidei sacramentum esse. quare quum neutra in tenellam infantiam cadat, cauendum ne, si in Baptismi communionem admittatur, inanis & euanida reddatur significatio. Atenim hæc tela in Deum magis quàm in nos diriguntur. Siquidè & Circūcisionem fuisse pœnitentiæ signum, multis Scripturæ testimoniis compertissimum est. Deinde à Paulo nuncupatur sigillū iustitiæ fidei. Ab ipso itaque Deo ratio exigatur cur eam infantium corporibus inscribi iusserit. Postquam enim in eadem sunt causa Baptismus & Circūcisio, huic nihil dare possunt quod non alteri simul concedant. Si ad solitum cuniculum respectant, figuratos tum fuisse per infantiam ætatem spirituales infantes, iam obstructa est illis via. Dicimus ergo, quum Circūcisionem pœnitentiæ fideique sacramentū infantibus Deus communicarit, non videri absurdum si nunc Baptismi participes fiant: nisi palàm in Dei institutionem debacchari placet. Verùm cum in Dei factis omnibus tum in hoc quoque ipso satis sapientiæ, iustitiæ, ad retundendas impiorum obrectationes relucet. Nam etsi infantes, quo circūcidebantur momento, quid sibi vellet signum illud intelligentia non comprehendebant: verè tamen circūcidebantur in naturæ suæ corruptæ ac contaminatæ mortificationem, quam adulti postea meditentur. Denique nullo negotio solui potest obiectio hæc, Baptizari in futuram pœnitentiā & fidem: quæ etsi nondū in illis formata sunt, arcana tamē Spiritus operatione vtriusque semē in illis latet. Hac responsione semel eueritur quicquid aduersum nos torquent à Baptismi significatione petitū. Quale est elogium quo à Paulo insignitur, vbi vocat lauacrum regenerationis & renouationis. Vnde ratiocinantur nemini nisi earum rerum capaci cōferendum. Sedenim nobis ex aduerso excipere licet, neque Circūcisionem aliis quàm regeneratis fuisse conferendam, quæ regenerationem designabat. Atque ita Dei institutum à nobis condemnabitur. Proinde (quod iam aliquoties attigimus) quæcūque ad quatefaciendā Circūcisionem argumenta inclinant, vim nullam habent in oppugnando Baptismo. Neque elabuntur si dixerint statum esse nobis ac fixum quod Dei autoritate certò nititur, etiamsi nulla eius ratio extet: quæ reuerentia neque pædobaptismo debetur, neque aliis similibus quæ expresso Dei verbo nō sunt nobis commendata: quando hoc dilemmate deprehensi semper tenentur. Aut enim legitimum nullisque cauillis obnoxium, aut reprehensione dignum fuit de circūcidendis infantibus Dei præceptum. Si nihil absoni nec absurdi in illo fuit, nec in pædobaptismi obseruatione quippiam absurdi notari poterit.

21 Quam verò conantur hoc loco inurere absurditatis maculā, sic eluimus. Quos electione sua dignatus est Dominus, si accepto regenerationis signo, præfenti vita antè demigrēt quàm adoleuerint, eos virtute sui Spiritus nobis incomprehensa renouat, quo modo expedire solus ipse prouidet. Si grandescere in ætatem contingat, qua Baptismi veritatem edoceri queant, hinc magis ad renouationis studium accendentur, cuius tessera se à prima statim infantia donatos esse discunt, quo eam toto vitæ decursu meditentur. Eodem refertur quod duobus locis Paulus docet, nos Christo per Baptismum cōsepeliri. Nam eo non intelligit, cōsepultum Christo iam prius eum esse oportere qui Baptismo sit initiandus: sed quæ Baptismo subest doctrina, simpliciter declarat: idque iam baptizatis. vt ne infanti quidem Baptismo præire ex hoc loco pugnaturi sint. In hunc modum Moses & Propheta populum admonebant quid sibi vellet Circūcisio, qua tamen infantes signati fuerant. Tantundē valet quod & Galatis scribit, Eos dum baptizati fuerunt, Christū induisse. Quorsum id: Nempe vt Christo in posterum viuerent: quia non antè vixissent. Et quanquam in natu grandioribus mysterii intelligentiam signi susceptio consequi debet: paruulos tamen alio loco ac numero habendos, mox exponetur. Nec aliud statuendum est de loco Petri, in quo sibi magnum præsidium statuunt: quum dicit non esse ablutionem ad abstergēdas corporis sordes, sed bonæ conscientiæ testimonium coram Deo, per Christi resurrectionem. Cōtendunt quidem illi ex eo nihil pædobaptismo reliquū fieri nisi vt inanis sit fumus: nempe à quo longe seposita sit hæc veritas. Verùm hallucinatione ista identidē peccant, quòd rem temporis ordine semper signo præire velint. Nam & Circūcisionis veritas eodē conscientiæ bonæ testimonio constabat. Quòd si necessario præcedere debuisset, nūquam infantes

Rom. 14. b. 11

Tit. 3. b. 5

Rom. 6. a. 4
Colo 2. c. 12

Galat. 3. d. 17

2. Pet. 3. d. 21

Dei mandato fuissent circumcisi. Verum ipse bonæ conscientiæ testimonium circumcissionis veritati subesse ostendens, simul tamen præcipiens paruulos circumcidi, ea parte in futurum tempus circumcissionem conferri satis indicat. Quare nihil plus in pædobaptismo præsentis efficaciam requirendum est quam ut fœdus cum illis à Domino percussum obfirmet & sanciat. Reliqua eius sacramenti significatio, quo tēpore Deus ipse prouiderit, postea conuequetur.

22 Neminem iam esse puto qui non perspicuè cernat omnes huius notæ rationes meras, esse Scripturæ inuersiones. Quæ superiunt his affines, cursim persequemur. Baptismum in peccatorum remissionē dari obiciunt. Quod ubi concessum fuerit, sententiæ nostræ abunde patrociniabitur. Peccatores enim quum nascamur, remissione & venia iam à matris utero opus habemus. Porro quum spem misericordiæ huic ætati non præcidat Deus, sed potius certā faciat: cur signum re ipsa multo inferius præriperemus? Quare quod in nos vibrare moliantur, hoc ita retorquemus in eos ipsos. paruuli peccatorum remissione donantur: ergo signo priuandi non sunt. Proferūt simul illud ex epistola ad Ephesios, Ecclesiam à Domino mundatam lauacro aquæ in verbo vitæ. Quo ad errorem eorum euertendū nihil aptius citari poterat. nam inde nobis facilis nascitur probatio. Si testatā Baptismo vult Christus ablutionē qua Ecclesiam suam emūdat, æquū non videri ut suo in paruulis testimonio careat, qui in Ecclesiæ parte iure censentur, quum hæredes regni cælestis sint nuncupati. Vniuersam enim Ecclesiam Paulus complectitur, ubi dicit mundatam lauacro aquæ. Nihilò secius & ex eo quod alibi dicit, nos in Christi corpus per Baptismū esse insertos, colligimus, in fantes, quos mēbris suis annumerat, baptizandos esse, ne à suo corpore diuellantur. En quo impetu cum tot machinis in fidei nostræ præsidia impressionem faciant.

Ephes. 5. f. 26

1. Cor. 12. b. 13

23 Iam ad sæculi Apostolici praxin atque consuetudinē descendunt, quo nemo, nisi fidem ante pœnitentiāque professus, ad Baptismum admissus comperitur. Nam ubi rogatur Petrus ab iis quibus erat resipiscendi animus, quid factū sit opus: ut pœnitentiā primū agant consulit, deinde ut baptizentur in remissionem peccatorum. Similiter Philippus, quum baptizari eunuchus ille postulare, respondit id licere, modò toto corde crederet. Hinc sibi obtinere posse videntur, Baptismum, nisi præeunte fide ac pœnitentia, cuiquam concedi minimè fas esse. Enimuero si huic rationi locum damus: prior locus, ubi nulla fidei mentio auditur, solam sufficere pœnitentiā euincet: alter, quo pœnitentiā minimè requiritur, solam satis esse fidem. Excipient, puto, locum alterum altero adiuuari, idèoque simul esse connectendos. Ego quoque vicissim conferendos dico alios locos qui ad istius nodi solutionem aliquid valent. Quandoquidē multæ in Scriptura sententiæ habentur, quarum intelligentia à loci circumstantia pendeat. Quale in præsentia exemplum occurrit. nam quibus hæc dicuntur à Petro & Philippo, ætate sunt ad pœnitentiā meditandam fidemque concipiendam idonea. Tales, nisi perspecta eorum conuersione & fide (saltē quantum hominū iudicio explorari potest) baptizandos esse fortiter negamus. Verum in alium catalogū relegandos esse infantes, plus satis perspicuū est. nam si quis olim se Israël adiungebat in religionis communionem, antè & fœdus Domini edoceri & Lege erudiri oportebat quàm Circuncisione signaretur: quòd natione erat *amiquos*, hoc est alienigena ab Israelitico populo, quo cum fœdus, quod Circuncisio sanciebat, percussum fuerat.

A& 2. f. 37

A& 8. g. 37

24 Quemadmodum nec Dominus, quum Abrahamum sibi cooptat, à Circuncisione sumit exordium, interim quid illo signo sibi velit dissimulans: verum quod ferire cum ipso fœdus instituat, primū denuntiat: tum deinde post fidē promissioni habitam, sacramenti facit participem. Cur in Abrahamo fidem sacramentum sequitur, in Isaaco filio intelligentiam omnem præcedit? Quoniam eum qui adulta demum ætate in fœderis societatem recipitur à quo fuerat hætenus alienus, eius condiciones antea perdiscere a quū est: infantem verò ex eo progenitum, non item: qui hæreditario iure, secundū promissionis formulam, iam à matris utero in fœdere continetur. Aut (quo res clarius ac breuius indicetur) si fidelium liberi, citra intelligentiæ adminiculum, fœderis sunt participes, non est cur ob id à signo arceantur, quia in fœderis stipulationem iurare nequeunt. Hæc certè ratio est cur aliquoties Deus infantes qui ab Israelitis oriuntur, sibi genitos & natos fuisse asserit. Nam filiorum haud dubiè loco habet eorum filios quorum semini in patrem se fore pollicitus est. Qui verò infidelis est, impiis ortus parentibus, donec per fidem Deo uniatur, à fœderis communionem extraneus censetur. Itaque nihil mirum si nec signo communicet, cuius significatio in eo fallax inanisque foret. In eam sententiam Paulus quoque scribit, Gentes, quandiu in sua idololatria immerse fuerunt, extra testamentum fuisse. Hoc compendio, tota res, nisi fallor, perspicuè expediri queat, Qui adulta demum ætate Christi fidem ample-

Genes. 15. a. 7

Genes. 17. b. 11

Eze. 16. c. 10, & 23. f. 37

Ephes. 2. e. 11

Etuntur, eos, quum hætenus alieni à fœdere fuerint, non esse Baptismo insigniendos nisi fide ac pœnitentia intercedente: quæ aditum illis in fœderis societatem patefacere solæ possunt. qui verò à Christianis originem ducunt infantes, vt in fœderis hæreditatem statim ac nati sunt, à Deo excipiuntur, ita in Baptismum recipiendos. Eò referendum est quod narrat Euangelista, baptizatos à Iohanne fuisse qui peccata sua confiterentur: quod exemplum obseruandum hodièque censemus. Turca enim si se ad Baptismum offerat, non temerè à nobis intingeretur nisi confessione scilicet edita qua Ecclesiæ satisficiat.

Matth. 3. b. 6

25

Adhæc, Christi verba quæ Iohannis tertio recitantur, proferunt, quibus præsentem in Baptismo regenerationem existimant requiri, Nisi quis renatus fuerit ex aqua & Spiritu, non potest ingredi in regnū Dei. En (inquiunt) vt Baptismus, ore Domini regeneratio vocetur. Quos igitur regenerationis minimè capaces esse satis superque notum est, quo prætextu Baptismo initiamus qui sine ipsa constare nequit? Primum in eo falluntur quòd Baptismi mentionem fieri hoc loco putant quia aquæ nomen audiunt. Postquam enim naturæ corruptionem Nicodemo exposuit Christus, ac renasci oportere docuit: quia ille renascentiam corporalem somniabat, modum hîc indicat quo regenerat nos Deus, nempe per aquam & Spiritum: quasi diceret, Per Spiritum, qui purgando & irrigando fideles animas, vice aquæ fungitur. Aquâ ergo & Spiritu simpliciter accipio pro Spiritu, qui aqua est. Neque hæc noua est locutio: prorsus enim cum illa quæ tertio Matthæi capite habetur

Iohan. 3. a. 5

Matth. 3. c. 11

conuenit, Qui sequitur me, ille est qui baptizat in Spiritu sancto & igni. Quemadmodum ergo Spiritu sancto & igni baptizare, est Spiritum sanctum conferre, qui in regeneratione ignis officium naturamque habet: ita renasci aqua & Spiritu nihil aliud est quàm vim illam Spiritus recipere, quæ in anima id facit quod aqua in corpore. Scio alios aliter interpretari: sed hunc esse germanum sensum non dubito: quia consilium Christi non aliud est quàm vt doceat exuendum esse proprium ingenium omnibus qui ad cæleste regnum aspirant. Quanquam si putidè eorum more cauillari libeat, regerere illis promptum esset (vbi concesserimus quod volunt) Baptismum priorem esse fide & pœnitentia: quando in Christi verbis Spiritum præcedit. De spiritualibus donis hoc intelligi certum est: quæ si Baptismum sequuntur, adeptus sum quod volo. Sed omisissis cauillis, tenèda simplex est interpretatio quam attuli, neminem, donec renouatus fuerit aqua viuâ, hoc est Spiritu, posse ingredi in regnum Dei.

26

Iam & ex eo explodendum esse eorum commentum palàm est qui omnes non baptizatos æternæ morti adiudicant. Solis ergo adultis administrari Baptismum ex eorum postulato fingamus: quid puero fieri dicent qui pietatis rudimētis rite probèque imbuitur dum tinctionis dies appetit, si subita morte præter spem omnium abripi cōtingat? Clara est Domini promissio, Quicumque in Filiū credidit, non visurū mortem, nec in iudicium venturum, sed transiisse à morte in vitam: nondum baptizatum nullibi damnasse comperitur. Quod in eam à me partem accipi nolo perinde ac si Baptismum contemni impune posse innuerem (quo contemptu violatum iri Domini fœdus affirmo: tantum abest vt excusare sustineam) tantum euincere sufficit, non esse ad eò necessarium, vt periisse protinus existimetur cui eius obtinendi adempta fuerit facultas. Atqui si eorum commento assentimur, eos omnes citra exceptionē damnabimus quos à Baptismo casus aliquis prohibuerit, quantacunque alioqui fide præditos: per quam Christus ipse possidetur. Insuper infantes omnes æternæ mortis reos peragunt, quibus Baptismum negant, sua ipsorum confessione, ad salutem necessarium. Viderint nunc quàm bellè sibi cum Christi verbis conueniat, quibus regnum cælorum illi ætati adiudicatur. Atque vt nihil illis non concedamus quātum ad huius loci intelligentiam attinet, nihil tamen inde elicient, nisi prius quod iam constitutum est à nobis dogma de infantium regeneratione euerterint.

Iohan. 5. d. 24

Matt. 19. b. 14

27

Matt. 28. d. 19

Marc. 16. c. 16

Matth. 3. c. 13

Iuc. 3. c. 13

Sed propugnaculum omnium munitissimum in ipsa Baptismi institutione se habere gloriantur, quæ ex capite Matthæi vltimo petunt. vbi Christus Apostolos mittens ad gentes vniuersas, de illis docendis primum, alterum de baptizandis mādaturum dat. Tum & ex Marci vltimo istud annectunt, Qui crediderit, & baptizatus fuerit, saluus erit. Quid vltra (inquiunt) quærimus, quum verba Domini apertè sonent, prius docendum quàm baptizandum, & Baptismo secundum à fide locum assignent? Cuius ordinis specimen Dominus etiam Iesus in se præbuit, qui anno demum tricesimo baptizari voluit. Hîc verò quot modis, bone Deus, & se implicant, & incertitiam suam produnt! Nam in eo iam plusquam pueriliter labuntur, quòd primā Baptismi institutionem inde deriuant, quem ab exordio prædicationis suæ Apostolis Christus administrandum mandauerat. Non est igitur cur legem ac regulam Baptismi ex istis duobus locis petendam contendant, ac si primam institutio-

nem continerent. Hoc ut illis indulgeamus erratum, quàm neruosa tamen est isthæc argumentatio: Equidè si tergiuersari libeat, non latebra, sed latissimus campus ad effugiendum se aperit. Nam quando ita mordicus verborum ordini insistant, ut quoniam dictum est, *Ite, prædicate, & baptizate*, Item, *Qui crediderit & baptizatus fuerit: prædicandum prius quàm baptizandum: & credendum prius quàm Baptismum appetendum* ratiocinetur: cur non & nos vicissim excipiamus, baptizandum antequam docendam eorum quæ Christus mandauit obseruationem: nempe quum dicatur, *Baptizate*, docentes seruare quæcunque præcepi vobis. quod idem annotauimus in illa Christi sententia quæ de aquæ & Spiritus regeneratione nuper citata fuit. nam si ita intelligitur ut postulant, illic certè priorem spirituali regeneratione Baptismum esse conueniet, quando priore loco nominatur. Non enim nos ex Spiritu & aqua, sed ex aqua & Spiritu regenerandos docet Christus.

Marc. 16. c. 15

28 Iam aliquantum concussa videtur inexpugnabilis hæc ratio, qua tantopere cōfidunt: verum quia satis habet in simplicitate præsidii veritas, leuibus eiusmodi argutiis elabi nolo. Solidam ergo responsionem sibi habeant. Potissimum hinc à Christo de prædicando Euangelio datur mādātum: cui baptizandi ministerium, instar appendicis subnectit. Deinde non aliter de Baptismo sermo habetur, nisi quatenus docendi functioni eius administratio subest. Apostolos enim mittit Christus ad Euangelium vniuersis orbis nationibus promulgandum, ut vndique in regnum suum perditos antè homines, doctrina salutis colligant. Quos autem illos, aut quales? Certum, nullam nisi de iis qui doctrinæ recipiendæ pares sint, esse mentionem. Post adiungit, tales, ubi instituti fuerint, esse baptizandos, addita promissione, *Qui crediderint, & baptizati fuerint, saluos fore*. An de infantibus toto illo sermone vel vna est syllaba? Quæ igitur hæc qua nos impetunt argumentationis erit formula? *Qui adulta sunt ætate, antè instituendi sunt, ut credant, quàm baptizandi*. Baptismum ergo infantibus communem facere nefas est. Non, si se rumpant, aliud ex hoc loco ostendent, nisi antè prædicandū esse Euangelium iis qui sunt audiendi capaces quàm baptizentur: quando de illis modò agitur. Inde, si possunt, obicem struant impediendis à Baptismo infantibus.

29 At verò quo cæcis quoque palpabiles sint eorum fallaciæ, eas admodum perspicua similitudine indicabo. Siquis alimentis priuandos infantes cauilletur hoc prætextu quòd Apostolus non permittit ut edant nisi qui laborant, nōne dignus erit qui ab omnibus cōspuatur? Cur ita? Quia quod de certo genere hominum ac certa ætate dictum fuerat, ad omnes indifferēter rapit. Nihilo istorū in præsentī causa maior est dexteritas. Quod enim ad adultā duntaxat ætatem pertinere nemo non videt, ad infantes trahūt: ut hæc quoque ætas subiaceat regulæ quæ nonnisi grandioribus posita fuerat. Quātum ad Christi exemplum attinet, eorū causam nequaquam fulcit. Non ante tricesimum annum est baptizatus. Verum id quidem, sed in promptu ratio est: quia tum solidum Baptismi fundamētum, sua prædicatione iacere instituebat, vel potius stabilire, quod paulo antè ab Iohanne iactum fuerat. Baptismum ergo quū sua doctrina instituere vellet, quo maiorem suæ institutioni auctoritatem cōciliaret, suo ipsius corpore ipsum sanctificauit, idque qua maximè decebat temporis opportunitate, nempe quum suam prædicationem auspicaretur. Denique nihil aliud conficiet, nisi Baptismum originem & exordium sumpsisse ab Euangelii prædicatione. Quòd si annum tricesimum præfigere libet, cur eum non obseruant: sed ut quisque eorum iudicio satis profecit, eum ad Baptismum recipiunt? Quinetiam Seruetus vnus ex eorum magistris, quum tempus hoc pertinaciter vrgeret, iam vicesimoprimo ætatis anno cœperat Prophetam se iactare. Quasi verò ferendus sit qui doctoris locum in Ecclesia sibi arrogat antequam sit ipsius Ecclesiæ membrum.

2. Thes. 3. c. 10

Luc. 3. c. 13

30 Tandem obiciunt, non maiorem esse causam cur infantibus Baptismus communetur, quàm Cœna Domini: quæ tamen illis minimè conceditur. quasi verò Scriptura latum modis omnibus discrimen non notaret. Fuit quidem id in veteri Ecclesia factitatum, ut ex Cypriano & Augustino cōstat: sed meritò mos ille obsoleuit. Nam si ingeniū ac proprietatem Baptismi reputamus, quidam certè est in Ecclesiam ingressus ac veluti initiatio per quam in Dei populum accensemur: signum spiritualis nostræ regenerationis, per quā in filios Dei renascimur. quum è conuerso Cœna grandiusculis attributa sit, qui superata teneriore infantia, iam ferendo sint solido cibo: Quæ distinctio perquam euidenter in Scriptura demonstratur. Nam illic Dominus, quātum ad Baptismum attinet, nullum ætatum delectum facit. Cœnam verò non omnibus perinde participandam exhibet, sed iis modò qui discernendo corpori ac sanguini Domini, qui suæ ipsorum examinandæ conscientiæ, qui morti Domini annuntiandæ, qui virtuti eius expendendæ sint idonei. Volumus aper-

1. Cor. II. f. 18
Ibidem, g. 19
tius quippiam, quàm quod Apostolus tradit, dum exhortatur ut se quisque ipsum probet atque excutiat, tum edat ex hoc pane, & è calice bibat: Examen igitur præire oportet, quod ab infantibus frustra expectetur. Item, Qui indignè manducat, damnationem sibi manducat & bibit non discernens corpus Domini. Si dignè participare nequeunt, nisi qui sanctitatem corporis Christi rite distinguere nouerint, cur venenum pro viuifico alimento tenellis nostris liberis porrigamus? Quid illud Domini præceptum, In mei cōmemorationem facietis: quid alterum, quod inde Apostolus deducit, Quoties panem hunc manducabitis, mortem Domini annuntiabitis donec veniat: Quam, obsecro, ab infantibus recordatione exigemus eius rei quàm sensu nūquam assequuti sunt: quam prædicationem crucis Christi, cuius vim ac beneficium nondum mente comprehendunt: Nihil istorū in Baptismo præscribitur. quare inter hæc duo signa plurimum est discriminis, quod sub Veteri quoque testamēto, in similibus signis animaduertimus. Circuncisio quidem, quam Baptismo nostro respondere notum est, infantibus destinata erat. Pascha verò, in cuius vicem nunc Cœna subiit, non quoslibet promiscuè conuiuas adittebat: sed ab iis ritè demum edebatur qui de eius significatione rogare per ætatem possent. Si mica sani cerebri istis restaret, an ad resque adeo perspicuam & obuiam cæcutirent?

31
Tamen si nugarum congerie lectores onerare piget: quas tamen Seruetus non minimus inter Anabaptistas, imò huius cateruæ magnum decus, ad prælium se accingens, speciosas rationes adducere sibi visus est, breuiter diluere operæ pretium erit. Obtendit, Christi symbola, ut sunt perfectæ, exigere etiam perfectos, vel perfectionis capaces. Atqui solutio est expedita: Baptismi perfectionem, quæ ad mortem usque extenditur, perperam restringi ad vnum temporis articulum. Addo etiam, stulte primo die in homine quærì perfectionē ad quam Baptismus tota vita per continuos gradus nos inuitat. Obicit Christi symbola ad memoriam instituta esse, ut quisque recolat se Christo fuisse consepultum. Respondeo, quod ex capite suo cōfinxit, refutatione nō egere: imò quod ad Baptismū trahit, sacræ Cœnæ proprium esse ostendunt Pauli verba, Ut se quisque examinet. de Baptismo nusquam aliquid tale. Vnde colligimus, rite baptizari, qui nondum pro ætatis modulo examinis sunt capaces.

Iohā. 3. d. 36

Quod tertio adducit, Manere in morte omnes qui Filio Dei non credunt, & iram Dei manere super eos: ideoque infantes, qui credere nequeunt, iacere in sua damnatione. Respondeo, Christū illic non de generali reatu loqui quo impliciti sunt omnes posterī Adæ: sed tantum minari Euangelii cōtempторibus, qui oblatā sibi gratiam superbè & contumaciter respuunt. Hoc verò nihil ad infantes. Simul contrariā rationem oppono, Quencunque benedixit Christus, cum ab Adæ maledictione & ira Dei eximi. Quum ergo infantes ab eo benedictos esse notum sit, sequitur à morte exemptos esse. Falsò deinde citat quod nusquā legitur, Quisquis natus est ex Spiritu, vocem Spiritus audire. Quod etsi demus esse scriptum, nihil tamen aliud eliciet quàm fideles, prout operatur in illis Spiritus, ad obsequium formari. Atqui quod de certo numero dictum est, ad omnes æquè trahere vitiosum est.

1. Cor. 15. f. 46

Obiicit quartò, Quia præcedit quod animale est, expectandum esse tempus maturum Baptismo qui est spiritualis. Ego autem, etsi fateor omnes posteros Adæ ex carne genitos ab ipso vtero gestare suam damnationem, id tamē obitare nego quominus statim remedium Deus afferat. Neque enim ostendet Seruetus plures annos diuinitus fuisse præscriptos

1. cor. 7. c. 14

quo incipiat spiritualis vitæ nouitas. Paulo quidem teste, licet natura perditī sint qui nascuntur ex fidelibus, supernaturali tamē gratia facti sunt. Allegoriam deinde profert, quod

2. Sam. 5. b. 8

David in arcem Sion conscendens, nec cæcos nec claudos secum duxerit, sed strenuos milites. Quid autem si parabolam oppono, in qua Deus ad cælestē epulū inuitat cæcos & claudos, hoc se nodo quomodo expedit Seruetus? Quæro etiam annon prius cum Dauide militassent claudi & mutuli. Longius tamē in hac ratione insistere superuacuum est, quam ex mera falsitate constatam, ex Sacra historia deprehēdent lectores. Sequitur altera allego-

Matth. 4. c. 19

ria, Apostolos piscatores hominum fuisse, non paruulorum. Ego autem quæro quid sibi velit illud Christi, In rete Euangelii colligi omne piscium genus. Sed quia allegoriis ludere non placet, respondeo, quum Apostolis iniunctum fuit docendi munus, non fuisse tamen prohibitos ab infantibus baptizandis. Quāquam scire adhuc velim, quū *di Spōtus* nominet Euāgelista (qua voce absque exceptione comprehenditur humanū genus) cur infantes neget

1. Cor. 2. d. 13

esse homines. Obtēdit septimò, Quū spiritualibus quadrent spiritualia, infantes qui spirituales nō sunt, neque ad Baptismū aptos esse. Sed primò quàm peruersè torqueat locū Pauli planè liquet. Agitur de doctrina, Quū sibi in vano acumine plus æquo placerent Corinthii, eorum socordiam coarguit Paulus, quod primis doctrinæ cælestis rudimentis adhuc imbuendi essent. Quis inde colliget, negandum esse infantibus Baptismum, quos ex carne progenitos Deus sibi gratuita adoptione consecrat? Quòd excipit, Pascēdos esse spirituales

cibo, si noui sunt homines, solutio facilis est, Baptismo eos admitti in Christi gregem, & sufficere illis adoptionis symbolum, donec adulti pares sint ferendo solido cibo. Expectandum ergo esse tempus examinis quod Deus in sacra Cœna disertè flagitat. Obiicit postea, Christum vocare omnes suos ad sacram Cœnam. Atqui satis constat eum nullos admittere nisi qui ad celebrandam mortis suæ memoriam iam sunt præparati. Vnde sequitur, infantes, quos amplexu suo dignatus est, distincto & proprio in gradu subsistere donec adoleſcât, neque tamen externos esse. Quod excipit, portentum esse si homo postquam natus est non comedat: respondeo aliter pasci animas quàm externo Cœnæ esu: ideoque Christum infantibus cibum nihilominus esse, licet à symbolo abstineant. Baptismi diuersam esse rationem quo illis tantum ianua in Ecclesiam aperitur. Rursum obiicit, bonum œconomum distribuere cibum familiæ tempore suo. Quod etsi libenter fateor, quo tamē iure definiet nobis Baptismi tempus, ut probet non dari tempestiuè infantibus? Adducit præterea illud Christi mādātum ad Apostolos, ut properent ad messem dum albescunt aagri. Nempe hoc tantum vult Christus, ut Apostoli, præsentem laboris fructum cernentes, alacrius se ad docendum accingant. Quis inde colliget solum messis tempus Baptismo esse maturum? Vndecima ratio est, quod in prima Ecclesia iidem erant Christiani & discipuli: sed iam vidimus eum inscitè ratiocinari à parte ad totum. Discipuli vocantur iustæ ætatis homines qui iam fuerant edocti, & Christo nomen dederant: sicuti Iudæos sub lege Moſis discipulos esse oportuit: nemo tamē inde rectè inferet extraneos fuisse infantes, quos Deus testatus est pro domesticis sibi esse. Adhæc obtendit, Christianos omnes esse fratres, quo in numero infantes nobis non sunt quādiu à Cœna eos repellimus. Ego verò ad principium illud redeo, non esse hæredes regni cælorum nisi qui Christi sunt membra: deinde Christi amplexum veram fuisse tessellam adoptionis, qua infantes adultis communiter iunguntur, nec abſtinentiam temporalem à Cœna obſtare quominus pertineant ad Ecclesiæ corpus. Nec verò latro in cruce conuersus deſuit esse frater piorum: quanuis ad Cœnam nunquam acceſſerit. Addit postea, neminem fieri fratrem nostrum nisi per Spiritum adoptionis, qui tantum ex auditu fidei confertur. Respondeo: semper in eundem relabi paralogismū: quia præpoſterè ad infantes trahit quod de solis adultis dictū est. docet illic Paulus hunc esse Deo ordinarium vocationis modum ut electos suos ad fidem adducat dum illis suscitāt fidos doctores, quorum ministerio & opera manum porrigit. Quis inde legē imponere ei audeat quominus arcana alia ratione infantes Christo inscrat? Quod obiicit, Cornelium accepto Spiritu sancto baptizatum fuisse, quàm perperam ex vno exemplo generalem regulam eliciat, patet ex Eunuchō & Samaritanis, in quibus diuersum ordinem Deus tenuit, ut Baptismus dona Spiritus præcederet. Decimaquinta ratio plusquam insulsa est. dicit nos regeneratione deos fieri: esse autem deos ad quos sermo Dei factus est: quod nō competit in pueros infantes! Quod deitatem affingit fidelibus, vnum est ex eius deliriis, quod excutere nō est præſentis loci: sed locum Psalmi torquere in tam alienum sensum, perditæ impudētia est. Dicit Christus Reges & Magistratus vocari à Prophetis Deos, quia munus sustineant diuinitus sibi iniunctum. Hic verò dexter interpres, quod de speciali gubernandi mandato ad certos homines dirigitur, ad Euangelii doctrinam trahit, ut infantes ab Ecclesia exterminet. Obiicit rursum, Infantes non posse novos homines censeri: quia non gignuntur per sermonem. Ego verò, quod sapius iam dixi nunc quoque repeto, ad nos regenerandos doctrinam semen esse incorruptibile, si quidē ad eam percipiendā sumus idonei: ubi verò nondum per ætatem nobis inest docilitas, Deum tenere suos regenerandi gradus. Postea ad allegorias suas redit, quod ouis & capra in Lege non statim ac egressæ erant ex utero fuerint oblata in sacrificium. Si figuras huc trahere libet, mihi promptum est regerere, primogenita omnia simulac vuluam aperuerant, fuisse Deo sacra: deinde oportuisse agnum anniculū mactari. Vnde sequetur, virile robur minimè esse expectandū, quin potius & fœtus recentes & adhuc teneros à Deo in sacrificia deligi. Contendit præterea, non posse venire ad Christum nisi qui à Iohanne fuerint præparati. Quasi verò non fuerit temporale Iohannis officium. Sed ut hoc omitta, illa certè præparatio non fuit in pueris quos amplexus est Christus, ac benedixit. Quare valeat cum falso suo principio. Patronos tādē accersit Trismegistum & Sibyllas, quod sacræ ablutiones non conueniant nisi adultis. En quàm honorificè sentiat de Christi Baptismo, quem exigit ad profanos Gentium ritus, ne aliter administretur quàm Trismegisto placuerit. Nobis verò pluris Dei autoritas, cui visum est infantes sibi consecrare, ac initiare sacro symbolo cuius nondum per ætatem vim tenebāt. Nec fas esse ducimus à Gentium expiationibus mutuari quod æternam & inuiolabilem Dei legem, quam de circūcisione sanxit, in Baptismo

Matt. 24. d. 40

Iohan. 4. c. 33

Act. 11. d. 16

Act. 10. g. 44

Ibidē, 8. c. 27

Iohan. 10. f. 39

Exod. 13. a. 2

Exod. 11. a. 5

nostro mutet. Vltimo loco ratiocinatur, Si infantes liceat sine intellectu baptizare, Baptismum à pueris ludentibus mimice & per iocum posse administrari. Atqui de hac re cū Deo litiget, ex cuius præcepto Circuncisio cōmunis fuit infantibus antequam intelligentiam adepti essent. Fuitne igitur res ludicra, vel obnoxia puerorū ineptiis, vt potuerint sanctam Dei institutionem euertere? Sed nihil mirum est, reprobos istos spiritus, quasi phrenitide agitentur, crassissimas quasque absurditates in errorum suorum defensionem ingerere: quia Deus eorū fastum & pertinaciam tali vertigine iuste vlciscitur. Certè quàm debilibus suppetiis fraterculos suos Anabaptistas Seruetus adiuerit, planū me fecisse confido.

32 Iam nemini sobrio ambiguum fore arbitror quàm temere Ecclesiam Christi conturbent qui rixas ac contentiones mouent ob pædobaptismum. Sedenim operæpretium est obseruare quid tanta ista vafritia Satan moliat: nempe vt singularem fiduciæ & spiritualis gaudii fructum, qui hinc colligendus est, nobis eripiat, ac de bonitatis etiam diuinæ gloria tantundem delibet. Quàm enim suauē piis animis, non verbo tantum, sed oculari etiam spectaculo certiores fieri, tantum se gratiæ apud Patrem cælestem obtinere vt posteritas sua illi curæ sit: Hic enim videre est vt prouidentissimi erga nos patrisfamiliās personam suscipit qui ne post mortem quidem nostram, sollicitudinem nostri deponit quin liberis nostris consulat ac prospiciat. Annon hic exemplo Davidis toto corde ad gratiarum actionē debemus exultare, vt tali bonitatis specimine eius nomē sanctificetur? Hoc hoc certè agit Satan, pædobaptismum tantis copiis impetendo: quo scilicet testificatione ista gratiæ Dei è medio sublata, quæ per ipsam oculis nostris obuersatur promissio, sensim tādē euanescat. Vnde non impia tantum aduersus Dei misericordiam ingratitudo nasceretur, sed in liberis ad pietatem erudiēdis ignauia quædam. Neque enim parum incitatur hoc aculeo ad eos in serio Dei timore Legisque obseruatione educandos, dū reputamus, statim à partu, filiorum loco esse ab ipso habitos & agnitos. Quamobrem, nisi malignè Dei beneficentiam obscurare libet, infantes illi nostros offeramus, quibus locum inter suos familiares ac domesticos, id est Ecclesiæ membra, attribuit.

De sacra Christi Cœna: & quid nobis conferat. C A P. XVII.

POST QUAM nos semel in familiam suam recepit Deus, nec tantum vt seruatorum loco nos habeat, sed filiorum: vt partes impleat optimi patris & de sua progenie solliciti, continuo etiam vitæ cursu nos alendos suscipit. Nec eo cōtentus, dato pignore nos huius continuæ liberalitatis certiores reddere voluit. In hunc ergo finem alterū Ecclesiæ suæ sacramētum dedit per manum vnigeniti Filii, spirituale epulum scilicet, vbi se Christus viuificum esse panem testatur, quo animæ nostræ ad veram & beatam immortalitatē pascuntur. Quoniam verò apprime necessaria est tanti mysterii cognitio, & pro sua magnitudine accuratam explicationem postulat: & Satan, vt hoc inæstimabili thesauro Ecclesiam priuaret, pridem nebulas, deinde tenebras obscurandæ eius luci induxit, tum cōtentiones & pugnas mouit quæ ab huius sacri alimenti gustu alienarent simplicium mentes, & nostra etiam ætate idem artificiū tentauit: vbi summam pro rudium captu complexus fuero, nodos illos quibus mundum illaqueare Satan molitus est, expeditam. Primò signa sunt panis & vinum, quæ inuisibile alimentum, quod percipimus ex carne & sanguine Christi, nobis repræsentant. Sicut enim in Baptismo nos regenerans Deus, in Ecclesiæ suæ societatem inferit, & adoptione suos facit: ita diximus officium prouidi patrisfamiliās in eo præstare, quod cibum assidue ministrat, quo nos in ea vita sustineat ac cōseruet in quam nos verbo suo genuit. Porro vnicus animæ nostræ cibus Christus est, ideoque ad eum nos inuitat cælestis Pater, vt eius communicatione refecti, vigore subinde colligamus, donec ad cælestem immortalitatē peruētum fuerit. Quoniam verò mysterium hoc arcanæ Christi cum piis vnionis natura incomprehensibile est, figuram eius & imaginem in signis visibilibus exhibet ad modulum nostrum aptissimis: imò velut datis arrhis ac tesseris tam certum nobis facit quàm si oculis cerneretur: quia in crassissimas quasque mentes hæc tam familiaris similitudo penetrat, non secus animas Christo pasci quàm panis & vinum corporalem vitam sustentant. Iam ergo habemus in quem finem spectet mystica hæc benedictio. nempe quo nobis cōfirmet, corpus Domini sic pro nobis semel esse immolatū vt nunc eo vescamur, ac vescendo, vnici illius sacrificii efficaciam in nobis sentiamus: sanguinem eius sic pro nobis semel fustum, vt sit nobis perpetuus potus. Atque ita sonant verba promissionis illic additæ, Accipite: hoc est corpus meum quod pro vobis traditur. Corpus ergo quod oblatum semel est in salutē nostram, iubemur accipere & comedere: vt dum huius fieri nos videmus participes, viuificæ illius mortis virtutem certò statuamus in nobis efficacem fore. Vnde & calicem fœdus vō

? sal. 48. a. ii

Iohan. 6. f. 51

Matt. 26. c. 16
marc. 14. b. 17
luc. 22. b. 19
1. cor. 11. c. 24

eat in suo sanguine. Fœdus enim quod sanguine suo semel fanciuit, quodammodo renouat, vel potius continuat, quantum ad fidei nostræ confirmationē attinet, quoties sacrum illum sanguinem libandum nobis porrigit.

2 Magnum verò fiduciæ ac suauitatis fructum ex hoc sacramento colligere possunt piæ animæ, quòd testimoniū habent in vnum corpus nos cum Christo coaluisse, vt quicquid ipsius est, nostrum vocare liceat. Hinc sequitur vt nobis securè spondere audeamus, vitam æternam nostram esse, cuius ipse est hæres: nec regnum cælorum quò iam ingressus est, posse magis nobis excidere quàm ipsi: rursum peccatis nostris non posse nos dānari, à quorū reatu nos absoluit quum ea sibi imputari voluerit ac si sua essent. Hæc est mirifica commutatio, qua pro immensa sua benignitate nobiscum vsus est: quòd filius hominis nobiscum factus, nos secum Dei filios fecerit: quòd suo in terras descensu, ascensum nobis in cælum strauerit: quòd accepta nostra mortalitate, suam nobis immortalitatem contulerit: quòd suscepta nostra imbecillitate, sua nos virtute confirmauerit: quòd nostra in se recepta paupertate, suam ad nos opulētiam transtulerit: quòd recepta ad se, qua premebamur iniustitiæ nostræ mole, sua nos iustitia induerit.

3 Horum omnium adeò solidam habemus testificationem in hoc sacramento, vt certò statuendum sit, verè nobis exhiberi non secus ac si Christus ipse præsens aspectui nostro obiceretur, ac manibus attrectaretur. Hoc enim verbū nec mentiri nec illudere nobis potest, Accipite, edite, bibite: hoc est corpus meum, quod pro vobis traditur: hic est sanguis, qui in remissionem peccatorum effunditur. Quòd accipere iubet, significat nostrum esse: quòd edere iubet, significat vnā nobiscum substantiam fieri: quòd de corpore prædicat pro nobis esse traditum, de sanguine pro nobis effusum, in eo docet vtrunque non tam suum esse quàm nostrum: quia vtrunque non suo commodo, sed in salutem nostram & sumptis & posuit. Ac diligenter quidem obseruandum est, potissimam & penè totam sacramēti energiam in his verbis sitam esse, Quod pro vobis traditur, Qui pro vobis effunditur. alioqui non magnopere nobis conduceret, corpus & sanguinem Domini nunc distribui, nisi in redemptionem ac salutem nostram exposita semel fuissent. Itaque sub pane & vino representantur: quo discamus non modò nostra esse, sed nobis destinata in spiritualis vitæ alimentum. Id est quod antea admonuimus, à rebus corporis quæ in sacramento proferuntur, quadam analogia nos ad spirituales deduci. Sic quum panis nobis in symbolum corporis Christi datur, hæc statim concipienda est similitudo, Vt corporis nostri vitam panis alit, sustinet, tuetur: ita corpus Christi vegetandæ ac viuificandæ animæ vnicum esse cibū. Quum vinum in symbolū sanguinis propositum intuemur: cogitandū quos corpori vsus vinum afferat, vt eosdem spiritualiter afferri nobis Christi sanguine reputemus: sunt autē, fouere, reficere, confirmare, exhilarare. Nam si satis perpendimus quid nobis sacrosancti huius corporis traditio, quid sanguinis effusio profuerit: nō obscure perspicemus, hæc panis & vini attributa, secundum eiusmodi analogiam, optimè illis erga nos conuenire dum nobis communicantur.

4 Non ergo præcipuæ sunt sacramēti partes, corpus Christi simpliciter & sine altiori cōsideratione nobis porrigere: sed magis promissionē illam qua carnem suam verè cibum testatur, & sanguinem suum potum, quibus in vitam æternam pascimur, qua se panē vitæ affirmat, de quo qui manducauerit, viuet in æternum: illam (inquam) promissionē obſignare & confirmare: & quo id efficiat, ad Christi crucē mittere, vbi ea promissio verè præstita, & numeris omnibus impleta fuit. Neque enim Christo rite & salutariter vescimur nisi crucifixo, dum efficaciam mortis eius viuo sensu apprehendimus. Nam quòd se panē vitæ nuncupauit, non eam à sacramento sumpsit appellationē, vt quidam peruersè interpretantur: sed quia talis à Patre datus nobis fuerat, talēque sese præstitit, quum humanæ nostræ mortalitatis particeps factus, nos diuinæ suæ immortalitatis consortes fecit: quum in sacrificium se offerēs, maledictionem in se nostram sustulit, vt sua nos benedictione perfunderet: quum morte sua mortē deglutiuit & absorbit: quum in sua resurrectione carnem hanc nostram corruptibilem, quam induerat, in gloriam & incorruptionem suscitauit.

5 Restat vt applicatione id totum ad nos perueniat: id fit cum per Euangelium, tum illustrius per sacram Cœnam, vbi & se ipse cum bonis suis omnibus nobis offert, & nos fide eum recipimus. Non ergo facit sacramētum vt Christus panis vitæ esse primū incipiat: sed dum in memoriam reuocat, panem vitæ esse factum, quo assiduè vescamur, eiusque panis gustum & saporem nobis præbet, vt vim panis illius sentiamus facit. Pollicetur enim nobis, quicquid fecit aut passus est Christus, id ad nos viuificandos factū esse. Deinde hanc viuificationem, æternam esse, qua sine fine alamur, sustineamur & conseruemur in vita.

Iohan. 6. f. 51

Siquidem vt panis vitæ nobis non fuisset Christus, nisi nobis natus & mortuus fuisset, nisi nobis resurrexisset: ita nunc minimè esset nisi eius natiuitatis, mortis, resurrectionis efficacia & fructus res æterna foret ac immortalis. Quod totū elegāter his verbis expressit Christus, Panis quem ego dabo, caro mea est, quam ego dabo pro mundi vita. Quibus haud dubiè innuit, suum nobis corpus ideo pro pane futurum ad spiritualem animæ vitam quia in mortem pro salute nostra exponendum erat: nobis autem porrigi vt vescamur, quum fide nos faciat eius participes. Semel itaque ipsum dedit quo panis fieret, quum in mūdi redemptionem crucifigendum exposuit: quotidie dat vbi participandum, quatenus crucifixum est, Euangelii verbo nobis offert: vbi eam exhibitionem sacro Cœnæ mysterio obfignat: vbi id ipsum intus complet quod exterius designat. Porro nobis hîc duo cauēda sunt vitia: ne aut in extenuandis signis nimii, à suis mysteriis ea diuellere, quibus quodāmodo annexa sunt: aut in iisdē extollendis immodici, mysteria interim etiā ipsa nonnihil obscurare videamur. Christum esse panem vitæ, quo in salutem æternam nutriantur fideles, nemo est nisi prorsus irreligiosus, qui non fateatur. Sed hoc non perinde inter omnes conuenit, qualis sit eius participandi ratio. Sunt enim qui māducare Christi carnem, & sanguinem eius bibere, vno verbo definiunt nihil esse aliud quàm in Christū ipsum credere. Sed mihi expressius quiddam ac sublimius videtur voluisse docere Christus in præclara illa concione, vbi carnis suæ māducationem nobis commendat: nempe vera sui participatione nos viuificari: quam manducandi etiam ac bibendi verbis ideo designauit, ne quam ab ipso vitam percipimus, simplici cognitione percipi quispiam putaret. Quemadmodum enim non aspectus, sed esus panis corpori alimentum sufficit: ita verè ac penitus participem Christi animam fieri conuenit, vt ipsius virtute in vitam spirituale vegetetur. Interim verò hanc non aliam esse quàm fidei manducationem fatemur: vt nulla alia fingi potest. Verum hoc inter mea & istorum verba interest, quòd illis manducare est duntaxat credere: ego credendo manducari Christi carnē, quia fide noster efficitur, eamque manducationem fructum effectumque esse fidei dico. Aut si clarius velis, illis manducatio est fides: mihi ex fide potius consequi videtur. In verbis quidem paruum, sed in re non mediocriter est discrimen. Nam etsi docet Apostolus, Christum in cordibus nostris habitare per fidem, nemo tamē habitationem istam, fidem interpretabitur: sed eximium fidei effectum explicari omnes sentiunt, quòd per ipsam fideles consequuntur vt Christū in se habeant manentem. In hunc modum voluit Dominus, panem vitæ se nuncupādo, non tantum docere in mortis resurrectionisque suæ fide repositam esse nobis salutem: sed vera etiam sui cōmunicatione fieri vt vita sua in nos transeat, ac nostra fiat: non secus ac panis, dum in alimentum sumitur, vigorem corpori administrat.

Ephes. 3. c. 17

Iohan. 6. f. 51

- 6 Nec alio sensu Augustinus, quem illi patronum sibi aduocant, credendo nos manducare scripsit, quàm vt māducationem istam fidei esse, non oris indicaret. Quod neque ipse nego: sed simul tamen addo, nos fide completi Christum non eminus apparentem, sed se nobis vnientē, vt ipse caput nostrum, nos verò eius mēbra simus. Neque tamē locutionem illam simpliciter improbo: sed tantum nego plenam esse interpretationem si definire volunt quid sit Christi carnem edere. Alioqui video Augustinum hac loquēdi forma sæpius vsum esse. vt quum dicit libro De doctrina Christiana 3, Nisi manducaueritis carnem Filii hominis: figura est, præcipiens passioni Domini esse communicandum, & suauiter atque vtiliter recondendum in memoria, quòd pro nobis caro eius crucifixa & vulnerata sit. Item quum dicit, tria illa millia hominum, qui Petri concione conuersi sunt, sanguinem Christi, quem sœuendo fuderant, credendo bibisse. Verum plurimis aliis locis illud fidei beneficium egregiè commendat, quòd per ipsam non minus reficiuntur carnis Christi cōmunionem animæ nostræ quàm corpora pane quo vescuntur. Atque id ipsum est quod alibi scribit Chrysostomus, Christum non fide tantum, sed re ipsa nos suum efficere corpus. Neque enim aliunde quàm à fide tale bonum cōsequi intelligit: sed hoc tantum vult excludere, ne quis, dum fidem nominari audit, nudam imaginationem concipiat. Eos verò qui Cœnam volūt externæ solum professionis notam esse, nunc prætereo: quia satis eorum errorē refutasse mihi videor quum ageirem de sacramentis in genere. Hoc solum obferuent lectores, dum calix vocatur fœdus in sanguine, promissionem exprimi quæ ad fidem confirmandam valeat. Vnde sequitur, nisi in Deum respicimus, & amplectimur quod offert, nos sacra Cœna redè non vti.

Homil. in Io-

han. 6. & 40.

1. & 161.

1. & 161.

Monil. 60.

Luc. 22. b. 20

- 7 Neque illi præterea mihi satisfaciunt qui nonnullam nobis esse cum Christo communionem agnoscunt, eam dum ostendere volunt, nos Spiritus modò participes faciunt, præterita carnis & sanguinis mentione. Quasi verò illa omnia de nihilo dicta forent, car-

nem eius verè esse cibum, sanguinem eius verè esse potum: non habere vitam nisi qui carnem illam manducaverit, & sanguinem biberit: & quæ eodem pertinet. Quare si ultra eorum descriptionem (vt nimis restricta est) solidam Christi communionem progredi constet: quovisque pateat & sese proferat, paucis perstringere aggrediar antequam de cōtrario vitio excessus verba faciam. Erit enim mihi longior cum hyperbolicis doctoribus disputatio, qui dum pro sua crassitie absurdum edendi & bibendi modum fabricant, Christū quoque carne sua exutum in phantasma transfigurant. si tamen vllis verbis complecti tātum mysterium liceat: quod ne animo quidem satis me comprehendere video, & libenter ideo fateor, nequis eius sublimitatē infantiæ meæ modulo metiatur. Quin potius lectores hortor, ne intra istos nimium angustos fines, mentis sensum contineant: sed multo altius assurgere contendant, quàm meo ductu possint. nam ego ipse quoties hac de re sermo est, vbi omnia dicere conatus sum, parum adhuc mihi pro eius dignitate dixisse videor. Quāquam autem cogitando animus plus valet, quàm lingua exprimendo: rei tamen magnitudine ille quoque vincitur & obruitur. Itaque nihil demum restat nisi vt in eius mysteriū admirationem prorumpam, cui nec mens planè cogitando, nec lingua explicando par esse potest. Sententiæ tamen meæ summam exponam vtcunque: quam vt nihil dubito veram esse, ita piis pectoribus non improbatum iri confido.

8 Primū omnium ē Scripturis docemur, Christū ab initio viuificum illud Patris verbum fuisse, vitæ fontem & originem vnde omnia vt viuerent semper acceperunt. Quare Iohannes nunc sermonem vitæ nuncupat, nunc in ipso vitam fuisse scribit, significans illud etiam tum creaturas omnes influentem, vim spirandi ac viuendi eis instillasse. Idem tamen postea subiicit, manifestatam tunc demum fuisse vitam quum assumpta nostra carne, Filius Dei se visendum oculis, manibūque palpandum præbuit. Nam etsi virtutem prius quoque suam in creaturas diffundebat: quia tamen homo, per peccatum à Deo alienatus, communicatione vitæ perdita, mortem vndique cernebat sibi imminentem: vt spem immortalitatis reciperet, in eius verbi communionem recipi oportebat. Quantulam enim fiduciam inde concipias si Dei quidem verbum, à quo remotissimus sis, vitæ plenitudinem in se cōtinere audias, in te autem ipso ac circumquaque nihil præter mortē occurrat & ante oculos versetur? At verò vbi fons ille vitæ habitare in carnē nostra cœpit, iam non procul nobis absconditus latet, sed coram se participandum exhibet. Quin & ipsam, in qua residet, carnē viuificam nobis reddit, vt eius participatione ad immortalitatem pascamur. Ego sum (inquit) panis vitæ qui de cælo descēdi. Et panis quem ego dabo, caro mea est, quam ego dabo pro mundi vita. Quibus verbis docet, non modò se vitam esse, quatenus sermo est Dei æternus qui è cælo ad nos descendit, sed descendendo vim istam in carnem quam induit, diffudisse: vt inde ad nos vitæ communicatio promanaret. Hinc & illa iam consequuntur, Quòd caro eius verè est cibus: sanguis eius verè est potus: quibus alimentis in vitam æternam fideles educantur. In hoc ergo sita est piis eximia consolatio, quòd vitam in propria carne nunc reperiunt. Sic enim non modò facili ad eam aditu penetrant, sed vltro sibi expositam & obuiam habent. Cordis sinum tantum protendant quo præsentem amplexentur, & eam obtinebunt.

Iohan. 1. a. 1.

Iohan. 6. c. 48, & f. 58

9 Etsi autem tantam à seipsa virtutem non habet Christi caro vt nos viuificet, quæ & prima sua conditione mortalitati obnoxia fuit, & nunc immortalitate prædita per se non viuit: iure tamen viuifica dicitur quæ vitæ plenitudine perfusa est, quam ad nos transmitteret. In quem sensum illud Christi dictum cum Cyrillo interpretor, Sicut Pater vitam habet in semetipso, ita & Filio dedit vitam habere in semetipso. Illic enim propriè de suis dotibus differit, non quas ab initio apud Patrem possidebat, sed quibus ornatus fuit in ea ipsa carne in qua apparuit. proinde in sua quoque humanitate, vitæ plenitudinem habitare ostendit: vt quisquis carni suæ ac sanguini cōmunicarit, vitæ participatione simul fruatur. Id quale sit, familiari exemplo explicare licet. Quemadmodū enim è fonte aqua nunc bibitur, nunc hauritur, nunc per canales irrigandis agris deducitur: qui tamen non à seipso exuberat in tot vsus, sed ab ipsa scaturigine, quæ perēni fluxu nouam subinde largitatem illi sufficit ac subministrat: ita Christi caro instar fontis est diuitis & inexhausti, quæ vitā à diuinitate in seipsam scaturientem ad nos transfundit. Iam quis non videt, communionem carnis & sanguinis Christi necessariam esse omnibus qui ad cælestem vitam aspirent? Huc spectant illæ Apostoli sententiæ, Ecclesiam corpus esse Christi & eius complementū, ipsum verò esse caput, ex quo totum corpus coagmentatum & compactum per commissuras, incrementum corporis facit: Corpora nostra membra esse Christi. Quæ omnia non posse aliter effici intelligimus quin totus spiritu & corpore nobis adhæreat. Sed arctissimam

Iohan. 5. c. 19

Ephes. 1. c. 22 & 4. c. 15

1. Cor. 6. d. 15

Eph. 5. 8. 30

illam societatem qua eius carni copulamur, splendidiore adhuc elogio illustravit quum dixit, nos esse membra corporis eius, ex ossibus eius, & ex carne eius. Tandem ut rem omnibus verbis maiorem testetur, sermonem exclamatione finit, Magnum (inquit) istud arcanum. Extremæ ergo dementiæ fuerit, nullam agnoscere cum carne & sanguine Domini fidelium communionem: quam tantam esse declarat Apostolus, ut eam admirari quàm explicare malit.

10

Summa sit, non aliter animas nostras carne & sanguine Christi pasci, quàm panis & vinum corporalem vitam tuentur & sustinent. Neque enim aliter quadraret analogia signi, nisi alimentum suum animæ in Christo reperirent. quod fieri non potest nisi nobiscum Christus verè in vnum coalescat, nosque reficiat carnis suæ esu & sanguinis potu. Etsi autem incredibile videtur in tanta locorum distàtia penetrare ad nos Christi carnem ut nobis sit in cibum, meminerimus quantum supra sensus omnes nostros emineat arcanum Spiritus sancti virtus, & quàm stultum sit eius immensitatem modo nostro velle metiri. Quod ergo mens nostra non comprehendit, concipiat fides, Spiritum verè vnire quæ locis disiuncta sunt. Iam sacram illam carnis & sanguinis sui communicationem, qua vitam suam in nos transfundit Christus, non secus ac si in ossa & medullas penetraret, in Cœna etiam testatur, & obsignat: & quidem non obiecto inani aut vacuo signo, sed efficaciam Spiritus sui illic proferens, qua impleat quod promittit. Et sanè rem illic signatam offert & exhibet omnibus qui ad spirituale illud epulum accumbunt. quâquam à fidelibus solis cum fructu percipitur, qui tantam benignitatē vera fide animique gratitudine suscipiunt. Qua

1. Cor. 10. d. 16

ratione dixit Apostolus, Panem quem frangimus, communionem esse corporis Christi: calicem quem verbo & precibus in hoc consecramus. communionem esse sanguinis ipsius. Nec est quod obiciat quispiam, figuratam esse locutionem, qua signatæ rei nomen signo deferatur. Fateor sanè fractionem panis symbolum esse, non rem ipsam. Verùm hoc posito, à symboli tamen exhibitione rem ipsam exhiberi, ritè colligemus. Nisi enim quis fallacem vocare Deum volet, inane ab ipso symbolum proponi, nunquam dicere audeat. Itaque si per fractionem panis Dominus corporis sui participationem verè repræsentat, minimè dubium esse debet quin verè præstet atque exhibeat. Atque omnino isthæc piis tenenda regula est, ut quoties symbola videt à Domino instituta, illic rei signatæ veritatem adesse certò cogitent, ac sibi persuadeant. Quorsum enim corporis sui symbolum tibi Dominus in manum porrigat, nisi ut de vera eius participatione te certiore faciat? Quod si verum est præberi nobis signum visibile, ad obsignandam inuisibilis rei donationem: accepto corporis symbolo, non minus corpus etiam ipsum nobis dari certò confidamus.

11

Dico igitur, (quod & semper in Ecclesia receptum fuit, & hodie docent quicunque rectè sentiunt) duabus rebus constare sacrum Cœnæ mysterium: corporeis signis, quæ ob oculos proposita, res inuisibiles secundum imbecillitatis nostræ captum nobis repræsentant: & spiritali veritate, quæ per symbola ipsa figuratur simul & exhibetur. Ea qualis sit, dum familiariter demonstrare volo, tria soleo ponere: significationē, materiam quæ ex ea dependet, virtutem seu effectum qui ex utraque consequitur. Significatio in promissionibus est sita, quæ quodammodo sunt signo implicitæ. Materiam aut substantiam voco Christum cum sua morte & resurrectione. Per effectum autem, redemptionem, iustitiam, sanctificationē, vitamque æternā, & quæcunque alia nobis beneficia affert Christus, intelligo. Porro tametsi fidem hæc omnia respiciunt: nullum tamen locum relinquo huic cauillo: quasi dum fide percipi Christum dico, intelligentia duntaxat ac imaginatione velim concipi. Offerunt enim illum promissiones, non ut in aspectu modò nudæque notitia hæreamus: sed ut vera eius communicatione fruamur. Et sanè non video quomodo in cruce Christi redemptionem ac iustitiam, in eius morte vitam habere se quis confidat, nisi vera Christi ipsius communione in primis fretus. Non enim ad nos bona illa peruenirent, nisi se prius nostrum Christus faceret. Dico igitur, in Cœnæ mysterio per symbola panis & vini, Christum verè nobis exhiberi, adeoque corpus & sanguinem eius, in quibus omnem obedientiā pro comparanda nobis iustitia adimpleuit: quo scilicet primùm in vnum corpus cum ipso coalescamus: deinde participes substantiæ eius facti, in bonorum omnium cōmunicatione virtutem quoque sentiamus.

12

Iam ad hyperbolicas mixturas quas superstitio inuexit, descendo. mira enim astutia hîc lusit Satan, ut mentes hominum è cælo abstractas, peruerso errore imbueret, ac si panis elemento affixus esset Christus. Ac primò quidem præsentia Christi in sacramento minimè talis somnianda nobis est qualem Romanæ curiæ artifices confinxerunt: ac si locali præsentia, corpus Christi manibus atrectandum, atterendum dentibus, ore deglu-

tiendum sifteretur. Hanc enim palinodia formulam dictavit Berengario Nicolaus papa, quæ poenitentia testis foret: verbis scilicet eousque prodigiosis, ut glossæ author exclamet, periculum esse, nisi prudenter sibi caueant lectores, ne hæresin inde hauriât peiorem quam fuerit Berengarii, Dist. 2. c. Ego Berengarius. Petrus verò Lombardus etsi in excusanda absurditate multum laborat, magis tamen inclinat in diuersam sententiam. Siquidem ut finitum esse, pro perpetua corporis humani ratione, minimè ambigimus, cælòque contineri, quò semel receptum est, donec ad iudicium redeat: ita sub hæc corruptibilia elementa retrahere ipsum, aut ubique præsens imaginari, prorsus ducimus nefas esse. Neque id sanè opus est, quo ipsius participatione fruamur: quando hoc beneficii per Spiritum suum nobis Dominus largitur, ut vnum corpore, Spiritu, & anima, secum fiamus. Vinculum ergo istius coniunctionis est Spiritus Christi, cuius nexu copulamur: & quidam veluti canal, per quem quicquid Christus ipse & est & habet, ad nos deriuatur. Nam si solè conspicimus radius in terram emicantem, ad generandos, fouendos, vegetandos eius foetus suam quodammodo substantiam ad eam traicere: cur inferior Spiritus Christi esset irradiatio, ad communionem carnis & sanguinis eius in nos traducendam? Quapropter Scriptura, ubi de nostra cum Christo participatione loquitur, vim eius vniuersam ad spiritum refert. Pro multis tamen vnus locus sufficiet. Paulus enim ad Rom. cap. octauo, Christum non aliter in nobis quam per Spiritum suum habitare differit: quo tamen illam de qua nunc sermo est carnis & sanguinis communionem non tollit, sed ab vno Spiritu effici docet ut totum Christum possideamus & habeamus in nobis manentem.

Chryso. Sermone quodam de Spiritu sancto.

13 Verecudius Scholastici, quos tã barbaræ impietatis horror tenuit: nihil tamen ipsi quoque quam subtilioribus præstigiis ludunt. Non circumscripti uè, nec corporali modo cõtineri illic Christum concedunt. sed rationem deinde cõminiscuntur, quam nec ipsi intelligunt, nec aliis possunt explicare. quæ tamè eò recidit, ut Christus in specie panis quam vocant quærat. Quid enim? quum substantiam panis in Christum conuerti dicunt, annon affigunt albedini, quam illic reliquam faciunt? At sic continetur in sacramento ut in cælo maneat, inquiunt: nec aliam quam habitudinis præsentiam statuimus. Verùm quæcunque faciendo fuco vocabula obtendant, hic omnium finis est, per consecrationem Christum fieri qui antea panis erat: ut deinde sub illo panis colore lateat Christus. Quod etiam disertè exprimere eos non pudet. sunt enim Lombardi verba, Corpus Christi, quod in se visibile est, sub specie panis, facta cõsecratione, latere & operiri. Ita illius panis figura nihil aliud quam larua est, quæ carnis conspectum auferat oculis. Neque verò multis coniecturis opus est ut deprehendamus quas istis verbis insidias tendere voluerint, quum res ipsa clarè loquatur. Quanta enim superstitione iam seculis aliquot non tantum hominum vulgo, sed primores quoque ipsi detenti fuerint, ac hodie in Papisticis Ecclesiis detineantur, videre est. Nam de vera fide parum solliciti (qua sola & in Christi peruenimus societatem, & cum ipso coharemus, modò carnalem eius præsentiam habeant, quam ultra verbum fabricarunt, satis illum præsentem habere se putant. Proinde hoc in summa profectum videmus ista ingeniosa subtilitate, ut panis pro Deo haberetur.

Lib. 4. Dist. 2.

14 Hinc prodiit ficitia illa trãssubstantiatio, pro qua hodie acrius depugnât quam pro omnibus aliis fidei suæ capitibus. Neque enim se expedire primi localis præsentia architecti poterant quomodo Christi corpus panis substantia permixtus foret, quin protinus occurrerent multa absurda. Ergo ad hoc figmētum confugere necesse fuit, fieri cõuersionem panis in corpus: non quòd propriè ex pane corpus fiat, sed quia Christus, ut sub figura se occultet, substantiam in nihilum redigit. Mirum autem est eò inscitia imò stuporis fuisse prolapsos, ut non solum repugnante Scriptura, sed etiam veteris Ecclesiæ consensu, monstrum illud in medium proferrent. Fateor quidem nonnullos veterum conuersionis voce interdum fuisse vsos: non quòd abolere vellent in externis signis substantiam, sed ut docerent panem mysterio dicatum longè à vulgari distare, ac iam aliud esse. Ubique autem clarè prædicant omnes sacram Cœnam duabus partibus cõstare, terrena & cælesti: ac terrenam sine controuersia interpretantur panem & vinum. Certè quicquid garriant, vetustatis patrociniò, quod euidenti Dei verbo sæpe opponere audent, in confirmando isto dogmate destitui palam est. nec enim ita pridem excogitatum fuit, ignoratum quidem non melioribus illis sæculis modò, quibus purior adhuc vigeat religionis doctrina: sed quum iam admodum inquinata esset illa puritas. Nemo est veterum qui sacra Cœnæ symbola non fateatur disertis verbis panem & vinum esse: etsi, ut dictum est, variis epithetis illa interdum insigniunt, ad cõmendandam mysterii dignitatem. Nam quod dicunt, in cõsecratione fieri arcanam conuersionem, ut iam aliud sit quam panis & vinum, nuper admonui eo non

significare in nihilum ipsa redigi, sed iam alio loco habenda esse quàm communes cibos, qui duntaxat ad pascendum ventrē sunt destinati: quum in iis nobis exhibeatur spirituales animæ cibus ac potus. Id neque nos negamus. Si conuersio est, inquit ista, necesse est aliud ex alio fieri. Si intelligunt, fieri aliquid quod prius non erat, assentior. Si ad suam illam imaginationem trahere volunt, respondeant mihi quam mutationem fieri sentiant in Baptismo. Nam Patres hīc quoque mirificam conuersionem statuunt, quum dicunt ex corruptibili elemento fieri spirituale animæ lauacrum, aquam tamen manere nemo negat. At nihil, inquit, tale in Baptismo habetur quale illud est in Cœna, Hoc est corpus meum. Quasi de verbis illis agatur, quæ satis expeditum sensum habent: ac non potius de illa voce conuersionis, quæ nihil amplius in Cœna significare debet quàm in Baptismo. Valeant igitur cum istis syllabarum aucupis quibus nihil aliud quàm suam ieiunitatem produnt. Nec verò significatio aliter quadraret, nisi veritas quæ illic figuratur, viuat effigiem haberet in externo signo. Voluit Christus externo symbolo testari, carnem suam esse cibum, si inane duntaxat panis spectrum, non panem verum proponeret, vbi analogia, vel similitudo, quæ deducere nos à re visibili ad inuisibilem debet: Nam vt omnia inter se cōueniant, non longius se extendet significatio quàm nos specie carnis Christi pasci. Quemadmodum si in Baptismo figura aquæ oculos falleret, nobis certū nō esset ablu-tionis nostræ pignus: imò fallaci illo spectaculo vacillandi nobis occasio daretur. Euertitur ergo sacramenti natura nisi in modo significandi terrenum signum rei cælesti respondeat. Ac proinde perit nobis mysterii huius veritas nisi verus panis verum Christi corpus repræsentet. Iterum repeto, Quum Cœna nihil aliud sit quàm cōspicua eius promissionis testificatio quæ Ioannis sexto habetur, nempe Christum esse panem vitæ qui cælo descendit: panem visibilem intercedere oportet quo spiritualis ille figuretur: nisi nobis perire volumus omnem fructum quem in hac parte sustinēdæ nostræ imbecillitati Deus indulget. Iam qua ratione colligeret Paulus, nos omnes panem vnum ac corpus vnum esse qui panem vnum simul participamus, si spectrum panis duntaxat, ac non potius naturalis veritas maneret?

1. Cor. 10. d. 17

53 Nec verò Satanae præstigiis tam fœdè vnquam delusi fuissent, nisi quia iam fascinati erant illo errore, corpus Christi sub pane inclusum ore corporeo in ventrem transmitti. Tam brutæ imaginationis causa fuit, quod consecratio tantundē apud eos valebat ac magica incantatio. Principium autem illud eos latebat, panem non nisi hominibus ad quos dirigitur sermo, esse sacramentum: sicuti aqua Baptismi in se non mutatur, sed nobis esse incipit quod prius non erat simulatque annexa est promissio. Exemplo similis sacramenti hoc melius liquebit. Aqua ē rupe profluens in deserto eiusdem rei tessera & signum erat Patribus, quam nobis figurat vinum in Cœna. Docet enim Paulus, eundem potum spirituales eos bibisse. Atqui iumentis populi & pecori cōmunis erat aquatio. Vnde facile colligitur, in elementis terrenis, dum ad spirituales vsum adhibentur, non aliam fieri conuersionem quàm hominum respectu, quatenus illis promissionū sunt sigilla. Adhæc quum Dei consilium sit, vt iam sapius inculco, nos commodis vehiculis sursum ad se tollere, illud impiè sua peruicacia frustrantur qui ad Christum quidem nos vocāt, sed sub pane inuisibiliter latentem. Neque enim fieri potest vt mens hominum, à locorum immensitate se expediens, ad Christum vsque supra cælos penetret. Quod illis negabat natura, magis noxio pharmaco corrigere tentarunt: vt manendo in terris, nulla cælesti Christi propinquitate cœamus. En necessitas quæ ipsos adiecit ad transfigurandum Christi corpus. Bernardi quidem ætate, etsi durior inualuerat loquendi ratio, transsubstantiatio tamen nondum agnita erat. Ac omnibus retro seculis similitudo illa in ore omnium volitabat, pani & vino rem spirituales coniunctas esse in hoc mysterio. De vocibus acutè, vt sibi videtur, respondent, sed nihil afferendo causæ præsentis consentaneum. Virga (inquit) Moyses in serpentem conuersa, quanuis ascescat nomen serpentis, pristinum tamen retinet, virgæque dicitur. Ita secundum eos æquè probabile est, quanuis in nouam substantiam transeat panis, *κατὰ φύσιν*, sed tamen non ineptè vocari quod apparet oculis. Sed quid simile aut vicinum reperiunt inter illustre miraculum & ficticiam eorum illusionem cuius nullus in terra oculus testis est: Præstigiis luserant magi, vt Aegyptiis persuasum esset, diuina virtute ad mutandas creaturas supra naturæ ordinē pollere. Prodit Moyses, ac profligatis eorum fallaciis, insuperabilē Dei potentiam à sua parte stare ostendit: quia vna eius virga omnes reliquas absunit. Sed quia ocularis fuit illa conuersio, nihil ad præsentem causam, vt diximus: & exiguò pōst tempore visibiliter rediit virga ad suam formam. Adde quod nescitur substantiæne fuerit illa extemporalis conuersio. Spectanda etiam est allusio ad virgas

1. Cor. 10. d. 17. b. 6

1. Cor. 10. d. 17. a. 4

1. Cor. 4. a. 3,

7. b. 10

1. Cor. 12.

magorum: quas ideo colubros dicere noluit Propheta, ne videretur innuere conuersionem quæ nulla erat: quia præstigiatores illi nihil aliud quàm tenebras spectantium oculis offerant. Quid autem cum eo simile habet istæ locutiones, Panis quem frangimus, Quoties ederitis panem hunc, Cõmunicabāt in fractione panis, & alia eiusmodi? Incantatione quidē magorū oculos tantum fuisse deceptos certum est. Quod ad Moſen, magis ambigua res est, per cuius manum Deo nihilo magis difficile fuit ex virga facere serpentem, & rursus virgam ex serpente quàm induere Angelos carnis corporibus, & paulo poſt exuere. Si eadem vel affinis eſſet huius myſterii ratio, eſſet aliquis color eorum ſolutioni. Hoc igitur fixum maneat, non verè nec aptè promitti nobis in Cœna carnem Chriſti verè eſſe in cibū, niſi vera externi ſymboli ſubſtantia reſpondeat. Atque (vt error vnus ex alio naſcitur) locus Ieremiæ tam infulſe detortus eſt ad probandam tranſubſtantiationem vt referre pigeat. Conqueritur Propheta lignum poſitū in pane ſuo: ſignificans hoſtium ſauitia panem ſuum inſectum eſſe amaritudine. Quemadmodū Dauid ſimili figura cibum ſuum fuiſſe felle corruptū, & potū aceto deplorat. Iſti allegoricè corpus Chriſti ligno crucis fuiſſe fixum volunt. At ita ſenſerunt nonnulli veterum. Quasi verò non magis ignoſcendū ſit eorum inſcitia, & ſepeliendum dedecus, quàm addenda impudentia, vt cogātur cum genuino Propheta ſenſu hoſtiliter adhuc conſligere.

16 Alii qui vident non poſſe analogiam ſigni & rei ſignatæ conuelli quin myſterii veritas concidat, fatentur panem Cœnæ verè ſubſtantiā eſſe terreni & corruptibilis elementi, nec quicquam in ſe pati mutationis, ſed ſub ſe habere incluſum Chriſti corpus. Si ita ſenſum ſuum explicarēt, dum panis in myſterio porrigitur, annexam eſſe exhibitionem corporis, quia inſeparabilis eſt à ſigno ſuo veritas: non valde pugnarem. Sed quia in pane corpus ipſum locantes, vbiquitatē illi affingunt naturæ ſuæ contrariam, addendo autem Sub pane, illic occultum latere volunt: tales aſtutias è ſuis latebris pauliſper extrahere neceſſe eſt. Neque enim adhuc ex profeſſo totam hanc cauſam abſoluere in animo eſt: ſed tantum vt diſputationis, quæ mox ſuo loco ſequetur, fundamenta iaciam. Volunt ergo Chriſti corpus inuiſibile eſſe & immēſum, vt ſub pane lateat: quia ſe cum eo communicare aliter non putant quàm ſi in panem deſcendat: modum verò deſcenſus, quo nos ad ſe ſurſum euehit, non comprehendunt. Obtendunt quoscuque poſſunt colores: ſed vbi omnia dixerunt, ſatis apparet locali Chriſti præſentiæ inſiſtere. Vnde id: nempe quia non aliam carnis & ſanguinis participationem concipere ſuſtinent niſi quæ vel loci coniunctione atque cōtactu, vel craſſa aliqua incluſione conſtet.

17 Ac quo errorem ſemel temere ſuſceptum obſtinatè tueantur, non dubitant aliqui ex ipſis iactare, non alias vnquam dimensiones habuiſſe Chriſti carnem niſi quàm longè lateque cælum & terra patent. Quod autē puer ex vtero natus ſit, quod creuerit, quod in cruce expanſus, quod ſepulchro incluſus, id diſpenſatione quadam factū, vt naſcendi, moriendi, cæteriſque humanis officiis deſungeretur. quod ſolita corporis ſpecie poſt reſurrectionem conſpectus fuerit, quod in cælum aſſumptus, quod poſtremò etiam poſt aſcenſionem Stephano & Paulo viſus: eadem id diſpenſatione factum, vt regem in cælo conſtitutum hominum aſpectui pateret. Quid hoc eſt niſi Marcionem ex inferis excitare? Nemo enim dubitet, corpus Chriſti phantaſma vel phantaſticum fuiſſe, ſi ea conditione fuit. Alii paulò argutius elabuntur, Corpus hoc quod in ſacramento datur, glorioſum eſſe & immortale. itaque nihil eſſe abſurdi ſi pluribus in locis, ſi nullo loco, ſi nulla forma, ſub ſacramēto cōtinetur. Sed quæro, Quale dabat diſcipulis Chriſtus pridie quàm pateretur: an non verba ſonant, mortale illud quod paulo poſt tradendum erat dediſſe? Iam antè, inquiunt, ſuam gloriam tribus diſcipulis in monte conſpiciendam præbuerat. Verum id quidem, ſed ea claritate guſtum immortalitatis ad horam præbere illis voluit. Interea non reperient illic duplex corpus, ſed vnum illud, quod Chriſtus geſtabat, noua gloria ornatum. Quum verò corpus ſuum in prima Cœna diſtribueret, imminebat iam hora qua à Deo percuffus & humiliatus, ſine decore vt leproſus iaceret: tantum abeſt vt tunc gloriam reſurrectionis proferre vellet. Et hinc quāta Marcioni fenestra aperitur ſi Chriſti corpus vno in loco mortale & humile videbatur, in alio immortale & glorioſum tenebatur: Quanquam ſi valeat eorum opinio, idem quotidie accidit: quia fateri cogūtur corpus Chriſti in ſe viſibile inuiſibiliter latere ſub panis ſymbolo. Et tamen qui eiſmodi portenta euomūt, ad eò eos non pudet ſui dedecoris, vt nos vltro atrocibus conuiitiis impetant quia non ſubſcribimus.

18 Age, ſi corpus & ſanguinem Domini, panis ac vino affigere libet: alterum ab altero neceſſariò diuelleretur. Nam vt panis ſeorſum à calice porrigitur, ita corpus panis vnitum, à ſanguine in calicem incluſo, diuiſum eſſe oportebit. Quum enim corpus in pane, ſanguis

1. Cor.
& 11.
Act.

Act. 1. a. 3, & b
9, & 7. 8. 55,
& 9. a. 3

Matth. 17. a. 2

Ieſa. 53. a. 4

nem in calice esse affirmant, panis autem & vinum locorum spatiis inter se distent: nulla terguersatione elabi possint quin à sanguine corpus sit secernendum. Quod autem obtēdere solent, per concomitantiam (vt fingunt) in corpore esse sanguinem, & in sanguine vicissim corpus, nimis sanè friuolum est: quum symbola, quibus includuntur, ita distincta sint. Ceterum si oculis animisq̃ue in cælum euehimur, vt Christum illic in regni sui gloria quæramus: quemadmodum symbola nos ad eum integrū inuitant, ita sub panis symbolo pascemur eius corpore, sub vini symbolo distindē eius sanguine potabimur: vt demum toto ipso perfruamur. Nam tamen carnem suam à nobis sustulit, & corpore in cælum ascēdit, ad dexteram tamen Patris sedet: hoc est, in potentia & maiestate & gloria Patris regnat. Hoc regnum nec vllis locorum spatiis limitatum, nec vllis dimensionibus circumscriptum, quin Christus virtutem suam, vbicunque placuerit, in cælo & in terra exercat: quin se præsentem potentia & virtute exhibeat: quin suis semper adsit, vitam ipsis suam inspirans, in iis viuat, eos sustineat, confirmet, vegetet, conseruet incolumes, non secus ac si corpore adesset: quin denique suo ipsius corpore eos pascat, cuius communionem Spiritus sui virtute in eos transfundit. Secundum hanc rationem, corpus & sanguis Christi in sacramento nobis exhibetur.

19

Nos verò talem Christi præsentiam in Cœna statuere oportet quæ nec panis elemento ipsum affigat, nec in panem includat, nec vlllo modo circūscribat (quæ omnia derogare cælesti eius gloriæ palàm est) deinde quæ nec mensuram illi suam auferat, vel pluribus simul locis dittrahat, vel immēsam illi magnitudinem affingat, quæ per cælum & terram diffundatur. hæc enim naturæ humanæ veritati non obscure repugnant. Istas, inquā, duas exceptiones nunquā patiamur nobis eripi. Nequid cælesti Christi gloriæ derogetur: quod fit dum sub corruptibilia huius mūdi elementa reducitur, vel alligatur vllis terrenis creaturis. Nequid eius corpori affingatur humanæ naturæ minus consentaneū: quod fit dum vel infinitum esse dicitur, vel in pluribus simul locis ponitur. Ceterum his absurditatibus sublatis, quicquid ad exprimēdam verā substantialēque corporis ac sanguinis Domini communicationem, quæ sub sacris Cœnæ symbolis fidelibus exhibetur, facere potest, libenter recipio: atque ita vt nō imaginatione duntaxat aut mentis intelligentia percipere, sed vt re ipsa frui in alimentum vitæ æternæ intelligantur. Cur tam odiosa mundo sit hæc sententia & tam iniquis multorum iudiciis præripiatur eius defensio, nihil causæ est, nisi quòd horribili fascino Satan dementauit eorum mentes. Certè quod docemus, Scripturis optimè per omnia conuenit: nihil cōtinet vel absurdi, vel obscuri, vel ambigui: à vera pietate & solida ædificatione non abhorret: nihil denique in se habet quod offendant, nisi quòd seculis aliquot, quum in Ecclesia regnaret illa Sophistarum inscitia & barbaries, indignè oppressa fuit tam perspicua lux & exposita veritas. Quia tamen Satan per turbulentos spiritus hodie quoque molitur quibuscūque potest calumniis & probis fœdare, nec in vllam aliam rem maiori conatu incumbit: accuratius eam tueri & asserere operæpretium est.

20

Porro antequā vltrà progredimur, tractanda est ipsa Christi institutio: præsertim quia aduersariis hæc maximè plausibilis est obiectio, nos discedere à Christi verbis. Ergo vt falsa inuidia, qua nos grauāt, leuemur, aptissimum exordium erit à verborum interpretatione. Narrant tres Euangelistæ, & Paulus, Christum accepisse panem, fregisse gratis actis, dedisse suis discipulis, ac dixisse, Accipite, comedite: hoc est corpus meum quod pro vobis traditur, vel trāngitur. De calice ita Matthæus & Marcus, Hic calix est sanguis Noui testamenti, qui pro multis fundetur in remissionē peccatorū. Paulus verò & Lucas, Hic calix nouum testamentum est in meo sanguine. Trāsubstantiationis patroni per pronomen *hoc* speciem panis notari volunt: quia toto complexu orationis peragitur consecratio, & nulla est substantia quæ demonstrari queat. Atqui si eos tenet verborum religio, quia Christus quod in manum porrigebat discipulis, corpus suum esse testatus est: ab eorū sanè proprietate alienissimum est istud commentum, quod fuit panis, iam esse corpus. Quod in manus sumptum Apostolis præbet Christus, corpus suum asseuerat. sumpserat verò panem, quis ergo non intelligat, panem etiamnum ostendi: ac proinde nihil absurdius quàm ad speciem transferre quod de pane prædicatur. Alii, dum particulā *est* pro trāsubstantiari positam interpretantur, ad glossam suffugiunt magis coactam & violenter detortam. Ideoque non est cur se verborū reuerentia moueri obtendant. Est enim hoc gentibus ac linguis omnibus inauditum, vt verbum *est* in hūc sensum vsurpetur, nempe pro conuerti in aliud. Quantum ad eos spectat qui panem in Cœna relinquunt, & affirmant esse Christi corpus, multa illis est inter se varietas. Qui modestius loquuntur, quanquam præcisè vrgent litteram, Hoc est corpus meum, postea tamen deflectunt à rigore: ac tantundem valere dicunt atque corpus Christi esse cum pane, in pane, & sub pane. De re ipsa, quam affirmant, ali-

Matt. 26. c. 26
marc. 14. c. 22
luc. 22. b. 17. 19
1. cor. 11. c. 14

quid iam attigimus, & mox plura adhuc dicenda erunt. nunc tantum de verbis disputo, quibus se constringi dicunt ne admittant panem vocari corpus, quia signum sit corporis. Atqui si tropum omnē refugiunt, cur à simplici Christi demonstratione trāsiliunt ad suas loquutiones longē diuersas? multū enim differunt, panē esse corpus, & corpus esse cū pane. Sed quia videbat fieri nō posse vt simplex hæc propositio staret, panē esse corpus: per illas loquendi formas, quasi per obliquos flexus, elabi tentarūt. Alii verò audaciores, asserere non dubitant, propriē loquendo, panem esse corpus: atque hoc modò verē se literales esse probant. Si obicitur, panem igitur esse Christum & esse Deum: negabunt id quidē, quia verbis Christi expressum non est. Sed nihil proficient negando: quando omnes consentiunt totum Christum nobis offerri in Cœna. Intolerabilis autem blasphemia est, sine figura prædicari de elemento caduco & corruptibili, quòd sit Christus. Quæro iam ex ipsis idēne valeant duæ istæ propositiones, Christus est Filius Dei, & Panis est Christi corpus. Si diuersas esse concedāt (quod ab inuitis extorquebitur) respondeant vnde differentia. Non aliam, arbitror, adducunt, nisi quòd sacramentali modo panis vocatur corpus. Vnde sequitur, Christi verba non subiici communi regulæ, nec debere ad grāmaticam exigi. Ex omnibus etiam morosis & præfractis literæ exactoribus quæro, vbi Lucas & Paulus calicem dicunt testamentum in sanguine, annon idem exprimant quod priore membro, vbi panem nomināt corpus. Eadem certē religio fuit in vna parte mysterii, quæ in altera: & quia obscura est breuitas, sensum melius elucidat longior sermo. Quoties ergo ex verbo vno cōtendent, panem esse corpus: ego ex pluribus verbis commodam interpretationem afferam esse testamentum in corpore. Quid enim? an quærendus erit interpretes Paulo & Luca fidelior aut certior? Neque tamen huc tendo, vt quicquam delibem de eā quam confessus sum corporis Christi communicatione: stultam modò peruicaciam, qua tam hostiliter litigāt de verbis, refellere propositum est. Panem, authoribus Paulo & Luca, corpus Christi esse intelligo: quia fœdus est in corpore. Quod si impugnant, non mecum, sed cum Spiritu Dei certamen illis est. Vtcunque verborum Christi reuerentia tangi se quiritentur, quominus figuratē intelligere ausint quæ sunt apertē dicta: non est tamen hic satis iustus prætextus cur omnes quas contrā obiciamus rationes ita respuant. Interea quale sit istud, In Christi corpore & sanguine testamētum, vt iam admonui, tenere conuenit: quia non aliter prodesset nobis fœdus sacrificio mortis sancitum, nisi accederet arcana illa communicatio qua in vnum cum Christo coalescimus.

21. Restat igitur vt propter affinitatem quam habent cum suis symbolis res signatæ, nomen ipsū rei fateamur attributum fuisse symbolo: figuratē id quidem, sed nō sine aptissima analogia. Allegorias & parabolas omitto, nequis subterfugia me querere, & extra præsentem causam egredi causetur. Dico metonymicum esse hunc sermonem, qui vñtutus est passim in Scriptura, vbi de mysteriis agitur. Neque enim aliter accipere possis quod dicitur, Circumcisionem esse fœdus, agnum esse transitum, sacrificia Legis esse expiationes: denique petram, ex qua in deserto aqua profluebat, fuisse Christum, nisi translaticie dictum accipias. Nec modò à superiore ad inferius nomen transfertur: sed contrā, etiam rei signatæ tribuitur nomen signi visibilis: vt quum dicitur Deus apparuisse Moysi in rubo: arca fœderis vocatur Deus, & Dei facies: & columba, Spiritus sanctus. Nam etsi essentia symbolum à re signata differt, quòd hæc spiritualis est & cælestis, illud corporeum & visibile: quia tamē rem cui repræsentandæ consecratum est, non figurat tantum ceu nuda & inanis tessera: sed verē etiam exhibet: cur nō eius appellatio in ipsū iure competat? Quòd si humanitus excogitata symbola, quæ imagines sunt rerū absentiū potius quā notæ præsentium, quas etiā iptas fallaciter sæpissimē adumbrant, earum tamen titulis interdum ornantur: quæ à Deo sunt instituta, multo maiori ratione rerum nomina mutuuntur quarum & certam minimeque fallacem significationem semper gerunt, & adiunctam habent secum veritatem. Tanta igitur est similitudo & vicinitas alterius ad alterum, vt procliuius vltro citroque sit deductio. Desināt itaque aduersarii insulas facietias in nos congerere, Tropistas vocando: quādo ex cōmuni Scripturæ vsu sacramentalem loquēdi modum exponimus. Nam cum in multis sacramenta simul conueniunt, tum in hac metonymia quædam est ipsis omnibus inter se communitas. Vt ergo lapidem, è quo Israelitis spiritualis potus scaturiebat, Christum fuisse Apostolus docet, quòd visibile symbolum foret sub quo spiritualis ille potus verē quidem, sed non ad oculum percipiebatur: ita corpus Christi panis hodie nuncupatur, quando symbolum est quo veram corporis sui manducationem offert nobis Dominus. Neque aliter vel sensit vel loquutus est Augustinus: nequis hoc aspernetur tanquam nouum commentum. Si sacramenta (inquit) quædam similitudinem earum rerum quarum sacramenta sunt, non haberent, vtique sacramenta non essent. Ex hæc autem similitudo

Luc. 22. b. 20

1. cor. 11. f. 29

Exod. 17. b. 6

Exod. 3. a. 2

Psal. 54. b. 8

& 42. a. 3

Matth. 3. d. 16

1. Cor. 10. a. 4

Epist. 23. ad Bonif.

dine plerunque etiam ipsarum rerum nomina accipiunt. Sicut ergo secundum quendam modum sacramentum corporis Christi, corpus Christi est: sacramentum sanguinis Christi, sanguis Christi est: ita sacramentum fidei, fides est. Multi sunt apud eum similes loci, quos superuacuum foret congerere, quum vnus ille sufficiat: nisi quòd monendi sunt lectores idem à sancto viro tradi in Epistola ad Euodium. Friuola autem tergiuersatio est, vbi docet Augustinus frequentem ac tritam esse metonymiam in mysteriis, non fieri mentionem Cœnæ, quia hoc recepto, ratiocinari à genere ad speciem non liceret, nec valeret argumentum, Omne animal motu prædeditum est, ergo bos & equus motu prædeditus est. Quanquam longior disceptatio alibi eiusdem sancti verbis dirimitur, vbi dicit Christum non dubitasse vocare corpus suum quum signum daret corporis sui: contra Adimantum Manichæum cap. 12. Et alibi in Psal. 3, Miranda (inquit) Christi patientia, quòd Iudam adhibuit ad conuiuium, in quo corporis & sanguinis sui figuram discipulis commendauit & tradidit.

- 22 Siquis tamen morosus, ad alia omnia cæcutiens, huic tantum verbo insistat, **H O C E S T**, quasi mysterium hoc ab omnibus aliis separet, facilis solutio est. Verbi substantiui tantam esse emphasim dicunt, vt nullum schema admittat. Quod si illis concedimus, nempe in verbis Pauli substantiuum verbum legitur, vbi panem vocat *κοινωνίαν* corporis Christi. Aliud autem est communicatio quam corpus ipsum. Imò fere vbi de sacramentis agitur, idem verbum occurrit. Hoc erit vobis fœdus mecum. Agnus hic erit vobis Pesach. Ne plura, quum dicit Paulus petram fuisse Christum, cur illis minus emphaticum est eo loco substantiuum verbum quam in Christi sermone? Respõdeant etiam, vbi dicit Iohannes, Nòdum erat Spiritus sanctus, quia Iesus nondum erat glorificatus: quid valeat substantiuum verbum. Nam si regulæ suæ affixi manent, abolebitur æterna Spiritus essentia, quasi initium acceperit à Christi ascensione. Respondeant demum quid significet illud Pauli, Baptismum esse lauacrum regenerationis & renouationis: quem constat multis esse inutile. Sed nihil ad eos refellendos validius est quam illud Pauli, Ecclesiam esse Christum. Nam similitudine corporis humani adducta subnectit, Sic est Christus, vbi nò intelligit vnigenitum Dei Filium in se, sed in membris. His iam me adeptum esse arbitror, vt sanis & integris hominibus fœteat hostium nostrorum calumniæ, dum spargunt, fidem nos abrogare Christi verbis: quæ nos non minus obedienter amplectimur quam ipsi, & maiori religione expèdimus. Imò supina eorum securitas indicio est non magnopere eos curare quid voluerit Christus, modò clypeum illis suppeditet ad tuendam obstinationem: sicuti nostra disquisitio testis esse debet quanti sit nobis Christi authoritas. Odiose iactant, humanum sensum nobis ob stare quominus credamus quod Christus sacro suo ore protulit: sed quam improbè hanc ignominiam nobis inurant, magna ex parte iam planum feci, & clarius deinde liquefcet. Nihil ergo nos impedit quominus loquenti Christo credamus, & simulac hoc vel illud annuerit, acquiescamus. Tantum hoc agitur, an nefas sit de genuino sensu sciscitari.

- 23 Vetant boni isti magistri, vt literati appareant, vel tantillum à litera discedere. Ego contra, vbi Scriptura Deum nominat virum bellicosum: quia sine translatione nimis alperam locutionem fore video, non dubito sumptam esse ab hominibus comparisonem. Et sanè non alio prætextu molesti olim fuerunt orthodoxis Patribus Anthropomorphitæ, nisi quòd vocibus illis mordicus arreptis, Oculi Dei vident, Ascendit ad eius aures, Manus eius extenta, Terra scabellum pedum eius: clamitabant eripi Deo corpus suum quod ei Scriptura assignat. Hac lege recepta, immanis barbaries totam fidei lucem obruet. Quæ enim absurditatum monstra fanaticis hominibus elicere non licebit, si illis permittitur singulos apices stabiliendis suis placitis obicere? Quod obiciunt, non esse verisimile, quum Christus Apostolis singulare pararet in rebus aduersis solatium, æigmaticè loquutum esse vel obscurè, pro nobis facit. Nisi enim Apostolis venisset in mentem panem vocari figuratè corpus, quia symbolum esset corporis, turbati haud dubiè fuissent re tam prodigiosa. Eodem ferè momèto narrat Iohannes in minimis quibusque difficultatibus perplexos hæsisse. Qui secum disceptant quomodo iturus sit Christus ad Patrem, & questionem mouent quomodo abiturus sit è mundo: qui de Patre cælesti nihil eorum quæ dicuntur intelligunt, donec cum viderint: quomodo tam faciles fuissent ad credendum quod repudiat omnis ratio, Christum discumbere in mensa sub conspectu suo, & inuisibilem includi sub pane? Quòd ergo panem sine dubitatione edendo, consensum suum testantur, hinc apparet eodem quo nos sensu accepisse Christi verba. quia illis occurrit quod in mysteriis non debet videri insolens, nomen rei signatæ signo transcribi. Certa igitur & dilucida fuit discipulis cõsolatio, vt nobis est, nullo ængmate implicita. nec aliud causæ est cur à nostra interpretatione qui-

1. Cor. 10. d. 16

Gen. 17. b. 13

Exod. 12. g. 43

1. Cor. 10. a. 4

Iohan. 7. f. 39

Tit. 3. a. 5

1. Cor. 12. b. 13

Iohan. 14. a. 5.

3. & 16. b. 17

dam resiliant, nisi quòd eos excœcavit Diaboli incātatio, nempe vt anigmatū tenebras sibi fingant vbi obuia est cōcinnā figuræ interpretatio. Præterea si in verbis præcisè instituitur, perperam aliud seorsum de pane prædicaret Christus quàm de calice. Panē vocat corpus, vinū vocat sanguinē: aut cōtusa erit battologia, aut erit partitio quæ corpus à sanguine diuidat. Imò tam verè dicitur de calice, Hoc est corpus meū, quàm de pane ipso: & prædicari vicissim poterit, panē esse sanguinē. Si respondeant, spectandum esse in quem finem vel vsum instituta sint symbola: fateor id quidem. sed interea minimè se expediēt quin eorum error absurdum hoc secum trahat, Panem esse sanguinem, & vinum corpus. Iam quid hoc sibi velit, nescio, quum res diuersas esse concedant panē & corpus, asserere tamen alterum de altero propriè & sine figura prædicari: ac si quis diceret vestem quidem diuersam esse ab homine, & tamen propriè vocari hominem. Interea quasi in pertinacia & cōiitiis victoria illis sita esset, Christum accusari mendacii dicunt, si quæritur verborū interpretatio. Iam lētoribus iudicare promptum erit quàm iniustam nobis iniuriam faciāt isti syllabarum aucupes, dum simplices imbuunt hac opinione, fidē nos detrahare Christi verbis, quæ furiose ab illis perueriti ac cōfundi, à nobis autē fideliter ac dextrè explicari demonstrauimus.

24

Sed non potest huius mēdacii infamia penitus abstergi nisi diluto altero crimine. nos enim rationi humanæ ita addictos esse iactant, vt nihilo plus tribuamus Dei potentix quā naturæ ordo patitur, & dicat communis sensus. A tam improbis calumniis prouoco ad ipsam doctrinam quam tradidi: quæ satis dilucidè ostendit, me hoc mysterium minimè rationis humanæ modo metiri, vel naturæ legibus subiicere. Obsecro, an ex physis didicimus, Christum perinde animas nostras è cælo pascere carne sua atque corpora pane & vino aluntur: vnde hæc carni virtus vt animas viuificet? Naturaliter non fieri omnes dicēti. Humanæ rationi nihilo magis placebit penetrare ad nos Christi carnem, vt nobis sit alimentum. Denique quisquis doctrinam nostram gustauerit, rapietur in admirationem arcanae Dei potentix. Isti autem boni eius zelotæ miraculum sibi fabricant, quo sublato euanesceat Deus ipse cū sua potentia. Lētores iterū admonitos cupio vt quid terat nostra doctrina diligenter æstiment, pendēatne à sensu communi, an verò fidei alis, superato mundo, transcendat in caelos. Dicimus Christū tam externo symbolo quàm Spiritu suo ad nos descendere, vt verè substantia carnis suæ & sanguinis sui animas nostras viuificet. In his paucis verbis qui non sentit multa subesse miracula, plusquam stupidus est: quando nihil magis præter naturam, quàm vt vitam spiritualem & cælestē animæ mutuentur à carne quæ originem suam è terra accepit, & quæ morti fuit subiecta. nihil magis incredibile quàm res toto cæli & terræ spatio distitas ac remotas, in tanta locorum distantia non solum cōiungi, sed vniri, vt alimentum percipiant animæ ex carne Christi. Desinant ergo præposterè homines inuidiā putida calumnia nobis facere, ac si de immensa Dei potentia malignè aliquid restringeremus. Ipsi enim vel nimis stultè errant, vel improbè mentiuntur. Non enim hic quaratur quid Deus potuerit, sed quid voluerit. Affirmamus autem id factum esse quod illi placitum erat. Placuit autem Christum fratribus per omnia similem fieri, excepto peccato. Qualis est nostra caro: nonne quæ certa sua dimensione constat, quæ loco cōtineatur, quæ tangitur, quæ videtur: Et cur (inquiunt) non faciat Deus vt caro eadem plura diuersaque loca occupet, vt nullo loco contineatur, vt modo & specie careat? Insane, quid à Dei potentia postulas vt carnem faciat simul esse & non esse carnem? Perinde ac si instes vt lucem faciat simul esse lucem & tenebras. At lucem vult esse lucem: tenebras, tenebras: carnem, carnem. Conuertet quidem quum volet tenebras in lucem, & lucem in tenebras: sed quum exis vt lux & tenebræ non differant, quid aliud quàm ordinem sapientix Dei perueritis? Carnem igitur carnem esse oportet: spiritum, spiritū: vnumquodque quæ à Deo lege & conditione creatum est. Ea verò est carnis conditio vt vno certoque loco, vt sua dimensione, vt sua forma constet. Ea conditione carnem induit Christus, cui, teste Augustino, incorruptionem quidem & gloriam dedit, naturam & veritatem non abstulit.

Hebr. 4. d. 13

Epist. ad Dat. danum.

25

Excipiunt, se verbum habere quo palam facta est Dei voluntas: nempe si illis cōceditur, donū interpretationis ex Ecclesia profligare quod lucem verbo afferat. Fateor illos habere verbum: sed quale olim Anthropomorphitæ, quū Deum corporeū facerēt: quale Marcion & Manichæi, quum fingerēt Christi corpus vel cæleste, vel phantasticū. Citabant enim testimonia, Primus Adam è terra terrestris, secundus Adam è cælo cælestis. Item, Christus seipsum exinaniuit forma serui accepta, & similitudine repertus vt homo. Verum crassi comestores nullam Dei potentiam esse existimant, nisi monstro in cerebris suis fabricato euertatur totus ordo naturæ. quod potius est Deum circumscribere, vbi figmentis nostris appetimus experiri quid possit. Ex quo enim verbo sumpserunt, corpus Christi in cælo vt-

1. Cor. 15. f. 49
Philip. 2. a. 7

sibile esse, latere autē inuisibile in terra sub innumeris panis frustulis: Dicent necessitatem hoc flagitare, vt Christi corpus detur in Cœna. Nempe quia carnalē esum ex Christi verbis elicere libuit, suo ipsorum præiudicio abrepti, necesse habuerunt argutiam hanc excudere, cui reclamat tota Scriptura. Quicquā verò à nobis imminui de potentia Dei, vsque eo falsum est vt nostra doctrina apprime magnificū sit eius elogium. Sed quia semper nos insimulant, fraudari Deum suo honore, dum respicimus quod secundum cōmunem sensum difficile est creditu, licet ore Christi promissum fuerit: iterum respondeo quod nuper, nos in fidei mysteriis sensum communem non consulere, sed placida docilitate & spiritu mansuetudinis, quem commendat Iacobus, suscipere profectam ē cælo doctrinam. Sed in quo ipsi perniciosē errant, nos vtilem moderationem sequi non diffiteor. Illi auditis Christi verbis, Hoc est corpus meum, miraculum ab eius mente remotissimum imaginantur. Vbi autem ex hoc cōmento emergunt fœdæ absurditates, quia iam præcipiti festinatione laqueos induerunt, demergunt se in abyssum omnipotentiae Dei: vt hoc modo veritatis lucē extinguant. Hinc fastuosa illa morositas, Nolumus scire quomodo sub pane lateat Christus, hac ipsius voce contenti, Hoc est corpus meum. Nos verò, vt in tota Scriptura, sanam huius loci intelligentiam non minore obedientia, quàm cura consequi studemus: neque præpostero feruore temere arripimus & sine delectu quod primum se mentibus nostris ingerit: sed sedula meditatione adhibita, sensum amplectimur quem Spiritus Dei suggerit. quo freri, despiciamus ex alto quicquid terrenae sapientiae contrā opponitur. Imò captiuas tenemus mentes nostras, ne verbulo duntaxat obstrepere, ac humiliamus, ne insurgere audeant. Hinc nata est expositio verborum Christi, quam ex perpetuo Scripturae vñ sacramentis communem esse, omnes in ea mediocriter versati norunt. Nec verò nefas esse nobis ducimus, sanctae Virginis exemplo, in re ardua sciscitari quomodo fieri possit.

26 Sed quia nihil ad confirmandam piorum fidem magis valebit, quàm vbi didicerint, quam posuimus doctrinam ex puro Dei verbo sumptam esse, eiusque authoritati inniti: hoc quoque qua potero breuitate planum faciam. Corpus Christi, ex quo resurrexit, non Aristoteles, sed Spiritus sanctus tradit finitū esse, ac cælo comprehendi vsque ad vltimum diem. Nec me latet, locos, qui in hanc rem citantur, securē ab ipsis eludi. Quoties dicit Christus se abiturum relicto mūdo, excipiunt, discessum illum nihil aliud esse quàm mutationem mortalis status. Atqui hoc modo non substitueret Christus Spiritum sanctum supplēdo, vt loquuntur, absentiae suae defectui: quando in illius locum non succedit, nec rursus descendit Christus ipse ex caelesti gloria, vt cōditionem mortalis vitae susceperet. Certē aduentus Spiritus & ascensus Christi antitheta sunt: ideoque fieri non potest vt eodem modo secundum carnem nobiscum habitet Christus, quo Spiritum suum mittit. Adde quod diserte exprimit, se cum discipulis nō semper fore in mundo. Hoc etiam dictum pulchrē sibi diluere videntur: quasi neget Christus se pauperem & miserum semper fore, vel necessitatibus caducae vitae obnoxium. Atqui circumstantia loci palām reclamat: quādo non agitur de egestate & inopia, vel misero terrenae vitae statu, sed de cultu & honore. Vñtio discipulis nō placebat, quod putaret superuacuum & inutilem esse sumptū, & luxuriae affinem: ideoque in pauperes impensum maluissent pretium illud, quod malē profusum fuisse putabāt. Respondet Christus se non semper fore praesentem, vt tali honore colatur. Nec aliter exposuit Augustinus, cuius haec minimē ambigua sunt verba, Quā diceret Christus, Me nō semper habebitis vobiscum, loquebatur de praesentia corporis. Nam secundum maiestatem suam, secundum prouidentiam, secundum ineffabilem & inuisibilem gratiam, impletur quod ab eo dictum est, Ecce, ego vobiscum sum vsque ad consummationem seculi. secundum carnem verò quam verbum assumpsit, secundum id quod de Virgine natus est, secundum id quod à Iudæis cōprehensus est, quod ligno confixus, quod de cruce depositus, quod linteis inuolutus, quod in sepulchro cōditus, quod in resurrectione manifestatus: Nō semper habebitis me vobiscum. Quare: Quoniam cōuersatus est secundum corporis praesentiam quadraginta diebus cū discipulis suis, & deducentibus eis videndo non sequendo ascendit. Non est hic: ibi enim sedet ad dexteram Patris. Et tamē hic est: quia non recessit praesentia maiestatis. Aliter secundum praesentiam maiestatis, semper habemus Christum. secundum praesentiam carnis rectē dictum est, Me autem non semper habebitis. Habuit enim Ecclesia secundum praesentiam carnis paucis diebus: modō fide tenet, oculis non videt. Vbi (vt hoc quoque breuiter annotem) tribus modis eum nobis praesentem facit, maiestate, prouidentia, ineffabili gratia, sub qua mirificam istam corporis & sanguinis eius communionem comprehendo: modō Spiritus sancti virtute fieri intelligamus, non fictitia illa corporis ipsius sub elemento inclusione. Siquidem carnem se habere & ossa Dominus noster

Iacob. 1. d. 21

Luc. 1. d. 34

26

Iohan. 14. b. 12. d. 18

Mat. 16. b. 11

Traet. in. Iohannem 50.

Mat. 28. d. 10

testatus est quæ palpari & videri possent. Et Abire ac Ascendere, non speciem ascendentis abeuntisque dare significant, sed verè id facere quod verba sonant. Ergone, dicit quispiam, Libr. de fide & symb. ca. 6
certam cæli regionem Christo assignabimus? Ego autem cum Augustino respōdeo, curiosissimam esse hanc & superuacaneam quæstionem, modò tamen in cælo esse credamus.

27 Quid verò, toties repetitum ascensus nomen, annon migrationem ab vno loco in alterum significat? Negant: quia per altitudinem secundum eos tantum notatur imperii maiestas. Sed quid ipse ascendendi modus? annon spectantibus discipulis in sublime euehitur? annon clarè narrant Euangelistæ receptum fuisse in cælos? Excipiunt acuti isti Sophistæ, nube interposita subductum fuisse è conspectu: vt discerent fideles non fore postea in mundo visibilem. Quasi verò non debuerit potius momento euanescere, vt fidem faceret præsentis inuisibilis: vel nubes eum colligere non debuerit antequam pedem moueret. Dum verò sublimis fertur in aerem, & subiecta nube se amplius in terra quarendum non esse docet, turò colligimus domiciliū nunc ei in cælis esse: sicut etiam asserit Paulus, & inde à nobis expectari iubet. Hac ratione admonent Angeli discipulos, frustra eos in cælum suspicere: quia Iesus qui assumptus est in cælum, sic veniet quemadmodum eum viderant ascendere. Hic quoque faceta, vt sibi videntur, tergiuersatione effugiunt sanæ doctrinæ aduersarii, venturum tunc visibilem, qui nunquam è terra discessit quin apud suos inuisibilis maneat. Quasi verò Angeli duplicem illic præsentiam inueniant, ac non simpliciter discipulos faciant oculatos testes ascensus, nequa super sit dubitatio: perinde ac si diceret, Vobis videntibus in cælum receptus, cæleste sibi imperium asseruit: superest vt patienter expectetis dum rursus adueniat mundi iudex: quia nunc cælum ingressus non est, vt illud solus occupet, sed vt secum vos & omnes pios colligat.

28 Quoniam verò patronos adulterini dogmatis veterum suffragiis nihil pudet illud ornare, ac præsertim Augustini: quàm peruerse id conetur, paucis expediam. Nam quum à doctis & piis viris collecta fuerint eorum testimonia, nolo rem actam agere. ex eorum lucubrationibus petat qui vult. Ne ex Augustino quidem cōgeram quæcunque ad rem facerent: sed contentus ero paucis ostendere, sine controuersia totum esse nostrum. Quod aduersarii, vt eum nobis extorqueant, prætexunt, passim in eius libris occurrere, carnē & sanguinem Christi dispensari in Cœna, nempe victimam semel in cruce oblatam: friuolum est: quum simul vocet vel eucharistiā, vel sacramentum corporis. Cæterum quo sensu voces carnis & sanguinis vsurpet non est quod lōgo circuitu quæramus: quādo se ipsum explicat, dicens sacramenta ex similitudine rerū quas signant nomina accipere: ideoque secundum quendam modū sacramentū corporis esse corpus. Cui cōcinit alter locus satis vulgaris, Non dubitauit Dominus dicere, Hoc est corpus meum, quum signū daret. Iterū obieciunt, diserte scribere Augustinū, corpus Christi cadere in terram, & in os ingredi: nempe eodem sensu quo consumi affirmat: quia vtrunque simul coniūgit. Nec obstat quod dicit, peracto myste-
rio panē consumi: quia paulo antè dixerat: quia hominibus hæc nota sunt, quando per homines fiunt, honorem tāquam religiosa possunt habere: tanquā mira, non possunt. Nec aliò spectat quod aduersarii nimis inconsideratè ad se trahunt, Christum se quodammodo portasse manibus suis, quum panem mysticum discipulis porrigeret. Nam aduerbio similitudinis interposito satis declarat, non verè nec realiter fuisse sub pane inclusum. Nec mirum: quando alibi aperte contendit, corpora, si illis tollantur spatia locorum, nusquā fore: & quia nusquā erunt, penitus non fore. Ieiuna est cauillatio, illic non agi de Cœna, in qua Deus specialem virtutem exerit: quia de Christi carne mota erat quæstio, & sanctus vir ex professo respondens, Immortalitatē, inquit, carni suæ dedit Christus, naturam non abstulit. Secundum hanc formam non putandus est vbique diffusus. cauendum enim ne ita diuinitatem altruamus hominis, vt veritatem corporis auferamus. Non est autem consequens vt quod in Deo est sit vbique vt Deus. Subiicitur mox ratio, Vna enim persona Deus & homo est, & vtrunque vnus Christus: vbique per id quod est Deus, in cælo per id quod est homo. Cuius socordix fuisset non excipere Cœnæ mysterium, rem adeo seriam & grauem, siquid doctrinæ quam tractabat illic fuisset aduersum? Et tamen siquis attentè quod paulo post sequitur legat, reperiet sub illa generali doctrina Cœnā quoque comprehendī, Christum vnigenitū Dei Filium, eundemque Filium hominis, vbique totum præsentem esse, tanquam Deum: in templo Dei (hoc est in Ecclesia) esse tanquam inhabitantem Deum, & in loco aliquo cæli, propter veri corporis modum. Videmus vt ad Christum cum Ecclesia vniendum, corpus eius è cælo non eliciat. quod certè facturum erat, si corpus Christi verè ci-
bus nobis non esset nisi sub pane inclusum. Alibi definiens quomodo fideles Christū nunc possideant, Habes, inquit, per signum crucis, per Baptismatis sacramentum, per altaris cibū

A&.r.b.9

Mar. 16. d. 19
Luc. 24. g. 51

Philip. 3. d. 10

Ad Bonif. epi-
pist. 23Contra Ada-
mantum Ma-
nich. lib. 12Lib. 3. De Tri-
nit. cap. 10

In Psal. 33

Epist. ad Dar-
danum.Tract. 50. in
Iohannem.

& pectum. Quia rectè supersticiosum ritum inter symbola præsentiæ Christi numeret, nō disputo: sed qui præsentiā carnis comparat crucis signo, satis ostendit se Christum bicorporeum non fingere, ut occultus sub pane lateat qui in cælo visibilis sedet. Quod si explanatione indiget, continuo post illic adiungitur, Secundum præsentiā maiestatis nos semper habere Christum: secundum præsentiā carnis rectè dictum esse, Me non semper habebitis. Excipiunt simul etiam hoc addi, Secundu ineffabilem & inuisibilem gratiam impletur quod ab eo dictum est, Ego vobiscum sum vsque ad consummationem seculi. Sed nihil in eorum commodum: quia hoc tādē ad maiestatem restringitur, quæ semper opponitur corpori, ac nominatim caro à gratia virtutēque discernitur. Sicut alibi eadem antithesis apud eum legitur, quod reliquerit Christus discipulos præsentiā corporali, ut futurus sit cum illis præsentiā spirituali: ubi clarum est, carnis essentiam distingui à Spiritus virtute, quæ nos Christo coniungit, locorum alioqui distantia procul diffitos. Eodem loquendi genere sæpius vtitur, ut quum dicit, Venturus est ad viuos & mortuos præsentiā itidem corporali, secundū fidei regulam sanāque doctrinam. nam præsentiā spirituali ad eos utique erat venturus, & cum tota Ecclesia futurus in mūdo vsque ad cōsummationem seculi. Ergo ad credentes dirigitur hic sermo, quos seruare iam cœperat præsentiā corporali, & quos rel.icturus erat absentia corporali, ut eos cum Patre seruaret præsentiā spirituali. Corporale accipere pro visibili, nugatorium est: quando & corpus opponit diuinæ potentia: & addens, Cum Patre seruare, clarè exprimit gratiam suam è cælo per Spiritum ad nos diffundere.

- 29 Et quoniā tantum fiducia ponit in hac latebra præsentiæ inuisibilis, agetū videamus quā bene in ea se occultet. Primò syllabā non proferet ex Scripturis, quæ probet inuisibile esse Christū: sed pro confesso sumit quod nemo sanus illis dabit, non posse aliter Christi corpus in Cœna dari nisi opertū panis larua. Atque hoc ipsum est de quo nobiscū litigant: tantū abest ut principii locū obtineat. Ac dū ita garriunt, cogūtur duplex facere Christi corpus: quia in se visibile est in cælo secundū eos, in Cœna autē speciali dispensationis modo inuisibile. Quā verè bellè hoc cōueniat, tum ex aliis Scripturæ locis tum Petri testimonio facile iudicium est. Dicit Petrus oportere Christum cælo capi vel comprehendī, donec iterum adueniat. Docent isti ubique locorum esse, sed absque forma. Excipiunt, iniquum esse naturam gloriosi corporis subiicere communis naturæ legibus. Atqui Serueticum illud delirium (quod piis omnibus meritò detestabile est) absorptum fuisse corpus à diuinitate, secum trahit hæc responsio. Non dico eos ita sentire. verū si inter dotes glorificati corporis numeratur, inuisibili modo omnia implere: corpoream substantiam aboleri palām est, nec discrimen vllum relinqui deitatis & humanæ naturæ. Deinde si ita multiforme & variū est Christi corpus, ut vno in loco appareat, in altero sit inuisibile: ubi ipsa corporis natura, quod suis dimensionibus constat: & ubi vnitas? Longè rectius Tertullianus, qui verum & naturale Christi corpus fuisse contendit: quia eius in mysterio Cœnæ figura nobis proponitur in pignus ac certitudinem vitæ spiritualis. Et certè de corpore glorioso dicebat Christus, Videte & palpate, quia Spiritus carnem & ossa nō habet. Ecce ipsius Christi ore carnis veritas probatur, quia palpari potest ac videri. aufer ista, iam caro esse desinet. Semper ad latibulum confugiunt suæ dispensationis quam sibi fabricarunt. Nostri verò est, quod absolute pronuntiat Christus ita amplecti, ut sine exceptione apud nos valeat quod vult asserere. Se non spectrum esse probat: quia sit in carne sua visibilis. Tollatur quod tanquam proprium corporis sui naturæ vendicat: nōne excudenda erit noua corporis definitio? Iam quocunque se circumagant, in loco illo Pauli fictitia eorū dispensatio locum Non habet, ubi dicit, nos expectare è cælo saluatorem, qui corpus nostrum humile cōfigurabit corpori suo glorioso. Neque enim sperāda nobis est conformitas in illis, quas Christo affingunt, qualitatibus: ut cuique inuisibile sit ac immensum corpus. Nec verò reperietur quisquam tam bardus cui tantā absurditatē persuadeant. Ne igitur corpori Christi glorioso hanc adscribant doctē, multis in locis simul esse, nullōque spatio cōtineri. Denique vel aperte negent carnis resurrectionem, vel concedant Christum vestitum celesti gloria, non exuisse carnem, qui nos in carne nostra, illius eiusdē gloriæ facturus est confortes ac socios, quando nobis futura est communis cum eo resurrectio. Quid enim clarius tradit tota Scriptura, quā Christum, ut veram nostram carnem induit quum è Virgine natus est, in vera carne nostra passus est, quum pro nobis satisfecit: ita eandem veram carnem & resurgendo recepisse, & in cælum seculisse? Hæc enim nobis nostræ resurrectionis & in cælum ascensionis spes est, quod Christus resurrexit, & ascendit: atque (ut ait Tertullianus) arithmā nostræ resurrectionis secum in cælos tulit. Porro quā infirma & fragilis fo-

Mat. 26. a. 11

Mat. 28. d. 20

Act. 3. d. 11

Luc. 24. f. 39

Philip. 3. d. 11

ret spes illa, nisi hac ipsa nostra caro in Christo verè suscitata, & in regnū celorum ingres-
sa esset? Atqui hac est propria corporis veritas, vt spatium contineatur, vt suis dimensionibus
constet, vt suam faciem habeat. Facessat igitur istud illud cōmentum quod tam mē-
tes hominū quā Christum pani affigit. Quorū enim occulta sub pane præsētia, nisi
vt qui Christum sibi habere cōiurātum cupiunt, in symbolo illo subsistant? Atqui Domi-
nus ipse non oculos tantum, sed omnes sensus nostros è terra subducere voluit, se attingi à
mulieribus vetans, donec ascendisset ad Patrem. Quum pio reuerentiæ studio Mariam vi-
deat properare ad osculandos pedes, curatū hunc improbet ac prohibeat, donec in cæ-
lum receptus fuerit, nulla causa est, nisi quia nusquam alibi vult quærī. Quod obiciunt,
postea visum fuisse Stephano, facilis solutio est. neque enim ideo necesse fuit Christo locū
mutare, qui serui sui oculis perspicaciā dare potuit quæ cælos penetraret. Idem & de Pau-
lo dicendum. Quod Christum exiisse è sepulchro clauso, & clausis ianuis ad discipulos in-
gressum esse obiciunt, nihilo magis eorum errori suffragatur. Nam sicut aqua non secus
ac solidum pavimentum Christo iter præbuit super lacum ambulanti: ita nihil mirum si
ad eius occursum se flexit lapidis durities. Et si probabilius est, eius imperio amotum fuisse
lapidē, & mox, transitu dato, in suum locum rediisse. Nec ianuis clausis intrare tantum
valet ac penetrare per solidam materiam, sed sibi aditum patefacere diuina virtute, vt re-
pente iteterit inter suos discipulos, planè admirabili modo, quum obserata essent fores.
Quod citant ex Luca, Christum subito euauisse ex Discipulorum oculis, quibuscum E-
maunta profectus erat, nihil illis prodest, & nos adiuuat. Nam vt sui conspectum illis au-
ferret, non factus est inuisibilis: sed tantum disparuit. Sicuti, eodē Luca teste, quū simul iter
faceret, nō induit nouā faciem ne agnosceretur: sed tenuit eorū oculos. Isti verò non modò
Christū transformant, vt in terra versetur: sed aliū alibi suique dissimilē esse fingūt. Deni-
que ita nugando, non vno quidē verbo, sed periphrasi, ex carne Christi spiritū faciunt. nec
eo cōtenti, qualitates ei penitus contrarias induunt. Vnde necessariò sequitur duplicē esse.

Iohā. 10. d. 17.

Act. 7. g. 55.

Act. 9. a. 4.
Matt. 28. b. 6.
Iohā. 10. c. 19
Matt. 14. c. 25

Luc. 24. e. 31

Ibidem, c. 16

30 Iam vt illis demus quod garrunt de inuisibili præsētia, nondum tamen probata erit
immensitas, sine qua frustra Christum sub pane includere tentabunt. Nisi vbique simul
esse possit Christi corpus nulla loci circumferentia, sub pane in Cœna latere credibile non
erit. Qua necessitate ab illis inducta est prodigiosa vbiquitas. Atqui sumis clarisque Scri-
pturæ testimoniis demonstratum est circumscribi humani corporis mēsurā: deinde suo in
cælū ascensu palām fecisse non omnibus se esse in locis, sed, dum in vnum transit, priorem
relinquere. Nec verò promissio quam adducunt, ad corpus trahenda est, Ego vobiscū sum
vsque ad consummationem sæculi. Primū non stabit perpetua coniunctio nisi extra Cœ-
nā vsum Christus in nobis corporaliter habitet. ideoque iusta ratio non est cur tam acer-
bè de verbis Christi litigent, vt Christum in Cœna includant sub pane. Deinde contextus
euincit, Christum nihil minus quā de carne sua loqui, sed inuictum auxilium pie mit-
tere discipulis, quo eos aduersus omnes Satanæ mundique insultus tueatur & sustineat.
Nam quum difficilē prouinciam inungeret, ne eam aggredi dubitēt, vel trepidē obeant,
præsentiæ suæ fiducia eos confirmat. ac si diceret non de fore illis suum præsidium, quod
insuperabile erit. Nisi omnia cōfundere liberet, annon præsentiæ modum distinguere o-
portuit? Et certè quidam cum magno dedecore prodehere inscitiam suam malunt quā vel
minimum de errore cedere. Non loquor de Papistis: quorum tolerabilior, vel saltem ma-
gis verecunda est doctrina. sed quosdam ita abripit contentio, vt dicant, propter vnitas in
Christo naturas, vbicumque est diuinitas Christi, illic quoque esse carnem, quæ ab illa sepa-
rari nequit. Quasi verò vnio illa cōstauerit ex duabus naturis medium nescio quid, quod
neque Deus esset, neque homo. Sic quidem Eutyches, & post eum Seruetus. Verū ex Scri-
ptura apertè colligitur, sic vnicam Christi personam cōstare ex duabus naturis vt cuique
tamen sua maneat salua proprietas. Ac Eutychen iure fuisse damnatum negare eos pude-
bit: ad damnationis causam mirum est eos non attendere: quod discrimine inter naturas
sublato, personæ vnitatem vrgens, ex Deo hominem faceret, & ex homine Deum. Cuius
ergo amētia est, cælum terræ potius miscere quā non extrahere Christi corpus è cælesti
sanctuario? Nam quod pro se testimonia illa adducunt, Nemo ascendit in cælū nisi qui de-
scendit Filius hominis qui in cælo est. Item, Filius qui est in sinu Patris, ipse enarrabit: eius-
dem est stuporis spernere idiomatum *κοινωνία*, quæ non frustra olim à sanctis Patribus inue-
ta est. Certè quum Dominus gloriæ crucifixus dicitur, non intelligit Paulus in sua diuini-
tate quicquam fuisse passum: sed quia Christus, qui abicū & contemptus in carne patie-
batur, idem Deus erat & Dominus gloriæ. Ad hunc modum & filius hominis in cælo erat:
quia ipse idem Christus, qui secundum carnem filius hominis habitabat in terris, Deus erat

Iohan. 3. b. 13

Idem, i. c. 18

1. Cor. 1. b. 8

in cælo. Qua ratione eo ipso loco descendisse dicitur secundū diuinitatem: non quòd diuinitas cælum reliquerit, vt in ergastulū corporis se abderet: sed quia tametsi omnia imple-
ret, in ipsā tamē Christi humanitate corporaliter, id est naturaliter habitabat, & ineffabili
quodam modo. Trita est in scholis distinctio, quam me referre non pudet, Quauis totus
Christus vbique sit, non tamen totum quod in eo est, vbique esse. Atque vtinam Scholasti-
ci ipsi vim huius sententiæ probè expendissent: quia ita occursum fuisset insulso cōmento
de carnali Christi præsentiā. Mediator ergo noster quū totus vbique sit, suis semper adest:
& in Cœna speciali modo præsentiē se exhibet, sic tamen vt totus adsit, non totum: quia, vt
dictum est, in carne sua cælo comprehenditur donec in iudicium appareat.

31 Longè autem falluntur qui nullā carnis Christi præsentiā in Cœna concipiunt nisi
in pane listatur. Ita enim arcanæ Spiritus operationi quæ nobis Christum ipsum vnit, ni-
hil reliquum faciunt. Christus præsens illis non videtur nisi ad nos descendat. Quasi verò
si ad se nos euehat, non æquè potiamur eius præsentiā. Ergo tantum de modo quæstio est:
quia Christum ipsi in pane locant, nobis autem non ducimus fas esse eum è cælo detrahe-
re. Vtrū rectius sit iudicent lectores. Tantum facebat calumnia illa, auferri Christum à sua
Cœna nisi sub panis integumento lateat. Nam quū mysterium hoc cæleste sit, necesse non
est, Christum elicere in terras vt nobis sit coniunctus.

32 Porro de modo si quis me interroget, fateri non pudebit, sublimius esse arcanum quàm
vt vel meo ingenio comprehendere, vel enarrari verbis queat: atque vt apertius dicam, expe-
rior magis quàm intelligam. Itaque veritatē Dei, in qua acquiescere tutò licet, hîc sine cō-
trouersia amplector. Pronūtiat ille carnem suam esse animæ meæ cibum, sanguinem esse
potum. Talibus alimentis animam illi meam pascendam offero. In sacra sua Cœna iubet
me sub symbolis panis ac vini corpus ac sanguinem suum sumere, manducare ac bibere.
nihil dubito quin & ipse verè porrigat, & ego recipiam. Tantum absurda reiicio quæ aut
cælesti Christi maiestate indigna, aut humanæ eius naturæ veritate aliena esse apparet:
quando & cum Dei verbo pugnare necesse est, quod & sic in gloriam regni cælestis receptū
fuisse Christum docet vt supra omnē mundi conditionē eum euehat, nec minus diligēter
in humana eius natura commēdat quæ propria sunt veræ humanitatis. Neque hoc vel in-
credibile vel à ratione absonum videri debet: quia vt spirituale est totū Christi regnum, i-
ta quicquid agit cum sua Ecclesiā, ad rationem seculi huius minimè exigendum est. Vel,
vt Augustini verbis utar, per hominem hoc mysterium peragitur vt reliqua, sed diuinitus:
in terra, sed cælitus. Ea (inquam) est corporis præsentiā, quam Sacramenti ratio postulat:
quam tanta virtute tātāque efficacia hîc eminere dicimus, vt non modò indubitātā vi-
tæ æternæ fiduciam animis nostris afferat, sed de carnis etiam nostræ immortalitate secu-
ros nos reddat. Siquidem ab immortali eius carne iam viuificatur, & quodammodo eius
immortalitati cōmunicat. Qui supra hæc suis hyperbolis euehantur, nihil aliud quàm ta-
libus inuolucris simplicem & planam veritatem obscurant. Sicui nōdum satisfactum fue-
rit, hîc velim paulisper mecum reputet, de sacramēto nunc haberi sermonē, cuius omnia
ad fidem referēda sunt. Fidem verò nos ista quā enarrauimus corporis participatione non
minus lautè affluentēque pascimus, quàm qui ipsum Christum è cælo detrahūt. Ingenuè
interca confiteor, mixturam carnis Christi cum anima nostra, vel trāsfusionem qualis ab
ipsis docetur me repudiare: quia nobis sufficit Christū è carnis suæ substātia vitam in ani-
mas nostras spirare: imò propriam in nos vitam diffundere, quauis in nos non ingredia-
tur ipsa Christi caro. Adde quòd fidei analogiā, ad quam omnē Scripturæ interpretatio-
nem exigere iubet Paulus, hac in parte mihi præclare constare nihil dubium est. Qui veri-
tati ad eò perspicuè reclamant, ad quam fidei amissim se forment viderint. Qui non con-
fiteretur Iesum Christum in carne venisse, ex Deo non est. Isti, licet dissimulent, vel non ad-
uertant, ipsum carne sua spoliāt.

33 De communicatione idem sentiendum: quæ nulla ab ipsis agnoscitur nisi Christi car-
nem sub pane deglutiant. Atqui Spiritui sancto non leuis fit iniuriā, nisi credimus fieri in-
comprehensibili eius virtute vt cum carne & sanguine Christi communicemus. Imò si vis
mysterii qualis à nobis traditur, & cognita fuit veteri Ecclesiæ ab annis quadringētis, pro
dignitate expensa esset, satis supérque erat vnde nobis satisfaceret: clausa fuisset multis fœdis
erroribus ianua, ex quibus accensæ sunt horrēdæ dissensiones, quibus tū olim, tum nostra
etiā ætate Ecclesiā miserè vexata est: dum hyperbolicū præsentiæ modum exigunt curiosi
homines, quæ Scriptura nunquā ostendit. Ac de re stultè & temere concepta perinde tu mul-
tuantur ac si inclusio Christi sub pane, prora & puppis (vt aiunt) pietatis esset. Quomodo
Christi corpus, vt semel pro nobis traditū est, nostrum fiat: quomodo sanguinis effusi par-

Luc. 24. d. 26

Irenæus lib.
4. cap. 34.

Rom. 12. a. 3

Ioh. a. 7

ticipes fiamus, scire in primis referebat: quia id est totum Christum crucifixum possidere, ut bonis eius omnibus fruamur. Nunc his omissis, quibus tantum inerat momenti, imò neglectis & penè sepultis, hæc vna spinosa quæstio illis placet, quomodo sub pane, vel sub specie panis lateat Christi corpus. Falsò iactât, quicquid docemus de spiritali manducatione, veræ & reali (ut loquuntur) opponi: quandoquidem nonnisi ad modum respicimus, qui apud eos carnalis est, dum Christum pane includunt: nobis spiritalis, quia vis arcana Spiritus nostræ cum Christo cōiunctionis vinculum est. Nihilo verior est altera obiectio, nos fructum vel effectum duntaxat quæ ex esu carnis Christi capiunt fideles, attingere. Diximus enim antea Christum ipsum Cœnæ esse materiam: inde verò sequi effectum, quod sacrificio mortis eius expiamur à peccatis, sanguine abluimur, resurrectione erigimur in spem cælestis vitæ. Sed stulta imaginatio, cuius author fuit Lombardus, pervertit eorum mentes, dum esum carnis Christi Sacramentum esse putant. Sic enim ille, Sacramentum & non res, sunt species panis & vini: Sacramentum & res, caro & sanguis Christi: res & non Sacramentum, mystica eius caro. Item paulo post, Res significata & contenta est propria caro Christi: significata & non cōtenta, mysticum corpus. Quod inter carnem Christi distinguit, & alendi efficaciam, qua prædita est, assentior: quod autem Sacramentum esse fingit, & quidem sub pane contentum, error est non ferendus. Hinc nata est sacramentalis manducationis falsa interpretatio: quia putarunt impios quoque & sceleratos edere Christi corpus, quamlibet sint ab eo alieni. Atqui ipsa Christi caro in mysterio Cœnæ non minus spiritalis res est quàm æterna salus. Vnde colligimus, quicumque vacui sunt Christi Spiritu, carnē Christi nihilo magis posse edere quàm vinū bibere cui non sit coniunctus sapor. Certe nimis indignè laceratur Christus, quum prostruitur incredulis emortuū & nullius vigoris eius corpus: & repugnant aperta eius verba, Quisquis ederit carnem meam, & biberit sanguinem meum, in me manet, & ego in eo. Excipiunt, illic non agi de sacramentali esu: quod ego fateor, modò ne ad eundem scopulum subinde impingant, comedi carnē ipsam absque vlllo fructu. Scire autem ex ipsis velim quandiu eam contineant vbi manducarūt. Hic, meo iudicio, exitum non reperient. Sed obiciunt, non posse hominum ingratitudine quicquam detrahi, vel intercidere de fide promissionum Dei. Fateor sanè, & vim mysterii integram manere dico, quantumvis impii eam, quoad in se est, exinanire studeant. Aliud tamen est offerri, aliud recipi. Spirituale hunc cibum omnibus porrigit Christus, potumque spiritualem propinat: alii avidè vescuntur, alii fastidiosè respuunt. an horum reiectio faciet ut cibis & potus suam naturam perdant? Dicent hac similitudine sententiam suam iuvari, nempe carnem Christi, licet insipida sit, esse nihilominus carnem. Ego verò nego posse comedi absque fidei gustu: vel (si cum Augustino loqui magis placet) nego plus referre homines ex Sacramento quàm vase fidei colligunt. Ita Sacramento nihil decedit: imò illibata manet eius veritas & efficacia, quanvis ab externa eius participatione inanes discedant impii. Si rursus obiciant, derogari huic verbo, Hoc est corpus meum, si panem corruptibilem & nihil præterea impii recipiunt: in promptu solutio est, Deum nolle veracem agnosci in ipsa receptione, sed in bonitatis suæ constantia, vbi indignis præstare quod reiciunt paratus est, imò liberaliter offert. Atque hæc est sacramenti integritas, quam violare totus mundus non potest, carnem & sanguinem Christi non minus verè dari indignis quàm electis Dei fidelibus: simul tamen verum est, non secus atque pluvia super duram rupem decidens effluit, quia nullus in lapidem ingressus patet: ita impios sua duritie repellere Dei gratiam quominus ad ipsos penetret. Adde quod Christum absque fide recipi nihilo magis consentaneum est quàm semen in igne germinare. Quod autè quærunt quomodo in damnationem quibusdam venerit Christus nisi eum indignè recipiant, frigidū est: quando nusquam legimus, Christum indignè recipiendo mortem sibi accersere homines, sed potius respuendo. Nec eos iuvat Christi parabola, vbi dicit semen enasci inter spinas, & postea suffocatum corrumpi: quia illic differit quid valeat temporalis fides, quæ edendæ Christi carni, & bibendo sanguini necessariam esse non putant qui Iudam hac in parte æqualiter faciunt socium Petri. Quin potius eadem parabola refellitur eorum error, vbi dicit Christus aliud semen cadere super viam, aliud super lapides, ac neutrum agere radicē. Vnde sequitur, incredulis suam dūritiem esse obstaculo quominus ad eos Christus perveniat. Quisquis salutē nostram hoc mysterio adiutam cupit, nihil aptius inueniet quàm ut fideles ad fontem deducti, vitam hauriant ex Dei Filio. Dignitas verò satis magnificè cōmendatur, vbi tenemus adminiculum esse quo inseramur in corpus Christi, vel insiti magis ac magis coalescamus, donec solidè nos secum vniat in cælesti vita. Obiciunt, non debuisse fieri à Paulo reos corporis & sanguinis Christi, nisi eorum essent participes. Ego au-

Lib. 4. Dist. 3

Iohan. 6. f. 56

Matth. 12.

Ibidē, a.

1. Cor. 10. 3

tem respondeo, non ideo damnari quòd comederint, sed tantum quòd mysterium profanauerint, pignus sacræ cum Deo coniunctionis, quod reuerenter suscipere debebāt, calcado.

34

Porro quia Augustinus inter vetustos scriptores præcipue asseruit caput illud doctrinæ, Sacramentis nihil decedere, nec euacuari quam figurant gratiam infidelitate vel malitia hominum: vtile erit ex verbis eius clarè probare quàm inscite & perperâ illud ad causam præsentem trahant qui canibus edendum proiciunt Christi corpus. Sacramentalis manducatio, secundum istos, est qua impii Christi corpus & sanguinem absque virtute Spiritus vel villo gratiæ effectû recipiunt. Augustinus contrâ, verba illa prudenter expendens, Qui manducauerit carnem meam, & biberit sanguinem meum, non morietur in æternum, Nempe (inquit) virtutem sacramenti, non tantum visibile sacramentum: & quidè intus, non foris: qui corde comedit, non qui premit dente. Vnde tandè concludit huius rei sacramentum, id est vnitatis corporis & sanguinis Christi, in Cœna Dominica proponi, quibusdam in vitam, aliis ad exitium: rem verò ipsam cuius sacramentum est, omnibus ad vitam, nulli ad exitium, quicunque fuerit particeps. Nequis hîc cauilletur, rem vocari non corpus, sed quæ ab illo separari potest Spiritus gratiam, has nebulas discutit antithesis inter epitheta Visibile & Inuisibile: nam sub priore cõprehendi non potest Christi corpus. Vnde sequitur, visibili tantum symbolo incredulos communicare. Ac, quo melius tollatur dubitatio, postquâ dixerat panè hunc interioris hominis quærere esuriè, subiicit, Moses & Aaron, & Phinees, multique alii qui manna comederunt, placuerunt Deo. Quare? Quia visibilem cibum spiritualiter intelligebant, spiritualiter esuriebant, spiritualiter gustabant, vt spiritualiter satiarentur. Nam & nos hodie accepimus visibilem cibum: sed aliud est sacramentum, aliud virtus sacramenti. Paulo post, Ac per hoc, qui non manet in Christo, & in quo non manet Christus, proculdubio nec manducat spiritualiter carnem eius, nec bibit sanguinem, licet carnaliter & visibiliter premat dentibus signum corporis & sanguinis. Audimus rursus opponi visibile signum spirituali manducationi. Quo refellitur error ille, corpus Christi inuisibile sacramentaliter re vera comedi, quanuis non spiritualiter. Audimus etiam profanus & impuris nihil concedi præter visibilem signi sumptionem. Hinc celebre eius dictum, reliquos discipulos panem Dominum manducasse, Iudam verò panem Domini, quo incredulos clarè excludit à participatione corporis & sanguinis. Nec aliò spectat quod alibi dicit, Quid miraris si datus est Iudæ panis Christi, per quem manciparetur Diabolo: quum videas è cõtrario datum Paulo Angelum Diaboli per quem perficeretur in Christo: Dicit quidem alibi, corpus Christi fuisse illis panè Cœnæ quibus dicebat Paulus, Qui manducauerit indignè, iudicium sibi manducat & bibit: nec ideo nihil accepisse, quia malè acceperint. Sed quo sensu, plenius alio loco explicat. nam ex professo definiendum suscipiens quomodo improbi & scelerati, qui fidem Christianam ore profitentur, factis autem abnegant, Christi corpus comedant (& quidem aduersus quorundam opinionem, qui non solo sacramento eos edere, sed re ipsa putabant) Sed nec ipsi (inquit) dicendi sunt manducare corpus Christi, quia in membris Christi computandi non sunt. Vt enim alia taceam, non possunt simul esse membra Christi & membra meretricis. Denique ipse dicens, Qui manducat carnem meam, & bibit meum sanguinem, in me manet, & ego in eo: ostendit quid sit, non sacramèto tenus, sed re vera corpus Christi edere. hoc enim est in Christo manere, vt in illo Christus maneat. Sic enim hoc dixit tanquam diceret, Qui nō manet in me, & in quo ego non maneo, non se dicat aut existimet manducare corpus meum, aut sanguinem bibere. Expendant lectores antitheta, sacramèto tenus, & re vera edere: & nulla restabit dubitatio. Idem confirmat non minus clarè his verbis, Nolite parare fauces, sed cor: inde commendata est ista Cœna. Ecce credimus in Christum quum fide accipimus: in accipiendo nouimus quid cogitemus. modicum accipimus, & in corde saginamur. non ergo quod videtur, sed quod creditur, pascit. Hîc quoque quod sumunt impii, restringit ad signum visibile: nec aliter Christum quàm fide recipi docet. Sic etiã alio loco, disertè pronuntians bonos & malos signaculis communicare, hos à vera carnis Christi manducatione excludit. Nam si rem ipsam perciperent, non tacuisset omnino quod causæ magis erat consentaneum. Alio etiam loco de manducatione eiusque fructu differens, sic concludit, Tunc vita unicuique erit corpus & sanguis Christi, si quod in sacramèto visibiliter sumitur, in ipsa veritate spiritualiter manducetur, spiritualiter bibatur. Ergo qui incredulos faciunt participes carnis & sanguinis Christi, vt cum Augustino cõsentiant, nobis repræsentent corpus Christi visibile: quando tota veritas secundum eum spiritualis est. Et certò ex eius verbis colligitur, sacramentalem esum, vbi veritati aditum claudit incredulitas, tantumdem valere ac visibilem vel externum. Quòd si verè nec tamen spiritualiter comedi pos-

Homil. in Iohannem 26.
Iohan. 6. f. 50

Exod. 16. c. 14

Homil. in Iohannem 59.

Homil. 62.
1. Cor. 11. b. 7
Ioh. 5. De Baptismo contra Iohannem.
1. Cor. 11. g. 19

Iohan. 6. f. 16

1. De ciui.
De 1. cap. 25.

Contra Faustum lib. 13.
cap. 16.

Ser. 1. de verb. Apost.

set Christi corpus, quid sibi vellent quod alibi tradit? Non hoc corpus quod videtis, manducaturus estis, & bibaturi sanguinem quem fundent qui me crucifigent. Sacramentum aliquod commendavi vobis: spiritualiter intellectum vivificabit vos. Negare certe noluit quin idem corpus quod in sacrificium Christus obtulit, in Cœna porrigatur: sed manducationis modum notavit: quod scilicet in cœlestem gloriam receptum, arcana Spiritus virtute vitam nobis inspiret. Fateor quidem, sæpius apud eum occurrere istam loquendi formam, Comedi corpus Christi ab infidelibus: sed seipsum explicat, addens, In sacramento. Et alibi spiritualis manducatio ab eo describitur, in qua gratiam morsus nostri non consumunt. Ac ne congerie me pugnare dicant aduersarii, scire velim quomodo ab una eius sententia se expediant, ubi dicit Sacramenta in solis electis efficere quod figurant. Certè inficiari non audebunt quin figuret in Cœna panis, Christi corpus. Vnde sequitur, reprobos ab eius participatione arceri. Cyrillū quoque non aliter sensisse declarant hæc verba, Perinde ac si quis liquefactæ ceræ aliam ceram infuderit, alteram cum altera per totum commisceat: ita necesse est, si quis carnem & sanguinem Domini recipit, cum ipso coniungi, ut Christus in eo & ipse in Christo inveniatur. His verbis liqueere arbitror, vero & reali esu privari qui sacramentaliter tantum Christi corpus comedunt, quod à sua virtute separari nequit: nec ideo labascere fidem promissionum Dei, qui non desinit à cælo pluvie, quanvis pluvie liquorem saxa & rupes non concipiant.

In Psal. 93.

Homil. in Iohannem 27

In 6. cap. Iohann. 17. cap.

35 Hæc cognitio nos faciliè à carnali etiam adoratione abstrahet, quam perversa temeritate quidam in sacramento erexerunt: quod secum subducerent, Si corpus est, & anima igitur & diuinitas sunt una cum corpore, quæ iam diuelli non possunt. igitur illic adorandus Christus. Primum, si sua illa quæ obtinentur concomitantia ipsis negetur, quid facient? Nam ut maxime absurditatem urgeant si corpus ab anima & diuinitate separetur, quis tamen sanus & sobrius Christi corpus Christum esse sibi persuadeat? Videtur quidè sibi suis id syllogismis pulchrè cōficere. Verum quū de corpore & sanguine suo distinctè loquatur Christus, modum autem præsentiae nō describat: quomodo ex re ambigua certò conficiet quod volunt? Quid ergo? nōne si grauiore aliquo sensu eorum conscientias exerceri contigerit, protinus cum suis syllogismis dissoluentur ac liquefcent: nempe ubi certo Dei verbo defici se videbunt, quo uno consistunt animæ nostræ quum ad rationem vocantur, & sine quo primo quoque momento labascunt: ubi Apostolorum doctrinam & exempla sibi aduersari, se verò solos sibi authores esse cogitabunt. Accedent ad tales impulsus & alii non leues stimuli. Quid: an res erat nullius momenti, Deū hac forma adorare ut nihil nobis præscriberetur? An quum de vero Dei cultu ageretur, tanta leuitate fuerat tentandum de quo nullum vsquam verbū legebatur? At si qua decet humilitate cogitationes omnes suas sub Dei verbo continuissent, auscultassent certè quod ipse dixit, Accipite, manducate, bibite: huicque mandato paruissent, quo accipi sacramentum, non adorari iubet. Qui verò, ut à Deo mandatum est, sine adoratione accipiunt, securi sunt se à mādato Dei non deflectere: qua securitate nihil melius est quum quid operis instituimus. Habent Apostolorum exemplum, quos non legimus prostratos adorasse, sed, ut erant discumbentes, accepisse & manducasse. Habent Apostolicæ Ecclesiæ usum, ubi fideles non in adoratione sed in fractione panis communicasse, à Luca narratur. Habent Apostolicam doctrinam qua Paulus Corinthiorum Ecclesiam instituit, professus se à Domino accepisse quod tradebat.

A 2. g. 42,
1. cor. 11. d. 23

36 Atque hæc quidem eò tendunt, ut expendant pii lectores quàm non tutum sit in rebus tam arduis à simplici Dei verbo ad cerebri nostri somnia euagari. Quæ autem superius dicta sunt, omni hac in re scrupulo liberare nos debent. Nam ut Christum illic rite apprehendant piæ animæ, in cælum erigantur necesse est. Quod si hoc sacramenti officium est, mentem hominis infirmam alioqui adiuuare, ut ad percipiendam spiritualium mysteriorum altitudinem sursum assurgat: qui in signo externo detinentur, à recta quærendi Christi via aberrant. Quid ergo? superstitiosum esse cultum negabimus, quum sese homines coram pane prosternunt ut Christum illic adorent? Huic malo proculdubio voluit obuiare Nicæna Synodus, quum vetuit nos humiliter attentos esse ad proposita symbola. Nec alia causa institutum olim fuit ut ante consecrationem populus alta voce admoneretur habere sursum corda. Ipsa quoque Scriptura, præterquā quod Christi ascensionē diligenter nobis enarrat, qua corporis sui præsentia à conspectu nostro consuetudinēque subduxit: quo nobis om-

Coloss. 3. a. 2

menti adorationem excogitarunt, eam non modò à seipsis seminariūt citra Scripturam, vbi nulla illius mentio ostēdi potest (quæ tamen non fuisset prætermissa si Deo accepta foret) sed reclamante Scriptura, suæ sibi libidinis arbitrio Deū fabricati sunt, derelição Deo viuentē. Quid enim est idololatria, si hoc nō est, dona pro datore ipso celestē? Vbi dupliciter peccatū est. nam & honor Deo raptus, ad creaturā traductus est: & ipse etiam in polluto ac profanato suo beneficio inhonoratus, dum ex sancto eius Sacramēto factum est execrabile idolum. Nos è conuerso, ne in eandem incidamus foueam, aures, oculos, corda, mentes, linguas penitus defigamus in sacra Dei doctrina. Est enim ea Spiritus sancti optimi magistri schola, in qua sic proficitur, vt nihil sit aliunde asciscendum: ignorandum verò libenter quicquid in ea non docetur.

- 37 Iam verò (vt superstitio rectos fines semel egressa, nullum peccandi finem facit) lōgè vltius prolapsi sunt. ritus enim excogitariūt à Cœnæ institutione prorsus extraneos: in hoc tantum vt diuinis honoribus signum afficerent. Christo, inquit, hanc venerationem deferimus. Primum si in Cœna hoc fieret, dicerem adorationē eam domum esse legitimam quæ non in signo residet, sed ad Christum in cælo sedentem dirigitur. Nunc verò quo prætextu se Christum in illo pane honorare iactant, quum nullam habeant huius rei promissionem: Consecrant hostiam, vt vocant, quam circumferant in pompa: quam spectandam, colendam, inuocandā solenni spectaculo exhibeant. Quæro qua virtute putēt esse ritē consecratam. nempe verba illa proferent, Hoc est corpus meum. Ego verò contrā obijciam, simul dictum esse, Accipite & manducate. Neque id de nihilo faciam. quum enim præcepto annexa sit promissio, dico hanc sub illo ita inclusam, vt separata, fiat omnino nulla. Id simili exēplo fiet clarius. Mandatum dedit Deus quum diceret, Inuoca me. promissionem addidit, Exaudiam te. Siquis inuocato Petro aut Paulo, hac promissione gloriatur, nōne omnes clamabunt eum perperam facere? Et quid aliud quæso, faciunt qui omisso mandato de manducatione, mutilam promissionem abripiunt, Hoc est corpus meum, vt ea in alienos à Christi institutione ritus abutantur? Meminerimus ergo hanc promissionem iis esse datam qui mandatum cum ea coniunctum obseruant: eos autem omni verbo destitui qui Sacramentum aliò transferunt. Antea disseruimus quomodo nostræ apud Deum fidei seruiat sacræ Cœnæ mysterium. Quando autem tātam hinc suæ bonitatis largitatem, quātam prius enarrauimus, non solum nobis in memoriam Dominus reuocat, sed quasi de manu in manum profert, & ad eam agnoscendam nos excitat: simul admonet ne tam effusæ beneficentiæ ingrati simus: quin potius eam quibus par est, laudibus prædicemus, & gratiarum actione celebremus. Itaque quum sacramenti ipsius institutum Apostolis traderet, vt id in sui memoriam facerent docuit. Quod Paulus interpretatur, Mortem Domini nuntiare. Id autē est publicè atque vno simul omnes ore palam fateri, totam vitæ ac salutis fiduciam in morte Domini positam nobis esse: vt nostra illum confessione glorificemus, & alios nostro exemplo ad dandam illi gloriam exhortemur. Hic apparet rursum quò sacramenti scopus spectet: nempe vt nos in mortis Christi memoria exerceat. Quod enim iubemur mortem Domini annuntiare, donec ad iudicandum veniat, non aliud est nisi vt oris confessione prædicemus quod fides nostra in Sacramēto agnouit: mortem scilicet Christi nostram esse vitam. Hic secundus est Sacramēti vsus, qui ad externam confessionem attinet.

- 38 Tertiò & exhortationis vice nobis Dominus esse voluit: qua non alia vehementius cum ad puritatem & sanctimoniam vitæ, tum verò ad charitatem, pacem, consensum animare nos inflammareque posset. Nam sic suum illic corpus nobis Dominus communicat vt vnum prorsus nobiscum fiat, nōsque cum illo. Porro quum non nisi vnum illi corpus sit, cuius nos omnes participes facit, necesse est & nos omnes vnum corpus huiusmodi participatione fieri. Quam vnitatem repræsentat panis qui in sacramento exhibetur, qui velut ex multis granis confectus est, sic inter se commixtis ne alterum ab altero discernere liceat: in hunc modum & nos tanta animorum consensione coniunctos conexosque esse decet, nequid dissidii aut diuisionis intercedat. Id Pauli verbis explicari malo: Calix (inquit) benedictionis cui benedicimus, communicatio est sanguinis Christi: & panis benedictionis quem frangimus, participatio est corporis Christi. Itaque vnum corpus sumus omnes, qui de vno pane participamus. Præclare verò in Sacramento profecerimus si impressa inculptaque animis nostris fuerit hæc cogitatio, non posse à nobis quenquam ex fratribus lædi, contemni, reiici, violari, aut vllō modo offendi, quin simul in eo Christum lædamus, spernamus, violemus nostris iniuriis: non posse nos à fratribus dissidere quin simul à Christo dissideamus: Christum à nobis diligere non posse quin diligatur in

Psal. 50. c. 15

Lucan. b. 19

1. Cor. ii. f. 16

1. Co. 10. d. 16

fratribus : qualem corporis nostri curam gerimus, talem fratrum quoque gerendam, qui membra sunt corporis nostri: quomodo nulla corporis nostri pars aliquo doloris sensu tangitur qui non in alias omnes diffundatur: ita non ferendum esse, fratrem malo aliquo affici, cuius non & ipsi compassione tangamur. Quamobrem non abs re Augustinus, toties sacramentum hoc appellat charitatis vinculum. Quis enim acrior admoueri stimulus poterat ad excitandam mutuam inter nos charitatem, quam dum Christus seipsum nobis donans, non modo suo nos exemplo, ut alter alteri nos mutuo deuoueamus ac tradamus inuitat: sed quatenus se facit omnium communem, nos quoque omnes unum in se ipso esse facit.

39 Hinc autem optimè confirmatur quod alibi dixi, rectè Sacramenti administrationem non absque verbo constare. Quæcunque enim ex Cœna nobis prouenit utilitas, verbum requirit. siue in fide confirmandi sumus, siue in confessione exercendi, siue excitandi ad officium, precatione opus est. Nihil ergo magis præposterum fieri in Cœna potest, quam si vertatur in mutam actionem: quod sub Papæ tyrannide factum est. Totam siquidem vim consecrationis à Sacerdotis intentione pendere voluerunt, quasi hoc nihil ad populum pertineret, cui mysterium maximè explicari oportuerat. Inde autem natus est hic error, quod non obseruabant promissiones illas quibus conficitur consecratio, non ad elementa ipsa, sed ad eos qui recipiunt, destinari. Atqui non panem alloquitur Christus, ut corpus suum fiat: sed discipulos iubet mādūcare atque illis corporis & sanguinis sui communicationem pollicetur. Nec alium ordinem docet Paulus, quam ut vnà cum pane & calice promissiones fidelibus offerantur. Ita est sanè. Non hîc magicā aliquam incantationem imaginari nos decet, ut satis sit verba demurmurasse, quasi ab elementis exauciantur: sed verba illa viuam prædicationem esse intelligamus, quæ auditores ædificet, quæ intus penetret in eorum animos, quæ cordibus imprimatur ac insideat, quæ efficaciam in completamento eius quod promittit exerat. His rationibus clarè patet, repositionem Sacramenti, quam nonnulli vrgent ut ægrotis extra ordinem distribuatur, inutilem esse. Aut enim sine recitatione institutionis Christi accipient, aut minister vnà cum signo veram mysterii explicationem coniunget. In silentio est abusus ac vitium. Si referuntur promissione, & mysterium enarratur, ut cum fructu recipiant qui recepturi sunt, non est quod dubitemus hanc esse veram consecrationem. Quorsum igitur euadet altera, cuius vis ad ægrotos vsque non peruenit? Sed enim qui sic faciunt, habent veteris Ecclesiæ exemplum. Fateo, verum in re tanta, & in qua non sine magno periculo erratur, nihil tutius est quam ipsam veritatem sequi.

40 Porro quemadmodum sacrum hunc panem Cœnæ Domini, spiritualem esse cibum videmus, suauem ac delicatum non minus quam salutiferum ps Dei cultoribus, cuius gustu sentiunt Christum suam esse vitam, quos ad gratiarum actionem erigit, quibus ad mutua inter se charitatem exhortatio est: ita rursus in nocentissimum venenum omnibus vertitur quorum fidem non alit & confirmat, & quos ad confessio est laudis charitatemque non excitat. Non enim aliter ac cibus corporalis, ubi ventrem offendet vitiosis humoribus occupatum, ipse quoque vitiatus & corruptus nocet magis quam nutrit: cibus etiam hic spiritualis, si in animam inciderit malitia nequitiaque pollutam, maiore illam ruina præcipitat. non suo id quidem vitio, sed quia pollutis & infidelibus nihil est mundum, quamlibet alioqui sanctificatum Domini benedictione. Nam, ut ait Paulus, qui indignè manducant & bibunt, rei sunt corporis & sanguinis Domini, iudiciumque sibi manducant & bibunt, non diiudicantes corpus Domini. Tale enim hominum genus, quod sine vlla fidei centilla, sine vilo chritatis studio, ad vsurpandam Cœnam Domini, insar porcorum se præcipit, minimè discernit corpus Domini. Nam quatenus corpus illud suam esse vitam non credunt, qua possunt contumelia ipsum afficiunt, omni sua dignitate spoliantes: ac denum sic accipiendo, profanant & contaminant. Quatenus verò alienati à fratribus ac dissidentes, sacrum corporis Christi symbolum cum suis dissidiis commiscere audent, non stat per eos quominus Christi corpus discerpatur, ac membratim dilanietur. Itaque non immerito rei sunt corporis & sanguinis Domini, quod sacrilega impietate fœdè adeo polluant. Hac ergo indigna manducatione damnationem suam sibi accipiunt. Nam quum nullā in Christo fidem repositam habeant, Sacramento tamen accepto, profitentur non alibi quam in eo esse sibi salutem, omnemque aliam fiduciam abiurant. Quare ipsi sibi sunt accusatores: testimonium ipsi aduersum se pronuntiant, damnationem ipsi suam obsignant. Deinde quum odio ac maleuolentia diuisi distractique à fratribus, hoc est Christi membris, partem in Christo nullam habeant: testificantur tamen hanc vnā salutem esse, Christo communicare, & illi vnitum esse. Eam ob rem præcipit Paulus ut probet seipsum homo antequam de hoc pane edat, aut bibat de calice. Quo (ut ego quidem interpretor) voluit vnumquæque

Tit. i. 15

1. Co. ii. 8. 29

Ibidem, f. 2.

in se descēdere, & secū reputare an interiore cordis fiducia in salutē à Christo partā recumbat: an oris cōfessione agnoscat: deinde an innocentiae ac sanctitatis studio ad Christi imitationē aspiret: an eius exemplo sese fratribus dare paratus sit, ac se iis communicare quibuscum Christum communē habet: an ut ipse à Christo censetur, ita vicissim fratres omnes pro corporis sui membris habeat: an eos instar membrorum suorum fouere, tueri, iuuare cupiat. Non quia haec tum fidei tum charitatis officia nunc perfectā in nobis esse possint: sed quia huc nos contendere & votis omnibus aspirare oportet, ut inchoatam fidem magis in dies ac magis augeamus.

41 Vulgò dum homines ad eam manducandi dignitatē comparare volunt, miseras cōscientias torserunt ac diuexarunt diuisis modis: nec tamē quicquā eorum quā in rem essent attulerunt. Dignē manducare eos dixerunt qui in statu gratiae essent. In statu gratiae esse interpretati sunt purum purgatūque omni peccato esse. Quo dogmate omnes quotquot in terris vnquam fuerunt & sunt homines, ab huius Sacramenti vlu arcebantur. Nam si hoc agitur ut nostram à nobis dignitatem petamus, actum de nobis est: desperatio tantū & eternalis ruina nos manet. Totis licet viribus adnitamur, non aliud proficiemus nisi ut tum denique indignissimi futuri simus quū de quārenda dignitate maximē laboratum à nobis fuerit. Quo huic vlceri mederentur, modum excogitarunt acquirenda dignitatis: ut quantum in nobis est examinare habito, reposcitāque à nobis factorū omnium ratione, contritione, confessione, satisfactiōe, nostram indignitatem expiarem: quā expiandi ratio qualis sit, dictum est vbi erat aptior dicendi locus. Quod ad praesens institutū attinet, dico haec nimum esse ieiuna euandāque solatia consternatis deiectisque cōscientiis, & peccati sui horrore perculsis. Nam si Dominus interdicto neminem in Coena suae participationē admittit nisi iustum & innocentem: non leui cautionē opus est, quā aliquem suae iustitiae securum reddat, quā à Deo requiri audit. Vnde verò haec nobis confirmatur securitas, apud Deum defunctos esse qui fecerunt quod in se est: Quod si etiam ita esset, quando tamen erit ut spondere quis sibi audat, se fecisse quod in se erat? Ita quum nulla certa nostra dignitatis securitas fiat, manet semper clausus aditus, horribili illo interdicto, quo edicitur iudicium sibi manducare & bibere qui indignē manducant & bibunt.

42 Nunc iudicare promptum est qualis sit haec quā in Papatu regnat doctrina, & à quo auctore profecta sit, quā misero peccatores & trepidatione mœstitiaque afflictos, huius Sacramenti consolatione immanis austeritate orbat & spohat: in quo tamen omnes Euangelii deliciae illis proponebantur. Certē Diabolus nullo maiori compēdio homines perdere poterat, quā sic eos infatuendo, ne gustum & saporem talis alimentī perciperent quō eos optimus Pater caelestis pascere voluerat. Ne igitur in huiusmodi praecipitiū ruamus, meminerimus has sacras epulas agrotis esse pharvacum, peccatoribus solatiū, pauperibus largitionē: quā sanis, iustis, diuitibus, siqui reperiri possent, nullum afferrent operae pretium. Nam quum in illis Christus nobis in cibum detur: intelligimus, nos sine ipso tabescere, liqui, deficere: qualiter inedia, corporis vigorē extinguit. Deinde quum in vitam decur, intelligimus nos sine ipso in nobis planē mortuos esse. Quare ea est dignitas quam vnā & optimam afferre Deo possumus, si nostram ei vilitatem, & (ut ita loquar) indignitatem offeramus, ut sua misericordia nos se dignos faciat: si animos in nobis despondeamus, ut nos in ipso consolemur: si nos humiliemus, ut ab ipso erigamur: si nos accusemus, ut ab ipso iustificemur. praeterea si ad eam quā in sua Coena nobis commendat vnitatem aspiremus: & quemadmodum nos omnes vnum in seipso esse facit, ita vnā omnino animā, cor vnum linguam vnā nobis omnibus optemus. Haec si perpensa & meditata habuerimus, nunquam nos illae cogitationes, etiam si concutiant, prosternent. Nos bonorum omnium egeni & nudi, nos peccatorū sordibus inquinati, nos semimortui, quomodo corpus Domini digni manducaremus? Magis cogitabimus nos pauperes venire ad benignū largitorem, agroti ad medicum, peccatores ad iustitiae auctorem: mortuos denique ad eum qui viuificat, dignitatem illam, quā à Deo mandatur, fide praecipuē constare quā omnia in Christo, nihil à nobis reponit. deinde charitate, & ea quidem ipsa quam Deo imperfectam offerre satis sit, ut ipsam in melius augeat: quando praestari solida non potest. Alii nobiscum in hoc cōsistentes, dignitatem ipsam in fide & charitate positam esse: in modo tamē ipso dignitatis origine aberrarunt, fidei perfectionem exigentes, cui nihil omnino accedere possit: & charitatem parē ei quā Christus erga nos declarauit. At eo ipso omnes ab huius Coenae sacrosanctae accessu, non secus ac priores illi, abigunt. Si enim obtineret eorum sententia, nemo nisi indignē acciperet: quando ad vnum omnes rei cōiunctique suae imperfectionis tenerentur. Et sane nimis stuporis, ne dicam stoliditatis, fuerit, eam perfe-

tionem in recipiendo Sacramento requirere quæ Sacramentū irritum superuacuumque faciat: quod non per se institutum est, sed infirmis ac debilibus ad vellicandum, excitandum, stimulandum, exercendum fidei & charitatis affectum: defectum verò vtriusque corrigendum.

43 Cæterum quod ad externum actionis ritum spectat, in manum accipiant fideles, necne: inter se diuidant, an singuli quod sibi datum fuerit, edant: calicem in Diaconi manu repellant, an proximo tradant: panis sit fermentatus, an azymus: vinum rubrum, an album: nihil refert. Hæc indifferentia sunt, & in Ecclesiæ libertate posita. Quanquam certum est, veteris Ecclesiæ ritum fuisse ut omnes in manum acciperent. Et Christus dixit, *Diuidite inter vos. Fermentatum & vulgarem panem fuisse ante tempus Alexandri Romani Episcopi, narrant historiæ: qui, primus azymo pane delectatus est: qua id ratione, non video nisi ut plebis oculos nouo spectaculo in admiratione traheret magis quam ut animos proba religione institueret. Omnes obiuro, qui vel leui aliquo pietatis studio tanguntur, annon euidenter perspiciant, & quanto præclarius Dei gloria hic resplendeat, & quanto affluentior spiritualis consolationis suauitas ad fideles redeat, quam in istis frigidis & histrionicis nugis, quæ nullum alium vsum afferunt nisi ut stupentis populi sensum fallant. Id populum religione contineri vocant, quum superstitione stolidus & infatuatus, quouis trahitur. Siquis vetustate tueri huiusmodi inuentiones velit, nec ipse ignoro quàm vetustus sit chrisimatis & exufflationis in Baptismo vsum: quàm nō longè ab ætate Apostolorum Cœna Domini tacta rubigine fuerit: sed isthæc scilicet humanæ confidentiæ procacitas est, quæ se continere nequit quin semper in Dei mysteriis ludat & lasciuiat. Nos verò meminerimus tanti esse Deo verbi sui obedientiam, ut in ea & Angelos suos & orbem vniuersum iudicare nos velit. Porro tanta ceremoniarum congerie faceßere iussa, sic administrari decentissimè poterat, si sæpißimè & singulis ad minimum hebdomadibus proponeretur Ecclesiæ. initium autem fieret à publicis precibus: haberetur deinde concio. tum minister, proposito in mensa pane & vino, institutionem Cœnæ referret: deinde promissiones enarraret quæ in ea nobis relictæ sunt: simul eos omnes excommunicaret qui interdicto Domini ab ea arcantur: postea oraretur, ut qua Dominus benignitate sacrum hoc alimentum nobis largitus est, nos quoque ad id suscipiendum fide & animi gratitudine erudiret & formaret. & quando ex nobis non sumus, sua misericordia nos dignos faceret tali conuiuio. hic verò aut caneretur Psalmi, aut aliquid legeretur, & quo decet ordine fideles sacrosanctis epulis communicarent, ministris panem frangentibus, & populo præbentibus. finita Cœna, exhortatio haberetur ad synceram fidem & fidei confessionem, ad charitatem & mores Christianis dignos. postremò gratiarum actio referretur, & laudes Deo canerentur. Quibus finitis Ecclesia dimitteretur in pace.*

Luc. 22. b. 17

44 Quæ de Sacramento hoc hætenus differuimus, abundè ostendunt, non institutum ideo fuisse ut semel quotannis acciperetur, idque perfunctoriè (ut nunc communiter moris est) verum quo frequèti in vsum Christianis omnibus esset, ut frequenti memoria passionis Christi repeterent. qua recordatione & fidem suam sustinerent ac roborarent, & sese ad confessionem laudis Deo canendam bonitatemque eius prædicandam hortarentur, & qua postremò mutuam charitatem alerent, & sibi etiam inter se testificarentur, cuius copulam in vni tate corporis Christi viderent. Quoties enim symbolo corporis Domini communicamus, velut data & accepta tessera, alter alteri nos vicissim obstringimus ad omnia dilectionis officia, ut nequid admittat nostrum quispiam quo fratrem lædat, nequid prætermittat quo eum iuuare possit, vbi necessitas postulat & facultas suppetit. Talem fuisse Ecclesiæ Apostolicæ vsum, Lucas in Actis commemorat, quum fideles ait perseuerantes fuisse in doctrina Apostolorum, cōmunicatione, fractione panis, & orationibus. Sic agendum omnino erat, ut nullus Ecclesiæ conuentus fieret sine verbo, orationibus, participatione Cœnæ & eleemosynis. Hunc & apud Corinthios fuisse institutum ordinem, satis ex Paulo coniecere licet: & multis postea seculis in vsum fuisse constat. Inde enim veteres illi Canones, quos Anacleto & Calixto tribuunt, ut peracta consecratione omnes communicet, qui noluerint Ecclesiasticis carere liminibus. Et in vetustis illis Canonibus quos Apostolorum vocant, habetur, Qui nō perseuerat vsque ad finem, & sacram cōmunionem non percipiunt, tanquā inquietudinem Ecclesiæ mouentes, corrigendos. In Antiocheno etiam Concilio decretum est ut qui Ecclesiam intrant, scripturas audiunt, & à cōmunionem abstinent, ab Ecclesia remoueantur, donec vitium hoc correxerint. Quod tametsi in Concilio Toletano primo vel mitigatum fuit, vel mitioribus saltem verbis propositum: tamen illic quoque statuitur, ut qui aucta concione nunquam cōmunicare deprehensi fuerint, admoneantur: si post monitio-

Act. 2. g. 41.

nem abstineant, arceantur.

His scilicet constitutionibus volebant sancti viri retinere ac tueri frequentem communionis usum, ab ipsis Apostolis traditum: quem fidelibus maxime salutare esse, vulgi autem negligentia sensim obsolescere videbant. De ætate autem sua testatur Augustinus, Huius, inquit, rei sacramentum unitatis corporis Domini alicubi quotidie, alicubi certis intervallis dierum, in Dominica mensa præparatur, & de mensa illa sumitur: quibusdam ad vitam, aliis ad exitium. Et in Epistola ad Ianuarium priore, Alii quotidie communicant corpori & sanguini Dominico, alii certis diebus accipiunt, alibi nullus dies intermittitur quo non offeratur, alibi Sabbatho tantum & Dominico, alibi non nisi Dominico. Quoniam autem, ut diximus, plebs interdum remissior erat, instabant sancti viri severis obiurgationibus, ne connuere ad hanc socordiam viderentur. Tale exemplum est apud Chrysostomum in Epistolam ad Ephesios, Non est dictum ei qui conuiuium dehonestabat, Quare recubuisti: sed, Quare ingressus es? Quisquis mysteriorum particeps non est, improbus est, & impudens quod hic adstat. Quæso, si quis ad conuiuium vocatus venerit, manus lauerit, discubuerit, visus fuerit se ad edendum comparare, deinde nihil gusteret, nonne contumelia & conuiuium afficiet & conuiuatore? Sic tu, inter eos stans qui oratione se ad sumendum sacrosanctum cibum præparant, te vnum esse ex eorum numero, eo ipso quod non abscessisti confessus es, tandem non participas: nonne satius foret te non comparuisse? Indignus sum, inquis. Ergo nec communione orationis dignus eras, quæ est ad sumendum sacrum mysterium præparatio.

46 Et sanè hæc cōsuetudo quæ semel quotannis communicare iubet, certissimum est Diaboli inuentum: cuiuscunque tandem ministerio inuecta fuerit. Aiunt Zepherinū eius decreti fuisse authorem, quod tale fuisse nequaquam credibile est quale nunc habemus. Ille enim, suo instituto, non fortè pessimè Ecclesiæ consulebat, ut tum erant tempora. Minimè enim dubium est quin tum sacra Cœna proponeretur fidelibus quoties in cœtum conuenirent: nec dubium etiam quin bona eorum pars communicaret. sed quum vix vnquam eueniret ut omnes simul communicarent, esset verò necesse eos qui permixti erant profanis & idololâtris, externo aliquo symbolo fidem suā testari: diem illum, ordinis & politiæ causa, vir sanctus statuerat, quo totus Christianorum populus fidei confessionem participatione Cœnæ Domini ederet. Probum alioqui Zepherini institutum malè detorsit posteritas, quum certa lex de vna quotannis communicatione posita est: qua factum est ut ferè omnes, quum semel communicauerunt, quasi in reliquum anni tempus pulchrè defuncti, in vtrâque aurem securi dormiant. Longè aliter factum oportuit: singulis ad minimū hebdomadibus proponenda erat Christianorū cœtui mensa Domini, declarandæ promissiones quæ nos in ea spiritaliter pascere: nullus quidem necessitate cogendus, sed cohortandi omnes, & stimulandi: obiurgandus etiam ignauorum torpor. Omnes gregatim, ut famelici, ad tales lautitias conuenirent. Non iniuria igitur principio conquestus sum, Diaboli arte intrusam hanc consuetudinē: quæ dum vnū anni diem præscribit, in totū annum socordes reddit. Videmus quidē peruersum hūc abusum Chrysostomi tēpore iam obrepisse: sed videre simul licet quantopere ipsi displicuerit. Conqueritur enim grauibz verbis eo quem nuper citavi loco, tantam esse huius rei inæqualitatē, quod aliis anni tēporibus sæpenumero, nec quum mundi essent, accederēt: in Paschate, etiam immūdi. Deinde exclamat, O cōsuetudinē, ô præsumptionē! Frustrā ergo habetur quotidiana oblatio: frustra stamus ad altare. Nemo est qui simul participet. Tātum abest ut autoritate sua interposita cōprobarit.

47 Ex eadem prodiit officina & altera constitutio, quæ dimidiam Cœnæ partem meliorū populi Dei numero vel furata est, vel eripuit: nepe symbolū sanguinis, quod laicis & profanis (his scilicet titulis Dei hæreditatem insigniunt) interdīctum, paucis rasis & vñctis in peculiū cessit. Ediētum æterni Dei est ut omnes bibant: quod homo noua & contraria lege antiquare & abrogare audeat, edicens ne omnes bibant. Ac ne sine ratione aduersus Deum suum pugnent tales legislatores, pericula obtendunt quæ accidere possent si omnibus passim exponeretur sacer hic calix. ac si ab æterna Dei sapientia prospecta ea & animaduersa non essent. Deinde argutè scilicet ratiocinantur, vnum pro duobus esse satis. Nam si corpus est (inquiūt) totus Christus est, qui à suo corpore iam diuelli non potest. Ergo & corpus sanguinē per concomitantiam complectitur. En sensus nostri cum Deo consensum, vbi vel tantillum laxi habenis lasciuire ferocirèque cœpit. Dominus, panem ostendens, corpus suum esse dicit: calicem dum ostendit, sanguinem vocat. Humanæ rationis audacia contrā reclamat, panem esse sanguinē, vinum esse corpus. ac si Dominus nulla causa corpus suum à sanguine & verbis & signis distinxisset: & vnquam fando audi-

tum esset, corpus Christi, aut sanguinem, Deum & hominem appellari. Sanè si designare se totum voluisset, dicere poterat, Ego sum: qualiter loqui in Scripturis consuevit: non autem, Hoc est corpus meum, Hic est sanguis meus. Sed fidei nostræ infirmitati succurrere volens, calicem seorsum à pane statuit, vt doceat se ad potum non minus quàm cibum sufficere. Nunc tollatur pars vna, non nisi dimidium alimentorum in eo reperiemus. Ergo, vt verum sit quod obtendunt, sanguinem esse in pane per concomitantiam, & corpus rursum in calice: confirmatione tamen fidei, quam Christus vt necessariam tradit, pias animas fraudant. Itaque, argutiis eorum valere iussis, retinenda nobis est vtilitas quæ in duplici arrha ex Christi ordinatione percipitur.

48 Equidem scio, Satanæ ministros (vt solenne illis est Scripturas ludibrio habere) hinc cauillari. Primum causantur, ex simplici facto non esse ducendam regulam qua Ecclesia ad perpetuam obseruationem obligetur. At mentiuntur quum simplex factum esse dicunt. neque enim porrexit tantum calicem Christus: sed instituit vt Apostoli sic in posterum facerent. Præcipientis enim verba sunt, Bibite ex hoc calice omnes. Et Paulus sic factum esse commemorat vt pro certo instituto commendet. Alterum effugium est, solos Apostolos in huius Cœnæ participationem à Christo admissos, quos iam in sacrificorum ordine allegat & cooptauerat. Velim tamè mihi ad quinque postulata respondeant: quibus elabi non poterunt quin facile cum suis mendaciis reuincantur. Primum, quo oraculo reuelata habent hanc solutionem, tam alienam à verbo Dei? Scriptura duodecim recenset qui accubuerunt cum Iesu: sed non ita Christi dignitatem obscurat, vt sacrificos eos appellet. de quo nomine postea suo loco. Etsi duodecim tum dedit, præcepit tamen vt sic facerent: nempe vt sic inter se distribuerent. Secundò, cur meliore illo seculo, ab Apostolis ad mille vsque annos postea, sine exceptione omnes fiebāt vtriusque symboli participes? ignorabātne vetus Ecclesia quos Christus conuiuas ad Cœnam suam admisisset? Perditissimæ impudentiæ fuerit hinc restitäre & tergiversari. Extant Ecclesiasticæ historiæ, extant veterum libri, qui aperta huius rei testimonia suggerunt. Caro (inquit Tertullianus) corpore & sanguine Christi pascitur, vt anima de Deo saginetur. Quomodo huiusmodi manibus (dicebat Ambrosius Theodosio) sacrum Domini corpus suscipies? Qua audacia poculum sanguinis pretiosi ore tuo participabis? Hieronymus, Sacerdotes, qui eucharistiam conficiunt, & sanguinem Domini populo distribuunt. Chrysostomus, Non sicut in veteri Lege partem quidem sacerdos comedebat, partem verò populus: verum omnibus corpus vnum proponitur, & poculum vnum. Ea quæ sunt eucharistiæ, communia sunt omnia inter Sacerdotem & populum. Id ipsum Augustinus plurimis locis testatur.

Lib. De testam.
car.
Refert Theodoret.
lib. 3.
cap. 18
Hieronymus.
in 2. Malach.
Chrysostomus.
in 1. Cor. cap. 3.
homil. 18.

49 Sed quid de re notissima disputo? Legantur omnes Græci & Latini scriptores: passim occurrent eiusmodi testimonia. Neque obsoleuit hæc consuetudo, dum aliqua integritatis gutta in Ecclesia superfuit. Gregorius, quem vltimum Romæ Episcopum fuisse iure dicere possis, sua ætate seruatum fuisse docet Quis sit sanguis agni, iam non audiendo, sed bibendo didicistis. Eius sanguis in fidelium ora profunditur. Imò quadringentis post eius mortem annis, quum iam omnia degenerassent, adhuc durauit. Neque enim id pro more dūtaxat, sed pro lege inuiolabili habebatur. Vigebat enim tunc diuinæ institutionis reuerentia: nec sacrilegium esse dubitabant, separare quæ essent à Domino coniuncta. Sic enim loquitur Gelasius, Comperimus quòd quidam sumpta tantummodo corporis sacri portione, à calice abstineant: qui proculdubio, quoniam nescio qua superstitione videntur adstricti, aut integra sacramenta percipiant, aut ab integris arceantur. Diuisio enim istius mysterii sine grandi sacrilegio non admittitur. Audiebantur illæ Cypriani rationes, quæ sanè Christianam mentem permouere debent. Quomodo, inquit, docemus aut prouocamus eos in confessione Christi sanguinem fundere, si militaturis sanguinem eius denegamus? Aut quomodo facimus ad martyrii poculum idoneos, si non eos ad bibendum Domini poculum prius in Ecclesia iure communionis admittimus? Quod autem ad sacerdotes restringit Canonistæ illud Gelasii decretum, magis puerile est cauillum quàm vt refutari debeat.

Refertur De
cōsecra. dist.
2. cap. Com-
perimus.

Serm. 5. De
lapsis.

50 Tertiò, cur de pane simpliciter dixit vt ederent: de calice, vt omnes biberent? Ac si Satanæ calliditati ex destinato occurrere voluisset. Quartò, si sua Cœna Dominus solos sacrificos (vt ipsi volunt) dignatus est, quis vnquā hominum ausus esset vocare in participationem extraneos, qui à Domino exclusi essent: & participationem quidem eius doni cuius penes se potestas non esset, nullo eius mandato qui solus dare poterat? Imò qua id fiducia hodie vsurpant, vt plebeculæ symbolum Christi corporis distribuunt, si nullum habent Domini vel mandatum vel exemplum? Quintò, an mentiebatur Paulus, quum dicebat Corinthiis, se accepisse à Domino quod illis tradiderat? Nam postea traditionem declarat, vt om-

1. Cor. 11. d. 19

nes promiscuè utroque symbolo communicarent. Quòd si à Domino Paulus acceperat, omnes sine discrimine admittendos: videant à quo acceperint qui vniuersam penè Dei plebem abigunt. quando iam Deum authorem pratendere non possunt, apud quem non est Est & non. Et adhuc tales abominationes nomine Ecclesiæ prætexere audent, & hoc prætextu defecdere. quasi verò aut isti Antichristi Ecclesiæ sint, qui Christi doctrinā & institutiones tam ex facili proterunt, dissipant, abrogant: aut Apostolica Ecclesiæ, Ecclesiæ non fuerit, in qua tota vis religionis effloruit.

De Missa Papali, quo sacrilegio non modò profanata fuit Cœna Christi, sed in nihilum redacta. CAP. XVIII.



IS & similibus inuentis conatus est Satan, velut offusus tenebris, sacram Christi Cœnam infuscare & inquinare: ne saltem eius puritas in Ecclesiæ retineretur. Sed horrendæ abominationis caput fuit, quum signum extulit, quo non modò obscuraretur & peruerteretur, sed penitus oblitterata & abolita euanesce-
ret, & ex hominum memoria excideret: nempe quum pestilentissimo errore totum penè orbem obcæcauit, vt crederet Missam sacrificiū & oblationē esse ad impetrandam peccatorum remissionem. Quo modo initio dogma istud acceperint saniores Scholastici, nihil moror: valeant ipsi cum spinosis suis argutiis: quæ utcūque cauillando defendi queāt, ideo tamen repudiandæ sunt bonis omnibus quòd nihil quàm Cœnæ claritatem multis tenebris inducunt. Illis ergo valere iussis, congregari me hic lectores intelligant cum ea opinione qua Romanus Antichristus ac eius Prophetæ totum orbem imbuerunt, nempe Missam esse opus quo sacerdos qui Christum offert & alii qui in oblatione participant, Deum promerentur: vel expiatoriam esse victimam, qua sibi Deum reconcilient. Neque id communi tantum vulgi opinione receptum est, sed ipsa quoque actio sic est instituta vt genus sit placationis quo pro viuorum & mortuorū expiatione Deo satisfiat. Hoc quoque sonant verba quibus vtitur: nec aliud ex quotidiano vñ colligere licet. Quàm altas radices fixerit hæc pestis, scio: quanta sub specie boni lateat, vt nomen Christi præferat, vt vno Missæ nomine totam fidei summam complecti se multi credant. Sed vbi verbo Dei, clarissimè comprobatum fuerit, hanc quantumuis fucatam & splendidam insigni contumelia Christum afficere, crucem eius sepelire & opprimere, mortem eius in obliuionem tradere, triumphum qui ex ea nobis proueniebat tollere, Sacramentum, quo mortis memoria relicta erat, enervare & dissipare: an erunt vllæ tam profundæ radices quas non validissima hæc securis, verbum inquam Dei, conscindat & euertat? An vlla tam speciosa facies sub qua latens malum lux hæc non prodat?

2 Ostendamus ergo quod primo loco propositum est, intolerabilem illic blasphemiam ac contumeliā Christo irrogari. Sacerdos enim & Pontifex à Patre consecratus est, non ad tempus: quomodo illi in Veteri testamento constituti leguntur, quorum quum vita mortalis esset, sacerdotium immortale esse non poterat: quare & successoribus opuserat qui subinde in demortuorum locum subrogarentur. At Christo, qui immortalis est, vicarium substitui minimè necesse est. Itaque à Patre designatus est Sacerdos in æternum, secundum ordinem Melchisedec: vt æternum permanente sacerdotio fungeretur. Hoc mysterium in Melchisedec antè multo figuratum fuerat, quem vbi Scriptura semel induxit Sacerdotem Dei viuentis, nunquā postea eius meminit, ac si nullum vitæ finē habuisset. Hac similitudine Christus secundum eius ordinem Sacerdos dictus est. Iam verò qui quotidie sacrificant, oblationibus sacerdotes præficiant necesse est, quos Christo velut successores & vicarios subrogent. Qua subrogatione non modò Christum suo honore spoliant, & æterni sacerdotii prærogatiuam illi rapiunt: sed è dextera Patris deturbare ipsum conantur: in qua sedere immortalis non potest quin simul æternus Sacerdos maneat. Neque causentur non suffici suos sacrificulos Christo quasi demortuo, sed suffraganeos duntaxat esse æterni eius sacerdotii quod propterea stare non desinit. Verbis enim Apostoli fortius constringuntur quàm vt sic elabi possint: nempe alios plures esse factos sacerdotes quia morte impedirentur permanere. Christus ergo qui morte non impeditur vnus est, nec confortibus indiget. Quæ tamen eorum est improbitas, ad impietatem suam tuendam, exemplo Melchisedec se armant. Quia enim obtulisse dicitur panem & vinum, colligunt fuisse præludium Missæ suæ, ac si inter eum & Christum similitudo esset in panis & vini oblatione. Quòd magis ieiunū est ac friuolum quàm vt refutatione egeat. Panem & vinum dedit Melchisedec Abraham & eius comitibus, vt lassos ex itinere & prælio reficeret. quid hoc ad sacrificiū? Humanitas sancti regis laudatur à Mose: mysteriū importunè isti excudunt cuius nulla sit mentio. Fucant tamen suum errorem alio colore, quia sequitur continuo post, Et erat Sacerdos Dei

Heb. 5. b. 5, &
c. 10, & 7. c. 17.
21, & 9. c. 11, &
10. d. 21

Psal. 110. b. 14
gene. 14. d. 18

Hebr. 7. d. 23

altissimi. Respondeo, perperam eos trahere ad panem & vinum quod Apostolus ad benedictionem refert. Quum ergo Sacerdos esset Dei, benedixit Abraham. Vnde idem Apostolus (quo melior non est quærendus interpres) colligit eius præstantiam: quia minor benedicitur à maiore. Quòd si oblatio Melchisedec sacrificii Missalis figura esset, an Apostolus obsecro, qui minima quæque excutit, rem adeò seriam & gravè fuisset oblitus: Iam (quicquid nungentur) rationem quæ ab ipso Apostolo adducitur, frustra conuellere tentabunt, cessare ius & honorem sacerdotii inter homines mortales, quia Christus, qui immortalis est, vnicus ac perpetuus est Sacerdos.

Altera Missæ virtus proposita erat, quòd Christi crucem & passionē opprimit & obruit. Hoc quidem certissimū est, euerti Christi crucē simulac erigitur altare. nam si in cruce semetipsum in sacrificiū obtulit, quo nos in perpetuum sanctificaret, & æternam redēptionem nobis acquireret: haud dubiè vis atque efficacia eius sacrificii nullo fine perstat. Alioqui nihilo honorificètius de Christo sentiremus quàm de bobus & vitulis qui sub Lege immolabantur: quorum oblationes ex eo inefficaces arguuntur & imbecillæ, quòd saepius iterabantur. Quare aut Christi sacrificio, quod in cruce impleuit, purgationis æternæ vim defuisse fatendum erit, aut vno semel sacrificio Christum in omnia sæcula defunctū esse. Id est quod dicit Apostolus, Summum hunc Pontificem Christum semel, per immolationem sui apparuisse, sub consummationem sæculi, ad peccati profligationem. Item, Voluntate Dei nos sanctificatos esse per oblationem corporis Iesu Christi semel. Item, Christum vna oblatione in perpetuum consummasse sanctificatos. Quibus insignem sententiā subnectit, Acquisita semel peccatorum remissione, nullam amplius restare oblationem. Hoc & postrema sua voce & inter vltimos spiritus edita Christus significauit, quum dixit, Consummatū est. Solemus extremas morientium voces pro oraculis obseruare. Christus moriens testatur vno suo sacrificio perfectum esse & impletum quicquid in salutem nostram erat. Nobis huiusmodi sacrificio, cuius perfectionem luculenter adeò commendauit, quasi imperfecto, an innumera quotidie asfluere licebit? Quando sacrosanctum Dei verbū non affirmat modò, sed clamat etiam & cōtestatur, hoc sacrificium semel peractum fuisse, eius vim æternam permanere: qui aliud postulant, nōne ipsum imperfectionis insimulant & infirmitatis? At verò Missa quæ hac lege tradita est vt millies centena sacrificia in singulos dies peragantur, quòd spectat nisi vt Christi passio, qua vnicam hostiam se Patri obtulit, sepulta submersaque iaceat? Quis, nisi cæcus, non videat, Satanæ audaciam fuisse quæ veritati adeò apertæ ac dilucidæ oblectaretur: Nec me latet quibus præstigiis hanc suā fraudem prætexere soleat pater ille mendacis, non varia esse nec diuersa sacrificia, sed vnum idem saepius repeti. Verū tales fumi nullo negotio discutiuntur. tota enim disputatione contendit Apostolus non modò nulla alia esse sacrificia, sed vnū illud semel oblatū fuisse, nec amplius iterandum. Subtiliores occultiores etiam num rima effugunt, non repetitionem esse, sed applicationem. Sed nihilo difficilius hoc quoque sophisma cōfutatur. neque enim hac lege se obtulit semel Christus, vt nouis quotidie oblationibus ratū fieret suum sacrificium: verū vt Euangelii prædicatione ac sacra Cœnæ administratione fructus eius nobis communicetur. Sic Paulus dicit Christum Pascha nostrum immolatum esse: ac nos epulari iubet. Hæc (inquā) ratio est qua nobis ritè applicatur crucis sacrificium, dum fruendum nobis communicatur, & nos vera fide recipimus.

Sed opera pretium est audire quo præterea fundamento missarium sacrificiū fulciant. Nam huc Malachia vaticinium trahunt, quò pollicetur Dominus futurum vt incensum per orbem vniuersum offeratur nomini suo, & oblatio munda. Quasi verò nouum sit aut insolitum Prophetis, quum de Gentium vocatione loquūtur, spirituales Dei cultum, ad quem illas hortantur, externo Legis ritu designare. quo familiarius sæculi sui hominibus indicarent in veram religionis societatem esse vocandas. Qualiter etiam in vniuersum rerum veritatem, quæ per Euangelium exhibita fuit, ætatis suæ typis describere solent. Sic pro conuersione ad Dominum, ascensum in Ierusalem: pro Dei adoratione; munerum omne genus oblationem: pro ampliore eius notitia, qua in regno Christi fideles donandi erant, somnia & visiones ponunt. Quod ergo citant, alteri Iesaiæ vaticinio simile est, vbi Propheta de tribus altaribus in Assyria, Aegypto & Iudæa erigendis prædicit. Primum enim quæro annon huius prophetiæ complementum in regno Christi esse concedant. Deinde vbi sint aræ illæ, aut quando vnquam sint erectæ. Tertiò, num existiment singulis regnis destinari singula templa, quale illud Hierosolymitanū fuit. Hæc si perpendunt, fatebuntur, opinor, Prophetam sub typis ætatis suæ congruentibus, de spirituali Dei cultu in totum orbem propagando vaticinari. Quam nos illis solutionem damus. Huius tamē rei

quia passim obuia exempla occurrunt, non ero in enumeratione longiori sollicitus. Quamquā in hoc quoque misere hallucinantur, quod nullū agnoscunt sacrificium nisi Missariū: quū re vera nūc sacrificet Domino fideles, & mundā offerat oblationē, de qua mox dicetur.

5 Nunc descendo ad tertias Missæ partes, vbi explicandum est quomodo verā & vnam mortem Christi oblitteret, & ex hominum memoria excutiat. Nam vt inter homines testamenti confirmatio à morte testatoris penderet: ita etiam testamentum, quo nos peccatorum remissione & æterna iustitia donauit, morte sua cōfirmavit Dominus noster. In hoc testamento qui variare quicquam aut innouare audent, mortem eius abnegant, & tanquā nullius momenti habent. Quid verò est Missa nisi nouū & prorsus diuersum testamentū? quid enim? annō singulæ Missæ nouam peccatorum remissionem, nouam iustitiæ acquisitionē promittunt: vt iam tot sint testamenta quot Missæ? Veniat ergo rursus Christus, & altera morte nouum hoc testamētum, vel potius infinitis mortibus innumera Missarum testamenta rata faciat. Annon igitur verum principiò dixi, vnicam & veram Christi mortem oblitterari per Missas? Quid, quòd eò directè spectat Missa, vt rursus si fieri possit, trucidetur Christus? Nam vbi testamentum est (inquit Apostolus) mortem testatoris intercedere illic necesse est. Missa nouum Christi testamentum præ se fert: eius ergo mortem postulat. Præterea, hostiam quæ offertur, occidi & immolari necesse est. Si Christus singulis Missis sacrificatur: cum singulis momentis mille in locis crudeliter interfici oportet. Non id meum est, sed Apostoli argumentum, Si necesse habuisset offerre sæpius semetipsum, oportuisse illum frequenter pati ab origine mundi. Fateor esse illis in promptu responsum quo nos etiam calumniæ notant. aiunt enim sibi obiici quod nec cogitarint vnquam, ac ne possint quidem. Nos verò scimus, mortem ac vitam Christi nequaquam in eorum manu esse. An ipsum interficere instituant, non respicimus: tantum ostēdere animus est, quale absurdum consequatur ex impio ac scelesto eorum dogmate. Quod ipsum ex ore Apostoli demonstro. Reclament centies licet, sacrificium hoc esse *ἀναιµαν*: negabo ex hominum arbitrio pendere, vt sacrificia naturam mutent. quia hoc modo concideret sacra & inuolabilis Dei institutio. Vnde sequitur, firmum esse illud principium Apostoli, requiri sanguinis effusionem ne desit ablutio.

Hebr. 9. c. 10

6 Iam quartum Missæ munus tractādum, vt scilicet fructum qui è morte Christi ad nos redibat, nobis præripiat: dū ne agnoscamus & cogitemus, facit. Quis enim cogitet se morte Christi redemptum esse, vbi nouam in Missa redemptionem viderit? Quis peccata sibi remissa confidat, vbi nouam remissionem viderit? Neque euadet qui dixerit, non alia causa nos peccatorum remissionem in Missa obtinere, nisi quia morte Christi iam acquisita est. Non enim aliud affert quàm si iacet ea lege nos à Christo redemptos esse vt nos ipsi redimamus. huiusmodi enim à Satanæ ministris doctrina sparsa est, & talē hodie clamoribus, ferro, igni tuentur, Nos, quum Christū Patri in Missa offerimus, hoc oblationis opere assequi peccatorum remissionē, & participes fieri passionis Christi. Quid iam passioni Christi superest nisi vt sit exemplum redemptionis, quo discamus nostri esse redemptores? Christus ipse, dum in Cœna veniæ fiduciam obsignat, non iubet discipulos in actione illa hære, sed ablegat eos ad mortis sacrificium: Cœnam monumentum vel memoriale (vt vulgò loquuntur) esse significans, ex quo discant victimam expiatrix, qua placandus erat Deus, nonnisi semel offerri debuisse. Neque enim sufficit Christum tenere vnicam esse victimam, nisi & vnica immolatio accedat: vt fides nostra cruci eius affixa sit.

7 Ad coronidem nunc venio, nempe sacram Cœnā, in qua Dominus passionis suæ memoriam insculptam formatamque reliquerat: crecta Missa, è medio sublatam, inductam, & deperditam. Siquidem Cœna ipsa donum Dei est, quod cum gratiarum actione accipiendum erat. Sacrificium Missæ pretium Deo numerare fingitur quod ipse in satisfactionem accipiat. Quantum interest inter dare & accipere, tantum à Sacramento Cœnæ sacrificium differt. Atque hæc quidem miserrima hominis ingratitude est, quòd vbi agnoscenda erat diuinæ bonitatis largitas, gratiæque agendæ, in eo Deum sibi debitorem facit. Sacramentum promittebat, nos Christi morte non semel dūtaxat repositos in vitam: sed assidue viuificari, quia tunc omnes nostræ salutis numeri impleti sint. Missæ sacrificium longè aliam cātilenam canit, Christum oportere quotidie sacrificari, vt aliquid nobis cōmodet. Cœna in publico Ecclesiæ cœtu distribuenda erat, quo nos de communionē doceret qua omnes cohæremus in Christo Iesu. Hanc cōmunitatem dissoluit ac distrahit Missæ sacrificiū. postquā enim error inualuit, oportere esse Sacerdotes qui pro populo sacrificarent: quasi relegata esset ad eos Cœna, desit iuxta Domini mādātum, fidelium Ecclesiæ communicari. Aditus Missis priuatis est patefactus, quæ ex communicationem quandam

magis referrent quàm cōmunitatem illam à Domino institutā: quum sacrificulus suam victimam seorsim voraturus, se à toto fidelium populo segreget. Missam priuatam voco, (ne quis fallatur) vbicunque nulla est inter fideles Dominicæ Cœnæ participatio, etiam si aliàs magna hominum multitudo interfit.

8 Ac ipsum quidē Missæ nomen vnde natum sit nunquā certò potui iudicare: nisi quòd mihi verisimile est, ab oblationibus quæ cōferebantur, fuisse sumptū. Vnde & veteres plurali ferè numero vsurpant. Sed vt de nomine remittamus controuersia, dico priuatas Missas cum Christi institutione ex diametro pugnare: ideòque impiam esse sacræ Cœnæ profanationem. Quid enim mandauit nobis Dominus? nōne accipere & diuidere inter nos? Qualē mandati obseruationē docet Paulus? nōne fractionē panis, quæ communio sit corporis & sanguinis? Quum igitur vnus sine distributione accipit, quid simile est? At ille vnus totius Ecclesiæ nomine facit. Quo mandato? annon hoc apertè illudere Deo est, quū vnus priuatim ad se rapit quod nō nisi inter plures fieri debuerat? Sed quia satis clara Christi & Pauli verba sunt, breuiter cōcludere licet: vbicūque non est fractio panis ad communionē fidelium, illic non Cœnam Domini, sed falsam & præposteram Cœnæ imitationem esse. Falsa autem imitatio, deprauatio est. Porro deprauatio tanti mysterii, impietate non caret. In Missis ergo priuatis impius est abusus. Atque (vt vitium vnum in religione aliud subinde parit) postquam semel obrepit ille mos sine communionē offerendi, paulatim cœperūt in singulis templorum angulis innumerabiles Missas facere, & populū huc atque illuc distrahere, quem in vnum cœtum coire oportuerat, vt suæ vnitatis mysterium recognosceret. Eant nunc, & idololatriam esse negent quòd panem in suis Missis ostēdunt pro Christo adorādum. frustra enim promissiones illas de Christi præsentia iactant: quæ vtcunque intelligātur, non ideo certè data sunt vt homines impuri & profani, quoties velint & in quen cunque libeat abusum, corpus Christi cōficiant: sed vt fideles, dum religiosa obseruatione sequuntur Christi mandatum in Cœna celebranda, vera eius participatione fruantur.

9 Adde quòd hæc peruersitas puriori Ecclesiæ incognita fuit. Vtcūque enim fucum hīc facere conentur qui sunt inter aduersarios impudentiores, certo tamen certius est, totam antiquitatem ipsis aduersari: vt superius in aliis demonstrauimus, & certius ex assidua veterum lectione iudicari poterit. Verum antequam finem dicendi faciam, Missarios nostros doctores interrogo, quum sciant potiorē esse Deo obedientiam, quàm victimas: & magis pōscere vt voci suæ auscultetur, quàm vt sacrificia offerantur: quomodo hanc sacrificandi rationem Deo acceptam credant, cuius nullum illis constat mandatum, & quam ne vna quidem Scripturæ syllaba probari vident? Præterea quum Apostolum audiant dicentem, neminem sibi nomen atque honorem sacerdotii vsurpare nisi qui vocatus est, vt Aaron: quin nec Christum ipsum sese ingessisse, sed obedisse Patris vocationi: aut sacerdotii sui authorem Deum institutorēque proferant oportet: aut honorem non esse à Deo fateantur, in quem non vocati, improba temeritate irruperunt. Atqui ne apicem quidem literæ obtendere possunt qui suo sacerdotio patrocinetur. Cur non igitur sacrificia euanescent, quæ sine Sacerdote offerri non possunt?

10 Siquis hinc inde concisas veterum sententias obtrudat, & eorum autoritate contendat aliter intelligendum esse quod in Cœna peragitur sacrificium, quàm nos exponamus: huic breuiter responsum sit, Si de approbando sacrificii commento, quale in Missa confinxerunt Papistæ, agitur, eiusmodi sacrilegio veteres nequaquam patrocinari. Vtuntur quidem illi sacrificii vocabulo: verum simul exponunt se aliud nihil intelligere, quàm memoriam veri illius & vnici sacrificii quod in cruce peregit Christus, vnicus (vt ipi passim prædicant, noster Sacerdos. Hebræi, inquit Augustinus, in victimis pecudum quas offerebant Deo, prophetiam celebrabant futuræ victimæ quam Christus obtulit: Christiani iam peracti sacrificii memoriam celebrant sacrosancta oblatione & participatione corporis Christi. Hic certè penitus idem docet quod pluribus verbis in libro De fide ad Petrum Diaconum habetur, quicunque tandē sit author. Verba sunt: Firmissimè tene, & nullatenus dubites, ipsum Vnigenitum, carnem pro nobis factum, se pro nobis obtulisse sacrificium & hostiam Deo in odorem suauitatis: cui cum Patre & Spiritu sancto, tempore Veteris testamenti animalia sacrificabātur: & cui nūc cum Patre & Spiritu sancto (cum quibus vna est illi diuinitas) sacrificiū panis & vini sancta Ecclesia per vniuersum orbem offerre nō cessat. In illis enim carnalibus victimis figuratio fuit carnis Christi, quam pro peccatis nostris ipse erat oblaturus: & sanguinis, quem erat effusus in remissionem peccatorum. In isto autem sacrificio, gratiarum actio atque commemoratio est carnis Christi, quam pro nobis obtulit: & sanguinis, quem pro nobis idē effudit. Vnde Augustinus ipse, pluri-

Cōtra aduer-
sarium Legis
sapius.

bus locis nihil aliud quàm sacrificiū laudis esse interpretatur. Denique passim apud eum reperies, non alia ratione vocari Cœnam Domini sacrificium, nisi quòd est memoria, imago, testimoniū illius singularis, veri & vnici sacrificii quo nos Christus expiauit. Memoralis etiam locus est lib. 4 De Trinitate cap. 24, vbi postquam disseruit de vnico sacrificio, ita concludit, Quoniam in sacrificio quatuor considerantur, cui offeratur, & à quo, quid offeratur, & pro quibus: idem ipse vnus verusque Mediator per sacrificium pacis nos reconcilians Deo, vnum cum ipso manet cui obtulit. vnum in se fecit pro quibus offerebat. vnus ipse est qui obtulit, & quod obtulit. In eundē quoque sensum loquitur Chrysostomus. Honorem verò sacerdotii ita Christo vendicant, vt Antichristi vocem fore testetur Augustinus si quis Episcopum inter Deum & homines intercessorem faciat.

Lib. 2. contra
Parmen. ca. 8

11

Galat. 3. 2. 1

Neque tamen diffitemur quin ita nobis monstretur illic Christi immolatio, vt crucis spectaculum penè ob oculos statuatur. qualiter in oculis Galatarum Christum fuisse crucifixum dicit Apostolus, dum illis proposita crucis prædicatio fuerat. Sed quia veteres quoque illos video aliò hanc memoriam detorsisse quàm institutioni Domini conueniebat (quòd nescioquam repetitæ aut saltem renouatæ immolationis faciem eorum Cœna præ se ferebat) nihil tutius piis pectoribus fuerit quàm in pura simplici que Dei ordinatione acquiescere: cuius etiam ideo vocatur Cœna quoniam sola hîc eius autoritas vigere debet. Equidem quum pium atque orthodoxum de toto hoc mysterio sensum retinuisse eos videam, neque deprehendam voluisse vnico Domini sacrificio vel minimum derogare, vllius impietatis damnare eos non sustineo. excusari tamen non posse arbitror quin aliquid in actionis modo peccauerint. Imitati sunt enim propius Iudaicum sacrificandi morem quàm aut ordinauerat Christus, aut Euangelii ratio ferebat. Sola igitur est præpostera illa anagoge in qua meritò eos quis redarguat, quòd non contenti simplici ac germana Christi institutione, ad Legis vmbras nimis deflexerunt.

12

1. Cor. 11. d. 20

Siquis diligenter expendat, hoc discrimen inter Mosaica sacrificia & eucharistiam nostram verbo Domini statui obseruabit, quòd quum illa eandem mortis Christi efficaciam populo Iudaico repræsentarint quæ nobis in Cœna hodie exhibetur, diuersa tamen fuerit repræsentationis species. Siquidem illic sacerdotes Leuitici quòd peracturus erat Christus sacrificium iubebantur figurare: sistebatur hostia, quæ vicem ipsius Christi subiret: erat altare, in quo immolaretur: sic denique gerebantur omnia, vt ob oculos poneretur sacrificii effigies quod Deo in expiationem offerendum erat. At peracto sacrificio, aliam nobis rationem Dominus instituit: nempe vt fructum oblatis sibi à Filio sacrificii, ad populum fidelem transmittat. Mensam ergo nobis dedit in qua epulemur, non altare super quod offeratur victima. non sacerdotes consecrauit, qui immolent: sed ministros, qui sacrum epulum distribuunt. Quo sublimius est ac sanctius mysterium, eo religiosius ac maiore reuerentia tractari conuenit. Ergo nihil tutius quàm vt ablegata omni humani sensus audacia, in eo solo quod Scriptura tradidit hæreamus. Et certè si cogitamus Domini nō hominum Cœnam esse, non est cur vlla hominū autoritate vel annorū præscriptione patiamur nos ab illa vel latum vnguem dimoueri. Itaque Apostolus, dum vult eam vitiis omnibus repurgare quæ iam in Corinthiorum Ecclesiam irreperant, quæ ad id expeditissimam via erat, ad vnicam illam institutionem reuocat: vnde perpetuam esse petendam regulam ostendit.

13

Porro nequis rixator ex sacrificii ac sacerdotis nominibus nobis pugnam faciat, id quoque, sed compendio, expediam, quid per sacrificium, quid per sacerdotem tota disputatione significauerim. Qui sacrificii vocabulum ad sacras omnes ceremonias & religiosas actiones extendunt, qua ratione id faciant non video. Nos perpetuo Scripturæ vsu sacrificium appellari scimus quod Græci nunc θυσία, nunc προσφορὰν, nunc λατρίαν dicunt. Quod generaliter acceptum, complectitur quicquid omnino Deo offertur. Quare distinguamus oportet: sic tamen vt hæc distinctio anagogen à sacrificiis Legis Mosaicæ habeat: sub quorum vmbris vniuersam sacrificiorum veritatem populo suo repræsentare voluit Dominus. Illorum autem quanquam variæ fuerunt formæ, tamen ad duo membra referri omnes possunt. Aut enim pro peccato fiebat oblatio quadam satisfactionis specie, qua noxa coram Deo redimebatur: aut symbolum erat diuini cultus, religionisque testificatio: nunc vice supplicationis, ad fauorem Dei postulandum: nunc gratiarum actionis, ad gratitudinem animi pro acceptis beneficiis testandam: nunc pro simplici pietatis exercitatione, ad renouandam fœderis sanctionem. ad quod posterius membrum holocausta & libamenta, oblationes, primitiæ, pacificæ victimæ pertinebāt. Proinde & nos in duo genera distribuamus, ac alterum, docendi causa, vocemus λατρίαν & θυσίαν: quoniam veneratione cultû-

que Dei constat quem illi fideles & debent & reddunt. vel si mauis *διχαριστίαν*: quandoquidē à nullis Deo exhibetur nisi qui immēsis eius beneficiis onusti, se totos cum actionibus suis omnibus illi rependunt. Alterum propitiatorium, siue expiationis. Est autem expiationis sacrificium, cui propositum est iram Dei placare, ipsius iudicio satisfaccere, eoque peccata ablueri & abstergere: quo peccator eorum sordibus repurgatus, & in iustitiæ puritatem restitutus, in gratiam cum Deo ipso redeat. Sic vocabantur in Lege victimæ quæ pro peccatis expiandis offerebantur: non quod reconciliandæ Dei gratiæ aut delendæ iniquitati pares forent: sed quod verum huiusmodi sacrificium adumbrarent quod tandē ab vno Christo re ipsa peractū fuit. ab ipso autem vno, quia ab alio nullo poterat. Et semel, quod illius vnus à Christo peracti efficacia & vis æterna est, vt sua ipse voce testatus est, quū dixit perfectū esse & impletū: hoc est, quicquid reconciliandæ Patris gratiæ, impetrandæ peccatorū remissioni, iustitiæ, salutis necessarium erat, id totum vnica illa sua oblatione præstitum & consummatum: adeoque nihil deesse, vt nullus postea locus alteri hostiæ relinqueretur.

Exod. 29. f. 36.

Iohan. 19. f. 30.

14 Quamobrem constituo, sceleratissimum probrum, & non ferendam esse blasphemiam tam in Christum quam in sacrificium quo per mortem suam in cruce pro nobis defunctus est, si quis, repetita oblatione, de redimēda peccatorū venia, de propitiando Deo, & obtinēda iustitia cogitet. At quid aliud missādo agitur, nisi vt nouæ oblationis merito, passionis Christi fiamus participes? Et ne vllus esset insaniendi modus, parum esse putauerunt, si dicerent commune ex æquo fieri sacrificiū pro tota Ecclesia, nisi adderent, sui arbitrii esse, huic aut illi, cui vellent, peculiariter applicare: vel potius cuicumque qui talem sibi mercem numerato pretio emere vellet. Porro quoniam ad Iudæ taxationem accedere non poterāt: vt tamen vel aliqua nota authoris sui exemplū referrent, numeri similitudinem retinuerunt. Vendiderat ille triginta argenteis: hi, secundum Gallicam quidem supputationem, triginta nummulis æreis vendūt. sed ille, semel: hi, quoties emptor occurrit. Hoc sensu & Sacerdotes esse negamus, nempe qui tali oblatione apud Deum pro populo intercedant, qui propitiato Deo, peccatorum expiationem peragant. Nam Christus, vnicus est Noui testamenti Pontifex & Sacerdos, in quē translata sunt omnia sacerdotia, & in quo clausa ac terminata. Et si nihil Scriptura de æterno Christi sacerdotio meminisset: quia tamen Deus, abrogatis illis veteribus, nullum instituit, manet inuictum Apostoli argumentum, Neminem sibi honorem vsurpare nisi qui à Deo vocatus sit. Qua ergo fiducia sacrilegi isti, qui se iactant Christi carnifices, audent se Dei viuientis Sacerdotes appellare?

Hebr. 5. a. 4.

15 Est apud Platonem libro de Repu. secundo elegantissimus locus. Vbi quum de veteribus piaculis differit, stultamque improborum ac scelestorum hominum confidentiam ridet, qui putarent his quasi velis obtegi, sua flagitia ne à diis cernerentur, & tanquam facta cum diis pactione, securius sibi indulgerent: prorsus videtur ad Missariæ expiationis vsum, qualis hodie in mundo est, alludere. Fraudare alium & circūuenire, nefas esse omnes sciūt. Vexare iniuriis viduas, pupillos expilare, molestiam inferre pauperibus, malis artibus aliorum bona ad se rapere, periuriis & fraudibus inuolare in cuiusquam fortunas, vi ac tyrannico terrore opprimere quenquam, impium esse fatentur omnes. Quomodo igitur hæc omnia passim audent tam multi, tanquam impune ausuri? Sanè si ritè expendimus, nō alia causa tantum illis animi facit, nisi quia Missario sacrificio, tanquam soluto pretio, satisfacturos se Deo confidunt, aut saltem hanc sibi cum eo transigendi facilem esse viam. Pergit deinde Plato crassum eorum stuporem ridere qui talibus piaculis poenas redimi opinantur, quas alioqui apud inferos subituri essent. Et quorsum hodie spectant anniuersaria, & maior pars Missarum, nisi vt qui tota vita crudelissimi tyranni fuerūt, aut rapacissimi prædones, aut ad omne flagitium prostituti, tanquam hac mercede redempti, purgatorium ignem euadant?

16 Sub altero sacrificii genere quod *διχαριστίαν* diximus, continentur omnia charitatis officia, quibus dum fratres nostros complectimur, Dominum ipsum in membris suis honoramus: omnes deinde nostræ preces, laudes, gratiarum actiones, & quicquid in Dei cultum à nobis agitur. Quæ demum omnia à maiore sacrificio dependent, quo anima & corpore in templum sanctum Domino consecramur. Neque enim satis est si externæ nostræ actiones ad illius obsequium applicentur: sed nos primò, deinde nostra omnia consecrari ac dedicari illi cōuenit: vt quicquid in nobis est, gloriæ eius seruiat, & eius amplificandæ studiū spiret. Hæc sacrificii species nihil ad iram Dei placandam, nihil ad impetrandam peccatorum remissionem, nihil ad promerendam iustitiam pertinet: sed in magnificando duntaxat & exaltando Deo versatur. Siquidem gratum acceptumque Deo esse non potest nisi ex eorum manu quos iam accepta peccatorum remissione, sibi aliunde recōcilauit, ideò:

- que piaculo absoluit. Est autē adeò Ecclesiæ necessaria ut abesse ab ea non possit. Itaque æterna futura est quandiu stabit populus Dei, quēadmodum iam ex Propheta superius visum est: siquidē eo sensu accipere libet vaticiniū istud, Quoniā à solis ortu vsque ad occasū, magnū est nomen meū in Gētibus: & in omni loco incensum offeretur nomini meo, atque oblatio munda: quoniam terribile est nomen meum in Gentibus, dicit Dominus. tantum abest ut submoueamus. Sic Paulus iubet nos offerre corpora nostra, hostiam viuēte, sanctam, acceptam Deo, rationalem cultum. Vbi significanter admodū loquutus est, quū hūc esse rationālē nostrum cultum subiecit. intellexit enim spiritualē colendi Dei ritū, quem carnalibus Legis Mosaicæ sacrificiis tacitē opposuit. Sic beneficentiā & communicatio, victimæ appellantur quibus placetur Deo. Sic Philippensium benignitas qua Pauli inopiā subleuarant, hostia bonæ fragrantia. sic omnia fidelium bona opera, spirituales hostiæ.
- 17 Et quid multa persequor? subinde enim in Scripturis recurrit hæc loquendi forma. Quinetiam dum adhuc sub externa Legis pædagogia Dei populus continebatur, satis tamen exprimebant Prophetæ, subesse illis carnalibus sacrificiis veritatem, quæ Christianæ Ecclesiæ cum Iudaica gente cōmunis est. Qua ratione precabatur Dauid ut oratio sua, sicut incensum, in conspectum Dei ascenderet. Et Oseas gratiarum actiones dicebat vitulos labiorum, quas alibi Dauid sacrificia laudis nuncupat. Quem Apostolus imitatus, hostias laudis etiam ipse vocat: & interpretatur fructum labiorum cōfitentium nomini eius. Huius generis sacrificio carere non potest Cœna Domini: in qua dum eius mortem annūtiamus, & gratiarum actionem referimus, nihil aliud quàm offerimus sacrificium laudis. Ab hoc sacrificandi munere, regale sacerdotium nūcupamur omnes Christiani: quod per Christum offerimus illam, de qua loquitur Apostolus, hostiam laudis Deo. fructum labiorum cōfitentium nomini eius. Neque enim nos cum nostris muneribus, sine intercessore, in conspectum Dei apparemus. Christus est, quo mediatore intercedat, te, nos ac nostra Patri offerimus. Ille Pontifex noster, qui in sanctuarium cæli ingressus, accessum nobis aperit. Ille altare, cui donaria nostra imponimus: ut in illo audeamus quicquid audemus. Ille inquam est qui nos Patri regnum ac Sacerdotes fecit.
- 18 Quid superest nisi ut cæci videant, surdi audiant, pueri ipsi intelligāt hanc Missæ abominationem: quæ in calice aureo propinata, omnes reges terræ & populos, à summo vsque ad nouissimum, sic inebriauit, sic percussit sopore ac vertigine, ut brutis ipsis stupidiore, proram & puppim suæ salutis in hac vna exitiali voragine statuerint. Certè nulla vnquam validiore machina Satan incubuit ad oppugnandum expugnandūque Christi regnum. Hæc est Helena, pro qua veritatis hostes tanta hodie rabie, tanto furore, tanta atrocitate digladiantur. & verè Helena, cum qua spiritali fornicatione (quæ omnium est maximè execrabilis) ita se conspurcant. Non hīc vel minimo digito attingo crassos illos abusus quibus sacræ suæ Missæ profanatam puritatem prætereendere possent: quàm turpes nundinas exerceant, quàm sordidos quæstus faciant suis missationibus, quanta rapacitate auaritiā suā expleant. Tantum indico, idque paucis & simplicibus verbis, qualis sit sanctissima ipsa Missæ sanctitas: ob quā adeò spectabilis esse, tantæque in veneratione haberi aliquot seculis meruit. Nam & tanta hæc mysteria pro dignitate illustrari, maioris operis fuerit: & illas obscenas sordes, quæ ante oculos oraque omnium versantur, admiscere nolo: ut omnes intelligant, Missam in selectissima sua, & qua maximè venditari potest, integritate acceptam, sine suis appendicibus à radice ad fastigium, omni genere impietatis, blasphemiar, idololatriæ, sacrilegii scaterere.
- 19 Habent lectores in compendium collecta ea ferè omnia quæ sciri de duobus istis Sacramentis referre duximus: quorum vsus à primordio Noui testamēti ad consummationem vsque seculi, Christianæ Ecclesiæ est traditus: Ut scilicet Baptismus, quidam quasi ingressus in ipsam esset, & fidei initiatio: Cœna verò, assidue velut alimentum, quo Christus fidelium suorum familiam spiritaliter pascit. Quare ut non nisi vnus est Deus, vna fides, vnus Christus, vna Ecclesia eius corpus: ita Baptismus non nisi vnus est, nec sæpe iteratur: Cœna autem subinde distribuitur, ut intelligant se Christo assidue pasci qui semel in Ecclesiam allekti sunt. Præter hæc duo ut nullum aliud à Deo institutum est, ita nec vllum agnoscere debet fidelium Ecclesia. Rem enim non esse humani arbitrii, erigere ac statuere noua Sacramēta, facile intelliget qui meminerit quod suprā satis planè explicatum fuit, Sacramenta in hæc à Deo posita esse ut de aliqua eius promissione nos edoceant, & bonam erga nos voluntatem nobis testificentur: qui præterea cogitet, nullum fuisse Deo cōsiliarium qui nobis certum aliquid de eius voluntate spōdere possit, aut certiores securōsque reddere quo sit in nos affectu, quid dare, quid negare velit. Simul nanque constituitur,

neminem signum proponere posse quod eius voluntatis & promissionis alicuius testimonium futurum sit: solus ipse est; qui signo dato, de se apud nos testari potest. Dicam brevius, & fortè rudius, sed apertius: Sacramentū, sine salutis promissione esse nunquā potest. Omnes homines in vnū simul coacti, nihil à se nobis polliceri de salute nostra possūt. Ergo nec à se edere aut erigere Sacramentum.

20 His ergo duobus contenta sit Christiana Ecclesia: nec modò nullum aliud tertium ad præsens admittat aut agnoscat: sed ne appetat quidem, aut expectet, ad consummationem vsque seculi. Nam quòd diuersa aliquot Iudæis, pro varia temporum inclinatione, præter sua illa ordinaria data sunt (vt man, aqua è petra profluens, serpens æneus, & similia) hac variatione admonebātur ne talibus figuris insisterent, quarum status parum firmus esset: sed melius aliquid à Deo expectarent, quod nullo interitu nullòque fine perstaret. Alia longè ratio nobis est, quibus reuelatus est Christus: in quo thesauri omnes scientiæ & sapientiæ sunt absconditi, tanta affluentia & vbertate, vt nouā aliquam accessionē ad hos thesauros sperare vel postulare, verè Deum irritare sit, & aduersum nos prouocare. Vnum duntaxat Christū esurire, quærere, spectare, discere, ediscere nos oportet: donec magnus ille dies illuxerit quo gloriam regni sui Dominus ad plenum manifestabit, & se qualis est, nobis spectandū ostendet. Atque hac ratione nostrum hoc seculum in Scripturis, per Nouissimam horam, nouissimos dies, nouissima tēpora designatur, nequis vana nouæ alicuius doctrinæ aut reuelationis expectatione sese fallat. Sæpe numero enim multisque modis antea loquutus per Prophetas, vltimis in his diebus loquutus est cælestis Pater in dilecto Filio suo, qui solus Patrem manifestare potest: & re vera ad plenū manifestauit, quantum nostra interest, dum nunc per speculum eum conspiciamus. Iam verò vt hoc hominibus ablatū est, ne noua Sacramenta in Ecclesia Dei condere possint: ita oporadum esset, iis ipsis quæ à Deo sunt, quamminimū humanæ inuentionis admisceri. Perinde enim atque infusa aqua vinum fugit & diluitur: aspersoque fermento tota farinæ massa acefcit: sic mysteriorum Dei sinceritas nihil aliud quàm inquinatur vbi homo quicquam de suo adiicit. Et tamè videmus quantum à germana sua puritate degenerarint Sacramenta, vt hodie quidem tractantur. Plus satis vbique pomparum, ceremoniarum, gesticulationum: at verbi Dei interim nulla neque ratio, neque mentio: sine quo Sacramenta etiam ipsa, Sacramenta non sunt. Quin nec ceremoniæ ipsæ à Deo institutæ in tāta turba caput exerere possunt, sed tanquā oppressæ iacent. Quantulum in Baptismo aspicitur quod vnum illic lucere & spectari debuerat, vt alibi iuste conquesti sumus, nempe Baptismus ipse: Cœna prorsus sepulta est quum versa fuit in Missam, nisi quòd semel quotannis, sed concepta & dimidiata laceraque forma visitur.

Exod. 16. c. 13,
& 17. b. 6

1. cor. 10. a. 3
Nume. 21. b. 8
iohan. 3. b. 14
Coloss. 2. a. 3

1. Iohan. 3. a. 2
1. Iohā. 1. c. 18
1. Pet. 1. d. 20

Hebr. 1. a. 1

Luc. 10. d. 22

1. Cor. 13. d. 12

De quinque falsò nominatis Sacramentis: vbi Sacramenta non esse quinque reliqua quæ pro Sacramentis hætenus vulgò habita sunt, declaratur, tum qualia sint ostenditur.

C. A. P. X I X.

NOTERAT superior de Sacramētis disputatio apud dociles & sobrios hoc obtinere ne vltà curiosius progredierentur, nec præter illa duo quæ à Domino instituta noscent, vlla alia Sacramenta sine Dei verbo amplecteretur. Verum quoniam illa de septem Sacramentis opinio, omniū ferè sermone trita, scholāsque & cōciones omnes peruagata, vetustate ipsa radices egit, ac hominū animis etiam nū insidet: visus sum mihi operæpretiū facturus, si quinque reliqua, quæ veris ac germanis Domini Sacramentis vulgò accensentur, seorsum ac propius excuterē, omnique absterfo fuco, simplicibus spectanda proponerem qualia sint, & quàm falsò pro Sacramentis hætenus habita fuerint. Principiò hīc testatū volo piis omnibus, me hanc de nomine cōtentionem minimè litigādī cupiditate suscipere: sed grauibz causis adduci ad impugnandū eius abusum. Non me latet, Christianos, vt verborū, sic rerum omnium esse dominos. posse igitur pro suo arbitrio voces rebus accommodare, modò pius sensus retineatur, etiam si qua sit in loquendo improprietas. Hoc totū concedo: etsi melius fuerit, verba rebus subesse quàm res verbis subiici. Sed in nomine Sacramēti alia est ratio. Nam qui septem ponunt, simul illam definitionem omnibus tribuunt, vt sint gratiæ inuisibilis visibiles formæ: omnia simul faciunt vasa Spiritus sancti, instrumenta conferendæ iustitiæ, causas obtinendæ gratiæ. Adeoque ipse Magister Sententiarum, Mosaicæ Legis sacramenta negat propriè vocari hoc nomine: quia non exhibuerint quod figurabant. Estne, obsecro, tolerabile, vt quæ symbola Dominus ore suo cōsecrauit, quæ eximiis promissionibus insigniuit, ea pro Sacramentis non censeantur: interim hic honor transferatur ad eos ritus quos homines vel à se excogitarunt, vel saltem sine expresso Dei mandato obseruant?

Ergo aut definitionē mutant, aut hac verbi vsurpationē abstineant, quæ falsas & absurdas opiniones possēt generet. Est (inquiūt) extrema vnctio inuisibilis gratiæ figura & causa, quia est Sacramentum. Quod inferunt si nullo modo concedere oportet, in ipso certē nomine est occurrēdum, ne ea mercede recipiamus vt eiusmodi errori occasionē præbeat. Rursus quum probant Sacramentū esse, causam adiungunt: quia externo signo constet ac verbo. Si nec mandatum, nec promissionem inuenimus, quid aliud possumus quàm reclamare?

2. Iam apparet non de vocabulo nos rixari, sed de re ipsa non superuacuum controuersiam mouere. Proinde hoc fortiter retinendum est quod inuicta ratione prius cōfirmauimus, Sacramenti instituendi arbitrium non nisi penes Deum vnum esse. Siquidem Sacramentum certa Dei promissione erigere fidelium cōscientias ac consolari debet: quæ eam certitudinem nunquam ab homine acciperent. Sacramentum nobis testimonium esse debet bonæ erga nos Dei volūtatis: cuius nullus hominum aut Angelorum testis esse potest: quando nemo Dei cōsiliarius fuit. Solus ergo ipse est qui de se nobis per verbum suum testificatur legitima autoritate. Sacramentum, sigillum est quo Dei testamentū seu promissio obsignatur. Obsignari verò non posset rebus corporeis & elemētis huius mundi, nisi virtute Dei ad hoc formentur & designentur. Instituire ergo Sacramentū homo non potest: quia facere vt sub rebus tam abiectis tanta Dei mysteria lateāt, id verò humanæ virtutis non est. Verbum Dei præeat oportet quod Sacramentum esse Sacramentum faciat: vt Augustinus optimē docet. Præterea retineri aliquod discrimen vtile est inter Sacramēta & alias ceremonias, nisi volumus in multa absurda incidere. Apostoli orarunt genibus flexis, genua igitur non flexēt sine Sacramēto. Discipuli ferūt orasse versus Orientē: sit nobis Sacramentū Oriētis aspectus. Paulus vult omni loco viros tollere puras manus, & eleuatis manibus oratio sæpius à sanctis facta memoratur, & manuum quoque extēsis Sacramentum fiat. omnes denique sanctorum gestus in Sacramenta transeant. et si ne hæc quidem admodum morarer, modò non essent cum maioribus illis incōmodis coniuncta.

3. Si veteris Ecclesiæ autoritate premere nos velint, dico eos fucum facere. Nusquam enim apud Ecclesiasticos scriptores numerus hic septenarius inuenitur. nec satis constat quo primū tempore obreperit. Fateor quidem in vocabulo Sacramenti, esse interdum liberiores. sed quid eo significant? nepe ceremonias omnes & externos ritus, omniāque pietatis exercitia. Quum autem de iis signis loquuntur quæ diuinæ in nos gratiæ testimonia esse debent, duobus istis, Baptismo & Eucharistia, contenti sunt. Nequis falsò iactari hoc à me putet, pauca Augustini testimonia hic referā. Ad Ianuarium, Primò (inquit) tenere te volo, quod est huius disputationis caput, Dominum nostrum Christum (sicut ipse in Euāgelio loquitur) leni iugo nos subdidisse & sarcinæ leui. Vnde Sacramentis numero paucissimis, obseruatione facillimis, significatione præstantissimis, societatem noui populi colligauit. Sicuti est Baptismus Trinitatis nomine consecratus, & communicatio corporis & sanguinis Domini, & siquid aliud in Scripturis canonicis commendatur. Item, De doctrina Christiana, A resurrectione Domini quædam pauca signa pro multis, eadēque facta facillima, intellectu augustissima, obseruatione castissima ipse Dominus & Apostolica tradidit disciplina: sicuti est Baptismus, & Celebratio corporis & sanguinis Domini. Cur nullam hinc sacri numeri, hoc est septenarii, mentionem facit? An verisimile est prætermisurum fuisse si tunc fuisset in Ecclesia institutus: præsertim quum sit aliās in obseruandis numeris curiosior quàm necesse foret? Imò quum Baptismum & Cœnam nominat, alia subicit: annon satis innuit, hæc duo mysteria singulari dignitate præstare, alias ceremonias inferiore loco subsidere? Quare sacramentarios istos Doctores non tantum verbo Domini, sed veteris etiam Ecclesiæ consensione destitui dico, vt cunque hoc prætextu maximè suberbiant. Sed iam ad ipsas species descendamus.

DE CONFIRMATIONE.

4. HIC mos olim fuit vt Christianorum liberi, postquam adoleuerant, coram Episcopo sisterentur: vt officium illud implerent quod ab iis exigebatur qui se ad Baptismum adulti offerebant. Hi enim inter catechumenos sedebant, donec rite fidei mysteriis instituti poterant fidei cōfessionem coram Episcopo ac populo edere. Qui ergo Baptismo initiati erant infantes, quia fidei confessione apud Ecclesiam tunc defuncti non erāt, sub finem pueritiæ, aut ineunte adolescentia, repræsentabantur iterū à parentibus, ab Episcopo examinabantur secundum formulam catechismi quam tunc habebāt certam ac cōmunem. Quò autem hæc actio, quæ alioqui grauis sanctæque meritò esse debebat, plus reuerentiæ haberet ac dignitatis, ceremonia quoque adhibebatur manuum impositionis. Ita puer ille, si de sua approbata, cum solenni benedictione dimittebatur. Huius moris sæpe mentionem

Ies. 40. c. 13
Rom. 11. d. 34

Homil. in Io
hannem 80.
Act. 9. g. 40,
& 10. g. 36
1. Tim. 1. c. 8

Epist. 118.

Lib. 3. cap. 9.

faciunt veteres. Leo Papa, Siquis ab hæreticis redit, ne iterum baptizetur: sed quod illic ei defuit, per Episcopalem manuū impositionem virtus Spiritus ei conferatur. Clamabunt hîc nostri aduersarii, Sacramentum iure vocari in quo Spiritus sanctus cōferatur. Verum ipse Leo alibi explicat quid his verbis sibi velit, Qui apud hæreticos baptizatus est, inquit, non rebaptizetur, sed Spiritus sancti inuocatione per manuum impositionem confirmetur: quia Baptismi tantum formam sine sanctificatione accepit. Meminit & Hieronymus contra Luciferianos. Quanquam autem non inficior, in eo non nihil hallucinari Hieronymum, quod Apostolicam esse obseruationem dicit: longissimè tamen ab istorum ineptiis abest. Et illud ipsum mitigat quum addit, hanc benedictionem solis Episcopis esse datam, magis in honorem sacerdotii, quàm ex Legis necessitate. Talem ergo manuum impositionem, quæ simpliciter loco benedictionis fiat, laudo, & restitutam hodie in purum vsum velim.

5 Posterior autem ætas, re propè oblitterata, fictitiam nescio quam confirmationem pro Dei Sacramento posuit. Confirmationis virtutem esse finxerunt, Spiritum sanctum conferre ad gratiæ augmentum, qui in Baptismo collatus sit ad innocentiam: confirmare eos ad pugnam qui in Baptismo regenerati sint ad vitam. Peragitur hæc confirmatio vnctiōne, & hac verborum formula, Consigno te signo sanctæ crucis, & confirmo chrismate salutis, in nomine Patris, & Filii, & Spiritus sancti. Pulchrè omnia, & venustè. Sed vbi Dei verbum quod Spiritus sancti præsentiam hîc promittat? Ne iota quidem obtendere possunt. Vnde ergo nos certiores facient, chrisma suum esse vas Spiritus sancti: Videmus oleū, crassum scilicet & pinguem liquorem: præterea nihil. Accedat, inquit Augustinus, verbum ad elementum, & fiet Sacramentum. Hoc, inquam, verbum proferant, si quicquam nos intueri in oleo volunt aliud quàm oleum. Quod si Sacramentorū se ministros, vt par est, agnoscerent, non diutius pugnandum esset. Hæc prima ministri lex est, nequid sine mādato obeat. Age, mandatum huius ministerii aliquod producant, & verbum non addam. Si mandato deficiuntur, sacrilegā audaciam excusare non possunt. Hac ratione Phariseos Dominus interrogabat, essetne Baptismus Iohannis è cælo, an ex hominibus. Si respondissent, & hominibus: obtinebat, friuolum esse & vanum, si è cælo, doctrinam Iohānis agnoscere cogebantur. Itaque ne essent nimium in Iohannem contumeliosi, non ausi sunt fateri effectum hominibus. Si itaque ex hominibus est confirmatio, vana & friuola esse conuincitur: si è cælo persuadere volunt, probent.

6 Tuentur se quidem Apostolorum exemplo, quos nihil temere fecisse existimant. Rectè id sanè: nec à nobis reprehenderentur si se Apostolorum imitatores ostenderent. Sed quid fecerūt Apostoli? Narrat Lucas in Actis, Apostolos, qui Hierosolymis erant, quū audissent Samaritanam recepisse verbum Dei, misisse illuc Petrum & Iohannem: illos pro Samaritanis orasse vt Spiritum sanctum acciperent, qui nondum in quenquam illorum venerat, sed baptizati tantum erant in nomine Iesu: oratione facta, manus illis imposuisse, per quam impositionem Spiritum sanctum Samaritani acceperunt. Et de hac manuum impositione aliquoties meminit. Audio quid Apostoli fecerint: nempe suum ministerium fideliter exequuti sunt. Visibiles illas & admirabiles Spiritus sancti gratias, quas tūc in populum suum effundebat, voluit Dominus à suis Apostolis per manuū impositionem administrari & distribui. Huic autem impositioni manuum non altius subesse mysterium cogito: sed huiusmodi ceremoniam adhibitam ab illis interpretor, vt ipso gestu significarent, se Deo commendare & velut offerre eum cui manus imponebant. Hoc ministerium quo tunc Apostoli fungebantur, si adhuc in Ecclesia maneret, manuum quoque impositionē oporteret seruari: sed vbi gratia illa cōferri desiit, quorsum pertinet manuū impositio? Adhuc certè ad est populo Dei Spiritus sanctus: quo nisi ductore & directore consistere nequit Dei Ecclesia. Habemus enim æternam & perpetuò constaturam promissionem, qua Christus sitiētes ad se vocat, vt bibant aquas viuas. Sed cessarunt illa virtutum miracula, & manifestæ operationes, quæ per manuum impositionem distribuebantur, nec nisi ad tempus esse debuerunt. Oportuit enim nouam Euangelii prædicationem, nouum Christi regnum, inauditis & inusitatis miraculis illustrari & magnificari. A quibus vbi cessauit Dominus, non protinus Ecclesiam suam deseruit: sed regni sui magnificentiam, verbique sui dignitatem satis excellēter manifestatam docuit. Qua igitur in parte histriones isti Apostolos se imitari dicent: Hoc agendum erat manuum impositione, vt euident Spiritus sancti virtus statim se exereret. Id non efficiunt. quid igitur pro se iactant manuum impositionem, quam Apostolis quidem in vfu fuisse legimus, sed prorsus in alium finem?

7 Eiusdem hoc rationis est ac si quis doceret flatum illum quo Dominus discipulos suos

afflauit, Sacramentum esse quo detur Spiritus sanctus. Atqui hoc semel Dominus quum fecit, non à nobis fieri etiam voluit. Ad eum modum & Apostoli manus imponebant, pro eo tempore quo visibiles Spiritus sancti gratias ad eorū preces administrari, Domino placebat: non vt posteri vacuum & frigidum signum (quod simiæ istæ faciūt) mimiticè tantum & sine re effingerent. Quòd si manuum impositione Apostolos se imitari euincant (in qua nihil cum Apostolis simile habent præter nescioquam præposteram κακοησίαν) vnde tamen oleum, quod vocant salutis? Quis eos in oleo salutem quærere docuit? quis vim roborandi illi attribueret? An Paulus, qui nos ab elementis huius mundi longè abstrahit, qui nihil magis damnat quàm talibus obseruatiunculis hære? Hoc verò non à me, sed à Domino audacter pronuntio, Qui oleum vocant oleum salutis, salutem quæ in Christo est abiurant, Christum abnegant, partem in regno Dei non habent. Oleum enim ventri, & venter oleo: vtrunque Dominus destruet. Omnia enim ista infirma elementa quæ vsu ipsò intereunt, nihil ad regnum Dei pertinent, quod spirituale est, & nunquam interiturum. Quid igitur dixerit aliquis, eadem linea metiris aquam qua baptizamur: & panem ac vinum sub quibus Cæna Domini exhibetur? Respondeo, in Sacramentis diuinitus traditis duo spectanda esse: substantiam rei corporeæ quæ nobis proponitur, & formam quæ illi à verbo Dei impressa est, in qua tota vis iacet. Quatenus ergo substantiam suam retinent, panis, vinum, aqua, quæ aspectui nostro in Sacramentis offeruntur, valet semper illud Pauli, Esca ventri, & venter escis: Deus vtrunque destruet. Prætereunt enim & euanescent cum figura huius mundi. Quatenus autem verbo Dei sanctificantur vt Sacramenta sint: non in carne nos retinent, sed verè & spiritualiter docent.

8 Verum propius adhuc inspiciamus quot monstra foueat alátque hæc pinguedo. Dicunt isti vnctores, Spiritum sanctum in Baptismo ad innocentiam dari: in confirmatione, ad gratiæ augmentum: in Baptismo nos regenerari ad vitam, in confirmatione nos ad pugnam instrui. Et adeò nihil eos pudet, vt negét Baptismum rite sine confirmatione perfici posse. O nequitiam! Annon igitur in Baptismo Christo conscripti sumus, facti participes mortis eius, vt & resurrectionis simus consortes? Hanc autem societatem cum morte & vita Christi, Paulus interpretatur mortificationē carnis nostræ & viuificationē Spiritus: quòd vetus homo noster crucifixus est, quo nos in nouitate vitæ ambulemus. Quid est instrui ad pugnam, nisi hoc est? Quòd si Dei verbum conculcare pro nihilo ducebant, cur non Ecclesiam saltem reuerbantur, cui tam vbique obsequentes videri volunt? Quid autem grauius in hanc ipsorū doctrinam proferri potest, quàm illud Mileuitani Cōcilii decretum? Qui dicit Baptismum in remissionem peccatorum dari tantum, & non in adiutorium futuræ gratiæ, anathema sit. Quòd autem Lucas, eo quem citauimus loco, dicit baptizatos in nomine Iesu Christi fuisse, qui non acceperant Spiritum sanctum: non simpliciter negat, vltimo Spiritus dono præditos qui in Christum corde crederent, & ipsum ore confiterentur: sed acceptionē Spiritus intelligit, qua manifestæ virtutes & visibiles gratiæ percipiebantur. Sic dicuntur Apostoli Spiritum acceperisse in die Pentecostes, quum longè antea illis à Christo dictum esset, Non vos estis qui loquimini, sed Spiritus Patris vestri, qui loquitur in vobis. Videte malitiosam & fonticam Satanæ fraudem, qui ex Deo estis. Quod verè in Baptismo dabatur, in sua confirmatione dari mentitur: vt furtim incautos à Baptismo abducatur. Quis iam dubitet, hanc Satanæ esse doctrinam, quæ promissiones Baptismi proprias, à Baptismo abscissas aliò deriuat & transfert? Deprehenditur, inquam, quali nitatur fundamento præclara ista vnctio. Dei verbum est, Omnes, qui in Christo baptizati sunt, Christum induisse cum suis donis. Verbum vnctorum, Nullam promissionem in Baptismo percepisse, qua in agonibus instruantur. Illa vox est veritatis: hanc mendacii esse oportet. Verius ergo definire hanc cōfirmationem possum quàm ipsi hætenus definierint: nempe insignem esse Baptismi cōtumeliam, quæ vsu ipsius obscurat, imò abolet: falsam esse Diaboli pollicitationem, quæ nos à veritate Dei abstrahit. Aut si mauis, Oleum Diaboli mendacio pollutum, quod velut offusis tenebris, simplicium mentes fallit.

9 Addunt præterea, fideles omnes Spiritum sanctum per manuum impositionē accipere debere post Baptismum, vt pleni Christiani inueniantur: quia nunquam erit Christianus nisi qui cōfirmatione Episcopali fuerit chrismatus. Hæc illi ad verbū. Atqui putabā, quæcūque ad Christianismū pertinent, omnia Scripturis perscripta ac cōprehensa esse. Nunc, vt video, aliunde quàm ex Scripturis, vera religionis forma petenda discendaque est. Dei ergo sapientia, cælestis veritas, tota Christi doctrina, Christianos duntaxat inchoat: oleū perficit. Hac sententia damnantur omnes Apostoli, & tot Martyres, quos nunquam fuisse chrismatos, certo certius est: quando nondū erat factum oleum, quo perfusi, omnes Chri-

Galat. 4. b. 9
Colos. 1. b. 20

1. Cor. 6. c. 13

Rom. 6. a. 4.

Act. 8. c. 16

Act. 2. a. 4

Matt. 10. b. 20

Galat. 3. d. 17

De consec.
di. 5. cap. 5.

Verba cap. 1.
De conec.
di. 5. Con.
a. rel. cap. 5.
De cō
sec. dist. 5

stianissimi numeros implerent, vel potius Christiani fierent, qui nondum erant. Verùm ut taceam, abunde seipsi refellunt. Quotam enim populi sui partem post Baptismum perungunt? cur igitur patiuntur in suo grege tales semichristianos, quorum imperfecti mederi facile erat? cur tam supina negligentia omittere eos sinunt quod omitti sine graui piaculo nō licebat? cur non seuerius exigūt rem adeò necessariā & sine qua salus obtineri non potest? nisi fortè quis subita morte præpeditus fuerit. scilicet, dum ita licenter contemni patiuntur, tacitè fatentur non tanti esse quanti venditant.

10 Postremò constituunt, sacram hanc vnctionem maiori in veneratione habendam esse quàm Baptismum: quòd illa summorum Pōtificum manibus peculiariter administratur, Baptismus ab omnibus vulgariter sacerdotibus distribuitur. Quid hīc dicas nisi planè furiosos esse, qui suis inuentionibus ita blandiuntur ut prae ipsius sacrosanctas Dei institutiones securè contemnant: Os sacrilegum, tūne pinguedinem fœtore duntaxat anhelitus tui inquinatā, & verborum murmure incantatā, audes Christi Sacramento opponere, & conferre cum aqua verbo Dei sanctificata? At parum hoc ipsum erat tuæ improbitati, nisi etiā præferres. Hæc sunt sanctæ sedis respōsa, hæc Apostolici tripodis oracula. Sed quidam eorum hanc, sua quoque opinione, effrænem insaniam cœperūt paulum moderari. Maiori, inquit, veneratione colenda est: fortè non ob maiorem virtutem & vtilitatem quā conferat: sed quia à dignioribus datur, & in digniori parte corporis fit, id est in fronte: vel quia maius augmentum virtutū præstat, licet Baptismus plus ad remissionē valeat. Verùm prima ratione nōne se Donatistas prodūt, qui vim Sacramēti à ministri dignitate æstimāt? Fæxo tamen, vocetur dignior confirmatio à dignitate Episcopalis manus. Sed si quis ab illis sciscitetur vnde tanta prærogatiua Episcopis delata fuerit, quam rationē afferent præter suam libidinem? Soli Apostoli eo iure vsi sunt, qui soli Spiritum sanctum distribuerūt. An soli Episcopi Apostoli? Imò an omnino Apostoli? Demus tamen & istud: cur non eodem argumento contendunt, solis Episcopis Sacramentum sanguinis in Cœna Domini attingendum esse? quod laicis ideo denegāt quia solis Apostolis à Domino datum fuerit. Si solis Apostolis, cur non inferunt, Ergo solis Episcopis. Sed Apostolos eo loco simplices presbyteros faciunt: nunc capitis vertigo aliò eos rapit ut subitò Episcopos creent. Postremò non erat Apostolus Ananias, ad quem tamen Paulus missus est ut visum reciperet, baptizaretur, & impleretur Spiritu sancto. Addam & hoc ad cumulum: Si iure diuino propriū hoc munus Episcoporum fuerat, cur ausi sunt ad plebeios presbyteros transferre? quem admodum in quadam Gregorii epistola legitur.

Cap. De his
verò. eadem
distin.

Lib. 4. Sent.
distin. 7.
cap. 1.

Ag. 9. c. 17

Distin. 95. ca.
Peruenit.

11 Altera ratio quàm friuola, inepta, & stolidi est, Digniore vocare suam confirmationem, quàm Dei Baptismum: quia in ea frōs oleo inficiatur, in Baptismo cranium: quasi verò Baptismus oleo, & non aqua peragatur. Testor verò pios omnes, an non hoc vnum admoliantur isti nebulones, ut Sacramentorum puritatem fermento suo vitient. Dixi hoc alibi, vix in Sacramentis per rimulas interlucere quod Dei est, inter humanarum inuentionum turbam. Siquis eius rei tum fidem mihi non habebat, suis saltem magistris nunc habeat. Ecce præterita aqua, & nullo numero habita, vnū oleum in Baptismo magnificiunt. Nos ergo contrā dicimus in Baptismo quoque frontem aqua tingi. Præ hac, vestrum oleum non vnus stercoris facimus, siue in Baptismo, siue in cōfirmatione. Quòd si quis pluri vendi alleget, hac pretii accessione siquid boni alioqui inesset vitatur, tantum abest ut furto venditare liceat fœdissimam imposturam. Tertia ratione impietatem suam traducunt, dum maius virtutum augmentum conferri in confirmatione garriunt quàm in Baptismo. Impositione manuum Apostoli visibiles Spiritus gratias administrarunt. Qua in re istorum pinguedo se fœcundam ostendit? Sed valeant isti moderatores, qui sacrilegium vnum multis sacrilegiis operiunt. Nodus Gordianus est: quem abrumpere satius sit quàm in dissoluendo tantopere laborare.

12 Iam verò quum verbo Dei & probabili ratione defici se vident, prætexunt quod solent, vetustissimam esse hanc obseruationem, & multorum seculorum consensu firmatam. Etiam si id verum esset, nihil tamen efficiunt: non è terra est Sacramentum, sed è calo: non ex hominibus, sed ab vno Deo. Deum suæ confirmationis authorem probent oportet, si Sacramentum haberi volunt. Sed quid vetustatem obiectant, quum veteres, dum propriè loqui volunt, nusquam plura duobus Sacramentis recenseant? Si ab hominibus petendum esset fidei nostræ præsidium, habemus arcem inexpugnabilem, nunquam veteribus agnita fuisse pro Sacramentis quæ isti Sacramenta ementiuntur. De manuum impositione loquuntur veteres, sed an Sacramentum vocant? Augustinus apertè affirmat nihil aliud esse quàm orationem. Neque hīc mihi putidis suis distinctionibus obganniant, non ad confir-

Lib. 3. de Ba-
ptismo, con-
tra Donatist.
cap. 16

Lib 5. cap. 23.

matoriam Augustinum illud retulisse, sed curatoriam vel reconciliatoriam. Extat liber, & in hominū manibus versatur. si in alium sensum detorqueo quā Augustinus ipse scripsit, cedo, non conuitis modò, pro solenni suo more, sed sputis me obruāt. Loquitur enim de iis qui à schismate ad Ecclesiā vnitatem redibant. Eos iteratione Baptismi opus habere negat: sufficere enim manuum impositionem, vt per vinculum pacis Spiritum sanctum illis Dominus largiatur. Quoniam autem absurdum videri poterat manuum impositionem repeti potius quā Baptismum: discrimen ostendit. Quid enim (inquit) aliud est manuum impositio quā oratio super hominem? Atque hunc esse sensum ex altero loco apparet, vbi dicit, Propter charitatis copulationem, quod est maximum donum Spiritus sancti, sine quo non valent ad salutem quācunque alia sancta in homine fuerint, manus hæreticis correctis imponitur.

- 13 Vtinam verò morem retineremus quem apud veteres fuisse admonui, priusquā abortiua hæc Sacramenti larua nasceretur. non vt esset confirmatio talis qualem isti fingunt, quæ sine Baptismi iniuria nec nominari potest: sed catechesis, qua pueri aut adolescentiæ proximi, fidei suæ rationem coram Ecclesia exponerent. Esset autem optima catechizandi ratio si formula in hunc vsum conscripta esset, summam continens & familiariter explicans omnium ferè religionis nostræ capitum, in quæ vniuersa fidelium Ecclesia cōsentire sine controuersia debet. puer decennis Ecclesiæ se offerret ad edēdam fidei confessionē: rogaretur de singulis capitibus, ad singula responderet: siquid ignoraret, aut minus intelli-geret, doceretur. Ita vnicam, veram & sinceram fidem, qua vnanimiter Deum vnum colit fidelium populus, teste & spectante Ecclesia profiteretur. Hæc disciplina si hodie valeret, profectò parentum quorundam ignauia acueretur, qui liberorum institutionem quasi rem nihil ad se pertinentem, securè negligunt, quam tum sine publico dedecore omittere nō possent. maior esset in populo Christiano fidei consensus, nec tanta multorum inscitia & ruditas. non adeò temere quidam nouis & peregrinis dogmatibus abriperentur. omnibus denique esset quædam velut methodus doctrinæ Christianæ.

DE PŒNITENTIA.

- 14 Proximo loco statuunt pœnitentiam: de qua sic confusè & perturbatè disserūt vt nihil certi nec solidi ex eorum doctrina referre possint conscientia. Nos alio loco, quæ de pœnitentia didiceramus ex Scripturis, tū deinde quid & illi doceant, prolixè enarrauimus. nunc id tantum nobis attingendum erit, quid rationis habuerint qui opinionem de Sacramento, quæ in templis ac scholis diu antehac regnauit, excitarunt. Dicam tamē prius aliquid breuiter de veteris Ecclesiæ ritu, cuius prætextu abusi sunt illi ad stabiliendū suum commentum. Hunc ordinem in publica pœnitentia obseruabant, vt qui iniunctis sibi satisfactionibus defuncti erant, solenni manus impositione reconciliarentur. Symbolum illud erat absolutionis, quo & ipse peccator erigebatur coram Deo veniæ fiducia, & Ecclesia admonebatur vt eum benignè, abolita offensæ memoria, in gratiā reciperet. Hoc Cyprianus sæpenumero appellat, pacem dare. Quo autem & grauior esset, & plus commédationis apud populum haberet ista actio, constitutū fuit vt semper Episcopi autoritas hîc intercederet. Hinc illud decretum Concilii Carthaginensis secundi, Reconciliare publicè pœnitentem in Missa presbytero non liceat. Et alterum Concilii Arauscani, Qui pœnitentiæ tempore ex hac vita migrant, sine reconciliatoria manus impositione ad communionem admittantur. si reualuerint ex morbo, stent in ordine pœnitentium: completoque tempore, reconciliatoriam manus impositionē ab Episcopo accipiant. Item Carthaginensis tertii, Presbyter sine autoritate Episcopi, non reconciliet pœnitentem. Hæc omnia eò spectabant, ne nimia facilitate seueritas quam seruari in ea re volebant, collaberetur. Episcopum ergo cognitorem esse voluerunt, quem verisimile erat in examine habendo circumspiciatorem fore. Quanquam Cyprianus alicubi tradit, non solum Episcopū manum imposuisse, sed totum etiam clerum. sic enim loquitur, Pœnitentiam agunt iusto tēpore: deinde ad communionem veniunt. & per manuum impositionem Episcopi & cleri, ius cōmunionis accipiunt. Postea successu temporis eò delapsa res est vt extra publicā pœnitentiam in priuatis quoque absolutionibus hac ceremonia vteretur. Hinc illa distinctio apud Gratianum inter publicam & priuatam reconciliationem. Ego veterem illam obseruationē, de qua Cyprianus meminit, saram & Ecclesiæ salutarē fuisse iudico: ac hodie restitutam esse cuperem. Recentiorē hanc tametsi improbare, vel saltem acrius insciari nō audeo, minus tamen necessariam arbitror. Vtuncque sit, videmus tamen manuum impositionē in pœnitentiā ceremoniam esse ab hominibus, non à Deo institutam, quæ inter res medias & externa exercitia ponenda sit: non illa quidem contemnēda, sed quæ inferiore loco esse

1. b. epist. 1.
epist. 2.

Cap. 31.

b. epist. 3.
1. 1. 1. 4.1. Decret. 26.
mar. 6.

debeant quàm quæ Domini verbo nobis sunt commendata.

15 Romanenses autem & Scholastici (quibus solenne est omnia perperam interpretando corrumpere) anxie in reperiendo hîc Sacramento defudant. nec mirum videri debet: nōdum enim in scirpo quærunt. Quod tamen optimum habet, rem implicitam, suspensam, incertam, opinionumque varietate confusam ac turbatam relinquunt. Dicunt ergo, vel pœnitentiam exteriorē esse Sacramentum: & si ita est, existimari debere signum esse interioris pœnitentiæ, id est contritionis cordis, quæ erit res Sacramenti: vel vtrāque simul esse Sacramentum: nec duo, sed vnum completum. Verum exteriorē esse Sacramentum duntaxat, interiorē, rem & Sacramentum. Remissionem autem peccatorū, rem tantum, & non Sacramentum. Qui Sacramenti definitionem suprà à nobis positam memoria tenent, ad eam exigant id quod dicunt esse Sacramētum, & inuenient non esse ceremoniam externam à Domino institutam ad fidei nostræ confirmationem. Quod si causentur, definitionē meā legem non esse cui parere necesse habeant: audiant Augustinū, quem sacrosanctum se habere fingunt. Sacramenta (inquit) propter carnales, visibilia instituta sunt: vt ab iis quæ oculis cernuntur ad ea quæ intelliguntur, Sacramentorum gradibus transferantur. Quid tale aut ipsi vident, aut aliis queunt ostendere in eo quod Sacramentum pœnitentiæ vocant? Idem alibi, Sacramentum ideo dicitur quia in eo aliud videtur, aliud intelligitur. Quod videtur, speciem habet corporalem: quod intelligitur, fructum habet spirituale. Neque vllō modo, Sacramento pœnitentiæ (quale fingunt ipsi) conueniunt hæc: vbi nulla species est corporalis quæ spirituale fructum repræsentet.

Lib. 4. Sent.
dist. 22. cap. 2.

Lib. 3. quæst.
Vet. testam.

In sermone
quoda de Ba
ptis. infant.

16 Ac (vt istas belluas in sua arena conficiam) si vllum hîc Sacramētum quæratur, nōne lōgè speciosius iactari poterat absolutionē Sacerdotis Sacramentū esse, quàm pœnitentiam vel interiorē vel exteriorē? Promptū enim erat dicere, ceremoniam esse ad cōfirmandam fidem nostram de peccatorum remissione, haberēque promissionem clauium, vt vocant, Quodcunque ligaueritis aut solueritis super terram, erit solutum & ligatum in cælis. Sed obieciſſet quispiam, plerosque solui à Sacerdotibus, quibus nihil tale accedit tali absolutione: quum ex eorum dogmate Sacramenta nouæ Legis efficere debeant quod figurant. Ridiculum. Vt in Eucharistia duplicem mādicationem statuunt, Sacramentalem, quæ bonis æquē ac malis communis est: spiritualement, quæ bonorum tantum est propria: cur non & absolutionē bifariam percipi fingerent? Nec tamen hætenus intelligere potui quid sibi vellent cum illo suo dogmate: quod quàm longè à Dei veritate dissideat docuimus quum id argumentum seriō tractaremus. Tantum hîc ostendere volo, hunc scrupulum nihil impedire quominus absolutionem Sacerdotis Sacramentum nuncupent. Respondere enim per os Augustini licebat, Sanctificationem esse sine visibili Sacramēto, & visibile Sacramentum sine interiori sanctificatione. Item, Sacramenta in solis electis efficere quod figurant. Item, Induere Christum alios vsque ad Sacramenti perceptionem, alios vsque ad sanctificationem. Illud, bonos & malos pariter facere: istud, bonos solos. Sanè hallucinati sunt plusquā pueriliter, & cæci in sole fuerunt, qui quum multa difficultate æstuant, rem planam adeo & cuius obuiam non perspexerunt.

Lib. 3. quæst.
Vet. testam.
De Baptis.
paruulorum
Lib. 5. De Ba
ptism. contra
Donatist.

17 Ne tamen animos tollant, quacunque in parte Sacramentum posuerint, nego iure haberi pro Sacramento. Primū quod nulla Dei promissio singularis ad hanc rem extet, vnica Sacramenti hypostasis. Deinde quod quacunque hîc ceremonia proferatur, merum sit hominum inuentum: quum ceremonias Sacramentorum non nisi à Deo institui posse iam definitū sit. Mendacium ergo & impostura fuit quod de Sacramento pœnitentiæ comenti sunt. Ementitum hoc Sacramentum ornarunt quo decebat elogio, secundam effētabulam post naufragium: quia si quis vestem innocentiae in Baptismo perceptam peccādo corruerit, per pœnitentiam reparare potest. Sed dictum est Hieronymi. Cuiuscunque sit, quin planè impium sit excusari nequit, si ex eorum sensu exponitur. Quasi verò per peccatum deleatur Baptismus, & non potius in memoriam reuocandus sit peccatori quoties de peccati remissione cogitat, vt illinc sese colligat, animūque recipiat, & fidem confirmet, peccatorum remissionem se impetraturum quæ sibi in Baptismo promissa sit. Quod autem durè & impropriè Hieronymus dixit, pœnitentia reparari Baptismum (à quo excidunt qui excommunicari ab Ecclesia merentur) boni isti interpretes ad suam impietatem trahunt. Aptissimè itaque dixeris si Baptismum vocaueris pœnitentiæ Sacramentū, quum in confirmationem gratiæ & fiduciæ sigillum iis datus sit qui pœnitentiam meditantur. Quod ne commentum esse nostrum putes, præterquam quod Scripturæ verbis conforme est, apparet in veteri Ecclesia fuisse peruulgatum instar certissimi axiomatis. Nam in libro De fide ad Petrum, qui Augustino inscribitur, Sacramentum fidei & pœnitentiæ dicitur.

Lib. 4. Sent.
dist. 14. cap. 1.
De pœnitent.
dist. 1. cap. 2.

Citatur De
cret. 15. quæst.
1. cap. Firmis
simè

Et quid ad incerta confugimus? Quasi verò apertius quippiam requirendū sit, quàm quod recitat Euangelista: Iohannem prædicasse Baptismū pœnitentiæ in remissionē peccatorū.

Marc. 1.2.4.
Luc. 3.2.3

18

DE VLTIMA, vt vocant, VNCTIONE.

Iacob. 5. d. 14

Mate. 6. b. 13

Iohan. 9. a. 6
Matth. 9. d. 29
Luc. 18. g. 42
Act. 3. a. 6, & 5
c. 16, & 19. c. 12

Psal. 45. b. 8

Tertium fictitium Sacramentum, est Extrema vnctio: quæ non nisi à Sacerdote perficitur, idque in extremis (sic loquuntur) & oleo ab Episcopo cōsecrato, atque hac verborum forma, Per istam sanctam vnctionem, & piissimam suam misericordiam indulgeat tibi Deus quicquid peccasti per visum, per auditum, odoratū, tactum, gustum. Eius duas esse virtutes fingunt, peccatorum remissionem, & corporalis morbi leuamē, si ita expediat: sin minus, animæ salutem. Aiunt autem institutionem ab Iacobo positam esse, cuius verba sunt, Infirmatur quis inter vos? inducat presbyteros Ecclesiæ, & orent super eum, vngentes eum oleo in nomine Domini: fideique obsecratio saluum reddet laborantem, ac eriget eum Dominus: & si in peccatis fuerit, remittentur ei. Eiusdem rationis est ista vnctio, cuius esse manuum impositionem suprā demonstraui: nempe histrionica hypocrisis, qua citra rationem, & sine fructu, Apostolos referre volunt. Refert Marcus, Apostolos in prima sua missione, iuxta mandatum quod à Domino acceperant, mortuos suscitasse, dæmonia eiecisse, leprosos mūdasse, infirmos sanasse, in curatione autem ægrorū, oleum adhibuisse. Vngebant, inquit, oleo multos infirmos: & sanabantur. Huc respexit Iacobus quum iussit accersi presbyteros ad vngendum infirmum. Talibus ceremoniis nullum altius subesse mysterium facile iudicabunt qui obseruarint quanta libertate & Dominus & eius Apostoli versati sint in rebus istis externis. Dominus cæco redditurus visum, ex puluere & sputo lutum composuit, alios tactu sanauit, alios verbo. Ad hunc modum Apostoli alios morbos solo verbo, alios tactu, alios vnctione curarunt. At verisimile est vnctionem istam non temerè (vt nec omnia alia) fuisse vsurpatam. Fateor: non tamē vt esset curationis organum, sed symbolum duntaxat, quo imperitorum ruditas admoneretur vnde tanta virtus prodiret: ne scilicet eius laudem Apostolis tribuerent. Oleo autem significari Spiritum sanctum eiusque dona, vulgare ac tritum est. Cæterum euauit gratia illa curationū, quemadmodum & reliqua miracula: quæ ad tēpus edi voluit Dominus quo nouam Euāgelii prædicationem in æternum admirabilem redderet. Vt igitur maximè demus, vnctionem Sacramentum fuisse earum virtutum quæ tum per manus Apostolorum administrabantur: nihil nunc ad nos pertinet, quibus virtutum administratio commissā non est.

19

Iohan. 9. b. 7

Act. 10. b. 10

Et qua maiori ratione Sacramentum ex hac vnctione faciunt quàm ex aliis quibusuis symbolis quæ nobis in Scriptura commemorantur? Cur nō aliquam natatoriam Siloah destinant, in quam certis temporū vicibus se immergant malè habentes: Frustra, inquiūt, id fieret. Certè non magis frustra quàm vnctio. Cur nō mortuis incubant, quoniam puerum mortuum, illi incubādo, suscitauit Paulus? Cur non lutum ex sputo & puluere Sacramentum est? Sed alia singularia exempla fuerunt: hoc autem ab Iacobo præcipitur. nempe pro eo tempore loquebatur Iacobus, quo adhuc huiusmodi Dei benedictione fruebatur Ecclesia. Affirmant quidem eandem etiamnum vim suæ vnctioni inesse: sed aliter experimur. Nemo iam miretur quomodo animas, quas verbo Dei, hoc est vita & luce sua spoliatas, stupidas esse & cæcas sciebant, tanta confidentia ludificati sint: quum nihil eos pudeat, corporis sensus viuos ac sentientes velle fallere. Ridiculos ergo se faciunt dum gratia curationum præditos sese iactant. Adest sanè suis Dominus omnibus seculis: & eorum languoribus, quoties opus est, medetur, non minus quàm olim: manifestas tamen illas virtutes non ita exerit, nec miracula per Apostolorum manus dispensat: quia & temporale fuit illud donum, & aliqua etiam ex parte hominum ingratitude statim intercidit.

20

Matth. 3. d. 16
Iohan. 1. d. 32

Itaque vt non abs re Apostoli gratiam curationum sibi demādatam, olei symbolo, palam testati sunt, non suam, sed Spiritus sancti esse virtutem: ita rursum Spiritui sancto sunt iniurii qui putidum & nullius energię oleum faciunt eius virtutem. Perinde id est ac si quis diceret, omne oleum virtutem esse Spiritus sancti, quod eo nomine in Scriptura nūcupetur: omnem columbam esse Spiritum sanctum, quod ea specie apparuerit. Verum de iis viderint. Quod nobis in præsentia abundè est, certo certius perspicimus, eorum vnctionem Sacramentum non esse: quæ nec ceremonia est à Deo instituta, nec vllam promissionem habet. Siquidem quum duo ista in Sacramēto exigimus, vt ceremonia sit à Deo instituta, vt Dei promissionem habeat: simul postulamus vt ceremonia illa nobis tradita sit, & promissio ad nos spectet. Non enim Circumcisionem iam Sacramētum Christianæ Ecclesiæ quisquam esse contendit, tametsi & Dei institutum erat, & promissionem annexam habebat: quia nec nobis mandata fuit, nec promissio quæ illi adiuncta fuerat, nobis eadē con-

ditione data. Promissionem quam in vnctione ferociter iactant, nobis non esse datam euidenter demonstrauius, & ipsi experientia declarant. Ceremonia vsurpari nõ debuit nisi ab iis qui curationum gratia præditi fuerant: non ab istis carnificibus, qui plus ma-

31 Etando ac trucidando valent, quàm sanando.

Quanquã etiam si obtinuerint, huic ætati cõuenire quod de vnctione ab Iacobo præcipitur, (à quo longissimè absunt) ne sic quidem adhuc multum promouerint in approbanda sua vnctione qua hætenus nos illeuerunt. Iacobus omnes infirmos vult inungi: isti non infirmos, sed semimortua cadauera, sua pinguedine inficiunt: quum iam iam anima in primoribus labris laborat, vel (vt ipsi loquuntur) in extremis. Si præsentem habent medicinã in suo sacramento, qua vel morborum acerbicatem leniant, vel saltem aliquod animæ solatium adferant, crudeles sunt qui nunquam in tempore medentur. Iacobus vult infirmum vngi à senioribus Ecclesiæ: isti vnctorem non admittunt nisi sacrificulum. Quod apud Iacobum presbyteros interpretantur sacerdotes, & pluralem numerum ad decorem positum nugantur, nimis friuolum est: quasi verò Ecclesiæ eo tempore sacrificorum examinibus abundarint, vt in longa pompa procedere potuerint ad ferendum sacri olei ferculum. Iacobus dum simpliciter vngi infirmos iubet, non aliam vnctionem mihi significat, quàm vulgaris olei: nec aliud habetur in Marci narratione. Isti oleum non dignantur nisi ab Episcopo consecratum: hoc est, multo halitu calefactum, multo murmure incantatum, & nouies flexo genu salutatum: ter, Ave sanctum oleum: ter, Ave sanctum chrisma: ter, Ave sanctum balsamum. A quo tales exorcismos hauserunt? Iacobus dicit, Vbi vnctus oleo fuerit infirmus, & precatio concepta fuerit super eum, si in peccatis fuerit, remissum iri: vt scilicet abolito reatu pœnæ, leuationem impetrent: non intelligens, pinguedine deleri peccata, sed fidelium orationes, quibus afflictus frater Deo commendatus fuerit, non fore irritas. Isti per sacram suam, id est abominabilem vnctionem, peccata remitti, impiè mentiuntur. En quàm pulchrè proficiunt, vbi Iacobi testimonio pro sua libidine prolixè abuti permissi fuerint. Ac ne diutius sit nobis in probatione laborandum, hac difficultate nos eorum quoque annales liberant. referunt enim Innocentium Papam, qui Augustini ætate Romanæ Ecclesiæ præfuit, instituisse vt non presbyteri modò, sed omnes etiam Christiani oleo vteretur, in suã suorumque necessitatem vngedo. Author Sigebert. in Chronic.

DE ORDINIBVS ECCLESIASTICIS.

22 **Q**uartum locum in eorum catalogo tenet sacramentum Ordinis: sed adeò fecundũ, vt septem ex se sacramentula pariat. Est verò istud perquàm ridiculum, quod quum affirmant septem esse sacramenta, dum recensere ipsa volunt, tredecim enumerant. Neque verò causari possunt, vnum esse sacramentum: quia omnia in vnum sacerdotium tendunt, & velut quidam ad ipsum sunt gradus. Siquidem quum in singulis diuersas esse ceremonias constet, diuersas esse gratias ipsi loquantur: nemo dubitet quin septem sacramenta dici debeant si eorum placita recipiuntur. Et quid, quasi rem ambiguam, controuertimus, quando ipsi planè distinctèque septem declarant? Primũ autem obiter perstringemus, quot & quàm insulas absurditates nobis ingerant, dũ nobis suos ordines pro sacramentis cõmendare volunt: deinde an omnino sacramentum dici debeat ceremonia qua vtuntur Ecclesiæ in ordinandis ministris, videbimus. Septem ergo ordines vel gradus Ecclesiasticos faciunt: quos insigniunt titulo sacramenti. Sunt autem, Ostiarii, Lectores, Exorcistæ, Acoluthi, Subdiaconi, Diaconi, Sacerdotes. Et septem quidem esse dicunt propter septiformem Spiritus sancti gratiam, quæ præditi esse debent qui ad eos promouetur. Augetur autem illis & largius cumulatur in promotione. Iam numerus ipse peruersa Scripturæ interpretatione consecratus est: quod videntur sibi apud Iesaiam legisse, septem Spiritus sancti virtutes, quum & verè plures non referantur ab Iesaiã quàm sex: nec Propheta omnes eo loco cõcludere voluerit. tam enim dibi Spiritus vitæ, sanctificationis, adoptionis filiorum dicitur, quàm illic sapientiæ, intelligentiæ, consilii, fortitudinis, scientiæ, & timoris Domini. Quanquam alii acutiores, non septem ordines, sed nouem faciunt, ad similitudinem, vt aiunt, triumphantis Ecclesiæ. atque inter eos etiam pugna est, quod alii clericalem tonsuram volunt esse primum omnium ordinem, Episcopatum vltimum: alii exclusam tonsuram, Archiepiscopatum ordinibus nnumerant. Isidorus aliter distinguit, facit enim diuersos, Psalmistas & Lectores illos cationibus præficit, hos legedis Scripturis, quibus plebs erudiat. Atque hæc distinctio Canonibus obseruatur. In tãta varietate quid sequi aut fugere nos volunt? Dicamũsne septem esse ordines? Sic docet magister scholæ: sed illuminatissimi doctores aliter determinant. Rursum inter se ipsi dissident. Præterea sacratissimi Canones aliò nos vocant. Sic scilicet consentiunt homines quum de rebus diuinis sine verbo Dei disceptant.

Iacob. 5. c. 14.

Lib. 4. Sent. Distin. 34. c. 9

Iesa. 11. a. 1.

Ezech. 1. c. 10
Rom. 1. a. 4, 8c
8 c. 15.

Opinio hæc est Hugonis: altera, Guil. Parisien.

Isid. lib. 7. c. 6
Mo. allegatur ca. Cleros
distin. 21. 8c
Distin. 3.
cap. Lectores
& cap. Ostiarius:

23 Verum hoc omnem stultitiam superat, quod in singulis Christum sibi collegam faciunt. Primùm, inquit, ostiarii munere functus est, quado vendentes & ementes, flagello ex fucniculis facto, è templo eiecit. Ostiarium se esse significat, quum dicit, Ego sum ostium. Lectoris munus assumpsit, quum in synagoga Iesaiam legit. Exorcistæ officio functus est, quum linguam & aures surdi & muti, salua tangens, auditum reddidit. Acoluthum se esse his verbis testatus est, Qui sequitur me, non ambulat in tenebris. Subdiaconi officio functus est, quum linteo præcinctus pedes discipulorum lauit. Diaconi personam sustinuit, quum corpus & sanguinem distribuit in Cœna. Sacerdotis partes impleuit, quum in cruce Patri se hostiam obtulit. Hæc absque risu adeò audiri non possunt ut mirer absque risu scripta esse: si tamen homines erant qui scribebāt. Sed in primis spectabilis est argutia qua in acoluthi nomine philosophantur, ceroferarium appellantes verbo (ut arbitror) magico, certè inaudito gentibus ac linguis omnibus. quum ἀνάουτος Græcis simpliciter significet pedisequum. Quanquam si his seriò refellendis inhæream, iure & ipse quoque ridear: adeò friuola sunt & ludicra.

24 Ne tamè mulierculis adhuc fucum faciant, traducenda est obiter eorū vanitas. Creant eximia pompa ac solennitate suos lectores, psalmistas, ostiarios, acoluthos, ad ea ministeria exequenda quibus vel pueros, vel certè quos vocant laicos, præficiunt. Quis enim cereos ut plurimum accendit, quis vrceolo vinum & aquam infundit, nisi puer, aut ex laicis sordidulus aliquis qui ex ea re quæstum facit? Nōne iidem canunt? nōne templorum ianuas claudunt & aperiunt? Quis enim in eorum templis vnquam vidit vel acoluthum, vel ostiarium suis partibus fungentem? Quin potius qui puer acoluthi munere functus est, quum in ordinem acoluthorum cooptatur, desinit esse id quod dici incipit. ut videantur ex professo velle munus ipsum abiicere quum titulum assument. En cur Sacramentis consecrari & Spiritum sanctum accipere necesse habeant, nempe ut nihil agant. Si prætexant, hanc esse temporum peruersitatem, quod ministeria sua deferunt ac negligunt, simul fateantur nullum hodie esse in Ecclesia vsum nec fructum sacrorū suorum ordinum, quos mirificè deprædicant, totamque Ecclesiam suam anathemate plenam: quandoquidem cereos & vrceolos à pueris & profanis attrectari permittat, quibus tangendis nulli digni sunt nisi in acoluthos consecrati: quando cantiones ad pueros ablegat, quæ nisi ab ore consecrato audiri non debebant. Exorcistas verò in quem tandem finem consecrant? Audio Iudæis fuisse suos exorcistas: sed ab exorcismis dictos video, quos exercebant. De ementitis istis exorcistis quis vnquā fando audiuit quod specimē vnū suæ professionis ediderint? Fingitur illis potestas data imponendi manus super energumēnos, & catechumenos, & dæmoniacos: sed tali se potestate præditos dæmonibus persuadere non possunt, non modò quia eorum imperiis non cedunt dæmones, sed etiam quia ipsis imperant. Vix enim decimum quencumque reperias qui non malo spiritu agatur. Quæcunque igitur de minutulis suis ordinibus balbutiunt, conflata sunt ex inscitis insulsisque mendaciis. De veteribus acoluthis & ostiariis & lectoribus, alibi dictum est, quum Ecclesiæ ordinem exponeremus. Nobis hîc propositum est duntaxat pugnare contra nouitium illud inuentum de septemplici sacramento in ordinibus Ecclesiasticis: de quo nusquam alibi quàm apud ineptos istos rabulas, Sorbonistas & Canonistas legitur.

25 Iam de ceremoniis quas adhibent videmus. Principiò, quoscumque in militiam suam adscribunt, communi symbolo initiant in clericatum. Radunt enim eos in vertice: ut corona regale decus significet: quia Reges debent esse clerici, ut se & alios regāt. De iis enim sic loquitur Petrus, Vos estis genus electum, regale sacerdotium, gens sancta, populus acquisitionis. At sacrilegium fuit, quod vniuersæ Ecclesiæ tribuitur, solis sibi arrogare, & titulo superbè gloriari quem fidelibus præripuerant. Petrus totā Ecclesiam alloquitur: isti ad pauculos rastos detorquent: quasi solis illis dictum sit, Sancti estote: quasi soli illi sanguine Christi acquisiti sint: quasi soli illi per Christum acti sint regnum & sacerdotium Deo. Assignāt deinde & alias rationes: summitas capitis deuodatur, ut eorum mens ad Dominum libera demonstratur, quæ reuelata facie, Dei gloriæ cōtempletur. vel ut vitia oris & oculorum doceantur præcidenda. Vel rasura capitis ei temporalium depositio: circumferentia verò coronæ reliquæ sunt bonorum quæ ad sustentationem retinentur. Omnia in figuris: quia scilicet velum templi nondum scissum est. Iaque persuasi se præclarè defunctos esse suis partibus quod talia per coronam suam figuauerint, nihil eorum re ipsa præstant. Quousque nos talibus fucis & præstigiis ludent: clerici detonsis aliquot capillis significant temporalium bonorum abundantiam se abiicisse, gloriam Dei contemplari, aurium oculorumque concupiscentiam mortificasse: at nuum est hominum genus rapacius, stupidius,

Iohan. 2. c. 15
Iohan. 10. b. 7
Luc. 4. c. 17
Marc. 16. d. 33
Iohan. 8. b. 12
Iohan. 3. a. 4
Matth. 26. c. 26
Matt. 17. f. 50
ephes. 5. a. 1

A. & 19. c. 13

Cap. Dup. 12.
quæst. 1.

1. Pet. 2. b. 9

Lib. 4. Sentē.
distinct. 24.
cap. Duosūt

Lib. 4. Sentē.
distinct. 24.
cap. 11

libidinosius? Cur non magis sanctitatem verè exhibent quàm falsis mendacibusque signis ipsius speciem simulant?

26 Porro quum dicunt coronam clericalem habere originem à Nazaræis, & ratione, quid aliud adferunt quàm sua mysteria à Iudaicis ceremoniis nata esse, vel potius merum esse Iudaismum? Quod autem addunt, Priscillam, Acylam, & Paulum ipsum suscepto voto sibi rasuisse caput, vt purificarentur: crassam suam ignorantiam produnt. Nusquam enim legitur de Priscilla: ac de Acyla etiam incertum est. siquidem tam ad Paulum referri potest tonsura illa quàm ad Acylam. Ne verò illis relinquamus quod petunt, exemplum eos habere à Paulo: obseruandum est simplicioribus, Paulum nunquam caput sibi rotundisse ad sanctificationem aliquam: sed duntaxat vt fratrum infirmitati seruiret. Soleo eiusmodi vota appellare charitatis, non pietatis: hoc est, non suscepta ad cultum aliquem Dei, sed ad tolerandam infirmorum ruditatem: quemadmodum ipse ait, Iudæis se Iudæum factum, &c. Ergo hoc fecit, & quidem semel, atque ad breue tempus, vt Iudæis se tantisper accommodaret. Isti quum Nazaræorum purificationes nullo vsu imitari volunt, quid aliud quàm alterum Iudaismum erigunt dum veterem perperâ æmulari affectant? Eadem religione decretalis illa epistola composita est, quæ prohibet clericis, iuxta Apostolum, ne comam nutriant, sed instar sphæræ radant. quasi Apostolus, docens quid viris omnibus decorum sit, de sphærica clericorum rasura sollicitus fuerit. Hinc lectores reputet qualis sint energię ac dignitatis alia quæ sequuntur mysteria, quibus talis est ingressus.

Act. 18. c. 18

1. Cor. 9. c. 19

Nume. 6. c. 18

Cap. Prohibe dist. 15.

1. Cor. 11. a. 4

17 Vnde originem habuerit clericorum tonsura, abundè vel ex vno Augustino constat. Quum illo seculo capillum non alerent nisi delicati, & qui nitorem elegantiamque non satis virilem affectabant: videbatur esse non boni exempli si clericis id permetteretur. Iuebantur ergo clerici vel tondere caput, vel radere, nequam effœminati cultus speciem præ se ferrent. Adeò autem id vulgare erat, vt monachi quidam, quo magis suam sanctimoniam notabili distinctioque ab aliis habitu venditarent, comam demitterent. Quum verò postea res ad crines redisset, & ad Christianismum accederent gentes quædam, quæ semper comatæ fuerat, vt Gallia, Germania, Anglia: verisimile est clericos vbique rasuisse caput, ne comæ ornamentum viderentur affectare. Tandem corruptiore seculo, quum prisca omnia instituta vel inuersa forent, vel in superstitione degenerassent, quia in rasura clericali nihil cernebant causæ (neque enim quicquam retinuerant præter stultam imitationem) ad mysterium confugerunt: quod nunc supersticiosè nobis obtrudunt pro Sacramenti sui approbatione. Ostiarii in consecratione clauis templi accipiunt, quo sibi mandari custodiam intelligant. Lectores, sacra Biblia. Exorcistæ, formulas exorcismorum, quibus super energumenos & catechumenos vtantur. Acolythi, cereos & vceolū. En ceremoniæ quibus (si Deo placeat) tantum inest arcanæ virtutis vt esse possint gratiæ inuisibilis non modò signa ac tesserae, sed etiam causæ. Hoc enim secundum suam definitionem postulant, quum inter Sacramenta haberi volunt. Verum vt paucis absoluam, dico absurdum esse quod in scholis & canonicis minores istos ordines Sacramenta faciunt: quando eorum etiam qui hoc tradunt confessione, primitiæ Ecclesiæ incogniti fuerunt, & multis postea annis excogitati. Sacramenta autem, quum Dei promissionem contineant, neque ab Angelis, neque ab hominibus, sed à Deo solo institui debent: cuius vnus est promissionem dare.

August. De opere monach. in fine. Item in Re-tract.

Lib. 4. Sent. dist. 24. cap. 8

28 Superfunt tres ordines, quos maiores vocat. Ex quibus Subdiaconatus (vt aiunt) in eum numerum translatus est, ex quo turba illa minorum pullulare cœpit. Quia autem videntur pro his testimonium habere à verbo Dei, sacros ordines, honoris causa, peculiariter nominant. Sed quàm obliquè Domini institutis in prætextum suum abutantur, videndum est. Incipiemus autem ab ordine presbyterii siue sacerdotii. His enim duobus nominibus rem vnā significant, ac sic appellat eos ad quos pertinere aiunt sacrificium corporis & sanguinis Christi in altari conficere, orationes concipere, ac benedicere dona Dei. Itaque in ordinatione patenā cum hostiis accipiunt, in symbola collatæ sibi potestatis placabiles Deo hostias offerendi. manusque illis inunguntur: quo symbolo docentur datam sibi esse consecrandi potestatem. Sed de ceremoniis postea. De re ipsa dico, adeò nullum apicem habet à verbo Dei quod obtinent, vt non potuerint improbius ordinem à Deo positum deprauare. Principio quidem pro confesso esse debet (quod de Missa papali tractando asseruimus) iniurios omnes esse Christo qui se Sacerdotes appellant, ad offerendam placationis hostiam. Constitutus ille & consecratus à Patre Sacerdos cum iureiurando fuit, secundum ordinem Melchisedec, nullo fine, nullo successore. Hostiam semel obtulit æternæ expiationis & reconciliationis: nunc etiam sanctuarium cæli ingressus, intercedit pro nobis. In ipso omnes sumus Sacerdotes, sed ad laudes & gratiarum actiones, ad nos denique nostraque Deo offe-

Psal. 110. b. 4
Hebr. 5. a. 6,
& 7. a. 3

renda. Illi vni singulare fuit, sua oblatione Deum placare, & peccata expiare. Id quum sibi isti vsurpent, quid superest nisi eorum sacerdotium impium esse ac sacrilegum? Certè nimis improbi sunt dum Sacramenti titulo insignire audent. Quantum ad verum presbyterii munus attinet, quod ore Christi nobis est commendatum, libenter eo loco habeo. illic enim ceremonia est, primùm ex Scripturis sumpta, deinde quam non esse inanem nec superuacuum, sed fidele spiritualis gratiæ symbolum, testatur Paulus. Quod autè tertium in numero non posui, eo factum est quòd non ordinarium nec commune est apud omnes fideles, sed ad certam functionem specialis ritus. Verùm quum hic honor Christiano ministerio tribuitur, non est propterea quòd superbiant Papistici Sacerdotes. Euangelii enim sui ac mysteriorum dispensatores ordinari iussit Christus, non victimarios inaugurari. Mandatum de prædicando Euangelio pascendoque grege, non de hostiis immolâdis dedit. Spiritus sancti gratiam promisit, non ad peragendam peccatorum expiationem, sed ad gubernationem Ecclesiæ rite obeundam ac sustinendam.

29 Cum re ipsa optimè congruunt ceremoniæ. Dominus noster quum Apostolos amandaret ad Euangelii prædicationem, insufflauit in eos. Quo symbolo Spiritus sancti virtutem, qua illos donabat, representauit. Hanc insufflationem retinuerunt boni isti viri, & quasi Spiritum sanctum è gutture suo egerant, super suos quos formant sacrificulos demurrant, Accipite Spiritum sanctum. Adeò nihil prætereunt quod non præposterè effingant: non dico more histrionum (qui nec sine arte gesticulantur, nec sine significatione) sed instar simiarum, quæ lasciuè & absque vllò delectu quiduis imitantur. Scruiamus (inquiunt) exemplum Domini. At multa egit Dominus quæ nobis exempla esse noluit. Dixit Dominus discipulis, Accipite Spiritum sanctum. Dixit & Lazaro, Lazare, veni foras. Dixit paralytico, Surge & ambula. Cur non eadem dicunt omnibus mortuis & paralyticis? Diuinæ suæ virtutis specimen edidit quum insufflando in Apostolos, Spiritus sancti gratia illos repleuit. Hoc ipsum si conantur efficere, Deum æmulantur, & tantum non ad certamen prouocant: sed longissimè absunt ab effectu, nec aliud inepto isto gestu quàm Christum illudunt. Sunt quidem adeò effrontes vt asserere ausint cõferri à se Spiritum sanctum. sed quàm id verum sit, docet experientia, quæ clamat ex equis fieri asinos, ex fatuis phreneticos quicunque in Sacerdotes consecrantur. Nec tamen hinc pugnam illis facio: tantum ceremoniam ipsam damno quæ in exemplum trahi nõ debuit, quandoquidè à Christo in singulare miraculi symbolum vsurpata est: tantum abest vt illis patrocinari debeat imitationis excusatio.

30 Vnctionem verò à quo tandè acceperunt? Respondent se accepisse à filiis Aaron, à quo & suus ordo sumpsit initium. Peruersis igitur exemplis perpetuò se tueri malunt quàm fieri à se excogitatum quod temere vsurpant. sed interim nõ animaduertunt, dum successores se profitentur filiorum Aaron, Christi sacerdotio se esse iniurios: quod vnum omnibus veteribus sacerdotiis adumbratum figuratumque fuit. In eo igitur omnia conclusa & impleta fuerunt, in eo cessarunt, vt iam aliquoties repetitum à nobis est, & epistola ad Hebræos nullis glossis adiuta testatur. Quòd si tantopere Mosais ceremoniis oblectantur, cur non boues, vitulos, agnos ad sacrificia rapiunt? Habèt quidem bonam partem antiqui tabernaculi & totius Iudaici cultus: sed hoc tamè eorum religioni deest, quòd vitulos & boues non immolant. Quis non videat hanc vnctionis obseruationem Circumcisione multo esse perniciosiorem: præsertim vbi accedit superstitio & Pharisaica opinio de dignitate operis? Iudæi in Circumcisione fiduciam iustitiæ reponebant: isti in vnctione spirituales gratias. Ergo dum Leuitarum æmuli esse appetunt, apostatæ fiunt à Christo, scque Pastorum munere abdicant.

31 Hoc est (si Deo placet) sacrum oleum quod characterem indelebilem imprimit. Quasi verò oleum puluere & sale abstergi non possit, aut (si tenacius adhæsit) sapone. At character ille spiritualis est. Quid oleo cum anima? An obliui sunt quod ex Augustino occinunt, Si detrahatur verbum ab aqua, nihil fore nisi aquam: habere autem à verbo vt sit Sacramentum? Quod verbum ostendent in sua pinguedine? an quod Mosi mandatum est de filiis Aaron vngendis? At illic etià mandatur de tunica, de ephod, de galero, de corona sanctitatis, quibus ornandus erat Aaron, de tunicis, balteis, mitris, quibus erant vestiendi eius filii. Mandatur de maciando vitulo, de adolendo eius adipe, de arietibus secandis & comburendis, de sanctificandis auriculis & vestimentis, alterius arietis sanguine: & innumeræ aliæ obseruationes, quibus prætermisissis, miror cur vna vnctio olei illis placeat. Si autem aspergi gaudent, cur oleo potius asperguntur quàm sanguine? Scilicet rem ingeniosam conantur: ex Christianismo & Iudaismo & Paganitate, velut confutis centuculis, religionem vnā conficere. Fœtet igitur eorū vnctio, quæ sale, id est verbo Dei, destituitur. Superest im-

titio manuum, quam vt in veris legitimisque ordinationibus Sacramentum esse cōcedo, ita nego locum habere in hac fabula, vbi nec Christi mandato obtemperant, nec finem respiciunt quò nos ducere debet promissio. Signum si non negari sibi volunt, ad rem ipsam cui dedicatum est, accommodent oportet.

32 De ordine quoque Diaconatus nihil pugnarem si restitueretur in suam integritatem ministerium illud quod sub Apostolis & in puriore Ecclesia fuit. At verò quos isti fingunt Diaconos quid habent simile: Non de hominibus loquor (ne querantur iniquè ex hominum vitiis suam doctrinam aestimari) sed pro iis ipsis quos sua doctrina nobis tradunt, testimonium ab eorum exemplo quos Apostolica Ecclesia Diaconos instituit, indignè peti contendo. Aiunt ad suos Diaconos pertinere, assistere sacerdotibus, ministrare in omnibus quæ aguntur in Sacramētis, scilicet in Baptismo, in chrismate, in patena, in calice: oblationes inferre & disponere super altare, componere mensam Domini, & vestire: crucem ferre, prædicare & decantare Euangelium & Epistolam ad populum. An hîc verbum vnum de vero Diaconorum ministerio: Nunc institutionem audiamus: Diacono qui ordinatur, solus Episcopus manū imponit. Orarium illi & stolā super læuum humerū collocat, vt intelligat se accepisse iugum Domini leue, quo ad sinistram pertinentia diuino timori subiiciat. Textum Euangelii præbet, vt se eius præconem agnoscat. Et istæc quid ad Diaconos: Perinde verò faciunt ac si quis Apostolos se instituere diceret quos duntaxat ad olédia, thuribus, simulachris poliendis, conuerrendis templis, captandis muribus, fugandis canibus præficeret. Quis id hominum genus vocari Apostolos pateretur, & conferri cum ipsis Christi Apostolis: Posthac ergo ne Diaconos esse mētiantur quos nō nisi ad histrionicos suos ludos instituunt. Quinetiam ipso nomine satis declarāt quale sit officium. Leuitas enim appellant, eorūque rationem ac originem ad filios Leui referri volunt. Quod per me quidem licet, modo ne alienis plumis eos postea vestiant.

33 De Hypodiaconis quid dicere attinet: nam quum re vera curæ pauperum olim præfuerint, nugatoriam nescio quam functionem illis attribuunt, vt calicem ac patenam, vrceolum cum aqua, mantile ad altare deferāt, aquam fundant ad manus lauandas, &c. Iam verò quod de oblationibus recipiendis & inferendis dicunt, eas intelligunt quas velut anathemati destinatas ingurgitant. Huic muneri optimè respondet initiandi ritus. Vt ab Episcopo patenam & calicem, ab Archidiacono vrceolum cum aqua, manuale & huiusmodi scruta accipiat. His ineptiis vt inclusum Spiritum sanctum fateamur postulant. Quis pius hoc concedere sustineat: Verū vt semel finiamus, licet de iis idem quod de reliquis statuere. neque enim opus est lōgius repetere quæ suprà sunt explicata. Hoc satis esse poterit modestis & docilibus (quales instituendos suscepi) nullum esse Dei Sacramentū nisi vbi ceremonia ostenditur annexa promissioni: aut certè potius nisi vbi promissio in ceremonia spectatur. Hic ne syllaba quidem habetur certæ alicuius promissionis: frustra igitur quæritur ceremonia ad confirmandam promissionem. Rursum nulla ceremonia ex iis quas vsurpant, à Deo instituta legitur. Sacramentum igitur nullum esse potest.

DE MATRIMONIO.

34 **P**ostremum est matrimonium, quod vt à Deo institutū fatentur omnes, ita pro Sacramento datum nemo vsque ad Gregorii tempora viderat. Et cui vnquam sobrio in mēte venisset: Ordinatio Dei bona est & sancta: & agricultura, architectura, sutrina, tonstrina, ordinationes sunt Dei legitimæ, nec tamen Sacramenta sunt. id enim non tantū in Sacramento quaritur vt Dei sit opus, sed vt sit ceremonia exterior à Deo posita ad confirmandam promissionem. Nihil tale esse in matrimonio pueri quoque iudicabunt. Sed signum est, inquiunt, sacræ rei, hoc est spiritualis cōiunctionis Christi cum Ecclesia. Si verbo signi, symbolum intelligunt à Deo nobis in hoc propositum vt fidei nostræ certitudinem erigat, longè à scopo aberrant: si signum simpliciter accipiunt, quod in similitudinē adductum sit, ostendam quā acutè ratiocinentur. Paulus ait, Sicut stellā à stellā differt in claritate, sic erit resurrectio mortuorum. En vnum Sacramentum. Christus ait, Simile est regnū cælorum grano sinapis. En alterum. Rursum, Simile est regnum cælorum fermento. Ecce tertium. Iesaias ait, Ecce Dominus gregem suum pascet quasi pastor. Ecce quartū. Alibi, Dominus quasi gigas egredietur. Ecce quintum. Et quis tandem finis aut modus: nihil hac ratione Sacramentum non erit. quot in Scriptura parabolæ sunt & similitudines, tot erunt Sacramenta. Quinetiam furtum Sacramentum erit: quandoquidem scriptum est, Dies Domini sicut fur. Quis ferat istos Sophistas tam inscitè garrientes: Fateor quidem, quoties aspicitur vitis, optimum esse in memoriam reuocari quod ait Christus, Ego sum vitis, vos palmites, Pater meus cultor. Quoties occurrit pastor cum grege, & illud etiam occurrere

Iohan. 10. b. 11 bonum esse, Ego sum pastor bonus: oves meæ meam vocem audiunt. Verum si quis tales similitudines Sacramentis annumeret, in Anticyram mitterendus sit.

35 Verba tamen Pauli obtrudunt, quibus Sacramenti nomen matrimonio attribui dicunt, Ephes. 5. f. 19 Qui uxorem diligit seipsum diligit. Nemo vnquam carnem suam odio habuit: sed nutrit & fouet eam, sicut & Christus Ecclesiam: quia membra sumus corporis eius de carne eius, & de ossibus eius. Propter hoc relinquet homo patrem & matrem, & adhærebit uxori suæ, & erunt duo in carnem vnā. Sacramentum hoc magnum est: ego autem dico in Christo & Ecclesia. At sic tractare Scripturas, terram calo miscere est. Paulus vt ostenderet maritis quā singulari amore uxores suas complecti debeant, Christum illis in exemplar proponit. Vt enim ille viscera pietatis effudit in Ecclesiam, quam sibi desponderat: sic vnumquēque affectum esse vult erga propriam uxorem. Sequitur deinde, Qui uxore diligit, semetipsum diligit: quemadmodū Christus dilexit Ecclesiam. Porro vt doceret quomodo Christus dilexerit Ecclesiam perinde atque semetipsum, imò quomodo se vnum fecerit cum sponsa sua Ecclesia, refert ad eum quæ Moses narrat Adam de se dixisse. Quē enim adducta esset in eius conspectū Hæua, quam è sua costa formatam sciebat: Hæc, inquit, est os ex ossibus meis, & caro de carne mea. Totum id spiritualiter impletum in Christo, & in nobis testatur Paulus, quū membra nos esse ait corporis eius, de carne eius, & de ossibus eius, adeoque vnā cum ipso carnem. Tandem epiphonema subnectit, Magnum hoc mysteriū. &, nequis amphibologia falleretur, exprimit se non de carnali viri & mulieris coniunctione loqui, sed de spiritali Christi & Ecclesiæ coniugio. Et sanè verè magnū mysteriū est, quod sibi Christus costam detrahi passus est vnde formaremur: hoc est, quum fortis esset, debilis esse voluit, quo sua fortitudine roboraremur: vt iam non viuiamus ipsi, sed viuat ipse in nobis.

Galat. 2. d. 20 36 Imposuit illis Sacramenti nomen. Verū a quō mne erat vt eorū inscitia pœnas tota Ecclesia penderet? Mysterium dixerat Paulus: quam dictionem quum relinquere posset Interpreter, Latinis auribus non infrequētem, vel arcanum vertere: Sacramentū ponere maluit, non tamen alio sensu quā Græcè à Paulo mysterium dictum erat. Eant nunc, & linguarum peritiā clamose insectentur, quarum ignorantia in re facili & cuius obuia tandiu foedissimè hallucinati sunt. Sed cur in vno hoc loco Sacramenti voculam tantopere vrgēt, aliquoties neglectā prætereunt? Nam & in Epistola ad Timotheum priore à vulgari Interprete posita est: ac in eadem ipsa ad Ephesios Epistola, vbique pro mysterio. Condonetur tamen illis hic lapsus: saltem mendaces oportuerat esse memores. Matrimonium verò, Sacramenti titulo commendatum, immunditiem postea, & pollutionem, & carnales sordes vocare quā vertiginosa est leuitas? Quā absurdum est arcere à Sacramento Sacerdotes? Si à Sacramento se arcere negent, sed à coitus tantū libidine: non ita mihi elabuntur. Nā & coitum ipsum partem esse Sacramenti tradunt, eoque demū figurari vñionem quæ nobis est cum Christo, in naturæ conformitate: quia vir & mulier non nisi carnali copula, vna caro fiant. Quanquam duo Sacramēta quidam eorum hīc repererunt, alterū Dei & animæ, in sponso & sponsa: alterum Christi & Ecclesiæ, in marito & uxore. Vt cūque, coitus tamen Sacramentū est, à quo vllum Christianum arceri nefas fuit. Nisi fortè Christianorum sacramenta adeò malè conueniunt, stare vt simul non possint. Est & altera in eorū dogmatibus absurditas. In Sacramento conferri gratiam Spiritus sancti affirmant: coitū tradunt esse Sacramentum: in coitu negant vnquam Spiritum sanctum adesse.

37 Ac ne simpliciter Ecclesiam luderent, quā longam errorū, mendaciorum, fraudum, nequitiarum seriem vni errori attexuerunt: vt dicas nihil aliud quā abominationum latebram quassisse, dum è matrimonio Sacramentum fecerunt. Vbi enim id semel obtinere, conjugaliū causarū cognitionem ad se traxerūt: quippe res spiritalis erat profanis iudicibus non attrectanda. Tum leges sanxerunt quibus tyrannidem suam firmarunt, sed partim in Deum manifestè impias, partim in homines iniquissimas. Quales sunt, Vt coniugia inter adulescētulos, parentū iniussu contracta, firma ratæque maneant. Ne inter cognatos, ad septimum vsque gradum legitima sint matrimonia: & quæ contracta sūt, dissoluantur. Gradus verò ipsos, contra Gentium omnium iura, & Moysis quoque politiam confingunt. Ne viro qui adulteram repudiauerit, alteram inducere liceat. Ne spirituales cognati matrimonio copulentur. Ne à Septuagesima ad octauas Paschæ, tribus hebdomadibus ante natalem Iohannis, ab Aduentu ad Epiphaniā nuptiæ celebrentur. & similes innumeræ, quas recensere longum fuerit. Et ex eorum cœno aliquando emergendum est, in quo iam diutius hæsit oratio quā animus ferebat. Aliquantulum tamen mihi profecisse videor, quod leonis pellem istis asinis quadam ex parte detraxi.

De politica administratione.

CAP. XX.



DO R R O quum duplex in homine regimē superius statuerimus: & de altero illo, quod est in anima, seu interiori homine positum, æternamque vitam respicit, satis multa verba alibi fecerimus: de altero etiam, quod ad instituendā ciuilem duntaxat, externamque morum iustitiam pertinet, non nihil vt disse ramus, locus hic appetit. Etsi enim à spirituali fidei doctrina, quam tractandā suscepī, separata esse videtur huius argumenti ratio: progressus tamen ostēdet, meritō à me cōiungi, imō necessitate me impelli vt id faciam: præsertim quoniam ab vna parte amē tes & barbari homines ordinem hunc diuinitus sancitū, furiosē euertere conātur: Principiū verò adulatores eorum potentiam sine modo extollentes, Dei ipsius imperio opponere non dubitant. Vtrique malo nisi obuiam eatur, peribit fidei sinceritas. Adde quòd scire quā benignē hac in parte consuluerit Deus generi humano non parum nostra refert, vt ad gratitudinem testandā maius in nobis vigeat pietatis studium. Principio, antequā in rem ipsam ingrediamur, tenenda illa est distinctio antè à nobis posita, ne (quod multis vulgò accidit) hæc simul duo imprudenter permisceamus quæ diuersam prorsus rationē habent. Illi enim quum in Euangelio promitti libertatem audiunt, quæ nullum inter homi nes regem, nullūque magistratum agnoscat, sed in Christum vnum intucatur: nullum libertatis suæ fructum capere se posse putant quādiu aliquam supra se eminere potesta tem vident. Itaque nihil fore saluum existimāt nisi totus in nouam faciem orbis reformetur: vbi nec iudicia sint, nec leges, nec magistratus, & siquid simile est quod officere suæ lib ertati opinantur. At verò qui inter corpus & animam, inter præsentem hanc fluxamque vitam, & futurā illam æternamque discernere nouerit: neque difficile intelliget, spirituale Christi regnum, & ciuilem ordinationem, res esse plurimum sepositas. Quū ergo Iudaica illa sit vanitas, Christi regnum sub elementis huius mundi quærere ac includere: nos ma gis quod perspicuè Scriptura docet, spirituale esse fructum cogitantes, qui ex Christi be neficio colligitur, totam hanc libertatē, quæ in ipso nobis promittitur atque offertur, me minerimus intra suos fines continere. Nam quid est quòd ipse idem Apostolus, qui iubet vt stemus, nec subiiciamur iugo seruitutis, alibi sollicitos esse seruos de statu suo verat: nisi quia spiritualis libertas cum politica seruitute optimè stare potest? In quem etiam sensum accipiendæ sunt istæ eius sententiæ, In regno Dei non est Iudæus, neque Græcus, non ma sculus aut foemina, non seruus aut liber. Item, Non est Iudæus, nec Græcus, præputium, cir cūcisio, Barbarus, Scytha, seruus, liber: sed omnia in omnibus Christus. Quibus significat, nihil referre qua sis apud homines conditione, cuius gentis legibus viuas: quando in rebus istis minimè situm est Christi regnum.

Galat. 5. a. 1.

1. Cor. 7. d. 11

Gala. 3. d. 28

Coloss. 3. b. 11

2 Neque tamen eò ista distinctio pertinet, quo totam politiæ rationem, rem esse pollutā reputemus, ad homines Christianos nihil pertinentem. Sic quidem fanatici quos delectat effrænis licentia, vociferantur ac iactant, Postquam mortui sumus per Christum elemētis huius mundi, & translati in regnum Dei, sedemus inter cælestes: indignum hoc nobis esse, ac infra nostram excellentiam lōgè positum, profanis istis ac impuris curis occupari quæ circa aliena à Christiano homine negotia versantur. Quorsū, inquiunt, leges sine iudiciis & tribunalibus? Quid autem cum iudiciis ipsis homini Christiano? Imò si occidere non licet, quò nobis leges & iudicia? Verū vt distinctum istud regiminis genus à spirituali illo & in terno Christi regno nuper monuimus: ita nec quicquā pugnare sciendum est. Nā illud qui dem, initia cælestis regni quædam iam nunc super terram in nobis inchoat: & in hac mor tali euaniāque vita, immortalem & incorruptibilem beatitudinem quodammodo au spicatur: at huic destinatum est, quādiu inter homines agemus, externum Dei cultum fo uere & tueri, sanam pietatis doctrinam & Ecclesiæ statum defendere, vitam nostram ad ho minū societatem componere, ad ciuilem iustitiam mores nostros formare, nos inter nos conciliare, communem pacem ac tranquillitatem alere. quæ omnia superuacua esse fate or, si præsentem vitam extinguit regnum Dei quale nunc intra nos est. Sin ita est voluntas Dei, nos dum ad veram patriā aspiramus, peregrinari super terrā: eius verò peregrinatio nis vsus talibus subsidiis indiget: qui ipsa ab homine tollunt, suam illi eripiunt humani tatem. Nam quòd tantam in Ecclesia Dei perfectionem debere esse causantur, cui sua pro lege moderatio satis sit: eam stolidè ipsi imaginantur, quæ in hominum communitate re periri nunquam possit. Quum enim tanta sit improborum insolentia, nequitia tam con tumax, quæ multa legum seueritate coerceri vix possit: quid facturos expectamus si pa tère suæ improbitati videant impunitam licentiam: qui, ne malè faciant, neque vi satis coguntur.

3 Sed de politicæ vſu erit alius opportunior dicēdi locus. Nunc iſtud tantū intelligi volumus, de ea exterminanda cogitare, immanem eſſe barbariem: cuius vſus nō minor inter homines quā panis, aqua, ſolis & aeris: dignitas quidem multo etiam præſtātor. Non enim (quæ illorum omnium commoditas eſt) huc ſpectat duntaxat vt ſpirent homines, edant, bibant, foucantur, (quanquam hæc certe omnia complectitur, dum efficit vt ſimul uiuant) non tamen inquam, huc ſpectat ſolum: ſed ne idololatria, ne in Dei nomen ſacrilegia, ne aduerſus eius veritatem blaſphemia, aliaque religionis offenſiones publicè emergant ac in populum ſpargantur: ne publica quies perturbetur: vt ſuum cuique ſaluum ſit & incolume: vt innoxia inter ſe commercia homines agitent: vt honeſtas & modeſtia inter ipſos colatur. Deinceps inter Chriſtianos publica religionis facies exiſtat, inter homines conſtet humanitas. Nec quenquam moueat quod recte conſtituendæ religionis curam ad hominum politicam nunc refero, quam extra hominum arbitrium poſuiſſe ſuprà videor. Siquidem nihilo hīc magis quā antea, leges de religione ac Dei cultu hominibus ſuo arbitrio ferre permitto quum politicam ordinationem probo, quæ in hoc incumbit ne vera religio, quæ Dei Lege cōtinetur, palā, publiciſque ſacrilegiis impune violetur ac conſpurcetur. Verū ipſa ordinis perſpicuitate adiuti leſtores, melius quid de toto genere politicæ adminiſtrationis ſentiendum ſit, aſſequentur, ſi eius partes ſeorſum pertractemus. Sunt autem tres: Magiſtratus, qui præſes eſt legum ac cuſtos: Leges, ſecūdum quas ipſe imperat: Populus, qui legibus regitur, & magiſtratu paret. Videamus ergo primū de ipſa magiſtratus functione, num legitima ſit ac Deo probata vocatio, quale officium, quanta poteſtas: deinde quibus inſtituenda ſit legibus Chriſtiana politia: tum proſtremò, quis legum vſus ad populum redeat, quæ magiſtratu obedientia debeat.

4 Magiſtratum functionem non modò ſibi probari acceptamque eſſe teſtatus eſt Dominus: ſed honorificētiſſimis inſuper elegiis eius dignitatem proſequutus, mirifice nobis cōmendauit. Vt pauca cōmemorem: Quod Dii nuncupātur quicunque magiſtratū gerunt ne in ea appellatione leue ineſſe momentum quis putet. eā enim ſignificatur, mandatum à Deo habere, diuina authoritate præditos eſſe, ac omnino Dei perſonā ſuſtinere, cuius vires quodāmodo agūt. Non meum hoc eſt cauillum, ſed Chriſti interpretatio. Si Scriptura, inquit, eos vocauit deos, ad quos verbum Dei factum eſt. Quid hoc eſt, niſi demandatum illis eſſe à Deo negotium, vt illi in ſuo munere ſeruiant: & (quod Iudicibus ſuis dicebāt Moſes & Ioſaphat, quos per ſingulas ciuitates Iuda conſtituebant) iudicium exerceant nō pro homine, ſed pro Deo? Eodem pertinet quod Sapientia Dei per os Solomonis affirmat, ſuū eſſe opus, quod Reges regnant, & conſiliarii decernunt iuſta: quod principes principatum gerunt, & munifici omnes Iudices terræ. Perinde enim iſtud valet ac ſi dictum eſſet, non humana peruerſitate fieri vt penes Reges & Præfectos alios ſit in terris rerum omnium arbitrium, ſed diuina prouidentia & ſancta ordinatione: cui ſic viſum eſt res hominum moderari. quandoquidem illis adest ac etiam præeſt in ferendis legibus, & iudiciorum æquitate exercenda. Quod & Paulus apertè docet, dū præfecturas inter Dei dona enumerat, quæ ſecundum gratiæ diuerſitatem variè diſtributa, à ſeruis Chriſti in ædificationem Eccleſiæ conferri debeant. Tameſi enim illic propriè de ſenatu loquitur grauium virorum, qui in primitiua Eccleſia conſtituebantur vt conformandæ publicæ diſciplinæ præeſſent (quod munus in Epistoſa ad Corinthios *καθηρέτης* vocat) quia tamen videmus eodem recidere finē ciuilis poteſtatis, non dubium quin omne iuſtæ præfecturæ genus nobis commendet. Multo verò clarius, vbi iuſtā eā de re diſputationem inſtituit. Nam & poteſtatem, Dei ordinationem eſſe tradit: nec poteſtates eſſe vllas, niſi à Deo ordinatas. Ipſos autē principes, miniſtros eſſe Dei, bene agentibus, in laudem: malis, ad iram vltiores. Huc accedunt & ſanctorum virorum exempla: quorum alii regnis, vt Dauid, Ioſias, Ezechias: alii ſatrapiiſ, vt Ioſeph, & Daniel: alii ciuilibus præfecturis in libero populo, vt Moſes, Ioſue, ac Iudices, functi ſunt: quorum functiones ſibi probatas eſſe, Dominus declarauit. Quare nulli iam dubium eſſe debet quin ciuilis poteſtas, vocatio ſit, non modò coram Deo ſancta & legitima, ſed ſacerrima etiam, & in tota mortalium vita longè omnium honeſtiſſima.

5 Exciipiunt qui anarchiam inducere cuperent, quanuis olim rudi populo præfuerint Reges ac Iudices, hodie tamen perfectioni quam Chriſtus cum Euangelio ſuo attulit, minimè quadrare ſeruile illud gubernādi genus. In quo non ſuam modò inſcitiam, ſed Diabolicum faſtum produnt, dum perfectionem ſibi arrogant, cuius ne centeſima quidē pars in illis conſpicitur. Verū qualeſcunque ſint, refutatio facilis eſt: quia vbi Dauid Reges & præfectos omnes ad oſculādum Dei Filium hortatur, non iubet imperio depoſito ad priuatam vitam concedere, ſed poteſtatem qua ſunt inſtructi, Chriſto ſubiicere: vt vnus ſu

Exod. 17. b. 8
Pſal. 82. a. 1
& b. 6

Iohā. 10. f. 35

Deut. 1. c. 16
1. Para. 19. b. 6

Prou. 8. b. 14

Rom. 12. b. 8

1. Cor. 12. d. 28

Rom. 13. a. 1

Pſal. 3. c. 12

pra omnes emineat. Similiter Iesaias, dum promittit Reges fore Ecclesiae nutritios, & Reginas nutrices, non abdicat eos honore: quin potius honorifico elogio patronos constituit piis Dei cultoribus. nam ad Christi aduentum pertinet vaticinium illud. Plurima testimonia sciens omitto quae passim occurrunt, ac praesertim in Psalmis, quibus suum ius praefectis omnibus asseritur. Omnium verò maximè illustris est locus Pauli, ubi Timotheum admonens, in coetu publico concipiendas esse preces pro Regibus, rationem mox subiicit, Ut tranquillam vitam sub ipsis agamus cum omni pietate & honestate. Quibus verbis eorum patrocínio & tutelae statum Ecclesiae commendat.

Iesa. 49. f. 13

1. Tim. 2. b. 8

6 Quae cogitatio magistratus ipsos assidue exercere debet, quando ingentem illis stimulum addere quo ad officium excitentur, & singularem consolationem afferre potest, qua muneris sui difficultates (quae multae certè & graues sunt) leniant. Quantum enim integritatis, prudentiae, mansuetudinis, continentiae, innocentiae studium sibi ipsis imperare debent qui diuinæ iustitiae ministros se constitutos esse norunt: Qua fiducia iniquitatem in tribunal suum admittent quod Dei viuentis thronum esse audiunt: Qua audacia iniustam sententiam pronuntiabunt eo ore quod diuinæ veritati designatum esse organum intelligunt: Qua conscientia in impia decreta subscribent ea magis quam ad perscribenda Dei acta sciunt ordinata: In summa, si se Dei vicarios esse meminerint, omni cura, sedulitate, industria inuigilent oportet, quo hominibus quandam diuinæ prouidentiae, custodiam, bonitatis, beneuolentiae, iustitiae imaginem in se representent. Ac perpetuò illud sibi subiiciant, Si maledicuntur omnes qui opus vindictae Dei exequuntur in dolo, multo grauius maledici, qui in iusta vocatione fraudulenter versantur. Itaque quum suos Iudices ad officium cohortari vellent Moses & Iosaphat, nihil habuerunt efficacius quo illorum animos afficerent quam quod prius retulimus, Videte quid agatis. non enim pro homine exercetis iudiciū, sed pro Deo: quippe qui iuxta vos est in causa iudicii. Nunc igitur sit pavor Domini super vos. Videte, & agite: quoniam non est vlla peruersitas apud Dominum Deum nostrum. Et alio loco dicitur, Deum stetisse in synagoga deorum, & in medio deorum iudicem agere. quo ad officium animentur dum audiunt Dei se legatos esse, cui administratae prouinciae rationem aliquando reddere oporteat. Et meritò apud eos plurimū haec admonitio valere debet. nam siquid delinquant, non hominibus modò sunt iniurii quos sceleratè vexat, sed in Deum quoque ipsum contumeliosi, cuius sacrosancta iudicia polluant. Rursum habet & vnde se praecclare cōsolentur, dum secum reputant non in profanis nec à seruo Dei alienis occupationibus se versari, sed sanctissimo munere: quippe qui Dei legatione funguntur.

Iere. 48. b. 11

Deut. 1. c. 16
2. para. 19. b. 6Psal 82. a. 1
Iesa. 3. c. 14

7 Qui verò non mouentur tot Scripturae testimoniis quo minus sacrū hoc ministerium insectari ausint, quasi rem à religione & pietate Christiana abhorrentem: quid aliud quam Deum ipsum sugillant: cuius ignominia cum ministerii sui probro non esse coniuncta non potest: Ac prorsus non magistratus reprobant, sed Deum abiiciunt ne super se regnet. Si enim istud verè de populo Israel à Domino dictum est, quòd Samuelis imperium detrectassent: quū minus verè hodie de iis dicetur qui in praefecturas omnes à Deo institutas debacchari sibi permittunt: At quum discipulis dictum est à Domino, Reges gentium dominari illis, inter ipsos verò non ita esse, ubi qui primus sit, fieri minimum oporteat: hac voce interdictum est Christianis omnibus ne regna aut praefecturas capeant. O dextros interpretes! Inter discipulos orta erat contentio quis alium praeccelleret. hanc vanam ambitionem ut compesceret Dominus, eorum ministerium non esse regnis simile docuit, in quibus inter ceteros vnus eminet. Quae collatio quid quaeso ad ignominiam regiae dignitatis facit: imò quid omnino cuincit, nisi regium munus, Apostolicum non esse ministerium? Praeterea inter ipsos magistratus tametsi variae sunt formae, nullum tamen discrimen hac in parte est quin pro Dei ordinibus suspiciendae à nobis omnes sint. Nam & omnes simul complectitur Paulus, quum ait non esse potestatem nisi à Deo: & quae omnium minimè aridebat, eximio praeter aliis testimonio commendata est, nempe vnus potestas: quia publicam omnium seruitutem secum fert (excepto vno illo cuius libidini omnia subiicit) heroicis & excellentioribus ingeniis minus olim approbari potuit. At Scriptura, quo iniquis istis iudiciis occurrat, diuinæ sapientiae prouidentiam esse nominatim affirmat quòd Reges regnant: & peculiariter Regem honorari praecipit.

1. Sam. 8. b. 7

Luc. 22. c. 19

Rom. 13. a. 1

Prou. 8. b. 17

1. Pet. 2. c. 17

8 Et sanè valde otiosum esset, quis potissimus sit politicae, in eo quo viuunt loco, futurus status, à priuatis hominibus disputari: quibus de constituenda re aliqua publica deliberare non licet. Tum etiam simpliciter id definiri nisi temere non posset, quum magna huius disputationis ratio in circumstantiis posita sit. Et si ipsos etiam status citra circumstantias inter se compares, non facile sit discernere quis vtilitate praepoderet, adeò à quis conditionibus contendunt. Procliuius est à regno in tyrānidem lapsus: sed non multo difficilior ab o-

ptimatum potestate in paucorum factionem. multo verò facillimus, à populari dominatione in seditionem. Equidem si in se considerentur tres illæ quas ponunt Philosophi, regiminis formæ, minimè negauerim vel aristocratiam, vel temperatum ex ipsa & politia statum aliis omnibus longè excellere: non id quidè per se, sed quia rarissime contingit Reges ita sibi moderari, vt nunquam à iusto & recto discipet eorum voluntas: deinde tanto acumine & prudentia instructos esse vt vnusquisque videat quantum satis est. Facit e. go hominum vitium vel defectus, vt tutius sit ac magis tolerabile plures tenere gubernacula, vt alii aliis mutuò sint adiutores, doceant ac moneant alii alios, ac si quis plus æquo se efferat, plures sint ad cohibendam eius libidinem censores ac magistri. Id cum experimento ipso semper fuit comprobatum, tum sua quoque authoritate Dominus confirmauit quum aristocratiam politiæ vicinam apud Israelitas instituit, quum optima conditione eos habere vellet donec imaginem Christi produceret in Dauide. Atque vt libenter fateor nullum esse gubernationis genus isto beatius, vbi libertas ad eam quæ in decet moderationem est composita, & ad diuturnitatem rite constituta: sic & beatissimos censeo quibus hac conditione frui licet: & si in ea conseruanda retinendâque strenuè ac constanter laborant, eos nihil ab officio alienum facere concedo. Quinetiam huc summa diligentia intenti magistratus esse debent, nequa in parte libertatem, cuius præsidēs sunt cōstituti, minui, nedum violari patiantur. si in eo sunt segniores & parū solliciti, per fidi sunt in officio, & patriæ suæ proditores. Verum si hoc ipsum ad se transferant, quibus Dominus aliam gubernationis speciem attribuit, vt inde ad commutationem expetendam sollicitentur, non modò stulta erit & superuacua, sed prorsus noxia etiam cogitatio. Quòd si non in vnâ duntaxat ciuitatem oculos defigas, sed vniuersum simul orbem circūspicias ac contempleris, vel aspectum in longiora saltem regionum spatia diffundas, comperies profectò diuina prouidentia illud non abs re comparatum vt diuersis politiis regiones variæ administrarentur. Nam quemadmodum nonnisi inæquali temperatura, elemēta inter se coherant: ita hæc sua quadam inæqualitate optinè continentur. Quamquam hæc etiam omnia frustra his dicuntur quibus Domini voluntas satisfaciēt. Nam si illi visum est, Reges regnis præficere, liberis ciuitatibus senatus aut decuriones, quoscumque locis præfecerit in quibus degimus, nostrū est his nos moueremos ac obediētes præstare.

9. Iam officium magistratum, quale verbo Dei describitur, ac quibus in rebus situm sit, obiter hoc loco indicandum est. Extendi verò ad vtranque Legis tabulam si non doceret Scriptura, ex profanis scriptoribus discēdum esset. nullus enim de magistratum officio, ferendis legibus & publico statu disseruit, qui non exordium faceret à religione & diuino cultu. Atque ita confecti sunt omnes nullam politiam feliciter posse constitui, nisi prima cura pictatis sit: & præposteræ esse leges quæ neglecto Dei iure tantum hominibus consulunt. Quum igitur apud omnes Philosophos religio primum gradum teneat, ac vniuersali gentium omnium consensu semper id obseruatum fuerit, Christianos principes ac magistratus pudeat suæ socordia, nisi in hanc curam incumbant. Ac iam ostendimus has illis partes à Deo specialiter iniungi: sicuti æquum est tuendo & asserendo eius honori operā impendere cuius vicarii sunt, & cuius beneficio imperāt. Hoc quoque nomine maximè laudantur sancti Reges in Scriptura, quòd Dei cultum corruptum vel euersum restituerint, vel curam gesserint religionis, vt sub illis pura & incolumis floreret. Contrà verò Sacra historia inter vitia anarchias ponit, quòd nō esset Rex in Israel, ideòque faceret quisque quod placebat. Vnde coarguitur eorum stultitia qui vellent, neglecta Dei cura, iuri inter homines dicundo tantum intentos esse. Quasi verò præfectos Deus suo nomine constituerit qui terrenas controuersias deciderent: quod verò longè grauioris momēti erat prætermiserit, vt ipse pure coleretur ex Legis suæ præscripto. Sed huc turbulentos homines impellit impune omnia nouandi cupiditas, vt omnes violatæ pietatis vindices è medio sublato cupiant. Quod ad secundam tabulam pertinet, Regibus denuntiat Ieremias vt faciant iudicium & iustitiam, liberent vi oppressum de manu calumniatoris, peregrinum & viduam & pupillum ne contristent, ne iniuriam faciant, & sanguinē innocentem ne effundant. Eodem spectat quæ in Psalmo 82, exhortatio legitur: vt ius reddant pauperi & egeno, inopem & egenū absoluāt, eripiant pauperem & egenum è manu oppressoris. Moses verò, principibus quos in vices suas suffecerat, edicit, Audiāt causam fratrum suorum, & iudicent inter virum & fratrem eius, & peregrinum, neque facies agnoscant in iudicio, tam parū quam magnum audiant, neque timeant ab vllō viro: quia iudicium Dei est. Illa autem omitto, Ne multiplicent sibi equos Reges, ne ad auaritiam adiciant animum, ne eleuentur super fratres suos: vt in meditanda Lege Domini sint assidui cunctis diebus vitæ suæ. Ne iudices

Iudic. 21. d. 25

Iere. 22. a. 3

Deut. 1. c. 16

Ibidē, 17. c. 16

Ibidē, 16. d. 19

quiuis declinent ad alteram partem, ne munera accipiant, & quæ passim in Scripturis similia leguntur: quoniam in exponendo hic magistratum officio, nō tam magistratus ipsos instituere consiliū est quā alios docere quid sint magistratus & quem in finem à Deo positi. Videmus ergo publicæ innocentiae, modestiae, honestatis & tranquillitatis protectores statui ac vindices, quibus studium vnum sit communi omnium saluti ac paci prospicere. Quarum virtutum exemplar se fore Dauid profitetur vbi in regale solium euectus fuerit: *Psalm. 101* ne scilicet consentiat vllis sceleribus, sed detestetur impios, calumniatores & superbos: consiliarios verò probos & fidos vndique accersat. Id verò quum præstare non possint, nisi viros bonos ab improborum iniuriis prohibeant, oppressis adsint ope ac præsidio, potestate quoque armati sint, qua palam maleficos ac facinorosos (quorum nequitia perturbatur vel exagitur publica quies) seuerè coerceant. Siquidem id prorsus experimur quod dicebat Solon, Præmio & poena res omnes publicas consistere: iis sublati, totam ciuitatum disciplinam collabi ac dissipari. Friget enim in multorū animis æqui iustique cura, nisi virtuti paratus sit suus honos: nec cōtineri sceleratorum hominum libido, nisi seueritate ac poenarum animaduersione potest. Atque hæc duæ partes comprehensæ sunt à Propheta, dum *Ierem. 21. d. 12 & 22. a. 3* Reges aliōsque præfectos iubet facere iudicium & iustitiam. Iustitia quidem est, innocentem in fidem suscipere, completi, tueri, vindicare, liberare. Iudicium autem, impiorum audaciam obistere, vim comprimere, delicta punire.

10 Verum ardua hic, vt videtur, & difficilis nascitur quæstio, Si lege Dei occidere Christiani omnes vetantur, & Propheta de monte sancto Dei, hoc est Ecclesia, vaticinatur quod non affligent in ea, neque nocebut: quomodo magistratibus & piis simul & sanguinariis esse licet? At si intelligamus, magistratum in exercendis suppliciis non à se agere quicquam, sed ipsissima Dei iudicia exequi, nihil hoc scrupulo impediemur. Occidere Lex Domini prohibet. at ne impunita sint homicidia, gladium in manum suis ministris dat ipse Legislatores, quem in homicidas omnes exerant. Affligere & nocere, piorum non est: atqui hoc nocere non est nec affligere, piorum afflictiones, Domini mandato, vlciisci. Vtinam istud semper animis nostris obuersaretur, nihil hic hominis temeritate, sed Dei iubentis authoritate omnia fieri: qua præeunte, à recta via nunquam aberratur. Nisi fortè diuinæ iustitiæ iniectum est frænū ne de sceleribus poenas sumat. Quod si illi legem dicere fas non est, cur eius ministris calumniam intendemus? Non frustra gladium gerunt, inquit Paulus: nam *Rom. 13. a. 4* Dei ministri sunt ad iram, ultores malè agentibus. Itaque, si nihil Domino sua obedientia fore acceptius norunt principes aliique præfecti, in hoc ministerium incumbāt, si quidem suam Deo pietatem, iustitiam, integritatem approbare student. Hoc scilicet affectu agebatur Moses quum se destinatum Domini virtute populi sui liberatorem cognoscens, *Exod. 2. b. 12* Aegypto manus intulit. Deinde quum cæsis vno die tribus hominum milibus, in populi sacrilegium vindicauit. Dauid quoque, quum sub vitæ suæ finē Solomoni filio præcepit de occidendo Ioab & Semei. Vnde etiam inter regias virtutes hanc commemorat, perimere impios terræ, vt omnes operarii iniquitatis profligantur ex vrbe Dei. Quod etiam pertinet laus quæ Solomoni tribuitur, *Pro. 16. b. 12* Dilexisti iustitiam, & odisti iniquitatem. Quomodo lene illud & placidum Mosis ingenium in tantam truculentiam exardet, vt fratrum suorum sanguine aspersus ac madidus, per castra decurrat ad nouas strages? Quomodo Dauid tanta in omni vita mansuetudine vir cruentum illud testamentum inter vltimos spiritus nuncupat? ne filius suus caniciem Ioab & Semei in pace ad sepulchrum deducat? Verum vterque manus suas, quas parcendo inquinasset, sic saeuendo sanctificauit, dum ultionem sibi à Deo commissam exequutus est. Abominatio est apud Reges, inquit Solomo, facere iniquitatem: quoniam in iustitia solium firmatur. Rursum, Rex qui sedet in solio iudicii, spargit oculos in omnem malum. Item, Dissipat impios Rex sapiens, & conuertit eos *Ibidē 10. b. 8* super rotam. Item, Aufer scoriam ab argento, & egredietur vas confiatori: aufer impium à conspectu Regis, & statuetur in iustitia solium eius. Item, Qui impium iustificat, & qui condemnat iustum, vterque abominatio est Domino. Item, Rebellis acquirit sibi malū, & mittitur ad eum nuntius crudelis. Item, Qui dicit impio, Tu es iustus: huic populi maledicunt *Ibidē 17. c. 15* & nationes. Nunc si vera eorum est iustitia, stricto gladio fontes & impios persequi: gladium recondant, & puras à sanguine manus contineant dum perdit homines nefariè percedes interim & strages grassantur: summa sese impietate obstringent, tantum abest vt bonitatis & iustitiæ laudem inde referant. Faceat modò abscissa sauaque asperitas, & tribunal illud quod reorum scopulus iure nominetur. Non enim is sum qui aut importunæ *Tribunal* uitæ faueam, aut æquum iudicium pronuntiari posse censeam, nisi semper assidente optima illa Regum consiliaria & certissima, vt Solomo affirmat, regii throni conseruatrice, *Caſſii.*

clementia: quam primam esse principum dotem verè à quodam olim dictum est. Vtrūque tamen magistratui videndum, ne aut animi seueritate vulneret magis quàm medeatur: aut superstitiosa clementiæ affectatione, in crudelissimam incidat humanitatem si, molli dissolutaque indulgētia, cum multorum perniciē diffluat. Est enim & istud non abs re quōdam sub Neruæ imperio iactatū: Malum quidem esse sub principe viuere, sub quo nihil liceat: sed multo peius, sub quo liceant omnia.

Apud Dionē

11 Quando verò Regibus populisque, ad exercendam huiusmodi publicam vindictam arma capere interdum necesse est: ex hac ratione simul æstimare licet, legitima esse quæ sic suscipiuntur bella. Nam si tradita illis est potestas qua ditioni suæ quietem tueantur, qua inquietorum hominum seditiosos motus comprimant, qua vi oppressis opulentur, qua in maleficia animaduertant: an maiore opportunitate proferre eam possint, quàm ad compescendum eius furorem, à quo & priuatim singulorum otium, & communis omnium tranquillitas perturbatur? qui seditiosè tumultuatur, à quo violentæ oppressiones & indigna maleficia perpetrāt? Si legum custodes esse ipsos, & assertores conuenit, omnium conatus pariter euertāt oportet quorum scelere legum disciplina corrumpitur. Imò si iure eos latrones plectunt, quorum iniuriæ in paucos tantum progressæ fuerint: an totam latrociniiis regionem impune affligi vastarique sinent? Siquidem nihil interest, rexne sit, an infima de plebe, qui in alienam regionem, in quam iuris nihil habet, irruit, eamque hostiliter vexat: omnes æquè pro latronibus habendi sunt, & puniendi. Hoc ergo & naturalis æquitas & officii ratio dicat, armatos esse principes non tantum ad priuata officia iudiciariis pœnis coercenda, sed ad ditiones quoque fidei suæ commissas, bello defendendas, si quando hostiliter impetantur. Et eiusmodi bella Spiritus sanctus multis Scripturæ testimoniis legitima esse declarat.

Aug.

Aug. epist. 5.
ad Marcelli.

Luc. 3. c. 14

Cic. in Off.

12 Quod si mihi obiicitur, in Nouo testamento nullum extare vel testimonium vel exemplum quod doceat bellum rem esse licitam Christianis: primum respondeo, rationem gerendi belli, quæ olim fuit, hodie quoque permanere: neque esse ex aduerso causam quæ magistratus à suorum subditorum defensione arceat. Deinde non esse querendam in Apostolicis literis expressam istarum rerum enarrationem: ubi non politiam formare, sed spirituale Christi regnum instituere, propositum est. Postremò illic quoque obiter indicari, Christum suo aduentu nihil hac in parte mutasse. Nam si Christiana disciplina (vt Augustini verbis loquar) omnia bella damnet, hoc potius militibus consilium salutis petentibus diceretur vt arma abiicerent, seque militia penitus subducerent. Dictum est autem eis, Neminem concusseritis, nemini iniuriam feceritis, sufficiat vobis stipendium vestrum. Quibus proprium stipendium sufficere debere præcepit, militare vtique non prohibuit. Verum magistratuum omnium fuerit summo opere hinc cauere, ne cupiditatibus suis vel tantillum obsequantur: quin magis, siue expetendæ sunt pœnæ, non præcipiti iracundia ferantur, non rapiantur odio, non implacabili austeritate ardeant, misereantur etiam communem in eo naturam (vt Augustinus loquitur) in quo puniunt proprium delictum. Siue arma in hostem, hoc est armatum latronem, induenda sunt, non ex facili occasione capient: imò nec oblata accipiant nisi summa necessitate adacti. Nam si multo plus nobis præstandum est quàm exegerit Ethnicus ille qui bellum videri voluit pacem quæsitam: omnia prius certè tentanda sunt quàm armis decernendum. In vtroque demum genere, nullo priuato affectu patiantur se corripì, sed publico duntaxat sensu ducantur. Alioqui potestate sua pessimè abutuntur: quæ non in suum illis commodum, sed aliorum bonum ac ministerium data est. Ex eodè præterea belligerandi iure pendet & præsidiorum, & foederum, & ciuilium aliarum munitionum ratio. Præsidia autem voco quæ ad tuendos regionis fines, per ciuitates disponuntur: foedera, quæ à finitimis principibus in hanc legem feruntur vt siquid barbarum in agris suis inciderit, mutuam sibi opem ferant, & vires in comune conferant ad opprimendos humani generis communes hostes: ciuiles munitiones, quarum in arte militari usus est.

Eze. 48. c. 21

Rom. 13. b. 6

13 Libet istud quoque postremò adicere, tributa & vectigalia legitimos esse principum reditus: quos ad sustinenda quidem potissimum publica muneris sui onera conferant: quibus tamen vti similiter possint ad splendorem suum domesticum, qui cum imperii quod gerunt, dignitate quodammodo coniunctus est. Qualiter Dauidem, Ezechiam, Iosiam, Iosaphat, aliosque sanctos Reges, Ioseph etiam & Danielelem, videmus pro personæ quam sustinebant modo, inoffensa pietate, fuisse ex publico sumptuosos, & amplissimum agri spatium Regibus attributum legimus apud Ezechielem. Vbi tamen si Christi spirituale depingit regnum, à legitimo tamen hominum regno simulachri exemplar petit. Sic quidem, vt vicissim meminerint principes ipsi, fiscos suos non tam priuatas esse arcas quàm totius populi

ærararia (sic enim Paulus testatur) quæ prodigere aut dilapidare sine manifesta iniuria non possint. Vel potius ipsum penè esse populi sanguinem, cui non parcere durissima sit inhumanitas: suas autem indictiones & oblationes, aliæque tributorum genera, non nisi publicæ necessitatis subsidia esse reputent, quibus miseram plebem absque causa fatigare, tyrànica sit rapacitas. Hæc principibus ad profusionem & luxuriam sumptuum non faciunt animos (vt certè facem eorum cupiditatibus, plus iusto sponte accensis, subicere opus non est) sed quum plurimum referat, ipsos pura coram Deo conscientia audere quicquid audeat, ne impia confidentia in Dei contemptum veniant, docendi sunt quantum sibi liceat. Neque hæc doctrina priuatis hominibus superuacua est, ne quosuis principum sumptus, tametsi vulgarem ciuilemque modum excedunt, temere ac procaciter sugillare sibi permittant.

14 Proximæ sunt magistratui in politis leges, validissimi rerum publicarum nerui: vel, (quo modo secundum Platonem à Cicerone vocantur) animæ, sine quibus consistere nequit magistratus, quemadmodum nec ipsæ rursus sine magistratu quicquam vigoris habent. Proinde nihil dici verius poterat, quàm mutum esse magistratum, legem: magistratum, legem esse viuam. Quod autem dicturum me recepi, quibus legibus constituenda sit Christiana politia, non est cur longam de optimo legum genere disputationem quis expectet: quæ & immensa foret, nec præsentis esset argumenti & loci. paucis tantum & quasi in transcurso, notabo quibus legibus piè coram Deo uti possit, & inter homines rite administrari. Quod etiam ipsum prorsus silentio transmittere maluissem, nisi intelligerem periculosè hîc à multis aberrari. Sunt enim qui rectè compositam esse rempublicam negent, quæ neglectis Mose politicis communibus Gentium legibus regitur. Quæ sententia quàm periculosa sit & turbulenta, viderint alii, mihi falsam esse ac stolidam, demonstrasse satis erit. Est autem obseruanda vulgata illa partitio, quæ vniuersam Dei Legem per Moysen promulgatam in mores, ceremonias, iudicia distribuit: ac dispiciendæ singulæ partes, vt habeamus quid ex iis ad nos pertineat, quid minus. nec interim quempiam moretur hic scrupulus, quòd ad mores etiam iudicia & ceremoniæ pertinet. Veteres enim qui partitionem hanc tradiderunt, tametsi duas istas posteriores partes non ignorabant circa mores versari, quia tamen saluis moribus mutari & abrogari poterant, morales non dixerunt. Primam illam partem peculiariter appellarunt eo nomine, citra quam non constet vera morum sanctitas & immutabilis rectè viuendi norma.

15 Lex itaque moralis (vt inde primùm incipiam) quum duobus capitibus contineatur, quorum alterum pura Deum fide & pietate colere, alterum sincera homines dilectione cõplecti simpliciter iubet: vera est æternæque iustitiæ regula, gentium omnium ac temporum hominibus præscripta qui ad Dei volûtatem vitam suam componere volunt. Siquidem hæc æterna est & immutabilis eius voluntas, vt à nobis ipse quidè omnibus colatur, Galat. 4.2.4 nos verò mutuo inter nos diligamus. Ceremonialis Iudæorû pædagogia fuit, qua populi illius quandam velut pueritiam exercere Domino visum est, donec veniret tempus illud plenitudinis quo sapientiam suam terris ad plenum manifestaret, ac veritatem exhiberet earum rerum quæ tum figuris adumbrabantur. Iudicialis, politiæ loco illis data, certas æquitatis & iustitiæ formulas tradebat, quibus innocenter & quietè inter se agerent. Atque vt illa ceremoniarum exercitatio ad pietatis quidem doctrinam propriè pertinebat (vt potest quæ Iudæorum Ecclesiam retinebat in Dei cultu ac religione) ab ipsa tamen pietate distingui poterat: ita hæc iudiciorum forma (quanquam non aliò spectabat, quàm quî optimè seruari posset ea ipsa charitas, quæ æterna Dei Lege præcipitur) ab ipso tamen dilectionis præcepto distinctum quiddam habebat. Quemadmodum ergo salua & incolumi pietate abrogari potuerunt ceremoniæ: ita & iudicialiis his constitutionibus sublatis, perpetua charitatis officia & præcepta manere possunt. Quod si verum est, libertas certè singulis gentibus relicta est condendi quas sibi conducere prouiderint leges: quæ tamen ad perpetuam illam charitatis regulam exigantur, vt forma quidem variant, rationem habeant eandem. Nam barbaras illas & feras leges, quales fuerunt quæ fures honore prosequerentur, quæ promiscuos coitus permittebant, aliæque multo tum foediores tum absurdiores, pro legibus habendas minimè cenfeo: quandoquidem abhorrent ab omni non iustitia modò, sed humanitate etiam & mansuetudine.

16 Id quod dixi planum fiet si in legibus omnibus duo hæc, vt decet, intuemur, legis constitutionem & æquitatē, cuius ratione cõstitutio ipsa fundata est ac nititur. A Equitas, quia naturalis est, non nisi vna omnium esse potest, ideo & legibus omnibus, pro negotii genere, eadem proposita esse debet. Constitutiones, quia circumstantias aliquas habent à quibus pro parte pendeant, modò in eundem æquitatis scopum omnes pariter intendant, diuersas

esse nihil obest. Iam quum Dei Legem, quam morale vocamus, constet nō aliud esse quā naturalis legis testimonium, & eius cōscientiæ quæ hominum animis à Deo insculpta est, tota huius de qua nunc loquimur æquitatis ratio in ipsa præscripta est. Proinde sola quæque ipsa legum omnium & scopus, & regula, & terminus sit oportet. Ad eam regulam quæcunque formatæ erunt leges, quæ in eum scopum directæ, quæ eo termino limitatæ, non est cur à nobis improbentur, utcunque vel à Lege Iudaica, vel inter se ipsæ aliàs differant. Lex Dei furari prohibet. Quæ furtis constituta fuerit pœna in politia Iudæorum, videre est in Exodo. Aliarum gentium vetustissimæ leges furtum duplo puniebant. quæ postea sequutæ sunt, discreuerunt inter manifestum & non manifestum. Aliæ ad exilium progressæ sunt, aliæ ad flagrum, aliæ denique ad capitis supplicium. Falsum testimonium talionis pœna inter Iudæos plebatur: alibi graui tantū in ignominia, alibi suspendio, alibi cruce. Homicidium omnes pariter leges sanguine viciscuntur, diuersis tamen mortis generibus. In adulteros alibi seueriores, alibi leuiore edictæ sunt pœnæ. Videmus tamen ut eiusmodi diuersitate in eundem omnes finem tendant. Nam vñ simul ore pœnam pronuntiant in ea quæ æterna Dei Lege damnata sunt facinora: nempe homicidia, furta, adulteria, falsa testimonia: sed in pœnæ modo non conueniunt. neque verò id necesse est, neque etiam expedit. Est regio quæ, nisi horrēdis exemplis in homicidas sauiat, cædibus statim & latrociniiis perdenda sit. Est seculum quod pœnarum acerbitate augeri postulet. Siquid turbatum sit in statu publico, nouis edictis corrigenda sunt quæ inde nasci solent mala. Belli tēpore in armorum strepitu concideret omnis humanitas nisi insolito pœnarum metu iniecto. In sterilitate, in pestilentia, nisi adhibeatur maior seueritas, pessum ibunt omnia. Est gens in vitium quoddam propensior nisi acerrimè compescatur. Quam malignus fuerit, ac publico bono inuidus, qui tali diuersitate offendetur, ad retinendam Legis Dei obseruationem accommodatissima? Nam quod iactatur à quibusdā, fieri contumeliam Legi Dei per Mosē latæ: quum abrogata illa, nouæ aliæ illi præferuntur, vanissimum est. neque enim aliæ illi præferuntur dum magis probantur, non simplici collatione, sed temporum, loci, gentis conditione: aut illa abrogatur quæ nobis lata nūquam fuit. Siquidem non eam Dominus per manum Mosi tradidit quæ in gentes omnes promulgaretur, & vbique vigeret: sed quum Iudaicam gentem, in fidem, patrociniū, clientelam suam suscepisset, illi etiam peculiariter legislator esse voluit: ac quod sapientis legislatoris erat, singularem quandam eius rationem in ferendis legibus habuit.

- 17 Superest nunc ut videamus quod postremo loco propositum erat, Quis legum, iudiciorum, magistratuum vsus ad cōmunem Christianorum societatem redeat. Cui etiam annexa est altera quæstio, Quātum magistratibus debeant priuati homines deferre, & quousque obedientia progredi debeat. Plurimis videtur superuacaneū esse munus magistratus inter Christianos, quod scilicet implorare piè nō possint, utpote quibus vindicare, in iudicium postulare, litigare vetitum sit. At quum Paulus cōtrā clarè testetur, ministrium Dei nobis esse in bonum: ex eo intelligimus, ita diuinitus ordinatū esse ut eius manu ac præsidis aduersus flagitiosorum hominum improbitatem & iniurias defensi, quietam ac securam vitam agamus. Quod si frustra in præsidium nobis à Domino datus est, nisi tali nobis beneficio uti licet, satis apparet implorari quoque & appellari non impè posse. Hic verò mihi cum duplici hominum genere agendū est. sunt enim permulti qui tanta litigandi rabie æstuant, ut quietem nunquam habeant apud se nisi cum aliis pugnent. Lites verò ipsas & capitali odiorū acerbitate, & insana vindicandi nocendique cupiditate exequuntur, & implacabili pertinacia persequuntur, ad sui vsque aduersarii ruinam. Interim nequid nisi iure agere existimentur, iudiciorum prætextu talem peruersitatem defendūt. At si cum fratre iudicio agere permissum est, non protinus odisse ipsum licet, non furioso nocendi studio in illum ferri, non pertinaciter insequi.

- 18 Sic ergo tales habeant, Legitima esse iudicia si quis rectè utatur. Rectū autem esse vsum, tum actori, agendi: tum defendendi, reo: si hic quidem postulatus ad condictam diem se sistit, & qua potest exceptione causam defendit citra acerbitatem: sed hoc tantū effectu, ut quod suum est iure tueatur: ille verò indignè siue in capite, siue in fortunis oppressus, in magistratus fidem se conferat, querimoniam exponat, quod æquum est ac bonum postulet: sed omni procul nocendi vindicandive libidine, procul asperitate & odio, procul contētionis ardore: quin potius paratus suo cedere, & quiduis perperī, quā inimico in aduersarium animo ferri. Cōtrā ubi animi maleuolentia suffusi, corrupti inuidia, iracundia incensi, ultionem spirantes, aut sic denique ardore certaminis inflammati ut de charitate aliquid remittant: tota etiā iustissimæ causæ actio non impia esse non potest. Nam hoc con-

Exod. 22. a. 1

Deut. 19. d. 18

Rom. 14. a. 4

stitutum esse axioma Christianis omnibus conuenit: nunquam quantumvis æquam litem iuste tractari à quouis posse, nisi pari aduersarij dilectione beneuolentiaque profectur ac si iam amicè, quod controuertitur negotium, transactum ac compositum esset. Inuenerit fortè aliquis talem moderationem adeò nunquā in iudicium afferri, ut instar sit prodigi i futura siqua reperta fuerit. Fateor sanè, ut sunt horum temporum mores, rari ex-
tare probi litigatoris exemplum: sed res tamen ipsa nullius mali accessione inquinata, bona esse & pura non desinit. Caterum quum sanctum esse Dei donum audimus, auxilium magistratus: eo diligentius cauendum est ne nostro vitio polluat.

19 Qui verò iudiciarias omnes disceptationes præcise damnant, intelligant se sancta Dei ordinationem simul repudiare, & donum ex eorum genere quæ mundis in uita esse possunt, nisi fortè Paulum flagitii insimulare uolent, qui & accusatorum calumnias, eorum quoque uasritiem & malitiam exponendo, à se depulit: & Romanæ ciuitatis prærogatiua sibi in iudiciis asseruit: & ab iniquo præside, ad Cæsaris tribunal, quum opus fuit, prouocauit. Nec obest quòd Christianis omnibus interdicta est uindicta cupiditas, quam & nos à Christianis subsellis longissimè abigimus. Nam siue ciuilitè contenditur, non recta incedit uia nisi qui innoxia simplicitate, rem suam iudici tanquam publico tutori commēdat, nihil minus quàm mutuam mali vicem (qui est uindictæ affectus) rependere cogitans: siue capitalis aut grauior aliqua intenditur actio, eum accusatorem requirimus qui nullo uiciscendi ætù correptus, nulla priuata iniuriæ offensione tactus, in forum accedat: sed in animo duntaxat habens, perniciosi hominis conatus impedire, ne reipublica noceant. Quòd si uindictam animum tollis, nihil in mandatum illud delinquitur quo ultio Christianis interdicatur. At non solum uindictam appetere vetantur, sed manum quoque Domini iubentur expectare, qui se oppressis & afflictis ad futurum ultorem pollicetur: illam autè celestis patroni ultionem omnem anteuertunt qui opem aut sibi aut aliis ferri à magistratu postulant. Minimè id verò: siquidem magistratus uindictam, non hominis, sed Dei esse cogitandum est, quam per hominis ministerium in bonum nostrum (ut ait Paulus) exercit atque exercet.

20 Nihilo etiam magis cum Christi uerbis pugnamus, quibus resistere malo prohibet, & dexteram maxillam obuere præcipit ei qui alapam in sinistram impegerit: permittereque ei pallium qui tunicam auferat. Vult quidem illic suorum animos à retaliandi cupidine tantopere abhorrire, ut citius duplicari in se iniuriam laturos sint quàm repere eam appetat, à qua quidem patientia nec ipsi eos abducimus. Verè enim Christianos esse oportet hominum genus ad contumelias iniuriasque ferendas natum, pessimorum hominum nequitia, imposturis, ludibriis expositum. neque id modò: sed eorum omnium malorum tolerantia esse oportet. hoc est, sic totis animis compositos ut suscepta una offensione ad alteram se comparēt, nihil sibi in totam vitam promittentes quàm perpetuæ crucis tolerantiam. Interim & iis qui sibi iniurii sunt, benefaciant, & maledicentibus bene precetur: & (quæ unica est sua uictoria) bono malū vincere contendant. Sic affecti non querēt oculū pro oculo, dentem pro dente (qualiter suos discipulos instituebant Pharisei, ad appetendam ultionem) sed (quomodo à Christo erudimur) & corpus suum mutilari, & malitiose sua sibi eripi sic ferent, ut eas iniurias, simulac irrogatæ sibi fuerint, remissuri sint ac ultro condonantur. Neque isthæc tamen animorum æquitas & moderatio impedit quin integra in suos inimicos amicitia, magistratus ope ad rerum suarum conseruationem utantur: aut publici boni studio, fontem ac pestilentem hominem ad poenam postulent, quem emendari nisi morte non posse nouerint. Verè enim Augustinus hæc præcepta omnia eò tendere interpretatur, ut paratus sit homo iustus & pius eorum malitiam patienter sustinere quos fieri bonos querit: ut numerus potius crescat bonorum, non ut pari malitia se quoque numero addat malorum: deinde ad præparationem cordis quæ intus est, magis pertinere quàm ad opus quod in aperto fit: ut teneatur in secreto animi patientia cum beneuolentia: in manifesto autem id fiat quod illis uidemus prodesse posse quibus bene uelle debemus.

21 Quod autem obiectari solet, lites à Paulo in uniuersum esse damnatas, id quoque falsum est. Intelligi ex eius uerbis facillè potest, immodicum fuisse litigandi furorem in Corinthiorum Ecclesia: usque eo ut Christi Euangelium & totam quam profitebatur religionem, impiorum cauellis ac maledicentiæ exponerent. Id primum reprehendit in illis Paulus, quòd Euangelium apud infideles dissensionum suarum intemperie traducerent. Deinde & hoc ipsum, quòd cum in modum inter se dissiderēt fratres cum fratribus. Tam enim procul à ferenda iniuria alieni erant ut alii aliorum fortunis uidè inhiarent, ultro lacesserent, & damnum inferrent. In illam ergo litigandi insaniam inuehitur, non simpliciter in quasuis controuersias. At omnino vitium uel infirmitatem esse pronuntiat, quòd non

potius damnum acciperent rerum suarum quàm pro his conseruandis ad contentiones vsque laborarent : nempe quum adeò facile quibuscumque damnis commouerentur , & minimis de causis ad forum & lites decurrerent , hoc indicio esse dicit quòd animo essent nimis irritabili , & ad patientiam minus comparato . Id sanè Christianis agendum est , vt de suo iure decedere semper malint quàm in forum progredi : vnde vix exire possint nisi commotiore animo & in fratris odium accenso . Verùm vbi quis citra charitatis dispèdium rem suam se posse tueri viderit , cuius iactura graui sibi dispendio futura sit , id si faciat , nihil in istam Pauli sententiam delinquit . Denique (quod initio docuimus) optimum cuique consilium dabit charitas : sine qua quæcunque suscipiuntur , & vltra quam quæ progrediuntur disceptationes , iniustas esse & impias , extra controuersiam ponimus .

22 Subditorum erga suos magistratus officium primum est , de eorum functione quàm honorificèssimè sentire , quam scilicet velut delegatam à Deo iurisdictionem agnoscunt : eosque ob id suspicere ac reuereri vt Dei ministros ac legatos . Quosdam enim reperias qui suis se magistratibus valde obsequètes præbeant , ac nolint quidè non esse quibus obsequantur , quòd bono publico ita expedire norunt : de ipsis tamè magistratibus non secus existimènt ac malis quibusdam necessariis . Verùm plus quiddà à nobis requirit Petrus , quum Regem honorari , & Solomo , quum Deum & Regem timeri præcipit . Ille enim sub honorandi verbo synceram ac cādīdam existimationem complectitur : hic Regem cum Deo coniungēs , sanctæ cuiusdam venerationis ac dignitatis plenum esse ostendit . Est & illud præclarum apud Paulum elogium , Vt obediamus non solum propter iram , sed propter cōscientiam . Quo intelligit , non terrore modò principum ac præfectorum adduci subditos debere vt in eorum subiectione contineantur (qualiter succumbere hosti armato solent qui vindictam fore promptam vident si resisterint) verùm quia Deo ipsi redduntur obsequia quæ istis præstantur : quando eorum potestas à Deo est . De hominibus non disputo , ac si larua dignitatis stultitiam , vel ignauiam , vel crudelitatem morèque improbos & flagitii plenos tegeret , atque ita vitiis acquireret laudem virtutum : sed dico ordinem ipsum honore & reuerentia dignum esse : vt quicumque præfunt , apud nos sint in pretio , & venerationē obtineant præfecturæ suæ respectu .

1. Pet. 2. c. 17
Pro. 24. c. 21

Rom. 13. a. 5

23 Ex eo & alterum deinde sequitur , vt propensis in eorum obseruationem animis , suam illis obedientiā approbent : siue edictis parendū , siue tributa soluenda , siue subeūda publica munera atque onera quæ ad communē defensionē spectent , siue qua alia iussa capeffenda . Omnis anima , inquit Paulus , potestatibus sublimioribus subdita sit . qui enim potestati resistit , Dei ordinationi resistit . Admoneto illos (scribit idē Tito) vt principatibus ac potestatibus subditi sint , vt magistratibus pareant , vt ad omne opus bonū sint parati . Et Petrus , Subditi , inquit , estote cuius humanæ creaturæ (vel potius , vt ego quidè interpretor , ordinationi) propter Dominū , siue regi tanquā præcellenti : siue præsidibus , qui per eum mittuntur , ad vindictam quidem nocentiū , laudē verò rectè agentiū . Porro quo nō subiectionē simulare , sed syncerè & ex animo subiectos se esse testentur , addit Paulus , vt eorum sub quibus viuunt salutem ac prosperitatem Deo cōmendent . Adhortor , inquit , vt fiant deprecationes , obsecrationes , interpellationes , gratiarū actiones pro omnibus hominibus , pro Regibus , & omnibus in eminentia constitutis , vt placidam & quietā vitā degamus , cum omni pietate ac honestate . Neque hīc se quisquā fallat . Quando enim resisti magistratui non potest quin simul Deo resistatur : etiā si impunè contemni videtur posse inermis magistratus , Deus tamè armatus est qui sui contemptum fortiter vlciscatur . Sub hac præterea obedientia moderationem cōprehendo , quam sibi in publico imperare debent priuati homines , ne se vltro admisceant publicis negotiis , aut temerè irrumpant in partes magistratus , ac nequid omnino publicè moliātur . Siquid in publica ordinatione corrigi intererit , nō tumultuētur ipsi , nec admoueāt operi manus , quas illis omnibus ligatas esse hac in parte decet : sed ad magistratus cognitionē deferant , cuius vnus hīc soluta est manus . Intelligo autē , nequid iniussi audeant . nā vbi accessit præfecti imperiū , iam ipsi quoque publica authoritate præditi sunt . Vt enim aures atque oculos principis vocare vulgò solent eius cōsiliarios : ita non infulsè principis manus quis dicat quos rebus agendis mandato suo præfecerit .

Rom. 13. a. 1

Tit. 3. a. 1

1. Pet. 2. c. 13

1. Tim. 2. a. 1

24 Quoniam autem hætenus magistratum descripsimus qui verè sit quod dicitur , ille scilicet patriæ pater , & (vt Poeta loquitur) pastor populi , custos pacis , præfès iustitiæ , innocentia vindex : infans meritò iudicandus sit cui tale non probetur imperium . Ac quum omnium propè seculorū hoc exemplum sit , vt principum alii , eorum omnium securi quibus prouidendis intenti esse debuerant , procul omni sollicitudine socordes delicientur : alii ad rem suam attēti , iura omnia , priuilegia , iudicia , diplomata , venalia prostituāt : alii plebeculā exhauriant pecunia quam postea infans largitionibus profundant : alii expilandis do-

mibus, virginibus ac matronis violandis, mactandis innocentibus, mera latrocinia exercent: eos vero pro principibus agnoscendos esse, quorū imperio, quoad licet, parendū sit, multis persuaderi non potest. Siquidem dum in tanta indignitate ac inter tam aliena, non à magistratus modò, sed hominis quoque officio, facinora, nullam speciem imaginis Dei intuentur quæ in magistratu elucere debuerat: dum nullum conspiciunt vestigium eius ministri Dei, qui in laudem bonis, malis in ultionem datus erat: ita neque etiam præfectū illum agnoscunt, cuius dignitatem atque auctoritatem Scriptura nobis commendat. Et sane is semper hominum animis ingentis fuit sensus, non minore tyrannos odio atque execratione insectari, quàm dilectione & veneratione prosequi legitimos Reges.

25 Verum si in Dei verbum respicimus, longius nos deducet, ut non eorum modò principū imperio subditi simus qui probè, & qua debet fide, munere suo erga nos defunguntur: sed omnium qui quoquo modo rerum potiuntur, etiamsi nihil minus præstet quàm quod ex officio erat principum. Tamen si enim summum suæ beneficentiæ munus esse magistratum, ad salutem hominum conseruandam, testatur Dominus, ac suos magistratibus ipsis fines præscribit: simul tamen declarat, qualescunque sint, non nisi à se habere imperium. Eos quidem qui publico bono imperant, vera eius suæ beneficentiæ exemplaria esse & specimina: qui verò iniuste & impotenter dominantur, eos ad vindicandam populi iniquitatem à se excitatos. omnes ex æquo sancta illa maiestate esse præditos qua legitimam potestatem instruxit. Non ultra progrediar donec certa eius rei aliquot testimonia subiecerō. Nec tamen quo furorem Domini super terram esse impium Regem, confirmemus, laborandum est, quando neminem futurum arbitror qui reclamet, nec sic de Rege plus dictum fuerit, quàm de prædone qui rem tuam diripiat: & adultero, qui thorum tuum polluat: de sicario, qui te ad cædem appetat: quum huiusmodi calamitates omnes, inter Dei maledictiones Scriptura recenseat. Verum in eo probando insistamus magis, quod non ita facile in hominum mētes cadit: in homine deterrimo honorēque omni indignissimo, penes quem modò sit publica potestas, præclaram illam & diuinā potestatem residere, quam Dominus iustitiæ ac iudicii sui ministris verbo suo detulit: proinde à subditis eadē in reuerentia & dignatione habendum, quantum ad publicam obedientiam attinet, qua optimum Regem, si daretur, habituri essent.

Iob 34. d. 30
osea 13. c. 11
iesai. 3. a. 4
iesai. 10. a. 5
Deut. 18. c. 19

26 Principiò velim animaduertant, seduloque obseruent lectores illam quæ non sine causa toties nobis in Scripturis commemoratur, Dei prouidentiam, ac singularem actionem in distribuendis regnis, statuendisque quos illi visum fuerit Regibus. Apud Danielē, Dominus mutat tempora & vices temporum, abiicit Reges & instituit. Item, Ut cognoscant viuentes quòd potens sit Altissimus in regno hominū: & cui ipse voluerit, dabit illud. Cuiusmodi sententiis quum passim abundet Scriptura, illa tamen prophetia peculiariter scater. Iam qualis Rex fuerit Nabuchadnezar, is qui Ierusalem expugnauit, satis scitur: nempe strenuus aliorum inuasor ac populator. Dominus tamen apud Ezechielē se illi terram Aegypti dedisse affirmat pro obsequio quod sibi in vastanda illa præstiterat. Et illi dicebat Daniel, Tu Rex, Rex es Regum: cui Deus cælorum dedit regnum potens ac forte atque gloriosum. tibi inquam, dedit, & omnes terras ubi habitant filii hominum, bestię syluestres, & volucres cæli: eas tradidit in manum tuam, ac fecit te dominari eis. Rursum eius filio Belsasar, Deus altissimus dedit, Nabuchadnezar patri tuo regnum & magnificentiam, honorem & gloriam: & propter magnificentiam quam dedit illi, omnes populi, tribus, & linguæ fuerunt tremantes & timentes à conspectu eius. Quum audimus, à Deo impositum esse Regem, simul illa de honorando & timendo Rege, cælestia edicta animo repetamus: & nequissimū tyrannum non dubitabimus eo habere loco quo Dominus ipsum dignatus fuerit. Samuel, quū populo Israel denuntiaret qualia esset à Regibus suis passurus, Hoc ius erit Regis, dicebat, qui regnabit super vos: filios vestros tollet, & ponet eos ad currum suum, ut ponat eos pro equitibus suis, & ut arent agros suos, & messem suam metant, & arma fabricentur. Filias vestras tollet, ut sint pigmentariæ, coquæ, & pistrices. Agros denique vestros, vineas vestras, & oliueta optima auferet, & dabit seruis suis. Semina vestra, & vineas vestras decimabit, & dabit eunuchis & seruis suis. Seruos vestros, ancillas & asinos tollet: & adhibebit operi suo. quin & greges vestros decimabit: & vos eritis serui illius. Certè non id iure facturi erant Reges, quos optimè ad omnem continentiam Lex instituebat: sed ius in populum vocabatur, cui parere ipsi necesse esset, nec obsistere liceret. ac si dixisset Samuel, Eò se propripet licentiæ Regum libido, quam cohibere vestrum non erit: quibus hoc restabit regnum, iussa excipere, ac dicto audientes esse.

Daniel. 2. c. 21,
& f. 37

Ezec. 19. d. 19
Dan. 2. f. 37

Dan. 5. c. 18

1. Sam. 8. c. 11

- 27 *Ierem. 27. a. 5* In primis autem insignis est & memorabilis apud Ieremiam locus, quem (tamen si prolixior) ideo non pigebit referre, quia totam hanc quaestionem clarissimè definit. Ego feci terram & homines, ait Dominus, & animalia quæ sunt in superficie terræ, in fortitudine mea magna & brachio extento: & ipsam trado ei qui placuerit in oculis meis. Et nunc itaque ego dedi omnes terras istas in manum Nabuchadnefar serui mei, & seruient gentes ei omnes, & Reges magni: donec tempus veniet terræ eius. Eritque, ut gens & regnum quæ nõ seruiert Regi Babel, visitabo gentem illam in gladio, fame & peste. quare seruite Regi Babel, & viuite. Videmus quanta obedientia Dominus tetrum illum ferocemque tyrannum coli voluerit, nõ alia ratione nisi quia regnum obtinebat. Id autem ipsum erat cælesti decreto, in solum regni impositum esse, ac in regiam maiestatem assumptum: quã violare nefas esset. Hoc nobis si assidue ob animos & oculos obuerfetur, eodẽ decreto constitui etiam nequissimos Reges quo Regum autoritas statuitur: nunquam in animum nobis seditiosæ illæ cogitationes venient, tractandum esse pro meritis Regem: nec æquum esse ut subditos ei præstemus qui vicissim Regem nobis non præstet.
- 28 *Iere. 27. c. 17* Frustra obiiciat quis mandatum illud fuisse Israelitis peculiare. Obseruandum enim est qua ratione ipsum Dominus stabiliat. Detuli, inquit, Nabuchadnefar regnum: quare seruite illi, & viuite. Cuicumque ergo delatum fuisse regnũ constabit, ei seruiendum esse ne dubitemus. Atque simul ac in regium fastigium quempiam euehit Dominus, testatam nobis facit suam voluntatem, quod regnare illum velit. De eo enim extant generalia Scripturæ testimonia. Solomo, vicesimo octauo, Propter iniquitatem terræ sunt multi principes. Itẽ Iob, duodecimo, Subiectionẽ tollit à Regibus, & rursus accingit eos cingulo. Eo autẽ confesso, nihil restat nisi ut seruiamus & viuamus. Est apud Ieremiam Prophetam alterũ quoque Domini mandatum, quo iubet populum suum quærere pacem Babylonis, in quam captiui abducti essent: & orare ad se pro ea: quoniam in pace eius futura esset pax eorum. Ecce, Israelitæ fortunis omnibus exuti, è domibus suis auulsi, in exiliũ abacti, in miseram coniecti seruitutem, pro victoris prosperitate orare iubentur: non quomodo iubemur aliàs persecutoribus nostris bene precari: sed ut saluum illi regnum & tranquillum cõseruetur, ut sub eo ipsi quoque prosperè agant. Sic Dauid, iam Rex Dei ordinatione designatus, sanctoque eius oleo victus, quum nullo suo merito indignè à Saule impeteretur, insidiatoris tamen sui sacrosanctum habebat caput, quod regni honore Dominus sanctificauerat. Absit à me (dicebat) ut coram Domino faciam rem istam, domino meo messia Domini, ut mittam manum meam in eum, quoniam christus Domini est. Item, Pepercit tibi anima mea: dixique, Non mittam manum meam in dominum meum, quoniam christus Domini est. Item, Quis mittet manum suam in christum Domini, & innocens erit? Viuit Dominus, nisi Dominus percusserit eum, aut dies eius venerit ut moriatur, aut in prælium descenderit: absit à me ut mittam manum meam in christum Domini.
- 29 Hunc reuerentiæ atque adeo pietatis affectum debemus ad extremum præfatis nostris omnibus, quales tandem cunque sint. Quod sæpius ideo repeto, ut discamus non homines ipsos excutere: sed satis habeamus, quod eam, voluntate Domini, personam sustineant cui inuiolabilem maiestatem impressit ipse & insculpsit. At mutuas (inquies) subditis suis vires debent præfati. Id iam confessus sum. Verum si ex eo statuis, non nisi iustis imperiis rependenda obsequia, insulsus es ratiocinator. Nam & viri vxoribus, & liberis parentes, mutuis officiis astringuntur. Discedant ab officio parentes & mariti: illi liberis, quos prohibentur ad iracundiam prouocare, sic se duos & intractabiles præbeant ut sua eos morositate ultra modum fatigēt: hi suas vxores, quas diligere, & quibus, seu vasculis fragilibus parcere iubentur, contumeliosissimè accipiant: an minus tamen & parentibus liberi, & coniugibus mulieres obsequētes erūt? At improbis quoque & inofficiosis subiiciuntur. Quin, quum omnibus istud agendum sit potius, ne in manticam à tergo pendentem respuant, hoc est ne alii in aliorum inquirent officia, sed quod sui est muneris, id sibi vnum singuli subiiciant: id verò inter eos præsertim valere debet qui sub aliorum sunt potestate positi. Quare si à sæuo principe crudeliter torquemur, si ab auaro, aut luxurioso rapaciter expilamur, si ab ignauo negligimur, si ab impio denique & sacrilego vexamur ob pietatem: subeat primum delictorum nostrorum recordatio, quæ talibus haud dubiè Domini flagellis castigatur. Inde humilitas impatientiam nostram frænabit. Succurrat deinde & hæc cogitatio, non nostrum esse, huiusmodi malis mederi. hoc tantum esse reliquum, ut Domini opem imploremus, cuius in manu sunt Regum corda, & regnorum inclinationes. Ille Deus est qui stabit in synagoga deorum, & in medio deos diiudicabit: à cuius facie concident & cõ-
- Ephes. 6. a. 1*
Ephes. 5. c. 16
1. Pet. 3. b. 7
Dan. 9. b. 7
Prouer. 21. a. 1
Psal. 82. a. 1
1. Sal. 1. c. 10.

terentur Reges omnes, & Iudices terræ quicunque non osculati fuerint Christum eius: qui scripserint leges iniquas, ut opprimerent in iudicio pauperes, & vim facerent causæ humilium: ut viduas haberent in prædam, & upillos diriperent.

Iesa. 10. a. 4

30 Atque hic mirabilis eius tum bonitas tum potētia tum prouidentia sese profert. nam modò ex seruis suis manifestos vindices excitat, ac mandato suo instruit, qui de scelerata dominatione poenas sumāt, & oppressum iniustis modis populum è misera calamitate eximāt: modò furorem aliud cogitātium & aliud molientium hominum eò destināt. Sic populum Israël è tyrannide Pharaonis per Moſen: è violentia Chusam Regis Syriæ, per Othoniel: ex aliis seruitiis, per alios vel Reges vel Iudices, in libertatem aſſeruit. Sic Tyri superbiam per AEgyptios: sic AEgyptiorum insolentiam, per Assyrios: Assyriorum ferociā, per Chaldaeos: confidentiā Babylonis, per Medos & Persas domuit quum iam Medos Cyrus subiugasset. Regum verò Iuda & Israël ingratitude & erga tot sua beneficia impiam contumaciam nunc per Assyrios, nunc per Babylonios contudit & afflixit. quanquam non eadem omnia ratione. Priores enim illi quādo ad edenda talia facinora, legitima Dei vocatione accersiti erant, in Reges arma sumendo, minimè violabant eam quæ diuina ordinatione Regibus indita est maiestatem: sed è cælo armati minorem potestatem maiore coercebant: perinde ac in suos satrapas Regibus animaduertere licet. Hi tametsi Dei manu, quò illi visum erat, destinabātur, opusque eius inscientes peragebant: nihil tamè aliud animo quàm scelus volutabant.

Exod. 3. b. 7
Iudi. 3. b. 9, &
sequentibus

31 Verum vtcunque ipsa hominum facta censeantur, Dominus tamen per ea suum æquè opus exequēbatur, quum sanguinaria Regum insolentium sceptrā confringeret, ac intolerandas dominationes euerteret. Audiant principes, & terreantur. Nobis autem interim summopere cauendū, ne illam plenā venerandā maiestatis magistratuū autoritatē, quam Deus grauissimis edictis sanxit, etiamsi apud indignissimos resideat, & qui eam sua nequitia, quantum in se est, polluunt, spernamus aut violemus. Neque enim si ultio Domini est effrenatæ dominationis correctio, ideo protinus demandatam nobis arbitremur: quibus nullum aliud quàm parendi & patiendi datum est mandatū. De priuatis hominibus semper loquor. Nam si qui nunc sint populares magistratus ad moderandum Regum libidinē constituti (quales olim erant, qui Lacedæmonius Regibus oppositi erant, Ephori: aut Romanis Consulibus, Tribuni plebis: aut Atheniensium senatui, Demarchi: & qua etiā fortè potestātē, ut nunc res habent, funguntur in singulis regnis tres ordines, quum primarios conuentus peragunt) adeò illos ferocienti Regum licentiæ pro officio intercedere non veto, ut si Regibus impotenter grassantibus, & humili plebeculæ insultantibus conniueant, eorum dissimulationem nefaria perfidia non carere affirmem: quia populi libertatem, cuius se Dei ordinatione tutores positos norunt, fraudulenter produnt.

32 At verò in ea quam præſectorum imperiis deberi constituimus obedientia, id semper excipiendum est, imò in primis obseruandum, ne ab eius obedientia nos deducat, cuius voluntati Regum omnium vota subesse, cuius decretis iussa cedere, cuius maiestati faſces submitti par est. Et verò, ut hominibus satisfacias, in eius offensionem incurrere propter quem hominibus ipsis obedias, quàm præposterum fuerit: Dominus ergo Rex est regum: qui vbi sacrum os aperuit, vnus pro omnibus simul ac supra omnes est audiendus: iis deinde qui nobis præſunt hominibus subiecti sumus: sed non nisi in ipso. Aduersus ipsum siquid imperēt, nullò sit nec loco nec numero. neque hîc totam illam qua magistratus pollent dignitatem quicquam moremur: cui iniuria nulla fit dum in ordinem, præ singulari illa vereque summa Dei potestate, cogitur. Secundum hanc rationē Daniel se quicquam in Regem peccasse negat vbi impio eius edicto non paruit: quia exceſſerat ille fines suos: nec modò iniurius fuerat in homines, sed cornua tollendo aduersus Deum, potestatem sibi ipse abrogauerat. Ex opposito damnantur Israelitæ quòd impio Regis edicto nimium fuerant morigeri. Nam quum Iarobeam vitulos aureos conſlaſſet, relicto Dei templo in eius gratiam ad nouas superstitiones defecerant. Eadem facilitate poſteri sese flexerant ad Regum suorum placita. hoc illis seuerè Propheta exprobrat, quòd Regis edicta amplexi fuerint. tantum abest ut laudem mereatur modestiæ prætextus, quo aulici adulatores se tegunt, & simplices decipiunt, dum sibi fas esse negant quicquam abnuere à Regibus suis impositū. quasi verò ius suum Deus resignauerit mortalibus, eos generi humano præficiēs: aut minuatur terrena potestas, dum suo authōri subiicitur, coram quo cælestes etiam principatus supplices expauescunt. Scio quantum quamque præſens huic constantiæ periculum immineat, quòd indignissimè se contemni Reges ferant: quorum indignatio nuntius

Dan. 6. f. 24

Oſeæ 5. d. 13

1. Reg. 12. g. 30

est mortis, inquit Solomon. Sed quum istud à cælesti præcone Petro pronuntiatum sit editum, Obediendum Deo potius quàm hominibus: hac nos cogitatione consolemur, illam tum nos præstare quàm Dominus exigit obediētiam, dū quiduis perpetimur potius quàm à pietate defleamur. Et ne nobis labascāt animi, aliū etiam stimulū Paulus admouet, Nos ideo tanti à Christo redēptos esse quanti illi constitit nostra redēptio, ne prauis hominū cupiditatibus nos mācipemus in obsequium: multo verò minus impietati simus addicti.

L A V S D E O.

Quæ quatuor libris huius Institutionis continentur.

LIBRO PRIMO, DE COGNITIONE DEI CREATORIS, CAPITA XVIII.

- 1 Dei notitiam & nostri res esse coniunctas, & quomodo inter se cohæreant.
- 2 Quid sit Deum cognoscere, & quem in finem tendat eius cognitio.
- 3 Dei notitiam hominum mentibus naturaliter esse inditam.
- 4 Eandem notitiam partim inscitia, partim malitia vel suffocari vel corrumpi.
- 5 Dei notitiam in mundi fabrica & continua eius gubernatione lucere.
- 6 Ut ad Deum Creatorem quis perueniat, opus esse Scriptura duce & magistra.
- 7 Quo testimonio Scripturam oporteat sanciri, nempe Spiritus: ut certa constet eius auctoritas: atque impium esse commentum, fidem eius pendere ab Ecclesiæ iudicio.
- 8 Probationes, quatenus fert humana ratio, satis firmas suppetere ad stabiliendam Scripturæ fidem.
- 9 Omnia pietatis præcipia euertere fanaticos, qui posthabita Scriptura, ad reuelationes trās-uolant.
- 10 Scripturam, ut omnem superstitionem corrigat, verū Deum exclusiue opponere diis omnibus Gentium.
- 11 Deo tribuere visibilem formam nefas esse, ac generaliter deficere à vero Deo quicumque idola sibi erigunt.
- 12 Deum ab idolis discerni, ut solus in solidum colatur.
- 13 Vnicā Dei essentiam ab ipsa creatione tradi in Scripturis, quæ tres in se personas cōtinet.
- 14 In ipsa etiam mundi & rerum omnium creatione Scripturam certis notis discernere verū Deum à fictitiis.
- 15 Qualis homo sit creatus. ubi de animæ facultatibus, de imagine Dei, libero arbitrio, & primæ naturæ integritate differitur.
- 16 Deum sua virtute mundum à se conditum fouere ac tueri, & singulas eius partes sua providentia regere.
- 17 Quorsum & in quem scopum referenda sit hæc doctrina, ut nobis constet eius utilitas.
- 18 Deum ita impiorum opera uti ut animos flectat ad excquēda sua iudicia, ut purus ipse ab omni labe maneat.

LIB. II. DE COGNITIONE DEI REDEMPTORIS in Christo, quæ Patribus sub Lege primū, deinde & nobis in Euangelio patefacta est.

CAPITA XVII.

- 1 Adæ lapsu & defectione totum humanum genus maledictioni fuisse addictum, & à prima origine degenerasse. ubi de peccato originali.

- 2 Hominem arbitrii libertate nunc esse spoliatum, & miseræ seruituti addictum.
- 3 Ex corrupta hominis natura nihil nisi damnabile prodire.
- 4 Quomodo operetur Deus in cordibus hominum.
- 5 Obiectionum refutatio quæ pro defensione liberi arbitrii afferri solent.
- 6 Homini perduto quærendam in Christo redemptionem esse.
- 7 Legem fuisse datam, non quæ populum veterem in se retineret, sed quæ foueret spem salutis in Christo usque ad eius aduentum.
- 8 Legis moralis explicatio.
- 9 Christum, quanuis sub Lege Iudæis cognitus fuerit, tamen Euangelio demum exhibitum fuisse.
- 10 De similitudine Veteris & Noui testamenti.
- 11 De differentia vnius testamenti ab altero.
- 12 Christum, ut Mediatoris officium præstaret, oportuisse fieri hominem.
- 13 Christum veram humanæ carnis substantiam induisse.
- 14 Quomodo duæ naturæ Mediatoris efficiant personam.
- 15 Ut sciamus quorsum missus fuerit Christus à Patre, & quid nobis attulerit, tria potissimum spectanda in eo esse, munus Propheticum, Regnum & Sacerdotium.
- 16 Quomodo Redemptoris partes impleuerit Christus, ut nobis salutem acquireret. vbi de morte & resurrectione eius agitur, & in cælum ascensu.
- 17 Rectè & propriè dici Christum nobis promeritum esse gratiam Dei & salutem.

LIB. III.

DE MODO PERCIPIENDÆ CHRISTI GRATIÆ, & qui inde fructus nobis proueniant, & qui effectus consequantur.

CAPITA XXV.

- 1 Quæ de Christo dicta sunt, nobis prodesse, arcana operatione Spiritus.
- 2 De fide. vbi & definitio eius ponitur, & explicantur quæ habet propria.
- 3 Fide nos regenerari. vbi de poenitentia.
- 4 Quam procul absit ab Euangelii puritate quicquid de poenitentiâ garriunt Sophistæ in suis scholis. vbi de confessione & satisfactione agitur.
- 5 De supplementis quæ ad satisfactiones adiiciunt, nempe indulgentiis & purgatorio.
- 6 De vita hominis Christiani: ac primum, quibus argumentis ad eam nos hortetur Scriptura.
- 7 Summa vitæ Christianæ. vbi de abnegatione nostri.
- 8 De crucis tolerantia, quæ pars est abnegationis.
- 9 De meditatione futuræ vitæ.
- 10 Quomodo vtendum præsentī vitæ, eiusque adiumentis.
- 11 De iustificatione fidei, ac primò de ipsa nominis & rei definitione.
- 12 Ut seriò nobis persuadeatur gratuita iustificatio, ad Dei tribunal tollendas esse mentes.
- 13 Duo esse in gratuita iustificatione obseruanda.
- 14 Quale initium iustificationis & continui progressus.
- 15 Quæ de operum meritis iactantur, tam Dei laudem in conferenda iustitia, quàm salutis certitudinem euertere.
- 16 Refutatio calumniarum quibus hanc doctrinam odio grauare conantur Papistæ.
- 17 Promissionum Legis & Euangelii conciliatio.
- 18 Ex mercede male colligi operum iustitiam.
- 19 De libertate Christiana.
- 20 De oratione, quæ præcipuum est fidei exercitiū, & qua Dei beneficia quotidie percipimus.
- 21 De electione æterna, qua Deus alios ad salutem, alios ad interitum prædestinauit.
- 22 Confirmatio huius doctrinæ ex Scripturæ testimoniis.
- 23 Refutatio calumniarum quibus hæc doctrina semper iniquè grauata fuit.
- 24 Electionem sanciri Dei vocatione: reprobos autem sibi accersere iustum, cui destinati sunt, interitum.
- 25 De resurrectione vltima.

LIB. IIII.

DE EXTERNIS MEDIIS VEL ADMINICVLIS quibus Deus in Christi societatem nos inuitat, & in ea retinet.

CAPITA XX.

- 1 De vera Ecclesia, cum qua nobis colenda est vnitas: quia piorum omnium mater est.

- 2 Comparatio falsæ Ecclesiæ cum vera.
- 3 De Ecclesiæ doctoribus & ministris, eorum electione & officio.
- 4 De statu veteris Ecclesiæ, & ratione gubernandi quæ in usu fuit ante Papatum.
- 5 Antiquam regiminis formam omnino pessundatam fuisse tyrannide Papatus.
- 6 De primatu Romanæ sedis.
- 7 De exordio & incrementis Romani Papatus, donec se in hanc altitudinem extulit, qua & Ecclesiæ libertas oppressa, & omnis moderatio eversa fuit.
- 8 De potestate Ecclesiæ quoad fidei dogmata: & quàm effræni licentia ad vitiandam omnem doctrinæ puritatem tracta fuit in Papatu.
- 9 De Conciliis, eorumque authoritate.
- 10 De potestate in legibus ferendis, in qua sæuissimam tyrannidem in animas & carnificinam exercuit Papa cum suis.
- 11 De Ecclesiæ iurisdictione, eiusque abusu qualis cernitur in Papatu.
- 12 De Ecclesiæ disciplina, cuius præcipuus usus in censuris & excommunicatione.
- 13 De votis quorum temeraria nuncupatione quisque se miserè implicuit.
- 14 De Sacramentis.
- 15 De Baptismo.
- 16 Pædobaptismum cum Christi institutione & signi natura optimè congruere.
- 17 De sacra Christi Cœna, & quid nobis conferat.
- 18 De Missa Papali: quo sacrilegio non modò profanata fuit Cœna Christi, sed in nihilum redacta.
- 19 De quinque falsò nominatis Sacramentis: vbi Sacramenta non esse quinque reliqua, quæ pro Sacramentis hætenus vulgò habita sunt, declaratur: tum qualia sint ostenditur.
- 20 De politica administratione.

EXCVDEBAT ROBERTVS STEPHANVS GE-
NEVAE, ANNO M. D. LIX. XVII
CAL. SEPTEMBR.

59. 6.

letzte Beschreibung Calons.

= Rainmanns

(Calvin 7 1553)

